





北京大學《儒藏》編纂與研究中心

### 圖書在版編目(CIP)數據

儒藏. 精華編. 九二/北京大學《儒藏》編纂與研究中心編. 一北京:北京大學出版社,2014. 4

ISBN 978-7-301-11810-8

I.①儒··· Ⅱ.①北··· Ⅲ.①儒家 Ⅳ.①B222

中國版本圖書館 CIP 數據核字(2014)第 043498 號

### 書 名: 儒藏(精華編九二)

著作責任者:北京大學《儒藏》編纂與研究中心 編

責任編輯:沈瑩瑩 周 粟 魏奕元

標 準 書 號: ISBN 978-7-301-11810-8/B・0496

出版發行:北京大學出版社

地 址,北京市海淀區成府路 205 號 100871

網 址: http://www.pup.cn 新浪官方微博:@北京大學出版社

電子信箱: dianjiwenhua@163.com

電 話:郵購部 62752015 發行部 62750672 編輯部 62756694

出版部 62754962

印 刷 者:北京中科印刷有限公司

經 銷 者:新華書店

787 毫米×1092 毫米 16 開本 72.25 印張 676 千字

2014年4月第1版 2014年4月第1次印刷

定 價:500.00元

未經許可,不得以任何方式複製或抄襲本書之部分或全部内容。

版權所有,侵權必究

舉報電話: 010-62752024 電子信箱: fd@pup. pku. edu. cn

教育部哲學社會科學研究重大課題攻關項目

北京 大學「九八五工程」重點項目國家 社會科學基金重大工度出版規劃項目・重大工程出版規劃項目・重大工程出版規劃

# 《儒藏》精華編第九二册

首席總編纂 季美林

項目首席專家 湯一介

龐

總

編

纂

湯一介

樸

孫欽善 -

安平秋

(按年齡排序)

朱漢民

本

册

主

編

姜廣輝

### 儒藏 華編 凡例

則 爲 的 儒 典 家經典 中 籍 的 ·國傳統文化以儒家思想爲中心。 叢 和 編。 反映 收書 儒家思想、體現儒家經世 時 限自先秦至清代結束 《儒 做 人原

藏  $\mathbb{F}$ 的 精要書籍

、《儒藏

》精 華

編

爲《儒

藏

》的

一部分,選收《儒

外,

其他一

律

省

略

漢文寫 寫者 互見。 已收入入選的 分類法分類,大類、小類基本參照《中國叢書綜録 土文獻。 中國古籍善本書目》,於個别處略作調 三、《儒藏》精華編所收書籍,包括傳世文獻和 作的 律收其釋文文本。 出土文爆單 傳世文獻按《四庫全書總目》經史子集 儒學著作,編爲海外文獻部 個人叢書或全集者,僅存目録,並 列 爲 韓國、日本、越南儒學者用 個 部類,原件以古文字 類 整。 凡單 四 注 》和 書 書 部 出 明

> 不改編,保持原書的完整性 和 獨 立性

四

一、所

收

書

籍

的

篇

目

卷次,一

仍

底

本

原

貌不

選

編 五、對人選書籍 進 行簡 要校 勘 以 對 校 爲主

例,進行 主,酌校異同。 六、根據現 規範化 標點。 行標 校記 點 專名 力求規 符號 號除書名號用 用 範 法,結合古 精煉 籍標 角 號(《》)

點通

爲 勘 確

定内容完足、精確率

高

的

版

本

爲

底

本

精

選

有

校

價值的版本爲校本。

出校堅持少

/而精

以以

校

īΕ

落。 正文原已分段者,不作改動。 七、對較長的篇章,根據文字内容,適當 千字 以内的 劃 分段 短文

般不分段

及其 及整理 介紹作者生平、該書成書 他 八、各書卷端由整理者撰寫《校點説 有 時 關情況。 所確定的 重複出現的作者,其生平事蹟按 底本、校本(舉全稱後括注簡 背景、主要内 容 及影 明》, 響 簡 稱 要

九、本書用繁體漢字豎排,小注 律排爲單行。 出

現

順

序

前

詳

後

略

## 《儒藏》精華編第九二册

### 春秋總義之屬

春秋集傳〔元〕趙 :	春秋本義〔元〕程端與	春秋尊王發微〔北宋〕孫
	子.	孫
	:	復
春秋集傳〔元〕趙 汸	春秋本義〔元〕程端學	

837

# 春秋尊王發微

「北宋」孫 復 撰

<b>春秋尊王發微卷第四</b> 五一 <b>在秋尊王發微卷第四</b> 五一	尊王發微卷第三	桓公	隱公 ············· 六春秋尊王發微卷第一 ·············· 六		系先上基志名许予	孫泰山《春秋尊王發微》序 一春秋尊王發微附録 一	校點説明	目録	
	表公 ····································	<b>春秋尊王發微卷第十一</b> 一三七		春火享王凌汝尝有十	春秋尊王發微卷第九 ···················· 一〇五成公 ·········· 九五		重公	春秋尊王發微卷第六 ······················· 七五僖公 ·········· 五三	春秋尊王發微卷第五 五三

目

録

### 校點説明

孫復《春秋尊王發微》,是今存最早的宋代《春

核心主

題,在當世影響極大。

中丞。 治喪。 國子 富弼 連 屢試不第,遂結廬泰山,鑽研經術,授徒講學,尤精於 州平陽人(今山西臨汾),入《宋史·儒林傳》。 春秋》。 貶 官 知 孫復(九九二─一○五七),字明 直 孫 嘉祐二年(一〇五七)卒於家,宋仁宗賜錢 衆 一講,時 後聲名漸 復有經術、薦於朝廷、官除秘書省校書郎、 翰林學士爲之請,復其官爲直講,終至殿 在慶曆二年(一〇 起,石介等皆執弟子禮。 四二)。 復, 號 後因 范仲淹、 富 春,晉 早年 事牽 的

傳》)、《尊王發微》也非 孫 復以 孫 先 經術著名,但平生之志卻在用世,弟子石 生 非 隱 者 也。」(《宋 般解說經義之書,其間 史 • 儒 林 • 寄寓 孫 復 ^

據 了孫復對 但孫復之新意「尊王」思想卻成爲北 儘管解 周天子的權威,實是有感而發。 威 源、《宋史》本傳認 與 孫 五 經方法承襲了唐代談助、 復將「尊 代 戰 時局政治的獨特思考。 亂 之後,宋初 王」提 爲 到 「大約本於陸 前 亟 所 須鞏 未 有的 趙 至於孫復 固 在歷經唐末藩 匡、 新 宋《春秋》學討 1淳,而 高度,處 王 陸 朝 淳的 增 經 的 新 學 處 中 思 維 鎮 的 央 淵 護 權 割

《宋史 《尊王發微》。 時,樞、 (《歐陽修文集》) 這十五篇中包括了今本十二卷的 卷,陳振 祖無擇就其家,得其書十有五篇,録之,藏 整理的。 所見頗 春秋總論》一卷」,與晁氏說 尊王發微》是孫復病重期間 • 密使韓琦言之天子,選書吏給紙 有異同。 孫《直 藝文志》載「孫 歐陽修《孫 不過,關於《尊王發微》的 齊書 晁 録解 公武《郡 明復先生墓誌銘》云: 復《春 題》著録爲十五卷, 相 齋 秋 合。 讀書志》著録 尊王 由 弟子祖無擇 四 發微》十二卷 庫 筆。命 篇 館 卷,宋 於 臣指 爲 其 方 而元修 秘 十二 閣。 其 抄 元 人 X 病 録

+ 書尚 三卷。 復還有《三傳辨失解》, 大概很早就亡佚了。 述總十三卷,與歐陽 卷存世。 了《春秋總論》三 論》存世,也 尊王 此 得其書十有五篇」爲「得書十五萬言」。 Ē 書實爲十二卷,考《中興書目》别 存。」 萬言是 發微》十二卷約 蓋合之共爲十五 陳 值 值得 難 振 得注意的 足十萬之數,元修《宋史》改十五 孫 一卷。 商權的。 著録《尊王發微》十五 修 是,《宋史·藝文志》言孫 而時至元代、《春秋總論》僅 所謂 但 五 老爾。 萬 不著録於《宋史·藝文志》, 此外,元人程端學 五 十五篇者不合,本傳 千餘 今《總論》已 字, 有復《春秋總論》 設使《春 卷,可 可是,今本 佚, 指 能 遂改 篇 秋 復 出 惟此 包 孫 爲 總 著 含

盟於師 多《尊王 小,僅 四 庫全書》本。 在 兩 尊王發微》傳世主 ,盟於召陵」條 避 個 發微》也 諱 版 本 字等問 系 四四 統。 不 庫 題 例 , , 全書》對《春 外。 上 四 通 要有《通 略 志堂 庫全書》本删去三百二十 有 如 不 僖 經 志堂 同。 解 公四 秋 》類 經 問 諸 年 解 題 著 本 楚 》和《 作 最 間 屈 删 大 差 完 的 異 改 四 來 甚 是 甚 庫

書》本。 本,同 三字,僖公二十八年「夏四月已已,晉侯、齊侯、 擇了最通行 是剜改不少。 删去三百五十字。 秦師及楚人戰於城濮,楚師 經 清廷所 解 時選取了康熙十五年與乾隆五十年重 本 疾者,由 參 的 校, 孫復《尊王發微》强調 同治十年重修《通志堂經 此 又 至於其他 可見 重 點 對 斑矣。 敗績」條、《 校 夷狄」「蠻 T 文 筆者此 的 淵 「尊王攘 四 閣 夷」之處,更 解》本 庫全書》本 次校 ^ 修 四 宋 夷 通 爲 庫 點 志 而 底 全 選

爲

讀 限於學 者諸君不吝賜教。 識 ,筆者的 校點 定存在著不少問 題, 敬

請

堂

校 點 者 方 韜

### 春秋尊王發微附録

## 孫泰山《春秋尊王發微》序

始别 而卒。 故當時楊安國 器」者也。 《春秋》,著《尊王發微》十二篇,以 唐以前 命其門人祖 廷,召拜校書 范文正、富文忠兩公言先生道德經術宜在 出 宋晉州孫 新 諸 方先生卧 義,柳子厚所謂「明章大中,發露 爲《春秋》説者多本三《傳》,至陸 先生之書因淳 無擇就家 一郎、國子監直講,後官至殿中丞 謂 明復先生慶 其説戾先儒,而常秩亦言其 病時,天子從韓 録其書,藏於秘閣。 意 曆間 而 多 隱居 與 忠獻之言, 教授弟子。 先儒 泰 Ш 異 學 公 淳 案 朝

康

熙丙辰納蘭成德容若序

之,又豈可以説之異同而妄議之也哉! 是書,則《春秋》大義諸家所不及者先生 畏,終是得聖人意。」 繹二子之言,以 《春秋》者如陸淳、孫明復,推言治道,凛凛 侯大夫功罪,●以考時之盛衰,而推 傳註 儒 學,議者殊 失之刻,石林葉氏謂 治亂,得經之義爲多。」而朱子亦謂:「近 而論定。歐陽子言:「先生治《春秋》,不惑 不爲 **%紛紜。** 曲説以亂經。 雖然,群言異同,必 其不達經例,又不 其言簡 易,明 見 讀 質諸  $\pm$ 一道之 深禮 時言 獨 先 於 生 得 口

❶ 「明」,原脱,今據《殿陽文忠集》補。

### 舉 張 問 孫復狀 0

器, 依 著 應茂 被 孫 士 臣 近 將 奏。」臣觀國家居安思危,搜羅賢俊, 位,使民受賜,此安邦之正體 一曾到 作監 于 復 赦 書 又見兖州仙源 上 0 或 一 不 仕。 乞 封 材 文 出出 右 賜 異等科,再考中式,以父喪不得就試。 臣 滯 事,始霑國恩,職不稱才,衆知沉落。❸ 主簿張問,文學履行,有名 採 淹下位 御 擢, 伏 召 前,素負 心 覩赦書節文:「一 試 張 通聖 ,或滯草萊,委逐 問 特 縣 乞 加 奥,跡 詞 寄居孫復,元是開封 甄 除 業經術,●今退隱 獎。 在窮谷。 陜 應天 庶 西 也。 幾 藩 處 聖 鎮 具, 下, 伏 于 臣 朝 職 以 望 時 竊 事 懷 涣汗, 事 泰 府進 朝 充 見 由 材 官 Ш 試 狂 庶 聞 抱 前 0

此 懷 文 材抱器」原缺,今據四庫 作 者 爲 范 仲淹

0 0

0

落」、《范文正公集》作「俊」。 經術」上、《范文正公集》有「深明」二字。

歐 陽 文忠公

杖 嚴 也。 之,及其 之賢名。」于是乃許。 子,是高先生之行義 妻之。 先生疑焉,介與群 逾 道者石介,自 秋》,著《尊 下士久矣,今丞 重,不妄與人,聞先 屨侍左右,先 四十,家貧不娶,李丞 少 先 舉 生 往 諱 進 謝 王 復,字 1: 介而 發 也亦 不 微 生 相 中, 下皆以 **%** 明 然。 坐 不 復, 也,先 退 則 以 魯多學者 生之風,就 孔 魯人既素 立,升則降,拜 先 姓 居 給 弟子 相 弟子事 泰 孫 生 迪將 事 生 氏 進 山 貧 道 宜 其 。 晉 之陽, 賤 曰:「公卿 見之。 輔 大 以其弟之女 之。 高 而 爲 以 尤 州 此 欲 賢 人 成 先 平 學《 兩 則 剛 託 生 陽 介 派 而 扶 執 直 相 以 不 年 有 春 人 府 餘 税,徙泗 拜

人

上言: 孫某

行

爲

世法,經爲

人

師

不

宜

棄

判官公事

·, 通

判

陵

州

翰

林學

士

趙

概

等

Ť

州,又徙

知

河

南

府

長

水縣

簽

署

應

天

《詩》, 先儒,遂止 資 治,索其家,得 未 爲 相 由 校 孔 是始 政 得 學官,語 殿學 書郎、 其 將以爲 給 方也。」 識 事 士富 師 于 國子 亦 弟子之禮 七年, 侍講 朝 以 [弼言] 詩 慶曆 日 監 此 有 : 見 直 其道 先 徐 二年, 而 稱 先 生 講。 ,莫不嘆嗟之。 州 嫉 于 德 生 姓 人孔 之者 經 樞 非 士 名 嘗 一; 坐 密 隱 大 術 召 直 言 夫。 宜 副 者 其 見 温 貶 使 也 在 彌 以 講 監 。 欲 其 朝 范 英 説 狂 虔 而 廷,召 後 仲 謀 閣 多 仕 李 州 淹 説 捕 異 而 丞 商 介

事,天子臨 之遠 六,官至殿 祐二年七月某 方。 乃復 幸,賜 中 丞。 爲 H 或 以 以 先 緋 子 疾卒于家,享年六 生 監 衣 銀 在 直 講。 魚。 太 學 及 時 居三歲, 聞 爲 其 大 喪, 理 + 以 惻 有 嘉

春

秋尊王發微附

年,尚 爲多。 之盛 書 經。 原。 書吏,給纸筆,命其門人 之諸生相 然 月某日葬 十有五篇,録之藏于秘閣。 ,予其家錢 衰,而 其言簡易,明于諸侯大夫功罪, 先生治《春秋》不惑傳注,不爲 幼。 方其 先 與吊哭,賻治 銘 推見王道之治 病時,樞密使韓琦言之天子, 生于鄆 日  $\hat{+}$ 萬 州須 耐 公卿、 其喪。 城 祖 亂,得于經之本 縣 無擇就其家得 大夫、朋 廬 于 先生一子大 泉 是 鄉 以 曲 友、 以 之 某 説 考 北 以 年 太 其 選 義 時 亂 某 學 扈

衆説 月 薪 在 卑習前聞,有欲患之寡攻群。 斯文。 卒復光破昏。 ,有勇夫子闢 乘之汩其原,怪迂 聖 既 殁 經 更 浮雲。 博哉· 戰 焚,0 功利 百 刮磨 出 逃 無 雜 藏 蔽 窮垠 往往 僞 脱 蝕 真。 亂 相 ,有考其不 止燎以 吐 僅 後 吞 傳 生 存 膏 牽 日

此句、《歐陽脩全集》作「聖人既殁經更焚」。

0

74

### 《春秋尊王發微》序

月 文二 學遠識,屏置百家,自 操 獲與同僚參校,釐正謬誤凡一百一十九, 傳,名曰《尊王發微》。 多,而聖人之意愈不明。 墓誌銘,載之詳矣,此不復叙。 流傳既久,訛舛益多。安行假守滌陽,公餘 者,賞善罰惡,尊天子而已矣。 履 日鄱陽魏安行書于卷末。 百 學問,則有范文正公薦章、歐 六經皆先聖筆削,而志獨 一十四,命工鏤板以授學官。 得褒貶之意, 其辭 平陽孫明復先 簡,其義明。 在于《春 紹 奈何傳注愈 興辛未五 陽文忠 立 若先 爲 生 秋》 釋 奥 公 生 惜 訓

 $I_{i}$ 

## 春秋尊王發微卷第

孫 復 撰

即位。隱,謚也。隱拂不成曰隱。隱公,名息姑,惠公子,平王四十九年

元

年

春

 $\pm$ 

IE

月

變禮 公者 非 孔 無 絶 者 大,朝覲之禮不修,貢賦之職 所 爲 出出 子之作《春秋》也,以天下無王而 隱公 亂 束,賞罰之無  $\pm$ 非 樂者有之,弑君戕父者有 他 觀 遇 夫 禍 而作也。 東遷之後,周室 平, 平王 王東遷。 所 一之所 然則《 加 終 壞 春秋》之始于 平. 也。 法 微 既 易 不 紀 奉,號令之 弱 不 何者 諸 之,攘國 王 者有之, 作 周 侯 也, 隱 强 道

暗,歷 故《詩 之政 以 所 竊 IE. Œ 其始。元年書「王」,所以 欲治其末者必先端其本,嚴 侯之命》而絶者,天下無 離》而降者,天下無復有 而 而 Ŧi. 秋》自隱 公承惠,天子 以 焉 絶,《 號 死 等之制,雖 月」也。 大 中 ,中國之事,皆諸 者有之,征 Œ 孝逾 》自《黍離》而 夫生 春秋》自隱 之法從 始 公而始者,天 也 惠,莫能 隱 一猶有可 命 日 公曷 其 而 伐 也, 繼 可 本 誅 公而 世,而 几 降,《 爲 待 賞 既 中興,播 故 出 也,死 端,其 不 之, 下 侯 不 始 雅 書》自《文侯之命》 復 皆請 書 無 蕩 分裂之。 書「 端 故 也。 也。 有 即 然 復 本 其終者必先 則 始 蕩陵遲, 日 誥 即位」, 莫禁。 于天 位 有 也;「正 何所爲 元 既 《書》自 命也。《 詩》自《 王 Œ 平 子。 年 也 Œ 以 春 然後 逮 王 天 哉 月 也。 隱 Ξ Œ 文 黍 庸 夫

六

養成

段惡,至于用兵,此兄不兄、弟不

弟

0

三月,公及邾儀父盟于蔑。

斯蓋 盟 交作,於是列國 者,亂 周道陵遲,衆心離貳,忠信殆 世之事,故聖王 相與,始有歃血 在 上, 闃 要言之事 無 絶,譎詐 聞 焉。

獨 也。 爾。 字以别之。 儀父,字。 趙」,翠軌反。 莊二十三年「蕭叔朝公」,是 盟 凡書「盟」者、皆惡之也。 《春秋》之法,惡甚者日,其次者時,非 也。 以 附庸之君未得列 類 桓十七年, ●「公會邾儀父盟 而 求,二百 四十二年諸侯罪 於諸 邾,附 侯,故書 庸國。 于

夏五月,鄭伯克段于鄢。於晚反。

段,鄭伯弟。

案諸

侯

殺大夫

稱

人稱

國,殺

惡

輕重之跡

**焕然可得** 

而見矣。

蔑,魯地。

之者,見段驕悍難 世子母弟稱 力勝之辭。 段,鄭伯弟。 君,此 制,國 鄭 伯 弟 人莫伉也。 以 口 鄭伯之力始勝 知 也。 克者, 鄭 伯

> 也。 鄭伯兄不兄,段弟不弟,故曰「鄭伯克

段于 鄢」,以交譏之。 鄢 鄭 地

賵。 秋七月,天王使宰 方鳳反。 呾吁阮反。 來歸 惠公仲子之

九月,及宋人盟于宿 及宋人盟,皆微者也。 子士。宰,官。 賵,衣衾曰襚,珠玉 子」也。其曰「惠公仲子」者非 者稱及,不可言魯人故 襚」皆此義也。仲,字。子,宋姓 公之母爾。文九年「秦人來歸僖公成風之 稱夫人者,妾母不得稱夫人,故 仲子,孝公妾,惠公母。 天王使宰咺來歸惠公仲子之賵,非禮也 咺,名,天子之士名 曰 膊。 。惠公既君 也。 外微者稱人,内微 扶故反。 他,以 Ē 宰咺,天 ,仲子不 惠公仲 車馬 别 惠 E

「桓」,原作「威」,係避諱字,今回改,下同,不出校。

t

冬十有二月,祭側界反。 伯 來。

來也。 天子命則奔也。 17,天子 祭伯 加,不 私來,故曰「祭伯來」以惡之。 不言奔,非奔也,祭伯私 稱使者,非天子命也。 非

公子益師卒。

祭,國。

伯

爵。

者,此 禄也。 故獨卒内大夫以疾之。 之甯氏、孫氏、皆世 氏、樂氏、范氏,齊之高氏、國氏、崔氏,衛 既微,其制遂廢。 益 孫氏、季孫氏,晉之狐氏、趙氏、荀氏、郤 曰公子、公孫與氏,不以大夫目之者,惡 師,孝公子,内大夫也。内大夫生死 可謂 古者諸侯之大夫皆命于 世 禄者矣。 故魯之臧氏、仲 執 其  $\sim$ (政,莫 春 秋》詳 有 天子,周 命于天子 内略 孫氏、 外, 皆 叔 室 世:

一年春,公會戎于潛

公會戎于潛,聖王不作,諸戎亂華,●肆 居

> 凡書「會」者,皆惡之也。 有天 中 國, 子之事 與諸侯 不 优故。 得出 會 公會 諸 潛,魯地 侯,况 戎 于 潛,諸 會 戎 哉 侯 非

夏五月, 莒人入向。 舒亮反

土 莒,小國也。 人者,《春秋》小國 大,皆專 兵人向者,隱 地微陋,其禮不足故 丽 行 之,故 入者,以兵 桓 之際,征 卿大夫皆略 莒人以 也 人也。 伐 兵 用 人 師 稱 莒 向 人,以 或 小 其 無 或 其 稱 小 以

無 一、駭帥 師入極

秋八月庚辰,公及戎盟 國。 不能 無 駭,公子展孫。 誅 外莒人入向 ,此周室陵 遲 不氏,未 内 미 無 知 駭 也 帥 命 師 也。 人 極,天子 極 附 庸

于

唐

0 無人」。 諸 戎 亂 華, 肆 居中國」八字,四 庫 本作 明 堂失位,要

父,中國也。公與中國盟猶曰不可,與戎盟,不相信爾,故割牲歃血以要之。邾儀

盟于唐,甚矣! 唐,魯地。

九月,紀裂繻來逆女。 應以 《易》,咸卦兑上艮下。兑,少男,先下女, 也。 惡 迎之大,故斥言「紀裂繻來逆女」以惡 聖人感人心而天下 親迎之象也。 于渭,以啓周室,詩人美之。紀侯不知 不親 裂繻,紀大夫。 相 與。」又 迎 也。 故曰:「咸,感也。二氣感 曰:「天地感而萬 諸侯親 和平。」是以文王親 未命,故不氏。 迎,禮之大者,在 物化生, 之 迎 親

伯姬,紀裂繻所逆内女也。伯,字。姬,魯冬十月,伯姬歸于紀。

紀子伯、莒子盟于密。

姓。

婦人謂嫁日

歸。

紀本侯爵,此稱「子伯」,闕文也。《左氏》

说爾,汝不取焉。作「子帛」,杜預言「裂繻,字」者,蓋附會其

説爾,故不取焉。

一體,故志之也。子,宋姓。不地者,夫人隱公夫人也。夫人薨志者,夫人小君與君十有二月乙卯,夫人子氏薨。

鄭人伐衛。

薨有常處。不言葬者,五月而葬也。

故 大夫無內外,皆專而行之,其無王也甚矣。 際、諸侯無小大、皆專而行之、宣、成而下、 專之猶曰不可,况大夫乎? 希不失矣。」夫禮樂征伐者,天下國家之大 圍、人、取、滅,皆誅罪也。 經也。天子尸之,非諸侯可得專 諸侯出,蓋十世希不失矣, 自大夫出,五 出,天下無道,則禮樂征伐自諸 孔子曰: 孔子從 「天下有道,則禮樂征 而 録 之,正 以王 鄭人,微者。 法。 吾觀隱 凡侵、伐、 伐 也。 侯 自 出。自 桓之 諸侯 天子 世

三年春,王二月。

是也。 是也。 法,唯 IE. 「七年 十年 月 年 群 年春,王三月,紀叔 月己巳,日有食之」、「四 者二十,三月 人伐杞」之類是也。事在三月 事在 公之年,正 月」、十一年「春,王正月」之類是也。 戊申,宋督弑 春,王三月,叔 春,王 元年 事在 Œ 時 月則書正月。「桓二年 不以 無 二月則書二月。 IE. 月書王者九十二,二月書 書 事 月 其 有 則書首月,莊五 王 庚 君 事 者 申, 姬 與夷及其大夫孔父」、 姬 無 歸 曹伯 歸 事 十七。 年春,王二月,莒 于 ·皆書 于紀」、「莊 酅 此年 終 則 生卒」之 王 <u></u> 音 年「春,王 春 擕 書三月。 春,王 正 春「王二 秋》 月 之類 十 二 正 類 餘 之  $\pm$ 

己巳,日有食之。

也 日 不言 言 日 . 朔者。 不言 朔, 凡 失 日 食言 其 朔 日言 世 0 朔,食 言 朔 不 IE. 朔

> 秋》詳 日, 十 五 其日 也。 正朔 「莊二十五 也。 廢厥職,或失之先,或失之後。 《夏 此皆曆象錯亂,攝 公十二年「三月庚午, 先時 失 「桓十七年冬十月朔, 「桓三年秋 也。 年夏五 也。「莊 其 而 者 殺 録 日 此年二月「 之,以 無 年六 也。 、赦,不 月 + 日 不言 八年三月 月辛 七月壬 IE. 提 有 及 其 無紀,周 食之」, 己巳, 未 日 罪 《時者殺無赦。」故《春 日有食之」,失其 不言 辰 朔 朔,日 日 日 日有食之」,失 日 朔, 日 室 有 有 有 朔 食之」,「僖 不 有 食之」,僖 日 食之」, ·綱,太· 俱 書》 朔 食之」, 失 俱 史 朔 失

三月庚戌,天王崩。

卒 五 平王也。天子崩、諸 書葬者,非常 代,不可 月 而 不見也。 葬 此禮 也。 是故 之常 天 子 侯 崩 天 也 卒皆志 王崩 七 , 故 月 不書 書葬者 者,受終易 而 葬,諸 凡 侯

僖、頃是也。桓、襄、匡、簡、景書葬者,皆惠、定、靈是也。不書崩不書葬者三,莊、桓、襄、匡、簡、景是也。不書葬者四,平、

弱、失不告也。失不告崩,故葬不可得而也。莊、僖、頃不書崩不書葬者,周室微非常也。平、惠、定、靈不書葬者,皆得常

書也。然則襄王而葬書者,惡内也。案:

八

月庚辰

,宋公和卒。

冬十有二月,齊

侯、

鄭

公子遂如晉,葬晉襄公」,八年「八月戊申,文六年「八月乙亥,晉侯驩卒」,「冬十月,

襄王」,魯皆使卿會,是天子諸侯可得而齊天王崩」,九年「二月叔孫得臣如京師,葬

也。故書襄王之葬以惡内。

夏

(四月辛卯,尹氏卒。

也。 家 誓》曰「 尹 氏 父 刺 周 天 罪 既 出出 子卿。言氏者, 人 失道,其政亦然。 王之詩也。 以 族,官人 稱「尹氏太師 以 世」,夏商之 起 案:《節 其 世 也 南 維 亂 Ш  $\sim$ 泰 周  $\approx$ 政

> 者,因其來赴誅之也。 之氐」,則尹氏世卿,其來久矣。見于此

秋,武氏子來求賻。

武氏子來求賻者,武氏子父死未葬,故來武氏,世卿也。其言武氏子,父死未葬也。

求賻。賻不可求,來求,非禮也。

伯盟于石門。

石門,齊地。

癸未,葬宋穆公。

其歲 生死 室陵 者皆惡之也。禮,天子崩,稱天命以謚之; 書葬者九十三,不書葬者四十一。 之筆也。《春秋》書諸侯之卒葬者,豈 夫赴告弔會,史策之常也, 貶惡誅 遲,諸 以 時、從其赴告弔會而已哉? 聖王之法治之也。 侯 僭 亂,變古易常,驕 是故 諸 蹇 侯之卒, 亂 凡書葬 蓋 聖師 不 徒紀 以 . 道 唐

爵 僭 故 請 葬 君。 諸 圃 又 孔子 謚 也 勸 侯 極惡大,貶不書葬,此 薨,請 善 于 不請 Ŧi. 從 也 天子,皆 月 而録之,正 受大名,小行受小 而 謚 謚 東遷之後,其 葬,書者 于天子 於 天子, 自謚 以王法。 ; 不 之, 皆自 大 請 非 禮 耐 夫卒,受謚 謚 例之常。 謚 遂 又 名 也 之。 唯吴楚之君 廢 「; 所 僭 稱 非 諸 以 公焉 宋,公 獨 徽 于 侯 惡 之 其 不

四年春王二月,莒人伐杞,取牟婁。

婁。 年人 月莒人伐杞,取 向,天子 牟 妻, 杞 不能 邑 誅 牟婁,甚之也。 故 此 肆 然伐 杞 苔 人 取 牟

戊申,衛州吁弑其君完。

州 餘 隂 積善之家 殃 始 吁 不氏 凝 也 臣 弑 未命 必 馴 其 致 君,子 有 也。 其 餘 慶 道  $\wedge$ 弑 ~, 至 易 其父,非 積  $\forall$ 堅 日 不 履 冰 善之家, 也 霜 朝 义 堅 必  $\Box$ 冰 有 夕 :

氏不登于

史策,故稱

人以

誅之。

文十六

年

下,亂 弑君 法從 時紀 堅冰 也。」斯 之故 弑 完,莊 故 竭 之,弟弑其兄者有之,婦弑 秋之世,臣弑 戒 而 陳 君 稱 力 不已 也 夏徴 盡 則 也 則 而 綱 名 臣 其 誅之。 蓋以 八 聖 能 稱 稱 氏 既 賊 舒 遂 年「 所 輔 人 若辨之不早,則鮮 名氏 人 以 絶, 子 弑 成 教 由 臣子之惡始于 以 齊無 誅 其 交軌 其 其君者有之,子 于 蕩 其誅之也罪惡 人 來 誅 以誅之,謂 之。 不逮, 苞藏 君 弑 然 君 者 之。 知 逆之 平. 乎天下 莫禁。 御 漸 此 弑 或 臣子,防微 微 矣, 其 年 禍 者 之 君 也, 大 其 禍 微 由 孔 衛 類 諸 如 不 謂 夫 夫者有之, 而 心 子 辨 有 州 故 弑 是 履 兒」,宣 及 體 非 以 積于漸 懼 之 吁 其父者 以 矣。 霜 也 杜 大 或 肆 萬 不 弑 聖 而 漸 一; 夫, 其 王 世 微 其 早 + 大 故 至 之 名 者 年 君 能 夫 之 是 有 春 于 深 辨

定十三年「薛弑其君比」之類是也 弑 下乖離,姦宄並 類 商人」,襄三十一年「莒人弑其君 宋人弑其君杵臼」,十八年「齊人弑其君 **淫**也。 ·其君庶其」,成十八年「晉弑其君州蒲 可誅也,故稱國 衆弑 君則 作,肆禍 以誅之。文十八年「莒 稱 或 者非一,言舉國之 以 誅 之。 衆,謂 密州」之 Ŀ

夏,公及宋公遇于清

衛 于 遇者,不期也。不期 土,非享覲 邂逅 地。 清」者,❶惡 相遇,適我願兮」是也。 不得 其 逾 自 境。 恣, 出 而會曰遇。《詩》稱 此言「公及宋公遇 人無 諸侯守天子 度。 清,

宋公、陳侯、蔡人、衛 宋公、陳侯、蔡人、衛人伐鄭。 人伐鄭 秋, 暈帥 師 會

師 夏,宋公、陳侯、蔡人、衛人伐鄭。 會宋公、陳侯、蔡人、衛人伐鄭。 秋,翬 内外連 帥

> 兵,肆然不顧,以疾于鄭,其惡可知也。 衛稱人。 稱人,微者。 翬不氏,未命 也。

九月,衛人殺州吁于濮。 音卜。

州吁出入自恣也。 公被殺至此八月,惡衛臣子緩不討賊,俾 稱 人以 殺,討賊亂也。 濮,衛地。 其言 「于濮」 者, 桓

冬十有二月,衛人立 晉

人可得立也,故曰「衛人立晉」,以誅其惡。 人舉公子晉立之。諸侯受國于天子,非國 人者,衆辭。 立,非正立也。 嗣子有常位,故 州 吁既死,衛 或 不言立。 無君,故 或 言

五. 天子,無非 觀魚非諸侯之事也。 年春,公觀魚于棠。 事者,動 1巡狩。 必 天子適諸 有爲 也。

侯,諸侯

朝

故《孟子》

曰:「天子適諸侯曰

巡狩者,巡所守

0 「宋公」,原作「衛侯」,據四庫本改。

四

不 職 也 給。 也。」是故春 諸侯 隱公怠棄 朝 于天子曰述職。 省 耕 國 而 政 補 存 不 觀 足,秋省斂 魚于棠, 述職者,述 可 而 所 謂 助

夏四 月,葬衛 桓公。

非

事

者矣。

棠,魯地

几 [月葬。

秋,衛 考,成 師 也。 仲子,惠公母,隱公祖 九月,考仲子之宫。 母。

考仲子之宫祭之。元年「天王使宰 天王使宰咺 來歸惠公仲子之賵」,故隱 旧 來 歸 公

子之宫祭之,此又甚矣。 惠公仲子之賵」,非禮也。 夫宗 隱公以是考仲 廟有常, 故

公夫人之廟 皆不書焉。 此 年 「考仲子之

皆譏其變常

宫」,成六年「立武

宫」,定元

年「立煬宫」,

初獻 六羽

初 始也。 羽,舞者所執 大雉之羽 也。 其

> 言 宫,初獻 以見其僭天子之惡。 八佾,孔子不敢斥 稱羽者,婦人之宫不用干舞 初獻六羽」者,魯僭 六羽」,則群公皆 也。 Н. 故 用 經言 用 天子 大 此 「考仲子之 禮樂, 佾 减 用 可 六羽 知 舞 也 則

邾 人、鄭人伐宋。

唯

邾序鄭上者,邾主乎伐宋 也

螟。

元

年

螟,蟲 灾 也。 食苗 心 日 螟, 食 葉 曰 蜮,

食節 曰賊,食根曰 孟

冬十有二月辛巳,公子彄苦侯反。 公子疆,臧僖伯也,孝公子。 卒。

宋人伐鄭,圍 長葛

九月,邾人、鄭人伐宋,故宋人伐鄭,圍長

葛。 長葛,鄭 邑

六 年春 鄭 人 來 輸 平。

其言 來 輸 平」者, 鄭 人來輸 誠 于 我, 平. 四

特

年 暈會諸 侯伐 鄭之怨也。 平者 釋 憾

夏五月辛酉,公會齊侯盟于艾。

艾,魯地。

秋七月。

《春秋》編 年 必 具 川 時, 故雖 無 事皆書首

月,不遺時 也

冬,宋人取長葛。

伐、言圍、言取,悉其惡以誅之也。 宋人前年伐鄭,圍長葛,此而取之。 長葛,鄭邑,天子所封,非宋人可得取也 故言

七年春王三月,叔姬歸于紀。

也。 叔姬,伯姬之媵,至是乃歸,待年父母 媵 書者,爲莊十二年「歸 于酅」 音 或

起。

滕 侯卒。

不日不名者,滕入春秋爲小國之君,卒或

足,略之也。

日不日,或名不名者,以其微弱,其禮不

夏,城中丘。

是故城一邑,新一廏,作一門,築一囿,時 城邑宫室,高下大小皆有王制,不可妄作。

及霄」,僖二十年春「新作南門」,定二年冬 行父帥師城諸及鄆」,定十四年秋「城莒父 與不時皆詳而録之。 五年夏「城祝丘」,莊二十九年冬十有二月 城諸及防」,文十二年冬十有二月「季孫 此年夏「城中丘」,桓 時,謂

得其時者其惡小,非其時者其惡大。此聖 周之十二月,夏之十月,非此不時也。 人愛民力、重興作、懲僭忒之深旨也。 十月「新作雉門及兩觀」之類是也。

中

丘,魯邑。

齊侯使其弟年來聘。

列 或 相 聘,非禮也。 斯皆東遷之後,諸侯

入祊。

聘。 而屈 横恣,連衛自固,以相比 也、故 小國力弱可致,大國 是故大國聘而 但使大夫來聘,結歡 周,乃 不 地廣兵衆不可 . 朝 小小 有 通 或 玉 問 朝 帛交聘 而 而 릲 得 不

凡書者,皆惡之也。

可知也。凡伯,天子卿。凡,國。伯,爵。同列國之君,使凡伯來聘,此桓王之爲天子能興衰振治,統制四海,以復文武之業,反天王使凡伯來聘,非天子之事也。桓王不秋,公伐邾。冬,天王使凡伯來聘。

戎伐凡伯于楚丘以歸。

楚丘 凡 伯 衛 寓 衛 地。 戎伐 地 以 凡伯 楚丘 以 者,責 歸,言: 衛 伐 不 能 用 救 兵 也。 難

八年春,宋公、衛侯遇于垂。録「以歸」者,惡凡伯不死位

垂,衛地。

三月,鄭伯使宛來歸祊。必彰反。 庚寅,

我

歸」。定十年「齊人來歸鄆、音運。讙、龜隂祊,鄭邑,天子所封,非魯土地,故曰「來

可歸,魯不可入也。鄭人歸之,魯人受之,田」,皆此義也。先言歸而後言入者,鄭不

命也。

其罪

一也。

人者,受之之辭。

宛不氏,未

夏六月己亥,蔡侯考父卒。辛亥,宿男卒。

秋七月庚午,宋公、齊侯、衛侯盟于瓦屋。

此言「庚午宋公、齊侯、衛侯盟于瓦屋」者,

八月,葬蔡宣公。歃血要言,自是卒不可制也。瓦屋,周地。甚之也。諸侯日熾,紛紛籍籍,相與爲群

三月而葬。

九月辛卯,公及莒人盟于浮來。

夫盟,内斥言公,外大夫稱人,惡在公也。公與莒人盟,非莒人之罪也。凡公與外大

此 年「公及莒人盟于浮來」,成二年「公及

楚人、秦人、宋人、陳人、衛人、鄭人、齊人、

曹人、邾人、薛人、鄫 不言公,外書大夫名氏,惡在 十有二年「及齊 高傒盟 人盟于蜀」 于防」,文二年「及 大夫 是也。 也。 莊 内

晉 處父盟」是也。 浮來, 莒地。

螟。

冬十有二月,無駭卒。

不氏,未命也。九年挾卒,同此。

九年春,天王使南季來 聘。

南 季,天子大夫。 南、氏。 季,字。

三月癸酉,大雨震電。

庚辰,大雨于付反。

雪。

既大雨 周之三月,夏之正 震電,又不當大 一月也。 雨雪。 未當 大 甚哉! 雨震 電, 八

日 之間天變若此 也

挾卒。 郎, 魯地 夏,城 郎

秋七月。冬,公會齊侯于防。

防,魯地。

十年春王二月,公會齊侯、鄭伯 此言「二月公會齊侯、鄭伯于中 于中 丘」者,公 É.

末年出入無度,不顧憂患于 内,數會諸侯

于外也。 十一年時來之會同 此

夏,暈 敗宋 師 帥 于菅。 師 會齊 古顔 人、鄭 反。 人 辛未,取郜。 伐 宋。 六 月壬 告。 一戌,公 辛巳,

取 防。

夏,暈 ·帥師會齊人、鄭人伐宋。 六月壬戌,公

敗宋師于菅。 公與 辛未,取郜。 辛 已,取 防。 甚 而

秋、宋人、衛人入鄭。宋人、蔡人、衛人伐戴。 取二邑,故君臣並録以疾之。菅,宋地

鄭伯 伐 取之。

宋人、蔡人、衛 之師既退,鄭伯見利忘義,乘 人伐戴。 戴,小國 戴之弊,伐而 也。 或

七

取之,其惡 可 知 也。

帥

師會齊人鄭人伐宋,六月壬戌「公敗

師于菅」,辛未取郜,辛巳取防。

此

年五

月

宋

「公會鄭伯于時來」,秋七月壬午「公及

齊

冬十月壬午,齊人、鄭人入郕。

郕,小國。

十有 年春,滕 侯、薛侯來 朝

斯皆周室不競,干戈日尋,以大陵小,小 諸 侯 朝天 八子,禮 也。 諸侯朝諸侯,非 禮 也。 或

侯、鄭

伯

連兵

自

恣,以

爲不道,其

惡

若

侯鄭伯

入許」。

甚

· 矣 !

公二年之中

與

齊

也。 朝 也、宋、衛敵也。 魯 齊、晉、宋、衛未嘗 而 滕、薛、邾、杞來朝,奔 滕、薛、邾、杞來朝奔 來朝魯者,齊、晉 走 而 不 走 暇 盛 而

不得

已而爲之爾。

是故齊、晉、宋、衛

未嘗

也。 不暇者,土地狹陋,兵衆寡弱,不 《春秋》之法,諸侯非有天子之事 能 與 不 魯 得 伉

夏五月,公會鄭伯于時來。

踰

境

凡書朝者、皆惡之也。

時 來 鄭地

秋 七月 前年二月公會齊侯、鄭伯于 壬午,公及齊侯 鄭 伯 入許 中丘

夏暈

冬十有一月壬辰,公薨。 此 也。

公薨 不 地, 弑 也。 孰 弑之? 桓 公 弑 也

曷爲不言 桓 公弑 ? 内 諱 弑 也。 故 弑 君之

隱雖 故不 賊皆不 書焉 見弑,其臣子請謚于周,以 書 焉。 不言葬者,以 侯 侯禮 禮 而 葬 而 葬, 也。

春 秋尊王發微卷第

後 學 成 德 校 訂

巴陵 鍾 謙 鈞 重 刊

## 春秋尊王發微卷第二

孫 復 撰

年即位。桓,謚也。闢土服逺曰桓。 桓公,名允,惠公子,隱公弟,桓王九

元年春,王正月,公即位。

即位、常事。書者、桓弑隱自立、非天子

命也。

三月,公會鄭伯于垂。

垂,衛地。

鄭伯以璧假許田。

也。鄭與許接壤,故鄭伯以璧假其田。二許田者,許男之田也。天子所封,不可假

國擅假天子之田,自恣若此,然猶愈乎用

夏四月丁未,公及鄭伯盟于越。

兵而

取也。

故

 $\exists$ 

鄭伯

以璧假

許

田

越,衛地。

秋,大水。

人,痔患症;症,痔寒症;减,痔寒症;症;症,偏叙,則休驗應之,❶故曰:肅,時雨若;水不潤下也。昔者聖王在上,五事修而彝

時風若。聖王不作,五事廢而彝倫攸斁,又,時暘若,哲,時燠若,謀,時寒若,聖,

則咎驗應之,故曰:狂,常雨若,僭,常暘

春秋之世多災異者,聖王不作故也。然自若,豫,常燠若,急,常寒若,蒙,常風若。

惟日食與内災則詳而書之,外災則或舉其矣,悉書之則不可勝其所書矣。是故孔子隱迄哀,聖王不作者久矣,天下之災異多

,或舉于齊、鄭、宋、衛,則天下之異從可

■「驗」,四庫本作「徵」。

1

0

見 矣。

冬十月

大夫孔 二年春  $\pm$ Œ 月, 戊 申 · , 宋督弑 其君 與夷 及其

鄭 弑 此言 字者,天子命大夫也。 命 又 甚之之辭 殺 祭 其 于天子,故 其大 仲、魯單伯、陳女叔之類是也 君與夷及其大夫孔父」以 「宋督弑 夫孔 也。 春 其君 父, 督 秋 肆 與 列 可 禍 (夷及其大夫孔父」者, 或 謂 古者諸侯之大夫皆 心,既 時 甚 或有之,宋孔父、 矣。 弑 誅之。 故 其 日「宋 君 與夷 孔父 督

滕 子 來 朝

子, 滕 也 也 又《春秋》杞或稱侯 稱 稱 降 滕 子者,案杞,公爵也。 伯, 也 或 降也。 稱 侯 或 或 稱 此蓋聖王不作,諸侯自 稱 侯,或 或或 子。 稱 伯 稱 稱 滕、薛, 伯 侯, 或 稱 IE. 稱 子 皆 也 皆 侯 也。 IE. 稱 降

> 恣,朝 子從而 不 備 ,其惡可 或 會 録之,以 以 不 侯 常 禮 見 彼三 而 其 朝 亂 國者 或 也 以 力既 伯 滕子 子 不 而 朝弑 足, 故 禮 多 孔

知

三月,公會齊侯、陳侯、鄭 侯、鄭 之討 既而 弑 公會齊侯、陳侯、鄭伯于稷,本爲宋討 宋亂,受賂 殺 陳夏 君之賊諸侯皆得 己,故 不討者,督弑 伯于稷 徴 舒 翻 而 返 然 以成宋亂」者,惡 是 也 與 也 督 殤 討之,宣十 公, 比 此言「公 伯于稷, 周 桓 弑 同 惡 隱 會 以 不 相 亦懼 成宋 年「 討 齊 濟 侯、 賊 諸 以 楚 亂 賊 也。 陳 侯

秋七月,杞侯來 夏四月,取郜大鼎于宋。 之賂 大廟」 其言 以 者 夏 事 甚 四 于周 月 之也 朝 取 公之廟 郜 桓 大 弑 鼎 戊申 ,可謂甚矣。 逆之人,受督 于 納納 于大 戊 申 廟 弑 納 逆 于

滕子不月者,與督弒同月。

蔡侯、鄭伯會于鄧。 七月杞侯來朝,九月魯人入杞,皆非禮也。 九月,入杞。

不出主名,微者。

公及戎盟于唐。冬,公至自唐。

至」者,春秋亂世,諸侯出 案:公行一百七十六皆不以 入無 度,危之 事,舉

Ŧ

也。

其或往返踰時釁深惡重者,則書其「至」以

危之,餘則否焉。 是故書「至」者八十

二也。

一年春正月。

也。 此年從其出會齊侯以正其罪。 正始,二年宋督弑其君與夷,非桓之事,故 能誅,若曰此正朔非天王所 也。此不王而月者,桓弑隱自立,天子不 群公之年書月則書王,明此正朔天王所班 不于元年二年見其罪者,元年方端 班 有桓 之所 本 出

公會齊侯于嬴

嬴,齊地

夏,齊侯、衛侯胥命于蒲 要盟之事,古者諸侯非王事不踰境。 齊侯、衛侯相命于蒲,非正也。

雖無

() 歃血

衛地。

六月,公會杞侯于郕。 魯前年入杞,公今會杞侯于郕,自恣若此。

秋七月壬辰朔,日有食之,既。

言日言朔,食正朔也。 之,隂侵陽,臣侵君之象也。 既,盡也。 凡日食,人君 日 有食

皆當戒懼,側身修德以消其咎。

故《夏書》

公子暈如齊逆女。 公會齊侯于讙。 辛卯。 夫馳,庶人走」、《小雅》曰「十月之交,朔日 曰「乃季秋月朔,辰弗集于房。 瞽奏鼓,嗇 日有食之,亦孔之醜」,是也 九月,齊侯送姜氏于讙。

\_

哉 ! 是時 佐君 樂而 公子 之,以懲 故自隱而 喪陳,上下化之,滔滔皆是,不 · 暈 氏 文姜亂 子致《關 不 蓋傷周室陵遲,婚姻失道,無賢女輔 ·淫,哀 以戒,爲 者, 下,夫人内女出處之蹟皆詳 魯 桓 雎》后妃之德,以化天下也 而 驪姬 公命 不 萬 傷。」孔子之言, 也。 惑晉,南子 世 法。 孔子 噫 ! 日 미 傾 : 悉 衛  $\overline{ }$ 夫夫 贵 了夏姬 舉 弱 徒 而 也 雎 婦 録 然

> 夫 人 姜 氏 至 自 齊

于讙 此 齊 ,不以讙至者,不與公受姜氏于讙 侯送姜氏,公受之于讙也。 公受姜氏

冬,齊侯使其弟 年 來 聘。 有 年

故曰「夫人姜氏至自齊」,以

Ē

其

年也 桓立十八年, 書者,著桓公爲國不能勤 唯 此言「有年」者, 是 民 未 務 農 嘗 若 有

兀 年 是 也 春正月 、公狩 于 郎

物 以 以 豈徒肆盤遊逐 狩,冬田 由 Ŧi. 不忘危,治不忘亂,講 供宗廟 穀 禮謂之暴。 時 此聖人之深 傷, ,殺必由 不可 也。 之鮮 禮。 天 惟荒 不 下, 禽獸 子諸 戒也。 捕 以 田 也。 也 而 除 侯 不以 已哉 妨 稼穡 武 常 四 故 于 經 事 因 時 農, 時謂之荒 之害。 而 必 書者,周  $\mathbb{H}$ 惟 然禽獸多 教 以 田 暴也 民 捕 者 故 殺 蓋 之, 戰 之正 殄 田 也。 則 不 必 安

卿,父

母

送

女

不

踰

境。

公

既

使公

子

置

逆

女,齊侯

送姜氏

來也,又自往會

非

禮

口

知

也。

渭

門則諸

侯親

迎

其所來

也遠矣。

此言「公

之家「在洽之陽、在渭之涘」。

文王

親

迎

于

是故昬禮之重,莫重

乎親

迎。

 $\wedge$ 

詩》

稱

大

姒

子暈如

齊

逆女」,「齊

侯

送

姜氏

于

讙

公

會齊侯

于

讙

占。皆

非

禮

也。

諸

侯

親

迎

不

使

婦,

風

教之始,

人

倫之本

也

可

不

重

乎

?

月公狩于郎,不時也。月,夏之十一月也。四時之田用孟月。正

夏,天王使宰渠伯糾來聘。

桓公弑逆之人,桓王不能誅,反使宰渠伯宰渠伯糾,周大夫。渠,氏。伯糾,字也。

糾來聘,此桓王之爲天子可知也。下無一

時,脱之。七年同此。

五年春正月甲戌、己丑,陳侯鮑卒。

戌之下有脱事爾,且諸侯未有以二日卒此言「甲戌己丑陳侯鮑卒」,闕文也。蓋甲

者也。

夏,齊侯、鄭伯如紀。 天王使仍叔之子來聘。

「仍叔之子來聘」者,父在使子之辭也。仍叔,周大夫。仍,國。叔,字也。其曰

葬陳桓公。城祝丘。

祝丘、魯地。

秋,蔡人、衛人、陳人從王伐鄭。

人者,衆辭。 伐之, 拒而不服, 此鄭伯之罪不容誅矣。 尊之。尊桓王,所以甚鄭伯之惡也。 人、蔡人、衛人、陳人伐鄭」,僖二十六 不使天子首兵也。 也。 同姓諸侯,密邇畿甸,桓王親以三國之衆 也。故曰「蔡人、衛人、陳人從王伐鄭」以 爲不使首兵? 天子無敵,非鄭伯可得伉 楚人戰于柏舉」,皆曰「以」,此不使天子首 「公以楚師伐齊」,定四年「蔡侯以吴子及 桓王以蔡人、衛人、陳人伐鄭,鄭伯叛王 兵可知也。桓王親伐下國,惡之大者。 其言「蔡人、衛人、陳人從王 案十四年「宋人以 一伐 鄭」者, 夫鄭 齊

大雩。

謂之大者,雩于上帝也。天子雩于上帝,無六月雩者。建午建申之月,非常則書。雩,求雨之祭。建巳之月,常祀也。故經

斥也。 蕩蕩 是 牛之口傷,改卜牛,牛死 酉吉禘于莊公」,僖三十一年夏「四月, Ш 諸 卜郊,不從,乃免牲」,宣三年春王正月「郊 六年「八月壬午大閱」,閔二年「夏五月乙 録之,以著其 僭之從可見矣。 夏五月壬 考仲子之宫,初獻六羽」,此年秋「大雩」, 時 百 侯 零于 ,諸侯之僭者多矣。 周室既微,王綱既絶,禮樂崩壞,天下 神 其或災異非常改作不時者,則 其旨微矣。 禮 Ш 辰,雉門及兩 也。 Ш 僭天子之惡。隱五 百 然《春秋》魯史,孔子 雩于上帝,非禮 神。 魯,諸侯也, 雩于山 觀災」之類是也。 乃不郊」,定二年 舉于魯, 也。 年九 則 從 諸 不 噫 月 川 敢 而 侯 !

**麵**。 音終。 嗚 呼!

冬,州公如曹。 蟲 ,災也。

> 六年 春 IE. 月, 寔來。

闕 極考其説,義皆未安。 年「冬,州公如曹」,下 寔來」,其間文有脱漏 文也 三傳咸謂 寔來州公者,以 無 竊 異 謂 事言 州 公如 之爾 E 承 然 Ŧi.

夏四月,公會紀侯 于郕

也。

秋八月壬午,大閲

簡 八月,不時也。 車 馬。 八 月,不 大 閲, 時 可 非 知 禮 也。 也。 大閱、大蒐 大閲 仲冬

謂 天子 田

蔡人殺陳佗。

佗殺. 稱 人 太子自立 以 殺 討 一,故蔡 賊 亂 也。 人 誘而殺之。 先 儒 言陳 侯 然經 鮑 無

九月丁卯,子同生。

所見

也。

辭 同 世世 也。 嫡,桓: 桓 弑逆之人,罪當誅絶,故以 一公子。 其 日 「子同· 生」者, 無 無 父 父

之辭書之,所以甚桓公之惡也。

冬,紀侯來朝。

七年春二月己亥,焚咸丘。

焚者,火之也。咸丘,附庸。以人攻之猶

曰不可,火之則又甚矣。

夏,穀伯綏來朝。 鄧侯吾離來朝。

《春秋》之法,諸侯不生名。 生名,惡之大

朝」,十五年「鄭伯突出奔蔡」,莊十年「荆 者也。此年「穀伯綏來朝。 鄧侯吾離 來

敗蔡師于莘,以蔡侯獻武歸」,僖十九年

王后于紀。

邢」,昭十一年「楚子虔誘蔡侯般,殺之于 宋人執滕子嬰齊」,二十五年「衛侯燬滅

伯綏、鄧侯吾離不能致討,反交臂而來朝, 申」是也。桓大逆之人,諸侯皆得殺之,穀

八年春正月己卯,烝。 故生而名之也。

烝,冬祭也。春興之,非禮也。祭祀從夏

時,周之正月,夏之十一月也。四時之祭

用孟月。

天王使家父來聘。

家父,天子大夫。家,氏。父,字。

夏五月丁丑,烝。

夏五月丁丑烝, 瀆亂之甚也。

秋,伐邾。

冬十月,雨于付反。雪。 不出主名,微者。 祭側界反。公來。遂逆

三公。書者,爲遂事起也。其言「祭公來」 天子不親迎,取后,則使三公逆之。祭公,

紀,魯受命主之,故祭公來謀逆后之期。 者,祭公來謀逆后之期也。桓王取后于

逆之,不可專也。祭公不復命于王,專逆 期,既謀之,則當復命于天子。 其曰「遂逆王后于紀」者,祭公來謀逆后之 命之逆則

<u>一</u> 五

者,王后重矣,非諸侯夫人可得齊也,故不王后于紀,故曰「遂」以惡之。不言「逆女」

言「逆女」也。

九年春,紀季姜歸于京師。

也。 言齊姜歸于京師。 此 者,不與「祭公遂逆王后于紀」也。 字。案:襄十五年「劉夏逆王后于齊」,不 不曰「王后 下母,取之逆之皆天子命,非人臣 前年祭公所逆王后 「祭公遂逆王后于紀」,非天子命,故 歸于京師」,而曰「紀季姜歸于 此言「季姜歸于京師」 也。 姜、紀姓。 可得 王后 季, 專 天

于

郎。

京

師

世也

疾,使其世子射姑來朝,非禮也。 諸侯相朝猶曰不可,況使世子乎? 曹伯

十年春,王正

月。

近月、直成 至。此年書「王」者,王無十年不書也。十年無

王則人道滅矣。

公會商民戶兆定,弗遇。 庚申,曹伯終生卒。 夏五月,葬曹桓公。

秋,公會衛侯于桃丘,弗遇。衛侯不來,安公會衛侯于桃丘,弗遇。

冬十有二月丙午,齊侯、衛侯、鄭伯之也。桃丘,衛地。

來

戰

兵于我也。 不道之甚,故以三國自戰 知矣。 來戰于郎,不言侵伐者,不 不出主名者,三國 郎,魯地。 地 爲 以 無故加 與齊、 文也 魯則 魯與 衛、 兵于我 戰 鄭 加

惡曹。 十有一年春正月,齊人、衛人、鄭人盟于

秋

七

月,

葬

鄭

三月而葬。

九月,宋人執鄭祭側界反。仲。突歸于鄭。鄭

忽出奔衛。

以亂于鄭,故奪其爵。祭仲字者,天子命宋人,宋公也。宋公執人權臣,廢嫡立庶

以亂 大夫也。 于鄭,故 突,忽庶 奪 其 弟。 爵。 突不正,歸 祭仲字 者, 于鄭 天 子 無 命

宋偪脅逐忽立突,惡之大者。況是時忽位惡文者,惡在祭仲爲鄭大臣不能死難,聽

既定,以鄭之衆,宋雖無道,亦未能畢制命

于鄭。 忠 見逐失國之事哉? 臣 良士,終以死亡者,謂此 仲能竭 其忠力以 故《揚之水》閔 距于宋,則 也。 忽之 嗣 忽安 子 既 無 有

葬,稱子。鄭莊既葬,忽不稱子者,惡忽不

柔會宋公、陳侯、蔡叔盟于折。之設切。

能

嗣先君,未踰年失國也,故參譏之。

也。案:諸侯母弟未命爲大夫者,皆字。 柔不氏,内大夫之未命者。蔡叔,蔡侯弟

蔡」,莊三年「紀季以酅入于齊」之類是也。年「許叔入于許」,十七年「蔡季自陳歸于此年「柔會宋公、陳侯、蔡叔盟于折」,十五

折,魯地。

公會宋公于夫音扶。鍾。冬十有二月,公會宋

公于闞。口暫切。

夫鍾, 郕地。闞, 魯地。

十有二年春正月。夏六月壬寅,公會杞侯、

莒子盟于曲池。

月壬辰,陳侯躍卒。公會宋公于虚。音墟。冬秋七月丁亥,公會宋公、燕人盟于穀丘。八

十有一月,公會宋公于龜。

曲池、魯地。穀丘、虚、龜、宋地。

再言丙戌者,羨文也。此盟與卒同日爾。丙戌,公會鄭伯盟于武父。丙戌,衛侯晉卒。

**11.1、後の下さま。」ま、残っま。** 且經未有一日而再書者,此羨文可知。

十有二月,及鄭師伐宋。丁未,戰于宋。

宋,丁 宋鄭、宋公 于虚 于鄭,突既 此 七月會宋公、燕人盟 初,宋人 公及鄭 · 音墟。 未戰于宋。 執 伯伐 不 十有一 鄭 而 可, 背 祭 宋也。 宋 仲 乃 地 月又會宋公于龜 與 逐 與 以宋,則宋與 于穀丘,八月會 魯、故宋 昭 鄭伯 不言 公,立 盟于武 公者,諱 公子 鄭 交 戰 父 怨 突 之 將平 可 以 宋 以 也 公 伐 知 親

故以 也。 之,此年「及鄭 魯鄭 不出主名者,不與公及鄭伯伐宋也, 自 戰 爲 師伐宋」、「丁未,戰 文。 凡公專尸 其 于 事 宋」、 則 諱

戰 于乾時」之類是也。

十七年「及齊

師

戰于奚」、莊

九年「及

齊

師

齊侯、 師、 + 有三年春二月,公會紀侯、 宋公、 衛侯、 燕人戰。 鄭 齊 伯。 師、 宋 己己 師、 及 衛

燕

師

敗

績

帥 以 衛、燕與宋伐魯。 郎 之戰未得志 于魯,因宋鄭之仇 魯親 紀 而 比鄭 也,故 故

> 衆也 不道之甚。 未葬 以 會紀 敗 四國之 侯、鄭伯 惠公出戰,其 書者,惡 郎戦 師。 及 齊師 七國 在十 不 惡 地 年。 無 可 者 衛 名之衆 戦 知 師、 宋 于 燕 師 魯 殘 戰 也 民 稱 燕 以 師 師 衛 戰 宣

三月, 葬 衛 宣 公。 夏, 大 水。 秋 七 月。 冬

十月。

十有四年春正月,公會鄭伯于曹。 是謂 無冰 ,時燠 不哲,厥咎舒 也。 《五行 、厥罰常燠。 傳》曰:「視之不 無 冰 明

夏五

正之哉 脱 中之法,豈 孔子作《春秋》專其筆削,損之益之以成 漏 爾 ? 其 此 日月舊史之有闕 云 夏五」無月 者,後 者 不 人 隨 傳 而 之 刊

鄭 伯使其弟語 來 盟

來盟者,求盟於我 也。

秋八月壬申,御廪災。乙亥,嘗。

與災之餘而嘗也。以不時與災之餘而嘗,言「八月壬申御廩災。乙亥嘗」者,以不時嘗,秋祭也。周之八月,夏之六月也。其

人、蔡人、衛人、陳人伐鄭。 冬十有二月丁巳,齊侯禄父卒。 宋人以齊

此

桓之不恭也甚矣!

道 舉」,皆此義也。 穀」,定四年「蔡侯 而 或 案:十二年及鄭師伐宋,丁未戰于宋。 陳人伐鄭。「以」者,乞師而用之也。 人怨突之背己也,故以齊人、蔡人、衛人、 ,其惡亦可見矣。 伐鄭爾。 本不出 師,宋以力弱不足,乞四 僖二十六年「公以楚師 然四 以吴子及楚人 國從宋伐鄭,助 戦 伐 或 謂四 其不 于栢 齊取 之 宋 師

天王使家父來求車者,諸侯貢賦不入周十有五年春二月,天王使家父來求車。

室,材用不足也。

三月乙未,天王崩。

桓王也。

奔蔡。 夏四月己巳,葬齊僖公。五月,鄭伯突出

蔡。 突,厲公也。篡忽立,國人不與,故 來奔」之類是也。 十三年「莒子庚興來奔」,哀十年「 出奔蔡」,昭二十一年「蔡侯朱出奔楚」,二 奔亡之禍者,皆生而名之。此 淫虐結怨于民,上下乖離,播 凡諸侯不能嗣守先業以 越 墮 年「鄭 失 厥 地, 緒 邾子益 荒 伯 出 自 奔 突 取 怠

鄭世子忽復歸于鄭。

出 歸」,或書「人」,或書「復人」。 于鄭」者,明忽世嫡 鄉曰「鄭忽出奔衛」,今曰「鄭世子忽復 奔 與 、執,其 反國 也,或書「歸 當嗣 也。 歸者,善也。 凡 」,或書 「復 諸 侯大夫

自晉 季自 也。 歸之之善 歸,不善也。 陳歸 是故復入重于入,入重于復歸,不若 歸于宋」之類是也。「復歸」不善者, 于蔡」,成十五年「宋華户駕反。 也。 書「歸」善者,桓 人者,惡也。 復入者 十七七 年「 I, 甚惡 元 蔡

莊六年「衛侯 此言「鄭世子忽復歸于鄭」,僖二十八年 衛 元 咺 自 晉 復 朔人 歸 于衛」是也。 于 衛」,襄三十年「鄭良 「人」惡者,

霄自 成十八年「宋魚石復入于宋彭城」,襄二十 三年「晉 許 人鄭」之類 樂 盈 復 入于晉」之類是也。 是也。 「復入」甚惡者, 忽世

反。伐鄭。

之,以其進退在祭仲而不在天子也

世子忽其奔也,祭仲逐之,其歸也,祭仲反

嫡當嗣,其言不善者,諸侯受國于天子,

鄭

許 叔 入于

許,不言出者,非大夫也。 叔 ,許男弟。 人者,惡 人也。 非大夫故略之。 許 叔 入于

> 凡不言出者皆此 義 也。

公會齊侯于艾。 邾人、牟人、葛人來 朝

于蔑 皆微國之 」,莊二十三年「蕭 君。 案 : 隱元年「公及邾 叔朝公」, 皆字。 儀 父盟 此

秋九月,鄭伯突入于櫟。 音歷

稱人者,賤其相與朝弑逆之人,貶之也。

鄭世子忽復歸于鄭,故鄭伯 突入于櫟以

偪

之。 櫟,鄭邑。

冬十有一月,公會宋公、衛侯、陳侯于袤,昌始

衰,伐鄭。 將 納突在 櫟,故 **袤**,鄭 地 公會宋公、衛侯、

陳

侯

于

于曹。 十有 六年 春 正月,公會宋公、蔡侯、衛侯

未見 納 突,故 復 會 |于此

夏 \四月,公會宋公、衛侯、陳侯、蔡侯伐 公與宋、衛、陳、蔡之君比 音被。 謀,連兵伐 鄭

鄭納突,其惡 可 知 也。

秋七月,公至自伐 鄭。

助篡伐正,踰時而

返。

冬,城向。舒亮反

周之十月,夏之八月也。 不時也。下言十一月,則 城向 在十月矣。

十有一月,衛侯朔出 百奔齊。

衛侯不道,國人逐之,出奔。

黄。二月丙午,公及邾儀父盟于趙。翠軌切。 十有七年春正月丙辰,公會齊侯、紀侯盟 于

黄,齊地。 趙,魯地

夏五月丙午,及齊師戰于奚。

此公及齊師戰也。不言公者,諱之。莊九

邾人戰于升陘」刑。皆此義也。奚,魯地。

年「及齊師戰于乾時」,僖二十有二年「及

遂如齊。

六月丁丑,蔡侯封人卒。秋八月,蔡季自陳

歸于

季無惡,故曰「歸于蔡」,所以與許叔異也 于蔡者,桓侯卒,蔡季當立,時多篡 蔡桓侯無子。 季,桓侯弟也。 其言自陳歸 **奪**,明

癸巳,葬蔡桓侯。

蔡,侯爵。 書者,不請謚 也。

及宋人衛人伐邾。冬十月朔,日有食之。

不言日,失之也。

十有八年春,王正月。

桓 無王,元年、二年、十年、十八年書「王」

者、《春秋》之法,「王」無十年不書也。十

年無王則人道絶矣。是故二百四十二年,

「王」無十年不書者也。

公會齊侯于濼。盧篤、力角二反。公與夫人姜氏

濼之會,夫人在是也。不言公及夫人會齊

侯于濼者,夫人之行甚矣,不可言及也。 不可言及者,公弗能制也。後言「公與夫

人姜氏遂如齊」者,啓其致禍之由 爾。

宜哉。 位,而與之外如彊齊,以取弑逆之禍, 《易》稱:「女正位乎内,男正位乎外。男女 正,天地之大義也。」桓公不能内正夫人之

夏四月丙子,公薨于齊。

齊侯與夫人姜氏通,使人賊公,公薨于齊。 不言弑者,諱之也。

己丑,葬我君桓公。 丁酉,公之喪至自齊。秋七月。冬十有二月

者,此臣子自謚,以公禮而葬也。 九月而葬。桓、謚也。 其曰「葬我君桓公」

春秋尊王發微卷第二

後學 成德 校 訂

巴陵鍾謙 鈞重刊

## 春秋尊王發微卷第三

孫 復 撰

莊 莊公名同,桓公子,莊王四年即位。 溢 也。 勝敵克亂曰莊。

元年春,王正月

不書即位者、莊繼桓、天子命也。 閔、僖亦

如之。

三月,夫人孫于齊。

氏孫于邾」,昭二十五年「公孫于齊」是也。 孫。此年「夫人孫于齊」,閔二年「夫人姜 夫人,文姜。不言姜氏,貶之也。其言「孫 文姜曷爲孫于齊? 文姜與桓公接,練時 于齊」者,諱奔也。内諱奔,公、夫人皆曰

> 矣。 故孔子去姜氏以貶之,正王法也。 臣子 雖不可討,王 法其 可不 誅 乎?

懼其

與祭,以是孫于

齊

也。

文姜之惡甚

夏,單伯逆王姬。

公不辭,非子也,故交譏之。 與齊主婚,非禮也。 師逆王姬也。 王姬。不言如京師者,不與公使單 天子嫁女於齊,魯受命主之,故使單伯 魯桓見殺于齊,天子命莊公 莊公以親讎 單,采 可 伯 辭 如京 而莊 地。 逆

秋,築王姬之館于外。 伯,字。天子命大夫。

于外」,此公之惡從可見矣。 主也。「夏單伯逆王姬」,「秋築王姬之館 之館于外」。與其築之于外,不若辭 婚姻也。 此言「築王姬之館于外」者,知齊讎 魯主王姬者非一也,王姬之館故有常處 知齊讎不可接婚姻,故「築 不 ·可接 而 王 姬 勿

可知也。不書「天」者,脱之。榮叔,周大生不能討,死又追錫之,此莊王之爲天子不罰,天下所以亂也。桓弑逆之人,莊王賞所以勸善也,罰所以懲惡也。善不賞惡

反。部吾。 齊師遷紀、郱、蒲丁反。鄑、子斯王姬歸于齊。齊師遷紀、郱、蒲丁反。鄑、子斯

夫。榮,氏。叔,字。

齊欲滅紀,故遷其三邑。

二年春王二月,葬陳莊公。夏,公子慶父帥

師伐于餘丘。

秋七月,齊王姬卒。 于餘丘,附庸國。

忘父之讎,既主其嫁,又主其卒,不子之外女不卒,此卒之者,公主其卒也。莊公

甚也。

夫人姜氏會齊侯于禚,非禮也。禚,齊地冬十有二月,夫人姜氏會齊侯于禚。酌。

乙酉,宋公馮卒。

溺,内大夫之未命者。衛侯朔在齊,故三年春王正月,溺乃狄反。會齊師伐衛。

夏四月,葬宋莊公。五月,葬桓王。

會師伐衛。

溺會齊師伐衛,謀納

朔

也

溺

禮,天子七月而葬。桓王十五年崩,至此

秋,紀季以酅攜。人于齊。乃葬,甚矣。

字者非他,諸 兄之親,取兄之 所封,非紀季 紀季,紀侯弟也。酅,紀侯邑也。酅,天子 叔、蔡季之類是也。 侯之母 可得有。 邑以 弟 事 未命者皆字爾。 于 齊欲 齊,其惡 併紀,紀季亡 可知 也。

欲救紀也。滑,鄭

地。

能

死難,畏齊强脅,棄之而去,此其可哉

!

四年春王二月,夫人姜氏享齊侯于祝丘。

其曰「夫人姜氏享齊侯于祝丘」,甚之也。享,當時兩君相見之禮,非夫人所宜用也。

祝丘,魯地。

三月,紀伯姬卒。

諸 紀伯姬,隱 侯絶傍期,姑 二年 姊 紀 妹 裂 女子 繻 所 嫁 逆 于國 内 女 也。 君者,尊 禮,

内女不卒之。此卒者,爲下「紀侯大去其與己同,則爲之服大功九月,常事也。故

國」、「六月齊侯葬紀伯姬」起。

夏,齊侯、陳侯、鄭伯遇于垂。 紀侯大去

其國。

大去其國者,身與家俱亡之辭也。案:元

土,有社稷之重,人民之衆,暗懦龌龊,不一于齊」,齊肆吞噬,信不道矣。紀侯守天子年齊師遷紀郱、鄑、郚,二年「紀季以酅人

俱亡者也。 猶有其國家在焉爾。 其都城矣。不言出奔者,非 國」以惡之也。 身去而 國家 不名者,以見齊襄脅逐而去。 盡 爲 不言齊 齊有, 若紀侯者,身與國家 滅 故 者 奔 紀 齊師 也。 侯 大 未 奔者, 嘗 去其 加

六月乙丑,齊侯葬紀伯姬。

道、逐紀侯而葬伯姬、生者逐之、死者葬紀無臣子、故「齊侯葬紀伯姬」。齊侯不伯姬、内女、紀侯夫人也。紀侯大去其國、

之,甚矣。齊侯之詐也若此。

秋七月。冬,公及齊人狩于禚。

父之讎不共戴天,莊公父親爲齊殺而遠與

齊人狩。

文姜不安于魯,故如齊師。直曰五年春王正月。夏,夫人姜氏如齊師。

如

齊

師」,不爲會禮也。

秋,郑五兮切,國後爲小邾。黎來來朝。

郳 「蕭 附 叔 朝 庸 也。 公」是也。 附 庸之君 此 名者,以 例書字,二十 其 土 地微 三年

冬,公會齊人、宋人、陳人、蔡人伐衛。

陋

,其禮不足,賤之也。

是也。公與諸侯連兵,不顧王命伐 朔,故貶諸侯曰某人某人。 齊,故天子不使反衛,明年王人子突救 侯伐衛納朔也。 此諸侯伐衛納朔也。 朔行惡甚,國人逐之,奔 不言納朔者,不與諸 人諸侯 則 衛納 公之 衛

六年春王正月,王人子突救衛。

惡從可見矣。

朔奔齊在桓十六年。

王人,微者也。稱子,尊王命也。 尊王命

夏六月,衛侯朔入于衛

所以重諸侯之惡也

師 勝諸侯之師 六月衛侯朔入于衛,王人子突不勝諸侯之 也 諸侯連兵伐衛,王人子突救之,不 ,故衛侯朔得入于衛,天子之

> 威命盡矣,公與諸 「伐」言「救」言「入」以著其 侯 之罪不容誅 惡 矣, 故言

秋,公至自伐衛。 螟。

拒天子伐衛

冬,齊人來歸衛俘。

衛,故衛寳先入于齊。齊人歸之,魯人受 此衛寶也。 其言齊人歸之者,齊本主兵伐

之,其惡一也。

七年春,夫人姜氏會齊侯于防

防,魯地

夏四月辛卯,夜恒星不見。 夜中,星隕如 常星,星之常見者也。 常見而 不 户 , 此 異

雨

墜者衆也

之大者。

隕,

墜也。

夜

中星

隕

如

雨

謂

隕

秋,大水。無麥、苗

「無麥苗」。 水不潤下,麥與禾黍之苗 非謂一災不書,傷及二穀乃 同時 而 死, 故 書

此言 師」。《春秋》用師多矣,未有 夏,及齊師 齊主兵圍郕 師還者,惡其與强 韋 ,制命在齊也,故 . . 其言「郕降 讎 覆 日 于 同 言「師還 |「郕降 齊 姓 師」者, 踰 .于齊 時

齊師

還也

冬,夫人姜氏會齊侯于穀。

殺菽」是也。

此聖人指其所災而實録

爾。

也。

傷一穀亦書,定元年冬十月「隕

霜

師

還。

冬十有一月癸未,齊無知弑其君諸兒。 無知不氏,未命也。 諸兒,襄公。

九年春,齊人殺無知

0

齊人 案:隱四年「衛人殺州吁于濮」,此不 即 于國内 殺之也。 稱人以殺,討 地者,

將

而

公及齊大夫盟于

兢。

其器切。

賊辭。

「公會諸侯晉大夫盟于扈」,晉大夫不名, 之罪也,故斥言公而不名齊大夫。文七年 公忘讎不復而與齊大夫謀納糾,非齊大夫 公及齊大夫盟,納 糾 也。 不 名齊大夫者,

無

夏,師及齊師

韋

郕。

成。

郕

降

于

齊

師。

秋,

皆 此 義 也 蔇 齊 地

夏,公伐齊,納 子 糾。 齊 小白人于齊。

夏,公伐齊,納子糾。 其言「齊小白入齊」

者,小白争立也。 無知之亂,管仲、召忽以

公子糾來奔,鮑叔牙以公子小白奔莒。

小

白自莒先入,故曰「夏,公伐齊,納子 糾。

齊小白入于齊」也。 言入者,皆非世 嫡。

九 月 而 葬。 秋七月丁酉,葬齊襄公。

八 月庚 申,及齊 師戰于乾音干。 時,我 師 敗績。

齊納讎人之子,喪師于此,此惡之大者,諱 此公及齊師 戰于乾時也。不言公者,公伐

之也。 文。 蓋後 内不言敗,此言「我 人傳授妄有所 增爾 師敗 績」者,羨

九月,齊人取子糾,殺之。 論 語

仲不死。」此言「齊人取子糾殺之」者,子 一丘。 秋九月,荆敗蔡師于莘,以蔡侯獻 》稱:「桓公殺公子糾,召忽死之,管

之,甚矣。 糾,桓公兄,其 故曰「 次當 齊人取 立 柯 桓 子糾,殺之」,所 公争 或 取 而 以 殺

重桓公之篡也。

冬,浚洙。音殊

洙,水也。浚,深也。 冬浚洙,畏

齊也

十年春王正月,公敗齊師 于長勺。 音杓

喪師 報乾時之戰 乾時,不自 也。 斥言公者,惡其伐齊納 悔過,復敗齊 師 于此 也。 糾

長勺,魯 地

二月,公侵宋。

公既 敗 齊師 于長勺,又退而侵宋, 結 怨

三國。

三月,宋人遷 宿, 微 國。 宿 天

夏六月,齊師、 口 知 宋 子 師次于郎。公敗宋師 封之, 宋人遷之, 舞 其 于 乘 惡

敗蔡師 春 荆 與夷狄獲中 于莘,獲蔡侯獻舞歸 秋 肆 于幸,以蔡侯獻舞歸」者,荆敗蔡 禍 復 · 國 甚 也,0故 聖王 不 爾。不言「獲」者,不 曰「以蔡侯獻舞歸」。 作故 也。 此 言「荆 師

爲

中

或

患

也久矣。

自方叔

薄

伐之後,人

名者,惡遂失國。 莘,蔡地。

冬十月,齊師 滅 譚。 譚子奔莒。

言出,國滅無 譚,小國 者,譚本無 齊師滅之,故譚子奔莒。 惡 所 也。 也。 言奔,責不死社稷。 不名 不

于鄑。子斯反。 十有一年春王正月。 夏五月戊寅,公敗宋師

出

也。公二年之中三敗齊、宋之師,可謂 此言「五月戊寅公敗 宋 師 于鄑」者,甚之 甚

秋,宋大水。

矣。

部,魯地。

水不潤下也。 春秋之世災異多矣,不可悉

> 反。退飛,過宋都」,昭十八年「宋、衛、陳 之異也。 大災」,僖十六年「隕 書,故外災或舉其一,或舉其二,以見天下 此年秋「宋大水」,二十年「秋,齊 石于宋,五。六鷁五力

冬,王姬歸于齊。

鄭災」之類是也。

者,惡公忘父之讎,再與齊接婚姻 群公受命主王姬者多矣,唯元 年 也 ·與此

書

十有二年春王三月,紀叔姬歸 于酅。 音

紀叔 四年紀侯大去其 姬,伯姬之媵 國,叔 也。 姬 酅,紀季 至 此 而 之邑也 歸 于 酅

而 者,歸于季也。 歸于季,非其所歸也,亂也 歸者,嫁辭。 以 伯 姬 之媵

夫仇 夏 四 牧。 . 月。 秋八月甲午,宋萬弑其君捷及其大

0 夷狄」,四庫本作「蠻荆」。

0

之辭 萬 不 也。 氏 未 與 命 桓 也 年 宋 及 个督義 其 大 口 夫 仇 牧 甚 之

冬十月,宋萬出 一奔陳

出 弑 君 奔 之賊當急討之。 陳,宋之臣子緩不 萬 討 八月弑莊公,十月 賊 若 此

于北 + 有 杏 年 春,齊侯、宋人、陳人、蔡人、邾 人會

夷狄 也。 北 杏 救 之會 桓 中國 公 既 桓 以 人,乘 公獨書爵者,孔子傷 尊 周 天子衰 室,乃合宋 季 將 人、 霸 周 陳 諸 道 之 侯 蔡 絶 攘 秋

必先待之重,故北杏 人、邾人于此,首 圖 大學。 之會 獨 夫欲 書 其 責 之 爵 深 以 者 與

夏六月,齊人滅遂。

北杏,齊

地。

哉 ? 功未 此桓 見,滅 公滅遂 桓 公貪土 人小 也。 地之廣,恃甲兵之衆,驅 國 其 貪 稱 自 人 封 者,以其救 殖 ,貶之也 中國 之 逐 何

> 九年伐 實假 邢,二年遷陽,皆 徐,二十八年伐衛,三十年降鄣,閔元 + 狥者,小則侵之伐之,甚 會 逼 國。 四 脅以 ,要之以 年伐宋,十五 尊周之名以 我 强 7.西鄙 制 盟 諸 , 臨之以 侯 ,二十年伐 自封 年 稱人 懼 伐 其 殖 威 那,十 爾。 未 以以 ,東之以 則執之滅之。 戎 盡 切 二十六 六 故 從 責 此 年 也 力。 之。 伐 年滅 約 鄭 年 年 有 之 遂 救 伐 其

小

七月。

冬,公會齊侯盟

于

柯

桓 冬,公會齊侯 既 滅 遂,懼 盟 其 (見討 于柯。 也,故 公不 盟 及 北 于 此 杏之會, 柯,

齊 地

+

有四

年

春,齊.

人、陳人、

曹

人

伐宋。

諸 侯伐宋,宋人背北 杏之會 也

夏,單音善。 伯會伐宋

此 公使單伯 :會伐宋: 也。 桓 以 諸 侯伐 宋本

不期會,魯自畏齊桓,故夏使單伯會伐宋。

三國稱人獨書單伯者,吾大夫不可言魯人

火 ニョ・判し

故

也

秋七月,荆入蔡。

荆入蔡,齊桓未能救中國也。

冬,單伯會齊侯、宋公、衛侯、鄭伯于鄄。音眷。

伯 此 于郵 桓 既 也。 服宋,會單伯、宋公、 經 以 單 伯主會 陳侯、 爲文者, 衛 侯、 凡 會 鄭

盟,公或大夫往則皆以魯主會爲文。《春

于某。十五年「齊侯、宋公、陳侯、衛侯、鄭 | 秋》,魯史故也。内不與則曰某人某人會 |

黎、衛北宫喜、曹人、邾人、滕人會于扈」之伯會于鄄」,昭二十七年「晉士鞅、宋樂祁

十有五年春,齊侯、宋公、陳侯、衛侯、鄭伯會類是也。 鄄,衛地。

齊侯既死,文姜不安于魯,故如齊。

于鄄

夏,夫人姜氏

如齊

秋、宋人、齊人、邾人伐郳。

宋主兵,故序齊上。即,宋附庸,叛,故

伐之。

鄭人侵宋。冬十月。

十有六年春王正月。夏,宋人、齊人、衛人

伐鄭。

序宋下者,與伐郳義同。 鄭背鄄之會侵宋,故齊桓帥諸侯伐之。

齊

秋,荆伐鄭。

荆伐鄭,桓未能救中國可知悉 荊代羹

也

冬十有二月,會齊侯、宋公、陳侯、衛侯、鄭

伯、許男、滑伯、滕子同盟于幽。

可皆不見公,故于此一諱之也。 焉。不言公者,諱之也。然桓會多矣,不 伐鄭之後兵威既振,于是諸侯乃相與畏服

邾子克卒。

邾稱爵者,始得王命列爲諸侯也。

十有七年春,齊人執鄭詹。

不言 同 十二月與鄭伯 稱人以 盟? 以 執、惡 歸者,秋 不 稱 桓也。 行 同 人者,會未 盟于 鄭詹自 詹不氏,未命也。 幽 而 齊逃來,以 春 歸 執鄭 而 見執 詹,安用 歸 也。 可 桓

知也。

夏,齊人殲于遂。

人戍之而不戒焉,此自戕之道也。噫!|齊人殲于遂,不戒也。齊侯滅人之國,使

齊人殲于遂,自殲也。鄭棄其師,自棄也。

秋,鄭詹自齊逃來。

鄭詹自齊逃來,未得歸于鄭也。言逃來,

懼齊之甚。

冬,多麋。忙悲反。

十有八年春王三月,日有食之。麋,山澤皆有,言多者,以多爲異爾。

不言朔,不言日,日朔俱失之也

夏,公追戎于濟西。

侵伐者,明不覺其來,已去而追之也。至于酅,弗及。先言侵而後言追,此不案:僖二十六年齊人侵我西鄙,公追齊

書

師

者、譏内無戎備。

**蜜含沙射人爲災。** 

秋,有聲。又作蜮,音或,

短狐

也

冬十月。

陳人之婦于鄄,遂及齊侯、宋公盟。十有九年春王正月。夏四月。秋,公子結媵

會晉荀罃、齊崔杼、宋華元、衛孫林父、 以安社稷利國家專之可也。 盟,故曰「遂」以惡之,非謂大夫 之婦,不受命 媵書者,爲遂 公子遂如京 事起: 師 與 遂 齊 也。 侯、宋公盟。 如晉」,襄二 公子結受命 案: 僖三十 年「仲孫 出 結 境 矯 媵 有 命 陳 曹 年 蔑 口 專

社 非 牢」,孔子皆譏之,何獨 齊人、宋人、陳人加兵于魯,非所謂可 師 以書至鄄爲出境乃得專之,則公子遂自 稷利國家 出 如晉,仲孫 邾人、滕 境也哉? 人、薛· 也。 蔑會晉荀罃自戚城虎牢,豈 況秋 陳稱人者, 媵不當書,故 人、小邾人于戚,遂城 與齊侯、宋公盟 與公子結 也? , 而 以 安 若 虎 久

夫人姜氏如莒。冬,齊人、宋人、陳人伐我

略言之也

西

鄙

文姜行惡,比年如莒。一十年春王二月,夫人姜氏如莒。桓帥宋、陳伐我西鄙,討鄭詹也。

夏,齊大災。

災,火災也。言大者,其災甚也。

二十有一年春王正月。夏五月辛酉,鄭伯突秋七月。冬,齊人伐戎。

月,葬鄭厲公。 卒。秋七月戊戌,夫人姜氏薨。

八月而葬。

二十有二年春王正月,肆大告。 常者也。 況諸侯乎? 赦之辭也。 肆,放也。 「赦過宥罪」,此天子之事也。 告, 莊公肆大告,非正也,亂法易 書》 過 也。 稱「告災 肆 大告 肆 赦 者 所景反 天子尚 罪 惡 易》曰 無 不

癸丑,葬我小君文姜。陳人殺其公子御寇。 《春秋》之義,非天子不得專殺。 得 則 皆命于天子,諸侯不得專命也。 百 夫者四十七 人殺其公子御寇」者,譏專殺也。 請 四 專殺,況世子母弟乎? 十二年無天王 于天子,諸 也。 侯 何哉? 不得專 殺大夫文,書諸 ?殺也。 古者諸 春秋之世, 大夫 侯 大夫猶 此言「 之大 是故二 侯 國 有 殺 夫 無 不 罪 大 陳

IJЦ DП

之以 專殺 大小 誅 之,其 ·, 其 其 卿 惡。 大 無 夫 王 觀 士 也 其 皆 甚 專 專 矣 殺 命 之罪 ! 之, 故 雖 孔 有 子 罪 從 無 而 重 罪 而 輕 録 皆

之惡有 之也。 殺 三。殺 大 夫 不 世 以其 子 母 罪 弟 則 則 稱 稱 或 君 一,稱 一,稱 或 君 者 者 次 甚

之也。 殺 有 罪 則 稱 人, 稱 人 者又次 之 也。

子 ·申生」、襄二十六年「宋公殺其世子痤 年「晉侯殺 其 世

殺

世子

母弟

稱

君者:

僖五

也。 才禾反。 殺 大夫 三十年「天王 不以 其 罪 殺其弟佞夫」之類 稱 國 者 僖七 年「 鄭 是

殺 其大夫申 侯」、文六年「晉殺 其大夫陽 處

父」、宣九年「陳殺其大夫洩冶」之類是也。

殺 有 罪 稱 人 者 此 年 陳 人殺其公子御 木反。

昭 寇 八年 二、 文 九年 陳 晉 殺 其大夫公子過」之類是也。 人 殺 其 大夫士縠」、户

春秋》未 有以 Ŧi. 月首時者,此言「 夏五月」 夏

Ŧi.

月。

者,蓋 五. 月之下 有 脱 事 爾

七 月 丙 申 ,及齊高 傒 盟 于 防

秋

此

公盟

也。

不言公者,高

傒

伉

也。

高

傒

敵

公而 盟,伉孰甚

冬,公如齊 納 幣

母喪未終,其惡 口 知 也

二十有三 年 春 公 至 自 齊。 祭 側 界 叔

來聘。

祭叔 來聘」,惡 來 聘, 外 非 交 天 也。 子 命 祭叔,周 也,故不 大夫。 Ħ 使。 祭,采 其

地。 叔,字。

夏,公如齊觀社

諸 侯非 享覲 不 踰 境,公如 齊 觀 社

· 非

也

公至自 齊 荆 人 來 聘。

能 荆 蔡,十六年伐鄭 + 慕中國 年 敗 修禮 蔡 師 于莘,始見于經。 來聘,少進之也 皆 日 荆。 此稱 人者,以其 + 四 年

曰

公及齊侯遇于穀。 蕭叔朝公。

朝 諸 叔 朝公」,以交譏之。 于 侯 外 相 乎. 朝 非 故 禮 曰「公及齊 也。 蕭, 朝于内 附 庸 侯 猶 國。 遇 曰 于 不 叔,字。 口 況 蕭

夜。 秋 ,丹桓宫楹。 姑卒。 十有二月甲寅,公會齊侯盟于扈。 冬十有一月,曹伯 射 音亦,又音

公會齊侯盟于扈,謀

逆姜氏

也。

公二年之

又 中,納幣觀社 會盟于扈,甚矣! 及 齊侯 遇于穀,比犯非禮,今 扈,齊地

一十有四年春王三月, 刻桓宫桷

宫楹 春 納夫人,故 刻桓 宫桷,皆非 飾宫廟 以 禮 夸侈之。 也。 案 成 秋  $\equiv$ 丹 年 桓

謚 二月甲 此斥言「丹桓宫楹 子新宫災者,親 」、「刻桓 廟 切近 不 宫桷」者, 忍 稱 其

葬 曹 莊 夏,公如齊逆女。

惡

莊

不子,忘父之怨,侈宗

廟

以夸讎

女也。

常 事 書者,以見公婚之不時也。 案: 桓六

> 故其 婚于 矣。 如 年 齊 九月丁卯子同生,公十四年即 ,母喪未終如齊納幣,圖婚之速 齊者 逆女,公即位二十四 公即位二十 文 姜 制 四 之,不得 年、年三十七歲 年, 以 年三十七 時 位 而 也 始 婚 此 得 爾 歲 成 年

秋,公至自齊。八月丁丑,夫人姜氏入。

夫人而至,失夫之道

也

道 婦 公親迎于齊,不 也。 人從夫者 夫不夫、婦 也,夫 俟 人 不 , 婦 不 從 何 公 以 而 爲 人,失 國? 婦之 非 所

「秋,公至自齊。 以奉先公而 紹後嗣 八月丁丑 也,不亂 何 夫人姜氏人」 ?待? 故 日

以惡之。

戊寅,大夫宗婦覿用幣。

見 大夫之婦 夫人姜氏 大夫宗婦者,同宗大夫之婦 也,故不言及。 用幣以 既 人,莊公欲 見,非 夫三帛、二生、一死, 謂 夸寵 大夫宗 也。 之, 故 婦 覿 使 見也。 司 贄 同 男 而

四

子之贄也。 婦 人榛、栗、棗、脩,告虔而 Ë

公使大夫宗 婦 覿用 幣,甚矣!

曹。 大水。 郭公。 冬,戎 侵 曹。 曹 羈 出 奔 陳。 赤 歸 于

杜 桓 十一年「宋人執鄭 預 謂 覊,曹世子」、「赤,曹僖 深祭仲。 突歸 于鄭。 公」者, 鄭 以

忽出 世 一家》及《 奔衛」,其文相 年 表 **\*** 類 僖公名 爾。 案 : 夷。」  $\sim$ 史記 至如 《公公 曹

羊》、《穀梁》言「赤,郭公名」者,理亦不安。 竊謂去聖既遠,後人傳授,文有脱漏爾,故

其義 難 T

有 Ŧi. 年 春 陳 侯 使女汝。 叔 來聘。

女 叔不 名,天子之命大 夫 也。 女, 氏。

叔,字。

食之。 夏 五月癸丑 鼓 用 牲 衛 于 侯 社 朔 卒。 六月辛 未朔,日有

H 食三十六,書 「鼓用性」者三。 此 年

> 用 社」,文十五 十 六月辛未朔,日有食之,鼓用牲 牲 年「九月庚 于 社 是 年「六月辛 也。 午朔,日有 鼓 常常 丑. 事 朔, 食 書 之,鼓 者,止譏 日 有食之,鼓 于社 用 其 牲 用 于

牲 耳。

伯 姬 歸 于杞。

天下 者非大夫,故 隱二年書「紀裂 Ħ 亂 婚 禮 不言逆。 繻 日 壞 來 逆 逆者 僖二十五 女」,此 非 大 不言 夫 年 也。 季 逆 姬 逆

秋,大水。 鼓,用牲于社 于門。

歸于鄫」,成九年「伯姬歸于宋」之類是也

鼓,用牲 于

社

于

門,非

·禮也。

冬,公子友 如 陳

二十有六 如 陳者,聘 年 春, 也。 公伐戎。 内 朝 聘 皆 曰 夏、公至 如

自

伐

曹 殺 稱 或 其 大 夫。 殺,不以 其罪也。 不書名氏者,脱

以

秋,公會宋人、齊人伐徐。 之。僖二十五年「宋殺 其大夫」皆此 冬十有二月癸亥 義 也。

朔,日有食之。

二十有七年春,公會杞伯姬于洮。

夏六月, 公會杞伯姬于洮,非禮 公會齊侯、宋公、陳侯、鄭伯 也。 洮,魯地。 同 盟

于幽

孔子稱:「桓公九合諸侯不以兵車,管仲之 力也。」案: 桓公之會十有五。 十三年會 北

杏,十四年會鄄,眷。十五年會鄄,十 ·六年

會幽,此年會幽,僖元年會檉,赤呈反。 二年

會貫,三年會陽穀,五年會首止,七年會甯

會鹹,十 母,八年會洮 Ŧi. 年 ,他刀反。 會 牡丘,十六年會淮是也 九年會葵丘,十三年

伯,其 孔子止言其九者,蓋十三年會北 侯,□僖八年會洮,十三年會鹹,十五年會 功未見; 十四年會鄄又是伐宋諸 杏桓始圖

> 會之盛者九焉。 牡丘,十六年會淮,皆有兵車 此 聖人貴禮 也, 義 賤 故 武 止 言 力之 其

深旨也。

秋,公子友如陳,葬原仲。

大夫非君命不 原仲 越境,公子友如陳, 葬 原

夫也。

非禮也。

陳大夫。

字者,天子

命大

冬,杞伯姬來。

歸 寧常事 也,故 不書焉 凡内

者、惡其無 事 而 來 也

莒慶來逆叔 姬

不言來逆女者,惡其成禮于魯也。案:婚

故不言逆女以斥之。 禮親迎至夫國 而後成 禮。 叔姬,莊公女。 莒慶成禮于魯, 宣五

年「齊高固來逆叔姬」 同 義

城濮 衛 地 杞伯來朝。

公會齊侯于城濮。

四七

..女直

來

及 + 齊 有 八年 人戰,衛 春王三月, 人敗績 甲寅, 齊 人 伐 衛 衛

前 年公會齊侯、宋公、陳侯、 鄭 伯同 盟 于

幺 ,衛侯不至,故齊人伐衛。 衛人及齊人

戰,衛 春秋》之義,伐者爲客,受伐者爲主,故 不服罪也。 以衛主齊者,衛受伐 也。 日

稱 師 此稱人者,不以師 敗乎人也。

衛人及齊人戰」。

不地者,戰于衛也。

敗

夏 四四 月丁未,邾子瑣卒。 秋,荆伐鄭。 公會

齊人、宋人救鄭 荆二十三年來聘稱人,此不稱人者,以其

創艾中國,❶復狄之也。

冬,築郿。 音眉

功大曰城,小 日 築。

大無麥、禾。

無 冬書「大無麥、禾」者,簡言之也。 麥,冬大無禾爾,不可言秋大無麥、冬大 此 秋 大

> 稼穑 無 禾,故簡言之也。 作 甘。二 大無 麥、禾,土失 書》 日 : 土 其 性 爰 稼 穡 穀

於民食最 重 也

臧 孫 辰告糴 于 齊。

也。 也。 之,雖有水旱蟲螟,民無不足者。莊 也。 國二十八年 年之畜,九年耕 言不與莊公使 不言如齊者,不與莊公使臧 上言「大無麥、禾」,則 臧孫辰,公子彄起侯反。 莊公爲國 而 臧 久 無一年之畜,非所 必有三年之畜,三十 孫辰 矣。 告糴于齊者, 古者三年耕 曾孫 百 孫辰告糴于齊 姓 飢 以 必 病 矣。 公 爲 年 有 莊 爲 或 通 其 公

一十有一 九 年 春, 新 延廄

惡不愛民 也。 「冬,大無麥、禾,臧孫 辰 告

<sup>0</sup> 0 「狄」,四庫本作「貶」。 中國 四 庫 本作「諸

糴于齊」,則民飢矣。延廄雖壞,未新可

也。莊公春新延廄,不愛民力若此。

夏,鄭人侵許。秋,有蜚。共味反。冬十有二

月,紀叔姬卒。

叔姬十二年歸于酅。攜。卒于酅。

城諸及防。

三十年春王正月。夏,師次于成。秋七月,

齊人降鄣。音章。

「圍」而後言「降」。此直書「齊人降鄣」者,案:八年師及齊師圍郕,郕降于齊師,先言

、引养友,葬己双豆。 惡齊强脅,且見鄣微弱不能伉齊之甚也。

八月癸亥,葬紀叔姬。

媵而卒葬之者,歸于酅,卒于酅,皆非其

所

也。

九月庚午朔,日有食之。鼓,用牲于社。

書「鼓用牲」者,止譏其用牲耳,非謂九月凡救日食,鼓,禮也。用牲,非禮也。孔子

不鼓也。

冬、公及齊侯遇于魯濟。子禮反。齊人伐

山戎。

三十有一年春,築臺于郎。夏四月,薛伯卒。

築臺于薛。六月,齊侯來獻戎捷

戎捷,伐山戎之所得也。齊侯來獻戎捷,

非禮也。

秋,築臺于秦。

民莫甚乎此。薛、秦,魯地也。

莊比年興作,今又一

冬,不雨。

三十有二年春,城小穀。

魯邑,曲阜西北有小穀城。

牙卒。 夏,宋公、齊侯遇于梁丘。 秋七月癸巳,公子

公子牙,桓公子,莊公庶弟。

八月癸亥、公薨于路寢。

四九

歲而三築臺,妨農害

皆書其所在者,謹凶變也。 路寢,正寢。公薨于路寢,正也。 凡公薨

冬十月己未,子般卒。

襄三十一年「秋九月癸巳,子野卒」義同。 葬,故不名。薨不地者,降成君也。此 子般,莊公太子,未踰年之君也。 莊公未 與

春秋尊王發微卷第三

公子慶父如齊。狄伐邢。

後學 成德 校訂

巴陵鍾謙鈞重刊

## 春秋尊王發微卷第四

孫 復 撰

閔 閔公名開,莊公子,惠王十六年即位。 溢 也。 在國逢難 日 閔。

元 年春王正月,齊人救邢。

桓 未能帥諸侯以往,故猶 稱

十一月葬。

夏六月辛酉,葬我君莊公。

秋八月,公及齊侯盟于落姑。 季子 來 歸

來歸。 秋,公與齊侯盟 何也? 莊 于落姑,以納季子,故季子 公薨,子般卒,閔公沖

幼、慶父與夫人通、勢傾公室不朝 汹汹,思得季友以 平内亂,故曰「季子來 夕。 或

冬,齊仲孫來。

之未命者也。

落姑,齊地

歸」也。子者,男子之通稱。

不言出,公子

仲孫,齊大夫。非齊侯命,故不稱使。

非

之。 私來也。 齊侯命 此與隱元年「祭伯來」義同。 則奔也。 仲孫私 來,故曰「齊仲孫 不言奔者,非 奔 字者,天 也,仲孫 來」以惡

子命大夫。

二年春王正月,齊人遷陽。

陽、微國。

夏五月乙酉,吉禘于莊公。

不言莊宫者,明未三年也。 月乙酉吉禘于莊公」,以著其僭天子之惡。 吉者,莊公葬二十二月未 廟,此天子大祭,非諸 吉禘于莊公,非禮也。 侯 魯以周公禘 可 可 得 吉也,故 用 也 日五五 謂之 于太

秋八月辛丑,公薨。

Ŧi.

諱 此 弑 慶 故 父弑 入弑君 也。 之賊皆不書焉。 不言慶父 弑 者 諱 不葬者,義 之也。 内

奔莒。 九月,夫人姜氏孫<sup>遜</sup>。于邾。公子慶父出

與隱公同

不討 爾。 禍,悲哉! 納季子,季子來 魯之衆,因齊之力,討慶父 于邾,故慶父出 公子慶父、夫人姜氏同惡之人也。 賊也。案: 元年公與齊侯盟于落姑 而季子不能 歸 奔莒。 也,使閔 獨 執 書者,深惡季 或 公遽 而戮之, 命。 罹 當 弑 勢 是 夫 逆之 甚 時 子 人 易 以 緩 孫 以

冬,齊高子來盟。

結 慶父未討,季友立僖,僖 使者,高子請 盟于 我以定僖公之位,故不言使。 桓十四 年 來 鄭 結 伯 盟 使其 于 我 弟 又非正,高子請 也。 語 來 関 盟,此 公遇 僖 不言 川 來

有二月,伙入南。鄭棄其師。年「楚屈俱勿反。完來盟」皆此義也

鄭棄其師、惡鄭伯也。豈奔潰離十有二月、狄入衛。鄭棄其師。

散

云

乎

哉 ? 鄭 司 而 棄 命 何 其 也。 ? 鄭伯有其師 師 故 鄭伯 梁 日 亡,皆自取 剪鄭 以百姓之命授之匪 棄 無其將。 其 師」以惡 之也。 將者,百 之。 梁亡 見僖 姓 噫 非 之 ! 棄

十九年。

春秋尊王發微卷第四

後學 成德 校訂

巴陵鍾謙鈞重刊

## 春秋尊王發微卷第五

孫 復 撰

僖公名申,莊公子,閔公庶兄,惠王十 年 即 位 僖, 謚 也。 小心畏 忌

曰 僖

元年 春 王正月,齊師、宋師、曹師次于聶北,

救 那

其 桓 自 攘 夷 滅遂二十年用 狄 救 中 或 之 師 功未著 征 伐皆稱「人」者,以 ,微之也。 案:

未能率諸侯以往,故猶稱「人」焉。至此 莊三十二年狄 伐 邢,閔元年齊人救邢,桓 稱

桓 師」者,以其能合二國次于聶北 攘夷狄救中國之功漸見,少進之也。 救 邢 然 齊

> 于救 患 也 滅遂在莊十三年。

猶

有

次 焉。

先言「次」而

後言

救

譏

緩

夏 六月,邢遷于夷 儀。 齊師、宋師、曹

城邢

桓 遷,三國 公不 急救 之師 患,故 乃往 助城之,故 邢遷于 夷 儀。 日 「齊師、宋 邢 人

E

師

師、曹師城邢」也。 夷儀,邢地。

秋七月戊辰,夫人姜氏薨于夷。齊 人 八以歸

夫人,哀姜也。閔二年孫于邾,桓 公取 而

歸」者,以其尸歸也。 殺之。不言殺者,諱之也。 哀姜與弑閔公,桓公 其言「齊人 以

討而殺之,正也。 然以其尸歸,此則甚矣。

夷,齊地。

楚人伐鄭。

莊十年荆敗蔡師于莘,始見于經,十四年

一十八年伐鄭稱「荆」,反狄之。 稱「荆」,二十三年 來 聘始 進 今日「楚 稱「人」,

五三

用 其 舊 兵皆稱「人」焉 伐鄭」者,以其 封,比之小 國 兵衆 也。 地大,漸 故 自 此十 通 數年侵伐 諸 夏, 復

檉。赤呈反。八月,公會齊侯、宋公、鄭伯、曹伯、邾人于

出會、非禮也。檉、宋地。楚人伐鄭、故桓合諸侯于檉。

公有母

喪,

年春王正月,城楚丘。

二年。

九月,公敗邾師于偃。

公檉會方退,親敗邾師于偃,其惡可知。

偃,邾地。

反。獲莒挐。女居反,又女加反。冬十月壬午,公子友帥師敗莒師于酈。 力知

人爾。莒大夫不氏,未命也。慶父閔二年討慶父也。其言「獲莒挐」者,不可言獲莒

此夫人哀姜之喪也。不稱姜者,貶之也。十有二月丁巳,夫人氏之喪至自齊。

奔。

酈,魯地

案: 氏,殺子之罪比文姜殺 以子討 孫于邾不 母 也, 貶,此 此 而 貶 而 者 貶者,孫于邾不 夫差輕 正 王 法 也。 孫 邾 在 不 貶 去 関

義也。 襄五 公怠 城 閔二年狄入衛,覆彼國家,君死民散,桓公 此 不言城衛者,衛未遷也 之,不若未亡 救患,故諸 視之不救,其怠于救 患,諸侯不一則孰城之? 桓公之命城 楚丘 會檉,諸 于 年「戍音庶。 以 然則善 救 存亡 患,諸 侯不 侯 楚 圃 城 與? 國,曷 丘 救 楚丘 侯不一 陳」,十年「戊鄭虎牢」皆此 0 以 之之善 存 非善也。 諸 患 以謂 也。 侯 可 亡 也。 也 不 知 或 之非 魯城之也。 不 也。 言諸 此 桓 與 楚丘 善? 故魯城之。 一公怠 其亡 桓公之命 桓公怠于 侯者 , 衛 于 而 雖 案: 救 桓

夏陽。夏,一作下。 夏五月辛巳,葬我小君哀姜。虞師、晉師滅

虞師、晉師滅夏陽,虞序晉上者,虞主乎滅

上,宋序齊上,此虞主乎滅夏陽可知也。十五年「宋人、齊人、邾人伐郳」,邾序鄭夏陽也。案:隱五年「邾人、鄭人伐宋」,莊

夏陽,微國。

秋九月,齊侯、宋公、江人、黄人盟于貫。

楚故也。貫,宋地。

冬十月,不雨。

不雨一時即書者,僖公憂民懼災之甚也。

楚人侵鄭。

三年春王正月,不雨。夏四月,不雨。徐人|

取舒。六月雨。

秋,齊侯、宋公、江人、黄人會于陽穀。

陽穀,齊地。

冬,公子友如齊涖盟。

盟者,受盟于我也。

涖, 臨

也。

凡言涖

盟者,

受盟

于彼

來

楚人伐鄭。

鄭伯、許男、曹伯侵蔡。蔡潰。遂伐楚,次于四年春王正月,公會齊侯、宋公、陳侯、衛侯、

陘。音刑。

既潰,遂進師,次于敵境。陘,楚地。故先侵蔡,俟其兵震威行,然後大舉。蔡强盛,勢陵中國,不可易也。蔡,楚與國。于貫,三年會于陽穀,以謀之。是時楚方于貫,三年會于陽穀,以謀之。是時楚方

夏,許男新臣卒。

楚屈俱勿反。完來盟于師,盟于召音紹。行,諸侯安之,與國内同也。

陵。

公孫嬰齊帥師會晉郤去逆反。克、衛孫良案:成二年季孫行父、臧孫許、叔孫僑如、

Б. Б.

矣。 某師 陵」也 侵 不勤 伐 盟 師 盟 秋 IF. 里,恃甲兵之衆,猖 夫楚,夷狄之鉅 之功始著也。 楚之爲 夫、曹 公子 楚 天 突 于召陵,故 及 于 七月,齊 下, 之患, 書爵者,以其 ,諸侯用寧,訖 故 桓公帥 境,大懼, 袁 此 孔 政者也 婁。 民到 案:元 合魯、 子 侯 ,首及 此 諸 此 日 使國 于今受其 攘 故自是征 侯 : 不言 屈 衛、陳、 者 年 「楚屈完來盟于師 齊侯 夷 旦 桓公許 完 管 能服 也, 桓公救 佐 狄 狂 桓 請 使 仲 戦 不 乘 如 一公之 救 不 者 鄭 盟 强 相 賜。 馬,乃 師。 道 伐 血 時 于 中 七 于 楚攘 邢 桓 楚子 , 創 用 牽, 刃 竊 或 世 或 公, 師 城 微 己 號 圃 師皆稱 之 截 之 也 艾 夷 邢 退 管 聞 齊 服之, 斥 酉 霸 功 然 中 皆 君 狄 師 一种,吾 及國 師 諸 蔡 口 中 侵 或 盟 屈 地 救 日 與 潰, 敗 侯 爵 完, 謂 或 數 蔡 于召 者 中 某 屈 師 績 其 徒 Ŧ. 或 遂 完 佐 著 無 久 師 桓

> 管仲 也。 被髮 狄 以  $\pm$ 桓 子 救 降,有 左衽 矣,此孔子所以傷之也。 者 揭 中 夫《六月》、《 采芑》、 中國 興, 非 王 法撥 他, 矣!」是故 能 攘 之功在 孔子: 以 夷 亂  $\pm$ 狄 世 道 傷 救 以 乎天子,不 聖 興 中 召 繩 起 陵之盟 或  $\pm$ 《江漢》、《 諸 一不作 之 侯,召 如 宣 詩 召陵,楚地 專 在  $\pm$ 也 周 陵 乎 者 常 與 之 道 齊 使 武 柜 之 則 盟 桓 平、 也 攘 美 絶 專

與

孔

齊 人 執 陳 轅 濤 塗

夷

惠

宣

也。 陳 轅 桓 濤 公既 塗 陳 與 大 陳 夫。 侯 南 稱 服 人 强 以 楚 執 歸 不 而 得 反 執 其 陳 罪

秋,及江人、黄人伐 陳

轅濤

塗,其惡

可

知

也

内言「及」,外稱「人」,皆 微 者 也

<sup>0</sup> 字, 自 一屈 四 庫本 完楚之爲 政者」至「孔子所以傷之也」三百二十三

八月,公至自伐楚。

出 踰二時。

人、宋人、衛人、鄭人、許人、曹人侵陳。 葬許穆公。冬十有二月,公孫兹 帥 師 會 齊

江人、黄人伐陳。 桓公執陳轅濤塗,執非其罪。 冬,又會公孫茲、宋人、 秋,使魯人、

衛人、鄭人、許人、曹人侵陳,甚矣! 公孫

兹,公子牙子。

Ŧi. 年春,晉侯殺其世子 申 生。

世子,世君位者 也。獻公五子,世子申生,次重耳,次 也。 稱君以殺 世子,甚之 夷

吾,次奚齊,次卓子,皆申生庶弟也。 獻公

愛奚齊,欲立之,乃殺世子申生, 可謂

甚矣。

杞伯姬來朝其子。

伯姬,内女。來朝其子者,以 其 子 來朝 也。

諸

侯

來朝猶

曰不可,杞伯姬

來朝其子,非

可知

夏,公孫兹如 牟。

牟,微國

公及齊侯、宋公、陳侯、衛侯、鄭伯、許男、曹

伯會王世子于首止。

言會王世子以尊之。 使與諸 伯會王世子于首止」者,不與桓致王世子, 及齊侯、宋公、陳侯、衛侯、鄭伯、許男、曹 此桓帥諸侯致王世子于首 侯 齊 列 也。 故先言公及諸 尊王世子,所以 止也。 經言「公 侯 重 而 後 相

之惡也。首止,衛地。

秋八月,諸侯盟于首止。

鄭伯逃歸,不盟

言逃,懼齊之甚 鄭伯逃歸不盟者,鄭伯 王世子,世天下者也,非諸 不言王世子者,會猶可 言 不肯受盟故 也,盟之則甚 侯 可 得 逃 盟 也。

楚人滅弦。 弦子奔黄。

 $\mathcal{T}_{1}$ 七

Ŧi. 八

不 此 名。 言 楚 + 人 年 滅 弦 狄 者 滅 温 惡 桓 + 不 能 年 救 楚 也 人 故 滅 弦 黄 子

九 月戊申朔,日有食之。 冬,晉人執虞公。

同

此

家、宫室、 稱 人 以 執, 車 惡 旗、 晉侯 衣 服、禮 也。 五等之制 儀 之有 差 前 雖 天 其 子 或

伯 請 于 天子,命之執則執之,不得 專執 也。

命

之南

面

稱

孤,皆

諸

侯

也。

其

或

有

罪

方

有 罪 猶 不 得 專 執、況 無 罪者乎? 春 秋 之

之,無 世,諸 復請 侯 無 于天子, 小 大,唯 故 力 孔 是 子 恃,力能 從而 録 相 之,正 執 則 以 執

王法。 得 其 爵 其 罪 或 其 稱 侯 則 罰 以 稱侯以著其惡,或 輕 著 故 其 惡 但 者 著 「, 謂 其 專 雖 執 則稱人以 非 之惡。 Ŧ. 命 執 奪

五. + 八 年「晉侯執 年 晉 侯 曹伯 人 曹, 歸 執 于 曹 京 伯 畀宋人」,成 師」之類是也。 +

稱

人

以

奪

其

爵

者,謂

既

非王命,又執

不

得

華

盟

于

六年春 其罪 公」、十九年「宋人 ·, 其 王正月。 罰 重 故 故 夏,公會齊 奪 執 其 滕 爵 子嬰齊」之類 侯、宋公、陳侯、 此 年 晉 人 是 執 也 虞

衛 侯、曹伯伐鄭、圍新 城

城。 鄭 伯 逃首 新 城 鄭 止之盟 邑。 故 故 桓 帥 諸 侯 伐 鄭, 韋

新

秋,楚 人 韋 許。 諸 侯 遂 救 許。 冬,公 至 自

伐 鄭。

出 踰 三時

春,齊

人伐鄭。

夏,小

邾

子

來

朝

七 年 小 邾 子, 邾 之别 封 也。 故 日 小 邾 子 以

别 之。

鄭 殺 其 大 夫 申 侯

秋 鄭 七 月,公會 殺 甯母 其 大 夫 齊 申 侯、宋公、陳 侯 稱 或 以 殺 世 不 子 以 款 其 鄭 罪 世 肋

7

言 鄭 世子華者 齊人 伐 鄭 未已, 鄭 伯 懼

欲

求成于齊,故先使世子華受盟于甯母也。

甯母,魯地。

曹伯班卒。公子友如齊。冬,葬曹昭公。

八年春王正月。公會王人、齊侯、宋公、衛

侯、許男、曹伯、陳世子款盟于洮。

王,故王人雖微,序于諸侯之上也。洮,

王人,微者也,序于諸侯之上者,《春秋》尊

魯地。

鄭伯乞盟。

鄭,世子華雖受盟甯母,鄭伯猶懼見討,故此以其逃首止之盟乞之也。齊人連年伐

自乞盟于此也。乞者,卑請之辭。

禘,天子大祭。夫人,成風也。不言風氏夏,狄伐晉。秋七月,禘于太廟,用致夫人。

僖公既君,欲尊其母,故因此秋禘用夫人者,成風,僖公妾母,嫁非廟見,不得與祭。

之禮致于太廟,使之與祭也。妾母稱夫

元年「夫人文姜孫于齊」,貶去姜氏。此不人,僭之大者,故不言風氏以貶之。案:莊

言風氏,其貶可知也。

冬十有二月丁未,天王崩。

惠王書崩不書葬者、得常也。

九年春王三月丁丑,宋公御音禦。説音悦。卒。

男、曹伯于葵丘。

夏、公會宰周公、齊侯、宋子、衛

侯、鄭伯、許

主會爲文者,不與桓以請侯致天子三公桓以諸侯致宰周公于葵丘。經以宰周公

也。宋在喪,故稱子。葵丘,宋地。

秋七月乙酉,伯姬卒。

叔姬 也。 則服 直 E 卒,皆此義 十六年鄫 伯姬,未適人也。 ,服則得常,常 似陵反。 也 則 季姬卒,文十二年子 不 未適人卒者,許嫁 書 書者, 譏 不服

九月戊辰,諸侯盟于葵丘。

桓公圖伯,内帥諸侯,外攘夷狄,討逆誅

能朝于京師、翼戴天子,興衰振治以復文年,勞亦至矣。然自服强楚,其心乃盈,不亂,以救中國。經營馳驟、出入上下三十

致宰周公于葵丘,觀其心也,盈已甚矣。武之業。前此五年致王世子于首止,今復

侯束牲載書而不歃血。初命曰:『誅不孝,《孟子》稱「五伯桓公爲盛。葵丘之會,諸

賢,育才,以彰有德。」三命曰:『敬老,慈無易立子,●無以妾爲妻。』再命曰:『尊

幼,無忘賓旅。」四命曰:『士無世官,官事

美桓 故曰:「五 無攝,取士必得,無專殺大夫。』五命曰: 曲 哉? 防 無 伯者,三王之罪人也;今之諸 蓋 遏糴 疾 當 無 時諸 有 侯 封 有 而 所 不告!」者,豈 激 而 云 爾

見矣。

甲子,晉侯佹音鬼。諸卒。冬,晉里克殺其

之子奚齊。

里克殺其君之子奚齊」以惡之也。君之子奚齊」者,奚齊庶孽,其母嬖,獻公君之子奚齊,未踰年之君也。其言「晉里克殺其

十年春王正月,公如齊。

異也。十五年如齊,同此。公始朝齊也。不主者,朝齊安之,與他

狄滅温,温子奔衛。晉里克弑其君卓及其大

夫荀息。

其大夫孔父」,莊十二年「宋萬弑其君捷及之辭也。桓二年「宋督弑其君與音子。夷及「晉里克弑其君卓及其大夫荀息」者,甚之

●「立」,四庫本作「樹」。

罪

侯,五伯之罪人也,今之大夫,今之諸侯之

人也。」此葵丘之盟,桓公之惡從可

或

其大夫仇牧」,其義 也。

夏,齊侯許男伐 里克弑奚齊、卓子,不以討賊 北戎。 晉殺其大夫里克 辭 書者,惠公

己,以是殺克也,故不得從討 殺之不以其罪也。 惠公立,懼 財験辭。 其 又 將

賊

秋七月。冬,大雨于付反。 雪。

十有 一年春,晉殺 其 大夫平 普悲反。 鄭父。

使鄫子來朝

夏,公及夫人姜氏會齊侯于陽穀

秋八月,大雩。 公及夫人姜氏會齊侯于陽穀,參譏之也。 冬,楚人伐黄

十有二年春王三月庚午,日有食之。 人滅黄。 秋七月。 冬十有二月丁丑,陳侯杵 夏,楚

臼卒。

伯 公會 十有三 于 「齊侯、宋公、陳侯、衛侯、鄭伯、 一年春, 狄 侵衛。 夏 四 月, 葬 許男、曹 陳 宣 公。

秋九月,大雩。冬,公子友如齊。

+ 有 四 年春,諸侯城緣陵。

諸 同 心,一力而 侯 不序者,會鹹諸侯也。 城之,故曰「諸 杞微 侯」,所 弱, 以 E

下

與

夏六月,季姬及鄫 「城楚丘」異 也。 似 緣陵,杞邑。 陵反,或作繒。 子 遇于

乃 及 則曰 姬 歸 内 十八年「杞伯姬來」之類是也。 五年「杞叔 出曰「來歸」。 紀」,莊二十六年「伯姬歸 嫁于 歸 鄫子遇于防,使 鄫之文,則是未嫁 一女嫁曰「歸于某」,隱二年「伯姬 「來」。 于鄫,是 鄫 也。 莊 姬 季姬 來歸」之類 二十七年「杞伯 宣十六年「郯 此季姬之行不正可知矣。 鄫 先 者也。 與 子 鄫 來 是 于杞」之類是也。 子 朝 也。 此 伯 遇 明 年六 姬 姬 于 季姬 年 無 來」、僖 來 防 月 九 事 歸 而後 月 歸 季 E 一、成 而 季 姬 無 來 于

故稱「及」稱「遇」稱「使」以著其惡。

秋八月辛卯,沙鹿崩。

沙 **崒崩。**」 Щ ン, 山 連足而 名。 Щ 崩 冢 鹿,山 爾。 崒 崩 《詩》曰 足 猶 也。 以 爲 : 其言沙鹿崩者, 異,况 百白 ]1] 沸騰 連 足 而 Щ 崩 謂 冢

狄侵鄭。冬,蔡侯肸卒。

乎?

此異之甚者

曹伯盟于牡丘,遂次于匡。公孫敖帥師及諸月,公會齊侯、宋公、陳侯、衛侯、鄭伯、許男、十有五年春王正月,公如齊。楚人伐徐。三

侯之大夫救徐

伐厲。 夏五 言「次」言「救」者,惡諸侯緩于 知 侯既約救徐,而遣大夫往,此 也。 月, 公孫敖,公子慶父子。牡丘,衛 日有食之。秋七月,齊師、 緩 救 于 患 救 也。 曹 患 地 諸 師 미

厲,楚與國。

八月,螽。九月,公至自會。

暴露師衆三時。

季姬婦于鄫。

不書逆者,微也。

己卯晦,震夷伯之廟。

僭焉。夷,謚。字者,天子命大夫。侯僭天子,大夫僭諸侯,故此一見大夫之大夫之廟書者,夷伯僭也。春秋亂世,諸

壬戌,晉侯及秦伯戰于韓,獲晉侯。冬,宋人伐曹。楚人敗徐于婁林。十有一月

伯之辭 及秦伯 類是 《春秋》用兵,大夫生得曰「獲」。 帥 加二反。 公子友帥 師,戰于大棘。宋師敗績,獲宋華元」 也。 宣二年「宋華元 也。 戰 未有諸侯獲諸 于 師敗莒 賤 韓, 晉侯、疾秦伯者,晉侯失道, 獲晉侯」者,賤 師 于酈,獲莒挐」,女居、女 帥 侯者。 師及鄭公子歸 晉 此言「晉侯 侯、疾秦 僖 元 之 年 生

不顧人命以起此戰,秦伯獲之則又甚矣。

故言 「戰」言「獲」以著其惡。 不言「以歸」

者,舉重也。 韓,晉地

十有六年春王正月戊申朔,隕石于宋五。 是

月,六鷁五力反。 退飛,過宋都

Ŧi.

石,異之甚者也。六鷁,異之細

故曰「正月戊申朔、隕石于宋五。 退飛,過都」也。 其言「是月」者,不可再 是月,六

書「正月」故也

諡

三月壬申,公子季友卒。

公子季友卒,字者,天子命大夫也。

夏四月丙申,鄫季姬卒。秋七月甲子,公孫 兹卒。冬十有二月,公會齊侯、宋公、陳侯、

衛侯、鄭伯、許男、邢侯、曹伯于淮

十有七年春,齊人、徐人伐英氏。夏,滅項。 此

英氏」,下言「滅項」,此齊人、徐人滅項可 齊人、徐人滅項也。上言「齊人、徐人伐

知也。英氏,楚與國

秋,夫人姜氏會齊侯于卞。 九月,公至自會。

踰三時。 卞, 魯地

冬十有二月乙亥,齊侯小白卒。

十有八年春王正月,宋公、曹伯、衛人、邾人

伐齊。

者 也。

齊桓公六子無嫡,長公子無虧,次惠公元,

次孝公昭,次昭公潘,次懿公商人,次公子

雍。 桓公卒,無虧立。五公子並争,齊大

亂。 宋襄以諸侯伐齊,孝公故也。

夏,師救齊。 五月戊寅,宋師及齊師 戰于甗

魚免反,又音言、音彦。齊師敗績。

宋師伐齊,以五月敗齊師于甗。 遂立孝公。 案:二十七 年 · 齊 昭卒,八月葬 無 虧 死,

齊孝公,此立孝公可 知 也。 《春秋》之義

伐者爲客,受伐者爲主。此以宋主齊者, 不與宋襄伐齊也。 宋襄伐人之喪,擅易人

六四

之主,甚矣。 甗 齊 地

狄救齊。 秋八月丁亥,葬齊桓公。

九月而 葬。

冬,邢人、狄人伐衛

邢人、狄人伐衛,救 齊 也。 狄 稱 人者, 善

救齊。

十有九年春王三月,宋人執滕子嬰齊。

宋人執滕子嬰齊,不得其罪也。 滕子名

者,惡遂失國 也

夏六月,宋公、曹人、邾人盟于曹南。 鄫子 會

盟于邾。 己酉,邾人執鄫子用之。

鄫子不及曹南之盟,故會盟于邾。

執鄫 子用之」,用之爲牲 歃 1111. 以 盟 也。 諸

子不能誅也,悲夫!

侯不

. 得

相

執,邾人不道,執鄫子用之。

秋,宋人圍 人、楚人、鄭人盟于齊。 曹。 衛人伐邢。 冬,會陳人、 蔡

> 内不 出主名 ,外稱人,皆微者

梁亡。

梁亡,惡不用賢也。梁伯守天子土,有宗

其人也。 朝夕與爲治,莫有聞者,是左右 廟社稷之重,有軍旅民人之衆。 左右前後皆非其 人,不亡 左右 前 後皆 何待 前後 ? 非

二十年春,新作南門。

故直曰「梁亡」,以惡之。

城郭門 户皆 有 舊 制 壞 則修之。 常 事 書

十九年「春,新延廢」不言「作」,此言「作」, 者,譏其侈泰妨農功,改舊制 也。 莊

改舊制可 知 也

夏,郜音告。

子來朝。

五月乙巳,西宫災。

「邾

子

西宫,公别宫也

天

鄭

人入滑。秋,齊人、狄人盟子邢。

冬,楚人伐隨 狄稱人者,猶 與中國故也

70

盟及修禮來聘。

稱「人」,少進也,稱「子」,

于鹿上。二十有一年春,狄侵衛。宋人、齊人、楚人盟

齊桓公死,宋人欲宗諸侯,故盟于鹿上。

鹿上,宋地。

夏、大旱。秋、宋公、楚子、陳侯、蔡侯、鄭伯、

許男、曹伯會于盂。執宋公以伐宋。

公以伐宋。不言楚子執宋公以伐宋者,不宋襄合諸侯于盂,以致楚子。楚子怒執宋

爲文,所以抑强夷而存中國也。然則楚稱與楚子執宋公以伐宋也。故以諸侯共執

「荆」、曰「楚」、曰「吴」,終則稱「人」、稱子者,案:吴、楚本子爵,入春秋始則曰

「子」。楚始謂之「荆」者,楚先吳僭,罪大

「人」稱「子」者,以其漸同中國,與諸侯會「吴」者,君臣同辭以國舉之也。終則稱貶重,猶曰荆州之夷也。既而曰「楚」曰「

之世貶之者,傷聖王不作,中國失道之甚赦,固宜終春秋之世貶之。孔子不終春秋復舊爵也。吴楚之君狂僭之惡,罪在不

也。盂、宋地。

冬,公伐邾。楚人使宜申來獻捷。

伐宋,贬之也。捷,宋捷也。不言宋捷者,楚人,楚子也。不言楚子者,以其執宋公

不與楚捷于宋也。莊三十一年「齊侯來獻

戎捷」,言齊侯言戎捷。缺。❶

子專釋也。 不言楚子釋宋公者,不與楚楚子執宋公以伐宋,公懼,故「會諸侯盟于十有二月癸丑,公會諸侯盟于薄,釋宋公。

公伐邾取須句,言「伐」言「取」者,惡公伐二十有二年春,公伐邾,取須句。其俱反。

●「缺」,四庫本作「義同」。

六五

邾 非 以 其罪,利其土地。

夏,宋公、衛侯、許男、滕子伐鄭。

侵 鄭 年荆 鄭 即楚故 ,三年楚人伐鄭,鄭 伐鄭,僖元 也。 案:莊十六年荆 年楚 人伐 不即 鄭,二年楚人 楚 此 伐鄭、二十 而即者,

桓既死,宋襄不能與楚伉 也

秋八月丁未,及邾人戰于升陘。 音刑

此

公及邾

人戦

也,不言公者,公不道。

伐

邾 戰于升陘」以諱之也。 升陘,魯地。 取 須句 以 起此戰,惡之大者,故曰「及 邾

冬十 敗績 · 有 一 月己巳朔,宋公及楚人戰于泓,宋

師

國也,故楚人伐宋。冬十有一月,宋公及 夏,宋公、衛侯、許男、滕子伐鄭。 鄭,楚與

以 宋 楚人戰于泓,宋師 致 襄 强 無 齊 楚,故盂之會見執受伐,今復與 桓之資,欲 敗 紹 績,襄公傷焉。 齊桓 之烈,帥 噫 ! 諸 楚 侯

> 而 争鄭以起此戰,喪師泓水之上,身傷,七月 死,爲中國羞。 惜哉 ! 泓,宋水。

二十有三年春,齊侯伐宋,圍緡

以兵,故「伐」「圍」並書,以 楚人敗宋公于泓 ,齊侯視之不救而 誅其惡 又加

夏五月庚寅,宋公兹父卒。

傷于泓故

秋,楚人伐陳。 冬十有一 月, 杞子卒。

二十有四年春 王正 月。 夏,狄伐鄭

月。冬,天王出居于鄭。

襄王 尊,故所至 于周,則 也。 奔 周 稱居,與諸 也 無出,此言出者,惡襄 其言「居 侯異 于鄭」者,天子 王自

絶

也

晉侯夷吾卒。

二十有五年春王正月丙午,衛 邢、衛皆齊 衛 侯名者,孔 桓 所存之亡國 子 傷 天 下 之 也,衛 亂 侯 燬 時 滅 侯不念桓 無賢 邢 伯。

秋

七

公之大德,以絶先祖之支體,甚矣! 故生

而名之也。

夏四月癸酉,衛侯燬卒。宋蕩伯姬來逆婦。

伯姬,内女嫁爲宋大夫蕩氏妻,爲其子來

逆婦也。伯姬自爲其子來逆婦,非禮也。

宋殺其大夫。

稱國以殺,不以其罪也。不稱名氏者,與

莊二十六年「曹殺其大夫」義同。

秋,楚人圍陳,納頓子于頓。

頓子迫于陳,懼而奔楚,故「楚人圍陳,納

頓子于頓」。頓,微國。

葬衛文公。冬十有二月癸亥,公會衛子、莒

慶盟于洮。

速盟于向。舒亮反。齊人侵我西鄙,公追齊師 | 二十有六年春王正月己未,公會莒子、衛甯 |

至酅,音攜。弗及。

侵稱「人」、追稱「師」者,不可言公追齊人

已去而追之爾。酅,齊地。故也。至酅弗及者,譏魯失戎備,明

人

已去而追之爾。酅,齊地。

夏,齊人伐我北鄙。衛人伐齊。公子遂如楚

一乞師。

小、師之衆寡皆有王制,不可乞也。書者,齊再伐我,故公子遂如楚乞師。夫國之大

惡魯不能内修戎備而外乞師于夷狄。

秋,楚人滅夔,以夔子歸。

夔,楚同姓國。不名者,略夷狄。

冬,楚人伐宋,圍緡。公以楚師伐齊,取穀。

楚,●夷狄也。齊,中國。以夷狄伐中國固

甚不可,而又取其地焉,此公之惡可知

也

公至自伐齊。

二十有七年春,杞子來朝。夏六月庚寅,齊

▶ 内修戎備而乞師于荆楚以伐太公之後」。
● 「楚夷狄也」至「固甚不可」十七字,四庫本作「魯既不能」

侯 昭 卒。 秋 八月乙未,葬齊孝公。 乙巳,公

子 遂 春 帥 杞 師 子 人 杞 來 朝。 秋,公子 遂 帥

甚矣。

冬,楚人、陳侯、蔡侯、鄭伯、許男圍宋。

雜 侯、蔡侯、 頓,二十六年楚人滅夔以夔子歸,此 楚人戰于泓,二十五年楚人圍陳納 冬,楚人使宜 人、陳侯、蔡侯、鄭 楚子自會盂 然從夷 韋 鄭伯、許 中 執宋公伐宋之後,復貶 申 國,•其 來獻捷,二十二年宋公及 男不同 伯、許男圍宋是 貶自見也。 貶 人者,四 或 會 頓 世 稱 盂伐 之君 年 子 楚 于 陳

十有二 諸 侯 圍宋 月甲戌,公會諸 ,公常與楚,故會諸 侯盟 于 宋 侯 盟 于 宋。

宋在二十一年。

十有八年春,晉侯侵曹,晉侯伐 衛

曹、衛,楚與國也。

晉侯將救宋,故侵曹伐

衛。 而 後 不言「遂」者 伐 衛 耳, 故 日 非 晉 繼 事 侯 也。 侵 曹 此 侵 晉 曹 侯 既 伐 反

衛」也

師

人

杞,

公子 ,買戍 衛,不卒戍, 刺七賜反。 楚 人

救衛。

其惡。 殺買 歸。 兵力非 公叛晉 夷,故曰「公子買戍衛,不卒戍,刺之」以著 以説 徐聞 内殺大夫 公子 與 (楚,故 楚 焉。 人救 買 公内殘骨肉,外苟説 所 使公子 日 衛,公懼 能 刺 伉 買 也,故 戍 楚之見討 衛 買 不 且. 卒 以 也 于 戍 晉之 强 乃 而

三月丙午,晉侯入曹。 晉侯侵曹,曹不服罪,故 執 曹伯, 畀宋人。 入曹執曹伯 畀宋

京師 人。畀,與也。 畀宋人 使自治之。 晉侯 入曹 執 甚矣! 曹伯 不 不 奪 歸 于

罪 者 忧 曹 伯 背 華 即 夷, 0 晋 侯 圖 伯 執 得 其

陳

觀

夏 四 月己 巳,晉侯、齊 師、 宋師、秦 師 及楚 人

戰

以紹 文奮 宋並 于 或 蓋 既 狄 王之民人,憑陵寇虐,四 乘之,以亂中國,盜據先王之土 而建 五年,此 又圍之踰年,天下諸侯 失道 掃 救 殁,楚人復張,猖狂 文 城 地矣。 矣。 始 濮 桓 起,春征 争,❷會盂、戰泓 中國之功不 故 烈,自是 見 攘夷 噫 ! 也。 楚師 于 其所由來者 經 狄 曹、衛,夏 敗 是 孔子 楚 東遷之後,周 救 績 故 旋 人 中國之功, 吴楚因之,交僭大號, 踵 遠屏,不犯 以以 遽 不道,欲宗諸侯, 而 莫有能 服 書 非 海 建 窘宋者數矣。 强 爵者, 汹 四夷之罪 也。 楚,討 室 汹 可 與 既 禮樂衣 地, 戕艾 謂 中 昔 伉 與 微, 或 逆 者 不 者。 其 也, 誅 旋 者 齊 四 攘 先 中 冠 夷 踵 + 亂 晉 與 今 桓 夷

> 之盟、城濮 絶,與其攘 桓、晉文者,其實傷之也。 之,則中 于召陵, 敗得臣 走之不暇。 哉 起 號 其 、蔡之郊 「仲尼之徒無 城 如 以 ? 鑾 濮 尊天子,使平、惠 宣王者,則是時安有 夷 此孔子之深旨也。 之戦 或 之衆 之戦 夷狄 幾 諸 鄉 專與 何 非 侯 雖 斥 救 道 不胥 于 齊 望 城 中 桓文之事」,此言 地 然 齊桓、晉文也。 桓、晉文繼起, 風 <u>國</u> 濮,驅之逐之,懲之艾 而 數 迭勝强楚,不 畏慄 夷 千 以 時之功 八狄矣。 里, 孔子傷 降 齊桓、晉文之 唯 有 馳 其 能 故 驅 爾 指 **念**孟 周 盟 能 專 以 召陵之 顧 道 王 與 絶 召 屈 奔 子 鄭、 道 之 其 陵 齊

稱

盟

華 即 夷 四四 庫本作「晉即楚」。 事

興

僭

0 0

删

與宋並争」至「此孔子之深旨也」三百 五 字, 四 庫 本

楚殺其

大夫得臣。

不氏,未命也。

衛 侯 出奔楚。

衛侯聞晉師勝,故懼而奔楚。 不名者,以

見晉文逼逐而 去

五月癸丑,公會晉侯、齊侯、宋公、 蔡侯、 鄭

伯、衛子、莒子盟于踐土。

致天子也。晉文既攘强楚,不 踐土之盟,襄王在是也,不書者,不與晉文 能 朝 于京

師,廟獻楚俘以 警夷 狄 反 反 以 乘勝 之衆 坐

致衰陵之主,盟諸侯于是,甚矣! 踐土,

鄭 地。

陳 侯 如

來 不 及 盟, 故 日 如 會。 陳本記 與楚,楚 敗歸

中 國

公朝于王所

非禮也。《 書》曰:「六年五服一朝,又六年一

> 所,非 王乃 是天子可得致 時巡,諸 禮 可 知 也。 侯各朝 也,故壬申之朝,諸侯 不言諸 于 方嶽。」公朝 侯者 言 諸 亦 侯 于 没 則 王

而不書焉

六月,衛侯鄭自楚復歸于 此言「自楚復歸于衛」者、 衛 衛 侯 鄭 奔 楚,

人返之于衛

楚而得返于衛也。

衛

侯鄭

與楚

比

周,故

楚

由

一許晚反。

衛 晉侯使元 元 咺 咺 奉公子瑕受盟于 出奔晉 踐

土

一,衛

侯

復

陳侯款卒。

歸,故元咺

懼,奔晉以訴之。

不地者,安之也。 與四年許男新臣 義 同

秋,杞伯姬來。 齊侯、宋公、蔡侯、鄭伯、陳子、莒子、邾子、秦 公子遂 如 齊。 冬,公會晉侯、

人于温。天王狩于河陽

冬,會于温。其言「天王狩于河陽」者,不

七〇

大者。 與晉文再致天子也。 故孔 子以 襄王 自狩爲文,所以黜 晉文再致天子,惡之 强

侯 而尊天子也。 河陽,晉地

壬申,公朝于王所。

朝 王: 也。日繫于月,而此不月者,脱之。 申,公朝于王所,深惡再致襄王以諸侯

晉人執衛 侯,歸之于京師

其臣 文既勝强楚,不能招携撫貳,以崇大德,助 晉人執衛侯歸之于京師者,元咺 一而執 其 君,非所以宗諸侯也。 故也。 故 日 晉

衛 元咺自晉復歸于衛。

晉人」以疾之。

文既 執 衛 侯 歸之于京師,乃返元咺

于衛。

諸 侯遂圍 許

諸 侯 再 會,許皆 不至。

曹伯 襄 復 歸 于曹。

> 芻執而得歸,由天子命,故曰「曹伯 已。案:二百四十年,唯成十六年 三月晉侯入曹,執曹伯,畀宋人。此言「曹 之,曷爲晉文赦之? 春秋亂世,强 伯襄復歸于曹」者,晉文赦之也。晉文 師」以異其文,它皆否焉。 小國之君,無復天子命,執之赦之, 曹 自 歸 侯 自京 伯 執 我 執 負 辱 而

遂會諸侯圍許。

二十有九年春,介葛盧來。

東夷,微國。 不言朝者,不能行朝禮也。

公至自圍許。

公出踰 時

夏六月,會王人、晉人、宋人、齊人、陳人、蔡

人、秦人盟于翟泉。

微者也。 翟泉,周 地。

内不出主名,外曰某人某人盟于翟泉,皆

秋,大雨于付反。雹。冬,介葛盧來。

七

歲 而 再來,非禮之甚。

大夫元 三十 年春 咺及公子瑕。 Ē Ē 月。 夏,狄 衛侯鄭 侵 歸 齊。 于 衛 秋,衛殺 其

歸 此言 返,懼二子之不納 十八年晉文執衛侯歸之于京師,衛 于衛」者,衛侯道殺二子而 「衛殺其大夫元咺及公子瑕。 也, 故道殺二子而 歸也。 衛 案: 二 侯 侯 歸。 得 鄭

晉人、秦人圍鄭 晉文爲之也。

衛侯道殺二子而

歸

無惡文者,二子之禍皆

翟泉之盟,鄭不 至 故

介人侵蕭。 師,遂如晉。 冬,天王使宰周公來聘。 公子 遂

如

京

與 皆 襄 非 禮 王交聘, 伉孰 也。 天子至尊,非 甚 焉 諸 故 侯 日 可得 天 王. 伉, 使 僖 室

惡之。 周 公來 聘,公子 遂 如 京 師,遂 如 晉

> 三十有一年春,取濟子禮反。 西田

復侵 地也。 濟西田 本 魯 地

公子 遂 如 晉。 夏 四 月, 四 1 郊, 不 從, 乃

免牲

年五 卜牛。 諸侯 著 則 曰 郊」,成七年「正月,鼷音奚。 通。諸侯祭其境内 郊者,祭天之名也。天子祭天地,無所 「正月,郊牛之口 夏四 牛。 其 因其瀆亂不時,一則從其災異示變,以 僭 而 月, 月, 鼷鼠 用 天子之惡 Ŧi. 四 天子之祭,僭孰 1 又食 卜郊,不從,乃免牲」,宣三 郊,不從,乃不郊」之類, 其 傷,改卜牛,牛死,乃不 也。 山川。 角, 乃 全者曰 甚 免牛,不郊」,十 鼠食郊牛角,改 魯,諸 焉 ! 牲,傷 侯也, 故 此 者 年 年 以 不

猶 望。

以

猶者,可止之辭。 三望之説,先儒不同。

《公羊》言泰山河海、鄭氏謂「海岱淮」、杜

天子,蓋于四望之中祭其大者三爾,《公内,又諸侯無祭分野星辰之事,且魯既僭止以諸侯祭其封内云爾,况河海淮非魯封預稱「分野之星及境内山川」。據鄭、杜,

羊》得之。

秋七月。冬,杞伯姬來求婦。

伯姬,内女。來求婦者,爲其子來求婦也。

爲其子來求婦,非禮也。

衛畏狄自遷也。帝丘,衛地。 狄圍衛。十有二月,衛遷于帝丘。

卒。衛人侵狄。秋,衛人及狄盟。 三十有二年春王正月。夏四月己丑,鄭伯捷

不地者,就狄盟也。復出衛人者,嫌與内

冬十有二月己卯,晉侯重耳卒。

之微者同。

三十有三年春王二月,秦人入滑。齊侯使國

杜一歸父來聘。

之景景及景及奏师三 最见。 其籍夏四月辛巳,晉人及姜戎敗秦師于殽。

者,秦人入滑雖曰不可,晉襄與姜戎要而此晉襄及姜戎敗秦師于殽也。其稱「人」

却喪用兵,非孝也。故曰「晉人及姜戎敗敗之,此又甚焉。晉襄厄人于險,非仁也。

秦師于殽」以疾之。

反。婁。秋、公子遂帥師伐邾。癸巳、葬晉文公。狄侵齊。公伐邾取訾子斯

夏,公伐邾取訾婁。秋,公子遂帥師伐邾, 基 私 至于遂即節代朱

其惡可知。

晉人敗狄于箕。

箕,晉地。

案:十年、十五年公如齊不至,此至者,齊冬十月,公如齊。十有二月,公至自齊。

乙巳,公薨于小寢。

桓既死,遠朝强齊,危之也。

七三

小寢、非正也。

哲,厥罰常燠,時則有草木妖。」不時也。《五行傳》曰:「視之不明,是謂不隕霜不殺草,李梅實。

晉人、陳人、鄭人伐許。

春秋尊王發微卷第五

後學 成德 校訂

巴陵鍾謙釣重刊

## 春秋尊王發微卷第六

孫 復 撰

子商臣弑其君頵。憂倫反。

秋,公孫敖會晉侯于戚。

冬十月丁未,楚世

晉侯伐

衛。

叔孫得

臣

如

京師。

衛

人伐晉。

也

毛伯,天子卿。

毛,采

地

伯,爵。

功未及施,而天王使毛伯來錫公命,濫賞

位。文, 謚也。 文公名興,僖公子,襄王二十六年即 慈惠愛民曰文。

元年春王正月,公即位

書即

位者,文公繼僖非天子命

也。

月癸亥,日有食之。天王使叔 服來會葬。

叔服來會葬,非禮也。 諸侯五月而葬。僖公薨至此三月,天王使

夏 四 月丁巳,葬我君僖公。 葬,書者,不請謚

天 王使毛伯來錫公命。

五.

月

而

也。

古者三載考績,三考黜陟幽明。 文公即位

> 君」,所以明其尊也。 之尊。言「世子」,所以明 而言其君者,君之于世子,有父之親,有君 稱世子以「弑」,甚商 臣之惡也。 商臣之于尊親盡矣。 其親 也。 不言其父 言「

公孫敖如齊。

二年春 王二月甲子,晉侯及秦師戰于彭 衙,

秦師敗績。

秦

師伐晉以報殽之役,戰于彭衙,秦師敗

丁丑,作僖公主。 績。 殽之役在僖三十三年。 彭衙,秦地。

中反而祭,謂之虞,其主用桑。 丁丑,作僖公主,緩也。禮,平旦而葬,日 期 而小祥,

七五

其

七六

主,緩可知也。 其主用栗。僖公薨至此十五月,作僖公

三月乙巳,及晉處父盟。

公也。不與處父敵公,故不言公。處父不此公及處父盟也。不言公者,不與處父敵

氏,未命也。

本反。 盟于垂隴。 夏六月,公孫敖會宋公、陳侯、鄭伯、晉士穀禾

垂隴,鄭地。

自十有二月不雨,至于秋七月。

不雨歷三時乃書者,惡文公怠于國政,不

懼旱災之甚。

八月丁卯,大事于太廟,躋僖公。

閔 大 而 事 立,其位 者,大其 當 事 在 也 閔 下。 僖 公,閔公庶 文公既君 兄。 欲 尊 繼

也。夫鬼神有常祀,昭穆有常位,不可易其父,故大其事,躋于閔公之上。躋,升

冬,晉人、宋人、陳人、鄭人伐秦。 事于太廟躋僖公,瀆慢不恭也甚矣! 也。文公二月丁丑作僖公主,八月丁卯大

るが、丁・一〇〇

報彭衙之戰。

公子遂如齊納幣。

喪制未終,使同姓大夫圖婚。

三年春 人、衛人、鄭人伐沈。  $\pm$ Œ 月, 叔孫 得 沈潰。 臣 會 晉 夏五 人、宋 月,王 子 陳

虎卒。

外大夫來赴,

非

禮

也

秦人伐晉。秋,楚人圍江。雨于付反。螽音終

于宋。

雨螽于宋,謂雨而爲螽也,猶雨毛、雨土之

類爾。

晉陽處父帥師伐楚以救江。 冬,公如晉。十有二月己巳,公及晉侯盟

先言伐楚而後言以救江者,惡不能救

江

先伐楚,欲其引兵自 也。 楚人圍江,陽處父帥師不急赴之,乃 救 而 江 韋 解 非 救 患

之師也。 故明年秋,楚人滅江

四 年春,公至自晉。

强 自是公朝强國皆至者,惡其輕去宗廟遠朝 國,或執或辱,危之也。

夏,逆婦姜于齊。

此公逆婦姜于齊也。不言公者,諱之也。

不言逆女者,以其成禮于齊也。 以其成禮

于齊,故不言公以諱之。

狄侵齊。 甯俞來聘。冬十有一月壬寅,夫人風氏薨。 秋,楚人滅江。晉侯伐秦。 衛侯使

成風也,僖公妾母。

且. 五 赗。 年春 方鳳反 王正月,王使榮叔歸含户暗反,或作哈。

非禮 榮叔含之賵之,此非禮可知 也。成風僭夫人,襄王不能正,又使 也。 榮叔,周

> 大夫。榮,采地。 叔,字。 不言天王者,脱

之。下會葬同 此。

會葬。 三月辛亥,葬我小君成 風。 王 使 召 伯

來

成,謚也。先言葬而後言會者,不及事也。

又使召伯來會葬,甚矣。 成風,諸侯妾母 ,襄王既使榮叔歸 召伯 天子 含且 卿。 賵,

召,采地。 伯,爵。

夏,公孫敖如晉。 秦人入鄀。音若。 秋,楚人

滅六。

都、六、微國。

處父。 朝于廟。 月,公子遂如晉,葬晉襄公。晉殺其大夫陽 季孫行父如晉。 六年春,葬許僖公。夏,季孫行父如陳。 冬十月甲申,許男業卒。 晉狐 射姑出奔狄。閏月,不告月,猶 八月乙亥,晉侯驩 卒。

冬十

七七

七八

月者,是常告也。文既不告閏月,猶朝于春秋二百四十二年閏月多矣,獨此書不告

七年春,公伐邾。三月甲戌,取須句。其俱反。

廟,非

:禮可

知。

惡再取也。案: 僖二十二年公伐邾取須

遂城郚。音吾。

句,後其地復入于邾。

遂城部,重勞民也。部,魯邑。

夏四月,宋公王臣卒。宋人殺其大夫。

稱人以殺,殺有罪也。不言名氏者,脱

之也。

戊子,晉人及秦人戰于令力呈反。狐。

人某人而已。言「戰」不言「敗」者,勝負敵疾之甚也。故自是不復名其将帥,但曰某書「晉侯及秦師戰于彭衙」,此稱「人」者,秦晉自殽之役結怨,用兵償報不已。二年

令狐,秦地。

晉先蔑奔秦。

先蔑書者,不可言晉人故也。不言出去

明自軍中而去。

于扈。, 秋八月,公會諸侯、晉大夫盟

扈之會不序者,略之也。公本期會于扈

而

不至焉,故略之也

冬,徐伐莒。

徐不稱人,夷也。

公孫敖如莒涖盟。

襄王也。

反。乙酉,公子遂會雒戎盟于暴。 |冬十月壬午,公子遂會晉趙盾盟于衡雍。

於用

再言公子遂者,非繼事也。此壬午公子遂反。乙酉,公子遂會雒戎盟于暴。

與晉趙盾盟于

衡雍,乙酉還至暴,又與雒

戎 衡 盟 爾。 Z 故曰「壬午公子遂會 酉,公子遂 會雅 戎 盟 晉 于暴」 |趙盾| 盟 也 于

公子遂,莊公子。暴、衡 雍,皆鄭地

公孫敖如京師,不至而復。 以疾 公孫 道 矣。不言所至者,舉京師爲重也。 使之自恣得 乃復。 以自恣也。 而反也。 而 敖如 而 返 乎? 還,義猶不 至黄乃復者,以疾而還也。公子遂 丙 京 案:宣八年公子遂如齊,至 戌,奔莒。 師 以奔莒,此文公之惡亦 此敖之罪固不容誅矣。 一,

中

喪 可,況敖如京師 也。 文公不能 丙戌,奔莒。 不至而復,中 誅 弔 放,得 可 喪 而 見 中 黄 道 又

螽。 宋人殺其大夫司馬。 宋司城來 奔。

也。 脱之。《左氏》稱司馬握節以 宋人殺 大國 司 城蕩意諸效節于府人而出,公以其 其 大夫 三卿,次 司馬,宋司 或 一卿。 城 不 來 死,故 書名氏 奔, 譏六 書以 卿

> 舉故 其大夫」,文七年「宋人殺其大夫」,皆以 十六年「曹殺其大夫」,僖二十五年「宋殺 君之辭也。于義皆所未安。 者,宋三世 官逆之,亦 也。 此不書名氏,脱之,斷可知矣。 無 書 大夫。 以官。《公羊》言皆以 《穀梁》 何者 謂 以 官 ? 稱 莊 官 無 舉

九年春,毛伯來求金。

夫人 ,葬襄王 姜氏如齊。二月,叔孫得臣如京師。 辛

襄王未葬,毛伯來求金,其惡可知也。

 $\mathbb{H}$ 

故書襄王之葬以惡内 王」,魯皆使卿 月乙亥,晉侯驩卒」,「冬十月,公子遂如 年「二月、叔孫 葬襄公」。 襄王七月而葬書者,惡内也。案:六年「八 前年「秋八月戊申天王崩」, 會,是天子諸 得 臣 如 京 師。 侯 辛 口 得 Н. 一,葬襄 齊也, 此 晉

晉人殺其大夫先都。 三月,夫人姜氏 至

八〇

自齊。

亂 夫人行不 「至」, 出 姜又 不安 此 魯,終以 至 者, 子 弑 孔 子 而 傷文姜之 去。 十八

年夫人姜氏歸于齊是也。

伐鄭。
晉人殺其大夫士穀禾木反。及箕鄭父。楚人

鄭。 楚 復 今伐 彊 也。 鄭 者,晉文既 楚 自 城 濮 死,中 之敗, 或 不 不 敢 振 加 故 兵于 也。

城濮之敗在僖二十八年。

狄 公子遂會 侵 齊。 晉 秋 人、宋人、衛人、許 八 月, 曹 伯 襄 卒。 人救 九 月 鄭。 癸 夏, 酉

震,動也。地而震,失地道也。

地

震

冬,楚子使椒來聘。

也。 此 楚子執 稱 爵 椒、楚大夫。 者,以 宋 公伐宋,復 其慕義,使 未命,故不氏。 貶 稱 椒 人 再 者二 來 修 聘,進 + 秦術、吴 年, 之 至

一年。 執宋公伐宋在僖一

秦人來歸僖公、成風之遂,臣囚。 昬斉,又秦人來歸僖公、成風之襚。音遂,衣服曰襚。

見周 來歸 來歸 我 春王 案: 公始,天子 者,妾母稱 秦 小 人來歸 僖公、成 僖公成 君 正 四 室 年十有 成 月 陵 僖 王 風 (遲,典禮錯亂,秦人之不若 不 夫人 使榮 王 公、成風之襚,正 風 風 能 一月壬 之襚 非正 之襚,不 使 IE. 叔 而 召 歸 秦 也。 伯 寅 含 人能之,故 來 此固 夫人 . 及 且 妾母 會 賵 事也。 一葬,此 周 風 也。 ,三月辛 稱 室 氏薨,五 夫 其 陵 日 書者,以 人 年 遲, 秦 言 自 秦 亥 也。 典. 僖 Œ 葬 年

葬曹共公。

禮錯

亂,秦

人之不若也,悲夫

+ 亦 年 晉 自 可 春 見也。 令狐之戰 王三月 辛 而 卯 秦 不 不 出 臧 師 顧人命,見利 孫 者三年,其 辰 卒。 夏,秦伐 厭戰之心 而 動,又

起 此役,夷狄之道也。 故曰「秦伐晉」以

狄之。

楚殺其大夫宜申。 自正月不 雨至于秋七月。

及蘇 子盟于女音汝,又如字。 栗。

内不出主名,微者。 蘇子,天子卿。文公

使微者盟天子卿,其惡可知。 女栗,地闕

十有一年春,楚子伐麇。 冬,狄侵宋。 楚子、蔡侯次于厥貉。某百反 俱倫反。 夏,叔彭生

會晉郤缺于承匡。 一作筐。

承匡,宋地。

秋,曹伯來朝。 公子遂如宋。 狄侵齊。 冬十

月甲午,叔孫得臣敗狄于鹹。

有二年春王正月, 郕伯來奔。

諸 侯 播 越失 地 皆名,此不名者, 非 自 失

師 , 自是人齊爲 附庸。 此 而來 奔,齊所倡

爾

,故不名。

也。

案: 莊

八年師

及齊師

韋

郕

郕

降

于

齊

或

杞伯來朝。二月庚子,子叔姬卒。

叔 姬,文公女也,故曰「子叔姬」。 書者,不

服也。

夏,楚人圍巢。 秋,滕子來朝。 秦伯使 衛

來聘。

衛不氏,與九年楚椒

義同

冬十有二月戊午,晉人、秦人戰于河

二國之讎既易世矣,二國之戰固 可以

也。 彰父之不 而秦康、晉靈猶尋舊怨,殘民以逞,是 ·德也。 故孔子自令狐之戰不 復

言「及」者,惡其迭起報怨,互覆師徒,一目 名其將帥。 然令狐之戰 猶書「及」焉,此

季 之也。 孫行父帥 河曲,晉地 師城諸及鄆

帥 師 而 城,畏莒故也。 鄆, 莒、魯所争者。

卒。 十有 邾子 三年 蘧其居反。 春 王正月。 蒢丈居反。 夏五 月壬午,陳 卒。 自 正月不 侯 朔

八

雨至于秋七月。大音泰。室屋壊。

太室,群公曰宫。文公爲宗廟社稷主,而大室,伯禽之廟也。周公曰太廟,伯禽曰

俾大室屋壞,其不恭也若此

公于棐。 捷茲二月己丑,公及晉侯盟。公還自晉。鄭伯會 邾立冬,公如晉。衛侯會公于沓。狄侵衛。十有 | 克納。

棐,鄭地。 子之事也,故詳録其地以惡之。沓,地闕。公本朝晉,既朝且盟,又貪二國之會,皆天

鄙 + 有 叔 四 年 彭 春 生 王正月,公至自 帥 師 伐 邾。 夏五 晉。 月乙 邾人伐 亥,齊 我 侯 南

齊昭公。

潘

卒。

伯、晉趙盾。 六月,公會 宋公、 癸酉 陳 司 侯、 盟 衛 于 新 侯、 城 鄭 伯、 許男、曹

新城,宋地。

秋七月,有星孛音佩。入于北斗。

人戶化十沓,人戶彤戶也。 孛, 彗之屬。偏指曰彗,光芒四出曰孛

公至自會。晉人納捷菑側其反。于邾,入于北斗者,入于魁中也。

弗

邾文公二子,大子貜俱縛反。 納捷菑于邾,弗克納」以疾之。 嫡、亂人之國、此王法所誅 也,或曰郤缺 捷菑奔晉,故 晉人納 也。 邾 捷 人亂 菑 于 馬,晉 也。 邾。 且子余反。 故 人以 或 日 庶 趙 <u>,</u> 盾

九月甲申,公孫敖卒于齊。

起。敖奔莒在八年。奔大夫不卒,此卒者,爲明年齊人歸

其

喪

齊公子商人弑其君舍。

甚,嫌 舍、未踰 人爲萬世戒 未 踰年 年 稱 與 君 成君 者。 異 孔 也, 子 疾 故 亂 誅 臣 公子 賊 子 商 之

道,子哀不食其禄,懼亂來奔,故曰「宋子 子哀,宋公族。子,姓。哀,名也。 昭公無

哀」。 公十七年。 此亦公弟叔肸之比也。 叔肸事見宣

叔姬。

冬單音善。 也。 單伯、魯大夫。 人執子叔 舍既 伯如齊。 遇弑 姬。 單伯至此 ,魯使單伯視 子叔 齊人執單伯。 姬, 猶見者,蓋其子孫 昭公夫人, 子 叔 齊人執子 姬, 舍 故 商 母

華户駕反。 十有五年 春,季孫 孫來盟 行父如晉。 三月, 宋司 馬

世爾。

魯通問 宋自僖 會諸侯于薄,釋宋公之後,未嘗 一旦華孫來 請 結盟于我,以尋舊 與

好,故曰 ,與齊高子義 「宋司馬 同。 華 孫 僖會諸侯于薄,釋宋 來盟」也。 不言「使

春

秋尊王發微卷第六

公,在僖二十一年。

夏,曹伯來朝。齊人歸公孫敖之喪。

莒, 罪當誅 案:八年天王崩,公孫敖如京師弔,廢命 絶。 雖 死,義 不 , 得 反。 齊人

歸

奔

之,魯人受之,皆非禮也

六月辛丑朔,日有食之。 鼓,用牲于社。 單

伯 至自齊。

執季 内 大夫 孫意 執 如 則 至,至 以 歸 + 則 名。 四 年「意如 昭十三年「晉人 至 自晉

是也。 此不名者,天子命大夫也

晉郤缺帥師伐蔡。戊申入蔡。

蔡人不與新城之盟,晉郤缺 帥 師 伐蔡,遂

秋,齊人侵我 人其國,其惡 活 鄙。 可 知也。 季孫 行父如晉。 新城之盟 在 前 年。

行父,公子友孫

冬十有一月,諸侯 盟 于扈。

公寬奢怠于國 事,諸侯皆會而 公獨不與,

八三

故 諱之,略而不序也

十有二月,齊人來歸子叔 姬

齊人來歸子 叔 姬 也。 商 人既 弑 其子 又絶

其母,甚矣!

齊侯侵我西鄙,遂伐曹,入其郛。

十有六年春,季孫行父會齊侯于陽穀,齊侯

弗及盟。 夏五月,公四不視朔。

天子班朔,諸侯藏于祖 廟,每月 朝 廟、北 面

受而 朔 自是視朔之禮遂廢,子貢欲去告朔之餼羊 而 四不視之,此文公之不臣也甚矣。 行之。文公不肖, 怠棄國政, 天子班 故

六月戊辰,公子遂及齊侯盟于郪音西。

丘。

是也

秋八月辛未,夫人姜氏薨

復陽穀之盟也。

郪丘,齊地

毀泉臺。 僖公夫人,文公母。

> 毁泉臺,惡勞民也。 築之勞,毁之勞,既築

之又毁之,可謂勞矣。

楚人、秦人、巴人滅庸。 冬十有 月,宋人弑

其君杵臼。

稱人、微者也。 名氏不登于史策,故微者

十有 弑君,稱人以誅之也。 七年春,晉人、衛人、陳 鄭人伐宋。

夏四 月癸亥,葬我小君聲姜。

聲, 溢也。 九月 而 葬。

齊侯 伐我西 ... 六月癸未,公及齊侯盟于

穀。 諸侯會于扈。

秋,公至自穀。冬,公子遂如齊。

諸侯不序,義與十五年同。

臺下,非正也。

十有八年春王二月丁丑,公薨于臺下。

秦伯祭音器 卒。

秦康公。

90

葬我君文公。秋,公子遂、叔孫得臣如 夏五月戊戌,齊人弑其君商人。六月癸酉, 齊。

冬十月,子卒。

宣公。 子,子赤也。不日,弑也。弑則曷爲不 也。文公葬,公子倭弑子赤自立,是爲 未踰年,故不日以别之。不名,文公既葬 日? 不忍言也。案:成君弑不地。子赤

夫人姜氏歸于齊。

季孫行父如齊。莒弑其君庶其。 夫人,子赤母。子赤見弑,故大歸于齊。

稱國以弒,衆也。謂肆禍者非一,故衆弒 君則稱國以誅之,言舉國之人可誅也。

春秋尊王發微卷第六

後學 成德 校訂

巴陵鍾謙鈞

重刊

八五.

## 春秋尊王發微卷第七

孫 復 撰

子赤 宣公名倭烏戈反,一名接,又作委。 庶兄 医 王 Ŧi. 年即 位。 宣,謚也。 文公子,

善問 周 達 日 宣

元年春王正月,公即位。 公子遂如齊逆女。

三月,遂以夫人婦姜至自齊。

遂不稱公子,前見也。 此言「公子遂如 齊 諸侯 逆女」、「遂以 親 迎,禮之大 夫 人 晉趙盾

辭。不言氏者,以喪 婦姜至自 齊」,皆非 禮 取,贬之也。 也。 稱婦, 夫人 有 姑 貶 之

則公之惡從可見矣。 文公薨十四 月。

夏,季孫

行父如

齊。

晋

放

其

大夫胥

甲

父

于衛 放,逐 禮也

也。

晉放其大夫胥甲父于衛,非

公會齊侯于平州

宣公弑子赤 而 立,懼 齊見討,故會齊侯

于

平州。 平州,齊地

公子遂如齊。六月,齊人取濟子禮反。 平州之會方退,齊人取濟 西

秋,邾子來朝。楚子、鄭人侵陳,遂侵宋。

知也。

楚子、鄭人侵陳,遂侵宋,鄭叛晉 也

晉師于棐林,伐鄭

師師

救陳。

宋公、陳侯、衛侯、曹伯

曹伯于棐林,伐鄭也。 盾致四國之君也。 衛侯、曹伯會晉師 此晉趙 盾 帥 師救陳,會宋公、陳侯、衛侯、 于棐林伐鄭」者,不與趙 經言「宋公、陳侯、

田

其

惡

可

西

田

冬,晉趙穿帥

師侵崇。

崇,秦與國

晉人、宋人伐鄭。

鄭未服也。

公子歸生帥師戰于大棘,宋師敗績,獲 二年春王二月壬子,宋華户駕反。 元帥 師 及 宋 鄭

其衆敵 宋華元帥師及鄭公子歸生帥 也。 宋師敗績 獲宋華元,惡鄭公子 師戰于大棘,

獲其帥,可謂甚矣。大棘,宋地。

歸生與

楚比周, 戕艾中國。既敗宋師,又

秦師伐晉。夏,晉人、宋人、衛人、陳人侵鄭。

報大棘之戰。

秋九月乙丑,晉趙盾弑其君夷臯。冬十月乙

亥,天王崩。

乃不郊,猶三望。 三年春王正月,郊牛之口傷,改卜牛。 牛死, 葬匡王。

> 天子七月而葬。 匡王崩至此 四 月, 非

> > 可

知 也

楚子伐陸渾之戎。夏,楚人侵鄭。

鄭即晉故也。

秋,赤狄侵齊。 宋師 韋 曹。

冬十月丙

1.戌,鄭

伯蘭卒。 葬鄭穆公。

四年春王正月,公及齊侯平莒及郯,莒人不

肯。公伐莒,取向。舒亮反。

公及齊侯平莒及郯,可 在莒也。 公伐莒取向,此則甚矣。郯、莒, 也。 莒人不肯,惡

93

皆小國。

夷。 秦伯稻卒。夏六月乙酉,鄭公子歸生弑其君 赤狄侵齊。 秋,公如齊。 公至自

冬,楚子伐鄭

高固來逆子叔姬 五年春,公如齊。夏,公至自齊。秋九月,齊

不言來逆女者,惡其成婚于魯也。 成婚于

魯 非 禮 也 莊二十八年「莒慶來逆叔 姬

君

命

無

所

壅。

公子

遂聘

于齊,

至

黄

乃

復,

将

義 同

叔孫得臣卒。 冬,齊高固及子叔姬來。

姬,而冬與子叔姬 大夫非君命不越境。 來,豈君命也哉? 齊高 固秋 來逆子 故 叔

齊高 古 |及子 叔姬來」,以惡之。

楚人伐鄭。

六年春,晉趙盾、衛孫免侵陳。

陳 即 楚 故 晉趙 盾、衛孫 免侵 陳, 陳 人

請 成

夏四月。 秋八月,螽。 冬十月。

伐萊。 侯、宋公、衛侯、鄭伯、曹伯于黑壤。 七年春,衛侯使孫 秋,公至自伐 良夫來盟。夏,公會齊侯 萊。 大旱。冬,公會晉

黑壤,晉地

黄乃復。 八年春,公至自會。 夏六月,公子遂如齊,至

> 命。 廢 君 遂以疾還,其罪 命 也 大 夫 以 君 可 命 知 出 也 雖 死 以

辛巳,有事于太廟。仲遂卒于垂

廟。 十六年「公子季友卒」,亦此義也。 仲遂,公子遂也。 仲遂卒與祭同 仲遂卒于垂。]字者,天子命大夫。 日,故曰:「辛巳,有 不言公子者,前 事于太 見 也。 僖

壬午,猶繹。 萬人去籥

繹。 者? 公不能正仲遂之罪,則當爲 繹 壬午猶繹,非 而 萬入去籥」以惡之。 繹 君臣之恩未絶也。 也。 仲遂雖卒,猶當追正 禮 也。 萬 人 去籥 故 曰「壬午, 之廢繹。 知知 其 其 罪 不 猶 口 何 宣

宣公母

戊子,夫人嬴氏薨。

晉 師、白狄伐秦。 楚人 滅舒蓼。 秋七月 甲

子 日 有食之,既。冬十月己丑,葬我小君敬

嬴 **雨** ,不克葬。 庚寅,日 中而 克 葬

敬 凡 益 喪,浴于中霤,飯于牖 嬴,姓。 雨 不克葬, 下,小斂 譏 于户 無 備 内, 也

所 大斂于阼階,殯于客位,祖于庭,葬于墓, 以 即遠 也。 葬既 有日,不爲 雨 止 且. 經

言「己丑、葬我 小 君 敬 嬴 雨, 不 克葬」, 是 晉

不可 己丑之日喪,既行 知,設若浹日 而遇 雨 彌月,其 也。 且 雨 之遲 停柩路 久

得

而

可

此言 次 不 庚寅 行 乎? 日 中而 案 : 克葬,葬之無備 禮,平旦 而 葬, 日 可 中 知 而 也 虞。

城平陽。 楚師 伐 陳

楚伐陳,取成 而還

九年春  $\pm$ 正月,公如

公至自齊。 公有 母 喪 夏,仲孫 而 遠朝强齊,公之無哀也甚矣 蔑 如 京 師

孫蔑,公孫敖之孫

齊侯伐萊。 秋, 取根 牟。

成六 根 牟 年取鄟 微 或。 音 内 專,又市 滅 或 戀 日 反。 取 襄 此 + 年  $\equiv$ 年 取 取 根 邿

牟

音詩。 是也。

八月 滕子卒。 九月晉侯、宋公、衛侯、 鄭

伯

曹 伯 會于扈。

荀 林 父 帥 師 伐 陳。 辛 西, 晉 侯 黑 臀 卒

于扈。

會于扈,陳侯不至。

伐陳,晉侯卒,乃 還

冬十月癸酉,衛侯鄭卒。

宋

人圍

滕。

楚子伐

鄭。 郤 晉郤 缺 不 克 缺 救鄭 帥 師 鄭與 救 鄭。

陳 殺 稱 或 其 大 以 殺 夫 7,不以 洩 冶 其罪

十 年 春 公如 齊。 公至自 齊。 齊 人 歸 我 濟

也

西 田

晉荀林父以諸侯之師

公 連 年 朝 齊, 故 齊 人 歸 我 濟 西  $\coprod$ 言

我」, 明 本 魯 地 也。 齊 人 取 濟 西 H 在

元年。

齊 夏 崔 四 氏 月 出 丙 奔 辰 衛 日 有食之。 己巳,齊 侯元 卒。

崔 氏, 齊大夫。言氏者,起其世 也。 東 遷

之後,天子諸

侯大夫皆世。

隱三年

書

尹

氏,譏天子大夫。 故此 書「崔氏」,譏 諸 侯

大 夫也

弑 公如 其君平國。 齊。 五月,公至自齊。 六月,宋師伐滕。公孫 癸巳,陳夏 歸父 微 如 舒

葬齊惠公。

公孫歸父,公子遂子。

晉人、宋人、衛人、曹人伐 鄭。

秋,天王使王季子來

諸侯之師伐鄭,取成

而

還

季,字。子,爵。天子之大夫稱 字。

> 公孫歸 父帥 師 伐 邾 取

繹, 邾地

齊侯 大水。 使國 季孫行 佐 來 聘。 父如 饑 齊。 冬,公孫歸父如 齊。

Ŧi. 穀 不 成  $\Box$ 饑

楚子伐鄭

十有一年春王正月。 夏,楚子、陳侯、鄭伯盟

于辰 陵。

陳、

鄭即

楚故也。

辰

陵,

陳

地

公孫歸父會齊人伐 反。 古。 秋,晉侯會 ·狄于 欑 才

欑 函 函。 狄 地

官

音咸

冬十月,楚人殺陳 夏徵 舒

楚討 此楚子殺陳 也 陳 夏徵舒也。 夏徵舒弑 其君,天子不能誅, 其言「楚人」者,與

也。 諸侯 孔 不 子 能 與 討 楚討 圃 楚人能之,故孔子與 者 傷中國 無 人, 喪亂 楚討 陵

遲之甚也

丁亥,楚子入陳,納公孫寕、儀行父于陳。

納公孫寧、儀行父于陳」者,惡楚子行 上言「楚人殺陳夏徵舒」,下言「楚子 義 入陳 不

終也。楚子討陳弑君之賊,正也,因而 人

陳 以納淫亂之人,此則甚矣。

乙卯,晉荀林父帥 十有二年春,葬陳靈公。 師及楚子戰于邲,扶必反,一 楚子圍鄭。夏六月

音弼。 晉師敗績。

鄭 帥 師 復從晉,故楚子圍之。六月, 救 鄭。 乙卯,戰 于邲,晉師 晉荀 敗 績 林 鄭 父

遂與楚平。 邲,鄭地。

人、宋人、衛人、曹人同盟于清丘 秋七月。冬十有二月戊寅,楚子滅蕭。

清丘,衛地

宋師伐陳,衛人救陳。

十有三年春,齊師伐莒。夏,楚子伐宋。

楚子伐宋,以其伐陳也。

秋,螽。冬,晉殺其大夫先穀

申,曹伯壽卒。 晉侯伐鄭

十有四年春,衛殺其大夫孔

達。

夏

五月壬

鄭與楚故。

秋 九月,楚子圍宋。

楚之困宋也,數矣。案: 僖二十一年宋公、

楚子、陳侯、鄭伯、許男、曹伯會于盂,執宋

十二年宋公及楚人戰于泓,宋師 敗績。

公以伐宋,公會諸侯盟于薄,釋宋公。

十七年楚人、陳侯、蔡侯、鄭伯、許男圍宋,

也,可謂數矣。

公會諸侯盟于宋。今又圍之。

楚之困宋

晉

十有五年春,公孫歸 葬曹文公。冬,公孫歸父會齊侯 父會楚子于宋。 于穀。 夏五

月,宋人及楚人平。

此公孫歸父平宋楚也。 楚子圍宋九月,天

九一

親 于 宋, 初 税 畝

父會楚子于宋」,後言「宋人及楚人平」,此 歸 宣公奢泰,國 古者什 而税 用不足,又取 于民,初 税 畝 私 非 田 以斂 IE. 也。 其

此

狄 狄 歸 潞 亂 饑,國 乎?] 曰 也?」哀公言「二,吾猶 始什二而税也。 用不足,如之何?」有若對曰:「盍 : 「二,吾猶 故哀公問於有若 不足, 不足」, 如 則 之 魯自 Ħ 何 [二年 其 宣

徹

徹

六月癸卯,晉師

滅赤狄潞氏,以潞子嬰兒

詩》云:「薄

·伐玁狁,至于太原。」夷

公孫平宋楚可知也。稱人,衆辭

故

使公孫

歸

父

會

而

平之。

經先言「公孫

下

諸

侯

莫

有

救

者。

魯素比

于

楚

而

以來,什二而稅 也 可 知矣。

冬,蝝悦全反,又音尹絹 反。 生。

秦人伐晉。

王札子殺召伯、毛伯。

氏,以潞子嬰兒歸,此則甚矣。

華,●諸侯驅之逐之可

也。

晉

師

滅

赤

秋中之螽未息,冬又生子,重爲災。

專孰 子人 其 饑。 + 吁。 有 六年春王正月, 晉人滅赤狄

甲氏

及

臣,殺召伯、毛伯于朝,定王不能禁,

子不得專殺。

王札子,人臣也。

王札

生殺之柄,天子所持也。

是故《春秋》

非

天

夏,成周 潞 氏 餘 宣 種 榭 火。

仲孫蔑會 齊高固于無婁。

無婁、杞邑。

秋,螽。

誤倒

爾。

召伯、毛伯,天子

恶。

王札

子,王

子

札

也。

一 王

札子」,文

甚焉。

故

 $\Box$ 

「王札子殺召伯、毛伯」以

誅

留

0 夷狄 亂華」, 四庫本作「侵軼疆

公

成周,東周也。宣榭,宣王之榭也。其曰

之。傷聖王之烈既不可得而見,聖王之迹無有能以王道興起之者,故因其災也傷戡亂,中興之主,平、惠以降皆庸暗龌龊,「成周宣榭火」者,孔子傷之也。宣王振衰

秋,郯伯姬來歸。

又從而災之也

棄而來歸也。

冬,大有年。

秋,公至自會。冬十有一月壬午,公弟叔肸許侯、曹伯、邾子同盟于斷直管反,一音短。道。六月癸卯,日有食之。己未,公會晉侯、衛未,蔡侯申卒。夏,葬許昭公。葬蔡文公。十有七年春王正月庚子,許男錫我卒。丁

乙反。卒。

終身不食其禄,非大夫也。故曰「公弟叔公子,宣公母弟。宣公殺子赤立肸,惡之,卒也。凡稱公子公孫,皆大夫也。肸,文不曰公子公孫而曰「公弟叔肸」者,無禄而

十有八年春,晉侯、衛世子臧伐齊。 公伐杞。

肸卒」,所以重宣公之惡也。

我,殺也。案:僖十九年:「夏六月,宋公、夏四月。秋七月,邾人戕鄫z陵反。子于鄫。

天子不能誅,故此肆然復戕鄫子于鄫也。酉,邾人執鄫子用之。」邾人執鄫子用之,曹人、邾人盟于曹南,鄫子會盟于邾。己

甲戌,楚子旅卒。

地以鄫者,責鄫臣子不能拒難

所誅,故皆不書葬以貶之。 不書葬者,貶之也。吴楚僭極惡重,王法

公孫歸父如晉。冬十月壬戌,公薨于路寝。

歸父還自晉,至笙,遂奔齊。

至笙,聞宣公薨,以是奔齊。人臣之義,受命也。歸父得幸于宣公,秋聘于晉,冬還此言「歸父還自晉至笙遂奔齊」者,惡不復

「遂」以惡之。歸父,公子遂子。不言公孫不復命于魯,以是奔齊,非禮也。故曰命而出,雖君薨猶當復命。歸父還至笙,

者,前見也。

春秋尊王發微卷第七

巴陵鍾謙釣重刊後學 成德 校訂

## 春 秋 尊王發微卷第八

孫 復 撰

位。成,謚也。安民立政曰成。 成公名黑肱,宣公子,定王十七年 即

宣公。 元年春王正 無冰 月,公即位。二月辛酉,葬我君

以王師

自敗爲文,所以存周

也。

《書》曰「僭,常暘若」,無冰,常暘之應也 周之二月,夏之十二月。 無冰,冬温 也。

三月,作丘甲。

爲井,四井爲邑, 甲」者,成公即 作丘甲,丘 人爲甲也。 無 謂丘 位 甲 不能 也。 四 出 邑爲丘。出戎馬一匹, 甲 修德 丘 土 無 人。 以靖 甲,其 古者 其國  $\exists$ 九夫 作丘 俾 丘

夏,臧孫許及晉侯盟于赤棘。 臧孫許,臧孫 辰子。 赤棘,晉地。

4

三頭。

何甲士之有?

故曰「三月作丘

甲」,以惡之也

秋,王師敗績于茅戎

師 此 敵,非茅戎可得敗也。 王師 敗績于茅戎」者,王者至尊,天下莫得 及茅戎 戦,王 師 定王庸暗, 敗 績 也。 經言「王 無 宣

侯戦 齊帥 良夫帥 如 癸酉,季孫 冬十月。 二年春,齊侯伐我北鄙。 師 于 師 師 牽,齊師敗 己酉,及國佐盟于袁婁。 會晉郤克、衛孫 及齊師戰于新築,衛師敗績。 行父、臧孫 績。 許、 秋 良 七月,齊侯 夏四 夫、曹公子 叔 孫 月丙戌,衛孫 僑 如 使 首 公 或 及 孫 六月 佐 齊 嬰

九五

Ŧ

而

之烈,王師爲茅戎所敗,惡之大者,故

許之。 子首伐 績。 使告 晉、衛、曹,敗齊侯于鞌,盟國佐 侯以起此 僑 齊 侯 如、公孫 春伐我 晉師 于晉 七月己 齊。癸酉,及 逐,齊侯 戰,信不道矣。 嬰齊會晉部 六月,季 北 鄙 酉,盟于 夏 使 孫 敗 齊 或 克、衛 袁 衛 佐 侯 行 師于 婁。 父、 戰 如 然 師 于搴,齊 孫 臧 魯 齊 新 請 于袁婁,此 良 孫 出 頃 築, 平, 夫、 許 几 數 魯、 卿 師 曹 病 郤 叔 克 公 會 諸 敗 孫 衛

八月壬午,宋公鮑卒。庚寅,衛侯速卒。取叔肸子。新築,衛地。鞌、袁婁,齊地。

伐

鄭

又甚焉。

故列數之以著其惡。公孫嬰齊,

汶

陽田

冬,楚師、鄭師侵衛。十有一月,公會楚公子故復取之。不言取之齊者,明本非齊地。 汶陽之田,魯地也。齊人侵之,今魯從晉,

嬰齊于蜀

丙

申,公及楚人、秦人、宋人、陳

人、衛人、鄭人、齊人、曹人、邾人、薛人、鄫人

<sup>阳</sup> 盟于蜀

也。 嬰齊伉也。後言「丙申公及楚人、秦人、宋 先言「公會楚公子嬰齊于蜀」, 乃會楚公子嬰 冬,楚師 人、鄫人盟 人、陳人、衛 蜀,魯 鄭 地 于 人、鄭 師 蜀, 侵 齊 衛。 與 人、齊人、曹人、邾人、薛 以 諸 見公叛晉即 公懼二師 侯之大夫盟 以見楚公子 之 及 楚之惡 于 境 也

三年春王正月,公會晉侯、宋公、衛侯、曹伯

宋文、衛穆未葬,成公會晉伐鄭,其惡可

新宫災,三日哭。

辛亥,葬衛

穆公。二月,公至自伐鄭。

甲

知

也。

新宫者,成公主祀弗敢斥也,故曰「新宫災 稱 新宫者,宣公也。 溢,此 不 稱謚 者,親 案: 哀三年 廟 也 桓宫、 親 廟 災 僖宫 其 災

之也。

帥 Z 亥,葬宋文公。 三日 師 伐 哭」。 許。 公至 三日 哭,哀 自 夏,公如晉。 晉。 則 秋,叔 哀矣, 孫 何 鄭 僑 所 公 子 補 如 也 帥 去 ? 疾 師

韋 棘

棘 附 庸

侯使孫 反。 如 0 晉郤 良夫來聘。 冬十有一月, 克、 衛 孫 丙午,及荀 良 台 夫 侯使荀 伐 廧 庚盟 在 庚來 良反。 聘。 丁未, 咎 古刀 衛

及 孫 良 夫 盟

以 伉 先 此 也。 公及荀 孫 盟,非伉而 良夫盟 二 子 庚、孫 , 先至也 來 何 ? 聘,不能 良 夫 故言 盟 也,不言公者,二子 以 聘 信 以惡之。 相親,反要公 荀 庚

鄭 伐 許

背 其 華即 日 鄭伐 夷,與楚比周,一歲而 許 者, 狄 之也。 狄之者, 再伐許,故 鄭 狄 襄

> 堅卒。 公如 几 年 晉。 春, 杞 宋公 葬 伯 鄭 來 使 襄 朝。 華 公。 元 夏 來 秋,公至 四 聘。 月 甲 三月 寅 É 臧 <u>T:</u> 台。 孫 申 冬,城 許 鄭 伯

鄆 鄭伯 伐 許

Ŧi. 年 春  $\pm$ IE. 月,杞 叔 姬 來 歸

仲 孫 來 歸 蔑 者 如 宋。 棄 而 夏,叔 來 歸 孫 也 僑 如

會 台 荀 首

于穀。

梁 Ш 崩

 $\wedge$ 春 梁 秋 Ш 災 崩 異 其 小 辭 者 略 略,大者 者, 比 沙 詳 鹿 之 僖 異 + 小 几 也 年

秋八月辛卯 沙沙 鹿崩」是 也。

秋,大水。 冬十有一月己酉,天王崩

定王 也。

+

有二月己

丑,公會

晉

侯、齊侯、宋公、

衛侯、

鄭 伯、曹伯、邾子、杞伯 同 盟 于 蟲 牢。

蟲 盟 于 牢 蟲牢,不顧 之盟 鄭 服 甚矣。 也 天王崩,晉合諸 蟲牢 ·, 鄭 地

侯同

九七

六年春王正月,公至自會。二月辛巳,立

武宫。

常,故不言立。此言「二月辛巳,立武宫」, | 武宫者,武公之宫也。其毁已久,宗廟有 | 二

非禮可知也。

取專。音專,又市臠反。

宣九年取根牟,此年取鄟,襄十三年取邿,

皆微國也。

孫 衛 嬰齊 孫 良 如 夫 晉 帥 師 侵 <u>I</u>: 中, 宋。 鄭 夏六月,邾 伯費音秘。 子來 卒。 朝。 秋,仲 公

孫蔑、叔孫僑如帥師侵宋。 楚公子嬰齊帥師

伐鄭。

鄭從晉故也,前年受盟蟲牢。

七年春王正月,鼷鼠食郊牛角。改卜牛,鼷冬,季孫行父如晉。晉樂書帥師救鄭。

吴本子爵,始見于經。曰「吴」者,惡其僭

鼠

又食其角,乃

免

牛。

吴伐郯

號,狄之也。

夏五月,曹伯來朝。不郊,猶三望。秋,楚公

侯、曹伯、莒子、邾子、杞伯救鄭。八月戊辰,子嬰齊帥師伐鄭。公會晉侯、齊侯、宋公、衛

同盟于馬陵。

諸侯救鄭,八月戊辰同盟于馬陵,病

楚故

也。馬陵,衛地。

公至自會。吴入州來。

吴乘楚伐鄭,故入州來。州來,微國

冬,大雩。衛孫林父出奔晉。

八年春,晉侯使韓穿來言汶陽之田,歸之

于齊。

汶陽 也。 也。 齊取之。晉侯使韓穿來言歸之于齊,非 也,故曰「晉侯使韓穿來言汶陽之 之田 晉侯使歸之于齊,是魯國之命 魯之土 齊 地天子所封,非晉侯 所侵魯 地 也,故二年用 所 田 制 歸 得 師 在 Ë 之 晉 制 于

于 齊\_ 以惡之。

華元 晉樂 來聘。 書 帥 師 夏,宋公使公孫 侵蔡。 公孫 嬰 夀 齊 來 如 納 苔。 宋 公使

宋公使公孫壽來納幣,非禮 也

晉殺 其 大夫趙 同、趙括。 秋七月,天子 使 召

伯 來 賜 公 命。

伯來賜公命、濫賞也。 成 雖 即 位 八 年,非 有勤王之績,天子 天子、天王,王 者之 使 召 歸于宋。

通 稱。

冬十月癸卯,杞叔 姬 卒。

杞 叔 姬 Ŧi. 年 來 歸 此 而 卒者,爲明年杞伯

來逆叔 姬之喪起。

晉侯 人、邾人伐郯。 使士燮 來 聘。 衛人來 叔 媵。 孫 僑 以 如 正反,又音繩正反 會 台 士變、 齊

媵伯 姬也。 媵書者,古諸 侯 嫁 女,二國 媵

媵,九年晉人來媵,十年 之。二國禮 也,三國 非 禮 也。 齊人來 此年衛 媵 是也。 人來

> 唯  $\pm$ 后  $\equiv$ 或 媵

九 年 叔 春 姬 王正 見 棄 月, 杞伯 而 死,義與 來 逆 杞絶。 叔 姬 之喪 此言「杞伯 以 歸

來

逆叔姬之喪以歸」者,交譏之也。

子、杞伯同 公會晉侯、齊侯、宋公、衛侯、鄭伯、 盟 于蒲。 公至 自 曹 月,伯 伯、 莒 姬

不言逆者,微也。

女。

夏,季孫行父如宋致

致女常事也。

故隱二年「伯

姬

歸

于

紀,僖

十五年「季 姬 歸 于鄫」, 皆 不書 致。 此言

「季孫行父如宋致女」者,内女嫁 爲 鄰 或 夫

執 晉 鄭 人來媵。 人,當有常使,禮也。 伯。 晉樂書. 秋 七 帥 月 師 丙 伐 子 ,,齊侯 使卿,非 鄭 無 禮 野 也。 卒。

晉人

鄭 叛 晉故 也。

冬十有一月,葬齊 頃 音傾。 公。 楚公子嬰齊帥

九九

00

師 伐 苔。 庚 申 莒 潰。 楚 人人 鄆 0 秦 白

狄 伐 晉 鄭 人 圍 許 城 中 城

+ 年 春 衛 侯 之弟黑背 帥 師 侵 鄭 夏 四 月

五. 1 郊,不從,乃 不郊。 **T**i. 月 公會 晉 侯

侯、宋公、衛侯、曹伯 五月,諸侯伐 鄭 鄭請 伐 鄭 成

齊 來 媵。 丙 午, 晋 侯 獳 奴 侯 反。 卒。 秋 七

月,公如晉

公如晉,奔喪 也。

冬十月

有 年 春 王 三月

公留 于 晉 九 月

晉侯使 郤 犫 一尺由 反。 來聘。 己  $\mathbb{H}$ , 及 郤 犫 盟

十月。

夏,季孫行

父

如

台

秋,

叔

孫

僑

如

如

齊。

冬

有 年 春 周 公出 奔

唐 無 出 也,天下 ·皆周 也 此 言周公出奔晉

> 者,惡周 公自絕于周 也

夏,公會晉侯、 衛 侯 于瑣澤。 秋,晉人敗狄

交剛

齊

冬,十月。

十有三年春,晉

侯使郤

錡

魚綺

反。

來乞師

 $\equiv$ 

瑣澤、交剛 地 闕

侯、齊侯、宋公、 月,公如 京 師。 衛 夏 侯、 Ŧi. 鄭伯、 月,公自 曹伯、 京 邾 師 遂 滕 會 晉

伐秦。

之事 晉侯 明 又 非 京 大 如 六 黜 禮 師 會 京 禮 年 也。 諸 陟 師 將 故 伐 者 侯 也。 Ξ. 日 案: 未 伐 秦,春,使郤 因 春 乃 有 秦過京 大 會諸 時 《周官》:「六年,五 因 ·, 晉 會諸 巡。 會 侯 侯 諸 師 侯伐 諸 伐 使 侯 錡 而 侯 秦 郤 伐 來 朝 各 秦過 過 錡 或 乞師。 朝 禮 京 來 過 于 京 師 與 乞 京 方 服 ? 師 而 師 師 三月公 岳 朝 而 公朝 朝 朝 也 朝 之 大

侯、齊侯、宋公、衛侯、鄭伯、曹伯、邾人、滕

人伐秦」以惡之也。

曹伯盧卒于師。秋七月,公至自伐秦。

不以京師至者,明本非朝京師。

冬,葬曹宣公。

十有四年春王正月, 莒子朱卒。夏, 衛孫林

父自晉歸于衛。

侯而得歸也。衛大夫由晉侯而得歸,則衛林父七年奔晉,其言自晉歸于衛者,由晉

國之事可知也。

許。九月,僑如以夫人婦姜氏至自齊。 秋,叔孫僑如如齊逆女。鄭公子喜帥師伐

自齊,●皆非禮也。惡不親迎也。 叔孫僑如如齊逆女,僑如以夫人婦姜氏至

冬十月庚寅,衛侯臧卒。秦伯卒。

十有五年春王二月,葬衛定公。三月乙巳,

晉 | 仲嬰齊卒。

以王父字爲氏,公之子曰公子,公子之子仲嬰齊,公孫歸父子、公子仲遂孫也。孫

曰公孫,公孫之子以王父字爲氏也。

成、齊國佐、邾人同盟于戚。晉侯執曹伯歸癸丑,公會晉侯、衛侯、鄭伯、曹伯、宋世子

于京師。

道,晉侯會諸侯于齊,討而執之,又歸于京晉侯執曹伯稱爵者,執得其罪也。曹伯不

107

師。書者,非天子命也。

公至自會。夏六月,宋公固卒。楚子伐鄭。

❶ 「如」,原脱,今據四庫本補。

宋魚石 燮、齊 、邾人會吴于鍾離 出 高 奔楚。 無 咎、 冬十 宋華元、 有一 衛孫 月, 叔 林父、 孫 僑 鄭 如 會 晉

諸侯大夫不 此言叔孫 僑 敢致吴子也 如會某人某人會吳于鍾離 吴子在鍾 離 故 者,

鮪

相 與 會吴于 鍾 離 爾

許遷于葉。 式涉反

有六年春王正月,雨,木冰。

雨 ,木冰者,雨 著木 前 冰 也

夏四 月辛未,滕子卒。 鄭 喜帥師侵宋。

鄭 叛晉,故侵宋

音於玷口 戰 六月丙寅朔,日有食之。 晉侯使樂黶於斬 于 鄢 反。 於 來乞師 晚 反, 又 音 甲午,晦,晉侯及楚子鄭 於 建 反。 陵。 楚 子、 鄭 反,又 伯 師

師 公子 六月,晉侯伐鄭,鄭人使告于楚,楚子 喜叛晉侵宋,故晉侯使樂黶 來乞 敗

績

伐鄭。 救鄭。 單子、晉侯、宋公、 秦。 如京 案: 十三年春晉侯使郤錡來乞師,三月公 師, 陵。 侯、宋公、衛 舉重 十七年秋晉侯使荀罃來乞師,冬公會 楚子 師,夏五月,公自京 甲 此不言公,不出 也。 傷 午,晦,晉侯 焉, 侯、鄭伯、曹伯、 戰 楚子、鄭 不言 衛侯、曹伯、齊人、邾人 公者,公不 及楚子、 師 師 師 可 敗 遂 邾 知 績 鄭 人、滕 會晉侯、 也。 伯 出 楚不 戰 鄢 師 人伐 于 陵, 也。 鄢

楚殺其大夫公子側。 鄭 地 秋,公會晉侯、齊侯、 衛

侯、宋華元、邾人于沙隨。不見公。

公至 出 不見公者,晉侯不見公也。 自 師,故晉侯不 會。 公會 見公。 尹 子、晉侯、齊國 沙隨 宋地 鄢陵之戰 佐、 邾

人

尹子,天子卿。 子, 爵。 伐鄭

曹伯歸自京師。

前

普

侯會諸

侯于戚,執

曹伯歸于京

師

也。 此 異其文以别之。 皆非天子命,執之赦之自我而已。僖二十 三十年「衛侯鄭歸于衛」是也。 衛侯歸之于京師」,「冬曹伯襄復歸 八年「晉侯入曹,執曹伯,畀宋人,晉人執 反于曹由天子命,故曰「曹伯歸自京師」, ì 春秋 一曹伯 亂 歸 世,强侯不道,執辱小國之君 自京 師」者,天子 惟 赦 負 之之辭 于曹」, 

九月,晉人執季孫行父,舍之于苕音條。 丘。

舍之于苕丘。魯一不出師而晉再辱于魯,沙隨之會晉侯既不見公,今又執季孫行父

其惡可知也。

苕丘,晉地。

行父不至者,舉公至爲重也。 丑,季孫行父及晉郤犫盟于扈。公至自會。 冬十月乙亥,叔孫僑如出奔齊。十有二月乙

J酉,刺公子偃。

人伐鄭。六月乙酉,同盟于柯陵。秋,公至尹子、單子、晉侯、齊侯、宋公、衛侯、曹伯、邾十有七年春,衛北宫括帥師侵鄭。夏,公會

自會。齊高無咎出奔莒。九月辛丑,用郊。

九月辛丑用郊, 瀆亂尤甚。

公、衛侯、曹伯、齊人、邾人伐鄭。晉侯使荀罃來乞師。冬、公會單子、晉侯、宋

之不能服鄭,中國不振可知也。鄭與楚比周,晉侯再假王命,三合諸侯,伐

于貍脈。市軫反。十有一月,公至自伐鄭。壬申,公孫嬰齊卒

貍脈,魯地。

又音居壁反。且子余反。卒。晉殺其大夫郤錡、十有二月丁巳,朔,日有食之。邾子貜俱縳反,

郤犨、尺由反。郤至。

君之卿佐,是謂股肱,厲公不道,一日而殺

數之以著其惡。 卿 此 自 禍 之 道 明 年晉 也。 弑 誰 州 與 蒲 處 矣? 故 列

楚人滅舒庸。

晉。 彭 申,晉弑其君 有 城 夏, 楚子、 八年春王正月, 晉殺其大夫胥童。 州 鄭 蒲 伯 伐 齊殺其 宋。 大夫國 宋 魚石 佐。 復 公如 于 庚

楚子伐 魚石 宋 此楚子伐宋,取宋彭城, 也。 自入犯君爲文。 宋 其曰「宋魚石復 取 宋彭城 以 與 人于 與魚 宋 叛 彭 城」者,不 石守之以 臣 也。 故 以 與 逼

來 于 朝。 侯、邾子、齊崔杼同 公至自 、乞師。 路 楚人、鄭人侵宋,晉侯使士魴 寢。 八月, 邾子來 晉。 十有二月,仲孫蔑 冬, 楚人、 晉侯使士 盟于 朝 鄭 人侵 匄 築 虚起居反。 來 鹿 宋。 會晉侯、宋公、 聘。 囿 0 來乞師 晉侯 秋, 朾。 己丑,公 杞 使 他丁反。 伯 故 1: 衛 薨 仲 魴 來

> 蔑 于 虚 會晉侯、宋公、 朾 將 救宋 也 衛 侯、 虚 村,地 邾 子、 闕 齊崔 杼

> > 同

丁未,葬我君成公。

盟

孫

春秋尊王發微卷第八

後學 成德 校訂

巴陵鍾謙鈞重刊

楚子伐

宋

取

宋

邑,使宋

叛臣

守之以

逼

宋,

其惡

可

知

也

故

雖

人于楚,孔子還繫之于

## 春 秋尊王發微卷第九

孫 復 撰

襄公名午, 成 公子,簡 王十四 年 即 位。

襄,益也。 因 事有 功日 襄

元年春王正月,公即位。

人圍 宋華元、衛甯殖、曹人、莒人、邾人、滕人、薛 宋彭

宋爾。 城,蓋楚子伐宋取彭城,使魚石守之以 也 仲 孫 蔑 魚石成十五年奔楚,十八年復 夫彭 倉諸 城、宋邑也。 侯之大夫圍宋 魚 石,宋叛 彭 )城, 討 人 臣 于 魚 也 逼 彭 石

仲孫蔑會晉樂黶、 二年春 Ŧī. 侯 使荀罃來聘,皆不臣

鄭 師 成公夫人。 伐宋。夏五月庚寅,夫人姜氏薨。

鄭。 六月 秋七月,仲孫蔑 庚辰,鄭伯 腀 卒。 會 晉荀罃、宋華元 晉師、宋 師、衛 甯 衛 殖 孫 侵

鄭地

人、邾人、杞人次

于

鄫

韓厥伐鄭,故諸

大夫次

于鄫

以

備 楚。 夏,晉韓厥

帥

師

伐

鄭。

仲孫

蔑

會齊崔杼、

曹

宋,所以

抑彊·

夷

而黜

叛臣

也

秋,楚公子壬夫帥師侵宋。

楚師侵宋,所以 救鄭 也。

九月辛 西,天 王 一崩。 邾子 來 朝。 冬,

公孫剽匹妙反。 來聘。 晉侯使荀罃 來聘。 衛 侯使

111

天王崩,邾子來朝,衛侯使公孫剽來聘,晉

月 而 葬。

王

Œ.

月,葬簡

王。

也。

〇六

林父、曹人、邾人于戚

于戚,謀 鄭 也

己丑,葬我小君齊姜。

叔 孫 豹 如 宋

齊,謚

也。

 $\equiv$ 

月

而

孫豹,僑 如弟

林父、曹人、邾人、滕人、薛人、小邾人于 冬,仲孫蔑會晉荀罃、齊崔 杼、 宋華元、衛 戚 孫

遂城虎牢

求成。 此 服 繫之于鄭,使若自 罃城之也。 冬, 荀罃再會于戚, 遂城虎牢以 會于戚,城 鄭 其 以安中 可 虎牢,鄭邑也。 哉 虎 鄭 國,善 故 牢 叛 日 以 一去中 「遂城虎牢」以惡之也。 城 也,乘人之喪取人之邑, 偪 中國之邑。 之,然後 或 不繫之鄭者, 與楚比 乃 周,荀 偪 然城 服 鄭鄭 虎 故 罃 與 牢 荀 乃 不 再

> 三年春,楚公子嬰齊帥 師伐吴

高 故也。成十五年「叔孫 吴、楚皆夷,楚公子嬰齊伐吴者,吴與中 無咎、宋華元、 衛孫林父、 僑如 鄭公子鮪 會 晉士燮、 邾 齊

或

人會吴于鍾 離是也

公如晉。

夏四月壬戌,公及晉侯盟于長樗。

晉侯出其國 都,與公盟于外地

公至自晉。

六

月,公會單子、晉侯、宋公、

衛

于雞澤。 侯、鄭伯、莒子、邾子、齊世子 陳侯使袁僑 如 會。 光。 戊寅,叔孫 己未 豹 同 及 盟

諸侯之大夫及陳袁僑 先言「公會單子、晉侯、宋公、衛 盟 侯 鄭 伯

莒子、邾子、齊世子光。

己未,

同

盟

于

雞

澤」,次言「陳侯使袁僑如會,戊寅 叔 孫 豹

無 盟 及諸侯之大夫及陳袁 盟 而 陳袁 可 也 僑 至 己 未諸 也。 諸 侯盟 侯 僑 既 盟 戊 盟 寅 者,此 而 大夫 陳 袁 諸 又 僑 侯 盟 至, 既

楚殺:

其大夫公子申

是大夫彊,諸 會晉侯、宋公、 侯始 衛 侯、 失政 鄭 伯、 曹子、莒子、邾 故十六年「公

也。

夫者,政在大夫故也。故孔子曰:「禄之去 盟不復言諸侯之大夫。不復言諸侯之大 子、薛伯、杞伯、小邾子于湨梁」,戊寅大夫 公室五世矣,政 逮於大夫 四世矣。」孔子之

秋,公至自會。冬,晉荀罃帥師伐許。 言非獨魯也,滔滔者天下皆是也。

如晉。秋七月戊子,夫人姒氏薨。 四年春王三月己酉,陳侯午卒。夏,叔孫豹

襄公妾母姒氏。

葬陳成公。八月辛亥,葬我小君定姒。

定、溢也。 二月而 葬。

冬,公如晉。 陳 人圍頓。

叔 五年春,公至自晉。 孫豹、鄫世子巫如晉。 夏,鄭伯使公子發來聘。

外 如 不書, 鄫世子書者, 以同吾叔孫豹如

晉也

仲 侯、衛侯、鄭伯、曹伯、莒子、邾子、滕子、薛 楚殺其大夫公子壬夫。 孫 蔑、衛 孫 林 父會吴 公會晉 于善 道。 侯、宋公、陳 秋, 大雩。

伯、齊世子光、吴人、鄫人于戚

人以比 于善道,又會于戚,數與 伐郯,始見于經,十五年會于鍾 吴稱人,序鄫上者,進之也。 小國。 鄫 亦 小 或 中國,故進之,稱 也 然鄭 案: 成 離,此年 微弱 六 年吴 滋 會

甚,不可先也,故吴序鄫上。

公至自會。冬,戍陳。

此會戚諸侯戍陳也。不言諸侯者,魯戍之

諸侯急于救患,戍之,與僖二年「城楚

丘」義同

也。

楚公子貞帥 師伐陳。

公會晉侯、宋公、衛侯、鄭伯、曹伯、齊世子光 陳即中國也。 三年陳侯使袁僑如 會

救陳。十有二月,公至自救陳。辛未,季孫

行父卒。

弱來奔。秋,葬杞桓公。滕子來朝。莒人六年春王三月壬午,杞伯姑容卒。夏,宋華

昭四年書取鄫,此而言滅者,蓋莒滅之以

滅

鄫

爲附庸爾。

冬,叔孫豹如邾。季孫宿如晉。

季孫宿,行父子。

十有二月,齊侯滅萊。

乃 七 免牲。 车 春, 小邾 郯 子來 子來朝 朝。 夏 城 四 費。 月,三卜郊,不從, 音秘

費,季氏邑。季氏四月城所食邑,其專可

知也。

帥 孫 秋,季孫宿 師 林父來聘。 韋 陳。 如 十有二月,公會晉侯、宋公、陳 衛。 壬戌,及孫林父盟。 八月,螽。 冬十 月,衛 楚公子 侯 貞 使

侯、衛侯、曹伯、莒子、邾子于鄢。于軌反,又音几

吹反。

楚公子貞圍陳,故諸侯復會于鄢。 鄢,

鄭地。

鄭伯髡頑如會,未見諸侯。丙戌,卒于鄵。七

報反,又采南反。

門于 伯髡 會」,下言「未見諸侯,丙戌卒于鄵」, 卒不名者,一見之也。上言「鄭伯髡頑 巢,卒」同 頑 미 知 也。 此。 <del>-</del> 鄵 鄭 Ŧi. 邑。 年「吴子遏伐 此 鄭 如

陳侯逃歸。

八年春王正月,公如晉 是 能爲 陳。 僑 案:三年,晉合諸侯同盟于雞澤, 逃歸 如 攘 會 此 楚 낈 者,晉不足 年 以 帥 即 安中 中 師 國,故楚公子 韋 ·國 故 陳,晉 與 也 陳 再 言逃,懼楚之甚 侯 合諸 貞 逃 歸。 Ŧi. 侯 年 陳 于 陳 帥 侯使袁 鄔 侯 師 以 不 伐

年會諸侯于鄢,不至者,公自鄢朝 | 秋八月癸未,葬我小

晉也。

公前

孫宿會晉侯、鄭伯、齊人、宋人、衛人、邾人于夏,葬鄭僖公。 鄭人侵蔡,獲蔡公子燮。季

邢丘之會,公在晉也。晉侯不與公會而與 | . 邢丘。

季孫宿會者,襄公微弱,政在季氏故也。

晉爲盟主,棄其君而與臣,何以宗諸侯?

公至自晉。莒人伐我東鄙。秋九月,大雩。此晉侯之惡亦可見矣。

夏,鄭人侵蔡,故楚公子貞伐鄭。鄭與尽,楚公子貞帥師伐鄭。

楚平。

晉侯使士匄來聘。

九年春,宋災。夏,季孫宿如晉。五月辛酉,

夫人姜氏薨。

宣公夫人,成公母。

秋八月癸未,葬我小君穆姜。

穆、益也。四月而葬。

滕子、薛伯、杞伯、小邾子、齊世子光伐鄭。冬,公會晉侯、宋公、衛侯、曹伯、莒子、邾子、

鄭即楚,故諸侯伐鄭,取成而還

十有二月己亥,同盟于戲。許宜反。楚子

伐鄭。

鄭復與楚平。

邾子、滕子、薛伯、杞伯、小邾子、齊世子光會

十年春,公會晉侯、宋公、衛侯、曹伯、莒子、

吴于柤。

滅偪陽,反狄之也。柤,楚地。吴五年會于戚稱人,此不稱人者,以其遂

夏五月甲午,遂滅偪陽。

偪陽,微國。諸侯不義,遠會彊夷以滅微

國,甚矣!

公至自會。楚公子貞、鄭公孫輒帥師伐宋。

晉師伐秦。秋,莒人伐我東鄙。公會晉侯、 楚

子、薛伯、杞伯、小邾子伐鄭。宋公、衛侯、曹伯、莒子、邾子、齊世子光、滕

光、滕子、薛伯、杞伯、小邾子伐鄭。侯、宋公、衛侯、曹伯、莒子、邾子、齊世子楚公子貞、鄭公孫輒帥師伐宋,故公會晉

冬,盗殺鄭公子騑、公子發、公孫輒。

數之,惡 盗者,微 鄭 賤 伯 之 失刑政 稱 盗 也。 日 而 殺  $\equiv$ 卿 故 列

戍音庶。鄭虎牢。

無 已數矣, 者、諸侯與楚 侯 此 戚遂城 能 不 伐 世 鄭 一,怠于 0 虎牢」,不言「鄭」,今戍虎牢 諸 而 故 侯 不能 虎 戍 救 争鄭久矣,諸侯之得鄭 牢 鄭 患 有之,隨 雖 虎 也。 爲諸 牢 案:二年仲孫 也,不言諸 侯所戍, 爲 楚 取 是諸 孔 侯 言 子還繫 者 蔑 者 侯 鄭 于 之 亦

+ 作三 有一 年春 軍 一, 亂 王 聖王 正月,作三軍 一之制 也。 古 者 天 子 六

軍

以次 大國三軍, 國而: 作三軍,亂 次 或 二軍 聖王之制 小小 或 軍 何 也 魯 次 或

世 帥 夏 亨 四 師 光、 侵 月,四卜郊,不從,乃不郊。鄭公孫舍之 宋。 莒子、 邾子、 公會晉侯、宋公、 滕 子、薛 伯 衛 侯、 杞 曹 伯 伯、 小 邾 齊

諸侯伐鄭,公孫舍之侵宋未已也。鄭子伐鄭。秋七月己未,同盟于亳城北。

鄭地。諸侯七月己未同盟于亳城北。亳城

北

子、薛伯、杞伯 宋公、衛侯、曹伯、齊 公至自 1伐鄭。 小小 楚子、鄭 邾子伐鄭,會于 世子光、莒子、邾子 伯 伐 宋。 公會 蕭 魚 晉 侯、

復以 鄭 伯 諸 尋 侯 背 伐 亳 鄭鄭 城 之盟,爲 人大懼,乃 楚 子伐 歸 宋 中 故 或 台台 言 悼

于鄭。

人良霄,此得鄭伯 伐言會者,得鄭伯之辭也。 下楚人執鄭行 可知也。 案:鄭自齊桓、

晉文死,或即夷狄,①或歸中國,晉、楚之争

鄭者可謂久矣。晉悼比歳大合諸侯伐鄭, 今始得之。 雖不能遠斥强楚,以紹二伯之

烈,然自是能有鄭者二十年,此晉悼之績,

亦可道也。 蕭魚,鄭地。

公至自會。楚人執鄭行人良霄。 鄭伯使良霄告急于楚,楚師未出,鄭伯與

諸侯會于蕭魚,故楚人執鄭行人良霄。

冬,秦人伐晉。

才反,又音臺,又音怡 十有二年春王三月, 莒人伐我東鄙, 圍台。 勑

莒背蕭魚之會,伐我東鄙,圍台。

季孫宿帥 師救台,遂入鄆。 音運。

師 季孫宿受命救台,不受命入鄆。 救台,遂入鄆,專也。 季孫宿帥

> 不書葬者,罪大惡重 ,貶之也

夏,晉侯使士魴來聘。

秋九月,吴子乘卒。

冬,楚公子貞帥師侵宋。 公如晉。

十有三年春,公至自晉。夏,取邿。

邿,小國。

秋九月庚辰,楚子審卒。冬,城防。 齊人、宋人、衛人、鄭公孫蠆、曹人、莒人、邾 十有四年春王正月,季孫宿、叔老會晉士匄、

人、滕人、薛人、杞人、小邾人會吴于向。舒

亮反。

二月乙未朔,日有食之。夏四月,叔孫豹會 晉荀偃、齊人、宋人、衛北宫括、鄭公孫蠆、曹 進。 吴至此猶不稱人者,滅偪陽之後未有可 叔老,公孫嬰齊子。 向,宋地。

人、莒人、邾人、滕人、薛人、杞人、小邾人

0 「夷狄」,四庫本作「荆楚」。

秋八月丁

Ė,

伐

會向伐秦。齊、宋、衛稱人,微者也

己未,衛侯出 一奔齊。

不名者, 甯殖、孫林 父逐之也

莒人侵我東鄙。 冬,季孫宿會晉士匄、宋華閱、衛孫林父、鄭 秋,楚公子貞 帥 師 伐 吴。

及向 + 有 戌盟于 Ŧi. 年春,宋公使 劉 向 戌 來聘。 二月己亥, 公孫蠆、莒人、邾人于

戚

戊寅,大夫盟

劉 魯地

劉 夏逆王后于齊。

天子 也。  $\Box$ 不親 「劉夏逆王后于齊」以著其惡。劉,采 王后,天 迎,取 下 母 后 則三公逆之。 使 微者逆之,可哉 劉 夏,士 ?

夏,齊侯伐我北 公救成至遇,不敢進也。 鄙 **量** 成。 公救 遇,魯 成,至遇 地。

晉人執莒子、邾子以歸。

地。

夏,名。

伯、杞伯、小邾子于湨古役反,又音公璧反。梁。 晉侯、宋公、衛侯、鄭 日 亥,晉侯周卒。 季孫宿、叔孫豹帥師城成郛。 十有六年春王正 有食之。 邾人伐我南鄙。 月,葬晉悼公。 伯、曹伯、莒子、邾子、薛 冬十有一月癸 三月,公會

大夫 澤之會諸 澤,陳侯使袁僑如會,戊寅叔孫豹及諸 故不言諸侯之大夫。不言諸侯之大夫者, 矣。湨梁之會,政在大夫也。 之大夫及陳袁僑盟,言諸侯之大夫,此 伯、莒子、邾子、齊世子光,己 案。三年公會單子、晉侯、宋公、 曰「戊寅大夫盟」,不言諸侯之大夫者 無 諸 侯故. 侯始失政 也。 湨梁,晉地 也,至于 **溴梁則** 未 政在 同 衛 盟 大夫, 侯、 又甚 于 雞 雞 侯 鄭

平 湨梁之會方退,執 莒子、 邾 子 以 歸, 又

不 . 歸 于京 師 ,非所以宗諸侯也。

地震。 許。 齊侯 伐 秋,齊侯伐我北鄙,圍成。 我 叔老會鄭伯、晉荀偃、衛甯殖、宋人伐 北 鄙。 夏,公至自會。五月甲子, 大雩。 冬,叔

十有七年春王二月庚午,邾子牼苦耕反,又音户 孫 豹 如

晉。

耕反。 卒。

前 卒」者,晉人尋赦之也。 年晉人執莒子、邾子 以歸, 莒子同此 此書 邾 子 牼

伐我北鄙,圍桃。 宋人伐陳。 夏,衛石買帥 高厚帥師伐我北鄙,圍 師伐曹。秋,齊侯 防

侯伐 十五年齊 我 北鄙 韋 侯伐 成,此 我 年 北 鄙 齊侯 韋 成 伐 一十六 我 北 年 鄙 韋 齊 季

九月,大雩。 加兵于魯者四,此齊之不道,亦可知 宋華臣 出奔陳。 冬,邾人伐 也 我

桃,高

厚伐

我北

鄙

圍防。

三年之中,君

臣

南 鄙

宋公、衛侯、鄭伯、曹伯、莒子、邾子、滕子、薛 買。秋,齊師 + 有八年春,白 伐我北鄙。冬十月,公會晉侯、 1 狄來。 夏,晉人執衛行 人石

伯、杞伯、小邾子 间 圍 齊。

「同」者,諸侯同心疾齊也 齊爲不道,數侵諸侯,故諸侯同圍之。

言

邾 十有 曹伯負芻卒于師。楚公子午帥師 子。 九 公至自 年春王 伐 正 齊。 月,諸侯盟 取 邾 Ш 于祝 自 漷 柯。 伐鄭 虎 白 台 反,又音 人執

郭,音廓,又音口獲反。 水。

諸 内 也 侯土地受之天子,不可取也。 自 漷水者,隨漷水爲界 也 言取,

惡

伐 侵齊,至穀,聞齊侯卒,乃還。 齊。 孫 宿 秋七月辛卯,齊侯環卒。 如 晉。 葬曹 1成公。 夏,衛 晉 孫 士: 林 匄 父 帥 帥 師 師

非禮也。 宣、成而下,政在大夫,故 士匄受

JЦ

也。 善 命 也 侵 故 齊 日一普 士 聞 匄 齊 貪 士匄 侯 不 卒 伐 帥 涥 喪 師 還 侵齊,至 之 也 善 噫 以 廢 穀 君 不 聞 命 伐 齊 喪, 侯 惡

八月丙辰,仲孫蔑卒。齊殺其大夫高厚。卒乃還」以惡之。

鄭

叔 殺其 孫 大 豹會晉士匄于 夫公子 嘉。 柯。 冬, 城 葬 武 齊 城 靈 公。 城 西

城西郛,城武城,懼齊也。

一十年春王正月辛亥,仲孫速會莒人盟

于向。

仲孫速,仲孫蔑子。

伯、曹伯、莒子、邾子、滕子、薜伯、杞伯、小邾夏六月庚申,公會晉侯、齊侯、宋公、衛侯、鄭

齊平故也。

子盟

于

澶

音蟬

淵

仲孫速背澶淵之盟,伐邾。秋,公至自會。仲孫速帥師伐邾。

侯 朔,日有食之。 蔡 之弟 殺 其 黄 大夫 出 公子 奔 楚。 季孫 燮。 宿 叔 蔡 老 如 宋 公子 如 齊 履 冬 出 + 奔 月 楚 丙 辰 陳

二十有一年春王正月,公如晉。邾庶其以

漆、 邾 庶 間丘 邑。 其, 來奔 邾 昭 大夫。 Ŧi. 年莒牟夷以牟婁及 不氏,未 命 也。 防滋 漆、

間

丘

发用,引有食之。冬片月庚辰用,引有食之。夏,公至自晉。秋,晉樂盈出奔楚。九月庚同此。書者,惡魯受邾叛人邑。

伯、 曹伯 戌朔,日 曹伯、莒子、邾子于商任。 來朝。 有食之。 公會晉侯、齊侯、宋公、 冬十月 庚 辰 音壬 朔 门目 衛 有 食 之。 鄭

商任,地闕。

<del>-</del> 伯、小邾子于沙隨。 宋公、衛侯、鄭伯、曹伯、莒子、邾子、薛 秋 七月辛酉,叔老卒。 有 年 春 王 正月,公至自 公至自會。 冬,公會晉 會 楚殺其大夫 夏 齊 四 侯、

公子追舒。

一十有三年春王二月癸酉 朔,日有食之。

月己巳,杞伯匄卒。 夏,邾畀我 來 奔。

叛人邑,今又納邾叛人也。 此言「邾畀我來奔」者,惡内 也。 惡鄉受邾

葬杞孝公。 陳殺其大夫慶虎及慶寅。 陳侯

之弟黄自楚歸 于陳。

出 稱弟者,無失弟之道也。 黄奔楚在二

十年。

晉樂盈復入于晉,入于曲沃。

此樂盈以曲沃之甲入晉,敗 而 奔 曲 沃 也。

「樂盈復入于晉,入于曲沃」者,樂盈

入于曲沃,明曲沃大夫納之,當坐。 復入于晉,犯君當誅,曲沃大夫不可納也。 盈出

奔楚在二十一年

秋,齊侯伐衛,遂伐晉。

齊侯伐衛遂伐晉,背澶淵之盟,在二十年。

月,叔孫豹帥師救晉,次于雍於用反。 榆。

次,止也。 言 「救」言「次」,惡不急救 患也。

豹帥 君命救晉 師 救 , 豹畏齊, 廢命 晉,次于雍 榆」以惡之。 而止,故曰 雍榆, 「叔孫

晉 地。

己卯,仲孫速卒。

孟 莊子也。

冬十月乙亥,臧孫紇出奔邾。 不言其大夫者,樂盈出奔楚,當絶也。 晉人殺樂盈。

人以殺,從討賊辭。

齊侯襲莒。

二十有四年春,叔孫豹如晉。 仲孫羯帥 師

侵齊。

羯,仲孫速子,孟孝伯 也。

既。 夏,楚子伐吴。 齊崔杼帥師伐莒。 秋七月 大水。 甲 子 朔,日 八月癸巳朔, 有 食之,

日有食之。 公會晉侯、宋公、衛侯、鄭伯、曹

稱

一六

夷儀。伯、莒子、邾子、滕子、薜伯、杞伯、小邾子于

諸侯會于夷儀,謀齊也。

陳 冬,楚子、蔡 鍼 其 廉 反。 侯、陳侯、許男伐鄭。 宜 咎 出 奔 楚。 叔孫 豹 公至 如 京 自 師 會

五穀不升之甚。

大饑

伯、小邾子于夷 衛 月乙亥,齊崔 二十有五年春,齊 侯、鄭 伯、曹伯、 · 杼弑 儀 莒子、邾子、 崔 其 君 杼 光。 帥 師 公 伐 會 滕子、薛伯、杞 我 晉 北 鄙。 侯、宋公、 夏五

是也。 曷 者。 不道矣。 成,晉侯許之,八 以宗諸 再合諸侯將伐 晉侯 莊公復背澶淵之盟, 然齊 侯 不 能 ? 即 人 宜 月己巳諸 而 弑 齊,齊人懼 乎大夫日 討之,以 莊 公 以 侯 求成,逆之大 熾 成 加 同 弑 齊 兵晉衛, , 自是卒不 盟 莊 國之亂 公以 于 重 信 Fr. 求

六月壬子,鄭公孫舍之帥師入陳。 可制也。故先書崔杼之弑,以著其惡

前年楚子、蔡侯、陳侯、許男伐鄭,故鄭公月壬子 奠公孫舍之即節入陽

秋 衛 侯 八 孫舍之帥 月己巳,諸 人 于夷 師 儀 人 侯 陳 同 盟 于 重 丘。 公至 自

楚 屈 此 衛 建 侯衎也。 帥 師 滅 舒鳩。 人于夷儀,將篡剽。 冬,鄭公孫 夏 几 帥 妙 師 反 伐

陳。十有二月,吴子遏伐楚,門于巢,卒。

自輕也。卒不名者,與七年鄭伯髡頑故曰「吴子遏伐楚,門于巢,卒」,惡吴子之吴子伐楚,自攻于巢之門,巢人伏而殺之,

剽。衛孫林父入于戚以叛。 二十有六年春王二月辛卯,衛甯喜弑其尹

義

同

妙反。 獻公之奔齊 以 納 獻公、故林父懼、入于戚 也,孫 林 父逐 之。 甯 喜 以 弑 叛 剽 兀

甲 午, 衛 侯 衎復歸 于衛

弑 先 夷儀,今喜弑剽, 也。案:十四 午,衛侯 而 言「辛 歸 可 衎復歸于衛」者,以 卯 知 也 衛 年衛 甯 四 喜 侯衎出 日 弑 而 其君 復歸于衛 奔齊,前 見衎待弑 剽」,後 年 言 此待 人 而 于 歸 甲

夏,晉侯使荀吴來聘。 人、曹人于澶音蟬。淵。 公會晉人、鄭良霄、宋 秋,宋公殺其世子痤。

才禾反。

稱君以殺世子,甚之也。

出

晉人 入執衛 甯喜

晉人 執 衛甯喜,惡不討也。 弑君之賊,人

八皆得 殺之。

陳 八月壬 侯 伐鄭。 午,許男甯卒于楚。冬,楚子、蔡侯、 葬許靈公。

豹會晉趙 二十有七年春,齊侯使慶封來聘。夏,叔孫 武、楚屈 建、蔡公孫 歸生、衛石惡、

> 陳 孔 奂、鄭良霄、許人、曹人于宋。

專持之可知也。 莫有見者,此天下之政、中國之事皆大夫 年城杞,三十年會澶淵 政、中國之事皆大夫專持之也。 矣。何哉? 自宋之會,諸侯日微,天下之 間,諸侯僭命,大夫專國,至宋之會則又甚 隱、桓之際,天子失道,諸 昭 侯擅權 元年會號,諸 故二十九 ;宣、成之 侯

衛 奔晉 殺 其大夫甯喜。 衛侯之弟轉市轉 反,又音

也。」殺之,遂出奔晉 弑 者,于是殺甯喜。 剽,既而 也。初, 甯 甯喜不以討賊辭書者,獻公殺之不 剽 以納 悔焉。 獻 殖 公。 與 甯 孫 其弟鱄曰:「吾與喜納 獻 殖 林父逐獻公以 公歸,一 死,故 喜 旦 與公弟 復 討 立 以 一公孫 其罪 逐 縳 君 己 謀

秋七月辛巳,豹及諸侯之大夫盟 于宋。

<sub>役反。梁</sub>,戊寅大夫盟。 伯、莒子、邾子、薛伯、杞伯、小邾子于湨古 也,而曰「戊寅大夫盟」者,大夫無諸侯也 十六年公會晉侯、宋公、衛侯、鄭伯 **溴梁之會,諸侯會** 曹

生、衛石惡、陳孔奂、鄭良霄、許人、曹人于 此年叔孫豹 會晉趙武、楚屈建、蔡公孫 歸

宋,秋七月辛巳豹及諸侯之大夫盟于宋。

宋之會,大夫會也,大夫會而言「辛巳豹及

也。 諸侯之大夫盟于宋」者,不與大夫無諸 噫 ! 天下之政、中國之事,諸 侯專之 侯

孔子傷天下之亂,疾之之甚也。 **夫無諸侯也**。 猶曰不可,况大夫乎? 故宋之盟不與大 宋之盟不與大夫無諸侯者, 豹不氏

冬十有二月乙亥朔,日有食之。 一十有八年春,無冰

前

見

也

無冰,時燠也。

雩。 夏,衛 仲 石惡出 孫羯 如晉。 奔晉。 冬,齊慶封 邾 子 來 朝 來 秋 八 + 月, 有 大

公朝楚者,桓文既死,夷狄日熾,❶中 或

日

月,公如楚。

微,故公遠朝强 夷 也。

十有二月甲寅,天王 一崩

靈王也

乙未,楚子昭卒。

二十有九年春王正月,公在楚

案:成十年秋 夷狄則甚矣。❸ 至自晉,皆不書所 至自晉。 昭十五年冬公如晉,十六年夏公 七月公如晉,十一年 故詳而録之也。 在。 公在 中 或 猶可,在  $\equiv$ 月公

0

夷 狄

H 熾 四四

庫本作

<sup>0</sup> 

四庫本作「楚」。

<sup>0</sup> 夷狄」,四庫本作「楚國」。

夏 五月,公至自楚。

公留于楚者七月。

庚午,衛 侯衎卒。 閣弑 吴子 餘祭。 側 界反。

冒 門者。 不言盗 者,閻 微 于 盗 也。 不 言

殺者,●明弑有 也。 微 者猶 能 弑 、吴子 餘

漸

慢也。 祭,况大者乎? 故曰「閻 弑吴子餘 則知 爲人君者,雖 祭」以惡之。 微 不 口

仲 儀、鄭公孫段、曹人、莒人、滕人、薛人、小 孫 羯 會晉荀 盈 、齊高 止、宋華定、衛 世 邾 叔

人城杞。

杞。 杞微 諸 弱 侯 不 之大 能 自 夫 城,故 相 與 諸侯之大夫 城杞者,政 在 相 大 與 夫 城

親

也,以

般之于尊親

盡

矣。

不日

者

,脱之。

晉 侯 使 士 鞅 來 聘。 杞 子 來 盟。 吴子 使札

故也。

來聘。

吴成 年 于 六 戚 年伐 稱 「人」,今使札來聘稱「子」者, 郯,始見 于 經,稱「吴」。 襄五 0

> 聘、未至于 子餘祭也。 祭,而後言吴子使札 與其慕義來聘,進之也。 魯而 吴子既弑 吴 子 來 遇 脯 聘者, 弑 札至 先書閽 ), 故 于魯,故 吴子 先 書 弑 使 閣 吴子餘 札 後 弑 書 旲 來

九月,葬衛獻公。 齊高 止出 奔北燕。 冬,

秋

吴子使札

來聘。

于 仲 孫 年 羯 春 如  $\pm$ 晉 正 月, 楚子 使遠音委。 罷

音

皮。

來

聘。 其君者,君之于世子 稱世子以弑,甚般之惡也。不言其父而言 夏四 月,蔡世子般音班。 有君之尊也,有父之 弑其 君 古

佞夫。 五月 甲 午,宋災。 宋伯 姬 卒。 天 王 殺 其弟

《春秋》之義,天子得專殺,故二百 四十二

殺」。 原誤作「弑」,據吕本中《春秋集解》所引 改。

天王 殺大夫文。 此言 行殺其 弟 佞 夫

年

無

故斥言「天王殺其弟佞夫」,以惡之也。 兄之道,況景王尊爲天子,富有四 者,《 愛其弟出奔者,孔 弟,不可不見也。 族既睦,平章百姓」,而景王不能容 書》 稱「帝堯克明俊德,以 且諸侯有失教及不能 子猶 詳 而 録之,譏 親 九族,九 海 乎 其 一 母 ? 友 失

王子瑕奔晉

Ē 重失親 親 不言出,周 無外也。

秋七月,叔弓如宋,葬宋共姬 四 共, 溢也。 年齊 侯 葬紀 内女不葬,葬者皆非常也。 伯 姬,三十年葬紀 叔 姬 此 莊

年叔

弓如

宋葬共

姬

是

也。

案:文九

年

叔

孫

葬當 子也 得臣 師 葬景 如 有 玉。 魯皆 京 恩禮,使卿 師 使 葬 共姬,婦人也。襄王、景王,天 卿 襄王,昭二十二年叔鞅 會葬,惡之甚焉。 則 不可 也。 叔 然内女 弓, 如 叔 京

老子。

鄭 良霄出奔許。 自許入于鄭。 鄭人殺良霄

冬十月,葬蔡景公。晉人、齊人、宋人、衛人、 鄭人、曹人、莒人、邾人、滕人、薛人、杞人、小 鄭人殺良霄,不言大夫者,出奔絶之也

邾人會于澶音蟬。淵,宋災故

會未有言其所爲者,此言宋災故者,疾之

之辭 夫憂之。 也。 天下諸侯莫有憂者而大夫憂之, 宋災故,天下諸侯莫有憂者而

淵宋災故」,貶也 者,以其專極惡甚,故曰「某人某人會于澶

諸侯微弱,政在大夫可知也。

其

曰「某人」

楚宫 三十有 年春王正月。 夏六月辛巳,公薨于

非正也。公朝楚好其宫,歸而作之。

秋 九月癸巳,子野卒。

襄公太子,未踰年之君也。

名者,襄公未

己亥,仲孫羯卒。冬十月,滕子來會葬。

滕子來會葬,非禮也。

後學 成德 校訂

巴陵鍾謙釣重刊

春秋尊王發微卷第九

127

## 春秋尊王發微卷第十

孫 復 撰

昭 昭 · ; 益 公名禂, 也 容儀恭明 襄公子,景王  $\Box$ 昭 兀 年 即 位

元年春 招、音韶 楚公子圍、齊國弱、宋向戍、衛 王 蔡公孫歸生、鄭罕虎、許人、曹人于 正月,公即位。 叔 孫 齊惡、陳公子 豹會晉趙武、 乃復。

六月丁巳, 三月, 取 邾 子 鄆。 華卒。 夏,秦伯之弟鍼 晉 荀吴帥 師 出 敗 奔 狄 晉。 于

大鹵,大原。

大鹵。

秋, 莒去起日 反。 疾 自 齊 人于 苔。 莒 展 輿

出

叔 **亨**帥 帥 師 師 疆 往,有畏也。 鄆 Ш

而

年。

齊入于莒,故展輿奔吴。莒子弑在襄二十

弑,去疾奔齊。

展

輿立,國人不與,去疾

由

莒子二子,長曰去疾,次曰

展

輿。

莒子

遇

卒。 葬邾 悼公。冬十有一 楚公子比出 奔晉。 月己酉,楚子麇音

秋,鄭殺其大夫公孫黑。冬,公如晉,至 二年春,晉侯使 韓 起 來 聘。 夏,叔 弓 如 河

復,二十三年公如晉至河有疾乃復,定 「公如晉至河乃復」者六。 年公如晉至河乃 公如晉至河乃復,二十一年公如晉至 河乃復,十二年公如晉 有疾」,明有疾 而 復是: 反。 也。 餘皆譏 至河 此年公 唯 乃 十三 公數如 復, + 如 年 河 晉  $\equiv$ 乃 見 年 至

距,不能以禮自重,大取困辱也。

此

也。

楚子得以大合諸侯于此者,桓、文

季孫宿如晉。

公季孫宿之不若也。此晉侯之惡亦可公如晉而距之,季孫宿如晉而納之,是昭

見矣。

三年春王正月丁未,滕子原卒。夏,叔弓如

滕。五月,葬滕成公。

滕,小國。使叔弓會葬,甚矣。

反。雹。北燕伯欵出奔齊。秋,小邾子來朝。八月,大雩。冬,大雨于附

殺之。

侯、陳侯、鄭伯、許男、徐子、滕子、頓子、胡四年春王正月,大雨于附反。 雹。 夏,楚子、蔡

子、沈子、小邾子、宋世子佐、淮夷會于申。

年。此書「楚子、蔡侯、陳侯、鄭伯、許男、中國自宋之會政在大夫、諸侯不見者十

世子佐、淮夷會于申」者,楚子大合諸侯于徐子、滕子、頓子、胡子、沈子、小邾子、宋

男、頓子、胡子、沈子、淮夷伐吴。 楚人執徐子。 秋七月,楚子、蔡侯、陳侯、許 道也。 十三年。 諸侯雖云再出,尋復叛去,事無所救,不足 事皆夷狄迭制之。❸ 至于平丘、召陵之會, 在夷狄故也。❷ 既死,中國不振,●喪亂 宋盟 會召陵在定四年。申,姜姓國。 在 襄二十七年。 故自是天下之政、中國之 日甚,幅裂横潰,制 會平丘 執齊慶封 在 昭

殺之」者,不與楚討也。慶封與弑莊公,弑以殺,討賊辭也。此不言「楚人執齊慶封案:宣十一年「楚人殺陳夏徵舒」,稱「人」

0

<sup>「</sup>夷狄」,四庫本作「荆蠻」。「中國」,四庫本作「諸夏」。

<sup>「</sup>夷狄」,四庫本作「荆蠻」。

楚靈 君之賊 貪 虐不 人人皆得殺之,其言 道,殄滅 陳、蔡以 不與 肆 其欲 楚討 故孔 者,

陳 子 夏 徴 侯 舒 異 也 崔 杼 弑 莊 公 在 襄 +

以

諸

共

執

齊

慶封

殺

之爲

文,

所

以

與

殺

秋

Ŧi. 年。

遂 賴 滅 小小 賴 國

九 月 取 鄫。 才陵反。

莒滅 襄六年「莒人滅鄫」,此言「取鄫」者,蓋 鄫 以 爲 附 庸,今魯取之爾

冬十 Ŧi. 年 有二 春  $\pm$ Œ 月 Z 月,舍中 卯 叔 軍 孫 豹 卒。

作 魯 本二 之非,舍之非,皆非 軍,襄十一 年 天子命 作 三軍,今舍 也 中 軍。

夷 楚 以 殺 牟 其 婁 大 及 夫 防 屈 兹來 居勿反。 奔 申 公如晉。 夏,苔 牟

苔 牟夷以牟 婁及防、兹來奔」,惡内也。

> 與 襄二十一 年「邾庶其 、以漆、 間丘 來 奔」

義 同

蚡扶粉反。 七 月,公 至 泉。 自 晉。 戊 辰,叔 師于蚡泉,其惡 弓 帥 師 敗 苔 師

于 魯 既受莒叛人邑,又敗莒

可 知 也。 蚡泉,魯地

秦伯 沈子、徐 卒。 人、越人伐吴。 冬,楚子、蔡侯、 陳侯、

許

男、

頓

子、

六年春王正月, 杞伯益 夏,季孫宿如晉。 葬杞文公。 姑卒。 宋華合比 葬 秦 景 如字 公。

帥

師

伐吴。

冬,

叔

亨

如

楚。

齊侯伐

北

燕。

又音被。

出

奔

衛

秋

九

月,大雩。

楚遠

罷

音

皮

七年春王正月,暨 齊 平。

暨,不得已也

齊來

求

平,不得已而從之,

故 暨,且 明 非 魯 志 也

辰朔,日 月 、公如: 有食之。 楚。 叔 孫 秋八月戊辰,衛 婼 如 齊 沧 盟。 夏 侯 JL 惡 甲

九月,公至自楚。冬十有一月癸未,季孫宿

卒。

十有二月癸亥,葬衛襄公。

八年春 ,陳侯之弟招音韶。 殺陳世子偃師

留。 公疾,遂殺太子偃師以立之。 之弟招殺陳 此 招之惡也。 陳公子招殺陳世子偃師也。 公弟招 與大夫過皆愛留,欲立之。 世子偃師」者、親之也、所以 陳哀 公二子,太子偃 留,庶孽也。 其曰「陳 師 次次 哀 子 甚 侯

之重 由 也。 殞 故 冢 口「陳 嗣 以 立 侯之弟 庶孽,致楚滅 招殺 陳世子偃師 陳,皆招之 偃

師、冢嗣

也。

招

以

叔父之親,不顧宗社

以 甚招之惡也

陳 夏 四四 楚人執干徵師殺之,故公子留 陳哀公卒,干徵師 行 月辛丑,陳侯溺 人干徵 師 殺之。 赴于楚,且告立公子留 卒。 陳公子留 叔弓如晉。楚人執 出 出 百奔鄭。 奔鄭。公

留已立,復稱公子者,以著公弟招殺世

子偃師之罪,且明留之立不當立也

秋, 蒐于紅

蒐,春田。秋,非禮 也。 惟 不

稱大之爲正

耳。紅,魯地。

陳

人殺其大夫公子過。古禾反。

其大夫公子過」者,不與公子 此公子招殺大夫公子過也。 招殺 其 言 陳 也,故以

殺

陳人自討爲文。

音韶。 大雩。冬十月壬午,楚師 放之于越。殺 孔奂。 執陳公子招

陳公子招,殺世子之賊也,楚子執 陳 而放之。

靈暴虐無道,滅人之國,又爲淫刑也如此。 陳孔奂,無罪之人也,楚子殺之。 吁 !

葬 陳哀公。

者,不與楚子滅陳葬哀公,故以陳人自葬 不滅之辭者,楚子葬之也。 十月壬午楚 師滅 陳。 此言「葬陳 不言楚子葬之 哀 公如

滅陳。

爲 文 所 以 存 陳 也 九 年 陳 災 同 此

月,陳災。 九 年春,叔 弓 秋,仲孫貜俱縛反,又音居碧反。 會楚子 于 陳 許 遷 于 夷。 如 夏 四

貜,仲孫 沒羯子。

冬,築郎 有

+ 年 春  $\pm$ 正月。 夏, 齊 貜俱縛反,又音居 灓 施 來 奔。 秋 七 月,

師 伐莒。

季孫

意如

、叔弓、

仲孫

碧

反。

帥

三卿伐莒,疾莒 之甚 也。 季孫意如,季 孫

宿 孫

戊子,晉侯彪卒。 十有一月甲子,宋公成卒。 九月, 叔孫婼如晉葬晉 平.

此 年無冬者,脱也

夏 + 四 有 月 年 1 春 巳,楚子虔誘 王二月, 叔 蔡 弓 侯 如 宋, 般 葬 音 班。 宋 平公。 殺 之

于 申

般 ,弑逆之人,諸侯皆得殺之。 楚子名者,

> 討 楚子殺之不以其 以 殺 楚子 君之罪殺般 于申,十有一月丁酉 歸 般 賊 用之,此暴虐無道,貪蔡 暴虐 例,當坐誘 也 四 無 可 月丁巳楚子 道 知 殺 貪 罪,故 也。 蔡侯般也。 蔡 楚師滅蔡執蔡 土 然般之 生 地 虔 圃 誘 不 名之, 罪 土 般弑 蔡 以 不容誅 地,不以 侯 弑 不得 在 世 般 君 襄 子 殺 之 矣。 以 弑 有 罪 之

+ 车。

楚公子棄 疾帥 師 韋 Ŧī. 月 甲 申 夫

氏 薨

昭公母,胡女。 歸,姓。

大蒐 于比 音毗。 蒲

蒐,春

田

也。

Ŧi.

月

不

時

也。

時

又有

夫人

之喪。 比 蒲 魯地

仲 孫貜會邾 子盟于浸音浸,又音侵。

祥。

浸祥,地 闕

秋,季孫意如

會

晉

韓

起、

齊國

弱、宋

華

衛

歸

魚靳反,又音五巾反,又音五轄反。北宮佗、徒何反。鄭罕虎、曹人、杞人于厥憖。

酉,楚師滅蔡。執蔡世子有以歸,用之。 九月己亥,葬我小君齊歸。冬十有一月丁會于厥愁,欲救蔡而不能也。厥愁,地闕。

立也。 楚靈之惡其若此 申,又滅蔡執蔡世子有以歸用之,甚矣! 日 有 之于申,楚公子棄疾 諸侯在喪稱「子」。 丁酉,楚師 「世子」。 窮迫危懼 案:四月丁巳,楚子虔誘蔡侯般,殺 噫 ! 滅蔡,執蔡世子有以 以 至于死,此未立可知 也 楚子既誘蔡侯般殺之于 此言「世子有」者,有未 帥 師 圍 蔡; 歸,用之。 十有一 也,故 月

北燕伯三年出奔齊,不言納于燕者,明未十有二年春,齊高偃帥師納北燕伯于陽。

得國都也。陽,燕别邑。

三月壬申,鄭伯嘉卒。夏,宋公使華定來聘。

反讀爲整。出奔齊。楚子伐徐。晉伐鮮虞。其大夫成熊。秋七月。冬十月,公子慭魚斯公如晉,至河乃復。五月,葬鄭簡公。楚殺

交伐中國,●此夷狄之道也,故夷狄稱之。❷晉爲盟主既不能救,其惡已甚,今又與楚直曰「晉伐鮮虞」者,楚靈不道,殄滅陳蔡,

鮮虞,姬姓國。

十有三年春,叔弓帥師圍費。 音秘

費,季氏邑。不言家臣叛者,言圍則叛可

知

也。

乾谿。 夏四月,楚公子比自晉歸于楚。 弑其君虔于

先言歸而後言弒者,先言歸者明比不與謀

0 0

<sup>「</sup>中國」,四庫本作「同姓」。

復天理之存矣,故深恶之」。「此夷狄之道也,故夷狄稱之」,此十一字四庫本作「無

乾谿 虔于乾谿」也。 王。 子 靈 也 棄 後言弑  $\pm$ 楚 故 疾 即 日 作 位 地 「楚公子比自晉歸 一、公子 亂, 者 召 Œ 比,靈 比之 公子 比 出 罪也。 比 王弟。 奔 于 晉。 晉 于楚。 立之 初,楚子 靈 奔晉在元年。  $\Xi$ 無 以 弑 , 麇卒 道,公 其 弑 君 靈

楚公子棄疾殺公子比。

比以 之立不當立 殺 疾 比 公子 雖 不 以討 召公子比 著其惡 比 賊 也 辭 立 書者,殺之不以其罪也。 故 爲王,其實内自窺楚, 比已立,復稱公子者,明 曰「楚公子棄疾殺 公 于是 比 子 棄

于 預 曹伯、莒子、邾 秋,公會劉子、晉侯、齊侯、宋公、衛侯、 平丘 八 月 甲 子 戌, 、滕 同 子 、薛伯 盟 于 平丘 杞伯 公不與音 小 鄭 邾 伯 子

自宋之會諸侯不出,大夫專盟會者十年,

宋之會 年。 不與 旦與 伉。 鄟 解 事 盟 禍 至 陵之會,晉自 **伉乎?** 不能與楚子伉也,乘 行 + 陵 體 而 于 爾 中 申 平. 之 盟 此 楚子 四 ? 不 劉子合諸 之會則 或 在 何 É. 乘楚靈 者,晉 會 年。 同盟,非 故 戕 · 晉 專 襄二十七年,申 在 自 所 滅 盟 至 又 昭二十六年,會 不 地 侯 是 爲 弑 陳、 侯 甚 會 出 如 所 訖 不與公盟也。 哉? 同盟 逆之禍 矣。 者 ·; 此 鄟 蔡 會 以宗諸 又十 音 以 召 不足宗諸 于此者,其 專, 此 楚子以蠻 陵,諸 厭 年矣。 又 古 與 之會 其 侯也,天 市 不 劉 欲 召陵 轉 楚 侯 足 台 子 反, 在 侯 靈 今 諸 復 合 夷 侯 道 能 昭 又 可 在 下 不 弑 晉 侯 之 與 諸 與 也 徒 川 知 定 孰 公同 逆之 楚子 出 莫 衆 侯 昭 官 年, 也 反。 者 四 不 敢 口 横

侯執季孫意如以歸。

晉

晉既不與公盟,又執季孫意如以歸,其惡

可知。

「蔡侯廬歸于蔡。陳侯吴歸于陳」者,楚平案:八年楚師滅陳,十一年楚滅蔡。此言公至自會。蔡侯廬歸于蔡。陳侯吴歸于陳。

楚平既立,將矯楚靈之惡以説中國也,●故復二國之後也。楚靈不道,暴滅陳、蔡。

善與? 非善也。聖王不作,諸侯不振,二復二國之後。然則楚靈滅之,楚平復之,

爲文,所以抑强夷而存中國也。●

國之命制在夷狄故也。❷ 孔子以陳蔡自歸

冬十月葬蔡靈公。公如晉,至河乃復。吴滅

州來,附庸。

州來。

十有四年春,意如至自

大夫執則至,至則名不稱氏,前見也。十有四年春,意如至自晉。

八月,莒子去疾卒。冬,莒殺其公子意恢。三月,曹伯滕卒。夏四月。秋,葬曹武公。

酉,有事于武宫。籥入,叔弓卒,去樂卒事。十有五年春王正月,吴子夷末卒。二月癸

非禮也。宗廟之祭,羽籥既陳,雖有卿佐「有事于武宫。籥入,叔弓卒,去樂卒事」,

之喪,不可去也。然卿佐之喪當有恩禮,

「六月辛巳有事于太廟,仲遂卒于垂。壬去樂則太甚,故爲之廢繹。是故宣八年書

午,猶繹」,孔子止譏其繹爾。

夏,蔡朝吴出奔鄭。六月丁巳朔,日有食之。

秋,晉荀吳帥師伐鮮虞。冬,公如晉。

殺之。 十有六年春,齊侯伐徐。楚子誘戎蠻子

案:十一年楚子虔誘蔡侯般殺之于申,名。

0

<sup>●「</sup>中國」,四庫本作「諸夏」。

<sup>) 「</sup>夷狄」,四庫本作「荆蠻」。

<sup>「</sup>夷」,四庫本作「楚」。「中國」,四庫本作「諸夏」。

此 不名者,夷狄 相 誘 殺,❶略之也,故 亦

不地

夏,公至自晉。秋八月己亥,晉侯夷卒。 九

月,大雩。季孫意如如晉。冬十月,葬晉

昭公。

師 日有食之。 十有七年春,小邾子 滅陸渾之戎。 秋,郯子 來 來 朝。 朝。 八月,晉荀吴帥 夏六月甲戌 朔,

夷狄亂華,❷諸侯得以驅之逐之,然滅之則

甚矣。

冬,有星孛于大辰。

孛,彗之屬。孛于大辰者,在大辰也。 大

辰,大火。

楚人及吴戰于長岸。

長岸,楚地。

午,宋、衛、陳、鄭災。 有八年春王三月,曹伯須卒。 夏五月壬

> 「壬午,宋、衛、 H 而 災 也。 宋、衛、 陳、 鄭災」,宋、衛、 陳、 鄭 同 H 丽 災, 陳、 異 鄭 之 同

甚者

六月,邾人入鄅。 音禹,又音矩

郡,微國

秋,葬曹平公。冬,許遷于白羽。

白 羽,許地

十有九年春,宋公伐邾。夏五

月戊

辰,許

世

子止弑其 、君買。 己卯、地震。 秋,齊高

師 伐莒。冬,葬許悼公。

二十年春王正月。夏,曹公孫會自鄭音蒙,又音 盲,亦音夢。 出奔宋。

言自勢出奔宋者,以

鄭,公孫會之邑也。

别從國 都 而 去爾

0 夷 狄」,四 庫 本 作 狙

0 夷狄亂華」,四庫本作「陸渾侵略」。

發

帥

秋,盜殺衛侯之兄縶。

盜 母兄而盜得殺之,衛侯之無 者,微賤之稱。兄,母兄也。 刑 政也若此, 以 衛侯之

故 曰「盜殺衛侯之兄縶」以著其惡。

奔陳。 冬十月,宋華户化反。亥、向舒亮反。寧、華定出

卿並出,危之。

十有 一月辛卯,蔡侯廬卒。

使士 二十有一年春王三月,葬蔡平公。 一鞅來 聘。 宋華亥、向寧、華定自陳入于 夏,晉侯

前 年出奔當絕,復見者,以入宋南里叛,犯

君當誅

宋南里以叛。

秋 七月壬午朔,日有食之。八月乙亥,叔

輒卒。

輒,叔弓子。

冬,蔡侯朱出奔楚。 公如晉,至河乃復。

> 定自宋南里出 一奔楚。 大蒐于昌閒

二十有二年春,齊侯伐莒。宋華亥、向寧、華

昌 閒 魯地。

夏四 月乙丑,天王崩。 六月,叔鞅如京師

葬

景王。

以天子之尊三月而葬,此諸侯之不若也。

叔鞅,叔弓子。

王室亂。劉子、單音善。子以王猛居于皇。

王室亂,劉子、單子以王猛居于皇者,王猛

當嗣,子朝争立,其位未定故也。子朝,王

之,劉、單不可。景王崩,六月既葬,子朝 猛庶兄。猛幼,子朝 有寵于景王,王欲立

作亂,故劉子、單子以王猛居于皇。其言 劉子、單子以 E 猛」者,子朝亂,猛 位未

周地。

定,進退在二子也。二子,卿

爵。

秋,劉子、單子以王猛入于王城。

故二 此 失道,不能早正王猛之位,卒使子朝争立 不言成周 猛之進退在二子可知 子以王 而 言 猛 王城者, 居于皇,以王猛 明 也 未得 或 入于王 也。 景王 城

冬十月,王子猛卒。

者,降成君也。也,言「猛」所以别群王之子也。不崩不葬也,言「猛」所以别群王之子也。不崩不葬當嗣之人也,言「子」所以見未踰年之君王猛卒,其曰「王子猛」者,言「王」所以明

十有二月癸酉朔,日有食之。

晉。癸丑,叔鞅卒。晉人執我行人叔孫婼。二十有三年春王正月,叔孫婼音綽,又音釋。如

晉人圍郊。

郊,周邑。

師于雞父。胡子髡、沈子逞滅。獲陳夏齧。輿來奔。戊辰,吴敗頓、胡、沈、蔡、陳、許之夏六月,蔡侯東國卒于楚。秋七月,莒子庚

文也。 之師略 雞父。 執 者,深惡二國之君不得其死,皆以自滅 之師 子髡、沈子逞滅,皆自 故皆夷狄之。 者,皆夷狄之 頓、胡、 而言獲者,甚之也。 相 故鄭棄其 春秋之戰,書敗者多矣,未有 而不序者。 與伐吴,吴 沈、蔡、 也。 其言「胡 陳、 師,齊人殲于遂,梁亡,胡 人禦之,敗六 賤其舍中國 許,皆楚 此六國之師 雞 取 子髡、沈子 父,楚 之也。 與 或 地 而 國之 陳 略 也 與 齧 而 逞 夷 不 諸 師 不 滅 狄, 爲 序 侯 于 或

天王居于狄泉。

狄泉」,明正也。 恭王也。辟子朝居于狄泉,曰「天王居

尹氏立王子朝。

惡可知也。尹氏,世卿。猛、恭王是也。此言「尹氏立王子朝」,其立者,篡辭。嗣子有常位,故不言「立」,王

八月乙未,地震。冬,公如晉,至河,有疾 |人、滕人、薛人、小邾人于黄父。

乃復。

凡公如晉,不得人者六。二年「公如晉,至

河乃復」,十二年「公如晉,至河乃復」,十

三年「公如晉,至河乃復」,二十一年「公如

晉,至河乃復」,此年「公如晉,至河,有疾

乃復」,定三年「公如晉,至河乃復」是也。

譏公數如晉,爲晉拒而不納,以取其辱。 此書「有疾」,明公自有疾 而反爾。 餘則皆

一十有四年春王二月丙戌,仲孫貜卒。

婼,叔 孫婼也。不言叔孫,前見也。

丁酉,杞伯郁釐卒。 夏五月乙未朔,日有食之。 秋八月,大雩。 或作斄,音離,又音來。 冬,吴

滅巢。 葬杞平公。

趙鞅、宋樂大心、衛北宫喜、鄭游吉、曹人、邾 一十有五年春,叔孫婼如宋。夏,叔詣會晉

叔詣,叔弓子。黄父,地闕。

有鸜鵒 來巢。

魯無鸜鵒,故言「有」也。

又當穴而巢,異

之甚者。

秋七月上辛,大雩。 季辛,又雩。

九月己亥,

公孫音巽。 于齊。 次于陽州

公爲季孫意如所

逐,其言「孫于齊」者,諱

奔也。 内諱奔皆曰「孫」。 「次于陽州」者,

不得入于齊也。 陽州,齊魯境上地。

齊侯唁音彦。 公于野井。

唁,慰安之辭。 齊大國也,不能討意 如于

魯國,徒能唁昭公于野井,此齊侯之惡亦

可見也。 野井 齊地。

公佐卒于曲

冬十月戊

辰,

叔孫婼卒。

十有一月己亥,宋

諸 侯卒于國都之外,皆地。 曲棘,宋封

内邑。

十有二月,齊侯取鄆。

齊侯取鄆,以處公也。不言處公者,明年

公至自齊居于鄆,此處公可知也。

至自齊,居于鄲。二十有六年春王正月,葬宋元公。三月,公

言 拒,不得入于魯也。 此言「公至自 至自 也。 \_齊 者,以 居 于鄆 故曰「公至自齊居 齊侯之見公,可 者,公爲 意 如 于 所 以

鄆」。

夏、公圍成。

「公圍成」書者,見國内皆叛也。成,孟

氏邑。

音市轉反,亦音團。陵。秋,公會齊侯、莒子、邾子、杞伯盟于鄟音專,又

公至自會,居于鄆。九月庚申,楚子居卒。盟于鄟陵,謀納公而不能也。鄟陵,地闕。

次于乾侯。

冬十月,天王入于成周。

外, 同,故變言「人」以著即位于外 子 之常。不言「王城」而言「成周」者,以 「歸」而言「人」者,言「歸」嫌 朝之亂甚 四 年始 勝 矣。 其 醜,反 悼 王 既 Œ 死, 于 與 恭 也。 即 王即 廟 位 此 于 不言 位 内 或 非 者 舉 例

之,明已得國。

罪本在尹氏,當先誅逆首,後治其徒也。立王子朝獨書尹氏,奔楚并舉召伯者,明尹氏、召伯、毛伯以王子朝奔楚。

人、邾人、滕人會于扈。 <del>二</del> 夏四月,吴弑其君僚。 邾 <sup>宽二音</sup>。秋,晉士鞅、宋樂祁犂、衛 二十有七年春,公如 快來 有八年 奔。 公如齊。 春 王三月,葬曹悼公。 齊。 公至自齊,居 楚殺 冬十月,曹伯 公至· 其 大夫郤宛。 自齊,居 北宫喜、曹 于 公如 鄆 午卒。 于 鄆。 遠、

言「次于乾侯」者,不得入于晉也。 公前 年如齊者再,皆不見禮,故 如晉。 公既 不 其

見禮于齊,又不得入于晉,其窮辱若此。

乾侯,晉地

夏 秋七月癸巳,滕子寧卒。冬,葬滕悼公。 四 月 丙 戌,鄭伯寧卒。 六月,葬鄭定公。

二十有九年春,公至自乾侯,居于鄆。 以乾侯至者,不得見晉侯故

四 齊侯使高張來唁公。 月庚子,叔詣卒。秋七月。冬十月,鄆潰。 潰,散也。季孫專魯,民不附公,故鄆潰。 公如晉,次于乾侯。夏

三十年春王正月,公在乾侯。

地,不可言「居」,故曰「在」,内外辭也。 晉地也。 公在乾侯,鄆潰故 故自是 公爲强臣所逐,不見納于内,終顛殞于外。 歲首孔子皆録公之所在,責魯 鄆,魯封内,故曰「居」。 也。 不言「居」者,乾侯 乾侯晉 明

臣子。

傾。公。 夏六月庚辰,晉侯去疾卒。 '冬十有二月,吴滅徐。 秋八月,葬晉頃 徐子章羽

奔楚。

三十有一年春王正月,公在乾侯。 會晉荀躒于 適 歷。 夏四月丁巳,薛伯穀卒。 季孫 意如

晉侯使荀躒力狄反。 唁公于乾侯。

季孫意如,逐君之賊也,晉侯不能討

而

戮

之,既使荀躒 公于乾侯,何所爲哉? 會意如于適歷,又 此晉侯之惡亦 使 荀 躒 可 唁

見矣。適歷,晉地。

秋,葬薛獻公。冬,黑肱以濫來奔。

黑肱以濫來奔。

濫

邑也。

案 :

襄二十一

以牟婁及防、兹來奔」。 年「邾庶其以漆、閭丘來奔」,五 邾莒言「國」,此不 年「莒牟夷

言「國」者,脱之也。

十有二月辛亥朔,日有食之。

三十有二年春王正月,公在乾侯。 取 闞 П

暫反。

闞,魯 邑。

夏,吴伐越。 不信、齊高張、宋仲幾、衛世 人、莒人、薛人、杞人、小邾 周自天子言之則曰「王城」、「成周」。 秋七月。冬,仲孫 人城 叔 申、 成 何忌會晉 周 鄭 國參、 昭 韓 曹

十六年「天王入于成周」,是也。諸侯言之 十二年「劉子、單子以王猛入于王城」,

晉」,文元年「叔孫得臣 之于京師」,三十年「公子遂 則曰「京師」。僖二十八年「晉人執 如 京 師 如京 成 師 十三 衛 遂 侯 年 歸 如

三月「公如京師」,夏五

月「公自

京師

遂會

師 滕 晉侯、齊侯、宋公、衛 \_, + 人伐秦」,十五 六 年 曹 伯 年 歸 一 侯、鄭伯、曹伯 自 京 侯 師 執 一之類 曹伯 歸 是 邾人、 于京 也。

此

不言城京.

師

而

日

城

成周者,不與大夫城

京師 一仲 大 世子申、鄭 侯 師 孫 夫 而 也。 不 何忌會晉韓 城 大夫城 城 大夫 京 京 師 師」者, 國參、曹人、莒人、薛人、杞 城京 之,是天下無 而 大 不信、齊高 夫城 天子 師 以安天子,其言「不 之 微,諸侯又微,故 也。 諸 張、宋 侯 諸 也,故 侯 仲幾、 不城  $\Box$ 

諸

與

京

十有二月己未,公薨于乾侯。

人、小邾人城

成

周」以惡之。

衛

春秋尊王發微卷第十

後 學 成 德 校 訂

巴 陵 鍾 謙 鈞 重 刊

# 春秋尊王發微卷第十

孫 復 撰

定公名宋,襄公子,昭公弟,恭王十一 年即位。定,謚也。安民大慮曰定。

朔也。 不 書正月者,定公未立,不與季氏承其 是時季氏專國,昭公薨于乾侯,及

元年

春王

歲之交,定又未立,故略不書焉,所以黜 强

臣 而存公室也。

三月,晉人執宋仲幾于京師。

《春秋》之義,諸侯不得專執,況大夫乎? 命 宋仲幾會城成周,韓不信,陪臣也,非天子 執仲幾于天子之側,甚矣! 故曰「晉人

> 即位 夏六月 癸亥,公之喪至自乾 侯。 戊

> > 辰,公

執宋仲幾于京師」以疾之。

定公繼奔亡之後,制在季氏,故昭公之喪 可知也。 至自乾侯,六月而始得即位也。 至自乾侯,六月 故曰「癸亥,昭公之喪至自乾侯。 而 始 得 即 位 此 制 昭公之喪 在季氏

秋七月癸巳,葬我君昭公。 戊辰,公即位」以著其惡。

八月而葬。

正

九月,大雩。立煬宫。

煬宫,伯禽子廟,毀已久,此而立之,非禮

可知。

冬十月,隕霜殺菽

二年春王正月。 建酉之月隕霜殺菽,非常之災。 夏五月壬辰,雉門及兩觀古

亂反。 災。

三三七

也。雉門兩觀,天子之制。其言「雉門及兩觀災」者,雉門與兩觀俱災

秋,楚人伐吴。冬十月,新作雉門及兩觀。古

亂反。

仲孫何忌及邾子盟于拔。卯,邾子穿卒。夏四月。秋,葬邾莊公。冬,三年春王正月,公如晉,至河乃復。二月辛

拔、地闕。

伯、小邾子、齊國夏于召上照反。陵,侵楚。曹伯、莒子、邾子、頓子、胡子、滕子、薛伯、杞子、晉侯、宋公、蔡侯、衛侯、陳子、鄭伯、許男、四年春王二月癸巳,陳侯吴卒。三月,公會劉

救蔡伐楚也。其言「會于召陵侵楚」者,諸蔡人病楚,使告于晉,故晉合諸侯于此,此

哉 ! 已,此固不足道也。 滕子、薛伯、杞伯、小邾子、齊國 鄭伯、許男、曹伯、莒子、邾子、頓子、胡子、 曹伯、莒子、邾子、滕子、薛伯、杞伯、小 之功歸 大夫之權,外 侵楚,五月公及諸 子于平丘,八月甲 「公會劉子、晉侯、齊侯、宋公、衛侯、鄭伯 于栢舉,楚師敗績」是也。 侯不振,不能救蔡伐楚 ·公會劉子、晉侯、宋公、蔡侯、衛侯、陳子、 何所 于强吴。 爲 哉 不能 冬「蔡侯以吴子 侯盟于泉 戌 攘 徒 同 夷 自 也。 盟 狄之 相 噫 ! 于平 與 鼬 故 患 歃 使 · 丘。 0 及 血 夏于召陵 内 昭十三年 救 要言 何 楚 不 蔡 所 此 能 伐 邾 戰 爲 楚 而 奪

子嘉歸,殺之。 夏四月庚辰,蔡公孫姓音生。帥師滅沈,以沈

❶ 「夷狄」,四庫本作「荆蠻」。

蔡公孫姓帥師滅沈,沈與楚故也。以沈子

人戰于柏舉,楚

師

敗

績

囊

瓦

奔

鄭。

吴

稱

嘉歸殺之,公孫姓之罪不容誅也。

五月,公及諸侯盟于皋鼬。音又。

泉鼬,鄭地。

成。秋七月,公至自會。劉卷音權,又音眷勉一杞伯成卒于會。六月,葬陳惠公。許遷于容一

反。卒。

上會劉子。

葬杞悼公。楚人圍蔡。晉士鞅、衛孔圉帥師

伐鮮虞。葬劉文公。

文,謚

也。

案:文三年「王子虎卒」,不

「葬」。此「葬」者,見其私謚,且僭也。

舉,楚師敗績。楚囊瓦出奔鄭。冬十有一月庚午,蔡侯以吴子及楚人戰于栢

不出,故蔡侯去晉求救于吴,吴子許之。「以」者,乞師而用之也。楚人圍蔡,晉師

冬十有一月,吴子、蔡侯伐楚。 庚午,及楚

之勢,較然可見也。故自是諸侯小大皆宗蔡伐楚,吴能救之伐之,此吴晉之事,强弱子者,大救蔡也。晉合十八國之君不能救

庚辰,吴入郢。

于吴。柏舉,楚地。

吴子救蔡伐楚,善也,乘囊瓦之敗,長驅入

郢,夷其宗廟,壞其宫室,此則甚矣。故

「庚辰吴入郢」,反狄之也。

五年春王三月辛亥朔,日有食之。夏,歸粟

于蔡。於越入吴。

「人」。此言「於越」,越之别封也。此亦舒案:昭五年越始見于經,從諸侯伐吴稱

人、舒鳩、舒蓼之類耳。

不敢卒。冬,晉士鞅帥師圍鮮虞。 六月丙申,季孫意如卒。秋七月壬子,叔孫

六年春王正月癸亥,鄭游速帥師滅許,以許

男 斯 歸 月,公侵鄭

内 有强臣之讎,外結怨于鄭。

秋,晉人執宋行人樂祁犂。 公至自侵鄭。夏、季孫斯、仲孫 冬,城中城。 何忌如 晉。 季

孫 斯、仲孫忌 帥師 韋 鄆

前日 仲 孫何忌」,後 曰「仲孫忌」,傳 寫脱

之也

于 七年春王 鹹。 齊 人 正 執 月。 衛 行 夏四月。 人北宫結以 秋,齊侯、 侵衛 鄭伯盟 齊侯、

衛 侯 沙 ),衛地 盟 于 沙。

大雩。 齊 國 夏 帥 師伐我西鄙。 九月,大雩。

冬十月

月,公侵齊。 年 . 春 Ē īĒ. 三月,公至自侵齊。 月,公侵齊。 公至 É 侵齊。

曹伯 公一歲而 露卒。 夏,齊國夏帥 再侵齊,以重其怨,甚矣 師伐我西鄙。 公會

> 晉于 瓦

晉師救我,故公會于瓦。 瓦,衛 地

帥 公至自瓦。 師侵鄭,遂侵衛。 秋七月戊辰,陳侯柳卒。 葬曹靖公。九月, 晉士 葬陳 鞅

侯、鄭伯盟于 曲濮。 從祀先公。 懷公。

季 孫

斯、

仲孫

何忌帥

師 侵

衛。

先公,后稷也。「從祀先公」者,定公僭亂,

從后稷而祀也。 得祀,故曰「從祀先公」,以著其 后稷,周之始祖,非 僭 口

盜 竊寳玉、大弓。

盗,微賤之稱。 寳玉、大弓,國之重器也。 或

寶玉、大弓。 九年春王正 之重器而盜得竊之,則定公爲國可 月。 夏四月戊申,鄭伯蠆 知 也

得

也。 故失之書,得之書。 不曰盜 寳玉大弓,周公受賜于周,藏之于魯, 歸寳玉大弓者、盜微賤、不可再見

六月,葬鄭獻公。秋,齊侯、衛侯次于五氏。

Ŧi. 氏,晉地

秦伯卒。冬,葬秦哀公。

十年春王三月,及齊平。

平八年再侵齊之怨。

夏,公會齊侯于夾谷。公至自夾谷。

公會齊侯于夾谷,叛晉故也。 夾谷,齊地。

晉趙鞅帥 師圍衛。 齊人來歸鄲、灌、龜陰田

三月及齊平。

夏,公會齊侯于夾谷,故齊

人來歸鄆、讙、龜陰田。其言「來歸」者,明

本非 魯 地 也。

叔 孫州 仇 、 仲孫 何忌帥 師圍郈。秋、叔孫 州

仇、仲孫何忌帥 師圍郈。音后

郈叛,叔孫州仇、仲孫何忌帥師圍之,邱不 再圍郈。 郈,叔孫 邑。

服,故二卿秋

侯、衛侯、鄭游速會于安甫。 宋樂大心出 一奔曹。 宋公子地出 奔陳。冬,齊

安甫、地闕。

叔孫 州仇如齊。宋公之弟辰暨仲佗、徒何反。

苦侯反。

石 出 奔 陳。

暨,不得已也。仲佗、石彄爲宋大臣,不能

宋公失道,其弟辰暨仲佗、石彄出

奔陳。

以道事君,爲辰强牽而去,故曰「宋公之弟

辰 暨仲佗石彄出奔陳」以交譏之也。

十有 地自陳入于蕭以叛。夏四月。秋,宋樂大心 一年春,宋公之弟辰及仲佗、石彄、公子

大心從四子入于蕭,不言叛者,其叛

可

自曹入于蕭

知也。

冬,及鄭平。

叔還如鄭涖 盟

平六年侵鄭之怨。

叔還,叔弓曾孫。

十有二年春,薛伯定卒。夏,葬薛襄公。叔

曹。 大 孫 7、公圍 零。 月 州 丙 季 仇 孫 寅 冬十月癸亥,公會 帥 成。 朔 斯 師 仲 墮 日 許 有 孫 規 食之。 何 反。 忌 成 郈 帥 公至 齊 師 衛 侯 隋 公 自 盟 費 孟 黄 于 弧 黄 音 秘 帥 + 師 有 + 秋 有 伐

月

公至

自

韋

經言 以 墮 能 邑 郈 何 韋 成 隋 忌 强 叔 至 ,公室陵遲, 成 帥 盛 孫 叔 者 也。 師 邑。 孫 宰 隋 君 州 吏 三子 費 費,季 弱 仇 數 臣 帥 叛 而 政 能 强 師 以 孫 獨 在 墮 危 墮 書「公屋 。 高 爲 邑。 三子故 甚 郈 或 墮 成, 患 一費 季 也。 成 孟 故 孫 而 孫邑。 皆 者 斯 公 或 墮 弗 仲 公 内 之。 弗 能 孫 又

薛

曹。 士吉射 淵 有 有 鞅、 秋,晉趙 音石 大 年 蒐 春 于 ·, 齊 鞅 比 于 人于 侯 音 朝 毗 歌 衛 晉 以 侯 蒲。 陽 叛 次 以 于 衛 叛。 晉 垂 公孟 趙 葭。 冬, 鞅 弧 歸 晉 夏, 帥 于 荀 築 晉 師 寅、 伐 蛇

趙

荀寅

士:

吉

射

 $\equiv$ 

卿

專

邑

以

叛

·普

侯不

國,此 之惡 叛,此 弑 以 晉 能 其 叛 陽 制 君 也 以 王法  $\pm$ 比 晉 趙 叛 法 鞅 晉 趙 所 所 陽 歸 鞅 冬, 赦 誅 于 歸 趙 也。 晉 也 普 于 鞅 荀 無 晉 邑 故 鞅 寅、 惡 日 不 以 文者 1: 朝 遠 秋, 甚 吉 而 荀 射 晉 復 鞅 寅、 人 趙 以 人 于 晉 士 鞅 晉 吉 朝 陽 陽 人 于 以 射 歸

宋。 滅 + ,於越敗 頓 有 几 月 以 年 頓 辛 春 吴于 子 Ė, 牂 衛 橋音 楚公子 歸 公 叔 醉 夏,衛 戍 李。 結 來 陳 奔 北 公 宫 孫 衛 結 佗 趙 來 陽 奔 Y 帥 出 Ŧi. 奔 師

檇 李 吴 地 月

吴子

光卒。

公會

齊

侯

衛

侯

于

牽。

公至 石 牽,衛 尚 自會 來 歸 地 脤 秋, 市 軫 齊 反 侯、 宋 公會 于 洮

天

 $\pm$ 

使

脈 祭 肉 也 天 子 祭 社 稷 宗 廟 有 與 諸 侯

共福之禮,此 謂 助祭諸 侯也。 魯未嘗助

祭,天王使石 ...尚 來 歸 脈 非 禮 也。 石尚,

士,故名。

衛 世子蒯苦怪反。 費伍怪反。 出奔宋。 衛公孟

**疆**出 奔 鄭。 宋公之弟辰自 蕭來奔。 大蒐于

會公于比蒲也。

比音毗。

蒲。

邾子來會公。

城莒父及霄。

此年無冬,脱之。

十有五年春王正月, 邾子來 朝。 鼷鼠 食 郊

牛,牛死,改卜牛。

不言所食者,食非一 處也。

辛亥,郊。 壬申,公薨于高寢。

二月辛丑,楚子滅胡,以胡子豹歸。

公薨于高寢,非正也。 高寢,别 寢。

鄭罕達帥 師 伐宋。 齊侯、衛侯次于渠蒢。 邾

子來奔喪。

邾子來奔喪,非禮也

秋七月壬申,姒 氏 卒。

姒氏,哀公妾母。 不稱夫人,不言薨,哀未

君也。 姒氏, 杞女。

八月庚辰朔,日有食之。

九月,滕子來會葬。

滕子來會葬,非禮也。

丁巳,葬我君定公。 雨,不克葬。

戊午,日下

昃,乃克葬。

午日下昃乃克葬,言無備之甚也。 雨不克葬,譏不能葬也。 葬不爲

八年「葬敬嬴」同

辛巳,葬定姒。 冬,城漆。

漆,魯地。

夏五月

春秋尊王發微卷第十

後學 成 德 校 訂

巴陵鍾 謙 鈞 重 刊

<u>рц</u> =:

雨止,戊

義與宣

## 春秋尊王發微卷第十一

帥

師

伐

邾,取漷火號

反,又音郭。

東

田

及沂

西

田

伐

邾

又取

漷

東

Ш

及

沂

西

田

故

列數

重

工其惡。

案 :

襄

十九

年

取

邾

田

自

漷

水

卿

帥

師

孫 復 撰

位。哀,謚也。恭仁短折曰哀。 哀公名蔣,定公子,恭王二十六年即

元年春王正月,公即位。楚子、陳侯、隨侯、

許

男

韋

蓋 鄭 楚 子 鄭 游 滅之 以諸 速 帥 爲 師 侯 附 滅 圍 庸 許 蔡, 楚 以 報 再 許 柏 舉 使 男 列 斯 也。 于 歸 此 諸 案: 侯 復見者 定六年 耳 柏

齊 鼷 年 侯 鼠 春王二月,季孫 食 郊牛, 侯 伐晉 改 1 冬,仲 牛。 斯 夏 孫 叔 四 何 孫 月辛 忌 州 帥 仇 户,郊 師 仲 伐 孫 邾 何 秋 忌

舉

在

定

四

年

癸巳,叔孫州仇、仲孫何忌及邾子盟于句繹。

田 季孫斯、叔 及沂 西田, 孫 州 叔 仇、仲 孫 州 仇 孫 仲 何忌伐 孫 何 邾 忌 又 取 要 漷 邾 東

夏 四 子以 月 、盟,甚 丙 子, 矣。 衛 侯元卒。 句 繹 邾 滕 地 子 來 朝。 晉 趙 鞅

帥 之子 其 惡 卒,輒又已立,猶 言「于戚」者, 夏 師 案:定十 名 四四 輒 納 貪國 月 而 也。 衛 書 衛 世子蒯聵于戚 ·四 年 1之也 叛父 故 靈 公卒, 晉 衛 爲 逆 趙 世子蒯聵 故 亂 稱 輒 鞅 衛人 子 曩 所 帥 路 理 日之世子蒯 拒 師 立 不不 問 以 納 出 輒 滅 于 蒯 奔宋。 得 孔 天 聵 人于 輒 性 子 于 者 · 孔 聵 靈公既 戚 衛 當 子 蒯 也 Œ 衛 其 聵

子曰:「必 子駟

也正 名 乎 名 不 正 前則言 不 順,言 不 順 則

君

待子而爲政,子將奚先?」孔

冉有 刑罰 事 不 不中, 成 曰:「夫子爲 事 刑罰 不 成 不 則 衛君乎?」子貢曰:「諾。 中 禮 則 樂 民 不 無 興,禮 所措 樂 手足。」又 不 興 則

吾將問之。」入曰:「伯夷、叔齊何人也?」

曰 : 「古之賢人也。」「怨乎?」曰 :「求仁 而

故蒯 得仁,又何怨?」此聖師之旨可得 聵出入皆正其世子之名, 書之所以 而見 矣。 篤

君臣父子之大經也。 不然,貪國叛父之人

接 踵 于萬 世 矣。

秋 八 月甲戌,晉趙鞅 帥 師 及鄭罕達帥 師 戰 于

鐵。 鄭 師 敗 績

冬十月,葬衛 皆言帥師者,其衆 靈 公。 敵 也。 鐵、衛地。

七月 八而葬。

有 月,蔡 遷 于 州 來。 蔡殺其大夫公

> 此,故 衛甯 年春,齊國夏、衛 父 彭城,此不言圍衛戚者,不與 也。 齊 也 或 案: 殖、曹人、莒人、邾人、滕人、薛人圍 夏序衛  $\vdash$ 或 襄元. 齊國 夏 石 助 年仲孫蔑會晉樂黶、宋華元、 曼姑上者 輒 夏、衛石 石曼姑帥 韋 父, 曼姑 逆亂 齊國 師 崖 帥 人 國夏 夏主 戚 理 師 韋 助 莫 乎 戚 甚 輒 韋

宋

戚

韋

四 月甲 午, 地 震。 五月辛 卯, 桓 宫、 僖

宫災。

夏

誅其惡

諸侯 也。 故 五. 孔子 廟 因 親 其 盡 災 則毀。 而 並 一録之。 桓、僖 不毁,非 不言及者, 禮

親 盡 故也

啓陽 魯邑 季 孫

斯

叔

孫

州

仇

帥

師

城

啓

陽。

宋樂髡 帥師伐曹。 秋七月丙子,季孫斯卒。

四 Ti.

以

于

伯 蔡 卒。 人放 其大 叔 孫 州 夫公孫獵于吴。 仇 仲 孫 何忌 帥 冬十月癸 師 韋 邾 卯 秦

四 年春王二月庚 戌,盜殺蔡侯 申

盜 者,微 賤 之 稱。 不言弑 者, 賤 盜 也。 其

子。 蔡公孫 曰 夏,蔡殺其大夫公孫姓、音生。 盗 辰出 殺 蔡侯 奔吴。 申」,責蔡臣 葬秦 惠 公。 子不 能 宋人 拒 公孫霍 執 難 小 邾

鑾 夷 猾 夏久 矣,晉 人執 戎 蠻子,不 歸 于 京 晉人

執

戎蠻子赤歸

于楚。

 $\equiv$ 

城 西 郛。 六月辛丑,亳社災

師

而

歸

于楚,其惡可知

也

廟 亳 以 社, 爲天 國之社 子 戒。 也。 魯 作 武王 亳 社 克 商 非 作 禮 亳 也 社 亡 于

或 之社屋,故有災。

昭 秋 公。 月甲寅,滕子結卒。 葬滕頃公。 冬十有二月, 葬蔡

Ŧi

年春,城

毗

毗 魯 邑

夏,齊! 酉 ,齊侯杵臼卒。 侯伐宋。 晉趙 冬,叔還音旋 鞅 帥 師 伐 衛。 如 齊。 秋 九 閨 月 癸

葬 齊景公。

月,此年葬齊景公爾,皆譏其變常 里 秋》二百 年之喪,練祥各有 月 喪 事 四 不 十二 數,葬 年書閏者,惟文六年不 齊 其 景公,非 月,此 非 禮 禮 也 也 知  $\sim$ 告 春 且.

人 六年 柤 陳 于 莊加反。 夏, 春,城邾瑕。 齊 齊 齊 或 秋七 陳 夏 乞弑 月庚 及 晉趙 高 其 君茶。 寅,楚子軫卒。 張 鞅 來奔。 帥 師 冬,仲孫 伐 叔還 鮮 虞。 會 齊 何 吴 陽 吴 忌 伐 帥

衛。 師 Ł 年 伐 入邾,以邾子益 夏,公會吴于鄫。 春、宋皇瑗 邾 宋 向 巢 帥 帥 師 來 師 侵鄭。 伐 秋,公伐邾。 曹 晉魏 曼多帥 八 月 師

侵

邾,吴與國。 公秋伐邾,八 月己 酉 人 邾 ·',以

可

邾子益 來,甚矣。 結怨强吴以 取困辱, 明

年吴伐我是也。 邾子名,責不死社 稷。

宋人圍曹。冬,鄭駟弘帥師

救

曹。

八年春  $\pm$ 正月,宋公入曹,以曹伯 陽歸。

吴

伐我

吴伐我,以邾子益來故也。 直曰「伐我」

者,兵加于都城 也

夏,齊人取 讙 音歡。 及闡。 尺善反。

公前年入邾,以 邾子 益 來。 益,齊甥 也。

故齊人取讙及 闡

杞伯過音戈。 歸邾子益于邾。 卒。 秋七月。冬十有二月癸亥, 齊人歸讙及闡

公既歸邾 子 益 于邾,故齊人歸 罐及闡。 凡

土 地 ,諸侯取之歸之皆書者,惡 專恣 也。

取 而不歸,則又甚矣。

九年 師 于 雅於勇反。 王二月,葬杞僖公。 点。 宋皇瑗帥師取鄭

> 鄭 人圍宋雍丘,宋皇瑗帥師救之,取鄭

師

于雍丘 一,鄭師 不 ·戒也。

夏,楚人伐陳。秋,宋公伐鄭。冬十月。

十年春王二月,邾子益來奔。公會吴伐齊

公會吴伐齊。齊,中國也。 吴,夷狄也。

夷狄伐中國,其惡可知也

三月戊戌,齊侯陽生卒。夏,宋人伐鄭。 晉趙

衛公孟彄自齊歸于衛。 薛伯夷卒。 秋,葬 薛 鞅帥師侵齊。

五月,公至自伐齊。

葬齊悼公。

惠公。冬,楚公子結帥師伐陳。

十有一年春,齊國書帥師 伐 我。

公前年會吴伐齊,故齊國書帥 師 伐 我

戌,齊國書帥師及吴戰于艾陵,齊 夏,陳轅頗 出 一奔鄭。 五月,公會吴伐齊。 師敗績,獲 甲

齊國書。

公再 與音喻,下同 會吴伐 齊戰 上伐,不與下戰也。 于艾陵,不言「公」者,公

滕 秋 隱 七 月辛 公。 衛 酉,滕子虞母卒。 世 叔齊出奔宋。 冬十有一月,葬

二年春 用用 田 賦

 $\Box$ 田 道,既什二而 始什二而税,至于哀公則又甚焉。 哀公不 者,井田 用 田賦」,言用 也。 税其田,又什二而歛其財,故 賦 田 者,財賦 以 爲財賦之率也 也。宣公奢泰,

夏五月甲辰,孟子卒。

黨乎? 吴女,昭公夫人。其曰「孟子卒」,諱取同姓 巫馬期而進之曰:「吾聞君子不黨。 公知禮乎?」孔子曰:「知禮 也。不言葬者,略之也。 而 知 也幸,苟有 禮,孰 君取于吴爲同姓,謂之吴孟子。 不知禮?」巫馬期以告,子曰: 過,人必知之。」 。故陳司 0 孔子 敗問:「 君子 退。 君 亦 揖 昭

音云。 公會吴于橐臯。 宋向巢帥師伐鄭。冬十有二月,螽 秋,公會衛侯、宋皇瑗于 鄖

丘

夏,許男成卒。公會晉侯及吴子于黄池 十有三年春,鄭罕達帥 也。 戰,勢橫中國,諸侯小大震栗,皆宗于吴。 晉侯不見者二十四年,此不能主諸侯 者,蓋晉侯不能主諸 在吴子也。 黄池之會,其言「公會晉侯及吴子」者,主 師于雍丘,二國覆師以相償報,其惡如 報雍丘之師 宋向巢帥師伐鄭,鄭罕達帥 周之十二月,夏之十月也。爲異之甚。 故黄池之會吴子主焉,不言公會吴子 黄池之會不主晉 也。 案: 師 侯故 九年宋皇瑗 取宋 也。 師 師 吴自柏舉之 取 侯 于 宋師 嵒 而 帥 主吴子 師 于嵒, 可 取 知 鄭

晉侯者,不與夷狄主中國

也。

不

與

、夷狄

<sup>0</sup> 故也」。 四庫本作「不與吴子主盟故也。 不 與 夷 狄 主 中國 也。 不 與夷狄 不與吴子盟者,惡吳僭 主中 或 者 存 或

十二年公會橐臯,皆曰「吴」,以狄之。●此年伐我,十年公會伐齊,十一年公會伐齊,哀六年伐陳,夏叔還會柤,七年公會鄫,八哀,年也國者,存中國也。案:吴定四年入楚,

稱「子」,復舊爵也。噫! 吴、楚之君,狂

盜

殺

陳夏區音甌。夫。十有二月,螽。

孔子不終《春秋》之世貶之者,傷聖王不一僭之惡,罪在不赦,故宜終春秋之世貶之。

盟 子 脩,萬物遂,則九州四海皆將重譯襁負 作,中國失道之甚也,◎鄉使聖王興,百 而 會之事哉? 至矣。 又安有奢 此 孔子之深旨 軼 狂 一 舞 也 誅 黄 伐 池, 其 專 度

楚公子申帥師伐陳。於越入吴。衛地。柏舉之戰在定四年。

於越人吴,吴子方會,乘其無備也。

秋,公至自會。

晉魏曼多帥師

侵衛

葬許

元

冬十有一月,有星孛音佩。 于東方。公。 九月,螽。

昭十七年「有星孛入于大辰」。此不言所旦也。案:文十四年「有星孛入于北斗」,光芒四出曰「孛」。不言所在之次者,見于

在之次者,見于旦可知也。

十有四年春,西狩獲麟。

故自隱公至于湨梁之會,天下之政、中 諸侯失政自會湨古役反,又音古璧反。 也。 也? 狩未 也,後此不 子傷聖王不作,中國遂絶,❸非傷麟之見獲 然則曷爲絕筆 有言其所 傷之也。 可言也。 獲者,此言 孔子 于此? 傷麟 天子失 之見獲 西西 政 前 狩 自 此 獲 東遷始, 與? 猶可言 麟 梁始。 \_, 何 或 孔

<sup>「</sup>狄」,四庫本作「外」。

②「中國失道」,四庫本作「各分失正」。

③ 「中國」,四庫本作「聖道」。

所以 狄迭制之。● 是 貴中國。 之事皆諸侯分裂之; 自湨梁之會至于申之 天下皆夷狄故 可言者,諸侯泯泯,制命在吴,無 猶可言者,黄池之會,晉、魯在焉。 政蓋掃地矣,中國淪胥,逮此 申之會至于獲麟,天下之政中國之事皆夷 會,天下之政、中國之事皆大夫專執之, 自 也 黜諸侯也。 貴中 貴中國所以賤夷狄也,●尊天子 或 聖王憲度、禮樂衣冠、遺 也。 賤夷 尊天子黜諸侯,始于隱公 狄, 是故《春秋》尊天子、 終于獲麟是也。 而盡。❷ 復中國 後此不 風 前此 舊

春秋尊王發微卷第十二

嗚

呼

其旨微哉

!

其旨微哉!

0

!

後學 巴 陵 鍾 成 德 謙 鈞 重 校 刊 訂

- 「吴楚」。 「中國之事」,四庫本作「會盟征 中國」,四庫本作「周道」。 伐」。 夷狄」,四 庫 本作
- 事也」。 中國、天下皆夷狄故也」,四庫本作「天子會盟

6 2

征伐之

6 0 夷狄」,四庫本作「貶吴楚」。 貴中國賤夷狄」,四庫本作「褒齊晉貶吴楚」。 貴中國。 貴中國」,四 庫本作「褒齊晉。 褒齊晉 賤

### 春秋 本義

〔元〕 吴志堅 程端學 撰

校點

五八

五八

桓公元年—八年 四八	春秋本義卷第四 四八	隱公七年—十一年 三四	春秋本義卷第三 三四	隱公四年—六年 二一

目

録

Ŧi.

— 五 九

九七七

Ŧi.

几

春秋本義卷第二十一 四二二 單 2 元年 一 十年 四二二		成公十年——十八年 三七四	<b>春秋本義卷第十九</b> 三七四	成公元年——九年 三四四	春秋本義卷第十八 三四四	宣公十年—十八年 三二三	春秋本義卷第十七 三二三	宣公元年——九年 三〇一	春秋本義卷第十六 三〇一	文公十一年—十八年 二八〇	春秋本義卷第十五 二八〇	文公元年—十年 二五四	<b>春秋本義卷第十四</b> 二五四	僖公二十八年—三十三年 二三〇	春秋本義卷第十三 二三〇	僖公十六年—二十七年 二〇七	春秋本義卷第十二 ·············· 二〇七	
哀公八年—十四年	<b>春火   鬼参育三  </b>	春秋本義卷第二十九 五九三	定公八年—十五年 五七三	春秋本義卷第二十八 ········ 五七三	定公元年——七年 五五八	春秋本義卷第二十七 五五八	昭公二十三年—三十二年 五三七	春秋本義卷第二十六 ········ 五三七	昭公十年—二十二年 五〇九	春秋本義卷第二十五 五〇九	昭公元年—九年 四八八	春秋本義卷第二十四 四八八	襄公二十五年—三十一年 四六四	春秋本義卷第二十三 四六四	襄公十七年—二十四年 四四二	春秋本義卷第二十二 四四二	襄公十年——十六年 四二一	

### 校點説明

《春秋本義》是元儒程端學的著作。

下 浙 外放爲瑞州路經歷。 教,任滿,授翰林院編修。 獲左榜二甲第一名。 齊,慶元(今寧波)人。至治三年(一三二三)通過 而卒,年五十六歲。 行省鄉試,本經爲《春秋》。 程 端學(一二七八—一三三四),字時 兩年後,以太常博士見召,命未 初調仙居縣丞,旋改授國子助 三年後,回 次年參加會試、殿試, 鄞縣鄉居。 叔, 號 後 積 江

本義》是其主要著 按照朱子的觀點,完善《春秋》經的解釋體系。 褒貶義例, 致力於《春秋》經。 「仿朱子《集注》之意,先訓詁,而 端學四十五 主張 屬 作。 辭比事 程端學《春秋》學在朱子基礎上, 歲方應試,入仕後宦情甚薄,一 通論》部 以探求義 分系統闡發其反 後事實,而後議論。 理的 主 一当。 《春 體 對 秋 生 例

用書目、前賢論《春秋》主旨、全書凡例和重點問答。領」、「《春秋》通論」和「《春秋》問答」,内容分别是引二字標出。正文前有「《春秋》傳名氏」、「《春秋》綱

者,録附於經文之後,間附己意於其末,而

以

即

本義也」。

諸家之説,凡程端學認

合於經

下棄傳而不駁傳者也、劉敞《春秋權衡》以下駁三 要》卷二十八《春秋三傳辨疑提要》)四 判,揭示出程端學作爲宋代《春秋》學 也,至於端學乃兼三派而用之。」(《四 之義例者也,葉夢得《春秋讞》以下 原因是程端學盡棄三傳之學。「孫復《尊王發微》以 四 庫 館臣 對《春秋本義》基本持否定態 駁三傳 總結者的 庫 庫 全 館臣 書總 之典 度,主 這 地 目 故 一批 位 提 傳

義》,體現出這部書重大的文獻價值。與《春秋本義》案之多,凡前代,尤其宋代治《春秋》緒家,囊括殆盡。這些著作「佚者十之九,此書猶略見其梗概」(《四庫全書總目提要》卷二十八《春秋本義總目提要》)。朱金書總目提要》卷二十八《春秋本義總目提要》)。朱金書總目提要》卷二十八《春秋本義》書記,體現一百七十餘

内 相 容 輔 而 别 行 爲「訂 程 端 Ξ 學 傳 還 之疑」、「校諸 撰有《三傳 辨疑》、《春秋 儒之異 同 或 問 ₩,

元

文字 藏本字跡 處。 天一閣 卷十六、卷十七,卷二十 八、卷二十五 館、 臺灣 慶元路官刻 其中天 與 春秋本義》最早的 還藏 所 故 清 藏 宫 晰, 有 元 博 閣 刻 本。 浙 卷三十; 物 個 藏本十二 本 江 院、 明 啚 殘 該本已殘缺不全,今存國 代甬東書屋抄本,卷 浙 書館藏本部 本 刻 七 浙 江 完 本是元至正三年(一 卷, 江 啚 全 卷三十,三 啚 書 分 相 書館存六卷,分别 館 别是卷十三 同 分版 和 顯 寧 面 爲 册。 波 も數、 字 元 天 跡模 刻 内 天 家 本 容 卷十 Ξ 閣 圖 糊 的 和 閣 爲 書 四 四

原

刻

甫

乾學主持,底 經 九 本義》、《辨疑》、《 年《通 令慶 解》本《春秋本義》卷首 春 元 志堂 秋本義》現存最完整 路 FI 經 本 刻 解 採 此 或問》三部《春秋》學 》本。 擇 書 較 的 佳, ^ 牒 通 有至 文, 刻 志堂 而較早 印 IE 及 頗 經 二三年 張 爲 解 天 的 精 浙 著 祐 刻 由 良。 東 作 序 著 本是康 的 和 道 名 ^ 通 總 程 廉 學 八熙十 志堂 序 訪 者 端 和 徐 學 百

災在致災三日

之前

元元

刻

四

庫

全

抄

本。

程端 章六經。」 原版 年,粤東鹽 漫漶斷 隆手 期 路 或 官 年 學《春秋本義序》等三篇 諭 缺 剥 刻 而 該 蝕不 者補 本。 日 完 政 版 : 鍾 事 康熙十九年《通 藏 刊齊全,訂 全,乾隆五十年,遂 0 是 謙 江 鈞 書薈 唯 寧 爲 時 藩 廣其傳, 萃 H 署,印 IE 百 短 譌 家 促, 席,說 志堂 誤,是書復臻 典 重付梨棗, 本 校 漸 由 贍 經 明底本是 勘 四 稀 賅 解 草 庫 博, 故 館 率 鳩 流 同 實 于 臣 遠 完 將版 至 足 既 不 += 以 IE 材, 久, 及 表 片 慶

乾

例 本《春 整 端 總 書》本更正 四 子很 學自 而 督 庫 無遺 採 文 秋本 全 多, 序。 淵 進 書 本」, 漏 閣《四庫 了《 - 義》 一》本 如 ,上所舉《 其 卷 的 沿 卷十七内容與《通 通志堂經 並 五 襲 底 照 , ~ 全書》本《春秋本義》著録爲 本 例 通 是《 這 通 删 志 此 解》 志堂經 去 堂 通 都 卷 經 本 志堂 本同,「致災」,《 説 首 解 的 明 解 部 志堂經解》本 | 本 許 經 文 》本 分 多 解》本 淵 頁 序 錯 兩 閣 + 言 處 誤 Ė 四 錯 只 庫 御 誤 這 四 保 百 全 也 留 兩 廩 樣 庫 樣 之 的 爲 完 程 全 江

^

二十三、《通志堂經解》本頁七「敬似」、《四庫全書》本二十二「乃伐之殿」、《四庫全書》本「伐」作「代」,卷書》本作「致齋」,是,卷二十二、《通志堂經解》本頁

作「敬姒」。

並校訂。

が《春秋本義》版本源流而言,元至正三年慶元

氏」、「張天祐序」、「程端學序」各標題亦各據其文補。本,校以元至正三年慶元路官刻本(簡稱元刻本)、影本教本義點抹例》、今據春卷卷首補、並標明每卷本補。底本原無目録、今據春熙十九年《通志堂經解》本補。底本原無目録、今據康熙十九年《通志堂經解》本為成為大校點,以乾隆五十年《通志堂經解》本爲底本次校點,以乾隆五十年《通志堂經解》本爲底

校點者 錢永生 吴志堅

## 春秋本義牒文

咨: 院 卷。 卷; 學 院 據 庶 繕 正 本 於 鈔 劄 之奥旨,集儒 看 義》三十卷; , 當本程、朱之意, 折衷百家之言 ,攷覈精詳。 江 付 詳 又明其去取之意 是 爲國子 浙 世 皇 切 帝 書 該 等 教 見故進 程 處 聖旨裏,浙 有 校 編 助 儒 所 准 IE. 修 學提舉 教 補 訂三 士出 學士朵爾 先之格言 刻 如蒙 所著《 、時,嘗 益 梓 身、國 傳 東 作《 行 司 呈 咨 春 移 海 得 以 申 只 作爲 進 請 秋 右 或問》十 失,作《辨 彼 傳 該 班 史院編 經 本 照 道 授 處 資 義》等書,探 筵 驗。」准 官 承 肅 諸 善、善、 成書,以淑 奉 政 生,議 司, 以 卷,合六十 修官 作《 歐 翰 廉 疑 廣 此。 即 陽 林 訪 其 春 其 論 程 資 或 司 傳 + 家 秋 端 後 聖 本 純 善 中

> 《三傳辨疑》、《 學。 惠學者。 合行 書。 具 上 上 繕 直 經 奉 行 林 之旨, 國子 如 刊 司,行 抄 關 省 以 近 梓 較 前 移 外 如 發 牒 正 江 監旨揮 施 將學士等官 事 切見 移 翰 聖 折 關 一,發下 浙 0 行。」奉此。 請 江 苑 衷 人 請 儒 須 故 浙 仰 照驗依 經 傳 學 春 該 牒 照 進 慶元 依 行 提 世 註 驗。」 秋 浙 1: 省 Ŀ 所 舉司、 之志 之 或 程 准 東 路 刊 Ŀ 催 問》, 答 准 説 申乞施 道 端 祭 施 儒 督 梓 此 學所 酒 宣 學 浙 相 行 刻 以 施 義 通六十卷 李 慰 刊 東 應 就 行 足 理 註《春 行,得 除 朝 使 除 須 梓 道 程 明 外 庶 請 司 至 宣 己 奉 暢, 博 朱 使監 移咨 都 牒 慰 此 如 秋 監 此 其 蒙 未 辭 元 者 司 本 派 傳 帥 當 備 意 本 仰 轉 已 義 陳 又 江. 牒 之 Œ 依 行 切 文 承 浙 府 司 以 申

英等承至正元年閏五月二十五日牒書吏劉

世

請

照

驗

謹

牒

僉浙東海右道肅政廉訪司事

魯别 朝列 大 夫、 僉 浙 東 海 右 道 肅 政 廉 訪 司 事 虎

僉浙東海右道肅政廉訪司事

將仕

郎、僉浙東海右道肅

政廉

訪

司

事

贍思

浙 太 東 中大夫、浙東海右道 海 右道 肅 政 廉 訪 副 肅 使溥 政 廉 達 訪 失 副 理 使 暢

浙 浙 東 東 海 海 右道 右道 肅 肅 政 政 廉 廉 訪 訪 使慶喜 使 張

#### 提 調 姓 氏

提 調 刊行《春秋本義》各官姓氏

憲 司 所 委提調官:

中 大夫、慶元路總管府達魯花 赤兼 管 内

農 事 帖 木 迭 兒 字 德 玉 號 上

勸

都人

帥 府 所委提調官:

議 大夫、慶 元 路總 管府 總管兼管 内 勸

德 字 天 爵 號 壽 岩 獻

慶元 路 總 管 府 提控 案 牘 兼 照 磨 承 發架 州

農

事

劉

修

通

閣 張 天 祐 字吉甫 號 隱 菴 婺州

路 吏 毛庸 葉懋

總 府 所委提調官:

> 齋 大名

慶

元

路

儒

學

教

授

趙 佐

字

進

思

號 存

慶元 路 録 事 司 判 官

誠 齋 濟 南 人 張 義 字

仁

甫

號

#### 四

#### 張 天 祐 序

梓。 以 爲《 郡,久知是書能 就 帑 諸公欲 者,作《或問 者,爲《本義》以發之,訂三傳之不合於經者 本程、朱之論,殫平生心力,輯諸説之合經旨 論 人之旨,不可緩 傳遠。 以 不 辨疑》以正之,又推本所以 助之。 愚不敏, Ŧi. 几 明 年冬十一 進 未 遂牒本 時 於朝,繇是移文浙 有 至 》以明之。 叔 仰 能 正 程 折衷諸説 承 也 盡 三年 道 月, 先 所託 合 ,委自監 帥 生 聖人作經之初 僉 夏五 府,於概管七路 書成一 以 朝 憲 ^ 辨析精詳 春 夕 月 索 郡 而 東 秋 視 命 公士岩 與 先生卒。 去取諸家之説 **\*** 憲司,俾鋟 事,不 Ι. 天 祐 經 大 意, ··, 深 巡 諸 提 循 儒 月 督 得 歷 學 於 儒 未 翰 聖 至 克 出 梓 是 議 而 刊

> 府 不 云 待 爾 幕 畢 書之成,故樂而道之也。 \*養述。 ,若夫是書之發揮聖經, 與 實是年之十二月甲 先生之兄敬叔父交且久, 至 正 五 年十二月 子 然此特 望 嘉 也。 日 惠 後學, 今 紀 天 金 其 又 祐 華 張 歲 獲 則 備 亦 月 見 天 員

此

 $\perp$ 

祐

書

### 程 端 序

氏 疏。 傳者之鑿説。」今以程、朱之論 名字、日月、土 子曰:「《春秋》不過直 者,直求之經意 是則合於《春秋》之經者,用 之意,則猶以三傳、胡 主,《易》以程、朱氏 曰:「以傳攷經之事 春秋》許用三傳及《胡 ,其得失如指諸掌。 字不可違,必演而 欽詳「爲主」之意,則 科 詔 詩 》以 地 而 爲 朱氏 辨之可 爲 襃貶,若法 迹,以經别傳之真僞。」朱 伸之 書其 主,三經兼用古註 爲主,《書》以 合於程、朱之論,則合 氏 氏 可 傳 凡 之説 也。 也。 **>**, 事。」「而 程、朱、蔡氏之説 之可也; 未 禮記 攷正 家 若夫「許用」 謹 之深 可 案:程 盡  $\equiv$ 以 》用古註 蔡氏爲 其不合 刻,乃 傳、 主也 爵 疏 氏 子 胡

> 元 以 《或問》,以 爲《本義》,諸 經者可 者,爲《辨疑 於經之旨矣。 仰遵設科之初意,非 年 月既 因程、朱以得孔子作經之微旨,又 明 家以 望,程端 所 説 故 正之。 以去取之由。 之合者 此 編用三傳、胡 學 又摘諸 敢 亦 苟爲求異也。 附 説 庶幾 見 焉 之 氏之有合者 士之讀 害 其 經 元統 相 者 口 此 爲 戾

Ŧī.

五

書

#### 春 秋 本義序

道 臣 皆 在 在 之,則定《 上 辨 外附,民志既安,姦僞 一、災異 皆 著 竊 代 天  $\pm$ 則 秋 矣。 非 命 夫 盛 下 伯 FL 知 常 知 無 , 定 時 子 或 荐臻,民生不遂,孔子既 禮 四 詩》、《書》,正禮樂,贊《周 何爲 非 之 家 復 作 之所 夷 禮 夷 常 事 修《 也 之事 夏, 義 内 修《 則 可 春 侵。 明,名分正 周 防 , 春秋 知己 復。 秋 其 知 綱墮 微 ×, 人 要使 不作。 其 慎 之 **≫**? 故《春 道 即 事 始 諸 所當克 停 事 之 人 侯縱 明 斷 於下 孔子 克 非 以 上 秋》 禮 疑 明 V. 己 常 不 義 誅 不 教 大夫 復 生 下 易 天 了, 正 得 知 則 意 書常 順 禮 乎  $\leq$ 運 常 常 出 而 名分 專 此 而 錯 内 其 其 道 道 而 而 事 時 른 有 常 陪 書 有 所 正 於 修

意

穿

者 筆 執 氏、名字爲襃貶,以 其道,不計 子 而 也 文 屬 削 之作 彼 謂 捐 則 辭 之意。 「直書: 若邵 史, 以 其大,泥 比 事 古 子 孔 , 不 其 其 使 若董子謂「 謂 子 事 功」者, 可 日 字而 録 謂 而 自 善惡 無 實 其 見 抑揚、 遺 又 補 事 義 其 此 正 自 於 而 則 義 事 其義,不 予 經 經 見」者, 善 丘 而 奪、誅 ·之義 之大 也 惡 竊 른 形 取 旨 然 蓋 之 於 謀 賞 孟 以 而 有 其 也 其 爲 子 日 中 攻 以 此 利 大 月、 日 其  $\equiv$ 識 之 ; 用 牛 爵 細 傳 明 夫 其

辨三傳之非。 聖人經世之志 明白 劉 鑿 三家之緒。 例 1 原 附 正 此 父、 幸 會, 大之經,反若 而 持 泯矣。 至其 葉 何、 啖 此 石 叔 (所自 以 范、 積習 林 佐 方 後此 杜 陳 彼 爲 生常 趙 晦 氏 岳 諸 説,又不 伯 昧 少不合 又 氏 儒 循 譎 從 者 口 雖 怪 出 陸 然 而 多 免襃貶 則 之 附 伯 一解 訓 而 説 輾 釋, 沖 益 有 轉

太

Ш

凡

孫

口

使

歎

也

己

聖

人

凡

不

出

應。 然欲埽 既 鑒 《春秋》者,但取經文平易其心,研窮其歸, 測,然知本君子或有取 聖人惻怛之誠、克己復禮之旨,粲然具 積敝之久,非淺見末學所能究也。 年始就,猶未敢 三傳之疑似,作《或問》以校諸儒之異同。 義》,而間 此 巖、戴岷隱、趙 例之敝。 一百四十二年之事之義,小大相維,首尾相 望, 久矣。 戒昭矣。 支離 四明程端學序。 陋 復得吕居仁、鄭夾漈、吕朴鄉、李秀 破碎、刻巧變詐之説,自 附己意於其末。復作《辨疑》 竊當采 習,而 則是編 木 取 未暇致詳 訥、黄東 輯諸傳之合於經者, 正於人。 也,雖於經 馬爾。 發、趙 也。 蓋以此 泰定丁卯四 濟心法 端學之 浚 南 不能 經之大, 諸 嘗謂 不敢 (見,而 日《本 愚, 儒 以 惑。 月 讀 訂 窺 則 # 病 傑

七

### 春秋傳名氏

左氏《傳》《外傳 一傳,或 謂 楚左 一史倚相 作者近 是。 謂

左丘明者非也

齊公羊氏高,漢初人。 《傳》

魯穀梁氏赤,秦孝公時 人。 傳

杜 陵杜氏預 元凱《傳 集 解  $\approx$ 釋 例

任 城 何氏 休 邵公《膏肓

順陽范氏 甯 武子《集解

孔 氏 【穎達≪正常 義

徐 氏 彦 疏》或云不知撰 人。

楊 氏 士勛《疏

荀子卿《公子姓譜》或謂依託 其人。

廣 川董子仲舒《決 事 比》《繁露 》或謂非董子之書。

劉

氏

向

子

政

鄭氏 玄 康 成《鍼

賈氏 光伯《 大義

逵

鄭氏衆《長義

景 城 劉 氏炫《述議 略

雲陽 韋 氏 昭 弘嗣《注 外 傳

趙 郡 啖 氏 助 叔佐《: 集 傳  $\approx$ 例 説

河 東趙氏 王 伯循《 闡 微纂類》義 統

陸 氏 淳 改 名 質 伯沖《 集 傳  $\approx$ 纂 例 辨

疑

吴

微 旨

吴郡 楊 氏蘊 陸 氏 希聲 藏機《公子譜 居陽遁叟《

通

例

盧 氏全 玉川《摘微

黄氏 敬 密《 春秋 圖

李氏瑾 子玉《指掌》《碎玉

陳氏 岳《折衷論》《通 例

海 陵 胡 氏 瑗 翼之《 П 義 蜀

馮

氏

繼先《

《名號

歸

圖

※ 名字

同

異録

徂 練石 氏 介 守道《 説

平陽 孫 氏 復 明 復《 尊 王 發微 總 論  $\stackrel{>}{\sim}$  $\equiv$ 傳 辨

失 解》

長洲葉氏 清臣 道卿《纂類》

江 氏体復 鄰幾《 世 論

京兆杜 氏 譜

廬陵 歐陽 氏 修 永叔《論 問

館 陶王氏沿 聖源《集傳》《箋義

王 氏哲《通義》《異義》《皇綱論

李氏 堯俞《集議 略論

朱氏定《索隱》授於師道先生。

江陽杜氏諤 獻可《 會

楊 氏《辨要》

齊氏賢良《旨要》

陳 氏 洙《索隱論》

眉 Щ 蘇 氏轍 子由 潁滨《 傳

臨 江 劉 氏 敞 原父 公是《傳》《意林》《 權 衡》 説

例》

臨 江 劉 氏 攽 贛父

公非

常 Щ 絢 質夫《

劉 氏 説

高

郵

孫

氏

覺

莘老《

經

解》《經社

要義》《學纂

南 程 子 頤 IF. 叔 伊 が順傳

河

大梁張了 子 載 子 厚 横 渠

濟北 晁 氏 以道 説 之 景迁

Щ 陰陸 氏 佃 農師《後 傳

河 南 楊 氏 彦齡 衍之《年表》《蒙求

沈 氏括 存中《機括

長安趙氏 瞻 大觀《經 解 義

荆 南唐氏既 潛亨《邦典 》與其子孜問

例

南 晁 氏 補之 无咎《 雜 論

濟

閩 Ш 練 氏 鳴道  $\equiv$ 

Щ

孫

氏

子平《人譜

**>** 

與

(練同

吴郡 朱氏 長文 伯原《通

巴川家氏安國《通義

九

張氏喧《龜鑑圖

馬氏擇言《要類》

四明高氏閥 抑崇 息齋《集註》

襄陵許氏翰

吴興張氏大亨 嘉父《五禮列宗》《通訓》

楊氏時 中立

浦城章氏拱之《統微》

括蒼葉氏夢得 少蘊《讞》、攷》、傳》旨要》統例》

蜀黎氏錞 希聲《經解》

王氏斐《義解》

丁氏副《演聖統例》《三傳異同》

涪陵崔氏子方 彦直 西疇《經解》《本例》《例要》

吕氏奎《要旨》

定襄劉氏易《經解》

彭門吴氏元緒《鼓吹》

會稽吴氏改《折衷義》南城范氏柔中《見微》

謝氏子房《備對》

應天朱氏振《正名蹟隱旨要并敘論》不拘

類例,專

取經意。《指要》

沈氏滋仁《興亡國鑑

長樂鄭氏昂 尚明《臣傳

74

明

陳

氏

禾

秀實《

傳》

《統論

延平鄧氏驥 德稱《指蹤

會稽石氏公孺《類例》

東萊吕氏本中 居仁《解》

建安胡氏安國 康侯《傳》《通旨

屬麥氏棠 子思《時論》 廬陵胡氏銓 邦衡《集善》

朱氏震 子發《講義》

鄱陽余氏安行《新傳》

潁川韓氏璜 叔夏《人表》

鄱陽洪氏皓 元弼《紀詠》 成都范氏沖 元長《左氏講義

0

臨川鄧氏名世 元亞《四譜》《辯論譜説》

長樂劉氏本《中論》

東平畢氏良史少董《正辭》《通例》

廣信周氏彦熠《明義

舒城王氏日休《明例》三衢毛氏邦彦《正義》

丹陽洪氏興祖 慶善《本旨

廬陵董氏自任《總鑑》

夏氏州《素志》《麟臺獨講》

黄氏叔敖《講義》

淮陽環氏中應州二十國年表》列國臣子表》

鄭氏樵 漁仲 夾漈《地名講》《傳》《考》《六經圖

辯》

新安朱子熹 元晦《語録》《文集》

廣漢張子拭 敬夫

林氏之奇 少穎《通解》

東萊吕氏祖謙 伯恭《集説》《類説》《續説》《左氏

國語類編》門人所編

睢陽程氏迥 可久 沙隨《顯微例目

龍川陳氏亮 文伯《比事

九峰蔡氏沉 仲默

永嘉陳氏傅良 君舉 止齋《章旨》《

類説

後傳

饒州張氏根 知常 吴園《指南》

眉

Ш

任

氏

伯

同

德

翁《

繹聖新傳

吴興章氏沖 茂深《左氏類事始末》

彭城晁氏公武 子政《故訓傳》

延陵先生《講義》

江陵項氏安世 平甫《家説》

建安真氏德秀 景元

林氏拱辰《傳》

泉州徐氏定 德操《解

臨江徐氏得之 思叔《國紀》

河東薛氏

林氏栗 黄中《經傳集解

王 氏 一一一一一一 例 通 解

吴氏仁傑 斗南《論

永嘉薛/ 氏 士 前 季宣《旨要》《經解

任

氏公輔《

集

解

師氏協《 王氏 解

汝猷《外

傳》不用

三傳。

何氏 涉 濟川《本旨》

宋氏宜 春《新義

蜀 程氏 公説 伯剛《分記

竹隱趙氏鼎 承之

襄陽謝 氏

永嘉吕 氏 大圭 朴 鄉《傳》《或問 <u>※</u> 五. 論

虞氏復之《大義

清江張氏治 主 元德《集注》《集解

莆田 陳氏《説

趙 氏 鵬 飛 企明 木 訓《 經 筌》

戴 氏 溪 岷隱《講 義

> 江 氏 熙

朱 氏 日義《解

孔 氏《書法

張 氏 應 霖心《纂説

徐

氏東海《經旨

范氏《斷 例》

王 一氏《直 解

陳 氏《解 義

巴川 陽氏格 以齊《夏時攷正

李氏燾 莆田方氏《集解 秀岩《集註》《攷》

鄒氏《筆記

李氏《要旨

神童江氏《説

三山林氏《類攷》

敬 氏 兹《備忘

陳

氏《世家

張氏《列傳》

方氏九思《或問》

家氏鉉翁 則堂《集傳詳説

四明王氏貫道《傳》

四明趙氏與權 説道

存耕《奏議

四明王氏應麟 四明黄氏震 東發《日鈔》 厚齋《困學紀聞》

四明趙氏孟何 後南《法度編

四明戴氏培父《誌》 四明戴氏銓 少胡《微》

氏《紀傳》

氏《四傳》

氏《類》

氏《例》

氏《表記》

氏《王侯世家》 氏《地名譜》

ĮЦ

### 春 秋 綱 領

:

道 告 則 喪、祭,寬則 絶 審 不 在 帝 舜 在 IIII 説 世 于皇 不 法 如 朕 心 亦 爾 則禮樂征伐自天子出; 度,修 0 譎 躬 以 躬 論 舉逸民,天下之民歸 皇 命 朕 人。 語 允 子 躬 后 禹 周 廢官, 》:「堯日 執  $\Box$ 得 帝 有 有 百 曰 管 衆,信 其 : 罪,無 姓 大 : 有罪 中 仲 四 齊, 晉文公譎 有 之器 子 方之政 過 則民 善 以 不 四 小 答 敢 人 萬 在 子 海 小 任馬? 赦,帝 是 方 子 履 木 天下 心 行 哉 爾 面 窮,天 \_! 人。 富 焉 敢 焉 不 舜 萬 敏 Ė 無道,則禮 臣 用 方 雖 玄牡 所 興 則 不 禄 天之 齊 謹 有 有 重 滅 蔽 有 天 永 相 罪, 簡 民 權 周 功 或 下 敢 終。 曆 公 食、 量, 親 樂 罪 有 īF. 公 繼 數 在 昭

> 子 不 三子告,不可。 後,不敢不告也。  $\Box$ 朝 子 Ŧī. 命, 矣。 征 夫,天下有 : 對 敢 ,告於哀 孫微矣。」 世 伐 矣,政 티 : 不告 自 自 告夫 世 大 諸 希 也。」 君 夫 侯 (三子。) 公曰 逮 不 道 君 出 出 於大夫四 失 則 : 孔 陳 臣 矣。 Ŧi. 庶 \_ 子曰 成子 君 自 孔 臣,父父,子子。』 陳 世 齊 人不議 諸 曰:「告夫三子者!」」之 天下 子 恒 希 景 : 弑簡: 侯 世矣!  $\Box$ 弑 不 公問 『以吾從大夫之後 出 有 其君 失 公。 道 蓋 以 矣 政 吾從 + 故 於 請 孔子 則 禄 夫三 陪 世 孔 討 之去 政 大夫之 子。 之。 臣 希 沐 不 桓 浴 在 執 不 公 孔 而 大 或 失

必 來, 日 亦將 利 孟 ·; 亦 子 有 見梁 有 以 利 惠 吾 義  $\pm$ 或 0 而 乎? 已矣。  $\pm$  $\Box$ : 孟 叟,不  $\pm$ 子 對 日 何  $\Box$ 遠 以 Ŧ 利 Ŧ 里 吾 何 而 比,必

二切

禮

記

 $\forall$ 

日

屬

辭

比事、《春秋》

教

也。

:

子之所畏也。 之事 君者 乎?』 昔者 賊子懼 个之家。 者 有 説 者 己 爲 褒貶賞罰爲天子之事者失之。」是故 大夫 上下 )矣,何 項 也。 之。 暴行 後 必千 潤 其 也、未有 氏曰 義 焉 而 惟 日 有作。 後南趙氏 ·交征 非 乘之 百 孔 而 萬 ^ 彼父與君且不顧,又何名之顧哉 禹 必 何 春 也。 姓 先利,不 取 説 子 義 抑 以 寧,孔 秋 者 千焉 家 利 懼 夫名之善惡,足以 洪 謂 利。二〇 而 利吾家,士庶 **>** 曰:「天子之事,乃繼天立極之事。 臣 ; 而 ,作《春秋》。 春 水 乎 後 千 千. 弑 或 ? 子成《春秋 而 其 奪 秋 乘 危 其 (君者 不厭 取 》書 天下平,周 孟 (君者: 之國 罪 矣。 其 白 子 我 罪 也。 焉,不爲不多矣,  $\Box$ 六、弑 於 懲勸中 有之,子弑 萬 者 人日 未 : 《春秋》,天 策以 影而 乘之國 其 孔 有仁 其君者 王亦曰 公兼 世衰道 人,非亂 惟 子 示 何以 亂 萬  $\Box$ ^ 且弑逆之 臣 而 世、故 春 夷 賊子 其 遺 必 弑 利 狄、 臣 微, 秋 百 父 知 下 義 其. 吾 其. 後 亂. 賊 **春** 史。 後《 作,而 垣墉 之法, 下也,敵國不 秋 吾隙矣; 臣 面 而 無 知 謹 此

邪

而

親

苟

乘

或

罪,夫人知之,非必孔子書之而 孰能知之。」〇「王者之迹熄而《詩》亡、《詩》亡然 異能之獸,絕力之禽,亦將惴栗 賊亂於已然者 則孟子之言非歟? 不經孔子之筆,而間巷小人至今知其 無所容其 統,非二政。 書生操筆書之,而 姦雄之所以 謹名分 門闥 而 義 又厲戈戟,羅 身。 則已爲者不 廣 防 其法 凡所謂 道路, 爲 幾 懼 人君 微 無不 能生其 也 杜 去菑翳,嚴導從, 重兵 而 孔子之意惟 弓弩,掘 噫 ! 舉 得 贼 知 免。 亂於未然者,其理 、懼心者,此真 也 權 此義,則未爲 而遠 非 惡 後 譬之居 此 擭 明 孔 世 義 (穽,張 遁 也。 子, 卿,禁外 孟子知之爾 爲 也。 簡 明,亂 孰能 Ш 亂 小兒童之見 莽、卓、操、昭之罪, 籠檻以 111 林 此 者 臣 人,彼 愐 修 交, 賊 春 不 Fi 無 備 之,非 子 得發; 不具 賊 嚴 待之, 虎豹 秋》之所 固 也 子 閨 無所 環 也 也 存 тí. 者 雖 爲 子謂 六 子 秋 17 伺 高 誅 是 伙 人

秋 >>, 春秋》作。 孔子 義 戰,彼善 曰:『其義 也 ·相征 晉之《乘》,楚之《檮杌》,魯之 其 於 也。」〇「以力假仁者霸 事 則 此 則 丘 則 齊 竊 有之矣。 取之矣。」〇 桓、晉文,其 征 者 1 文 伐 春 則

騙

猛

臣

我

世以

烈 得 伐 職 服 仲 人 仲、晏子之功 歸 之 故 不 天 心 之事者。」〇「公孫 心 (也,知 悪 君 也 朝 子 説 日 而 有 如 人 湯湯 者 不 則 適 大 莊 彼 如 而 西之所 知 國。 諸 周 非 其 討 六師移之。 誠 彼 管仲、晏子  $\mathcal{H}$ 不 其 武 侯 心 日 服 其 卑 霸者 非 朝 身之也,五 服 以 日 也。」〇「五霸者,三王之罪 五霸 專 也 有 則 不 可  $\sim$ 巡 也,力 德行仁者王,王不 也,行乎 ,三王之罪 爲 也。」〇 貶 春 復 者 爾 丑. 其 也 是故 狩 許 秋》經世,先王之志 而 何曾 、爵,再 不 \_\_ 乎 曰:『夫子當路 摟諸 已矣 而 贍 ??」孟 一仲 霸假之也。 或 子 諸 天 比予 也。 子, 人 爲 侯 政 尼之徒無道 不 侯 也。」 我 以 如 討 朝 朝 子 曾 於 以 願 伐 彼 而 則 於 日 西 德 · 待 是。」 之乎 其 ○「堯 諸 不伐 : 削 天 H 久 大。 服 子 於齊, 久 子 侯 其 假 人 也 日 7、諸侯 也, 桓、文 者 人也。 地 E 者 管 誠 舜 以 而 也。 管 述 功 仲 管 中 力 聖 齊 不 性

人議而不辯。」又曰:「《春秋》以道名分。」

世,反諸正,莫近諸《春秋》。」 公羊曰:「君子曷爲爲《春秋》? 撥

亂

矣。 君 物 繼 人 切著 子曰: 『我欲載之空言, 不如見之於行事之深 日 不 十六,亡 於《春秋 辨是非,故長於治 也,是非二百 :『失之毫釐,差 之散 口 絶 事之紀,别 子弑 勝數。 故有國者 世 明 董子 一,補 聚 也。』夫《春秋》,上明三王之道,下 國 **\*** 其 日 皆 五十二,諸 父,非 察其 **奉** 敝 : 在《 嫌 四 起 不可 疑, 秋》文成 十二年之中,以 廢,王 春 孔 所 人。 子 以,皆 秋 以不 明 以 日 知 侯 是非 千 撥 道之大者 言之不 知《 奔 數 ^ 里。」故 失其 夕 亂 春 ¨, 定 走不 萬,其指 春 世,反之正,莫近 之 秋 本已。 秋》, 猶 妆 得保 用 学之 爲 也。 日 豫 也 天下儀 道 中 製千。 存 前 社稷者 ^ 其 故《 弑 之不 臣 春 Ľ 讓 漸 弑 秋 或 其 萬 TI

見,而 秋》之大指也。」是以 空文 時,上 辭。 蒙首 其 誼 敢 義 弗 未然之前 下之大過也 父不父則無道,子不子則不孝。此 父不父,子不子。 者 辭 權 不 善,爲之而 見,後有賊 謀 以 惡之名。 夫不 ,必陷篡弑之誅,死 禮之所爲禁者難知。 》,守經 無 故《春 其 斷 爲 明 法 通 利,明 禮 人 君,下不得任用,故作《春秋》, 君 禮義之旨,至 義 施已然之後。 秋》者,禮義之大宗也。 事 而 以天下之大過予之,則 爲人臣 不 ;° 父 其 不知。 · 知 其 而 仲尼之門,三尺之童子羞 君不 而 道 不 不 不計 又 知 通 義,被之空言, 子 君則犯,臣不 爲人臣者不 日 於《春 其 丽 罪之名。 於君 其 :「夫仁人者 宜 法之所爲 壺遂曰:『孔 不通於《春秋》之 功。 遭變事 不君,臣 秋 朱子曰: 》之義者 其實皆 可 四者,天 臣 而 用者 受 以 而 夫 了, 正 此 則 不 子之 禮 而 不 不 不 「, 必 誅 臣 ~春 稱 其 易 禁 弗 敢 知 垂 以 知

曰 :

「《春秋》互

以日

月爲例,多所

不通

日

月爲例。」

孫

H

於義有一 之後其 Ŧi. 於孔氏之門 然之理,道謂天下通行之路,其實 無不論 伯 ,謂其先詐力而後仁義也。」 真氏 能深 不 暇 也 也。」「《 闢 顧 知明 Ŧi. 惟 伯 道 者 功 春 是 耐 惟 秋》 르, 計 仲 功之有無 舒爲然。 Щ 甚 於 幺 道 而 有 也。 仁 不 不 明 人知 計 暇 伯 恤 者 也 無 Œ 惟 誼 傳 義 此 利 H 而 謂 所 而 . . . . . . . . . . . . . . . . 是謀, 已 以 事 著 見 物 利 黜 子 面

有

 $\sim$ 春秋》無達例。」 杜 氏 日 :「《春秋》不以

權 衡 王 曲直之繩 通 氏 曰 : 墨也,舍則  $\overline{\ }$ 春秋》之於王道 無取 衷矣。」 是輕 重 之

韓氏 曰:「《春秋》謹嚴

不 秋》之間,有 有大於四國者也。 五. 伯 相 之功 掩。 邵子曰:「《春秋》,孔子之刑 過 Ŧi. 功 伯 而 者 學 者, 未  $\stackrel{\cdot}{\wedge}$ 不 功 春 有 先治 秋 之首,罪之 大 ×, 於 則 四國之功過,則 四 大 或 意 有 魁 書 立 過者 也。 矣。 也 亦 先 功  $\sim$ 定 過 未 春

八

其 無 强 無 中 洂 統 而 矣。」又曰: 如 作 理 天道焉。 故 不 謂 得 之名 聖 『春 人  $\wedge$ 之心 秋 春 分之書。 書 秋 ジ録 實 矣。 事 實 而 夫聖 善 事, 春 I.惡自 秋 而 人 見。 善惡 之 爲 此 經 君 之謂 形 渾 弱 於 然 臣 天

理

Ĥ

愐

非

人之私

意也

王

爲盲 失,傳 也、欲 傳。 而 間 廢 曰:「夫傳之於經 三子 多 人 者 其 通 聞 惟 而 . 者明 失者 者 H 大聖 則 明 之於 른 矣,其 不 歐 + 者見之,不爲他説蔽者見之也。 不 七八 傳 П 信 陽 人 勝 而 有 也 若公羊、穀梁、 孔 氏 傳 ൬ 其 有 因 所 傳 反小之,欲遵 子 物 戾  $\Box$ 廢 勤矣。 傳 也 有 不 蔽之者亦 其尊大之心可 而 則 ilij 能 孔 所 信 惑者 經 其 其 有 不 無 三子 述 子,聖· 述經之事,時 所 于 五 不 經之意, 同 失 松平 不 . 得 ·, 甚 M 左氏 者 通 六。 也, 則 見 反 也。 人 也。 卑之。 取 哉 學 亦 奈 H 心也,萬 三子者,博學 何? 其卑 時 月 ! 者寧捨 有 聖 孔子之於 有 賴 十小之説 人之意 取 萬 其 得 其 **H** 物 其 世 焉。 詳 惑 皆 詳 經不 馬。 經 仰 取 不可 也。 皎 面 及 信 而 得 然乎 至其 然 待 其 經 也 者 從 而 又 失 不 傳

諸

而

以

持

於

識

不

之

帝 君 宜 而 倫 而 長 上 理 之,治之 程 明,然後 子 聖賢 日 : 而 世 天之生民 争奪 人道 出 隨 立 息 時 一,天道 導之 必必 有 作 有 成 而 出 生養遂 順 地 類 乎 道 之才 風 平。 氣 教 起

於是 迹,亦 矣。 迭 經 能 傳 聖 世 示 化 無 興,三 聖王 111 與 王 作《春秋》,爲 Ι. 日 疑 人不復作 私 先 之神 於斯 之大 而 游 意妄 復 百 天 既 不謬,建 重 知 以 世 夏不 耳。 ; 法 不復作,有天 既 先 爲 開 以 聚 也, 備  $\pm$ 而 俟 人 則 衆 能 後 白 른 諸 之 聖 應 不 材 世 辔 忠、質、 各 王不易之大法,所謂 道 知 天 天 人 以 大 然後 道之悖 地 順 也 也 史 辭 而 時 視《 人 不 而 下者 文之更尚 Шi 知作 之治 惑』者 夫 夫 不悖,質諸 辭 立 春 漢 觀 子 不 雖 秋 政 室之用 當 百 待 不 欲 專 也 物 復 周 而 贊 以 倣 暨 之  $\exists$ 有 彻 然 先 鬼 智 古 道 乎 考 末 也 於 後 至 儒 神 力 之 備 m 處理 疊言 真 於 義 所 令惟 德非 然後 也。 如 若得六經 也。」楊氏 中 春 Ŧi. 謂『不 此 此 須 事 庸 會 經之有《春秋 秋 别 亦 能 言其法,至於斷 禹 故學《春 往 | 朱子曰 不 窮 造 之理,《 如 義 往 日 如 如 湯 可 理 其 不 用 而 載 尚 征 孔 之要。 「以傳 事 曾  $\sim$ 微 藥 春 欲 秋 伐、 之行事 講 春 事 也 子之於六經言 左 治 秋 山 窺聖 學。 》者,必 》,猶 氏 秋 各 盟 病。 以 誠 曾 考經之事 春  $\forall$ 後王 求 左 會之類 不 法 人之用 見國 氏 深切著明』者 異 難 法律之有 聖人之用,全在 例 秋》以 優 説 句 三代之治。」 知 史,只 義。 知《 禮 即 游 其 皆 則 春 理、《春 涵 心,非 蓋 跡, 是 何爲 或 始 是周 事 秋 泳 不 欲 Ŧi. 上 斷 見 以 以》之義 知 末衰 成書, 秋》著 下 經 準 是 默 例 其 Ŀ 大 經 也。 義 ? 非 文 如 識 也。 一智 法 亂 别 又 其 異, 此 藥 便 不 心 專 之用 有 勢 傳 不 無 則 行 日 經 去 見。 書, 律、 方 通 事。 之 如 則 須 重 能 雖 之 禮, 尼 拘 見。 公、 縦、《公羊》之失雜 凜 氏 此

又 曰 : 又 曰 : 説。」又曰: 於大倫 議此,肯如 史。」又曰:「左氏有 凜 傳 如。 穀 無 미 如 》是 考事 足取 畏, 「左氏乃趨 「左氏之病,是 陸 云周、鄭 處皆錯。 箇 淳、 終 博 此 甚 者。 近 孫明復之徒,雖未深於聖經,然觀其 記 否? 是 踈,二人乃經 交質, 時言《春秋》者,皆 陳 得 人 《大學》論所 時避害之人,要置身於穩 作 君 聖 尚 淺 舉 人 而 只 得 以 所 陋 意  $\Box$ 成 是 謂 處 以 思。」 生 敗 以 與 信 説 止 如君 聖 111: 論 傳 禮 晁 是非, 俗 人同 不 得 便 多錯者,緣其多本 氏 是計 見 由 許 説 子曰』之類 日 識 好 中 多 君 ൬ : 較 斷 惡 質 説 臣、父子、左 不 利 哉 當 話 本 無 地,而 左 害 他 於 益 往 氏 事 大義 又 義 病 》之失 也 往 (推言 不 皆 日 理 處 却 左 識 却 之正。 功 使 氏 甚 不 治 道 氏 專 \ 左 不 利 贵 多。 FL. 見 道 理 也 曾 IIII 之 子 知

 $\sim$ 例。 春秋》大率 也 0 然 有 事 司 所 辭 書 異 事 者 百 則 蓋 爵辛 各 百 有 , 後 義 X 非 大 可 謂 例 之

൬

拘、《穀

梁

素不

縱不

拘

圃

失之隨

所 自 張 作 子 日 惟 孟 子 春 能 秋 知之。 》之書,在 非 理 古 明 無 義 有 精 殆 乃 未 仲

可學。先儒未及此而治之,故其説多鑿。」

之理,《 者 春秋》不 斷 以 龜 春 己 Ш 秋 難 楊 意 》誠 知 故 故 氏 也 E 不 有 : 難 異  $\overline{ }$ 知 同 春 又曰 之論 秋 > : 昭 學者若得 如 若 H 義 星 理 E Ŧi. 但 明 説 經

康

侯

胡

氏

日

:

古者

列

或

各

有

史官

掌

記

己 子 天子 行 死 王 理 史 時 乎 者 既 之所 接 外 事 其 所 事 之深 當 哉 如 没 洂 之 傳 不 令春 文 子 得 敘 在 當 事 心之要 切著 ; 五 不 與 何 世, 秋》, 故 不 ? 於 在 日 以 禮 人 明也。』空言獨能載 斯 典 周 聖人以 兹乎 爲 魯 欲 弗 也。 文 道 己 史 庸 肆 我 也。 衰 ? 任 耳 欲 而 而 微 己所當 斯文之興 而 載 天之 天 天之未 孟 誰 仲 乾 理 子 之空言 口 將 綱 尼 滅 發 秩。 ? 就 喪 矣 解 明 喪 廢 宗旨 不 其理,行 斯 紐 加 斯 故 Ŧī. 在 仲 筆 文 文 典 日 亂 如 己 削 也 也 : 弗 尼 見 臣 以 而 文 惇, 事 諸 後 天 爲 乃 賊 由 王

> 事,非 是 皆 我 事 下 然 戎 可 反 者, 懲。 狄、 之分 之正 經 在 也。 後 此 見 其惟《 空言 而 放 其 故 書。 其 處 龍 而 志存 敘 日 用 比也。 大事 禮 蛇 學是 春 先 : 自 \_ 後 秋》乎 是 乎 驅 此 知 之倫 決 經者 故 經 虎 百王 我 可 大 假 世,其 豹 <u>.</u>! 者 庸 疑, 信 魯 善自 之法度,萬 而 其 史 是故《春 其 能 窮 典 功 惟《 以 大 不 理 自 配 此 寓 要 惑 春 之要矣。 此 於 口 王 則 者鮮 秋》 口 秋》見諸 抑 世之繩 勸 法 皆天子 惇 悪悪 洪 乎 矣。」 水、 撥 不 自 秩 蜀 準 學 罪 之 膺 此 世

既衰、諸侯放恣、政在大夫、專權 周 莊、 仲 年 又 夫 爲天下之共主,號令征 周 尼 日 僖 王 室 大 : 而 迹  $\sim$ 東 事 下 既 春秋》二百四 遷 屬 熄, 辭, <u>Ti.</u> 禮 伯 故 樂 深 ^ 迭 征 切 春 興,假 伐 著 秋 十· 二 自 明 **>** 伐 諸 作 非 年 莫 侯 於 義 -, 其行 Ŧī. 敢 出 隱 而 經 自 不 公之初 行 比 用 從 及平王 事備 也。 伯 戴 官 宗 逮 末 本

=

民 義 以 諸 失 無 夏 德 昏墊」與『簫韶 位 皆 寵 與 行 馴 賂 時 益 事 致 垂 道 章。 其 不行 道 九 訓 然後 成,百 方來。 是 於天下也, 以 陪 致 獸率舞』並 臣 蓋 此 執 二 洪 極 或 制《 耳 水 命 春 滔天,下 載 仲 夷 秋》之 於《虞 尼 狄 制 自

祇 事 悉書之,以 事之例。 與『六服 ,皆削 一、「大 典,於以 · 若几杖盤 肅之意。 木 承 而 至《 反身, 示後 德 斯 不 若事 拔 書,而 春 盂之有銘 同 世 秋》,則凡慶瑞之符,禮 日 與 斯 垂 ,使鑒觀 『嘉 加 語 災異之變,政 於周 脩 ,若 書 諸 禾 有戒,乃史外傳 省 史。 合穎』、『 天人之理 及其 此 紳,若 Ŀ 既 事 鄙 世帝 有 闕 我 列 失, 周 文 積 諸  $\pm$ 心 恐 邦 常常 善 紀 之 座 懼 則

吕氏曰:「《春秋》之書,凡以使克己復禮

下。

學《

春

秋

》者,

必

知

緇

領

、然後

衆

目

有

成

德

下

與

天

地

同

流

自

家

刑

或

措

之

天

條

而

不紊。」

於禮 術 而 之 反 微 人道之正 則 必 心 有 廣 不 氣 云 得 盛 爾。 者 其 終 毫髮不合於禮 惟 必 能 口 自 以 克 至 以 於 義 聖人也。 則 而 於 求 心

夾漈鄭氏曰:「以《春秋》爲襃貶者,此《春秋》之所由作也。」

亂

^

春秋》者

也。

鑿説 惡 未 世 夏 ~春 臣、討賊子、内 衰,非是於一字上定褒貶。 爾。」又曰: 土 外 地 必 時 秋》正 朱子曰 世 夷, 見。」「定、哀之時 爲 如 既 先儒 襃貶之類,若 遠, 乃 春 聖人作《 史 其 義 : 秋 册 所言,字字 大義。 明道,  $\overline{ }$ 中 即 亦 春 或 是 有 春秋 六外 秋》大旨, 直 簡 貴王 ,聖人親 當時 載 略 而 法 當 處, 夷 家 》, 不 以 大亂,聖人據實 時 有 賤 (狄、貴 夫 見 之 之事 爵 義 伯 子 氏、 深 據 過 其 亦 也。」 質 刻,乃 尊君 直 但  $\pm$ 可 要 名 而 見 據 書其事,善 賤 見 書 字、 中 書之。 當 抑 者 伯 傳 又 册 時 隱、 H 臣 而 治 者之 ൬ 誅  $\exists$ 其是 桓 蜀 寫 内 亂 出 之

非

邪

禮

無失也 然可 反 安 見 明 大,不應以 是 事 襃 音文 換形 立,故 省 惻 滅 不 貶 也 魯 得 成 道 難 隱 見 真 総 必 所 僭 失 取 謀 許 Д. IF. 之心 絁 做 於 繹 書 禮 It 在 史 付 如 魯 了下 利 義 朱子謂 但 多 III 不 耳 誅 (文,略 會盟 竊 諸 郊 以今人之心求聖人之意,未到 猶 義 岩 字 殘 之書 恐 後 猶三 他 般 大義 繹 至 禁暴 恤 齊 春 爲褒貶於 世 不 焼崎 例。」《春 本 得 征 也 如三十、 加 鄰 然。 公 桓 欲 之延 望, 伐,不 修定 秋 也 之 論 懷諸 所 他事 晦 如 傳 是不必 今人 又 伐 平. III 矣。 此 以 四 過 之行, 蓋 秋 人。  $\exists$ 心則 衞 侯 先 看 何 夫子 例 + 見 有 mj 生者 嘗 岩 不過直 望 止 却 諸 多不 尊 言 在. 4: 又 事 云 齊 ŦĹ 有 ௱ 尊 分 外 侯 於覘 較 話 傷 如 恰 相 各 某 子只 明。 猶望 E IE. 擅 之意。 室. 齊 此 事 尚 發 有 可信 譎 4: 國 11 書 興 明 用 這 之 Ĥ 也。 是 H 又 死 其 自 III 以 聖 某 題 般 論 11 要 事 若 就 是 肆 心 人灑 法 П 例 好 苴 書仲遂卒猶 備 其名義之最 伯  $\sim$ 耳 必 失禮之中 善者、 則 恁 事 又 聖 聖 故 如 某 於 業 春 然處 任 都 地 -1 人記 不 看 人 郊 事 於 做 做 秋 優 悪者 得 風 光 褅 用 百 字 將 取 本 只 劣, 不 П. 水 明 某 年 間 不 又 不 繹, 胳 去 事 失 駆 能 移 是 例 之 īE. 411 1 īE. 過 求 還, 故 以 也 與 雖 也 本 木 是 所 伐 民 者 狄 滅 能

北

其

屈

人之力,

而

無

以

服

其.

心

視

昔

成

湯之興

也

東

征

III

14

行 無 뒘

之徐 邾之 己之伯。 太子 吾與 侵衞又侵鄭 仗 力 無 無 雖 不及,則 盟會、蓋嘗取 猶 遂 無 亦 陽 申 禮 齊 諸 取 故 義 師 易 能 降 不聞 如 己見 院 之衆 樊 服 生. 殲 也 也 國之黄 1 雖 鄣、 救 若此 矣,不 其 者 不 朝 其. 救之,終 邢 而 面 無 師 服 遷 fi. 伐 E 亦 致 之舉、 假 以 假 則 伯 則 之 ,又從而滅之,齊卒 執 陽, 之類,皆所 矣。 聞其 號與 服 詰之也。 無 丽 圍 莫盛於 頃 事 之。 以 Ŧ. 人心之不 是 事. 不 之 莫 若晉文之譎 葵 III 示之義; 以 虞矣,不 祭之名 皆 服 能 示之禮 ıŀ. 丘. 遽 之矣。 原 迨 易 以 桓 遏 其 嫡子 之 請 蓋其 不 其 力 謂 敗 盟 隧 服 义 服 服 末 假 聞 能 魯 也。 焉 本 力之所至, X 年 可 之 īΕ 然皆 X 仁 然 使其 -滅 其 無信 其甚 之也 知 肆 也。 者 其 其 以 木 頂 是 城 亦 其 矣。 之, 也。 受 心 以 視 滅 能 緣 名 於 Z 然 也 也 雖 則 古 齊 盟 力 名 爲 陵 同 救 葵丘 晉 至於大國 討 遂 身 其 則 姓問 仗 假 於 III 也 雖 勤 桓 IIII 也 既 表 其 於 召陵 義 1 假 之正 没 散 有 受 E 之會 滅 IIII 罪, 之也。 未 既 小 以 未 以 地 城 IIII 矣 揚 面 嘗 事 继 服之; 又 或 服 又 面 曾 於 鄫 不 之以 竹 伐 則 將 能 諸 IIII 而 示之信 不 則 木 Ŧ 不 mi 未 窺 曹 來 又 使 吾 於 侯 Ľ. 數 逮 能 於 不 滅 誇 實 大 力之 嘗 之 會 與 楚 或 而 焉 終 年 譚 衞 則 物 或 Щ 殺 也 遺 成

夷 文 Ξ 之 作 也, 大 畏 Iffij 小 懷, 爲 如 何 哉  $\sim$ 春

秋》是末後事。惟理明義精方見得。」

則 今 則 今 經 É 於 罪 所 此 相 子 IIII 而 ", 面 必 必 又 謂 以 夫 修 X 襃 其 尋 蜀 子 遁 遁 襃 求 貶 爲  $\Box$ 臣 苗 H  $\pm$ 春 之所 其 以 其 以 貶 合 凡 志 孔 氏 賊 法 秋 春 其 例 某 某 子 子 辭 辭 此 以  $\approx$ 之 自 秋 不 : 所 事 事 如 懼 其爲 明 隨 得 説 道 謂 \_\_\_ 事 也 人 也 或 孔 事 天子 興 及 其 凡 蓋 必 必 各 子 天子之事 故 故 所 直 例 ,讀《春 孟子 位 有 有 有 方 名 或 謂 書 之事 以 日 姓 是 稱 又變 以 以 · 所以 行 月 氏 號 時 撥 亂 吾. 誅 罪 秋 其 移 0 亂 臣 志 書之 至 之。 書 之。 者  $\pm$ FL 論《 權 故 111 賊 凡 在《 必 之 緇 子 例 春 而 子 於是 往 有 及 所 及 所 春 解 作 春 以 反 無 往 秋》者矣。 地 有 有 以 以 春 秋 紐 秋 遷 之 穿 所 約 所 不 不 别 别 **%** 鞍 就 無 IE. 史記 篡 洮 秋 <u>\_</u> 合, 合 也 也 此 其 聖 出 其 奪 孟

之外

立

所

謂

例,

士

君

子

尚

羞

用

之。

果

誰

爲

春

秋

**>** 

先

立

而

聖

人

必

以是

書之,

而

後

世

形,萬

變

而

不

齊

後

世

法

吏

深

刻

始

於

敕

律

0

大不可 貶,使 達, 例, 記 夫 例 求 及 故 者 聖 有 也 致 事 而 書, 之常 經 1 不 以 人 後 曉 反 危之, 合 測 ^ 以 皆 作 春 下, 否 其 則 度 以 經 天 況 秋》,弑 而 邑 聖 又爲 故 子 乎 則 又 ? 叛 自 經 不 闕 於 之 知 之 釋 月 文 襃 事 以 君 何 凡 遁 以 也 貶 如 其 也 弑 乃 例 Ħ. 外 0 生 優 品 父 之, 也 辭 今 凡 戲 來 今 書, 必 例 之 奔 故 必 以 聖 是 殺 邪 所 者 不 謂 經 人 則 世 以 ? 謂 書 H 其 岢. 而 非 子、 某 隱 以 陰 理 求 先 明 以 略 事 寓 殺 合 無 É 爲 義 之。 也, 定 E 襃 洞 大 凡 Л 理

朴 鄉 吕 氏  $\Box$ :  $\overline{ }$ 春 秋 **>** 之 作 何 爲 乎 ? 不

信

之

心

也

以

是

求

之

邪

? 例

以

例

求《春秋》,

動

皆

逆

億

曰:《春秋》者,扶天理而遏人欲之書也。《春

DЦ

秋

下

民

理

而

堯、舜 聖 生 維 , 若 之 修 自 失 知 涿 也 與 人 遏 魯 不 禹 持 而 Ŀ 道 心 理 史 其. 之 任 忍 淆 得 世 有 世 道之正 之 常 欲 爾 非 也 俱 焉 絶 也 下之分 道 位 莫 恒 湯 發 也 泯 教 也 者 聖 性 知 之 0 周 達 使 諸 則 不 泯 六經之書, 何 人 於 其 聖 轍 太 臣 而 侯 綏 立 不 昧 而 在 從 而 是 亂 東,王 弑 不 極 僭 猷 綏 辨 昧 達 ? 而 世 而 以 也 之體 君, 少 天 猷 修 修之, 而 莫 也 而 天 壅者, 其 E 子,大 之 責, 道 義 不 迹熄, 知 子 在 其 命之性 : 皆 明 常 之責 存 其 弑 F: 惟 所 所 利之 天 運 則 者。 爲 不 父, 皇 夫 政 則 施 以 理 其 而 所 其 誰 然 僭 教 后 垂 爲 無 所 强 不 以 率 君 能 IE 實 也 帝 實任 謂 世 諸 失, 息 并 别 植 臣 性 盡 明 降 P 教 侯 弱 也 之 ? 之 之 俗 天 天 立 衷 扶 孔 反 心 之。 也 之 子. 道 道 人 于 天  $\pm$ 下 真 敗 理 地 而 狄,豈 之。 空言 而《春 也 虎 秋 子 天 大 别 IE. 所 明 而 所 書, 要 成 下 也 也 其 之以上 豹 ^ 平。 此正 則主 義 不過 何 不 春 聖 秋 吾 而 非 者 則 功 如  $\forall$ 吾 以 秋 空言 周 人

僞

之

不

明

幾

若

壞

以

Œ

生

極

111

莫

公

膺

戎

狄

驅

猛

獸

间

白

姓

寧

孔

Щ

亂

臣

賊

子

懼

FL

子

之

成

春

爾

而

其

功

西己

於

抑

洪

水

膺

戎

心

之

道

也

故

日

\_

禹

抑

洪

水

而

:

書,其上下之分 長幼之序 人 别 異矣。 於扶 下之分。 聖 亦書 見 之。 書 諸 人 有 天 尤 則 行 之。 真 理 未 魯 爲 事 或 僞 於 Œ. 夷 史 深 之 Œ 其 未 之 者,吾 所 將 夏之辨有 切 之以 深 辨 事 溷 微 書 切著 未嘗 也 淆 故 遏 君 其 正 也 日 之。 而 臣 君 明 與 未 欲 吾 吾 之 臣 也 魯 明者 聖 之義 於 析 義 義 我 史異 人 之。 方 利 欲 史之 則 之 載 熾 吾 魯 或 也 之 史 其 無 明 IIII

乎. 其 1 人 īE. 性 人 故 之動 心  $\Box$ 之 : 功 始 尤 春 於 大 秋 惻 於 隱 放 天 而 龍 子 終 蛇 之 於

事

馬品

責

IIII

而

雖

制

而

篡

Ŀ

者,則

爲

亂

臣

賊

子

者

又

何

其

幸

之

又

幸

是

故

唐

虞三代

之上

, 天理素

明

人心

非

惡之論

素定,

之正

 $\pm$ 

法

以

定

其

罪

", 而

又

幸

而

世

教

不

託

己於

莫

我

議

之

地。

既

幸

而

E

無

明

心

ΙĒ

。 習

熟

見

聞

以

爲

當

然

曾

莫

有

議

自

若

也。

則

其

心

未

嘗

不

欲

變亂

而

不

復

爲

而

不

厭

耐

其

所

謂

É

知

其

非

天

理

不

足

以

勝

其

浸

淫

日

滋之人欲,

是

此

其

髪未

Ļ

之天

理

也。

惟

其

髪未

無

是

非

之

心

哉

?

故

雖

肆

意

所

爲,

而

其

心

實

未

嘗

不

知

其

非

而

意

夫

賊

子

恣睢

跌

蕩

縱

人

欲

以

滅

天

理

者,豈:

則

天

下之人以

榮辱

爲

是

非

世

之所

謂

非

爲

樂辱。

世之衰

也,天

理

不

明,

盛

忇

天

理

素

明

人

心

素

正

則

天

下

之人

非

惻

隱

發

於

吾

心

而

是

非

公乎

天

下

0

則人之爲不善者,有不 天下之是非 人之議 莫之或 人心不 素正 明 Ť. 君 邪 亂 其 者 以 其 以 世 是 是 己, 制 Œ 待 之 非 爲 終 迷 悉 臣 是 之 人 錯 不 乎. 乎 時。 人欲 人心者。 之公 之理 刑 天子之禮樂 鋸 主 以 是 天 而 斧 亂 泯 此 ! 懼 丽 自 非 罰 地 者,獨 此 理,而 貿 浸淫 於心 以 已也 容 間 善惡之論 加 鉞 孟 夫 其 於 者 之, 之臨 貿不 子 詔 使 日 ; 彼 其 扶 斷 有 聖人 天 刀 不 征 先 滋 間 孔 世 蜀 然 天 明,則三極 下 人 鋸 之際 伐 懼 子 而 道  $\pm$ 幾 臣 理、 而 以 大 與 心 於 臨 之 懼 既 之作《春 於 衰 賊 不特 是 爲 之, 來 紀 於 而 倒 E 明 微 遏 子 而 有 非 明 倐 111 不 緇 置 天 聞 人 而 懼 在 而 之公 然 之, 一治之效,蓋 而 果 能 法 欲 之, 秋》 於禮 自 於 懼 然 理 自 릲 何恃 自 度 則 之功, 幾 天 後 不 於 省 古 理 既 也 制 若 古 樂 亂 理 暗 明 之 將 是 以 爾 己 其 有 無 要 征 臣 頃 立,人 蕩 不 非 顧 髪 不 犂 所 而 所 亦 伐 賊 ; 懼 者 然 心 然 真 不 未 不 懼 明 之 子 託 又 恃 於 不 有 道 大 當 足於 顛 以 Ľ. 懼 於 人 是 無 始 見 矣 得 之 1 倒 僅 於 刀 平 非 所

—: Ті.

何

恃

以

存

乎

此

萬

世

也

自

世

儒

不

明

僭天王之權,以匹夫而 『章有德,討有罪』者,聖人 秋》,魯史也,夫子,匹夫也 襃之,故予之。貶之,故奪之。 氏,於是爲之説, 制賞罰之權,而 固《春 書字、或書 制賞罰 其書名書人不書氏 乎 能 奪 善罰惡之書,而 者也。 後之天子, 者不惟 秋 孟 之,所 自 **>** 之權 子之説 執 欲 綏猷 書 人、或書爵 日 而 彼 古 不 以 以代天子之 : 而 所 聖 ·知《春 徒見夫《 以 以 操賞罰之 其 修道 而 른 以 人執 自 書字 遂 魯 非 有 任 之責 或 秋 唐 夫 所 以 功 者, 也。 之, 子 書 春 謂  $\leq$ 而 或 虞 謂 爲 於 劉 以 諸 位 以 人宜 周之典禮,周公之爲也。 之於魯 祚  $\Box$ 道 專 有 以 僭諸 乎 柄, 之也, 託諸 己也。 之所 明是非 ? 也。 也。 嗣 吾賞之也,魯賞之也。 位 Œ 借 也。 無位 名分,而己自蹈之,將何以 侯,下之僭上,卑之僭尊,爲是作《春 不 夫子本惡  $\Box$ 賞罰 如 魯以律天下之君 在 故夫子不得假魯史以寓賞罰 魯罰之也。 魯亦不能 道 夫子 賞罰者,天王之柄 · 而 賞罰之權,夫子不 乎. 是 ? 之 也。 皆得 位 以魯· 所 或曰 也。 天下 蓋 在 以 以自 有 是非 : 言。 魯, 夫子者,道 諸 獨 可 夫子之爲 侯 大夫。 周 不 以 有, 者, 故 以 其罰 公之 之 變而 周公之後而 夫子 非 推 以 人心之公,不 僭天子 位 得 而 自 之也 其賞 之所 後 律天下? 至道之質,是 是 之所 其 得 本之於 執 也 位 以 而 ·, 大 之也 非 在 推 非 不 聖 則 大 是 · 而 夫 行 X 日 以 口

乃不

暇

問

則

是

劉

漢

以

三代之天子矣。

爲是説

天子之事

止

於

天子之事者,謂

其能

春秋》之作

··, 乃

聖人賞

夫

春

欲

以

罰。

賞罰

之權,天王不

之,所以代天子之賞。

貶之也。

爵

書

氏者, 褒之也。

書氏、或不

書

秋

書或

書名、

或

抑

亦

不知所謂天子之事

所謂

而

子

之

吾

周

周

非

私

不

敢

非

魯

史

聖

以

之

得

得

志

行

道

則

當

如

夫

四

代

禮

樂,孔

子

主

於

以

禮

樂

賞

罰

代之制

其意

以

爲

人之所以

告顔

秋

此

皆

\_

魯之書

或

謂

變周

欲

尊

聖

人,而

實背

過

前

不明

乎

是

也

大

抵

學者

子

不

敢

以

自

僭

一,

予之,則是

夫子

爲

魯

不

可

以

擅

魯

侯之國

也,

獨

且

夫

夫子

兀

夫

也

公之

典

禮

或

者

其

當

時

之史,

乃

遽

正

天王賞罰 義理之當然,於是過爲之論,意 淵者,不見諸用,而 切 之 之患,往 之以 之。 夏 之文、從 之所 是 其 乃 古 庶 繆妄之論。 、時、商 口 權 爾 使 實 之權,而 不 幾 以 或謂《 四 爲 以 魯 得 乎. 擅 而 聖 代之制 贵 告 輅、 僭 商 往 以 ? 魯 天 人 之,聖 有 顔 春 之質,或謂 擅 在 周冕、 獨 夫 王之賞 自 此 無 淵 秋 天 於 受 子 其大要 乎 私 其 聖 者  $\pm$ 尊聖人 其 寓 人 1 乃 「, 亦 之具 一之賞 位 人 韶 其 尤 罰 聖 名 古 樂, 意 夫子 謂 則 説 愐 人 不 兼 推 平. 劉 爾 也 修 皆 聖 太 其 於 變 夫  $\equiv$ 如 ? 而 0 皆可 之説。 大端,不過有二: 矣。 爲 儒 《春秋》之旨 未嘗以 乎 變時 修 同 羽 鑿之患 魯 義,於是爲 者 寒,或 ? 翼之,横 穿鑿害之也,而《春 而 時 人 春秋》之時 紛 得 也,故 前 王之法,兼三代之制,不  $\pm$ 學者學不 紛 禮樂賞罰之權自 諸 之 而 ,其原起 以 以 聚訟 知之矣。」〇 儒 制 爲 甚。 所 生意見,巧出 爲貶,彼 襃, 與與 之説 修 而 此 知 者 夫孟 後 後以 於三傳,而後之諸 而 \_ 曰 聖人之意 既破, 則 道 之 魯 竊 聖 此 , 妄相 史。 觀 爲 禮樂賞 子 又 秋 以 人之大 互. 貶,前 ^ 》爲 日 所 日月 義 而 任 相 春 其 : 謂『天子 · , 而 理 後 傳襲,其 益 矛 秋 尤 「六經之不 時 罰之權 吾夫 爲 》者 以 甚。 後 盾 有 法 後 幾於 周 襃貶之説,二 不 自 者 口 也 也 子 **奉** 之事』者 明 儒 必 爲 相 矣 事 以 所 誣 抵 又 破 知 傷 以 而 謂 故 ·明,諸 秋 從 以 聖人 捂 有 諸 夫 自 其 或 教 所 其 修 者 事 以 而 儒 子 害 任 於 用

八

與 或 是 則 蔑 以 州 或 有 宜 也 Mi 左氏》曰 或或 平. 之 小 E 名 行 以 書 以 而 危 信 斂 盟 子 名 在 而 日 H 稱 美之者 書 不 有 或或 之也 之 月 内 明 不 前 也 稱 爵 桓之 或 日 公不 H 也。 爲 氏 矣, H 爵 號 一, 或 書 叔 者 而 者 襃貶 後 號 爲 侯, 或 盟 則 又 孫 爲 或 與 將 書 名,又若是 爲 襃 有 日 葬 何 婼 日 書 是 不 或書 小 以 人。或 之 褎 美之 貶 不 官 以 卒 其 月 説 日 斂 乎 渝 貶 之説 H 書 書 於 ? 盟 也 者 伯 之説 也 而 者 若 日 内 渝 H 爲 又 公子 葵丘 其 乎 事 是 也 也 見 然公孫 是乎? 夷 而 將 有 愚 卒 ? 其 狄 夫 而 而 公在 彼 以 益 之 異 請 柯 不 前 或 《公羊》曰 或 徒 危 也。 師 盟 也 之 有 敖 司 爵 也 君 信之者 之者 外。 書 見 卒 則 盟 卒 以 後人, 也 於是 而 時 而 夫 日之。 不 於 折 不 也 其 於 爲 或 有 盟 外 H 之。 日 公 不 是 爲 有 或 書 而 是 人 H 而

之也 乎 隱 穆公之日 無 或 過 月 季 以 子 則 而 而 葬 面 不 亦 ! 争 隱 之 日 孫 日 益 不 難 時 不 也 也 在 在 通 或 日 0 意 乎 師 而 之可 至於 而 之 正 正 榮 天 貶 使 者 不 ? 日, 如 不 有 葬, 患, 叔 榮 也。 過 及  $\mp$ 之 亦 日 ^ 來 不 也 也。 直 時 穀 乎 乎 惡矣, 也 叔 時 過 書 歸 又 遠 指 梁》 ? ? 孰 而 歸 而 仲 當 月 有 時 衞 齊 也 不 贵 謂 成 不 日 子 歸  $\Box$ 穆 時 而 又 0 何 桓 春  $\exists$ 風 歸 日 之赗 公、 成 者 不 H 春 而 何 然 危 公 秋 之含 仲 風 謂 H 日 秋 公 慢 乎 而 以 宋 則 有 子 之 書王 危,不 之不 ? **>** 言, 子 葬 文 書 惡 日 何 之 而 必 賵 含 强 宰 公 彻 不 H 可 也 賵 凡 當 以 本 賵 能 而 平. 亦 書 隱 無 及 此 H 是 得 葬 罪 咎 调 ? 遠 以 王 名 之乎 齊 時 然公子牙 者 月 時 葬 也 不 在 時 īF. 在 桓 而 葬 皆 公子 爲 則 也 書 名 之 天 冢 而 П 必 疑 又 襃  $\mathbf{H}$ 分, 宰 王 H 貶 誤 争 伙 書 何 宋 貶 時 渴

192

者

也

孰

大

抵

春

秋

若

此

之

類

辨

夷

夏

書

楚

子

安

得

爲

春

侯

之

爵

則

或

日

爲

時

不

復

稱

侯

繆

妄之甚

貶

而

稱

襃

而

褎

之

也

一,以

其

乎 ?

滕

之人,故

貶

分

了, 可

乎?

而

夫子

乃

説 之分, 先 者也 不不 自 秋 謂 乎. 薛  $\pm$ 者 子。 朝 之。 是 贵 以 之 ? 貶 穀 所 來 口 春 禮 隱  $\Box$ 皆 而 世 事  $\pm$ 伯 黑出 朝 朝 以 若 滕 公,故襃之。 秋 進 樂 繫 顧 乎? 以 或 而 也 稱 桓 以 > 子 鄧 夷 刑 乃 朝 去 日  $\vdash$ 以 侯 公可 隱 賞 侯 狄 滕 其 進 桓 紀 夫 名 數。 以 先 之權 爲 也。 稱 説 天 公 本 夷 侯 使 稱 書 貶 H 始 名 之故 侯 者 狄 獨 時 也, 則 繫 爵 要 荆 聖人 受 天 爵 日 朝 而 皆 王 非 説 月 號 將 終 命 王 繼 也 滕 隱 而 爲 退 朝 者 面 以 疑 作 之王 以 書 自 春 公有 貶 襃 誤 中 能 朝 弑 是 H 薛 月 經 楚 能 秋 之 逆 貶 或 71 弑 朝 爲 而 之世 繫 執 本 乎 微 之 已 朏 逆之 乎 乎 則 何 弑 IF. 難 時 矣 諸 以 ? X 名 ? 通 ? 尤 口 或 逆 而 食、 弑 侵、 事 令某 文, 也。 得 時 成 此 此 時 在 名 史 放、水、旱、 也。 者, 虚 失之也 者 者 成 所 稱 某 伐、 星 葬、郊、 非 貶 與 增 書 於 春 變、 事 皆 必 爵 或 其 韋 某 甲 時 H 秋 當 書 而 號 以 以 0 或 Ш 者 在 子 》據 書 廟 雨、 名 取 故 舊 從 時 月 假 崩 宜. 所襃, 書 乎? H 之祭 者 史只著其字, 其 凡 成, 事 雹、 成 如 月 救 H 地 皆 朝 爵 直 某 也 而 而 震、火災 或 冰、雪、 次 事 貶 覲 而 號 是 書 魯 事 盟 不 以 成 舊 史 當 而 會 月 蒐 遷、戍、 而 IIII 春 時 史 戰 於 善惡 書 但 狩 書 是 秋 遇、 彗、 宜 月 但 成 書 月 凡 敗、 則 字 非 者 著 也。 日 城 自 其 如 平、 不 孛、 襲、 聖人 者 善 而 其名, 築 書 見 月 而 此 以 皆 惡 魯 崩、 奔、 如 月 不 者 將 日 滅 作 名 襃 則 則 史 了, 皆 日 某 薨、 叛、執 奔 月 聖 螟 來 事 繫 稱 旧 毁 世 獲、 者 乎 凡 成 走 與 爲 以 凡 從 人 書 卒、 至 某 其 其 安 其. H 如 於 假 H 列 例

之國 穀」, 郎, 冬十 Ħ. 遽 書 見 時 月 貶 知 以 年 閱 興 其 則 前 時 而 其 求 也 ·月,不 夏, 九 九 秋 以 七 兵 閱 災 有 後 其 事 見 月, 月 名 秋 以 師 以 築 名 月 害 實 而 之。 有 稱 時 、螽」、『冬、蝝生』、 見 知 與 人 及 荐 臺 雨』、《三年》『 公至自 之久, 如 爵 則 杞! 纔 其是 字 之 ^ 而 齊 作 于 ^ 號 古 桓 勞 閱 莊 也。 也。 師 秦』、《三· 爲 而 有之矣, 而 則 兵  $\equiv$ 非 楚』, 三十 韋 褎 後 ··, 因 勞 時 於  $\wedge$ 有 年 郕 著 貶 昭 外 而 於 以  $\stackrel{\cdot}{>}$ -, 則 其 也 之 + = 「秋 八 七 春王正 見 也。 土 行 年》 有 非 名 於 年》 年 秋 來 功 也 以 聖 則 稱 若 \* [] 七月, 杞 經 年 朝 若 屢 \_ 見 師 人固 有 爵 夫 平 春 一月,不  $\stackrel{\cdot}{\approx}$ 春 此 方 興 ^ 還 其 以 號 ? 大 僖 月 春, 之類 閱 也。 築 朝 師 見 以 之 其 是《 侯 丽, 公 則 臺 夷 城 是 異 次 連 所 年 月**,**  $\sim$ 蓋 宣 來 狄 如 歷 爲 有 于 小 于 百 書 春 **>** 也,始 降, 之 名 聖 爲 其 之。 而 大 袁 以 嬴』,『庚 郜』、『辛巳, 有 九 夏 夫。 以 人 殺 稱 僑 無 見 以 月 世 四 以 爵 見 **『**癸 詳 盟 邑。 其 備 其 日 書 月 道 若 號 日 八日 略 辭 嘗 荆,再 而 寅, 西 之 之 月 此 則 者 者, 不 於災 後  $\pm$ 盛 異 之 之 有 之 而 取 大 雨 雨 未, 申 亦 衰, 古 書 類、蓋 書 口 克 以 防 間 雨 也 餘 有 不書寓 楚, 難 見 同 葬」,則 御 震 而 亦 則 之爲 前 以 台 盟 廩 則 再 電 已 於 若 有 有 月 H 于 人 見 有 書 此 以 圃 大 而 不 例 以 事

雨 則 有 以 見

之 類 蓋 於 書 月 其 見 閱

"。"『庚 辰,大 雨 雪。 則

天 變 也。 辛 未 取

見 旬 日 之間 而 有 取

襃

而

H

秋

或

災」,『乙亥,嘗 敬。 Η. 葬 則

有 以 見 明 日 乃 葬 之 敬

雞 澤 戊 寅 及 陳

之 先 盟 諸 侯 而 後 盟

H 見 之。 然以 是 爲

襃貶,則 之大 小 誤 矣。 而 其: 若 資辛 夫

朝

III

於

以

郎

後 凡 者, 有 蒙 1: 文 大

之 盡 以 見 面 者。 時 變之 楚 , 一 升

書 楚子。 吴,一也 主

之

事

書

書

諸

之

而

無

戚

周

班

於

以

弱

之會 之浸 之浸 侯 君 往 也 則 會 書 不 吴, 於 於 來於 吴、楚之臣 庄 復 也 見 杞 預 强矣。 以 禮 於以 當 於後 以 公爵 盛 召 會 子 中 再 伐 矣。 文 幺 時 見 見 陵 于 先伯 書 者。 · 國 也 見 之 諸 其 大 侵 曹 則 吴人, 也 矣。 魯柔 盟 始 伯 侯 不 楚 夫 大夫 亦 於 皆 蔡 也, 垂 者 用 而 敵 之 書名。 男 蕭 以 隴 以 先 諸 爲 周 書 已 於 師 先伯 無 溺 吴、楚君大 魚之 之盟 侯 目 衞 見 政, 爵 伯 而 諸 有 外 前 居 在 鄭宛、詹, Mi 於以 侯 會, 不 皆以 , 内 之利 之 喪 伐 喪 是子。 淮之會 以 滕 氏 而 則 稱子,有 鄭 世子 會 或 之則 見 者 莫 侯 私 害 夫皆書 齊 伐 之大小 夷 則 知 爵 意 始 或 公 長 之 則 狄之 於 於 其 衞 爲 男 也 也 爲 夏 於 以 孫 不 書 以 先 非 輕 先 大 會 小 爲 子 敖 復 而 非 見 大 見 蔡 也 重 侯 或 伯 會 用 强 夫 夫 書 禮 而 於 大 夷 殺 則 與 爵 矣。」 凡 葬 月 者 據 先 聖人明白 爲 號 人 而 而 、夫盟 齊 號爲 爲 則 舊 破 强 襃 襃 是 此 其 戰 ^ 書 襃 桓 史 爲 貶 貶 非 者 春 義 則 襃貶 因 則 月 之説 貶之説 之 也 爾 善 莫 晋 安 或 秋 書 其 書 正 意 ? 非 惡 曰 : 學 文,其 在 戰 則 盟 事 大之心 以 名 乃 名 者 ? 所 則 則 信 · 會 實 稱 日 伐 子 大 稱 必 務 室 謂 然矣,若是 而 而 月 文 日 則 從 謂 從 而 則 欲 爲 礙 吾 後 也 爲 則 其 書 門 見 其 書 ^ 於 ^ 春 新 不 無 ^ 例 史。 伐 名 之。 名 會 春 人 春 名 加 秋》 巧 學者 通 之説 稱 稱 秋 高 秋 稱 弑 矣。 損 卒 其 則《春 不 何 初 类 爵 弟 焉 爵 之觀《 則 有 爵 則 義 以 所 非 與 號 不 書 於 書 號 號 日 旨 故 則 聖 日 夫 不 之 能 其 弑 從 卒 則 秋 從 某 月 可 春 間 以 至 人 少所 贊 其 不 書 其 竊 殺 葬 得 特 秋 名 而 爵 通 日 名 爵 書皆 取 其 則 則 而 稱 求 以

子。

也

皆

預

後

夫

也

聖

是

非

猶

狄

始

稱

論

爵

辭

子,嫡 之恩 一、公朝 遂會 之 人伐 謂 討 獄 經 謂 兄 而 謂 所 思嘗 『著 齊 弟 外 賊 於 庶 明 Œ 日 秦。 吴 弑 曹 之 自 無 趙 之 台 幾 之 于 名 分 明 所 深 知、 穿, 羈、 義 出 名 微  $\pm$ 侯、 實 義 則 别 明 分 惟 也 以 也。 陳 非 所 而 鄭 宋公、 者 義 大 書 者 者 所 春 别 佗, 以 經 不 忽, 何 晋 會 凡 何 何 明 秋 凡 夷 序 嘗 也? 伐 申 踰 長 》之義 此 衞 也 夏。 也  $\Box$ 大 君 此 盾 藥 生、 年 而 之 IE. 侯 狩 幼 之 矣。 臣 之 則 如 書 名 天 類 而 之 類 傳 許 每 鄭 京 君 趙 實, 後  $\pm$ 竊 皆 陳 皆 序 月 於 稱 止 内 伯 也, 師 盾 朝 狩 黄、 以 所 夷 也 齊 許 所 書 之情 所 也 曹 也 爲 于 以 臯 而 止 以 王 而 衞 伯 以 其 河 成 以 之 明 IE. 經 不 繋, 外 著 公子 不 明 邾 大旨 公自 陽 楚, 弑 嘗 名 風 分 幾 日 能 父 明 所 殺, 人、 藥 義 微 實 結 既 仲 子 京 **I**: 掩 以 内 Œ 有 《書》之終,《春秋》之始 已,則 類,皆 與盟 者 日 不 之筆 足。 書 子 媵 云 而 春 春 戊寅, 出 結 何 生 日 陳 春 秋》者 秋》 孔 如化 然其 : 之專 於 生 也? 人 也 秋》 所 子 魯 之 \_\_. 0 以 先

所

而

明

朔

所

『戊辰、諸 大夫 也 湨 婦 盟 梁 于 葵丘 之會,諸 鄄 侯盟于葵丘 明 遂 之會 大夫之自 及 侯 齊 · 宰 咸 侯 周 在 盟 宋 明 公 已 公 也 宰 與 盟 而 周 焉 凡 書 公之不 此 著  $\exists$ 之 而

大者則 著 幾 微。 不 出 其 於三者之外 他 書 法, 蓋 矣。 亦 不 而

意常 I. 隨 流 物 行 賦 於 形 八洪纖 其 間 高 雖 下 其 各得 所 紀 其 事 所 實

夫人皆能之矣,何 史之 但 約 舊 魯 史之文 而 其 精 以 神 使 爲《春 風 其 采 文 间 秋》?] 簡 異 事 矣 核 讀 若 而

明

大義

其 其

次

觀

世

變。

所

謂

#

變

之終,是 述 ^ 史,始 春 秋 世 **>** 於《 之始 道 之 堯 典 是 ( ),終 變 世 也 道 於 之 劉 獲 雕舞 知 變 幾 也 有

也。

孔

子

述《

書

滕

师

申

所

IE

矣。

歸

則

魯

齊

位

侯

麟

秋

上

文侯 之前 而 一,則 平 自 毫振 人 矣 或 也 爲 未 艱」, 患已 自 變之會 之 是 會 猶 報 即 捎 之命》 爲 王之 夷 矣。 政 爲 蓋 歲, 不 也 鞅 此 起 其 狄 西 忍絶 盡 田 至 之意 人 乎. 而 横 周 歸 末 Mi 人 篇 弭 氏 於 而 戚 在三家, 然 其 吴 視 年 矣。 春 矣。 終 也 獲 而 之後,晉 而 命 也 以 聖 爾 此 秋 觀 者 疄 猶 下 文 被 之,已 師 在 而 春 人於 蓋 之歲 時 則 用 侯 而 平. 平 髮文身之俗 大夫强 遲之 魯 秋 有 爲 寧 之 賚 魯 王之始 王 國之政 則 之 是 勝 春 爾 君 無 爾 辭 之始 而 自 四 所 絶 邦」, 負 秋 如 興 秬 曰『汝多修,扞 齊 + 季 以 望 然猶 復 也 鬯 贅 年 不不 盡 九年 孫 陳 矣。 始 或 流矣。 此 之 也 在 恒 逐 卣, 共 獨 家 蓋 0 偃 也 望 未 六 君 報 由 戴 然 至 非 無 隱 至 而 卿 之後 其 在 是 功 公之 與 於 世 於 人 無 然 復 天 君 之 晉 春 己 竊 晉 道 我 獲 而 復 而 事 而 僖之四 之《 寧矣。 求自 趙 丘 合《 魯 夷 十七 秋》,伯 所 麟 主 會乎? 競 邦矣。 未 謂 之後 狄 而 或 籍 春 春 安矣。 盛 諸 之交於 襄、 而 年 東 韓 秋 秋 其 年,伐楚。 之時 故 安中夏、攘夷狄之權皆在伯主矣 主 侯之争 而 方之望, 昭、 》,有 是春 虔、 ৶ 未 自 合 口 一經觀 世 獲 向 中 天下 也。 魏 興之時也。 盟 定、哀之《春 秋 變爲 所 疄 城 也 或 斯 干 謂 之所 而 諸 之前 争 者 莊之十三年 之, 爲 而 幺 五. 僖、文、宣、 戰 奔 侯 其 地 聽 諸 國。 年 以 則 走 其 猶 者 於 命 侯 大 終 於 有 有 會世 日 莊、閔之《 是合 之 於 此 世 莫 秋 也 偏 所 伯 以 漸 又 變 如 方下 擾 擾, 子。 前 成 謂 邦 天 非 而 已 爲 楚 然 之《 隱、 會 隱、 下 具 今也 世 春 不特 古 或 九 于 而 春秋》,伯 矣 桓、 道 春秋》, 秋 而 桓 而 之越 年, 無 北杏,二 聽 伯 今也 無 之《 莊 此 有 盟 命 向 自 主 也

矣。

報

于

讎

初

聖

伯

葵

也

於

関

息

不

以

也

獲

春

有

DЦ

年, 伯 年 È 靈 自 以 昔之在 卒,小白卒, 熄 伯 止 有 主 E. 二十八 大會 一之未 盟 之 繼 非 是 王 主 再. 而 者 細 鄟 盟 之 而 足 非 會 宋 于 矣 興 悼 故 陵 年 伯 既 後 齊 雖 于 以 世 之 言諸 申 公 也、天下無 以 興, È 桓 丽 道 嗣 日 虢 台 會 天下 後 而 之 再 者 之衰 侯 諸 文公 再 有 伯 多 興, 於是 楚始 伯 台、 無 È 城 之有 侯 不 今 盟 不 所 邪 古 夏 之 楚之 濮 有 愐 轉 競 横 晉、楚 預 伯 見 統 業。 盟 世 之 所 伯 得 而 也, 矣。 中國之事 而《 中 戰 道 統 從 蓋 非 鄭 僖 歸 间 靈、 或 之 夷 春秋 也 美 而 至 駕 交 晋 之十七 台 參 矣。 無伯 於 事 天下猶 楚, 於 之合 相 成、景、 文 盟 而 幸, 是 》終 也 襄 矣。 者 見 天 見 尚 几 中 者 諸 年 而 下 焉 天 + 而 庶 年 或 + 知 厲 昭 年 晉 而 下 諸 侯 王 始 幾 之伯 餘 有 十七 故 之 丽 之 不 襄 之 由 不 侯 小 焉。 年 王。 觀 無 是 平 楚 元 足 白 迹 無 繼 知

義,以 之極 則 愈下, 侯矣。 盟諸 隱、 盛 相盟 未有 特 傳,獨抱遺經,豈非 捨 大夫之邑矣。 而 挾卒,諸侯之大夫始 襄、昭、定、哀之《春 其 可 賜 春 桓 不至於秦不止。 傳 以 矣。 名字也,於後 大者 侯 氏 愈久 秋 究理之精, 始 者矣。 莊、 接堯、舜之傳。 矣。 無 > 也大 耳。 始 所 へ愈薄。 閔 經,亦 考。 也 始 之 其 夫 諸 合《春 也 始 又能 春秋 而 竊 侯 諸 他 也 思 遡之而 則 以其互相抵捂 諸侯 秋 》, 士: 僭 諸 调 侯 如 未 有 秋》 學《春秋》者 之有 次 天子 ×, 半: 自 侯 荆 沿 有 名字 尤 觀 矣。」 上,而 之柄,於後 古 相 盟 人 之 名 於 以 世 經觀之,大 己 志 盟 諸 來 而 著 氏 變, 傷 者, 聘, 傷 侯, ۲, 也,於後 於 文、武、成、 後 於 伯 學《春 王 以 經 類 既 則 後 於 外 則 業 迹之熄, 更相矛盾 矣。 研 欲 能 則 大 則 後 域 之衰。 七 事 之臣 抵 陪 夫 雄 大 則 則 秋 先明大 之實 無 僭 分 康 愈 臣 夫 大 有 裂 之 趨 據 自 夫 生 始 此

志漢

東, 駸駸

荐

食

上國

齊桓

之故。

而

其

敘

事

不討

賊

而

日

也,越境

以

而

謂

鬻拳之爲愛君。

攘

之,其

功

偉矣。

此正

知人矣。』鬻拳强諫,楚子臨 失實者尤多。 而不論其是非,習於勢之 孟子所謂『彼善於此』 思之,左 公、穀 也。』論宋 乃免。』此 趙盾亡不越境,反 然左 不知 、深於情傷,熟於 出 近 熟於 言周、鄭交質, 史, 氏 攘之,晉文再 於理 雖 氏 有 也 事 熟 Mij 雖 日 皆其 如 宣公立 前 , 而 公、 ì 於 日 蓋 楚 理 備 事 自 不 穀 左 事 理 事 得 明 之 穆 氏 多 不 而 13 而 者以 ^ 明受經 舉 先有 先翦 者。 楚左史倚相之後,蓋以 爲左氏、蓋有證矣。 大旨多與 可 其他紀事,往往 爲 故,於侵蔡則 桓 老彭』之意,則其人當在孔子之前,而左 觀孔子所謂『左丘明恥之,某亦恥之』,乃『竊 春秋》,其事終於智伯 廢 細 觀 公將攘 爲 然其 裸 事 而 故 其 與聖人同者爲 於仲 於 手足 ,而二公攘 浴 未 所以 經 可 曹、衞。 楚,必先 與 尼,所 破破 戾,安得 盡 塊  $\Box$ 攘 以 故 類 其 爲 楚者 爲 謂 此。 此 有 黨 蔡 夷安夏之烈皆 或以 此 據 好 事 與 以 事 姬 左丘 其 所 也。 惡 然則左 於蔡。 河 **岩** 實也。 故,於 爲 乃在 病 載『虞不臘』等語、蓋 爲 與 能 宗左 好惡 後 明,而 在 六國 聖 驟 於孔 攘之易耳。 於 侵曹、伐 文公將攘 氏 丽 舉 人 與 氏者,以 推 之紀 時 同 而 傳《春 聖 左 子 晦 者,然· 人,或以 尋 攘之哉,必 氏 人 之後。 事 侕 事 司 衞 不 秋》 固 楚, 不 由 是 氏 左 爲 則 達 平. 彰 毛 爲 説 傳 F: 其 故 比 Æ 不 必

公,而

日

一一一一

謂

所

趨

而

不

明

平.

大

義

之所

在

而

信

不由

中,

質

無

益

111

故

往

往

論

其

成

敗

每述

一事,必

究其

事之所由

其間

有

害

於理之正

者,不

口

繆。

二者合

而

觀

之,可

也。

丽

其

間

有

不得

其

事

之實。

明。

惟

其

出

於

經

生

,所傳故

雖

也

惟

其

曾

見國

史,故

雖

公、穀

近

於

理。

蓋

左

氏

曾

見

或

而

不

其

説

乎

?

竊

嘗

貴可 貴,母 之也。 誤。 以 何 ? 以 禍 其 事 禍 者 多是 也。 詳 命 蓋 逐 叛 者 可 弗受,以尊王父也。』夫尊王父可也,不受父 者,皆此 亦 人以十二月 則 乎? 乎? 未 略其 甚 若夫公、穀 君側之小人爲辭者矣。 采之傳聞,又不親 趙 日 以子貴。」夫謂子以母貴可也,謂母 《公羊》論隱、桓之貴賤 鞅 地 必 無 事 『信 推 言 IE 歸 推此言也,所以長後世妾母陵 經之 不 此 而 此言 或 于 以 父 而 基之也。 尤 爲 觀 二氏, 晉,《公》、《穀》皆 傳, 也。』後之臣 此 致 其理 臘 也,所以啓後世父子争奪之 言 辭王父, 知者之所 月,而《 而 藉 固 有 未有 《穀梁》論 П 非 精 見國史,故 親受者。 則 到 左 無 子有 公子結媵陳人之 晉 以 者, 氏》所述 是不 傳之經, 而 趙 當 日 日 據 鞅 世 明 而 尊王父也。 : 其 邑 子 其 其 目 子 其 事 以 于 蒯 害 楚 而 所 亦 層之 言 事 晋 於 多 聵 以 以 叛 深 述 陽 之 子 13: 辨 繆 事 歸 理 證 極 IIII 《穀》、《左》三傳要皆有失,而失之多者莫如《公 以《 詔 弟爲 利 自 許 蓋 稷利 受命 婦 自 其君如弈 春秋之後 專之可 豈不甚於敘 者矣。 [傳者 居, 以 無 于 春秋》定 國家 仇。 行事 别 鄄,遂及 不 而 ?,其極 學不 受辭。 無 爲人臣 祭仲 世有 所 或 媿 執 出 論

《公羊》則以爲合於反經之權。 傷之也,而《公羊》則以爲齊襄復九世之讎 也。』後之人 ,國家易姓 棋者矣。 自諉者矣。 事失實之罪 知道,妄爲之説 齊侯、宋公盟。 於下 窮兵 而 境 而 圃 僭上,卑陵尊,父子 君 鄭 稱兵以 臣 有 黷 不 聖人作經,本 如 而 忽出 『紀 有 武 可 知 武 爲 哉! 生 其 以 其 而 帝 侯大去其國」,聖人 其 事 非 向闕,出境 安 《公羊》曰 以《 大臣者反 臣 異 社 而 罪 故嘗 也 後世蓋 春 是 域 稷 如 在 以 非 雋 祭仲 秋》之義 利 此 以 而 明 其 易 或 相 爲《公》、 不 以 外 以 有 『大夫 疑 理 爲 夷 也 位 家 盛 安社 而 廢 害 也 義 德 矯 自 而

尊先立孫」,使世有惑於質、文之異,而嫡庶互 之。《公羊》曰『立嫡 親,明當親於羣公子也」,使後世有親 兄稱兄」,此其言已有失矣,而 隱公以爲始受命之王。 過曰『君之始年』爾,而何休則曰『《春秋》紀新 休之繆爲尤甚。 王受命於魯』。『滕侯卒』,《公羊》不過 『嫡子有孫而死,質家親 〔王魯,《公羊》未有明文也,而何休乃唱之。 侯,不嫌也」,而何休則曰『《春秋》王魯,託 休《公羊》之失。 聖人也甚矣! 春秋》變周之文,從商 薄於父之枝者,未 固 三家各自 『元年春,王正月』,《公羊》不 有據 以 《公羊》曰『母 也。 既已略 長不以賢,立子以貴不 滕子先朝,故襃之』。 爲説,而説之繆者莫 而何休乃爲之説, 親先 舉 之質。 何休又從 其 立弟,文家尊 必不斯言 弟稱弟 一二,而 質家 日 厚於同 『滕微 爲 。, 母 啓 親 文 何 羊》之妄也。 説。《春 由 僭」。 謂之有不純臣之義,可乎? 也』。《春秋》之作,本以正夷夏之分,乃謂之不 争者未必不 碎磔裂乎? 電、雨雹、螽螟、彗孛之類,莫不推 之邑,陰逆與怨氣所致』。凡而 災也」,而何休則曰『先是桓篡隱,與專易朝 月己巳,日有食之」、《公羊》不過曰『記異也 純臣之義』。《春秋》之作,本以 治夷狄,可乎? 其釋天王使來歸賵之義, 『王者不治夷狄,録戎,來者 而 曰『王者據土,與諸侯分職 考驗 何 休 **巵**桓 則 其 秋》記災異,而其説 元年》『秋,大水』、《公羊》不過 曰『是後 爲 斯語 若此之類,不一 愚觀三子之釋傳,惟 異之應。 禍之。 衞 州吁 其 其釋 俱 不合者,必 弑 不書曾若是其瑣 《隱三年》『春二 勿 而足。 會 南 其 正 地震、山崩、星 近,去 戎之義, 面 君。 君 尋其致變之 臣之分,乃 而 范甯差少 凡皆《公

説

曰, 曰

母之兄弟,而

以

長」,此其言

其誣

黜周

或

而

羊》。

何、范、杜

如何

强

爲

之

諸

侯

初

日記記

宿

治,有

則

者

勿

則

何休《公羊》之罪人也。」《公羊》之過爾。故曰:范甯《穀梁》之忠臣也,詳』,蓋譏之也。而何休則曲爲之説,適以增詳。其於《穀梁》之義,有未安者輒曰『甯未

春秋綱領

抹

姓名,引左氏

止抹

事

實

## 春 秋 本義點抹例

句 讀 一發音 依 陸 氏《音義 》及兄伯敬父《讀

測

點

書分年日 程》書

凡正經 凡 註 文提 如盟字、伐字初見者紅側抹 解 經 文 及 所 以 書 不 書及《

問》中間 目 及 設 難 以 問 者 紅 側 抹

盡之意及問外之意 通 發明全段 正意及 大 而 于 卷 正 後 文 發 有 明 所 本 段 發 明 未

者、繳上正意者紅測 點。 繳 處 或 分 節 目

者紅測圈

證 此、始此、 原先王盛 他年所書 又見 時綱紀、 八他經 等黑 典 正文、他 側 禮及攷證 抹 他 人之説 人之説 實 事 及 及 倣 止 引

> 足 索 引文義 者黑測 點。

説

者

既

引

證

事

實,正文之下

又

自

敘

演

補

諸説之差誤者青測

説 者 循 差誤之説 而 點。 推 以 顯 彼

之誤

者

青

提 綱 要、斷 解 經 文 制、精微之語黄 細 節 意 盡 紅 半 測點。 截

通 解 經文全段 正 意 起 處 紅全截

或

三九

#### 秋 本 義

## 春 秋 本義通

事 是理 曷 大 其 經 拘 例 相 而 本義》有云「義見 因 甪 . 會 私 之 書 嘗先定凡 拘 之哉。 非 説 某 即 盟 執 事 春 以 也。 其 其 或 之 彼 例」者得之。 設 爲 秋》之不 大 有之矣,亦未 罪 以 教。 私會之罪 法於天下,曷嘗設凡  $\wedge$ 以 如朱子謂 比 例 無 春 見 凡 此 秋》有自然之法, 而 不 明,凡 其 修《 也。 司 、某年某事」者, 非 情 若當 天子之事 無 也 春秋》哉。 何 及 例褒 必若今之説 則 不 而 乎孔 同 其. 営某 時史氏 其 罪 貶 也 爲 子借 而 害 有 事 盟 1之也。 例 因 非 而 邨 或 之作,則 用 私 則 魯 参春 以 是 其 凡 重 日 某 相 史以 各 待 爲 事 例 焉 法,某 盟 秋 有 子 聖 其 邪 而 者, 所 作 者 凡 ? 之 事 著 亦 私 己, 復禮

焉。 惟 罪 其 各 侵 有 其 有 罪 輕 伐 私 所 因 之 重 亦 相 焉 侵伐者,其 無 各 即 有 不 其 此 所 同 因 孟 因 以 故 子 即即 侵伐之罪 見其 有 有 其 義 彼善於 因 情 見 以 無 則 某 見其 此之 其 不 年 同 罪 某 情 也 有 事 説 則 邨 之 其 而 重

人

云。

惟

其

情之

有

淺

深,

罪

之有

輕

重

一, 故

本

殊之謂。 滅 之下各附 圍、 取 0 先儒之論,以 學《春秋》者,即 朝、聘、奔、 如 見 其義。 凡 此 非 而 王 推 之 此 事 亦 而 則 理一 諸 凡 侯 僭

焉、大夫攘焉者,其罪皆 而 重等差亦不能 已 乎 ? 日 : 逃焉 未 也 曰 : 議 可 其罪 然則孔子 見, 將 而 以 其 懲其 徒 情 議 罪 惡 其 之 懲 罪 輕

其惡將使之反 0 克己,所 以 諸 復禮 無 惡 也。 而 已矣。 不克己,則不能 故 曰「克己 復 以

禮

不懲惡

則

不

能

以

遷善。

故《春节

秋》

己復禮之書 此 凡例褒貶之所 而 後 由 世 興 们 也 知 聖 自 人 議 凡 例 人 襃 罪 貶 惡 而

者

會

克

24 0

繆,則 幾 也。 説 則 乎 悉 泯 興 於《綱 邵 而 能 愚 聖人之心 子、朱子、鄭 痛 此 領》,兹 所 埽 非 言 其 細 者, 弊 故 不 不 復 凡 也  $\dot{\Box}$ 夾 論 漈 例之陋 於 至 此 世 於 吕朴 説 無 其 ^ ^ 春 書 鄉諸家之説 若 春 秋 雖 夫 秋 **>** 存 襃 》,其 之 貶 大 其 之 弊 用 庶

E

也

己

此 使 其 也 自 家 民 則 而 凡 馴 某 īF. 使 不 木 有 所 爲 極 某 君 齊 漸 弑 mi 而 謂 君 財 君 卿 之失其 夫 春 至於 妻 者 之賊 自某 帥 耗 秋 人 屬 淫 也 師 辭 防 禄去 所 而 ~,夫人 君之失其 皆 馭 微 馴 比 能 軍 子 歷 慎 事」之法。 公室。 而 政 而 知 奢 書之, 始 至 之 所 故《 使 彻 兢 於 在 能 大 道 戕 馴 以 自 夫 本 兢 臣 知 而 其 某 而 爲 專 也, 惟 業 也 肆 義 身。 君 或 至 天 意 其 業  $\forall$ 然 馴 君若 但云「義 於 下 之失其權 弑 侵伐入滅 而 致 而 自某君之 滅 之大 其 不 弑 至於弑 其 君 敢 贅 之 家。 戒 肆 見 罪 旒 由

> 明 著 隱 Ź, 其 几 見 年 而 弑 **>** 非 之 衞 舍 由 州 弑 吁 故 君 事 本 之 事 罪, 之下 惟 但 其 各 屬 著 附 辭 人 先 比 君 儒 事 之 之 過 説 有 以 而 以

^

謂「不 之類, 詳,前 之下 白,而 先儒 易 者 其 貶 去其 而 見云 所 凡 可 一二句 之説 例之説 長。 大 敢 不 所 於 改 晦 爾 凡 於 引《 能 「明 則 後 不 害 先 二家 注 改之。 非 明 無 分義」、「正名分」、「著幾 理 春 汩 如 儒 敢 脚 疑 敢 者 其 程 秋 傳 則 説 妄 E 自 子 **>** 心 故 此 取 百 加 添 可 事 如 執 思 ^ 闕 其 注 去 删 吕 春 時 己見,凡非 故故 則 經 後 而 脚」之法, 取 則 秋 或 朴 取 説 不 删 不 序 與 鄉 必 必 其 録。 之; 得 **五**  $\forall$ 經 有 究 前 子、 其 盡 意 其  $\ddot{\exists}$ 竊 論 或 説 使 善 得  $\pm$ 不 指 》, 正 意 觀 倣 大 耳 微」三 合, 歸 前 字 者 朱 寅 段 特 者 簡 子 建 未 大 害 其 略 以 而 是 條 切 明 所 免 明 以 襃 Œ 理 後 取

之意 説 亦 故 取 者 大 經 去 之也 以 必 取 傳 意 而 兩 之,其 先 兼 也 主 而 本 説 儒 見 渾 晦 者 之説 己之見,亦 而 且 成 所 不 以 其 鑿 明 以 合 一説 義 與 者 白 敢 者去 經 始 爾 亦 因 之意未足 備。 者,以 相 非 傳 不 之, 違 敢勦 少 而 其或 云 其 也 益 其 爾 法 先 明 有 以 必 非 甚 儒之意以 者,因有之矣, 故説之合於經 經 附己意云者, 盡 約 敢 此事 爲 舍先 也。 之主 之旨 爲 儒之 其 也 或 己

哉 故 餘 末 下 也 Щ 也。 引 意 後 復 、又有 引 諸家之説 事 欲 日 蓋《 實 諸 其 子之引諸家之説,其亦有重 家之説 春 此 成文,故 前 而 編 秋》一事 後 後 以 竊 議 始 足之。 者, 做朱子《集註》之意,先訓 末,一 論 不 其餘 得 兼 議 數義 盡 諸 家之言 論 意 删 家 即 本 也 之説 也。 木 可或 贵 . 義 義 之外 所 贵 能 其 也 複者,何 謂 免 盡 前 前 重 該 别 後 其 後 有 始 詁 複 ? 卷

> 者 多。 想像 之,乃於一字之間 慎,至卒之不可救者,往往皆是,而 以 始末者,一 之,使經文渾 論之,正所 後 · • 事 見。 理 測 本義》之旨 義 其 爲 或 事 度之説 推 自《 詳,不 自 事 謂 事 微 者 成 春秋》之始 必 屬 所 而 常 也 明 得 有首尾,必 辭 至著, 由 白 少 而 以 \_, \_\_\_ 比 生 究 小 事」者 即 也 其 自 巧 始 事 0 至 義,此 輕 私 而 而 中、中 今 合數十 也 而 見 智 前 似 至 終, 其 窺 後 此 大凡《春秋 重,始 至 年 穿鑿附 聖 者 相 先 庶 終, 人 聯 之 學 悉 儒 之意 者 者 之不 而 通 埽 或 常 除 總 口 而

《春秋》者終莫之省,甚可 侯 大屬 百 必 孔 無 四 王,未若是之甚 + 辭 門 傳 比 傳 稱 年 事 授 屬 之事 , 有 之格言, 辭 比 小 而 事 屬 比 也,終則 辭 觀 而 者 比 之。 漢 ·, 惜 事 儒 春 也。 記 秋 天王不若一 春 其大者,合二 之耳 》之大 夫《春 秋》之始,諸 秋》有 法, 前 列 説 此

延

廐

凡《

春

秋》之事

無

不

皆然。

人知

此

未 或 也 終 甚 之 則 也 君 專 則 或 終 伯 始 而 則 中 也 無 至 或 諸 諸 於 滅 侯之大夫,未若 侯 滅 諸 同 侯。 始 列 也 之國。 始 夷 也 狄 諸 未 其 是之張 侯 若是之横 小 之伐 · 者, 也, 合 或

齊, 至 正 動 政 文姜之喪 終 而 終 終 十七 莊 則 則 則 公忘父之讎 至於淫 至 至 入,其終卒有 年 未 於 於 除 而 滅 篡 始 而 亂 其 娶。 其 如 而 身。 齊 位 奔 又 納 主 Ļ, 如 幣 始 始 Ŧ 0 躬 也 也 姬 又 如 書 夫 諸 如 昏 齊 子 人 侯 魯 與 逆 百 昏 專 桓 齊 生 女,先至 見 姻 恣 於前 人狩 之 殺 而 於 不 妄

子 大 弟 夫執 預 或 或 之 之 得禮 卒不 其亦 也。 諸 常之事,而 禮 説 儒 ~° 自 公》、 能 其 孔門弟子聞 踵 矣,喜之嘉  $\equiv$ 辩 三傳 守 既各見於《本義》、《辨疑》、《  $\sim$ 聖人 之繆而

權

終

則

至

於

弑

其

君。

始

也

數

十年

一之事

而

比

觀之。

始

也

春 秋本義 通 論

又

如

書

王

人子突救

衞

而

衞

侯

朔

X

于

衞

又

而

後

夫人

姜氏弑閔、

遜

邾之亂

兹

不

復

論

書「公至

自

衞

」, 又

書

齊

人

來

歸

衞

俘

又

如

無

麥禾」

而

築

郿

告糴

于

齊

而

新

則一 字 襃 貶 與 先 定 凡 例 而 作  $\sim$ 春

説, 法, ^ 八當自 春 傳至於今,凡傳《 秋 其言,《 穀》亦 **\*** 廢 不 百 以 之矣, 必 有 於聖師 DU 左氏 爲禮, 多辨 十· 二 以 則 爲 》多以《春 春秋》者 年, 也 之言歟? 爲 喜 是 常 之 可 皆 喜 嘉 事 非 之者 爲 也 ,皆能言 常 秋》之事 然 口 之 岢. 嘉 而 事 哉 有 夫 0 之。 既 爲 非 傳 此 之

不

察,

同

然

辭

甚

미

怪

《或問

#### 四四四

# 春秋本義問答

改耳。 《本義》以 既 爲 周 辨 葉氏云「王者以 也 月 IE. 蔡氏《書傳 一,而 歲首 爲 建 朔 證 義 以 子 歲 則 甚 Œ 間 又引趙氏云「王正 故《商 則 明。 首 月 必 베 「元年 改。 IE. IE. 爲 七月》之詩「二之日 IE. 》,謂「三代改正朔 然 凡 朔 月者建寅 建 書》「元祀十有二月」, 朔 竊 朝 商 春,王 寅之月, 必 正 事, 詳 會大事,必 建 用 朔一 朱、蔡之説 **H**. <u>+</u> 亦 Œ 之月。《 吾 則 月。 天下」, 豈有周 月者,王 則 月。 儒 正 是周 此《春 以 所 朔 鑿 而 特 當 IE. 必 或問》 月數雖 不改 未 者之所 冰 紀 朔 明 用 秋 嘗 二,以 以十二月 月之數不 辨 行 十二月 改 中 月數」, 事 者 開 不改 十 爲天 班 夏 引 卷第 用 IE. 今 今 ;

胡、張 月」三字有 仍 子 寅之月爲 字甚順,而於「春」之一字有 以 而 夏 諸 乃 之 儒之以 班 正月,則於「春」字甚安,而 正 所未 夏 之正 朔 建子 妥。 天 朔 爲 乎 下 此乃千古不 ? 正 平 一月,則 ? 周 改 未安。 大 正 概 於「王正 斷之疑 朔 如 於「王 矣 若以 左、 而 月 IE. 建 乃

更詳之。

+ 夏」、「六月徂暑」等詩,顯 正 首 祀十有二月,伊尹 改夏正 亦 月 月 ,數,不 矣。 也。 未 數 二月爲 月。 嘗改十一月爲正月 答:「隱公元年春,王正月」,改正 ,以十二月爲歲首矣。 何謂 而 必疑。 其 Œ 周 改正 日 月 禮》 也。 所 一之日 朔不 一書、《七月》 奉 可 周 嗣王祗見厥 疑者,魯公即 改月 改夏正 觱發」,正 也 數 然 其 不 口 以 而《 他 必 考。 十· 一· 祖 詩 指 如 疑? 書》稱 位 未未 皆 秦 之 四 月 朔 改 嘗 在 月 用 蓋 爲 不 夏 惟 夏 改 元 商 改 IF.

時

以

施

政

斯斯

民

依

時

以

則

月

爲

春

,以二月爲

夏

禮

》及《月令》、《汲

冢》等

必書之事

可

見矣。

蓋

四

狩

則

仍用夏

正。

祠

夏

禴

時

使民

春

耕、夏耘

秋秋

者

以

正

朔

一天下」,

如

此

十月行

事

覲

同,

則

商

以

二十四氣皆差,而農作 、秋嘗、冬烝,春 新天下耳目 十二月、周 觀《詩》、《書》、《易》、《 了**,** 五 興 Œ 斂、冬藏 正 而 曰 時 書 也。 月爲 正 非 作。 而 朔 蒐、夏苗 耳。 每 斷 與《春秋》, 릲 月。 嘉 史 時,祭祀 以 者 不 至 記 歲 平 秋,八月爲 向 葉氏 + 了, 天 可 漢 然 此 首 使周 惟 易, 云 子諸 武 其 皆 亦 又 即 秋 7所謂「 月、秦 非 帝 敬 不 先 每 始 以 天 位 凡 節,蒐 獮、 + 子 非 授 與 改 改 書 歲 皇 侯 冬, 順 周 冬 春 以 朝 月 曆 + 首 時 民 王 若 之名; 夏,豈 人肯 狩 故 順 令》、《王制》言之乎? 夏 「正月」之上,亦甚妥。 之,「春」在「王正月」之上,既甚 商、周、秦 二月、十一月、十月者,即 所 周 IE. 班 之孟 周 非 自 有 即 律 時 月,建子 名。 言 改正朔之名。 授 爲 改 殺 位 有 之乎? 苗者,仲夏除 一、朝 秋,農 於經 時 四 物 麥? 之名 仍 時 夫夏之孟 稱 <u>+</u> 覲 行之, 用 Œ 無 乃登穀, 夏 會 周 月 月者,皆 見。 惟 正 狩 之孟 同 亦 則 其 夏,天子 等 者, 況「改正朔」三字乃 潤 凡 不 違 而 四 事 天子嘗 害苗之名; 秋,豈 商、周、秦於 改 時 建 仲冬圍 蒐者,仲春 時 此 建 在 爲 害物、名 其  $\mathbb{H}$ 民 朱 寅 十二月、十一 嘗 春 所 十二月 事 子 有 月 新 IE 麥, 改 順 守 不 晚 穀 也。 月 IF. 可 取 實 庶 獮 ? 若 年 擇 而「王」 朔 歲 不 移易, 錯 物 者 人 ·之論 周 惟 取 由 首 改 也 而 之名。 薦 亂 仲 之孟 漢 是 禽 其 稱 月, 爲 ^ 在 月 故 潤 觀 凡 儒 商 秋 +

法,用

夏正,

每

歲

首

始

書

數之明驗。

而

所謂

改

月

,未嘗改

十月爲

正

月

先書冬十月」。

漢

用

秦

IF.

以

+

月

爲

歲

首

矣。

年

+

月

更

名

臘

DЦ

六

氏、葉氏 晉、魯、宋各自有 ·, 伊 之 古 亳」,則 所 辨 徧 + 有 欲 ? 》實 **「改正** 在 歲 者 行 位 以 而 改《孟 尹 +於 + 首 君 有 反《 敢 在 之云 此 奉 出 有 是 # 二月 喪, 於《本 IE 其 於 嗣 孟 朔 子 次 凡 者,以 月 故 月 可 嗣 朱 不  $\pm$ 子 月, 第 註 朔 商 疑 也 蔡 爲 子 改 子 · 義 集 了; 伊 推 祇 王 0 何 者 氏 夏 門 月 踰 註  $\approx$ 曆法、當獻、惠之世、大抵 此 周 之, 即 見 獨《 蓋 解《書 》之論 九、十月」之説 也 尹 年 數」之説, 也。 七、 位,必 厥 商 或 周 曼 始 又 春 祖 既 八 問》 及 之 以 淵 即 秋 [》,親 何 哉 ? 《考《唐 以 月 在 冕  $\pm$ 位 親 謂 及 用 在 元元 爲 與諸 改 + 服 不 聞 承 可 夏 建 夏 有 然, 今陽 奉 朱 其 志 疑 年 祀 Œ 元 寅 Ŧi. 侯 嗣 者 ? 師 子之教 =終 + 而 IE. 必 何敢背 而 即 月 王 恪 之 春 月 喪 有 取 在 其 也 位 論 月 秋 即 所 歸 即 捎 夏 書 魯 **春** 秋》大 冬」者,果 以 + 此 自 人 賤 以 愚 某 時諸 位。 皆 不 朔 心,以 今年 爲 伯 明 所 也 敢 竊 用 秋 不於建 故 月 之者 異 以 質 取 侯 夏 内 義,  $\forall$ 冬 敢 之。 之僭 孔 論 開 正 扶 夏 : 在 子 班 則 卷 外 自

言之, 子 因 由 亂 然《  $\dot{+}$ 而 是 舊 也 其 唐 史 知 可 月 春 志》之外, 故 而 疑者 即 秋 日 不 位 時 革 「其 「, 亦 ·, 直 而 魯 文 更 粗 以 公 書之, 則 無 通 建 不 史,其 其 他 寅 奉 書可 以 唐 正 義 見 月  $\pm$ 矣。 考, 則 即 IE

於《本 此 也。 義 影引 夫 夏 朱 正、周 子 晚 年答夏氏 E 之説, 雖 爲

在 第 夷 於 防 正 義 微 義 古 慎 明 不 始 道 可 大 尊 以 事 君 不 立. 抑 講 教 臣 而 貴 以 IF.  $\pm$ 春

綱 常。 相 矛 其 盾 夏 Œ ^ 春 周 秋 īE. w 先 之説 務 乃 IE. 不 後 在 儒

班 曆 授 時 亦 或 之大 事 周 亦 當 在

然則《 何 明 月 年 本 也 正 義 朔 引 於  $\Box$ 趙 諸 : 氏云 侯」, 此 無 「古者天子 所 明 謂 文 口 今年

時

位

乎

亦

當

建

蓋

于

吉

月

公

即

愚

正

其

説

己

而

周

定

寅月 今依 侯奉天子正 在 時 爲 冬十二月,亦 蔡氏 曆。 IE. 説,則 月,安在 一朔乎? 自漢武 周 不可 當 其 帝歷 曰:古之班曆授時,猶今 在冬十 爲改正朔,安在 知也。 魏、晉、隋、唐 户。 曰:商、周 其 或 其 以 班 至 爲 既 曆 於 諸 以 授

今,皆用

夏

正。

國之大事,皆在寅

月。

今之

時曆,雖與古異制,然使民

依

時

作

事

則

百

時,周 雖 也。 來 此 夏之四時 不 改 即 天下 改 古者 正 敢 朔,而 Œ 違天 也,天之四時也。 朔 奉天子正朔之義,斷 孰敢不遵? 而 班夏之時,亦何傷哉? 而授時乎? 遂廢 班 曆也。 孰敢自定 由是觀之、商、周 夏不敢違天而 夫夏之四 不 可 曆 因 法 漢 一時,非 哉 武 授 以 ?

子糾 白謂 孔 子不以 祖 爲 問 述程、朱,而於此一事,乃取荀卿 弟。朱子一 桓公爲非。 九年,齊人取子糾,殺之。」此一節, 依程説。 程子斷 然謂桓公爲兄, 今《本義 · 序》 而不

> 係,恐必合從程、朱爲是。 從程子,何也? 此正人倫之大節,綱常

所

《公》、《穀》雖無「子」字,而「齊人取 《穀梁》曰:「惡之也。」程子以大義推之,而 故《公羊》曰:「其書『入于齊』何? 篡也。」 卿、司 也。「公伐齊,納子糾」、《左氏》有「子」字, 小白入于齊。齊人取子糾,殺之。」謂桓公爲 立者也。又《春秋》 桓公爲兄,非有所考也。 桓公於此單書「小白」之名,又書「入于齊」, 之」之文,則《左氏》、《公》、《穀》皆有「子」字。 者,必當立之子也。 愚所以取之,蓋亦有爲。大凡《春秋》書子某 弟、子糾爲兄者、《公羊》、《穀梁》之論,而 胡邦衡、孫莘老、吕東萊凡三十餘家之説也。 答:《莊公九年》:「公伐齊,納子糾, 馬遷、杜預、孫太山、胡安定、劉 其單 凡書 雖引薄 稱名者必庶 入于某者,篡 昭之言以爲 子糾殺 孽 原父、 位 不 疑 齊

哉 ? 之説 其言 平 決 弟 弟 糾 故 其 證 有 道 也 亦 間 之 次 云: 疑 事 桓 仲 蓋 其 而 ', 未 弟 也 馬 矣。 古 文 之器 而 其 亦 朱 取 夫 糾 在 遷 襄 庶 孟 敢 之 不 其 有 子 義 又 蓋 奔魯, 不 薄 謂 兄。 公立 乃云 所 子 盡 事 小 足 嘗 之 厥 特 大 昭 子 據 哉 從 未 於 後 舉 緇 荀 之 願 殺 糾 矣。 鄧 一荷 安, 小 程子之説 有 荀 桓 卿 學 大 今《 前 爲 驥 而 白 卿 公、 之言 領 誅 孔 卿 贵 夫 次 孟 亦 本 者之功 之言 之莒。」杜 ,一宗程、朱, 數 ^ 子 謂 可 管 孔 弟 티 : 子 義 論 不 也 者 桓 雷 仲 子 亦 者,以《 語 , ~ 當 鄧 則 公殺 也 祖 非 口 謂 者 耳 集 史記 桓 驥 亦不 其 述 不 甚 · 贵 孔 註 仲 預 羣 公, 謂 程 兄 説 以 多 春 子 尼 弟 亦 • 襄公 小 能 以 真 雖 桓 而 川 也 許 秋 朱 之 日 恐 齊 許 白 争 公 無 取 不 桓 徒 : 禍 世 之季 之 事 書 故 程 或 而 其 爲 爲 疑 子 公、 及, 家 辨 之 法 仁 非 季 於 子 此 無 日 之言 之道 問 管 當 吕、 朱 義 不 名 以 則 之意」,其 「養之以 氣 辨辨 象。 仲 時 子 口 爲 虚 日 游、楊 與 之論 不 莫 則 定 朱子 之 曉 心悉 伊 聖 若 功 學 曰 又 福 ]1] 而 忠,

謂孟 程子 遠宗 朱 如 子以 修而 之言 子 此 近 孟 己之長 而 求復 不 學 子 孟 少 程 者 子 之」,云「未合子 假 子 方 也 闢 者 人之 其 Ŧī. 也 而 辨 霸 集 修 而 短 爲 註 道 作 猶 王 思 引 中 謂 有 本 之 此 楊 程 庸 等 罪 文 子 氏 或

賢之言 三家 辨 隱 之 微 固 密。 有 謂 發 以心言之,則程 其 端 辨 而 程 未 吕 竟者 中 字 子不 學 間 者 尤 若

意,以 未 其 得 辨 爲 程 審 定 子 其 論 謂 歸 未 中 其 字 可 辨 因 執 程 過 其 子 不 謂 言 及 事 而 IIII V. 澽

待

下

之道

莫

若

恕

則

F

此

則

程 如 易 子 是 傳 也 者  $\approx$ 數 蓋 相 + 悖 程 條 者 子 嘗 不 及 謂 可 觀 勝 義 朱 理 紀 不 子 無 窮 易 口 或 謂 本

未

及定,或其門

人

傳授

之訛

學

下 而 書 聖人之情 小 白 以 正 亦 其 可 見 矣。 又 書殺 愚於《 子 或 糾 問 以 》辨之頗 正 其 忍,

不贅述

者當

守

其

大綱

大

領

而

辨其一二

疑義。

若

代論 未爲 似。 意。 概以 贖」之語。 掩 功 事讎之罪,固 及太宗殺兄,而王、魏事之,固 歸,不求吾心之所安,亦 而 秋》者,正義 而 爲弟,而管仲事之,正與王、魏事太宗之事 子言之,是或 亦 與齊、晉之旨觀之,則《論語 春秋》定其罪, 昔唐之王珪、魏徵,建成太子之臣 治 程 害義。 似未 又以孔子與 不 可 者 子之言 泯。 取 不可謂 此 若孔子作《春 明道 程 岢 不 故朱子謂「王、魏功過不 子 道也。 而 可 非 人爲善之意,與孔子不 之書也。 王 謂「王、 人倫 縱,而其匡 稱 觀其上 魏爲小 好 大節綱常 今以子 非程子所以教人之 字, 魏 書子 故《 秋 後 人。 太宗致貞觀治, 不 **>** 糾 雖 有 糾 論 則 究 許管仲 所係。 嚴 有 王、魏 語 爲兄,桓 大罪,然 以 指 》許其 功, 矣。 Œ 意 其名 忘 以 之 何 之 得 而 也。 功 功 相 君 近 所 春 相 公 朱 足 詳,亦

四九

## 春秋本義卷第

四明程端學學

錯 之所記,必 杜 舉 氏 以 曰:「《春 爲所記之名也。」 表 年 秋 以首 》者,魯史記之名也。 事 年 · 有 四 一時,故 史

公名息姑,惠公之庶子。

隱

其 春 革者也。」啖氏曰:「西周紀傳皆以本爵, 氏 隱 私 秋 曰:「臣子之辭、《春秋》從周之文而不 僭 也 時 謚 」。」愚 則 也。 皆 謂:《春秋》,魯史也。 稱 魯侯爵 公, 夫子因 而稱公者,康 而 書之,以 侯 在 魯 明 胡

隱而死。 或 修,貢職不奉,號令無所束,賞罰 然後《春秋》作」,適當隱公之初,故始於 也。」木訥趙氏曰:「凡諸儒 政、皆諸 加,壞法易紀,變禮 東遷之後,周室微弱,諸侯强 者,非他,以平王之所終也。平既不王, 隱公。」○孫 子道既不行於天下,於是因魯《春秋》立 者,皆僭稱公也。 孟子曰『王者之迹熄而《詩》亡,《詩》亡 百王不易之大法。平王東遷,在位五 稱公,爲 文侯之命》 一年,卒不能復興先王之業,王道絶矣。 竊號,征 侯分裂之。 臣子之辭。 故《詩》自《黍 伐 氏曰:「《春秋》之始於隱公 而 四出,蕩然不禁。 絶、《春 後倣此。 亂樂,弑 平王莫能 若 書 秋 離》而降、《書》自 学自 「葬某國某公」 程子曰 欲以 君戕父,攘 大,朝覲 隱 中興,逮 公而 天下之 事當 無 所 始 +不

《春秋》之始者,皆妄也。」

元年春,王正月。

紀,何 班明 《公羊》曰:「元年者何? 倣此 言正月? 以此推之, 故即位建始者,各得稱元年以自異。」後 者,天下無不同。 故曰『王正月』,言王之所以 月朔甲子以告於廟,所謂『稟正朔』也 大一統也。」趙氏 春者何? 月不可易也。] 愚案:此朱子晚年之説。 用天正 曰:「王者以 年 也? 矣,而《 Ē 〇朱子 朔 歲之始 王正 所 則正月者,建寅之月也。 於諸侯,諸侯受之,每 正朔一天下 曰:「三王之正 謂 七月》一詩又皆以 月 改正 曰:「天子常以 也。 也。 諸侯繼 朔者,改歲 何言 曷爲先言王 ·故協 世 君之始年也 乎王 班 而 不 時 也。」葉氏 有 今年冬 正 人正 百 月 首 其 月奉 而 月 Œ 或 爾 凡 爲 ? 後 H 周

> 不行 始 無事 事 見《辨疑》、《或問》。 年三月雖有 者,求之過 乎? 凡言「春」、「王」二字爲孔子所 文則史」,敘事且然,況敘年、時、月、日 加損,亦未嘗寓 紀事之常 而 曰:「不書即 也。 繫 益 , 必書首月以 即位之禮、魯史不 日 耳。」然未詳其所 義又見《六年》「秋七月」。 日 法 者也。 繫 事 也。 位 月, 而亦書正月者,以一公之 ,禮之不舉者也。 意於 孔子 月 Œ 又案:《春秋》凡 繋 四 其 因 時 書。 時。 以 間。 魯 不 時 史 惟 舉 故孔 孟子 之舊 繫 之故 此 年 蓋 及 子不得 · 曰 「 其 隱 王氏 莊 無 古 餘 元 時 加

羊》、《穀梁》作昧 邾婁,與《禮記 三月,公及邾儀父盟于蔑。 檀 弓》同。 蓋 齊人 語 亡結 也。 切。 後 皆 邾、《公羊 同。 蔑,《公

程子曰:「或不日,因舊史也。古史記事

羊》 後。 簡 稱 縣 附 及防」之類是也。 大 及。」莘老孫 曰 : 冰 有 口  $\pm$ 邾, 公及宋公遇于清」、「平莒及 字 此 於諸侯,曰 、無麥禾之類是 事 損 略 大夫,如慶父、歸父、行父、丕鄭父、陽 制》 日 「及,與也。」程子 同 張 武 而 當 附 而 日 及 日 王 庸 繫 不 氏 儀 命 月或不備。 封 彼。」愚謂 能 月、 或 日 卿 父者,字也。」高 「不能 其 氏 益 二附庸. 繫 也。」少胡 苗 也。 孔 日 後 時 一及者 裔 氏 五十里,不合於天子, 也。 爲 』。」杜氏 邾 後 愚 如  $\vdash$ ^ 襲 亦 俠 春 倣 謂 : 螟、螽、旱、饑、 戴 曰:「内 後倣 慶 有 爲 曹 此。 秋》 「, 以 氏 或 府 直 附 氏 日:「魯國 此。 日 姓 大 鄒 訓 内 有 庸 郯」、「城 范氏 日 舊 縣。」《 居 居 與 闕 侕 爲 《公羊 顓 一史,有 者 儀 及外, 文, 主稱 附 邾 頊 日 父, 庸 公 鄒 之 邾 如 無 亦 :

故春 城。」 其盟 本子 上 孫 會 侯 有 獻 説 處 之贊牛耳、 戎右職》曰:「盟 日 掌盟 若合諸 : 會 疑 近 父之類 氏 百 可 闃 「蔑,姑蔑,魯 是。 爵 杜 鄭 約之載。 禮 盟之禮, ,則掌其 秋諸侯之盟倣此 日 載 無 氏 樵 : 廢 之法。 侯, 聞 。」愚謂 日 <u>궁</u> : ^ 小 焉。 桃茢。』《秋 周 盟 列 : 則 或 禮 《周 者 盟 而 或 及其禮 共 兖州瑕 斯蓋 。 亂 凡邦 則 載 諸 擅 卿 : 珠 地 天 禮 後書「 之約。」」蓋天子設諸 侯 相 以 盤 世 邾 周 或 官 儀, 不 • 官 盟 玉 一之事。 、玉敦。」《夏 而 魯 丘 司 自 道 有 得 敦。 • • 會 或 損 縣 北 當 邾子卒」,則 盟 陵遲、衆心 疑 專之。 玉 可 益 有 卞 有 »: -面 圃 辟盟,遂 府 盟 故 會 大夫。 縣 姑 耳 詔 不 職 職 聖王 司 凡 南 蔑 明 周衰, 務 杜 邦 城 有 則 神 日 信。 離 在 或 Æ 掌 役 姑 戴 邾

焉 行。 敢 行 與 侯 爲 覲 培 歃 貢 珠 ŏ 之, 魯 各 相 七 戴 而 血 盤 忠 加 觀 害 故干 趙 伉 守 年「伐邾」起文 崇 要 氏 玉 天 遂 信 氏 ^ 盟 疆 盟 私 日 下 敦 春 若 殆 君 戈 則 域 之事 曰 交。」後 無賢侯 絶, 秋 道 恒 以 : 非有 能 之 隱 学之 一 王 立 焉 敵 病 0 譎 制 公 魯 讎 凡 詐 則 緇 居 皆 也。 凡 盟 王 若 故 壞, 也。 書 信 父 交 妄 書 盟 事  $\pm$ 盟 作 有 喪 胡 著 言 盟 誓 則 隱 不 政 。 皆 以 而 〇高 而 E 也 倣 以 諸 公 得 於 舉 義 見 講 0  $\Box$ 此 惡 是 古 侯 屈 自 達 氏 嘉 : 王 大 則 黨 之 己 恣 出 列 , 盟 禮 딘 : 政 抵 ~ 諸 而 而 而 境 也 或 周 之不 盟 天 侯 與 此 何 仇 廢 始 禮 者 爲 莫 下 之 諸 黨 邾 又  $\pm$ 仲 有

夏 Ŧi. 月

鄭

伯

克

段

于

鄢

0

於

晚

切

趙

氏

 $\Box$ 

當

事

哉

?」未詳

是

否

亂

世

之事

贵

有

天

子

與

諸

侯

歃

血

爲

盟

之

作 鄔

之, 位 宛 叔 生 申 開 日 愚 或 縣。」朴鄉 鄭 或 此 事 夏 京京 死焉 : 謂 陵 封 云 爲 伯 呕 驚  $\Box$ 則 Ŧi. 縣 府。」《 鄭 爾 鄢 之 武 兆 月 請 姜 爵 書 段 伯,莊 。」《公羊》曰 西 姜, 請 其 鄭 於 氏 不 潁 他 吕 南 姬 者 左氏 事 制。 · 遂 縣 武 生莊 稱 ]1] 邑 氏 姓 之月 公寤 是 公子, 公。 凡 鄢 張 唯 日 惡 公 **>** 也。 陵 氏 命。」 : 宣 公及 日 之。  $\Box$ 公 生 時 縣 日 王 : : 再 克, 魯 杜 也 弗 無 請 排 共 命大  $\neg$ 愛 史 段, 初,鄭武 張 氏 許 事 京 制 勝 13: 叔 後 常 共 孔 日 氏 鄭 其 弟 段 夫 爲 法 書 叔 使居 巖 : 氏 及 日 徒 伯 鄭 相 世 也 首 段, 邑 莊 曰 公 衆 莊 弟 在 公 州 月 之, 也 公 欲 娶 公 後 若 祭 友 杜 也 新 後 寤 謂 即 虢 立 于 屬 氏 敵 鄭 陽 於 鄭 倣 有

ĮЦ

乘 暱 收 民 叔 蔓 之京 而 不 之,焉辟害?』對 非 日  $\Box$ 國之害也。 可 臣, "『可矣!』命子封帥 貳以爲己邑,至於廩 心 大 草 如早爲之所, 制 厚將 矣 將 **,** 多多 。』公曰:『無 叔 猶 也。 城大 國 請 襲 命 行 不 不 鄭。 事 Ħ. 崩。」大 君將 厚 之 叔 西 堪 不 口 之一,小九之一。 先 將 鄙 義 貳,君將若之何? 除 夫人 祭仲 若 王之制 得衆。』公曰: 北北 不 必 叔 無 況 曰:『姜氏何厭之有? 弗與,則請除 自斃。 堪。』公曰:『姜氏 庸 將啓之。 完聚,繕 鄙 使 君 日 將 貮 滋蔓,蔓 : : 之 一都 於己。 車二百乘以伐 延。子封 自 大都不過 子姑待之。』 寵 及。」大 公聞 甲 弟 城 今京不度, · 兵 『不義 乎? 之, 公子 難 過 欲 其 百 圖 具 參國 叔 與 無 F 期 也。 雉 公 卒 吕 不 大 既 欲 又 生 0

> 鄢。 京。 力 始 京 孫 勝 叛 之 氏 大叔 者 日 見段 段, 段。 驕 鄭 段 悍 伯 人 難 於 弟 制 鄢。 以 鄭 公伐 鄭 伯 伯 至 於 之 諸

怨,親愛之而已矣。其或不中不才,亦○張氏曰:「仁人之於弟不藏怒,不宿

用

兵。

此鄭

伯不兄,段

不

弟

,交譏之。」

不離富貴。今莊公之於叔段,無念鞠子必正之以義,使不格姦,厚之以恩,使

授之大都而不爲之所,縱使失道,以至哀之心,而懷其母偏愛欲奪己位之恨,●

制,如鷙鳥將擊而匿形於未發之先,稔於亂。方其居京收邑之時,可制而不

其 悪以 如如 鷙 待 鳥 其成。 將擊 及其 而 匿 形 逆 於 節 未 E 露,然後以

莊

公非特以段之不才棄之,乃其心實欲

寇

儲

之法

討之,以力勝爲事

,,必誅爲期。

「之」,原重文,今據文意删

六

孔子 伯克 氣者 養 書曰『克段于鄢』,然後忮忍之心施於同 成 因事立 舉形見於筆 段 其 于 惡,待以 鄢 教,録之爲後世鑒。 之辭 寇賊,無復天倫之念。 削之間矣。」愚謂:「 亦 史氏 立言之法 故 曰 : 鄭

烜 秋七月,天王使宰咺來歸惠公仲子之賵。 吁 阮切。 **則**,芳鳳 切 晅音

其文則史,其義則某竊取之矣。」

愚謂 宰夫 道,故稱天王。」愚謂: 所 者,名也。」孔 子加天字也。 天王,平王也。 用。』鄭玄云:『弔事,弔諸侯諸臣。 曰:『凡邦之弔事,掌其戒令與其幣器 用 也 賻 也。」既 劉 歸,來魯歸賵 氏 氏 《公羊》曰: 掌 日 程子曰:「王者,奉若天 曰 : : 弔 何 事  $\overline{ }$ 7,或即 以 此魯史舊法,非 也。《公羊》曰 周 名? 字, 禮 充使。 . 士也 上士 宰 夫 也 此 職 蓋 孔 財 阳

來

之配,終身不變者也,故

無

再娶之禮。

時,嫡 合。 何 ? 合。 諸侯不再娶,再 也。」趙氏曰:「是啓僭也。」〇程子曰 **赗諸侯之妾**,是壞 人道之大經拂 天子賵諸侯之制未聞。」康侯胡氏 **賵者**,蓋以 公之仲子,妾稱也。」 「天王之尊,下賵諸 曰 夫婦,人倫之本,最 妾母繫子,與僖公成風同」,與《穀梁》 仲子者何? 前説 「《士喪禮》: 『公賵 《穀梁》 惠公之母,孝公之妾也。」劉 妾 僭 近是。《公羊》曰 乘馬 亂 티 : 聖人 桓之母也。」程 矣。 束 娶 帛。 母 亦 尤 法 天王,法 侯之妾,加 君舉陳氏 妾 當 以 謹 亂 車 ,玄纁,束馬 子 也 先 其 馬 紀,自 氏。 」,與《公羊》 Œ 名 日 紀之宗也 子 喪事 賵 分。 冠 曰「古者 曰 仲  $\pm$ 春 於屨, 有 氏 子 朝始 秋 兩。 張 日 者 Æ 惠

大夫以 加 襃有 也。」 公而 終之禮。」 類 爲 寵 僭 之始,尚有 也。 亂 而 妻之戒 庶妾之仲子,而立爲夫人,正犯以 功德 張 後,無 九伐之法 再 可 娶。 氏 平王不能 下,内無主則家道 以 以 曰:「天子於諸侯有賵禮,所以 而厚其終也。 夫 復辨矣。 疑焉,故 攝 瀆亂 天子、諸 人禮 治, 所謂 正 夫婦之綱,乃天討 赗 無 惠公之辠,反厚其送 『犯令陵政』者、蓋 仲子 再 《春秋》書之,以志 人之妾, 亂 侯 娶 内 惠公牽於私愛, 之禮 羽 職 不 數 立,故不得 具. 特異。 備 倫  $\wedge$ 春 后 之 所 秋 僖 妾 此 當 甚 夫

九月,及宋人盟于宿。

《穀梁》曰:「宋人,外卑者也。」程子曰:《公羊》曰:「孰及之? 内之微者也。」

稱及稱人,皆非卿也。」 孫氏曰:「外稱

宋,都 詳信 者, 斷 邾,十年伐宋,敗 而求成焉。 曰:「惠公之季年,敗宋 曰:「後爲 也。」杜氏 國,子姓 圃 伐宋」起文也。 宿,小 此 口 内 國主亦 識 則 否。 商丘。 稱及,不可言魯人。」孔氏曰:「宋 矣。」 大夫自盟 國, 、公爵。 愚 曰:「宋,梁 及宋人盟于宿,始通 應 東 與 謂 穆公 八盟。」 天府 平 : 其僭 師取 無 商 此 和七年,即 未詳 宋 紂 鹽 與「盟 張 邑。 城 國 或 縣 尤 氏 滅 是 師 縣。」杜 睢 甚。 曰:「七年伐 盟之不足恃, 周 于 于黄。 凡 否 陽 蔑」同義 盟 縣。 又爲 隱 挂 以 氏 之 也。」未 微 左氏 十年 或 張氏 元 子 地 年 於

冬十有二月,祭伯來。祭,側界切。

「祭,周畿内采地。伯,爵也。畿内諸侯祭伯,孔氏曰:「周公之胤。」張氏曰:

爲

Ŧ

卿

士:

來,

來

魯

也

 $\wedge$ 

氏

 $\forall$ 

日

:

後 命 康  $\pm$ 禮 然。」程子曰:「 書 微 私 辨 者,不貳之也。」〇張 甸 有 不出竟場,束脩之肉 有天子之命 非王 臣,不 一、失人 加 , 所以 侯 杜 不可 幣館 世 不 『祭伯 事 越 漸 胡 命 嚴 君 境 氏 之意殆必 以 殊尊 能 臣 尊 也。」《穀 來」,所以 諸侯 丽 相授受,  $\exists$ 君事 之義,王 輔 有二心者之明 所 一人臣 不得出 卑.  $\pm$ 可 以 IE. 當時 上之禮 也。 以 然者 梁 如 典 所 見 相  $\cong$ 穀梁 會諸 所 氏 不行 無 刑, 朝 諸 交,而 周 以 「, 杜 當 日 : 私 必 絶人慾往 侯 室 氏 侯。 而 治 : 竟中 戒 朋 交,大夫非 成 有 案: 寰 法 不修 之説 反 也  $\pm$ 也。 黨之原 周 玉 左 内 度 聘 與 臣之與 盛 帛 諸 朝 至 弓 之 祭 矣。 内 有 時 侯 來 伯 交。」 覲 此 聘 至 鍭 外 君 之 之 侯 爲 蕩 經 心 之 尊 矢 非 防

> 公子 益 師 卒

天子。 侯之世 卿也 大夫。 卒 子 之。』周室既東,其禮遂廢。 劉 孫終於定、哀之世 再命,士一命。 故《周禮》: 『公之孤 天子,天子親命之,使還其 時、著其名氏 益 大夫. 春秋》 ? 彄 氏 師,名也,字衆父,孝公子。 何  $\overline{\phantom{a}}$ 何以 展 一卿也。 以 益 大夫三命然後氏。」 : 故 氏之先也。」愚案: 内大 卒? 「公之子曰 師 孔子書之也。」 或卒或不卒? 何 夫 而 大意見 以卒? 侯伯 臧氏之先 己? 卒則書之, 豈徒 並 一公子。 之卿、大夫、士 四 執 左方。 古者諸 命 衆 其 朴 彻 仲之先也。 (政,不 其卒者, 卿 國 ^ 故 公子之尊視 鄉 後皆倣 春 ○孫 爲卿大夫。 三命,大 侯歲 無駭 魯三桓 吕 此 秋 復請 記 蓋 H E 当内 貢 其 何 必 亦 譏  $\exists$  $\exists$ 世 夫 於 歲 諸 於 如

始

書「叔肸卒」,以著叔氏之始

其

後

或

氏

之始。

書

仲

遂

卒」,以

著

東

門

氏

Ż

禮 + 夫卒 終 夫 以 之 古者 觀 或 見 而 書 不 世 於 諸侯之卿、大夫受命於天子 少革者,一 氏 變, 經 者 或 三則 書 四 + 名 可 則 有 各考其 聖人 七,其 可 通 考《 因 事 書 舊 春 卒 以 史 秋》 者 見 書 失 大

文 三命 無 以 駭、翬、俠、柔、溺之徒以 後、諸 者氏 ,再命者名。 侯 專 %,無 復 隱、桓之世,猶有 請 命,故 名 見者。 皆 自 賜

也。 大 大夫、士 禮 ,王爲三公六卿 一疑 衰 , 首服皆 弁 錫衰,諸 經。 諸 侯 侯 緦衰 爲 卿

氏。

此

可通考《春

秋》始終以

觀

世

一變者

以 大 如 公子牙、公子友卒」,「公子慶父 夫 著三桓之始。 仲遂卒 服 雖 而 無 猶繹,則是不爲 明 文,然 書「公子彄 以 義 推 卒」, 服 之可 也 以 奔 知 其 著 莒 也 書 臧

> 以 事 氏 連 見 見 ,若子若 書 一仲孫、 義 失禮者 · 非 叔孫、季孫、臧氏、東門氏 孫之卒,以 也。 例 可 故 求。  $\Box$ : 著 此 屬 世 可 卿 辭 各 之權 比 考其 事、《春 事 隨 叔

二年春,公會戎 秋 》教 也。 于 潛

日 不 故故 書首 但 月 書 與 春 繫 而 事 른 之 月 若 者 亦 書首月, 此 會 失 其 則 疑 月

此 會爲正 月事,故并首月不書。 此 亦 魯

之 史常 爲 法也 會 一,禮 也 後 凡 劉 旧 氏 書 日 時 者 : 倣 西 此 方  $\vdash$ 會 戏。 與

辭 啖氏 ~。」杜 日 氏 : 凡 □ -戎 狄 陳 不 留 分爵 濟 陽 號 縣 東 而 南 君 有 臣 戎 百

也。 潛 二, 魯 戎 請 地 盟 ]《左氏》 ,公辭。 程 日 子 日 修 惠 公之 周 室

城

好

既 明 衰 大義 夷猾 一而攘 夏,有散 斥之,義 居 也。 中 或 其 者 1,方伯 餘 列

九

子之事 春 中 及 之際,未 會 華 慎 各安其所也,無不覆載 子之有小人。 室之患耳。」 書會,皆惡 而 人、外君子爲否。 在魯之東郊者也。 淮 戎伐 會而 也 親 國、外四夷者,王道之用。 是故 戎,非義 古 夷、徐戎』,此 戎狄,致金繒之奉,首顧 封 所 秋 故《 凡 守 不 謂 會諸侯 伯 與之盟 口 春秋》尤謹 『戎狄 得 也。 之 也 也。」 則 出 内君子、外 康 孫 知 於 會 蓋 侯 是膺. 内 ,故書此 若 高 魯 諸 氏 王 徐 中 中 胡 與 侯, 會 朝 氏 曰:「諸 州之戎 或 氏 者,王德之體 或 華夷之辨 之 盟 一之有 , E 日 小 而 況 乃 和 以 而 戎 : L 外 所 會 居下 「隱公居 見事 先 好 久居 四 戎狄 爲 適 侯 以 戎 費 與 夷,使 泰 乎。 非 容 以 以 以諸 也。 戎 誓》 始 # 公之 貽 有 其 免 内 猶 會 或 也 之 稱 喪 天 爵[ 君 王 凡 以 夏 内 小 侵

> 朔 者,其知内外之旨,而 族 也 戎 類 所不加也,奚會同之有?」 狄 ,其心必異,萌猾 以 而 差胡 朝 諸 而 夏, 居 寒 位 内 王. 無出 明於馭戎之道 夏之階 侯 之上 入之防, 也。 亂 常 知 此 非 失 説 序 IE. 我

夏五月, 莒人入向。

舒亮切

義,不 名氏 以 武 孔 如 師 秋 克内 衞 少 : 下  $\pm$ 氏 齊 人殺 「後爲 杜 爲己: 亦曰『某 稱人。」程子曰: 封兹輿 曰 : 人 日 口 州 氏 入。」 後 執 執 「《譜》云莒,嬴姓,少昊之後 密州 姓 吁」之類是  $\Box$ 鄭 期 : 人』。」愚 例 詹」之類 於莒。 + 莒縣。』《公羊》曰 倣 以 莒國, 水水之。 此。 世 一世 也。 謂 示不 是 城 兹 孔 也 陽 希聲 本》:『自紀公 氏 丕公方見《 知衆寡, 亦 亦 莒 曰:「向 有 有 縣。」張 陸 衆 汎 : 隨 氏 將 稱 辭 文見 將 姜 卑. 氏 春 如 帥

之國 姜氏 向,向 禮 彼 秋 據 興 或 侯 天 或 主 子、方伯 道,禮樂征伐自天子出。  $\vdash$ 加兵 兵 義。 事 擅 :「《漢志》向 ,處己絕亂之道 邑,逞其私意,見諸侯之不臣也。 府穀熟縣。」《左氏》 也 書 「乎。」康 還。」未詳信否。 直 相侵伐。侵人之境且爲 而 姜不安莒 其 於己,則當 不得免焉,則 書,義自見矣。」〇程子曰:「《春 征 譙 事 討 或 若忿 ٠, :「炎帝 侯胡 不加焉,見天王之不君 龍 而 被侵伐者亦不免焉 亢 而 屬沛郡 而 氏 縣 也。 歸。 引咎,或自辨,諭之以 與 日 東 戰 古 : 程子 南 夏, 莒人入向, 《寰宇記 則 曰:「莒子娶 其封疆,告於天 非 有 春秋之時,諸 曰:「天下 以 向 杜 Ŧ. 暴, 況入人 與 命 城 戰 0 而 屬 張 者 人 也 爲 蓋 人 有 以 于 擅 應 氏 小

> 《公羊 無 駭 作 帥 率。 師 極 0 駭, 户 楷 切 穀梁 》作核 後 同

姓

張

氏

日

之後。」

氏

日

:

侯。 爲 以 以 氏 師 小 陸 無 君 同。二〇 後皆倣 也。」王氏曰:「凡書『帥師』,書其專 命 命於天子; 次 權 承 』。」康侯胡氏曰: 師。」《公羊》曰:「凡將尊 國三卿,一卿命於天子。 不 氏 日 駭,魯大夫,《公羊》曰 國 大夫 : 氏 曰 : 天子。諸侯之卿無軍 或 「擅興 .愚案: 古者 此。 ? 非 再 「公子展之孫 帥 其 再命 命, 次國三卿,二卿 杜氏 師 (國矣。 大衆,陵 小 則大夫專兵,亂 也。 日 國 : 元 一命。 「書『帥 故君舉陳氏曰 極, 諸 侯之 蔑 也 侯 小 : 大 附 展 教衞 卿 或 師衆曰『 劉 二千五 師 庸 大國之卿三 命於天子 或 有 氏 川用 義 無 小 一**,** 三  $\pm$ 日 以 與 或 駭 制 某帥 也。」 聽 卿 作 人 大 百 也 撓 衆 皆 何 白 張 元 師 ;

矣。」 大 侯 夫 專 後 征 專 外 凡 將 莒 面 書 人 後 而 人 千 後 帥 白 乘之國 白 師 内 乘 無 之 義 駭 有 家 皆 帥 弑 有 倣 師 其 弒 此 人 君者 其 極 孫 君 矣 者 E 天

秋 八月 子 庚辰,公及戎 不 能 誅 周 室 盟 陵 于 遲 唐 可 知

唐 請 氏 義 此 示  $\Box$  $\Box$ : 甚 : 盟 日 稱 謂 後 後爲 公與 戎 之 矣 及, 一高 不復 秋, 神 ! 猾 長 單 平. 中 琬 夏 盟 亂 與 解 州 方 倍 或 而 于 張 公及 魚臺縣。」《 與 約 盟 戎 與 唐 范氏 氏 縣 者 狄 猶 之 日 復 當 北 邾 盟 日 豺 : 日 修 「盟者 有 儀 如 不 狼 : 非 戎 左氏 此 武 父 口 而 唐 義 好 唐 牲 , 與 之 與 亭。 也 也 刑 **>** 魯 日 0 戎 口 牲 地 及 詛 盟 孫 張 程 類 以 爲 相 于 氏 子 戎 杜 氏 同

> ?,紀履 之於 信 故 道 求 偶 亂 必  $\Box$ 非 狄 秋 春 : 不 也 戎 援 非 義 華 **>** 肆 而 秋》謹 於唐之盟 免盟 \_\_ 狄 其 也 猾 也 豺 尚 聖人不 緰 而 愚 0 類 夏 以 狼 結 來 華 謂 戎於其 唐之盟, 則 康 後 與 之暴,爲 逆女。 贊。 夏 如 : 111 膺 侯 盟 皋戎而 被 西 隱公不 乃有 之。 胡 深罪 其 漢之於匈 雖 而 終。 氏 陸 垂 毒 悔 中 臣 結 與 日 氏 皋致 隱 如如 戒遠矣。」邦 能 國之大 是 於 主 : 戎  $\mathbf{H}$ 戎 **謹**,會 公之失道 履 「《春秋 以《春 蒙 終, 肅宗 狄 狄 戎者,先自治之 奴。 其 以 歃 緰,《 亦 禍 恥 之於 許 1秋》慎: 血 戎於其始 約 掌謹 將 左氏 婚 以 衡胡 如 戎 而 奚 故 П 約 嚴 德宗 容 作 狄 而 始 及 ^ 盟 氏 以 夷 其 春 西己 裂

孔 在 東莞劇縣。」張 氏 日 紀, 姜 氏 姓 日 : : : 侯 爵。 漢屬 杜 北 氏 海 日 郡 : 後 紀

有

間

隙

惟

利

是

視,則

求

小

疵

而

責大信,

之

繻,

也

九 月 誤

尚

以

也。 屬 逆, 青州 女。」愚謂 不氏,與無駭同。」程子曰:「在魯 迎也。」《公羊》曰 壽光縣 即 逆,當使命卿,不當使大 益都 :「履緰者,紀大夫 府。」《釋文》曰

故稱 夫。紀以大夫逆國 母,魯亦不 ·能以 禮 卻

之,故書以示戒。○張氏曰:「天子諸侯

無出疆親迎之禮,必使上卿往迎於其國,

姻之禮,男女之别見矣。 至於館 所,然後親 迎以 人。」吕氏 王政 以 此爲本。 「婚 闕文也」。

之意也。 之,所以使天下知婚姻之禮爲重,古聖人 故《春秋》内女之歸,其禮不備者 否則淫慝邪僻生焉。」 1,必謹 書

冬十月,伯姬歸 于紀

女 伯 E . 别 姬,隱 婦 以 也 公姊妹也。伯,字;姬,姓。 姓繫字,婦人之通 人謂 歸 稱 嫁 伯 日 姬 歸。」愚謂 別異 姓 稱 也 逆非 逆 命 稱

> 以 卿 往 魯又 非禮矣。 順 其非 又爲《莊 禮 即 使伯 四 年 姬 - 》「齊 隨 其 侯 大 夫

《春秋》無大夫在諸侯上 伯、莒子盟于密』。」《左氏》附會作帛。 梁》作伯。 紀子伯、莒子盟于密。 紀伯姬」起文也 程子從《公》、《穀》,曰 者。 孫氏曰「紀本侯爵,此 伯、左氏 「闕文也。 杜預以 》作帛。 爲 當 云『紀 裂繻之字。 稱子伯

侯

鄉。」義見《元年》「盟于蔑」。 杜氏曰:「密,莒邑。陽城淳于縣東有密

十有二月乙卯,夫人子氏 薨。

妾母 《穀梁》曰:「夫人者,隱公之妻也。」胡 也。 之聲。諸侯國内稱之,小君同。」劉 曰:「子者,宋姓也。」程子曰:「薨,上 曰:「薨者,臣子之辭。」此義未詳。 與再娶者不 ○《穀梁》曰:「夫人薨,不 得稱夫人,而 未 地。」范氏 有 所 竊 考 疑 氏 隊 氏

曰:「夫人無出境之事,薨有常處。

鄭人伐衞。

奪之。 衞。 辠之重輕,則各見於後。 姬 敗,殺掠 稱 失道,而 公孫滑之亂也。」未詳信 師、號師 汲郡朝歌縣。] 張氏曰:「濬州 公十三年,隱之元年也。」杜氏曰:「 致討曰伐。」趙氏曰:「凡侵伐,不書勝 禮樂征 姓,文王子康叔 「人」,見「莒人入向」。 陸氏曰:「聲辠 氏》 其無 衞 東遷之後,無諸侯 人爲之伐鄭,取廩 日 伐衞南鄙。 而還也。」孔氏 諸 伐者,天下 王甚矣。」後凡書 :「鄭共 侯 攘之。 叔之亂,公孫 封之後,居 二年,鄭 國家之大 諸 曰:「衞國 侯錯 此 否。 延。 無大夫 伐 則 命 人伐衞 胡氏 黎陽 經。 倣 鄭 殷 大夫伐 而 皆 滑 人以 侯 此 墟 專 出 也。 大 天 衞 Ы 爵, 夫 子 其  $\mp$ 奔 在 桓

> 之國 焉。」《春秋》書伐二百一十三。 上 秋 時,侵、伐、圍、入,一 伐 無 下也, 義 也 戰 敵 彼 幸 或 老 善 孫 不 於 此 氏 相 티 -則 切書之,以見 征 有之矣。 也。」故 孟 子 春 E 征者 秋之 『春

三年春,王二月己巳,日有食之。

也。 H 三百六十五度四分度之一。左旋於地 後,或史失之也。 事,則書時,書首月。」愚謂: 亦魯史常 『王二月』;在三月,則書『王三月』; 程子曰:「月,王月也。事在二月,則 月皆 畫一夜,則 後倣此。 右 行於天,一 其 言 行 日不言 朱子曰:「曆法,周天 周, 晝 . 朔,或 而 夜 又 則 過 食 日 度。 後 行 朔 法 無

天,又逐及於日而與之會。

歲凡

+ =

歲

而一周天,月二十九日

有

奇

而

周

度,月行十三度十九分度之七。

故

日

微,當 政 姦 事 非 夫 Œ 故 陽 度 月 朔 日 則 會 必 有 了; 小 能能 气同 不 則 不 其 常 月 常之變矣。』《禮記 相 掩 而 服 得 對 遲 方 度 日 日 光 H ·用善 道 食 人 使 日 速高 前 者 會 修 月 月之合東 復 則謫 陵 必 陽盛,足以 月之行 所 則 職 相 蘇 君子 食。 日爲之食 則 下 月亢 對 ,以蕩滌天下之陰事。」康侯 然 使臣 而 以 月 見於天,日爲之食。 必 王 爲 , 夷 當 則 雖 光 雖 有參 日, 者 西 朔。 子 食 月 日 或 都 狄 勝 背君 Wind Hand 同 修 光 而 而 行 當 盡 侵 差 度, 陰。 朔 德 月 望 正 不食 有 中 食 而 而 後 爲 滿 父,妾 而 行 南 「男教 常 . 國 而 爲 不 陰衰 晦 也 之 日 而 政 度, 北 正 月 晦 前 食。 則 月之 爲 常 同道 不 相 不 用 婦 若 而 陰 望 各 修, 合、 避 E 天 能 賢 對 實 + 乘 或 是 盛 日 子 侵 皆 其 不 去 則 陽 爲 陽 無 日 晦 Ŧi.

之來必 忽天 度,而災之所 微 限者不必 秋 交 曆 志》日 象 》不書者 政 家之言 雖 食 而 有 氏 避之,或涉交數淺,或 有 則不食。 象 交而 日 見 有 其 食 大概多人食限。  $\exists$ 矣。 微 乎上,而 也 象, 之災, : 食,天道之常。 三。」後: 如 不 盡 四四 尚多 日 夷 而 《春秋》 食。 食。 此 或 者 咎 生 狄 無 序 倣 一, 則 則 德之休 僭 之 災 之中 其 此 若過 此 乃德 衆 凡 象 竊,禍亂 應。 應 德之所 日 必 陽 日 於下。 書以 也。 至 食 之不 之宗,人 分同 食者 於 張 明 以 弗 必 在 未 曆 曆 牛 氏 克 克 而 戒 分 在 陽 修 滋 道, 不 應 自是 日 也。」今案: 有 推 畏 謹 曆 交 起, 也 月 可 人君不 食 天 陽 至 天 君 小告焉 限 或 歸之常 災,咎 此《春 明矣。 戒,則 之表 而《 而 春 相 盛 變行 其 過 春 口

日

雖

胡

面

王

況

曆

則

以

之異。 之,必 也。 以爲 秋之時,臣 有 繋魯。天下之異繫天下,故『梁 齊、『六鷁 失之矣。」葉 修 道 至 能 乎 秋 日 沙 · 日 一於《春 省, 也,而 推 以 》書之,以 鹿 後 常 之 德 也 崩 而 日 世 數 所 消 月之食 秋》乃 被侵害,必 百官! 而 有食之者,蓋 或 推 也 共 退 皆 災 弑 之異 氏 飛 求 周 啓人主恐懼修省之心, 覩 晉 而 君,子弑父,妻弑 修 是以 日 獨 億 其繫 官》乃 弭 也 有 口 輔 有一 繫 數日 度,指 常 天下之禍 繫宋、『鸜 厥 而 人 有 數 有 非 或 君 后,更不 不 食,何 歸 以 焉。 陳某事之應, 以 救 口 ,故『大災』可 國之異,有天 遇其食,則 咎於 也。《春 繫 天 H 亂 此 也 月 晉 鵒 下 推之於 人 ? 巧曆 也。」 夫,夷 來 食 歟 事 Ш 1秋》書 巢 之法。 ? H 日 崩一、 恐 而 者 高 庶 · ; 君 者, 狄 春 下 則 所 口 繫 數 懼 氏 不 幾

侵中國,則陽之傷也多矣。謂其無以致

三月庚戌,天王崩。

之,不

可

也

几 子 見隱 禮盟 供 纓,菅 葬 侯 或 不 天王 「天王崩」,大略倣此。 天子喪,斬衰、裳,苴絰、杖、絞帶,冠 職 月,簡 臣。 有 字. 起文也。 不 公盤 貢,而 平王 止 月 石 不 屨。 故《 門;三見莒、宋、陳、蔡、魯、衞 居 而 以 「崩、上墜之形。」愚謂 几 遊 葬 喪 Ŧī. 春 也。 武 百 見魯、宋以 觀 之 月,景 氏子求 秋 軌 葉氏 魚 《公羊》曰 事,皆 書 桓 畢 于棠。 至。 以 以 天  $\Box$ 膊,二見齊、鄭 七 譏 其書葬者 嘉禮遇于清 王崩」, 周 月, 年, 三年之内,凡 也。 葬 衰 「天子 以 則 則 禮 以 義 緩。 速 廢, 又爲 後 見『天 見 諸 日 諸 凡 葬 王 以 魯 侯 崩 Ŧi. 天 書 書 伐 繩 侯

王,其 説。 桓 禮 故 襄 秋》必書者,誤矣。 書之故也。 及於魯,而 義同平、惠、定、靈,其志葬者如 É 志崩不志葬。 子 春秋》不書。 一、襄、匡、簡、景志 , 如 書崩 ,諸侯親之可也。 往  $\pm$ 莊、僖、頃崩葬皆不志者,或赴告不 會 前 昭 葬,而 書葬。」 崩 五見 公以 在 或謂 魯 之説。 不 春秋之後。平、惠、定、 葬 叔 其志崩者,諸侯不行 愚謂 無 會葬; 得 鞅 死 他,常事 其 葬 生人之大變,而 文公以 崩 : 其不志葬者,或公 時,常 景 志葬。  $\wedge$ 或 春  $\pm$ 不書,非常 事 秋 叔孫得臣 非 》歷 事 偶 其 其 不 得 葉氏 志崩 十有 書耳 常, 禮 令春 也 之 者 靈 則 喪 葬 而

夏 也。」張氏曰:「當以 四 月 公羊》曰:「尹氏者何? 辛卯 ·, 尹 《公》、《穀》爲 氏 卒。 尹,陸 正。」葉、吕 氏 H: 天子之大夫 《左氏 1諸家同 作 君 誤

爾

之

而

尊賢 其位。 氏曰: 也。 官。 之氐」,則尹 官,故於其卒 衰,士皆世官,政 (柄、黨 以 莫 : 父 既失道,其政亦然。案:《節 八除,人 「言氏者、起其 愚謂 《春秋》於周 刺 族,官人 「古者 也, 是以俊傑 其 功 幺幺 禄以報 稱 與 故 王 此 尹 使 臣之世世其禄 È 既 其 Æ 一之詩 譏 氏 以 衆,威 官 孤 以 在位, 功 世 書 天子 何 ? 德, 當 世』,夏、商之亂 也、故其世 卿 立 也 曰『尹氏』,見 書尹氏、武氏、仍叔之 由 擇。 其 世 稱 爵 而 之世 是 福 庶 也。 譏 以 無 敗。 下 尹 績 來久矣。」康 官 功 世 助, 移。 卿 咸 世世 不 ^ 氏 泰誓》 尹 卿 可延。 也 熙。 111: 擇 或 太 回卿之 氏 大姦根 也。」程 禄 不亡,幸 師 其 南 世 及 而 政 三量 111: 位 官 孫 世 侯 Ш 爲 維 周 不 也 據 授 以 嗣 Æ 之 子 胡 洁  $\mp$ 世

家

周

人

 $\vdash$ 

也

戒 杼 王 厚 子 齋 弑 子 ,於魯書 明 矣。 朝 其  $\pm$ 君之始 之始。 氏 聖人絕惡於未萌,必謹 日 季友、仲遂、皆志 書 書『 | 齊 比 事 尹 崔 觀之,履 氏卒」, 氏 出 其 奔 霜 非 衞 此 其 尹 堅 禮 微。」 冰 氏 此 也 之 崔 立

秋,

武氏子來

求

膊

音

附

武氏 喪。 程 天 譏 以 也 不 其  $\mathbf{E}$ 子 一,求之 之。 不歸 稱 世 子 死 故 子 官 日 失 使 案禮 者 未 武 程 :「武氏 道 者 日 魯 命 貫 氏 子 ,凡君之喪,臣 當喪, 非 賵 諸 雖 爲 道 子  $\Box$ 歸 IE. 侯 不 卿 王 徵 王 王 也。 一天王 歸, 不 氏 也。」《公羊》曰 求 未 生 之 臣 曰 於 君 者 周 周 卿 也。 : 也。」《 四 日 不 崩 雖 士。 或 賻。 致襚,曰『致 可 武 不 諸 以 氏, 求 穀 稱 存 書 侯 歸 求 「... 何 梁》 世 武 之 魯 耕 之 不 之。 卿 氏 趙 以 供 不 者 日 也 交 見 其 口 以 見 廢 氏 īF.

> 熄,王 干 以 几 以 供 秋  $\equiv$ 至 求 求 甸 衣 葬,失臣 年間, 》所 者, 義 世,  $\Xi$ 於 政 桓 於 賻 之漸 王將 見。 賈人』,不 事 有 四 以 賵 以 道之不能 喪 司 經書 喪故。 子之禮 見 爲 之 事 崩 不不 春 不 簡 不 見 之 ; 秋 使 周 供 明 于. 求金, 有 敢 敢 影凡 其官 也 復 室 也。 求 失 闕 戚 貫 以 與,蓋 膊 止 馭 書子 也。 貨 君 以 道 愚 以以 而 几 張 下 襄 也 王 取 謂 事 使其子。 氏 之道 與弟者,多子 已具見。 諸 平 0 氏 王崩 也 爾 日 王崩 侯 日 致 **Ξ** 貢 見 賻 「人隱公 今 而 ; 求 享之不 見 其有 諸 魯 人亡 此《春 周 日 言 官 侯 凡 不 車 政 所 供 納 而

八月庚辰,宋公和卒。

名。 宋 以 死而 王者 名之者 後,故 得 ,别其爲 稱 何君 禮 諸 也 侯 不 侯

公。 取。 禮 以 書 内 書 以 與 口 考其 卒,正 諸 見 見 其 書 後皆 然其 臣 薨 臣 侯 卒 ○案: 子之僭亂。 之僭。 凡 子 以 而 也 文則舊 倣 見於《春 居 外 見 此。 喪, 宋 書 書薨者,臣子之辭 葬 稱 殤公居 期之 卒。 史所 而 公,不 餘 秋》者實爲某侯。 又因 會 見《 緩 將 有,而 盟、侵 喪, 其卒 口 書 五. 速,將著 其 不 年 圃 義 伐, 書 葬, 前  $\stackrel{\cdot}{\approx}$ 與 則 其 書之, 葬 以 其 魯 不 孔 也 本 瀆 0 遇 衞 子 私 可 爵 于 所 喪 又 口 謚 不 故 相

冬十 有二月,齊侯、 爲 温 日 然。 公書 「魯君 以 謂 卒 書 薨者,臣子之辭。 爲 薨,外諸 鄭 貶 辭 伯 盟 者,恐亦未 侯書卒。 于石 門。 然。」 温 劉 公亦 原 父 以 答

喪

廢矣。

比

事

而

觀

**義** 

自

見

也。

朱

子

清,及與

魯、

陳、

蔡、

衞

兩

伐

鄭

 $\equiv$ 

年

之

0

齊侯,僖公禄父也。孔氏曰:「齊國侯

見《元 營丘 之無 末,而. 伐。 之。 猾。 也。 爵 合 或 政 終身未嘗 + 府 城 氏 美姓 也 並 不 臨 西 E  $\Rightarrow$ 二國好 年間 鄭 綱 受 邑縣。」《左氏》曰 南 張 王,鄭爲之也。 春秋》詳 知 臨 年》「盟 之深 齊、 諸 其 濟水之門。」 氏 石 鄭 淄 ,太公望之後。 相伐。 曰 : 禍 門, 是 盟 鄭 莊 侯 合,宋與許、紀 仇 也。 合,天 也。」僖公九 多 而 于 放 「齊 齊地。 書於策,將 專 · 詐,齊: 蔑」。 不食言者惟 恣 蓋齊方强 君 在於 或 下 三國 舉 天下之無伯,齊爲 張氏 : 或 青 始 僖 宋,故 陳 尋 張 成 多故  $\Box$ 州 不義 使 年 氏 相 諸國 八盛,而 티 : 氏 王 濟 後 臨 即 此盟 盧之盟 日 與 딘 : 恃 矣。 而强。 北 淄 隱 封 人考其本 \_ (之)固 交受人、 齊 太 在 盧 鄭 縣 之 齊、 以 公於 天 隱 莊 濟 縣 元 下 鄭 女妓 列  $\pm$ 敵 君 義 南 故 杜 年 公

散。是《春秋》之終始也。」侯之合,書『齊、鄭盟于鹹』以志諸侯之之也。是故書『齊、鄭盟于石門』以志諸

自魯書之也。啖氏曰:「諸侯告喪,魯往不曰「宋葬穆公」,而曰「葬宋穆公」者,癸未,葬宋穆公。穆、公羊》、《穀梁》作繆。

弔、會而已哉?

蓋以周室陵遲,諸

侯僭

卒、葬者,豈徒紀其歲時,從

其

計、 告、 書見惡,聖師之筆也。

《春秋》書諸

氏曰:「訃、告、弔、會,史策之常也。

直

誄貴,幼不誄長。天子崩,誄 皋其臣子。」後倣 秋之時,皆不請 諸侯薨,則請命於天子。」程子曰:「春 而 此 私 益。 劉 稱 氏 私謚 티 : 於郊。 賤 所 諸 不 以

本爵也;他國

稱公,皆僭也。

胡氏曰:

會葬,則書。」愚謂:

穆,謚

也;

宋稱公,

侯薨,誄於王。大夫卒,誄於君。孔

手。

曾子易簀

而没, 豈

苟

然

乎?

死

而

終、大事

也。

必

就

IE.

寢,不没

於

婦

人

之

:『諸侯相誄,非

禮

也。」程子

Ė.

送

子

加之不正之謚,知忠孝者肯爲乎?」孫

私謚之辠。」 私證之皋。」 图,變古易常,驕蹇不道,故聖人書之

春秋本義卷第一

後學成德校訂

## 春秋本義卷第二

## 隱公

产, 上奏则。四年春, 王二月, 莒人伐杞, 取牟婁。 和音起。

於杞。 雖 力得之日 定是何君,當是成公父祖 武 孔 三恪國,在 杞國本 復本邑,亦無異詞。」葉氏曰:「凡國  $\pm$ 氏 克殷,求禹之後,得東樓 曰:「杞,姒姓,公爵,夏禹之苗 九世,成公遷陵。 都 取,不 開 陳 留 封府雍丘縣。」趙氏 雍 當取 丘縣。」張氏 也。 此年杞國未知 也。」杜 不是其 티 : 公而 曰:「凡 氏 (專奪 周之 封 E 裔。 之 日 :

爲 孫氏 其邑以爲己有也。 而 伯,使莒恣焉而無忌。」莘老孫氏曰:「 者,而莒取杞牟婁。上無天子,下無 人人之國者,而莒入向,未有取人之地 諸侯害 趙氏曰:「莒雖小國,東夷之雄者也。 誅,故肆然伐杞取牟婁,甚之也。」存 杞之邑也。」張氏 爲己有,謂之取。」《公羊》曰 人,又取其地,王法所當誅 土地,諸侯所受之封。莒人擅興兵以伐 滅,邑曰 穀梁》曰:「諸侯相伐 國,失德於民,得辠於君,則有 後言取者,先聲其辠以伐之,又奪取 曰:「二年, 莒人入向。 不 取。 滅 於荆、吴。 無宗廟社 曰:「征伐,天子之權。 諸侯受天子之地 取 自入春秋,未有 稷 地 君 也。」後做此。 於是始。」〇 :「牟婁者 長屬之,以 天子不 黜 地之 耕 能 以 伐 爲

罰、降爵之責。非天子,雖方伯

不得

<u>一</u> 十 一 年之間 率然 其 法 者,皆辠其 猶 黜 也。」又曰 以 國 也 諸 不 爲 侯之地 不能 ,滅者三十一。 其 顧 時 志襲者 況 以 春 擅 王 擅 不 其 取 一之命。 秋 易 義 或 諸 公强者: 一,侵者六十六,取 諸 而 與 侯之地,以 侯之 人。 取之乎 是故 皆所以示後世 侮弱,大者加 封 以 二百 ? 或 諸 與 入於己 凡 四 侯 書取 + 能 小 者 Ξ. 有

申 衞 兵。 子。 莊 州 聞愛子,教之以義方,弗納於邪。 而 之名。完,衞桓公名也。《左氏》曰:「 吁 無 公娶於 州 公子 子。 公弗禁,莊姜惡之。石碏 不氏,與二年 吁弑 州 其 齊 其 娣 吁,嬖人之子也,有 東 君完。 戴 宫得 嬀 無 生 州、穀梁 臣之妹, 日 駭 桓公,莊 同。 作祝 弑,下 諫 姜以 莊 曰 : 寵 姜, 殺 而 爲 三臣 美 1 己 衞 好

戊

弑

桓

公而

立。」張氏

曰:「弑逆之事

道

之大變。

聖人於《易

.

坤》之初六言

其

之,無乃不可乎?」 速禍 愛、弟敬,所 謂六逆也。 長、遠間親、新間舊、小加大、淫 憾 也。 吁遊,禁之,不可。 而 淫、 夫 也。 能 泆 寵 眇 所 君 者 而 謂 自 不 君 鮮矣。 人者,將禍 六順 義、 驕 邪 騎 也。 臣行、父慈、子孝、兄 也。 桓 弗聽。 而 Н. 公立,乃老。 四 能 夫賤 者之來 去順 是 降, 其子厚 務 妨貴 效逆, 降 去。 一破義, 而 寵 了 少 不 州 與 所 而 禄 憾 州 以 陵 過 吁 速

久矣。 僭 縱 辩 夕之故, 理,以爲臣子而 也」。 ,夫人失位,見於《衞 其 好 殖之滋長,以 兵 衞 其 而 或 所 不 之 h 知 至於弑君父,『非一朝 禍 來 禁。 始 者 致篡弑 於 漸 詩 公 莊 矣,由辯之不 》,則亂 存之時 公之寵 成 於桓 根 州 妾上 之萌 公既 吁,

夏,公及宋公遇于清

此「及」猶

與

也。

後倣此。

遇,杜

氏

曰 :

之賊 人 者,必蒙首惡之名。爲 子曰 後 君 原 不見,後有 侯胡氏曰:「《春秋》在於端本清 其實皆以善爲之,而 於《春秋》之義者,必 可 立之後。《春 衞 而 以不忠。父雖不父,子不可以不孝。 嗣 臣 禍 • 緑 :「爲人君父,而 ,人人得 至 ,可謂慘矣。」愚謂::君雖不君,臣不 、父子、夫婦之分,一失其 敗之所 於弑君,不言而辠惡極 衣》諸篇考之,所謂『前 賊 由 秋》 而 而殺之也。 起, 不知』者,莊公是 據事直書,亦將 而 嚴 不 陷 不通於《春秋》之義 知 履 人臣子,而 篡 後倣 霜 其義。」此 弑 之戒 誅 矣。 此 正,貽 死之罪。 也。 有 使讀 源。 也 故 讒 不 弑 通 董 康 禍 者 以 君 而 夫

「草次之期,二國各簡 宋公,殤 公 之心。 侯雖非 遇,則 秋》因 不期 有遇禮。 而 見,而不行朝會之禮, 相 趙氏曰:「清水界齊、衞之間。」張 其禮、若道 而 **經帶,不與人坐。宋公居父喪,未** 君之禮。」愚案:禮,父母之喪 「古者諸 「清,衞 周禮》『冬見 接,所 出 與之遇,皆辠也。 境會,遇諸侯。 而 事 近 《春秋》書遇、私爲 邑。 相 遇者,直欲簡 以 者 侯出 而書,以 不期 遇 崇 路 爲 濟 而 禮 主 疆 相  $\Box$ 而 北 欲從簡 讓,絶 · 遠 朝天子,若罷 逢 會,以 遇」之『遇」。」 譏 東 遇也。」程子曰: 其 者爲客。 阿縣 ○康 隱公亦不以 其 非 慢易 明 易,則 故 、禮耳。 王 有清 侯胡 造次 亦 之約,自 事 也。 日 斬 出 以 氏 亭。」 稱 朝 亦 杜 衰,不 遇。 境 曰**.** 「. 簡 其居 遇 卒 有 春 先 氏 氏 略 存 及 比 恭 禮 秋 然 君

 $\equiv$ 

於

古

肅

喪

期

脱

 $\sim$ 

春

相

諸

以

相

日

E

耕

非

無

或

微 易 典法 舍此 適 主 廢 又簡 一矣。」 壞。 易其 常 諸 侯 Ш 事 各 劉 若 逞 氏 道 其 曰 欲 路 : 相 盟 王 逢 會 室 遇 紛 衰

公、陳侯、蔡人、衞人伐鄭《春秋》書遇者七。」

宋

年,即 公。 奔  $\vdash$ Ŀ 其 文 宛 氏 孔 左氏 鄭 王 丘. 有 蔡 子 日 氏 縣。 子 縣。」孔 虞 蔡 桓 日 蔡、 隱 鄭 Ě :「陳國,嬀姓,虞舜之後。 叔 公二十三年, 遏 仲, 陳 之元 度、武 人 衞 張氏 父之子 或 成 欲納 稱 氏 宋 年  $\mp$ 人, 陳縣。」張 殤 曰:「蔡國,侯爵 日 王 也。」杜 之。 復 公之即 滿 : 封 微 封 「縣 於 即 爲 者 及 之。 陳 隱 蔡 氏 也 衞 屬 氏 位 賜 侯, 之元 曰 : 90 州 宣 티 : 也,公子 蔡 後 姓 吁 作 州。 侯 「蔡,汝 年 立,將 不 嬀 亂 即 也 復 姬 失 胡 + 馮 武 陳 號 或 姓 解 H 修 南 八 # 州 杜 胡  $\pm$ 

或

之

禍

未至

如

後

日

之慘。

今乃

怵於

州

而

討

之,

則

舉

而

父子

君

臣

之倫

定,

中

而

欲

納

交殤

公。

苟

能

拒

其

邪

説

告於

 $\pm$ 

伐 伐 弑 衞 君 民。 子曰:「摟諸侯以伐鄭,固爲辠 願 先 其 張 衞 人,其 故 也 爲 君 \_\_\_\_ 氏 君, 主 使告於宋曰 之 宋公、陳侯、蔡人、 一,敝 日 怨 宋人許 天下 惡 此 : 於鄭 甚 邑以 州 則 所當 矣 諸 吁弑 之。 0 賦 侯 :『君若伐 而 義 與 與 誅 求 於 陳、 逆,内懷見討之 大 又 也 寵 是 見《隱 夫 蔡從 於 乃 衞 陳、 伐人之國 鄭 諸 與 人 , 則 以 蔡 侯 修 伐 <del>·</del>矣。 除 年 好 方 以 鄭 衞 君  $\forall$ 睦 和 IIII 而 或 懼 也。 鄭 Z 口 衞 程 於 其

修 吁 是 宋 之 日 或 怨 邪説 從 於 之 事 X 鄰 於兵, ,合陳、蔡以 不 或 於 復 知 是 而 君 弑 馮 臣 逆之事卒及其 得 助 逆 以 逆賊 順 自 之正 古 之黨,而 於 理。 鄭 Ш

程子曰:「稱

衞人,衆辭

也。

舉

或

殺

之

莘老孫氏

曰:「《春秋》之法,雖

弑

九

月

衞

人

殺

州

吁

于

濮

音卜。

其稱人何?

討

賊

之

辭

世

皆殤公不能早辯於此役也。」

暈,許歸切。 秋,翬帥師會宋公、陳侯、蔡人、衞人伐鄭。

大夫帥 陳、衞 也。 之,遂使 虐 衞 翬 世 不 會者 變、扶 ·爲 當誅 無 或 ,羽父也。 、辜、視 者, 搆 ○張氏 聚 淪 師 之賊 怨, 天 胥 中國之人視之爲 而 見二 辭 理 弑 繼 以 而 也。」程 日 亂。 之深旨 君之大變 年。 不氏,與《二年 爲 而 :「宋殤、陳、蔡黨 他 可親 與 或 學者於此當知 一之伐 子曰: 後不復解 與之同 不知 人,其 魯 宋 常 隱 事 夷 伐,其 虐 ৺ 又 狄 罪 劉 無 用 從 宋、魯 聖人傷 亂 禽 大矣。 氏 駭 其 (辠均 而 潤 賊 民 口 翼 所 以

之。」陳 赦。 也 殺 作 宰 爲 告 請 濮 『王覲爲可。』曰 和 也 桓公方有寵 H 於陳 0 獳 使 必 ,言衆所 亂 其 也。此二人者,實弑 』《禮記 殺 民。 杜 自 羊 右 譏 濮 可 其 立 肩 人 日 失 宰 氏 在 得 人, 爲 涖 厚問 醜 執 賊 曹、衞、 티 : -₩ E 也。』厚 共 君,而 之, 於王 殺 也 涖 壞 棄,不 一一一一 )° | |≪ 石 ]: | 何 定君於石子。 殺 或 而 其室, 汙 之間 濮, 陳、衞 厚于陳。」陸 州 或 褊 從 左 請 弑 君之也。 吁 人殺之者皆 州 小,老夫耄矣,無 陳 氏 以 。」《穀梁》曰 涖 君,凡 于 吁 **\*** 地, 得覲?』曰:『 於衞 方 티 : 其 濮。 寡君,敢 如 睦 宫 水 陳。 在 , 若 氏 名。」 石 且. 而 州 官 石子 九月, 曰:「凡 碏 豬 無 稱 石 者 朝 吁 焉。 即 張 使 未能 殺 所 人 碏 陳  $\Box$ 累 以 其 無 氏 衞 啚 能 使 陳 使

者,譏 関 謂 胡 立 者,有 衞國之人,著諸侯之辠也。 氏 君 也。 日 遠 地, 人焉以弑 『于濮』者,不但記 殺之,雖 又以 責 臣 君之賊討, 衛之臣 不 謂 臣 子 也 地 夫州 則 也 而 于 \_ 雖 康 吁二 君 濮 亦 侯 不

定其位 矣。 存 賊 月 許 耕 弑 衆 趙 故曰《春 君 故 而 氏 人, 曰:「州 久 而 不 然後 能 以 秋》 失 即 殺之于 成 討 吁 賊 者, 皋 弑 而 亂 鄰 君 濮 由 或, 而 臣 几 耳 賊 立,已踰 與賊 或 0 子懼」。」 夫 連 者 以 兵 寡 討 欲 =

也 不 知 能定其 明君臣之義、守國之政 董子曰: 位 \_ 未能 衞 人 和 殺 其 州 民,是國 へ也。」」 吁,齊 人 人 殺 不 無 與

時

幾

免

於討

矣。

雖

奉

Ŧi.

或

以

伐

鄭

而

冬十有二月, 衞人立晉。

曰:「晉,桓公弟也。」《左氏》曰:「衞人《公羊》曰:「稱人,衆立之辭也。」葉氏

立之。 子有常 晉在 吁 善者,聖人 逆公子晉于邢 下 子 方 嫡長,晉爲 子受命於天子與 極、著王法也。」愚謂:諸侯之立 秋》於疑 一晉,國 也。故曰『衞 命於先君 衞 既 命 伯 無 人立晉」猶曰 ¨; 司 其選。 之, 死, 復 諸 位, 人衆立,宜其有得立之理。 有 似之間,衆 寇擇 則 衞 也。 侯受國 共 八必立 桓弟 或 故 正 況衞 人立晉』。」〇莘老孫氏 主 不 也。 當立之 無 但 ,宣公即 大辨 言 君 使天子 立 衛人自立晉矣,不辭費 桓 先 而 乎天子,非 若 故 立,言 己 人 君之權 君。 君 君 衞 以 死,不可 以 或 位。」孫 不 Œ 人 而 爲 詢 衞 人取 立 得 之,所 自 請 功,一 在 미 桓 非 爲 立 於天子, 天子,職 立之君, 一之後 或 氏 公 責其不 正 之, 臣 曰 : 一必嫡 時 人 子 以 也 綱 則天 未 得 示 晉 以  $\Box$ ^ 天 則 長 皇 春 立 嗣 在 聞 爲 州 而

而聖人傷世尊王之心昭然可見。

作矢,非也。」 將弓矢去射之,如漢武帝射江中鮫之類。」張氏曰:「《左氏》 五年春,公觀魚于棠。朱子曰:「《左氏》『矢魚』,是

於農 舉焉 如棠 以 以 以 與 孫 肉 賤、辨等 旅 物,不軌 曰 縣 不 敗 度 講 氏 「在單 觀 隙 也 登於俎,皮革齒牙、骨角毛 軌 大 北 日 而 以 君 魚 : 事 量 有 列、 飲 不物謂之亂 講 ·, 其 故 二謂 將 者。 州 武 棠, 至, 順 事 春 納 之軌 魚臺縣。」《左氏》 唐亭, 材 魯地。」杜氏 蒐、 少長、習威 也。 臧 以 民 不 僖 數 於 夏苗、 足 三年 取 魯 伯 軌 軍 政。 以 諫 材 侯 實、 物 備 而 日 觀 秋 以章物 者 儀 昭 亂 器 治兵 曰 : 魚 獮、冬狩 也 也。 文章、 政 用 曰:「公將 臺。」 一高 亟行,所 采 羽不 鳥獸 故 物 則 張 明 謂 而 講 君 平. 不 登 貴 皆 足 方 之 之 事 不 氏 振

者,巡 於器, 守,非 《孟子》曰: 也。」 遂往 觀 以 非 JII 公行,書其事者皆非常也。」 足,秋省 述職者 天子、諸侯 正 不尸大功。 也。」莘老孫氏 觀  $\Xi$ 魚于棠, 也。」孫氏 澤之實、器用之資、皂隷之事、 事、民 魚,公之動 ○《穀梁》 ) 所守 **君**所 則公不 僖伯 小述 斂 及 可 所 而 也。諸侯朝 無 魚,卑者之事 事不遠出。 『天子適諸 日 : 稱 謂 也。」公曰 職 射,古之制也。 助 非 曰 日 疾 非 也。 不 不 事 :「禮,尊不親 :「去治 不從。」程子 事者矣。」啖氏 以 者 觀 給 是故· 。」隱 魚 禮 「,動 : 『吾將略 侯 遠出 於 非 而 必 所 春 日 諸 天子曰 也,公觀之非 公怠 省耕 有 從 巡 而 觀 侯之事 日 若 耳 爲 遠 狩。 魚,非 小事, 棄 曰:「凡 至 夫 也。 目之娱 官 地 而 諸 述職 或 于棠 Щ 巡 馬。 司 補 政, 也 之 林 狩 道 侯 故 卑 不

二七

夏四月,葬衞桓公。

葬, 葬,則 從之。 《公》、《穀》倡『賊 侯爵 侯胡 能 垂 氏 君二十五,有書葬者,有不書葬者。 穆公」。 桓 左氏》不 衞 改 勸 益 惟 惟 桓 日 氏 也 戒 魯隱、 又以 何 衞 + 也 然 也。 日 以 桓、齊 四 竟不 : 衞 成 失 周持敬曰:「案《春秋》見弑 稱 衞 爲 月 「謚者,行之跡 閔二公。 位 亂 喪 名之曰幽 侯 公?」義又見《三年》「葬 而 聖人宥 之説 見弑 襄、 口 爵 是 葬,不得 討書 通。 以 而 陳 近之。 , 緩。」 稱 何 厲,雖孝子慈孫 竊 其 靈 葬』之説 至 公者, 僭 以 謂 皋。 蔡 五月之正 ,所以紀實德、 獻 爲 内 賊 外 般、 可 夫 桓? 不 不 則 杜 書 也 或不 討 賊 許 而 氏 葬, 不 討 買 諸 衞 日 **定**左 之 宋 來 書 書 書 康 則 儒 自 木 不

赴

,或内不會葬耳。」

秋, 衞師入處。 音成。《公羊》作盛。

二八

帥 失道 《公羊》曰 也。」愚謂: 少 師 喪爲 立,不思安國保民之道,以尊王爲 **郕。」未詳信否。** 氏 郕 伯 號、謚。《文十二年》書『郕伯 王 〇《公羊》曰: 日 稱『人』。  $\mathbb{R}$ 鄉。」 少 爵 子,武王之母弟。 :「《史記 師? 稱 重, 也。」杜氏 也。」義 -『將 張 乃 衛之亂 氏 將 興 此 君 E 尊 將 將 「曷爲或言『帥 又 戎 管 舊 將 曰:「東平剛 : 卑. 師 見《二 修怨, 入人之國 也,郕 卑 程子曰:「衞 「單州 史之法,大略 不言 蔡 衆稱『某 師 師 世 衆 衆 無 一帥 家 人侵衛 年》「苫 任 稱 世家,不 稱 **>** 師 稱 城 師 帥 師 父縣 師」,或 縣 郕 , 故 師 如 來 晉乘亂 書 也 郕, 叔 人 將 奔 知 此 其 西 衞 先, \_ ≪ 其 向 卑 將 不 書 南 孔 重 師 然 師 尊 其 居 得 左 則 君 有 氏

用

備

樂焉

,禮未之有也。

是故

書『初』。」

此 事 本 義 則 在 入人之國, 其他亦各有 本

義 後倣 此

九月,考仲子之宫,初 獻 六 羽

張氏 曰:「『考」猶『考室』之『考』,成 也

仲子,見《元年》。」康侯胡氏曰:「存則 以

氏

繋姓,以姓繋號;没則以謚

繫號,以

姓

繋謚 者,夫 人 也。 存 不 稱 號,没 不 稱 謚

單舉 姓字者,妾也。 諸 侯 不再娶,於禮

無二嫡。 孟子入惠公之廟,仲子無 祭享

之所,爲 别立官以祀之,非禮也。 初 慮犬

六羽者,始用六佾 也。 不謂之佾 而 日 羽

以 者,佾,干羽之總 象武 功。 婦 人 稱也。 無 外 事, 羽 則 以 象文 奏文樂 八德,干

而 故 古者 袝 謂之羽 於 1 妾 祔 公女君。 而 於 不日 妾 别 祖 廟 僧 姑 非禮 也。 無 君 妾祖 也 舉 獨 隱 姑 陳 則 改 氏 築 易 日 而 牲

> 何 ? 公羊》曰: 舞 也。 一初 初獻六羽,書始僭諸公也 者 何 ? 始 也。 六 羽 者 侯

夫人用六羽猶爲僭 天子八,諸公六,諸侯四。」愚謂: ,今妾用 之, 聖 以 人所 諸

以 傷 周 禮 之大壞也。 堯俞李氏  $\Box$ 

氏  $\sim$ 禮 釋之曰『於子祭,於孫 • 喪服小記》云『妾母不世祭』, Ŀ, 是 則 妾 13: 鄭

之宜祭者,由 子之 爲 也。 君 既 死 則 廢

之,況未爲 君 而 有廟 乎? 言仲子,正 其

賤也。 「天王歸 主書者所以 仲子之賵, 譏 非 禮 隱 也。 也。」孫氏 此 又 考仲 Ы

夫人之廟皆不書。 子之宫祭之,甚矣。 考仲 夫宗 子之宫,立 廟 有 常 故 武

宫,立煬宫,皆變常也。」

邾 人、鄭人伐宋。

杜 凡班序 氏 日 : 上下以 「邾主兵,故 國之大小,而 序 鄭 上。 盟 蘇 氏 侵伐

二九

得 得 又 以 已不 主 己 者 而 先。 得已,故 用 年》「鄭 之。 獻 ^ 可 伐 春 主 杜 衞 兵 秋 氏 諸諸 者首專伐之辠。」義 曰:「兵者,古 侯 專之,不 問 不 平.

螟。

則至 之 行 時 道 行 丘 故 民 杜 「記災 失其 錯 失 反 獲 時,天下人物皆 書。」後做此 以食爲天。 氏 魚草木爲怪爲災,則螽螟生,蜚蟚有, 一於君 其 麟 其 其 曰 心也。」 度, 性 常 和 篡 悖 螟 康 而 而 而 而 戾不 父弑 侯 大 大災、大水、雨 地 日 蟲 聖人以 胡 早 爲 爲之食, 食 〇幸老 和之氣 氏 之 苗 不 失 物理之繆 震, 日 雨 心 是爲 其 : 者。』《公羊 所。 孫氏 上干 星 Ш 無 國 或 一爲 爲 冰 木 之大 人倫之逆, 티 : 以 之隕 陰陽 則 之 雨 冰 民 至 雹 崩 春 事 爲 × 以 於 曰 本 也 焚 秋 天 Ŧi. 四 地

> 則災 後 亂 李 梅 世之君,尚足爲戒也。」 於 、異爲 冬實, 下 而 之出 鸜 天 鵒 辰 來 錯 當 巢。 於 時 Ŀ 之亂 書 之 物 所 理 己 以見: 不 失 口 其 人道

冬十有二月辛巳,公子彄卒。彄,苦侯切

卒,聖 達、臧 哀伯。 僖伯 政。」愚謂: 疆,名,字子臧,孝公之子, 又見《元年》「益 也。 人 孫 自是至春 大 辰 高氏 録之以 此記臧氏之始。 臧 曰 : 孫 師 秋 許、 卒。 見世 「其子臧 末, 臧氏 臧 卿 孫 之始 約, **疆之後** 孫達嗣, 隱 世 公之 魯 預 忧 史 魯 記 臧 或 是 叔 爲 孫 其 父

宋人伐鄭,圍長葛。

康 氏 杜 日 侯 曰:「潁昌府長葛縣。」程子曰:「伐國 氏 胡 日 守 氏 而  $\vdash$ 潁 取 : 之。 111 韋 長 社 後 環 縣 倣 其 北 此 城 有 也 長 長 葛 葛 莘 城。 鄭 老 孫 邑。 張

或 宋 胡 於 而 邾 氏 人之惡 韋 而 時 邑, 韋 鄭 日 邑者四 伐 而 肆 彰矣。」《 宋。 書 互. 其 二量 一爲 暴 宋 報 也 伐 於 春 復 鄭 此 秋 奚 韋 》志 而 有 存 邑。 韋 書『取』於後 窮 耕 几 己 不 趙 十三,伐 ! 能 氏 康 懲  $\exists$ 侯 忿

年 春 於魯 事 爲 其 争 上 翬 也 康 矣 。 合黨 諸 互 會 輸 侯 鄭 ? 爲 諸 孫 也 平. 胡 人 侯 讎 氏 相 侯 氏 來 以 無 康 公之未立 隙 曰 : 傾 伐  $\Box$ 輸 利 非 怨 侯 之詭 鄭 : 平。 故 相 有 可 胡 之怨 平者,釋怨之辭 鄭 結 平。 繼 輸 氏 輸 有 好 者 日 解 也。」愚謂 春 來 與 息 春 : 朱 怨 黨合則天 魯輸平之事 納 秋 鄭 民 切 釋 鄭 之時 人戦 之本心,不 也 仇 X 左 ; 曷 氏 平 于 離 下 作 爲 列 聖 平 者, 狐 宋、 渝 納 愈 或  $\pm$ 应 壤 魯 成 多 過 然 兵 在 年 成

> 攘 者 得 宛 爲 仇 其 啃 其 所 爾 來 舊 正 止. 適 告 郜 秋 其 則 主 來 知 怨 焉 以 古 者 其 其 會 然 命 不 及 歸 明 義 有 所善 利 冬, 厭 義 矣。 防 祊 則 師 相 用 兀 魯 相 不 矣。 爾。 伐 年 間 善 結之以 也 宋 欲 結 而 而 謀 及 之 Ŧi. 미 鄭 人伐 魯 救 魯 也 故 苟 年 其 宋 乎 乘 輸 又 之。 人 爲 稱 鄭 盟 利 ? 即 利 之 平 取 諸 其 鄭 以 人伐 輸 宋、 也? 于 其二 隙 者 地。 使 侯 日 杜 利 平 宿 韋 也, 者 : 魯 修 亡 以 宋, 長 以 不 邑。 平 失辭 爲 睦 會 後 四 利 或 是以 葛。 明 至 者 黨 以 鄭 此 年 相 敗 有 於 其 是 蕃 遇 人伐宋, 結 鄭 家 來 公 解 或 篡 鄭 與 知 郛 于 Ŧ 也 之 者 伯 納 弑 輸 怨 伯 怒 鄭 室 本 有 必 奪 平. 使 曷 釋 成 知 而

六

所

以

爲

敗

宋

人

許之權

輿,魯

隱

亦

入於其

也

張

氏

 $\Box$ 

鄭

莊

不

憚

屈

己

求

和

於魯

侯之散。是《春秋》之所終始也。」平』以志諸侯之合,書『及鄭平』以志諸術而不悟也。」君舉陳氏曰:「書『鄭輸

夏

Ŧi. 月辛酉,公會齊侯盟于艾。 之交分矣。鄭莊之計行矣。」未詳是否。 爲平,惟恐失其 故魯無齊好 氏曰:「泰山牟縣 外爲主稱會,若此之類是也。後倣此。 曰:「齊與鄭爲好,宋與魯相睦,鄭未合魯 也。」義見《元年》「盟于蔑」。 襲慶府奉符縣也。』《左氏》曰:「始平于齊 ,以固魯之好。 也。莊公以隱絶宋使,而 歡心也。 魯既平鄭,又盟齊,則宋 東南有艾山。」張氏 故託 五蓋切 ○存耕趙氏 齊爲 艾之 呕 티 : 血 杜

愚謂:亦魯史之常法,聖人因之耳。後凡也。」程子曰:「天時王月備而後成歲也。」一時無事,必書首月者。 黄氏曰:「備四時

秋七月。

所頒之正朔而多一「王」字耳。 之。」愚謂:凡夏秋冬無事必書首月,本 春無事書首月 脱誤歟?」黄氏曰:「或不書者,傳授脱 事書首月五十 書四時倣此。 五月』、《昭十二年》書『十有二月』,意者 ·有九。 同 〇存耕趙氏曰:《春秋 義。 《莊二十二年》書『夏 但春以一歲之始,王 シ無 與 其

冬,宋人取長葛。

可得取 勝誅矣。」〇 且周矣。 杜氏曰:「上有『伐鄭圍長葛』,鄭邑可知, 王法言,不可勝誅。 邑,久役大衆,取 訴,卒喪 方伯弗征。 故不言鄭也。」孫氏曰:「天子 也。」程子曰:「宋人之 其邑,皆皋 其虐民無道之甚,而天子弗治, 鄭視其民之危困不能保有赴 康 侯 非 胡 也 所有,其辠著 以天理言,不善之積 氏 曰 : 宋人强取,不 宋 韋 所封,非 人恃强 長 葛、歲 宋 韋 以 口

著矣。初,穆公屬國於與夷,使其子馮出

居於鄭。殤公既立、忌馮 而伐鄭。 不亦

逆天理乎? 其見弑於亂臣,豈一朝一夕

之故哉! 案其行事,而善惡之應可考而

知,天理之不誣也。」張氏曰:「自圍長葛,

經年不解,志於必取。鄭莊不赴於天子、

於魯,以爲後日報復之計,而委長葛於 方伯、同列,以求保其土地人民,反結交

受鄭莊報復,蹙國喪師,以及其身。《春 宋、稔禍長惡。 宋殤雖若得志,而後日終

秋》所深誅也。」

春秋本義卷第二

後學成德校訂

=

## 春 秋 本義卷第三

## 隱

公

七 年 春 Ŧ. 三月 叔 姬 歸 于 紀

起 也 康 也。」胡 侯 存 胡 耕 氏 趙 氏 日 • 氏 日 叔 : 姬 「書叔 春秋》不 伯 姬 姬 之妹,非 書媵,爲 ,爲『歸 于酅 其 夫 賤 人

姬, 侯 姬 去 歸 其 故 紀 國 起 踰 而 Ŧi. 而 書 年 之。 ·, 而 伯 姬 叔 葬于齊』。 姬 存 歸 耕 焉。 趙 氏 『紀季 卒之『 日 \_; 以 伯 紀

者

也

此

何

以

書?

^

莊

=

+

年

<u>\*</u>

葬

叔

不 酅 得 人 其 于 所 齊 終。 而 春秋》之法 叔 姬 歸 于 酅 有其終 必 姬 皆 有

《六年》書『會 詳 救 以 書『 也 見 也 其 叔 始 八年》書『逆王 姬 也 歸 年》書『 成」, 又 日 《 桓 書『來 逆 :  $\sim$ 女」,書 Ŧī. 后 春 年 朝」, 于 秋 紀。 書 伯 庶 録 魯 如 姬 紀 九 之 紀 歸 事 年》 何

也 書『季姜歸 不能救,王不足依,此 故 終 伯 京 姬 師」,庶天 葬, 叔 姬 紀 王 歸 一之足 所 酅 以 終困 依 也 其 於 齊 魯

葬 以 見 魯 不 存 紀 而 姬 失 所 也。 愚

案: 綱 强 二説 吞 弱,衆暴 皆 義 家寡,滅 也 大 或 義 絶 又 世 在  $\mathbb{E}$ 而 政 無 所 不

滕 侯 卒。 忌 憚 也 各詳見於後。

乃 武 孔 東 氏 南 王 見《春秋 封 E -之於滕 張 滕,姬 氏 \*° 曰 杜 姓,文王 自 氏 徐 叔  $\Box$ 州 : 繡 至 子錯 滕 在 宣 縣 沛 公十七 叔 也。 或 繡 公丘 之後。 程 世

考其 葬 曰 :「卒不名,史闕 而 凡 亦 以 書卒者,蓋 事 見於《春秋》者,實爲 因 也。」愚謂 其卒 而 書之。 :凡此不 某 미 侯 以 書

其君

而

不葬者,滕侯、宿男之類

是

己。

日

滕侯書卒,何以

不

葬?

怠於禮

弱

:

年》「滕子來朝」起文也。

○康侯胡

氏

也

其

書名可見矣。

而

此

則又爲《

相

其卒? 也;宿 之時 豈 也, 時 説 文,此魯 慢 古者邦交有常制,不以 也,不以情之踈密而 非 魯專事 則 地 以 則 闕 非 其 同 其壤地褊 後 其 史之舊 異 百 齊而 盟 、於是。 葬,義自 晉侯 盟 也,赴告 而 不 也。 書卒 親 事 小 晉, 往 見矣。」 · 乎 ? 晉 聖人 而不 俟 · 飲? 雖 北 有 國之强 及而 其 或 無其 無 厚 愚謂 書葬 葬。 也 然《春秋》以 薄 加 魯不之恤 事 弱 損 也。 者,豈 楚, 滕, 焉 而 而 如 闕 鄰 胡 南 有 春 當 氏 其 境 邦 秋 謹 存

少,故未敢必然其説也。

夏,城中丘。

時,非 見勞 不時 也。 其力。 民立 也。 知 教 杜 日 程子曰:「凡書『城』者,完舊也。」中丘, 可妄作。  $\Box$ 即 :「城邑、宫室高 化 氏 慎 **春** 行,而 티 : 民 重 害義,固 君,所以 何 人 以書? 於 爲 民力足,則生養遂。 沂 秋》凡用 君 是故城一邑、新一廄、作一門、 「 在 民 重事 Ш 風 之 力 臨 爲辠 俗 養之也。 琅 矣。 心 也。後之人君知此義,則 以 沂 美。 邪 民 也。」後 縣 也。 重書也。」程子 『城 力必 臨 下大小皆有王制,不 故 。」《公羊》 沂 雖時 中丘」,使民 爲政 養民之道,在 書。 縣 倣 東 此。 且義,必書, 以民力爲 生養遂, 其所 日 北 "。」 張 Ħ 興 孫 内 不 以 重 爲 氏 氏 則 邑

國。 此 此 時 未 然 葉 其 築 而 灬; 則 義 經 舉 有 城 氏 愛 時 之所 其 多出 而 無 故 民 者 如 有 曰 大夫 則 復 是 者 不 政 故 先 : 力、 其 知 閟 時 書 悪 而 以 於 王 復 事 而 城 爲 重 與 宫, 强 畏 用 者 歲 小 書 爲 古 郭 政之先 興 不 而 民 爲 齊、畏晉、 大 也。」程子曰: 也 興 非 非 而 雖 時, 作 自 農 廢 乃 不 其 教之意深 旋 立 城 既 隙修 懲 皆 所 後 之 用 爲之備 時 以 其 不 僭 詳 當 輕 大 民 者 爲 邑。 之於 能 畏邾、畏莒。 忒之深旨 用 事 其 而 重 力 或 愛 矣。 悪 也。 録 矣 也 「有 或 以 恤 無 爲 非 之。 大 過 奪 事之時 其 或 然 僖公 恃 用 愚 其 民 其 之 君 而 民 以 然 此 謂 也 時 度 不 知 先 不 修 力 以 守 聖 得

侯使其弟年

來聘。

秋

書

常

事

觀程子之説

益

驗

齊僖 聘 者諸 之盟 享。」《 以 道,尊其 臣 僖 子。 禮 禮 通 此 趙 其 使之。 啓 大 譏 之大義 好 氏 弟 則 使 艾之 侯間 公愛其 以 自 與 弟 年之子 也  $\Box$ 左氏》曰 凡 者 魯 或 隱 : 也 位, 又著 ^ 愛之 執 推 盟,遽 於天子之事 趙 春 公 禮 見於《儀 植 張 之, 無知 弟 圭 重 即 氏 秋 以 齊 同 氏 : 之過 其禄 以 **>** 日 位 聘 通 侯 則 遣 書 列 曰 篡弑 : 齊 致 好 魯 寵 以 諸 使于 聘 : 禮》之篇 使 愛 來,未 命 日 致 侯 將 遂 非 ,則有 私 聘者,諸 之禍 夷 聘。 女,交 可 之 或 蓋 賢 致 魯以 仲 束 黨 私 以 命 口 則 亂 帛 嘗 年 孔 也 例 邦 詳 知 結好, 不 嫡 政 大 來 聖 故 加 氏 朝 交 推 矣 矣。 侯遣 及 庶 鄰 夫 聘, 人 觀 聘 璧 殷 H 親 矣 之 以 之事 或 以 年 忘 聘 以 親 於 然 大 而 政 其 之 夫 之 君 齊 天 致 聘

奔,而

年之子無

知

亦弑僖公而

亂

齊。

寵

叛

不不

叛

則弑。

惟

齊

侯

之弟

年

不

叛

不

趙

氏

日

"「弟之書於經者十有二,不

奔

則

,始於僖公之不早辯也。後凡書 | 秋,公伐邾爱之私,而失親親之義,以著後 | 而私之

调

於

溺

H

之禍

聘 也。 愚 倣 案: 大夫 此 諸 士皆天子之官,各司 而 侯 此 雖 又 世繼,然其 兼 使 其弟之一 或 非 其 義 所 職,不 得 耳 私

爲大夫矣。如其不賢,當如舜之處象,至也。使齊侯之弟賢,則將請命天子而

可侵

也。

兄之愛弟,秉彝之心,人倫之

禄之而不任以政,愛弟之道也。今僖公爲大夫矣。如其不賢 當如舜之處象

幹 過 寵 父 兄 其 弟 之 使 蠱 者, 聘 鄰 任 國,若庶人使其子弟 使 失 道, 而 僭 亂 作。

事爲家事 書此 此及『鄭 亦 爲 他日見 伯使其弟語 而聖人以國 弑 起 也。 來 事 盟」 爲王事。」木 口 甫 諸侯 陳 氏 以 日 訥 或

而私之,果有益乎?」

也。」高 《公羊》 見。 盟 倣 於元年爲 此。 ,亂是用長。」言盟 義又見《二年 獻 氏 H 蔑之盟 可  $\vdash$ : : 杜 君 氏 君 將 至此 行 · | |鄭 不 適足以 師 言 「《詩 從 而 伐 帥 伐之。  $\stackrel{>}{=}$ 不 衞。 師 長 待 亂 書 言 此 其 也。 其 君 耳。公 義 則 子 重 諸 屢 É 後 者

冬,天王使凡伯來聘。

侯伐人之國

也。」

爵也。 乃常 好」,王法 天王,恒 之大夫也。」杜  $\wedge$ 濬州黎陽縣之境。」聘 周 禮 禮 也。 汲郡共縣東南 王 之行, 大行 也。 春秋諸侯不修 氏 凡伯 時 人》『時 日 加 聘問 , , 有凡 一周 公羊 見前。 聘 以以 卿 城。」張氏 臣 以 士,凡 **\*** 職 懷  $\Box$ 結 程 撫諸侯 諸 朝 子 「天子 國,伯 覲之 侯之 E E :

義

三八

聘。 禮 京 年 不 日 復 不 日 反 君、臣 : 文 聘 朝 廢 師 而  $\overline{ }$ 之, 武 絶。 以 天 桓 桓 而 春 答天王之勤哉  $\pm$ 王之爲天子 之業,反 坐 王不 又不 不臣」者 聘魯者二,亦 一受 秋》書天 王 法 天 能 見 所當 子 興 答 同 也 王 之 衰 列國 治 聘 下 失 叮 振 ? 也, 聘者 知 道 治 也 何 之君,使 也。」 愚 統 甚矣。」 有 不 凡 謂 隱 能 八,責 制 木 介之使 在 IE. 所謂 四 訥 位 凡 典 海 + 諸 趙 伯 孫 刑 君 氏 來 以 氏 如 侯 而

戎 伐 凡 伯 于 楚丘以 歸

州 張 漢 居 丘 註 爲 衞 中 己氏之戎,本昆吾 氏 推之,當是魯邑耳 地 梁 或 日 或 者 非 戎 也 也 氏 見《隱二年》。 楚丘 縣 愚 謂 一,今拱 此 氏之别 非 以 以以 衞 州 僖 歸 之楚丘 之楚 種 或 以以 티 : 周 年 丘. 衰 凡 城 此 縣 伯 楚 杜 戎

伐之 境 趙 氏 使 中 乎 暇 翊 威 凡 歸  $\Box$ 曰:「桓王不 不 (左氏) 伯 : ? 于 戴 令不行 致 氏 日 人 或 雖 而 绿绿 ?楚丘 單 弗 戎 膳  $\Box$ 境 不 天子,以 今至於錯 魯 樵 能 賓。 襄 日 也 凡皆直 而 以以 不 古 蘇 戏 單 公 攘 以 不 加 歸」者,惡 不 子 冬, 適 IE. 歸。」未詳 程 者 初 衞 能以信交於下 隆 伐 衞 敢 知 夷 子 陳 中 書  $\pm$ 戎 居 王 戎 其 地 狄 陳 犯、況敢 以 日 臣 或 而 中 使。 使 朝 主之 : 得 之 聘 一之勢。 沧 意 凡伯 土,無 凡 于 張 伐 楚, 信 將 事 自 周 先 伯 伐 皋 氏 之以 否。 明 不 王 候 來 事 伐 發 曰 大矣。」 所 見 白 死 四 聘。 盛 不 畢 品 幣 忌 天子之 今凡 邦 其 歸 位 夷 在 時 品 于 衡 天 憚 請 以 衞 也 還 聘魯 伯 木 孫 子 諸 胡 所 命 衆 以 氏 戎 室 訥 黄 氏 之 是 使 不 侯 來

252

見。 見 諸 子之使。 方 義 馭 主之不 盟之,引爲 司 伯 魯之盟 侯之衰 所 寇詰姦之法安在乎?」愚謂 夷 嗚呼 不能 不 狄 敬 加 , 膺擊驅逐, 使各 書之,一見王 攘斥之過。 也 戎 王 弱,三見夷 醜類,致使驕矜犯分,以 適所 使,五 兹其爲《春秋》乎 今使之雜 以致寇。 見周 狄 魯隱 之 政之不 無 居 安其 縦 死節之臣 中 又從 片言而 恣 或 所 : 四四 行,二見 而 而 固 聖王之 會之、 己,禮 六義 伐天 見 天子 地

八年春、宋公、衞侯遇于垂。

清 陰句 衞 邑也。」 侯,宣公也。 陽縣 前説 東 北 近 有垂 是。 杜 氏 亭。」劉 義見《 四 氏 垂, 年》「遇 日 衞 地。 「魯 于 近 濟

远 切。 月 祊 鄭伯 必必 彭切。 使 宛 《公羊》、《穀梁》作 來 歸 祊。 庚寅,我 邴 入祊。 宛,於

夏六月己亥,蔡侯考父卒。 受,而 巡狩, 其皋 諸 終隱 也。 識 不 宛 歸 氏 琅  $\pm$ 宛,鄭大夫。祊,杜氏曰:「鄭 也。」愚謂:凡言 絶 書之,爲後世戒深矣。 侯恣。 矣。」愚謂: 邪費縣東 之母弟,封鄭 來 魯 日 "「祊,天子所封,非魯土地,鄭不 入者,使 之世,無釁 書。 歸 一也。」〇高 而祊 不可 與 焉。 人 鄭 人也。 爲締交之具,可 爲無用,且欲急得魯援,故使 人部』、『人 南。」張 姦魯貪,而 自 更治 祊者,先王 入祊之後, 有 可觀。 我者,魯也,内辭也。 氏 鄭 助 曰:「鄭以天子不復 其 氏 人歸之,魯人受之, 祭 曰 **:** 地, 防一, 宛從君之欲。 來歸 太 所封,先祖 繼 政 沂 以 Щ 悉 之意,斷 好 湯 見王政衰, 桓公,周 而 州 歸 尋 沐 主 之 於我 盟, 邑, 有 屬 所 史 口 孫 之 縣 官 미 在

三九

義見《三年》「宋公卒」。

辛亥,宿男卒。

吕氏曰:「不名,史失之。」大意見《七年》

「滕侯卒」。

秋 七月庚午,宋公、齊侯、衞侯盟 人王 杜 氏曰:「瓦屋,周 畿 而 爲 盟,諸 侯 地。」存 無 忌 耕 憚 于瓦屋 之甚。」義 趙 氏 日

又見《元

年

 $\cong$ 

盟

于蔑」。

張

氏

日

此

神,以 宋、衞 秋之初,皆 示明 欲 成 信。 於 離 齊,而齊侯 盟。 然宋殤王者之後,齊 至此三君共要質 與之盟 也。 於 僖 春

信 東 不立 方之大國 ,而三君合以要言,宜 衞 亦 北 州之大國。 可 大 夫 此 民 以 無

率諸 鄙 侯爲 而 明 講 年 信修睦之事,成鳩民 齊、 魯會 防之後,齊 侯 息 遂 肩 從 之

梁

作

包

視 魯 今 以 H 黨 盟 鄭 誓之言不 又 明 年 復顧 與 一國 忌。 伐 比諸 宋取 小人 邑。

> 引手 舉陳氏 嗚 平 宋、衞, 亦爲艾之盟以 變之甚,悼人理之失者,可 ·時 黨也,齊、鄭一黨也。 呼 指天日爲誓,而 ! 救 曰:「春秋之初,宋、魯、衞、陳、蔡 反 是 《春秋》於瓦屋之盟,所 成 擠之又下 = 平魯,爲 或 也。 他 石者,正 H 鄭 瓦 臨 東 勝 輸平於魯,齊 屋之盟 小利害 諸 言 相 侯 哉 以 似 之 以 謹 不 也。 交 平. 世

八月,葬蔡宣公。

盛矣。」

子曰:「諸侯五月而葬。不及期,簡也。」宣,謚也。杜氏曰:「三月而葬,速。」程

九月辛卯,公及莒人盟于浮來。 義又見《三年》「葬宋穆公」。

浮、《公羊》、《穀

日:口 此 稱 「人」,與《元 浮來,紀邑。 年 東莞縣 × 盟 干 北 宿 有 同。 邳 鄉 杜 邳 氏

義 地 鄉 西 見《元年》「盟于蔑」。 沂 有 公來 州 沂 水 Ш 縣 號 有浮 日 邳 來 來。」 Ш 。」張説 張 氏 曰 近 : 占

螟。

悖亂而災害複出,民之窮困可知矣。 義見《五年》。〇案:三年復螟,見人道

冬十有二月,無駭卒。

譏

世卿

也。

大意見《元年》「益師卒」。

《穀梁》曰:「南,氏姓也;季,字也。」劉九年春,天王使南季來聘。

伯 不至 皋人也。 大夫四 氏曰:「曷爲字? 下大夫也。天子之下 穀梁》曰: 來聘,而 一於京 耕趙 南 季 命。」義見《七年》「凡伯來 氏曰: 王使求 師,時 來 不救戎之伐。 「南,氏姓 聘 何 ? 「魯隱得國不請 事 賻,而 不歸於宰旅,周室之 口 也,季,字也。」劉 不恤 已而 宜 加 王之喪。 不 貶 命, Ė 削之罰 、聘」。 歟? 朝 凡 聘

> 《春秋》詳王使之來,以待讀者之自考。」 侯視 國,而朝聘之禮不復行於王室。 凡 結 用 而 愚謂:兩譏之。然本義譏天王之意多 而 見王 宰 欲親之也。公不明尊王之義 伯、南季三至魯庭,以 人。」張 效 咺、凡伯、南季之爲臣亦 一室衰 而 氏 王靈竭,臣 微,威 曰:「隱公十年 柄 子 已去, 則 魯 象 「爲周 ·之間 惟 可知矣。 而 持 篡弑萌。 於是諸 以正 公之胄 福 惠以 其

三月癸酉,大雨震電。庚辰,大雨雪。電,徒練

切。

雨雪之雨,于付切。

高氏

曰:「大者,非常之辭。」《説文》曰:

「三月而有大雪,又見於大雷之後。書之間,再有大變,陰陽錯行。」黄氏曰:八日孔氏曰:「自上下者。」《穀梁》曰:「八日陰陽激曜,雷之光也。」「雨雪」之「雨」,「震,霹靂。震物者,雷之甚者也。電,

災異 之記 惟 無忒 復 侯 降。 胡 明 於 氏 異 必 天 書。 日 凡失其 也。」程 而 : 人相感之際、響應之理 大 雨 雖 雷已出,電已見,則 雪,此 度,皆人爲感之也。」 不言 子曰:「陰陽 其 陰氣 事,而 縱 運 也。 事 動 應  $\wedge$ 雪不 有常 春 具 則 ○康 存 秋 當 見 而

挾卒。挾,檄頰切。《公羊》、《穀梁》作俠。

聖人

(所書之意矣。)

也。大意見《元年》「益師卒」。《穀梁》曰:「挾者,所俠也。」愚謂譏世

卿

夏,

城郎

以 郎 郎 杜 年》「城中丘 城 亭。 氏 戒 中 而 日 蕭 丘 郎郎 後『伐 張 牆,而 Ξ, 氏 而 日: 魯邑。 宋』。 後 念外人之有干。 〇 許 伐邾』; 郎 皆公不務崇 魯 高 氏 平方 近 曰:「《七年 <u></u> 邑。」義 九 與 年》 東 德 非 南 書 見 修 時 有  $\forall$ 政 勤 城 書 七 郁

秋七月。 衆,恃城守國,亦已末矣。」

冬,公會齊侯

于

防。

《公羊

邴

禮者。 乎 聖 以 大者 治 齊者 曰 : 此會與「二年會戎」 也 氏曰:「古者諸侯奉天子之命以 曰 曰:「防,魯地。 公會齊 其 人民。 : 人一 救 若 糾 事 其 也。」程子 魯 密 夫 以 合其 自 危。 有 州 侯」之會異義。 彼 王  $\pm$ 其 其 東 諸 黨以 意 善 法 朝 綱 故 西 城 則 正 曰:「謀伐宋也。」常 於 聘 列 不 防, 在 縣 之。 逞其 直 此, 振 有 國之會紛然於天下。 琅 此乃魯之北 有 皋其 時, 之會 諸 邪華 惡 凡 欲,小者附從不暇 防 出 侯 有 書『會』者,皆譏 城 非王事 後 縣 口 輕 無 人 倣 東南 有 重 法 存 與《 此 度, 鄙, 以 守疆土 耕 相 .。」張 則 六年》 自 無 近 趙 杜 會 各 Ш 守, 非 聚 存 劉 於 氏 氏 氏

平. 絶, 艾,魯、鄭 爲 耳 則爲艾之盟,今受祊而 鄭 則 後 會 與 齊 倣 鄭 猶 此 將 爲 未 合謀 親 厚也。 存 以 齊、 耕 病 趙 自 鄭 宋 氏 會 一黨 爲防之會 也。  $\Box$ 防 : 而 也 魯既 是 後, 會 魯 前 與 也, 惟 盟 輸 宋 六

宋,齊僖之無信猶魯隱 祊之利,足以 鄭之命矣。 年方與宋有瓦屋之盟,今復會 伐 動 宋、敗 魯若 此。」愚 宋,皆 也 鄭 謂 魯以 所 : 齊僖 使 謀 伐 前

+ 年春,王二月,公會齊侯、鄭伯 内 氏 中丘,見《七年》。 數 曰:「公末年出入無度,不 會諸 侯於外。」 義見「會于防」。 于 中丘 顧 憂 患 ○孫 於

夏,暈帥 年 取 郜 子 師 鄭伐 日 取 會 : 齊 防,滕侯、薛侯來朝,入許,隱公 「三國先遣將致伐。」義 衞。 人、鄭人伐宋。 劉氏曰:「伐宋、敗宋, 見《二

> 之所 歟 得 意 ! 也 以 孔 弑 子 備 也, Ħ 其 德 『人無 几 薄 境 而 禍 多 遠 慮,必 反 大 在 功 内 有 慮 近 可 淺 不 而 哀 數

月壬戌,公敗 宋師 于菅。 蕭牆 也。」 古 頑 切

『不在

顓臾,而

在

謂: 於 諸 以 之者之辠也。 言 杜 而 氏 侯 重 此言「公敗宋 戰者,此 時 亦有 擅 書 日 王 王 興師 : 也。 他國 「菅,宋 法所 何 伐人之國而 不言齊、鄭 以 敗 後 當誅 師」者,時 敗 他國之 倣 地。 宋 此 也 師 葉 師 ? 獨 敗其 上言 氏 公後 者 曰 内 魯 「, 蓋 師 : 翬 辭 敗 至 多多 雖僥 帥 也 前 之 於 責 未 師 也。 師 幸 敗 愚 有

辛 未,取郜。 辛巳 ,取防。 部,古 報

陰成 張氏 南 有 武 西防城。」義見《三年》「莒取 曰:「郜、防,宋二邑。」杜氏 縣 東 南 有 部 城。 高 平. 昌 曰 : 邑 牟 ·婁」。 縣 西 濟

以 此 則十日 義 焉 取 二邑,其罪尤大。 故書其 實

秋、宋人、衞 人 人 鄭

國。

應劭

章帝

改

爲

考城。」《公羊》

縣。」孔氏

티 :

《地志》云梁國甾

縣

古

載

陳

留外黄縣。」張氏曰:「在開封府考城

⊟ :

「三國之師既退。

鄭伯見利忘義,乘

曰

「因宋人、蔡人、衞

人之力

也

孫

Æ

:

戴之弊而取之。其惡甚矣。」○劉

氏

 $\Box$ 

人之暴,乘人之危,是以

無親於天下。

其言鄭

伯

伐

取

何 ?

甚之之辭

也。

利

見

於是 公方 《左氏》曰 亂 之謀。」 伐宋,從 不綱,諸 宋,宋結 知守其國,故二國人之。」高氏 人入鄭。」程子 莒入 聖人 乎不 喪 向 邑 中丘 所 侯 衞 堪 敗 : 以 放 以 命 師 鄭 之謀。 傷 肆。 人 Ė: 存 0 師 世 鄭,報復不已,由 而 愚謂 耕 入郊,猶 變 此春秋之時所以 連兵不已。 趙氏 鄭勞民 宋、 也 : 鄭 衞 義 在郊,宋 結 人鄭 : 以 又見《二年》 齊、魯 務 曰:「宋 殤公之民 齊、魯、 八則從 孙,而 乎王 爲 以 鄭 大 政 伐 1 殤 衞 不 冬十月壬午,齊人、鄭人入郕。

戴,《 公 十有一年春,滕侯、薛侯 紀, 仲封爲 孔氏 左 義見《二年》「莒入向」。 相 世: ⊟ : 不 薛 武 「薛、任 口 王復 侯,遷於邳。 知 0 以 姓 杜. 其胄 ,侯爵,黄帝之苗 來朝 氏 爲 仲 薛 虺 侯。 薛 居 薛, 魯 小 或 爲 或 裔

奚

羊》、《穀梁》作

載

存耕趙氏曰:「

戴,鄭之附庸。」杜氏曰:

日

:「人君相見

 $\Box$ 

朝,受之於廟

以以

重

禮

縣。」張

氏

日

或

都

在

徐

州

滕

縣

啖

氏

薛

無

宋人、蔡人、衞

人伐

戴

鄭伯伐取之。

《公羊

祚

杞

奔走而

不

暇者,土地

狹

陋,兵衆寡弱

登。

壬午,遂入許。

齊侯以許

讓公、公

者

齊、晉盛

也

一、宋、衞敵

也。

滕、薛、

邾

而

爲之耳。

是故

齊、晉、宋、衞

未

嘗

朝

魯

不

禮 也 0 相 見 他 也 或 來 愚 魯 謂 朝 聘, 累 數之, 皆書 曰『朝』, 同 H 來 朝 以 巾 朝

之何 朝 張 而 相 而 魯 當 講 聘 氏 ? 之。」程子日 時 也  $\Box$ 得 諸侯 旅 爲 世 ^ 見 禮乎?」〇 相朝也。」此 周 於 也。 禮 天 子未 **\*** 非天子不旅 『凡諸 劉 嘗 侯 乃間 氏 朝 雖 覲 侯之邦交,殷 日 有 於天子之事 獨 :「其兼言 相朝之禮 見諸侯。 相 率以

交焉。 有 諸 婚 侯 相 姻 春秋之代,則多自 之 旅 見,非常 . 好、 疆 禮 埸 也。」趙氏 Ź 理,故 於 ⊟ : 黨  $\pm$ 者 仇 「諸侯 不絶 矣。 其. 必 皆

其文。」孫氏曰:「諸侯朝 競,干戈日尋,以 大陵 小 諸 ·, 小 侯,斯 或 皆 不 周 得 室

國之大事,故君子志之。 其

邪

IE.

則

存

平

得 踰 境 凡 書『 朝』,皆惡之也

不

能

與

魯

伉

也。

 $\sim$ 

春秋》之法,非

王

事

不

夏五 月,公會鄭伯 于 時 來。《左氏》無「五 月二

時 來、《公羊》作祁 黎

城 杜 曰:「公會鄭 鄭 氏 티 : 地 張 時 伯 來 氏 于 日 郲 郲 : 也 , 謀 屬 0 祭 伐 鄭 許 陽 州 也 縣 」。」義 ^ 東 左氏 有 見 釐

九年》「會于 防。

秋 七月壬午,公及齊侯、 孔 夷之後。 氏 許, 武王 姜姓 封 其 鄭 苗 男 伯 爵 裔 人 文叔于 許 與 齊 同 許。 祖 伯

《左氏 先 辰,傅於許。 川 登。 許昌 世 莊 **>** 周 公始見《春秋》。」杜氏曰:「許, 縣。」張氏 麾 「公會 而 瑕 呼 叔 Ė 盈 齊 取 『君登矣!』鄭 侯、 鄭 潁 鄭 伯 昌 之旗 伯 府 伐 長 蝥 許 社 縣。」 師 弧 庚 畢 以 潁

 $\Box$ 

「『君

謂

許叔不共,故從君

討之。

許既

然則 康侯 國。 亦 忽天 奔 使 伯 公 義 氏 以 乃 伏 入人 跡 不 之國。 喪 者 有 居 與 其 見《二年》「莒入向」。 日 子 故書『人』不書『滅』。」俱未詳是否 : 皋 胡 許 施 可 不 會 再 蕭 鄭 之國,其不 掩 氏曰 矣, 善 封 設 葬 東 人。 牆之變而 鄭 而 守,人 矣。 於前 此五 偏 之 處 雖 以 未 :「隱公即位 乃 殃,豈 鄭 許 嘗朝 君 致 故《春秋 不韙者,人臣之大惡也 伯 而 使公孫 荷、取 有 叔 求 使許 不知, 明如 特成 於 命, 於京 賻。 成 東 敗 郜、 大 寡 獲 方且 偏 是,死 於 擅 師 吉 所 十一年,天子遣 夫 人 處 後 取 興 桓 吕 載 X 弗 百 許 及 防,今又入 甲 平. · 是 之效 氏 固 + 而 里 敢 西 王崩 齊侯、 兵伐 日 隱 Ŧi. 非 奉 宜也。」 偏 與 : 見 之積 善 年 許 聞 邾 於 鄭 惡 隱 復 戴 叔

後,不可不察也。」

冬十有一月壬辰,公薨

寫氏。 主。 氏》 卿 州 狐 所 日 正 而 菟裘,吾將老焉。』羽父反 公曰:『爲其少故 杜 桓公而 而 請 諱 其 大 吁 禱 壤,止焉。 氏 国  $\sim$ 事 弑之。 終 日 夫 十一月,公祭 於其主 也 春秋》之法,外言弑,内不言弑,所 壬辰 一。」《公羊》曰 彻 討寫氏,有死者。」義見《四 而 「實弑,書『薨』又 終,乃 羽父請 〇程子曰 公之爲公子 羽 薨 鍾巫。 鄭 不 父使賊 人囚諸 Œ 書 殺 也,吾將授之矣。 鍾 終 :「人君終於路寢,見 遂 地 一不不 桓 巫 也。 與尹 公, 弑 弑 ,齊于社 尹氏。 也 也。」幸 公于寫 將 薨 忍 譖公于桓 ),與 不 氏 言 於 以 地 歸 鄭 燕 賂 求 有 也 者 而 老孫 人戰 氏 寢,不 年 尹 太 使營 館 立 史 氏, 其 Æ 左 V.

四七

後學成德校訂

## 春秋本義卷第四

桓 公名軌、《史記》又名允,惠公庶子,隱公弟。

元年春,王正月,公即位。

晏然行 之。」張 者。」戴 桓 官 諸 於 踰 杜 公篡 以 侯 中 年 氏 遭 者 序 日 年 氏 即 氏 立 喪 ,繼父之業,成父之志,不 也。 曰:「桓公弑君而立,在《周 日 位 而 繼 故 嗣子定位 :「桓公志在得國,諱 之 用 諸 位 或 常 禮。 者,因 侯 史 禮, 每 亦 **奉** 於初 歲首 欲 書 此 自 秋》 即 而 喪, 百 必 位 改元 即 於遭 有禮 而 之 其 改 事 IE. 實 喪 忍 其 元 位 於 於 故 繼 有 而 必 百百 禮》 策 廟 書 位 Щ 變 須

故

亦

不

書即

位

者

亦

以

不行

即

位

一之禮

位

以

繼

故

不

行

即位之禮

也

隱公

非

定公不 耳。 史也。 子弟不 案: 與聞 冕南 立 位 故 襄、昭、哀 子,然後即 忘不 九 『公即位』,見 一之道 不言 伐 而 十二公或書 共 乎 行 夫諸侯 之法 面 受於先 即 贵 弑 忍 立 戴天之讎 而 即 一乎其 位 也。 Ŧi. 即 位 徒 即 一, 當 位,以 君 嗣 位 之禮 大 位,是 周 IE. 君 先 位也。」○《穀梁》曰:「 伏 也 書 位,必受於先君,請 舊 王 即 也。 君 賊 亦 即 也。 奉天子正朔。 史 位 之 而 無 書 不 繼 殺 位 哉 ? 或 先君 推 無 以 即 故 恩 其 莊 者,受於先君 戴 政 位 其道終,己 而 不 於 、閔、僖 親 不 者,爲 言 弑 先 書 各 與 之 以 君之賊, 即 即 以 君 皋。 魯之臣 道 位,因 位 見 也。 文、成、 季氏 不 於天 書 義 正 今 則 也 愚 即 焉 所 舊 即 是 則 繼 弁 子 書

哉 故 先 不 有 桓 而 也 可 有 不 十二公不問 ! 君 、宣事與莊 知 行 掩,所 皋焉。 請 矣。 若其 見弑於他 即 聖人安得不書即 命天王 位 所以 桓、 之禮。 以戒 聖 関、 宣 一之皋。 書 人 不 人,桓、宣 雖繼 後世者深矣。 行 雖 即 僖 舊 因 即 位 史安 異 故 惟 位 舊史,而 矣。 不 而 則 之禮,則不 桓 位 ·書「即 · 、 宣 亦 得 弑 以 莊、閔、僖之 書 君 見 不 其皋惡 有 餘見「僖 即 自 書 皋之 義 位 位 立 即 可 哉 中 É 皆 位 肆 得

三月,公會鄭伯于垂。

公即

位

垂。 與 古 篡立,而懼諸侯之討 杜 爲 氏 篡 鄭 曰 會 弑 亦 :「垂,犬丘 之人,凡 欲 鄭 乘 伯 此 也。」義 機 民 一, 以求 图 己,欲外結 地。」張氏 不 又見《隱 許 . 憝 Ш 而 , 曰 : 故 鄭 好 九年 莊 會 以 首 É 軌 于

> 尊,而 盟。 歟 ? 與魯 者。此桓之所畏也,是其首求於 遂舍宋 莊公獨 矣。」葉氏 規 逆 之賊,天地所不容,人人所同 會于 以以 於尺寸之土、分毫之利,親去南 三傳蔽 IE. 同 防。 鄭 會弑君之賊。鄭伯之皋,不容 雄 īfii 好  $\pm$ 既 諸 事 道 往 得 於易 侯。 鄭、伐宋、入許 以以 來之國,不能 賂,然後 「隱公初,齊、晉猶未强 華老孫氏 明諸 及使宛 祊之言 侯 始 討 <del>前</del> 來 曰:「桓 口 賊 舉大義、 ,無不與之同 歸祊之後,隱 好 不 之義 誅 知 而 爲 者。 公弑 許 鄭  $\coprod$ 越 誅 面 而 鄭 之 Ż 者 誅 君 規 X 鄭

鄭伯以璧假許田。

爲賂。

是

以

并垂之事而失之。」

公之邑也。 假 許田 借 者, 也。 魯朝 璧, 《詩》云: 宿 瑞 之邑也。」 玉 環 『居常 也。 與許 劉  $\sim$ 公羊 氏 ,復周公 日  $\Box$ 周

公不 之字。」 得 世 蓋 亨其 非 方 伯 地。」 不 得 愚 有 謂 湯 : 沐之邑, 鄭 莊 以 璧 非 唐 歸

魯,以 謂 E : 鄭 「天子所封,不 假 將 以 爲名,實求 要魯而 可假 爲之辭 許 田 也。 朴 者 擅 鄉 也。 假 吕 天 子 孫 氏 之 氏 所

 $\mathbb{H}$ 垂』,而繼言『假 自 恣若 此。 許田」,見鄭伯貪利 高 氏 曰: 先 言 忘義 會 于

之甚 也

夏 四 月 丁未,公及鄭伯 盟 于 越。

愚 作 之盟以 盟 公 杜 人 是肆 案 也。 類 也 欲 氏 結結 爲 □ -人欲 《春秋》先書 禽獸。 義 弑君之人,凡 鄭 定之,其辠 又見《 好 越 而 以 近 滅 聖人所 自安,故既 垂: 天理,變中 隱 一, 地 大矣。」 元年 「隱公薨」而 民 爲懼,《 名。」程 · 》 盟 罔 康 與許 弗 或 侯 憝,而 春 于 爲 子 胡 田 不 蔑 秋 夷 日 氏 地,以 》所 狄, 又 鄭 日 爲 以 化 與 桓

> 假許 著其 桓 繼 星。 公弑 書「公會鄭 見弑 田 所謂 逆篡 」,繼書「公及鄭伯 繼 立 屬 伯 書 鄭 辭 于 桓 伯 公晏 比 垂 貪 事 利 繼 然 盟于越」, 黨惡之辠 春 書 行 1秋》教 即 鄭 位 伯 之 於是 也 顯 以 禮 壁 如

秋,大水。

《公羊》曰:「記 何俟 者,非常之辭。 日 字襃貶哉 災也。」 水非 常 莘老孫 而 爲 災, 氏 日 或害禾 ]: 大

跡,又 陰也。 稼,敗 勝 亦 陰 之災又 之間,一 然。 滅 陰 陽 而 以 廬 皆下 可 陰之盛至於大水 也 陰 魯國之小 見 舍。 勝紀乎 專 當 犯 陰 盛 凡 時 滅 Ŀ 矣。 天下有 爲 陽者 `! | | ·, 而 災 賤傷貴 聖 則 大水 人既著其 董 卑 召 書之也。 而 勝 災 子 爲災,則陽不 者八。 逆 之實。 尊 曰:「水者, 節 也 爲 也。」孫 水者, 天下 災之 H 春 秋

事 氏 修  $\vdash$ 一、「水 而 彝 倫 不潤下也。昔者聖王在上,五 敘 則 休 徵 應之。 聖  $\pm$ 不

然後 内災 作 耳。 行 予』者,何也? 者,陰逆而 悉 隱迄哀,聖王不作久矣,天下之災多矣, 者,必引堯爲 堯 陰沙,宜 之異,從可知矣。」康 秋之世多災異者,聖王不作 書 有 未 之則 後 得 洪 人 則書之,外災則 事 得 世 其 水之災。 矣。 廢 有 (歸,故 平土 不 與怨氣并也。 而 人爲不善,感動 勝 解,惑矣! 或問 彝 書。 而居之耳。 딩 : 倫 堯有憂焉。 至 堯之 斁, 禹 堯,開 是故 侯 或 而後,水 則咎徵應之。 胡氏 時 舉 桓行逆德 孔 闢 而 子惟 是知天非 故 天變召 使禹 日 以 曰:「大水 由 也。 『洚 來,水之 則 日 地 治之, 然自 天 水災 食 中 水 而 警 春 爲 致 下 與

大夫孔 父。

一二年春,王正月戊申,宋督弑其君與夷及其

督,大宰 華父名也。 與 夷,殤公名 也

曰:「名也。」前説近是。 父。」孫氏曰:「字者,命大夫也。」劉氏 高氏曰:「案宋世系,正考父生嘉,字孔 《左氏 **₩** 

三年,宋穆公疾,召大司 馬 孔父 而 屬 隱

公焉,曰:『先君舍與夷 而立寡人,寡 殤

不敢忘。苟以大夫之靈得保首領以没

先君 奉之以主社稷,寡人雖 若 問 與 夷,其 將 何 死 辭 亦 以 無 對 ? 悔焉。」對 請 子

曰:『羣臣 願 奉馮 也。』公曰:『不可

先君以寡人爲賢,使主社稷。 是 廢先君之 舉 也。 贵. 若棄: 賢 光 德 不

先君之令德,可 不務 乎?  $\Box$ 吾子 能 其 無 廢 昭

讓

先君之功!』使公子馮居於 卒,殤公即位。 桓二年,宋殤公立。十 鄭。 宋穆

Ŧi.

Ŧi.

事 爲 公又 見弑 難 先殺 牧、荀息。 務 督蓋 謂『格君心之非』者。 年 日 莊公於鄭 及, 司 :「孔父爲 修 處 二十四 心,故及此禍 + 馬 全馬 政以 孔父。』《穀梁》曰:「孔父先死,其 馮 大宰,故因民之不堪命 已兆 命不渝,亦 何也? 則 華老孫 之黨 戦,民 實 而 然。』已殺 · ; 死 而 當是時,天下之爲人臣者,或 於宣公舍 其國 立 立之,以 也,將弑 難之臣 司 不 氏 殤 書尊 馬 . 堪 曰 : 公之日 可 ,而弊弊焉 義見《 **禁** 孔 命。 無媿矣。」 及 、親鄭。」 與夷 殤 父, 能 春 然君 卑 公 孔 ; 隱 改 秋 而 也 而 而 父嘉 而 四年 於 之時 而憚孔父,故 』。」康 르 張 , 先宣言 以 弑 成 愚謂 弑 其 立 氏 伐 於殤 死 殤 德, 穆 孔父、 爲 > 曰 : 侯 見 衞 鄭 公。 司 於 非 殺 公不 殤 胡 弑 州 馬 仇 之 馮 穆 公 其 華 旺 所 氏 召

謂 氏 父也,傷世變也。 楚 書、中行偃先殺胥童 存 寄百里之命,可謂 節最 禍 則未,孔父之忠則盡矣。託六尺之孤 子安得 並 君 君 義 三人 亡 商 皎 之 亡者也。苟不然,則 日 存 或 生於時。 以 臣 高者,孔父也。」劉氏曰:「孔父之智 禄 則 者 以 障 春 然 自存 先 立 與 不與之乎? 死節, 君 ,或投萬 秋》 不 殺 之俱存 之賊 欺 君之朝,義 書「及 鬭 冒 其 或賣君而苟位 人臣 白 勃 心, 死 君 而 一刃,投 事 其大夫 何傷 處 以 之 後 而 既 而後弑君, 然 死 命 . 極 赴君之難,或持大 弑 不忍與 自 則 不果,以 不 世變也? 而 死地,以 致 君,不言及。」愚 不 孔 渝 得 與 也,誼 三人之中 書。 父一, 其 之俱 矣。」君舉 ,滔滔是也 姦 死 不言及。 死 故 同君 非 與 臣 死。 所 繼之。 衰孔 名 其 賊 陳 之 君 其 孔 食

遺 也 其 事 不 IE 及 君 其 倣 而 此 本 臣 又 作 而 矣, 弑 説 及 亂 君 ^ 其 也 春 不 賊 臣 口 秋》者,但 君 賢之大變,則是論其 也, 不 以不辨。 孫 氏 而 所 襃孔 累其 謂 後仇 父之賢 甚 臣 牧、荀 一之者 也 賊 末 息 是 而 弑 而

滕子來朝。

容。 立 知 類 從 尊 滕 「春 春 來朝」, 亂 是也。」愚 而 而 本 1秋諸 秋》爲 世 覲 臣 貢 侯爵 書之,不 禮 賊子之爲 莫敢 重者,多自 見《 侯 廢 誅 而 放 隱 謂 而 亂 没 稱 動 恣 + 班 臣 子者, 於爲惡,而篡弒之禍 其 大惡 二説 小 爵 貶 討 實 年 或 不 賊 以 也 而 戴 相 得 往 子 從 莫之與, 氏 兼,其 其 往 其 而 康 存 曰 : Œ 作。 自 卑。 耕 侯 卑貶 趙 胡 小 義 滕、杞之 《 春 則 使 氏 氏 乃 以 或 無 人 日 日 秋 JŁ. 人 以 求 爵 :

論 大國 喪 朝 此 黜 知 多。 説 朝 惡 朝 凡 以《春秋》惡 年》方書『滕 年》 未 之後,滕一向書『子』,豈《春秋》惡 是 陟 Ż, 桓 民 也 滕 而 諸 或以 時 沙 君 档 今 便書『 其朝 是反天 〇朱子曰 子 隨 侯 時 弗 桓 義 前 并 來 當 爲 則 王 憝 公以 又 聘貢 後 又 朝 其 己 謂 時 滕 侯、薛 也 見 時 理 代 此此 不 朝 不  $\pm$ 臣 : 子  $\sim$ 處 亦 子孫削之乎 賦之多寡 見 桓,特 能 所 隱 肆 己 程 弑 來 不 最 侯 滕 黜 行 人 不 朝!? + 君 見 止 好 來 沙 黜 欲 能 侯 得 削 故降而 朝」, 爲天下之大惡, 隨作《春 陟之典, · 討 卒。 年 滕 春 而 如《 春 隨 先 秋 · 》 「 滕 之可 又先 書『子』。 ? 如 秋》之所 其 皆 隱 時 儒 稱 何 爵之崇 不 或 1 黜 就 爲 公 秋 鄰 子。 到《 通 説 + 薛 或 以 解 使 或 之 事 其 自 或 能 不 相 深 其 來 而

月 於此 卑。 諸 也; 也。 時 或 見 岩日 少 多 朝 IE 公會齊侯、陳 不 侯 也 小 得 易供之也 故 稱 滕、薛 或 鄭 滕 孔 備 自 ; 初 方説 「鄭 自 稱 子 伯 焉 本是男爵,後襲用 子 恣 貶 伯 不 從 朝 是 之 或以 稱 或 降 出 ·覺其 而 侯 稱 如 事 一。』恐是 子 覲 此 男也 侯、鄭 而 録 爵 侯 子 此。」孫 魯 等 不常 以 之, 降 貢 也。 禮 話。 降 子 以 賦 也 伯 以 如 而 而 0 也 禮 之難 侯 于 春 著 氏 使從 此。 0 朝 此 非 見 此 禮 秋 稷 窗 侯 日 滕 蓋 獨 或 辦 以以 -: 見 時 也 禮 公 緣 庶 或 唐 是 薛 以 則 後 侯 以 後 得 成 鄭 杞,公爵 來 道 杞 稱 交於 伯 所 來 之 面 貢 宋 朝 凌 侯 稱 禮 想 賦 供 益 鄭 賦 亂 公, 遲 正 正 當 者 禮 大 而 木 朝 省

君之亂,故爲會,欲以平之。」愚謂

諸

侯

杜

氏

:

稷,宋

地

成,平

也

宋

有

弑

夫以定 字襃貶之謂 論 類 言 接 也。 亂 也 賊 當 亂 朔 國之君 天下,於是焉始 據 詢 入于 即《春 諸 跡 實 討 『伐衞』,次言『王人救衞』,下言 可 下言 上下 乃黨亂 於天 録之,爲後 今不討賊 立之君 宋 侯 州 君 衞一, 以 亂 秋》 相 Ŀ 舉陳 吁 下,四君爲之也。」 À. 納 應 賊 告 不 華 而 屬 則 也。 鼎 而 丽 天 督 當 讀者詳之。 氏 而後書「取 立之, 世 辭 知 州 也 見 子 平 日 吁 遂 逆 有 比 其 則 四 : 宋 下 訖 向 相 天 國之惡 事」之法, 知  $\pm$ 理 天下 亂 告 宋 於 也 弑 下 貪 命。 方 合 君 討 鼎」,則是 賂 莊 或 愚 庶 陸 伯 宋 著 0 之 家 謂 縱 上言 Ŧi. 氏 乎 有 禍 者 國之 矣。 非 皋 弑 今 殺 日 其 弑 之 君 也 接 品 陸 華 合 大 口 君 成 衞 君 聖 平 氏 之 跡 品 凡 宋 之 禍 戒 理 此 JL 大 於 侯

夏 郜 古 四 報 月, 切 取 大廟 郜 大鼎于宋。 」之「大」,音泰 戊 申, 納 于 大 廟

之類 之成 故 將 大 賂 華 也。 氏 張 杜 舄 也 大 氏》曰: 故 路 廟 氏  $\Box$ 氏 昭 昭 氏 衡、 張 令德, 衮、 德 也。 是 自 曰 越  $\Box$ 非 遂 席 塞違,以臨 氏 也。」《 郜 一會 鼎 紞、多敢 冕、 禮 相 大羹 以 曰 也。 É 濟 郜大鼎 以 也。 宋 部 于 : 黻 陰城 宋得 公。 示 穀 稷,以成宋亂,爲 大 若和 大鼎賂 切。 臧 珽, 不致,粢 梁》 子 部 廟 之,謂之郜大鼎者, 武 照百 哀 取 孫 氏 紘、 日 周公之廟 縣 伯 郜 所造器 之璧、雲和之琴 公、齊、陳、鄭 頂 東 官,猶懼 獲 諫 是 大 切。 食 耕 南 日 鼎 以 不 切 有 宋,取 也。」莘老 帶、 鑿 清 于 北 宋, 綖,音 賂故,立 廟 或 君 也。」《左 裳、 昭 郜 失之, 人者, 茅 納 皆 之 其 城 幅 屋 :宋 延 瑟 儉 于 有 鼎 孫

甚矣 之敗 受督 聽。」 鼎 郜 今滅 百官 數。 旗, 龍 亂 示 物 布 昭 孔 之 於 鼎 百 其 也 昭 黼 切 ()由官 官,百官象之,其又 度 弑 孫 賂 洛 在 德立違, 文物以紀之, 白 其明也。 氏 也。 邑,義 廟, 黻 器 錫 逆之賂 鞶、 葉氏 官於 曰:「甚之也 鸞 於 邪 章 昭 厲 藻、 和 日 大廟 也。 孰 是 其 士 而 以以 鈴 率、 甚 游 乎 夫 猶 置 文 官之失德, 廟 焉 事 其 聲明 德 戒 也。 或 其 昭 音 纓 ! 之有器,所 非 儉 律。 於 懼 賂 ! 其 若之何?』公不 周 Ż, 器 以 昭 Ŧi. 而 武 何 而 聲 鞞、 公之 發之, 桓,弑逆之人, 其 有 於 色 不  $\pm$ 誅 也 而 度,登 大 敢 比 數 克 寵 補 焉 況 頂 廟 易 象, 廟,可謂 賂 也。 以 商 ! 以  $\equiv$ 切。 將 尊德 遷 章 紀 臨 降 昭 或 以 辰 昭 也 律 違 九 家 明 旂 其 照 有

Ті. Ті. 不

薦之,是之謂

瀆其祖。」○邦衡胡

氏

焉 也。 以 逆之 猶 曰 ! 明 欲 納 賊 公子牙、慶父、 誇 示 聖人爲 百 不 神 于 官, 能 以 大 致 爲 廟 是教之習 此 討 功 懼而 足 也 而 以 仲遂之惡, 受其 作《春秋》,其 知 康 爲 公無 侯胡 賂 夷 狄 置 廉 氏 禽獸之行 于 恥  $\Box$ 又 大 畏 垂 何 「弑 廟 憚 訓 誅

之國 後 成 世 亂 家 使知 \_ 也 於 龍賂 前 亦 或 書 之行 知 \_ 戒 取 保 矣。」 鼎 邪 \_ 戴 廢 於 IE. 氏 後,  $\Box$ 能 : 惡 敗 自 書

人

見矣。」

秋 之後、杞不復稱 稱 侯者,當爲紀。 七月,紀侯 侯 矣。」 來 杞 時 朝 爵 Ë 紀、《左 #: 侯 文誤 氏 》作杞。 也 及紀侯大去其 程 子  $\exists$ 凡 國 杞

義見「 滕 子 來 朝

蔡侯、鄭伯會 于 鄧

氏 杜 氏 : 日 賈、 潁 服 111 以 召 鄧 陵 爲 國言 縣 西 南 有 鄭 鄧 會于 城 鄧 FL

蔡、鄭 家 於 聖 以 稱 宣 會 所 或 或 逼 時 氏 其 之 以  $\mathbb{R}$ 國 人 於 楚 去  $\pm$  $\pm$ 王. 康 不 鄧 而與之結援 荆楚 蓋嘗 見中 楚, 蓋 侯 暇 方 都 室 或 憑 懼 蔡 : 傷 胡 也 僭 懿 陵 路  $\stackrel{\square}{\approx}$ 楚,始爲 雖大,何 懼 始懼 則 之也 命 氏 或 循 號 親 遠,蔡、鄭不 釋例 江. 而 義 將  $\Box$ 義 衰 天 漢。 謀 爲 欲 南 楚 又 陽 而 理 ? V 自 見《 伯 之服 夫天 戎 也 懼焉 , 惇信義 征 此會,何當 鄧 以 楚 其 故 安之計 中 狄 \_0 矣。 此 自 縣 隱 後卒虜 知 下 盛 或 莘 役 潁 西 是 九 宜 非 莫大於理 及 老 周 Ш 也 年 遠 小 以以 終 不知 蔡、 周 0 鄧 孫 鄧 已 - 》「會 或 反求近 會 蔡 春 孔子 東遷 爲 或 城 氏 以 自 鄭 恐 其 本此,事 侯 秋 中 也。 爲 日 守 鄧 懼 或 于 都 之 書 或 蔡 莫 其 是 而 僭 小 楚 防 而 之, 世 患 地 强 或 鄭 號 盟 而

强 醜 弱 德 分 齊,莫能 勝 負 矣。 相 尚, 觀 諸 則 侯 以 會 地 盟 之大小、力之 離合之跡

而夷夏盛衰之由可考也。」

九月、入杞。

之賊 是 憚之甚也。 年》入邾。 某』。」義見《隱二年》「人向」。 桓 師 穀梁》曰:「我人之也。」程子曰:「將 使天下共蒙其 弑 少稱『人』,内則 君 人人之國。 莫 其 人 〇高 莫 辭 伐 雖 恥 氏曰:「 見王政 略, 而 也。 止云『人某』、『 已,乃入人、伐 而 之不 辠 此 有 年 餘 人 行 此 也。 杞、《八 而 則 無 弑 伐 夫 忌 逆 卑

公及戎盟于唐。

義見《隱二年》「盟于唐」。

冬,公至自唐。

康侯 面 胡 氏 亡 日 如 : 事 「凡爲 存 人子者,出 故 君 出 必 告廟,反 必 告,反

後倣 『至』者,皆致其 ΙĘ, 於宗廟而 其 往 征 節 書 至,常事爾。 必 『夏、公至自夾谷』,四處 至自穀」、《定八年》『公至自 而已"此年『公至自唐』,《文十七年》『公 之久也。」常 曰:「其或不書者,史闕之也 至」者。 亂 伐會盟,紛紛 ,出入有常期。 於 往 奠而後 而 此。 自 越 法 亦 著 月 當 以 書「至」。 蓋諸侯動 矣。」 踰 告廟, 然 歲 幸 Ш 何 禮 也。 愚 面 劉 老 所 四 以 也。 後 謂 氏 出 出。 。 孫 則 書? 周衰已後 今會盟、侵伐莫非 必 古之諸 得 一之事。 : 日 非 氏 出 以 返。 亦 : 棄社稷,委人民, 所 日 必 正 爾。」 君 誌 有 以 告行,反 觀 侯 未 其 然後 以 瓦」、《十年》  $\sim$ 事 無 行 其 朝 朴 地至 踰 去 春 其 所 法,妄行 鄉 會 時 其 或 出 有 秋 書,而 祖 吕氏 者 有 以 而 至 踰 而 加 **>** 也 川 書 茅 常 書 必 時 告

五七

者也。」事致,或致其前,或致其後,致其重

婚

其

始

也。

動

不

顧

義,取輕

於齊

終

之

上写 引:「嬴,胥也,爰 〕 贰 系。三年春,正月,公會齊侯于嬴。 音盈。

防。 齊侯 不由 《左氏》曰:「成 也。」張氏 杜 氏 之皋 曰 : 介紹, 所 ○幸老孫 謂 E 也。 嬴、博之間 嬴,齊 自 亂 與 義 婚 氏 齊 臣 於齊也。」杜氏曰: 邑, 曰:「秋七月,遂有『公 又 賊 侯 見《隱 蓋 泰 子 會 與 Ш 而 齊之東 會 九年》「會 嬴 成 而 縣 婚, 爲 南 婚 非 張 邑。 于 著 禮 氏

言, 遣 爲 口 輕也。 使 此 身至齊境,以 者 會 也。 今桓 所 以養 婚 公不 禮 廉遠 與 有六,皆稱 由 齊謀 恥,示 介紹之命、媒妁 己之婚,醜 萬 父兄 世 之 之 惡 嗣 命 見 之 不 以

子暈如齊逆女』之事。

是於未婚之前

而

矣。」存耕

趙氏

日

桓畏

不

義

之誅

申

好

聽王命,乃胥

命

於

蒲

於齊,以遂終篡。

夫婦

人倫之大,而

請

以文姜之禍,不能謹其始也。」

夏,齊侯、衞侯胥命于蒲。

侯也。 齊禄 非 牧,有連帥。 君舉 侯,世道 F 後,東州之侯 長垣縣,古蒲邑。」劉氏曰:「齊,太公之 在陳留長 -正也。」〇存耕趙氏曰:「王言作命,臣 稟令,命自上出 父、衞 「莫 陳氏 以 之 相 垣縣 事 曰:「胥命者,交相 晉不 變 下 相 也 也。 命於天子,正 也。」杜 命 西 能 也。 南。」張 衞 者也。 周 作 康 周 室 氏 古 , 孚, 先 雖 者 叔 氏 日 以諸 衰,天 之後 也 有 命 朝 方 蒲 侯而 也 北 伯 京 命 自 開 衞 師 未 相 州 封 有 宋 命 改, 命 地 之 州 府 氏

杞、《公羊》作紀。今依程子作紀。郕、《左氏》、《穀梁》作郕六月,公會紀侯于郕。音成。紀、《左氏》、《穀梁》作

《公羊》作盛。今從《左》、《穀》作郕。

國,服 會,結 子 抗 非。 郕 會也。」義見《隱九年》「會于防」。○ 日 齊、鄭、故 見《隱 張氏 外 小 白 國,著得意也。 援 曰:「紀與魯親 五. 桓 以 年》。 桓公因 公篡立,無 自 古 范氏 也。」許氏 其二年 E 天下 而 歲 「郕, 魯 求 來 不與 티 : 援於魯 無 朝 Ŧ. 諸 而 地 一、恐 姻 與之 而 侯 程 盟 以 蜀 大

秋七月壬辰朔,日有食之,既。

人得意如

此

者,盡 高 會,月 光 光 既,天變尤大耳。 穀梁 以望 下。 溢 出 掩 也。」 日 曰:「言日言朔, 時 日 光 遥 故 皆 義 輪 奪 既 見《隱 存 日 月 者,正 食。 而 光, 〇杜氏曰:「曆家 中 三年》。 食者 故月 食有上下者,行 相 食 當 相 食。 IE. 而 掩 此 朔 密,故 相 日 則 也 掩 食 月 謂 之 間 有 既 H 同 日

公子翬如齊逆女。

之族叔 高 夫同 侯同 也。 卿 逆女』。 公十有二,見逆女者四,皆以 日 之於他國不可也。天下之本 尊逆卑也。 也。成書『叔孫 公之弟,文公之子。不正,其以 也。桓書『公子翬逆女』,宣書『公子遂 而行婚禮,尤不可也。]〇葉氏 故 "「女,文姜也。」啖氏曰"「暈以 氏 莊書『公如齊 姓 姓 也。」張氏  $\Box$ 者 者 父,叔孫得臣之子。不正 翬,桓公之弟,惠公之子,遂,宣 主主之。 主之;諸 古者天子嫁女乎諸侯,以 曰:「或曰王命 此 僑如 主 稱『公子』者, 逆女』,不正,公親 之以 侯 逆女』,僑 嫁 女乎 敵 大 在 大 夫 違 曰:「魯諸 也。 桓 大夫,以 國,國之 如 可 叔逆 禮 公命 丁, 其 成 也 陸 失 逆逆 常 以 公 嫂 逆 氏

弟,而 之殺嫡者,有 本 止之者,皆自其家失之。 在家。 家 道 父父子子, Œ 如 僑 魯之亂 如之譖 夫 有 夫 其君 如 婦 婦,兄 慶 於伯主 父、 仲 兄 弟 而 遂

端切。
九月,齊侯送姜氏于讙。公會齊侯于讙。呼

夫人姜氏至自齊。

啓之。」

之 曰: 氏 彻 親 讙 康 慎從爾父母之言。』送女踰竟,非禮 母 讙 杜 『謹慎從爾姑之言。』諸母般申之曰:『謹 侯 不出祭門,諸母 氏 逆,自當書『逆女』,必不曰 亭。」《穀梁》曰:「禮,送女,父不下堂 豊. 是 胡 曰:「讙,魯地。 此直曰『會』,見公因會齊侯而受姜 『謹慎 禮 公之行,其 氏曰:「爲齊侯來,乃逆 也哉!」〇邦衡胡 從 爾 兄弟 舅之言。』母戒之曰 重 濟北蛇丘縣西有下 在 不 齊 出 侯 氏 闕 『會齊侯 曰:「公果 圃 門。 而 不 會之于 父戒 在 也。 姜

> 正大婚 不及。 則知姜 也。」存耕趙氏 氏 耳。 張 而 僖 氏 氏 正 公之送,桓公之會 失行 人倫之始、《春秋》所以 曰:「觀『姜氏會讙』之書, 之所 聖人 制 由,實桓公有以 禮 不 可 皆 過 非 不 書之 所 以 可

微 言暈之以 行 國之大事,故詳之。」〇愚案: 先書「公會 也。」康侯 迎,非《易》待男之義也。」《穀梁》曰:「不 書『姜氏至自齊』,以 與公俱至,故先 邦衡胡氏曰: 也。』女歸必待男乃行。夫人姜氏 制治於未亂 胡氏 來, 「《易》曰:『漸,女歸,待男 何  $\Box$ 不 書『公會齊侯 也? 可不謹 見公會于讙 禮 者,所 公親受於齊 也。 以 于 娶夫人, 别 讙 本 嫌 非 侯 親 明 次

齊侯于嬴」,次書「公子暈逆女」,次書

也。 莫大之禍 之譏,實爲後 讙 齊 侯 蓋齊家之道一,不正 又 送姜 書 夫 氏 屬 日 人 于 辭 文姜 至 讙 比 自 ۰, 事 ,履霜之戒深矣。 淫 齊 次 書 亂, 其始,終必 公 桓 雖 會 公見 各 有 齊 殺 失 侯 有 禮 起 于

風

冬,齊侯使其 義見《隱七年》。 弟 年 來聘。

有年。

享國 範 陰 歉 勤 有 巾 穀 陽 民 年 미 所 梁》 ^ 知 務農若是也。」康侯胡 也。 + 和 桓 中 謂 十 也。」〇愚謂: 八 庸 四 年,獨 : 書者,所 八 》所謂 時 事 年 Ŧi. 序, 修,而 ·, 惟 穀 此二年 天 皆 風 以 此 至治 熟 地位,萬物育」、《 雨 休徵 見 言 爲『有 書 節 桓 有 未 有年。 之世 氏 公爲 應」也。 年 曰:「桓、宣 者 年』。」孫 有 ,人事順 國,不 無 他年之 是 年 春 未 洪 秋 者 能 嘗 氏

> 鮮 咎徵 之時 賊,稼穡卒痒」者也。 而 「有年」,以見其餘 冰、木冰、殺菽、李梅 满薄。 無全熟也。 雨 應」、《詩》所 不 人事 觀夫大旱、大水、螽 時。 亂  $\wedge$ 豈特 洪 常 範 謂 陰 未嘗有 **>** 桓、宣而已哉? 一天降 所 陽 實 故五穀 謂 乖 可 戾, 見 年,五 螟、蟓、蟚 喪 矣。 傷耗,荒 亂 事 四 · 降 不 時 穀 故 修 錯 間 此 此 熟 書 無 涼 **新** 而

年 春,正月,公狩于 郎

儿

《公羊》曰:「狩者 狩 禮》、《爾 守取之,故 生育、當擇 蒐夏苗,秋獮冬狩,各 狩。」郎,見《隱 「郎,今之單父魯臺,地 ,不時也,遠狩于郎,非所 雅 狩。 取 》、《左氏》者詳 之,故蒐;冬物 且狩有 九年》。 何 ? 常所。 以其時 近宋。」 木 矣。 田 訥 狩 也。 既成 今當 愚謂 春 趙 也 見於《 月 不 氏 - 時非 春 口 禽 冬日 :  $\vdash$ 春 獸 唐 韋 而

諸 植 古 事 後 訓 以 Ŧi. 徒 忘  $\mathbb{H}$ 舍 而 譏 所 狩 之地。 肆 危 之 居 世 軍 供 穀 也 或 爲 者 也 不 害物 必 盤 之, 宗 傷 ,治不忘 ௱ 民 各 民 書 戒 旅 有 李氏 遊 天 , 故 有 , 不 于 之 多 廟 | 藪澤。 多矣,不 如 子、 常 故 非 之事 逐禽獸 事 郎 地 可 書 鄭之原 狩 天 時 曰 啖 狹, 亂 諸 非 不 地 子、諸侯 之處 : 及 氏 故 講 魯 侯 地 以 唯 次 捕 越 仁 而 日 Ш  $\mathbf{H}$ 有 譏 也 几 圃、 在 以 也 也 甚 E 武 禮 : 必 \_0 咸 之。」存耕 狩 除 時 「蒐、 Ш 矣。 哉 經 圃 以 必 秦之具 孫 丘,狩之常處 之地,須 稼 故 必 澤 爲 而 違其常 1 時 於 氏 之間 穡 田 田 狩合禮者 聖 之,則書 教 封 然禽獸多 日 殺 之 以 者 人 民 内 有 趙 害 捕 處 必 戰 書 有常者 蓋 擇 13 氏 狩, 之, 也,豈 由 此 F 安 則 是 隙 有 以 也 禮 久 其 示 常 以 F. 則 不 犯 地 不 爲

時, 之深 荒 性 訓 守 以 爲 殺 武 之 遂 以 不 子 方 田 諸諸 3、蒐言: 蒐 苗 春 不 也 田 以 以 軍 也 順 也 Ш 中 之時 妨妨 不 戒 以 制 天 獮 故 旅 而 侯無 冬物 苗 時 也。」幸 在 則 也 周 時 田 傷 夏 其 於農;惟 中 盛 謂 傷 也 田 室 圃 冬教 畢 長,有 取 擇 民,不害 教茇舍遂以 事 禽獸 之荒,殺 乎 之 既 殺 物 成 則 取之也。 農 老孫 以 秋 衰, 物 大 以 可 歲 葵 謂之 禽 暴也 時 也 閱 祭宗 取 以 尾 Ш 氏 斯 物 獣 也 不 物 遂 韋 焉 生 以以 害苗  $\Box$ 獮 9% 禮 冬 夏謂之苗 由 以 不 守 廟 : 0 育 苗 不 中 謂 春謂 於物。 禮 以 示 狩 也 而  $\mathbf{H}$ 之際,不 時 則田 講 春 中 天 禮 之 謂之暴。 取 者, 方 秋 教 狩 下 所 則 然 之 焉,言 之蒐 肅 既 用 教 之 謂 振 物 而 也 此 殺 不 民 狩 夏 可 治 旅 害 四 用 其 之 盡 惟 以 民 以 猶 與 時 兵 遂 平. 天 口

故《 時, 「《春秋》必書,謹於微之意也。」 狩』,皆譏 春 又不以 秋 **\*** 不 禮 於 時不禮也。」康侯胡氏 魯 其傷 Ŧi. 書 民 其 害物,莫 『蒐』,三書 此 爲 日 甚。 其

夏,天王使宰渠伯 糾 來聘

以 夫,宰夫則大夫、士兼有之。 字。」邦衡胡氏曰:「案周有六官,大者 字也。」康 杜 於當時。今天王之宰聘之,則是成 君自立,天下大惡之人,然常恐懼見討 天理滅矣,人道亡矣。」義又見《隱七年 下莫能討,而 冢宰,小者 曰:「桓公弑其君而立。天子不能治 凡伯來聘」。 士也。 氏 曰:「宰官渠氏。」范氏曰:「伯 伯糾 侯 日 胡氏 〇莘老孫氏曰:「桓 王 小宰, 日 稱字者,大夫也。」程子 一使 其宰聘之,示加 曰:「天子大夫例 字夫。 咺稱名者 小宰爵大 尊寵 一公弑 桓 天 糾 公 稱

> 也。 著,而周之聘尤亟。以是知周之自取微 弑 冬,定十四年無冬,桓十四年書『夏五 弱 父之讎, 窮天 孫忌與凡日食而不繫日者,皆闕文也。」 月,桓十年書『五月』而不繫之夏,昭 其事,僖二十八年書『壬 而 二年書『十二月』而 「王臣下聘者 ·闕其月,莊二十二年書『夏五月』而 君之皋,而 也。」朴 西疇 崔氏 :鄉吕 八,聘允者獨三,允之辠尤 使 而 氏 曰:「桓 孤 不 日 臣 報也。」木訥 \_ 不繫之冬,郭公、仲 孽子含憤 不 四 中一而 年、七年無秋 書 秋、冬,闕 忍 趙 不 痛 氏 繋 於君 H + Z 敠 文

Ŧi. 年 春,正月甲 戌

當記 亦 事 孫 據 爾。 氏 陳 日 陳國 陸氏曰:「傳云『公疾難作』,此 :「闕文也。 佗 史而 作亂之事,全簡脱之爾。」劉氏 記之。 蓋『甲戌』之下有脱 驗此,則『甲戌』下 文

日 或或 陳侯之弟 佗殺 陳 世 子 免』云

未詳 是

己 丑. 陳侯鮑卒

夏, 齊侯、鄭伯 義見《隱三年》 「宋公卒 如 紀

年 有 此 强 實 矣。」〇莘老 鄰 往 陸希聲 ·遷其 大 以 紀 國 也 也。 窺 0 侯 而 不道 之 之 紀 程 E **郑、鄑、郚,三年** 齊、鄭欲 自 也。 最 子 朝 孫 之 日 小,不能 事 故 : 氏 甚 不 此 滅 桓 曰:「春 適彼 暇 齊爲 紀, 十三年 鄭 者。 當 故  $\exists$ 伯 諸 齊、鄭百分之一, ·以酅 往 如 而 秋 侯 助 之戰,而 。」 愚謂: 齊、 之時,齊、 窺 之, 而 入齊, 其 欲 鄭 其 形 爲 往 辠 莊 賊 勢 而 焉, 如 鄭 紀 均 虚 元 於 天

 $\pm$ 

使

仍

叔之子來聘。

仍、《穀梁

作

任

矣。 辠,明紀侯去國之由 心 氏 詳 或 侯去國 計 爲 噬之心。 相 以 日 其 木 以 與 故夫子存而 :「小國恃大國之安靖己,乃 相 、謀紀。 ,伐宋, 圖 於强暴者,二君之辠居多。 謀 與之迹,所以深誅之也。」 之,亦異 自 然後快 至莊三年 免於 自二君 取 難 部、防, 於興 於心。 不削 而 謀 以 滅國、 卒不能 酅入 紀之後,紀侯多 人 以 故 郕, 著 春 於 齊人 繼 秋之初,小 入
許
, 止 齊 絶 , 四 齊、 令春 康侯 滅 世 句 紀之 之 鄭 藏 年 今 義 禍 胡 紀 又

幸老 叔 非 姓 夫,而 見 爲 大 大夫也。」 孫 叔,字也。」君舉陳 夫 氏 使大夫之子子弟 大 : 使其子 思謂: 仍 叔 爲 ,天子之大夫。 使仍叔 氏 使 曰:「仍叔之子 也 預 或 之子者,仍 聘使不 事 敗 使 其

以

吞

暰

小

或

爲

事

自

隱

 $\equiv$ 

年

石

門

之

盟

Ľ.

矣。」

張

氏

日

:「春秋之時

齊、鄭

合

謀

至

柯

+

年惡曹之盟,二十年之間二

或

者,世 年 政矣,況 卿 》凡伯 大夫 權 聘弑 子 不 來 重於尹武 弟 聘」。 逆之賊乎? 以 父 兄 故 也。」康侯胡氏 高 而 氏 見 曰:「不 義 使,則 又 人見《隱 非 稱  $\vdash$ 公 氏 七

塗,施及童稚。賢者退處於蓽門,身老視朝廷官爵爲己私,援引親黨,分據要選,而政由是敗矣。周之衰,小人得政,

大臣私意,用其子弟居公選之地,以敗亂書『武氏仍叔之子』云者,戒後世人主徇傾覆,雖有智者不能善其後矣。《春秋》而不用。公道不行,然後夷狄侵陵,國家

「渠伯糾來聘矣,仍叔之子復來,何王室其國家,欲其深省之也。」 存耕趙氏曰:

望魯以灰埔之薑職,汝須丰而加豊焉。之不憚煩? 蓋王綱解紐,侯度放紛,周

柄 桓 望魯以 既 逆 賊 去,惟有 非 夾 輔之舊職、故 可 區區之恩意爾。」愚謂 望 以 大義 也。 頻 年 用 而加 見 王 禮 室 此 焉 事 威

> 政之弊 遲; 大旨 事 龍弑 丽 在 也 下 兼 逆之賊,其禍速。 聘弑 以 見 者 漸。 也。 逆之賊,其使仍 寵 蓋 弑 子弟 逆之賊 預 子弟預國 则 则 或 叔之子 政,其 亂 臣 政, 賊 禍 則

葬陳桓公。

子

不旋

踵

而

接跡於天下矣。

高氏曰:「不書月,史失之。」義見《隱三

城祝丘。

年》「葬宋穆公」。

孫氏曰:「祝丘,魯邑。」義見《隱七年》

會齊侯于祝丘,是齊、魯兩境上邑也。「城中丘」。○高氏曰:「莊三十年,夫人

則旱惶應矣。未羊是否。時城此以備之。以桓之暴逆奪民之力,齊將襲紀,公欲助紀,畏齊之來討,故非

秋,蔡人、衞人、陳人從王伐鄭。則旱蝗應矣。」未詳是否。

東萊吕氏曰:「天子得用諸侯之師,故不

祭足 周。 然則 征 不待 氏 朝。 於周 不禮 禾。」《六年》:「鄭伯 之。』故王子 士 Ŧi. 侯 侯 之。 一**,** 王 有 以以 曰:「三國之君不行,而 年《左氏》曰: 服 而 焉。」《 秋,王  $\pm$ 皋 辨 至  $\pm$ 帥 三面 貮 二伯 崩 於 而 無 朝 師 方伯尔 桓 於號。 日  $\pm$ 皋見者 皇 取 以 Ŧi. 1 周 莫敢 狐 『從』,王 不 親 平. 年》: 温 諸 年 征之。 人將 爲質 能服,而後 ? 征 之麥。 \* \_ 侯 「鄭武 鄭 不來享,莫敢不來王 之,無 也。」葉氏 「王奪 伐鄭。」未詳信否。 天 畀虢 伯 於 如 臣 虢公忌父始 方伯 下 鄭 怨 公、莊 秋,又 周,始朝桓 聽 公政。 有 以 · 公子 主,王 鄭伯政,鄭 君 王親 道 立 不 使微者從王 曰:「古者諸 公爲 之 能 ,諸侯六 於天下矣。 取 忽爲 征之。 辭 曰 服 四 成 作 平 也 二伯 王,王 月 周 卿 質 伯  $\mp$ 年 陸 之 不 鄭 於 無 卿 隱 1:

大雩。

此 爵 則 君 康 諸 遣 而 侯 侯 師 可 胡 以 也 使 得 不 來聘 加 政。 氏 能 何 宋、魯,誰 日 服 爲 而 天下大惡,人理 「桓 憤 而 莫之討 怒自  $\pm$ 公弑 親 日非天討 征 將 君 以 鄭 而  $\pm$ 攻 伯 自 亦 乎! 之 所不容也, 不 立,宋督弑 病 也 朝 矣。二〇 ? 貶 其

存耕趙 《公羊》曰 也。 也。 後倣 今魯爲 何以不言旱? 案禮 大雩, 雩于 他 常 此 天 祀 諸 月之雩,以旱 氏曰: : 子 不 侯 「大雩者何 書,故 , 零於 Ŀ 孫 ,而雩於上 「孟夏建巳之雩,祈穀 氏 帝 言雩則旱 曰:「建巳之月, 上帝 用 二百 盛 而祭也。」程 ? 諸 四十二年 樂 帝 · 見。 旱 也 , 僭孰 侯雩 祭 記 胡 也 於 無 甚 災 子 氏 Ш 常祀 馬。」 之常 也。 日  $\Box$ III 則

月

而

大雩者,建午

建申

之月旱祭則

書。

季氏旅泰山矣。」『大』,别山川之雩。諸侯雩上帝,於是也。大雩於上帝,非禮也。」賈氏曰:「言故書『大雩』者二十一。諸侯旱而雩,禮故書『大雩』者二十一。諸侯旱而雩,禮

 $\vdash$ 

"「曹國,濟陰定陶縣。」張氏曰"「

在

**鈍**。《公羊》作螺。後同。

十一。 是又蝗,饑不在書也。」《春秋》書「螽」 是又蝗,饑不在書也。」《春秋》書「螽 ,今曰蝗。」《公羊》曰:「記災也。」愚 是又蝗,饑不在書也。」《秦秋》書「螽 是又蝗,饑不在書也。」《春秋》書「螽 是又蝗,饑不在書也。」《春秋》書「螽

冬,州公如曹。

叔振鐸之後也。武王封之陶丘。」杜氏也。天子三公曰公。嘗爲公而食其邑也。天子三公曰公。嘗爲公而食其邑者也。天子三公曰公。嘗爲公而食其邑者

唐 葉氏曰:「貮君 之。」大意與《隱元年》「祭伯來」同。 曰:「州公者,王 爲 曹州,宋 爲 也。 一臣也。 興 仁 府 譏 濟 其外交,故 陰 縣。」趙 書 氏

寔來,孫氏曰:「闕文也。」六年春,正月,寔來。

程氏曰::「成,魯地,在泰山鉅平以夏四月,公會紀侯于成。《穀梁》作郕,未詳孰是

年》「會于防」。 氏曰:「齊欲圖紀。紀,魯甥也。 其朝,三年會于郕同旨。」 奔走不暇以救其危者也。」義又見《隱九 經書之,所以見强國暴恣,而 於齊,故求魯,而公會之。」莘老孫 南。』《左氏》曰:「紀來諮謀 其後齊終并紀。 ○張 會盟侵 氏 ⊟ : 伐 齊難 此與二年書 自 小國 此 以魯婚 也。 氏 微弱, 無 縣 릲 黄 東

#### 秋 1 月壬午,大 閱

之禮 鼓。 禽 中 秋 馬 僭 皆 既 矣。」〇孫氏曰:「天子殺,則下大綏 爲 侯殺,則下 教兵,名曰 書『八月』,不 左氏》曰:「簡 冬之 也。 獸 而 教 之 譏 微 可 治兵,中冬教 ,諸侯不道。 盛 大 職 知 其 天子、諸 況以 月 閱 蓋 矣。」莘老孫 僭天子之田 長, 之禮  $\pm$ 中 小 田 大閲 取 秋 者 春 事 侯之田 綏。 而 比 一事 八月行 教 車 時矣。 已畢 無 於 振 故書『大閱』、『大蒐 馬 大 Ŧ. 大閲, 也。 擇  $\equiv$ 氏 不兼 也。 旅 閱 執路 其 之。」康侯 農 時 故 日 書『大 」,又因 中 舉 最 : 功 也。 戴 禮 非 數者,不爲 鼓, 夏 《周 魯,則諸 間 爲 異 諸 氏 教 隙 盛 閲り 日 : 「 天 諸侯 矣。 侯 以 胡 大,蓋 茇 禮》 之際,又 子 行 之 氏 舍 有 大 侯之 非 周 執 所 仲 田 H 也 天 當 司 獵 中 室 賁 禮 得 久

農

甚

矣。」邦

衡

胡

氏

日

]: 「古·

大関

必

以

狩

行,三 無赦 뾆 徒, 虞 非 以 故 貉獲禽,不越逐,不面傷。 旅 下 其 人萊 供祭 之事 私 田 命 之。冬事 時 獵 鼓 旗 侯 置旗 、野,百 皆 祀 以 有 而 物, 則 也 不 四 非 趨,三鼓 以 時 可忘,宗 辨 或, 步 也。 爲 仴 也, 鼓 皆 左右 諸 雖尊卑大小之不 鐸, 表, 劉 秋 以 侯 而 氏 興之,非 習 廟 和,車 而 會 走。 以 曰 : 之 兵 行 器 旗 大獸公之,小 教 事 天 一大閲 徒 械 不 致 子 戰 皆 民。 正 用 敘 之禮,又 不  $\equiv$ 也。 取 和 命 之禮, 口 口 者 鼓 選 禽 厲 殺 車 潤 表 Щ

倉卒之間 一、又明 卒乘、 之 年 乃欲驅 闕, 伐 邾 故 H 市 平. 人 大 時 以 閲 不 戰 教 爾。 民 明 戰 年 殘 民 焚 至

於

丘

補

足,大合國

人

而

閲之。

籍其

不

口

用

者

以

咸

今不言狩

則

知

非

古

矣。

桓

以

兵

革

九月丁卯,子

同

生。

乎?

然

不

可强

「解矣。

衆,於是爲 甚。」此説未詳是否。

蔡人殺陳佗。 下,趙 《春秋》有一事見一義者,不必兼首尾 《左氏》曰:「陳厲公,蔡出也。 者衆人之公也。」未詳是否。 惡,人皆得 能 經 也,而首不經見。《五年》「正月甲戌」之 其餘有首 鮑卒, 佗殺太子自立, 蔡人誘 五父而立之。 屬解 稱『人』,以 有 無所見。」程子曰:「佗殺太子自立,不 其 氏 比 國, 謂「當記 事」者也。 必 而誅 故 殺討 有 。五父即 書 尾, 之。 曰『陳佗』。 亂 陳佗作亂事」,豈其然 蔡人殺陳佗,事之尾 有 賊 書『蔡人』,見殺賊 陳 尾 也。 佗 必有 也。」孫 先 佗,天下之 儒 首 〇 愚 故蔡人殺 而殺之。 言陳 E 所 謂  $\Box$ 謂 侯 :

之後。 子,桓: 子。 高氏 是時 也。 所謂 氏曰:「生子不書,此何以書? 名 年「夫人姜氏至自齊」,六年「九月,子同 釋《詩》「展我甥兮」,有曰 四年「公如齊逆女」起文也 公三十七歲 書其生,則事不見。」愚謂: 所 公母子、夫婦,男女之分,慙德多矣,不 謂 也。 」,稱其爲齊侯之甥,又以 此 ,皆以 故聖人因其生也,正 曰:「齊襄、文姜之淫亂 『展我甥兮』者,亦詩人 『疑,故志之』者,得其説 公子,文姜所出,即 《穀梁》曰: 詩 當同之生,齊、魯未嘗 人之微 子同 而 始得 爲齊侯之子 辭也。 「疑,故志之。」 竹隱趙 娶,則 案《春秋 此 其名而書之。」 「姊妹之子 莊公。 明 自此可考莊 據時人之言 也。 又 ○案: 爲莊 矣。 蓋 非齊侯之 亂 《穀梁》 《猗 也。 在 同, 蓋 桓 同 嗟》 其 莊 生 方 +

六九

公誠非齊侯之子。亦《穀梁》之意也。生」,十八年,桓公乃與夫人如齊。則莊

冬,紀侯來朝。

矣。」義又見《隱十一年》「滕、薛來朝」。以守,而欲求援於魯桓,不能保其國,宜以守,而欲求援於魯桓,不能保其國,宜上訴於天子,近赴於賢侯,和輯人民,效死程子曰:「紀侯懼齊侯,來朝以求助。不能

七

年春,二月己亥,焚咸 丘 禽 古者 貫 杜 曰:「仲 康侯胡 咸亭。」朱子曰:「咸丘 月令》曰 立,如 道 氏 獸 非 王氏 曰:「咸丘、魯地。 昆 盡 氏 春之月,蟄蟲已啓,萬物孳生。 蟲 竭 曰:「咸丘 焚其地,見 曰:「焚咸 一种 蟄, Ш 林 而 春 後 毋 而 丘. 即 焚 火 其 焚 魯地 丘,焚林 鉅 Ш 之  $\blacksquare$ 廣之甚矣。」戴 高 野,郎之近地。」 林 也 平 去 之近 鉅 莽翳 二 二 二 程 野 而 一齊者。 縣 子 Ш 焚 以 南 也 氏 咸 逐 有

而

卒滅於楚

也。

不書秋、冬,與

四

年

同

夏,穀伯綏來朝。 豈容 射宿」,皆愛物之意也。 圍,諸侯不掩羣」,夫子『釣 至於鳥獸若草木,裕無 易》 焚 稱 林 -王 而 鄧侯吾離 用 田  $\equiv$ 邪 ! 驅 來 淫 在 推 獵 朝 康 禮 而 此 之過 侯 不 心以及物 天 胡 綱、弋不 子 氏 不合 日

宜莫 北。 何姓 孔氏 賊 弑 不暇 穀、鄧見逼 義 即 者 鄧 以 見《隱十一年》「滕、薛 覬 州 如 張 曰:「《世本》: 其 以 杜氏 免 孟 氏 皋 救 愚案: 難 子告滕文公之法,  $\vdash$ 於楚 爲 其 ]: [後] 難 티 : 危 輕 而 以爲智矣。 二君書名未詳 者。 穀 屬 朝 曰 鄧,曼姓。」穀,不 魯,所謂「小 襄 三 國 比之 陽 來朝 在 府 苟 南 宜 無 穀 而 見逼 鄉 故 其 城 朝篡弑之 ,疑羨文。 筑 〇或 或 縣 而 不 於楚, 陽 附 旋 朝 謂 從 縣 踵 篡 鄧 知

八年春,正月己卯,烝。

礿,秋 也。 者。 氏 《公羊》曰:「烝,冬祭也。 白 月 雖 矣!」黄氏曰:「《穀梁》曰:『烝,冬事 失 事 之,欲人知孝敬之實,篤君 桓之烝者再,嘗者一,皆瀆禮不敬之大 大事者一,從祀者一,皆非祀禮之正 曰:「《周官・大司馬》『烝以仲冬』。」吕 魯之郊、稀,非禮 也。 以 以 時及失禮 王 曰:「宗廟之禮有常,非大皆不書, 春興之,志 所 行 建 祀者,國之大事。 曰嘗,冬曰烝。」《穀梁》曰:「烝, 同。 春興之,志不時也。」〇康侯胡 几 子 時之祭。」胡 爲正、至於 其商、周革命改正,示不相 之大乃書。」存耕 不時也。』 也。 氏 祭祀,則 君臣 其 曰:「夏數得天, 他 春 趙氏 上下狎 親之義, 有  $\Box$ 用 趙 祠,夏 事者二, 曰:「周 夏 氏 時 而 日 也 日 本 難 惟 氏 用

周實 之事。 也。 沿。 之,未見其 焉,蓋無可改之。 事生説,以 春爲今日之冬,每於繫時繫月之事,隨 月,今十一月」之説,諸儒遂以《春秋》之 IE. 月」、『秋七月』、『冬十月』,正以順天時 聖人作《春秋》,書『春王正月』、『夏 建子之爲冬、建寅 月爲歲首,受朝饗耳。 異於商,皆以革 烝」,正以烝乃冬祭,春正 月,建子之爲十一月,固自若也。 人時。 未嘗 自漢儒有三正之説 至於敬授民時,巡狩烝享,猶自 商之建 所謂行夏之時見之行事者也。 改 爲 有 天時,孔子 非 非 Н. 時 命,欲整一人心,故 時 以 禮 : 而譏 而 者。 異 後 於夏,周 其建丑之爲十二 聖人無謂冬爲 之。 爲 若 亦 杜 春,固 此 月行之非 初 今以夏時 氏 所謂 非 一之建 有 自 改 正 建丑 若也 周 周 以 子 禮 月 JU 以 參 此 夏 正 制

天 王 使 爾 家 父來 《春秋》非 聘 夏正

而

何哉?」

不

氏

烝

年之間 字。」 聘 志 以 莘 杜 之皋將 氏采,故稱字不稱伯 老孫 朝 魯 見 氏 也。」〇存耕 不 何氏 曰:「家父、天子大夫。 自 焉 能 氏 古 來 隱 逃。 者 討 聘 曰:「家,采地 日 至 者 七 惡 "「桓公,大惡之人也。 桓 年 趙 ^ =而 春秋》書之,傷周責魯之 未嘗 氏 王道之衰,遂使篡人 聘, 《春秋》一切書之, 曰:「五年之中周 仲也。」未詳孰是。 一至天子之庭 周則 也。 過 天子中大夫 家,氏;父, 矣。 六 而 得 魯 所 年 Ŧi.

尊

以

至

寧

桓

烝

秋,伐邾。

其日 會。 畏而 義見《隱二 莘老孫 桓 而以伐人,見王政之益衰 桓自弑立,恃其强惡以陵 「公弑逆之辠,宜乎其反見伐也。」 伐 惟 從之、故紀、郕、鄧、穀、滕、杞或朝 邾、必 邾 氏 恃 曰 : 年》「鄭 舊 有 「不言! 好 辭 伐 焉。 而 帥 衞 不 師 顧, 邾 也。 不 小國。 微 此 至 能 則 者 是 奉 弑 伐 遂伐之。 高氏日 辭 小國 之也。 逆之賊 以 皆 或

夏

Ŧi.

月丁

丑,烝

穀梁》曰

烝,

冬事

也,

春、

興

之,

黷

祀

也,

志

不

敬

也。」《公羊

. ⊟

: 夏

常

事

不

書,此何以書?

譏

呕

也。

叹

則

黷,

黷

則

意隱

然矣。

神,適 公行之。 乎?」○存 曰 : 一 深辠也。 ',神明 敬。 其 、時也。 以 Œ 君子之祭也, 至 月烝 瀆 將 神。」 耕趙 幽 以 歲 , 事 已 而 再烝焉,祭之 氏 幸老 神,適 非 以 曰 : 非禮 時 孫 敬 以慢神 氏 夏 況 瀆之,聖人 而 而 曰 : Ŧi. 不 瀆 礿 月 贖。」 ; 也 禮 而 祖 將 而 也, 所 又 戴 父 以

非

七二

冬十月,雨雪。雨,于付切。

天下之母也。」張

氏

日

:

「 天 子

雖

無

親

果八月也,聖人恐未必誣天而易秋 夏 雪,陰氣盛也。」〇黄氏曰:「諸家多以 戴 雪,所謂 變示乎人。 也。」存耕趙氏曰:「人事病乎天,然後天 十月爲今之八月,雨雪非時。 氏 正冬十月言,理亦未嘗不 曰:「孟冬之月,陰氣始凝,而驟 乖 氣致異也。」 桓之惡德上干天和,未雪而 明。 今戴 爲 氏 嘻 久 冬 以 雨

祭公來,遂逆王后于紀。

以 命 曰 存 莘老孫氏 《公羊》曰:「祭公者,天子之三公也。」 也。」《穀梁》曰:「遂,繼 逆后 逆后 耕 :「大夫無遂事。」程子曰:「祭公受 趙氏曰:「因 而 爲 日 遂 至 :「天子三公,食采於 魯,先行私 事,責其不 而成事 禮,故 虔王 也。」《公羊》 事之辭 命,而 書『來』。 祭者 也。 輕

> 孰是。 今使 葉氏 親 之遂逆后,則過在桓王。祭公特 此,何以示 迎之禮 二説,亦未詳孰是。 祭公逆后,非 也,坐而 書之也。」劉氏曰:「三公者,父師之任 命之辠耳。 王,然後遣於宗廟,以 迎,使上公逆之。 日 魯爲媒 若當時天子使之來魯,而 ,然祭公謀於魯,則 「天子逆后以 論道。使之逆女,非正 IF. 〇胡氏 而 矣。」 始 因 之道 是 與 曰:「案禮 何以 往 哉 劉 卿, 明逆后 氏 !二二説 書? 輕 而 同 褻 當 公臨 天 王 復 以 之重 胡、 也。 配 子 有 未 命 遂 又 之。 不 從 使 劉 事 詳 如 於

春秋本義卷第四

後學成德校訂

### 春秋本義卷第五

### 桓 公

九年春,紀季姜歸于京師

逆也 也。 其歸 增益 吕氏 前 者,天子之居也。 也。」歸,見《隱二年》。《公羊》曰:「京 年祭公所 也。」 天子之居必以衆大之辭言之。」高 稱 曰:「史失季姜歸月、《春秋》不得而 也,謂之『季姜』,自父母家言之 曰『王后』,自王命言之也。及 杜 逆王后 氏 曰:「季,字。 京者,大也; 也。」戴氏 姜,姓 師者 「方其 也 衆 師 冬,曹伯使其世 夏四月。

姜,則 謂: 賊 社稷主。今紀以畏齊而謀納女,魯以弒 以 諸 姑姊 秋》之作 上 貞淑,然後可以配至尊,成内治,爲宗 書之,以防後人猶有卑人爲 后 於諸 伯 侯 下皆非 而 王后 則 妹 主之,桓王 姬 非 歸 , 則 侯,對曰 一所以 嫡矣,不可以母天下。 爲天下母, 于紀,則 ĪĒ. 日 示不 義 : 『先君之遺女若 爲 腆先君之嫡若而 :『夫婦所生若 明 亦 君子惻怛之心也。 叔 道 乘 必擇諸 姬 之 機 爲 舉,嗚 而 之娣。 娶紀之姪 侯嫡 后者。二〇 呼 而 而 《春秋》 女窈 今日季 人。』若 人。』是 春 廟 於 窕 愚

秋 七 月。

侯嫡子誓於天子,而攝 康 侯胡 氏 日 案《 同官 其君,則下其 典 命》:『 凡 君

子

射

姑

來朝。

射,音亦,又音夜

氏曰:「古者,后夫人必取嫡女。天子求

七四

矣。 男者 之禮 世 子,以内爲 爲 以 世 攝 時 子 有 窺 也,世子,君之貳也。 職 故 使 事 子 何之心, 危道也。 子 孝,又焉 哉 老 古 疾 也 世 諸侯 可以已矣,則是放 曹伯 疾者使世 其親者也。不盡 將 ? 謂 明 有 子伉諸 等。 矣。 欲 諸 出 大位,姦之窺 諸 相 侯 會 既 已 失正 得爲 侯朝 見 間 朝 未誓,則以 平 而 有 侯 子攝 於王 日 也。 聘 疾, 使 1 孝乎 之禮 於天子 朝 之儀 世 何急 則 事 己事 子來,終 以 内失正,曹伯失正 方 踰月 君疾 而 !」〇《穀梁》曰 矣,然 道 也; 則 皮帛 命 待人父之道 有時 來 命矣,孝子 於 而 相 以 也。」張氏曰: 朝 而 苟焉,以 危病,邪 朝 見 mi 朝 繼 攝 曹伯 天子 而 生之過 終生卒,其 桓 其 儲 子男。』世 其 , 副 不 使 禮 君 ,急述 敢後 出 待其 從 之伺 盡 本無 失 世 繼 也 īF. 啓 道 子 子

> 十年春,王正月庚申 也。」劉氏曰:「此後 曰 子 ^ : <u>`</u>, 春 「使不幸未還 春 秋》以討 秋 所 賊望諸 以 ,曹伯終生卒。 直 而 曹伯 世 書 侯。 所以 而 卒,則國 深 今曹 多子 責 之。 伯之使 禍 非 也。 戴 其 國 氏 世

義見《隱三年》「宋公卒」。

夏五月,葬曹桓公。

義見《隱三年》「葬宋穆公」。

秋,公會衞侯于桃丘,弗遇。

《易・屯》之六三,以陰 利害,不 遇』者,見諸 公獨往 衛侯與 公羊》曰: 衛不信 桃 丘 , 衞 公爲 而 顧 也。」吕氏 地。 不 義 會 期,中背公更與齊、鄭。 相 侯 理 濟 之 遇 者,期 如 北 也。」趙氏曰:「書『不 無 日 此。二〇 東 : 信。」朴鄉 阿 辭 春 居陽,其身不正 縣 也 高 秋 東 之世 氏曰:「 南 吕 杜 有桃 氏 氏 一,專計 日 日 城 故 在

舍。 氏 負 其 吉之先見者 弗 正 베 弑 心 見 輕 曰:「郎之戰 如《屯》之六三,聖人爲 逆之辠,而 而 往吝。』《繫 納 躁 後語 妄 聖 動 也。 人 ,定其交而後求。』夫桓 兆 戒 求 辭》曰:『幾者,動之微 又 君子安其身而 應於 之, 此。 輕躁 曰 : Ŧi. 妄 萬 動 Ŧi. 君 世戒 爲 應 子幾 在 人所 後 也。」黄 動 公身 不 棄 如 而

于郎。 冬十有二月丙午,齊侯、衞侯、鄭伯來戰

直 戰 郎 郎, 衞 此 兵于魯者爲 其 不言侵伐 也。」常 見 義 隱 或 康 坦 Ш 爲 九年》。 侯 然。」 而 主。 劉 不 胡 氏 以『來戰』爲文,則 少 氏 義 劉 矣、未有書『來 日 -又 :「春秋 氏 程 見《隱二年》「 子曰: 二 曰:「外爲 魯桓 之中 弑立,天下 -,諸 來 志 戰」者。 彼 戰 鄭 曲 平. 侯 伐 我 此 于 加

> 哉。」 怒,親 討 曾 大惡 假 比 兵 之姻。 以 争 伸 定 書 田 不能修方伯之職,駐 其 愚 戰 其 ,人人所 以 帥 天下之大 此 謂 事 桓公又新娶于齊,魯、鄭嘗會 締 位 ,爲後 其 一,齊 交,一有間 春 魯、衞 師 秋 得 侯 戰 世鑒。 之 討 則繼 義 于 時 兄弟之國, 也。 也 魯 所 隙 會 境, 以 鄭 則 師 于 今 爲 伯 忘 境 稷 尚 特 大亂。 則 親 齊、 上 以 爲 以 首 背 濟 魯累 私 聲皋 知 盟 盟 其 類 忿 聖 于 盟 # 致 興 小 越 忇

十有一年春正月,齊人、衞人、鄭人盟于

惡曹。

專 否。 王 不 綱 盟 與 或 之壞極矣,聖人 是無 杜氏 也。 稱 人, 曰:「惡 其 天子 日 微 『人』,不 ; 者 曹, 大 也。 所尤 夫 地闕。」 專 日 詳 惜 盟 氏 也 · 是 也 愚謂 無 未 義 諸 盟 詳 又見 侯。 侯 是 我

其勢相 《春秋》正 衞 交政之惡,則又有陪臣 隱 鄭 元 年 相 召 與 本謹 也 盟 會 始 盟 于蔑」。 ,知其後必有大夫脅權 而 君 不行, 執國干上之禍 劉 氏 委之大 日 : 「 夫 齊、

夏五月癸未,鄭伯寤生卒。

義見《隱三年》「宋公卒」。

秋七月,葬鄭莊公。

「葬宋穆公」。杜氏曰:「三月而葬,速。」義見《隱三年》

奔衞。 九月,宋人執鄭祭仲。突歸于鄭。鄭忽出

也。」 陸 案: 突, 莊公庶子, 宋雍 在 氏 人 「祭仲,鄭之命大夫。祭,氏,仲,字 蘇 而 日 一、執 氏 在 曰:「名也。」 執,略之之辭 大夫例 稱 人。」愚謂 ·
姞
所 前説 也。 出 康 近 是。 侯 即厲 : 胡 義 公 愚 氏 不

皆君 也。 也。 宗有寵於宋莊公,故誘祭仲而執之,曰: 氏女於鄭 出奔者多不書子與爵,如 踰年之君 也。 祭仲與宋人盟,以厲 『不立突,將死。』亦 公娶鄧曼,生昭 封人仲足有寵於莊公,莊公使爲 君多内寵,子無大援,將不立。三公子, 人將妻之,昭公辭。 曰:「未踰年,不 君,不名無以爲辨。」後倣此。 逐者必有與之争國者。 《左氏》曰:「鄭昭公之敗北戎也,齊 葉氏 忽,莊 也。』 弗從。夏,鄭莊公卒。初,祭 日 莊公,曰雍姞,生厲公。 稱子,今不 公嫡子 凡 公。 稱鄭伯 出 公歸 執 故祭仲立之。 奔 鄧 祭仲曰:『必取之。 稱 者皆 厲 曼 I'。」 愚 内一 子,未詳。 所 而立之。 公而求賂焉 曹羈之類 書名 案: 君,外 出 邦衡 即 居 卿,爲 秋九 宋雍 大 胡 昭 喪 亦 蓋 氏 是 凡 未 氏 迫

節 足 行 掌,與天子、方伯不修其職,以 與 庶。 庶孽 月丁 所 以君臣之義,顛則扶之,危則持之,力不 弟也,非正也。忽既立,則祭仲之君 皋大惡極 「忽,太子 今立惡 鄭 則 誘 而 死之。 謀 亥, 祭仲 忽不能君,舉朝無忠臣 無所忌 立属 其 篡。 而 權 無 昭公奔 也, 兄 矣。 執 朏 公。 謀甚 又知 在祭仲 或 宋 正,惡祭仲 ,舉可見矣。 然鄭莊之多寵 柄,不死 莊私突,執祭 矣。 衞 也,正也。 突在宋,非會 也。 己亥,厲 往 節 也。」愚謂 死 而 ()陳 以 君 被 突,公子 而 輔 難,臣 執,不 仲 公立 以 非 致姦猾肆 廢置如 正。 岳 遺後 :聘爲 奪 : 氏 道 能 突以 嫡 三者 日 也 禍 也 死 宋 反 V. 穀

公會宋公于夫鍾。 亂; 疑。 蔑」。 結 仇 叛,數會以卒離。 日: 虚、于龜,皆存 盟于折,君與宋公會于夫 杜氏曰:「夫鍾 侯,故盟不足以恃矣。」 慤 會于防」。 宋 相與之心,又以再 敵,至今年桓公欲合黨以敵之,於 會者,諸 盟者、《春秋》之所 聖人皆存而 與 ○張氏 陳、蔡,要言 ○康 侯所 夫音扶。鍾、《公羊 曰:「自去年魯 而 其事 不削,於以 侯 郕 不削 不得 胡 地 歃 命大 氏 可謂 III. 门, 何 專, 惡 日 義 暫 夫敵宋 (鍾、于 見《 其 著明矣。」 而 而 見 初 切 祚 與 數 辭 無 屢 屢 臣 隱 齊、 忠信 盟 會 盟 費 與宋公 , 闞、于

叔,字也。一冬十有二月,公會宋公于闞。 口

以

厚

以

Ę

1111

卒

歟

柔會宋公、陳侯、蔡叔

盟

于折

孫

氏

曰:「蔡叔,蔡侯之弟。

七八

諸

侯

母

弟

未命

爲

大夫者

皆字。」

朴

鄉

吕

氏

日

折,魯地。」義

見《隱

元

年

· 》 盟

于

衞

爲

是

誠

九

年

陳

杜 氏 曰:「闞,魯地,在東平須昌 縣東

南 :。」義見《隱九年》「會于防

十有二年 春 īĒ. 月

夏六月壬寅,公會紀侯、莒子,盟于曲池。《公

羊》作敺蛇。 紀、《左氏》作杞、《公羊》、《穀梁》作紀。今從程

子所定作紀

杜氏曰: 「曲池、魯地。 魯國汶陽縣北有

于防」。

○高氏曰:「公委宗社人

民

而

<u>Ŧ</u>i.

曲 水亭。」義見《隱元年》「盟于蔑

七月丁亥,公會宋公、燕人,盟于穀丘

秋

張氏 曰:「南燕,姞姓國。 漢屬東郡,今

爲滑州胙城縣。」存耕趙氏曰:「居宋、鄭

之間。」杜氏曰:「穀丘,宋地。」張氏 在應天府 穀熟縣。」義見《隱元年》「盟 日

于蔑

八 月壬辰,陳侯躍卒。

侯卒」。○張氏曰:「去年與柔盟于折。 杜 氏 曰 : 「厲公也。」大意見《隱七年》「滕

不書『葬』,魯不會,不恤同盟也。」

公會宋公于虚。《公羊》作郯

于防」。

杜.

氏

曰:「虚,宋地。」義

見《隱九年》「會

冬十有一月,公會宋公于龜。

杜 氏曰:「龜,宋地。」義見《隱 九

年

· 》「會

出 日不治,則國不可一日去之。故先 與宋會。 諸侯臨涖一國之民,民 不 可

Ŧ

子則出境,天子 之法,諸侯 無 事 不得出 巡 行 則出 其四境。 境,方 伯 朝 率諸 事 天

侯 以 征 伐 則 出 境。 若 無 事 而 出 境 則

自會 誅。」葉氏曰:「公始以柔會宋。 于夫鍾,于闞,于穀 丘。 夫鍾, 郕 未幾,復

亟矣。 地; 闞,魯地,穀丘,宋 及是復會于虚、于龜、皆宋地、而 地 也。 公之求宋

公即之。公之求宋益亟矣。 蓋自隱以

七九

急。 來,我 以 乎 從 以 懼 黨 會、又明 知 ? 爲 鄭 鄭 而 之謀 武 桓 鄭 則 伐之。 暴戾則 之相與爲 滴有 之不 父之盟 伐 年復 己, 宋, 終也。」 突之亂,知 孰 無 (會,其 故 善 , 而 親 有 亟 宋 厚 失 成 立 於 則 爲 求 伐 或 求 道 伐 於鄭 薄 宋之役。 其 宋。 鄭。 則 如 者, 不足恃, 寡 是 者亦 惟 援 既 至 而 君 郎 宋 而 미 如 明 之 與 求 久 子 乃 是 年 戰 鄭 鄭 者 是 復 其 再

戌,公會鄭伯,盟于武父。 鄭 君 鄭 書之,不没 伯,突也。 地 陳 留 濟 東萊吕氏 其 陽 實 縣 也 東 1。\_杜 日 -北 音斧。 有 氏 武 突篡 日 父 :

丙

見 以 謂 盟 : 魯 義 鄭 桓 又 反 與 見 覆 宋 隱 如 兩 是。 元 盟 年 四  $\stackrel{\cdot}{\Rightarrow}$ 比 會,不浹 事 盟 而 于 蔑 觀 旬 其 城。」 武 位 而 義 背 而 父, 愚 張 自 之 以

> 丙 戌,

爲 瀆信 交相 不行。 其 民 聽 離 相 則 始守約,愛民爲急,以合聖人之意 此,見諸侯 衞侯晉卒。 不堪 世 者也。」吕 合 視 相 有 戒。 盟 忽 正 與 不 命,如 會,紛 也 期合 魯桓、宋莊 如 如 後之人 是。 仇 不 無 長 氏 敵 過 而 王 亂,王 紛離 此 合者。 然。 日 以 春 之 \_: \_: 放恣 君有意於善者 利 党鄭 秋 || 詳 合,惟 極 公之會 合。 法 此 也。 其 自 厲 之 年 若。 皆 人 書之,以 所 利 書 聖人傷之, 宋 以 旦 非 必 是 盟 多事 争 篡 而 有 誅 視。 會 或 盟 是 小 其知 之 而 見 乎. 屢 鄭 利 而 心 數 煩 不 ! 盟 立 盟 政 慎 以 以 其 加 則 則

耳。 孫 氏 曰:「丙戌、羨文也。」此 經未 有一 日 而 再 書者。 盟 義 與卒 見《隱三 同 H

十有二月,及鄭師伐宋。 年 》「宋公卒」 丁未,戰于宋。

氏

日

與

人交之道,忠信

誠

慤

本

乎

中

+ 有

三年,春二月,公會紀侯、鄭伯。

己巳,

葬

行

不 内 服 不 出 而 逆 主 戰 也 言 也。 戰 而 伐 不 言 敗 績 戰 無 宋 大

名,微

者

而

Ì

者,

及

齊侯、宋公、衞

燕人戰。

齊師、

宋師

衞

篡 耕 宋 鄭 戰 也 也 侯 突 小 年 也 勝 立己之私恩而 此 敢 忽, 胡 捎 亟 也 故,不忍 , 殘民毒 負 鄭 往戦 争 氏 氏 役 也 與鄭 稱 伐衞 日 是 曰:「來戰者,辠在 尋 又 者皆 兵爲戰,見王法之不 常, 者, 辠在 書 也 兩 憤 衆,皋惡 比  $\frac{1}{1}$ 年 魯軌弑 怒者,謂之憤 殘 逆 與 則 書『及鄭 ·之間 民 未 魯 賊 連 張 暴骨, 内,戰于宋 戰 比 鄭 極 隱 周 六 氏 伐宋; 于 矣。 宋 此 盟 有 日 宋』, 師 兩 : 宋不服以 常 會 彼,戰 伐宋』, 皋魯 兵。 馮 義 皋之 「兵 鄭突 行也 刑 言魯、 宋, 弑 又 是 法 魯桓 見 殤 皆 宜 也 于 也 亦 争 戮 鄭 鄭 篤 郎 隱 至 康 是 鄭 恨 餘 突 瓺 於 其. 好

師 燕 師 敗 績

之 此 也。 魯 侯 燕 來 稱 會 紀、 「人」,微 鄭 也。 者 也。 及」者,三國 戰 稱 爵 舉 及

績」者 重 也。 敗 敗 其 稱 師 軍 功 大 君 敗 存 也。 而 師 ^ 敗 公羊》 也 日 敗

:

爲主,外兵以 其不地,於紀 齊爲主。」幸老孫 也。」 趙 氏 日 : 氏 内 兵以 紀 紀

爲 齊侵 (削,志 欲滅之, 舉宋、衞、燕三 或

之敵。」 之師 往 愚謂 伐 之。 齊吞 紀於是要魯、鄭 小 或 連諸侯 之君 以 伐 以

取 敗 績, 辠 不勝 誅 矣。 紀 不量 力,又

相 魯、鄭 從 諸 以 侯,各 戰 雖 逞 僥 私 倖 忿 合黨 勝,卒滅宗社 報 怨 使 無

其

連

自

辜

惠公稱 之 民 侯 肝 縱 腦 恣 侯 甚矣。 塗 以 地, 接 鄰國 杜氏 皆 皋 l',非禮 也。 曰 : 一衛 見 也。」義又 王 宣 一公未 政 不

馬,則 懼 此戰始矣。」 焉,禍之始 力 責 君之賊、篡國 力,不徵 如 子,下告 也 見《隱二 京蔡敗 是而 度德,動 ? 之事、禮 亦 彼 無 憤然 爲 年》「鄭伐 道 詞 楚 方 古 輕 則 無道 也。 伯 其 而 恃强 與 相 滅。 之人也。 封 義 與 戰,豈 連 息伐 時。 以 疆 辨 陵 齊 帥 衞 今紀 加 喻之文。 弱 戰, 效 小國 與 0 鄭 兵於己,必 已亂之道乎? 鄰 死 不能 而 人 而亡,鄭 此 以 國之諸 讎大國 爲 不 康 以 守。 保 猶不 侯 之 度 紀 德, 其 援 胡 爲 上訴 勝 有 侯。 而 國, 氏 者 主 得 不 蔡 幸 引 曰 弑 自 量 而 勝 同 不 天 免 咎 何 :

義見《隱三年》「葬宋穆公」。

三月,葬衞宣公。

夏,大水。

義見《元年》。○存耕趙氏曰:「桓元年

溉。 於是 患,但 使禹 者也。 之廢,生民受其患,無以拯濟之也 書『大水』者,上 經界,使畎、澮、溝、洫之屬皆蕪 溝、澮、川、遂之間,遞 蓋 旱不能爲之害。 又得其利焉。 川入遂,以次疏導入河 澮,由澮注溝,由 有畎有澮,有溝有 則妨農矣。」高氏 大水,今又大水。 以 治治之。 民 遇 決 有其利,故 爲 大 大而 而 兵戰 不爲災也。 水 禹能 災焉, 而 春秋 所 無 痛 或天 티 : 年 驅 溝 疆 以 洫 陰 水,天之所 禹 之時,暴 之豐 注 理 決, 自 無 有 跡 沙之 證 引 或 時 天下 洫 暇 入江,終至於 之亡 川有 遇 其 天 久 [X]堯有 治 由 水 時 雨 大 ·,正其經界。 君汙吏壞其 Ш 下悼井 則 以 洫 係農 遂 也。 久旱,則於 洪水之患 早 生 畝 爲 入川,由 ,遂無水 而 耐 由畎 以 力,水 夏 不治 灌溉 活 聖 無 海 注 以 人  $\mathbf{H}$ 

冬十月。

十有四年,春正月,公會鄭伯于曹。

容。今相會于曹,曹之容惡可知也。」「公與鄭伯皆有篡逆之大惡,天下所不義見《隱九年》「會于防」。〇高氏曰:

無冰。

曹,而 冰、出 而 冰,今年之春無 無冰,無 也。十二月取冰,正月藏之。今桓 二之日鑿冰 一之日,今之十二月;三之日,今正 穀梁》曰:「時燠也。」戴氏 書之。」愚謂:此 闹 冰俱 」之法同 書若「無 藏 在其 冰 沖 也。 冰」,則總繫之春 冰 中。 沖,三之日 義 可納。 年正 去年十二月時 與 與僖二年、三年 成元年二月、襄二 月爲公會鄭 《春秋 納 曰:「《詩》 于 》於 耳。 凌 公春 伯 是 燠 陰 藏 書 干 時 無 月 日

天人一 書。 則 月 尤寒,冰之有無 爲 德全矣。」黄氏曰:「諸家皆以周之正 亂 暑 燠 用 出 職 月 + \_ 之變, 之徧 無 今之十一 胡 故 八 無 月無冰爲災而先書之也。 ,慎於微之事 之也,賓食喪祭,於是乎用。 頒 而 然使果十一月無 冰 冰 氏 冰 也 年 無 決矣。 於夏。 及春正 冰,則 然 理也,萬 曰:「雨、雹、冰、雪,何以 春 以 康 書 察其 亦 侯 月。 政 理 始以災 無 固陰 胡 月 治縱 陰 也。 消 物一氣 方於此決,未 冰 十一月無 氏 東風 陽天地之一 息 冱寒,於是乎取,其 曰 : 同 每 弛 而 冰, 盈 0 也。 不明之 解 書爾。」 謹 虚 「《周官》凌 蓋 凍,終於無冰 則 此 於微、然 觀 無 尚 冰 蓋至十二 . 所 叮 制 於 冰 有 事 爲災,故 藏之周, 治 遽 陰 悉 致 也。 十二月 不 以 後 人之 於 陽 書? 也。 可 月 Ŧ. 未 繫 寒

四

夏五,鄭伯使其弟語來盟。語、《穀梁》作禦。

矣。 賊之合黨,甚矣。 七年》「齊來聘」。 杜 夫皆稱使,來盟前定也。使其弟,見《隱 成而後亡也。」愚謂 氏 盟見《隱 曰 : 示不 書月, 元 年》「盟 此 〇莘老孫氏曰:「《春 闕 則 此及《宣七年》孫 文。」葉氏 盟 于蔑」。 以伉諸侯,甚 日 此 則 篡 良 經

之,徒曰『弟』焉,辠之也。『來盟』者,盟弟而可使,則命而使之可也。不命而使秋》諸侯使其弟來者,皆辠其不當使也。

者,書曰『來盟』。不言其地,盟於我之於魯也。《春秋》主我,使自外而至盟

盟」,涖盟彼此之辭也。」

焉。

突蓋

德軌

之排宋

而

黨己也。

來

或

都也。」存耕趙氏曰:「請會矣,又請盟

《公羊》曰:「御廩者,粢盛委之所藏也。」秋八月壬申,御廩災。乙亥,嘗。廩,力錦切。

見其 不改 見其 靦 所致也。不知省身改過以答天譴,卒 藏,以桓公平日得辠於天,不敬其 杜 之不謹,而災於齋之日也。」趙氏曰:「譏 致齋三日之前。¶《春秋》書之,蓋以 慢祖也。 謂:災者,火之也。 也。」嘗,祭名。《公羊》曰: 然草蕞 氏 八慢也。」 下也。」獻可 瀆 曰:「藏 也。 即 ○存耕趙氏 復祭之。 此 公所 年書『御廩災,乙亥嘗』, 杜氏 親 當嘗而 曰:「八年書再烝 曰:「御 甚矣! 耕 以 「秋 奉 火其 廩之災,在 粢 其忽天 日 嘗。」 盛 粢 祖 盛 之 倉 敢 之 而 愚

冬十有二月丁巳,齊侯禄父卒。

義見《隱三年》「宋公卒」。

宋人以齊人、蔡人、衞人、陳人伐鄭。《公羊》衞

●「齋」,原作「災」,今據四庫本改。

+

然鄭

突忘

立己之恩,結

魯

以

伐宋,

以

致

哉! 與從 摟諸 焉。 伐 或 子 鄭。 用 葉 宋公之辠,斯爲尤重。」存耕趙氏 之,於是復以 深怨突之背己。 者也。宋公不道,執 之戰、己巳之敗 大亂 , 而 衞 也 氏 宋以 侯以 康侯胡 。」 愚謂: 紀之戰,齊、衛  $\Box$ 敢 宋 誰 :「伐,言以 之道 莊 私 歟 興 伐諸侯也。 高 ? 用之與? 也。 氏 戏。」木訥 也 齊、 氏 宋怨 El . 己立 愚謂 」。」義 績  $\vdash$ 而 蔡、 : 列 突之背 己不能敵,假 故 之 自 在 人之卿,易人之君 : 「折之盟 又見《隱二年》「 齊子公 私爲之用,以 衞、 趙氏 而 焉。 量 用 國之兵皆 宋莊之罪著矣。 己 其力不足以 几 陳 己, 猶在 日 皆與 疾之。 或 之兵伐 一出忽立 陳、蔡 之兵 又 哀疚,相 宋 有 人以 統 不仁 司 伐 以 乎 T 一是 鄭 加 惡 伐 在 鄭 天 未 爲

有五年春二月,天王使家父來求車 貢。 器不足而 伐之,正也。不 見 以 不 家父,見《八年》。 人上,非 有 無 治也,天子 無求,求 交怨報 桓公篡立,天子未嘗討之,反 恭,不至於來求 ,周室財用不足 賜 見王室之微,而著諸侯之辠 有 《隱三年》「求 車 無 求 有 也。 求,諸侯 復,殺戮 所 車非禮 求 器 命貢 以 買,用· 車,用不足而 諸 王 侯 無 天 也。」常山 有 膊。 賦 能 奉貢 孫 也。」《公羊》曰 辜,突真薄德哉 也。 下也。」 有貨貢。 貢 於天下 伐之,又從 氏 無 ○葉氏 賦 世 曰:「諸侯 與。 劉氏 於天 亂 獻 求 . [[]] 占 金。 諸 反 可 無敢 日 曰:「天子 子 侯 者 ·也。」義 此 杜 而 屢 三王 以是居 :「世之 mi 不貢 邦 貢 求之。 氏 、聘之。 不從, 或 書 無 曰 : 賦 而 九 V 者 此 敢 不

張 今又有 氏 日 :「家父爲大夫 車 服 之求。 聖人所以 而 無 所 正 甚之也。」 救,奉使

侯 國 自 取 辱命之辠。

三月乙未,天王崩

案: 類 所 見 蔡、衞於 葬,二見魯桓以嘉禮會齊侯於艾,會宋 心也, 豈 爲 桓 此一 王崩 屬 徒記 曹 辭 見魯桓不 於此 比 三見諸 其 事,爲《春 年, 死 而 生之變而 奔王喪,而會齊僖之 葬於 侯之伐 秋 六年 》教」者,皆此 國 已哉? 不已; -之後 也。 几

又 見《隱三年

夏 四 月己巳,葬齊僖 公。

高 丁,其顛 氏曰:「魯不供天王之喪,而 倒 甚矣。」義 又見《隱三年》「葬 會齊僖之

宋 穆公」。

Ŧi. 月 鄭 伯 突出 奔 蔡

突,書名,見《十一年》「 鄭忽出奔」。

> 氏》百 殺之,將享諸郊。 『父與夫孰親?』 : 「祭仲專,鄭伯患之,使其壻雍 其 雍 母 姬 曰:『人盡 知之,謂 其 夫也 母 日 父 糾

告。』祭仲殺雍糾,尸諸周氏之汪。公載 氏舍其 而已,胡 室 耐 可 比 將 也?』遂告祭仲,日 享子 於 郊,吾惑之,以 雍

以出 ,曰:『謀及婦 人,宜 其 死也。」夏, 厲

不可 公出 以 奔蔡。」 有 國。 張 又初 氏 曰:「突以 與權 臣 比 庶 而 孽 篡位 奪 嫡 又 古

爲反覆盜賊之計以自取亡。」○陸氏曰 逐君之臣, 其皋易 知 也 君 愐 見逐, 其

凡諸侯之奔,皆不書所 惡甚矣。 聖人 之教 在 乎端 逐之臣 本 清 而 源 以 自 故

自 奔爲名,所以警乎人君。] 康侯 其説是 取 焉 耳 也 本正 夫君 而 實有 天下之事理矣。」 或 一,而 出 胡 於 氏 臣 日 乃

鄭世子忽復歸 于 鄭。

<u></u>
左

八六

於突 葉氏 爲 趙 二説 既 位 侯 突、忽之逆 聽。 氏 絶 不 出 除 言爵 於 而 相 可 奔,言『復歸』,諸侯  $\Box$ 曰:「突歸 權臣 國 絶 須 明正 : 乃備 , 今始復 也。」邦衡胡 忽 則 順 擅國 也。 何 雖 不 ,然本義則不在 以 踰 難 則 命 何以言『復歸』? 稱 年 知,而 來,已失國之辭 忽 而 世 而 氏 廢置其君,舉國之 出,突出 子? 不居位。 티 : 世國者也, 出 人惟 「『復歸』者, 此。 言子 則 蔡 所 忽歸。 雖失 仲 存 也。 凡 以 則 之 耕 諸 别 喪

諸 謂:《春秋》書此,見天王失政 侯 失權而 庶孽亂嫡、大夫執國命 而諸侯肆 也

人莫之違。

祭仲之事

不可

以

訓

也。」愚

許 叔 人于 許。

乘 叔 杜 許 氏 人 之亂 于許 曰:「許叔,莊公弟 而 事 謀 無 篡者也。 可 考。 以書法 也。」愚謂:「許 夫世子受國 觀之,必 於

> 也。 先君,誓於天子,而 乘許之亂竊 入而 後 爲君,辠可 諸侯。 許 知 叔,弟

爲

公會齊侯于艾。《公羊》作部、《穀梁》作蒿

焉。 矣。 矣。」義又見《隱九年》「會于防」。 與文姜爲鳥獸之行,而 艾,見《隱六年》。 自僖公卒,襄公新立,至是 而齊襄 居 喪出 高氏曰:「魯嘗與 會,越 桓公之禍兆 禮畔道 復 一, 自 於此 齊絶 通 是 好

邾人、牟人、葛人來朝。 牟,亡侯切

三國 受旅朝之儀,見當時 陵縣。」愚謂:言「人」,則 國寧陵縣東北。」張氏 杜氏曰:「牟國,泰 後爲登州牟平縣。」杜氏曰:「葛國 以 臣 而 行 朝禮 ,魯以弑 Ш 禮制之大壞矣。 曰:「後爲拱州 牟 -縣。 三國之臣 逆之賊而 張 氏 在  $\exists$ 也。 安 寧 梁

秋九月,鄭伯突入于櫟

稱

鄭伯」,嘗君鄭

爾。

稱名,已奔之君。

八七

矣。 子 窬 而 櫟。」愚謂 IE. 公羊 左 河 之謀 方伯 又竊 也。」存耕 無 氏 南 〇程 他  $\forall$ 陽 人 不 曰 義 翟 治之。 : 子曰:「『鄭 春 據 也。 縣 突以 趙氏 邑, 秋 。」張 櫟者,鄭 鄭 · 直 人 終始 伯 又不 庶 日 氏 因 · . 書 于櫟」, 孽奪 櫟 日 亂 伯 其 之邑也。」 能 人 鄭 世子復歸于 突 事 嫡篡位 君 殺 後 人 竊 而 圃 舉 檀 于櫟』,突 屬 人 出 皋 動 伯 潁 杜 據 奔 Ŧi. 惡 莫 而 昌 氏 年,天 邑 鄭 自 非 既 遂 府 日 也 非 見 穿 奔 居

鄭。

冬十 袲,余支切。 有一月,公會宋公、 篡位。 《莊二十一 之大 略 愐 居 其 之, 也。 枝葉,使 比事 以 《公羊》作侈 忽失其 年》書「 生 而觀,春 謹 民 夫 心, 政,不能 鄭 亂 衞 此 秋之時亂 伯 之 侯、 亂 突卒 所 根 自 陳 制 也 生 突, 侯于袤,伐 口 則 知 突 使 故 愚 矣 終 君 斬 案 復 子 鄭

弱 櫟 雖 IE. 未 裹,謀伐 先 杜 相 . Н 詳 或 亦 康 行會禮 氏 篡 之人。 明 侯 信  $\Box$ 與連 以 其 矣。 : 胡 否。 盛 鄭 智 氏 ,而後伐 「袤、宋地、在 兵 强 足 然昭  $\vdash$ 復 將 義 動 : 以 歸 見 納 諸 衆,納篡國之公子 結 公雖正,其才不足 於 昭公之與突,其 隱 厲 也。』、左 侯 JL 鄭 公 不 鄰 也 顧 沛  $\Box$ 年 之 是 氏 以 或 ¥ 援 弗 非  $\leq$ 微 相 鄭 克 IIII 弱 縣 既 伐 計 是 而 西 也。 人 厲 以 會于 其 非 衞 還 南 强 于 君 公 邪

令春

秋》

弗

志,

志

突

人

樂』

而

L

語

子

争

立

兵

革

不

息

者

也

鄭

亂

如

此

由

櫟

而

許

氏

曰:「此《詩》所

謂

 $\overline{f}$ i.

公

櫟人實使鄭子不得其位。』言國

邑

與京

也。

突

雖

未

得國,其

後

卒

君

鄭,

實

櫟』,未得

鄭

也

然

樂,

鄭

之

險

邑,

猶

制

突

人于

櫟』,兩

辭之間

· 逆

順

見

矣。

\_

于

伐 存 突,馮之無恒心可知矣。」 未詳是否 耕 突,未幾,突出 趙 氏 日 :「宋馮 忽歸, 前 年 又 以 方 以 或 几 之 或 師 之 納 師

于曹。 十有六年春正月,公會宋公、蔡侯、衞侯

《隱九年》「會于防」。《左氏》曰:「會于曹,謀伐鄭也。」義見

夏四 鄭,衞 弱、 月,公會宋公、衞侯、陳侯、蔡侯伐 又 責,故嘗伐之;突之既 也。」王氏曰:「突之未出 秋》 衞 也。」未詳是否。 黄氏曰:「冬伐鄭納 欲納之。 目前 大 先蔡。 〇吕氏 事 利害 紀實,以見當時之亂, 始鄭不和,魯嘗以 爲 蓋 曰:「會于曹,蔡先衞 先後,不 當 義 時 見《隱二年》「鄭 突,未克,今再 諸 出 復 侯皆以 一,宋懼 也,宋 用 周 鄭伐宋; 無 班 一切 欲 無 鄭 所得 有 復 納 ; 伐 所 禮 春 强 伐 突

> 篡 也。 及 倡 鄭國 賊 而 突 存耕 奪 也 既 之亂,宋公實爲 嫡亂國之事相踵 出 背 趙 公 氏 魯 X 死 曰:「突也 與 黨,奪攘 宋 伐 之。 於世。」高氏 馮 鄭。 矯虔,此 宋爲首惡。 也,軌 反 覆 也,均 風 皆 日 私

秋七月,公至自伐鄭。 未詳是否。

《桓二年》「公至自唐」。孫氏曰:「助篡伐正,踰時而返。」義又見

冬,城向。

孰是。 也。 孫氏曰:「下言『十有一月』,則城向 得 故城之。 邑。」木訥 月矣。」高氏曰:「《春秋》有二向,此我之 時,然違王 計其 義 魯、莒之争,自 見《隱 後爲莒所 趙 氏 制 曰:「隱二年, 莒所入之向 七年》「城中丘」。 而 勞民力,故書。 滅。 地 城向始。」未詳 在魯莒境上, 此 在 雖

岢 以 城 行 非 息。」黄氏 耕 冬今之秋,諸家遂一變其説 冬也。 復 也 可 趙 朝饗之禮 時。不知周之改正,不過以 改 役民 氏 也 曰:「鄭之伐既 於备 哉 白漢 曰:「《左氏》曰 ,以示不 儒言三正 鍤。終歲 天豊 以 ·沿商 疲民於鋒鏑,向 周 前 『書時 勤 建 也 動 子 杜 反 民不得 而改冬爲 天之四 建子之月 也 預 以 謂 謂 爲 周 休 時 譏 之 城 之

十有一月, 衞侯朔出奔齊。

春

哉

使盗 《左氏》曰:「初,衞宣公烝於夷 縊 取之,生壽 子,屬諸右 父之國,則可 不可, 日 待諸 宣姜與公子朔構 『棄 莘,將殺之。 公子。 及朔, 也。」及行,飲 父之命,惡 屬壽 爲之娶於 急子,公使諸 於左公子。 壽子告之,使行 川 以 子 齊而 酒。 矣。 姜、生急 美、公 夷 壽子 有 齊 姜 無

之求 前 君衞五年矣,使 洩、右公子職立公子黔牟。 之。二公子故怨惠公。 載 子之時,而成於朔爲諸侯之後。蓋朔 愚謂: 衞朔之奔,兆於宣公鳥獸行,殺 其 人之愆。 也,此 旌以先,盗殺之。 何皋? 請 而 父 能 喪 治 未 其 葬,伐紀,伐鄭 殺 急子至,曰:『 國 十一月,左公子 我乎!』又殺 家,尚 惠公奔 足以 齊。」 蓋 之 我

衞 雖 後 或 立 有 出 也 黔 篡公子,亦以 奔 牟 春秋》之法,苟 而 則 其 朔 但 出 書『奔』何 ·蔡人立東國 自致之文書之。 其道足以 以? 而 爲 失國 邾出 是故 自 失

十有七年春正月丙辰,公會齊侯、紀侯盟于黄。 郕 人 <u>7</u> 君 而 朱 儒 出 ,書『奔』而 已矣。」

或

觀《春

1秋》所

書,莫非

| 悖亂

之事,其失

也宜。義又見《十五

年》「鄭突

奔蔡

○君舉

陳

氏

曰:「此衞人立公子

黔

牟

而

啚 平 趙氏 之憾 謀欲襲之。 紀 杜 伐隨之矣。」 遂遷紀之三邑。 尋盟既 年》「盟于蔑」。 輕 示之以不疑,俾之弛 挾 ,每爲之備。 齊,而輕會齊以爲盟。」義又見《隱 氏 也 一。」邦衡 紀 曰:「魯不量己之力不足以敵齊,而 深矣。 曰:「黄,齊地。」《左氏》曰:「平齊、 退,魯遂 以爲戰。 十三年,紀與齊戰。齊、紀 公爲黄之會以平之。」存耕 胡 氏 而齊 ○高氏曰:「紀懼齊之見 與齊戰于奚。 二年, 足以 曰 : 今不知己之力不 急而 人多詐,故爲 「五年,齊、鄭如 知盟之無益,而 不我慮。 此盟 是以 足 攻 齊 元 以

左氏》作會,陸氏曰:「或作及,故知誤也。」 一月丙午,公及邾儀父盟 一

于

進

。 趙,翠軌切。 及,

杜 蔑 氏 越,魯 戴 氏 曰 : 地 。」義見《隱 隱 公初 與 元 邾 年 盟 盟 于

> 蔑,其 趙,未數月即 與 、宋、衞 伐邾。」 桓

後

躬

自

伐

邾。

公今

與

邾

盟

于

羊》無 夏五月丙午,及齊 「夏」字,闕文也 師戦 于奚。《穀梁》作郎。

《公公

義也。」 《僖二十二年》『及邾人戰于升陘』,皆此 杜氏 戰于奚」,又辠魯也。」〇存耕 惡 人,主人服辠,則 師 孫氏曰: 「春盟而夏戰,盟非信盟,戰 曰: [二國春方盟 可知矣,然魯遽與戰則過矣。 而 來,則 曰:「奚,魯地。」愚謂 □≪莊 魯 九年》『及 宜 不戰矣。 有 會,而 以 諭 齊 夏遽交戰。 之。 師 此書『及 齊擅 非 戰 凡 義 趙 于 興師, 戰 故高 乾 戰 氏 也。 齊人 由 時 彼 H 主 興 氏 其

六月丁丑,蔡侯封人卒。

秋八月,蔡季自陳歸于蔡。 義 見《隱 三年》「宋公卒」。

九

陳 無 日 季 日 : : 歸 子 杜 自 弗可 或 獻 氏 陳 是不 舞 考。 有 : 之兄。」 有天子與先君之命 奉焉爾 今據 封 前 弟 經 0 説 间 愚 即 論,季 近 謂 獻 是。 : 舞 封 以 也 也。 弟 人 穀 有 而 何 梁 倚 子 氏

癸巳,葬蔡桓侯。

卒,葬 若 其 申 謚 臣 哀 考父卒』, 杜 葬宋穆公」。 侯、景 氏 君 卒』,葬稱文公。 書 下賢不 葬景公、靈 生 耳。 或公或 稱 有 侯、靈侯、平 桓 三月 ·肖,而 葬 O E 朏 侯。 稱 侯 陟 公、 氏 此 宣 兩 而 案《左氏 使 没 公; 日 稱 葬,速。」義見《隱三年 平公、昭公。 人有勸 有 其後 : 稱 本爵爲得 侯、 謚 「《隱八年》經『蔡 《宣十七年》『蔡侯 之 耳。二 書葬皆稱公者, 昭 懲  $\pm$ 侯 桓 者 也 蓋 侯 Œ. 邦 柄 一,但 而 唯 码 衡 蔡 此 F 封 侯 胡 爲 以 仇 謚 侯 别 氏 有 私

> 爾。 乃 諸 『只是文談。』」 之也。」「 爵 卒 蔡季之賢。 足以 臣子之自 侯没者不 於平王 書者,見 萬 知 一之時 人 命 復請 謚 知 傑 其 於 益 請 問 天 稱 此 謚 謚 : 曰 公 子 稱 於 , 文 稱 蔡 侯 也 如 王。 侯, 者 桓 侯 何?』朱子 侯, 是 亦 <u>Ti.</u> 皆 等壹 後 文 臣 臣 以 周 子自 定 子 益 益 稱 以 私 加  $\vdash$ 衰 爲 益 本

及宋人、衞人伐邾。

其 趙。 背之,戰奚、伐邾,並 見 莘老孫 顧 會 爲 盟 前 張 陵 無信 今遽 人瀆 氏 H 也 氏  $\vdash$ 刑 帥 信 : 日 而 牲 義 : 朝 而 詔 又 桓 或 好 事 神 邾 見 公 之人 玉. 盟,不仁 不 前 春 ^ 隱 暇 年 見於 與 帛 伐親 來 齊、 强 交錯 年 朝 而 大縱橫 一年之中。 7,又此 邾 附者  $\stackrel{\cdot}{\approx}$ 佳 如 盟 鄭 兵。 敝 伐 既 而 所 年 屣, 人 衞 弱 以 盟 Щ 理 反 皆 小 見 于

滅 矣,宜 其不踰年 前 見殺於齊也。」

冬十月朔 日 有食之。

趙 氏 日 不不 書日 , 或 史有 闕, 或 傳 寫

微

哉

誤。」義見《隱三年》。

夫人姜氏遂如 有 八年春,王正 齊。 月,公會齊侯于濼。公與 濼,盧篤切,又力角切。 《公羊

Œ

也

與

」字、蓋闕

文

行。遂 稱: 行 杜氏 正 侯 敗。』公會齊 男有室,無 至 濟。公本與夫人俱行,至濼。 近通焉。 齊,故 會禮 ,天地之大義也。]今桓公不能内正 女 曰:「濼水在濟南歷城縣西北,人 與姜氏 故 Œ 日 公謫之,以 位 先書『會于濼』。 相 侯 遂』。」《左氏》曰:「公將 如 乎内,男正 瀆 于 齊。 也, 濼,遂及文姜 告。」孫氏 謂之有禮。 申 繻 位乎外。 曰:『女有家, 既 티: 公與 會 如 易此必 而 齊, 「《易》 男 相 齊 夫 女 有 齊 隨 侯

> 爲事。 其 本 《春秋》施於桓公,見其用。」 患。 人之位,而 弱,不 以以 。」夫不夫則 爲亂者齊姜,而《春秋》皋 也。《易》曰:『夫夫婦 乘御 《易》著於《乾》、《 能 康 爲 防 侯 與之外 才, 閑 胡 婦 氏 文姜,至使淫 坤 不 日 如 强 者,婦道 婦矣。 「案《齊 齊,以 坤》,述 乾 致弑逆,宜 也 婦 詩》惡魯 亂,爲二 者, 以以 桓公,治 Щ 其 夫道 家 順 理 道 或 承 桓 ;

夏四 公,公薨于車。 《左氏》曰:「丙子,享公。 戕,諱之也。」《穀梁》曰: 殺 月丙子,公薨于齊。丁酉,公之喪至自齊。 君之威,●不敢寧居,來修舊好。 而 書「薨」,義同隱公。 魯人告於齊曰:『寡 丁其 杜氏曰:「不言 使公子彭 地 於 禮 外 成而 也。 人畏 生乘

0 寡人」《春秋左傳集解》作「寡君」。

九三

或 其 位 以 地 之事,而 王誅 祀,成亂 背盟結 自恃 而 張氏曰:「魯君 之惡,不 之。』齊人殺彭 不反 遂莫齊,卒殄於淫婦之禍。 子不征,諸侯不討,魯人戴之爲君。 雖不明書齊 死 同 明年書『夫人孫于齊』,又莊公不書 ,以存其實; 上下文見之。 己昭 難 無 其 則非所以 怨,黷武殘民,不奔王喪,怠忽宗 無誰 -待言 終之以 違 取 所歸咎,惡 然矣。 乎天矣。 賂,嚴朝 何 而 生。」 在外則不容不書其 也,於是黨亂 見弑有二。在内則 此,有以爲 見尊君親上之意。 著矣,然自作孽者,幸 人戕公,而桓公之不 此先與 蓋本國之事,書之與 愚謂 同 於諸侯,請以彭生 《春秋》比 列。 夫人姜氏 : 身既 魯軌 永鑒哉 夫姜氏諸 賊,凌小 書十八年 篡弑 不正,家 如 地 不書 是 一,而 天 齊, 或, 彼 . 得 以 即 免 兒 他 除 秋

> 愚謂 示後 桓公見殺,不得 世之傳信。 此亦舊史之法,仲尼因之云耳。 不 故 諱,又當 日 \_ 婉 而 不 成 没 以其實 章』也。」 以

九四

冬十有二月己丑,葬我君桓公。

七

月。

變古易常,是以外諸侯書葬者九十三,内 行受小名,所以懲惡勸 臣子之敬辭也。」義同《隱三年》「葬宋 書葬者九,豈非謹其禮之失邪?」 天子,大夫卒,謚 杜氏曰:「九月而葬,緩也。」高氏 我君」,别外喪也;稱『我君』 ○獻一 可 杜 氏 於君。 日 : 善也。 禮,諸 大行受大名, 侯薨 周衰,諸侯 而後舉謚 E 請 「稱 穆 小 於

春秋本義卷第五

後學成德校訂

大意已見桓公即位

## 春秋本義卷第六

莊 公名同,桓公子。

義見《隱元年》。(元年春,王正月。

日 子即位,是無恩於先君也。」 莘老孫氏 慶父也; 僖之繼 桓見弑 不以道終,則子不忍即位也。」劉氏 不言即位? 義見《隱元年》。○《公羊》曰:「公何以 「即位,授受之道也。 先君不以道 : 繼弑 於齊也; 而 不 隱之也。」《穀梁》曰:「先君 行 閔之繼子般,般見 閔,閔見弑於慶父也。 即 位者三: 莊之繼桓 弑於 終而  $\Box$ 

三月,夫人孫于齊。

與焉。 也。 爲白也母。』今姜氏失婦道矣,子不得以 母之。《檀弓》曰:『不爲伋也妻者,是不 曰:「婦人而有與弑其夫之嫌,則子不得 法,姜氏自此 之奔齊,則魯無 法其可不誅乎?」愚謂: 曰:「文姜之惡甚矣。臣子雖不能討,王 讓 日 前 齊」,則今『孫于齊』者,即 夫人文姜,莊公母 "●「内諱奔,謂之孫。」杜氏曰:「猶孫 H 而 朴鄉吕氏 去。」康侯胡氏曰:「桓公之弑 後凡也。」未詳信否。《公》、《穀》 爲臣子者義不共戴天矣。」胡氏 淫 曰 奔 臣 愈 子,莊公無政,天 前 也。 無忌憚矣。 書『夫人姜氏遂如 不稱 魯不能 如齊之姜氏 姜氏,闕 討 美姜氏 趙  $\pm$ 而 氏 無 縦 文

公穀」,四庫本作「公羊」,據下引文,作「公羊」是。

0

九六

# 爲母,臣不得以爲君。

逆。 号 館 主,不言使,非 夏,單伯 得預 在 泉爾,即 秋,如單 葉氏曰: 書之? 逆 當書 伯果以 《左氏 是。  $\pm$ 天王 姬 不如《公》、《穀 天子大夫送王姬,必俟館 談誤 使單伯送 逆、《左氏 作 送王 E 姬,遂以 》得經 》作送、《公羊》、《穀 姬。 之正。」張 杜 爲王之卿, 預 以 成之後 爲 氏 既  $\Box$ 如 命 梁 方 祭 至 爲 作 伯

何 主 義 必 何 ? 莊 也。 伯 字也。 使 ?  $\pm$ 婚 不 張 口 口 妹 姻 吾大夫之命乎天子者也。 使我主之也。 受 姓 氏 與 也。」《公》、《穀》 日 : 於 齊 諸  $\wedge$ (穀梁) 爲禮 京 侯者主之。」《穀梁》曰 一逆,迎 師 其 也。 曰:「命大 義固 天子嫁 也 躬 君弑 ⊟ •• •• 不  $\pm$ 口 姬, 大夫,故 女於諸侯, 於齊,使之 受也。」幸 逆之者 桓 單 :  $\pm$ 伯者 不 「其 女, 名

> 禮,天下固多 王當 是魯人默順王命,陷王於不義 桓 魯主之。 綱至是 之主婚,見魯之君臣 臣子之道。 也。」〇高氏曰:「魯不能訴 之婚,又與 在 曰:「齊乃寢苫枕戈不可 王不當使,魯 衰 公 絶其 見 經之中,天子乃 絶 弑 周之不能令諸侯也,宜哉 矣。」 婚 於 仇讎 八齊, 仇 而 在 同 愚 討 不當受,而 諒 之國 姓之國 謂 其 闇 讎 皋。 : 之中, 於 爲 無 未 齊 禮 此 矣, 復, 復 既 襄 同天之讎, 時 讎 戕 不 單 於天王,已 而 何 使 而 書之以 之心,而 能 殺 伯 修 必 之 莊 也。」張 然,又 魯 不 嘉 主 公 在 桓 當 好 而 魯 見 Ŧ. 又 使 與 天 氏 之 無 天 見 ? 逆 姬

秋,築王姬之館于外。

張氏曰:「築館所以待王姬之舍,以俟齊

逆

而

爲之主,常事耳,皆不當書而書者,

老孫

氏

日

· 「魯主

王姬之婚,且使大夫者

<sup>●「</sup>公穀」,四庫本作「公羊」,據下引文,作「公羊」是。

王使榮叔來錫桓公命。

於吉

事,故築于外也。

然

桓

公弑

于

齊

未

今特築于外

者,知

衰

麻

哭

泣

不

口

雜

之逆也

然魯

主

 $\pm$ 

姬

非

一, 前

此

必

有

其

之日,又可以

于

外爲

安,

命國

人

以

築

齊

及一年,其創鉅痛深當百倍於先

君

IE.

終

 $\pm$ 

姬

之館

歟?

^

春

秋

》所

以著其忘父親

之以 命。 則莊 也。 之,尤爲非禮。」葉氏曰:「魯諸公皆不 之。且 之受命。 子錫之黼 侯嗣位,三年喪畢,以士服朝天子。天 弑逆之人,莊 惡。善不賞,惡不罰,天下所 孫氏曰:「不書『天』者,脱之。」杜 榮叔,周大夫。榮,氏,叔,字。 寵篡弑以瀆三綱 追命 今 王 王之爲天子 策也 3 孫氏曰: 魯 桓公、襃稱其德。」蘇 桓 命 冕、圭璧,然後歸 桓 以 魯 已葬矣,因 王生不 篡弑,未嘗 主 婚, 미 也。」高氏 能 知 「賞以 故 也。」〇趙 討 追 魯之自 死,又追錫之, 入朝,未嘗 錫 以 勸 曰:「禮,諸 臨 以 善 氏 桓 一、罰 亂。 其民,謂 謚 티 : 公 氏 氏曰 錫 以 而 티 : 以 桓 受 懲 命 聞 錫 寵 賜

弁 也。」葉氏 冕,雖築 日:「知其不可 館 以示變,然不能 而爲之者也。」 救 其 皋

致

其

哀,忘君父而

交仇讎,舍衰

經

而

親

主

聖人以

莊

公事

君

不

盡

其誠,居

喪

不

衰

絰之中,遽釋

怨

解

仇,與之爲

婚

姻

之

莊公未之辭耳。君父之讎未復,儼然

在

同

姓之諸侯也、非無無喪之鄰國

也

蓋

王

期

於得

請

而

後已。

於是之時,非

無

 $\pm$ 

則

已失禮

矣。

爲莊

公者,當

解

於

天

莊

公之喪未除,

而天王

遽使魯主婚,天

曰:「仇讎未復,

讎之辠也。」○莘老孫氏

命』,成公書『天子使召伯來賜 錫 免 喪 桓公命』,文公書『天王使 朝 王之事,而 莊公書『 王. 凡 一使榮 伯 公命』, 來 錫 叔 凡 來

德 三見。 命 公未嘗終 而 加錫之,皆有爲 『上公九 桓 喪 公未嘗朝 朝 命,侯伯七命,子男五 王 而 王 先錫之,成公未有 떼 受命 書。《周官 而 追錫之,文 命 典 功

命 其 數 國家、宮 爲 節。」此 室、車 先 旗、 Ŧ. 五等諸 衣 服 禮 侯 儀皆視 之辨 也 其 音吾

諸 大夫 秦  $\pm$ 賜之岐 襄 侯 公當 者 作 也。 《終 以西之地爲諸侯,受顯 犬戎之難 南》之詩 魯 僖公能 公以 以美之。 遵 兵佐 伯 禽 周 之法 此 東 始 服 遷 牧 封 ~**,** 平 其 干 爲

文、成

公

皆見

於

經

而

僖

公

獨

不

見

何

克

作

頌

此

有

功

德

而

加

命

者

也

桓

坰

野,魯人尊之。

季孫

行

父

請

命

而

史

也?

凡《春秋》,合

禮

則

以

爲

常

事

不

也。 可見《春秋》之法。」 桓、文、成公之命,皆禮 之不

宜

有

 $\pm$ 姬 歸 于 齊

故 公時 康 而後忘 也。 侯 胡 常 逆于 氏 事 曰 : 不 京 書。 師 魯主王 館 此 于外, 獨 姬之嫁 書 者, 書 三歸 以 矣, 歸 于 于 在 齊 他

齊師 遷 紀 郱 鄑 部。 郱,蒲丁切。 部,子 斯 切 郚

親釋怨之辠著矣。」

猶 城。」 取 杜氏 朱 之,況非 而 其 足 遷 屬 虚 티 : 康 也。 與守,而 地 民 縣 侯 東 邑者, 有皋 愚謂 胡 郱 齊欲 南 氏 在 齊人强 而 日: 天 晉, 東 滅紀,故徙其三邑之民 欲 子 邑者,天 莞 吞 北 之 以 臨 暴用 其 事 海 師 朐 或 遷之者,見 都 也 子 縣 大衆以 乎 昌 東 所 ? 縣 而 封 南 諸 西 齊 迫 之 有 部 襄 侯 有 紀 爲 之 僭 故 民 些 在 而

夏,公子慶父帥師伐於餘丘。

義見《隱三年》「葬宋穆公」。

二年春,王二月,葬陳莊公。

之歟! 恃 遷其民則父子兄弟離散 遷之也,邢遷于夷儀,衞遷于帝丘,許遷 取者,取其土地爾,未若遷其民之酷也。 其自欲遷者也。 于葉、于白羽、于容城,蔡遷于州來,此 那、鄑、郚,宋人遷宿,齊人遷陽,此 曰:「經之書遷者九,而義有二焉: **豈無親親之愛?** 今乃背黄之盟,一舉 國,況天子娶后于紀,而王姬又歸于齊。 惡大矣。○高 人而遷之者,有欲自遷者。 而遷三邑,蓋自是遂滅紀矣。」朴鄉吕氏 衆 以遷紀之民,此 氏 凡書『遷』與 曰:「紀與齊乃同 聖人所以深 而 人失其常居。 若齊師 書『取』異。 . 姓之 强 遷 有 疾 紀 强 而

子般 視。夫豈一朝一夕之故哉!」 隱公,慶父弑子般、閔公,公子遂殺惡及 君 康侯胡氏曰:「魯在《春秋》中見弒者三 圖,而用師伐於餘丘,知莊公之無 蓄德修政,以俟有間。 見《隱二年》「鄭伐衞」。○許氏曰:「當 之。」戴氏曰:「孟氏之孽,基於此。」義 於越。」然未詳孰是。 丘 莊公初,魯未有以勝齊,則當休兵息民 軍政之本既失,而權移於下,以成異 時年才十五,慶父得政,以制一國之權 慶父,莊公庶兄共仲也。 ,其賊未有 ,附庸國。」東萊吕 篡 弑 之禍。 不得魯國之兵權者。 故《春 氏 張氏 舍堂堂之讎 曰 : 秋》詳書 孫氏 曰:「莊公是 「夷國 日 :「於餘 也,若 志。」 國弗 暈弑 以 譏 又 H

秋七月,齊王姬卒。

《公羊》曰:「曷爲録焉? 我主之也。」

九九

惡 事 者凡四。 之 也。 m 于外,王 書之最備 十二公二百 天王之女下嫁諸侯者多魯主之。 念 氏 嫁 服 大 檀 、又主 之積 察 功。 書 何 曰: 「王 無 弓 一之備 也。」莘老孫氏 ? 莊 恩 孫氏 V 或日  $\check{\exists}$ 不 公於齊 於 此 《春秋》常 姬之歸,王 其 者齊 П 者,所 : 先 所謂 姬 卒,不子之甚 日 掩 山山 ĮЦ 齊告王姬之喪,魯莊公爲之 君 何 Ė 也 王 十二年之久,王姬 「莊公忘父之讎,既 也。 不能 魯嫁 以書? 以 姬 姬 見 日 事 厚 姬 也。 故 辠 三年之喪 莊 :「魯與天王 矣,如 不書, 之卒,見於《春秋 之大 公盡 單 爲 比 也。一〇 伯 之服 内 圃 不 則 禮 之逆 女爲 齊王姬 而 共 書 於 姊 戴 康 緦 ),築館 之 之歸 仇 同 然 之服 天之 侯 小 主 妹 備 讎 姓 之 而 功 胡 其 之

冬十

有二月,夫人姜氏會齊侯于禚。

諸若切。

《公羊 作 郜

:

家,如 乎? 朱子 莫不俟命。 父,誠 矣, 铢矣。 外亂 **号者**,人神 不 妻,使之得窮其欲。 也,則公哀敬之不至,威命 口 也。」愚案 杜 襄公居高 見 能 氏 亦所以 矣。 鳥獸 日 齊家  $\Box$ 敬 夫 IE. 姜氏 死從子, 以 \_\_\_ 或 **~**: 位 治 禚,齊 之主, 事 行, 病公 許 何 趙 而 與 或 夫人徒往 周 母: ? 氏 行 弑 , 則 禮 威 Ξ. 南 邪 也。  $\Box$ 地 通乎其下, 而 風 滅 若 . : 法 行 Ш 《載驅》刺 刑 淫 之。 教之本 莊 司 之不行 後 縱 以 日: 姜氏、齊侯之惡 公者, 馬 乎? 左 雄 齊 馭下,車 如 光 氏 7. 狐」前 此, 襄之惡不 之不 章 也 況國 **>** 於天下 伐之法, 哀 叮  $\Box$ 夫 則莊公之 文姜乘此 刺 : 人之往 以 馬 痛 行 不 魯 君 能 制 書 章 僕 以 也 平. 柜 娶 刺 思 ? 著 舉 容 E 13: 内 兹

閑 車而來會襄公。《敝笱》比莊公不能防 文美。 《猗嗟》 極 道 莊 公威 儀技 藝之

至。」杜氏曰:「桓公十五年三月,王崩

美,而不能 《詩》言其情、《春秋》著其法。」 以 禮 防 閑 其 母。 葉 氏  $\Box$ 

乙酉,宋公馮卒。

義見《隱三年》「宋公卒」。

三年春,王正月,溺會齊師伐 衞

梁》曰:「惡其會仇讎而伐同姓。」義又見 莘老孫氏曰:「不言帥師,師 少 也。」《穀

朔也。 出 奔齊,莊五年冬,公會齊、宋、陳、蔡伐 何以知之? 桓十六年, 衞 侯 朔

《隱二年》「鄭伐衞」。

○胡氏曰:「

將納

衞 ,卒納朔焉。」

夏 四月,葬宋莊公。

義見《隱三年》「葬宋穆公」。

Ŧī. 月,葬桓王。

王 氏曰:「緩也。天子七月而葬,同軌畢

> 七年乃 崩,求 可 敗之後,力益不足矣。聖人書之,以著 天下臣子之辠。」黄氏曰:「周之事勢 崩,七年乃葬者,蓋承諸侯背叛、王 知。 膊 葬,故 於 諸侯,然後克葬。 日 緩。」高氏曰:「 至於 平王之 師 桓 傷  $\pm$

秋、紀季以酅入于齊。酅、户圭切。

也。 德,以尊天子,爲之屏翰。 邦國分授疆土,小大相維,協 氏》曰:「紀於是乎始判。」 齊,其惡可知也。」〇獻 齊欲并紀,季忘兄之親 侯母弟未命者皆字,蔡叔、蔡季之類是 東安平縣。」張氏曰:「鄆州之境。」《左 杜氏曰:「季,紀侯弟。 酅,紀邑,在齊國 酅,天子所封,非紀季可得而有 可杜 ,取兄之邑以事 孫 末世大偪小, 氏 和親,比 氏 曰:「古之 曰:「諸

0

暴寡,以 至滅亡。 王不能正,故 ^ 春

秋》詳書之。」

冬,公次于滑。乎八切。 不出 政 不 係 鄭 《穀梁》曰: 不 正  $\Box$ 以事 以 非 滑 地 師 法。」〇 州 事 境。 凡 ,在陳留襄邑縣西 舉於義,止不以 書? 非 書者,止之不以事者也。 君舉於 也。」常 卿  $\pm$ 「次者,止 大夫 劉氏 命 以事書者,止之以事者也 遷 Ш 日 國 劉氏 《公羊》、《穀梁 : 延 政 「曷爲或以 事者,亂之道也。」 次舍必詳 所屬 也。」杜氏 曰:「諸 北。」張氏 兵師 祚 侯 日 郎 録 事 曰 : 民 非 之, 書, 命 王 滑 或 以 所 命 或 ;

年 春 Ŧ 二月,夫人姜氏享齊侯于祝丘

享、《公羊》、《穀梁 杜氏 相見之禮 會于禚」,皆淫 日 : 》作響 「享,食 非 夫 一亂也。 人 也。 所 用。 祝 享甚矣。 丘 義 又見《二年》 魯 地。 ○康侯 兩 君

几

野合, 其變爲篡」,魯人習之三十餘 矣!」張氏 甚矣! 胡 有家』爲《家人》之始,垂訓遠矣。」 般、閔公兩君見弑,聖人作《易》,以『閑 行,大亂 已無所懼,今焉,享齊侯,其無 始焉,遜于齊,猶有所媿,中焉,會齊侯 享于廟中,禮 氏 曰:「享所以訓恭儉也。 非兩 之道 戴 曰:「假先王之禮 氏 君 也。 相見,又去其國 也 曰:「甚矣,文姜之惡 漢 犧象不出 人有云『淫亂 門,嘉樂不 而 兩 爲 年,至子 君 享諸侯 禽 忌 之漸 相見, 恍 憚 也 其

三月,紀伯 **!**姬卒。

月。 女也。 於國 者,爲夏紀侯大去其國,齊侯葬紀 孫氏 常 君 曰:「紀伯姬,隱二年紀裂繻 禮,諸侯絶傍朞。 事 者 也 尊 ,故内女不卒之。 與 己同 則 姑姊 爲之服 此 妹 書 大 女子 所 伯 卒 功 逆内 姬 九 嫁

文也。」 姬、宋 紀 起。」〇胡氏 兩 伯 伯 姬 姬 書, 宋 曰:「内女不卒,如 兩 蓋 伯 爲 姬 齊 不書卒。 侯 葬 紀 郯伯姬 伯 惟 姬 此 伯 起

夏,齊侯、陳侯、鄭伯遇于垂。

義見《隱 齊 與 陳 四 鄭 年》「遇于清 遇 垂 · 蓋謀 取 紀,是以 許 氏 紀侯 日

紀侯大去其國。

見難

而

去

也。」未詳是

其 龊, 不能 子土,有社 氏曰: 者 年、三年,凡關紀之存亡者,一一備 桓五年》書『齊、鄭 可哉 山劉 ,失地也。」《左氏》曰:「違齊難 「齊肆 氏 死 曰:「大者,紀侯之名。 ○張 難,畏齊强 一稷之重、人民之衆,暗儒 吞噬,信不道矣。 氏 日 如紀」,以 「案紀之本末,自 脅,棄之而去,此 至莊之元 紀侯守天 生名之 也 」。」孫 龌

爲高 於國 或 稷 伯 之。所以 葬於讎 兵未接境,委宗社,棄人民,妻不及葬而 而 能爲也。《書》曰「大邦畏其力」,孔子 兵,上下一心,固 殘忍,辠不勝誅矣。 絶之志於言意之表也。」愚謂: 失,然而 於今年也。 之,以見齊、鄭圖紀之淺深有漸,而 能治其國家,誰 求 也。 」,聖人惻怛之心,雖 之 援弱 義 哉 士之逃世,大夫之去國 爲紀侯 人,叔 安在 ! 木 責强 魯,結婚 己 於强暴之凌 紀之圖 姬寄 哉? 一而 者苟能 大, 関小 紀季先去, 一守疆 敢侮之」! 乃不 夷 死於齊境。 經 存, 然 王,邀戰爲 修 土,齊 日 助 弱, 德 逼, 以憫 雖 紀 桀 任 委 其 而 國勢遂分。 一,致 人雖 爲虐者, 賢,養民 時 侯 間 宗 寓 或 齊襄貪 盟 王之 大 伯 興 不 君 社 衆, 去 務 何益 能 卒 死 姬 滅 而 其 社 見 肆 成 此  $\Box$ 無 訓 鄭 繼 去 無

政 在 ,强暴之吞 其中矣。 齧,然紀侯不能 爲國之意

六月 Ż Η. ,齊侯葬 紀 伯 姬

齊侯 陸 氏 并人之國,而禮 曰 : 「葬者,臣子之事,非 葬其 妻,是 由 鄰 謂 或 豺 也 狼

之行

,而爲婦

人之仁

也。」愚謂

齊侯

之

惡 恩、臣子之情薄矣哉! 殯去國 顯 矣, 一,使 然 伯 齊 兵 姬 葬 未 於讎 至,紀侯 ○康 人之手,夫 與其 侯 胡 臣 氏 婦 子  $\Box$ 之 棄

殯 齊襄迫逐紀 : 而 不及葬 齊 襄 以 ,然後襄公之皋著 紀 侯,使之去國,雖 侯 自 去其 國,非 矣。」 其 我 夫 人 顈 高 在 氏 滅

之,故 甚矣! 惟 日 紀 無 葬 臣 齊人之詐也。」存 伯 子,亦以 姬 ,以示己之恩,以泯 病 魯 示 耕 親 趙 親 氏 也。  $\Box$ 其 獻 不 跡 可

恣

其

貪,危亡者無所託。

紀爲齊所滅,

爲

有人

心者宜

於此焉變矣。」莘老孫氏

杜

氏

 $\Box$ 

春秋之世

法

度

無

所

稟,强暴者

紀 葬 而 者三 也 伯 \_\_\_ 姬 : 東 爲 萊 宋 齊 所葬。 吕 共 氏 姬 티 : 紀 聖人 内 伯 姬 女不 書之,惡 與 叔 · 書葬 姬 齊 皆 而 而 非 書 関

秋七月

常

也。

冬,公及齊人狩于 . . 禚、《公羊》、《穀 梁 作

爲 氏 狩,見《桓 齊殺,而  $\exists$ : 「父之讎 四 遠 年 與齊人狩 不 **%**0 與共 禚, 戴 見 天,莊公之父親 ^ 莊 杜 氏 年 曰:「公 **%** 孫

越 境 與 微 者 狩, 失 禮 可 知 言存 耕 趙 氏

而 曰 : 行 之者 狩 以 也。 奉宗 齊 廟 有 教 望諸, 兵守,未有 魯有 大野 人 他 或

乎 矣。 口 通 夫 也 爲 狩 而與之狩,是忘 乾 者 豆, 馳 其 騁 事  $\mathbf{H}$ 獵 主乎宗 其 親釋怨,非 爲樂 廟 下 主 人

子

非

狩

所

也。」康

侯胡氏

曰:「莊公於

齊

無

時

曰:「莊公元年主其婚,三年臣會其伐, 作犂。

於是又親與其臣狩。蓋公不孝而釋讎

五年春,王正月。 也,於此爲甚。」

五年春,王正月。

夏,夫人姜氏如齊師。

以人道責哉?」愚謂:齊侯之惡亦著矣。婦人在兵間,施面目於三軍之中,豈容在外,姜氏往會之,故書曰『如齊師』。杜氏曰:「書姦也。」戴氏曰:「齊侯出師

或如師,一時之跡不侔,而爲行之惡則皆據實書之,傳信後人也。或會,或享,莘老孫氏曰:「姜氏會齊侯之惡,《春秋》

夫人之行不可復制矣。《春秋》書此,戒之名也。至是如齊師,羞惡之心亡矣,一。」〇康侯胡氏曰:「曰會、曰享,猶爲

秋,郳黎來來朝。郎,五兮切。《公羊》作倪黎,《左氏》後世謹禮於微、慮患於早之意深矣。」

何 ? 城。」義見《隱十一年》「滕、薛來朝 未詳是否。 秋》,數從齊桓尊周 封爲附 挾之後也。 也。」未詳孰是。 郎,吾役也。』則郳蓋宋之附 書名。」張氏 公羊》曰:「黎來者何? 名也。 微國也。」常山劉氏曰:「夷狄 庸,居於 杜氏 夷父顔有功於周,其子友别 曰:「案宋仲幾云 郎。 陸 曰:「東海昌慮 室, 王命 氏 曾孫 曰:「曹姓,子爵, 黎 爲 庸,非 來 小邾子。」 始 縣有 滕 見《春 其 名 夷狄 附庸 薛、 郳

冬、公會齊人、宋人、陳人、蔡人伐衞。

不得爲嫡子,況殺二公子乎?」義又見「朔雖宣姜所生,然諸侯不得再娶,則朔《左氏》曰:「伐衞,納惠公也。」葉氏曰:

《隱二年》「鄭伐衞」。

六年春,王正月,王人子突救衞。正月,《公羊》、

穀 《梁》作 月

即

夏六月 見 王 數年 莘老 衞 吁 天討 狗彘之種,盜天子土地,周 不行 辭 張 王於是使子突救之。」高氏 去年冬,齊帥諸侯之師伐衞 内外 直 ! 無 氏 也。 之師 功 室之微矣。」○貫道 而 孫 矣,及諸 惜 日 亂 侯 見 氏 : 乎其 而 鳥 一 王 曰 : 且 不 逐於黔牟。 後 能 王 뾆 失機 王 侯伐 人,下 衞 者 勝 行, 一命益 衞 有 黨惡之諸 侯朔譖 也。」君舉 衞 則 征 士 不行於天下矣。」 納 滅 黔牟在 而 也; 朔 之』者 王氏 無 殺 子 救,書『救』 侯,見王命之 而 日 陳 二公子即 公之刑 而 突,字 位 後 曰:「朔 :「子突以 氏 也 納 八年 出 티 : 朔。 救 既 所 也。 「 救 師 位 天 謂 以 以 失

秋,公至自伐衞

之行 婚於 胡 遠伐戎也;今至自伐衞,以抗王  $\equiv$ 納 義 時,或釁深惡 氏 時 朔 見《桓二年》「公至自唐」。 讎 悉  $\Box$ + 而 而後歸 非 書之, "「凡公行一百七十三,至 有 朔 九 卒. 所 入,踰 也。 以告廟 其 重即 煩 致 不 〇存 者 几 書。 勝 也; Ŧi. 時 書。 耕趙氏 : 而 此書者,釁深 三至自 告 至自伐戎,以 止 成 日 : 是 此 事 出 一命也。」 又 者 齊 以 老 見 八十 莊 惡 踰 求 公 師 俟

放甯跪于秦,殺左公子洩、右公子職

乃

左氏》

日

衞

侯

入,放公子

黔牟

于

周

衞

朔

人

于

命,其 爲諸侯所納。 矣。」孫氏曰:「天子之威命盡 伐衞,今年 之君,君不命而自取之,雖有 大亂之道也。」存 位。」未詳信否。 、逆可知矣。」○胡氏 卒納朔。 公與諸 耕 趙 劉氏 天子不克救朔,卒 氏 侯之辠不容 曰 : 日 「爲諸 諸 矣。 「前年諸 鄰國之助 侯 侯受 抗 侯  $\pm$ 

〇六

重 也

交作,徇

於貨寶,賄賂

公行,使

君臣、父

螟。

義見《隱五年》。

齊人來歸 俘,軍所 賂諸侯之貨寶。 而分於黨惡助亂之國。」邦衡 衞俘。 獲 也。 芳夫切、《公羊》、《穀梁》作 張氏 齊人首惡,故主 曰:「衞俘, 衞 衞之賂 朔 曰 : 所

胡

氏

俘」,以見諸 也。」〇康侯胡氏曰:「言歸衞俘,則知 志於利則叛其 諸侯逆王 而納朔,志乃在 侯之逆王命,蓋本志 (君矣。 《春秋》書『齊人 於衞 俘。 於 利 歸 蓋 几

容矣。 君,篡居其位,上逆天王之命,人理 彼諸侯者,豈其弗察,而援之甚 所 不 夏

國皆受朔之賂矣。 夫以弟弑兄,臣弑

也。 力,則未有以驗其喪心失志,迷惑之端 之心,而後動 及書『齊人歸俘』,然後知其有 於惡也。 世變道微,暴行 · 欲貨

> 衞 來歸俘」,屬辭比事,雖 衞」,次書「公至自伐衞」,及此 明矣。」愚謂:先書公「會齊、宋、陳、蔡伐 篡弑攘奪則不厭也。 子、兄弟終去仁義,懷利以 」,次書「王人救衞」,次書「衞 《春秋》書此,垂 無 有 相與,不至於 傳,其 又書 事 朔 齊

七年春,夫人姜氏會齊侯 不顯乎? 其惡豈不著乎? 

年》「會于禚」。 杜氏曰: 「防,見《隱 ○莘老孫氏 九年》。」義 曰:「姜氏 見《莊二

齊侯辠均惡等。」

雨。 四 見,賢徧切。 月辛 卯,夜,恒星不 夜、《穀梁》作昔, 見。 陸 氏 夜中,星 日 : 非 也 隕 隕 如

《公羊》作實

夜,初 羊》曰:「恒星者,列星也。」孫氏曰:「星 香 以 後 也。 夜 中,夜半也。《公

矣。」( 也。」 辰麗 虚。 之常 當 齊 前 胡 隕之多 H ]: [恒 世 桓 此 氏 者,五 馬,故 〇戴 、晉文更 其 君 日 啖 見 爲 氏 臣 者 如 星 氏 莫 法 티 : 不 也 雨 人 常與是氣 或 曰 : 能 見,星 度 事 伯 連 則 自 廢 感 星 中 衡 奔 「天者積 氣之消 省, 絶, 於下 旅 隕 流 隕 或 流轉 政歸 如 如 如 日 威 拒 雨 雨 雨 趨 則 信 散 王 氣 於其 之多 ,變異之極 於 命 天變應於 所 盟主,王室 陵 謂 可 亂,先王 爲 ;後此 遲 隕 知。」吕 間 也 之 墜 日 今星 象 康 者 月 上 遂 之 氏 而 星 著 侯 衆

秋,大水, 然哉 之澤 道 不 不復 無麥苗 復 行 被 於 於生民矣。 世 矣,堯、舜、禹、湯、文、武 變異之極,豈 徒

之苗也。凡植物始生曰苗。」康侯胡氏大水,見《桓元年》。 黄氏曰:「麥苗,麥

心矣。 故 最早,故《月令》仲秋勸 秋。 夏爲秋之事。 明白,天時 國之亡無日 重 水之故,種麥失時 曰 無麥苗』耳。」家氏 民 曰『無麥苗 麥種 命 書『大水』,畏天 忽天 也。 於秋 無 矣。」〇黄氏 災 畏 可改之理,周 始始 《春秋 而 天災,重 非 不 謂已 或或 種爲 懼 曰:「中原 災 已種 **>** 熟之麥也 苗 所 種 輕 民 也 日 麥。 秋 謂 民 命 雖 而 秋,即 「案經文 命 **『**無 有 爲水 建子,無 之地 見 是歲以大 而 大水,故 王 麥苗 所 不圖 一者之 今之 種 溺 改 本

冬,夫人姜氏會齊侯于穀。

焉,其 享于祝 于 杜氏曰:「穀,齊地, 曰:「後屬 禚 、爲惡 丘 鄆 康 益 又 州 侯 遠 次 東 胡 矣。 如 別 氏 齊 縣。」義見《二 濟 明  $\Box$ 師 北 年 又一 穀 無 初會于 城 知 歲 縣。」 弑 而 年 諸 禚, 張 再  $\stackrel{\cdot}{\approx}$ 兒, 會 氏 次

其 禍 淫之明 驗 也

兵,人曰

振

旅。

是以秋治

兵,春

振

旅

治之,其

將能乎?」○劉氏

曰:

出

日

治

不

知

師

出

以

律

,已失治兵之本

雖

欲

年春,王正 之也。 陳、蔡,我俟之也。 之恩,率諸侯以伐之。 氏曰:「郕與魯爲同 衆,久次于外, 以 曰:「期共伐郕,陳、蔡不至,故駐師 穀梁》曰:「次,止也。 待之。」張氏 其 月,師次于郎,以俟陳人、蔡人。 爲 志者皆我 期會 曰 : 及齊 ,姓之國,莊公無 「不由王 莫應也。」○幸 也, 俟,待也。」杜 春次于郎 師 以圍之, 所 命 以 見 妄 内之 我 以 親 老 興 于 俟 氏 約 孫 親 郎 師

有治兵。」 甲午,治兵。治、《公羊》作祠,陸氏曰: 非也。 《周 禮

皋也。」

譏 逃亡潰散之虞。 至,暴師露衆,役久不用,則有失伍 康侯胡氏曰:「此治兵于郎也。 黷 武 也。」張氏曰:「將以訓 復申 明 軍 法以 齊其衆,而 整齊之。 俟 離 而 次 不

> 出兵 無 而 今莊公輕次於外,俟陳、蔡而 文事者,必有武備,故治兵於閒 今魯以春治兵,非其時矣。」又曰:「魯先 聊,衆心離貳,然後治之,末矣。 用之於不得已之際,則 而後治,治又非 韋 郕降于 其常 齊師。 地 師 出 不應 降,户江 愚 以 暇之時 謂: 律矣。 蹭 有 切 路

夏,師及齊師

郕,《公羊》作

成

親 也。 康侯胡氏 王之昭,蓋同 公之惡著矣。」○張氏曰:「 師』者,伐國 而 量 志於取處,始擇易制之陳、蔡,與之 郕』者,伐同 日 \_: \_ 無 姓兄弟之當 義 書『及齊 而 不 姓 能服 也。 師 親 魯與 也。 者。 「郕 者, 郕 於 降 親 莊 公忘 皆文 是 仇 于 莊 齊 讎

虐小,二國 以 口 春秋》直 韋 事 之, 魯師之出 而 陳、 所 書 同 以 以 蔡 役 大無 郕 見 不 而 其 不 來 不 從 然 服 功 司 讎 魯 也。 後 心,敵 而 不 而 貪 得 寧 利 遂 降 · 資 得 而 於 以 人 邀 齊 間 以 齊

服

,故聖人備

書之。」

秋,師還。

郕 終其 午 命 莊 黷 大 暴 崔 陳、蔡, 師 公此 治兵, 武 兵 氏 多矣,未有 而 郕 無 之戒。」常山 于 事 日 書之,以 又 故 外, : 「歷三 而 師 而 降 可 而 陳、 見 尤 不 于 謂 興 其惡。」○《索隱》 爲 修民 所 志 齊 蔡 黷 師 時 非 書 不 莊 武 劉 可 而 義 至,可 如 政 矣。 公不臣之罪, 自 氏 謂 師還、《春秋》所 此 而 IE 曰:「春秋 上 無 之詳者。 奪 夏, 月 謂 既 義 其 次 師 不 矣 無 農 于 用 及 名 時 郎 歷 齊 之 爲 矣 天 何  $\equiv$  $\equiv$ 以 世 聖 師 王 則 後 以 俟 之 始 時 韋 甲 用 世 時

賊

於

門,

劫

而

束

之。

費

日

我

奚

御

:

讎 而 師 韋 還 同 姓 可 謂 勦 害 民 民 力, 矣。 與 或 夫 逆 不 信,伐 天 道 或 親 仇 不

冬十有一月癸未 於徒 啼。 生公孫 許。 丘 以 使連 怒,曰:『 有從妹在公宫,無寵 適,襄公絀之。 『及瓜而代。』期 無 見 知 女爲夫人。』齊侯 公懼,墜于車,傷足 故謀: 人費。 稱 不 大豕,從 無 、管至父戍葵丘 氏 彭 作 知 與 亂。 ·, 齊 弗 生 , 州 有 得 敢 者 二人因之以 戍,公問 吁 無 寵 僖公之母 日 見 知 鞭之,見 同 於僖 ! :『公子彭 游 使間 弑 于姑棼 <u></u> 其 射之, 公,衣 左 不至。 瓜 君 喪屨。 公日 氏》 弟 血 時 諸 作 ′,遂 日 兒 豕 服 而 曰 生 亂 :『捷,吾 請 夷 走 往 反 人 禮 也 田 代, 仲 一, 曰 )。 公 誅 于 立 齊 連 秩 年 遇 屨 而 貝 稱 侯 如

亂

君

弑

而

無

知

爲

君,則

主

弑

者

無

0

連

稱

之徒,盗

賊之靡者。

大

無

知

以

作

哉 而 出 袒而 鬭 死 示之背,信之。 於門 中。 石之紛 費請 如 先入,伏 死於階

苔。 使民 知。 下。 而 之,則無知之配嫡已積 類。』見公之足於户下,遂弑之 奔。」張氏曰:「齊襄之見弑,以禍本言 襄公之惡積不 亂 遂人,殺孟 慢, 亂將 初,襄公立,無常。 作,管夷吾、 作矣。』奉公子 陽於牀 可 掩,如 召忽奉 ,曰:『非君也,不 漸於僖公之時, 鮑 抗 叔 王、伐衞、殺 公子糾 牙 小 ()而立 曰:『君 白 出 來 奔 無

魯 手,所謂 即位以至於今,《春秋》所書齊事無一非 隱 國戕身之媒,以至禍 桓公、色荒禽荒、暱 四 年》 『積不善之餘 衞 州 吁 事。 殃」者 比 發 小人。 存耕 蕭 也。」義 牆, 趙 身 考襄公 氏 殲 又 日 見 賊 :

亡

知 也。

九年 春 ', 齊 人 殺 無 知

之辭。」 爾。 吕氏 之,猶謂之大夫,如 義 而 子般則楚子 見《隱 討 若不以罪討,則 之,不以 「無知 几 年》「: 誘 而殺 踰 其 衞 年不稱爵,蓋弑 罪,故 人殺 之,齊商 里 亦不以討賊之辭 克 州 者 不 吁」。 是 加 、則齊 <sub>©</sub> 以 君之賊 討 人 東 蔡 弑 賊 世 萊 加

公及齊大夫盟 爲沂 地。 《穀》曰:●「齊無君也。」杜 大夫無名氏,衆 也。」趙 州 琅邪繒縣 氏 承 于蔇。 曰 : 縣 。」《穀梁》曰: 「納讎人之子,損禮。」而盟 北 大夫也。 其器切。 有蔇 亭。」張氏 《公羊》、《穀梁》作暨。  $\sim$ 氏曰: 左氏》、《公》、 盟,納子 曰:「後 「蔇,魯 糾

公穀」,據下引文當作「公羊」。

欲 侯 大 然則如之何? 而 甚於父母之仇,而 以 啚 胡氏曰:「德有輕重,怨有淺深。 夫,義又見《隱元年》「盟于蔑」。 其 重 後 德 嗣 報之,則人倫 也。 以直報怨,以德報 有 德莫重於安定其 父之讎 廢 7、天理 而 不知 滅 怨,乃 怨莫 或 矣。 家 康

子糾、小白皆襄公庶子。孫氏曰:「小白《穀梁》無子字。

糾,而 何? 故 齊不受子糾 在 公自莒先 弟 人之子也。 雖 小 也。」《左氏》曰:「公伐齊,納子糾。 盟 白之後。」《公羊》曰:「其言『人』 篡辭 公必納之。 而 迎子 人。」杜氏曰:「二公子各有 也。」邦衡胡氏曰:「齊不受子 也。 齊小白曷書『人』? 糾,當須伐乃得入。 次 故先書『公伐齊』,見 書 『納糾』,見公黨 蓋子 又出 糾 仇 桓

> 焉。 辠,書『子糾』者,言其宜爲齊君。」 雖非 之子,書曰『納』者,不宜 其故,以其非 以爲 雖不得於義,而 之伐齊似矣,惜 不當立,則爲篡。」〇存耕趙氏曰:「魯 曰:「莊公忘君父之大讎,伐齊而 稱子,當立也。小白不稱子,不當立 故曰子糾書『納』者、見莊公納之之 復讎 嫡長,而 之師,魯其 讎 桓公之庶兄。 宜 乎其以 齊而德齊也。」幸老孫 嗣 齊襄 庶 納 乎? 納 而 糾 也。 爲 也 莊 君者惟 春 公納之, 公子糾 納讎 使移 秋 也 糾 Æ 莊 此 書

杜氏曰:「九月乃葬,亂秋七月丁酉,葬齊襄公。

故。」義

見《隱三

年》「葬宋穆公」。

文耳。杜氏曰:「乾時,齊地。時水在樂此戰公也。不言公者,蒙上「公伐齊」之八月庚申,及齊師戰于乾時,我師敗績。

諱 謂 糾 以 安界, 凡 也 愐 又 IIII  $\exists$  $\vdash$ 之來 公旗避於下道,是以皆止。」莘老 不量 内 糾 納 :「齊爲 敗乎?」 相侵伐,皆聖人所辠。 公公 糾 不 岐 不言敗』者繆矣。 免於 力而與 矣, 奔,志欲納之,已盟 喪 流 氏 仇讎之國,無時 戎路,傅 而 日 早 死 小白先之。 : 則 齊戰焉。 竭 書『我 爲 乘 涸 莊 故 而 公者,其 至於 師  $\sim$ 歸 敗績 曾不 春 日 而 既忘 其 秋》 乾 通 秦子、 師 大 時。」 是諱, 徒崩 其 夫 無 皋 莊 則 伐 讎 義 公受 如 孫 梁 左 凡 戰 喪, 氏 例 何 子 氏 而

九月,齊人取子糾殺之。

之也。 取 也 齊人取子糾 。」〇康侯 而 殺 孫氏 之, 胡 甚 曰:「子糾當立。 殺之者,齊人取 氏 **矣**! 曰:「仁人之於兄弟,不 所 以 重 之於魯 桓 桓公争國 公之篡 而 殺

遠哉 殺子 器 趙氏 也。 以 爲者異矣。 與王者行一 學《春秋 魁 死 之然後快於心,其不仁 愚聞之邵子曰:「五伯者,功之首、辠之 而 立 藏 小小白 傳讓 也 量之不宏,病魯之無主 殺之,莊公亦 越 糾,絶 功功 曰 : 仲尼之徒 在 不 爲名而 念孟 過 》,則 辠 防 宿 「小白 他 不 後 滅 也。 或 怨, 不 子》曰: 此後凡伯者之事,必 相 患 天倫,皋之尤大者也。 大 義、殺一不辜 無道 取 親 置 不 掩 莊 意 意 皋 國者,必殺其主,以 而 愛 能容糾 也。 公欲 立矣。」桓 桓文之事者。』一存 五五 之而 與 勿 先定五伯之功過 此 問 經 納 霸,三王 亦甚矣! 同。 口 已 而與之殺 書 於 糾 而 也 之, · ; 使 公入齊,首 魯,必置 流 得 辨其 見 齊 之皋人 毒 齊 天下不 糾 也。」 小白 得 後 贵 必 雖 其 之 耕 功 爲 取 世 殺 争 而

冬,浚洙。浚,蘇俊切。

深之? 畏齊也。」杜氏曰:「洙水在魯城《公羊》曰:「浚之者何? 深之也。曷爲

北,下合泗。」康侯胡氏曰:「固國以保民

雖有長江巨川限帶封域,洞庭、彭蠡、河爲本,輕用民力,妄興大作,邦本一摇,

洙」,見勞民於守國之末務而不知本,爲漢之險,猶不足憑,而況洙乎? 書『浚

後戒也。」○莘老孫氏曰:「《春秋》之義

凡興作書之皆辠。」

後學成德校訂

春秋本義卷第六

<u></u>

## 春秋本義卷第七

日

## 莊 公

+

年春,王正月,公敗齊師于長勺。 戰?』公曰:『衣食所安,弗敢專也,必以 伐我。公將戰,曹劌請 氏曰:「長勺,魯地。」《左氏》曰:「齊 年》「公敗宋師于菅」同。 分人。』對曰:『小惠未徧 者鄙,未能遠謀。」乃入見。 『肉食者謀之,又何間 書「伐」,而書「敗某師 :『犧牲玉帛,弗敢加 焉?] 劌 見。 也,必以信。」對 ,民弗從也。」公 後不復 書法與《隱 問: 其鄉 曰 : Ŀ 酌 解。 人日 一何 切 肉 以 食 師 杜 +

> 氣也。 之。』」未詳信否。 師。 乘。 之屬也。 乾時之役也。 伏焉。吾視其轍亂,望其 竭我盈,故克之。夫大國,難測 口 而 可以已乎。」愚謂:魯亦有以召之,其幸 轍,登軾而望之,曰:『可矣!』遂逐 績,公將馳之,劌 大之獄,雖 勝,不足論也。 !』齊人三鼓,劌曰:『可矣!』齊師 :『小信未孚,神弗 既克,公問其故。 戰于長勺,公將鼓之,劌 一鼓作氣,再而 可以一戰,戰則請從。」公與之 不 能察,必以情。」對 魯師敗 存耕 曰:『未可!』下視 義又見《隱二年》「鄭 福 矣,子糾 趙氏 對曰:『夫戰,勇 衰,三而竭。 也。」公 曰:「小白 旗靡,故 殺矣,亦 也,懼 曰:『未 曰:『忠 曰:『小 其 報 逐 齊 敗 有 彼

二月,公侵宋。

伐衞」。

國,殘 也。 王 於齊,又退侵宋,以衆其敵,惡之。」貫 年》「鄭伐衞」同 而 於宋,非義之甚也。」 書「侵」五十八。 侵者,侵 氏曰 聲辠致討,辠也。 高氏 民 自 :「所以啓次郎之師 其 黷 沅  $\Box$ 疆 武, 疆 :「公既 界也。 <u>`</u>, 不 書 容 ○《穀梁》曰: 敗 康 況 愚 誅  $\Rightarrow$ 齊 日『侵于之 侯 無王 謂 矣。 師 胡 : 又乘 氏 諸 也。」《春秋 命以侵人之 義 日 侯 與《 : 深 無 勝 疆  $\sim$ 隱 其 Ŧ. 加 詩 道 怨 是 命 兵

三月,宋人遷宿。

或。 也。 遷 也。 他 地 所。 或 者,葉氏 宿,見《 義又見《元年》「齊遷紀郱、鄑、郚 者,奪其 天 或又以 子 封 隱 一、以 之,宋 地 爲附 元 利 年 形 遷人爲 **%** 人遷之, 庸 勢, 也。 孫 面 氏 皋,義 不 徙 日 其 言 其 惡 遷 或 不 宿 可 於 在 都 微 某 於 知 地

> 者,宿 遷,惡自見矣。」 肆 勞,起怨咨 里 而 利,去危即安,猶 常物之大情。 此 則遷 行 況迫於横逆,非其所欲。 (IX 莫之顧 新 非 國,甚矣。 欲 徙 傷 遷 之蓬 也, 爲 和 遷 其 藋, 或 氣 或恐沉於衆不肯率從 宋人之所 贵 重事 不仁亦 康 道 侯 途 不 胡 惻 也 之勤 遷 甚矣。 氏 棄久宅之田 然 也 日 雖 有 誉 違 隱 懷 築之 害就 遷宿 凡 乎 土 書 ?

乘 夏 丘 六 月, 齊 師、 宋 師 次 于 郎。 公 敗 宋 師

齊必 公子 邪 獨 杜 府 ? 敗 乘 氏 還。 偃 氏 宋  $\Box$  $\wedge$ 曰 左 縣。」愚案: :「乘丘,魯 師 氏 請擊之!』大敗宋 于 『宋 乘丘  $\Box$ 師 : · 贵 不整, 齊、宋之師 地 齊 0 宋 師 口 師 張 宋 敗 氏 先 師于乘丘 師 也 次 曰:「興 進 子 次 于 于 宋 郎 乘 敗 郎 f: 而

于

衆 宋之 意。 讎 師 齊 不 者不以 鄭伐 而 足爲美。」 其 而 師 敵 師 乃還 魯又不能推 不 反 衞 致 道 名 納 0 而 一交譏 所 子 覆 常 伐 糾 或 敗 獻 Ш 之也。」義 以以 其 百 欲 可 劉 忠 軍。 次 啓 杜. 闚 信、 氏 于郎。 齊之寇,又侵宋以 氏 利 日 次 奉文告 : 日 乘 又見《隱二年 者  $\overline{\phantom{a}}$ :「公不能 便 公雖 不 快 或 以 以 攻 揚 敗宋, 義 止 取 兵 齊、 勝 復 之 駐

秋 九 地 月 杜 荊 氏 日 張 敗蔡師于幸,以 氏 :「荆,楚本號,後改 曰 : 成 王 初 蔡侯獻舞歸 封 熊 繹 爲 楚。 於丹陽 幸,蔡

首

蔡 貲 諸 陵 侯 之枝 娶 始敗蔡,浸猾夏矣。」《左氏》曰:「蔡哀 侯 蔡 于 其 侯 陳 江 國 日 縣 息 始大, 僭 也。 侯 \_ 吾姨也。』止 亦 自 娶 荆 號 高馬 子 稱 王。 熊 息 通 而 嬀 今其 侵 見之, 弗 將 伐 歸 子 漢 调 能 東 江

故

夷

夏

本

蔡,皆 見伐, 之,見 賓。 勢分,夷 虜,賤甚矣。」義又見《隱七年》「戎伐 詳信否。 我,吾求 之盛 一諸 盟 心憑 陵· 末,爲履霜之戒 君子常防患於未然,而《春秋》比 被其禍, 0 一、楚衰 息 戎 由 ○愚案: 夷 中 侯 至於越,而 夏 侯 救 王 禍 夏 張氏 或 聞 **莫辨**。 於蔡 而吴 死社 法大壞 稍 不 之大 之,怒,使謂 口 息 君 曰:「於此 隱 繼 稷,正 而 復 變 舉 也 公會 諸 春秋終矣,王 之,吴衰 伐之。』楚子從之。」未 故 制 而 也 陳 荆 狄 侯 氏 也。 戎、 楚猾 春秋 伐 自 楚文  $\vdash$ 見王政不行,夷 後 中 盟 īfii 相 :「《春秋》 倣 逃 之末, 夏,而 或 越 戎, 侵伐, 王 之, 辠也 此。 繼 綱 E 荆 致 之, 盡 書其 漸 近 楚 高 中 凡 矣。 曫 者 伐 凡 Æ 主 或 伯 書 伐

伯

 $\vdash$ 

狄

:

冬十月,齊 師 滅譚 譚子 奔 莒。 譚 徒 南 切 公

羊》作十一月。

名,闕 宜 子 桓 國之禍不接跡於天下。」薛氏曰:「五伯 國三十六,五伯爲之也。 氏 胡 其皋也。 先 出 稷,覆宗絶祀也。」《公羊》曰:「何以不言 氏 杜 [日 : 「 ·之建 一公爲 哉 氏 王 ? 氏 曰:「在 所封。 日 曰:「言『奔莒』,不死 文也。 或 盛。 : 侯 書『滅』,始於此。  $\exists$ 小白亦諸侯也,可滅之乎?」 濟 以 譚 滅 威陵諸 王封之,惟 南 肆 存耕趙 或 矣,無 府歷 在 威 濟 耳。 侯 城縣。 所 南平陵縣 氏 以圖 出 儒 曰 王滅之,亦必 -: 也 社稷也。」○陳 者之不道也 微 滅者, 春 伯 \_\_ 桓 譚 秋之際,滅 功,首滅天 西 愚 公,則 雖 夷 南。」 謂 小 其 或 不 當 滅 張 社

> 曰 : 邑, 敗齊、宋之師,以深其怨。」 屢 屢役不勝,可以 杜 年》「鄭伐衞 敗諸鄑。」存耕趙氏曰:「宋報復之師也。 勝 氏 當 「宋爲乘丘之役,故侵我。 鄰  $\Box$ 爲 : 或 紀 晉 能 地 \_ 無 豈 魯 已矣。 悔 地。 胡氏 偶 乎? 同 愚謂 曰 : 名 莊公以 義 邪 二年之中三 : 又 ? 齊 見 兵始 公禦之, 遷 ^ 左 隱二 紀 禍 氏 部

秋,宋大水。

矣。 後世 心。」東萊吕 也。」義見《桓 氏曰:「其 康侯胡 凡志災見《春秋》,有謹天戒, 戒。」 聖人不能 氏曰: 顯 氏 然爲衆所 元年》。 「凡外災,告則 盡  $\Box$ 書、取其 : 春 秋 知者, 康 一二甚者以 之世 侯胡 書。」 亦 恤 災 不 東萊 民 氏 待告 異 隱之 爲 吕 多

冬,王姬歸于齊。

夏五

月戊寅,公敗宋師于鄑。

子斯切。

十有

年春,王

IE.

月。

一八

稷

其

兄弟

臣妾

미

知

也

紀國

既亡,叔

叔

姬歸

父母

之國

可

也

)。」 愚

調:

或

君死

社

惡公忘父之讎,再與齊接婚也。」○邦衡命主王姬者多矣,唯元年與此年書者,劉氏曰:「我主之也。」孫氏曰:「羣公受

胡氏曰:「婚姻之道,不正其始,則終必

惟惡公忘讎而主婚,亦以志小白篡立,亂。齊再娶王姬,婚姻不正莫甚焉。非

曰:「二姬皆莊王女,一爲姑,一爲婦,非王不能正,反薦女以結之也。」存耕趙氏

十有二年春,王三月,紀叔姬歸于酅。

倫

也

一。」未詳是否。

當 日 也。」啖氏 叔 日 」。「國 歸 姬 伯 也。」〇 即 《隱七年》「歸于紀」者 滅夫死、託身讎國。 姬 曰:「稱紀、言紀之婦 之媵 獻 可 也。 杜 氏 酅,紀季以 曰:「紀侯去國,則 書『歸』,不 也。 也。」宋氏 人齊之邑 孫 氏

> 甚矣。 其所 姬 歸者,嫁辭 死之可 歸 孫氏 亂也。」未詳是否。 也。 曰:「歸 以 mj 伯 歸依於叛兄之叔,失節 姬 于酅 之媵 者, 丽 歸 歸 于季,非 于 季

夏四月。

捷、《公羊》作接。 秋八月甲午,宋萬弑其君捷及其大夫仇牧。

莊公。 張氏 之。反,爲大夫於宋。 之。遇太宰督於東宫之西,又殺之。 萬弑閔公于蒙澤。 閔公名也。」《左氏》曰:「乘丘 子游。」《公羊》曰: 子,魯囚也,吾弗敬子矣。』病之。 宋人請之,宋公靳之曰:『始吾敬子,今 金僕姑射南宫長萬、公右歂孫生搏之。 日: 莊公歸,散舍諸 「萬,南宫長萬,多力之士。 「萬嘗與莊公戰,獲乎 遇 仇牧於門,批而 宫中數 與閔公博,婦 之役,公以 日然後 秋,宋 捷 歸 立 殺

者 皋 其 仇 萬 爾 皆 國、次師 口 虜 侯 而 仇 『及其大夫仇 [怒,搏 党。」関 大矣。 牧,碎 也。 謂 疾 至, 也 之美 在 牧之智則未,仇牧之忠則 不 1 而 側 遇 公矜 畏强禦矣。」愚謂: 忘其 義 也 閔 取敗, 之於 其 爾 然宋湣 萬 又 公,絶其 虜 首 見《 此 天  $\Box$ 力, 憂其 門,手 焉 狎 下 婦 : 牧」,甚之也 齿 桓 故,魯侯之美惡乎至。』 三甚 逆王 近 諸 人, 妬其言 著 宋萬、皆足以 胆。 侯宜 **矣**! 乎 劒 憂 年 命 門 圃 - 》宋督 而 仇牧聞 納 爲 弑 蓋 叱 忘 衞 君 魯侯 之。 · ; 顧 君之賊 朔,逼 其 者 盡 事 劉 孫 之淑 生, 君弑 唯 曰 : 萬 矣。 殺 氏 氏 遷 其 惡 仇 臂 魯 日 日 菜 宿 身 極 牧 疾 摋 趨 此 侯 魯 : :

> 者設 乎 禄 道 君 身。』事 ? 不 之 间 耳,非 行,言 三人者之謂善,乃孔子爲 H 事 君 久, 君 而 不信, 孔子之所謂 固 則 至 位 君 於殺 猶 必 而 身,君 在 信 見 其 我 善 殺 位 也。 子不 , 孔 子 而 , 苟 言 禄 爲 必 又 不 也 也 用 能 何 也。 取 苟 死

冬十月,宋萬出奔陳。

若 弑 之之辠亦自見也。」 不 孫 憝 此。」常 湣公,十月 氏 曰 , 況均諸 :「弑君之賊,當急討之。 Ш 劉 出 侯哉? 氏 奔。 日 : 弑 宋之臣子緩 書 所 君 奔 叛 之國, 或 一, 凡 不 萬 討 則 民 八 受 芒 賊 月

+ 於 北 有三年春,齊侯、宋人、陳人、蔡人、邾人會 杏。 杜 氏 侯 齊侯、穀梁 稱 爵 北 而 杏, 》作齊人 諸 齊 侯 地 皆 0 稱 幸 人 老 者 孫 氏 桓 將

老

孫

氏

 $\vdash$ 

春秋

影死

難

之臣

三人

而

 $\exists$ 

不

口

則

止。』又曰:『既明且

哲,以

保其

伯,諸

侯未甚尊之,但遣其臣往

爾

然

孔

子

書之無異文。

孔

子

百

二以

道

事

君

首。 滅之。 僖二十八年,内史叔 氏曰:二十七年,王 此。 諸 孫氏曰:「案《周禮 有 侯,約之以 觀 後 黄 齊  $\Box$ 三王之辠人也』。」愚案: 知 氏 侯』,若五伯者,皆非 其貪土地之廣,恃甲兵之衆,强制 不循者,小則侵之、伐之,甚則 王 方 自周 義又見《隱 此亂 尊周室矣。 求 天 日 桓公徒 其實假尊周之名,以 :「衣裳之會十有 下。 諸 東遷,諸侯紛紛若鬭獸。 世之事 侯, 會 有 民 ,要之以盟 亦 尊周之名,無 到 故孔子曰 九 不卑之, 非 于今受 年》「會 》『九命作 盛 興父策 使召伯 王意也。」康侯胡 命 ,臨之以兵。 一, 北 伯。 伯者之功 而 其 『九合諸侯 于防」。 命晉 自封 與 伯,得 賜。」 、尊周 賜 故孟 之 杏實爲之 齊侯命。 侯 殖 會 執之、 之實。 胡 耳。 今而 爲 過 子 專 也 其 氏 侯 孫 征 諸 如

義,不 業之大小,而不及聖人之所指 者乃 道 故 文,其義 侯 非 利 書之,爲後世 下 日 侵伐,若有異 氏 曰 而 一,其 下, 者,不 政 命伯 黷 愚於桓、文之會、盟、侵、伐,一切書之 無道、禮樂 :「天下有道,禮樂 日 義見某年某事」,明其與其他諸侯之 謂聖 [:「春; 武之爲,然其相 謀 名 知 自北杏始。」愚謂 ,又不請命 其意者惟董子焉。 其 則 似 過 人與之而 秋之世 丘 利。 存 假 鑒。 其 於其 竊 征 大 明 取 伐 義 一,以諸 實 所謂 其道,不 他諸 自 之」者也。 於天子,其所令於諸 無譏,往 以  $\exists$ 諸 征 去蓋一間 濟 去。 其 伐 侯 侯 侯 齊 私 自天 而 合黨報 出 事 桓 計 故曰  $\wedge$ 欲。三王之 往 主 春 則 、晉文盟 蓋 其 爲 子出 耳。 天 秋 桓 則誤矣。 齊桓、晉 一正其 自 説 功 下 文文 復、 孔子 較 孟 會 切 天 或 既 伯 子 會 盟

春 秋 本

其 於此」,邵子 不 説 甚 於 相 本 遠 文之下 也 所謂 若 「功過 ·, 蓋 其 事 之近 不 子》 相揜」者,在讀 義 所 者 謂 則 各 彼 善 著

夏六月,齊人滅 遂。

者詳焉

隱 公圖 《十年》「齊 以 未 來之,而 縣東北。」高氏曰:「北杏之會,諸侯 齊人殲 舜之後也。」杜氏 穀梁》曰 服者。 之 報私憾。」 心。 伯、未爲諸侯所附、當崇禮義 乃伐 于遂」起文也。 :「遂,微 故 桓公於是 滅 張 凡 魯滅 譚 氏 其合於仁者, 曰 : 曰:「遂國在 譚 國也。」存耕 而 滅 ,今又滅遂,皆 「於此見其 此 遂 又 以示 王. 爲 氏 **《**十七 孟 威。 濟 趙 딩 : 子 北 已 氏 皆 尚 强 以 義 蛇 「桓 日 年 以 惻 懷 見 有 丘 力

> 冬,公會齊 侯 盟 于 柯 古 何 切

蔑」。 此 伯 齊 圖 屢 杜 遂者待魯。 及齊平也。」張氏曰:「莊公自齊桓入國 氏曰:「東平府 則 伯 氏 桓 與之戰。 術 也。 亦 離 曰:「此 魯有 知 盟 | 愚案: 魯 耳 雖 亦足以見桓公屈 未 見 柯, 伐 可 義 東阿縣。」《左氏》曰 濟北 伯者之盟 再勝, 取,故 之虞,至 又見《 東 而 阿 不 隱 齊方修軍 此 齊之阿邑。」 復 諸 元 始 以 意 侯 年 用 及 和 始 ¥ 魯。皆 於譚 齊平。 此 盟 政以 張 于 但

伯 會 伐 宋。

康

侯

胡

氏

曰 :

稱『人』者,將

卑

師

少

也。

+

有

四

年

春

齊人、陳人、曹人伐宋。

單.

杏之 乃 劉 遣 氏 會 大夫  $\exists$ :「伐宋之時,魯本不 往 春, 耳。」《左氏》曰:「宋 諸侯伐宋, 取 -與謀 成 於 人背北 後聞 宋 而

秋

七月。

爲

假。」

矣。 節 伐 子曰 天 以 於秦、晉,使之不競 而 還。」程子曰 年》「鄭伐衞」。 制 諸侯,三王之辠人也。」」義又見《隱  $\pm$ 後 功卑而易成。」邦衡胡 一命而 終管仲之身,息養天下, 用 未嘗 『天子討 兵,故: 專伐,亦《 興 :「齊自管仲爲政,莊 能 大衆 而 ○康侯胡氏曰:「齊蓋 南 不伐。 也,其 摧强楚,西 春秋》之所惡 而已,不 氏曰:「齊桓 五伯 賦 强致 於 樓諸 抑秦、晉 厚 諸 也。 矣。 侯 也 十一年 侯 亦 以 以 孟 非 是 寡 元 至

也

 $\Box$ 

伯

孫

或

秋 七月,荆 入蔡。

或

以

爲貶齊稱人,誤矣。」

班

相

是

夷狄 「十年,荆敗 義見《莊十年》「荆敗蔡師」。 蔡 此 師 執其 君,今又入其國 〇高氏日

冬,單伯會齊侯、宋公、衞侯、鄭伯于鄄。 音絹,

輕

中

. 或

如

節

可

謂

深切著明矣。」

音真。

《坤》之初六曰:『馴致其道,至堅冰也。』 命,豈 防。 史故 于未亂,自天 易》言其理、《 \_\_ 禮 會 大 : 以 也。」杜 氏 張 夫 會 聚,是禮 也。」存耕 日 自 宋 一朝一夕之故哉? 氏 皆 : 大夫,以 大夫 )胡氏 服 氏 以 曰**:** 經 故 魯 出 티 : 以 自諸侯出矣。 子出 曰:「夫禮 也。」義 趙氏 春 主 矣。 單 大 濮 「鄄, 衞 其 伯 秋》見諸 者也。 夫 州 曰:「齊序 會 君 爲 見《隱 而 鄄 爲 若贅 文者,凡盟 别 出 城 文。 也, 行 位 列 嫌 縣。」《左氏 九 以國君而 事,若 旒 以 國之君,自 故《易》 明 宋上 東  $\sim$ 年 陪臣 **伉諸** 微制 春 郡 · 》「 會 會,公 一,推 秋 合符 鄄 侯 於 執 降 城 治 于 齊 魯

+ 于 鄄 有  $\overline{\mathbf{H}}$ 年春,齊侯、宋公、陳侯、衞侯、鄭伯會

陳 人春 秋 居 衞 下,今先衞 者 杜 氏 曰

桓 陳 因 侯 耐 介於 進之。」未 齊、 楚之間 詳 是否。《左氏》曰: ,爲三恪之客。 齊

春復 會于 防 會焉,齊始伯也。」義見《隱九 \_ 孫 氏 曰 : 恒桓 公帥 諸 侯 年 尊

以 威,制之以力也。」 莘老孫氏曰:「齊桓 周室,其實 令諸侯,約之以會,要之以盟,臨 帥 諸 侯 以 尊己,假 尊 王 之名 之以 欲

成 伯業,故 爲 鄄 之會 以 帥 諸 侯。 然《 春

秋》之意,以謂 秋》書之,與 無 齊 事 桓 而 公功 會 盟 則 者 可 等 取 爾。 而 蓋 道 春 猶

功 其辭 無 褎。」

未

也。《春秋》,王道之極致,故

桓、文之

親,而齊、魯之交卒合。

然禮防一弛,

則

於魯。

是以於此受文姜而

不逆,

以

昭

親

侯

以以爲

未能

比

近,無

以

示

遠,務

在

求

好

也。」〇許

氏

曰:「鄄之會,魯尚

未從

齊

夏, 夫人姜氏 如 齊

歸。 之,與齊襄之事 莘老孫氏 適其夫,則終身不返。父母没, 曰:「姜氏 等者 蓋 但 歸 婦人以夫家 嬣 Ŧ, 然 經 爲 書

> 之跡 不爲之法乎? 於齊,義 惡 爲齊桓者,不能無辠。」張氏 之將 車之轍, 豈非 雖 於 兄 同 齊襄之時,桓 萌 弟 也。 也 不 也 往 姜氏之惡,不可勝誅 齊 , 所 未聞 以 相 此 欲 以 雖 行一不義,雖得天下, 求 公欲 孔門所以不道伯者 預 無 魯之故,而 爲 齊 圖 之 襄 伯 嫌 之事 曰:「文姜播 業, 而 矣。 不 則 蓋 防 監 絶 非 逆 覆 之 然 禮 亂

秋、宋人、齊人、邾人伐郳。 夫人復啓越境之恣,而 五兮切。 遂有 如莒之事 《公羊》作兒

兵,則宋仍序齊上耳。 范氏曰:「宋主兵,故序齊上 侯 親伐,則伯主序 《左氏》曰:「諸侯 宋上。 也。」愚謂 今大夫 主

諸

DП

衞

爲宋伐郳。」未詳信 否。 郎,見《五年》,一

義 見《隱二年》「鄭伐衞

鄭人侵宋。

《左氏》曰:「諸侯伐郳, 齊、楚之間,蓋始於此。」義又見《十年 於服齊,而背二鄄之會。 宋。」張氏曰:「間諸 侯伐郳 鄭 鄭之反覆於 而侵宋,不誠 人間之而 侵

冬十月。

「公侵宋」。

十有六年春,王正月。

夏,宋人、齊人、衞人伐鄭

者,皆此類也。 王道正之,猶有辠也。所謂「彼善於此 此伐有名矣,惜乎齊桓非受命之伯,以 侯伐鄭,宋故 宋序齊上,與「伐郳」同。《左氏》曰:「諸 也。」愚謂: 義又見《隱二年》「鄭伐 鄭有辠矣,齊桓

秋,荆伐鄭

年,齊桓之力也。」 自鄭從幽之盟,楚不敢窺鄭者十有餘 以見夷狄之强、中國之衰也。」 戴氏曰: 曰:「前年,荆嘗入蔡,於是又伐鄭焉,所 義見《十年》「荆敗蔡師」。 楚將憑陵 中國,蔡當其 衝,首罹其害。 莘老孫 氏

氏》、《穀梁》無公字。 伯、許男、曹伯、滑伯、滕子,同 冬十有二月,公會齊侯、宋公、陳侯、衞侯、 陳岳氏曰: 「闕文也。」《左氏》無 盟于 幽。 曹 <u>《</u>左 鄭 伯

杜氏 以 或諸國自以强弱相上下。聖人因書之, 先於滑伯、滕子者,是時伯主以意升降, 日  $\mathbf{E}$ 今滑州 見先王之制,不復列於當時 「同盟者,殷同之盟也。 日 :「滑國,都費,河 也。 幽、宋地。」高氏 .'南 緱 古者諸侯之 曰:「許男 氏 也。」劉氏 縣。 或

業定 意。 之。 夫 似 子,蓋自是始伯也。」張氏曰:「古者方 受命之伯,假 盟之禮見 覲,冬見曰 此 稱 也 同 無 有 於 蓋 子 盟 天子,春 桓 王 同盟,以示其 其 命之事,與伐楚而舉召康公之命 古者六歲 所 自此,欲 ,因舉是禮 桓公至此 亦 公未嘗 而 其 衣 謂 善  $\Box$ 『桓 裳大會之始 言諸 惡 無 於 遇 見 有 則 王 覲 诗時 制 公九 同 日 侯 歃 而 各 命 禮 約 人考禮 以 諸 盟之禮 束 血 見 朝,夏見 繋 會,十二歲 ",假 爲 合諸 侯 諸 之 牲 東諸  $\Box$ 於其 修 侯 古 而 壇 會 盟,而 載 也。 德,以 率諸 脅 祀方 侯, 誼 既 \_, 殷 侯 書 事 曰 從 以 授 尊周 不 揚 而 焉。 孟 而 見 宗, 制 之者,皆 以 明 尊 雄 以 不 侯 子於葵丘 盟 日 與 以以 事 天子 以 兵 歃 以 秋 方 口 穀 或 習 車 掩 而 尊 伯 見 血 相 梁》 之 亂 稱 相 其 伯 嶽 天 非 臨 司 日

遇,以 禁,殷 會,殷 耕趙 王之節 義又見《隱元年》「盟 舉天下 秋》之旨矣。」君舉 爲《春秋》,不 有盟 諸 不 一般 或 時 則 巡 之上 巡 氏 禮 同 見 有同 會」,故 命 同」,故 侯之從者日衆,故假殷同 心狩,諸 狩 ,王合諸  $\Box$ 而 方 見 以 日 : 言諸 聽 司 則 伯 施  $\pm$ 「桓公無 命於 盟者 合諸 。』又曰:『時 連  $\Box$  $\Box$ . 得 侯 天下之政。』二者非 侯 而 一施 『發 侯而 會 己。 己 不 帥 1,《周 一邦,古未之有也。」存 陳氏 侯受命於王國。 知 於 而 天下之政』。 四 王命 于蔑」。 而 見之者也。 若有 與齊、 方嶽之下而受命。 有王 方之禁』。 官》曰 諸 曰:「王者 而 侯從 會 征 也。」後 稱 晉, 以 代,以 伯,嚴然於 焉 發 葉氏 蓋 之禮 王十 小 朝 諸 時 川 得 倣 不 此 Ħ 討 此 覲 侯 見 方 日 此。 令春 圖 見 之 而 不 日

列

伯

謂

 $\pm$ 

歲

謂

庭

再 行 同 盟 故此 歷 + 年同盟于幽,至二十七 有二年,用天子殷 見 车 之 而

邾 子 克卒。

禮

也

大夫 謂 王 始 莘老孫氏曰:「克者,儀父之嗣君。 至是 一命以 稱 子也。」陸氏 邾本子爵。《隱元年》稱邾儀父者 也 子 為諸 者,嘗從齊 大意見《隱七年》「滕侯卒」。 侯,故曰子。」皆無所考。 日 : 「克,儀父名。 桓 會盟 侵伐,故 齊桓 進 之 請

有 七年. 幽。 也。 逃來起文也。 不言 況 也。 無王 後倣 春 今春執之,安用 何辠執之者,義不在辠,而 以責人之心責己,則盡道。 ,齊人執鄭詹。《公羊》作瞻 一命而 此。 專執乎?」愚謂 胡氏曰:「前年 康侯胡 盟?」 氏 邦衡 티 : 又爲 胡 同盟 惡 在於執 氏 以 齊 鄭 E 愛 Ż 詹 于 :

> 悦誠服之意可見矣。」 國之從齊者 服,則修 己之心愛人,則盡仁。」張氏曰 徳以 皆出 來之。 於力 而 執 不 · 赡, 而 其 大夫, 1:「諸? 非 有 則 侯 心 小 不

夏,齊人殲于遂。殲,子廉切。《公羊》作瀸 殲者,滅之盡 也。 《左氏》曰 :「齊人滅 遂

以 絶,而齊 意料之外者。 之,不知彼心不服,吾力稍怠,必 其君,慮其民之思舊主,而 乃見殲於亡 氏曰:「不言遂人殲之,言齊人自取其滅 遂氏饗齊戍,醉 秋》書此,見齊人滅遂,恃强陵弱,非伐 也。」〇張氏曰:「案十三年滅遂置戍,今 而戍之。 至於自殲其衆也。」康侯胡 人滅遂,不 夏,遂因 國之遺民、蓋絶滅 蓋王者之道 而 氏、領 殺之,齊人殲焉。」 止於殺 氏、工婁氏、須 貴於興 以 氏 不 兵 社 티 : 辜而 有出 力 稷 「《春 滅 强 以 己 啖 繼 於 制 及

+

之戍 義 ,可以 之戒, 弔 民 則 之 而 广 申 師 弱 秦。 胥 0 者 夫以 亦 古 身, 可 有 Ļ 以 可 是 或 省身而 以 理 餘 存 民, 足爲 楚 自 能 楚 强 立 殲 矣。 雖 强 而 不  $\equiv$ 齊

幸 者 人之辠, 一,以自 老孫氏 齊 取 曰 : 爲 自 取 義  $\lceil \langle \rangle \rangle$ 之爾 春秋》之義,凡自 齊 人 爲 梁 亡 遂 非 所 人 殺 亡之, 非 取 之 遂

自 梁 自 棄 爾 爾 殲 0 于 鄭 遂,辠 棄 其師, 齊之深, 非 他 或 而 敗 憫遂之 之, 鄭

秋,鄭詹自齊逃來。

滅

也

專 信 詹 者 口 陸 也。 執 義 盟 效 氏 曰 : 矣。二〇 于 几 雖 康侯胡 幽 夫 日 凡言 之行 非 而 邦 義 魯 氏 衡 逃 ,詹爲大臣,不能 首 胡 遁 者,皆謂 曰:「逃,匹 叛 逃 氏 盟。  $\exists$ 苟 : 免, 義 受其 齊 當留 夫之 不 桓 浦 知 守死 無 而 命 兆 事  $\pm$ 竊 也 也 以 而 虧 去

> 紓 無 自 幸 云 羞 皋 以 乎 而 也 或 見 爲 患 免,詹自以 以 殺 劉 無 而 因 爲 皋 Æ 遁 不  $\Box$ ·那,尚 逃 逃 義, : 而 爲有辠邪 苟 譏 苟免,不足爲大夫。」 死 免 何 逃 道 逃之有? 非 也 云 惟 乎。 雖 身之羞 以 死之可矣; 爲 君子 義 詹恐其 不 或 死 E 制

冬,多麋。

也。 則爲 張 惟 孫 之 亦 應 氏 禹 其 氏 是 異。」 多,則 放 至  $\Box$ 也 日 也 : 。」《公羊》 龍 :「麋,鹿之大者。 於麋者,常有 蛇、周 「《春秋 Ш 以 書之。」康 陰陸 無 公遠犀象之意 爲 談以 氏曰:「 日 異 : 有 侯 記記 則 之物,不 胡 爲 書 陰盛所 災 異 氏 無 魯 則 也 日 所 也。 : 書 口 無 感,惡 常有 | 華 有 冰』是 書 爲 異。 此 有 老 多

存耕趙氏曰:「不書日與朔,舊十有八年春,王三月,日有食之。

史失之

所無。 足以知舊史所闕者少也。」愚謂:或經成 間,日食不書朔與日者,惟二而已。亦 傳信也。 朔,日食正朔,舊史之詳備,孔子因之以 不書朔者,有日與朔皆不書者。 晦,或在二日 「《春秋》日 孔子闕之,以傳 日而不朔者,食不在朔,或 食 有 也。 書日、書朔者,有 日朔皆不書者,舊 疑也。 春秋 書日 書 日 之 在 史 書 而

也。∫義見《隱三年》。○莘老孫氏

H

如

夏,公追戎于濟西。

而

後闕之,亦不可知也。

西。」莘老孫氏曰:「禦戎之道,來 杜氏曰:「戎來侵,魯公逐之於濟水之

之,去則勿追。」啖氏曰:「去社稷,遠 追

戎也。 」

秋,有盛。影逼切,或作 蜮

康侯胡氏 曰:「盛,魯所無 也,故以有

> 姜,卒成篡弑之禍。 氏曰:「盛,陰物也。 「記異也。」《左氏》曰:「爲災也。」山陰陸 見水中,投人影則 書。」陸璣曰:「 盛,短 曰:「是時文姜爲亂,其遺毒餘患至於哀 含沙射人皮肌,其瘡如疥。」《公羊》曰 鼈 消而陰慝長,此惡氣之應。」〇 ,三足,在江 淮 射,故曰射影。 水 物類之感,天之示 麋,亦陰物 中。 狐也。 人在岸 一名射影。 也 上 張 或謂 Æ 陽

淑

人顯矣。」

冬十月。

十有九年春,王正月。 夏四月。

則

拒

公盟。 秋,公子結媵陳人之婦于鄄,遂及齊侯、宋

杜氏曰:「公子結,魯大夫。」劉氏曰: 媵者,送女也。陳人者,陳大夫。」《公

鄙 齊桓 虎 京 吕 事 事 羊》 元 陳 陳人娶姬 氏 ,由公子結之遂事召之。」義又見《隱 牢」,『季孫 師,遂如晉」,『仲孫蔑會晉荀罃,遂城 不 年》「盟于蔑」。 亦棄好。 ,而欲交 結行 日 書 方伯,而 曰:「凡 :「大夫 爲 至鄄,遂盟 歡 是年之冬,三國皆來伐我 姓之女,魯使其臣 公子結 書大夫遂者四:『公子 宿 伯 宋又强 無 救 主。 遂 台,遂入鄆」,與此 遂 ) 啖氏 事。」幸 國。公子結不終媵 齊侯、宋公。是時 終之,齊、宋皆怒, 事 起 曰:「凡 本 老 也。 公子結媵 孫 氏 , 媵,常 遂 東 日 如 萊 西

夫人姜氏 如 莒

子

結

媵

婦,遂及齊、宋盟也。」

或 孫 杜 氏 ,惟父母在,得歸寧,父母没,雖兄弟 氏曰:「 曰:「非父母之國 婦 人 無專行之禮,故 而往、書姦。」莘老 雖 父 母之 不

> 之化,而中國之俗,於是大亂 之變風 往,況他 文姜比 相應。 或 年如 乎? 莒、《春秋》詳書, 當時一反《關雎 惡自見 矣。」〇 一》、《麟 蓋與《詩 張 氏 日

冬,齊人、宋人、陳人伐 我 西 鄙

氏曰 乘 則言 義 固有辠也。然魯之君臣,亦 侯來侵伐,不至國都,皆書某鄙。] 高氏 杜氏曰:「鄙,邊邑。」常山劉 來討之。」愚謂: 公子結又以 曰:「公之事 丘 又見《隱二年》「鄭伐衞 是也。 鄙,此 : 「《春 類是也。 至言伐我,則寇深矣。」 秋 私 齊後於諸侯,又受鄭 》書魯之被 事 齊人摟諸 取 近國 怒焉,故 則 兵,遠不及國 侯 書 有以召之。 齊 以 氏曰:「諸 〇存耕趙 其 伐諸 連 地,郎、 陳、宋 詹,而

二十年 義 見《十九年》。 春,王二月,夫人姜氏 ○康侯胡 如莒。 氏 曰:「十五

夏,齊大災。

生,猶 法,則 所 如莒 莒, 又再 如 而 訓後世,使知 於義,故《載馳》作。聖人録於《國風》,以 許穆公夫人閔衞之亡,思歸唁其兄,而 侯,父母終思歸 者,禮義,天下之防也。 年,姜氏如齊,至是再如莒。 而《春秋》書 之者也,是以 以寧其兄弟,又義不得。宗國猶爾,而況 今夫人如 由 齊師,又次會于防、于穀,又次如齊、如 莊公失子之道,不能 生。 乎? 知 防 防閑之道 止水之所 故初會于禚,次享于祝丘,又次 齊,以 婦人,從人者 至 男女之别,自遠於 此 此 寧 寧其父母,而父母已終, 也。 以 極。 自 而 舊 不得,故《泉水》賦 來 防 觀《春秋》所書之 防 也。 開 其 也,夫 爲 其母 禁亂之所 衞 無 所 女嫁 禽獸 禁亂 死從子。 用 於 而 也。 之 阳 諸 廢 由

冬,齊人伐戎。《穀梁》 秋七月。

》作我

書之。惟宋、齊、陳、鄭

三數

大

或

而

蓋舉近可以明遠,記大可以知

小

也。

下災異不可勝紀。

故《春秋》但取其著者

曰:「春秋之時,皇極之道汩没不敘,而

天

也。

人事

不理,則責

見於天。

《春秋》

書

災,見《桓十四年》。

此書大,則災之甚

矣,惡可曰

適

然而已乎?

幸老

孫

氏

之,使後世

懼

天威

也。

懼天威,則謹

人

事

張氏曰:「戎 或 故先治之。」許氏 患,天子、方伯 省,而遽勤 戎。」真氏曰:「案大災之餘,不知恐懼 見,荆乃後起。故攘中國之患,宜 以寧,此其功也。然 兵 在徐 以 不能治,而 伐戎。」愚謂: 曰:「戎自春秋之 州 之域,最 桓非受命之伯 齊 桓 戎 近 伐之,中 爲 齊、魯 莫先 初 中國 修 即

**=** 

不告於 王 而 專伐之,此 其皋

夏五 <del>二</del> 有 年 春 -, 王 Œ 月

月辛酉 年,卒,而文公捷立。」未詳信否。張氏 立 年,傅瑕殺之,而納厲公。厲公復入 公忽入立。 夾漈鄭氏曰:「厲公也,立四 一年,齊人殺之,而 ,鄭伯突卒。 立二年,遇弑, 子儀 立。 丽 年,奔,而 子亹 立 + 立 七 几 昭

旋 奪忽之位 曰:「突,鄭莊公之孽子。 入于櫟, 卒取鄭國。 而篡之。 中 -間雖 故論者以爲始 莊公既 爲祭仲所 卒,即 逐 終

能君。 君之,且復記其卒於位,豈 夫篡弑竊國之人,而《春秋》終始 真 與之哉 ?

位 一,王法不行,而 世之所 由 亂 也。 義 又

秋七月戊戌,夫人姜氏薨

見《隱三年》「宋公卒」。 所以著小人肆 志,亂 臣 賊 子 得 以 終 於 其

> 母寵 張 氏曰:「文姜之惡 哀姜、慶父誅,而後魯亂始息也。」○黄 所以未艾。必至於莊公之終,兩君弒 氏 榮終身,一用小君之禮,此 曰:「文姜之行惡矣,而卒以 極矣。 《春秋》終始 魯之禍 或 君 以 之

夫人之禮書之。 之爵,或至貶及天王 然則孰 哉? 謂《春 亦實 書其事 秋》奪人

冬十有二月,葬鄭厲 而善惡自見耳 公。

杜氏 曰:「八月 而 葬 緩緩 慢 也。 義 見《 隱

三年》「葬宋穆公」。

春秋本義卷第七

後 學成德校 訂

## 春秋本義卷第八

莊公

十有 『掌 無 失,三宥曰遺忘。 胡 日 趙 大告皆肆 老耄,三赦 日 :『君子以赦過 氏 "「肆大眚,皋惡無不赦之辭也。」康侯 辜,惡人幸 氏 赦 年 曰:「《舜典》曰:『告災肆赦。』《易 曰 宥之法:一 春 : 一, 則 「肆,放 王正  $\Box$ 以 廢 意 百,肆 免矣。 天討、虧國 愚愚。 一赦 宥辠。』《周 也。 宥曰 大
告。 告,過 未 日 不 後 聞 識 有 孤 典 《公羊》作 肆 再 弱,再赦 官 姑息爲政 ,縱有辠虐 也。」 大告 宥 可 孫 日 也 刺 调  $\vdash$ 氏

此意 本 故正月肆大告,而癸丑葬文 之,乃先 無道,魯人切齒之深者。 公以文姜嘗得罪於魯,而播於齊,大惡 告 辠 矣。」胡氏曰:「眚災肆赦,天子之制也。 周 數 大德,不 滋 數 可,況諸侯乎? 〉興,而 義 。 亂 蓋 人 行恩宥,惠姦宄,賊 切放縱姦惡,有意於文姜之葬也。 無大小俱赦,諸侯 也。 之思 或有之,比 法易常。」愚謂: 流 於此。 赦 赦 可 召公也。 或 以 不 中,以悦人心,然後舉葬。 妄 小惠。』其 故諸葛孔明曰 事 下。 可見,然未可以此爲 莘老孫氏 不得行。 斯 蜀 肆 良民, 得 人 爲 大告 莊 春 政 久 (姜。」愚案: 公欲備禮 於 而 7,天子 二。『治 曰 : 莊公肆 而 秋》之旨 蜀 歌 其 ; 軍 思, 猶 莊 弊 世 葬 公 大 猶 旅 益 不 以

癸丑,葬我小君文姜。

一三四

論 不從夫謚 也。 姜氏 公羊》曰:「文姜,莊公之母 也 弑 而 得 逆 與與 成 淫 禮 亂,得辠宗廟 七 而 月 葬,魯之典禮 而 葬 乃 其 或 也。」愚謂 細 人 廢 事 所 矣。 ,不暇 當 誅 其

孫氏曰:「公子,世子母弟也。《春秋陳人殺其公子禦寇。禦,《左氏》作御。

義

,非天子不得專

殺。

此

譏

專

殺

也。

是

类

諸 故 夫,皆命 二百四十二年,無天 侯殺大夫者四十七。 於 天子,諸侯 不 王殺 古者諸侯之大 得 專 大夫,而 也。 大夫 書 秋

大夫 有 皋, 猶 則 不 請 得 於天 專殺,況世子、母 子, 諸 侯 不 得 弟 專 乎? 殺 也 無

王甚

矣

義

又見後《二十六年》「曹

大 子之貴 夫 擅 殺 之也。」 而見殺於國人,御 康 侯 幸 胡 老 氏 孫  $\exists$ 氏 日 寇有辠矣。 陳 亂 御 無 寇以 政 衆 陳 公

夏五月。

也。」

思案:

後二説從人字上取

之君

使公子而

見殺焉,

亦

未

免

乎

有

皋

是否

者,此言 孫 爾。」高 氏 日 :「《春秋》未有以『夏 氏 Ŧi. 日 : 月,蓋五 非五 月之下脱 月之 下 文 五月』首 簡 则 则 有 脱 是 誤 事 時

(七月丙申,及齊高傒盟于防。以四月爲五月爾。)

未 木訥 及之者,内之微者 元 年 除 · 盟 趙 而 氏 求 于 日 婚 謀 ·蔑」。 於 齊 婚 也 非 忧 孝 高傒, 父 也。」義 讎 齊 不 又 大 報 見《 ); 日: 夫 也 隱 喪

冬,公如齊納幣。

殺

即 孫 矣,不得以時 位 氏  $\vdash$ : + 案 四 桓 而 年 婚,故母喪未終,如 如 年 齊 子 逆 口 女, 生。 有 + 齊 几 納 歲 年.

禮,皆 六,惟 戴天之讎。 幣,圖 使大 婚之速也。」 莘老孫氏曰: 親 迎 夫。 則諸 文姜之死,在去年七月, 莊公父弑於齊 侯自迎於境。 有有 婚禮 其 他 不 至 可 有 Ŧi.

職。 娶讎 母,不孝於父,無廉恥 大夫之事也,而公親焉。 忘君父之讎 是之冬,莊公猶在三年之喪也。  $\pm$ 大惡者三也。] 邦衡胡氏曰:「諸侯 述 書『公如齊納幣」,所以見公無恩於 職,而擅越境以 人之子,又在三年之喪而 納幣,無 而納幣,一 王甚矣,不 行大夫之 舉事 納幣, 非 朝 而

二十有三年春,公至自齊。

止

其喪婚娶讎

也。

儲 告朔之禮 廟 存耕趙氏 以 而 娶 爲有人心者,宜於此焉變矣。 其 曰:「莊公踰 俱 女,冒母 廢焉。」張氏 喪 而 年 往 日 前 納 :「莊公忘 後反,居喪、 幣, 以此 此 告 父

辭,示人之意顯矣。」義又見《桓二年》

與

他日書至,不可同

日

語也。

比

事屬

「公至自唐」。

祭叔來聘。

氏 朴 有 戴氏曰:「親來聘魯,祭叔之私交也。 伯,其爵 叔 也。」存耕趙氏 祭伯來」,此則聘耳 王命, H: ,意者叔其弟 鄉吕氏曰:「祭,采地。叔,字也。」劉 「曷爲邑而字? 天子之下大夫 故不 也。公,其官 稱使。」大意同《隱元  $\Box$ 也,猶蔡季、許叔 :「祭有祭公、祭伯、祭 也。」未詳是 之類。 否。

夏,公如齊觀社。

如齊觀 夫禮 制 朱子曰:「社者,土神。」《左氏》曰:「公 財 所 用之節。 以 社 非 整民也。 禮 朝以 也。 正 故 曹 班 會 劌 爵之義,帥長幼 以 諫 訓 日 上下之則, 不可。

之序

征

伐

以

討

其不

然。

諸

侯

有

 $\pm$ 

±,

之棄國 遊觀 齊爲 年, 祀 謂 之受命焉。 侯 而 Mi 社 人 社,舍所 君 有巡 齊棄大公之法,觀民 會之受命焉。 祀 舉必 往觀之、非故業也。」天子祀 事  $\mathbb{H}$ 夸愚俗 齊社蒐 諸 不存,古意浸爲 或 地之名。 ,皋具見 讎 守 侯 政, 書,書 人 ', 以 或 事 兆 非 、畢作。 軍 無 又 而 Ë 大 不 矣。 於今矣。 觀 實,使客觀之。 君父,壞禮法,忘 有 事 而 習 古 聞 他 新 不法 諸 不 制 之。 諸 東 〇張氏 國之社 出境, 婚之嫌 惟 侯祀先公, 侯之相 遷 美觀。 後 社 非 於社 外外 而 事單 是, 後 嗣 且諸侯各有 曰:「社者, 於比 傳 已非 會 襄公二十 何觀?』愚 君  $\pm$ 出 || || || || 其 祀 君 卿 不 上帝 制 廉 禮 里 見莊 爲 廢 大夫 也。」愚 劌 一,惟 恥,縱 舉 漸 矣, 是 祀  $\vdash$ i 矣。 變, 佐 舉 古 況 其 典 几 爲 公

> 社一 同, 案: 而  $\sim$ 語,未 左 俱 氏 有  $\approx$ 義 是否 故附 魯語 載 見 曹 焉 劌 獨 時 觀 之言 民 於 不

公至自 齊。

莊

公非

 $\pm$ 

事

出

境,舍父讎

忘

恥

觀 其 何 以 告 廟 乎 ? 義 又 見《 廉 桓二年 遊

「公至自 唐

荆

人來聘

受其 楚頵 或 荆 重 敢 來,故加人字,無他義。」高 辭。」啖氏 陸 當當 之 舒 來 氏 聘。 方弑 以 也 聘於宗 是懲」, 日 禮 : 其君 彼 凡 義 曰 : 凡 周 夷 受 廟 外 「言荆 夷 公方且 狄僭 之中。 之。 聘 而 狄 自 必於宗 逆之人來 立 來 詩》謂 來 膺之,後 中國不 聘 此 聘, 中 稱 廟 氏 或 \_ 則 人。 之中 戎 聘 衰 能治 似 世 狄 中 微 舉 君 子 是 或 敬 無 孫 是 臣 州 而 禮 乃 中 之 時 皆 司 反

公及齊侯遇于穀。

蕭

叔

朝

穀,見《七年》。

杜

氏

曰 :

蕭,

附

庸國。」

鄭  $\pm$ 聘,亦可見矣。」 也。 張 其 以 待之之術。 德以懷來之。 聖人於此書其來聘。 而 而 來,嘉善而 義之甚 (數,則 氏 也。 ,而以聘至魯,已用遠交近攻之術 王』、《周禮》象胥掌其 爲 行 録 之者 中國 然於此 待遇得 曰:「楚自四、五年來,先加兵於蔡、 荆,南 也。」獻 反爲 1,懲其 之禮,魯亦不當受其 | 矜不能」,此三代柔遠 战時,以 其 如 輕欺。 彼以 夷 班 情 可杜氏 八也, 亟 非 彪述漢宣戒邊吏之言 則 魯而受楚之聘,非 來王 禮幣至,亦當審所以 觀《春 却 曰:「《書》云『 一病 中庸》曰『送往 敵 、來貢。 國 中 折衝; 位,亦 秋 或 参書 聘也。」〇 應對 荆 以 來 謂 人之道 聘 夷 人 其 几 來 有 X 迎 狄 魯 來 夷

之禮。 禮。 故野 齊侯 蕭 遇,又見《隱四年》「遇于清」。 而 不 姻之務。 於外也。」高氏曰:「婚嫁猶未定,故 隱十一 野 後 : 叔朝公于齊之穀,則 「爲禮必當其物 )于穀。 啃 非 合, 大夫宗婦 蕭 其 年》「滕、 而 公在 此 所, 叔 朝公于外, 此 亦《春秋》撥亂之意也。」 又 君子有 穀遇齊侯,已無 見公不 覿 從 薛 而 而 來朝 與 用 朝之,失其所 不 恤 其 幣,則 非其所也。 是委之於野矣。 受,必反之於正 國家之事 所 而 非

張

氏

曰 :

徐

州

蕭

縣。」

朴 鄉

吕

氏

日

叔,字也

。」《公羊》

日

「其言

朝

何

?

秋,丹桓宫楹

杜氏 存耕趙氏 曰 : 曰 桓 宫, 「丹楹,施丹雘也。」《左氏 桓 公廟 也。 楹 柱 也

三七

後

口

以

其

物

也。

嘉

禮

康侯

胡

朝,又見

矣。」

人君

相

見

唯

婚

往

見

春 秋 本 義

矣

!」義又見《隱元年》「

盟于蔑」。

葉

宗 丹楹 之共 人 禰 桷 復 君 曰:「禮,天子諸侯黝堊,大夫倉,士黈 日 直 廟 讎 納 宫 以 非 : 「丹桓 之飾 示孝。 書其 · 亂 諸 也, 侈, 惡之大也。 禮 ,非禮也。」高氏 而 也。 大惡,無乃不 王 反 事 國有彝典,而妄肆奢麗,加 宫之楹。二十四 制 娶其女以 甚矣! 御孫諫 具文見意。」 , 瀆先君, 不恭莫大焉 曰:「莊公不 莊公之行詐 奉祭祀,故 可 乎?』』《穀梁 先君 臣 聞之: 年,刻 有共德 也。 丹 能 儉 其 楹 爲 桷 於 夫 德 聖 刻 桓 而

冬十 十有二 有 杜 義 氏 月甲寅,公會齊侯,盟于 見《隱三年》「宋公卒」。 一月,曹伯 日 扈 射 鄭 姑 地, 卒。 在滎陽卷 扈 縣 西 北

幣觀

社,及齊侯遇于穀,今又盟于扈,甚

孫

氏

티 :

謀

逆姜氏

也。

公二年之中

納

之稱。 禮矣。 幣; 倫 於父母。 + 爾。 如 先冠,而 盟 諸 氏 三十有六載矣。 曰『有鰥在下』矣。妻帝之二女,則 繼體,故 女。」康 此 而 于 侯 曰 人之政 堯亦 冠,冠 扈 一小白 也。 今齊侯爲 前 然天子諸侯十五而 舜 一。皆爲 侯 高 或 因 不 以 方三十, 今莊公生於桓公之六年,至是 胡 傒 也, 不 而 以 告 爲 氏 爲 已伯矣,公復 要 미 列丈夫,三十 爲 以 告則 侕 日: 「 扈之盟,而 防 久 結 節 圖 妻 以世適之正、諸侯之 之 無 姻 未娶,而 也 婚 焉 不 程 盟,而 儲 好 其欲 得娶,而 於 貳。 子 也。」傳稱男子二 鰥 我 日 者, 丽 後 爲 冠者,以娶必 後 而 師 欲人 及 : 不娶,則 公 離 公 古 錫 老 時 廢  $\overline{\phantom{a}}$ 遇于穀 盟 如 如 其 君 帝 人 而 而 齊 之大 不告 齊 堯 早 好 無 無 則 有 逆  $\exists$ 焉 妻 非 納 调 非

貴,尚 禮 不 顧 無 如 内 此 主 同任 其 急 社稷之事 娶夫 人 奉 y,故莊 祭祀,爲宗 公越

孝甚矣。《春秋》詳書於策,爲後戒也。」廟之主,而不以大義裁之,至於失時,不

一十有四

年春,王三月,刻桓宫桷

焉。 策 倫、 復。 微,正後 書 觀之,丹楹刻桷, 飾 廟 士 杜 日 也。 斲 "「禮,天子之桷,斲之礱之,加密石 氏 於策,何 夫人,非 悖 本。 諸侯之桷,斲之礱之。大夫斲之, 而 日 天道 盛 取 鑒 世 「刻,鏤也。 刻桷 非 飾 Ë 也 也。 人 而 禮 其宫,夸示 ? 也。」康侯胡氏 主 不 與 非正 〇葉氏 心 知 疑若小失,而《春秋》詳 桓公見殺 非 正。 紨 IE 也。 桷,椽也。』《穀梁 者 而 仇 曰:「商人 ^ 也。 春 夫人所以崇宗 人之 加之宗廟,以 于齊,則 曰:「自常 秋》 故 女, 謹 詳 戒 書 禮 廢 不 肜 於 能 情 於 X

祀且不可豐,而況宗廟之飾乎?」

日

· ; 曰

:

『典祀,

無

豐

于呢。」

昵,近

也。

夫

葬曹莊公。

夏,公如齊逆女。秋,公至自齊。義見《隱三年》「葬宋穆公」。

《桓二年》「公至自唐」。 莊 而 昔晉王哀讀《**蓼**莪》之詩 齊,而舍宗 讎 侯無越境逆女之禮,然則 廟之實,且辠其先 而 親迎於齊,當與夫人偕 女,是無恩於父而盡禮於仇 莘老孫氏曰:「其父見弑於齊,而 公思妃偶之合,兩年之間 猶 莊公先還,告至於 念不及於其父、《春秋》所以詳書而誅 不 可 廟 以 之守,往受其 親至齊廷 夫人 廟。 而 也,況 而哀 至。夫人未至 《春秋》志其告 至也。」義又見 張氏 莊 女 讎 ]三至齊 痛終其身; 公 於 躬 也。 曰:「諸 無父之 君 廟 子 乎? 公既 弑 婚 廷, 於 讎

其心 人,未有 人」起也。 而始娶。 也。」愚案: 詳 逆女」。 其書「公至自齊」,又爲「姜氏 君舉 於此 者 陳 此又見莊 親迎之禮,見《隱二年 也 氏 曰:「《春秋》之書夫 公三十七 年

八月丁丑,夫人姜氏人。

戊寅、大夫宗婦覿、用幣

如此

兆矣。 自 公而入,已失夫婦之正,弒閔、孫邾之亂 始爲先,而公不與 不亂何待 夫,婦不婦,非所 夫人不從公而入,失婦之道 人而至,失夫之道也。 者,以莊公先至,夫人後入,故不復言 夫人,哀姜也。不曰「至自齊」而曰「人」 舍於宗廟,以成好合,卒使宗嗣不立,弒 「齊也。 莊 孫氏曰:「公親迎於齊,不俟夫 公越 !|○康 禮 以 踰 侯 夫人皆至。 奉 胡 時,娶仇 先公而 婦人,從夫者也 氏 曰 人之女,薦 「昏義 紹後 姜氏 也。夫不 嗣 不 以 也 從 至 IE

> 案: 先書「公至自齊」,後書「八月丁丑, 夫人姜氏人」,則公不俟夫人,夫人不從 事 逆 公,昭然可見。《春秋》屬辭比事,類多 ,以著莊公不孝之辠,爲 相 仍,幾 至亡 國。 故《春 後戒 秋 **>** 詳 也。」愚 書 其

非謂 無 男女之别,國之大節也,而 脩,以告虔也。 《左氏》曰:「哀姜至,公使宗婦覿用幣 胡 禽鳥,以 非禮也。御 氏 乃不可乎?』〇戴氏曰:「莊公至是 日 大 :「大夫宗婦 夫與宗婦也。 章 物 孫曰:『男贄大者玉帛,小者 也。 今男女同贄, 女贄不 者,同宗大夫之婦 覿者 過 由 ,見夫人也。 是 榛、栗、棗、 夫人亂 無别 之, 也。

年三

一十七

歲矣,求

婚

於

齊, 如

恐

失之。

親

如齊納幣,再歲而後逆,親如齊逆女。

違 既 莊公之庸 娶於齊,致哀姜之逆亂,魯又幾亡其國 文姜之淫亂,桓公不免其身,今也莊公 永戒也。」 春秋》備書於册,辭 越 歸 禮 而 後 制 繆 以 人,又使大夫之妻執幣 也 爲 媚 悦,無 向 煩 也 而不 桓公娶於齊,致 所 不 殺,爲萬 至。 甚 以 矣, 覿 世

大水。

三十年,書大水者三,於羣公爲最甚。」 | 義見《桓元年》。 〇戴氏曰:「莊公即位 | 郭

羊》作羇。 冬,戎侵曹。曹羈出奔陳,赤歸于曹。羈、《公

奔 不 曹之庶子。」愚案:踰年之君稱爵,今羈 日 存 ]: 「羈 故 稱爵, 耕 趙氏 赤 非 歸 未 嫡 曰:「此徐 詳 而 也。」康侯胡氏曰:「赤者 自 蓋 立 戎侵 耳。 州之戎 《春秋》書此,見 曹,曹 羈 也。」趙氏 懼 而 出

> 庶矣。 君,赤乃國人所逆耳。」愚案:逆與 篡之也。 有間矣。 而 夷狄猾夏,而諸 未可知。 逐忽,故先書突而 不 復請 〇王氏曰:「宋執祭仲,立突而 今以經文觀之,王氏先後之説 今後言赤 命於天子也。 侯不 後言忽,明鄭 能自 而 先 然 存 書 與 1, 庶 口羈 鄭 明 有君,突 孽自立 突之事 曹 不 逆 無

郭公。

事,以 以亡也。」莊二十四年,齊桓 亡?」父老曰:「善善 曹赤,理又不通。」案:《管子》載郭亡之 公之事,三傳皆無義説。《公》、《穀》爲 杜氏曰:「經闕誤也。」莘老孫氏曰:「郭 曰:「善善而惡惡,何至亡?」父老曰 善善而 謂 不能 齊 桓 用,惡惡而不能 過 郭,問 而 父老: 惡惡也。」桓公 已伯,而管 去,郭之所 郭 何 以

也。 也 何 公與亡字 夷 管子》載 時 吾 《春秋》 然疑 爾 用 事 誤之事 相 然則 郭 ·, 但 近 書「梁亡」,言梁之自亡 亡 見 疑 郭之事 之跡,蓋 郭 ,聖人闕之。 經 父 書「郭公」爲 老 跡 亦 而 亦 問 日 嘗見於 之,不 郭 自亡 郭 傳 知 也 爾 在

一十有 Ŧī. 年春 ,陳侯使女叔 來聘。

氏 杜 其不 始結 氏  $\Box$ · 名 陳 「名 :「女,氏; 好 何 也。」前 也。」義見《七年》「齊來聘 也? 天子之命 説 叔,字。」《 近是。 大夫也 《左氏》 穀 梁 0 日 H 劉 : :

夏 Ŧi. 月 癸  $\overline{\mathbb{H}}$ 衞 侯 朔 卒

黨惡 存 不 卒。 往 耕 趙 會 也。」〇莘老孫 《春秋》從 氏 爾 日 朔 而 拒 氏曰:「不書葬者,魯 紀 王 馬,以 命 而 君 著王 衞 命 竟 不 以 勝 衞

六月辛未

朔,日

有食之。

鼓,用牲于社

然則『鼓,

用

牲

于

社』何

以

書?

譏

不

鼓

責,皆 四,而 災有 之』。諸侯 凡 官 于房, 瞽 也。 人 禮 牲 君 幣 也。 有食之,天子不舉,伐鼓 鼓 • 君所當恐懼修 于社,非 ,示有等威,古之道 于社,伐鼓 軍 諸 故《夏書》曰:『乃季秋月朔,辰弗 鼓人》『救 文十五 用牲 幣 恐 旅 日 侯 無 懼 、 田 食 旅 奏鼓, 于 牲,諸侯 用幣 修 禮 與 見 一役, 贊 社 年《左氏》曰:「非 省 焉 於天子,人 也。」〇 于 日 者,鼓 以 于社,伐鼓 嗇 月 朝 省 答  $\pm$ 夫 古 而 以以 以 天意, 則詔 鼓。 康 鼓 者 馳 答 也。」 于社 昭 于社 古 侯 天意,而 門 于 庶人走。』《 王鼓』、《大僕 事 救 以 于 胡 葉 而 不得 社 又 是爲 神 僭 朝 日 氏曰:「 氏 不 禮 用 月,亦 退 敢 曰 : 終禮 訓 不敢 也。 諸 牲 也 大變, 忽也 侯 III 民 于 案 周 集 天 自 忽 用 如 用 事 社

рц :

下, 視 大 氏 于 聽言 朝 天變以  $\Box$ 固 面 不止爲 動 鼓 H 自省。 思之 于 食 社 · 又 間 陰 魯,而諸 如《 盛 用 陽 失 洪範》五 牲 微 其 侯 之 則 Œ 亦有 徴 非 事 則 禮 丁敬謹 臣民, 咎 事 矣 必 蝎 應 則 張 於 天

之。 載 至 肜 乃禮 如《胤 日 古 《洪 人 征》與《周禮 文之末 應 範》之言,乃古人之所先 天 以 耳。 實 耐 • 一時 不以文,故《 鼓人》、《大僕》所 遭變,禮 0 高 文 務 宗 古

皆 又用 公於 不 失 可 充 也 牲 廢 而 陽之本,蓋 然 胡 欲 正其 以 氏 物求  $\Box$ 本 一: 日 而 藐 免,書此 後 然矣, 食三十六,書 末 可 鼓 以 理 見 何 也 本末 益 今莊 乎 鼓 之 ?

用牲」者三、餘不言鼓、得常也。」

伯姬

歸

于杞

爲公女,誤矣。凡公女伯姬、叔姬,則加存耕趙氏曰:「伯姬,公姊妹也。杜預以

之禮

,皆既其文,而未

心必有

Œ

厥

事

之誠

止

也。

鼓

以

充陽

之事,與後

世

減

膳

避

寢

以 矣。」愚謂 伯 子字, 叔 如 如 兄 子 又爲《二十七年》「公會伯 弟 叔 之 姬 辭 之 類 是 公姊 年 始 妹 嫁 則 過 但 姬 時 稱

秋,大水。鼓,用牲于社、于門。

與「伯姬來」起文也

乎 ? 幣 杜 使陰沴 務 用 Œ 水,陰盛陽微之變極矣。 巫 曰 修 厥 瞽史之見也。」〇張 : 無 牲 氏 未 牲。 事 政 于社、于 日 書 無浸 之意 : 事 聞 者 以以 非日月之告,不鼓。」邦衡 門,國 大 非 謹 長之漸 門,亦 惟 水 消 内 惡 而 患 門 外 爲 用 也。 弭 則 非 之防,嚴夫婦之別 災, 牲 或 氏 常 ~ 後 者, 之非 也。 曰:「案比 左 而 莊公若思先王 日 氏 況伐 之禍 爲 禮 凡  $\mathbb{R}$ 是 天災,有 品 惡 鼓 猶 可及 其 胡 年 品 于 鼓 門 大 Æ 淫 不

四四四

意實 不恐懼修省以 此魯之所 食、大水、 政 也, 況 以 徒 用 IF. 亂 其 以 牲 也 本 牲 等 事 牷 而 以以 飲 禮 食求 文之末 見 莊 公 免 亦 非 乎 錯 惟

冬,公子友如陳。

聘」。 《春秋》書之,以著交政之漸,且 黨,而其行多 公子友, 莊公之母 録 以 於《春秋》者,可以見其 也。」存耕趙氏曰"「大夫出聘,自友始。 桓之所自始也。」義 曰:「諸魯 之 强 也。 大行 ○幸老孫 者、皆非 出 聘,皆 非 氏曰:「大夫之聘必 禮 周 也。 弟, 又見《隱七年》「齊 書 制 如 即 往來之國皆於 有以 聘 季 問之常,故 報 子 私行 女叔 也 以著三 者, 之 書 杜 有 聘 謹 來 其 之 氏

> 伐戎」。 不 類。《春秋》書之, 漸 則 天子、方伯 征 有伐凡伯、追戎濟 無 徐 可不謹 ,使戎狄暴横,則 王矣。 戏, 而 其 然後 孔子録之于 公始也。 況隱、桓 行事。 西之事。 所 義又見《二十年》「齊 勞民 之際,與戎 以 書。 警後 今莊 動衆,角 不能 然必 世 公擅 會盟 君人者, 防微 請 興 力非 命于 師 致 杜

夏,公至自伐戎。

義見《桓二年》「公至自唐」

曹

殺 氏,義 也。 之卿大夫士命於天子,而 在專殺大夫, 孫 其大夫。 氏曰:「不書名氏者,脱之。」愚謂 其有 亦著 皋,則請 也。 而不繫乎名氏。 康侯 於天子,而 胡 氏 諸 曰:「古者 侯 諸 不 侯 雖 敢 專 諸 無

有六年春,公伐戎。《公羊》無春字,脱也

戎爲中

國

患,諸侯伐之,是也。故伯

禽

專殺

也。

及春秋時,國無

大

小,卿、大

敢

命

侯

名

無王 辠 之會,猶曰 夫、士皆 無 一甚矣。 皋,皆 專命之,而 無專殺大夫。故《春秋》明 五伯,三王之辠人,而 專殺之,而 不 以告於 不 以 歸 Ŧ. 於 朝。 司 葵丘 寇。 書 有

羊》、《穀梁》有公字。 秋,公會宋人、齊人伐徐。《左氏》古本無公字、《公 左氏》爲正 張氏曰:「案齊、宋皆卑者,内亦當然。

於策,備天子之禁也。」後做

此

事

無

濟

徐 夫伐徐,故 宋 張氏 Ŀ 序齊上者,宋本公爵,齊桓未伯,每 既伯,乃序 曰:「嬴 仍 序齊上耳,未必宋主兵也。 姓 齊下。今齊、宋之大 國近齊魯 泗 洲 臨 序 淮

冬十有二月癸亥朔,日有食之。 縣 是也。」義見此年「伐戎」。

義 見 《隱三年》。

一十有七 杜 氏 年春,公會杞伯 曰:「洮,魯地。」薛氏曰:「洮溝,在 姬 于洮。 徒刀切

> 下堂。 禮之迹 爲惡? 異者,蓋婦 之,與『夫人姜氏會齊侯于禚』文同 公于洮,三傳皆無淫惡之跡。 矣。」〇莘老孫氏曰 母没,使大夫歸寧,所以别 曰:「參譏之。 無 ,棄國政,會伯姬于洮,非 ,女子已嫁,父母在,一 .州。」張氏曰:「濟南 父母,則 先 杞 是 伯姬 儒 伯 無異也。」戴氏 事 傳 謂 姬 也。 無 無 人無專行之道,傅母不至 伯 無 踵 其 口 姬 事 公及杞侯、伯 文姜數會齊侯,不 而行之,莊公亦安而 事 歸之理 爲莊公女,非 而會公于洮,安知其不 而 「伯姬前 H 經書之文同 矣。 府 :「夫人會諸侯, 歲 是 禮 嫌 而 也。」愚案: 年歸杞,會 也 **奉** 姬 也 也。 莊 歸 俱 公 寧 ; 秋 以 失正 非 伯 而 陸 受 爲 氏 無 書 姬 父

夏六月,公會齊侯、宋公、陳侯、鄭伯, 同 盟

之。

異。

古

于幽

伐 魯 也 存 司 ]。]義] 「、宋、 衞 盟之禮 耕 趙 陳、 見《 氏 以以 日 + 鄭 申假 六 偕 年 距 至 前 **\*** 而 盟 而 + = 衞 張 諸 不來,故明 氏 侯 年, 日 之心 : 用 殷 再 也。 年 駆 口

氏,仲,字。季友違禮命仲,季友之舊。」杜氏曰原仲稱字,與單伯同。秋,公子友如陳,葬原仲。

曰:「陳大夫,

《左氏

 $\forall$ 

딘 :

「原

祭伯 秋 禮 康 氏,仲,字。 》,端本之書 侯 無 胡 以 私 寰 氏 交,大 内 曰:「公子 諸 季 侯 也。 夫 友 而 非 違 來 京師,諸夏之表 君 友 禮 魯 私 會 命 祭叔 外 行 不 大夫葬。」〇 也 越 以 境。 人  $\pm$ 朝 臣 ^ 也 大 之 春

制

委

或

事,越境而

會葬。

其

後

陳莊

子

夫

而

來

聘

尹

氏

以

天子三公來

告

其

喪。

誣

上

行

私

表

不

正

矣。

是

故

季

子

違

 $\pm$ 

死,赴 也。 IE. 諸 君 流 政 境 子 侯。 於中 ,原氏失正,季子 行 口 前 雖欲哭,焉 參譏之。」此説未詳是否 使 知矣。」劉氏曰:「君不行使乎大夫。 問 喪 大夫交諸 乎大夫,内之失正 或 於 雖 티 : 魯。 欲勿哭,焉 得 『古者大夫束脩之問 魯人欲 侯,原氏 而 哭諸 可 以 勿哭。 已矣, ? 得 失正 也。 今之大夫 而 勿哭?』末 繆 則 大夫不 也 公召 是 從 内 不 交 交 命 失 縣

冬,杞伯姬來。

起文也 來』也 令春 莘老孫氏 事不書也。 矣,於其歸 又來,踰 秋》 \_\_\_ 以 愚 禮甚矣。 其 謂 寧、未嘗 伯 歸  $\sim$ 公 姬 之 春 丰 與 非 而 秋 伯 莊 禮 此 》内 子 姬 故 公子,義 又爲「杞伯 某姬 春 女 書 會 適 日 來 于 諸 一杞 不當 歸 洮 侯者 寧,常常 來 其 伯 歸。 朝 久 姬

莒慶來逆叔姬。

自爲 莒慶 小非莊 逆也,叔 ,莒大夫。 公女也。」朴鄉 姬 高 何 氏 以 日 稱字? : 吕氏 「叔 姬者, 大夫 曰:「苔 逆 伯 則 慶 姬

以 稱 E :「大夫 書 字,爲君 ? 譏 無 大 逆 束 則 夫越境逆女非禮也。」董 脩之餽,無諸侯之交,越 稱 女。』《公羊》曰 此 子 何

「會于

,防」。

君矣。莒慶、莊公、莒子皆有辠也。」君不能制其臣,而使之外交諸侯,則不

竟逆女,紀辠也。」莘老孫氏曰:「莒子爲

杞伯來朝。

禮樂。 公始 《桓二年》滕 或 濟 而 稱 ]1] 朝 伯 何 封 或或 才人 之時 氏曰:「杞,先代子孫 已失禮 稱 稱子,亦 春秋,已失公爵 與微子 子 矣,況爲伯 同。」愚謂: 足以 啓 無 知 異,得 其 降 姬之來 杞 也。 微 伯 而 方東樓 用 弱 不 日 而 天 朝 侯, 子 與 來  $\pm$ 

> 宜 朝 其 失禮 夫 既 之中 不 能 又 閑 失 有 禮 家 也 而 復 義 以 又 見《隱十 身 徇之,

公會齊侯于城濮。音卜。

年》「滕

萨

來朝」。

杜氏曰:「城濮,衞地。」義見《隱會齊傷司城淮。"

九年

人及齊人戰,衞人敗績。 二十有八年春,王三月甲寅,齊人伐衞。衞

躬自 乃背 + 以 也。 齊 夫齊桓之盟 者,齊人伐衛 齊、衞稱人者,將 六 戰,以至敗 安 年,衞 不地,於衞 咎, 而 中 國、 去之,齊之來伐 則 齊 既 攘 諸 績,使無辜之民肝腦 當 與 衞 夷 侯,定伯業,雖 也。 自 齊 狄 卑 人 退。 口 爲 師 不 日 盟,二十七 名 少 有辭矣。 服 乃不反己,遂 衞 也。 則 而 人 古 與 及,衞 及 非 可 齊 齊 至公,然 衞 年之盟 塗地。 與 戰 人戰 及之 能 矣。 也。 與 引

爲 書 彼 日 善於此 衞 人 及 也 齊 人 義 戰 又 見《隱二年 衞 辠 爲 大  $\stackrel{\cdot}{\approx}$ 鄭 而 伐 齊

夏 四 月丁未, 邾 子 瑣 卒

衞

年 黄 · 》 「滕 氏 曰:「瑣,克之子 侯卒」。 也。」 大 意 見《 隱

荆 『鄭有 逵市 鄭、入於桔 伐鄭。 左氏》曰:「楚令尹子元以車六百 人焉。」諸 縣 公會齊人、宋人救鄭 門不發,楚言 柣之門。 侯 救鄭 衆 楚 而 車 出 Ż 師 自 夜 子 純 遁 元 門 乘 日 鄭 及 伐 :

秋

以 忧 其 治 止 人將 救 毒 愚 奔 然 向 鄭 幾 者,不 非 謂 桓 桐 何 非 齊 : f: 0 命 桓 夷 諜 其 過仗 率諸 狄 伯 不 告 猾 胥 且. 大 曰:『楚幕 侯 夏,天子、 圃 義 不 以 爲 請 爲 救 夷 服 於 之, 也, 諸  $\pm$ 方 則 有 一, 又 侯計 伯 此 烏 中 其 其 或 不 所 乃 功 能 初 被

> 然 諸 微 行之實也。 此 無 自 心、樂善之誠,並 桓之舉,三以見天子失御,方伯失職 此 侯自 其 懇 王綱之壞,至此 始 過 惻 狄暴横; 二以 也 爲 之 禮 誠 ^ 樂征 心, 春秋》書之, 黄氏 正 行 伐, 而 孟 日 而 見敝壞之餘 極 雖 子 : 不 「楚與 所 粗 相悖 蓋聖 拯 謂 以 非 中 皆 見 人 時 賴 真 中 或 惻 憂世 之危, 有 争 隱 有 或 之 使 鄭 流 齊 衰

冬,築郿。 《公羊》、《穀梁 作

爲 也; 杜氏 爲之者必皆 不謂之城 七,其六皆臺 造邑也。」莘老孫氏曰 邑 言築者 也。 日 \_: \_ 不 而 郿 築 日 曰 謂 ,魯下邑。」築、《公羊》 有 築。 新 新 之 也 邑也 築。 一、邑者,惟 無 然 舊 則 : 言 也。 築 蓋 「《春秋》書築者 城 郿 臺 者 不 者 有 處  $\Box$ 無 城 耳。 新 城 舊 舊 城  $\exists$ 無 品 而

重 所 知矣。」愚謂: 民 大 也。 力、 無 麥禾. 謹  $\sim$ 春秋》之法, 天 又見其違王制 時 則公之 也 先 書『 興 興作皆 作 築郿 也。 ··, 不 書 量 所 力 而 以 可 F

大無麥禾。

收 常 或 謂 也。 不 者,夏悉無麥, 告糴」 陰 大無」者,竭 者 可委之於數。 也 無之也 陽 政 莘老 謹 不 事 起文 舉魯 敕 和 乖 孫 人事 繆,則天 也 氏 之 無水旱蟲 土 盡 秋悉 曰:「此 氣 或 之 《春秋》書之,所以 燮理 不 無 辭。 養故 地變常。 無 收 禾, 螟 陰 書『大無麥禾』, 者 冬書「大無 而大 陽 禾 焉 至冬而 而 麥不成。」 稼 無者,歲不 己。 服 穑不 總 虔 麥 戒 又 記 日 禾 成 有 爲 愚 非 之

臧孫辰,魯大夫,臧文仲哀伯子。《外孫辰告糴于齊。辰、《穀梁》作臣。

臧

使民 也 莊 具 三年 也。 者 爲 以 年,堯之水九年,而天下無飢 用 凶災,無恤 事 傳》曰:「文仲以 日 了。』齊 而 也。 示 國 以以 二十七年而 : 致荒耗 一不登 不 在 恃 民之 必有 而 過 備 於其無 位 水旱無 人歸 天 餘 四 腆先君之敝器 IXI 而 食 數歲之備。 ൬ 鬴 年 告 民憂下之心,兵革 介節 其 十八 生 年 也。 也。」〇 又 事,奪民之力,使不得 糴 常, 明 之蓄,九 玉 也 餘 鄰 鬯圭與玉磬如齊告糴 (年,雖 人 而 君 九年之蓄。 君 又無蓄 或 安 幸老孫 取 君 與 之取 責 得 雖 當謹 之 之者,不 敢 年 其 九 爲 魯 糴。」 告滯 以 有 豐年,民 年 而 民 氏 無 備 積 者,其 度, 力役 之蓄 父 餘 日 儲 湯之旱 盧 聚 積 之, : 過 母  $\equiv$ 則 蓄 氏 以 省 不息, 古 什 蓄 年 可 哉 則 爲 以 紓  $\Box$ 執 具 是 素 之 力 或 財 擬

於耕 耨 又 驅 之戦 鬭 而傷之,一 年不 登,

積 告糴於外。 無素 也 春 秋 淡機 莊 公在位之久,蓄

+ 有 九 年春 新 延 廄

麥禾 或 新 雖 者 介,徹 」,「告糴 無 饑,用 其 舊 而 于 民 齊」, 必 新之也。 在 農 上 下 隙 木 延,馬 去年「大 乏 口 知 廏 矣 名 無

民 力、傷其財 今春正 以畜馬。 當賑 見 見 有 給 國 莊 勸 家者,知 公之無志於救 耕 惠 鮮 所鑒矣。 窮 木 。, 而 荒 而 奪 劉 厲 其

舊 耳 多矣,不必 何 故 獨 書哉? 書 也。 又「新 而 延 殿、南 宫 災」,魯公之 門, 蓋 微

氏

曰:「《春秋》二百四十二年,所興

作

修

文。

雉

門

及

网

觀

災」,記

新

作

焉

吾

以

中

陽

廟

也

災與壞

不能

不修,而

經

無修之之

非

禮之制,不務公室者也。

此

數

者參之,修

舊

不

足

書

其

書

者

皆

與「有

蟚

同

義

劉

氏

曰

鸜

鵒

不

踰

濟

· ; 而

畫

非

中

或

之物

暫

∭

至,故

不

口

夏, 鄭人侵許

至,故侵之。」 高 氏曰:「許,鄭 張 氏 鄰 也。 日 : 許 諸 侯 龃 救 鄭 鄭 世 而 讎 也

不

然自 國。」未詳 侵 之,或 盟 幺 齊 之後,不 孰 之命 是。 義 歟 ? 與 於 見 ^ 齊桓之會 莊 自 後 + 年》「公 許 始 從 鄭 侵 中 人

宋」。

秋, 有畫。 扶 味 切

者,所 也 家者致 耗,故窮 則 牛,白首,一目, **蜚者**,臭惡之蟲。 」。」愚 枯 以 見 謂 裔 則 明 和 絶域 其 有 此 則 兵 皆 無 蛭 疫 人 也 惡 淑 )° \_ « 尾 事 Ш 氣 長 劉 反 海 駸 公羊 而 常, 行 氏 經 駸 陰 水 \* \* \* \*  $\Box$ 中 人  $\forall$ 慝 則 :  $\Box$ 焉 或 消 竭,行 「曰『有』 E 矣 蜚, 記 有 氣 草 異 此 或 衰 如

有之一 言 多 不 · 足 而 言 異 有 而 多 麋』者, 則 爲 異 中 ); 故 或 之 不 所 可 有 言 也 有

怪 而 言 而 爲災 多。 則 冬蛙 書、故 螟 者 不 中 口 或 言多而言災。 所 多 也, 多 不 足 此

《穀》。

製言之體也。」

冬十有二月,紀叔姬卒。

當卒之。 叔 姬 失節 又爲明年葬 歸 酅 卒非 其 叔 所 姬起文。 也。 而 魯 亦 不

城諸

及

防

防 郿 九 防 縣。 杜 城二邑,甚矣! 隱七年》「 公不 大饑 年》。 城。」言「及」者,别二邑 氏 張氏 日 : 告糴。 黄氏 恤 티 : 諸、 城 民 中丘」。 日 密密 防, 而 此 : 屢 「先諸 州 皆 年 高高 興 諸 魯 新 氏 此 役, 城 延 邑。 日 則 及 也。 縣 廄 饑 無 防 前 諸, 歲 君 又 也 縣 防,見《隱 勞 人之 城 年 城 又 民,連 義 諸 冬 有 陽 及 築 見 諸 故

矣。」愚謂:屬辭比事,此類是也

三十年春,王正月。

夏,師次于成。《左氏》無師字。任氏曰:當從《公》、

平 法 得 師 張 一,亦使 況 縣 氏 而 東 日 輕 南 : 用之,今師 人 舉 心涣 次 成 愚 止 謂 魯 散散 而 地 必必 諸 )° \_ | 出 無 侯 敗 無 所 地譜 非 之勢也 用 名,不惟  $\pm$ 乎. 命 st? 不 干 夫 得 泰 犯 兵 擅 Ш 不 Ŧ 興 鉅

秋七月,齊人降鄣。音章。

政 服 者,責齊之深也。」康侯 氏 杜 E 三王之辠人』也。」〇幸老 -以以 之也。 日 氏 日 鄣 强 東東平 臨 即 不 微 弱 東 弱 書 平. 小 急 無 鄣 或 府 事 鹽 降 須 功 縣 齊 城 胡 而 也 東 肆 氏 縣  $\mathbf{E}$ 北 孫 其 日 故 有 氏 齊 强 :「伯者之 常 曰『五伯 鄣 曰:「《春 人降 力 Ш 城 0 脅 劉 張 氏 而

秋 書 降 者 降 者 降 服 之 名 也 八

年, 郕 郕 降』者,是 降 于 齊 時 師 齊、魯之師 不日 『齊 師 相 會 降 郕 韋 郕 而 郕 E

鄣, 不降 日 : 於魯 「管仲 非 鄣 欲 所 而 以 降 自 相 降 也 其 齊耳。 君者 齊 强 ,功業可見矣。」 降之耳。」吕 今書『齊 人 降 氏

月 癸亥,葬紀 叔 姬

魯。 于酅 高 姬 葬。」孫氏 氏 者,紀之媵 皆 曰:「叔姬停殯於酅,踰 而又從紀季 非 曰 一 其 耳。 所 媵 也。」〇獻 於 耐 紀 卒葬 酅 既 滅 非 者 可 禮 杜 則 歷九月始 歸 之甚。 氏 當 于 日 即 酅 : 歸 卒 卒 於 叔 克

九 月 庚 葬,固在於紀季矣。」 午 ·朔 H 有 ?食之。 鼓,用: 牲 于 社

冬,公及齊侯 見《二十五 遇 于魯 年 濟

義

杜氏曰:「 濟水,歷 齊、 魯界。 在齊 界爲

> 隱 濟 四年》一遇 在 魯 界 于 爲 清 魯 濟 蓋 魯 地 義

> > 見

齊 人伐 Щ 戎

誇示 後世 公不 地。 伐 者之戒也。」義又見《二十年》「齊伐戎」。 有 遠 戎 朴 高 略 去 鄉 不 何 一之君 中 遠 氏 勝言者,故以 務德,勤 ? 吕氏曰:「山戎、北 東 大 距 . 或 近 日 非有 :「桓公徒欲耀 耳 吾 勞 遼,北距燕。」康侯 遠,在舜之營州,古 中國 民 兵遠伐,不正 大役也。」木訥 之力, 而 爲好武 事 争不毛之地 外 戎 夷 威武於夷狄,以 功 也。 王法, 捨 胡 趙 而 氏 氏 孤 不修 其 近 曰  $\vdash$ 竹 政 則 稱 文 其 將 或 人 而 德 開 桓 之 Ш 以 患

十 有 年 春 **、**築臺于 郎。

臺。 郎, 見《隱 天子 有靈臺以候天地,諸 九年》。 何氏  $\Box$ : 四 侯 方 有 而 時 高 臺 日

奪農 而 無 以 不 益 候 、時,于 恤 四 於 民 時。 或 事, 郎 雖 登高 樂 劉 則 不爲 非 氏 望遠,人情 其 所 也。」 地。 謂 愚 厲 從 所樂。 民 謂 耳 . 以自樂 目之欲 春 築則 動 而

夏四月,薛伯卒。

者

也

意見《隱七年》「滕侯卒」。 薛始稱伯,見《桓二年》「滕子來朝」。大

築臺于薛。

務一身之娱而勞民如此。」氏曰:「春築臺于郎,夏築臺于薜。莊公杜氏曰:「薛、魯地。」義見前。○莘老孫

六月,齊侯來獻戎捷。

凡諸 勝 其功,亦稱捷也。」《左氏》曰:「非禮 孔氏曰:「獻者,自下 也。 侯有四夷之功,則獻于王,王以警 戰 勝 而有 獲,獻其獲。 奉上之辭。 無 人 捷 而 也 者 獻

> 侯,而專恃兵革,遠以伐戎,已 老 于 威魯之辠也。」張氏 大,因使之威服焉。《春秋》誅齊 又以其伐戎之所得誇示諸侯,以自 知禮,魯不當納之,其辠皆可見矣。」 孫氏 夷。 中  $\exists$ : 或 則 齊桓,伯者,不 否。 諸 曰:「齊桓恃功 侯 不 相 務 德 遺俘。」 有過矣。 桓 以 矜 綏諸 而 矜 莘 不 功

秋,築臺于秦。

務荒 之禍 謂 杜氏曰:「東平范縣 義 之也。」張氏 則怨,力盡則懟,君子危之。故謹 存。』《穀梁》曰:「不正。 日 及是 又見前。 :「案《寰宇記》,范 至,易世不能定 廢多矣。 時 般樂怠敖者,則治國治家之當 ○高氏曰:「公比年興役,今 曰:「莊公一歲築三臺,政 此 所 以 也。 西北有秦亭。」 踰 縣 罷民 年身死,而 屬濮 可不鑒 三時,財 州 哉! 亭 蕭牆 張氏 而 尚 志 所 盡

遠 時,慶父執 至 而 失矣,築 又 地,以 于 不 ·自知 郎、 歲 臺 三時 榭 爲 于 而 也。 公遊 薛、 相 政 又 築臺,又不 望 築之,抑 而 于秦 者, 觀之娱。 通 乎夫 Ļ 非 或 又 在 人,故數 所 公亦爲 甚 築 國 也 中 而 也 之 築 築臺 其 管 地 當 既 所 子 惑 于 是 爲 遠

冬,不雨。

陽和 《公羊》曰:「記異 其 不 民 和 無 雨 者 害禾 力 中 所 則 · 矣。 役 則 不至,不 天 怨 稼 爲 陰 地 雨 〇 莘 氣 陽 自 而 之所 位, 不 亦書者, 但 老 不 和之異 爲 雨, 孫 風 召 也。」存耕 害 氏 雨 也 氣 見 以 日 稼 不 也 : 時 聖人燮 書 愚 和 萬 趙氏 | 春 謂 也 也 0 : 物 物 秋》 理 冬不 티 : 蓋 生育 在 魯 陰 致 莊 天 書 陽 雨 中 地 不 在 勤 陰

不以爲災也。異之大者,不可不記也。」不遂。故《春秋》之法,一時不雨則書,

三十有二年春,城小穀。

屬 築郿之役。 公之侈心日 而 大 民 丘 西 范 可,況薦饑 一築臺。 辭 有 甚 北 無麥禾 氏 大水者三。 矣。 比 有  $\Box$ 此 事 : 小 則 ,爲後 今春 小 ·, 無 穀城。」義見《隱 而 饑 薛 起。 次 輕 麥苗 穀,魯邑。」 饉 年 氏 又 用 H 之後 丹楹 中君之性尚當 日 城 淫 民 新 ,螟、麋、 一、「莊 小 亂 力 廄 屢 弑 乎 穀 刻桷、 興 城 孫 公自六 逆起文也 !」愚謂 Ι. 諸 氏 七 蟚 平. 役, 告糴 防 年 曰 : 「 蜚 歲 少警,而 年之後 傷 猶 : 前 相 去 此 城 曲  $\Box$ 財 年 繼 不 害 有 中 阜

夏,宋公、齊侯遇于梁丘。

氏 杜 日 氏 一、「在  $\exists$ 梁丘 濟州昌邑縣。」愚謂 在 高 平昌 邑 縣 : 西 伐 南 或 先 張

間

,皆仰陰陽

以

生。

陰陽

不

和

則

物

必

見,仍 書 主兵, 以 會 爵 爲首 盟 先 書 義 主 見《 會。 隱 主 四 年 盟  $\stackrel{\cdot}{\approx}$ 以 遇 遇 禮 于

清」。

秋七月癸巳,公子牙卒。

者。 始,與季 婼、叔孫不敢、叔 有 又見《隱元年》「益師 曰:「牙卒,其 公子牙,慶父同母弟,即 叔孫得臣、叔 是以謹 友卒 志 同 其 子乃公孫兹。 義、皆譏 卒。」愚謂: 孫 孫 僑 州仇,皆執魯國之 卒」。 如、叔 世 僖 卿 此 叔 孫 兹之後, 也。 記 也。 豹、 三桓之 叔 大意 高 政 則 孫 氏

八月癸亥,公薨于路寢。

寢,正 終 《穀梁》曰:「路寢,正 正 則 也。」愚 爲常 也。 也。 義 事 謂 男 又見《隱三年》「宋公卒」。 子不 何以書乎? 莊公薨于路 絶 於婦 寢 也。 人之手,以 爲緩 寢,得正矣。 寢 疾, 葬 私 居 益 齊 IF.

> 尸 權 不 散 明 重任,賢良受託,鼎足交輔,則篡弑之 趙 氏 主之,閨 而 閨 曰:「莊 帷 不修 闡嚴 公正 也 飭之。小人、女子不 終, 故宗 而 嗣 嗣 禍 素定之,兵 興,分位

冬十月己未,子般卒。《公羊》、《穀梁》作乙未。禍曷由而至哉!」

黨氏 是不 戲,子般怒,使鞭之。 氏,女公子觀之。 圉 見孟 也。 稷,而君道不立,上不能 奔陳,立閔公。」張氏曰:「莊公主魯之社 闕之。』《左氏》曰:「初,公築臺臨 書地,與隱同。 般,莊公子也。 趙氏曰:「子般、子赤以被弑,故不 7,共仲 可鞭, 任,從之,生子般焉。 举 使 幸 有 稱 子野正卒,亦 力焉。』子 人拳賊般 子般者,因其卒而 公曰:『不 人拳自牆 正其母,使出 般 於黨氏,成 雩,講 即 不 位 地 如 外與之 一次於 殺之。 黨氏 疑 於 季 梁 經 名

者, 先齊 患。 以 風 公内治之失,而 雖 淫 秋》自夫人孫 自 縱 教之本,而 其身免篡弑之禍,而及 《易》曰 定 配 其家。』莊 耦 内 開 不早立,是致 失 不免於首惡也。」 齊 開 有 以 終之以 家」, 家 公反此,使 來 之道 三十 傳 此,所以 日 , 冢嗣之位 年間 其二子。 : 而 淫 \ 欲 貽 亂 皋 備 身 治 肆 後 其 不 載 其 **奉** 行 或 之 足 爲 莊

公子慶父如齊。

不能 其 立 或 劉 君 利 君 氏 能 臣 討,又許其 以 見臣子之皋 也。」愚謂 曰 : 閔 討 耳 見其皋。」陸 公之幼 「慶父 之,又 0 啖 氏 來,惡 雖 非 亦恐 而 也 티 : 殺 逐 氏 立 子 之 齊之 焉 日 此言 「書『公子 미 ·般,未 0 而 知 見討 去。 其 齊爲 弑 也。」〇 如 君之賊 敢 明 故 齊 伯 慶父 便 書 主 康 直 結 取 臣 前 侯 如 告 如 納 其

> 且. 出入自如 年 胡 『公薨』、『子般卒』、『慶父如齊』, 書『慶父帥 威 遠 即 氏 矣。」 日 位 行 :「子般之卒,慶父弑 中 專 師 無 外 以 以以 敢討之者。 兵 其 權 流 志得兵之始。 授之慶 至 此。 其 父。 故 垂戒之義 也。 於 歲 餘 以 而 莊 月 見 卒 Fr. 公 幼 明 其 書 既 而

狄伐邢。

存耕 邢 狄 張 公之胤。」 七 而 而 曰 侵 年》「戎伐凡伯」。 又 夷 氏 而 何 狄之盛 伐諸侯。 趙 書 日 春 氏 責 秋 : 亦 之哉 杜 之時, 曰:「此 即 見 强 氏 書之 中 邢 ?」高氏 也 曰 : 國之衰 中 州 北 爲 所 或 龍 狄也。 或 ○貫道王氏 衰,戎 以 中 出 日 在 也。 見 或 縣 廣 者 中國之無 邢,姬 狄 平 此 有 莘 襄 爲 皋 又 曰:「戎 老 居 齊 或 見 姓 爾 孫 中 縣 人 隱 救 夷 周 或 氏

春秋本義卷第八 春秋本義卷第八 春秋本義卷第八

後學成德校訂

## 春秋本義卷第九

閔 公名開,莊公子,謚曰 閔。 《索隱》曰:「《系本》名 作洛

啓,避 漢景帝諱 作 開。 年

元 年春,王正月。

義 見 ^ 隱 元 年》。 〇 不 書即 位, 義 見

莊 公。

齊 人救邢。

恤之謂 《左氏》曰:「狄人伐邢。 云 : 不可棄也。 曰:『戎狄豺狼,不可厭 豈不懷 也。 歸,畏此 請 宴安鴆毒,不 救 邢 以 簡 書。 從簡書。」齊 也。 管仲言於齊 可 簡書,同 懷 諸 也 夏親 人教  $\wedge$ 惡 詩 暱 侯 相

> 夏六月辛 邢。」義見《莊二十八年》「救鄭 緩。」義見「 西,葬我君莊公。 月 而 葬桓 葬, 公。 左氏  $\forall$ 日 :

亂

故,

是

以

秋八月,公及齊侯盟 于落姑。 落、《公羊》、《穀梁

杜氏曰: 落 姑, 齊 地。 義 見《隱元 年

此 之惡不得隱 則假齊之重以定公位者,實季子之意。 侯,閔公雖立,而慶父之惡不可以不除。 盟于蔑」。 所 謂 大 陳 而 援 ○葉氏 以 後 訴 魯 日 於齊,使夫人、慶父 可 : 爲 「小白,方伯諸 者也。 經 所 以

位,非 既 其 子 書『公及齊侯盟 亦 盟 地以爲盟。 可 而 魯人納季子也。」愚 慶 挾 父之惡 齊 以 其 歸 于落 謀 魯。 見,其姦不 出於齊,非出 姑」、蓋齊侯與公即 是盟 古 得 事勢考之, 季 行,則 子定公 於魯。 季

以

此 mi 季 盟 子 多 來 季 子倚 齊 爲 歸 魯計 耳。 故 既 盟

季子來歸。

氏 成風 則國 之類 友以 年,慶父書『奔莒』,『夫人孫于邾』,以見 慶父之惡,致使二人卒弑其君。故其 夫子直書史家之辭。其實季子無狀 通,勢傾公室,不朝夕,國人洶 公薨,子般卒,閔 季,字。子者, 曰:「季子來歸,如高子來盟、齊仲孫 ○胡氏 得 友之過也。」「沈僩問 《之事可見。一書『季子來歸』,而 平内難。 政 人皆 當時 曰 : ,權去公室之漸,皆 有 「季子既不能平姜氏之亂,誅 魯國 慰望之意,故 故曰『季子來歸』。」朱子 男子 内 公幼 通 亂 稱。 得 得 沖, 季氏之爲人,朱 史喜 一季子 慶 孫氏曰:「 由此 父 洶 而 與 起 書 歸 矣。」 夫 得 觀 之。 或 次 莊 季 來 季 人

> 耳。」萬 子 以 語 風 聖人著季氏所以專國 來 只是舊史書之,聖人 襃之,則不可曉。 父之辠小,季子自有大惡。 是其意在立僖公也。』朱子曰 『季子來歸』 是也? 事襄仲一般、《春秋》何故襃季友,如 而閔公被弑,慶父出奔,季 聞 歸 書之者,欲見當時 ,亦有説 曰:『此 季氏之繇乃事之、《左氏》記 爲美之之詞,據 人傑又問:『成風 人亦 話。 多可 此 蓋 等人皆是 疑。 如高子、仲孫之徒、 人 事 因 某 爲 其 傑謂季 跡,付諸後人公 事 諸家多言「季 看 禍之基。 文而 ·子 不 季 若《春秋》反 此 :『縱失慶 友,與 魯 一句 子既 能 不革,所 或 討 又 之 此 Œ 敬 歸 賊 數 成 書 嬴 賊

冬,齊仲孫來。

議

耳。」

仲孫,齊大夫,名湫。字者,天子命大夫

慶父 夫 君 臣 謀 扶 氏 也 命 將 孫 曰:『若之何而去之?』對曰:『難不已, 也 ·; 孔 子 微 非 非 可仗 事君之義,捨孔子 不 自 歸 不以禮,臣 曰:「桓公不務修伯主之義,討有辠, 臧之故 一斃,君  $\sim$ 極 或 聘 左氏 曰 : 悪, 也 必 沐 丽 示不 魯君 書使矣。」朴鄉吕  $\forall$ ,直書曰『來』,其義 其待之。』」存耕趙 更使 浴 也。 Ē. 事 而 去慶 君不以忠也。 再 智計之士 《春秋》書之,以 朝 齊仲孫 弑 告 無 父, 於 口 此 魯 哀 爲者矣。 湫 覘 由 公,請討之。 難 氏 來 伺 桓 曰: 氏 未 見矣。」劉 省 田 公、 虚 曰 已。」公 見 恒 難 實, 仲 君 非 弑 「有 使 孫 盟 其 仲

夏五月乙酉,吉禘于莊公。

之,皋之甚也

杜氏 力 漢 施 念》 於 曰 **:** 可 東 「陽,國名。」張 取 海 者 郡 陽 如 都 此 縣 非 是 氏 有 蓋 興 日 : 桓 滅繼絶之 公之 陽 或 强

祀

於寢,三

年升於廟

莊公之主未升於

廟

即

於寢

偂

以

莊

公配

之,

非

所配

而

西己

也。」康侯胡

氏

日

「程子日

『天子禘

年

上 王 正

月,齊人遷陽

其所 年 公以 秋 誠 》,功 心 宋遷 以 也。 尊 過不 尊 王 一愚謂 宿 爲 王 相 者,假 0 名 掩。 : 而 陽 吕氏 之而 遷天子所 齊人 國,天子 티 : 遷 딚 陽, 所 聖人 義 封 封 又見《 之 兵 也 作 或 力 + 劫 春 則 桓

於始 曰 : 趙氏 廟 地 始 二月矣,未 以以其 社 祖 稷 之廟,又 曰:「禘,王者之大 何 祖之廟, 以言 則 祖 應吉 越 配 之 吉禘? 推始 紼 而 也。 而 而 以 吉 行 祖 始 君 也。 事。 所 喪三年不祭,惟 祖 薨 祭 É 配 袝 褅 莊公之喪二 也 出 之也。」葉 祭於太祖 之帝 而  $\pm$ 作 者 主 祀 既 特 之 + Æ

天

文.

策諱之。」邦

衡胡

氏

日

「於公薨之下書

夫人孫邾,慶父奔莒」,則弑君之跡自

謹 非 禮 言禘不言祫也。』孔子曰:『魯之郊禘,非 諸 辠 年,行之太早也。于莊公者,方祀於寢, 魯,侯耳,而 也。 宫廟也。 也。 人書此,著季子之徒執 也。」〇高氏 侯袷,大夫享,庶人薦,上下之殺 周公其衰矣。』禘言吉者,喪未三 有禘祭。 一舉三失禮焉,《春秋》之所 曰:「閔公幼,何知焉? 《春 秋》之中所以 或 政者之 也。

秋八月辛丑,公薨。丑,《公羊》作酉。

九

何隱 《公羊》曰:「公薨,何以 杜氏曰:「實弑。 秋八月辛丑,共仲使卜齮賊公於武闈。 左氏》曰:「初,公傅奪卜齮田,公弗禁。 爾? 弑 也。 書薨,又不地者,皆史 孰弑 之? 不地? 慶父也。」 隱之也。

殲焉。 歲,而慶父立之。立二年,而慶父弑之。 閔公蓋可閔,而未有是非之可議也。」 義 公室,魯之衰自 孫,季友之後爲季孫。 姜通於慶父,叔牙公没而謀篡弑,二世 其惡於衆,又忘父事讎,求婚 見矣。」黄氏曰:「莊公不 又見《隱四 慶父之後爲孟 年 · 》 衞 州 莊公始矣。 吁 事 孫,叔牙之後爲 三桓擅政,禄去 能 防 閔公生八 於 閑 公齊,致 其

叔

母,播

哀

(月,夫人姜氏孫于邾,公子慶父出奔莒。 娣叔姜之子也,故齊人立之。 密,使公子魚請,不許。哭而往,共仲 之。以賂求 姜氏,哀姜,莊公夫人也。《左氏》曰 哀姜,哀姜欲立之。 曰:『奚斯之聲也。』乃縊。 閔公,哀姜之 成季以僖公適邾。共仲奔莒,乃入,立 共仲 于莒, 莒人歸之。及 閔公之死也,哀姜 共仲通 於

之弑, 案: 計 閔 以 實弑 誅 或 氏 至復弒閔公,今又不討,使姜氏、慶父得 賊 命 與 之也。」康侯胡 雖 公, 窮 中 葉氏日 出 知之,故 權 H 而 猶 以 而 雖書慶父之奔,亦以著三桓之始 君 矣。 奔,縱釋同惡之人,故書。」存耕 殺之,其勢甚易也,而季子不能,以 在 慶 而 魯之衆,因 繼 使 而 「二國保姦之辠,亦莫能掩矣。」愚 也 己, 慶父 歸 逃 父篡而 書 "「子般之弑,夫人與慶父矯立 外已失 獄 此 孫于邾。」高氏曰:「先 焉 亦 胡 於 口 , 則 者 氏 無 氏 鄧 以 不得, 曰"「莊公忘親釋怨,無 日 能 齊援 齊之力,取慶父弑君之 知 以 託 扈 : 爲。 姜氏 僖 樂。 君 季 公爲 則夫人與慶父之 命 而惡暴 季 子 與慶父二 故 以 既 子 重 夫 聘 歸,獨 可 而 齊。 人猶得 於 誅 不 或 書 遽 而 人 閔 執 也 討 公 安 者 公 不 捎 或

> 聞 亂,保之於未危,不可不察也。」 發 慶父無君之心動, 君 幾至亡國,不亦 疾之心也,則人欲必肆,天 疑,大臣 志復讎,忘父子之恩,絶君臣之義,國 一之尊、 乎 于 而 故 黨氏、武 不 察,將 而 有 順 不忌也。 之 父之 聞之 而 以 幡乎 是爲 不 親 門,哀姜 諫,百 南 矣。 當 人拳、 常常 ! 是時, 事 莊 所 姓 謂 公行 以 1 安之 則 理 魯君 亦 治之於未 或 齮 必 之刃 之 滅 而 不 君 再 母: 無 而 知 弑 交

故

憤

不

有

人

冬,齊高子來盟

僖公新立,因 杜氏 也。」胡氏 父之亂,而 又見《隱元 人貴之,故 日 - $\Box$ 高 不 但使傒來定僖公,則 年 : 書名。」 遂 傒  $\approx$ 書 也。 盟 結 一法同『 盟,故 于 程子曰 齊侯 蔑 屈 不 使 完 此 稱 來 來 則 使 盟未前 平. 盟 桓 不 也。 \_\_\_\_ 魯 一公之 討 亂 義 慶 定 魯

與

已。 革,付天下後世公論。 季子 伯業 関 情 子來歸』之類,是也。」後南 安,故書之曰『高子』云爾。 矣。蓋魯人當疑危之際,幸傒來盟以 制 官之盟,專廢置之權。 受於天王,下不承 具 立之,則安危繼絶之義庶矣。 春秋》者,不可 一來識者,本其心不 : 亦 宜 其 公又弑,夫人、慶父奔。 「後世 至於 耳。 而 事告諸天王,討魯之賊,命可立 ,故夫子稱 可 立 見矣。 僖公者,莊公之庶子也。 一,外邀 經 以 世 史 大法, 〇韓. 視 大國 於細 高子,以著其  $\wedge$ 於先君,内倚成 春 中甫 之臣 過 則 事上 秋 説者謂傒能 朱子 仗義 不 ×, 爲 曰:「子般 以 趙氏 知 襃 求。」程 夫子 以 定位 服諸 齊桓者 也。 善 乃命 善者, 爲 티 : 貶 大 · 擅 侯、成 如 上不 其 子 惡 風 大 高 而 ·; 宜 弑, 謂 亦 讀 季 自 過 者 而 事  $\mp$ 屬 不 子

十有二月,狄入衞

强之。 《左氏》曰:「狄人伐衞。 滕之民爲 遺民男女七百三十有三人,益之以共、 齊。及敗,宋桓公逆諸河,宵濟。 遂滅衞 於二子。』及 國,擇利而爲之。』與夫人繡衣,曰: 子玦,與甯 鶴 穆夫人賦《載馳》。 許穆夫人。 位也少,齊人使昭伯烝於宣姜。不可, 人衞,遂從之,又敗 有乘軒者。 鶴 實有 生齊子、戴公、文公、宋桓 衞侯 五千人,立戴公以 莊 禄位、余焉能戰?』公與石 將戰 文公爲衞之多 狄人戰 子矢,使守,曰:『以 不 國 去其 諸 於熒澤,衞 齊侯使公子無虧 人受甲者皆曰: 河。 旗、是以甚敗。 衛懿公好鶴 初,惠公之即 廬於曹。 患 也,先適 師 一夫人、 敗 衞之 此 『聽 鶴 使 狄 贊 祁 帥

與 馬,祭服 車三百乘、甲士三千人以 門材 Ŧi. 歸 稱 夫 , 牛、羊、豕、 人 魚 **、軒,重** 錦 雞 城 曹。 三十 狗皆三 兩 歸 .。 幸 公乘 百

經, 亡,而 未 老 而 然《春秋》但 失人 詳信 孫 非 氏 狄 未 日 心、蓋自惠公即 否。 嘗 滅 而 「案《左氏》以爲 張 居 曰『入』,蓋狄 取之, 有其 氏 日 : 地。 故 不 位 衞 其 日 ,宣姜淫恣,耽 非 雖 後 衞 特 迫 滅 滅 衞 懿 衞 而 復 公好 爾 至於 遷 見 都 奔 皆 於 鶴

具。 樂忘 年 春 秋 故 政,習實 初 狄 於滅亡。 之大 人一 國 爲 至 常。 方 而 與 涣 公又重之,亡形 齊 然 侯 離 胥 散 命 齊其家 · 才 以 JL 衞 E 丽 + 爲

見《隱七 年》「戎伐凡 伯

淫

亂

之禍,不篡

必

滅

口

不

戒

哉

義

又

高

Ш

而

淪

所

以

治

或

必

鄭 棄 其 師

左氏》曰:「鄭人惡高克,使帥師次於河

使之 鄭 上, 其 師 人爲之賦 久 將 者 而 何 弗 逐 ? 而 召, ^ 清 惡 不 師 納 其 人》。」《 潰 將 棄 而 也 師 公羊 歸 之道 0 鄭 . ⊟ 高 伯 也。 克 惡 高 奔 康 鄭 克, 陳。 侯 棄

按 奪,惟我 胡 氏 而 誅之可 曰 一 所 人 制 也。 君 爾 0 擅 情 使 狀 國之名寵 克不臣之辠已著 未 明 黜 而 生殺 遠 之可 子

也。 以 兵 權,委諸境上,坐視其失伍離散 愛惜其才, 必禮馭之可 也。 惡 有 一, 而 假

莫之恤 乎?」〇陸氏聞於 師 曰:「人臣

義,可 進 退 則 違 竭 義 節 見 而 惡 進 於民 · 否 則 · 皋 奉 亦 身 大矣。」 而 退。 常 高

克

劉 氏 日 · [ 鄭 詩 • 清人》,刺文公也。

能 克 , 使 好 利而 高 克 不 將 顧 兵 其 而 君,文公惡而欲遠 禦敵 於竟, 陳 其 之 師

奔 陳。 公子素惡高克,進之不以 禮,

克

旅

翺

翔

河

上

久

而

不

召

衆

散

而

歸

高

不

春秋本義卷第九

後學成德校訂

六五

## 春 秋 本義卷第

成季之繇,乃事 僖 公名申 之,而屬僖 ,莊公子、閔公庶兄。 公馬。 故成季立之。」不 《左氏》曰 : 成 書

即

位

風

聞

義同

莊公。

救 師 元 邢 年春,王正月, 城 邢。 夏六 夷、《公羊》作陳 月,邢 齊師、 遷于 宋師、 夷 儀 曹 齊 師 師 次 宋 于聶 師 北 曹

前 謂 杜 П : 氏 百 《興 後 再 Ŧi. 티 : 書 凡 + 聶 地廣記》:『河 也。 里 齊 有 師 北、 苟 夷 宋 不再書,則若 儀 夷 師 嶺 儀, 曹 北 即 皆 師」 邢 所 邢 州 者 遷 地。 龍 邢自 不 也 出 張 口 縣 城, 以 愚 北 氏

邢, 之,可 邢 城, 不能 爾。 譏 二十八年》「救鄭」。 功 夷儀不必 也 其 也 與 至於奔亡,遷 師、未有 侵陵諸侯也,則 前 能 魯城之者矣。 至於遷 齊桓早帥諸侯救之,則不至於遷,而 得 未 救 莘老孫氏曰:「《春秋》之義,凡 齊桓 救 乃次于聶 也。 有 救 不救之情 邢,深辠之也。 乎? 患 次 戸爲 閔 也 師 不 而 分災之道矣。 邢 城 而 者,師 能 都夷 言 實 也。 北 之亡,率諸 爲 益 攘 次 仗大義,帥 救 皆文 之城 日 齊 夷 自 儀, 者。 而 次 救那 (狄,至 顯 桓 名 所 勢當然, 愚案:以三國之 書那遷,邢 邢 也。 失 城 力 救 以 侯之師 焉, 爲 救邢、 能 然 邢 諸 見挾 也 其 義 狄 師 方 未 救 侯 人 又見《 之義 人所 已次矣, 足以 狄 齊 之 强 往 無 中 而 之 自 桓 救 則 次 爲 師 或 他 (产) 逐, 莊 伐 遷 爲 用 之 IIII 而 救 義

災 假 北 謂 扶 則 大 衆正 俟 或 無 次 而 之大 聶 志 而 其 春秋》之旨矣。 月救 無 後 北 於 既 惻 衆 爲 書 救 11 怛之心, 邢 救 按 城 口 而 而六月邢遷,蓋半歲矣, 兵觀 知 以手撫 邢 邢 也 釁,城 乎 焉。 莫顯於此 ? 況 之」者也。 先 所 狄 邢 謂 書 既 爲 二次 顛 救 先 于 患 儒 伯 乃 Ш 聶 分 乃 者 不 以

秋 七月戊辰,夫人姜氏薨于夷,齊人以歸。 哀姜孫於邾 公羊》曰:「 齊 夷者,齊地。」《 人 取 而 殺之于 左氏 夷,以 **>** Ē

幾 不 爲 日 于夷」,諱國之惡 歸。 危 īE. : 魯 魯 其 誅 莊 或 僖公請 夫婦之始,不數 公欲 其 皋, 此 娶姜氏 而 齊侯所親 而葬之。」 也。 以 喪 汲 言『齊人 歸 年 汲 張 見 미 間 唯 氏 也,故召之至 知 , 卒成大惡, 恐 曰 : 矣。」高 以 不得 書 歸 既 氏 則 薨

> 驗也。 魯。 不當 明,人倫 可也。」○張 然不當 于夷,殺之而 慶 辟, 濁 如之 取 亂 父、哀姜皆死誅 而 以 其 昏 粗 淫縱 歸 P 何 迷, ΙĘ. 氏 歸 則 益 卒 以之歸。  $\Box$ 繼 口 也 此 甚, : 書『齊 成 ? 自 而 縦 再 使 皋誅 夫  $\vdash$ 不 魯 弑 文姜弑 即 人以 人 齊 赦 或 其 其 又 惡,得 侯 然後 君 三四四 不 歸 死 殺之雖是, 桓公, 一,言 之 當 所 + 失之明 禍 IIII 歸 年 緇 0 之于 得 葬 稍 至 之 洮 之

楚人伐 鄭 0

其

:

此

間

致

以 頵 也。 張 而 之舊名。 氏 交於中 即 未 《商 暇 位 日 : IE. 令尹 頌 國。 但 其 荆至是稱 》稱 自 或 子文得 之號 武 奮 前 此, 文以 伐 名 楚者,蓋 荆 政,始定 獨 一, 故 來,雖駸駸 楚』,則 來 以 聘稱 州 荆 改 楚 乃 稱 人,其侵 號 亦 州 强 日 及熊 其 之名 楚, 或

以以 矣。 國皆 桓 之 然 以 力 終 州 猶 舉。 齊 足 桓 以 世 自 制 此始 雖 之 伐 也。 稱 小 號 或 及 稱 止 桓 稱 没 人 則 城。 杜 氏

者

浸

强

敗

中

而

本魯史 侯,而《春 宋 襄 之 伯, 秋》 辭 然 有 後 辭 以 始 隨 爵書者矣。」愚 列 世 於 變,不自 會 盟, 晏然主 覺 也。 謂 孔 此 諸

《 莊 氏》 十年》「荆 日 楚 人伐 敗 蔡 鄭 師 鄭 0 即 〇 幸 齊 故 老 也。 孫氏 義 日 見 :

子

因

之以

見

夷

夏盛

衰

之

端

耳。

 $\Rightarrow$ 

左

向 鑾 夷 至其 之俗 衰陵, 中 或 而 道 中 明 或 則 無 逃 人 也 遁 莫 則 伐 敢 其 内

氏 小 而 或 諸 日 :「周室衰微,夷狄 ,執其諸侯, 侯 不 待 之以 無 夷 所 狄,遂 不 有 至矣。」 與 起 中 其 國交聘 争 邦 强 衡 之 胡

愚

謂

:

公

居

喪

而

用

兵,

又一

辠

也

義

又

敵 心 僭 是 號 諸 稱 侯 王,跡 有 以 由 啓 此 之 爾。 也 其 後 與

伯

主

氏

日

「公方會伯

Ì,

而

遽

敗

邾

師

君

子

八月、公會齊侯、宋公、鄭伯、

曹伯、

邾

人于

冬十月壬午,公子友帥

師

敗莒師

于酈,

獲

檉。 勅呈切。 日 《公羊 : 檉 》作 宋 朾 地 陳 或

張 氏 日 : 即 宛 丘 縣 也 陳 縣 西 孫 北 氏 有  $\Box$ 

檉

:

年 ·》「會于 防

公

有

母

喪,

出

會

非

禮

也

義

見

^

隱

九

九月,公敗邾 師 于 偃。 《公羊》 》作纓

杜 氏 日 氏 :「檉之會,公與 日 ·: 偃,邾 地 。」未詳信 邾 人 咸 否。 與 焉 康 則 侯 是 胡

邾 志 師 同 于 而 ,偃,於 謀 協 也。 此 責 今既 公 無 會 攘 邾 夷 人 于 狄 檉, 安 又 中 或 敗

之誠 矣。 凡 此 類 書 其 事 而 義 自 見 也

見《莊 + 年》「公 敗 齊 師 于 Ę. 勺。 日

以 齊 桓 之服諸 侯 僅 矣。」

大夫帥師,見《隱二年》。杜氏曰:「酈・、。酈,力知切、《公羊》作犂、《穀梁》作麗。拏,女居切。

拏

矣。」愚謂: 陽之田,及費。」未詳 羊 大 於兵刃 命 曰 人來求賂。 使 . ⊟ 1地。」 帥 : 自 愚 既 知 獲者,生得 謂 接,擒 莒 以 不 公子友敗諸 也。 縮 大夫專兵而獲大夫,王 莒拏者, 莒大夫 而 其 然抑 引 主 也。」《左氏 去 信 將, 鋒 雕,公賜 否。 則 止 則 善矣。 鋭, 魯 康侯 ₩ El 日 也。 亦 諭 季 有 胡 今 友 以 《公 Æ 汶 莒 緇 皋 至 辭

苔 難 之名 存 有功,季氏 耕 趙 遂 氏 攘 日: 魯國之權 專 制之形始兆,乾侯之禍 季友有 而 立僖之功 專 主其師,敗 竊 靖

之壞甚

矣。

義又見《隱二年》「鄭伐

衞

杜氏曰:「不稱姜,闕文。」劉氏曰:「哀十有二月丁巳,夫人氏之喪至自齊。

由

來

漸

矣。」

嘗乎! 於先 忍也,而不可通於《春秋》。」○張 今齊以公義而 廟 得 臣 誅之是 姜與乎亂,殺二子,幾亡國 案: 舉法。 哉? 伯主 君,見 古者,兵 也。 亦 魯以臣子不得 故 誅 可緣天子之法 且. 臣子可緣伯主之命 死者 於 魯以 哀姜安可復配宗廟、 方 尚 私意請之,是魯之不 伯 "; 而 不入於兆 討,而 配宗 以 絶 齊 齊 廟 沉沉 魯私請 以 以 桓 氏 尊宗 秩 得 伯 討 臨 티 : 烝 皋 主 羣 而

二年春,王正月,城楚丘。

也。」義 耳。 孫氏 楚丘 又 據城緣陵言諸侯,此 如 若諸侯城之,如此爲文,魯自城之, 一,以 何 見《隱 分 經文推之,當是 「三傳皆以爲楚丘 别 乎? 七 年 · 》 城 且城 不言諸 魯邑。 中 小 丘 衞 穀 邑 侯,魯自城 又 趙 」,齊 是 氏 其 幸老 桓 曰 證

者則 諸 侯 城之。 書 諸 侯, 然 如 案《春 城 邢、 秋 城緣 》之法, 陵 、城▶ 諸 侯 虎牢 城 之

城 成 周 是 也。 未有 與 諸 侯 同 城 而 不序

諸侯者、楚丘之城、見於傳記者、皆以 爲

丘 衞 邑。 而 詩 衞 中 詩 無 ・定之方中》序亦 之,但日 楚宫、 楚室 日『衞 耳 楚

楚丘 曰:『戎伐凡伯于楚丘 之名見於《春秋》者二,《隱之八年 ,以歸。』當凡伯之

安 來聘, 戎遂伐之以 知 非 魯 地 乎 ? 於此 歸。 城 經 之,又不言 不言衛 楚丘 諸

此 蓋 미 疑之事 且當闕 之。

宋,則

凡伯自

唐

聘

魯,

無緣

更

過宋也

陸

縣

上

在

縣

號

所

都

也

侯

城

楚丘

, 益

口

疑

也。

今地

理楚丘

屬

夏五 地 姜氏 月辛巳,葬我 而 淫逆、得辠宗 以 歸 魯。 小 君 魯人受之,葬之以禮,又 廟,其死也,不葬於 姜。 其

哀

别

爲之謚。

僖

公知

有母而

不知

有宗

廟

伐

請

矣。 則 日 : 上文姜氏 | 春 其 十 秋 **>** 月 書 偶 而 | 闕 哀姜,終之以 葬 姜字, 非 所 而 論 指 也 禮 以 貶 如 黄 此 氏

過矣。」

虞

師、晉師

滅

下

. 陽。

下、《公羊》、《穀

梁

作

夏。

陸

氏

티 ; 「據上陽、下陽俱虢邑、《左氏》是也。」

大 陸 三子 氏曰:「虞,姬姓,公爵。」張氏曰: 仲 雍 所封, 其都 亦 在 · 平 陸 之地

周

晉,成 王弟唐 叔 之 後,國 都 在 太 原 府。

張 與 杜 氏 E 氏 陽 曰 : 曰:「虢,文王弟,虢叔 爲 「下陽、虢邑、在 對。 下陽,號 之塞邑, 河 之後。 東 大 在 陽 陝 下 縣。 州 陽

取 謂 平. 邑 而 ì 滅 陽 者, 毁 陜 其 城 殺其 字, 其 與 愚

虢 以 爲己邑者異 屈 公曰:『是吾寶也。』對曰:『若得 産之乘 與 也。《左氏》 垂 棘 之璧,假道  $\tilde{\Box}$ : 一番日 於 虞 荀 以 息

杜

存

道

於

虞,猶

外府也。』公曰:『宫之奇

伐 謂 道 焉 下 之 也 師 聽,遂起師。 虞公許之,且請 敝 唯 聽 强 諫,且 矣。 塞 ? 邑之 。』乃使 陽 其 : 晉設詭 伐 君 ,入自顛 一邑也。 故 對 或 虢,滅下 爲主 而 南 日 少 後 卒 荷息 今虢 "『宫之奇之爲人也,懦 鄙 乎滅 軨,伐鄍三門。冀之既病, 長於君。 書晉 喪 計 滅 -陽。|《 夏,晉里克、荀息帥 其 以 爲 假道 敢 下 下 身。 人執虞公,有以爲 先伐虢。 滅 請 不 陽 陽 同 穀梁》曰:「虞先晉 假 道,保於逆旅 於虞,曰:『冀 也。 君暱之,雖 而 故 姓,虞貪寶貨 道 虞、 於此 以 下陽者,虞、 宫之奇諫, 虢 請 書虞、 舉矣。」 皋於號。」 諫 師會 而 爲 後 晉 而 以 將 不 世 愚 虢 不 則 滅 自 何 虞 侵 不 能 不

貰

在

曰

日

縣

九月、齊侯、宋公、江人、黄人盟于貫。《公

能

楚

秋

從。 江、黄介其 焉。 救 爲 終 危者安,亡者存。 十二年楚滅黄起文也。 也。」義見《隱二年》「盟 有 與 : 汝 : 氏 丁貫, 則 利 也。」案 貫 再與會盟,黄恃諸侯之好,曰:「自 貫城。」《左氏》 南弋陽縣 楚强 日 即 之國 桓公之伯亦盛矣,惜 字 \_; \_\_ 蔡 亂 宋 相 於 自 間, 州 江. 地。 似 也。 此 江. 新 或 0 管仲言 以 ,即光州定城縣也。」杜 漢 始。」公曰:「諾。」然 息 張 在 梁 弱 君 若 縣之 或 汝 役 氏 曰:「盟 必 故不 徐若 蒙 强 日  $\Box$ 南 歸 地 縣 : 安 之。 遠 「江、黄近 戎 西 聞 舒 〇存 陽 乎其爲德之 于 興 黄 于唐 而 中 蓼皆屬 北 若伐而 縣。 (),嬴 貫 仁 來, 或 有 耕趙 服 府 有 貰 姓 願 張 不 濟 楚, 之。 伯 城 不 就 氏 V 或 陰 氏 Æ

爲

日

黄

盟

而

不

辨見《或問》

楚人侵鄭。

齊亦病矣。

義見《莊十年》「荆敗蔡師

三年春,王正月。

此亦一時無事書首月也

不雨

冬十月。

救

,卒滅於楚,亦可傷也。

郢

及我九

百里,焉

能害我?」齊終莫之

此

時無事,書首月也。

不 雨 正 。

十月、十一月、十二月皆旱也。 〇愚案:

正月、二月、三月皆旱也。

夏四月。

「夏四月」,自是一時無事,書首月耳,與

此書「冬十月」,及次年「春,王正月」、

此亦一時無事,書首月也。

人物 可 不降。八月不 不雨幾於彌 生,須雨以成。 不雨,至於五月。」高氏曰:「萬物 四 知矣。 月、五月皆旱也。《左氏》曰:「自十月 不得 聖人畏天災,憂民 其所,則害陰 年? 雨 時亢旱,猶 則穀 則其災可知。」 種 陽之和 不 事,莫甚於 有所 而 士 愚謂 須 損 饑 雨 雨 況 饉 澤 以

冬一時

不

雨,春

一時不雨,夏則至於六

月始得

雨

耳。

經旨本明,讀之者誤也。

《左氏》謂自十月至於五月者得之。

四月不雨,則二、三、五月有

雨之説。

獨

不雨,則十一、十二月有雨,春正月、夏

雨、閔雨之説。 先儒因之,又爲冬十月

之,又以文公時不雨凡例求之,遂有

勤

讀

不

雨

與

上文書首月不相蒙。《公》、《穀》誤聯

下文三「不雨」不相干。三「不雨」,亦

七二

战人学可? 故手身,务引蔑,从王云也此,故書之,爲後世有民土者之大戒也。

· 之氣耳。義又見《莊三十一年》。 戒之者何? 敬吾身,務民義,以正天地

徐人取舒。

之類。」: 哉 ? 者 以 德既 夷咸 耳。 絶其 孫氏 廬 杜 之,辠不容誅矣。 而 至猾 不 氏 不 江 徐與舒,皆夷 祀 衰 賓 日 曰:「舒、蓋羣舒、舒庸、舒蓼、舒 舒 能戢諸侯之吞併小國 可不慎德 後倣 夏矣。 (), 趙 縣 也。」愚謂 ,諸侯侵伐,然後夷 「徐 國 氏 。」張氏 此。 / 狄各 日 《春秋》書之,以爲 :「凡得 也。 在 ○張 安 曰 : : 下邳 其 國 但比之滅 豈徒紀夷狄之相 先王 氏 即 土,不敢 也。明王 國 僮 縣 東 曰 : 建國 而不書滅者,不 廬 狄自相吞 亦降鄣、遷 齊 州 國,爲少 南。 攻伐。 舒城 而 慎德, 桓 諸 有天下 方 舒國 侯 縣 伯 噬 間 併 鳩 周 四 取

秋、齊侯、宋公、江人、黄人會于陽穀。

六月雨。

陽等事有以教之,無以令之也。」

災而 是也。 自去 以 則《春秋》有懼 不若其性矣。○康侯胡氏曰:「觀此義 不及事 不與民同也,國之亡無日矣。」 見旱之久。 不懼,視民隱而 年十月不雨,至此月始雨, 夫春 ,而民 耕 以 夏 天災、恤 高 困窮,以至草木鳥 耘 氏 謂 不 而 此記不雨 恤 民隱之意。 六月 ,自樂其樂,而 始 雨 紀實 之終者 遇天 獣 則 農 事 咸

成, 杜氏 北。」張氏 貫」,又書「會于陽穀」,見 置陽穀縣。」愚謂:書「齊、宋、江、黄盟 江、黄服 雖江 日 :「陽穀,齊地,在 二、黄 日 則 : 爲 楚 即 楚 可 與國,猶 伐,而 東平府 有 須 服 齊桓 東平 攘 城縣 從 夷狄之功 於齊 伯業之 須 北 昌 也。 縣 隋 于

春 秋 本 義

七

四

此 戎于潛」。 而 怠 會 於後 然他 不 足恃 類 日 也 楚 此。 滅 假仁 黄 義 而 又見《隱二年》「 者 齊 無 不 見 誠 救 心 , 勤 則 於 此 會 前 盟

《公羊》、《穀梁》並 冬,公子友如 齊 作莅。 涖 盟 0 穀梁》友上 有季字。 涖 音 利

者,往 之期 孔 又見友之專政 氏曰 也。」義 盟 一一粒 乎彼 見《隱 臨 也。」木訥 也 也。」《公羊》 元 年》「盟 趙 氏 日 于 日 蔑」。 : 聽 伐 涖 此 楚 盟

楚人伐鄭

《左氏》曰: 不可,曰: 莊十年》 『齊方勤 一荆敗 楚人 蔡 師 伐 我 鄭 7,棄德 鄭 伯 不祥 欲 一。』」義 成 孔 見 叔

侯、鄭 于 几 逕。 年 春,王正 伯、許男、曹伯侵蔡。 音 刑 月,公 會齊侯、宋公、陳 蔡潰,遂伐楚,次 侯、 衞

張

氏

楚

自

魯

桓二年蔡、

鄭會鄧

已

潰者散 王南 牛不 次于 俟其 陵縣 不 不入,寡君之辠也,敢不供給 人,王祭不共,無 室。」賜我先君履,東至於海,西至於河 故?』管仲 城 南至於穆陵,北至於 公曰:「五 曰:『君處 事 復,君其問 縣。」孫 日 兵 之辭 征而不復,寡 敵境。」《左氏》曰: 南 相 震 有 也, 及 氏 坚 一侯 威 也。 北海,寡人處 對 衆散 曰:「蔡,楚 亭。」張氏 杜 行,然後 九 曰:『昔召康 諸 氏 伯,女實征之,以 不虞君之涉吾 流 水 以縮 티 : 人是問。」對 移,若 濱 無 大 「陘, 楚 酒 曰:「即潁 棣 與 南海 舉。 師 「楚子使 寡 水 公命 國,故先侵蔡。 進 之 爾 人 蔡既 次次 唯是 地 潰 曰:『貢之 是 貢包茅不 我 地 昭 徴。 夾 昌 于 先 與 潁 也, 潰,遂 遂 陘。 Œ 輔 風 君 師 府 Ш 之 昭 圂 唐 召 何 馬

矣。 賜。 公九 以鄙 屈 方能 自 以伐諸侯者也,三王之辠人也。]又曰 皋之法 未嘗有聞於君臣之大義,故揆之天 君 之力,今比 不伐,諸侯伐而不討。 王之皋,僅致 以 管仲之器,小哉 服,時出干紀,滅弦救鄭。 臣 桓 力假仁者、霸。」孔、孟論伯者之事 微管仲,吾其被髮左衽 合諸 其功烈之卑。」愚案:孔子曰:「桓 然桓公本無 震 率 公入國,舉管仲以 恐 諸 則 遺使 侯,一匡天下,民到于今受其 侯之師 年伐 不奉天子之命,未 屈完來 如 鄭,氣 !」孟子曰:「天子討 湯、武之學,而管 ī, 師 が師,請 其皋 可 陵 五霸者, 摟諸 治民 謂 中國。 而 服受盟 有 矣。」又曰 討 訓 故曾 敢 功 之, 兵,至 於 所 Œ 不 文吏討 西 其 仲 中 使 幸 侯 得 純 復 此 而 僭 或 其 齊

> 夏,許男新臣 譬諸 矣。 即《 朝 伯 擅合諸侯, 豈所謂爲天 之矣。』楚雖暴横,憑 『可。』『孰可以殺之?』曰:『爲士師者則 服皋,孟 可以殺之矣。』『國可 春秋》以義正 ,功之首,皋之魁,功過不 春 可以伐之?』曰:『爲天 殺人者 ○康侯胡氏曰:「桓公伐楚,而楚人 秋》所書之旨。 卒。 氏 何 新、《公羊》作辛。 或 以 名,則君臣之分嚴矣。」 日 『· 獨 言 陵上國 伐歟?』曰:『可。』 人可 春 耐 吏以 秋 邵 殺歟?』 無 吏則可以 ,齊不請 相 子 伐之乎? 義 掩 所 戰 者 謂 也? 曰 一 石. 命 伐

懼其

爲

中國

患。

大積五

十年富

强

吞

併

許, 矣。」義見《隱三年》「宋公卒」。 高氏曰: 許師 「卒者,卒於其 雖已次于徑,許男 國 也。

遇

疾

∭

蓋

肾空

地

近

 $\wedge$ 

楚屈完來盟 張氏 于師,盟于 屈完者,楚大夫之名氏 ,召陵。

也。」杜

七五.

七六

之。」 之。 頓 桓 方 德 以 徼 是 陵。 也 盟 不 郾 願 氏 夏, 之 繼 城 綏 于 泪 此 也 稱 福 城 E 於 諸 齊 齊 與 屈 以 攻 縣 : 於 楚 使 師 完 齊 與不 侯 者, 屈 楚 爲 侯 城 敝 侯 子 齊 漢 召 桓 完 及諸 侯 城 邑之 陳 使 高 誰 之 陵 服 何 公 未 穀 : 來請 諸 屈 漢 豊. 子 敢 城 潁 之 則 前 : 同 侯 社 潁 侯 完 來 水 不 不 Ш 退 定 而 好 盟,桓公於是退召 盟 一不穀是 111 以 稷 之 盟 服 以 克 如 己。 郡 軍 忧 如 縣 此 ? ? 師 爲 辱 師 召 于 日 何 存耕 泉戦 也 池 ? 意。 陵 次 收 蓋 召 君 對 爲 與 縣 坚 師 完 陵 若 寡 趙 雖 ? 張 H 對 屈 <u>《</u>左 誰 也 退 既 壓 君 衆 以 . 氏 完 氏 日 而 能 先 境, 力, 來 :  $\Box$ 氏 H 乘 次 君 與 寡 無 禦之? 君 愚  $\stackrel{>}{\exists}$ 陵 楚 若 君 君 Z 于 之 楚 而 所 而 謂 與 勢 齊 以 之 惠 用 好 觀 召 盟 求 在 國

> 侵,向 於 論 惜 此 畫 興 狄 世 之 之心,寬 也 而 ( ) 筆 其 己。 品品 之大 之 盟 也 然貴 未 事 削 而 制 將正 無 然後 之間 管 義 然 至, 夫 弘 齊 況 周 仲  $\pm$ 則 見 ? 其 故 惻 桓 不 以 矣。 已, 賤 以 前 FL 將 怛 疆 録 能 非 中 此 伯 伐 子 , 非 土 其 或 禮 與 王 爲 胥 楚 奚 但 内 諸 伐 人 甚 復 之 被 取 一草蕞 列 夏 楚 侯 爲 盛 其 正 髮 焉 或 外 之 之尊 善 之 滅 愚 也 左 ? 補 吞 夷 事 舉 或 謂 衽 取 其 齧 之 日 使 付 矣。 其 罅 則 而 意 盟 夷 就 有 後 彼 下 所 誠 漏 者 昭 世 能 聖 狄 善 吾 王 盟 齊 而 然 公 内 於 足 品 者 夷 亂 X 而

氏 齊 淤 人 作 氏 杜 執 袁,云: 氏 陳 曰 : 日 袁 本 濤 陳袁濤 袁 亦作 塗。 濤 轅。 袁,《 塗 塗謂 陳 左 氏 大夫, 鄭 作 申 轅 袁 侯 案 日 氏 -: 釋 也 文》,《 師 <u>\_</u> 出 左

而

執

其

大夫,功未良成,而

志

以

溢

矣。

觀 於陳、鄭之間,國 兵於東夷,循 海 必甚 而 歸,其 病。 若出於東方, 可 也。」申 侯

不可 日 見,曰:『師老矣,若出 "『善。』濤塗以告,齊侯許之。 用 也。 若出 於陳、鄭之間 於東方而 供其 遇敵,懼 申侯 資

侯之不 執 糧 執袁濤塗。」高氏曰:「楚方受盟而退,遽 司 屝 會之大夫,齊侯之志驕矣。 屨 其 可爲周公,而爲三王之辠人也。」 可也。』齊侯説,與之虎牢。 是知 齊

義 羊》曰:「古者周公東征則西國怨,西征 又見《莊十七年》「齊執鄭詹」。○《公

則東國 其 不欲 師 而 其反 執 怨。 濤塗,古人之討則不然也。」董 桓公假塗於陳 由己者 師不正 而 故也。 伐 楚,則 不修 陳

修德,故 子曰:「齊桓合諸侯,其後 楚 人 滅弦而 志弗 憂。 矜功自足而 損 人之國 不

> 或 叛矣。」

故

曰:『管仲之器,小哉!』自是

日衰,九

秋,及江人、黄人伐陳。

高氏曰:「非魯及之,蒙上『齊 塗』之文也。」杜氏曰:「魯受齊 人執 命, 討 袁

諸侯同侵蔡,同伐楚,又同盟,而齊侯 之辠。」未詳孰是。 高氏 曰:「陳 侯 方

焉。」義又見《隱二年》「鄭伐衞」。 執其大夫,又率二 或 伐之,不義莫

八月,公至自伐楚。

又見《桓二年》「公至自 張氏曰:「師出三時,見久役之勞也。」義 唐」。 ○愚案:此

陳,勞民黷武之甚 也

亦可見諸侯已歸,而

齊

復

帥

其

師

以

葬許穆公。穆、《公羊》作繆 義見《隱三年》「葬宋穆公」。

冬十有二月,公孫兹帥師會齊人、宋人、衞

大

遽

與

陳

人、鄭人、許人、曹人侵陳。兹、《公羊》作慈。

信。 餘。 夫桓 徑陳 征 矣。」 其國 陳。 侯胡 也? 曰 : 孫兹 氏》曰: 爲政 於東 濤 一公識 氏 方楚 ,陳不果納,執 陳成 ,振中夏之威,會于陽穀,惇遠 義又見《 哉 ? 兹,叔牙之子,叔 按兵于徑,修文告之辭,退舍召陵, 帥 有幾?」曰: 齊桓 方,四 師 塗 叔 人 明 ,歸轅濤 誤 ,見三家之專 怒執 贵 未 而 孫 軍 揚子 莊十年》「公侵宋」。○康 國是皇,其思矣。 有 帖,而 量 戴 其臣,又伐之侵之,甚 一淺,管 皋 則 伯 塗。」君 作《法言》:『或 「思、斁。 皋 袁 帥 齊 臣 止 濤 師 仲 以 孫 濤 也。」 而 舉陳 會諸 器 塗,其斁矣。」 爲 戴 塗 諸 憂 不 昔 伯 耳 邦 氏 或 侯 也 足 在 也。 日 : 「 夫齊 合攻 衡 之 而 何 周 國之 胡 師 致 才 問 至 ^ 公, 勤 之 侵 有 伐 氏 公 相 左

> 協 楚 結會盟之禮 ,其身見 方 受盟 執 志 一,何其 "; 其 已 驕 或 念之深、 溢 見 伐 陳 見 大 禮 侵。 夫 之 謹 桓 德 謀 也 於 不 ?

七八

五年春,晉侯殺其世子申生。

是乎衰矣。」

耳 重耳、 也。 賂外 吾。  $\wedge$ 山 戎。』晉侯 奚齊,其娣 女於戎,大戎狐 齊姜,生秦 左氏》曰:「 居 姬之子在絳。二五卒與驪 沃,君之宗 嬖梁五 晉伐驪戎,驪 浦 不可以 夷吾主 城 説 夷吾 生卓子。 穆夫人及大子申 與與 無主。若使太子主曲沃, 之。 晉獻 蒲 東關 也。 姬 居屈。 與 夏,使大子 公娶于 戎男 生 屈 嬖五,使言於公曰 蒲 驪 重 , 則 姬 女以 與二屈,君之疆 **羣公子** 耳,小戎子生夷 賈, 口 嬖,欲 以 生。 居 驪 無 姬譖 威 ,皆鄙 子 姬 曲 V. 民 又 一其子, 歸, 沃 羣公 娶一 而 烝 唯 重 懼 而 於

子,未 子。 還 落 其 則 軍 稷 Ш 伯 子 子 立矣,分之都 帥 也 (官,帥 氏 監 泉 ,爲大子城 申 師 不 旅 之粢盛,以 ,不亦可 得立? 而 將戰, 君 一落氏。 、公衣之偏 孝,故君 或 師 君行則守, 生 立 知 在 ,古之制 奚 將 師 其 與 制 君 不如 下 不 乎?』 晉侯使大子申 國政之所 誰 里克 命 曲沃 其 威,將焉用之? 之 城 軍 V. 朝夕視君 晉 而 嗣 有 逃 也 而 焉 舍之?』公曰:『寡 衣,佩之金 諫曰:『大子奉 作 已,稟命 以 守 之,無使辠至,爲 適 位 !』不對 士蔿曰:『大子不 滅 不可 則 夫 以 啚 軍, 耿 帥 從 卿,先爲之極,又 膳者也,故 也,非大子之 從 以 師,專行謀, 公將 則不 滅 玦。 而 帥 日 霍 退。 且 師 威 **L** 撫 家 生 狐 臣 專 滅 軍 軍 突 大 祀 伐 吴 聞  $\Box$ 君 太 太 魏 歎 誓 子 有 事 社 大 得 失 守 冢 東 泉

斃; 夢 乎? 毒 之,生奚齊。其 之。』罕夷曰: 『君 **胙於公。公田**,姬寘諸 齊,既與 公欲以驪 其圖之,與其危身以速辠也。』初,晉 今亂本成矣,立可必乎? 國,亂之本也。」 周公弗從, 寵 日 不忠,子其 羊舌大夫曰: 『不可 日 而 齊姜,必 並后,外寵二政,嬖子配 :『不可。 : 『時, 獻之。 與 』梁餘子養 小臣,小臣亦斃。 中大 事 姬爲 速祭之。』大子 公祭之地, 死之!』大 之徴 昔辛伯諗周 夫成謀,姬 夫人,卜人不可,弗聽,立 日 娣 也 : 有心 生卓子。 ! 死 雖 子 矣。』狐 地 宫 違命不孝,棄事 謂 而 欲 姬 桓 將 祭 孝而 墳 六 不 勉 沙 大 適,大 公,云:「内 故 戰 日。 孝,不 於曲 之, ,與犬,犬 子 及 曰:『賊由 及於 狐 突欲行。 安 將 曰:『吾 狄 沃,歸 (民,子 公至, 立 都 突 如 可 奚 諫 獻 偶 逃

八〇

之名 侯使 樂。」 馬。」 言 以 仁,大仁之賊 俾 十二月戊 不 飽。 其 大子 曰:『皆知 人録之,以 申生之事 申 之曲 殺申 傅 讒 察其皋,被 生 不得 大 以殺大子申生之故來告。」陸氏 我 杜 。」大子 曰:『子其 人得志, 雖 子 生,然置之必死之地 辭 直 原 有愛父之心,而 辭 申,縊 娅 款 티 : 非 非 之。』重耳 見於 示教 矣。 奔 也。』」愚謂 此 晋 或 必 \_ 或 新 者也。 名 行 君 於 傳記備矣,晉侯之惡 有 侯 以 謂 此 城 乎 非 新 也 皋。 殺 亂 大 亦 奔蒲 !」大子曰 姬 城 以 子 之 離 事 魯史之直筆 氏,居 出 君老 又 ○莘老孫 而 乃陷 夷吾奔屈 晉獻 見 姬 子 古 誰 人 而 遂譖二公子 國 父於 矣,吾 誰 哉 人云:『小 不 辭 雖不 語 不 安, 納 君 暇 氏 不 我 又不 食不 公殺 首 操 而 辨 必  $\Box$ 日 ? 義 見 實 聖 惡 讒 辯 刃

民,猶 侯,而 矣。 者 名。 者 於禍 矣。 理 紊 其 諸 宜 前 生. 曰 董子曰 死之。 以以 其 權, 妃妾之名 : | | | | | | 所 不 有 遭 若申 謂 可 舜 然 讒 誰 變事 申生未免有辠也。」朴 敗 此 以 申 之 前 而 人 乎? 以堯! : 其家 所 秋 不 **奉** 生 生之於 有 不 事 子 『有 而 以 ×, 通《春 見,後 亂 者,其諸 讒 瞽瞍 之道 母 1秋》舉 不 或 ^ 陷 端 或 而 名門,使姦臣探 春 適 知 者不 者 父於不義。」 不 瞽 獻 本 至 秋》,守經 庶之位,縱 秋 有 其 見 知 澄 公也, 重 所 》書之,使 於 賊 權。」 瞍 此 口 所 源 謂 者言之,斥言 而 見 亦 以 戒 之 遭 所 岩獻 不 殺 獻 允 不 焉。 書 變 事 以 知 鄉吕 若 公 知 康 則 蒙首 後 世 事 而 八欲,滅 公者 聽 以 侯 不 世 不 爲 春 而 而 氏 讒 此 尸 胡 卒 爲 有 不 惡 知 人 秋 防 之 其 晉 此 其 氏 臣 免 孝 天 欲 知 申

有

逆其意

有 危 皇太子之心,以成巫蠱之禍者。」

來

杞 伯 其子隨 譏 非 氏 伯 杞侯之爲家 嗣 失夫之道 見 姬 在 ,雖不行朝禮,亦不當使之隨母以來, 也。」〇愚案: 正 E E 莊 姬 朝。 公時 也 :「其子蓋 ,僖公姑,即 ,朝其子。 母 矣。 故 伯姬爲志乎朝其子,則是杞伯 以來 已不 國 曰『杞伯 可 以待 也。」《穀梁》曰:「諸侯 得 年 知矣。 伯 歸,況 + 莊二十五年歸杞者。 人父之道待人之子 姬之子乃杞侯之冢 餘 姬 歲。 來,朝其子」,參 僖 公時 杞伯 乎? 在 而 使 相

夏,公孫兹如牟。

此,譏私相 牟,見《桓十五年》。 隱 七年》「齊來 聘與三桓之用事 聘。 凡 魯聘他國皆言 耳。 義又見 如

公及齊侯、宋公、陳侯、衞 侯、鄭伯、許男、 曹

> 伯 止 會 止、《公羊》、《穀梁》作 王 世子于 首 咔 戴 秋 八 月,諸 侯 盟 于

首

帶,欲立之。 《穀梁》曰:「中無事而復舉諸侯,何也? 下戴之,以爲天王之貳。」揚氏 亂階,遂率諸 尊王世子,而 大 殊 氏 杜 惠王娶陳嬀爲后,生子鄭及叔帶。 「會王太子鄭,謀寧周 不序? 道」之類 致世子于首止,而諸 止 謂 曰 : 一,衞 會王世子? 氏曰:「王世子,惠 之殊 地,陳留襄 「襄邑屬 同 事 會。 齊桓 而 不敢與盟 侯 而 非 其 拱州。」《公羊》曰:「曷 世子貴也。」愚謂 會 再 有 書 邑縣 以 王世 見者,前 他 法 其 也。」張氏 侯往會之,故説 王太子 義 東 蓋 也。」《左氏》曰: 廢 子于首止,示天 也。 南 長 與「會吴 有 目 立幼,將啓 E 諸 鄭 首 日 後凡也 侯 鄉。」張 也。 「惠 愛叔 於 一初, 何以 齊 爲 者 盖 桓

春 秋 本 義

參之以 之 年 侯 志 道 日 出 知 亦 則 箴 其辠大矣。 侯,示天子 溺 出 · 》「 盟 戻哉 不 也 不 定 會,是制 拒 是 會 於 嬖 帥帥 計功。 國 以 以 諫 諸 然齊桓 朝 寵 權謀 于蔑 侯, 本, 王. 也 ?」愚謂 力 覲 諸 諸 命 制 可 侯 衰 絶 父 以 侯 而 故蘇氏 輒 未 夫《 天子 術 也, 以 苟 也。 世 亂 意,是要君 嘗 會 數 召 定 欲 之事 合衆 春 階 世 也。 諸 也。 朝 惠 世子 夫齊桓之意善矣,一 齊 E 秋 子 E 侯 王 王 一之,貢 ¥, Œ 或 : 也。」義 於君 世 世 會 而 一廢 至於制父要 桓之功 「首止之會,非 爲 爲 王 納 長 也。 義 子 義 世 臣 盟 諫 立 以 不 也。 不 又見《 子,又 亦 會 諫 之大義,不 幼,其惡 也。 世 以 謀 以 辭 子 然 父 未 利 君 IE 口 惜 隱 儼 命 盟 見 而 之, 也 元 諸  $\pm$ 明 則 其 然 諸 Ŧ. 口 Mi

鄭 伯

逃

歸

不

盟

常

Ш

致新

城之圍

七年,有甯母之會

乞盟 其 有 盟 諭 舉 諸 鄭 謀 師 可 也,故逃歸 少安。』鄭 伯 左 縱 ''; 曰 是 所 侯 伯 寧 以 臣 而 氏 迹近尊王,義實大悖 劉 所 輕, 鄭 不要君、 與 歸 以 而 周 **\*** 未 。」獻 伯 氏 會 洮 行 室 曰 『吾撫女以 喪多 必齊 輕 ⊟ : 之言 一,德 伯喜於 者, 兀 而 不盟 則 可 逃 秋,諸 夫 矣, 子不制父之大義,不 失 非 桓 1者矣。 雖 杜 鄭伯 盟 之 之 此之謂,斯 親 君 ·, 氏 不全,亦 孔 王 行 頓 從 侯 必  $\Box$ 逃盟 春秋》 命 叔 也 楚, 盟 失 服,然天下 今 : 悔 止 而 親患 之。 既 ,故六年啓諸侯 輔 之曰:『國 懼 愚 齊桓合諸 有 王 會而 書之,著其 之以 鄭 謂: 其 害義矣。 使 翼戴之名 弗 必 不 伯 周 聽 至 晉 逃之,而 後 齊 朝 誠 公召 111: 會 侯 能 桓 逃 病 於 君 可 之 爲 必 不 明 以 其 不 齊 以 鄭 而

諸 齊 不 侯 敢 侯之尊,而 等 與 盟 盟 于 而 洮 使 始 世 於 而 子 逃 鄭 聽 歸,終 伯 命 乞 盟 於 九 乞盟。 年,王 噫 ! 甚 以

楚人滅弦,弦子奔黄。

乎

,鄭伯之辠也!

黄。 《左氏》 謂 制 國,甚矣。 故亡。」義見《三年》「徐取舒」。 姻 杜 許之紛紛。 侯以討楚 楚之横 也 : 氏 楚受盟一年,復滅 於是 「《地譜》: 光州光 弦子不名, 曰 弦子恃之而 曰 復弦, 豈不足以立中 江、黄、道、柏 \_; \_\_ 與? 〇張 弦國在 楚之滅黄, 楚鬪穀於菟滅 氏曰 不能 史有不 弋陽 不事楚,又 :「桓公於此 救 Ш 亦自 小 軑 弦 方 . 詳 縣 縣 國,禍 门以 睦 II, 或 ,故弦國。」愚 此 東 弦,弦 於 啓救 國 始矣。」愚 南。」任 尤熾 齊,皆 闕 不設備 此則 一之威 時 文也 子 鄭 率 焉。 諸 滅 弦 奔 韋 而 氏

> 其力, 遠戎, 背約 志 ? 楚不 譚, 征 爲 首 伯 心 者 雖 後,貴王賤 屈完受盟於前 i, 捜諸 者 止 服 之術 西 夷 與 中 之會, 而 夷怨,南征 心 如 狄 遂 方之王道 而狄 小邦懷其 服 此 暴 或 伐 侯 非 其 横 伯、鑒戒 而 服從,類 以 入衞,救邢 力 Ш 己有之, 效 夷狄 復 戎 亦 侵伐諸 制 施 北 窺 書楚滅弦 齊 而 天 德。」天下曷 於力之所及。 何 歸 中 狄怨。」又曰:「大 桓 昭矣。 子。 獻 翃 可 丽 順 或 捷, 有 知矣。 侯,降鄣 碔 類 不力而 求 也。 以 鄭 執 砆 人以力,故 口 致之也。 伯 韋 美 大  $\wedge$ 知矣。 書》曰: 逃 許、 舍近 夫 邢遷,其 敢 玉 遷陽 哉 盟 ті 滅黄 有 桓 。 衞 狄,事 伐 越 邦 非 宜 人 蓋 陳 滅 於 畏 厥 其 白 不 書 東 侯 命 伯

九月戊申朔,日有食之。

義見《隱三年》。

八四四

### 冬,晉人執虞公。

之,鬼 嗣。 亡齒 以 愛於 虞? 虞仲,大王之昭 必從之。 宫之奇諫 『吾享祀豐潔,神必 莊之族 士,勳在王 『晉,吾宗也,豈害我哉?』對 甚,其可 黍稷 左 寵 氏》曰:「晉侯復假道於虞 寒」者,其虞、虢之謂也。」公曰 虢仲、虢叔,王季之穆也,爲文王 非 神 猶尚 何皋 皇 馨,明 再乎? 非 晉不可啓,寇不可 曰:『虢,虞之表 室,藏於盟 Ħ. 人 天 虞 害之,況以 而 實 德 無 以 能 也。 親 親 諺所謂 惟 爲戮,不 親 據 馨。」又 惟 惟 大伯 於 府。 我。』對日 德 德 桓 或 「輔 是 是 一、莊 將號是滅 不從,是以 唯 也 日:「民不 乎. 翫。 輔 依 曰:『大伯 車 偪 ?!公曰 乎? 以 相 虢 乎? 又 伐 故 依,唇 亡,虞 之謂 Е ″; 桓 虢 易 周 聞 親 卿 不 :

物,惟 奇、 取 神 紀事,原始見終,不失 之,惡不可掩矣。 晉、虞同 家,審矣!」愚謂 朔,晉滅 月 弗 秋》書之,使天下之爲人君者從而省之, 滅自下陽 可以見棄義趨利、瀆貨無厭 於虞,遂襲虞,執虞公。」康 書『滅下陽』於始,而記『執虞公』於後, 虞不臘矣,在 聽,許 甲午,晉侯圍 虞而明德,以薦馨香,神其吐之乎? 不享矣。 舟之僑 德緊物。」如是,則非 姓,虞固 號。 晉 始,下 皆 使。 神所憑依,將在德矣。 虢 知 此 公醜 宫之奇以 之,獨 陽 :諸侯,天子所封。 上陽。冬十二月丙子 行 愚 滅 也,晉不更舉矣。」八 也。 劉 奔京師。 則 氏 其實者 其 虞亡矣。 然晉 曰:「《春秋》之 君 其 :德,民 之能亡國 侯 不 族 獻 也。 胡 知。 師 行, 詭 氏 不和 還, 若晉 宫之 虞 計 曰 日 之 執 敗 館 又

既 遠 者,是何也? 可 人君莫不惡亡 也。」凡書執諸 滅 以 **,**由 戒 於 别 此 之 矣。 而 不 嗜欲之習近,而 侯者十有四。 好存,莫能固 别 故 也。 日 : 家有 可 不 既 大 T. 憂患之未 哀 而 保 乎 或 存 有

韋 六年春,王正月。 新 城

夏、公會齊侯、宋公、陳侯、衞侯、曹伯伐鄭,

鄭 張 伯 杜 也。」義又見《隱二年》「鄭伐衞 小以以 氏 氏 逃 歸 日 日 其逃首止之盟故也。」高氏 : : 不盟,遂與楚通,是啓諸 屬 新 鄭 城, 州。」《左氏》曰:「諸 鄭 新 密,即 祭 陽 ☐ : : 院之代 密 侯 縣 鄭 伐

七年春,齊人伐鄭

也。」《左氏》曰:「楚子圍許以 救許乃還。」愚謂:《春秋》書此,一以見 葉氏曰:「圍鄭之諸侯不序,一事 救 鄭 諸 再 侯 見 秋,楚人圍許,諸侯遂救許。

見《莊二十八年》「救鄭 四 中 又見《莊十年》「荆敗蔡師」。 之心,三以 以 見猶幸齊桓之有此舉也。 見鄭伯背夏 即 夷, 以 救 次許,義 韋 致 許,義 此 伐, 又

或

衰

而 夷

狄横

以

見

齊

桓

不

能

服

楚

冬,公至自伐鄭

時,以 《桓二年》「公至自 許遂事也。」高氏曰:「救許,因伐鄭也。」 「不致救許 存耕趙氏曰:「兵以 伐鄭 出,故 而致伐鄭者,伐鄭本志 以伐 唐 \_ 夏出以冬反,歷 鄭至也。」義又見 〇 邦 衡 胡 氏 也、救 日

《左氏》曰: 或 病!」既不能 所由來矣,姑少待 危矣,請 一諺有 下 之日 「齊人伐鄭,孔 ·齊以 强,又不能弱,所 : 救 小 我。』對曰:『朝不謀 國。』公曰:『吾知 則 不 叔言 競, 以 何 於 斃也 憚 鄭 其 伯 於

解 夕,何以 鄭 韋 不得 待君?』」愚謂 志 於鄭,故 諸 齊 侯以 復伐 救 之 許 也。 而

即 夫齊桓以力服 夷,亦冥頑不識 人,未盡 所趨哉。 善也。 義又見《隱 鄭伯背夏

二年》「鄭伐衞」。

夏,小邾子來朝

小邾,見《莊五年》「倪黎來」。 杜氏 日 :

見《隱十一年》「滕、薛來朝」。

「邾之别封,故曰小邾。」未詳

是否。

義

鄭 殺其大夫申侯。

《左氏》曰:「初,申侯,申出也,有寵於楚

我知女,女專利而 文王。文王將死,與之璧,使行,曰:『唯 不厭,予取予求,不女

免。 疵 子文聞其死也,曰:『古人有言曰:「知 女容焉。』既葬,出奔鄭,又有 瑕 我死,女必速行。 也。 後之人將求 多於女,女必 無 適 龍於厲公。 小國,將 不 不

> 義見《莊二十六年》「曹殺大夫」。 臣莫若君。」 弗 可 改 也 已。」未詳 信

秋七月,公會齊侯、宋公、陳世子款、鄭世子

華、盟于甯母。甯、《穀梁》作寧。

張氏 杜氏 日 曰:「高平方與縣 :「魯地。」 孫 氏 東 日 泥 : 母 「齊人伐鄭 亭,音甯。

盟于甯母也。」《左氏》曰:「盟于甯母,謀 鄭伯懼,欲求成於齊,故先使世子華受

鄭故 也。 管仲言於齊侯曰:『臣聞之,招

攜以 懷。』齊侯修禮於諸侯,諸侯官受方物。 禮,懷遠 以德。 德禮 不易,無 人不

未詳信否。 義見《隱元年》「盟于蔑」。

曹伯班卒。班、《公羊》作般

義見《隱三年》「宋公卒」。

公子友如 齊。

曰:「僖三年,公子友如齊,聽伐楚之期 義見《隱七年》「齊來聘」。 ○木訥趙氏

聘,終 七年而齊桓即世。 齊,自是十年公如齊,十三年公子友 而 如 氏曰:「事伯主而不事王,公與大夫更迭 友同心事齊,三年一聘之節未嘗廢。」黄 齊,十五年公如齊,十六年公子友卒, 自春徂冬,不暇朝聘。 莅盟 齊,皆春秋之習,而魯不能自拔 齊桓之世不怠 焉。 其後 凡三年,公不朝則季友 當齊之伯,公與公子 也。 故七年公子友 惟六年伐鄭 也。」 如 如

冬,葬曹昭公。

八年春,王正月,公會王人、齊侯、宋公、衞義見《隱三年》「葬宋穆公」。

世子款」下有「鄭世子華」四字。

侯、許男、曹伯、陳世子款,盟于洮。《公羊》「陳

也。」杜氏曰:「洮,曹地。」案:《莊二十微者也。曷爲序乎諸侯之上? 先王命王人,見莊六年《公羊》曰:「王人者何?

洮,以見天子之弱,就 信,而後爲之也。」義又見《隱元年》「盟 諸 或 盟、《春秋》譏之。今不即會於周 是諸侯從天子而受盟 實行其私。 七年》杜氏 盟中國,故 秋伯者多假王命以令諸侯,名尊天 于蔑」。○ 「王人與盟,非 『邦國有疑,諸侯 侯 也。 而盟王人,則諸侯之伉。盟者不 獻 王人而 以 齊 可杜 爲 禮 桓 會盟 魯地,未詳。 盟諸 是 也。」莘老孫氏 氏 時 曰 : ,則爲壇 致天王之命以會 也。 侯,則王道之衰; :「案《周禮》 盟 末 諸 世 以 啖 侯 曰:「春 氏 而 列 盟之。」 於下 (子而 盟 或 E 于 專

鄭伯乞盟。

盟主,而附强暴之夷狄。甯母之會,雖嘗「請服也。」莘老孫氏曰:「鄭伯逃天下之趙氏曰:「乞者,卑重之辭。」《左氏》曰:

遣其世子,又恐懼不安,親來乞盟。] 愚 鄭伯以諸侯之尊,始於逃,終於乞,自

取悔辱。 故君子作事,謀始垂戒遠矣。

夏,狄伐晉。

之,晉之謂也。」 狄安得不肆乎? 以居,羣公子又爲采桑之役,内釁頻仍, 氏曰:「晉與狄鄰,故有疆場之警。 義見《隱七年》「戎伐凡伯」。○存耕趙 或 必自伐而 後人伐 啓土

秋七月,禘于太廟,用致夫人。

設禘禮以爲榮觀。」愚謂: 不言姜氏者, 用者,以 義在禘以致夫人,而不在姓氏。又辠在 「夫人者,時君之妻聲姜也。 也。 致者,至自齊也。 因 趙 其至,特 氏  $\Box$ 

僖公而 則 魯有常禮,魯以諸侯而僭天下之禘,已 不 成文,故省文耳。 不在聲 姜。又夫人之下書姜氏 夫人至 而 告 廟

> 失禮之中又失禮也。 失禮矣。又以夫人之至而禘于太廟,是

冬十有二月丁未,天王崩。

喪 周公,以嘉禮盟於葵丘,二見僖 天王,惠王也。 而 朝齊,三見齊侯、許男伐北戎。 一見諸侯遇王 喪 公不 而

致

宰

服

義

春 秋本義卷第十

又見《隱三年》。

後學成德校訂

## 春秋本義卷第十

#### 僖 公

《穀梁》作禦。
一九年春,王三月丁丑,宋公御説卒。御、《公羊》、

宋子出 皆不會也。」 出 左氏》曰 會葵丘 會 起 諸侯,故諸 : 桓 也。 公卒。」愚 〇高 侯併 氏 曰:「不書葬者 謂 與天王之葬, : 此爲 宋子

夏、公會宰周公、齊侯、宋子、衞侯、鄭伯、許

男、曹伯于葵丘。

公,食采於周,扶風雍縣東北周城是張氏曰:「宰,冢宰。周公,名孔,王之三

宰。

以天子之宰,反來下會諸侯,大義

既 也 實今葵丘事也。 十二月事也。 懼不立,不發喪 卒,未葬,而襄公會諸侯,故曰子。」趙氏 公下行端 有道 闇之中,百官總己方聽 氏》所云『惠王崩, 以 日 曰:「陳留外 三公也。 惠王方崩,諸侯 即開封雍 吉行 」。」康 : 「凡諸 不 . 帥 者兼 侯胡 諸侯朝之,反 者 古者三公無其 揆之職。」《左氏》曰:「宋 師 稱 侯 丘 保 氏曰:「宰周 在 爵,志惡之淺深 黄 縣也。」劉氏曰:「七年《左 之任。 八 喪而出,以 而 縣東有葵丘。」張氏曰 年 理或 不 告難 襄 盟 會 王惡大叔帶之難 冢 相 其 然也。」高氏 于洮、謀王室者, 於齊』者 於 宰或闕, 人,則以 會以 公者,以 喪。 冢 喪行者稱子, 宰, 致 也。」杜氏 襄 ,實八年 天子之 而 王 六 冢 則 齊侯 桓 卿之 宰兼 在 以 諒

春秋本義

侯,而 恐諸 之立 於 狃 慮 世 周 九 梁 與 正 主 而 北 前 \* E 會, 首 君 出 外,以聲勢足 , 桓若率諸 子之位。 年》「會于防 矣。 非 止 而 侯之或 周 然 遏  $\pm$ 之 或 夫 以 惠王意 亦 密 以 禮 則 殊 君 定 齊 宋子 之。 櫃 出 所 今襄 貢 盟 矣。 子 而 侯 仗大 重 也。 在堂 不 也。 輕矣。」案: 以 爲 時 而 以 桓公、 臣 王已立, 雖 奪 大 朝 無 震 亦 義 以 孤 故 惠后 存 人 會諸 哀 蕩  $\pm$ 用 果安在 臨 桓 耕 之喪, 無外 管 矣。」 諸 之 而 之。 請 趙 猶 侯,天 侯,又 周 仲 聽 首 氏  $\pm$ 在 事 義 公, 學 命 止,桓 哉 有 齊 曰 齊 命 王雖立 焉, 不 又見《隱 子 ? 子 徒 雖 侯 以 使 今背殯 知 亦 帶 偃 則 忠 盟 以 襄 宋 爲 此 依 之 諸 穀 定 蹇 於  $\pm$ 子 伯

> 爾,伯 老孫氏 紊矣。 降。 之。 卒,不復 也。 案 : 服 伯 而 許 嫁 則 姬 禮,期 愚謂 嫁, 僖 無 則 姬、子 日 高 齊 僖 然 親 公 笄 歸 [∵ [≪ 以以 公當 :禮,女子十有 桓 氏 則 之喪諸 未嫁姊妹 臨 而 叔姬 奪 未 日 字之, 其 春 [X] 人之喪 : 許嫁 爲 服臨 喪,無 秋 是也。」 之服 侯 公自 》内 者,固 絶 死 也 葵丘 m 矣。 則 女 親 惟 出 使 Ŧi. 許 親 以 姊 之會, 穀 會 之盟 亦 年而 僖 嫁 之 成 妹 梁 笄 聞 而 義 公於 人之 姪 **>** 而字矣。 笄,二十 日 卒惟 也。 伯 則 亦 不 非 吉 時 絶 喪 姬 莘 禮 不 治 之 X 不 婦

九月戊辰,諸侯盟于葵丘。

盛 與 陸 Ħ. 葵丘 首 明 氏 周 止 日 同。」《 公之不與盟 之會諸 盟 稱 孟 諸 侯,束 子》 侯 也。 者, 日 性、載 張 前 Ŧī. 氏 目 伯 後 書  $\exists$ 其 凡之義 而 桓 不 歃 爲 義

秋

七月

乙酉

,伯姬卒。

以

爲

日之安爾

滴

冢

桓

侯

Ŧ.

其

西

侯

子。 妾爲 人,既 德。』三命 宰孔先歸 之 有 在 爲 無 嫡 乃還。」愚案:此盟即會葵丘 不 專殺 日 二 士 之所 既 務 妻。」 功 子 亂 有 此 初 盟之後,言歸 有 乎 會 帶 亦 德 命 會 共 大夫。』五 封 便,故 覬 曰:『敬老慈幼,無忘賓旅 再 冢 日 大 主 ! 也 而 無 遇晉 而 : 覦 矣。 一, 而 勤 命 宰,又自 世官 君 不告。』曰: 之難 遠 東 日 誅 不暇 務 襄王大位 然不 略、北 侯 略之不知,西 命 ,官事無攝 『尊賢 不 靖 於好。』、《左氏》 三司可 孝, 日 桓 亂,無 爲 奔惠王之喪,聽 . 過 : 伐 公率諸 盟,使 無 假尊王之名 ¬ 凡 Ш 得以 無 育 易 勤 戎 無 取 取 曲 才 樹 天 我 南 之事。 於行。』晉 會也 侯 粗 則 防 子 士必得 下 翼 同 以 安, 否 伐 盟 知 戴 無 彰 無 E 矣。 楚, 四 冢 以 齊 有 天 襄 齊 之 遏 有 以 : 略 綱 大 爲 宰

糴

無

命

IШ.

大皋不 尊賢、敬臣、子民、柔遠人、懷諸 之辠人。今之諸 躬自犯之,固無以令諸侯、正天下矣。 公於 易樹子,以 己而後求諸 秋》之所未有。 非美齊桓可 二,其亂又甚於春秋 子之言,非 見《隱元年 其尊君抑臣、貴王 之命 備 所 盟 經,此其大辠也。 繋,蓋 焉 可以 遥 其 於朝 提挈 · | | 盟 制 修身正家之要。 與 人,無諸 知。」張氏 不明,故聖人 朝 桓 既 綱 政 雖 于蔑 侯,五 也。 致 妾爲妻』之禁,終不免 領, 模權 賤 然《大學》之道『有諸 冢 己 其 伯之義 \_ 當時 大 日 以 宰 自 而 霸之皋人』,孟 :「一命之詞,三 功 於 正 己 曰『五霸,三王 後非諸人」,桓 直 不 葵丘 H 率 中 胡 自此以下, 顯 書 可 , 拂 人,蓋 或 氏 矣。 以 以 ⊟ . 併 侯之意 君臣之 而 示 不 義 爲 又  $\wedge$ 與, 戒 春 自 孟 + 又

于上 謹 夫 況 造邦 諸 道 下 侯 不 ·, 慄 匪 大會 足 以 彝 慄 治 而 慆淫之戒者 危懼,若 心, 作 誥 諸 謂 侯 將 方 隕 兹 服 何 于 朕 而 翅 深 未 驕 霄壤 淵 知 ¬, 以 其 獲 之 戾 視

佹、《公》、《穀》作詭。 《穀梁》作甲子,不應甲子在戊辰之後,合從《公羊》作甲戌。」 甲戌,晉侯佹諸卒。佹,九委切。張氏曰:「《左氏》、

殊

哉

葬歟? 殺起也。不書葬,豈魯從齊桓而不會其晉侯,獻公也。此書卒,爲奚齊、卓子見

冬,晉里克殺 克之君之子也,非居 克殺之。 齊,晉獻 奚齊,而 里克,世 庶子 諸大夫不 子 其君之子奚齊。 奚齊既 申 驪 生之傅 非 姬 從 嫡 所 也。 喪 故奚 嗣 出 而 殺、《公羊》作弑 稱子之義。 其君之子, 齊 疑 又未 未 荀 立 息 Ì. 前 欲 則 立 里 里

也。 成其 克將殺奚齊,先告 貞?]對 不 之力,加之以 其若之何?』稽首 疾,召之,曰:『以 欲中立以 爲『鳥烏集枯』之歌,以 齊 古 秦、晉輔之,子將何 之徒作亂。 公卒,里克、平鄭 齊、卓子,而欲 太子之傅里克。 · 濟, 其 送往 殺 君 則 外傳》曰 之子 申生之謀。 曰: 『公家之利,知 以 事 免難,稱 居,耦 初,獻 死 也。 忠 納 繼 : 貞。 重 欲 謀 之。』公 而 故 是藐諸 公使苟息 疾 荀 俱 如 驪 納文公,故以三公子 耳。」《左氏》曰:「獻 及 於優施、飲里 對 不 不 ?! 荀 息 無 其 姬 曰:『臣竭其股肱 獻 書 朝 感 曰 : 猜 將 濟, 孤 公卒 動 日 ''**,** 貞 日 殺 息曰:『將死 辱 『三怨將作 驪 里克。 傅奚齊。 君之靈 無 申 也。」及里 弑 ', 乃 姬 一何 不爲,忠 在大夫。 其 遂 克酒 謂 殺 里克 而 君 得 也。 奚 忠 以 難

九二

後

里克守不定,遂

有中立之説

他當

時

怨,非 爲 善,誰 是 子 非 處 乃 傅,當晉獻殺申 將 乎 先 立 息立公子卓以 乎?』冬十月,里克 非 ? 奚 其 免難 君 日 奚 申 死之,人曰:『不如 齊 生 君之子 言 里 齊 不 里 雖 《國語 於一 。, 偷 報 克 矣 也。 里克 克 如 無 怨 曰 我? 益 殺 不 生 也。 : 所。 IIII 事 旦 **>** 也 其 可 失 載 殺 只以《左傳》所 葬。」愚謂: 里克爲 無 , 將 君 節 生. 我欲 以 若不當立,宜 驪 奚 且. 殺 益 之子 時不 矣。 貮 齊。 姬 焉 殺 殺申生 也 奚 立卓子而 陰託 辟之? 無貳,而 \_ 奚齊 能 齊, 以 而 及 夫奚 荀 欲 晉 死 里克之妻,其 何 則 叔 者,晉獻 於 復 争, 獻 哉 書,未見 齊 是 日 能 言 别立君 次 日. 輔 雖 死 : 臣 ௱ 之。」 謂 人 而 \_ 庶 之欲 報 13 欲 申 荀 人 愛 吾 也 孽 朱 君 其: 己 旋 中 生 荀 息 身 與 而

> 便 得 處 觀 只 自家若排 ſ 便 便 之, 難 便 里 用 在 里 克, 是 自 那 克 得 他 死 中 之 里 他 求 0 立 皋 克 生避 今一 便用 上。 明 不 變,太子 矣。」又 禍。」 排 許 天下 退。 驪 姬 無  $\vdash$ 可 他若奈何不 中立 中 安。 立之事 他 他 倒 由 ſ 是

十年春,王正月,公如齊。

之不 業愈 内辭, 書之。 來朝 知。 啖 通言之。 齊、 氏 如 趙 臣 盛 鄭 曰:「凡公及内 而 愚謂 魯 氏 也。」義 而 如 孔子因之也。 E: ... 往 紀。 然外諸  $\pm$ 張 緇 : 他 氏 如者 又 愈 所 或 蓋 曰:「莊公十三年柯之 見《隱十一年》「滕、薛 墜 侯 以 朝 魯不 矣。 大夫來 傷王 聘, 卿往他 往 也。 皆 朝 又見 魯 室之微,著諸 但言 王. 然 魯 或 故 ), 則 而 元 桓 朝 朝聘, E 聘,皆 朝 如 下 他 者,亦 Ŧi. 齊, 内 或 皆 年 侯 伯 書 明 外 口

一九

74

始 伯 齊, 盟 不 業 朝 朝天子而朝 自 魯 齊,見於葵丘之後,伯體 未 此 已 成,不 魯 服 不 齊。 責諸 朝 伯主, 齊 雖 侯 者 莊 自是始矣。」 以 幾 公 朝 因 禮 + 婚 年 也。 漸 姻 肆 今僖 蓋 再 栢 侯 公 公 如

狄滅温,温子奔衞。

焉。 子 畿 晉矣,今又 義 狄 蘇 即 日 杜 有 之大 得 又 孟 氏 忿生之邑。 其 事 著 見 滅 州 曰 夏 隱 之。 臣 温 狄 諸 13 縣 (滅温 益 蓋 七年 侯 伐 齊 本 此 熾 中 奔 此見王 北 侯 天 也。 或 滅 命 》「戏伐 周 可 戏 王 之狄。」 畿 狄 不 天子之邑, 出 伐那 則伯主尊 内 靈不 滅 治 居 國,成 凡 温 諸 鄭 張 矣,人衞矣,伐 ? 伯 振, · 桓 之 氏 0 權 公若 畿  $\pm$ 愚 而逼 曰 Ŧ 内 時 謂 輿 : 假 高 不 逐 諸 也 司 温 聞  $\mp$ 天 寇 而 氏 侯

子

台

子,晉 卓,驪 獻 克 則 里克 君。 以 諫 亦 從 亂 卓已立也。 大 人 惡 里 嬖 弑 可 君 如 成 以里克當 而 驪 之君 夫卓 克 爲 此 其 於 寵 而 中 姬之娣所 或 嘗 偷 昏, 故 姬 君 孽 大 立 不 也。 子雖 北 生者之勸矣。」愚 讒 而 Œ 得 以 古 殺 亂 事 申 面 賊之謀。 何 名其 求 其 不足言。 樹 生 事 君 見 庶孽,既 哉 免, 出者。 死 後 子 之矣。 未 臣之分已定, 殺 ? 弑 者, 世 , 坐 死 奚 君 幸免 然 君人者 之前 及 齊。 視 其 「。」高 然能 立 此 奚 其 太 而 父致之 其 齊、卓子 乎其 稱 終 不 又殺之, 謂 子 張 氏 身, 後 弑 也 : 無 口 氏 曰 能 而 卓已立, 位 而 皋 其君 身先義 -: 日 以 卒 也 犯 以 「聖 而 及 鑒 非 躬 荀 則 E 弑 死 卓, 死 此 臣 里 息 作 古 Œ. 無

矣。 義,據經廷諍 適立庶之禍者。 胡 而 氏 不受,其可得 티 : 義又見《桓二年》宋督事 里 克是謂 以 動 乎? 使克明於 正 其 其 持 君,執節不 弑逆之辜,雖 禄容身、速 君 貮 獻 康 以 臣 欲 公 古 大 辭 殺 侯

其職 弑君 免。 辠』,克之謂也。」朱子曰:「荀息 終不能免等死 太子 不知《春秋》之義者,必陷篡弑 不貴幸而 克欲 , 其 其 亦 亦不知命之蔽哉! 無 濟 成。 以 歉 則 中 所立者節,於死不貴幸 矣。 或 耳。 立祈免,自謂智矣, 之 人臣 不死 福 也,其不 一所明 於世子,而 『爲 者義,於 濟 誅 未見 則 人 死 臣 而 死 死 之 有 而 於 亦 功 而 於

喜能 爾。 미 取者,但始終守節 劉氏 ,則晉無殺世子之禍,衞無 不從孫林 曰:「里克能 父之亂,陳乞能 , 死君之難 不聽優施 不隨景 亦 之謀, 甯 逐 君之 可 公 取

> 逢 陳平之王吕氏、誅 惡,齊無 君之惡,故《春秋》正 嬖孽之變矣。 少帝 患 也 其 似 在 篡 此 偷 弑 安苟、 , 皆 不 之辠也。 明

夏,齊侯、許男伐北戎。

於臣之分者也。」

也。 況許 果如 杜氏 弦 前 是 氏 年伐 也。 韋 日 義又見《莊三十年》「伐山戎」。  $\vdash$ 方患楚,而 是乎? 許,豈可 「當 晉滅號、滅虞,狄嘗入衞、逼邢, 二北 晉,又近 時 戏,山 患有大於戎者、狄及晉、楚 所 置 謂 而 敺 滅 「不務 不圖 以伐戎,非 温 戎 也。」未詳 · 捨 召陵之後,楚 德 强 而 置 用 勤 是 弱 人之道 遠 否。 守 略 衞 滅

晉殺其大夫里克。

公。十年,夏四月,周公忌父、王子黨會 以求入。 左氏》曰:「九年,晉郤 齊隰 朋 帥 師 會 芮使夷吾 秦 師 納 重 晉 賂 惠

隰 克 朋 立 晉 使 侯 人 謂 晉 之 侯 日 殺 : 里 微 克 子 以 則 説 不 及 將 死 有

齊

以 者 此 矣。』伏 殺 興 不 里 亦 雖 然,子 劍 難 欲 乎? 而 加 死 之皋,其 弑 對 於 曰 君 是 與 不 無 \_ 不 鄭 辭 大夫, 聘於 有 平 ? 廢 秦, 也 爲 臣 且. 聞 君 子 謝 命 何 君

爲 與 緩 弑 賂 者,爲 大夫,其殺 ,故不及。《穀梁 重 耳 也。 之不以 夷 吾  $\Box$ 其 : 日 皋 也。 里克弑 是 又 里 克 將 殺 君 所

我 乎 :  $\sim$ ?』故殺之 春秋》之法 不 以 雖 其 弑 皋 君 也。」幸 之賊 以 老 其 孫 皋 E

專 討 之 殺 則 里克 書之,爲 雖 有 人不 弑 君 之皋 以 其 皋討 夷吾嘗 之, 命 則 爲 爲

口

V.

謂 大 非 大 夫」。 討 夫 里 克 賊 矣 了,又以 也 曰:『先君命大夫爲 引。」義 康 侯 己私 又見《 胡 氏 殺 莊二十六 之,晉殺其  $\vdash$ : 「若惠 世 子傅,世子 年 公 大 **>** 既立 夫 曹殺 耳

> $\vdash$ 克 大 夫 必 先 非 雖 再 君 其 又 殺 之 辠 拜 將 之, 命 耐 啚 而 矣, 死, 獨 寡 大 而 人。」 不 夫 不 念 大 不 復 夫 先君之命 恤 是 有 又 殺之不 言 殺之, 若 矣。 奚 乎 齊 以 惠 以 ? 者 及 其 卓。 辠 乃 則 既

施 者 也 之,何哉 也 葉氏 然 不 日 ? 書 : 討 所 晋 賊 以 里克、衞 之辭 殺者,非 而 甯 與 討 喜 殺 皆 賊 大 弑 也 夫 其 卓 君

幸 死,惠公求 卓之死 而 入,里 竊 其 克 位 實 者 迎立 也 焉 衞 獻 則 公 惠 之 公 古

: 則 荷 古 反, 與 政 聞 乎. 由 甯 弑 氏, 矣。 祭則 是 以 寡 求 人。」 復 此 於 贵 喜

: 責 子 以 討 弑 賊 君 者 歟 大 ? 夫。 及 其 爲 得 子 或 君 者, 惠 不 公 亦 則

乎 而 ? 患 其 而 專,乃 後 殺 與 克 公 孫 獻 無 公 地 既 公公 以 政 孫 許 臣 謀 甯

攻

甯氏,

免餘

殺喜而尸諸

朝

其討

克

與

喜

難

 $\vdash$ 

一九六

剽 中 喜』乎?」  $\exists$ 喜者,皆畏其害己而除之者也。 何 -,無所措手足。 歸 "『名不正,則言不順。』其 不 書 IE. 日 二辠之臣 『晉人殺里克』、『衞人殺 使惠、獻無 而 誅焉 極 春 媿於卓 至於 秋》 孔 刑 如 甯 Ż 與 不 子

秋七月。

冬,大雨雪。雨,于付切。《公羊》作雹。

《公羊》作邳。

秦伯曰:『吕甥、郤稱、冀芮實爲不從,若《左氏》曰:「十年,平鄭之如秦也,言於

謀由里克致之也。」未詳信否 出晉君而納 也。惠公既殺里克,平鄭言於秦伯,請 殺大夫」。 鄭。」未詳信否。 芮曰:『幣重而言甘,誘 濟矣。』秦伯使泠至報問,且 重問以召之,臣出晉君,君納重耳,蔑不 重耳,鄭則有辠矣。 蘇 氏曰:「平鄭,里克之黨 義 見《莊二十六年》「曹 我也。』遂殺 召三子。 然鄭之 丕

夏,公及夫人姜氏會齊侯于陽穀。

亂 年》。 婦 曰:「男女無别則瀆亂 齊桓方務伯業,不能 又與夫人出會,則男女之位復 内外之限,連喪三君,而 葉氏曰:「姜氏,聲姜也。」陽穀,見《三 人與焉,君臣之大義,夷夏之大計,凡 終之,所以不 邦衡胡 氏 振 曰:「魯以文姜、哀姜亂 也。 以禮屬 生,諸侯會伯主而 參譏之。」○張氏 僖公不監往轍 諸 侯,而以 不正矣。

所 淫 日 當 長,宜! 講 者, 必 桓公自是以往,黄亡不救,徐 有 所不及。 脯 般 樂瀆 亂 浸

怠棄國政,亦自此始矣。可不戒哉!」救不力,女寵盛行,伯業遂衰。而魯僖之

秋八月,大雩。

明年 也。 援 《左氏》曰:「黄人不歸楚貢。冬,楚人伐 之勢,相 國之義矣。皋桓公既與盟,而又不能 華,被兵城守, 黄。」康侯胡氏 心,見於陽穀之會矣。 曰:『毋怠毋荒,四夷來王。』桓公怠荒之 師不出 滅黄起也 義又見《僖三年》「徐 爲消長,而未有不原於心。 ,則失救患分災,攘夷狄,安 更歷 曰:「遠國慕 ○張 三時。 氏 楚人占之,而遂 曰 : 取 告命已 中 義, 舒」。 國、 背 夷 亦 至 夷 狄 與 故 爲 救 而 即

狄横

江、黄國

小而近楚,楚人固已視

上下

同力,死社稷也。」愚謂:周道衰,夷

徐人取舒」。

〇存耕趙氏

曰:「不言奔,

興伐黄之師也。」

十有二年春,王三月庚午,日有食之。

夏,楚人滅黄。

義見《隱三年》。

《左氏》曰:「黄人恃諸 弱。 伐江 管仲曰: 『江、黄遠齊而近楚, 楚爲利之 矣。』桓公不聽,遂與之盟。 或 我?』夏,楚滅黄。」《穀梁》曰:「貫之盟 供楚職。 困於强暴,不得其所。」義又見《僖三年》 也。」康侯胡氏曰:「見夷狄之强、諸夏之 也。 「滅黄。 責方 若伐 伯、 曰:『自郢及我 桓公不能救。 而 連 不能 帥 之不修 救, 一侯之睦 則 九 其職,使 百 無 故君子閔之 管仲死, 里,焉能 於 以宗諸 齊 也,不 小 或 楚 害

爲 几 上 肉矣。 然不有齊桓之盟,或 口 緩

既 數 與 年之命,未必見滅如是之速也。 之盟 而 不救,則君子之責 有 所 齊 歸 桓

也。 矣。 伯業 夫 齊 既 桓 盛, 未伯 而 ¨; 其 棄江 求 黄黄 諸 如 侯 敝 如 屣 此 者 之 勤 何

也? 力假仁者,力盡 以德行仁者,德愈盛而心愈固 志溢則怠矣。 故貴王賤 一; 以

伯 、《春秋》之大義也。

秋七月。

冬十有二月丁丑,陳侯杵臼卒。 杵、《公羊》作處。

義 見《隱三年》「宋公卒」。 又爲陳侯居

喪 出 會起文也。

+ 有三年春, 狄侵衞

義見《隱七年》「戎伐凡伯」。 ○張氏曰:

楚既滅黄,而齊莫之恤。 侵衞之師,所

以 肆 行也

夏四月,葬陳宣公。

義見《隱三年》「葬宋穆公」。

公會、 齊侯、宋公、陳侯、衞侯、鄭伯、許男、曹

伯于鹹

鹹 杜 城。 氏 曰 : 愚謂 鹹衛 : 次 年春 地。 東郡 有 諸 濮 侯城 陽

縣

東南有

于防」。

則

此

會謀城緣陵

也

義

見《隱九年》「會

緣陵事

秋九月,大雩。

齊。

義見《桓五年》。

冬,公子友如

義見《隱七年》「齊來 聘」。 〇張 氏 日

:

陽穀、甯母及鹹之會 ,其後公子友 皆 如

之,足以見友專魯政也。」

齊。

蓋伐楚、服鄭、城緣陵之事

魯皆

同

十有四年春,諸侯城緣陵

趙 氏 티 : 山此 即 Ŀ 會 鹹 之諸 侯,不 列 序

者,前目 後 凡 耳。」緣陵、《漢 書 地 理

九九

是 使 季 鄫 子 姬 先 來 與 朝 鄫 明 子 遇 年 于 九 防 月 而 季 後 姬 嫁 歸 也 于 鄫 此

季 姬 之 行 不 Œ 口 知 矣。

沙 杜 鹿 氏 土 日 : Ш 「沙鹿, 在 晉 地 Ш 0 | 名。 穀梁 陽平 **>** 元 城 縣 沙 東 有

名,林 羊 不  $\Box$ 元 : V 后 可 日  $\Xi$ 傳》作 以 |: 「爲| 屬 繫 道 於 或, 大 麓 山 天下 壞 。」杜説 爲 名山、 鷞 鹿 紀 倫 異 近是。 大澤 張 也。 斁,而 氏 不 日 劉 : 以封。」《 幸老 氏  $\sim$ 天下之人 티 : 漢 孫 書 氏 Ш Ш •

騰 晉 言· 見 皆反 崩 天 其妖 F 雖 Ш 皇 也 不指其事應,而 家 沙 極 崒 而 康 鹿 崩 則 JII 侯 堂,言 梁 天見其變, 竭 胡 Ш Ш 氏 崩 四 崩。 周 雖 之將  $\sim$ 應具 所 而 在 詩 以 H 於 亡也 》稱『百 召之, 食星孛 存。 益 ¬, 不 此《春 在 沙 111 口 ; 於 地 鹿 沸 以

事

夏 六 月,季 諸 侯 《穀梁 僭 姬 天子之權 及鄫 》作繒 子 著伯 遇 于防,使鄫 者之功 過 子來 也 朝

案 :

緣

陵,經不言國

示,未

詳

何

爲

大

意

謎

秋

八月辛

卯

沙

鹿

崩

緣

陵。

張

氏

日

即

濰

州

樂

昌

縣

愚

:

志

北

海

誉

陵。

瓚

日

:

 $\sim$ 

春

秋

**\** 

謂

之

似 陵

切

之始 請 孫 鄫 也 也 城 郡 張 季 不 一晉屬 己,與 防 一。」何氏 一。《公羊 氏 子 氏 姬 又 之不 僖 不 IF. 曰 : 曰:「此年六月,季姬、鄫子遇于防, 有 IE. 其 禽 公妹。 鄫 琅 □ □: □ - 夫、季 女, 如 獸 鄫 Ш 邪  $\approx$ 此  $\Box$ 無 或 乃使 書 男不親求 趙氏 姬 異。」存耕 在沂 非 穀梁 禹 之不 之以 要遮 後, 日 州 使 **>** \_: \_ 可 承 日 見 來 姒 鄫 女不親 趙 縣 魯未 以爲女矣。」〇 朝 姓 僖 子 氏 東 淫 公之不兄、 遇 日 使 漢 北 嫁 泆 者 : 許 來 屬 有 女 「夫婦 使 請 百 鄫 東 也 來 魯 己 謀 故 海

秋 垂 戒明矣。」愚謂 》畏物之反常爲 日 異,使人恐 星隕 食, Щ 懼 修省 Ш 崩 其 竭

有民社 繫之天下,有天下者之責也。 , Ш 脈 貫 通,豈可委之天下而不 然諸侯各

然沙 狄 侯 自 見獲於夷。 益 省哉? 熾 鹿崩,而天王居鄭,其 而 夷 夫 主夏盟,此 災 他如齊 異 古 不 桓 可 卒而伯業衰,楚 其 指 Ш 可 事 在晉,而晉 見之大 而言, 略

也。 天 地災異,而天地災異復爲生民害。 夫豈 天 心哉? 皆 人 事 亂 紀,以 蓋 召

感 在 小 於謹人事、慎所感而已。 有 應,應復 (爲感。 有天下國家者

狄 父侵鄭

義見《隱七年》「戎伐凡伯」。

冬,蔡侯肸卒。

有五年春,王正 大意見《隱 七年》「滕侯卒」。 月,公如齊。

> 杜 義 氏 見《隱十一年》「滕、薛 日 「魯之所朝者,惟齊、晉、楚。」 來 朝 ○獻 口

楚人伐徐

義見《三年》「徐取舒」。

及諸侯之大夫救徐。《穀梁》無衞 三月,公會齊侯、宋公、陳侯、衞 之而在陳侯之上。帥、《公羊》作率。 男、曹伯、盟 于牡 丘,遂次于匡。 侯二字。《公羊》有 侯、 公孫 鄭 敖 伯 帥 師

穆伯 《左氏》曰:「楚人伐徐,徐即諸夏故也。 與匡 盟于牡 西 垣 註 Ŧī. 牡 縣 南。」杜 丘,張氏 云: 『四塞,諸夏之闕也。』』《地譜》云 鹿、中牟。 近。 帥 西 南 師 丘,尋葵丘之盟,且 杜氏 及諸侯之師救徐,諸 氏 曰:「齊地。 張氏 蓋與牡丘 曰:「公孫 曰:「匡,衞 曰:「即 以衞 《齊語 敖,慶父之子。」 開 地,在 救 封 諸 徐 府 夏之地。 ₩ ⊟ 侯次于匡 陳 也。 長 留 垣 孟 縣 長

嚴 不協矣。 謹 益 難 徐 以 見《莊二十 庸》曰:『至誠 亦 公孫 矣。 始卒,欲 衰 也。 在 遠 待之。」 加 Ш 敖 而禦夷狄、 書大夫帥 今書『盟于牡丘』,見諸 東,與 舉兵 帥 康 書『次于匡』,見伯主號令之不 有 師 八 侯 或 伐徐,暴横 齊 年 無 胡 者敦不息之義也。」義 · || | 救 密 見 息,不息則久。』《春秋 安 氏 師 邇 孟 中國、 日 而 : 非 氏 鄭 諸 之專 楚都 侯 憑 之志怠矣。 有 不 陵之辠著矣。 餽 兵,亦爲 行,見 于 愚 侯 糧 郢 救 案 越險之 患之 桓 距 中 德 書 又 下 徐

夏 Ŧi. 月,日有食之。

書「楚人敗徐」起

文

也

書 日 闕 文也。 義 見《 隱 年

秋 七 月 師 曹 師 伐 厲

鄉。」張 杜. 氏 曰 氏 属 曰:「即徐 楚與國 州 徐縣,在 義陽隨 縣 徐、楚之 北 有 厲

> 矣。 之久者。 明 繼 氏曰:「兵法,攻所必 否。 年 間 \_ | | | 年 此 夏,齊伐 義又見《隱三年》「 愚謂 而 楚敗徐于婁林, 左氏》 後,不 況同 厲 於此 日 克救 不 盟 克, 不 叫 伐 同 而 見齊之不 救 厲 還,正 則 心,而 救 徐 以 厲 鄭 ,謂之奇兵。 而 救 在 伐衞」。 所謂 還 宋已伐 徐 所不 專 也 於 未 未 . 必 聞 救 同 詳 + 役 張 巧 徐

之曹乎?

月,螽。《公羊》作: 義見《桓 Ŧī. 年

八

九月,公至自 會

「公自 踰 義見《桓二年》「公至 三時 正 以 月 會 如 致 齊 者始於此 因 而 自 會盟 唐」。 暴師 高 於 氏 H

季 姬 歸 于 鄫

先書「遇于防」,使來請己,而 繼書 歸 于

惡

·熟,而人不加誅之。後君子知天之日

天應之也。」張氏曰:「天之擊怒,每

在

於

鄫一, 以 教 鄫。 文姜、哀姜以淫恣,聲姜效之,季姬遂狃 而 從者也。 之,所謂 一去秋 然哉 曲 爲習矣。」 厥後鄫子所以 則男女之不正可知 諸 與 ! 存 嫂始 鄫 不待父母 今公方自會至,而季姬 子遇于 也。 耕 趙 女之失教 之命、 防, 氏 取 曰:「魯諸姑之失 禍者甚酷,豈 因 媒 其 0 妁 自 曲 之言 請 高 母始 遽 而 氏 無 歸 遂 而 日 也 自 許 于 相 :

己卯晦,震夷伯之廟。

曰:「夷伯之廟震,而言『震夷伯之廟』,字。」《左氏》曰:「展氏有隱慝焉。」程子「夷伯,魯大夫展氏之祖父。夷,謚;伯,[震之者,雷電擊夷伯之廟也。」杜氏曰:趙氏曰:「晦者,晦朔之晦。」《公羊》曰:

而爲雷霆。不善之積,蓋亦如此。」「凡陰氣凝聚,陽在内者不得出,則奮擊監而畏其威,所以事天也。」○張子曰:

冬,宋人伐曹。

效如此 狄稍沮 愚謂 浸以 亂 貮 於是再見,宋襄爲之也。」許氏曰:「同 義見《隱二年》「鄭伐衞」。 始相攻,桓不能一矣,則何以 可見矣。」君舉陳氏 宋人内叛,則 八同盟 ? 貳矣。 伯德方衰,荒服闚夏,至是而諸 齊桓 一,其功 相 伐,身親見之,以力假仁,其 圖伯 威靈之陵夷,可不慎哉?」 大矣。 桓德之衰、襄志之私 四十年間,諸夏莫争,夷 曰:「諸夏之相 及其終也,人心離 〇薛氏日 禁 夷狄之 加 盟 侯 兵

楚人敗徐于婁林。婁,力侯切。

杜氏曰:「婁林、徐地。下邳僮縣東南有

救 徐 衆,不能 氏 仁之效 曹伐属」、「宋人伐曹」於中,書「楚人敗 侯之盟、之次、大夫之帥 婁亭。」 以 三 徐之不 於後, 也 張 敵 力,其 徐 則 氏 楚千里之孤 恃 齊 曰 1:「在 救 桓之無志,諸侯之解 情自 也 見矣。 泗 愚 兵,《 州 師 謂 臨 於前, 此 春秋 淮 以 皆以 縣。」《 七 書 参書 或 力假 體 齊 諸 之 左

有 完元 秦,嬴 氏 救 分 不言以歸也。」《左氏》曰:「晉侯之入也, 侯及秦伯』,言晉之主 一月壬戌,晉侯及秦伯戰于 韓 日 周 土 年 後 :「秦伐晉,惠公逆而 爲 姓,伯 送平王 附 爲 庸 秦 韓 舍晉 邑。 爵 或 東 即 遷 顓帝之後。 秦之六世 君 口 有 於 此 功 州 外, 戰 韓 封 請戰、故書 已 也 城 至 韓,獲晉侯 爲 \_\_\_ 周 而 縣 襄 諸 張 孝 歸 公,將 侯 氏 之, Ė 獲 日 二 晉 時 故 見 葉 兵 :

晉侯逆秦師,使韓簡

視師。

復 曰:

「師

少

口

周

旋

不

能

君

必

悔

之。

弗

聽。

九月

事

,及懼

而

變,將

與

人

易。

亂

氣

狡

憤

陰

Щ.

周

作,

張

脈

僨

興

外

彊

中

乾

進

退

不

所

納

之,無不

如

志

今乘

異

産

以

從

戎

+

饑,秦 之。 鄭 御 何?」對 伐 晉 秦 而 曰:『不孫。』卜右、慶鄭吉, 南及華山 姬 晉。 怨 侯 穆 知 戎,家僕 曰:『古者大事,必 賂 其人心,安其 之。 姬 烝 輸之粟。 晉侯 秦 屬賈君焉,且曰 於 曰:『君實深之, , 内 伯 賈 晉 徒爲 謂 以 侯 君 及解梁城,既 7,又不 河 慶 秦饑 許 右 鄭 外 「, 乘 賂 教 列 日 晉 中 乘 納 訓 小駟 : : 城 大 其 羣 『盡納』 而 『寇 閉之糴,故 五. 夫,既 産 公子, 可 服 東 弗使。 而不 鄭 若 深 習 羣公子。 生 矣, 其 盡 與。 是 而 也。 其 道 虢 若 皆 水 步 秦 以 略, 慶 之 伯 晉 背 穆 唯 +

興

戏。

若晉

君

朝

以

人,

靈

大夫請以

人。

公曰

夕

以

人

、則朝

以

死

唯

君

天

降

災,

使我

兩

君

匪

以

履

薪

焉

使

以

免

服

衰

絰

則

晉

自

咎

而

歸

鄭

以

救

靡

御

韓

簡

虢

射

爲

右

輅

古

敗

是

求

又

何

兆

焉

?

而

止

公號慶鄭

慶

鄭

 $\vdash$ 

而

得

1

。』壬戌,戰

於韓

原

況

或

乎.

?』遂使

請

戰。

韓

奮

倍 倍

猶

未

也。

公

 $\Box$ 

:

施

而

無

報,

是以

來

也。

於

我

鬭

士

倍

我。」公

日

大

夫

其

是

成歲

出

因

其資,

用

其

寵

侯

將

至

以

太子罃、

弘

與

晉大夫反首拔舍從之。 公誤之,遂失秦伯。 則婢子夕以 逆,且 玉 今又擊之,我 女簡 遂 簡 秦 裁 饑 : :『獲晉侯,以 帛  $\overline{\phantom{a}}$ 『愎諫 退 去之。 伯 晉戎 之。」乃舍諸 秦獲 夫不 何 相 食 告 穆姬  $\Box$ 璧 故? 見, 將 其 E 登 台 馬 止之。 三 吾 (粟,三 違 可 梁 而 臺 聞 侯 還 死 狃 怠 1 晉 H 對 以 以 濘 幸 ; गां 皋惟 之曲 逆戦 之道 惠背 也 日 吾 也、當立也。 東,置官 晉又饑, 牢 飴 何 厚 而 桓 1 縣秦 : 焉。 。 甥 歸 納 有 十七 ^ 會 焉 均。 焉 直 也 賂 夷 也 穀梁 秦 伯 ? , 皋之重 晉 秦 0 吾 而 經 秦伯 年》「 司 伯 愚 沿伯,盟 晉侯背 以 侯 既 不 必 焉。」 **>**  $\Box$ 伐 以 謂 求 日 ·與,故 歸 而 音 歸 夷吾,弟也,不當 徼 又 戰 晉 人, : 喪 餼 晋 邦 于 輕,皆 殺 于 賂 自 侯 施 歸, 韓 篡也。 而 是食 之粟 Ē 衡 君。」乃 奚 秦穆 慶 晉 及 逆 之戰,晉侯 經 胡 城、改館 焉 鄭 諫 致 秦 미 同 不 氏 伯戰 興 用 戎 而 而 見 秦伯 而 許晉平。 書 日 於是秦始征 之? 又 師 失民, 後 矣。 納 伐 以 人。 晉侯,饋 「重耳 康 不 篡 V. 不

失民矣。

專

辠

晉

侯

胡

氏

書

法

與

也

晉

納

重

耳

也。

夷

·, 兄

河

伐之,

厥

自

取

獲

義

夷,一則夷吾之辠,二則晉獻殺世子之 失道,不顧人命,以起此戰。秦伯獲之, 餘孽也。後世人主可以鑒此矣。 則又甚矣。」愚謂:以諸侯之尊而見獲于 以其民未敗而君獲也。」孫氏曰:「晉侯

後學成德校訂

春秋本義卷第十一

二〇六

# 春秋本義卷第十二

#### 僖 公

羊 十有 是月,六鷁 》作提,誤 六年 也。 春,王 退飛,過宋 鷁,五 正. 歷 切、《穀梁 月戊 都。 申 》作鶂。 隕、《公羊》作實、是、《公 朔,隕 石 于宋五。

也,而 意也。 『是月』,嫌同 先石後 退 康侯胡氏 飛,倒逆 石石 退飛,異矣。 杜氏 Ŧi. 静 者,猶書言牛一、羊一、豕 飛 物 曰:「聖人因災異以明天人 曰:「是月隕 日。 也, 必必 而 有氣驅之。」存耕 鷁,水鳥。」程子 見於宋,應在 隕 自 天; 石之月,重言 鷁, 宋 一之 也 進 趙 日 物 氏

> 明矣。 泓 圖 修 石 和 感 省 之戰,天之示人顯矣。 伯業,不自省其 氣 隕 應之理,而 · 變可 致 于 可不察哉 祥, 宋 消 乖 而 矣。 氣致 著之於經,垂 書  $\Box$ 德 異。 宋襄公亡國之餘,欲 隕 也。 石 苟 聖人所書之義 此 知 後 戒後世。 天 其 有盂之執、 故 應 恐懼 之也 如

三月壬申,公子季友卒。

子赤,此皆世 於季氏、仲氏。 卿莫甚於魯。 年》「益師卒」。〇劉氏曰:「《春秋》譏 意如而逐昭公,是以 孫宿、季孫意如、季孫 此記三桓之始。友之後、季孫行父、季 春秋》書之。」康侯胡氏曰:「大夫卒而 閔元年》「季子來歸」。 卿 魯之大夫皆世卿,然 季氏出昭公, 能 成 謹 其 斯 志其卒。 大意又見《隱 禍 皆執 者 也。 魯政。 而 義 仲 ※ 莫强 氏 是 又見 至 以 弑 世 元

書名 時 魯 卿 ,則曷爲書字? 有 生 而 賜 氏者,季友、仲遂是 聞諸師 □ ≈ 春 也 秋》

之端 官。 以 生 有 在 異賞報之也,故皆生而 援 僖 而 貽 Ÿ. 公 賜 經於其卒各以氏書者 一之力。 氏 有 權 者 翼 何 ? 戴 竊命之禍,其垂戒遠矣。 此二君者, 之勤,襄仲 命之世爲 不 弑 賜 ,誌變法亂紀 卿 氏 勝 逆,在 也。 私 俾世 情, 宣 季子 其 欲

夏四 月丙 申,鄫 季 姬 卒。 鄫,《穀梁 个》作繪。

臣

然其所以爲鄫之禍甚酷,故《春秋》詳 高 氏 曰:「季姬嫁 于鄫,纔及八月 而 卒。 志

之,以爲 後世之戒

秋七 月甲子,公孫 高 至春秋 氏 曰:「此公子牙之子也。 之終而猶未絶。」存耕 兹卒。 兹、《公羊 ·》作慈。 世秉 趙氏 魯 티 : 政

年》「益師卒」。 以 著三桓之子孫也。」大意又見《隱元

> 冬十有二月,公會齊侯、宋公、 伯、許男、邢侯、曹伯 于 淮 陳侯、 衞 侯、 鄭

吕氏 州。 者,此 既 高氏曰:「邢侯 左 右 衰 之時 曰:「大要爲淮夷而爲此會,其 義見《隱九年》「會于 。」張氏曰 齊次之也 也。 : 始 「後漢爲下 與會,一 淮 杜 而 氏 防」。 邳 在 日 鄭 或 後 許 臨 朴 之下 伯 爲 淮 業 鄉 泗 郡

+ 有 七 年 春 ,齊人、徐人伐英氏

齊 婁林 張 國。』《左氏》曰 也。」皆未詳信 齊伐 桓 氏 之役也。」邦 不 曰:「英氏、皋陶 山 能 服 楚, :「齊人爲徐伐英氏,以 否。 衡 而 胡 義 伐 氏 又見《莊 其 後之封,楚  $\vdash$ 與 : 楚 或 三十年 人病 是 遷戮 之 徐 報 與

夏,滅項

杜氏 項 國,即汝陰項 縣。」張氏 非但

魯也。

鄭伯

會于夷儀,鄭公孫舍之

『莒牟來奔』。

春秋之季,大夫不稟命者

在

晉,書『邾

庶其來

奔』。

昭公在晉,書

非特踰

時

加

른

帥

師

人

陳

蔡侯會于召陵,蔡公孫姓

帥

淮之會,公有諸侯之事,未歸 項城縣。』《左 秋,夫人姜氏會齊侯于卞。卞,皮彦切,《公羊》、《左 師滅沈、《春秋》必志之也。」

項。」程子曰:「滅人之國,皋惡大 氏》作弁。

杜氏 曰:「下,魯國卞縣。」張氏曰:「在

襲慶 府 泗水縣。」義 見《十一 年 此

則

公在會 而 夫人自出會, 瀆亂 極矣。 存

矣,今又獨會齊侯于卞,失禮成俗,習以 耕趙氏曰:「夫人前與公會齊侯于陽 穀

爲常。 會而書之,謹禮也,懲惡也。」 姦與不姦,未 可 知也。 聖人因

夫出

,五世希不失矣。」《春秋》書此,一

夫擅!

國政、握兵權可知。

此亦昭公客死

謂:先書「滅項」,後書「公至自

會」,則大

矣,在君則當諱。故魯滅國,書取『滅

而

取

氏》曰:

「子爵。

漢屬汝南,

即

陳州

項』,君在會,季孫所爲也,故不諱。」

愚

乾侯之權

興也。

故曰:「禮樂征伐自大

見王

綱

太壞

而

大夫滅國,二見

魯君:

失政

而三桓擅權

,三見齊桓未死

而

伯業已

墜

九月,公至自會。

自唐」。 孫氏曰:「踰三時。」義見《桓二年》「公至 此又見「滅項會下」,而公在會,

矣。義又見《莊十年》「齊滅

譚」。

〇君

襄公

舉陳氏曰:「滅項,失兵權之漸也。

冬十有二月乙亥,齊侯小白卒。

曰:「桓公雖能用管仲,攘夷狄,伯諸侯, 義見《隱三年》「宋公卒」。 ○東萊吕氏

二〇九

秋本義卷第十二

其

格 正 子 有 之 君 也 亂 之學,徒急於 匡天下之功。 其 所 以 有 然仲本無 始 時 無 之功 終者, 利 正 家 卒 心 法 致 誠 不 意 Ŧī.

伐齊。《公羊》宋公下有會字。 十有八年春,王正月,宋公、曹伯、衞人、邾人

皆 大 寵 仲 衞 内 奔 有 密 姬 左氏 宋。 屬 求 内 寵 於 姬 姬 嬖如夫 ,公許之立武 孝公於宋襄公,以 生懿 生惠 寵 立。 衞 >> 日 姬,皆 + 以 共 公, : 八 殺 齊 姬 公、宋華子 人者六人:長衛 「齊侯 桓 無子。 年春,宋公以諸侯伐 羣 鄭姬 因寺 吏,而 公卒,易牙入 生孝公,葛嬴 之夫 人 孟 齊侯 立公子 生公子 貂 爲太子。 管 以 人三 好 薦羞 仲 姬 内, 無 维 ( ) 與 卒,五公子 生 0 虧 於公,亦 武 多  $\pm$ 生昭 公與 寺 雍 孟 内 姬 齊。」 孝 人 从 少少 公, 寵 公 貂 有 管 徐

之喪,

乃

成

桓

之

私

意

帥

四

或

之諸

侯,奉

少奪長,大亂齊國、《春秋

》深辠之也。」

勢,順

其

少

長

以

撫

定

之,

使

得

以

終

桓

公

桓公未

葬,長

子

既

立,宋

襄

不

能

從

宜

因

階。 氏曰 矣。 踰月 齊桓 制其尊卑正 + 也 桓 而 納孝公 人不心服 穀 年 帥 求 0 梁》曰 公之君臣,既失其 一:「長 ·, 宜 諸 義又見《隱二年》「鄭 諸 盛 桓 而 侯,此 也 既 時 侯尊天子,攘 諸 其 卒, 也。 :「非伐 幼 侯伐之者,身不修 急 既 無 否之辨,而 有定分, 没,而 其身見 求 而 役 吾觀 帥 伯 不 ·從,其 喪也。」愚謂 諸 也。 人益 齊、宋,舉可 侯 桓 夷 執 制 輕 狄, 或 以 不 公、管仲 思 事 命之 屬 伐 度 伐 幾亡 之。 生民 齊 幼 德,不 衞 喪 面 如 義 少 : 家不齊 爲 也。 矣。 息 以 不 然 此 宋 永 肩 量 爲 襄 能 死 非 其 張 鹽 僅 力 當 亂 自 几 齊 特 謹

夏,師救齊。

之甚,而

狄

乃假

義

名

以

救之。」愚

謂

夷

:

召 孫 於此 興 稱 者 師 師 則 忍 僅 將 然諸 但 救 可 卑 僖公之 之乎 耳。 師 侯伐 衆也。 ? 祖 齊 若 桓 而 諸 桓 公見 魯救之,猶 侯 公 非 在 殺 王 時 於 命 齊 以 爲 不 伯 爲 彼 得 善 事 子 擅

甗 **T**i. 魚 月 免切 戊 寅, 宋 師 及 齊 師 戰 于 甗, 齊 師 敗 績

之以 急於 地。 宋 劉 師 氏 莘 爲 爲 啚 日 . 利 老 志 伯 宋 孫 平 也。 戰 氏 此 而 有 義 日 戰 言及者,主之者 皋矣。」 : 也。 又 見《隱 幸 杜 其 愚 喪,乘 謂 氏 日 : : 年 口 也。 其  $\stackrel{\cdot}{\approx}$ 見 甗 亂 鄭 宋 猶 伐 之 伐 齊 

狄救齊。

衞

中 高 或 氏 之不 日 . 知 此 義 非 也 善 狄 諸 之能 侯 伐 救 人之喪,不 也 所 以 甚 義 惡

> 與 僅 狄 而 有 狄 宋 狄 次 邦 而 伐 交孚而相親 聶 衡 師 與 之, 胡 中 北 齊 氏 加 或 中國 桓 己。 日 之 未 : 事 莫與, 乎? 嘗 自 其 則 後侵 狄伐 加 王 而 綱 兵 軼 狄 邢 之 乃 焉 中 齊 隊 救 或 之,其 可 至 桓 無歲不 其卒, 知 救 那, 齊

秋八月丁亥,葬齊桓公。

易 葬不 之恤 非 伯 在 車 康 『實行 威 牙 人,櫃 侯 淺 , 及 胡 乘 至 **\$** 時 期 矣。」義 氏 存 于 天子之事,不能慎 方 加 日 : 用 耕趙氏 九 在 何 乎 事 哉 月 殯 四 , 又 桓公九 使 而 海,幾 見《隱 四 日 後 桓 管 :「五伯,桓公爲盛 鄰 公不 葬, 仲 謀 於 合 三年 既 以 動 改 能 諸 終如 死 此 其 物, 保 侯 · »「葬 見 或 其子,以 而 始, 雖 不 功 家 寺 宋 付 利 名 以 而 貂 穆 之 莫 方 兵

此見閹寺之爲人國家害甚矣。」

冬,邢人、狄人伐衞。

三年 其 至 以 臣 侯 陸 而 遷 後 成 列 氏 偕 可 國,則 ¥ 序侵伐 夷狄以伐同姓,邢之皋大矣。亦 文 辭 衞 曰:「凡夷狄用兵, 耳 伐 鄭 愚謂 邢 人 狄 無 盟 伐 者邢之仇 滅 他 會 衞」及《七年》「戎伐 邢 邢 義 1,則稱 起文 既 也。 稱 也。 也。 人,則 唯 人以 夫 舉 狄嘗 今邢以 或 義又見《 便文,而 狄 號。 伐 亦 邢 稱 中 如 凡 隱 爲 或 邢 君 諸

有九年春,王三月,宋人執滕子嬰齊。 始伯 凡三十七年,衣裳兵車之會,未嘗 此宋 左氏》曰: 滕 求 子與 伯 「宋人 也 (焉,既 莊 執滕宣公。」高 + 而 六 背之。 年幽 至齊 之會 氏 反侯卒, 列 齊 曰 於 桓

伯

宋襄 夏,亦已甚矣。」孫氏曰:「五等之國皆諸 以 氏 侯也。其或有皋,方伯請 以令諸 人效尤而 命之執 免矣。」愚謂 日 今乃肆己之彊 1:「齊 效之而 侯 則執之,不得專執也。」〇存耕 執宋公矣 也 桓 執 之伯,執 出 然宋 虐 人之君,以 乎爾者反 · 擅 襄 不及 啚 執 伯 或 君,已爲 於天子,天子 君 當 是 乎爾,故 以 以 求 陵 德 伯,難 薄 轢 懷 矣。 楚 趙 徠

作人,誤也。 夏六月,宋公、曹人、邾人盟于曹南。公、《公羊》

范氏 蔑 但 曹、邾皆 曰:「曹 使其 曰:「曹南, 臣會之。」義 稱 南之盟, 人者,宋 蓋 曹之南鄙。」莘老孫 宋 又見《隱元年 襄 襄 威 求 德 伯 未 而 著 爲 · 》 盟 之也。 曹、 氏 干 邾

鄫子會盟于邾。己酉,邾人執鄫子用之。鄭

其間。

宋襄既有求伯之心,而首執滕子

伐

血

而

御

遺 視 侯 爲 趙 鄫 效,淺深遠近 未 桓 心 之,同於 寒而 既 相 · 甚於禽獸之吞齧矣。○ 牲用,見 氏 風餘澤久而 子 而 匡天下」之言也。 没 不 執  $\Box$ 會 能 :「上言會盟,下言用 盟 猶 亂 牲 圃 誅 作 不 于邾者, 鄫子往 諸 也  $\pm$ 於斯 可,況用之爲牲乎? \_0 侯悖亂 周 其 綱 未斬。 一愚謂 道 禍 大壞,諸 陵 可 有 如 遲 : 伯者 見 甚 然 以 此 甚 馬 王. 侯 諸 矣。」愚 邾 者。 使人革面,骨 者化及人心, 胡 孔 暴 侯 之,緣 或 氏 虐 子所 執 [爲盟 王、伯之 日 而 諸 謂 天子 以 盟 無 侯 也。 諸 有 齊 人 用 而

秋,宋人圍 曹。

言於宋公曰:『文王 左氏》曰:「宋人圍曹 旬 而 不 降,退修 教 聞 而 討 崇德亂 復伐之,因 不服 而 也。 伐之, 壘 子 魚 而 軍

春秋本義卷第十二

書屋 若此者。 也。 身傷,不 降。 盟曹南 於令諸侯、執嬰齊、非伯討 人不治 了。皋可知矣。 得 人,若之何? 後 未乾,今復圍 于家邦。」今君德 諸 或 《詩 遯 動。』康 經書襄 侯之國,天子 活馬 非 反其 ,自此始。」 仲尼 知 日 "; 非 同志 反 公不 知。 : 侯 求 特 筆 刑 〇君 不足以示信 曹,愛人 諸 胡 畫 越 襄公不 盍 削 于 己、欲 氏 數 筆 如 姑 無乃猶 舉 所 寡 ⊟ : -公端,而 化工賦像, 内 之肖 陳氏 妻, 封 能 不 省 速見 至 不 内 親 盟 德 有 其 曰:「諸 以 知 足以示威。 自 于 于 反 乎 所 諸 形 小 其 卒於兵 曹 ? 兄 省德,急 其 闕 并其 耳 操 利 侯 弟, · 而 南 之 夏 韋 心 無 過 愚 情 敗 敠 以 以 口

衞 人伐 邢

謂

不

侯

報 去年之役 也。 張 氏 日 : 衞 不 自省其

義又見《隱二年》「鄭伐衞」。 從宋伐喪之辠,而以報復爲事,辠也。」

《穀梁》。」曰:「《公羊》會上有公字,以諸侯皆稱人考之,當從《左氏》、冬,會陳人、蔡人、楚人、鄭人,盟于齊。張氏

范氏 戎于 十年 聖 以 年 鄭 或 于 衰,莫能抗 - 復盟 伐宋, 會 齊,其 人書此, 伯 ,外卑者。」康 既 日 : 「 始 盟 自 朝 没,而 、皋著 於 而 此 於楚,其後遂爲 會 也。 鹿上。 ○邦 所 楚 始 矣。 無 以 於 魯、 愚 衡 侯 主 著 是 至會于盂 桓 胡 胡 陳、 謂 義 名, 夷 列 公既 氏 氏 又 狄之强 蔡、 於 齊 内  $\sqsubseteq$ 日 見 陳、 没,中 鄭引 卑 :「楚之得 桓 隱 此 者。 攘 夫 不,傷中 · 遂執 蔡之上矣。 盟。又二 楚 四 夷 或 年 四 人 狄 夷 無  $\approx$ 國之 宋公 以 者 口 與 或 伯 īF. 盟 盟 中 川 稱

以

法度。不然,則必啓其貪婪之心。

楚

興,效 何,而 以啓之。」 滅 大 自晉文之後,争主夏盟,至楚 八求諸! 陳、 蔡而 春秋 楚 侯爲會於申,執徐子,殺 一轍,中 終 焉。 -國遂 本 其 臣 横 由 潰 其後吴、 來,皆諸 幅 裂,無 靈 慶 即 封 位 越 侯 可 有 繼 奈 遂

梁亡。

張氏 也。 好土功 後。 日 襲我。』民 曰:『某 梁亡,不書其主,自取之也。 塞,上 《穀梁 此 梁  $\Box$ 其 项 : 地 窓將 自 未 無正 日 屬 懼 有伐者,其言梁亡 梁, Ľ 城 司 而 至。 長之治,大臣背叛,民 湎 奈 而 嬴 潰,秦 州 弗 何 ? 姓 韓 於酒 乃 處 國,伯 城 溝 遂 民 縣。」《 公宫 魚 淫 取 罷 爵, 爛 於 梁。」《公羊》 而 左 色, 何 ? 而 曰 : 虞 弗 初, 氏 Ľ 伯 心 堪 自亡 梁伯 秦將 爲 昏 也。 翳  $\Box$ 則 之

以 惡易 没 聞 取之。 爲 洛 無 滅 湎  $\overline{ }$ 於師 (亡,其意微矣。《春秋》之作,聖人 左 明微也。」 而 人之君 而 加 亡,然孔 見 氏 梁亡 不 損 所取亡之道 其自取亡之跡,不必論也。」陸 也。 》以 書,其義安在 曰:「秦人肆其强暴,取 焉 · 自 . 正 而 梁 滅 不志於仁,危亡之來,皆自 Ľ 子書『梁亡』爾,不曰 名 好 人之國,皋易知 也。 +: 圃 衆,一惡不 已矣。」莘老 功、《穀梁》以 梁亡 ? 曰 : 剪鄭 乘 ·足以 棄 也。 孫 人之國 人之危, 其 梁爲 氏 盡 師 所以 自 曰 之。 所 取 氏 淫 我

二十年春,新作南門。

新 門也,本名稷門,僖公更高大之。 不 穀梁》曰 有故 與諸門同 也,非作也。」杜氏 「作,爲 ``,改名高門。」《左氏》曰: 也。 有加 曰:「魯 其 度也。 今 城 書 猶 言 南

> 奚斯 也。 其 宫 爲 何 舊 氏 不 書以見勞民爲重事 有中。』《春秋》凡用民力得 垂 者爲 廟 者 必 康 可 時 E 乎? 也。」《 教之意深矣。」 以 董 改 魯 侯 知 人爲 胡 國之先務,雖用民力,不 事 作?』孔子 其役,史克頌 案『新 譏 氏 其 然僖公嘗修泮宫、復閟宫矣, 公羊》曰 其 長 祖考,學校 奢 延 護用 府 廄』不 泰妨農功,改舊 閔  $\Box$ , 而 二。『夫 其 子 況輕 門有 民力於所不當爲 言作,此言作,改 事 騫 以 , 而 Ē 教 其時制 人不言,言必 古 用於所不當 或 經 常常 可廢 之子弟, 不書 仍 制 也。」孫 者,猶 舊 也。」 者 買, 也。

夏、郜子來朝。郜、古報切、《穀梁》作邾。

杜氏 薛 陰 成成武 來朝 日 : 有 郜城。」義 郜 娅 姓 國。」《後 見《隱十一年》「滕 漢 志》: 濟

五月乙巳,西宫災。

書? 薛 於天也。 Ė 「小寢 記異 日 也。 西宫, 也。」存 有 魯 耕 西 宫 之 趙 貮 則 氏 有 曰:「必有獲譴 室 東宫矣, 也 一。」《公羊 何 以

鄭人入滑。

高氏 《左氏》曰: 强 公子士洩、堵寇 陵 弱 日 也 鄭 「滑人叛鄭 義 伯 見《隱二年 與 帥 (滑伯) 師 入滑。」未詳 同等諸 而 服 · | | | | 於衞 侯 向 而 夏,鄭 信 人 滑 否

張氏曰:「記天王出居,鄭之始釁也。」

秋、齊人、狄人盟于邢。

都。」愚 伐 狄稱「人」,見《十八年 方 齊、狄 衞 病 邢 以 盟 。」幸老 謂 救 于 齊, 狄嘗伐邢,邢 邢 於 八爲那 孫 是 氏  $\equiv$ 日 謀 或 : 衞 》。 《 左 會 至 前 難 盟 遷 年 也。 於那 或 冬,邢、 氏》 於 之 是 齊 日 或 桓 狄 衞

> 矣。 之所致 齊之不 伐 齊 稷之怨, 述 亦 夷、夏雜盟,又爲不義。 衞 事 嘗 德邢、狄見救之小惠 義又見《隱二年》「盟戎于唐 ·, 而 以 帥 也。 報 曹 振,邢之見 偕 而 私 受盟 狄 宋 令春 怨,而忘其 以 以 盟 救 秋》 於 于 邢 滅 或 比 矣。 邢 於 都 事 所 衞 邢 不孝不義,原 均 邢 見 謂 齊 皆 亦 不孝 孝 狄 侯 義, 但知 不 志 不 矣 垂 知 也 宗 能 戒 合 大 其 廟 繼 義 遠 後 黨 於 且. 志

冬,楚人伐隨。

年》「荆敗蔡師」。 陸氏曰:「隨、姬姓、侯爵。」義見《莊

二十有一年春, 狄侵衞。

也。 衞 張 邢、 氏 狄 雖 狄,夷也,惡可 日 可 患 大 救 難 邢 齊 相 之 者 救, 盟 也 與 也 中 而 衞 或 非 存 伐 事乎? 狄 耕 邢 之所 趙 則 氏 得 狄 狄  $\vdash$ 雖 爲 侵

之,以爲 義 侵 :「齊孝公 又見《 衞,不足以 中國 隱 七 不能 患。 年》「戎伐凡伯」。 存邢,適以速邢之亡 嗣父之業,楚、狄 此 齊、邢之盟 所 張 爾。 以 皆 因 氏 兩

宋人、齊人、楚人盟于鹿上。

書,而邢、衞並受其禍也。」

乎 ? 子目 或 年 著 E 亦 汝陰有原鹿縣。」《左氏》曰:「宋人爲鹿 之,故序其上也。」杜氏曰:「鹿上,宋地 莘老孫 而 演攘 嘗思召陵之盟,楚使屈完來盟于師之 》「盟戎于唐」。 襄公之自 求之於夷狄亂常之楚,此《春秋》所 之盟,以 夷 幸而 夷狄,伯者事也。 日 氏 曰:「三國皆 後敗。」」張氏 求諸侯於楚。 取 小 敗 或 辱 ○存耕趙氏 争 也。」義 盟 微 宋欲繼齊者也 曰:「欲伯 禍 楚人許之。 者爾,宋實主 也。 又見《 日 宋其 隱 尊 諸 以 中 侯

其國,自兹始焉。」國小德薄而求諸侯,至見執見敗,幾亡伍,適以啓争長之暴。」莘老孫氏曰:「宋故乎? 今乃求諸侯於楚,略不羞與楚

夏,大旱。

應之。 不和 尫。 七年是也。 杜 義 不 羊》曰:「記災也。」莘老孫氏 焚之滋甚。』公從之。」未詳信 爲? 天欲殺之,則如勿生。若能爲旱, 食省用,務穑勸 大者,非常之辭。 氏 又 雨同,而史氏所書,詳略輕重 見《 티 : ,非常爲災之辭也。」愚謂: 臧文仲日 詳記災變,所以示戒也。」 莊  $\sim$ 三十一年》「不雨 春秋》書大旱者二,此年及宣 皇極 『非旱備 分,此 不 《左氏》曰: 立,五事 其 也。 務 也。 不正 修 「公欲 曰:「陰陽 否。《公 或異耳。 城郭,貶 大意: 巫 而咎 獻 尫 焚 口 與 何 从

會 秋,宋公、 于盂 楚子 執 宋公以 陳 侯、 伐 宋。 蔡侯、 盂 鄭 音 伯 于。 許 《公羊 男 》作 曹 霍 伯

葉

氏

日

:

楚子

何

以

先

諸

侯

?

宋

襄

欲

圖

楚

楚子 盟 已甚 公于 不 侯 宋 以 與 伐 伯 畏楚,從 日 楚 與 之上,其 襄 會 釋之,則 宋。」陳 而 盂 一, 其 皆 辠 或 口 者、蠻夷 不 盂。子魚 會 度德 共 中 宋地 楚子,諸 令共 何 執 岳 或 辱 也。 共 以 量 之。 氏 者也,尚 之雄,先王 執 身 執 堪之?』於 日 。」《左氏 力 之義 害 然 伐 聯 過禍 宋 以 侯 或 齊 司 既 啚 推 古 顯 桓 類 服,諸 何 伯 諸 先 其 **>** 宜. 矣。」愚 皋 猶 責 之 侯 是 在 曰:「諸 楚 反 哉? 有 所 此 之會書之, 楚執 子 可 然 侯 躋 攘 膺 乎 後盟 也 知 Ŧī. 蠻 謂 楚之功 ! 擊  $\sim$ 宋 0 侯 矣。 或 夷 一: 五. 春 驅 公 諸 于 杜 於 君 會 秋 逐 彼 薄 諸 伯 明 宋 侯 以 欲 氏

書此,見中國之衰,蠻夷之横,由諸侯之

冬,公伐邾。

自

取

也

人使宜申來獻捷。

捷。」 《莊三十一 會 口 拒 獨 或 獨 年,從可 不言宋者,秋伐宋,冬來獻 王 一, 而 其 來 氏 也 不 於 與,故 康 獻 使 四 日 伏兵車,又以 「宜 侯胡 宋,先代之後, 捷 而 夷 知 者 則 不受可 年 也。 楚 「, 主 氏曰 有 申 來 **%** 愚謂: 捷,諸侯 謀 獻 :「諸侯從楚伐宋,而 閼 杜 也。 者楚 捷 軍 氏 氏 作 子 以 諸侯 獲 請 也 日 遺 賓 脋 西 於 於 : 魯。 也。 獻 王家,方 百 天 天 劉 捷, 獻 諸 伐 子 子 氏 爲 宋 侯, 獻 宋, 事 則  $\Box$ 而 魯 捷 捷 討 不 横 修 有 而 世 之 見 盟 魯 獻 中 楚 異 逆

甚

矣。」〇邦衡

胡

氏曰

: 「齊捷

戎

门以

中

或

而 而 捷 捷 夷 中 或 狄, 猶 ,不可言也。 可言也 楚捷宋,以夷 狄

+ ·有二 月 癸  $\dot{\mathbb{H}}$ ,公會諸侯,盟于薄,釋宋公。

故 高 前 氏 目後 曰:「書會諸侯者,以諸侯皆在,是 凡,且見公之續至 也。」任 氏

薄 都 會于薄,以釋之。子魚曰:『禍猶未也 縣 也 」。」張 即 湯 氏曰:「案《地 都 0 古字通 用。」《左氏》曰: 譜 》,拱州 考城漢

曰

薄,《

史記》作亳,漢山

陽薄縣,湯

所

大義, 不足以懲君。』」愚謂: 以 Œ 諸 侯, 與 夷 魯不能告天王 狄 執 諸侯之辠。 一,明

魯 顧 魯、宋屈 以 既失義矣。 獻 辱 捷之威,出爲 而後釋之,則 Ŧi. 國諸侯從楚之謀,俟 會盟,求釋宋公, Ŧi. 國 自損其 中

難 國之體 以 在 矣。 人上矣。 宋公以 況 蠻 諸 侯 夷主此謀哉 而 見釋於諸 侯 宜

楚之益無忌憚,而中國之益衰也。

故張

爲 以 氏 變、《春秋》所謹 爲 也 曰:「書『公會諸侯于薄,釋宋公』,蓋 ○」○康侯 中國之大 胡 恥 也。 ,而皋 氏 曰 : 或 以 魯與諸 山此 爲 嘉 IE. 天 侯 我公之救 下 之無能 之大

二十有二年春,公伐邾, 取須句。 權俱 切。 公

患,誤矣。」

羊》作朐、後同 莘老孫氏曰:「須句,邾邑。」張氏

杞。 東平府須 城縣。」義 及邾戰于升 見《隱四 年》「莒伐

夏、宋公、衞侯、許男、滕子伐鄭

亦爲

是年

陘

起文也。

公嘗困 者 能 未 魚曰: 『所謂禍 左氏》曰:「鄭伯 也。」義又見《隱二年》「鄭伐衞 反 有 其 以 知以 增益 ·於楚· 治 其 矣,疾 所 人,過而 在 不 如楚。宋公伐鄭。 此矣。』」張氏曰:「襄 疢 能 雖 不 甚,而 穀 改,而 梁氏 德 又甚之』 所謂『不 慧 術 子 知

二九

日

----

、言い、こそれ。 上は 可:「十座,秋八月丁未,及邾人戰于升陘。音刑。

復 謂 戰 不書 地 心。」高 一同 其 也 魯取 舊 邾 公,大夫 公伐 氏 邑 義又 伐 邾 日 而 我 邑 -邾 驅 見《隱二年》「鄭 而 也。 邾來 書法 民 致 取 以 寇,僖 須 杜 伐 與《桓十七年》「戰 戰,始終皆有辠矣。 句, 我 氏 公不 日 以 而 : 伐 起 魯 反 衞 此 遽 升 躬自 戰 及 涇 邾 干 愚 人 魯

與《桓 古 事 待 乎 不 楚人 諫 也 言 此 戰  $\vdash$ 世 伐 楚伐宋」 + 杜 也 宋 『天之棄商 氏 敗 以 年  $\Box$ 稱 戰 **\*** 救 而書「及楚人 稱 師 鄭。 戰 者,見 沼丛 公者, 于 久矣。 水水 宋公 奚 名。』《左氏》曰 君 師 同 將 衆 行 君將 戦」, 戰, 大 師 蓋 敗 從, 興之,弗 大 宋 書 紀 司 師 公 法 馬 實 不 主 亦

志

鼓

儳

口

也。」

孫

氏

 $\vdash$ 

宋

襄

無

齊

桓

氣

也

利

而

用

之

阳

隘

口

也

聲

盛

致

『君子 衆我寡 傷股, 成 不 未 宋 可 不 乎 以 Ĺ 列。』子 赦 而 可。 可。 ? 既 不 阻 也 不 門 7,及其 列 隘 成 己。 猶 重傷,不 既 既 官 , 天 贊 魚 也。 列,楚人 有 殲 濟 陳 日 弗 未 懼 焉 而 而 -寡 聽,宋 既 焉。 未 後 我 人雖亡國之餘,不 禽二毛。古之爲 君 濟也 未 成 或 也。 擊 且今之勍者皆 未 列 既 人皆咎公。 之, 公及 文 ,請擊之。」公日 知戰。 濟。 阻 宋 以 楚 而 급 師 告。 鼓之,不 人 馬 勍 敗 戰 敵 曰 公曰: 績 公日 軍 于 : 之人 鼓 吾 『彼 也 泓 亦 敵 公

毛 勿 明 也 隘 口 重 恥 則 雖 ? 教 及 如 戰 若 胡 服 焉。 愛 耈 求 獲 重 殺 傷,  $\equiv$ 敵 則 軍 也。 取 則 以 之,何 如 利 傷 勿 未 用 傷。 有 也 及 於二 死 愛 金 其 鼓 £ 如 何 以

過 楚。 也。 鄭 而 於險,不鼓不成列,此至仁大義,雖 之資,而欲紹齊桓之烈,帥諸侯 而 ○《穀梁》曰:「泓之戰,以爲 中國羞。」義又見《莊十年》「荆敗 以以 戰不能過之。 ,襄公之謂 不務本,飾小名而 不治則反其知 雩之恥,宋襄有以 故盂之會,見執受伐。 起 此 戦。 也。」劉氏 師 《春秋》惡之,以 過 喪 妨 而 身傷,七月而 大德。 曰:「宋襄不 自 不 取之 改又之是 今復與 復雩之 也。 此 蔡師 其 無 而 死, 記謂 治 異 好 楚 致 文 厄 盜 戰 王 X 之 1 恥 爲 争 强

十有三年春,齊侯伐宋圍緡。緡,亡巾切。《穀跖之分均爲仁、出後爲義也。」

梁》作閔

時 東 杜 作 緡 氏 緡。」張氏曰:「即 城。』《漢 日 : 緡,宋邑。 志》:「山 高 陽郡 濟州 平昌 東緡縣,春 金鄉縣。」康 邑 縣 東 南 秋 有

夏五 《左氏》曰:「宋襄公卒,傷於泓 月庚寅,宋公兹父卒。 侯胡氏 襄之率意妄作,窮困而死也 意見《隱七年》「縢侯卒」。 日 義 乘 中 既 :「不正,其以惡報惡也。 其 或 敗於泓 又見《隱 約 攘 曰:「齊伯,國之餘業也。 而伐之,此尤義之不得爲者也。 夷 荆楚之勢益張。 狄 五年》「宋伐 恤 患災、 兹、《公羊》作慈 鄭」。 畏簡 此 齊侯 書之意,又 又以 故 既 也。」大 宋 見 襄公 無 宋 尊

秋,楚人伐陳。

冬十有一月,杞子卒。 義見《莊十年》「荆敗蔡師

○高氏曰:「人春秋以來,始書杞卒。」成公卒。」大意見《隱七年》「滕侯卒」。曰:「不名者,史闕之。」《左氏》曰:「杞枉稱子,見《桓二年》「滕子來朝」。高氏

<del>十</del> 有 四年春,王 一正月

夏,狄伐鄭

義 見《隱 七年》「戎 伐 凡 伯

秋 冬,天王出居于鄭 七月

義,義 爲后 之居 居。 葉氏 患 爲 又 不 如 啓之。 葉氏 能 國 馬。」 守焉  $\pm$ 日 在 出之爲言 天 富辰  $\frac{1}{Z}$ 立之,未及 :「天子 弗 諸 子 一句之間 爾。 愚謂 女德 聽 爾。 侯 諫 不 不 以 《左氏》曰 曰:『不可 天子 以畿· 初 無 : 以 恥也,若 其 ^ 極 春 H 其 而 道 無外, 内 若論 秋》非 卒。 婦 昭 道 去 爲 公 怨 : 去 0 其 或 日 字義, 「王將 有 無 雖 狄固 諸 其 畿 雖 專 公 終, 去其 寵 内, 封 以 有 侯 於 貪惏, 不 二字 狄 以 其 以 齊,王  $\Box$ 惠 或  $\vdash$ 得 必 狄 或 封 爲  $\pm$ 女 不 見 謂 出 出 内 而

惠

后

將

昭

奔

見

逐

於其

(臣者

而

以

自

出

爲文,何哉

謂

以

天

王

而

出

居

于

鄭

必

有

失

其

道

而

禦之。 守 ? 桃子遂 復之。 也。 對 師,獲 又 京 於秦。」康侯 子 使 出 頹 侯圖之。』王 帶 來 毁 師 適 叔、桃子奉大叔,以狄 日 : 告難 其 東周 鄭 爲  $\pm$ 鄙 又 周 『天子 處  $\pm$ 奉 室。 室 一使 公忌父、 在 降  $\vdash$ 大 通 曰:『先后 Щ 簡 于 鄭 『不穀 胡 四 遂 叔 不 於 於 氾。 師 蒙 地 氏 保 以 隈氏。 列 出 方 氾, 父 日 塵 或 原 歸 大叔 則 告 狄 : 伯、 於 敢 及 其 不德,得 往,猶 「王者 師 是 於晉 既 外, 告 坎 謂 王替 寄 以 攻 不 毛 師 飲 我 叔 至。 三。 隈 生之君 \_, 使 能家天下矣, 伯 伐周 敢 以 天之無 父。 何 隈 辠 氏 富 或 不 ? 天下爲家, 左 氏 於 居 王 大敗 人納之。 奔 臧 鄢 御 耳 13: 辰 温 寧使諸 頹 不覆 問 之寵 父 文 士: 叔 愚 告 官 仲 周 將  $\pm$  $\pm$ 

鬯矣。 恶。 者,舜 下哉 梁》 之,使得奪其位。 師 人有行之者,周公也。而王 親愛之而勿殺,可矣。古之人有行之 「子帶之亂,方其 孔子曰:「能治 春秋》所以 天難忱斯,不易維王』,不可不戒也。」 敗 曰:「天王無 「且辠諸侯之不赴 及其以狄伐周,則辠在 績于茅戎」,皆言其自取之,以 !」張氏 也。 有天下而 Mi 正本 曰:「『天王出居于鄭』,『王  $\pm$ 不能,反召之,使得 其國家,誰敢侮之?」此 也。 不及 出,出失天下也。」高 奔齊,或放焉,或封焉 若惠王者 此 鑒戒昭 難 則 也。」葉氏 可討。 亦 了,可謂 不能,反 矣。○《穀 何 以 終其 喪匕 古之 王 日 見 天 避 氏

〇《左氏》曰:「晉惠公卒,懷公命無從亡大意見《隱七年》「滕侯卒」,及左方。

晉侯

夷吾卒。

午,晉 河, 及偃 人。 晉 使殺懷公于高梁。」高 午,入于曲沃。 大夫盟于郇。 師,師退,軍于郇。 送諸秦。二十四年正月,秦伯納之。 後,其後衰者也,其將由晉公子乎?』乃 侯 玉請殺之,楚子曰:『晉公子廣而儉,文 晉 偃 而 而 無親 行。 有禮 稱 通,而此書惠公卒者,以見文公之人 人伐諸 韋 期,期 從 疾 師 令狐,人桑泉,取 不出 重耳 過衞及齊,及曹,及鄭,及楚。 軍 内 其從者肅 蒲 於廬 外惡之。 而不至,無赦。 。晉公子重耳之及於難 在秦,弗召,乃殺狐 城,重耳奔狄,處狄十二年 壬寅,公子入于晉師。 丁未,朝于武宫。 柳、秦伯 辛丑,狐 而 吾聞 氏 寬,忠而 日 臼 使公子繁如 姬 衰。 狐突之子毛 偃及秦晉之 「魯尚 姓,唐叔之 能 二月 突。 力。 戊 未與 申, 也, 子 召日 丙 晉 甲 濟

納

文

公而殺懷公焉。

然

則文公篡立,而

也

惠公立十四年而卒,懷公立。

秦

人

不

書其

人

者

以晉

獻

既

殺

世

子

申

生,

信

否

夏四

義見《隱三年》「宋公卒」。

宋蕩 伯 姬 來 逆婦

則 曰 : 存耕 「伯姬、魯女、爲宋大夫蕩氏妻、自 趙 氏 티 : 伯 姬 一、公姊

妹

也。

杜

氏

爲

婦者。 之禮 緣姑言之之辭也。」莘老孫氏 其子來逆。」《穀梁》曰:「其 氏曰:「夫不親 ,自諸侯達於 宋蕩 伯 姬 迎 來 而 士庶 逆婦 姑 來 人,未 ·; 非 迎,魯不 日 禮 曰 : 婦 有 口 能 知 姑 何 0 以 親 而 也 禮 高 逆 迎

正之,是棄其親 戚 也。

乃

巡

其

宋殺其大夫。 義見《莊二十

六年》「曹殺

大夫」。

高

余

秋,楚人圍 義見《莊十 陳 年 | 荆敗蔡

師

納 頓 子 · 于頓

滅

同

姓

不言楚人者,蒙上「圍陳」之文也。

胡

氏

月癸酉,衞侯燬卒。

438

文公自 有 五. 年春,王正月丙午,衞 以 次當 立故 也。」皆未 詳

+ 朱子 燬 文  $\vdash$ 卒」, 只 : 隔 曰:「諸 衞 恐 夏 人 是 將 几 侯 因 月 伐 癸 滅國、未嘗書名。今 而 邢 西 傳 ··•, 禮 寫 至 之誤。」《 句,便書『衞 딩 : 侯燬 \_ 滅 不得 那 左氏

經

侯

守,國 城 往 掖 一,得 以 仕 不 赴 可 外,殺 得 衞 也。 人 之。 伐 我請 邢 禮至爲 昆 禮 弟 從 銘 仕 티 : 话焉。」 或 子

氏 掖 殺國 曰 一一始 子,莫余敢 則 邢連狄以伐衞 止。』、未詳 固 信 可辠矣。 否。

見《莊 甚 矣。 + 年  $\approx$ 齊 滅 譚 ÷ . 此

今衞

遂

舉

兵

以

滅

之,

抑

又

甚

焉。」義又

故 日 :「楚人圍 不言遂也。」張 陳而 氏 回,後 曰 : 「頓 乃納 姬 頓子于頓, 姓 國。」杜

置 氏 者,天子大權 注:「汝陰南 頓 而 縣 夷狄行之,中夏之衰 屬 陳州。」愚 謂 廢

極矣。○康侯胡 氏 曰:「中國不能 修 方

伯、連帥之職,而 夏也。 其 使楚 人納之,是夷 此 亦 狄 Œ. 仗

本自治之意也。」君舉陳氏 中 曰:「齊 桓 公

義

正

諸

青

或

深

矣。

卒,楚始與諸夏盟。 于齊盟于鹿上,執

宋公,納頓子,侈然欲廢置諸侯,《春秋》

之所懼也。」

葬衞文公。

義見《隱三年》「葬宋穆公」。

冬十有二月癸亥,公會衞子、莒慶,盟 陸氏 侯 或 大夫。」杜氏曰:「洮 擅盟,已無王矣,況衞子居喪而出 曰 : 「衞子,在喪之稱 ,魯地。」愚謂: 也 **芦慶**, 芦 于 洮 盟

> 莒慶以 大夫而盟諸侯? 尤非禮也。

> > 義

二十有六年 又見《隱元年》「盟于蔑」。 春、王正 月己未,公會莒子、衞

甯

速、盟于向。速、《公羊》作邀

《左氏》曰:「公會莒兹平公、甯莊子,盟 于向。」存耕趙氏曰: 一事 前 屢 盟,不

圭切。 齊人侵我 《公羊》、《穀梁》作傷 也。」義見《隱元年》「盟 西 器。 公追 齊 師 至 于蔑 及。

割,

協

東阿 及,内之無警備也。」愚謂:齊孝不能 不可言公追 下。」張氏 地。」杜氏 寇已去 二盟也。」趙 西鄙,魯國之西邊 .'。」胡 而 曰:「濟北穀 曰:「後漢屬東郡、後屬 氏 躡之也。」陳 氏 齊 日 :「侵言人、追言 人也。」《 曰:「寇 也。 城縣 岳 左氏》曰 至 啖 氏 不 氏 西有 知,追 日  $\Box$ : 師 地 東平府 討 者,蓋 酅 追者, 而 名 不 是 酅 齊

春 秋 木 義

魯僖 父之業,而 無 樂侮 遣 之 兵 術 侵掠 而 致 魯境, 寇, 又 古 輕 身 口 越 皋 逐 矣。

亦 可皋 也

夏, 齊人伐我北 鄙

人伐 義見《隱二年》「鄭伐衞 齊。

衞

《左氏》

日

「洮之盟故

也。

義見《

隱

:

年》「鄭伐 衞

公子遂如楚乞師

遂,莊公子仲遂 年。 孫氏  $\Box$ : 也 齊 即 再 東 伐 門 我,故公子遂 襄 仲。 乞, 如 見

楚乞師 王 制、不可乞也。 夫國之大小, 書者惡魯不能 師之衆寡,皆 修 戎 有

天 備 氏 子 而 日 而 外乞師 道 衞 夷 人 狄 於夷 報 以 德 伐 狄。」高氏 以 中 怨 或 ,伐齊之喪, 也。 曰:「是 康 助 侯 不 胡 有

陵長,又遷怒於邢

而滅其國,不義甚矣。

我乃 國可 是 公既 齊爲敵,是以 北 子遂如楚乞師』,而惡自見矣。」葉氏 自反,深 召 黨 陵之盟,桓公與我 欲 知矣。」愚謂 與 衞 師 其 以 也。 思遠 古 楚伐 君 亦 盟於 故 蠻 慮 非 齊,而 齊 計 義 夷殘 : 洮,又 矣。 人 É 安社 既 中 此 恃之以 伐 而 侵 或 與 至文公薨,凡書 稷,乃乞楚 楚而 僖 其 其 也。 公 西 臣 勝,公之謀 楚 不 其書『公 盟 能 又 服 于 伐 師 省 日 向 今 與 德 其

秋,楚人滅夔,以夔子 歸。 夔, 求歸 切。 《公羊 》作

公子遂之專政專兵,亦爲殺子赤起也

隈非是

《左氏》曰:「夔子不祀祝融與鬻熊,楚人 魯史 夔子 張 杜氏 氏 有 曰 城 曰 : 。」程子 所 夔, 不 宋之歸 能 楚同 <u>⊟</u> 知, 州 不 姓國,建 秭 不 可 名 歸 得 者 及 而 平. 興 夷 紀 秭 平 狄 故 縣 歸縣 小 皆有 也。 或

以夔子歸。」未詳信否。 焉?』秋,楚成得臣、鬭 赦 中夏之衰而然也。」義又見《僖三年》「徐 有限域,不相侵奪。今夷狄 不義,楚辠大矣。 讓之,對曰:『我先王熊摯有疾,鬼神 而 自竄 於變, 吾是以 聖王 宜 在上,雖 劉氏曰:「貪 失楚,又 申 -帥師 滅 同姓,亦 夷狄 滅 何 各 而 祀 弗

取舒」。

冬,楚人伐宋圍緡。《穀梁 》作閔。

緡,見《二十三年》。 善於晉侯也,叛楚即晉。冬,楚令尹子 玉、司馬子西帥師伐宋,圍緡。」義見《莊 《左氏》曰:「宋以其

公以楚師伐齊,取穀。 十年》「荆敗蔡師

以,見《桓十四年》。《左氏》曰:「公以楚 師伐齊,取穀。置桓公子雍於穀,易牙

奉之以爲魯援,楚申公叔侯戍之。」未詳

會諸 也。 國乎?」 人加兵於魯,魯欲報之,當請命於天子, 而又取邑,公之惡可知。」〇高氏 遠 否。孫 侯以 公以夷狄之師伐 引 其 同討 氏曰:「楚,夷 師 來入華夏,以 其皋。 中國,固 夫楚,豺狼也,安 狄也。 伐親鄰 已不可。 齊,中國 曰:「齊

信

公至自伐齊。

可

義見《桓二年》「公至自唐

二十有七年春,杞子來朝 杞稱子,見《桓二年》,義見《隱二年》

「滕、薛來朝」。

夏六月庚寅,齊侯昭 義見《隱三年》「宋公卒」。 卒。

秋八月乙未,葬齊孝公。 杜氏曰:「三月而葬,速。」義又見《隱三

年》「葬宋穆公」。

乙巳,公子遂帥師入杞。

義 高氏 軍政,自僖公以來已紊矣。」 此,東門氏之惡,胚胎 杞、魯乃 ○貫道王氏曰:「案公子遂自爲 甚 曰 : 矣。」義 舅甥 弱 又見《隱二年》「莒 之國 或 既 來 而 朝 伯 於此 而 姬 用 在 師 焉 用 以 見 人 魯 報 魯 軍 向 之。 之 始

冬,楚人、陳侯、蔡侯、鄭伯、許男圍宋。

之,伸 侯,且 侯? 楚人,大夫 見矣。」 蔡、鄭、許皆中國之諸 楚以夷 不與楚。 夷狄 有 主兵也。」高氏曰:「宋不與楚宗 狄恣 義又見《 先君之怨,又自以爲伯 楚人前年伐之,今又圍焉。 之强 也。葉氏 豺狼 莊 屈 X 之 强 + 中 曰:「楚何 或 年 侯,反會 來 一之義 犯 荆 中 皋 國,而 敗 夷 國、故 以 蔡 昭 狄 先諸 師 然 百 陳、 伐 夫 終 諸 口

)愚謂

:楚之强暴甚矣。

然諸

侯之屈

服

蔡、鄭 見義 以 皆始謀之不臧 敵 其兵尚强 今宋之被圍,陳、蔡、鄭、許之服 於楚,亦其 楚。 伐齊,從約既 又引楚 而 宋、 諸 有以 曹、衞 人 侯 也。 以 解,楚遂得 苟 自取之 盟 能宗之,其勢猶足以 故《春秋》 於齊、魯,又乞楚師 邾首伐,齊、魯、陳 也。 以 憑陵 齊 慎 始 役 桓 於楚, 中 雖 比 或 没 事

十有二月甲戌,公會諸侯,盟于宋。 見義焉。

唇 愚 畏 盟 後 葉氏 知 盟戎 矣,其 楚之强 凡 謂 於宋國之外,是 也。 曰:「此前 則 于唐」。 夷 战 皋 狄摟 宋公 寒, 而 亦 來 方 諸 著 ○葉氏曰:「楚之得交中 爲 猶 圍宋之諸侯 矣。 且 侯 此 亦宋 在 來 以 盟,亦報乞師之役。」 韋 盟 韋 義 矣。」高 於宋, 則 諸 又 侯,僖公不念 見 也不 何 隱 以 其 氏 序, 地 謀 或 前 年》 公公 口

不會于盂,而爲薄之盟,以釋宋公。後

國,自陳、蔡、楚、鄭盟于齊始。 後公雖

五年伐齊之役,乃乞師於楚,而楚援之,

之興,首伐衞以正楚。而公爲之戍衞,遂以取穀。則何以得於楚乎? 晉文公

又責公子買之不卒戍而刺之,則公之附

楚,審矣。圍宋之役,初雖不與,會而爲

成楚志爾。楚子居申而後使子玉去宋,盟,豈有意於救宋哉? 殆亦若戍衞以

是會圍,非解圍也。」

後學成德校訂

春秋本義卷第十二

三九

## 春秋本義卷第十一

## 僖 公

+ 於是乎 告急。 有 氏 所 趙 免矣。』於是乎蒐于 昏於衛 衞 而 以 後 氏 八 異乎 伐 解  $\Box$ 年春,晉侯侵曹。 在矣。』 若伐 先 衞 宋之圍 易 侵 楚及諸 也。一朴 軫 蔡 日 曹、衞,楚必 爲 而 狐 : 不言 怒楚 侯圍 伐 鄉 偃 報 吕 楚 被廬,作三軍,謀元 施 遂 ? 宋,宋公孫 而 氏 也。 晉侯伐 救 致 楚始 患,取 救之, 其 此 非 侵 得 師 晋 衞 大 也。一《 曹 則 威 侯 曹 曹 古 定 伐 既 而 而 如 衞 伯 返 宋 左 伐 新

衞

若以大義興師,則當先於乞師

伐齊

張

氏

「案『報

施

救

患,

取

威定

伯

文公君

臣之

規

模

也。

故

先

侵

曹

伐

矣。」 盟會 之。 + 孔 國,當大會諸侯,合心 夫 興,於兹 盟 曹 假 枝 帥 王室爲義。諸侯 子 晉人 强 伐衞 年 將 道 所謂 曹、衞 於 》「公侵 愚謂:晉文侵曹伐 而 楚之侵陵 乃 下 衞 使 號令之,遽 軍 弗許。」莘老 Ŧi. 晉侯、齊侯盟 誦 郤 附 衞 年。 <del>-</del> 縠 宋」、《 楚, 人 而不正」者也。 將 久 弗 誠 有 八 中 矣, 許 隱 以 朝 有 不從者,然後 軍 年 孫氏 侵 皋 并 晋 强 還,自 春, 衛,致 于斂盂 伐, 狐 矣,然晉 力 兵, 年 文 晋 偃 曰:「晉文之 - || || || || || || 以 而 亦 侵 侯 將 義又見《 楚取 南 攘夷狄、 有 與 曹 將 上 河 伐 齊 志 以 衞 文 勝,正 伐 濟 伐 軍 未 師 於 衞 桓 侯 莊 奬 中 異 嘗 伐 侵 欒

曹、衞之新附,豈侵伐所當先哉?」從楚圍宋之皋,而魯與陳、蔡宜首加伐。

公子買戍衞,不卒戍,刺之。

買 戍 謂 以 也。」義又見《莊二十六年》「曹殺 刺,無王 羊 || 三: 衞,且以晉兵力非公子買所能 侯伐之。 刺之法。」邦 杜 孫氏 之刺 説 以 不卒戍 衞 氏 著其 焉。 著 曰:「公子買,魯大夫子叢也。」《公 以 曰:「公叛晉與楚,故公子買 也。」杜氏 「刺之者,殺之也。 命 義 魯 魯乃戍衛,惡亦甚矣。 悪。」 公内 而 而 則 黨 衡胡 歸 專殺等耳。衞 愚 不 殘 衞 可。 公懼楚之 謂 H 骨 曰:「義 附 : 日 楚、背 肉,外以 買之戍 :「魯殺大夫皆言 買不諍 取 内諱 見 華 於 以 説 衞 討 於戍衛 即 | 周 抗也, 附楚,晉 以以 强 乃殺 殺大夫, 故經言 大夫 夷 楚, 禮》三 勢 之 之 故 皋 則 故 買 戍

> 之矣。 時二 也。 姓大夫 而從君令以往, 僖公不自責 以 説 於夷,亦辠 其 戍 既受命而 衞 之過 也。 而 不卒戍,皇 君 臣 專 胥 殺 失 百

楚人救衞。

高 附楚之辠。 氏  $\Box$ : 此 晉文果能致楚師 書 救 者, 非 善 之 之出 也, 著 也 衞 一,楚 或

師既出,故有城濮之戰。」

三月丙午,晉侯入曹,執曹伯,畀宋人。

羈之宫而 《公羊》曰: 三百人也。 入曹,數之以 而出之。 墓」,師遷焉。 上,晉侯患之,聽輿人之謀曰 晋 侯 圍 曹,門 大 免其族。 且 其 「畀者, 其 曹人兇懼,爲其所得者棺 兇 曰『獻狀』。 焉,多死。 不用 也 宋人使門 而 與也。」《左氏 僖 攻 負 之。 羈 令無 曹 三月 人 尹 而 一、一、稱 P 般 人 乘 丙午, **>** 如 僖 諸 軒 舍  $\vdash$ 晉 者 負 於 城

承。 宋。」康 侯當 之告楚。 著文公致楚與戰之由也。」吕氏曰:「晉文 者,三王之辠人也。 告楚不許,我欲 師 ○張 文之事者』。」義又見《隱二年》「莒入向 不中於禮 暴矣。 公説,執曹伯以 衞,必不 何?』先 人,譎矣。 告急。公曰:『宋人告急,舍之則 晉文不 氏曰:「自 歸 功 欲致 侯 京 雖 許也。 軫曰:『使宋舍我 我執 徒 胡 師 雖 高,道不 楚 修 氏 亂 曹君以畀宋 師與之戰,而以 詞 日 晉侯侵曹至此,皆《春秋 戰 晉 畀宋人。」杜氏曰:「執 喜賂怒頑,能無戰 戦矣。 人上下之分。 : 令,遽入其 欲 勝楚,遂主 足尚也。 曹未狎晉政,莫知 仲尼之徒,無道 怒楚 齊、秦未可,若之 使 而賂齊、秦,藉 人。 國、執其 戰, 故 夏盟, 無 曹伯畀宋 楚愛曹 故 君 乎? 以 臣 舉 絶 桓 所 之 動 與

> 夏 四 于 月己 城 公舉動如此,有意於爲善乎?」 濮 巳,晉侯、 楚 師 敗 績 齊師、宋師、秦師及楚人

戰

圍。 臣 台 若敖之六卒實從之。子玉 戰,曰:『非 書晉 情僞,盡知之矣。 果得晉國。 入居 城濮,見《二十七年》。《左氏》曰:「楚子 也。 之口。』王怒,少與之師,唯西 天之所  $\Box$ : 取二,不可失矣。』先 師 『無從 書法 子 曰 : 於申, 、齊、宋、 犯曰: 置,其 『請 與《桓 晉師 敢 險阻 使 復 秦及之者,四 子 可 必 申 衞 有功 廢 十七年》「戰 天假之年,而除其害。 晉侯 叔 艱 侯 玉 乎?』子玉 難,備嘗之矣;民之 去 而 無 心,願 穀,使子玉 封 在 軫曰: 禮 曹,臣 外十九年矣,而 哉 使宛 或 以 廣、 子 使 于奚」同。 主 間 亦 君 春告 伯 乎 釋 東 執 與之。 去宋 取 棼 此 宫 讒 於 戰 與 慝

子

或

退

我

老,豈 其 矣 乃 楚 定 何 三舍辟之, 言, 退 讎 拘 何 ? 歸 玉 臣 吏 絶 宛 亡 人 何 我 之。 父崔 不 犯 日 於 以 謂之禮 而 宛 春 故 在 楚有 是 楚還 一。「以 戰? 口 楚。 春 以 曲 曲 退?』子 久 棄 · 夭、秦小子憖次於城濮。 於 我 怒 三施 在 所 乎 楚 夏 衞 宋 子 楚, 則 不 君 彼 我 ? 直 以 楚一言 几 玉 也 無 我 如 矣。』退 辟臣 且. 將 既 ,其衆素 報 犯 月戊辰,晉侯、宋 微 怒, 禮 私 私 何 也。 戰 日 楚 有三怨。 救 許復曹、衞 求 許 從 何 而 辱 而 之惠 而 ? 復 背 晋 後 以 定 師直 飽,不 也 一舍, 楚衆 曹、 棄 惠 若其 啚 師 戰  $\equiv$ 之, 食言 不 國,我 之。 衞 怨 平. 爲 且 及 晉 不 미 以 壯 讎 謂 楚 ··, 以 公説 還 此 公、 謂 欲 曹 攜 已 師 諸 楚 Ш 師 不 \_\_\_ 之, 止 退 亢 師 齊 君 退 老 侯 許 衞 爲

軍

告

執

將

而

之。 其兵。 蔡。 背 子 中 鞅、 實 其 不 而 軍之佐當陳、蔡。 子 『若楚惠何?』欒貞子曰 子 一少長 原 退之。 Ŀ 軍 盡 犯 酅 玉 幹。 狐 田 將 ·, 曰: 『今日 一使鬭 之。 原軫 陳、 捷 日 而 有禮,其 每 偃 右。 己巳,晉 舍,晉侯 蔡 晉 每 表 以 公部 欒枝 思 勃 戰 奔, 侯 上 裹 胥 臣 舍其 請 小 也。 溱 登有 軍 Ш 使 戰 惠 楚 可 以 患之, 師 夾 必 河, 輿 舊 而 蒙 戰 右 用也。』遂伐 子 中 莘之 陳 攻子西,楚左師 無晉矣。』子 曳 晉 忘 而 馬 師 而 必 軍公族横擊之。 玉 於 火柴 車 大 新 聽 捷 潰 以 無 以 華北 『漢陽諸 虚 恥 而 七 是謀 輿 虎皮,先犯 若敖之六卒將 害 必 不 僞 以 白 人 狐 得 也。」公日 八之誦 遁 乘 觀 。』公疑 胥 其 毛 如 諸 ),楚師 西 師, 設 木 韅、 臣 戰 侯。 將左 姬 以 以 也。 日 티 : 楚 靷 若 斾 馳 下

師 敗 績 子 玉 收 其 卒 而 止 故 不

穀 晉 楚 日 師 逼  $\equiv$ 荆 齊 日 楚 合兵 館 恃 穀 强 韋 及 憑 来, 陵 癸 諸 戰 西 夏 而 勝 還 中 滅 或 黄 康 敗 威 侯 徐 動 胡 敗 天 戍 氏

語 道 下, 而 不不 道 戰 春 非 義 計 勝 有 秋 則 其 而  $\forall$ 城 所 濮 三王 功 主 書 ; 之敗 夏 īE. 一之皋 如 盟 其 此 ()則民 以 義 人也。」愚 何 示 功 也 其被 利言 謀 ? 其 髪 仁人 謂: 利 則 左衽矣。 高 明 IE. 文公

屈 年 子 完  $\stackrel{\cdot}{\approx}$ 所 伐 謂 于 楚 召 功 陵, 過 楚未 不 張 相 掩 大 氏 創  $\Box$ 也 : 也 0 齊 義 故 桓 又 次 見《僖 伐 年 楚, 即 致 滅 几

定 定 誘 伯 文公欲 鄭 當 故 是 終 欲 時 伯 桓 戰 天 公之伯,楚 楚 而 下, 爲 勝 齊、 以爲楚 楚 以 宋 取 爲 不 或 威 患 大 患 創 而 M 救 後 不 不 之 伯 足 能

宜

也

然文公致楚

與

戰

以

取

威,乃

不

許

業

以

制

弦

之 衞 怒, 盟 而 執 使 曹 之 伯 不 以 得 快 不 宋 戰 人 之 以 心 取 因 勝之功 激 楚 人

ĮЦ

是 其 大 救 創 患 取 而 威 行 。 皆 不 義、 譎 而 殺 不 不 正 辜 之事 亦 己 多 雖 矣。」 楚自

其 或 胡 僭 氏 號  $\Box$ 然 :「若春秋桓、 以 召 尊 陵、 天子 城 故故 濮 雖 知 文不作 迭 勝 時 强 之 楚, 何 功 不 以 耳. 能 爲 白 絶 中

其

使 有 台 能 文之事 興 起  $\pm$ 哉 道 ? 如 朴 宣 鄉 王 吕 者, 氏 則 日 贵  $\sim$ 有 左 齊

氏 桓 載 子 玉 告 晉 師 日 : \_ 請 復 衞 侯 Щ 封

邵

之 曹 釋 臣 一, 亦 己 在 釋 楚 宋 人救 之圍 衞 之 以 時 經 矣。 攷 之, 使 楚 則 方 宋 韋 韋

宋,則 頗 公 與 詳 **録** 焉 所 謂 之而 又 畀 何 附 宋人 也 見 ]? | 今 朴 何 鄉 也 之説 以《左氏》 ? 城 云 濮 之戰,宋 敘 此 事

楚 殺 其 大 夫得 臣

得 臣 子 玉 也。 ^ 左 氏》 日 : 楚子 玉 既

之老 ,王使謂之曰:『大夫若人,其若申、息 何? 子 西、孫 伯 曰 : 得 臣 將 死 Ŧī.

敗

穀而 臣止 死。 之, 晉侯聞之而 曰:「君其 後喜 將 以 山 爲 知 戮。」 也。 及 日 連 :

而 『莫余毒 已,不 也已。 在 民矣。』張氏 萬吕臣實爲 日 : 「楚子 令尹 ア,奉己 É 得

臣 伐 陳, 立 爲 令尹 ノ, 授 以 兵 柄, **\$** 其 韋

陳 崖 宋。 所以導之,無 非 猾 夏 狃 勝 之

事

師

敗

而

不能

自反其

平日

求

勝

無

厭

之皋, 而 輒 殺 之。」義 又 見《 莊 二 十 六 年

然其 曹殺大夫」。 窮兵猾 夏 而 ) 愚謂 卒喪其 : (身,可 楚 殺 得 以 臣 爲 雖 人臣 调

衞 侯 出 奔 楚。

之永鑒矣。

不名者,史失之,或 闕 文也。 ^ 左 氏》曰

侯聞 衞侯之棄華之夷也,皋明矣。 楚 師 敗 懼 出 奔楚。」莘老 然 孫 而 氏

> 文外假尊 王之名,内 以私智逐 衛侯,

晉

晉之辠 也

伯、 月 衛子、莒子, 盟于踐 癸丑,公會晉 侯、齊侯、 土。 陳 宋公、 侯 如 會。 蔡 侯、 鄭

是。 故 之下。」杜氏 衞子,未詳何人。《左氏》作公子 如會者,赴會也。」孫氏 不以 朴 會 鄉 吕 成 曰:「踐土,鄭 氏 君之禮 日 : 蓋 故  $\Box$ 稱 叔 :「來不及盟 地 子 武 一。」劉 也。 而 氏 在 瑕, 高 鄭 日 伯 Æ 非

國。 日 高 如 氏  $\Box$ : 陳 楚 本 自 與 齊 楚, 桓 没 楚 爲 敗, 中 故 或 歸 害

晉 戰 敗之,威 震 諸 侯,向之附會楚者

會踐 」。」義 見《隱 土 而 請 元 盟 年 焉。 · 》 盟 晉於是遂伯諸侯 于蔑」及《莊

皆

也

爲 年 · 》「同 少 異 耳。 盟 于 ○邦衡 幺 \_\_\_ 胡 此 氏 但 日 不 假 「二十四年, 口 盟 之禮

天 王 出居于鄭,至是尚 在鄭 也。故晉文

之盟 書耳 天王 天 分所當 云晉 Ŧ 盟 ,謀納王也。」愚謂: 人執衛侯歸之於京 來 在 踐 爲。 也。 鄭 土 故 以 是年 既 就 謀 所當爲, 鄭 納 天 地 王 王 0 以 方 則爲 盟 踐 人 納王者,人 師,見晉侯 於京師,故 非 常 自 鄭 事,故 京 地 踐 臣 師 不 職 土 下 致 以

公朝于王所。

于鄭 朝。  $\pm$ 趙 主,不啻若列國之君,不敬之辠著矣。 僖公既已會 曰:「諸侯 岳。』公朝于 曰 而 氏 至是 朝,此 又六年,王乃 日 非禮 三王 非 爲 也 猶 盟 王 何禮  $\pm$ 所 未 ·遂一朝 事 所,非禮 ^ 復 書 即 不 ?」○愚案:天王 時 也。 出 王之 巡。 日 境 焉。 踐 可 所 諸侯 六 土 今因 知 在 其視天下共 在鄭之境 年 也 耳。 各 凹。」高 出 Ŧi. 朝 盟 孫 出 服 于 遇 氏 方 居 氏

> 王威令之不行,舉可 者,據魯史之文耳 其平日之不 以 時 朝 知 然諸 亦 也 可 見 侯 之不 矣。 王與 獨 言 公

月,衞侯鄭自楚復歸于衛。

六

其國, 朴鄉吕 之不正,亦可見矣。 不得 晉,必有失 君,不能守其社 夷之辠可見矣。」愚 蓋著其自 復者也。 何以 氏 楚也。 曰:「此書『自楚』,非 其 治 其 道者矣。 雖 臣 稷而 言『歸 然,夷狄之猾夏,晉 民哉? 謂 奔竄 又自 自楚」,則背 衞 夷狄, 明 侯爲 夷  $\pm$ 狄 在 有 雖 千 而 上 奉 乘 復 華  $\Box$ 也 侯 皆 之 畏 即 歸

衞元咺出奔晉。

者 人,而 不 元 也。 可 呾 盡 卒至於見殺,益 爲 考,必 觀 衞 晉人執衛 大 其執 夫。 君 侯, 國之權 歸 可 而 與 見矣。 阳 其 而 出 君 不 奔 故 容 出 凡 其 事 爲 君

辠 皆其不道者也。 臣 至於持 去國者矣,有義不當去、見危授 ○又案:大夫之於國,有見幾而作、以道 ,抑又甚焉。 而 至於出 禄 固 位 奔,皆不臣 ,厄於利害之私 晉受逋逃之臣 若元 咺之訟君,又不 者 也。 若元 ,亦辠也。 而 命者矣。 出 咺之 奔, 與

陳 侯款卒。

焉。後凡書奔者倣此

大意 會于温起文也 見《隱 七年 \* 滕侯卒」。 又爲 陳 子

秋,杞伯姬 來。

《莊二十七年》「杞伯姬來」。 杜氏 母没矣,伯姬 曰:「伯姬,莊 不 . 得 來 公女。」 而 來 葉 也。」義 氏 曰:「父 又見

公子遂如齊。

侵伐。 許氏 曰:「齊自孝公立,與 昭公復與公同踐土之盟,故公遣 魯 好 絶, 比 相

> 莒子、邾子、秦人于温。《穀梁》無「齊侯」二字。 冬、公會晉侯、齊侯、宋公、蔡侯、鄭伯、陳子、 大夫聘之。」義見《隱七年》「齊 來聘」。

王。 云 然 + 者 諸 會 自 盟,謀納天王矣。 陳稱子,居喪也。《穀梁》曰:「温 也。」未詳是否。 見《隱九年》「會于防」。 也。」存耕趙氏日 三年,北杏爲衣裳之會,此 狩 辺 ? 侯 以 河 踐 故天王 年出 既 膠固諸侯爾。且温 土隨天王至温,將納王于京師 于 陽 此理之必不然也。 泂 與 至温, 豈有 居于鄭,至是晉侯方帥諸 陽,嫌 温 自鄭至河陽,將入於周 止 是一地,不 。邦衡 與諸侯同處 :「温去京 復 不朝 會 胡 于 去 氏  $\pm$ 故 芸 温 周 或曰:「 曰:「踐土之 而 則兵車之會 知 師 一狩 于温,故别 朝百餘 者 召 天 百 于 何 ?  $\pm$  $\pm$ 里 温 自 出 一。」義 侯 莊 河 立, 故 而 也 納 狩 + 陽

言

于

河

陽

愚

謂

此

亦

當

時

:

非

孔

子

異

其

名

也

天

史 法 之常 大 王 狩 河 陽 而 遂

Ŧ: 所指 遷 道 言 地言 津 狩 杜 即 而 春 ,播遷於鄭,諸 河 事 河 氏 地 于 秋》書之,又爲公朝 陽, 今懷 必 游 改過之時。 温 陽 曰 河 以以 獵 也。 陽 河之陽 以 馬,且 方 方 州 河 狩、《穀 地 域,故言 域 河 陽 名 有 非 陽縣。」存 係 河 今未 侯納 晉地。」 梁 Ш 陽 所 二義 作 之,正 川言 人 河 非 守 也。 王 陽 京 其 门以 張 所 耕 師,未 河 常 愚謂: 起文 氏 當 諸侯 趙 陽。 封 狩 感 氏 曰:「古 域 也 之所, 謝 激 日 之會 襄王 天 所 宗 奮 子 至 勵 廟 故 失 不 有 之 温 孟

> 晉 人 執 衞 侯 歸 之于 京 師 朝 耳

曰 : 一 ^ 勝 曲 執 而 雖 左氏 執 强 歸 直 衞 楚,宜 於王 其 君 侯 ₹ | □ 衞 君 歸 臣 侯 一,實 ? 之 無 招 不 獄 于 衞 非 强 攜 勝 · 而 京 所 懷 致之。」胡 侯 遂 以 貮 與 師 文公使衞 執 伯諸 元 以 寘 其 旧 明 諸 侯 氏 君 訟, 大德 也。 曰 : 其 深 侯 衞 室。」 與元 聽 侯 晉文 何 頗 不 程 助 呵 矣。 勝 既 子 辨

衞 元 阳 自 晉 復 歸 于 衞

也。 無 衞 侯 歸 事 胡 此 此 聽 訟 於 氏 臣 京 陳 君 衞  $\Box$ 見晉文之不 子 師 侯 : 洙 之理。 之譖 元 氏曰:「 歸 衞 而 阻 侯 執 君 元 即 出 其 Ė 呾 君 虜 自晉 奔 君,却 一。」存 奔晉。 臣 丽 之時, 之 復 臣 耕 理 使 歸 反 滅矣。 趙 元 今 元 于 或 氏 又 旧 衞 阳 逆  $\exists$ 執 主 復 之 衞 其 書 歸 蓋 其 臣 晉 于 侯 或

王:

申

公朝

于王所

大

王

在

鄭

而

遂

\_\_\_

朝 ;

此

以

諸

侯

會

于温

愚

案:

此

義

同前

旧

前

以

諸

侯

盟

于踐

 $\pm$ 

孫

氏

日

日

繋乎

月

此

不

月

者

,脱之。

0

自 而 元 訟 陌 晉』,參治之也。」○高氏曰:「爲 其君, 復歸 雖直亦 孫 林 父歸 曲 矣。」 衞 宋魚 君舉 陳 石 氏 人臣 台  $\Box$ 灓

諸 侯遂圍 許

盈

復

人

、皆优

辭

也

會,而 謂 其辠著矣。 興,諸侯 陽近矣,而 張 遂,繼 樓諸 氏 功其皋,皆可 日 許 事 :「會温之諸 侯 有 獨 也 可以不會乎?」愚謂: 盟 以 不 然晉 」。」康 會,故 伐諸侯,彼善於此」者 主矣。 見矣。 文不 侯 胡 諸 侯 - 告於 而 氏 侯 也 許  $\vdash$ 韋 )° \_ 猶  $\pm$ : 許。 不 而 穀 諸 歸 韋 梁》 晉文既 許 侯 之,所 中 距 比  $\Box$ 也 或 再 河

曹伯 襄復歸 于曹,遂會諸侯 韋 許

其

封 筮史,使曰 左氏》曰: 異姓,今君爲 : 「晉侯 以 曹爲解。 會 有疾,曹伯之豎 而 滅 同姓。 齊 桓 公爲 曹 侯 叔 會 獳 振 貨 而

縣

地

。」趙

氏曰

「葛盧

但

爲

事

丽

來,本非

來

諸 鬼 者,晉文赦之也。 侯 伯 捨 刑 命 H 鐸,文之昭 已。」存耕 小 合諸 神 前 侯 國之君,無復王 遂會諸 此三者,君 入曹,執曹 也 。, 即 無 不 禮以行義 寧居矣。」 侯 與 驅之從 趙氏 偕 而 侯 也。 伯 滅 復,非信 于許。」孫氏 日 將若之何?』公説,復 畀 兄 先 干 : ,信以守禮,刑 宋 弟, 「曹伯 命,執之赦之,自 春 君 戈之役。 人。 秋 也。 唐 非 亂 叔,武 脱 禮 此言復 世、强 曰:「三月,晉 同 身俘囚 也 伯令迫人 辠 之穆也。 以 異 與 侯 歸 一,未事 劉 IE. 衞 我 執 于曹 一; 非 邪, 曹 而 唇 偕

二十有九年春,介葛盧來。 葛 杜 盧 氏 ,介君名。」張氏  $\exists$ · 介, 東夷 或, 日 : 在 介介 城 即 陽 密 黔 州 陬 膠 西

介,居隘

切

朝,所以不廟受,故直來耳。」高氏

者 狄 中 舉 也 二,葛盧、白 來,皆辠中國不自正 夷 一。」,非 來中 也 或 陳氏 狄 一; 白 以 國 日 衡 狄 禮 必 :「其後介人侵蕭,蓋 胡 則先 義外之,可 有所窺 狄 氏 是 伐 :「《春秋》 也。 中國 何,而爲害未有 而輕受之爾 介則 也。 耐 後 凡 來。 先 書 來 書 夷 有 然 而 狄 以 夷 來之 但 則 後 來 狄 之 夷 侵 者 君

公至自圍許。

事 未 胡 年》「公至自 今年春方回,師 不一,而 知 氏 韋 曰:「公自二十八年會諸侯圍許,至 許 也, 當 唐」。 時 而 止以 以 出踰 ○愚案: 韋 圍許告 許致。 時。」義又見《桓二 公以會 廟歟? 未 詳。 温 贵 出 其

字。諸國皆稱人,當從《左氏》。翟,《公羊》作狄。人、秦人,盟于翟泉。《公羊》、《穀梁》「會」上有「公」夏六月,會王人、晉人、宋人、齊人、陳人、蔡

于蔑」。 於是始,文公爲之也。」 人盟 在 禮 臣 臣 内大倉西南 見《莊六年》。 内不書名氏,外稱 甚矣。 王畿之側。 亦甚矣。」程子曰:「晉文連 而 强 敢 伉 逼 王人、 天子 )君舉 甚 池 杜氏 矣。」義 而 亦 之士, 水也。」東萊吕 陳 此 與諸侯之大夫同 氏 人,皆微者 盟 曰:「翟泉,即 曰:「大夫之交,政 又見《隱元 以 復迫王 歃 Ш. 年 城,又與王 要言,其不 氏 也。 會盟 日: 「 年》「 洛陽 盟 王 失 盟 陪 城

大者,非常之辭。范氏曰:「陽氣在秋,大雨雹。雨,于付切。雹,薄學切。

《左氏》曰:「大 氏 大者,非常之辭。 而 雨 三年、四年也。 成 則 曰: 雹。雹者,陰 温 熱。 春秋》書大雨雹者三,此 陰 雨雹,爲災也。」〇 氣 陰陽不 薄 范 脅陽、臣侵君之象。」 而 氏 脅之,不 調之所 日 陽 致 相 氣 耳。 年 獻 人,轉 在 及 可 水, 昭 杜 必

録之者,所以警人君之戒也。」高氏曰:

霰 也。 滯 脅之不 劉向 而 《春秋》不書霰 故雹者,陰 冰寒,陽 以 相入,則 爲 盛 陽 氣 轉 脅 蕩 雨 ௱ 之不 水 陽 ,猶不書月食也。」 爲雹 也 温 相 暖 ; 霰 入,則 而 盛 者, 濕 陰 熱 陽 散 雨 陰 薄 雪 而 陰 凝 氣 爲

冬,介葛盧來。

其情 存耕 ? 何哉 趙氏曰:「葛盧 是爲 ?!」義 假道侵 又見 蕭 計也。 春 前 來矣,再 魯 獨 至, 無 以 何 察 爲

夏,狄侵齊。

三十年春,王正

月。

氏 韋 是懲。』四夷交侵,所當攘斥。 義 鄭 日 見《隱七年》「戎伐凡伯 之師 詩》不云乎:『戎狄 『狄侵齊』,下書『圍 以 伐之,則 方 伯、 連 是 鄭 晉文 帥 膺, 当。皆 康 之 職 岩 侯 荆 直 修 移 舒 胡

> 衞殺其大夫元咺及公子瑕。 書其事,而義自見者也。」

秋

《左氏》曰:「晉侯使醫 君出 釋衞 於王 事告於天王而誅之,可也。告於天王能 權 名 能 者,正義不謀利 王不能誅之,而《春秋 誅之乎? 可 之黨歟? 子適、子儀。」愚謂: 貨醫,使薄 殺,而 其 納 ,豈諸侯 呵 皋 侯。 我,吾使爾 與晉侯,皆十穀。 以 書 出 衞侯使賂周歂、冶厪,曰:『苟 告於天王未 殺 若 所得專乎? 日 其 則 之也。 君 「殺其大夫」,何也? 元 酖 , 呵, 則 不 明明 人,大逆之道也。 爲 卿。』周、冶殺 死。 道 瑕之辠不可考,豈 況 影必 不 小必能 可殺矣。 行 爲 生殺者,天 王許之。 公爲之請 計 以 酖 衞 功 誅 專 衞 侯者,具 殺 之也。 侯。 也 咺 元 大 秋, 納 子之 夫言 不 咺 元 甯 義 其 則 及 俞 旧 阳

見《莊二十六年》「曹殺大夫」。

衞侯鄭歸于衞。

聽命 故 權 也。 執之、歸之,皆晉文之權,襄 前 一歸自 盛 日 書「晉人 自晉 而已。 尊 衞 而 京師」, 侯與元  $\pm$ 君 侯 綱 抑 執衞 伐 故 隳。 臣,貴王賤 而 不 咺 衞 但 故諸 曰「歸 侯歸之京 相 至此,凡八書,可 日「歸 爲出 侯大夫縱 自 人,君臣 伯」、《春秋》之 于衞」 京 師」,此 師 王 擁 恣 者,當 之道 紀實 虚 如 見伯 當 器 此 廢 時 書 跡 以

晉人、秦人圍鄭。

大義

也。

如 不 日 此 稱 某 猶 可 以 不 以 人」者也 人,程子 私 免 將 怨 卑師 無 而  $\pm$ 圍人之國,則晉文之皋大 所 命而 少言 蓋 謂 韋 也。 摟諸侯伐諸侯之辠。 不 鄭 之國 知 使鄭 衆 寡 其 果 將 兵衆 貢 帥 於楚, 名 矣 氏

> 私怨。 皆勞民危國之道。」 〇 王 秦 氏 人 踰 日 晉 晉 越 周 侯 Ŧ 爲 里 盟 而 主 助 用 晉 兵 韋 以 報

介人侵蕭。

而後舉兵也。與荆人秦術之聘同。」 、我不能以禮義正之,致敢稱兵犯附庸來,我不能以禮義正之,致敢稱兵犯附庸 來,我不能以禮義正之,致敢稱兵犯附庸

冬,天王使宰周公來聘。

侯朝 以 宰周公,見《九年》。《左氏》曰: 侯之文,然魯未嘗朝王,不 諸侯强盛也。」○愚案: 公閱來聘。」貫道王氏曰:「冢宰,總 命,閱失職。」莘老孫氏 輔一人者也。 於王所而已。 承 襄王不能 命 日 : 一 禮 以 聘諸 雖 過 有 見周 IE. 大 天子 侯,王 Ī 王 會 之衰 ,聘諸 使周 法 盟 百 丛口 失 官 而 而

朴 甚 1 矣。 鄉吕氏 聘焉,已失 又爲 曰:「王臣來聘者 下書「遂 道矣,況 遺冢 如 京 宰乎? 師 八:隱七年, 起 文 陵遲 也

凡 不 以 定 遣 年 凡 下聘者矣。 襄、定之世各一。 七  $\pm$ Ŧī. 夫爾。 伯、宰渠、伯糾之屬 見 爲 Ŧ. Ŧ 年至桓八年,家父之聘是也。 季子來聘。 ,祭叔,僖三十年,宰周公,宣十年, 伯,九年,南季,桓 年,仍叔之子,八年,家父,莊二十三 則已尊矣。至於宣十年之聘,書 臣 於經,此 列 而 國之輕重,而王臣下聘之文亦 下,則 下聘列 至於僖三十年之聘,書 蓋 周 周室浸微,王臣之聘不 國,此 桓王之聘於魯者五,自隱 桓 室之極 王在 自定以下,則王臣 周室之所 ,皆以畿 四年,宰渠伯糾; 位,不能 衰也。 内諸 始也 以 自 在 衰 强 室 侯 屢 也。 王 足 無 唐 使 復 或

> 質口と說!. 季子,則益尊矣。 王室日衰,諸侯日横,

公子遂如京師,遂如晉

者,皋 勝,而 往。 與襄 皋在其臣。 得失,則存乎其事矣。」 者,有以一事 不恭之辠,在法當誅,而 胡氏 宰周 孫 王后,皆所謂以二事出者也。公子結往 『遂』。公子遂如 康 氏 侯胡 又以二事出,夷周 公來聘。 王交聘, 伉孰甚 曰:「魯侯既不朝京 曰:「天子至尊,非諸 在其君。 及齊、宋盟 氏日 皋各有所 出 公子遂如 : 以 「大夫出 而 周及晉,與祭公自 則 專繼 事 專 | 焉 ! 歸 愚謂 繼 室 也 出 事者,其 京 疆 師 不 於 事 侯可得伉。 而 故書『天王 一; 而 有 師』焉。」康 以 者 列 專 聽者 以二事出 國。 也。 以 使公子遂 繼 書 二事出 皆 也。 是非 魯 此 使 逆 侯

三十有一年春,取濟西田。

其 所 争 直 取 蓋《春秋》之意,以治易亂 雖 劉 氏 康 之有,其 IE. 年 奪 道 辭 氏 復 日 侯 請 者,其 者本而已。」〇常 不得 日 取 胡 取 顯 :「凡力得 本 氏 汶 嘗爲 微 於 IE. Ė, 日 陽 也 悪 惡 王 道 鄰 田 易 亦 難 而 故故 一, 先 或 不 見。 正 無 知 之日 繫 所 悉 本 異 疆 奪 或 同 而 辭,以 理  $\sim$ · 魯 山 取。不是其專奪, ,今復取之。」 者 辭 春秋》亦正 取 劉 吾 地, 不 言 己 但 氏 其 之。 之有 故 川 專 以 不  $\mathbb{H}$ 皆 自 亂 : 此 能 也 書 用 易 名 與成 常 不 凡 申 \_\_ 亂 取 兵,  $\vdash$ 以 取 明 高 Ш

> 强 謂 弱 : 可 爲 見 趨 當 舍 時 而 諸 른 侯 然 舉 東 動 門 皆 氏 不 之 以 專 義 政 惟 亦 視

夏四

不

可

掩

也

月,四 之, 時 郊 也。 養成 辛。 辛。 辛。 子 猶 孫 1 四 。 非 縱 有 氏 月,不 郊者 方望、 而 如 几 如 如 也。」朴鄉 曰:「郊者,祭天之名也。」 卜郊不從,乃免牲,猶三望 也。 禮 將 不 不 不 1 , |-也。 從, 之事 用 時 從, 從, 我 非  $\Box$ 也。 其 則 天 以 吕 則 則 ·, 無 禮 牲。」《公羊》曰:「三卜,禮 H 不郊矣。」杜 子 以 以 + 也。 氏曰:「卜而 郊 吉 所 祭 Œ 自 否 不 天,諸 求 月 月 月 IE 也。」《 通 月 下 下 吉 下 至於 辛 辛 辛 之 侯 諸 氏 穀 養之日 ト 二 1 1 道 祭 侯 ⊟ : 劉 梁  $\equiv$ Œ 土 Ш 氏 月 **>** 「 免, 月 月 月 ]1] 牛 日 天 上 有 魯 郊

公子遂

如

晉

義

見

《隱

七

年

齊

來

聘。。

高

氏

春又聘焉,何

厚於

台

而

薄

於

周

也?」愚

不

在

其

封

内者,

則

不

祭

也。

 $\equiv$ 

望者

何

晉未嘗來

**、聘,而** 

公子

遂

去

冬往

聘之,今

牲 禮 之郊,大失禮 猶 望 之至,義 不 失禮 焉 郊 者 而 祭 猶三望,四失禮也。聖人與天地 而 何 也 郊 四月 望祭也。」愚謂: 也 ? 何有 之 盡 通 不 望祭則 則 不 矣。 也 可 ·時,一失禮 曷 從? 0 以 祭? 今 而 已 僭,三失禮 四 失禮之中,又 所 也。 魯以諸侯僭天 1 祭 以 也; 泰 而 必 何 不 設卜者,誠 四 以 Ш 也 從, 書? 1 ; 河 則 既 則 四 瀆 海。 失 7 合 免 譏 神

也。 也。」孫 諸 ? 諸 不歆 黷 侯 之,遠怠 侯 亂 而 祭 不於日之至,避王室也。 非類 不 用 ○董子曰: 其 時 天子之祭,僭 氏 慢 ,或從其災異示 境 曰:「天子 明矣。 也。 内 Щ 必 JIJ 「魯曷爲郊? 月. 更三 祭天地, 猶 孰 魯,諸 甚 望焉, 旬, 焉 變,以 侯 無 禮 Ш 故 比 也,以 周 所 著 盡 Ш 或 旬 不 於 其 其 公 大 而 通 諸 僭 故 其  $\equiv$ 1 響

> 海。 之爾。」愚案:《公羊》以三望爲 郊,非禮。 九,其八非卜不從,則 魯之境也 天子之禮。」東萊吕氏 天子之惡 七年九月 未詳是否。 也。」朱 獨 禮所得祭, 用郊,非二者 於僖公始書,緣 長 文 日 故 曰:「凡 郊 : 不 牛 而 書。 魯當 有 書 其 傷 泰 書郊祭者  $\equiv$ 祭泰 變 魯之 Ш 一望,僭 河 ൬ 獨 Ш 録 有 成

冬,杞伯姬來求秋七月。

婦

也。 爾 杞伯 伯 非 十五. 禮 姬 施 王 也。 年》。 來 姬 后 康 於 逆 見《二十 婦 之詔 侯胡氏 境 愚 劉 謂 中。 司 氏 命 1,義,但 □ -八年》。 此 曰:「婦人不 不 婚 與 施於天下,夫 姻,大事 **(**(
)
(
)
(
)
(
) 姑 彼 無 則逆,而 稱「婦」,見《二 自 Ŧi. 也,杞獨 求 可 年 婦 人 》宋 預 此 者也, 之 或 則 教 蕩 無 事 求

乎? 爲 夫人主之也。 故書 以 爲 婦 人

君

他 亂 曰 乎? 政 「《易》曰:『歸 之 戒 此 義行,無吕、武之禍矣。」張 母爲子求 妹,天地之大義,人之 婦 猶 日不 可 況 氏 於

終始 也。 征 X 位不當也。 无攸利, 柔

不 乘 能 剛 正 也 其 家 杞 也。 伯 姬 僖 求 公容 婦 而 其 踰 境 來 是起 求,是使 伯之 柔

乘 剛 而 或 事 制 於 婦 人也。 春 秋 **>** 閑 有

家 之道 嚴 矣。」

狄 韋 衞 + 有二月, 衛遷 于帝 丘

之 杜 虚 氏 故故 日 日 帝丘 帝丘 東郡 。」張氏 濮 日 陽縣。 |:|屬 開 故 帝 德 顓 府 頊

政 中 康 或 侯 治,晉文公無 胡 衰 氏 微 日 夷 :「遷于帝丘,避 狄 却 强 几 盛 夷 衞 、安諸侯之功, 侯 不 狄 能 難 自 世 强 莫 於 而

不見

矣。」〇莘老孫

氏

曰:「《春秋》書之,

又

見

其勞民擾衆,去先君之土宇,雖云

以 避 避 難 之, 而 行, 其 爲 然 勞 不 且 能 擾 使 難 亦 甚 不 矣。」 加己, 張 而 氏 舉  $\Box$ 或

假義 齊 桓 以 即 伐衞。 世 一、衛從 啓 宋 狄之寇,蓋始 襄 伐 齊 於 於 是 此 狄 人 始 今

復圍 衞 衛迫 於狄而遷都也。」

三十 有二年春,王 Œ 月

夏 叮 月己 Η. 鄭 伯 捷 卒。 捷、《公羊

杜氏 「文公也。」大意見《隱七年

滕

侯卒」。

衞 人侵狄。 秋,衞 人 及 狄 盟

杜 日 :「夏,狄 氏 日 不地者 有 亂。 就 衞 人 狄 侵 廬 狄 帳 盟。」《 狄

秋,衞人及狄盟。」 義 見《隱二年》「 盟 戎

請

平焉。

左

氏

豺 于 侯衰世之事 狼 唐。 刑 牲歃 康 血 侯 己 以 胡 非 要之哉?」 氏 春 日 秋 盟 × 所 貴 會 ¬, 中 況 夷 或 狄

冬十有二月己卯,晉侯重耳卒。

四 六 也,假尊王室之名以令諸

孔子

皆譎 日 桓 借曹、衞  $\exists$ 義見《隱三年》「宋公卒」。 0 可或 此所以身死 也。 重 問 耳 以致 然未嘗 定伯 春 秋 楚,使宋舍晉而 功 孰 愐 滅 賢, 儕齊桓,而聖人譎 伯業不失也。」高氏 人之 曰:東遷之後,土 國 ○貫道王氏 ,則猶賢於 賂 齊、秦,

小,以强 文乎? 之事專出 疆不守,職 暴弱,夷狄 周室既衰,諸 ,皆辠人也。 貢 不奉,朝覲之禮 乘之横乎中 曰:不有齊桓、晉 侯 既 熾,以 盡 國,天子 廢,征伐 大 吞

大義倡之於前,晉文明大順 所存位與號耳。 是時二伯奪起,齊桓仗 和之於後,

國。 文徒 内率 内 率諸侯 有 諸 而 皆 尊周之名,而 侯 謂 以尊王室,其實内率諸侯 以 皋 尊王室,外 人,可 乎? 無尊周之實。 攘 曰 : 夷 侯耳。 狄以 齊 桓、晉 尊 以 雖 尊 中  $\Box$ 無

> 之盟、城 作《春秋》以 道桓、文之事者。』又曰:『五霸,三王之 時之權也。 濮 之 明王道,以 戰 故 孟 與 子 其 Ė 攘 撥 『仲尼之徒,無 夷 亂 狄、 Щ. 救 故召陵 中 或

皋人也。」」

三十有三年春,王二月,秦人 人 滑。

滑,見《莊十六年》。 義 見《隱七年》「戎

伐凡伯

齊侯使國歸父來聘。

左氏》曰:「齊國 莊子來聘。」義見《隱七

年》「齊來聘」。

夏四月辛巳,晉人及姜戎敗秦師于殽。《公羊》

師 字。

其北門之管。若潛師 杜氏 年冬,杞子自鄭告於秦曰:『鄭人使我掌 戎子駒支之先也。」《左氏》曰:「三十二 曰:「姜戎,姜姓之戎,居 以來,國可得也。」 晉 南鄙。

之墓 蹇叔 於 十三 必 吾 超 必  $\Box$ 出 知 無 不 非 穆公訪 於 死 :  $\pm$ 乘 見 師 ?』公辭 所 可 所 是 殺 之子  $\Box$ 者 年 也 師 於東門之外。 平 聞 阚 必 之出 間 ; 諸 ! 也 何 秦 — 有 其 與 蹇 殽 白 秦 知 余收 焉。 師 師 師 悖 叔 北陵,文王之所 有 師 乘 面 師 ? 之 调 心。 勞 二陵焉,其南 不 邨 哭而 所 周 爾 召 蹇叔 中 力竭, 見其  $\pm$ 而 爲 骨 北 壽, 蹇叔 孟 且. 無 孫 送之日 • 門, 焉 明、 日 禮 滿 ~。』秦 入也。』公使謂 行 爾 鄭 遠 哭之曰:『孟子 :『勞師 左 必 西乞、 尚 墓 千 必 主 右 : 幼 之木 敗。 師 里 知 備 辟 陵, 一一 免 之。 遂 風 白乙,使 之, 觀 胄 以 其 夏后 東。 拱 輕 人 之, 襲遠 雨 IIII 誰 禦 矣。」 無 則 勤 下 也 = 之 寡 泉 師 不 乃 Щ

其

鄭

唯

行

腆

聞

無

74

八

遇之。 也。」 使皇 穆公使 楊 之有 吾子 奉 冀 麋 是 則 敝 敗 晉 鹿 脯 武 乎 我 也。 邑, 備 孫 也。 將 原 以 原 資 子 視客館, 以 ?」及滑,鄭 一夕之衞。』且 奔宋。 爲從者之淹 間 軫 甫 步 乘 攻 餼 辭 韋先 敝 猶 日 之 牽竭 焉, 師 奉 亦 不克, 邑,若何?』 杞子 出 孟 秦之有具 日 則 牛十二 矣。 於 可 秦違蹇叔 : 明 束 敝 商 失, \_ 韋 日 載、厲兵、秣 爲 吾 人 居 邑, 使 : 敵 之不 犒 吾 子 弦 則 遽 敢 有 不 師 鄭 高 子 淹 具 而 告 也。 犒 可 繼 有 之 將 以 久 於鄭。 日 從 · 吾 日之 縦 備 將 於 奔齊,逢 市 貪 吾子 者。 矣,不 馬 勤 敝 於 行 其 縦 寡 積 周 邑, 也 還 敵 取 鄭 不 君

0 「之」,原作「知」,今據四庫本改 謀

無

禮

則

脱

人

險

而

脱,又不

能謀

能

患

生,

違天

不祥,必

伐

秦師。』樂枝

日

天

口

孫

曰:「晉襄公厄人於險,非仁也。 秦,以 大德。』劉氏 秦不哀吾 之, 素服郊次,鄉 帥,曰:『彼實構 明視、 二三子,孤之辠也。 貪得 之爲 也。 人之 命 而 也 逞寡君之志, 不 遽 伐 厭 其 其 喪 大夫何皋? ? 謀 西 興 喪, 地 君 師 而 及 乞術、白 姜 吾聞 曰 而 襲 何辱 而 其 文戎, 敗 子 : 師 棄 其 伐 爲 孫, 之, 而 其 秦 吾 或 吾 若何 討 死 哭 與 師 Z 二君 秦 可 口 焉 君 日 且吾 者也 弱 人 丙 ?』公許 師 日 姓 乎?』先 ! 謂 不 之 秦 以 于 縱 之孤 · 替 死 不 寡 臣 孤 使 歸 殽 敵 孟 却 以 歸 君 君 則 而 違 《 莊 以一 殊。 秦雖 也。 徼幸其成,自以爲功者也。 胡 虚歲 殺 從戎,雖 必 矣。」愚 未 書 喪 秦、晉之構 氏 視吾國之無 及姜 有 用 日 不辜,而 兵,非 不 ·爲 謂 獲 害者。 : 夷 得 時

蹇叔

以

辱

明

孤

之過

謀

其

君

一,

告

掩

孫

氏

而

死

其

親,

就

戮

於

秦伯

若

得

而

食

文

嬴

請

乎

遂

發

獲

百

里

孟

數

世

之

患

無

禮

何

施

軫

日

未

報

秦

施

二十年》「齊伐戎」。 若居喪而見伐,不得已而 ,曾不十年,晉遂不 時攘夷狄之功 《春秋》正義不謀 不道,本伐鄭耳,不及晉也。 戎,蓋夷狄不 「杞子、先軫之謀偷 孝也。」邦衡胡氏 怨自 狄 故 天下不爲 之勝,然比之行 是始。 犯 今與 然後請 中 而 利,明道不 之共 可 國,治之 取 競  $\bigcirc$ 與之共 更 者 之也。 )君舉: 於 而 Ŧi. 敗,秦惡 見一時之利,  $\Box$ 二君皆過  $\pm$ 何啻 楚伯。」康侯 君 · [ | 應之可也。 是 而 陳氏 事 交 計功,不 義又見 乃背 擊之可 天壤之 也 不義 春 (兵,無 自 口 殯 古 然 知 :

焉 以立人道,存天理也。」 狄,再失則禽獸,而大倫滅矣。 在,則從之矣,何有於君父? 而 爲人子者,懷 貪其利,是使爲 利 人臣者懷利 以 事 其父。 《春秋》所 失 利 以 則 之 事 所 夷 其

衞

○存耕趙氏

曰

取訾

婁已甚矣,

而

皋自見矣。」義又見《隱

年

- 》「鄭

伐

得,恃强陵弱,

不義之兵也。

直書

其

事

癸巳,葬晉文公。

也。」義又見《隱三年》「葬宋穆公」。 高氏曰:「此見襄公父死未葬,而尋干戈

狄侵齊。

《隱七年》「戎伐凡伯」。《左氏》曰:「狄侵齊,因晉喪也。」義見

公伐邾,取訾婁。訾,子思切。訾婁、《公羊》作叢、《穀

采》作訾樓。

《左氏》曰:「以報升陘之役。」義見《隱四

年》「莒伐杞」。

康侯胡氏曰:「此皆不勝忿慾,報怨貪秋,公子遂帥師伐邾。帥、《公羊》作率。

晉人敗狄于箕。

再見兵不戢

而佳,其不爲亂階乎?」

復伐焉, 君臣

同

也。

遂

專

軍於是,

冬十月,公如齊。

《左氏》曰: 贈賄,禮成 臣聞之,服於有 曰:『國子 爲 而 齊國莊子來聘,自 加 政 禮、社稷之衞也。』冬、公 之以敏。 齊猶 有 臧 禮、君其 文仲言於公 郊勞至於 (朝焉。

伐 年 年,所爲若是。」 來 如 而 聘, 邾 受盟焉。 齊 矣, 朝, 而 〇高 故 公 且. 遂 氏曰:「公本事 一
弔
有 懼 至是晉文已卒,齊侯 往 晉 朝之。 而 狄 改 師 事 也。」義 蓋魯 齊 齊,逮晉 也。 大 見《 晉 公之季 喪, 使 文伯 僖 + 既 卿

十有二月,公至自齊。

貫 故 此 何爲 道王氏曰:「公嘗如 也。」義又見《桓二年》「公至自唐 至 一哉? 公反 自 齊矣,未嘗 齊 而 薨, 嫌 至 以 也 齊

乙巳,公薨于小寢。

梁》曰:「 重。凡諸侯薨,當在 公卒」。 「公如齊,反,薨 杜氏曰:「小寢,内寢也。」《左氏 ○東萊吕氏 非正 也。」義 于 小 티 : 路 寝,即 又 見《隱 寢。 「古人正 安 雖 三年 也。」《 病 終 於小 Š 事 日 其 宋 穀

於仁 以 不請 際,終不可亂矣。」 自見矣。」許氏 哉?』古人貴於得 Œ 諸 息之地 寢釋服 適路寢聽 寢,路寢一,小 以 又 故男子不死於婦 寢,其甚危之時,不可不勉强 矣。 路 侯 詳著之。」康侯胡氏 不于正 . 而 寢 有三宫,則 天子之命而自立,既 曾子曰: 爲正,則 體 《公羊》以 是路寢 政。使人眡 寢,是不 安 於禮 日 寢 列國之治蓋降於王。 是君終不於路寢,則 『吾得正 : 治 Ŧi. 人之手。」高 IE. 君 正 西 事 則 其 之所 大夫退 宮爲 日 君 正 子 乃 \_: \_\_ 終 日 自治 勝。 如 也。 不正 而斃,又何求 出 周 小 也 此 寝,魯 而 ,然後適 出就路 常常 圃 制 氏 於 直 ^ 其始。 春秋 眡 ,王宫六 曰 死 書 使 小 朝,退 生生 生之 子 寢 心 而 熟 義 其 以 小 所 死 非 燕

二 五

隕霜不殺草,李梅實。

氣,而 其道 也。 微、 以 以 也。 氣 則 不 日 殺,木宜 也。」存耕趙 陰 公羊》 殺 :「哀公問於仲尼曰:『《春 塞 其 統 天 陽 慮 草木 權 道言,四 夫宜 草,何爲記之也?』曰:『此言 於天地之間,則陰 雨 萬 几 四 患 象 露 必 티 : 於早之意 時 萎 時之常 喪,無 矣。 殺 生之,雪霜 猶 而 之氣,天 氏 而 時 干 李 記 日 以 不殺,則 以 失 犯之,而 也。 梅 異 : 君 也。」〇 服 其 實, 也 霜 道言,五 地 (序,則 萬 殺之,天 皇 隕 異 所 民 李 陽 極 何 況 八也。」 以 矣,草宜 矣。 莘老孫 之道 梅 有常,而 異 其 君 生 1秋》記 刑 冬實 乎 爾 施 蓋 康 地 殺 行, 失 ? ? 必 自 萬 除惡 侯 殺 氏 其 悖 生 然 天 物 是 不 而 可 隕 胡 而  $\vdash$ 用, 殺 者 於 和 之 無 故 失 殺 霜 氏 不 時

若謂此 草未 記 公以 殺草,尤未足爲異,《春秋》何 乃周之十一月,今九 異 君之戒也。」家氏  $\sim$ 卒 氏 霜 臣 者 以 乎 春秋 録 以 權 不 曰:「僖 不 時 ? 生 之誤、《春秋》因之,若九 盡 暗 能 隕 0 專 此夏正之冬何疑?」 一般,猶 十二月爲建亥月,則夏時之十月, 影詳 殺,猶 當當 彝 弱繼之。 杜 魯,咎 霜 倫 氏 公寬仁 記 殺 不 攸斁, 以 或有之、《春秋 災異,不 者 殺草。』蓋 人君 證 其長曆 不 曰:「嚴冬不 著 三桓之盛 殺。 過 威 天 矣。」 厚 月 不 遏 遺 而 其 京房氏 草 也。 能 於 微 獻 推 ', 小 制 陰 以》何 細 失也豫,而文 ,自僖公始 指 可 月 以 謂 小人矣。」 殺,氣燠也 陽, 人之類 之 所 此 動 此 以 杜 二 君 則 色 霜 爲 + 以 遽書爲 氏 而 謹 當 舊 不 日 也 史 月 X 假 書 能 生

晉人、陳人、鄭人伐許。 甚矣。」義又見《隱二年》「鄭伐衞」。 狄,又伐先世所不致之許。孔子曰:"遠 《左氏》曰:「討其貳於楚也。」張氏 之志,自以爲勤然,不知忘喪毒民,失道 人不服,則修文德以來之。』今襄公承業 「許自文公所不能致,襄公今年敗秦、敗

曰 :

春秋本義卷第十三

後學成德校訂

## 春 秋 本義卷第 十四四

伊

尹

以

+

月

奉

嗣

 $\pm$ 

祇

見

厥

祖

秦

以

+

月

建

亥

爲

歲

首

故

秦

史

紀

年,

始皇

洲

恣。」

愚

謂

商

以

十二月建

丑

爲

歲

首

故

:

文 公名興,僖公子 ,聲姜 所 生

元

年 春,王正月,公即 即 或 康 侯胡 位 君 嗣 趙 氏 世 一定於 氏 曰:「即位者,告廟 日 二凡 初 位 喪,必踰 國君立,必 年 臨 然 踰 羣臣 後 年 改 乃 也

位。

不

獨

以

年不二君,亦

以

告終

稱

即

月癸亥,日有食之。《公羊》亥下有朔字。 在十一 事 故 狩 曰 : 皆 可考,未敢質言 自十 月建子之月 自改天子正 ·月朔。 耳 則 朔 周 今魯 也 諸 侯 然 在 之即 於周 寅 月 即 位 無 当當 位

實

天王 使 叔 服 來會 葬。

義見《隱三年》。

元

諸 禮 氏 則 相送終之辭 未 叔 詳 侯 ,今使叔 服 天王之微 曰:「葬者,臣子之事。 是否。 五月 字也。 而 服 《左氏》曰 葬。 弱 也。 杜 來 可 氏 會 僖公卒在前 知 天 葬  $\Box$ 矣。」 王 : 是, :「内史叔 唯 叔,氏,服,字。 自 有 會葬者,諸 胡 同 弔 年十二月, 氏 於 贈 諸  $\Box$ 含 服 侯 : 襚 。」高 「案 也 之 侯

改,

而

大事

必用

建子之月。

魯

用

寅

月

即

浚

南趙

氏

日

周

改

IF.

朔

月

數

固

未

嘗

雖

内受於先

君

而

亦不

請

命

於天子矣。

嗣

間容其請

命

以

備

禮也。

文公即位

位,是自

改天子

正朔

也。

書

之以

懲

專

大 氏 至 **⊟** 夫 此 會僖公之葬。 方三月,而 「諸侯奉上之節蔑聞焉 使叔 服來會葬。」獻 <del>前</del> 天 王. 可 使 杜

夏 四 月 丁巳,葬我君僖公。

天王使毛伯來錫公命 義 見《隱三年》「葬宋穆公」。

以 其 劉 某公命』。 杜 及諸侯之薨也,必告於天子。 曰:「凡 於下,書曰『錫』。」命已薨之公,則曰『 毛伯 士 世 氏 氏 日 -子 孫 服 日 敢 "衞也。」莘老孫氏曰:「天王有 ,爲諸! 氏 : 見 諸侯之立世子,必請命於天子 服 「毛國, 天 티 : 錫命者,命爲諸 其 當國之君, 侯,世 子 服。 「毛, 於 伯 廟 子 므 采 爵 喪畢,乃朝於京師 見天子,錫之韍 而 但 地。」《左氏》 諸 受命 曰『錫公命』。」 侯 侯 爲 天子命立 也。」高  $\pm$ 未受 卿 E 氏 錫 賜 1 :

朝 歲 謂 丰 則有 《莊元年》「王錫 毛伯 又何予之? 曰 : 待天子 則 然後臨 冕、圭、璧,然後服之。 矢,因其敵愾獻功而錫之者也。 主、壁,然後 愚謂:文公在衰絰中,安然受之而不辭 喪,而天王先 來朝而錫之者也。 不 璧,因 何錫予之? 以 「諸侯終喪,入見則有錫,歲時 成 錫,能 不 士: 諫 爵 爲 其 服 命, 其 加 君 臣 敵王 從 見天子,已見,錫之黻、冕、 民 終 歸』是已。 玄衮 乃得了 使人即命之,非禮甚矣。」 君之令,皆非也。 故 焉。 喪 桓公命」。 世 所 雖 人 及 爲君 蓋諸 子 愾 無 見 《詩》所謂『君子 黼』是已。 雖 予之, 則 錫 歸,設奠於祖 也。 車馬 有 侯 有 之者 不命 世 錫。 今文公未畢 路 衮黼,因其 繼之義,必 也。 康 車乘馬。 於 《 詩 彤弓玈 韍、 侯 義 天子, 又見 來 胡 冕、 廟 來 所 朝 氏

今文 心 謂 貺 彤 公繼 之。 弓弨兮,受言藏之。 鍾 世 鼓 喪 既 制 設,一朝 未 畢 非 我 享 初 有嘉賓 之』是 見 繼 朝 己 中 而

勢 陵 夷 一之每 每 屈 己 以 就 下 如 此。

獻

功

也

何

爲

來

錫

命

乎

?

黄

氏

 $\exists$ 

事

當

君

:

侯

伐

衞

義 尤 見《 非 隱 也 年 **>** 鄭 伐 衞 0 此 則 居

喪

伐

叔 孫 得 臣 如 京 師

中 皆 使毛 命。 耕 衰 孫 得 天 趙 非 得 絰 臣,叔牙之孫 氏 伯 公於是 禮 中 臣 王錫 ·, 未 曰 : 也 如 來錫,文公之使叔 周 嘗 命,安然受之,已非 所謂 拜。」高 使 文公踰 朝 陪 莊叔 王 君 臣 不 氏 年 也 如 而 君  $\exists$ 即 周 王 : 臣 位 拜 澽 「公初 左氏》曰: 孫 焉 使 儼 不 得臣 =禮矣。 卿 臣 然 即 天 來 喪 往 位  $\pm$ 錫 服 拜 · 在 叔 使 之 存 之 公

> 喪,不 終喪, 既 使大夫往 受 命, 雖 敢 使 呕 拜 大 拜 是 命 夫 王 邪 夷 庭 往 周 可 君 於 也。 子 敵 猶 己 獨 矣。 爲 不 不 若 日 可。 未  $\vdash$ 未 終

衞 人伐晉

勢, 也。 晉 父之業 「嘗聞 隱 襄居 而 以 以 年 以 小 喪伐 也 小 報  $\stackrel{\cdot}{\approx}$ 而 事 鄭 復 謀大,滅亡之道 衞 或 大者,未 爲 伐 一; 固 事 衞 不 有辠矣, 尤 連 聞 有 諸 以 皋 東 侯 然猶 也 小 矣 萊 古 而 吕 謀 義 中 氏 爲 大 或 又 承  $\Box$ 者 見 其 之 :

秋,公孫敖 會 晉侯于 戚

容貌 詳信 君 杜 IIII 客 氏 則 死 采 否。 日 失政 章 此 戚, 存耕 未 習 之始 接 已成 趙 衞邑,在 於 也 氏 列 矣。」愚 日 或 二、文 他 頓 H 而 丘 謂 叛 公即 權 衞 命 諸 臣 縣 位 而 侯 擅 西 逃 元 非 命 二未  $\pm$ 幸 代

敖 處 萊吕氏曰:「内之禮樂自大夫出,由 臣 亦 而 命 一、彭生 父救 會伯 會晉侯 戴 非 自 禮 爲 氏 江  $\Box$ 也。 主 會,皋 而 : 始。 始。 乎? 晉 横,季 孟 義又見《隱 世。 **漠梁之盟**,則徧刺天下 外之禮樂自大夫出 氏 孫 自 襄居 況 氏 敖 魯 自 而 九 國 喪 專, 行 年》「 有 而 父 叔 喪,以 下 加 會于 孫 會大夫, 侈。」 E 大夫 公孫 防 由 自 之 陽 東 得

丘倫切。 冬十月丁未,楚世子商臣弑其君頵。 《公羊》、《穀梁》作 髡 憂倫切,又

大夫矣。

少者。 訪 朏 不 而 左氏》曰: 大子 諸令尹子上。子上曰:『君之齒 可 又多愛,黜乃 立 商 且是 也。 臣。 人 弗 初,楚子 也, 商 聽 亂 臣 蠭 也。 聞之而未察,告其 既 目 將 又欲 而 楚國之舉,常在 以商臣爲 豺聲,忍人 立 王 子 大子, 未也 職 也, 師 而

親。 享江 尹。」何氏曰:「言世子者,所以 諸乎?』曰:『不能。』『能 潘崇曰:『 子之室與潘崇,使爲大師,且掌 月,以宫甲圍 『不能。』『能行大事乎?』 也。』告潘崇曰:『信矣。』潘 『呼,役 一示懲 聽。 者。 : 諸侯,毒被天下。 至 年 》衞 言君 於弑逆、此天理大變、人情之所 商 芈  $\sim$ 1 夫! 臣 州 戒 春 而 未, 者, 所 之於君、親 也。 吁 若之何 秋 勿 事。 敬 **>** 王 成 宜 詳 楚頵 縊 丢。 也。』從之。 以 君 書 0 而察之?』潘 明 王之欲 康侯胡 僭 其 然昧於君臣父子之 王請 穆 盡 有 王 事  $\Xi$ 矣。」義 君之尊。」孫 馮 立 食 曰:『能。』十 行 崇 殺 江 欲 氏 一,以 陵中 熊 乎?』曰 後 日 日 女 明 . #: 又見《 一世 蹯 世 環 其 而 有父 崇 怒 . 國 而 爲 列 立 能  $\vdash$  $\vdash$ 死, 子 戰 所 深 隱 氏 之 之 太 職

弗

勝

由

駭

而

几

日

歎 氏 所 不 掩 道 而 日 : 子 E 哉 禍 惡 日 由 『《春 `, 名不 :『聖人何書此 Mi 發 春秋》 著 唐大 君 蕭 滅。二 秋》以善 其首惡 牆 不 子弘授《左氏 書 君 而 不之覺也。 世 而 一,爲 惡 臣 子 爲 邪 萬 不 弑 勸 !』率更令郭 世 臣 其 戒 春 之大 一、父不 君 秋 不善之 故 者, 戒 × 商 推 父 臣 廢 也 \_0 而 積 本 千 瑜 書 對 黄 載 其 子 可 而

公孫 敖 如 齊

齊、晉 氏 乎 敖 戴 ,?」義! 日 間 氏 如 齊, 曰:「諸 朝 「會晉歸 且. 又見《僖 非 會 啚 皆 禮 婚 侯世 出 也 於 而 於 齊 七年 復聘 專 相朝,必三年 得 故 也 - 》「齊 臣 也 齊,魯人於是 與 文公 敖, 來 聘 何 即 喪 以 位 畢 兩 爲 歲 事 高 或 今

秦 年 師 敗 春 二, 王 績 一月甲 子 ,晉侯及 秦師 戰 于 彭 衙

> 矣。 晉襄 于彭 之。 悔 也 師 重 地 帥 師 書晉侯及之,晉 馮 屬 御 施 責 又 師 百 翊 義又見《隱二年 於民。 公忘 至,將 衙。 戎, 先且 伐 而 愚謂 秦 郃 州 晉 事 狐 É 陽 伯 秦 居 喪 報 水 縣 猶 鞫 以 必辟之,惺 趙 師 將 而 秦穆行 復 縣 西 用 居 報 中 成子言於諸 敗 主 主 北 爲右。 孟 殽 軍 績 又 乎 乎 有 之役。 明。 左 趙 取 險 此 》「戎伐凡伯 彭 此 氏 岩日 敗 邀 戰 衰 而 衙 戰 甲 孟 人 利 績 佐之。 曰 : 增 城。」 子,及 也。 明 謂 雖 大 以 德,不 其 月, 勝 增 秦『拜 取 夫 秦 張 杜 無無 皋著矣。 修 敗,不自 曰:『秦 秦  $\pm$ 台 孟 氏 氏 或 . 可 足 賜 官 師 侯 明 日 政 道 當 戰 之 無 禦 視

T Η. ,作僖公主

康 :「主者, 侯胡氏曰 神所 : 作 憑 主 者 依 也。」《公羊 造 木 主 也 胡  $\exists$ 氏

於其

或

中,故

不 地

也。」義見《隱元年》

來

魯盟

我,

大夫往

他

或

盟。

不

地,

蓋

各

自十

作僖公主者,爲僖公作主也。 主者曷

主也。 用? 康 侯 胡 虞主用桑,練主用栗。 作僖公主何 氏 曰:「慢 愐 以 書? 不 敬 甚矣。」 譏 用栗者,藏 不時也。」 吕 氏

日 "「過時作主,文公孝心不至可知矣。

其能爲國乎?」〇《左氏》曰:「緩作主,

見其形 非禮也。」存耕趙氏 川則 爲主以寓之。 曰:「孝子之思親 作栗主,埋桑

主於 故曰緩。 兩 階之間。 將大事而躋之也。」 僖公之喪,過練 期矣,

三月乙巳,及晉處父盟

盟於我之國都。 氏》曰「陽處父也」。 宋人盟」之「及」同。 孰及之? 魯之微者。 凡 盟必 處父,晉大夫。《左 邦衡胡氏曰:「處父 與《隱 地,惟他國 元年 · || | 及 大夫

盟于蔑」。

盟于垂 夏六月,公孫敖會宋公、陳侯、鄭伯、晉 隴。 穀,户 木 切。 隴,力勇切。 《公羊》、《穀梁 士穀

作斂

有二 夫也。 盟 城。」 杜氏 則士縠主諸侯矣。 元年》「盟 也 士穀以襄公之命盟諸 出會盟諸侯、況以大 侯,非禮之正。」愚謂:諸 ·禮樂征伐自大夫出 ,自僖二十九年翟泉之盟始。 邦衡胡氏 月不雨,至于秋七月。 曰:「垂隴,鄭地。 晉 于蔑 襄紹 曰:「垂隴之會,譏 \_ 伯 主盟 ○愚案: 夫 侯,則是大夫主盟 使 矣。 而盟諸 滎陽縣東 侯 大夫 伯者之大夫 非 義  $\pm$ 又 出 侯 事 政 至此, (見《隱 有隴 乎? 不 會 在 得 諸 大

義 同 () 僖 二年》。

八月丁卯,大事于大廟,躋僖公。

五九九

定矣。 僖公? 也,而 以 也。 紊亂宗廟 之義已定矣。 兄,然閔實先立,僖嘗北 先父食久矣。」高氏 五五 是夏父弗忌 禰 者何? 今文公欲自尊 食於大祖。 之主,陳於 公羊》曰: 爲 而 見新鬼大,故 後 躋聖賢,明也 失 逆之, 臣不 禮 祖 譏 合 , 顛倒禮經, 先親後祖, 昭穆失 也。」《左氏》曰:「逆祀 逆祀 大祖 「大事 躋者 祭 口 爲宗伯,尊僖 可謂 禮 及其 也。 其父而 以 也。 無 . 何 ? 先 禮 者何? 鬼小。 不 未 其合祭奈 傳 君 曰:「僖公雖閔 乎 ? 順 毁 明 其逆祀 躋 繼 升 順 廟 於閔 子不可 ,則父子之義 面而事之,君臣 公,且 也。 祀, 先大後 禮 大袷也。 子 之主,皆 雖 何 奈何? 公之上,則 何言 國之大 也。』君子 明 以先父。 齊聖,不 也。 小, 見 乎 升 公之 毁 大袷  $\Box$ 事 順 升 又 於 先 合 廟

> 其爲 《春秋》之義也。」康侯胡氏 則 序 而 子,非兄弟 兄弟之不先君 公,親則兄弟,分則君 昭 僖公之主未 而 七世,諸侯 於閔公之上,非禮三也。 居喪未大 先親而後祖 穆 父 臣子一例,是以僖公父 ,謂之逆祀,不 無 世: 死 天 也。 子繼 一矣。」 也。 祥而 無 事 也 當入宫,非禮 兄亡 君 昭 也,逆祀也。 Ŧi. 吉祭 臣 穆,則是 子 世 然三傳 亦 禮 不 弟 於大 宜 也。 以 説 及。 臣 乎?」 愚謂 禮 親 百 無 廟 夫有 視閔 者 親 ○《穀 以 曰:「閔、僖二 名 祖 逆祀,則是無 以爲逆祀者 也 非  $\Box$ 害 號 関 也 天下者 禮 公 公爲 尊 雖 梁》 世指父 躋 尊, 爲 不 無 僖 文公 也  $\Box$ 司 祖, 祖 此

> > 474

程子曰:「秦以憤取敗,晉可以已矣!冬,晉人、宋人、陳人、鄭人伐秦。

尤其惡之大者。」 氏 而 復伐 日 三國 秦,報 以 復 伐 無 秦,再舉 已,殘民 兵而 結 怨。□○高 過 京師

親

所

公子遂如齊納

祭,以 以爲 肌 在 之喪二十五 公子納幣也。」○董子曰:「《春秋》譏文 者,則宜於此焉變矣。」趙氏曰:「又譏 吉也,其爲吉者主乎己。 以 在三年之外, 《公羊》曰:「此何以書? 内不圖婚,三年之恩疾矣,非虚加之也, 膚之情也,反在思念娶事、《春秋》之 喪内,故曰 人心爲皆有之。娶者,大吉 喪娶。 喪娶? 冬納 幣 難者曰: 喪不過三年。 月,文公四十 曰:事莫重乎志,納幣之月 皆 則何 喪 失於太早。 娶也。且文 譏 乎喪娶? 三年之 以 譏喪娶也。 一月乃娶, 爲有人心 三年之喪, 公以秋袷 也,非 三年 何 使 焉 常 娶

> 禫,縣 娶也 矣。 公始 行,閑邪復禮之意。」 人尊卑之序。 皆當盡人子之義。 公族而 譏之,所以 采 尽獻 之内矣。 '禮祥而縞,是月禫。 迎,自 甚疾 子加 。」康侯胡氏曰:「此皆使人私 卑者行之,庶或其可 祥 問 而 不述其所以,蓋公子、公孫 而 也。」高 名, 於 不樂,比 有次第。納 夫三年之内 納 闡 人一 日 幣, 幽 俾尊者將 請 氏 也。 等矣。』禫 則 日 御 納采、問 惟婚 |: | | | | | | | | 而 先儒謂婚 日 不圖 幣者,即 徙 納 不 命 姻之禮 禮 人。 徴 月樂,孟獻子 也。」葉氏 從事 而 婚 三, 曰 名皆在 有 圖 聖 夫子 姻 六 納徵 婚 則 請 人 則 不 期 於此 三年 欲 猶 於 口 日 非 有 E 也。 喪 國 不 使 納 : 順

人、衛人、鄭人伐沈,沈潰。 三年春,王正月,叔孫 得 臣 沈,戸甚切 會 晉人、宋人、陳

亭。」張 潰。 治平與 賊,乃興兵以問小國之辠。 氏 貫 秋》之書,以 與之國,將以 不忍楚之暴 也。」莘老 莊 中 道王 曰 : 或 叔會諸 陵中 不 沈, 故 氏 氏曰 能 國者, 孫 日 沈 明 諸 "「沈,姬姓國。 : 而 侯之師 氏 子 或 「不言帥 大義 懼之。沈,小國,不 侯爲 侵 日 名。 或 楚爾,沈何辠 漁諸夏也,於是伐其 :「沈者,楚所與之國 屬 失所伐矣。」高 以 汝 伐沈,以其 蔡州。」《左氏》曰 討 南 師,不成師 夷 平 可 狄弑君 與 ^ 漢 乎乎? 縣 傷也已。」 服 志 北 也。」杜 氏 於 父之 勝 《春 汝 有 E 所 楚 南 而 沈 : : 夏五月,王子虎卒。

秋侵伐之柄下移於諸侯,自是遂移於大 故《春秋》書以 爲戒。」邦 衡胡 氏 曰 : 春

夫矣。」

《公羊》曰:「王子虎者,天子之大夫也 氏 葬,此所謂『今之大夫交政於中國,焉 劉 政於諸侯也。」康侯胡 高氏曰:「赴於諸 而 無外交,是以 卷也。 曰:「尹氏之後,王臣書卒者,王子虎 勿哭』者也 子虎書卒不書葬,惟 私情害公義矣。」〇存耕 侯 而書其卒,蓋 氏 日 一天 劉 子内 著 卷 其 書 捎 臣 交

秦人伐晉

乎?」愚謂:秦皋著矣,亦晉人既得志又 張氏 悔 過 然彭 之心不 曰:「秦穆 衙 及此 能 公既 勝 役 其 猶 歸 恥 以 É 敗之心,而 報 殺 復 而 爲 作《 事 秦 至 誓》 此 非

衞

高

氏

딘 :

「文公三年之間

書

公

知魯之政刑盡

在諸臣矣。魯卒以是亡。

子遂、公孫敖、叔

孫

得臣累見於盟

會,則

民,

叮

知

矣。

義

又見

《隱

二年

 $\stackrel{\cdot}{\approx}$ 

鄭

伐

常

山劉氏

日

「兵

加

而民潰,君之不能治

復以致之也。 義又見《隱七年》「戎一冬,公如晉

伐 凡 伯

思

報

秋,楚人圍 江

江,見《僖二年》。 又爲晉救江、楚滅 義見《僖三年》「徐 江 起文也。 取

高 氏 曰:「江 近楚,自 齊 桓 貫澤之盟, E

服 從於中 國。 而楚· 自 城 濮 之役,亦不敢

復討 侵伐。 楚人弑逆之惡。 今復圍 者,蓋晉文既没,襄公不 故楚 輕 視 中國 復 以字。

有 窺 諸 侯之意,而先圍江 以試之也。」

闹 **金** 于 宋。 雨,于付切。

見其 宋 莘 之 老孫氏曰:「雨,自上而下者也。螽 所從 四 境 來,自上 故 日 \_ 雨 而 **金**曲 下,衆多如 于 宋』也 雨 0 趙 而 氏 在 不

曰 : 一 螽 生 ,災異極矣。 則 如 害 雨 五穀,況 血 雨 義又見《桓五年》。 毛、 如 雨 雨 土之類。」愚 之多? 害 物 謂 其

高氏 三年喪畢,乃朝 ⊟ : 「公之如 於晉。」 晉 蓋 義 朝 又 也 見《僖 非 爲

+

年

盟

也

公如齊」。

十有二月己巳,公及晉侯盟

陸氏 曰:「在 晉 都 盟, 故 不 言 地。」

義

見

(隱元年) 盟 于蔑

晉陽 處父帥 師伐楚以 救江。《公羊》、《穀梁》 無

之以 大皋 君 察於先 弑 不 陽 大義之師 衆 ,乃欲致患於江 君父之賊哉? 處父,晉大夫。 救 不問,而區 也,處父帥之以伐楚,豈果 江 後緩急之義 者。 也。」張 譏 园 氏 其 直爲救江 高氏曰: 是禽獸 爲 徒取 矣。 曰:「楚商 小 或 伐 救患之名,非 解 不 逼 而 晉國之 目 紛 人也。 臣 己爾 事 其 能 無 父 特 討 師 亦 以 無 仗 不 其 非

之任 中 或 付之大 諸 侯 爲 夫 己任者,豈 而 己 乎?」義 得 安居 又見《莊 而 以 伐 楚

十八年》「救鄭

几 年 春,公至自晉。

公私 朝 二年》公至自唐 强 出,踰 國皆『至』者,見其輕去宗廟、遠 時不告 Œ ○孫 朔 也。 氏 티 : 義 又 「自是公 見《 朝 桓

夏,逆婦姜于齊

强

或

也

夫人不以 幣 稱 曰:「娶婦,正始之道也。 在喪,與喪娶同。」未詳是否。 婦姜,見《僖二十五年》。 其 位 終。 或 亂 子 始之不正,故 程子 弑 Ď: 强 ○劉 臣 氏 擅 納

者二: 氏 以 刑 微 于 齊』是也。 齊』、《成十四年》『 則亡。文公之不能保其後 也 據依,以 之辱,冒大禮以往,國人皆賤之,遂 有皋矣。 齊』是也。」 日 謹 其 以 :「凡書『婦姜』者三,而 (妻也。夫人之不能安其位者,由 禮之於人大矣! 於 知 《宣元 禮 著, 危其身而亡其子,由 當是之時,夫人不能早 也。 逆書婦 又 非 年》『遂 此正: 獨 姜者 僑如 文公之皋也 始之道 以 以夫人婦 是 ,此年『逆婦 夫人婦 存 嗣 也。」東 至 者,由 則 本不 書 存, 姜至 『婦姜』 姜 澼 夫 至 萊 是 ĪĒ. 無 無 喪 人 É É 故 姜 無 以 所 娶 預

狄侵齊。

也 義見《隱七年》「戎伐凡伯」。 箕之役至是侵 以齊之强,而 齊 狄 間 再侵之,則狄之强 普 有秦、楚 〇高 氏 之難 日

倫

之守,

口

不

慎

哉。

故

鑒

末

以

原本,

大

若

而

可

故

卒.

至

於

禍

也。

夫

婦

之際,人

者

1也,闇

弱

惰慢,不能率禮而

行,以

謂

苟

命

幾

於亡矣。

文公非

不

欲

存妻子

傳

世

衞

侯使甯俞來聘。

秋,楚人滅江

討,而 舒 以 滅 出 之復强,而 也。」高氏 衰 左氏》曰: 雖 ,伯業之墮,夷狄之横,至是甚矣! 堅其敵 次、不舉、過數。 不能 愚案: 楚頵 反敢滅 耳。」義 曰:「江終爲 處 救,敢不自矜乎? 楚人 父之帥 國, 則 滅江 又 大夫諫 見《 王綱之壞, 弑 師 一,秦伯司 君父,中 楚所滅, 無 僖三年 公公曰 益 於救 爲之降服  $\stackrel{\cdot}{\gg}$ : 中國 · 或 吾 則知 同同 自 徐 適 不 之 能 盟 取 楚 懼 所

晉侯伐秦。

■ 「而」,原重文,今據元刻本、四庫本删。

上有一月任寅,夫人風氏憙義見《隱七年》「齊來聘」。

冬十有一月壬寅,夫人風 惠公。 其 蓋 之曰『君夫人』,稱諸 康侯胡氏 謂:又爲葬成風、王歸、含賵起文 人之禮,故 人,嫡妾亂矣。」 啖氏 尚未敢同 爲證,謂成風繫之僖公,猶 僖公之妾。」以秦人來歸 也。」與《左氏》合。 康 侯胡 敵 生亦以夫人之名稱號之,其没亦以夫 體之稱 前説 氏 日 嫡 曰:「風 一語語 亦書『薨』,著其 近是。 也。 也。 自成 若夫妾媵,則 日 氏,僖公之母, 木訥 程子曰: : 日 氏薨 異 邦君之妻,邦人 風 趙氏 邦 「自成 已後,妾母 僖公成 曰 非禮 以 「仲子始僭 『寡 曰 : 仲子繫之 風 非 風氏 風之襚 小君」, 也 莊公妾 也 僭 敵矣。 引。」愚 稱 用 稱 夫 夫

之惡 謂 : 此皆 卑其 無 皆 聖 稱 謹 《春秋》於成 夫 日 : 欲 口 庶子爲 人實 之禮 改 所 稱 夫人,而況妾乎? 禮之所由變也。」高 人, 徒欲崇貴其 尊 宣 文公雖不 異 太后 身 寵 而 夫人,自僖 不知《春秋》之旨者也。」東萊吕 由由 書 後 君 不改,則亦不可謂無辠矣 則 其 卒 之母嬴、哀之母姒 世 以 爲 失位 所 葬 ,甚至妾死 成 乃 愛, 之, 示 風 風 其 忍傷父之志,然以義斷之, 有 僭 記 一,賤 始。」存耕 母 而 非 公始,非文公之皋。」愚 日: 亂 其卒葬 不虞 無 所 所 其 之 以 服 以 生. 父 而 子 魯禮之變自此始。 由 氏曰:「再娶不得 卑其 不 而 IE. 加 П, П. 則 貴之説,凡妾母 趙氏 ,各以實 · 薨 其 以 敢 無 不虞賤 見其 身以 分 皇后之謚, 本。 貢 附  $\exists$ 也 尊 稱 : 無 安 夫禮 《其父。 號、迄 書者 者 成 君 母 蓋 也 氏 風 父 爲 徒

五年春,王正月,王使榮叔歸含且賵。

之,非 妾僭 爲夫人,亂 人,襄 賵 莫先焉。 IF. 賵 成 子大夫。」《公羊》曰:「含者 不 風 人 ,見《隱元年》。  $\Box$ 仲子、成 之喪 倫 天 嫡 禮可  $\pm$ 也。 面  $\pm$ 不 桓以  $\pm$ 計京 倫甚矣。」〇君舉陳氏 風 知也。」程子 闕 能 成之,於三綱 君 書之。」 文 IE. 臣 臣 師 也 弑 也、父子 也。 死 孫 君而 劉 又 胡 氏 賵 曰 : 氏 使 氏 日 王命之,成 廢矣。」 也、夫婦 祭 : 日 常事不書, 天 : 成成 叔 一、祭 П 王 含 春 風 實 成妾母 之、 也,道 叔 風 秋 僭 也 以 天 賵 以 惟 夫

三月辛亥,葬我小君成風。

爲 益 子 小 疑, 焉 雖 君者,嫡 聘, 故 亂 别爲 非 禮 惠公之嫡 夫 甚矣。 立宫,而 人之稱,而 也 康 羽 數特異, 侯 春 安 胡 13 秋 氏 之 稱 티 : -之 雖 初 X # 尚 禮 私 以 仲

庶子 也 其 有 配 風 之正,然不 之禮耳。 若庶子爲君,爲其母無服 又曰:妾之事女君與婦之事舅姑等。 復辨矣。 曰 則 葬 母 君之母非夫人者,又庶子爲父後,爲 "「以妾敵父,則卑君父之體 總。 ·爲父後,爲其母緦者,卿大夫士庶 然則母以子貴,非禮甚 乃有二夫人祔 黷嫡母之尊。 故禮之失,自成風始也。」高 蓋尊者爲一體,不敢服其 袝於姑,猶有辨 禮曰: 妾不得體君。 廟 而 亂 焉。 明。 倫 易紀, 至是,成 以 愚 妾並 私 謂 禮 親 氏 無

王 使召伯來會 葬。召《穀梁 》作毛

胡 不 曰 不 天子之卿。召,采地,伯爵也。』《左氏 ·· 「召昭公。」獻可杜氏曰:「賵、含尚 可 氏 書「天」,亦闕文也。 ,況天子之尊,使卿 曰:「含、赗而 會葬,其事益隆,亂人 杜氏 會 葬乎?」康 曰:「召伯, 侯

爲闕文衍字耳。 近臣 尊爲一體,不敢私其親也。』《 而 子者一。 二,稱天王者二十有 也。」李氏曰:「天子之見於經者三十有 曰: 『君之母非 曰:『庶子爲父後者爲其母 倫,廢王法甚矣。]〇許氏 史辭之異 及僕驂乘 三稱 爾。」未詳是否。 服,唯 並 夫 一行,故 人 也,則 五,稱王者六,稱天 君 所 知王者之通 티 : 服 羣 口 也。」此禮正 喪服  $\sim$ 臣 以 然愚直以 無 緦 喪

四問》

也

),與

服

惟

服》傳

夏,公孫敖如晉。

義見《隱七 「聘也。 王含且賵矣,又來會葬矣,捨天 年》「齊 來 聘」。 高 氏 E :

秦人人都。 音若

王而謹

事晉,皋自見矣。」

氏 鄀 張 氏曰 「秦人人之,後爲楚邑,楚昭 :「襄陽宜城 縣 地 有 故 王復

稱

國之後,去郢

都都。」《左氏》曰:「初,都

信否。義見《隱七年》「戎伐凡伯」。 叛楚即秦,又貳於楚。秦人入鄀。」未詳

秋,楚人滅六。

杜氏曰:「六,國,廬江六縣。」任氏曰:

氏曰:「臯陶之後,屬安豐軍。」《左氏》 地譜》: 壽州安豐縣有六國故城。] 張

仲歸帥師滅六。 曰:「六人叛楚即東夷。 臧文仲 曰:『皋陶不祀 秋,楚成大心、

忽諸 ,德之不建,民之無援,哀哉 ! ] ] 義

見《莊十年》「荆敗蔡師」。 如此者,以 楚人往年滅江,今年滅六,敢肆其惡逆 中國不正其弑逆之辠故也。」 〇高氏日

冬十月甲申,許男業卒。

義見《隱三年》「宋公卒」。

六年春,葬許僖公。

義見《隱三年》「葬宋穆公」。

夏,季孫行父如 陳

行父,公子友之孫,公孫佚之子也,以 父字爲氏。 《左氏》曰:「臧文仲以

陳,且娶焉。」義見《隱七年》「齊來聘」。

之睦也,欲求好於陳。夏,季文子聘于

陳

衞

秋,季孫行父如晉 木訥趙氏曰:「敖嘗如晉,行父如晉,仲

氏、季孫争交於晉。 三家之張,自文公

始。」義見《隱七年》「齊來聘」。

義見《隱三年》「宋公卒」。

八月乙亥,晉侯驩卒。驩、《公羊》作讙

冬十月,公子遂如晉,葬晉襄公。 高氏曰:「卿供喪事,非禮也。」杜

「三月而葬,速。」義又見《隱三年》「葬宋

氏

日

穆公」。○莘老孫氏曰:「古者大國不過

事無闕乎? 三卿,而諸侯之葬,一卿 故《春秋》之法,葬諸侯,使

輒往

,則國家之

二六八

微者,則無譏;卿行,則譏之,以爲强者

脅弱,而弱者畏强也

晉殺其大夫陽處父。

若 時 歟 帥 義 · 而 傳載 處 ! 師 見《莊二十六年》「曹殺大夫」。 父者,其道足 會 當 首見殺 處父事, 盟 晉 或 其 擾攘 焉。 擅 舉無足信 晉 以 之際,正 夫 之 殺 專 權 其 殺 身 而 者歟 大夫, 辠 不 元 然經 以 臣 其 秉 書 節 道 處 案 也 之 者 父

義見《僖二十八年》「元咺奔晉」。○邽晉狐射姑出奔狄。射,音亦,一音夜,《穀梁》作夜。

爲 奔 衡 義 耳。 見《 據 胡氏曰:「狐射姑之皋,三傳之言未 ,是必處父之黨。 僖二十八年》「元 然又 即 狄 則 其惡可 處父既死 呵 奔晉 知 也。 故 足 遂 邦

里 月,不告月,猶朝 辈 高 月 氏 雖 曰:「閨 有 晦 朔 月 于 而 日 廟 無 告月、常月 時 告,姑沃切。 令可 察, 日 唯 又如字。 告朔者 朝 廟 告

國,不 象。 朢 莘 爲 生 拜 非 子 正 也 月 王 之間,象也。 政 日 H 一里 老孫 民 居 也 推 也 謁 以告于廟,所謂稟正朔 月 正 朔 而 ),何以 一,不行 歸 之道於是乎在矣。 趙 不告月, 策 門 於 己。 圃 以 氏 奇於扐, 氏 故以定時 諸 終 르, 是 以 則 曰:「朝 曰 : 侯,諸侯受之, 月 朴 正 告 爲 爲民?」〇 有 故 者, 象數者,天理 鄉 時,時 附 其 朔 而 天子常 之禮 吕 以 數。 但 月之餘, 周 成 猶 廟之禮 象 氏 朝 制 歲 以 閏 朝 H 轉 廟 者 康 也 作 以 數 而 : 于 璣 不告 侯 爲 而 事 每 今年 以 唐 也 也 廟 故 觀 也 胡 告 班 弗之數 其 月 典 事 非 日 告月而 衡 閏 氏 月 告 文公 朔 奉 冬 斗 彻 猶 朔, 以 E 朔 即 人 指 則 月 班 H 左 厚 也。 於 告 所 棄 朝 以 有 至 以 朔 明 M 氏 Ŧ 邦 詔 迎 能 琞 其 時 廟 甲 年 朔 辰

於 琞 其 諸 不 告 廢 公 知 而 遂 城 黄 之以 氏  $\Box$ 備 : 邾。 部 其 魯 陵 下 邑, 虐 小 因 或 伐 不 邾 恤 之 伐 民 師

力,直書自見。」義又見《隱 儿 年 · 》「 吉 ·

杞」及《七年》「城中丘」。 公伐邾 取 須 句, 旋 敗 於 升 張 坚 氏 邾  $\exists$ 復

取

僖

禮

之始,

正

其

法

也。」愚謂

朝

廟

禮

也

相

大

· ; 而

告

朔

之

禮

漸

廢。

故

孔

子

月

一於十

六

年

而

朔

之不

視

凡

叮

廟

告

月

之

禮

廢

於文公,

於

是

朝

廟

而

不

告

朔

非

禮

也。

非

謂

既

不

告

夏四 月,宋公王 之。」愚案: 升 一臣卒。 坚 不書敗績 王、《穀 梁》作壬, 未 未 詳 信 蓋 傳 寫

之

望 朔 而 朝 似 于 朝 同 廟 而 廟 則 實 可 去之 異 得 禮 也。 矣。 使文公於閏 此文意 與 ′`, 猶 告  $\equiv$ 月 誤

郚 七 年 句 春 1,公伐 權 俱 切。 邾 《公羊》作  $\equiv$ 月 朐 甲 部 戌, 音 取 須 句 遂

o

城

^

左氏》曰

:「宋成公。」

愚

謂

此

爲

宋

殺

:

文

也

也

須 句 ,見《僖二十二 年》。蓋 春伐邾 至 此

而

取

其

邑。

趙氏

曰:「不復繫於邾者,

省

城。 句 文 日 也 此 張 案 又 氏 杜 「僖 取 日 氏 : 二十二年冬,公伐 須 日 **:** 屬 句 者,蓋 襲 部 慶 魯邑, 府 須 泗 旬 卞 水 爲 縣 縣 邾, 魯 南 所 取 胡 有 取 須 氏 部

其

後

復

人

于

邾

今

又

伐

取

之,其

惡

可

0

宋人殺其大夫。 其大夫司馬及來奔諸 事 起

書「宋人」,見《莊二十二年》。 曰:「宋成公卒。 於是公子成 爲 右 左 師 氏

公子 去羣 孫 友 爲 葉也。 公子, · 蕩 爲 左 司 師,樂豫 樂豫 城,華 若 去之, 日 -: --: 御 爲 事 司 則 不 爲司 馬,鱗 可。公族,公室 本 根 寇。 矔 無 爲 所 昭 司 公將 庇 徒 廕

則腹 之由 位 室 之?』不聽。 斧焉者也。 比,況 矣。 大 年》「曹殺大夫」。 殺公孫固、公孫 德,皆股肱 工,樂豫 , 夫之見殺、出奔、來盟, 以著昭 而 葛 心傷,自然之勢也。 葬。」未詳信否。義見《莊二十六 或 蓋臣者,君之股肱。 描 含含司 君 猶 乎? 也,誰敢 必不可,君 能 穆、襄之族率國 馬,以 庇其 鄭 此 ○愚案:自此 於公宫。 諺 讓公子卬。 本 攜 所 其圖之。 根,故 貳? 若之何去 謂 故《春秋》 庇 股 人以攻公, 君 六 焉 肱 卿 子 昭 歷 親 公見弑 而 既 公即 之 敘 和 以 縱 亂 比 宋 公 以 爲 尋 説 台

É

戊子,晉人及秦 劉氏曰 何以不言師 晉人爲志乎此戰也云爾。」《公羊》曰 ] 「戦 人戰於令狐。令,力呈切 而言及之者,主之者也。 敗 績 ? 敵 也。」張氏曰: 猶

事

,爲後世有國家者之戒。

喪求 年》「戎伐凡伯 修先君之怨以爲是戰。」義又見《隱七 靈、秦康之立,可以一洗舊憾。 晉襄死,晉之嗣君何負於秦,而秦乘其 殺之戰未復也。 莘老孫 「令狐,晉 殽 交兵者無虚歲。 凡 與之戰邪?」木訥 氏 五戰,今晉襄、 地,河 曰:「秦、 中府 主殽之役者,晉襄也。 晉自 秦兵加晉不已者,以 猗 秦穆 氏縣 趙 殺 氏 之敗,數年之 有令狐 皆 曰:「秦、晉 即 趙 世,晉 盾 城。 乃

間

無據。 先蔑奔秦。《公羊》作「先昧以 當從《左氏》、《穀梁》。」 師奔秦」。 張氏  $\Box$ 其

是爲 自軍 世 先蔑,晉大夫。孫氏曰 呵 仇 奔 晉」。 而奔之,其皋大矣。 逃軍也。」義又見《僖二十八年》「元 中去。」《穀梁》曰:「輟戰 此則秦晉方交兵,又秦爲晉 一不言 而 出 奔 者, 明

狄 侵 我 西 鄙

義見《隱七年》「戎伐凡伯」。 間秦、晉之争也。」木訥趙氏 〇 黄 日 氏 魯有 日

越齊、衞 戎患,未嘗有狄患。 而 侵魯,其患深矣。」 狄蓋遠於魯。 今狄

秋 八月,公會諸侯、晉大夫,盟于扈。

列序也。 然義繫於大夫主盟諸侯,而不繫諸侯之 諸 侯不序,未詳。 大夫無名氏,亦然。 或曰 因魯史之略 杜氏 日 也。

曰:「卷縣即 扈 鄭地、滎陽卷 鄭 州原 縣 武 西 縣 北 也。 有 扈 愚 亭。」張 謂 晉 氏

自文、襄世主 夏 盟、諸侯莫敢擅焉。今

大夫主 晉復盟 諸 諸 侯,而靈公幼,大夫專之,則是 侯 盟 也。 義 與二年垂隴 之 盟

同。 至此 則 其專 甚矣。 義又

見《

隱

元

年》「盟 于蔑」。

> 伐莒,必以中 即華,不復侵犯 爲之大合中國諸侯以救之,爲其能 國諸侯盟會。 義見《隱七年》「戎伐凡伯」。 徐,本戎 也。 或 厥後. 僖十五年,楚伐 中國 無 盟、 白進於 故也。 主,是以 中 今輒興兵 敢 或 高 爾 一, 數 徐 氏 去 齊 與 夷 中 柯

公孫敖如莒涖盟。 涖、《公羊》、《穀梁》作莅

《隱三年》「盟 涖 莒,莒人來請盟。 盟,見《僖三年》。《左氏》曰"「 于蔑」。 穆伯如莒涖盟。」義 〇高 氏 曰 : 敖之 徐 見 伐

奔莒本此。」

夏四 月。

八年春,王正月。

秋 八月戊 申,天  $\pm$ 崩

書 師,毛伯求金等事起文也。 此爲 魯晉雒戎之盟,及敖 與得 義 又 臣 見 如 《隱 京

三年》。

二七二

盾,杜本切。雍,於容切。 冬十月壬午,公子遂會晉趙盾,盟于衡雍。

或

至與之盟

則

其干中國

甚矣。」貫道

王

畿之采邑。

雒戎雜處於王畿之内,

而

中

喪,而 以 盟 孔 靈 遂 子 之盟付之諸大夫,文公復以 元 近。」高氏 河 ·遂,而不知一國之禮樂征 公,其不以此也哉 肧 出 年》「盟于蔑」。 南 氏 于王畿之内,惡莫大焉。」義又見《隱 胎殺適 卷 E 趙 此敬 縣 盾 曰:「天王崩,諸侯 有垣 衡雍 與遂 立庶之禍也。」愚謂:趙 嬴 所 雠城,古衡雍也, 鄭 皆國 以 ○張氏曰:「自晉翟泉 得 地。」張氏 ! 之正 窺 何間 故《春 卿 或 伐皆自 乃 隙,私 曰:「後 不 事付之公 秋 奔 與 自 赴 屢 盾 事 公子 相 扈 之 書 弑 會 其 相 漢 羊》無而字。

公孫敖如京 此 居。晉既 之中,而 辨,所以明 極 氏 《春 曰 爲國謀者不學《春秋》之過也。」 也。」〇 秋》所 「大夫 師,不至而復。丙戌,奔莒。《公 戎醜居之,亂華甚矣。」許氏 康侯 大亂,不 謹 族類,别内外 專盟, 如 胡 此,而 氏 救唐,亦 而 曰:「聖人謹 晉、 夷狄居其 也。 唐得 幾 雒 戎與之雜 危 間 邑天 華 而 亂 夷 日 悔 地 之 之 :

于莒。 穆伯 伯。 《左氏》曰:「穆伯娶于莒,曰戴己,生文 城見之,美,自爲娶之。 其娣聲己,生惠叔。 如 莒 莒人以聲己辭 涖 盟 且. 爲仲 仲請 則 逆。 戴 爲 及 襄 己卒,又聘 攻之,公止 鄢 仲 :聘焉。 陵,

雒戎,戎居雒水間者。高氏曰:「暴亦王會下有伊字。

之。

惠伯成之,使仲舍之,公孫敖反之,

盾、遂之事,其爲

履霜之戒深矣!

二七三

宋氏 乎 ? 之通 猶 以 道 氏 大 不 自 葉 不 復 夫 有 恣 自 反  $\Box$ 氏 至 爲 不 不有 義 天子 日 而 미, 恣 也 日 兄 此敖之辠固不容誅 以 敖 : 也。 也。 奔,文公之不 弟 幣 言 「天子崩,諸 況 諸 也。 丙 如 如 奔 侯 今公不 敖 公子 戌 H 京 初 莒,從己氏 敖如 也。 如 奔 者 師 從 别 遂 京 莒,文公不 弔喪 之。 奔 貫 京 如 師 其復 能 喪 侯 師 道 齊,以 也,不 弔 穆 奔 君 焉。」未 不 而 王 矣。 喪, 而 伯 喪 口 氏 至 卿 後奔也。」孫 能 至 疾 行 會 以 如 而 中  $\Box$ 而 是諸 葬,臣 誅 復 見 丽 而 詳 周 道 反 信 「諸侯 還, 奔, 復 矣 弔 使之 敖 而 否 喪 是 義 侯 子 反 得 中

不 臣 ,故大夫亦不 君其 君 也

義 見《 桓 五年 **<u>桑</u>** 

宋人殺其大夫司馬,宋司 城 來

> 禮焉。 氏》日 任,而 馬,典 孔 也 夫」及《僖二十八年》「元咺 於弑。」義 蕩意諸來奔。」未詳信否。 者後,得自 名司空,諱之曰 稱 叔、公孫 宋 張 人, 一「宋 來奔。 兵之官, 夫人因 氏 見《 H 又見《莊二十六 鍾 命官 襄夫人,襄王之姊 莊 則 離 戴 <u>-</u> 司 而 主 司 及大司馬 一, 故 氏之族,以殺 城 勢 殺 城。」 孤 之。 獨 司 年 矣。 程 宋 空 **%** 卿 公子卬 子 也 司 奔晉」。 年 黎氏 宜 曰:「宋,王 城 書官。」《左 也,襄 不 - >>「曹 昭 襄 宋以 扞 公 0 公之孫 禦之 殺 卒 公不 武 敠 司 大 死 可 城 之

九 年春,毛伯來 求金

以不 王崩 毛伯 《公羊》曰: 稱 白 衞 使? 官 來 總己 求 「毛伯者,天子之大夫也 當喪· 金 以 非 未君 聽 禮 於 也。」張 也。」《左 冢 宰之時,所 氏  $\vdash$ 氏 一、「天  $\forall$  $\vdash$ 以 何

人臣, 知 喪事 其 未 謹 天王 道 葬 矣。」義又見《隱三年》「求賻 君 臣 一崩,喪 喪 則 而 求 之分而 紀所當令於諸 使 爲 金徴 政 君 事 父有 者 索, 明其 不 不當 具 非 求 責之所 而 禮。」 於己 使, 求 侯 金於 出 幸 者 焉,魯之辠 使 歸 老 有 0 魯。 者 常 也 孫 0 不 禮 氏 魯 當 王 E 口 爲 承 非 喪

夫人姜氏如齊。

公並 故 將 出 公當爲 寧,譏之也。」愚 夫 本。」未 入自 貴 存 人,出姜也。 妃 焉。 詳 夫 如 天 几 是否 非 子服 人 嫡,嬖於敬嬴,生倭,嬴 聖 如齊謀於父母 人 禮 斬 謂 書之,爲 也 趙 衰 氏曰:「無 婦人,從夫者也 三年,而 〇木 + 訥 其 八年 趙 夫 父 氏 歸 人當 曰 : 歸 母 寧 寵 齊 蓋 而 而 喪, 張 有 文 文 倭 歸

二月,叔孫得臣如京師。辛丑,葬襄王。

往 供, 『毛伯 《春秋》固 欲 禮 使 幸 親 之襄王 書 葬,周末之陵 天子喪三年。 師,不至,以 葬天子,親 「葬」而 天王崩』 ? 往 使 臣 老 非 此 或或 諸 孫 焉 不 來求金」,則 故 文 前 見 侯 高 氏 有故 公之 Œ 則 忧 有禮 日 見經者 氏 年 大 畢 者也。 是 :「天王之葬, 八 夫 來 日 幣 不往而合禮 替 大 怠 其 無君父之恩,而 者,惟 禮 : 所 會 奔莒。 月崩, 一天子 夫 九,其 也 也 不 無 無 也 貨 \_0 將 有 卿 見 故 冬十 貝 此 葉 共 其 不 所 事 劉 而 以 此 賵 與 四 禮 能 氏 葬之文,使 可 氏 以 於 一所以 弔 大 賻 月 不 叔 君 以 曰:「此 七 葬  $\Box$ 親 公 也。 書 蓋 鞅 夫 之 不自: 情 月 慢 焉 『葬』。 廢 遂 孫 而 所 會 几 度之者。 而 而 明 諸 臣 闕 敖 己 故 葬 不 得 葬者, 往 子之 不 年 如 何 卿 侯 而 河 也。 通。 也 親 書 共 書 京 考 爲 不

則

無

故

不

親

往

而

違

禮

此

所

以

書

救

鄭

楚人伐鄭。 公子遂會晉人、宋人、衞人、許·

而合禮也。别見《隱三年》。 歟?」愚案:四不書「葬」,不特有故不往

晉人殺其大夫先都。

十六年》「曹殺大夫」。 稱晉人,見《莊二十二年》。義見《莊二

三月,夫人姜氏至自齊。

聖人之微意也。 也。 吕氏 以告 此見夫人非禮而動,至三月之久而 也久矣,聖人詳 티 : 廟 録姜氏之至者,爲歸于齊 也。 録 意與書「公至」 紀叔 録其往來, 然則出姜之不安於 姬之歸者,爲歸 同。 豈特爲其 起 也。 于酅 朴 無 告 魯 是 起 名 鄉

晉人殺其大夫士縠及箕鄭父。

至不告至哉?」未詳是否。

十六年》「曹殺大夫」。 稱晉人,見《莊二十二年》。 義見《莊二

夏,狄侵齊。 之甚. 治夷 《左氏》曰:「范山言於楚子曰:『晉 賊,乃奔走以救鄭,亦見中夏之衰矣。」 負弑 諸侯出。 然舉五國之兵,不能 顧忌。 既没,而靈公年少,中國無盟主。 夏,五國救之,善矣。 少,不在諸侯,北方可圖也。』楚子師 自大夫出 狼淵以伐鄭。」未詳信 ○高氏曰:「楚不伐鄭久矣。今晉文、襄 也。 逆之辜,而中國 狄,而諸侯救之,已爲禮樂征 至是遂伐鄭,欲 況五國大夫救鄭,則禮樂征 矣。 義又見《莊二十八年》「救鄭 《春秋》書之,見權 莫 然天子、方 否。 討 與 敢 楚國 愚謂: 中 誰 或 何, 入 争 君父之 益 伯 柄 夷 盟 楚 伐 無 下 不 狄 也。 雖 移 伐 自 能 君 所 猾 于

義 見《隱七年》「戎伐凡伯

秋 八月,曹伯 襄卒

義 見《隱三年》「宋公卒」。

九月癸酉,地震。

《穀梁》曰:「震,動。」孔晁曰 子,大夫變而不承諸侯,夷狄變而不承 逆其常理而不得其節焉,則震而 以 也。 動。」杜氏曰:「地道安静,以動爲異 於陰下,見迫於陰,故不能 所承矣。 〇任氏 静 而自此 爲 體 曰:「前此踰百年,未有書地 於此足以見諸侯變而不承天 以以 至哀公,書地震者 順爲正,安以 承天 升, ]: [陽 Ŧī. 以 不安其 (者也 地 也 至 氣 震 道 伏 地

冬,楚子使椒來聘。椒、《穀梁》作萩。 中國之象也。」

椒不氏,義與《隱元年》無駭 曰:「椒,楚大夫。」杜氏曰:「令尹子文 同。《公羊》

> 伐宋。 中國 意。」黄氏曰:「諸家皆謂書椒,以 子使之者,以時 從子。」義見《莊二十三年》「荆 日盛之一端也。 之,然因而不革,亦可見中國日衰、夷狄 魯史膠於見聞,比加詳焉。 楚始書荆,後書荆 書椒,從其國之稱,書其實而已。」愚謂 亦書『宜申』,豈進其謀逆邪? 邪? 張氏曰:「伐鄭而聘魯,亦遠 而 《春秋》亦書『楚子』,豈進 進之也。木訥獨 宜申謀爲不道而 世 愈降,夷狄 人,後書臣 見 日楚執宋公以 聖人雖不進 殺。《春秋》 漸同 名,又書楚 人 交近攻之 書楚子, 其 其虐中 來 中國 禮 聘」。 交

或

秦人來歸僖公成風之襚。

僖公成風,僖公之成風也。 見《四年》

孫氏曰:「成風僭稱夫人,而《春秋》書葬 風氏薨」。 杜氏曰:「衣服曰襚。」莘老

年》「益 師 卒」。

《春秋》 夏,秦伐晉。

夫人之禮矣。

於是秦人歸襚。

書薨,天王

| 賵且含之,又會其葬,蓋皆用

此則秦之辠也。 義又見《隱七年》「戎伐

凡 伯

故仲子

繫

楚殺 其大夫宜申

宜 矞似謂成王與子玉、子西曰: 『三君皆 申,子西也。《左氏》曰:「初,楚范

將

巫

强 曰:『毋死。』不及。 死。』城濮之役,王思之,故使 止子西,縊 而 止 縣 子 絶。 玉

乎?」高氏曰:「魯不能

以

非

禮却之,

调

中

襚

所以送死者,

圃

成

風已葬,襚將焉

用

年,而秦人始歸其

襚,蓋亦不及事矣。

成風之死至是六

公,失禮者僖公也。

之惠公,失禮者惠公也。

成

風

繋

之僖

以爲夫人者,以其子僖公也。

正其法,曰『僖公成風』,猶曰

成

風之所

也。」〇張氏曰:「當是時、秦、楚交病

王使適至,遂止之,使爲商公。沿 漢 泝

曰:『臣免於死,又有讒言謂臣 江,將入郢。王在渚宫,下見之,懼 將 逃 而 臣 辭

歸。」 謀 歸 殺 大 弑 死 夫 未詳信否。 穆王。 於司敗 也。」王使爲 穆 Ē 義見《莊二十六年》「 聞之,殺 Ι. 一旦 尹 , 又 宜 申 與 及 子

曹

仲

家

自 IE. 月不雨,至於秋七月。

葬 曹 共公。共,音恭

以

賓之之比哉?」

方

而

使椒

來

聘

也

岢.

古者明王慎

德

足

國、秦欲伐晉而

歸

襚於魯,猶楚欲

圖

北

義 見《隱三年》「葬宋穆公」。

年 春,王三月辛 卯,臧 孫 辰 卒。

辰 ,哀伯之子臧文仲也。 大意見《隱元

義見《莊三十一年》。

·師』,則其兵之未加乎中

或 也。

其書

及蘇子盟于女栗。

闕。」孫氏曰:「内不出主,名微者。 文公 杜 氏曰:「蘇子, 周卿士。 女栗,地名,

使微者盟天子之卿,其惡可知。]○劉氏

交,有至尊在,不貳之也。案《春秋》書 曰:「古者内諸侯不外交,外諸侯不内

及盟而不出主名者四:《隱元年》『及宋

人盟于宿」、《莊二十二年》『及齊高傒盟 于防」、《文二年》『及晉處父盟』與此『及

蘇子盟』是也。」

冬,狄侵宋。

義見《隱七年》「戎伐凡伯」。

楚子、蔡侯次于厥貉。曷各切。《公羊》作屈貉

杜氏曰:「厥貉,地名,闕。」朴 曰:「凡書『次』,必有兵。 楚子、蔡侯之

次,蓋亦兵次也。然不書『伐』,不書 鄉呂 氏

遠國事夷狄之不暇,亦可見矣。 令,豈非始謀之不謹乎? 然王政不綱 固宜。蔡爲中國諸侯而同次焉,迫於强 夷狄弑逆之賊,中國不能治,其 『次』,則有窺中國之志矣。]愚謂: 無忌憚 商臣

春秋本義卷第十四

後學成德校訂

## 春秋本義卷第十五

## 文公

十有一年春,楚子伐麇。 麇國, 陸 徐 取 舒 氏 曰「子 爵 九倫切。 -0 義 《公羊 見《僖 》作 三年 卷

彭生,公子牙之孫。叔仲,惠伯也。夏,叔仲彭生會晉郤缺于承筐。

杜

《左氏》曰:「叔 襄 氏 筐,謀諸侯之從於楚者。」未詳信 邑縣西。」張氏 曰:「郤缺,冀 仲、惠伯 缺。 曰 : 即 承筐,宋地,在 會晉郤 拱 州 襄 缺 否。 陵 于 縣 陳 貫 承 留

> 也。 樂亦不自諸侯出矣。 之,不自天子出矣。 氏 後 晉,三家專魯,理固 會,又無以正之,然後大夫 矣、《春秋》詳而志之。」胡氏 義 雖欲正之,其將能之乎?」 日 又 諸侯非王 \_: 「自、 見《隱 文公後,大夫 九 年》「會于 事 而 然也 自 田氏 然 相 防 後 擅 ,不能辨於早, 會 \_ 篡 與 諸 曰:「禮之 相 也, 齊,六卿分 大夫會, 侯 爲 與 無 會 東 大 以 者 萊 禮 夫 失 多 正 吕

秋,曹伯來朝。

子之禮 《左氏》曰:「曹文公。」高氏曰:「喪畢 朝也。」存耕 又見《隱十一年》「滕、薛 王命之廢, 也。 而 曹爲 趙氏曰:「喪畢來朝 惴 惴依 文昭,於 大 或 來朝 以 魯宗 爲 重 或 此 也 習 事 義 見 天 來

《左氏》曰:「襄仲聘于宋,且言司城蕩

意

公子遂如宋

道王氏曰:「大夫擅相爲會,政在大夫。」

而復之,因賀楚師之不害也。」未詳信 爲附 庸。 此而來奔,齊所逼耳。」未詳

否。 義見《隱七年》「齊來聘」。

諸

狄侵齊。

義見《隱七年》「戎伐凡伯」。

冬十月甲午,叔孫得臣敗狄于鹹。

杜 莘老孫氏曰:「不言帥師,將尊 氏曰:「鹹,魯地。」愚案: 僖 師少也。」 十三年會

于鹹,杜氏以 爲衞 地、未詳孰是。 中 或

然叔孫得臣 衰微,夷狄猾夏,魯能敗之,此其功也。 以爲功,是大夫專兵、三家

僭魯之漸也。 義又見《莊二十年》「齊伐

戏。

十有二年春,王正月,郕伯來奔。咸,《公羊》

作盛。

伯 師 不名者, 闕之也。 及齊,師 ·奔蔡」末章。○孫氏曰:「案莊八年, 義見《桓十五 年》「鄭

杞伯來朝。

是否。

義見《隱十一年》「滕、薛來朝」。

一月庚子,子叔姬卒。

君之女也。」書卒之義未詳 趙氏曰:「時君之女,故曰子,以

別非

先

夏,楚人圍巢。

杜氏曰:「巢,吴、楚間小國,廬江六縣東

《左氏》曰:「楚令尹大孫伯卒,成嘉 有居巢城。」張氏曰:「即 無 爲 軍 巢 爲令 縣。

尹。 子,遂圍巢。」未詳信否。義見《僖三年》 羣舒叛楚。夏,子孔執舒子平及宗

秋,滕子來朝。 徐取舒」。

滕稱子,見《桓二年》。《左氏》曰:「滕昭

公。」義見《隱十一年》「滕、薛來朝」。

秦伯使術來聘。術,《公羊》作遂。

則 聘 以 敝 徼 且言 好 義 術 有 曰 來 術 敢 命 器 福 也 不 之聘 「外大夫來 氏,義 歸 致之。」 將伐晉。 ,使下 于周 所 〇木訥 成風之襚。 以 左氏》曰 公、魯公以 藉 臣 亦 趙氏 與《隱 義 寡 致 襄仲 魯,再命者皆書名, 見《 君 諸 : 日 今將爲河曲之戰,則 之命,結 秦伯 執 辭 元 九年》「 :「九年,秦將 事 事 玉 年》無 一,答曰 君,不 以爲 使 二國之好 西乞術 楚子使 駭 瑞 『寡 腆先君 同。 節, 伐 來 椒 要 君 無 趙 晉 聘 之 是 結 來 願 他 氏

冬十 有 坂 趙 河  $\vdash$ 曲 縣 氏 。」《公羊》曰: 南 月戊午,晉人、秦人戰于 曰:「凡戰不言及,交爲 河 曲 張 晉 氏 地。」杜氏 「不言師 河 中 曰:「在 府 敗績 河 主 河 東 也 # 敵 \_ \_ 河 縣 東 孫 也。 南 蒲 有 氏

將 惡 以 秦 可。 也 以 秦伯 請 欒 荀 宣 日 日 左 趙 一,有寵 : 「, 取 子 軍 老我 從 盾 林 何 **奥駢之佐** 深 氏 氏 秦伯 俟 掩 壘 秦 將 父佐之。 謂 我 新 羈 **>** 八焉?] 晉 師 師 古 下 日 士 糧 不 出 馬。 而 也。 以 軍 于 軍, 上 會 秦獲穿也,獲 知 坐 其 弱,不 壁 上 河 以 軍 曰 : 甲 謀 屬 軍 晉 秦 胥甲 趙 曲 軍 祈 待之。』從之。 郤缺將上 日 爲 吏 趙 人禦之。 固 將 戰 也。 有 『若 在 臾駢, 令狐之役 穿追 佐之。 臾  $\exists$ 敵 側 獨 於 軍 : 駢 何 若使 是 出 室 河 事 。 乃 之不 日 求。 日 必 而 將 , 卿矣。 軍 輕輕 趙 好 范 + 穿,晉君之壻 實 戰?」對 有待 故,秦 以 敵 及。 者 勇 秦人欲 秦 無 臾 盾 爲 ·肆焉 駢佐 其 至 月 而 此謀 將 恤 不 秦以 也 一不擊, 狂 反 屬 戊 能 中 御 伯 曰 之。 戰 戎, 穿 勝 怒 H 將 伐

歸,我何以報?』乃皆出戰,交綏。 請 夜戒晉 相見 我 也, 也。」 師 將遁矣。 曰:『兩 臾駢 曰:『使者目動 君之士皆未慭也,明 薄 諸 河 .'; 必 敗 秦行 之。 而 而 棄

肆

H

也。』乃止。 之,不惠也;不待期而 胥甲、趙穿當軍門呼曰:『死傷未收 秦師 夜遁。 薄人於險,無 復侵晉,人瑕 勇

愚案:此傳頗詳,獨 經不合,讀者擇焉可也。 稱 秦伯及交戰 孫氏 ⊟ : 事, 國 與

之讎既易世矣,二國之戰可以已也。 之不德也。」義又見《隱七年》「戎伐 秦康、晉靈猶尋舊怨,殘民以逞,是彰 而 凡 父

伯

季 孫行父帥 鄆 鄆 諸,見《莊 杜 西西 鄆 氏 師城諸及鄆。 魯 謂莒、魯 二十九年 邑也,即《 所 **\*** 争者,非是。 音運。《公羊》作運。 成 書「及」亦 四 年》 城 鄆 同 辨 之 前。 見

> 州仇 之,況 遂 叔 帥 衡胡氏曰:「《春秋》城築二十九,獨三言 杜氏曰:「聖人重民 介於莒,此行父自爲封殖之計也。」獻 季氏自帥 或問》。 孫 師 廣其疆 城 豹 爾。 出 啓 城 師 王 界。 其師 此年及《襄十五年》『季孫宿、 陽』是也。 郛』、《哀三年》『季 丽 氏 城 書此者,以見非 ,專兵久矣。二邑近費 曰:「城、未有言帥 乎? 力,凡城築之事 帥 勞民甚矣。」〇 師 者、欲 孫 惟 斯 勞民 大 ( 叔 師者, 城 皆 邦 志 而 以 孫 而 口

十有三年春 城,又毒衆以争也。 王正 月

夏五月壬午,陳 侯 朔 卒。

此 爲 明年陳侯居喪同 盟 起文也。

大意

又見《隱七年》「滕侯卒」。

邾子 蘧 蒢 卒。蘧、《穀梁》作籧。 蒢、《公羊》、《穀梁

作篨

伐 此 喪 爲 起 明 文 年 也。 正 月 大 邾 意 人 又見《隱 居 喪 伐 魯 七 年 與 Š 叔 滕 彭 侯 生

卒。

自 IE. 亢 月 義 早, 見《莊三十年 不 雨 其 至於 所 以 秋 修 ×, 七 月 民 ○愚ⅰ 事 案 奉 天 文公時 時 之道 兩 可 遭

大室,杜氏曰:「大廟之室。」孔大室屋壞。大,音泰。《公羊》作世。

知

矣。

氏》 羊 之 社 室 其 壞』者,大 士, 其 上 廟壞 中, 明堂位》曰:『祀周 稷之主, 曰 : 日 又拔 也,不直言 「大室之屋壞, 之屋 譏 廟之制 而 出 先君之廟 壞,非 爲 不 重 修 其 大 屋 也 大廟 公於大廟。」此 廟 簷 此 書 壞 壞 川 是大 穀 不 全 而 311 志不 梁 云『大 壞 共 而 廟 也。」《 也。」《 下, 日 敬 當 氏 中 室 也。 室 周  $\Box$ 公 左 之 屋 公

> 矣。 非 曰 : 也。 如 物乎?」 是 以 康 崇孝 「君子之於宫廟 也。 魯之爲 侯 而 胡 先 君之 氏 推 而 是 厚  $\exists$ 國,至使 : 遠 心 廟 自 也。 以 壞 爲 IE. 大室屋 孝子之於親 有 不 政,雖 月 斯 恭 不 須不敢忘者, 甚 雨 壞,其 不 矣。」吕 則 中, 無 不 能 壞 及 遠 古 道

旋 晉。 晉。 杜 侯 侯不朝天子 會之,其 氏 朝 爲 非 未 了**;** 且. 王事 公還,鄭 曰:「沓,地,闕。」《左氏》曰 會 詳 朝與 尋 豈 自 信 盟 禮 擅 相 否 會 伯 也 會 皆 相 衞 哉 ? 獻 Ħ. 會 朝 非 侯 不 可 公 會。 典禮 會公于 미 杜 于 此 氏 棐, 今如 況 與 也 曰  $\Rightarrow$ 大 沓, 請 亦 莊 其 愚 <u>一</u> 十 請 春 經 謂 而 平 平. 调 衞 秋 諸 于 如 于 侯 Щ

年》「公及齊侯會于穀」,而 蕭叔朝公意

百 義又見《僖十年》「公如齊

狄侵 衞

貫道 王氏曰:「衞出會魯,而 狄侵衞,乘

間 也 。」義見《隱七年》「戎伐 凡伯」。

高 氏曰:「晉不能爲中國攘夷狄 ),使無 侵

軼,而惡諸侯之貳。 此《春秋》所以 矜 小

國之多虞也。」

十有二月己丑,公及晉侯盟。

義見《隱元年》「盟于蔑」。

公還自晉,鄭伯會公于棐。 芳味切,又芳尾切。 《公

羊》作斐。《公羊》、《穀梁》還上無公字。

杜氏曰:「棐,鄭地,義同『會公于沓』。」 )孫氏曰:「公本朝晉,既朝 且盟,又貪

二國之會,皆非天子之事也。」

有 四 年 春,王 正月,公至自晉。

高 氏 曰:「公自去冬初如晉,則因 與 衞

> 道路 會。 加 既盟晉 不 朝 正 而還,則 書『至』以見之。」義 又因與鄭會,久於

見《桓二年》「公至自唐

邾人伐我南鄙,叔彭 生帥 師伐邾。

余氏曰:「君喪 而 一伐人,與伐人之喪,其

皋一也。」 義 又 見《隱二年》「鄭 伐衞

貫道王 氏曰: 前 師 伐 邾 彭 生因 事 專

兵也。」胡氏曰:「互興甲兵以相伐,其惡

可知。」

夏五月乙亥,齊侯潘卒。

起文也。大意又見《隱七年》「滕侯卒」。 齊侯,孝公弟昭公。 此爲 九 月商

人弑君

伯、晉趙盾。 六月、公會宋公、陳侯、衞侯、鄭伯、許男、曹 癸酉,同盟 于新 城

趙氏曰:「他 時 但 就 諸 侯 行 盟 禮,故云

『某 日 會 某侯 盟 于某」,此 本 行 會禮,别

日又行盟禮,故書日。」杜氏曰:「新城,

甚惡。 之君 晉者 方有 也。 楚者 六 居 是 殷 以 詳 京 宋 主 亦 是否。 地,在 大 應天 年》「同 喪 mi 日 同 同 大夫得 以以 水諸 重 之 盟 服 自 出 求 口 也。 鄭、 義 鄭 楚 府也。」高氏 與 也。」黄氏 盟 盟 主諸侯、夫豈 梁國穀熟縣 《左氏》曰:「同盟于 專制 薦 貫道王氏曰:「齊 會魯,皇皇然求晉。 盟 · 皋 也 侯之心,交相求 盾 衞請平,亦足見諸夏之依 盾 于 晉 食 盟 又可 幽。 諸 而 趙 中 襄 以 盾 或 日 侯也。」高氏 忠於謀晉 爲 知 諸侯 : 日 不知 安, 没,諸 西。 C「從楚者 : 也。」義 不 愚案:《春秋》凡 以 可 其 張 新 無 丽 趙 门,則 夏 ? 義 桓 城 氏 所 又 無 盾 適 一之爲 而 鄭  $\Box$ 宋、鄭、許 新城,從於 티 : 奉十 今諸 晉趙盾 依。 見《 主,夷 相濟,是 而 效 地 P 爲 同 莊 陳 去 侯 餘 即 之, 盟 盟 未 侯 於 氛 歲 年 + 無 又 南 公至自會

諸侯舉同盟焉,宜其卒至於弑逆也。 盾 書 同 主 盟 盟 十有六,未 始 於扈 中,於 有大夫主之者 衡 雍至此,率天 而 趙

秋

七月,有星孛入于北斗。

矣。 上 君 戒。」〇獻可 外入于其中,此變之大者,天之示 則 上 劉 出 曰 有 爲 向 :「孛, 彗之屬也。 齊 飭 濁 ,與「有盛」、「有蜚」之「有」同 曰孛。言入于北斗者,入于魁中 《春秋》三書『孛』,皆以謹 而 Œ. 字。」高氏曰:「斗有環域,而孛星 三光之精,五星贏 事作於下,則 譴 Ŧi. 君 異不作矣。」 事, 杜氏 臣 建大中 亂 曰:「天人 於朝,政令虧於 象 偏指 以承天心,則 動 縮 於 ,變色逆行  $\Box$ 上。 相 善,光 交 人 是 甚 外 七 君 ᅶ 以 於 人 也 孫 政 之 顯 影 É 其 則 兀 氏

二八六

義 見《桓二年》「公至自唐」。 又可 見 諸

侯 本 爲會,而旋爲同盟 也

晉人納 捷 菑 于 邾 ,弗克納。 捷、《公羊》作 接。

稱 晉 人,將 卑 師 少 也。 弗克納,納 而 不

勝之辭 也。 《左氏》曰:「邾文公元妃 齊

姜生定公,二妃晉姬 生捷菑。 文公卒,

邾人立定公,捷菑 侯,天子之事。 若廢 奔晉。」愚謂 嫡 立庶,雖 : 廢置 天 子 亦 諸

不可也。 趙盾 以大夫而 廢嫡 立庶,皋莫

大焉。 捷菑爲人之子,藉他國之兵歸篡其 雖弗克納,其皋一也。 高氏 딩 : 兄,

皋不容誅也。」

九 月甲申,公孫敖卒于齊。

伯。 左氏》曰:「穆伯之從己氏 穆伯生二子於莒 而 求復,文伯 也,魯人立文 以 爲

請。 加 盡 襄 室 仲 以 復 使 適莒。 無 朝 聽 命,復 文伯疾而請曰:『穀 而 不 出 三年

> 惠叔。 請 之子弱,請 , 許 之。 穆 伯 將 立難也。』許之。文伯卒,立 請 來, 重 九 賂 月卒 以求復,惠 于 齊,告 叔 喪 以 爲

者,爲明年齊 葬,弗許。」孫氏曰 人歸 :「奔大夫不卒。 其 喪起。」幸老 孫 此 氏

卒

謂: 曰:「將有其末,不得不録其本 亦以 譏 世 卿 也。 貫 道  $\pm$ 也。」愚 氏 日

復,不忠莫大焉。 敖奉 魯侯之命以弔天子之喪,不至 忘天屬之尊而 奔,不 而

義孰甚焉。 犯二大不韙,周 有常刑,

僇餘 也。 魯 不能討,且 許 其 歸、欲 於絶之 者

魯,而 曰:「此著典刑之壞也。」 而 不 能 歸 也。 其 喪者齊也。 明 年,齊 歸 魯道衰矣。」高 其 喪。 許 歸

氏

齊 公子商人弑其君舍。

者,蓋稱子者緣人子之心也。 舍居喪未踰 年,當稱 子。 今日 然 「弑 其君 日 嗣

二八七

叔 姬

位。 將 之久矣。 商人驟施於國,而多聚士,盡其家,貸於 位 公、有司以繼之。 昭公,生舍。 弑 免我乎,爾爲之。』」義見《隱四年》衛 其 則 齊商 事。 君」也。 舉 或 人弑 我能 臣 叔 子  $\Rightarrow$ 舍 事 左 姬 固 而讓 爾,爾不可 夏五月,昭公卒,舍 氏》曰: 無 皆 寵,舍無 戴之爲君 元。 子 元 使 曰:『爾 威。 叔 矣, 多 姬 蓄 公子 妃 故 憾。 求 即 齊  $\Box$ 

宋子 哀 來 奔。

州

吁

死,司 子同、子糾。」未詳 子突之類同。 子哀,字也,命大夫也,與齊仲孫、王人、 年》「元咺 城亡,大夫奔,見昭公之不可 奔晉」。 黎氏曰:「宋公之子,經有 也。 是 ○韓 否。 岜 義見《僖二十 甫 三 三 一 司 爲 馬

> 賊 故 莊公元年至今已七十餘年,未必一人, 張 商人弑逆之皋,而 「不稱夫人,自魯録之也。」愚謂:魯不討 執單伯,後執子叔姬,不 稱人。子叔 或其子若孫歟?」愚謂:凡執人者,史當 王法不行而天倫絶矣。 人,故兩 不 兩 氏曰:「單伯,大夫之命於天子者。 少 被 知 執 書齊人,無 懼 以 一**,** 而 姬,文公女。不書及者,先 自 取辱。 執 品 其母與諸侯之使,則 他義 品 又見當時 爲子叔 可以臣 也。 杜 姬之求, 及君 弑逆之 氏 日 夫

十有 五年春,季孫行父如晉 左氏》曰:「季文子如晉,爲

子 三月,宋司馬華孫來盟。

來聘」。

姬故也。」未詳信否。

義

見《隱七年》「齊

單

伯

與

子叔

冬,

單

伯

如

齊。

齊

人

執

單

伯。

齊人執

或

一,而

見弑之漸

兵權、《春 侯受賂不 侯胡氏曰 可 之兵,不能爰整其旅,爲國長 謂:諸侯 稱 季孫、叔 適魯,區 左氏 王孫賈 知矣。 使,意 治 品 與 孫、仲孫、臧孫之類。 爲 此 :「稱華孫者,自督弒殤公,諸 秋 討 「宋華 楚 軍 求 亦昭 盟已干王 ,使秉宋政,及其後 》所禁 旅, 屈 盟 完、 一、失其 公見弑之漸 奚 耦 者。 其 齊 來 一法,況 喪。」司 高 盟 職矣。 經 一。」趙 子 日『華 司 來 城,乃離 氏 馬 孔 馬 也。 盟 不 孫 之所 世 子 掌 可 書 繼  $\Box$ 示不 名 猶 掌 康 務 或 愚 軍

夏,曹伯來朝。

者,義不繫於名也。」未詳是否。

義見《隱十一年》「滕、薛來朝」。

齊人歸公孫敖之喪。

爾親也。飾棺寘諸堂阜,魯必取之。』從《左氏》曰:「齊人或爲孟氏謀,曰:『魯,

子孫盛 以 朝以 汰,請父之喪,欲弗許,得乎?」 敖書『卒』,以齊人歸 外,皆不至,如仲遂、公孫嬰齊。 書,如公子慶父、臧 禮也。」○東萊吕 廢 氏,且國故 之。卞人以告。 叔繼立於朝,大夫之汰可知。 魯人受其喪故 命奔苔,皋當誅 書曰:『齊人歸 待 强,雖 命。 也。葬視共仲。」孫氏曰:「敖 許 廢 之, 命 惠叔 氏 也。 奔莒,而其子文伯、惠 絶。 티 : 取 孫紇。 其 公孫敖之喪。」爲 禄 猶毀以爲 而 喪起也。 齊歸 「奔大夫卒 去公室,三家之 殯 之。 内 魯受,皆 大 以其子之 請 書『至』, 齊 夫 而 卒 皆 公孫 立 於 非 於 不 送

十五年、三十年皆以日食而鼓,用牲義見《莊二十五年》。○高氏曰:「莊六月辛丑朔,日有食之。鼓,用牲于社。

社。其非禮妄作,義已著矣。今文公亦

于

二九〇

使 事 復 ,弗能改矣。 미 如 繼 此 皆 者 也。 大 哂 《春秋 承誤。」愚 有非 》慎 禮 謂 則 始,正指 : 子 創 孫 業 視 此 垂 爲故 類 統

單 伯 至 自 齊

而

非

漢儒

所

謂

五始者也

見 討 釋而歸,則魯之爲國,單伯之爲使,從 商 「至」,見此 人 弑 逆執母之辜,亦既 事 之終 也。 魯至此 踰 年,幸 又不 其 能

晉 郤 缺 帥 師 伐 蔡。 戊申,入蔡。

可

知

矣。

怠。』戊申,入蔡,以城下之盟 缺 大夫交政專兵,自文公以來,帥 見《隱二年》「莒入向 蔡從 左氏》曰 以上軍、下軍伐蔡、曰:『君弱 楚, :「新城之盟,蔡人不 口 伐 也。 人之,則 ○存耕趙  $\exists$ 而 與。 還。」 甚 師 不 氏 伐 矣 可 岩台 曰 書 義 以 郤 ! :

大夫自爲戰,有書與君戰者。」

秋,齊人侵我 西 漏.

商 亦魯不能討 人弑 君 執 賊,而 母,又伐母家,不 品 品 請 子叔姬 容誅 以 召之

季孫行父如晉。

也。

義又見《莊十年》「公侵宋」。

《左氏》曰:「齊人侵我 于晉。」義見《隱七年》「齊來聘」。 西鄙,故季文子告

冬十有一月,諸侯盟于 扈

元 古 詳略,不可 諸侯不序,與 伯主,齊弑 年》「盟于蔑 有辠矣,諸 以 其 侯不亦病 君,興諸侯而莫能 凡例求矣。 七年 盟 于 乎?」義又見《 扈 劉 同, 氏  $\Box$ 益 正,晉則 見 「晉爲 史有 隱

十有二月,齊人來歸子 叔 姬

 $\equiv$ 獻 口 郯伯姬、杞伯姬直曰『來歸』,此子叔 杜 氏 日 ☐: </rr> 春 秋 書 内 女 來 歸

陽

處父,帥師

人書郤缺,侵書趙穿,有書

人弑 執」, 其子 益 母、黜母之辠,而又不能 者 又 姬 也 來 可知矣。○石氏曰:「子叔姬先書『被 。」愚謂 『齊人來 君自立,又虐其國 歸 次書『來 又 乎?」高 絶 其 母、辠不容誅 歸」,蓋譏在齊也。 歸」,非郯、杞之比。 魯於是 Œ 曰:「未有子 可討 君之母,天子不 焉,則魯之爲 矣、況執 商人弑 前 商 黑出 君、 之 人弑 夫 其 國 商 而 執 1:

單伯之至,子叔 諸 侵魯者未已也。 能討,諸侯不能伐。季孫 侯 爲 是盟于扈,皆無能 姬之歸 於以見晉伯之不 而 己。 爲 行父再如晉, 而 而 退,徒得 興 競也, 、兵以

見齊之横而魯之弱也。」於以見諸侯有弑君者而莫之討也,於以

齊侯侵我西鄙。遂伐曹,入其郛。

西鄙,謂諸侯不能也。遂伐曹,入其郛,郛,城外大郭也。《左氏》曰:「齊侯侵我

焉 ? 忌。 討 矣。』」愚謂 乎。 而自 不討賊有以召之也。 人人郛 曰:「惡魯及曹,非 「公侵宋」、《隱二年》「鄭伐 其來 侵我伐曹,以肆其暴,豈特齊 己 立、諸侯會于扈 亦見諸侯之縱亂矣!」 則 郭,皋大惡極,不待言矣。 朝也。季文子曰:『齊侯 反 : 天, 商 人 而 弑 理 又 君 甚矣。 而 義又見《莊 以 執 不 母 討 能 衞」。 一,再伐 夫商 人, 討, 難 益 其 〇高 人 十年》 母家, 有 亦魯 不免 以 弑 無 辠. 君 氏 免 顧

弗及盟。 十有六年春,季孫行父會齊侯于陽穀,齊侯

及盟 請 陽穀,見《僖三年》。《公羊》曰:「其言弗 齊平,公有 日 :「文公不能明政 盟 一齊侯 何? 不見與盟 不肯,曰:『請 疾 ,使季文子會齊侯 刑,舉大義,以致命 也。」《左氏》曰:「及 俟 君 間 于陽穀。 張 氏

二九二

之衰,文公之無志 使大夫自屈 使 衡 慮 執 辱 而 無 吾女, 憤 以 悱 請 邊 改 盟 鄙 圖之心。 也。 而 被 不見 兵, 與 答,可 書此 或 蒙 以 謂 伐 見 木 魯 心 又

夏 Ŧi. 月,公四不視朔

時。 朔」。 也。 於五 朔』。」《穀梁》曰: 兀 以公爲厭政以甚矣。」 不視朔,范氏曰: 諸侯 故 月也。」高氏曰:「朔者,天子之所 退 其 而 奉 上稟天子之命,下授萬民 視  $\pm$ 朝 一朔 「公四不視朔,不臣 以 告於廟, 「自二月不視朔, 授 民, 則 則 謂 謂之『告 之『 也。 視 之 頒 至

作菑 又七西切。 六月戊辰,公子遂及齊侯盟 《公羊》作犀、《穀梁》作 師。 于 《公羊 郪 丘 疏 \* \* \* : 郪, 正 音 西 本

使 杜 襄仲 氏 曰 納 : 賂于齊,故盟 郪 兵 齊地。」《 于郪 左 丘。」《穀梁》 氏 公公

> 觀 以自 壞。 使亂 討 見《隱元 敢  $\exists$ 此, 侮 :「復行父之 商 取之也。 雖周 臣 之?」陳 人之皋,而 可以 賊子肆 年》「盟于蔑 道陵 知《春 恒 夷,而 孔子曰:「能治其國 行 盟 品 弑 秋》所書之旨矣。義又 於世,而三綱 也。」愚謂 品 其君,孔子請 然 求盟不 亦文公不能 . 得 文公不 圃 於是大 討之。 家,誰 復之, 國 能

秋八月辛未,夫人姜氏薨。

《公羊》曰:「文公母也。」 泉臺及葬聲姜起文也 愚謂: 此 毁

毁 泉臺。

氏》三 之數。 《公羊》曰:「毁 杜 譏毁之, 譏先祖爲之己毀之, 不如 氏 曰:「毀,壞 "「有蛇自泉宫出,人于國 聲 姜薨,毁泉臺。」未 泉臺 也。 何 泉 以 豪,臺 書 詳信 名。」《左 譏 ,如先君 築之, 勿居 否。

繫也 之非 出 則 孝 謂 而 祖之心。 春秋》之所謹 令役民乎? 矣。」臺 思親之意 已 孔子 矣,然臺之存毁,非 矣。」《穀梁》 而 曰: 「三年 此 作 必 蓋 毁之,是暴揚 於 履 也,故書。」 藐然矣,況在 先君 霜 ○康侯胡 之漸,弑 曰:「喪 無改於父之道 初 喪 安危治 氏曰:「先祖 父 其 母 不 諒 與君 失, 而 貮 闇 即 事。」 之中 有輕先 亂 一之萌 毁之, 可可 之 所 愚 爲 謂 Mi

楚人、秦人、巴人滅庸。

庸,夷 於阪 楚。 钀 其 能 東南,至於陽丘,以 西 以 不 高。 於是 南,至於 叛 國 楚, 如伐 也。 萬賈 申、 麇  $\sim$ 庸。 息之北 阜山,師 人 左氏 日 : 率 『不可 夫麇與 ₩ El 百 侵訾枝。 門 濮 於大 : 不 0 聚 百 啓,楚人 楚大饑 我 於 林。 濮, 能 選 庸 往 謂 人 又 寇 帥 我 謀 將 伐 戎 饑 伐 徙 羣 其 伐 亦

焉,不 舒 子 以 品,分爲二隊:子越自 鯈 巠 彼 師 揚 戢 自 歸 而 矣。』遂不設備。 不 ? 騎 能 盟 伐 魚 隰 叔 梨侵 廬 窗 庸 也。」 我怒,而 曰 : 以 百 師 人實 乃 ○張 如復大 故 三宿 夷人宗社, 豈王法之所容乎?」 庸,及庸 往 遂 濮 出 『不可。 秦人、巴人從 滅 又與之遇, 逐之。 離 氏 伐 振 師 而 庸。」義 師, 日 居 後 廩 我 逸 可 也。 方 同 且起 旬 將 楚 庸 姑又與之遇,以 日 : 克, 先君 城。 食, 禦變待 有 各 見《 子 人 若我 七遇 王卒,合 Ŧi. 日 『庸 次 走 石溪,子貝自仞 乘 楚 僖 庸人逐之,囚子 日 于 其 馹, 師 敵 出 師  $\equiv$ 句 澨 皆北,唯 蚡 楚不 邑, 百 衆,羣 師 亦 年 會 羣 冒所以服 而 濮 誰 師 鑾 必 制 足與 後 、驕之。 乃 徐 服之 從 于 進。」 暇 懼 蠻 使 罷 取 楚 臨 戰 聚 廬 謀 而

冬十 有 孫 一 月 氏 日 宋人弑 稱 其 微 君 杵臼。 者 也 名 杵、《公羊 不 登 作 於 處 史

非

也

策。」 稱 不 稱 名,名氏不通者 劉 名 氏? 氏 日 : 以 弑 氏 君者曷爲 1稱人。 通者 稱氏,以 貴 或 賤 稱 之 名氏 . 序 名 也 通 者 或

愚

謂

・《書》

日

:

股

肱

喜

哉,元首

起

哉

义

子

然後 先 哀 書 來 宋 宋公見弑 奔 人殺 司 馬 其 華 大夫 於宋 孫 來 與 人。 盟 司 則 馬 聖人之垂 是股 司 肱 城 既 戒 與 剪 遠

+ 有 七 矣。 年 春 義 ,晉人、衞 又見《隱 川 人、陳 年 》衞 人、鄭 州 旰 人伐 事 宋

子 賊 者 或 葉 舉 日 靈 行 伐宋,得其 氏 :「行天討 也。 亦 日 其 親 後 此 被 四國 又不 亂 其禍 伐 臣 而 稱人,微者 矣。 見討 大義 賊 成其亂,失天職 子 然諸侯不 賊 所 不 之 以 明 也。」愚 跡 接 故 跡 則 親 也 於 也。」 非 而 謂 世 使 以 微 程 討 几 mi

> 夏 兀 月 癸 亥, 葬我 小君 聲 姜。 聲、《公羊 作 聖

高 盡 而 用 心 别 氏 見 \_0 爲  $\Box$ 文公 之諡 二、九 非 怠 月 棄 而 禮 或 也。 葬 政 緩 〇貫 也。 雖 親 道 不 喪, 王 稱 氏 僖 亦 日 姜, 不

齊 侯 伐 我 西 鄙

家,恃 貫道 以 繼 有 王 强 穀之盟 氏 陵 曰 : 弱 商 也 必 欲 人 愚 服 不母 謂 魯 而 亦 其 後 魯 母, 己 不 憑 能 陵 討 此 外 賊 所

衞

有

以

召

之也

義

又

見《

隱

年

 $\stackrel{\cdot}{\approx}$ 

鄭

伐

六

月癸未,公及齊侯盟

于

穀

賊 不能 穀,見《莊 刑 討 牲 賊 歃 以 七 血 自 年 以 取 爲 辱 齊、 盟 至 魯皆 其 此 何 而 諸 以 遂 侯 臨 與 也 民 弑 哉 逆之 文

義

又

見《隱

元年》「盟

于

蔑

邦

衡

胡

遂盟于郪丘,是年伐我,一秋,公至自穀。

也。文公立十有八年,大夫盟 不 于 則 氏 能 盟 穀,齊之叛 曰:「齊 爲國 之無信 以禮,而 侯 已可 與 盟 古 知 不容誅,然公之昏庸 汲 矣。 汲以 至是又與公盟 請盟,深可 會十八 恥

諸 侯會于扈。

十 五 靈 盟 《左氏》曰:「公不與會,齊難故也。」愚 矣,卒之不 國也。《春秋》非 君之賊。 之賊,此 謂:此會諸侯不序,與七年盟于 會于防」。 不有 會之辜,而尤在乎不 年 ', 諸 桓、文之功, 諸 此 侯 侯盟 免也宜。 三綱 復會于 于扈,既 特責其不朝天子 大壞,而 僩 義 扈,又不 討 徒 又見《隱九年》 諸 不能討 有 賊 之事。 侯 桓、文之辠 能 不 口 討 齊 ·扈同 是晉 而 以 宋 弑 自 爲 弑 君

> 文公不能 而 高氏 返。 日: 「 義 又 自 書『公至自穀』,則不會於扈 見 强 其 桓二 或 丽 年》「公 甘 心 事 至 賊 É 唐 踰 時

冬,公子遂如齊。

可知矣。」

九,獨此書公盟,亦以見大夫之張也。」

之如 品 以 以 遂故也。 《左氏》曰:「 曰:「公已與 己敵 、聘之。 品 邦衡胡 此。」義 以 國之難乎? 或 且見齊侯以篡弑,而諸侯反畏 魯之君臣, 豈不謂 氏 與 曰:「齊 齊 襄仲如 又見《隱七 侯 雖竭 盟 連年伐我 齊,拜穀之盟 前 嗚呼 力以事之,彼豈以 遂 年 ! 復往者,政  $\stackrel{\cdot}{>}$ 重幣甘言 不 一; 而 齊 知立國 來 一。」高 數 聘 遣 口 使 氏 在

十有 八年春,王二月丁丑,公薨于臺下。 臺下,臺之下也。《穀梁》曰:「臺下非正

我

爲

德

乎?

二九五五

也 莘 老 孫 氏 日 : 「人君之薨 必 於 路 寢

非 路 寢 皆 不正 也。 其 日『臺 下 蓋 有

也 甚 焉 其 臺 毁矣, 崔 氏 日 : : 而 其下屋存焉。」未詳 臺 下者,泉臺之 下

秦伯 營卒。

是

否

公也。」案《史記》,張氏 秦伯 秦雖 張氏 伯 益 之後, 曰:「康公也。」何氏曰: 僻 在 近 西 是。 夷, 自 高氏 秦 仲 日 穆 始

戰, 於諸 自後 至平 侯,賜爵 與 王 中 時, 爲 或 伯。 秦襄 交聘盟 及穆公與於成 始 有 會,遂伯 功 於 周 室 西 濮之 戎 列

至 九 是 年 遂 來 書其 歸 僖 卒,而 公成 弔 風 之襚 其 喪 始 也。 與 愚 魯 謂 通 : 好 夷

狄之 夏 混 喪赴 殽 大經 於 中 紊 或 矣。 而 蓋 中 其 或 始 往 也 弔 焉, 歸 成 則 風 夷

之襚

而

不

却

使術

來

聘

而

受之,其

赴

中

而

弗

能

病

者

何

如?』乃謀

弑

懿公,

納

諸

慎 或 其 古 始。 宜 先 春 書 秋 襚 内 聘於 中 或 前 外 而 終 夷 之以 狄 而 此 常

垂 戒 遠 矣。

夏五月戊戌,齊人弑其君 商

人。

稱

人,見《十六年》。

高

氏

 $\vdash$ 

春

秋

法,弑君之賊 以 弑 君討 之, 則 以 賊 書

商 人弑 君自立 至 一於五 年,宜 加 討 賊 之

辭,而 稱『齊人弑其 君』者,齊人 恬 不 討

賊,皆北 自以私 怨殺之,故曰 面 事之,遂令商 \_ 齊 人 人 紅 專 其 行 君 無 道 也 而

左氏》曰:「齊懿公之爲公子 也 與與 邴 歜

之父争田, 弗勝。 及即 位 乃 掘 而 刖 之,

使 月 一、公遊 歇 僕 於 納 申 閻 池 職 之妻, 二人 浴 愐 於 使 池 職 贂 歜 乘 以

Ŧi.

而

怒, 扑 抶 職 抶 職 汝 庸 怒。 何 傷 歜 ? 日 :『人奪 職 汝 與 妻 刖 其 而 父 不

九 六

愚 竹 而 中。 聞 免 孔 弑 子 歸,舍爵 Ė 君 "「人之生也直,罔之生也 而 偷 而行。 生者,幸而 齊人立公子元。」 免者 也 若 幸

商 人 者 一, 蓋 不 免者 也。 商 人弑 君黜 母:

之弑 惡 極 ,此天理 辠大,幸免天下之誅,而不免齊人 故《春秋》歷 書商

也。

惡,而 終之以 此, 垂戒遠矣。 義 又見《 隱

几 春秋》書曰「弑 年》 衞 州 吁 事。 其君」,齊之臣 或曰: 弑逆之賊 子猶 口 戴 而

商人爲 君乎? 曰:篡位,天子諸 侯 與 天

下 日 之人一日 不 可 戴之爲 不可待之爲齊侯,齊之 齊君。 苟齊之臣 子北 臣 子

《春秋》安得不正齊人弑君之辠哉? 讓 有 言曰: 「委質 爲 臣 前 求 殺之,是二

面

拜之爲君,而以私怨殺之,是弑君也

不 心 可 也 逃 況 以 此 私 與 怨 乎? 里克弑君,而書「晉殺 齊 人 弑 君之皋,

孫氏

强矣。

僖十五年,公孫敖

見,

而

仲

公孫

兹

見。

文元

年,

叔

孫

得

臣

見,

而

叔

其 而 春 大夫里克」之意同。 其 秋 不 Ě 以 名, 討 此 賊 之謂 殺 之, 也 則 雖 君、大夫異勢, 也 嗚 呼

六月癸酉,葬我君文公。

義見葬桓公。

秋,公子遂、叔孫得臣如 齊。

人之

《左氏》曰:「文公二妃,敬嬴

子遂弑 卿 請 自 年》「齊來聘」。 胡 襄仲欲立之,叔仲不可。 嬴嬖而 之。 僖 共 氏 曰 公 使 立 : 齊侯 私 以 ? 禍 事 其君之辠著矣。」義又見《隱七 來,三桓 非 襄仲。 新立而欲親 亂 常常 邪 ○葉氏曰:「聘則何以二 聘 謀發於並 之子 宣公長 也,其謀立宣公 孫 魯,許之。」康 仲見于齊侯 漸 而屬諸襄仲 使之日 生宣公。 進 前 四 也。 年, 敬 侯 公 而

二九七

1

遂焉。 生、得 所 殺 爲 也。 季孫 于平州,以定 宣公立 之意,而非 未能與遂抗。故其末年執政,遂 見,六年季孫行父見,二氏雖 於入杞、伐邾,皆遂爲之。魯之政,蓋 用 二十八年得 三家子孫 孫 以 則 事,所往來齊、晉、楚三大國之間。至 最 氏 僖之十六年,公子友卒,公孫兹卒 挾得 氏 强 親 得臣、行父不 臣、行父四 文公立 、强矣。 故 李 矣。 臣 列 孫 敖自 己之私也。 政。 於卿 與之偕行,將以 文公六年,季孫 其位。 行 終春秋之世,而莫之能去 而 父亦 十五年救徐之後,不復 益 雖 人。 者惟公孫敖一人,遂以 後 專,及元年叔孫 得 則二人蓋皆與聞 如 於 彭 不 齊。 齊侯於是許之。 放敖者 生既 畏 公遂 見 而 行父 復進,而 ,然視三家 聽 以 此 會齊 不 魯執 與 見, 此 從 得 叔 侯 政 乎 其. 彭 11 臣 在 而 而

弑者歟?」

二九八

冬十月,子卒。

愚謂: 蔡,既 『死君 卒』、『夫人歸』,則 埋之馬矢之中。公冉務人奉其帑以 卒」,諱之也。仲以君命召惠伯,其宰公 羊》曰:「名赤。」未詳 公之末,實張皇於文公之世。 夫之專,由 知其賊乎? 冉務人止之,曰:『入必 曰 義同《莊三十二年》「子般卒」。 可死,非君 不名, 闕文也。 : 「仲殺惡及視,而立 而復叔仲氏。」康侯胡 命,可也。』公冉務 嗣君之禍,由於大夫之專。而 於文公 命何 上 《左氏》曰:「名惡。」《公 書『大夫並 聽?』弗 之暗 知辠之在公子遂矣。」 孰是。 宣公。 聽, 人曰:『若君 死。 遂 使」,下書『子 氏 雖 乃人, 弑  $\Box$ 叔 故《春秋 得 書 而 · 何  $\sim$ 政 仲 日子子 左氏 書卒, 殺 於僖 Ы 大 奔 命 而

遂,敬 及其 其 終之以 歷 文公所以怠 者,嬖故也。 爲 敘文公之惡,遂與得臣、行父之辠,而 鑒 嗣 嬴奪嫡之心也。 戒 此 顯 大 矣。 於事 夫之專,不 若文公者,幸 有夫人、太子 〇張氏 伯、急於盟齊、簡 至於弑 然其 曰 免其身,而 而嬖寵妾, : 私 敢啓是 君 事公子 不已 於 心 卒 則 視

謂 或 朔 察,身死之後,冢 一政,故 言前 者,有自 有 安勝 讒 來 而 矣。 不 大臣相謀 見,後有賊 嗣 人 二人 君昏於嬖 弑 遂 或 見 而 嗣 戕 不 (寵,棄 知 而 弑 不 所 能 忘

夫人姜氏歸于齊。

文公之謂矣。」

氏 氏 日 姜氏,杜氏 天 歸 曰:「文公夫人。」《左氏》曰 于 齊,大歸 乎 1 日 : 仲 爲不道,殺嫡立庶。』市 惡、視之母 也。 將 行,哭 出姜 :「夫人姜 而 也。 渦 市 趙

> 夫人 氏 可 闇 死,骨肉 人皆哭。 以 臣 曰:「嫡 失 專, 鑒矣,而 位 禍 未 魯人謂之哀姜。」愚謂 而 庶之亂,未有不始於妾上僭、 寒而子殺 至 致之者,是以 亦以著被弑之實也。 於 此  $\sim$ 妻歸,不得終喪,君 春 秋》書之,後 知文公之首 :文公 張 世

季孫行父如齊。

惡

也

隨 肆 不正 以其前 魯國臣子之辠皆不 齊」,齊與 『子卒』書『如 許氏曰:「文子之行,告宣公立也。 隱七年 肆,無所忌憚。 程 前 氏 後如 曰:「遂、得臣、行父三人皆與 或 》「齊來聘」。 聞 之大臣恃大國 齊 乎 而知之也。」高氏曰:「見 齊」,後乎『子卒』書『如 故 行父,名大夫也, 也。 可 勝 所 以惡 誅 以 氏 也。」 自 日 齊也。」沙 免, : 義 前 君 又見 而 施 死 施 平.

秋 本 義

也。 會、垂隴之盟。叔孫 若是,先王之澤盡矣。」木訥 家之强雖自僖公,而僖公之世 至文公之世,孟氏 氏則 則公孫敖爲戚之 得臣會晉,伐 趙 氏 猶 티 : 未 敢 專

帥 沈,敗狄于鹹。 師城邑。 至東門氏, 季氏 則 則 行父如陳、如晉, 襄 仲見於經者

凡九,非

會則

盟,非

盟

則如,非如

則伐,

怠惰 其横尤甚於三家。 國之好,未嘗親之,率以大夫往。 不君也。 即位之初,伯主之會,鄰 然極其源,皆由文公 閏 月

門,何以爲國? 宜諸大夫互結私援,外 不告月,常月不視朔,怠惰庸昏,不出 大國,内懷國 人,公室寖弱 而 權 歸 寢

於

事

保,終春秋之世權不復收,而 臣 也。 身未瞑,二子爲戮,妃 魯遂以微。 妾 不能

莒弑 其君庶其。

文公不能逭其責也。」

不書弑 見《隱四年》衞 君之賊,未 州 一一事 詳。 或 曰 闕 文 也 義

春秋本義卷第十五

後學成德校訂

00

## 春秋本義卷第十六

所不至也。]高氏曰:「公子遂,蓋公族之

言 公名倭,或作接,文公庶子,子赤庶兄,襄仲殺 嫡

而立之。

元年春,王正月,公即位。

《穀梁》曰:「繼故而言 無所畏懼,偃然行即位之禮。 也。」戴氏曰:「魯之桓、宣皆 即位, 繼故  $\Rightarrow$ 與聞 春秋 而 乎 立 故 即

公子遂如齊迎女。

其實

而書之。」義同

桓公即位。

莘老孫 逆,所以見弑君之人得志而在位,則 公之喪 也,乃 氏曰:「宣公弑 遽使大 子赤而、 夫逆女 立,又在 於 齊。 無 書 文

> 三月,遂以夫人婦姜至 者也。」 也。 也。』喪禮寖廢,夫豈一 官皆不欲,曰:『吾宗國 逆之賊,又使弑逆之賊來逆而 尊者,尤不可也。」愚謂:魯人殺齊之甥 自文、宣莫之行矣。 不顧者,必敬嬴、仲遂請齊立接之始 自安計,越典禮以逆之。 弟而立宣公,懼於 「太子赤,齊出也。 侯之惡亦不可掩矣。○ 而 姜氏歸矣,復以 其後,滕文公定爲三年喪,父兄百 其女即 見討,故結婚 仲遂殺子赤及其 此所謂『辠惡自見』 朝 魯先君莫之行 康 其 如 侯胡 一夕之故? 喪 ,此,其 而 不辭,齊 於 氏 嫁。 齊爲 呕 曰 : 謀 日: 弑 而

《公羊》曰:「遂何以不稱公子? 再見者,卒名也。」稱「婦姜」,見《僖二十 事而

白

齊。

夫人歸 之甥 公即 平. 爲賊 而 如 臣 不 + 殺子赤者也。 見 É 書『夫人姜氏 公之立,逆女使遂。斯二人者,在 而 Ŧi. 季 州, 矣。 齊 如 書 八 使 齊』, 年 其故。 \* \* 位之初,『公子遂 年 公子 齊之意可見矣。 也,憂齊之有所黨,故 ,而桓、宣以爲忠也。」王氏曰: 孫 M 公子暈,弑 書『公子遂、 也。」〇石氏曰:「文公之喪未期 而 則 高 如齊』,畏夫人之有 不書其故,已而 遂 稱『遂以』者,明公子遂不當以 行 氏 已而『十 逆女, 父 歸 日 桓公之立,逆女使暈。 如 于 齊之意 齊」,以 隱公者 不直 雖 叔 月子卒』, 此年書『季孫 不 如 孫 譏 書『夫 書公『會齊 齊 得 可 其 也。 喪娶, 辠惡 欲 逆 臣 所 子 見 急婚 女 矣。 則 人婦 如 訴 故 公子遂, 遂 也。 也。 齊 . 於 及 亦 前 侯 行 姜 齊 自 得 文 宣 齊 宣 既 年 于 父 而 以 至

不足皋,可皋者喪娶之故也。」也。《公》、《穀》謂譏喪娶。不知喪娶之

夏,季孫行父如齊。

聘」。 ^ 齊 著 則 行 得 也。 動 假 他 不 納 高 左氏》曰:「 矣。」 矣。 乖 大國 以 賂 父 或 氏 知 請 其 以 經 耐 日 其 不 〇 康 錯 -F 之也。 有 不言 之權以 道立,苟得一 得 請 請 如 書『公會 不 復 公既 蓋 侯 此。」義又見《隱 列 待 其 討 季文子 於 胡氏 以 傳 故 又書『齊 定宣公之位 婚 會。 賂 而 文子 矣 謂 齊 曰:「經 也。 著 如 預 然 納 蓋 侯 者 齊 不 於諸 春 賂 人 于 後 雖 納 . 憚 秋 比 以 平. 取 七年》「 季 微 也。 賂 書『行父 自 時,凡 請 侯之會 事 州 文 濟 以 行者, 會 以 傳 文子 西 子 請 者 觀 其 田 則 齊 或 如 會 事 知 傳 如 來 舉 欲 斯 則 君 齊

張

氏

曰 :

 $\sim$ 

後漢

念志》:

琅

邪國,

陽

都

故

定

而

君

篡

舉

或

定

沂

州

:

諸 非 辠 氏 放 之于荒 用 胡 放 曰:『色斯舉矣。』爲大夫而見放焉, 夫」,皋其命之專、放之無禮 命 可 几 之, 則請 曰 : 之? 天子 · 逐 侯 海 氏 賢者矣。」 爲 曰 : 春秋之時,諸 耳 也。 專殺之,專放之。 「古者諸 之刑 裔。 家, 於天子,天子命殺之,可,放之, 衞 越 流 贵 晉 大臣 臣 舜放 也。」木訥 放之刑,惟 晉 境 有皋,宥 侯大夫命於天子,大夫有 之荒 有辠而 而 驩 侯 爲 兜 未嘗請 服 他 于 趙 之於遠 乎?!() 或 崇 法 天子得 氏 書 不 Ш  $\Box$ 安 也 日 至死, 於天子, 是 : 得 也 『放其 天子 行 也。 幸  $\wedge$ 荒 論 之, 邦衡 則亦 老 則 裔 譏 大 專 以 孫 放 而

牟縣西。」 邪 鄰 其 義 뾆 不 時 滅 曹 或 有 臣 位 沂 地 「凡亂 其 此 子既 猶 無古 者 待 Œ 又見《隱九 復 人 水 天 ,有牟臺。 康 之辨,會平州 有伯 討 理 以 E 於 縣。』《左氏 臣 仲 力足 [今, 其] 無 此 侯 列 平州之會 從之矣。 賊 尼 是 胡 請 於 È 所容於天地之間 以 子之所以不 所 率 諸 氏 負 大國 註 年》「會于防 罪 爲 正 中 日 芻 侯 **>** 不得 魯, 懼 或 於晉。 :  $\check{\exists}$ 之會, 也。 若之何? 平州 能 以定賊子之位 · , 爲 : 魯宣 而 討 赦 春 戎 春秋 會 惠 在 之 也。 則不 敢縱 夷 秋 夫篡 篡 縣 于 公不 0 也 **>** 以 V. 平. 西 所 身無 棄 位 復致 已列 ○張 來,弑 其欲者, 弑 踰 州 後 明 齊 猶 以 人 之賊 年 於會 於 乃 類 未 作 討 以 屬 氏 存

秋本義卷第十六

公會

齊

侯

于

平州

杜

氏

日

平州

,齊地,在泰山

:

義

利

則

魯

之

也。

日

:

爲

禽

而

没,

毁

故

三 〇 四

於 賊 齊侯于平州 卒,夫人歸。 人,不可得 復何畏而 公即 不逞哉?」 也 齊人 位 取 即 濟 逆 吕 西 女于齊, 田 氏 日 二 雖欲 不 又 子 會 赤 疑

公子遂如齊。

置,皆 矣。 首 謀,以戒後世。 胡氏 寵 書于策者,於以著其始終成 又見《隱七年》「齊來聘 于經矣。 左氏》曰:「東門襄仲如 或或 惡。 此皆直書於策,而 曰:「宣公篡立之辠,仲遂主謀, 外 出 初 結藩 其 如 請 (手, 而 齊 於齊,遂及行父,則 鎮 拜 人臣或内交宫禁以 以 成,雖削之可 人主 爲 之援,至於 義 不 齊拜成。」康 自見者 悟者,其 就弑 也 殺 也 再 V. 慮 古 生 又 之 再 其 見 爲 侯 深 廢

六月,齊人取濟西田。

濟西田,即僖三十一年所復侵地

也。

反因之以爲利,無人心矣。」許氏

 $\Box$ 

「桓

也。

姊

妹

出

於

逆

臣

外

孫

並

戕

於逆

賊

意。」○貫道

王氏

曰:「齊惠

於出

姜,姊妹

利

或

者

一, 必

至

於

弑

奪

而

後曆,蓋

得

此

潤。 可 國,人道所不容者,而貨賂公行,免於諸 與之會,是利其爲惡 國,盟主之餘業也。 之以見義也。 侯之討,則 宣公立。 也。」愚謂: 本文,史諱 公羊》曰:「曷爲賂齊? 穀梁》曰:「言取,授之也。」《左氏》 齊人取濟 以 其禍 爲 利 不能聲罪 乃 而 或 西田 中國 自 魯授之而 爲之 康侯 惡 不 ,爲立公故,以賂 胥 而 知 也 爲 但言 胡氏 以 致討,務 子赤 而 戎狄,人 書 義 孟子爲梁 助之也。 齊 曰:「夫齊、魯鄰 爲 齊 爲弑子赤之賂 弑,出姜歸, 取、《春秋》因 利 取者,魯史之 寧魯亂 類 而  $\pm$ 滅 弑 齊 以 極 君 利 爲 也。 日 之 禽 篡 首 而

鄭。 於 利 天 宣公 不 下, 取 既 者 所 弑 藉 則 亦 以 以 何 行 濟 矣。 夫 一十八 而 又以 專 年》「 兵 序 圖 救 晉 伯 鄭 靈 則天下禮樂征伐 見弑 ○君舉陳 之漸

義

又見《

莊

在

大夫

氏

日

南

公既

弑,

以許

田

賂

宋。 平。 諸夏之君,分爲晉、楚之從矣。」 後五十年,而晉趙武、楚屈建同 盟

棐,芳尾切。《公羊》作 宋公、陳侯、衞 侯、曹伯會晉師于棐林、伐鄭 斐。

上言 後 凡,無他 1趙盾 帥 義 師 也 一; 而 杜 此 氏 言晉 日 : 師 棐林 者, 亦 先 目

祭 陽 宛陵縣 東 南 有林 鄉。 葉氏 日 鄭地 \_; \_ 地

秋,

邾子來

朝

利

而

成

亂

也。

宣

亦

不

能

以

自立矣。

故《春秋》誅其貪

張

氏

曰:「使鄭

莊

、齊惠不貪其利,則桓

則

亂

與賂俱

行。

自

然之符

可

不戒

諸。

秋》志之,以見

世

平

則

Œ

與

法

皆勝

世

變

也。

是以桓、宣之計,若出

一軌。

春

義

之云 擇?

至於弑

父與

君

, 將

無

不

北

之勢,於是始

也。

後十五

年,

而

宋

楚

于

者

一,惟

利

而

른

凡

非

 $\mathbb{H}$ 

賂

齊

夫負

不

義

義

見《桓二年》「滕子來朝」。

楚子、鄭人侵陳,遂侵宋。

楚子滑夏,其惡著矣。

而

鄭

師

助

之,

辠

猶

不

可

況

大

夫

乎?

自

隱、

桓

以

來,

諸

爲 棐林,見會而 盾 所致也。 後伐也。」高氏 夫征 伐 自 天子出,諸侯 曰:「著諸 侯 專

侯 無 大 小 ·皆專 而 行之。 棐 林 之會 一, 中 或

衞 政 在 趙 盾矣。」義 貫道王氏曰:「晉師 又 見《 隱 救陳之後 年 **>** 剪鄭 伐

晉 捎 盾 帥 師 救 陳。

又甚

焉。

義又見《莊十年》「荆

敗蔡師

蠻 夷 滑 夏,而 中國救之、善也。 然盾以大

三 〇 五

三〇六

楚。 得 侯 責 諸 乎? 接 也 侯 諸 會 餘 靈公立 侯 之 皆 猶 而 以 可 後 盾。 十三年 以 伐 義 鄭 起, 盾 爾, -, 僅盟 既 惜 專 怒 盾 兵,欲 鄭 扈 不 伯 足以 一役與諸 而 不 任 同 . 逼 其 外

冬,晉趙穿帥 杜氏 曰:「崇,秦之與國。」任氏 師侵崇。 崇、公羊 》作 柳 曰 :

案

地譜 左氏》曰 ×, 商 : 有崇國,在京 「晉欲 求 成於 兆 秦。 鄠 縣 趙 H 穿 亭。 日

焉。』冬,趙穿侵崇,秦弗與成。」未 我 侵崇,秦急崇,必 救之。 以 詳 求 信 成 華,户 歸

化

切

吾

序晉 否。 侵宋」。 愚謂 靈 見弑 書此 貫 之漸 道王 見 氏 大夫專兵侵伐, 義 曰:「侵崇,趙 又 見《莊 十年  $\stackrel{\cdot}{\approx}$ 亦 穿 得 公 以

晉人、宋人伐鄭

兵權之始也。」

康侯胡氏 日 : 宋人弑君,王法在所

不

赦

乎? 燕, 伯,宜鄭之不 之,兵不以義,其 能 伐之有名矣。 衞 也。 服 0 庸 鄭 而 宋 ○愚案: 愈 晉人與之合兵伐鄭, 之心, 以 乎?」義 弑 心服 逆 爲 然 鄭 而 能 晉、 趙 附 又 也。伐之不 伐 振 見《隱 盾 宋 楚 乎? 人,晉以 合 以 者 四 侵 盍 或 中國 是 年 大 反 諸 服 謂 夫 己 侯 晉、宋 而 以 而 鄭 又 而 燕 而 伐 僭 思 伐 不 伐

二年春,王二月壬 生 帥 師 戰 于大 棘。 子,宋 宋 師 華 敗 元 績 帥 師 獲 及 宋 鄭 華元 公子

故 罕達,客主各言 FL 並 氏 具其文。」何 日 : 此 華 元 帥 氏 師 歸 曰:「大棘、宋 者、皆 生 及 哀 是 將 尊 年 地 趙 師 心杜 鞅

命於楚,伐宋。 屬 拱 州。 左氏 宋華元、樂吕禦之,戰  $\forall$ 日 鄭 公子 歸 生 于 受

邑

氏

日

「在陳

留

襄

邑縣

南。

張

氏曰:「

襄

:

故

華

元、鄭

公子歸

生

一、晉荀

林

父、衞

孫

良

夫、

魯季

孫

行

父、

臧

孫

許

叔

孫

僑

如

晉

趙

鞅

鄭

罕

達、

齊

或

書

凡

年

 $\stackrel{\cdot}{\cong}$ 

獲

莒

拏」。

朴

鄉

吕

氏

曰

 $\sim$ 

春

秋

未

有

書

大

夫

帥

師

而

戰

者。

書

大

夫帥

師

而

戰

自

此

始

自

是

而

後,

戰

皆書大夫。

賊

戰

而

偶

勝

者,僥倖耳。

此其不

免

者

也

後

世

可

以

鑒

此

矣。

義

又

見《

僖

元

咎

喻

以

辭

宋

固

或

喪

民

以

思案: 有辠矣。 狄致晉之伐, 冬晉 及其身,皆辠也。 鄭 師 十乘, 命 大棘,宋地 歸 宋 敗 而 績, 伐 生者,華元 華元 妄 俘 鄭 興 人 \_ 而 大 爲 乃不自咎 華元, 百 鄭 衆 逆 鄭伐宋 賊 禦之也 Ŧi. 志乎 以 之臣 獲樂吕 十人, 取 而 此 敗 口 亦 帥 戰 績 知 馘 師 及 不 而 也 也 壞 É 伐 稱 白 甲 夏 死皆言 書 及 書 者 皆 1敗績 齧 此 戰 ··, 吴 大 獲 丽

宋

華

元

及

非

前

年

車

四

白

六

大

棘

宋

而

戰

也。

戰

不

書大

夫

帥

師

鄭

附

夷

大凡 弑 逆之 在 既 大夫帥 1秋》書 三十 獲之後 獲。 者,身見 棘 른 齊 獲者七 之 四 師

戰

並

稱

帥

師

者

其

衆

敵

也

惟

台

捎

鞅

鄭

罕達

戰

于

鐵

大

夫

之强

可

知

矣。

《 春

秦 師 伐晉 爾

或

書,

死

也。

蓋

存之殺

之皆

鄭

獲

宋

華

元

牛

也

旲

獲

陳

;

獲

而

師

又

敗

也

大

夫

生

惟

齊

或

書

及

此

宋

華

克

夏,晉人、宋人、 矣。 未詳信否。 稱 秦 又 楚,其 見《隱七年》「戎伐 稱 《左氏》曰 師 者 後 衞 漸 衆 愚謂 稱 也。 子 陳 秦 此亦 亦 人侵鄭 稱 凡伯 師 魯 師 伐 報復之 史 晉 蓋 舊 以 漸 文 師 報 與 也。 崇 諸 猶 也 夏 楚 始 義 混

義 同 元 年 伐 鄭 又 見《莊 + 年

三〇七

作獔

與, 詎 黨 乃 以 哉 爲 以 宋 敵 子 何 未 命 侯之從晉也, 幾,而 侵宋, 宋 庇 ? 病 口 或 鮑 伐宋,將以 是率諸 而 至 輕 以 宋 而 楚 侮 蓋 從 百 哉 還 而 侵鄭 以 之。 晉 自 朴 楚 至 鄭 於 侯之 今從之? 伐 文十 是 爲 鄉 以 歸 再 病 鄭 彼 謂晉、 吕 立 是 侵 討 楚 而 生 師 動 得 率諸 氏 宋 七年 鄭 賊 賊 戰 也 未 以  $\Box$ 之非 以 之有 蓋 也。 也。 于 復 己 侵 : 昔 奉 侯 伐 使 大 未 也 鄭 有 辭 鄭 何 之 義 口 乃受 新 歸 宋 棘 幾 辭 由 依 從 師 城 伯 生 以 且. 而 而 於 是 也。 晉 而 以 之 其 役 È 伐 敗 與 我 宋 鄭 謂 盟 而 伐 路, 之舉 宋,晉 始, 鄭 宋, 或 疲 今叛 率 也 晉 鄭 乃 鄭 也,昔 叛之, 於 立 諸 夫 晉 不 從 既 動 復 公 奔 晉 足 侯 諸 之 又 又 楚 從

秋九月

Z

丑.

。 晉

趙盾弑

其君

夷泉。

息、《公羊》

盾

酒

,伏甲將

攻之。

其

右

提

彌

明

知之,

言 莫大 首 後視 會請 蹯 不 主 服 之,使组 羣 諫 趙 從 左 臣 如 盾 不 日 將 而 氏 : 朝 賴 焉 對 之,曰:『吾知 先, 熟,殺之寘 死 上 忠。 季 **>** 士: 也。 之? 彈 日  $\Box$ 季見 不 麑 不  $\Box$ 一『人誰 尚早, 君 忘 棄君 人 賊之。 觸 能 而 「諫 晉 其 則子 恭 猶 槐 有 觀 靈 之命 手 諸 敬 不 坐 終 而 而 7,問 其 公 無 畚 改。 晨 繼之。』三進 而 則 所 死 不 民 辟 不 不 過 使 往 假 過矣,將改之。」 0 社 其 之主 人 ? 丸 君 污寢 寐。 宣子 九 信 稷 婦 故 也。 則 過 之 人 厚 月,晉侯 也 而 驟 魔 莫之繼 固 載 而 斂 有 室 患之。 闢 退, 諫 能 也 以 以 及溜 賊 夫 矣。 於此 贵 改, 過 彫 飲 民 歎 胹 也。 朝 牆 趙 稽 將 之 患 惟 善 熊 而 而

乙丑,趙穿攻靈公於桃園 之。』使盡之,而爲之簞食 人也。』問其名居,不告 年矣,未知母之存 與之。 」,其我之謂矣!』宣子使趙穿逆公子 子曰:『烏呼 矣。』食之,舍其半。 免之。 見靈 不越竟,反不 『棄人用犬,雖 死之。 宣子曰:『 下。 :『臣侍 太史書 既 輒 公 問 而 餓, 初,宣子田 曰:『趙 嗾 與 君 何 問 「我之懷矣 夫 不然。』對 故 爲 宴,過三爵,非 否。 其病。 討 獒 對 公介, 猛 焉 賊,非子 盾 而 問之,曰:『宦 何爲?」 今近焉,請  $\exists$ 弑 · 。 宣 子 未 出 退,遂自亡也 於首 |: | | | | | | | | | 與肉,實諸 明 日: 倒 曰:『不食三 其君。」以 搏 戟 『子爲 Ш 而 鬭 而 以 自 桑 禮 1,舍于 殺 H 禦 之餓 貽 以 也。 ? 之。 出 伊 Œ 示 公 橐 遺 Ш 負 討 使 境 以 之所 側 矣。 事。 侵伐 黑 將 也。 此, 愚 由 衡 謂 弑 也。 兵 有 Ŀ 用 來 胡 臀 故君 以 盾 逆,亦惑矣。」康侯胡氏 權 年 之 氏 狡

臣

不相

能,

而盾之無君之心

而

穿

愚

河河

曲之役,委曲庇之,

徒,而

以

日

翳

桑,

提

彌

明

盾

遂

扶

以

趨

登

 $\Box$ 

鑒戒昭 者 皆盾專之,不復有君,其 於 《春秋》歷 漸矣 貫 周 日 道王 而 矣。  $\sim$ !』盾自文六年當 立 易》 氏 之。 義 曰:「靈公之立,非 書趙盾之 又  $\Box$ <u>Ŧ</u>: 八見《隱 : 申 弑 朝于武宫。」 父與 四 事 年 來 而 或 君 終 漸 衞 盟會、 「其所 之以 矣。」 盾 州 邦 意 旰

之迎成公而立之,是庇 一,謂 後人見傳,徒以 先事 矣。 也 也 非 其 且使爲公壻,則伏姦 事 而 靈公不君,與盾爲 情, 成 發 機 也。使穿侵崇,是與之 可 熟,委君於穿 乎? 事 穿弑 穿弑 成 於 而 仇,此 穿,而 君 賊 免穿於 而 而 於君 宿 反 盾 留 盾

於朝。

而

復。

卿,亡

宣

曰:「趙穿手

弑

其

君

「**,** 董

狐

歸

獄於盾,其

斷盾

之獄

詞

乃不郊。

猶三

望。

冬十月乙亥,天王崩 與 然後 義 尼因 以 君臣父子不相 子 討,是有今將之心,而 而 日 之邪 聞乎 ,垂法後世, 是 絶 越 子 其 境 書 臣 惡莫慘乎意,今以 小 故 子 反 謂 法 斷 爲 之事 而不 也。 而 而 Œ 而 去 討 謹 卿,亡不越 盾 或 夷,以 之革 終。 假令不與 亂 賊 其 也受其惡 而 臣 漸 謂之復讎 -,其 不還也,然後君臣之 不然,是盾 賊子 也。 至於禽獸 意欲穿之成 義 八聞者 境 皆 此皋盾,乃 微 云何 而 反 以 夫 不 而 詭 也 ? 子 僞 不 而 敢 不釋 幾 計 推 縱 討 出 辭 日 希。」 獲 見 閑 乎 賊 賊 而 也 免 弑 實 至 人 不 仲

三年春,王正月,郊牛之口傷,改卜牛,牛死,

書

此

爲

速葬及魯郊

起

文

也

義

又

見

隱

並

一年》。

矣。 乎 張 警公也。」康 弑 高  $\Box$ 傷。 ! 君 氏 氏 禮 篡位 曰:「郊牛者,本養以 曰:「不言傷之者,牛 祭天之牛或傷或死,此 改 爲 1 天 ,無天道矣,豈足 侯胡 ·牛,而 Ŧ. 服 氏 斬 牛 曰:「乃不郊,爲牛之 衰 又 周 死 É 事天之牛 人告 也。 以 傷 天示 對 也。 喪于魯 不然,郊 越 變 在 宣 也 以 天

秋》備 月,後 是爲 時 ? 史策 僭郊,天不從而魯必爲之。 見《僖 或 秋 已書 可 已來喪 世 有 而 書,其義 舉而 或謂 三十 不修 不 而 能 紀寖廢 未葬 不 不以王 弔 復,其 自 廢 年》。 禮 也。 見。」魯 也。 而 有 所 祀 事 卒至漢文以 自 不奔 由 相 廢 郊 帝 趙 來 聘 天 于郊 與 氏 卜而  $\pm$ 漸 問 事 猶 티 : 喪 矣。 , 夫豈其 禮 古 不從者 而 「魯 一望,義 日 乎 將 遠 ? 春 之 以 適

524

他

春

階

愚謂

陸渾在伊雒,天子不能治,諸

變故 自 川 望,不得 咎 皆 鼷 其 僭 鼠 僭 非 食牛者 於天 必 人力所能 將用之,凡郊之不從 而 三,牛 僭 爲 於 П 也 地, 傷者 天 不 地 \_\_\_\_ 郊 岢 而 牲 有 猶 魯 異. 之 不

理 ? 天所不享,地 安得享之?」

葬 匡 王。

杜 几 氏 月 日 而 葬,王 四 月 室 而 末君. 葬,速。」康 其 (禮略 侯 也 胡 氏 딘 :

作賁、《公》、《穀》無之字。 張氏 曰:「陸渾子,本允姓, 居 瓜 州 僖

楚子

伐陸渾之戎。

渾,户門切,又户囷切。

陸、公羊

故 相 里有 河 一十二年,秦、晉遷之于 南 書 攻 了,其 陸渾 陸渾 于 策, 志 .縣 縣 何 以 故 地、宋河南 也? 謹 城。」康 華 爲陸 夷 侯 之辨, 府 渾 胡 伊 伊 在 氏 陽縣 Ш 禁  $\pm$ 曰:「夷狄 都 猾 北二 在 之側 夏之 唐 + 爲

> 甚 矣 ! 侯 不能驅,而 義又見《僖三年》「徐取舒 夷 狄得以伐之。 中國不振

夏,楚人侵鄭

義見《莊 + 年  $\stackrel{\cdot}{\preccurlyeq}$ 荆敗

蔡師

秋,赤狄侵齊

張氏曰:「赤狄,狄之别種。」木訥

於經。 地。」義 訥 白 孔 狄 + 日 | 「隗 趙氏 衣 氏 衰 年, 也。」《地 日 而 曰:「僖、文之世,歲有狄患,至文 見《隱七年》「戎伐 赤 叔 姓、潞、 謂之赤狄、白 孫 狄 譜 得 興 臣敗 甲及留 》: 「洛 焉 狄于鹹 今 其 州,春 狄者,俗尚 吁 凡伯 皆 侵 赤狄 狄 秋 齊,始 患 赤 也。」 頓息。 赤衣 狄 趙氏 木 見 Ż

宋 師 韋 曹。

0 隗 原作「隈」,今據四庫本《春秋經筌》及《左傳》改

治 邦 義 賊 逞 又見《僖 人之亂 衡 志 胡 以 氏 韋 日 十九年》「宋圍 : 春秋》所 人之國,見王政之壞 宋 文 弑 甚惡 立,己 也。 爲 愚 亂 謂 極 而 逆 欲

鄭穆公。 義見《隱三年》「宋公卒」。

葬

公。 内, 月 木訥趙氏曰:「葬不月、闕文也。」愚謂 日 速 雖 也。 闕 然冬卒而 義 又見《隱三年》「葬 冬葬 差 在  $\equiv$ 宋 月 穆 之

不肯,公伐莒,取向。郯,音談。向,舒亮切。四年春,王正月,公及齊侯平莒及郯。莒人

共 杜 漢 張 公 平 之。 氏 屬 氏 曰 : 曰 : 東 海 「郯,己 「莒、郯二 郡故 向,莒邑,東海 城 姓 在 國,子 或 淮陽 相 怨,故 爵 承 軍 縣 下 秦 東南 公 邳 有 與 縣 郯 有 齊 北 郡 向 侯

> 郯,義 今以 以 假 下 莒,强也,取向,利也,非君子之道也。 亂 尚不肯,伐莒而齊不與,復取 往來,朋從爾思。』聖人 不中,不怨勝己 君子之道猶 城。』《左 ○張氏曰: 春秋》深以著宣公此心之不公,而終之 爲利 齊 和 平亂,何治之有?」劉 一言而彼已服。 宣公而 平者,此心公正, 也。 也。 氏》曰 莒人不肯,吾有 「《易》曰:『貞吉悔亡。 平二小國 射,射者正己而 : ]者,反 平. 或 今挾 水諸 所以感人心而 以 自 若 氏 禮 足 齊 出 曰 : 「 不義焉。 己 不 以 後 爲 於公,不 向 而 以 重,而 感之也。 發,發 以 已矣 平莒 亂 自 憧 益 伐 彼 必 天 憧 及 以 而

秦伯稻卒。

「自秦康公罃卒書於經,而秦同於中國張氏曰:「秦伯,共公也。」存耕趙氏曰:

矣。於是書『共公稻卒』。」義見《文十八

年》「秦伯卒」。

夏六月乙酉,鄭公子歸生弒其君夷。

《左氏》曰:「歸生,子家也。」愚案:先書

之禍也。 歸生帥師,而終之以此,見大夫專兵國 鑒戒昭矣。 義又見《隱四年》

衞州吁事

赤狄侵齊。

義見《三年》。

秋,公如齊。

義見《僖十年》。 但彼猶朝伯主,此則朝

其立己者耳。

公至自齊。

義見《桓二年》「公至自唐」。

冬,楚子伐鄭。

《左氏》曰:「鄭未服也。」義見《莊十年

荆敗蔡師」。 〇張氏曰:「案楚自去年

> 鄭于辰陵,而鄭又徼事晉,於是十二年 至十年,侵伐鄭者凡五。至十一年,盟

晉人之不振,有自來矣。」

圍鄭人之,遂敗晉于邲,而後鄭服楚。

五年春,公如齊。

義見《四年》。 此則去秋與今春兩如齊,

甚矣。

夏,公至自齊。

踰時而返也。 義又見《桓二年》「公至自

唐」。

秋九月,齊高固來逆子叔姬。張氏曰:《左氏

無子字。 據高固及子叔姬來,有子字。 當從《公羊》、《穀

子叔姬,趙氏曰:「時君之女也。」《左氏》

者三十而娶,五十而爵,爲大夫。 曰:「逆叔 姬,卿自逆也。」高氏曰 一一古 故大

夫無出境親迎者。高固爲齊正卿,而始

三三三

11

與 又 魯爲 見《莊二十七年》「莒慶逆叔 婚 又 越 境 逆 女, 非 禮 姬 可 知 0 義

叔 孫 得 臣 卒。

張 謹 氏 三孫之世 曰 : 示 H 卿 也 闕 一。」大意 文 也。」存耕 又見《隱 趙 氏 元 딘 : 年

益師 卒。

齊 未易歲 行 之辠也。」 寧,亦不 也 啖 高 ,遠父母 氏 古 時  $\Box$ 及 也, 叔 : - 當與 子 姬 者 大 而 叔 始嫁 康 高 夫 姬 叔 歲 侯 非 來 古 姬 未 胡 百 公 與公事 呕 歸 氏 來 合 事 來, 寧。  $\Box$ 歸 與 : 非 書之以 寧。 妻 今見 禮 禮 出 假 也 境, 逆 女子 令合 明 踰 大 非 高 時 夫 有 禮 古 歸

> 人 伐 鄭

楚

而

書

此

者,則

以

爲

非

常,爲後

世

戒

也

六 年 春,晉趙盾、 義 見《莊 + 年 衞  $\stackrel{\cdot}{\approx}$ 孫 荆 免侵 敗 蔡 陳 師 0

陳,晉 趙 矢 召日 侵 不 比 高 反,偕衞 左氏》曰: 之救 宋」。 以以 氏 知 也 氏 君  $\Box$ 兵 : 臣大義 鄭 此 救之,陳 加 以 以 趙盾弑君 晉、楚争陳, 陳 貫道王 侵 人之國 益日 「晉、衞侵陳, 所 陳 故 也。」義 以 討 遂從 三年三被 畏 氏 貮 大 孫 而 晉 又 見 自 於侵 平 免爲 見《莊 當 此 미 楚 陳 楚 時 始 向 知 鄭 也 即 衞 習 師 矣。」 也 + 楚 卿 於 楚 晉 台 陳 年 故 反 悖 》公公 與之 木 嘗 不 非 也。 無 亂 訥 忘 É

夏 几 月

義 秋 見《桓 八 月 、雞。 Ŧi. 年 《公羊 **\*** ○康侯 作 胡氏 

傳謂

忌

則

人欲

已肆

矣。

凡

婚

姻

常

事

不

書,

行

而

莫

遏

高

古

委

其

君

踰

境

自

如

而

不

所

禁,

而

口

犯

乎.

惠

公許

其

臣

越

禮

恣

?

適

他

或

必

有

君

命

否

則

禮

法

之

螽 爲穀災, 虐取於民之效也。 軍 旅 數

萌 起 於心 」,賦 斂既 前 災祥之應見於 繁,戾氣 應之矣。 事。 善惡之感 宣公不知

舍惡遷善,以 補 前 行 之愆 而 用兵不息,

災異數見,年穀

改 助 法 而 税 民,蓋 不登,國用空乏,卒至於 自 此 始矣。 經於 **金** 

螟,一 物之變,必 書于策,以 示天人感 應

之理不可 誣 ,當慎其 所感也。」

年春,衞侯使孫

冬十月。

夫來 義 見《隱 盟者五,而 元 年 》 盟 良夫來盟 稱 于蔑」。 使者二: ○愚 桓 + 案 兀 外 年 鄭 大

定也 盟 文十五年宋司 伯使其 也,大夫至其國隨宜以盟者也。 者三: 閔二年齊高子、僖四 其 弟 君 語及此孫良夫是也。 使 之來 馬 華孫 盟 也。 是 也。 不 書 凡 年 使,未 書使,前 楚屈完、 直 大略 書 前 來

黑壤

如 此, 又當隨事見義,不可執

而論

夏,公會齊侯伐萊

杜氏 曰 : 萊 或 東 萊 黄

俱 以 東夷之國,近於齊。 登州黄縣 兵 不 、助其 務 德,合黨連兵,恃 虐。」康 有 萊 Щ 侯 胡 貫 齊 氏 道 欲 强 日 縣 王 兼之,而 陵 氏 「公與 弱,是 張 日 氏 齊 魯宣 以 「萊, 曰 : 爲 侯

此 舉 也。

秋,公至自伐萊。

踰 時 也。 義見《桓二年》「公至自唐

大旱。

義見《僖二十一年》。 ○張 氏 日: 「: 比 年

冬,公會晉侯、宋公、衞侯、鄭 螽、旱,觀其所感,可見矣。」

伯、

曹伯

于

張氏 隱九年》「會于防」。 曰:「黑壤,晉 地,一 邦 名黄父。」 衡 胡 氏 義 日 見

三 五

六

事。 壤 而 世、未嘗一合諸 自 滅 之會, 文公以 愚謂 舒蓼、伐陳矣。 而 大夫 此 來,中國 會 侯。 終不 不 與焉, 無 成 能 盟 立 以 主,終 庶 服 Ŧi. 幾 年,始 楚,不 桓 晉 文 旋 有 靈 之 黑 之 踵

賓死

《未將命,則既斂于棺,造于朝,介將

年春,公至自

爲急 其間 會伐 見《桓二年》「公至自 冬會春 古者國 萊 大旱之不恤 至,則 而 有凶 秋至,冬會黑壤 Œ 荒,則殺 月 一**,** 而i 告 朔之禮 唐 品 禮 品 \_ 而 而 以 不舉。 廢 此年 侵 矣。 高 伐 氏 春至 公夏 期 義  $\Box$ 會 又

夏六月,公子遂如齊,至黄乃復。 復 ? 至黄 反。』《聘禮》曰 孔 氏 乃復何 曰:「黄, 譏 大 夫 ? 以 "「賓入竟而死,遂也。 齊境。」《公羊》曰:「其言 有 君 疾 命 也。 出 聞 何言 喪 徐 乎 有 行 而 疾 若 乃 不

> 辛巳,有事于大廟,仲遂卒于垂。 公可以疾止 命。」 東萊吕 今不云有 孫 氏 氏 **E** 曰 : 疾,人臣 ,仲遂不可以 「至黄乃復,廢君命也。」() 「昭公如 不當以 晉,亦 疾止 疾 有 廢 也。 疾乃復 壬午, 君 命。 矣。 猶 昭

繹。 萬 人去籥

之總 又謂 葉氏 去羽舞之吹籥,以其有聲也。 萬 曰 : 遂,公子遂也。」稱 繹 季友卒」。 籥,管也。」吕氏曰:「萬 者,祭之明 「猶者,可 去籥者、文、武 名。 之 羽 籥舞,文、武 舞、蓋 有 垂,見《隱 事者,四 以已之辭。」 日 文 以 仲遂、見《僖十六 舞 賓 舞 吹 之别 時 尸 八年 俱入於二舞 籥 之常 舞、文、武 也。」杜 康 名 秉 **\*** 侯 祭也。 也。 去其有 胡 翟 氏 穀 氏 羽  $\Box$  $\Box$ 梁 也 年 舞 仲

父、仲 仲 也。 中 而 章 也。」愚謂 僅 己 次 本 樂 廢 E 也 道 遂 去 也 日 之 用 遂、弑君之賊 禮 繹 卿 擅 則 爲 其 已聞 也 其 而 孫 一, 可 矣, 既 劉 返。 東門氏 「 猶 行 舞 僅 有 嬰齊亦執魯政,故志之。又案: 私 氏曰:「譏 吉禮於 者, 正 聲 此 之,股肱之痛、賓尸之祭 去 則當 也 釋」書, 《春秋》有大義兼 張 宣 其 其 正 者, 以 之始 氏 一公明 祭之日,仲遂卒于 管, 立己之恩,一 以 今 人,所當討 仲遂之卒,知 是 所 方 上卿之禮處之。 偃 則 而 知 聞 謂 也。 世 正 宣 然 大 其 由 卿 喪之時,雖 其 ※ 行吉 公 以 其 遂之後,公孫歸 言自 不 罪,不 既 見 心 7,奉使 口 切容 小義者。 禮 之不 失大 世 其 ൬ 是 以 爲 卿 猶 不 世 用 未畢, 之義 Ė 之, 義 賓 之 聞 可 仲 爲 舞 爲 前 服 又 喪 俾 此 E 之 īfīi 則 而 口 日 :

> 之歟? 者 禮 之,將使後 施 徒攻宣公、仲 所執之籥  $\Box$ 籥 茅 : 之宗廟 雖 得吹籥 「樂師 左 吹器,舞 手 朝 歟 世 執 廷者, 教 ? 也 識君臣之義 籥 遂 或 時 抑 之惡 子 吕氏 右 與 繆戾 别 舞 羽 手 有 哉 ? 羽 並 吹籥之説 秉 所 如 吹 執 謂 翟 ,禮樂之情,豈 此。 \_\_\_ 籥 吹籥 又案 明 孔 春 然《 此 者 氏 秋 贵 時 而  $\wedge$ 周 書 去 即 舞 :

爲

而

戊子,夫人嬴 非也,當從《左氏》。」 氏 嬴、《公羊》、《穀梁》作 胡 氏

敬 著 嬴 於隱公之世。 文公妾也,何 其 嬴 葉 氏,杜氏 氏 也 僭 、定 曰 : : 也。」義 姒 日 魯之妾母,仲子 以 : 也、定弋也。 《春秋》猶書『惠公仲子之 見《文四年 「宣公母。」 稱夫人? · 》「風 援 高 自 也、成風 成 氏 仲 風 曰 子 氏 之例, 一薨。 始 此 也、 見

爲

而

可

用

賵

『考仲子之宫』

以

見

譏

然

仲

子

猶

楚人滅舒蓼。音了。《穀梁》作鄝。

八

也。 弑 不爲 始。」貫道王 賊 夫 君,立其子遂。 以 人。 仲 氏 魯之妾母 卒, 日 -淫 嬖 敬 蓋 嬴 以 爲 有公子 私 夫 夫 事 人 人, 襄仲 薨, 頑 自 ··, 故 或 之 成 辠 無 仲 風

晉師、白狄伐秦。

政

也。」

謂 會 以 在 狄 張 夏乃其職矣。秦人之怨起 地,秦同壤 日 白 補 晋 及 氏 摟諸 晉主 晉平。 狄 前 ,責己可 曰:「白 以 過 侯以伐諸侯,辠 伐之, 己, 夏 之國 盟, 夏, 也,既 狄,即 미 獨 也。」《左 咎 糾 會 不 矣。 合諸 晉伐 不 丹 謂 知 州、延 非 乃 侯 也 自 秦。 氏 復 其 自 攘 、況摟 **>** 反,釋怨修 曰:「春, 州、 類 興 侵崇,其 夷 康 狄、安 乎 師 侯 銀 夷 ? 動 胡 夏 狄 白 伐 之 愚 曲 諸 氏 睦

> 又滅 或 人 狄 徐 見《僖三年》「徐 中 國,舒蓼、舒 訥 羣 張 曰:「楚爲羣 趙氏 自 人取 勢横,將 或 舒 民 狄 氏 相 有 舒 近 而 日 此此 舒,至是楚 曰:「舒、蓼一 被髮左衽之患矣。」 攻滅,而《春秋》書之者,是時 舒滅,中 異 庸 種 或 爲 即 庸、舒 襄二十 中  $\Box$ 舒畔,故 如 舒, 國 或 取 舒 地 憂。」康侯胡氏曰: 人滅 舒」。 失其南門矣。」《左氏 鳩、 蓋 鳩 譜 Ŧi. 國也。 ž 楚之黨 皆 伐舒蓼,滅之。」義 舒 年 舒 舒 庸 義 又滅 〇高 蓼。 也 陽 舒 氏曰:「 之蓼 舒 成 而 亦 或 百 宗 猶 鳩。 + 舒 也。」 /,
> 不 七 逼 狄 而 中 楚 年 自 夷 近 異 與 均 木

秋七月甲子,日有食之,既。

義見《桓三年》。

冬十月己丑,葬我小君敬嬴。雨,不克葬

夷

狄

以

報

私

忿

平

庚 寅,日 中 丽 克葬。 敬嬴、《公羊》、《穀梁》作頃 熊。

趙 氏 曰 頃,惡溢 也。 宣公追尊其母,不應加惡謚 也。

穀梁》曰 葬既有日,不爲 雨 止 禮 也

雨 不克葬,喪不以 制 也。」孫 氏 日 譏 無

備 也。 禮**,** 平 日 而 葬,日 中而 虞。 此 言

庚寅,日 中 而 克葬」,葬之無備 口 知

也。」其 葬成 風」。 稱 小 君 康 與 侯 私謚,又見《文五 胡氏 曰:「喪事 ,即遠 年

有進 無 退。 浴 于 中雷,飯 于牖 下,小 斂

于户内,大斂于阼階,殯于客位,遷于

節。 廟 ,祖于庭,崩于 以虞事 ·, 則 其祭 墓。 有 以弔 時。 賓,則其退有 不 爲雨 止

者,不能爲 雨備,不亦薄乎?」

禮

也

潦

車

載蓑

笠,

士喪禮

也。

有

或

家

城 平 陽。

慶 杜 府 氏 鄒  $\Box$ 縣 : 「泰 有南 Ш 平陽 有平 城。 陽縣。」張 許 氏 曰 氏 : 曰 : 或 有 襲

> 力,以公爲忘親愛矣。」義又見《隱七年》 大喪,始葬,又 動 衆城 邑,非特不 愛民

城中丘」。

楚師 伐陳。

《左氏》曰:「陳及晉平,楚

師

伐

陳,取

成

而還。」義見《莊 十年》一荆敗 蔡 師

高氏曰:「陳以晉、衞見侵,復棄楚而從

晉,故楚以爲討。 所 以 譏 其始謀之失。

然晉不能救陳,遂復從楚,晉之辱也。」

九年春,王正月,公如齊。

矣。 之無哀,亦不知有天王矣。 公既以嫡母之禮處庶母,則在喪服之中 而以歲之首月 遠 朝 强 齊, 義 非 又見《僖 特見公

公至自齊。

十年》。

存耕趙 尚 可 以 告 氏 廟乎?」  $\Box$ : 朝 正 義又見《桓二年》「公 於齊, 無 新 歲之戚

:::O

至自唐」。

夏,仲孫蔑如京師。

曰:「比事而觀,則輕重先後倒置可知。」月,公朝齊。夏,使大夫聘京師。」黄氏蔑,穀之子孟獻子也。胡氏曰:「歲首

齊侯伐萊。

伐之。 觀惠公之政矣。」 侵齊,而齊不敢報。 義 見《七年》「伐萊」。 畏衆强 而 弱 微 萊不犯齊, 許氏曰:「狄 弱 如此,於此 加 可 齊 比 以 呕

九

秋,取根牟。

則 譚 夷國 孫氏曰:「内 曰:「根牟 屬 根 密 琅 牟 州 邪 爲 竊 安丘 陽 者,附 疑 萊 都 滅 此 邑 縣。」義 縣 蒙上「齊侯伐萊」之文, 或 而 庸 東 曰取,諱 齊 之國。」 有牟 見《莊 取 之 鄉。 杜 + 之也。」劉 也,但無 氏 年》「齊滅 張 티 : 氏  $\Box$ 所 氏 東

八月,滕子卒。

《隱七年》「滕侯卒」。葬,而書卒,爲下『圍滕』起。」大意又見卒』,至此始書『滕子卒』者,魯不會其公卒。」高氏曰:「自《隱七年》書『滕侯勝稱子,見《桓二年》。《左氏》曰:「滕昭

月,晉侯、宋公、衞侯、鄭伯、曹伯會于 晉。 防。 壤及 師。 服屬 盟 自 《隱七年》「滕侯卒 黑壤,又會于扈,中國賴之。」愚案: 扈,見《文七年》。 葬,而書卒,爲下『圍 會,皆出於大夫。至成公方會諸 靈 此扈之會,鄭皆在焉。」黄 於楚。 公不能繼文、襄之業,中 然不敢叛晉者,惟晉成 自宣三年至於是,鄭 ○邦衡胡 至晉成 氏 曰 : 義 繼 見《隱 剪鄭 <u>寸</u>, 自晉 始 無 九 是賴 歲不 氏 叛 或 年》「會 靈 日 楚 無 以來, 扈 伯者 有 而 侯 與 故 歸 主 楚 于 晉 黑

林 之功 過 如 伐陳 此

晉

荀

父

帥

師

氏 以 邦 侯,卒不能 不能救,今乃伐之。 大,雖 日 見,諸侯皆 衡 胡 氏 陳 晉 曰:「文、宣 不 收下移之權。 成 會 再會,而大夫專伐爾。」高 鋭意文、襄之業, 即即 楚故也。 晉之不義甚矣。」義 以來,諸 今荀林 楚伐 侯 再 父 權 陳 帥 會 移 晉 諸 於 師

辛 酉,晉侯黑臀卒于扈。臀,徒門 又見《隱二年》「鄭伐衞 切

皆不 地 侯卒」。 扈而卒,非正 于扈也。 「不言卒于會者,諸 杜氏曰:「卒於境外,故書 者三,晉侯卒于扈,鄭伯卒于鄵,宋公 地, | 幸 外 諸侯非王事不出境,成公會于 事 老孫 也。」大意見《隱七年》「 則 略 氏曰: 也。 侯散 卒 「《春 而 于外者 地 晉 高高 秋》諸侯 侯 以 氏 八,書 疾  $\Box$ 卒 滕 留

> 書地。 以 詳是否。竊謂 案:《公》、《穀》、孫氏皆以 鄭、宋之君皆卒于封 所 者,在其封 卒于曲 耳,恐未可以 史之舊,要之,皆 之者,辠其不卒于正寢也。 而 地爲 寄託 侯 卒于 而宗 重,則于會、于師 非 王命奔走於外,以 内也。人君之卒,必於 不言于師、于會 會, 地 社危殆者,必謹 書地、書會、書師 與 書 非 會 會。 與師 王. 内, 事 卒于 分優劣也 又 而《春秋》猶辠 而 扈爲晉地,未 可 不 卒于封内, 志之。 死 師 而 卒 知 或 于正 皆 以 也 書 事 IE. 地言 大 師 愚 寢 魯 無

冬十月癸酉,衞侯鄭卒

高氏 大意見《隱七年》「滕侯卒」。○胡氏曰: 晉成公、衞 國赴喪皆不往 曰:「此所謂『無其事,闕其文』者 成公皆 會,以 不 書 私 「葬,魯 怨 廢 禮忘親。」 不 也。

也。」皆未詳是否。

宋 人圍滕

《左氏》曰:「宋人圍滕,因其 也。 衆寡將帥名氏,亦曰某人」者,正指 以 不仁也。」義又見《僖十九年》「宋圍曹」。 曰:「不哀有喪,用兵圍之,比事 不 康侯胡 稱師 益知《春秋》不可以凡例求矣。 ? 氏 曰:「圍非將卑師 闕疑。」愚謂 : 程子謂 喪也。」張 少所能, 以 示 此 著 類 知 何 其 氏

楚子伐鄭

高氏 戎 者,君爲將 兩 黄氏曰:「楚莊之立,加兵於鄭凡四,而 之貳。」義見《莊十年》「荆敗 夷猾夏何可 書楚子。 曰:「楚子聞晉侯卒于扈,來討 也。 説 襃, 而 凡例者紛然。 書 楚人者 以書楚子 ,大夫爲 秦 蓋 師。 曲生意 書 將 楚子 鄭 也。 伯

> 晉郤缺帥師救 鄭。

義見《莊二十八年》「救鄭」。

陳殺其 洩,今《左傳》本多因唐人諱 大 夫 泄 冶。 泄,息列 世字,雖偏傍 切。 張 氏 亦然, ⊟ : 「《左氏》作 故 改

爲

洩 也。

氏曰:「書殺洩冶、張陳亂之本 見《莊二十六年》「曹殺大夫」。 子,二子請殺之,公弗禁,遂殺 君其納之。』公曰:『吾能 夏姬,皆衷其衵 曰: ●『公卿宣淫,民無效焉,且聞不令, 左氏》曰: 「陳靈 服 公與孔寧、儀 以 戲 於朝。 改矣。』公告二 也。」義又 洩冶。」 行父通於 洩冶諫 許

春 秋本義卷第十六

後學成德校

義

邪?

## 春秋本義卷第十七

## 宣公

十年春,公如齊。

可爲禮乎?」義又見《僖十年》。 爲過六年一朝之制也。曾謂朝正於齊朝正,事齊如事君,使移此事周,君子猶不書月日,闕文也。貫道王氏曰:「比年

公至自齊。

義見《桓二年》「公至自唐」。

齊人歸我濟西田。

「歸我」,而復曰「來」,則其文複矣。故歸我,歸魯也,內辭耳。不言來者,既曰

兵會伐 欲之私,而非義矣。」 異卑屈 己,而以所取濟西田歸之也。 事 屈 於齊,順其 歸之,皆專恣也。」○康侯胡氏曰:「宣公 杜氏曰:「天子所封之地,而諸侯取之、 西 齊,齊侯 但言「歸我」而不言「來」,皆無他義。 事人,不以 田 天子,無 一, 即 莱, 事己,不以 元年賂齊者。《左氏》曰:「公如 以 所 我 又每 是 其道 欲 服,故歸 禮 歲 也。 既 其 而 往 得 以女妻其臣,又以 道 朝 故惠公悦其 濟西之田 而 于齊廷,雖 地,與悦人之柔 歸其 以柔 地,皆人 。」獻可 弱 順 諸 侯 濟 卑 事

夏四月丙辰,日有食之。

己巳,齊侯元卒。

義見《隱三年》。

起文也。義又見《隱三年》「宋公卒」。書此爲崔氏出奔及公如齊,歸父葬惠公

齊 崔 氏 出 奔 衞

氏 奔 年》「尹氏卒」及《僖二十八年》「元 天子大夫。 天子諸侯之大夫皆世 稱 公羊》 7,則崔 日 崔 \_ :「言氏者,起 氏 何 曰 : 氏 木 ? 寵 訥 書『崔 崔 於 趙 譏 氏 惠 世 氏 者何 氏奔』,譏諸侯大夫。」 而 曰 「 卿 其 不容於國 也。 世 ? 也。 書『尹氏卒』,譏 惠公卒 義 齊 大 又 東遷之後 人矣。」 夫 見 也 而  $\stackrel{-}{\sim}$ 崔 呵 隱 孫 奔 其 氏

正謂

靈

公

君

臣

淫

縱,

恐

其

及

禍

弑

而

Ľ.

其

國

此

萬

世

之大戒

「書『夏徴

舒

弑

其

君』者,

觀

靈

公不能

納

又從

圃

殺

0

莫大

八於拒

諫

而

殺

直

臣

泄

冶

不

而

殺之。

二子奔楚。」康侯

胡

氏

亦

似君。』徵舒病之。

公出

氏。

公謂

行

父

 $\stackrel{\frown}{\boxminus}$ 

『徴

舒

似

女。

對

-

日

陳

靈

公

與

孔

寧、

儀

行

父

飲

酒

於

夏

:

公如齊。

齊 侯 左氏 卒 而 》曰:「公如 奔 其 喪, 齊 是 奔喪。」高 以 事 天 子 氏 之禮 ⊟ : ¬ 事 齊

 $\overline{\mathcal{H}}$ 月 ,公至自 齊

義 見《桓二年》「公至 自

陳夏徴 高 氏 舒 弑 其 君 平. 或

所

書

弑

君

如

陳

平.

國

齊

光、

蔡

古

以

T

乘

而

自

儕

於閭

巷

小人所

不爲

者、心

術

夏

氏

陳

侯

不

有

大

咎

或

必

 $\exists$ 

見

於

三年之前

矣,

能

無

及

公乎?

觀《

春秋》

之

歸

IIII

告

 $\pm$ 

以

陳

侯

帥

其

卿

佐

南

冠

以

淫

於

年

單

子

如

楚過

陳,

時

泄

冶

未

死

也

單

子

衞

州

吁

事

○張

氏

曰:「考之《國語

》, 前

也。 日 : 徵 舒者,夏姬之子也。』《左氏》 唐

君,臣

不可以

不

臣

也。」義又見《隱

几

年

之惑,可不戒哉!」

六月,宋師伐滕

寡也,無王甚矣! 義又見《桓二年》「鄭前年伐滕之喪,今又伐之,强陵弱,衆暴

伐衞」。○木訥趙氏曰:「滕之小、安能

伐之。 討,乃用大衆以伐當恤之小邦。」 處晉、楚之心爲心乎?」康侯 事二國? 稱師,用衆也。 宋成 事 才免晉、楚之虐,曷不 魯,則宋伐之。事宋,則 鄰有弑逆,不能 胡胡 聲皋致 氏 以 日 魯 己

公孫歸父如齊,葬齊惠公。

「《春秋》書此,深著亂臣賊子不復明送歸父,襄仲之子,子家歸父也。張氏曰:

此 非 終之正 世 l。」義又見《隱三年》「葬宋穆公」。 與?」存耕 九 伐 之威不行,專征 禮,故缺於天子而厚於强 趙氏 티 : 之討 \_ <u>=</u> 月 不 加 而 葬, 國,豈 以以 速 至

> 齊 王 邦 之喪 惠 衡 公, 胡 氏 而 見 奔齊之喪。 曰:「先書公如齊,見公不奔天 公不會天王 此書歸 一之葬 父如齊,葬 而 會 齊之

晉人、宋人、衞人、曹人伐鄭。

取成 《左氏》曰:「鄭及楚平。 鄭,晉救之。 而還。」存耕 使晉能 趙氏 庇 曰 : 鄭鄭 諸侯之師 前 何至 此,楚伐 伐鄭 與 楚

高氏曰:「陳有弑君之亂,曾不是圖而有伯矣。」義又見《隱二年》「鄭伐衞」。〇彼此交戰,鄭何皋焉? 晉於是不可以

事於鄭。」

秋,天王使王季子來聘。

之子居大夫之任,以交政於諸侯,是示曰:「天王不推至公選賢與能,而使幼稚葉氏曰:「王季子,王之季子也。」高氏

<u>:</u>

平哉? 兵不足以制楚,德不足以服鄭

聘 或 之法,乃汲汲焉 天下 制,三不朝則六 君 自 齊者六,於周 臣 處,惟 之分,魯宣 以 私 也。」貫道 恐 有 急立 失,名分既夷矣。」 師移之。 有 則 季子之報,是周 使蔑 王. 當 氏 聘 討 日 既不能 : 之。 周 朝 齊 於 周 行 者 公 魯有 以 九 Ŧi. 之 伐 列

公孫 隱 近 施 氏 歸 于 Ш 杜 歸 此 於 曰 繹 。」夾漈鄭氏 氏 在 父 几 父 之 亂 티 : 帥 邦 蓋 年》「莒伐 是 時, 師 臣 域 用 自 邾 繹, 伐 賊 之 貴 陳 廣 都 邾 子,奉天討辠,而 中 卿主將,舉大衆, 有 其 也, 曰:「繹 取繹。 邾 弑 杞,取牟婁」。 邑 附 邑。 非 君之亂 也 庸 記。上未 此 之國 山多矣,邾 魯 繹 或 也。 曾不 詳 鄒 是 是 陵 出 黄 縣 ○康 否 是 爲 弱 征伐,不 北 氏 文公遷 圖 盜 侵 侯 義 有 日 有 小, 也 胡 見 繹 :

大水

季 孫 行 義 父如 見《 桓 齊。 元 年 冬,公孫 歸 父 如 齊

行,歸 ^ 以 使貴 如 於齊耳 又見《隱 曰:「齊侯嗣 不特 左氏》曰: 禮,而謂妄説 齊,伐邾故也。」未詳信否。 卿 宣公,若行父、歸父之往 父繼往,則 會葬矣,修聘未 七 年 「季文子初聘于齊。 立,宣公親往 》「齊來 取人之可 以宣公君 聘」。 晚 以 也。 奔 臣 免 其父 討 不 康侯胡 黄 而 亦 冬,子家 也。」 知 氏 季 喪, É 爲 孫 日 結 義 氏 或 又 呕

音亦。

《公羊》作

蘱

齊 侯使國佐 來 聘。

^ 曰 好。」義又見《隱七年》「齊來聘 左氏》曰 : 當 頃 公未 X \_; \_ 釁 踰 或 而 武 年 行 子 而 吉 來 不 禮 稱 報 忘 子 聘 0 哀 思 邦 東 而 衡 萊 結 胡 吕 昏 Æ 氏

事

於邾,不

亦慎

乎?

知

《春秋》書饑之意者也。」愚案:《春秋

登曰嗛,二穀不登曰饑,三穀不登曰饉,葉氏曰:「饑者何? 食不足也。一穀不

三年耕 几 穀不 登 必 日 有 康,五 一年之畜,故 穀 不登日 M 大饑。 年可 以 古者 補

爲 登之時 敗,是爲教民之道。二穀不登而饑,其 民者 也。」《公羊》曰: 病 矣。 何以於冬焉? 以 重 書 書 也。 Ŧi. 穀 里

凶年補敗不足曰饑,死傷流亡曰大饑。」劉氏曰:「曷爲或言饑? 或言大饑?

之大 張 氏 命 日 三王 也。 前 政 此 以食爲重、故積 百有餘年,水旱 貯 螟 天 ~ 螽 > 下

者,著宣公煩於外事,國用無節,上下用災多矣,不以饑書。今大水之後書饑

本末源流,賈誼論蓄積,皆明於爲民,而竭。故一遇水旱,遂致乏食耳。荀卿論

「大無麥禾,臧孫辰告糴于齊」,亦一凡書饑者四,大饑者一。《莊二十八年》

饑也。

楚子伐鄭。

六,歸晉者 氏 義 見《莊 日 : 「鄭一身餌楚,五受楚兵。 十年》「荆敗 Ŧi. 乍晉 乍楚,不幸 蔡師」。 而處晉 從楚者 )木訥 趙

之言, 屬。 미 宣 楚之間,不能自 也。」鄭始終謀 四 此可 年以 兩屬 見中國 後,晉、楚争欲服鄭,鄭 晉、楚。 立 策只出 夷狄盛衰 也。」東萊吕氏 子良 日 於 : 此。 『與 鄭 其 用 日 子 遂 來者 産所 子良 南 自 11

與此一般。」

謂

『玉帛以待於二境,惟

其

强者從之」,

十有一年春,王正月。

要, 楚子序於陳、鄭之上者, 陳、鄭屈服, 楚夏, 楚子、陳侯、鄭伯盟于辰陵。 辰、《穀梁》作夷。

附

齊

之固

也。

義

又

見《

隱

二年》「

鄭

伐

狄

兵

於

浴苔。 」

黄

氏

日

此

又

見

歸

父

之

横

而

:

信?』乃從楚。 櫟。 聲 服 其 府 高 而 楚,猶可言也。 長 子 莊 震 平 ·是變端之大者矣。《春秋 有 也。」存耕趙氏曰:「楚洊 來 西 主 + 子良 邲 也。 縣  $\Box$ 華 盟 者 年》「荆 東 之戰,有邲 縣 也 可 楚自 ~ ~  $\vdash$ 南 所 也。 :『晉、楚不務 杜 有 以 敗 左氏》曰:「楚子 是遂 氏 辰 師不 蔡 閔 夏,楚 晋、 亭。」 日 師 中 之 : 楚 伯 或 至 戰 盟 張 辰 矣。 無 陳, 之衰也。」義 而 氏 于 陵 信, 德 陳亦受盟,先 伐 後 有 辰 日 陳 》所 鄭,鄭之從 而 : 我 有 陵, 辰 地 伐 争 焉 蜀 陵 即 謹 陳、 兵, 鄭 得 之 之 又 淮 也 潁 會 見 盟 鄭 有 與 及 寧 111

曰:「自四年公及齊侯平莒,莒人不 方 之。 務 窮 夫 秋, 晉侯會狄 衆狄 會者, 之責 也。 外求 狄。 欑 非 衞 曰 陵,而晉 也。」一木 地。」《左氏》曰:「晉郤 隱二年》「 : 勤 函 也。 宗衆狄 「《春秋》正 狄 郤成 疾赤狄之役,遂服 今中 何 往 以 于欑 得 訥 侯 會之也。 又不 子 或 求 趙 公會 狄 會 服 曰 : 有 函。 氏 何 狄 人 ? 也。 能討 亂,天王 法,不 曰:「楚子盟陳、鄭 \_ 于 戎 益 吾聞 欑 是行 欑 于 於 才 杜 能 則 與 潛 中 涿 端 成 氏 勤 之, JL 也,諸 切。 不 夷 於晉。 或 子 内  $\Box$ 鄰諸 有 能 哉 非德 狄 求 失 渊 繼,其 ? 討 會 成於衆狄 陳、鄭 康 大夫欲 音 侯宜 秋,會于 欑 莫 可 則 侯 義 函 如

從

之

于

辰

丽

公孫

歸

父會齊人伐莒

高

氏

肯,公伐莒取

向,

至

是

齊、魯

同

討

辰

陵之盟

中

或

所宜

震

也

而

齊

有

請

分

類

方

伯

胡

Æ

又

見

勤

召

矣。而魯方會齊伐莒,晉方求成于狄,

納 冬十月 公孫 不 ',楚人 亦 寧、儀行父于 傎 乎? 殺陳夏 直 陳。 微 書 其 舒。 寧、《公羊》作 事 丁亥,楚子入 而 義 自 甯 見 也 陳

侯、縣 反,復 夏氏 哉 不道 大 少 討 故?』對 亥之日 先書楚人而 縣 西 舒,而後楚子入陳,紀實事 而 4 氏 亂 戮之,君之義 陳 曰 弑 命 公皆 以 故 其 而 可見也。 蹊 曰 遂入陳, 陳侯 退 伐 君 人 慶 夏 後書楚子者,楚子 之田 陳 微 寡 寡 在  $\pm$ 舒 人以諸 口 《左氏》曰:「楚子 使讓之曰 晉。 殺夏徵 , 也 謂 弑 而 辭 女獨 陳 其 乎? 奪之牛。」牽牛 抑 申 人 侯 君, 叔 舒 人 不 無 討 :『夏徴舒 轘 時使 亦 慶 其 動  $\pm$ 而 也 先使兵 有 皋大 將 寡 日 戮之,諸 諸 言 於 栗 討 爲 書 曰 矣。 門, 齊 以 爲 口 於 陳 殺 何 T

謂 幸 復 蓋 昏,宣淫於朝,誅殺 此 也。 乃 其 諸 蹊 子 覆,又使陳 後快於人心。 曰 陳,鄉取 小人所謂 : 不 不 富 者 讎 致亂之臣。 侯 而 傳與經 「公孫寧、儀行父,此二臣者,從君於 能 陳 也。 미 之從 ,信有辠矣; 復 反之可 以 乎? 有 討 生,又 一人焉以 自 弑 取諸 而 以 也,曰 少不合,未詳信 人用之,猶 脱 君 乎? 討 蠻 王 之賊 强 其 夷討之。 今乃詭 召諸 肆 其懷而與之也。」乃復 曰 : 討 皋。 以 諸 歸,謂之夏州。」愚案 而 對 有辠 天 毒 市 侯, 諫臣,使其 善善 奪之牛 티 : 人有飲 楚 詞 飲 朝 子 而以 也。 據 莊 奔 哉 之, 諸 否。 與衆 楚,託 跡 可 ! 不 侯 可 貪 今 罰 哉 而 毒 能 吾未 與 康 君見 歸 乎 百 縣 觀  $\exists$ 而 1 察 陳 於 侯 ? 棄,然 之, 陳, 重矣。 死 之 其 討 之 胡 吾 弑 愚 封 臣 反 聞 賊 氏 儕 無 貪

已乃 徵舒, 弑 乎 其 陳 案: 楚子初謂 自 義 納 非 楚 所 ? 義。 靈 舉 心 寧、 莊 許 IE. 入陳, 昏 以 之所 之殺 也 儀 而蠻 逞志 淫 經 陳 黄 行 書「楚殺徴 徵 由 然 致 氏 靈 是 夷 父」於後、蓋 可可 舒 視 來 陳 者 以 日 假 陳 似 其 者 諸 謂 靈之弑 也 盜 之以逞志,君子能 人 義 所 顯 善誅 賊 無 矣。 以 而 動,將 之行 公孫 舒」於前,書「入 家 者, 者 心矣。 其心之所 多 不待察 説者 也。 寧、 紿 以 當 計 觀 討 而 於 儀 以 夫 謂 其 取 其 少 賊 法 行 中 楚 由 之也 譽楚。 微, 西 所 則 父 不傷 或 得 來 氏 由 徵 與 陳 者 不 竊 而

> 楚討 爲 則 二子 楚 子 賊 受孔 報私忿,欲 ,過矣。」 寧、 儀 大 行 而 父之奔 利之耳。 故 殺 諸家 徵 與

+

有二年 秋》直 其 愚謂 方歸 黄 而 葬,蓋 氏 死,三 自 春 日 書 諸 楚 : 葬陳靈 其 其 年 侯 而 靈公昏淫 事,爲 同爲淫亂 始 葬之。 Ŧi. 月 克 公。 葬, 而 後 前此,國人不 葬。 見 世大戒 又 之臣 (弑,今二十 得 陳 孔 惡 靈 也。 , 寧、儀 謚 淫 焉。 亂 義 . 葬 有

楚子圍鄭。

《隱三年》「葬宋穆公」。

義見《莊 陳、鄭之始 + 年 即 ¥ 夷 荆 (狄,是 敗 蔡 乃 師 召 夷 狄之亂 高 氏 

台 夏六 師 敗績。 月 Z 卯 邲, 四日 扶必切,音弼 荀 林 父 帥 師 及 楚子 戰

于

邲

賊

如

是

乎

? 徵

善乎張

氏之言曰:『孔寧、

或

也。

舒

之皋

重

以

情

則

公孫

寧、儀

行

父之皇

重

今殺

舒

而

納

公孫

寧、儀

行父,討

殺

徵

舒

而

入陳。』愚因

張氏之説

而推之,

儀

行

父

必

大

奔

楚,

誘

楚子以

利,故

楚子

 $\sim$ 

春

不得

也。

行

父

二月

又

見

:

管城 氏 師救鄭。」  $\vdash$ 縣 有 邲 邲 愚謂 城 鄭 在 地 )° | « 晉之 縣 地 南 l'。」《左 譜 救 **\***: 鄭,意 氏 鄭 則 州  $\Box$ 善 城 衞 同 盟,

晋

杜

楚以 矣。 荀 林父帥 救 使晉 鄭 景上告天子 師及楚子戰」,則 雖 敗 於楚,未失 下 帥 義 是林 列 也。 或 父主 今 親 Ŧ. 書 伐

鑾 此 戰 夷, 也。 夷 夏之勢自 以大夫專兵主戰, 此 倒 置 則 而 晉 敗 景 其 之 軍 任 於

夷 林 狄 父,林父 之横, 之專兵輕 何足 責 哉! 敵,其 義 皋 又 大 見 矣。 ^ 莊 + 彼

陳 年 亂 》「荆敗蔡 已失 師 綱 軍 ○張 政 之本。 氏 日 : 乃 晉不 欲 恃 能 力 以 討

争 鄭 則 知晉之所 以 敗。

冬十有二月戊寅,楚子 滅 蕭

秋

七月

蕭 見《莊二十三 年 義 見 莊 + 年 **>** 

荆 敗蔡師」。

> 神,蕲 矣 ! 伐宋 或 賢 陵 侯胡 始 大夫 譜 渝 (), 修 耳。 中 : **\*** 地 氏曰: 愚謂 或 而 同 且 明政 晉爲 以 濮 見《莊 義又見《隱元 在 三國 曾不是 盟 盟,僭孰 甚 樂楚。 州 濮 矣 ! 不 楚敗, 「楚既 事 諸 臨 易 不 旋 + 7,自强 侯 濮 縣 恤 六 啚 謀之不 踵 爲 同 甚 諸 縣 入陳圍 東 年 則 諸 盟,已 而 宋 焉 於 侯 東 年》「盟 南 僭 伐 侯 刑 臧 ! 爲 懼 南 禮 杜. 牲 計 鄭 陳 善 ,孰大於是!」 得辠於天子 而 大 有 張 之盟 氏 歃 敗 川則 者 于蔑 而 口 夫同盟自 清 氏 日 Щ, 衞 盟 晉 宜 丘 口 無  $\Box$ 救 滅 要 信 既 以 益 Ź, 清 蕭 質 程 保 任 也 III 丘 此 況 皆 子 地 鬼 其 仁 憑 尚 楚 康

宋 師 伐 陳 衞 救 陳

左氏  $\forall$ 日 宋 爲 盟,故 伐 陳。 衞 人 救

我,則死之。」」未詳信否。康侯胡氏曰:之。孔達曰:『先君有約言焉,若大國討

「東旬式書之礼,苌下皆付亓查付之」。

宋人不能内自省德,遽以大衆伐之,非「陳有弑君之亂,宋不能討而楚討之。

義舉矣。若衞叛盟,則惡自見。」義又見

《隱二年》「鄭伐衞」。

詳信否。義見《隱二年》「鄭伐衞」。《左氏》曰:「莒恃晉而不事齊故也。」未十有三年春,齊師伐莒。莒,《公羊》作衞。

夏,楚子伐宋。

晉,而 已。」愚案:清丘之盟,不足恃也如此 之,繼又圍之,晉不一動心焉。宋 伐之也。」義 陳不至而宋伐之,故楚子伐宋,蓋 黄氏曰:「陳叛 〇貫道王氏 晉 則 莫宋 曰 : 見《 一回國 莊 庇 「前此楚侵之、今又 十年 也,則終 而從楚清丘之盟。 》「荆敗 於 爲 蔡 平 雖 爲 師 伐 而 爲 陳

秋,螽。《公羊》作螺

義見《桓五年》。

冬,晉殺其大夫先穀。

十有四年春, 衞殺其大夫孔達。

義見《莊二十六年》「曹殺大夫」。

是17月,唐白霁空。 義見《莊二十六年》「曹殺大夫」。

夏五月,曹伯壽卒。

義見《隱三年》「宋公卒」。

晉侯伐鄭。

《左氏》曰:「夏,晉侯伐鄭,爲 《隱二年》「鄭伐衞 兵。 胡氏 也。曰: 『示之以 告於諸侯,蒐焉 攘楚,而區區 鄭之從楚,畏楚 直書 曰:「比 其 事 事 伐鄭,是 而 而 而還。 觀,知其爲報 而 整,使謀 義 叛 中國 自見矣。」義 晉 中行 也。 邦 愐 自 衡 來。』康 桓子之謀 相 晉 胡 怨復 邲 景 殘 I. 故 又見 賊 不 讎  $\Box$ 也 侯 能 而

夷狄 不 而 明而 能 改, 愈得志矣。」張氏曰:「屈 争與國 可以興矣。 也 今敗 晉所 未 以 兩 敗, 歲 侕 而 知 由 伸 大 復 ' ', 敗 興 義

争

鄭

之師

秋 九月,楚子圍宋。

我 子圍宋。」木訥 聞之、投袂而起、屢及於窒皇、劍及於寢 伐我,亦亡也。 宋人止之。 曰:『殺女,我伐之。』見犀而行。 假道于鄭。 鄭 無假道于宋。』亦使公子馮聘于晉,不 左氏》曰:「楚子使申舟聘於齊,曰 之外, 也。 昭宋聾,晉使不害,我 韋 鄙我、亡也。 車及 ,其必宋之服也審矣。 華元曰:『過我 申舟以 於蒲胥之市。 趙 <u>L</u> 氏 日 孟 也。」乃殺之。 殺其 :「伐宋而 諸 之役 使 而 則 者,必 秋九月,楚 不 惡宋,日 必 宋不 假 楚將横 死。」王 及宋, 伐 道 楚子 屈 我

> 作 將 伐,然後 舉大衆以伐陳,見伐之由 行 中 不 結盟誓,欲以禦楚,已非 解,卒得 魯以之, 於宋。宋,中國之門户 荆敗蔡師 竟,必 . 或 事謀始。』始而不謀,必至於訟。訟 畢也必巨。 中夏、許、蔡已從、陳、鄭 ,則亦明矣。」 至於 人伐之。 宋 所 以 平. 師,若宋是矣。 《易》於《訟》曰: 而 必 後 服 康 凡 E<sub>°</sub> 宋。 侯 事其 胡 也。 義 歷 氏 持國 作始 已服, 曰 : 見《 也。 得宋, 若蠻 時 之道。 『君子 莊 也 或 而 則 宋人要 簡 + 則齊、 夷圍 必 韋 次及 年 以 其 É 不 邨 而

葬曹文公。

義見《隱三年》「葬宋穆公」。

冬,公孫歸父會齊侯于穀

義 見《莊 夾漈鄭氏 + 四 曰:「公子遂雖卒,而 年 · 》 軍 伯 會 諸 侯 于 魯 國之 鄄

會楚子。」 故歸父今年會齊侯,明年

+

有 甚矣。 愚案 也。 宋,公會盟 夷 先代之後 賄 嘉 實 國之免於 Ŧi. 免,不亦 公説。」康 左氏》曰:「孟 則 狄 淑 旅 年春,公孫 乃以 盛 百 而 無 此 衰 諸 有 鄙 及 與《僖 侯 周公之裔、千乘之 之 嚴 侯 朝 大 加 于 乎? 也。 胡 縱 貨,謀 由 而 或 宋 歸 兵 氏 0 不 今 楚 獻 也 獻 百 父會楚子于宋。 古 曰:「楚圍 能 比 聘 功 子言於公曰:『臣 + 春 幸 於於 其 事 畏 七 秋 以 在宋,君其 而 不 以 簡 年》楚 爲 是 獻 書 免 經 觀 物,於 聲 有 宋,陵蔑 也 世 則 國,謀其不 援 攘 容 及諸 之 知 夷 貌 誅 猶 圖 是 略 中 狄 采 之。 ൬ 有 侯 矣 云 中 聞 或 韋 存 並 薦 口 庭 小

夏五

月,宋人及楚人平。

信 之。 乎 ? 衞 我 言,曰:『爾既 三而 獻 楚,曰:『晉師 君 藏 方授楚,未 古人有言曰:「雖鞭之長,不及馬腹 於晉 見 臣 信 社 其待之。』乃止。 無 諸楚,楚子厚賂 疾 也 或 聞 信, 遂致其 許 瑾 稷,民之主 稱 之,君 載 諺 晉侯欲 之。 人 瑜  $\Box$ 左 義 女 者, : 氏 署 則 口 而 (君命。 登 能 瑕。 高 **>** 行 許 與 各 棄 悉起,將至矣。』鄭 救之。 日 諸 制 也。 之爲 争。 之, 不 下 以 : 樓 命 國君含垢,天之道 楚子 在 穀 之, 使反 使 大 爲 速 車 宋人使樂 而 雖晉 義 解揚. 伯宗 夫 利 心,川澤 即 義 反之, 爲 無二信,信無二 將殺之,使與 使 更 臣 爾 之强 謀 平, 如 呼 其言,不許 刑 不 納 宋,使無 何 宋 能 嬰 而 失利,以 故? 汙, 承 人 人囚 能 對 不 齊 君 命 而 ~。」天 Ш 違 告 口 不  $\Box$ 彻 爲 非 之 告 降 藪 而 天 相

Ti.

子而 歸。 里。 日: 楚 或 爾 是 以 之,曰:『寡君 臣 命 有 命。 人懼,使華元夜 命,王棄言焉。』王不能答。 王之馬前,曰:『無畏 下 韋 詐 聽。」子反懼,與之盟 或 死 雖 也 爾 斃 食,析骸 夏五月,楚師 無實,又可 宋及楚平,華元爲質。 君之賂臣, 小 築室反耕者,宋必聽命 臣 死 時 不能 獲 無我虞。』」愚謂:宋,先代之後 中 諸 而 考, 夏 成 侯莫敢救 以 之望 從 使元 死 命,臣之禄 爨。」雖然,城下之盟,有 賂乎? 人 不 也。 又何求?』楚子 將 楚師,登子反之牀,起 知 以 一也,諸 去宋。 病 去我 命 知死 者,宋勢彈 而 告,曰 也。 臣 告。 也 侯 之許 三十里, 盟曰:『我 而 申 。』從之。 之門 受 申 :「敝邑 寡君 不 犀 王退三 命 叔 君 敢 稽 舍 力 户 時 以 唯 之 廢 首 有 以 也 出 竭 僕 宋 信 + 以 成 無 命  $\pm$ 於

> 矣。 而 之,宋攻其内,晉擊其外,一 案: 楚頓 與之平,則 師 不敢 兵 出 外 八三時 則晉之不 夷 横 財耗 丽 中 振 民 夏 罷 舉 而 衰 有 愐 也 使 蜀 伯 甚 之盟 業定 晉救

也。

惜哉

六月癸卯 如 殺之、又傷潞 兒之夫人,晉景公之姊也。 甲氏、留  $\exists$ 别 稱 Ŧi. 大夫皆曰: 『不可 氏,即潞 别言之,故皆 : 皋 待 種 師 7,晉師 焉 後之人。』伯 赤狄,狄之總 用 潞 州 吁。 大衆 儁 氏 滅赤狄潞氏,以潞 潞 才雖多, 或 城 也 子之目。 冠 見於經者,自三種 一; 故 縣。』《左 以 宗 ! 杜 赤 稱 名 Ė 何 氏 也,其 氏 狄。 豐 : 補  $\Box$ 氏 晉侯將伐之,諸 舒 子 焉 必  $\stackrel{>}{\exists}$ 張 有三傷 爵 酆 伐 别 子嬰兒歸 潞 氏 : 之。 爲 也 舒 不 티 : 潞 各 赤 潞 爲 祀, 才,不 狄有 政 以 葉 狄之 氏 子 嬰 潞 其. 及 Æ 而

之,可 之,故 乏,盡 氏之辠在 詳 豐 晉 反德 乎 ? 也。 古 後之人或者將 也 將待 信 荷 舒 也 其 奔 林 怙 命,若 耆 否 爲 滅。 也 夫恃 後」, 在 衞 父 其 虐 酒 亂 狄 孫氏 儁 衞 敗 我 可 亂 滅 天反時爲災,地 才與衆, 矣。』晉 後 之 才, 滅 赤 伯 則 人歸 也 則 日 何 敬 前 有 狄 姬 甚 而 0 :「夷狄 奉 妖 待 於 辭 矣。」幸 晉 不 諸晉,晉人殺之。」未 侯 棄 几 德義 災 之 ? 亡之道 曲 而 以茂 專 從之。 仲 也 生。 梁。 討 滅之,猶 章 以 亂 老 德,兹 焉 不 傷 事 而 華、諸 反物爲妖, 孫 故 辛亥,滅 也。 六月 討 其 神 奪 毋 氏 文反正 有 人,而 益 君 黎 無 乃 日 侯驅 商 癸 皋, H 皋 氏 王 紂 不 <del>Т</del>. 潞 卯 也 也 地 潞 爲 涿 民 曲 口 申  $\Box$ 

> 若 其土,是養一指 不 不 凡 滅 氏 楚燄 死 死 書 自 者 日 位 社 滅 致 也 : 莫撲,諉之天授。 · 言 又 稷 又 滅亡之道,則 凡 書 無 也。 滅 其 興 其 或 力 復之志也。」貫 凡 君 而失肩背也。」 直 屈 書滅 奔 書 而 者 異 亡 滅 又 其文,梁亡 則兩 書 且. 辠 狄 以 能 滅 無 道 皋之,責 歸 者 死 晉 王 者 社 虞 不 氏 是也。 ··, 責 稷 責 而 日 也 其. 其 兼 見

秦人伐晉。

札子殺召伯、毛伯。 《易》曰 伐 此 王 也 今三十餘年,晉、秦凡十一戰。 法, 或 凡 亦 惟 伯 報 背 報 下 作 復之 義 復 毒 以 事 ○案: 是 師 生 謀始 徼 務,忘 也。 民, 利, 札 僖三十三年 示不 財 僥 義 則 其 又 八切 其然 倖 窮 自 見《隱 以 力 責 乎。 求 之 耗 殺 功。 心。 七 然 其 之戦 年 後 始 其  $\approx$ 也 終 迄 戎

狄

也。」愚

謂

:

況

虜

其

君

以

歸

乎?

啖

Ŧ.

潞

氏

之皋

在

不

可

滅

而

晉

滅

之,

則

晉

亦

許氏曰:「税畝之法,蓋積貪虐之習 竭,調度不 年又螽,十 之,六年螽,七年旱,十年大 賂遺之末而 給, 有 五 不知 而 年 言利 務本者也。 復 **螽** 剋 民之事 府 水,十 庫 故 圚, 起 戾 矣。」 有 氣 而 倉 後 廩 應

仲孫蔑 政 事 會齊高 以以 知災異,是謂 古 于 無 婁。 念用 張氏  $\Box$ 庶 徴 「無,《公羊》作

持。

非天子不專殺。

王札子,人臣也

能至者也。

觀乎災異,則見政事

觀

平.

焉

!」邦衡

胡

氏

曰:「天子在上,而

子

弟

殺

召伯、毛伯於朝

,定王不能禁,專孰

甚

敢

以

私怨專殺,則生殺之柄下移於姦

臣

牟。

説近

是。

毛伯

見《文元

年

**%** 

召伯,

見

文五年》。

孫氏曰:「生殺之柄,天子所

也

食采

於

王

城

而

因

以

爲

氏

者

也。

前

札

字。」木

訥

趙

氏

曰:「王、氏。

札子,

杜

氏

 $\Box$ 

一:「王札子,王子札

也。

蓋經文倒

杜氏曰:「無婁、杞邑。」義見《文十一年》恐當從之、聲之誤也。」

「會于承筐」。
杜氏曰:「無婁、杞邑。」義見《文十

初税畝。

其餘畝,復十收其一。故哀公曰:『二,杜氏曰:「公田之法,十取其一。今又履

羊》曰 履 畝 而 税 一初 也 者 0 譏始 何? 履 始 畝 也。 而 税 税 畝 古者什 者 何?

吾

猶

不

足。』遂

以

爲

常,故

日

『初』。」《公

秋、螽。

政

法

不

施

遂以

亂亡。

無惑乎周之無以

令天下也。」

之變而

生

虱

心。

梁

武

在

位

王 王

侯

專殺

矣。」〇許氏曰:「拓

跋

魏世,高

歡親張彝

感 義 内 見《桓 於 以 此 事 外,去實而務華,煩於朝 則 Ŧi. 年 物 **%** 變 應 於彼 康 侯 胡 宣 氏 公 日 爲 會聘問 : 國,虚 人 事

者,取 爲 蓋 謂 藉 出 貉 什 矣。」〇《左氏》曰 民,國之本也。 , 使 法自是始。 矣,而又税 不 。」陸氏 既 而 八家爲井,借其 大 大 藉 過藉,以 藉 自 或 矣,而 賦 什 中 桀 三 三 : 者 使 小 豐財 焉 也 者, 取 非謂 「賦 人 桀。 取 或 : 所 天 藉 力以治公田 藉者,取井田之名 也。」葉氏 之甚則流亡, 税 中 以 治 初税 寡 下 取 之税 者,國之所 税  $\coprod$ 乎 之 九 易 之名。 畝 中 什 畝 而 **税** 日 正 非 也。 畝 者也。 , 禮 也 魯 加 取 所 大 治 或 0 也 之, 什 謂 貉 | 國 必 蜀 多 「; 所 其 什 税 穀 危 小 平 有 ;

> 懼 之,國之危 ~ 鱼」。 忽民 人之心 事 無 而  $\pm$ 不 者 日 修, 矣。」義 之 務 又 爲 也 又 繁 見 政 遇 天 重 桓 災 賦 以 而 年 感 不

饑。《公羊》無此經。

有 實、虚 六年春,晉人 蝝 饑 蝝 以 府 書饑者三,而宣公獨有 義 曰:「宣 而 之後 示 饉 庫 見《十年》。 一,亦無 後世,爲 竭 内 遽 至 (, 甚言 矣, 兩 事 書 以 外 倉 於 滅 或 饑 國之不可不敦本也。」張 振,業貧乏矣。 廩 饑者,宣公爲國, 煩 無蓄 赤 匱 康 於 狄 在 矣。 朝 侯胡 甲 積 大水之後,一 會聘問 K 而 其二。 水旱 氏 及 民  $\Box$ 留 無 冬蚰 經 賂 : 吁 以 是歲 「《春 网 蝝,天降 遺之末 生 務 書饑 也。 在 華 雖 秋 **多**触 氏 去

蟓生。

蝝,悦全切

**亭**字

林

尹

絹

切

蝝,董

子

티 :

蝗

子。

杜

氏

日

**验** 

子。

:

既

大

 $\vdash$ 

冬曲

秋

**验** 

未息,冬又生

子,災重

及

民

也

詳

志之者,急民事,謹

天災。

蓋

蝗

即

**多**典

也

。」康侯胡氏

티 :

一始

生

日

蟓,

+

渠帥 狁 禽 夷 無 及 滅潞 之心,王 至 征 狄 復 者 ௱ 攘 顧 徐 氏」。 一於太 所 止。 斥之, 中 夷 以 國之念 别言二 者之 原 東 必 ○康 不 而 欲 郊 岸 事 使 盡 既 侯胡 也。」義 族 乎? 亂 殄 開 也 武 中 滅之無遺 氏 而 悪 侯 夏,則 曰:「《春秋 啃 又見《 貫 征 其 道 戎瀘 窮 宣 王 止 + 種 兵  $\pm$ 矣。 氏 党 服 Ŧi. 荒 伐  $\vdash$ 年 服 伯 其 玁 於

狄 楚禍 以 É 逼 肥,規模 人,中 或 如 無 此,其何 安 處 。 晉 能 乃 伯 貪 拓 地 於

秋,

郯伯

姬

來

歸。

郯,音談

作火。

案經未有書火者,當依《公》、《穀

夏,成周宣榭災。

榭

音謝。

《公羊》作

謝。

災、左氏

榭 爲 劉 亦 :「洛陽,周公營下都 惟 成 氏 杜 周 딩 : 洛 氏 食  $\sim$ 日 洛 成 者 : 譜 ≫ 周,周之東 也。 宣 ~ 所謂 榭 講 阚 雅 我 以 武 都。」東 屋 又 遷 日 别 1 殷 : 澗 頑 萊 無 在 民,是 水 洛 吕 室 東 陽 氏 

> 宣 毀,止當 廟 所 此 者 也。」康侯 榭 也 以 ^ 張氏 不過宣王講武之屋耳 見 詩》 啖 戒 在王城,不當在 氏 胡 乎 日 所 氏  $\Box$ ? 〇或 : 謂 "「宣王之廟久已毀,縱 日 宣 :「王室不復中興矣,天 復  $\pm$ 會 南 日 諸 : 征 宣 成 侯 北 非 周 於 伐,講 樹,宣 廟 也。 東 也。 都」者 然 王之 武 則 不 於

皋伯 子 之義,嫁 伯 不能 郯伯 姬,文公女,宣公姊妹也。 姬 姬 事 者,乃所 來歸, 日『歸』,反曰『來歸』。」高氏 平 舅 姑 出 以皋 之 也。」《穀梁》曰:「婦 或 其 而 父 爲 母 失 夫 **定** 教 所 氏 也 朏 日 :

=: [기 0

所 以使有國 者謹於齊家之道,正人倫之

本也。」案: 内女出者二,此與成五年杞

叔姬是也。

冬,大有年。

《穀梁》曰:「五穀大熟爲大有年。」義見

《桓三年》「有年」。

十有七年春,王正月庚子,許男錫我卒。丁

義並見《隱三年》「宋公卒」。

未,蔡侯申卒。

夏,葬許昭公,葬蔡文公。

義並見《隱三年》「葬宋穆公」。

六月癸卯,日有食之。

公八年至此十歲之間 諉之常數哉? 用見夷夏君臣强弱之 義見《隱三年》。○貫道王氏曰:「自 ,日食者三,豈 미 宣

分、陰陽消長之故矣。」

己未,公會晉侯、衞侯、曹伯、邾子,同盟于斷

之心。」

背而南嚮,故爲是盟,以固

魯、衞、曹、邾

甚。幸而衞復反爲中國,晉恐曹、

衞 復

秋,公至自會。 義見《桓二年》「公至自唐」。

冬十有一月壬午,公弟叔肸卒。

鞅。 老。 也。 也。 書公子牙、公子季友卒之意也。 皆世卿。此亦譏世卿,而肸其始也。 叔肸,字也。 肸之子,公孫嬰齊。嬰齊之子,叔 此記叔氏之始也。肸,文公子惠伯 老之子,叔弓。弓之子,叔輒、叔 輒之子,叔詣。 稱弟,未爲大夫而用事者 叔弓之曾孫,叔還。

十有八年春,晉侯、衞世子臧伐齊。

道。 斷,直管切。 音短

杜 氏 曰:「斷道,晉地。」義見《莊

十六

年》。

○黄氏曰:「時宋爲楚得,中國危

于齊。 郤 待 婦 此 (左氏 子 會 報 人笑於房 至,請 於齊, **以** 日 無能 齊頃 :「十七年 伐齊。 曰:『不得 涉 公帷 河。」獻 獻子 婦 十八年春,晉侯、衞 ,怒,出 人使觀之。 春,晉侯使郤克徵會 子 齊事,無復命 先 而誓曰:『所不 歸 使 郤 欒 子登 矣。」 京 太 廬

信 于 子 否。 繒 臧 ,以公子 伐 齊, 邦衡胡 至 疆 於 氏 陽 爲 日 質 穀。 . 以 於晉 齊侯會晉 世 子 師還。」 而 專伐 侯, 未 則 詳 盟

作繒

秋

也。 見衞 衞 齊頃 侯之失威。」義見《隱二年》「鄭 ○康 公 侯 不 胡 謹 氏 於禮 日 : 保國 自 己 以禮 致寇 爲 所 本 謂 者 伐

私 執 人 必 或 命,取 自 故 大戦 伐 而 必於君,以行其克伐怨欲 後 於牽,逞其 人伐之矣。 志 諸 而 後 侯 止 上 卿, 春 之

公伐杞。

秋

》詳

書於策,見受伐與伐者之辠。」

及 魯。 義 : 視 見《隱二 杞 以 僖、文之世,各一 自立 世 婚於魯,杞 年》「鄭 一, 杞伯· 未嘗 伐 桓 衞 來 來朝 一公魯 朝 出 宣公憾之, 木 宣公殺 訥 而 趙 Ħ. 惡 娶 氏

夏四月。

故

躬

伐之歟?」未詳是

公七月,邾人戕鄫子于鄫。戕,在良切。鄫、《穀梁》

戕,搶 也。 鄫 肆 肆 邾 有 日 然復 康 人 :「自外 司 子 無 單 侯 楊 執 爲 道 也,他國人來弒君之名。《左 戕 胡 鄫 氏 或 之 車 氏 鄫  $\Box$ 子 君 强 E 使者直造其 曰 子于 : 而 戕。」孫氏 用之。 一于鄫 戕 : 見 同等之君,皋惡大矣。 鄫 夷貉 戕 也。 惡 於人,必 天 無 臣 日 子 廬 高 城郭 子 信信十 帳, 不能 氏 不 宫室、百官 有以 H 虜 能 誅 : 其 拒 「邾人 九年 致之 酋 難。 故 氏 此

威

, 侍衞

守禦之嚴

奚 至

坐

使

其

君

爲

人

殘賊

殺之而

莫禦乎?

邾

人

蓋

嘗

執

者

則有之矣。

中

國

則

重

門

撃柝.

廉

陛

等

公孫 歸 父 如

能 鄫 邾 於晉,欲以晉人去之。」康侯 有 左氏》曰: 寵、欲去三 公孫 桓 以 歸 張 父以 公室。 襄 胡 仲 與公謀 氏 之立 曰 -公也 而 宣 聘

而 也 郤 克 及 當國 頃 公 ,決策討之。 不 能 謹 晉 方 强 盛 齊

禮,

怒晉、

魯

上

卿

少懦 以 利 爲 矣,於是背 向背, 無忠信 齊 前 誠慤之心 事 晉 其 者也。 於邦 交, 況

謀大家,而不 欲 以 晉 人 去三桓、夫 知 其 本,未有 輕 於背 能 與 成 國 而 易 無 悔 於

又爲 也。」義 歸 父奔齊起文也 又見《隱 七年 \* 齊 來 聘。

IIII

此

冬十月壬 一戌,公薨于路 寢

歸父 還 義 É 見 晉,至笙,遂奔齊。 「莊公薨

笙,《公羊》、《穀梁》

甲 戌,楚子旅卒。 左氏 : 「楚莊 旅、《穀梁》作 Ŧ 卒。」 H 劉 氏 日 : 楚

至

之

所以拳拳於斯

世

也

世

也。

愚謂

王

法

不明

其

禍

至

此

聖

鄫

曾

無

人

詆

訶

之,

信

乎

其

爲

春

秋

之

欲

滅之以

自

廣

爾。

以

邾

之小

而

肆

毒

于

嘗

有一

日之隙於邾,徒

以

邾

鄫

爲

鄰,邾

責

臣

子,至此

極

也。

木訓

趙氏

日

部

未

:

復,又使邾

人得

造

其

或

都

戕

殺

其

君

深

公因

齊得

或

故

刻

意事

之,雖

易

世

未

子用之,則不共

戴天之世

讎

也。

既

不

至 通 莊 王 此,不特蠻 一,國益· 是以 其卒見於《春秋》。」愚 大 夷 俗益變,始 横 而  $\mathbb{E}$ 中 以 國胥 赴 告 謂: 爲 龃 夷矣。 春 中 秋 或

作檉

義

又見《文十八年》「秦伯卒」。

皆哭,情 屬,必存終始進 政,是難能 執圭復命於殯』之文。 君命出使,未返而君 逐,忍乎哉 非 口 莊子之孝,其不改父之臣 有 謂 亦 大不 孝矣。』夫仁人孝子於 戚 也。 矣。 可 又曰: 『三年無改於父之 退之禮 ', 如 宣公猶未殯 晉 悼公於夷羊 薨。 而 升 不 自 遽 在《聘禮》 西 也。 一言 階 其 與父之 子 父之 東 Ŧi. 歸 PH 臣 有 Ż 父

春 秋本義卷第十七

殯前

若

其

有辜,待

命

於

新

君,可

也

臣

之正

一,受命

而

出

雖

君

一薨, 猶

當致

命於

今歸

父還自晉,及魯境,

遽

即

奔齊,則有

惡於新君矣。

故書以著其

逃刑

之皋。」

義

又

見

^

僖二十

1

年

元

咺

奔

晉

於介。

既復命、袒、括髮即位哭、三踊

而

遂

逐東門氏。

子家還,及笙,壇帷

復命

後之人何辠?

子欲去之,許請去之。」

以

夫!]臧

宣

叔怒

曰:『當其時不能

治也,

『使我

殺

嫡

立

庶

以

失大援者,仲

也

臣

也

左氏

曰:「公薨。

季文子言於

朝

道

孫

E

日

一二不

言公孫

,前見也。」《穀

梁》

稱

孟

自自

晉

事

畢

也。」杜

氏

曰 :

「笙,魯境

出。

遂奔齊。」高

氏

曰:「先君

未殯

而

逐

氏

其臣,是死其

君

而

忘其父也。

雖然,

人

後 學成 德校 訂

○《穀梁》曰: 是亦 奔父也。」康侯 捐 殯 而 奔 胡 其 氏 父之使者,謂 曰:「仲尼

歸

## 春秋本義卷第十八

成 公名黑肱,宣公子,母穆姜。

元年春,王正月,公即位。

月辛酉,葬我君宣公。

無冰。

義

見

胡氏曰:「此《司

馬法》一乘之賦

也。

唐

一乘,甲士三人,步卒七十二人。] 康侯

太宗問李靖楚廣

與周兵制,靖

曰 :

一同周

制

冬暖 年,三桓 義見《桓 『壽陽已東屬吴、吴新破、人民悲愁,故 雨,已西常暘。 無 冰 强 十四年》。 也。 盛,成公年幼,三桓得政,故 昔 司 吴歸 馬 〇宋氏曰:「宣公末 宣 三王問 晉,壽 | 摯虞 陽 對 L 東 日 常

然則

一丘所出十有八人,積

ĮЦ

丘

而

具

十五人爲一甲,凡三甲共出七十五人。』

一乘,步卒七十二人,甲士三人。

以一

乘

耳。

今作

丘

甲者,即

丘出

甲

-, 是

甸之中共百人爲兵矣,其數增三之一。

三月,作丘甲。 非所謂 作者,始作也。丘甲者,每丘出甲 常 故作丘甲。」杜氏 人。甲士者,二十四步卒之長 喜樂,故常暘。』《春秋》志災異,際天人, 四井爲邑,四邑爲丘,四丘爲甸,出長 士,則增步卒矣。 雨 壽陽已西屬晉,晉新得吴,君 廣記備言也。」 曰:「《周禮》九夫爲 《左氏》曰:「爲 也。 齊 土 增甲 井, 難 臣 轂

夫皆

以

乘

爲

馬

法

蓋

本

於

周

官

或

謂

甸

爲

乘

法

》,甸

而

後

H

具

焉

者

司

馬

穰

丘

出

4

馬

至

甸

器」,而《稍人》『作其 襄公作三軍 也,《太宰》所謂『九賦 差, 於民有 變亂王 車 得 師 少 馬 賦 農 則 苴 爲  $\leq$ 而 而 特 所 車 之法 民,非 自 甸 乘、甲士三人,而《 詳 非 制 二,有國 役者多矣。」〇 其 同徒輂輦」者是也 釐 謂 乘,然後甲 古 天 矣。 常常 竭用 ·, 使 **『**受 ,哀公用 損 子 也。 乘 賦 爲 益 建 之 學者所言, 法 也 皆 國之道 賦 民 然 不 國 有有 所 於 備 有軍 力。 一至於 口 而 出 司 田 旗 士 軍 ^ 知 馬, 賦 0 葉 鼓 斂 司 步 其 旅  $\wedge$ 爾 賦 大 以 司 周 兵 財 Æ 後 貫 馬 卒 之 其 自 税既足 亡。 愚謂 今不 民。 周 强 秋 益 成 出 兵,民信之矣。 皋大矣。 務 日 有 税 益 : 兵爲務 公作丘 兵 · 書此 魯 國以 循 税爲足食 兵。 : 則 與 先王 先 以 民 不 爲 賦 悲 以 甲  $\pm$ ·務廣 木 後 而  $\pm$ 而 而 夫 於

言『六畜兵器』者 制 有言『六畜 車 輦」者, 則 甲 ÷ 則 在 牛 焉 馬 在 劉 氏

者之 德 而 制 務 論 廣 之, 力,不 則 作 務 丘 益 甲 義 之 而

王者之制,諸 也,賦爲足兵也。 侯不 得 擅 足食足 税 賦

其

然 而 不 得 擅 者 ·; 先 王之

食矣,先 以 意  $\pm$ 爲 之 準,必 賦 既 亂 足 之道 以 用 也。 矣。

一之制 른 莫重於井田 宣公 初 税 畝 井 而 倍 田 税 所

然其

爲

法不可

作

其

衆

庶

及

牛

事

則

征

之,《

縣

賄

一者是

也

軍

或

賦

常

賦

日

先王

賦

來

有

漸

休

者

鄭

有

丘

賦

道

 $\pm$ 

氏

日

:

益

兵

備

敵,

重

木

益 力。 兵。 財 倍 力 税 並 則 木 民 木 民 於 乃 財 死

民爲本,宜魯 世 一鑒。 而 好 之先亡 事者猶以 也。 厚斂  $\wedge$ 

春

夏,臧孫許及晉侯盟 于赤 棘。

四 Ŧi.

74

六

之强 夫之强 懷忿懟 矣。」 又遠 也,故 棘,晉 故 盟 許 書『及晉侯盟』,非 己責、逮鰥 恨齊人之納歸父,又懼 盟于 仲孫 臧 邦 , 亦惡諸 與 赤 往結 蔑」。 地。」《 文仲之子宣 衡胡 也 何忌及邾子 晉 君父之心,將有 棘。」未 尋 寡 此 左氏 自 氏 ○康 盟,豈 救救 侯之失其 盟。 曰:「大夫及 公子遂及齊 . 詳 侯 ¥ 木 信 特備 成公即 胡 叔 古 乏 文 否。 \_: \_\_ 氏 之事 也。 本 甚。 御 日: 一 事 聞 齊 晉侯之或 保 義 也 懼 位、未有 侯盟 於 諸 齊 杜 非 邦之道 見《 齊,皋 晉、蓋三 既 將 氏 侯 季孫當 惟 作 隱 後 盟 出 曰 : 惡 É 見 見 元 益 楚 大夫 見討 可 乎? 施 赤 甲 或 年 大 見 相 舍 師

編,經 於夷 聽。 侯恬 以 以 也。 之道,咸得 敗 劉 大國 『背 成。 室衰弱之甚 績 氏 垂 致敗,豈不曰 盟 然莫之顧,皆不 于茅 後 其抗,王道 狄 遂伐 劉 日 不 丽 世變、存王 :「王者不能以 世、示之以意 不言戰,夷狄不能 康公徼戎,將遂伐之。 義 欺 学戏。 戏』,而 神 大國 而見矣。」〇 也。 人 Ŧ. 自 之失 弗 尊 敗 此 道之意 取 師 績。」程 助 必 臣  $\pm$ 而 之乎? 敗績于茅戎,而 也。 敗 之義 義 高 也。 將 己。 征 氏 無 何 抗 背 四 聖人於 子 日 與 不 以 盟 王也,此 : 夷, 日 聖人 · 具。 L  $\pm$ 書写 叔 勝 不 É 此 迺 ? 服 祥 王 立 常 此 志 取 王 輕 諸 不 王. 敗 師 法 舉 Ш 理 師 欺

冬十 月

秋,  $\pm$ 

師

敗

績

于茅

戎。

茅、《公羊》、《穀梁》作

貿

杜

日

「茅戎,戎

别

種

也。」《

左氏

 $\Box$ 

.

晉侯

使瑕嘉

平戎于王,單

襄公如

番

拜

年 春,齊日 侯伐 我 北 鄙

左氏》曰:「元年冬,臧宣叔令修賦 繕

新 伐 與 齊 晉 以 師 伐 遇 其 師 而 還 將 謂 君 何

也 知 不 石 能 城 則 子 如  $\Box$ 無 : 出 師 敗矣。 今既 遇 子不少須, 矣, 不 如

衆

戰

懼 又 日 盡 : 子, 子喪 或 師 卿 徒 也 何 以 隕 復命?』皆 子 辱矣。 不 子 對

以

衆 桓 乃 子 止 退 一, 次 我 桓 子 於 此 鞫 是 乃 居。 以 止 免。」 新 且 未 築 告 詳 人 車 仲 信 來 叔 其 否 衆。 于 奚 愚 救 齊 謂 孫 師

書 孫 良 夫 帥 師 大 夫 專 兵 也 0 書 及

進 齊 以 師 戰 取 敗, 良 辱 夫 或 主 害 此 民,皋 戰 也 莫大 良 夫 焉 專 兵, 衞 侯 輕

或 使 之戦 雖得 以 勝 致 於 敗, 時, 亦 遂 皋 來 也。 牽 之 齊侯 敗 績 侵 虐 亦 皋 鄰

胡 義又 氏 日 : 見《隱 齊 師 侵 年 虐  $\gg$ 鄭 丽 伐 衞 主 衞 此 戰 何 康

侯 世 也 子 ? 臧 衞 與 侯 晉 初 同 與 伐 晉 齊 百 矣, 盟 又 於 使 斷 孫 道 矣,又 良 石 使

築 衞 師 敗 績 :

夏

几

月

丙

戌,

衞

孫

良

夫

帥

師

及

齊

師

戰

于

新

也

伐

衞

兵争

之所

自

成

也

\_\_\_

義

又

見《隱

二年》

鄭

之

戰

岩.

義

乎.

?

同

憤

兵,

務

相

報

復,

則

皋

自

見

矣。

貫

道

 $\pm$ 

氏

 $\Box$ 

 $\sim$ 

春

秋

紀

,

:

鄙

齊侯之

興

是

役,

非

義

矣。

魯

人爲

牽

易

世

而

聘

會

不

絶

也

及

與

晉

侯

盟

于

斷

0

道

而

後

怨

隙

成;

再

盟

于

赤

棘

而

後

伐

吾

出

鄙

康

侯

胡

氏

曰

初

魯

事

齊

謹

甚

雖

備

乃

山

以

逞。二二

年

春

齊

侯

伐

我

北

楚

必

救之,

是

齊、

楚

古

我

也

知

難

गां

有

盟

楚

争

盟

齊

師

必

至

雖

晉

完,

具

守

備

 $\Box$ 

-

齊、

楚

結

好

我

:

與 侯 杜 齊 使 氏 孫 師 曰 良 遇 夫、 新 石子 築, 石 稷、 欲 衞 還, 地 甯 ° \_ ≪ 相、 孫 左 子 向 氏 日 禽 將 **写**不 曰 侵 : 齊 口 衞

也。 戚 陳 紛 虐 良 稷 以 氏 夫 將 而 叛 良 日 不 侵 遠 此 夫 : 齊 口 怨, 戰 爲 矣。 衞 遂 則 世 而 大 衞 戰 卿 惡 及 夫 主 於 與 以 帥 至 之 新 齊 兵 林 師 也。 築。 刃 師 父 自 遇 相 出 此 ^ 故 接 春 其 始 石 齊 也 秋 稷 大 師 **>** 欲 善 夫 君 雖 還 于 强 舉 侵 解

及 孫 六 穀 齊 嬰 月 梁 癸 作 侯 齊 手 戰 酉 帥 , 季 于 師 鞌. 會 孫 晉 齊 行 郤 師 父、 克 敗 臧 績。 衞 孫 孫 許、 窜,音安。 良 夫、 叔 孫 曹 首、《公羊 僑 公子 如 首 公

子子 如 僑 左 牽 穀 晉 如 氏 與 梁 乞師 叔 袁 得 日 日 聲 婁, 臣 伯 臧宣 之子 不 也 孫 鞌 桓 知 去 叔 宣 杜 子 其 齊 亦 伯 還 氏 處 Ŧī. 如 也 於 百 日 遠 台 里。」孔 新 近 嬰 乞師,皆主 築,不入, 鞌 齊 無 以 齊 叔 氏 驗 肸 地 曰 郤 遂 之 :

齊

壘

日

一欲

勇者賈余

餘

勇。」

癸

西

師

許,亦 以 티 : 忍, 地 對 君 至 師 衞 軍 肅 城 獻 大 會之。 故 師 於 濮 投 曰 白 子 樂書 或 使 臧宣 能 : 靡笄之下 乘, 之 大夫之 將 捷。 辱於敝 羣 朝 賦 晉 進 晉 許之。 相 將 禽 臣 夕 師 叔 侯 也。 不 與 克於 之 見 請 釋 下 從 逆 許 能 許 魯、 邑, 軍 而 也 於 憾 晉 齊 之 有 退 韓 郤 先大夫, 乘 大 齊 於 衞 不 師 師 寡 先 七 齊 克 其 或 君 侯 · 兄 腆 且 敝 于 人之 君 百 厥 高 將 車 使 ·莘。六月壬 敝 無 之 邑之地 乘 無 爲 道 弟 古 請 中 賦 所 繫 無 願 **令** 明 之。 司 也 戰, 人晉 詰 軍 郤 辱 桑 輿 馬 能 與 也 子 士變: 本 命 先 師 季文子 爲 朝 來 師, 以 日 焉 若 寡 役。 大 淹 請 告 子 申, 救 佐 桀 其 齊 君 夫 以 於 見 E 魯 帥 徇 石 不 侯 君 不 師 此 侯

邴

夏

日

:

射

其

御

者,

君

 $\mathbf{E}$ 

謂

之

君

子

而

射

之,

非

禮

餘

謂

己

日

且

辟

左右

「。」 故

中

右

援

枹

而

鼓

馬

逸

不

能

止

師

 $\mathbb{H}$ 

父

佐

車

父

師

敗

績

逐之,三

周

華

不

注

死

也

病

未

及

死

吾

子

勉

以

病

敗

君

之大事

也?

擐

甲

執

此

車

人

殿之,

可

以

集

事

若

侯

 $\Box$ 

師

之耳

目

在

吾

: 推

必

車,子豈

識

之?

然子

吾

子

忍之。』緩

日

:

及

肘

余折

以

御

左

輪

朱殷

而

及。

壁

以

下

於

木

綦

病

矣

張

侯

 $\Box$ 

自

始合,

而

:

克

傷

於

矢

流

Щ

及

屨

未

絶鼓

音

姑

翦

滅

此

而

朝

食。』不介

馬

而

陳

于

鞌

邴

夏

御

齊侯,

逢

H.

父

解

張

御

郤

克

鄭

丘

緩

爲

右

齊

『自始合,苟有險, 旗鼓,進 之。」 豊敢 病 侯 也。」 子 馳 從 御 韓 矢 爲 左并 兵,固 之, 退 矣 之。 之。 日 貫 也 而 厥 言 右 從 ! 射 何 余 從 夢 病 之。 轡 余 余 其 公 子 齊 其 張 手 郤 齊 即 余 台 赦 宛 戎行 韓 肱 右 日 君 郤 使公下 臣 進 而 逢 册 左 無 之以勸事君 夜 辱 任 獻 厥 擊 皆肘之,使立 張 止  $\mathbb{H}$ 令 越 日 人 患者,有一 子 爲 戎 之, 喪 執 父 : 無 輿 於 繁馬 將戮之。 士; Η. 與 車 右 不 師 傷 如 所 車 寡 、公易 父 難 從 載 敢 下 華 洮 陷 而匿 寢 君 前 以 韓 齊 告 隱 泉 人 者。」乃免之。 於 於此 使 ,再拜稽 位 於後。 死 厥 不 君 射 侯 取 呼 之, 轏 · 將 羣 免其君 · 曰 敏 地。 其 且. 以 飲  $\Box$ 中 將 臣 故 懼 及 右 免。 : : 攝 爲 韓 不 自 下 鄭 奔 首 蛇 華 爲戮 官承 我 斃 魯、 厥 請 能 韓 唐 辟 臣 出 泉 今 奉 於 御 俛,定其 推 戮之 厥 父 不 於 齊侯免,求 乎 而 衞 觴 驂絓 無 乏。」丑 乘 車 獻 御 忝 幸 車 其 請 加 有 中

74 九

不

郤子

代其

屬

當

 $\Box$ 

兩

矣。 鄉 或 仲 創 逼 禍 貫 卿 師 舊 氏 保 衞 於狄 初  $\mathbb{H}$ 之 道 皆 者 孫 增 齊 制 父,三人三出 立  $\Box$ 師 川 卒。 蔑 所  $\pm$ 書 : 義 四 猶 氏 軍 侯 卿 主 日 衞 存, 或 也 制 自 氏 又 以  $\Box$ 大 非 :『勉之! 師 幼 並 敗 起 狄 見 戰 H 國三軍 免之。 詳 Ŧī. 出 或 尺 於是 : 卒皆 齊 也 使 卿 内 隱 地 危 而 而 然 其 齊 舉 分 巾 敗 三家之勢 爲 後 爲 抽 伐 辠. 0 遂自 帥 民, 每 上 次國 年 其 盟 齊 季 政 戈 大 魯 堅 出 介  $\Rightarrow$ 師 四 師 孫 皆 矣 自 楯 敗 冰 徐 也 鄭 齊 七 卿 屬 敗 大 季 一怒 冒 衞 之 軍。 蝎 伐 卿 成 師 出 矣。 而 之。 氏 夫 公 然 戒 魯 者, 衞 以 IIII 文公之末 埽 室。 强 几 亦 出 此 其 帥 以 卒 矣。 或 境 不 明 矣 齊 時 康 争 居 退 皆 可 大 矣。 成 侯 人 内 魯 侯 守 彻 夫 朴 亂 救 魯 興 公 之 見 於 JU 胡 人

身 諸 許、 法 與 慢 衞 與 使 六 衞 旃 也 也 年 齊頃 幾 争 會 皆 卿 好 侯 會 將 ? 而 書 叔 而 韓厥 弗 當 於 百 同 爲 書 恨 Ľ 公,  $\exists$ 公子 孫 是 衞 敬 清 之 而 卿, 成公之二年, 孫 或 小 僑 時 丘 事 易 桓 良 用 曹 遂、 故 征伐皆在 如 爲 晋、 使 趙 公之孫 夫 以 方 不 四 斷 騎 曹 天 叔 有 括 公 或 魯 見 乘 道 奢。 下 孫 忍 怒 孫 俱 勝 大 相 鞏 書 笑。」 浸 得 忿 魯、 夫之 輔 怒 嬰 而 春 大 朔、韓穿、 書 公子首 即 臣 怒 志 齊 夫矣。」董子 往 衞 伯 季 大 内 張 位 如 者 争 廣 帥 伐 之 之 孫 木 悉 九 齊 氏 强 謂 魯 志 餘 師 之鞌 行 其 大 年  $\Box$ 晉 將 也 荀 父、 之 衆 尊 會 或 顧 而 未 於 稱 忿兵 騅 戰 往 案兵 是 外 反 嘗 故 於 臧 不  $\vdash$ 兀 趙 黨 伐 從 難 有 是 孫 帥 何

今晉爲

盟

主

興

師

討

齊

非

有

救亂

誅

之名, 戰 ·; 見 而 晉、 起 於一 魯、曹、衞之大夫爲 怒之憤 書 秋, 書 志 乎. 此 魯

于 秋 ,袁婁。 七月 ?,齊侯 袁、《穀梁 使 或 》作 佐 如 師 己酉, 及國 佐 盟

戰

雖

得

一朝之勝,不足道也

其 之母 之封 否。 也 類。」若 孝令也 他,寡君之母也。 不 口 穀梁》曰 母 可, 侯使賓媚 則 《左氏》 也。 内盡 以 聽客之所 以不孝令於諸 爲信,其 先王疆 吾子 東 \_ 《詩》曰 必 其 人賂 袁婁去 以 布大命 畝 理天下土物之宜 若 一晉 爲。 蕭 ە ك 以 若  $\pm$ 對 百 紀 孝子 師 齊 以 命 賓 於諸 侯,其無乃 叔 H 甗、玉磬 從 Ŧi. 兀 媚 何 子 : 齊 + 不 ? 敵, 『蕭 爲 人 侯 師 里。」未詳 責 致 前 質 且. 則 同 與 擊馬 賂 永 非 是 亦 地。 叔 而 晋 晋 而 德 錫 以 必 晉 子 使 坚 質 人 不 信 布 類 不 君 非 爾 齊

是聽。」』魯、衞 之幸,亦云 又不許, 好,唯是 子 賦,以犒 矣,曰:「子以 以 以 害焉? 禄 而 也 非 已,唯吾子 畝 其 惠徼 是 逞無疆之欲。 利, 爲 。」今吾子 撫之,以 先王之命 樹 遒。」 子實 盟 德 故 齊 從者。 主 不然, 請 先 而 國之福,不 ? 詩 役 從 戎 君 收 濟 疆 也乎? **>** 車 之敝 也 合 王 同 其 晉 諫 君  $\Box$ 不 理 畏君之震,師 寡 是利,無顧 餘 《詩》曰:「布 命。 曰:『齊疾我矣! 欲 師, 諸 優, 君 況 焉。 燼 器 實 侯 之 辱 反先王 我 土 其不幸,敢 , 背 泯 而 今吾子 有 命 侕 於 疆 其 棄 Ŧi. 闕 城 地 日 使 敝 我 社 百 伯 土 借 不 盡 邑, 臣 禄,諸 求合 徒 之伯 理 稷,使繼 則不義 政 宜 四王之王 敢 東 撓敗,吾 其 優優,百 不 0 不 則 愛。 南 其: 諸侯 也 其死 腆 唯 有 敝 侯 東 畝 無 ), 勤 命 舊 辭 邑 子 敝 何 何 其. 乃 而

之服 授,豈 蹙, 衞 齊 聽 復 賦 唯 亡 忿 求 又 起  $\mathbb{H}$ 而 高、偶 ! 子則 、曹,敗 國 者,皆 甚焉。」愚 命之服。」 輿, 免 此 於 紓 則 戦,信 於難 司馬、 也。 公會晉 佐 寡 禽 以 必 得 使 又 盟 鄭 君 晉?』晉人許之,對 親 爲 重 齊 何 齊 于 君 勝則 其榮多矣 暱 魯、 自 不道 臣 孫氏 求? 侯 謂 侯 司 師 袁 也。 師 求 自 于鞌 空、輿帥、候正、亞 於上鄍,賜三帥 之惠 衞 婁, 使 逞 逆公。 矣。 齊侯 免 恃 曰:「齊 請。 子得 子若 無 其 窮之欲 ! 盟 也。 然 强 使 齊 若苟 几 或 不 秋七月, 魯 或 或 齊、 以 人 或 寶,我 許, 頃 敢 佐 出 伐 佐 歸 大 有 日 晉亦 數 于 人,及 如 几 不 讎 夫 我 以 二者皆足 病 先 袁 師 卿 亦 我 唯 晉 專 汶 路 惟 諸 旅 藉 羣 下, 賂 婁, 得 會 必 皆 其 命 兵 陽 師 侯  $\equiv$ П 臣 天 晉 地 甚 命 此 受 所 雪 窮 以 以 之 及 是 率 而

> 曹、邾 衆, 爲 深 聊 蓋 侯 八 年, 永鑒 切 生。 于  $\pm$ 加 著 道 曲 歸 同 以 故《春 矣。 明 不 棘, 盟 父 私 明 于 奔 忿,於是 魯 作惟 秋》詳 斷 齊。 案: 復 黨 道 背 與力 成 自 書 齊 而 大 元 其 宣 而 川 是崇 起 年 十七七 始 從 或 甲 末 晉 臧 之黨 兵 是逞、民 年, 如 孫 此,其 以 黨 許 成。 晉、 伐 與 盟 衞 亦 不 既 晉

八 月壬午,宋公鮑卒。 蜀 義 見《

與三年稱宋公起文也。 隱三年》「宋公卒」。 又爲 宋公盟

庚 寅,衞侯 速 卒。

喪,與 義 見《隱 衞 人 三年》「宋公卒」。 盟 蜀,及三年稱 衞 又爲 侯起文 楚、 鄭伐 也

取 汶 陽 田

汶 E 陽 即 ^ 漢 汶 陽 志  $\mathbf{H}$ 魯 兖 或 州 汶 泗 鄉 水 縣 縣 東 顏 南 師 有 汶 古

疆 埸 之令不 出 於  $\pm$ 

陽

故

城

孫

氏

H

汶

陽

田

魯

地

彻

:

不言 取 齊 冬, 楚師、 鄭 師 侵 衞

左氏》曰:「宣公使求好於楚。

以 也 衞 其 莊 羣 之役 於晉 蔡 也 鄭 乏,赦辠,悉師。 宣公薨,不克作好。 會晉伐齊,衞 」。」貫 師」。 民 衞 。」康侯 臣 鄭辠甚 棄諸 王 之 屬 以 ,從於伐 而 不 、救齊。 謀 姬 道 之 如 善用之。」乃大户,已責,逮鰥, 用 日 王 先大夫,師 伐 胡 矣。」義 無 齊 氏 Æ 齊。 蠻 人不 將起師,子重 日 也 曰 夷 :  $\pm$ • 德 以伐同 「楚師 故楚令尹子重 又見《莊 行使於楚, 卒盡 楚居 \_ 公即 以 衆 及遠方,莫 或 而 喪 行。冬,楚師 以 姓 位 後 稱 而 救 十年》「荆 寸,求 可 日 師,著其 伐 齊 而 楚不足 0 二、二、君 莊 盟 出 人之喪。 如 亦 且 爲 於晉 侵衞 王卒, 受 先 陽橋 惠 青 盟 君 敗 救 恤

然,則 之義, 稱。 力 也。 及 所 白 錫 有 以 H 之齊者 取 取 齊國佐盟 里。 先 。《公羊 侵之,今齊從 損 Œ 奚異乎? 1,義 濟 康 疆 戰 不曰 乎? 必 侵 祖 西 明明 孟子 勝 侯 理 田 口 有 小得之。 所受,經界 復 齊 胡 . ⊟ 本非 則 知矣。」義又見《僖 處 在 語 于袁婁,使齊人歸 而 氏 若 取 也。 得 所 慎 :「汶陽田 日 日 齊地。」《左氏》曰:「晉 之不 在 其 晉,故復取 張氏 子 **奉** 取 益 : 封 故 魯 曰:『如 世 取 乎? 以其 曰:「取 在 守,不 域之中 壤 何 秋 者,得 也? 戰 者何 **>** 古 而 道 經 或 有 不 之。 口 有 時 汶陽  $\equiv$ 於 ? 王 恃 非 請 亂 則 我 與 興 + 汶 者作,在 大 地 矣。 先 於 其 鞌 汶 滅 得  $\mathbb{H}$ 陽 或 方 繼 王 非 天 有 之 陽 年》 見 之 不 賂 書 Ŧi. 絶 所 其  $\pm$ 兵 之 師

十有一月,公會楚公子嬰齊于蜀。

也。 亭。」康 諸 與 遽 何 杜. 夷 至 責 存 侯 氏 耕 之 狄 是 義 於 故 日 也 黄 望 侯 趙 之大夫會,危辱至 列 又 氏 胡 氏 也 「蜀,魯 或 見  $\vdash$ 氏 隱 日 之 : 日 : 首 卿 「晉厚魯 地 會嬰齊, 是 年》「公會 魯 會也,魯倡之, 使魯 泰 以 Ш 而 中 此 宜 博 不 魯首負晉, 或 。」愚謂 有 縣 先會楚,未 降 戎 丙 西 班 于 申 北 失 潛 楚 之 有 列 盟 又 主 蜀

《穀梁》作繒。 人、齊人、曹人、邾人、薜人、鄫人盟于蜀。鄫,丙申,公及楚人、秦人、宋人、陳人、衞人、鄭

序 大 見 會 之意。 於諸國之上,見楚之主盟 魯史之文,無 書「公子嬰齊 又諸 或 他 盟 皆 義 稱 也。 書「 人,故 高 楚人」 氏 也。 書 日 者, 「楚 列 秦人 人 齊 亦 於 前

競

於晉。

莊

 $\pm$ 

雖

人

陳,

韋

鄭

及宋,而

未

以 楚也 之會 之師 宋、 幾 + 或 始 齊 盟 要 强 故 鄭 而 亦亦 結 謹 何 或 有 以 欲 盛 下 服 自 衞 以 之大 也 不 È 卿 · 陵 從,與之盟 鄰 貶 非 之君 不 横 公懼 威脅 好,豈 共 抑 出 而 嬰 禮 轢 以 蘇 夫 我 王 於會 行 悉 也。 尊 齊 中 未 方 中 氏 於 與 立 有 卑 欲 必 師 或 葬, ·國 而 日 天 目 晋 而 如 約 序 附 爲 不 以 下 方 拱 弱 此 見其 )葉氏 之者 而 楚,於 能 侵 未知 諸 之 乎. 手 爲 争長,故與 楚自 也。 宋 衞 ? 所 自 侯 伐 而 日 : 人、 衰 矣。 苟 存 齊之役,故 程 城 不 齊 此《 是 諸 弱 方是 之 能 敢 濮 衞 子 以 侯之 先 共 也 春 之敗 而 理 保 違 敗  $\vdash$ 鄭 諸 時, 王立, 秋 則 魯 ? 古 績 : 即 侯 興 復 记之君 愚 学之 疆 勤 使 侵 吉 夷 嬰 能 乃 而 楚 謂 楚 幸 敢 所 狄 中 齊 爲 從 與 衞 嬰 會 懼

得 或 嘗 之盟啓之也。」義又見《隱 武、楚屈 一,晉不 合諸 ,晉人許之,然後諸侯始 交相 侯。 見。 敢 建 合諸 争 及蜀之盟,諸 又 也。 八 侯 年, 於宋,然後晉、楚之 其後 楚 四 靈 侯從之者 十三年,晉 得 元 王 從楚,皆 年 求 ¥ 諸 盟 侯 + 從 于 蜀 於 趙

伐鄭。 三年春,王正月,公會晉侯、宋公、衞侯、曹伯

蔑

」及《二年》「公及戎盟于唐

渠 晉 救 姓 敵 非 杜 而 後伐 伐 晉 禮 氏 楚 鄭  $\exists$ 切 III 得 盟 鄭 0 : 鄭 是 或 其 宋、 楚 愚 其 矣。 未 盟 伐 晉之過 脅 謂 矣。 幾 楚 衞 從 : 然 而 未葬,而 mi 鄭從 者 然楚、 其 也。 晉若 復 也 始 從 夷 乃 不聞 晋 也 魯、宋、衞 鄭 狄 稱 ¬, 不 捨 伐 爵 伐 以 楚 鄭 以接 堅 楚 伐 衞 而 事 且 師 而 中 事 鄰 曹 楚 晉 既 晉 或 鄭 或, 爲 從 以 去 不 口

> 作,而 義,爲 鄭 屬 鄭 勢 曷若移鞌之役於今 不自 過 畏 之從楚久矣。 而 大 師 宜 鄭 以 義, 强 於楚,而 春 也哉?」○木訥 宋、衞 則 安,不 迫 從晉,冬盟 其 必服。 小 有 保 諸 几 楚,楚必怖 國 不 或 或 侯 或 - 自信 得 曹之 品 不能 家 但 無 之 鄭 品 今兵 使晉 者之深 與 辭 大 也 摟諸 也 過 以 鄭 其 以 法 自 趙 ! 也。 力 而 來 對 有 日 移 氏 侯以從楚之餘以 安 既 戒 者 矣。 春 志 伯 乎 故 티 : 八百 也。 使 盡 伐 ? 主 於 ^ 又以 圃 楚 春 於齊, 鄭 蓋 抗 之不作 諸 乘之兵 移 贵 不 復興問 秋 楚 是 何 旧 見 知 七大 侯  $\forall$ 時 而 諸 諸 冬從  $\pm$ 比 夷 詽 服 也 侯 以 夫 侯 人 政 事 夏 弱 皋之 鄭鄭 鄭 伐 之 之 伐 既 之 禁 見 者

辛亥,葬衞穆公。

六月而葬,緩也,蓋衞侯從晉伐鄭故也。

先君 出 義 師,不臨 見《隱三 未葬, 先君之喪也 而 年》「葬宋穆公」。 衞 人會 盟 于蜀 此 衞 則 侯 背 又 見 殯

一月,公至自伐鄭

義見《桓二年》「公至自唐」。

甲子,新宫災,三日哭。

《公羊》曰:「新宮者,宣公之宮也。」杜氏 哀痛 道。」獻 宫。」崔氏曰:「稱新宫者,當時之辭也。」 若以爲 方立廟,遽有火災、《春秋》志此,示有天 高氏曰:「宣公篡立之辠,生不 曰:「三年喪畢,神主新入廟,故謂之新 可矣。 禮, 可杜氏曰:「三日哭,非禮之正 則常 三日之義豈正 事 不書。 乎? 宫廟災,臣子 加誅,死

乙亥,葬宋文公。

年》「葬宋穆公」。此又見先君未葬而宋 七月而葬,僭天子之禮 也。 義見《隱三

> 之喪 人會盟于蜀,宋公背殯出師,不臨先君

夏,公如晉。

也

矣。 《僖十年》「公如齊」。 周 歸 康侯胡氏曰:「宣公薨,至是三年之喪畢 而 而 宜入 即 朝 政 於晉,其行 朝京師,見天子,受王命,然後 可 也。 嗣守社稷之重,不 事 亦悖矣。」義 又 朝 見 於

鄭公子去疾帥 師伐許。

公至自晉 《左氏》曰:「許恃楚而 楚,而以伐人,君子是以惡鄭也。」義又 許。」未詳信否。 年伐許,自是徹藩籬以開楚寇 而 見《隱二年》「鄭伐衞 楚越許 歸之。 而後至鄭。 今鄭 無謀, 高 氏 亦 許 不事  $\exists$ 〇木訥: 折 弱 而 不 鄭,鄭 「疲命於晉、 能 從 趙 之,又 抗 子良伐 氏 楚,折 日 連

十年

·, 叔

孫

州

仇、仲孫何忌圍

郈

,以二軍

義 ·見《桓二年》「公至自唐」

秋, 叔孫僑 氏 縣。」張 杜氏 **学** 日 日 :「取汶陽之田 如帥 氏 「棘,汶陽 曰:「即 師 韋 棘 兖 田之邑,在濟北蛇丘 一, 棘不 州龔丘 服 縣 故 也 韋 之。 左

康侯胡 將用大師環其邑,何也? 氏曰:「復故地 而民 不聽,至 魯於是 初 命 税 H

國,所以 畝 丘 不 甲, 願爲之民 税役 日益 也歟? 重。 棘 成 雖 公不 復 歸 知 故

薄税斂,輕力役,修德以來之,而肆其

兵

力、雖得之、必失之矣。」俱未詳信否 )葉氏 曰:「内邑未有言圍者,至成三年

如

可也。 始見 之邑,以 吾大夫之邑而不能 僑 至 昭之十三年,叔弓帥 崖 軍 棘,取汶陽之田,不服 量 之,猶 服,則醜矣。 之可 也。 師 吾大夫 至定之 韋 猶之 費

知矣。

十二年,公圍成 之,猶之可 圍之,則醜 也。 矣。 吾大夫之邑,以二 至昭之二十六年、定之 則國之爲國者無幾,醜 軍 韋

不足言也。」

大雩。

晉郤克、衞孫良夫伐廧咎如。 義見《桓五年》。 廧,在良切 咎,古

刀切。 廧、《公羊》作將、《穀梁 》作牆

杜氏曰:「廧咎如、赤狄别種。」《左氏

曰:「晉郤克、衞孫良夫伐廧咎如,討 赤

焉惟狄之務, 摟 謂:晉不修德以 狄之餘焉。 **廧咎如潰。」未詳** 與 綏諸侯,攘强楚,而 或 以 伐之,其 信 爲 否 斃斃 或 愚 口

夫盟 夫 冬十有一月,晉 來 聘。 丙 午,及 侯使荀 荷 庚 庚來 盟。 聘,衞 7 未, 侯 及孫 使 孫

良

良

干先 未,盟 朝 聘,次書及二子盟。二子奉命來聘 而 來聘,不能以 爲 晉爲盟 是,古之制 當其上大夫,下當其下大夫。上下如 上大夫。 之上卿,當大國之中,中當其下,下當 也,位爲 伯之於晉也,其位在三。 孫子之於 良夫來聘。 一子之辠大矣。 左氏》曰: 聘天子,而 何? 盟。 王之典,況 衞。」邦衡 故於來聘言使。」孫氏 主,其將 故言 Ŀ 小國之上卿當大國之下卿, 卿。 也。 公問 「晉侯使荀 信 聘、言盟。」愚謂:諸侯未 使大夫結同 其君, 胡氏 將 相結,反要魯以盟,非 先之。』丙 魯不能以禮却之,魯之 衞 諸 誰先?」 在 臧 本使. 曰:「先書晉、衞 晉,不得 宣 庚來聘,衛 叔。 來 列之私 午,盟晉。 對 聘,而 日 -日 日 爲 侯使孫 黨,已 次 專盟 中 次 而 或 嘗 伉 T 中 其 衞 專 來 或 行 四

> 鄉 年 皋 舉 - 》「齊 也。 陳 吕 氏 氏 政 日 來 曰:「魯要盟也。」未詳是否。 在 聘」、《元 大夫 聘而遂盟之,於是始。」 可 年》「盟于 知 矣。 義 蔑」。 又見《 隱七 朴

鄭伐許

鄰國,不既甚乎?」義又見《隱二年》「鄭康侯胡氏曰:「一歲之中而再動干戈於

伐衞」。

年春,宋公使華元來聘。

服未除,而遣使交聘,尤非禮也。義又《左氏》曰:「通嗣君也。」愚謂:宋共喪

見《隱七年》「齊來聘」

鄭伯不服喪而伐許也。 義見《隱三年》「宋公卒」。此又見其冬,三月壬申,鄭伯堅卒。堅、公羊》作姬。

杞伯來朝。

杞,前稱「子」,今稱「伯」,未詳。《左氏》

歸 叔姬故也。」未詳信否。 義見《隱

孔氏曰:「鄆有東鄲、西鄲。

此西

鄆

也,

 $\Box$ 

+ 年》「滕、薛來朝」。

夏 四 月甲 寅,臧孫許卒。

譏 世 卿 也。 大意見《隱元年》「益師卒」。

公如晉

歲 朝 伯國、諸侯事天子之禮、亦未

之有 也。 義 又見《僖 十年》「公如 齊

)高氏 曰:「公連歲如晉者,以嘗 即 楚

故也。」

葬 鄭襄公。

貫道王氏 曰:「未五月而葬,速也。 鄭 費

將以伐許也。」義又見《隱三年》「葬宋穆

公。

秋,公至自晉。

高氏曰:「 踰 時 而 返。」義又見《桓二年》

公至自唐

冬,城鄆。《公羊》作運

鄭伯 伐 許

年》「城中丘」。

張氏曰

即

濟

南

府

鄆城縣。」義見《隱七

《後漢志》屬

廩

丘

。」又見《文十二

年》。

昭公所出居者。

東郡

廩 丘

縣

東

有

鄆

城,

程 子曰 :

禮從戎。」愚案:鄭 稱鄭伯,見其不復 至此三伐許,辠 爲 喪, 自 以

矣,況居喪乎? 義又見《隱二年》「鄭伐

衞」。 〇董子曰:「父卒未踰 年,即 以 喪

舉 師 也。 《春秋》以薄恩 且. 失其 子 繼其

人喪,子以喪伐人。父不義於人,子失 業者,宜矜善以覆之。今又重之,父伐 其先君襄公伐喪叛盟,得皋諸侯。

恩於親也。

Ŧi. 年春,王正月,杞叔姬來歸。

叔姬,宣公女,成公姊妹也。 杜氏

Ξ Τί. 九

見

吉

「出也。」義見《宣十六年》「郯伯姬來

歸。 逆喪 人之大倫也。 於内女,其歸其出詳録之者,男女居室, 起文也。 此 又爲 八 男子生而願爲之有室,女 康侯胡氏曰: 年叔 姬 卒而 九 年 「《春秋 杞 伯 來

苦、淫僻之辠多矣。王法所重,人倫之之,而不能爲之擇家與室,則夫婦之道子生而願爲之有家。父母之心,人皆有

「郯伯姬、杞叔姬,易世皆出,人倫之本,録之詳爲後世戒也。」存耕趙氏曰:

孫蔑如宋。

《左氏》曰:「報華元也。」義見《隱七年》仲孫蔑如宋。

齊來聘

穀,見《莊七年》。義見《文十一年》「會夏,叔孫僑如會晉荀首于穀。首,《公羊》作秀。

于承筐」。

梁山崩。

云: 焉。」義見《僖十四 鎮也。 杜 日 「《詩》:『奕奕梁 氏 『 梁 曰 : 同 後爲晉 州 Щ 梁 韓 山 晉 城 所 在 縣 山,韓 滅 望。 年 馮 有 而 翊 禹 沙鹿崩 大 侯受命。』韓 康 夏 貢 夫 陽 梁 侯 韓氏 縣 Ш 胡 北 氏 以 爾 國之 爲 張 티 : 雅 邑 氏

秋,大水。

,十有一月己酉,5 義見《桓元年》。

冬,十有一月己酉,天王崩。

《左氏》曰:「定王崩。」 牢之盟,又其甚 朝,魯侵宋,楚伐鄭, 七年魯三望,諸 二月盟于蟲牢,六年取 侯 者 同 也。 嬰齊、行父聘晉,及 盟 等 郭, 衞 愚 義 謂: 事 起文。 又 侵宋, 邾 書此 見 隱 而 爲 + 蟲 來

十有二月己丑,公會晉侯、齊侯、宋公、衞侯、

年》。

鄭 伯、 曹伯、邾子、杞伯 同盟于蟲牢

於諸 獻 可 杜 侯之下者,以 氏曰 "「晉、齊序於宋上,杞伯 强弱爲大小也。」 杜 氏 序

牢。』《左氏》曰:「許靈公愬鄭伯于楚 六月,鄭悼公如楚,訟不勝,楚人執皇戌  $\Box$ 「蟲 牢,鄭 地。 陳 留 封 丘 縣 北 有 桐

盟於蟲牢,鄭 八月,鄭 伯 及 服 晉 也。」未詳信否。 趙 同盟于 垂 一棘。 康侯 冬,同 胡

及子國,故

鄭

伯歸

,使公子偃請

成於晉

氏 而 奔 曰:「天王崩,赴告已及,以所聞 喪禮 也。 而 九 國 諸 侯 合會盟 不廢 先後 見

有 其皆不臣。 :惡焉 者,此類是也。」義又見《莊十 《春秋》惡 盟 誓,於惡之中又 六

年》「同盟于幽

六年 春,王正月,公至自 會

非天子之事 義又見《桓二年》「公至自唐」。 ', 踰 年 而 返,則不 得 視 Ī 朔

> 高 氏曰:「書『公至自會』者,非奔天王之

喪也。」

月辛巳,立武

公羊》曰:「武宫者何?

言立 常 師 亂妄作之由。」孫氏曰:「宗廟有常,故 室。』聖人於此 之禮,若文、武之二桃 宫,同於世室,與伯禽爲二祧,蓋僭天子 孫行父自多其功,一旦出 者,蓋武公敖在 子,於公爲十一世祖,毀之已久,而 高氏曰:「武公乃伯禽九世 曰: 『魯公之廟文世室, 武公之廟武 昭、二穆,與太祖之廟五。』《祭法》曰 有 Ш 劉 功,而謚 氏 此言『立武宫』,非禮 曰 : 日 「《王制》曰: 書『立武宫』以 宣 『武』焉。  $\overline{\pm}$ 時, 也 南 武公之宫也。」 言諸 私意,再爲 至 征 故《明堂位 可 孫,獻 成 北 著季 知也。」〇 侯 伐,佐 公時,季 Ŧi. 氏 公之 輒 廟 世 Ì.

之,不 矣 ! 堂 與 書法與《祭法》之論 輒立之,非禮明 爲鬼。』然則諸侯宗廟古有 墠,壇、墠有 祖考廟,享嘗 王考廟 諸 、煬宫同於失禮違 位》之言,其爲 侯立 可復 其亂聖 日 Ŧi. 皇考廟,皆月祭之。 立 廟、一壇、一 禱 制 也。 乃止。 焉。 矣。」 而 誤後學也 武宫其毁之久矣, 俗 祭之無禱 制 張氏 廟 去 儒 斷 制 祖 墠。 之  $\Box$ 則 爲 爲 彝 論 可 「觀《春 乃 壇,去壇 武宫之立, 典,過則毀 日 明 止,去 知。 考 顯 矣。 考廟、 廟 《明 秋》 而 爲 甚 日

取 鄟。 音專,又市臠切

日 滅 : 而 書「取 鄟 微 或 」,見《宣九年》。 也。」義 見《 莊十 康 年 侯 胡 齊 滅 氏

譚

衞 孫 良 大 夫專兵以侵同 夫 帥 師 侵宋。 盟之國,皋自見矣。

義

四

卿

並書之意同。

當時大夫專擅、各自

前

又見《莊十年》「公侵宋」。

夏六月,邾 子 來 朝

矣。 見惟 日 義見《隱十一 : 魯 且天王 陵 我 取 是 鄟 畏 新 年 而邾子遂來朝,其 也 即 》「滕、薛 位, 不 朝 來 而 朝」。 朝 强 魯 弱 此 高 口 口 知 氏

公孫嬰齊 如 晉

《左氏》曰:「子叔聲伯如晉,命伐宋。」未 詳信否。 義見《隱七年》「齊來聘」。

壬申,鄭伯 費 卒。 費,音祕

《左氏》曰: 年》「滕侯卒」。 剪 此又爲楚伐喪起文 悼 公卒。」大意見《隱七 也

秋、仲孫蔑、叔孫 宋」。 《左氏》曰 命也 一。」未詳 朴 : 鄉吕 孟 僑 信 如帥 否。 氏 獻 子、叔 曰: 二二卿 義 師侵宋。 見《 孫 莊 宣 + 並 伯 年》「公侵 書, 侵 宋,晉 與

帥 師 而 公家微矣。 是故侵宋之事 小

而 專 權 之 患 大。」

楚公子嬰齊帥 師 伐鄭

《左氏》曰:「楚子重伐鄭,鄭從晉故也。」

康侯胡氏 曰:「鄭能 背夷 即 華,是改 過 遷

善也。 蔡師」。 之,不義甚矣!」義又見《莊十年》「荆 嬰齊爲 ○愚案: 楚書大夫帥師始此,見 是 帥 師 又 因 其 喪 而 敗 伐

亦在大夫,而楚漸衰矣。 夷狄之盛,同 於 中國 也。 然 楚國之權

冬,季孫行父如晉

義見《隱七年》「齊來聘」。 ○許氏曰:

書,相望於《春秋》者,大夫强 仲孫 蔑、叔 孫僑 如、季孫 行父有 也。 如 必

晉 樂書帥 師救鄭。救、《公羊》作侵、非也

角,楚師還。」義見《莊二十八年》「救 《左氏》曰:「晉樂書救鄭,與楚師 遇於繞

鄭

鼠 七 年 春,王正 月,鼷 鼠 食郊牛角,改 1 牛。

鼷

又食其角,乃免牛。 不 僭 弱,三桓 謂之甘口鼠。」愚聞 神不歆 李巡曰:「鼱鼩 云:「小鼠。」《爾 知變懼,而 郊 乎? 非類, 擅政,兵煩税 鼷 又 鼠 惟德 ,鼠,一名鼷鼠。」《説文》 食 食 雅》云:「有 鼷,音兮。 其角,天譴 馨 郊 有 其誠 牛 香。 重,神怒人怨,況 角,天示 祀時 則 盤毒 有 深 其 成公幼 矣。 譴 (神,故 者,或 也。

吴伐郯。 傷大意略同。 音談

人書此,爲後

世

**一鑒**,與

1

郊

不從及郊

4

聖

陸氏 章於吴,爲子。 太伯仲雍之後。 元年,成公之六年也。」張氏曰:「其 「吴,姬姓,子爵。 至壽夢而僭 武 王克商 」, 封 稱王。 周 其曾 太 王之子 壽 地爲 孫 周 夢

平,其 **『入州** 郯成。 伐 也。」義 之役,兵連上國,於是始見於《春秋》,志 患漸息,而吴之擾方始。]許氏曰:「伐 者,吴盡 教之射御 自楚之申公巫臣自晉適吴,通吴於晉, 之者,吴始大也。 氏曰:「吴、郯相去本隔江 吴 郡,今平江也。」《左氏》曰: 而莫之或恤,無 來」,著十 誰不受 季文子曰:『中國 又見《莊 取 戰 之。 陳 亂 至是 以 + ? Ŧi. 叛楚,蠻夷之屬 年》「荆 年之所 初,吴本受盟於楚。 吾亡 弔者 而 又陵 不振 也。 無 敗 淮 以 日矣!』」黄 中 二水,而伐 蔡 旅、蠻 夫有上不 會 或 吴伐郯 師 于 楚 於 鍾 夷人 郯 之 楚 離

> 《左氏》曰 年》「滕、薛 來 曹宣公來朝。」義 朝 見《隱十

不郊,猶三望。

者,以吴、 高氏曰:「免牛,則 曹事 隔 其文故,爲三望起也。 不郊矣。 復書『不郊

義見《僖三十一 年》。

秋,楚公子嬰齊帥 師 伐鄭。

胡氏 《左氏》曰:「 E . 楚軍 楚子 旅 數 重 起 伐 鄭 頻 師 年 於 伐 氾。 鄭 所 康 謂 侯

師

皋自

見

也。」義

又見《莊

+

年

- 》「荆

敗

蔡

子、杞伯救 公會晉侯、齊侯、宋公、 鄭。《公羊》、《穀梁》無齊侯 衞 侯、 曹伯、 莒子、 邾

《左氏》曰:「諸侯救鄭。 儀 楚師,囚 歸 囚 諸 鄖 軍 公鍾 府 人儀, 獻 。」未詳信 諸 鄭共仲、 晉。 否。 晉 義 人以 侯 見《莊 羽 鍾 軍

夏五月

曹伯·

來

朝

中

或

也,伐郯。

中國莫之問,故駸駸焉交亂

戴氏曰:「荆之始見也,入蔡。

吴之始

見

八 月 戊 辰 同 .盟于 馬陵。

H 有 杜 莒服 氏 地名馬 曰 : 故 「馬陵、衞地。 陵。」《左氏》曰 也。」未詳信 否。 陽平元城縣東南 「尋蟲牢之盟 義見《莊十六

公至自會。

年

吴入州來。 義 見 桓二年》「公至自 《公羊》、《穀梁》作 唐

是以 公巫 也。 重請 之,非楚邑也,特是 愚 淮 孫 南下蔡縣是也。」張氏 氏 案: 楚始封 也 《左氏》曰:「楚圍宋之役,師還。 臣 日 爲 取於申、吕以爲賞田、王許之。 一: 州 晋、 賦 曰:『不可。 以以 鄭 來,微國。」杜 必 御 不至淮 至於漢。』王乃止。 北 方。 此申、吕所以 時 南。 屬 若 日: 二 楚耳。 壽州 取之,是 氏 日 屬 一:「楚邑 本 孫 侵 壽 邑 無 子重 説 州。 小 申 也 得 申 子 是

清 焉,使爲行人於吴。 夢説之,乃通吴於晉。以 而 之,遂取 是 是始大通吴於上 七 子重自鄭 徐。子重 車,教之戰 吴,舍偏 死。』巫臣請 自晉遺二子書曰: : 蕩之室,子反取黑要與清尹之室。 巫臣 子重取子閻之室,使沈 位,子重、子反 以 奔 多 尹弗忌 命 怨 殺 不辜。 巫 以行。 兩 一奔命。 蠻 奔 及襄 臣。 之一焉。 陳,教之叛楚。 命。 夷 使於吴,晉侯許之。 殺 屬 老 子反 子反亦怨之。 余 子重、子反於是乎一 於楚者,吴盡 國。」邦 巫臣之族子閻 馬陵之會,吴入州 之子黑要, 「爾以 必 吴始伐楚,伐巢,伐 欲 與其射御,教 使 尹與王子罷分子 取 爾 衡胡 讒 夏 罷 兩之一卒 **悪食**惏 真 其 子 娅, 丽 氏 及 於 取 分其室 、子蕩 티 : 吴子 奔 共 巫 之。 事君 吴 命 狐 Ŧ 臣 於 歲 庸 乘 滴 壽 U 及 即 止

吕氏 未有不貽其患者 憂。然楚 之莫制矣。」義 人《春秋》,不踰一年 曰:「通吴,誠 病 而 晉 又見「吴伐 亦 足 病 而 以 矣,借助 再 病 郯 伐 楚 或, 而 於夷 紓 見 晉之 東 夷 狄 萊 狄

冬,大雩。

孫林父出奔晉。 義見《桓五年》。

衞

衞起文也。 二十八年》「元咺奔晉」。又爲十四年歸杜氏曰:「林父,良夫之子也。」義見《僖

于齊。 八年春,晉侯使韓穿來言汶陽之田,歸之

來言 杜 之,私焉,曰:『大國制義以爲盟主,是 年 氏 所 汶 日 -取 陽  $\mathbb{H}$ 之 齊 .° | |≪ Ш 服 歸 事 左 晉 氏 之於 **>** 故  $\Box$ 一晉侯 晉 齊。 來 語 季 魯 文 使 子 韓 使 以 餞 穿 還

陽

之田

本

魯田

也。

魯人恃大國之威

陽

之

田

歸

之於

齊。」」康

侯

胡

氏

日

汶

耦, 義,義 制 猶 體 諸 而 日 之未遠,是 之,其何 士 可 敝 田 "「魯之土地,天子所封,非晉侯 邑。 知, 侯懷 在 制 而 奪,二三孰甚 也 ? 敝 而 晋 罔 也。 失諸侯也, 《詩》 況霸主? 霸主將德是以,而二三 義 以成命,小 今有二命 邑之舊 也。 極,二三其德。」七年之中,一 德畏討, 以 晉侯 無 用 長 曰:「女也不 所 故 有 大 也 曰 使 <u>立</u>, 焉! 是以 簡。 諸 日: :『晉侯 歸之於齊 無 或 侯 四 而 有 所 乎?《詩》曰:「 方諸 行父 敢 用 士之二三,猶 貮 望 歸 私 師 爽, 心。 使 而 諸 言之。」孫 懼晉之不遠, 於 侯 齊。」信 韓 是 懷 士 齊, 其 謂 穿 也。 魯 貮 誰 汶 來言 或 使 其行。 不 之命 信 陽 미 喪 以 歸 汶 得 氏 猶 妃 與 解 不 之 行

正疆 理於 宋公使華元來聘。

以

兵

力脅齊,

得其

故地,而

不

令於齊曰:

『反魯、衞之侵

 $\pm$ 

一,則

取之不以

其

道 也。

郤

地。』齊既 克戦 勝 從 《左氏》曰:「宋華元來聘,聘共姬 氏曰:「婚聘不 使 卿

之。」義又見《隱七年》「齊來聘」。 ,今華元將

命

改書

也。」杜

夏,宋公使公孫壽來納幣

穿也列

其

孫壽, 幣,豈所謂遠嫌邪?」康侯胡氏曰:「公 杜氏曰:「壽,蕩意諸 曰:「公子、公孫,乃同族兄弟,而爲 略,亦 卿 也。 不可過,惟其 納幣使 卿,非 之父。」東萊 稱 而 禮也。 믄. 略 禮 君 吕 不 邨 納 氏

嫁、皆致其厚者也,而不知越禮踰制,豈 大倫 也。」義又見《文二年》「公子遂納幣」。 所以重大婚之禮哉? 可 過 則 溺 私 愛。 宋公之請 經悉書之爲後法 魯侯之 則

晉殺其大夫趙同、趙括。

《左氏》曰:「晉趙嬰通於趙莊姬。五 春,原、屏放諸齊。 嬰曰:『我在,故樂氏 年

樂書帥師侵蔡。 道也。 年》「公侵宋」。 許氏曰:「侵蔡,報伐鄭,大國争衡而小 卿 國受兵。《春秋》矜焉。」義又見《莊 之。今復有命俾歸諸齊,則歸之不以 ,無所諫止,皆辠矣。」 而齊人貪得,晉有二命。

公孫嬰齊如莒。

伐郯。 與莒通好矣。 邦衡胡氏曰:「自宣四年,公欲平郯、莒 也,書者以見魯與郯 之怨,而莒不 隱七年》「齊來聘」。 惟利是嗜,專恣之甚也。」義又見 · 肯。 故是年之冬,魯會晉伐 至是嬰齊如莒,則 則伐莒,今與莒 則 郯 魯

之勳 殺 武 曰 夫豈無辟 矣。三代之令王,皆數 其 討 『原、屏 莊 不 有 趙 能 大夫」。 田 而 姬 作 「不敢 同、趙 反其 ()宣孟之忠,而 與 爲 不能,舍 祁 將爲亂。」樂、郤爲徵。六月,晉 我 趙 奚。 田 王 亡,吾二 侮 嬰之亡故,譖之於晉侯 括 焉 鰥 我 韓厥 賴前 武從 寡。」所 何 義見《莊二十 [害?] 昆 言於晉侯曰:『成 哲 姬 無後、爲善者其 其 以 以 氏畜於公宫。 百年保天之禄, 一弗聽。 憂 明 免 哉 德 也。 六年》「 也 八年 《周書》 且 乃 人 曰 : 曹 V. 爠 季 以 趙 各

疑誤 七 月,天子使召伯來錫公命。 錫、左氏 作 賜

秋

啖 啖 「元年春,王 氏 説近是。 曰:「稱天 蓋天子、天王 正月,正 子,誤也。」《公羊》 也,其 雖 餘 同, 皆 通 然 矣。」 日 春

> 命乎? 知誤 又 錫,賜也。《左氏》曰:「召伯,桓公。」康 秋》二百 又見《莊 見,既更五 侯胡氏曰:「成公即位,喪服已畢而不入 未嘗敵 也。 皋邦 元年》「榮叔錫桓公命 四十二年之中 召伯,見《文五 王 服一 所 君不 愾, 而 朝之歲矣,而 王天子, 僭賞 有 功 年》, 惟 也 此 此 不如 稱 何 其 子 也。 爲 後 京 爾 來 師 也 義 賜 故

冬十月癸卯,杞叔 起文也 杞故 啖氏 日 也。」愚謂 : 叔 姬 姬 雖 卒 又爲明年二月伯 出,猶 書『卒』,

爲

喪

歸

姬

歸

宋

晉侯使士燮 來 聘

其 貨,事無二成。 可,曰:『君 左氏》 事吴故。 日 命無 公賂之,請 士: 君後 貳,失信不立 燮來 諸侯,是寡君 聘,言伐 緩 師 郯 文 禮 也, 子 不 無 不 得 以 加

孫懼,使宣伯帥 | 九年春,王正月,杞伯來逆叔姬之喪

以

歸

孫僑如會晉士燮。齊人、邾人伐郯。師會伐郯。」義見《隱七年》「齊來聘」。

叔

事

君

也

變將

復之。』季

僑 薛氏 不敢違,其 晉之爲 如 諸侯 曰:「吴伐郯而不能救,服吴則伐 會晉士燮。 盟 無所措手足矣。」康 不能 主 口 見矣,魯 齊人、邾人伐 立 一亦可 知 既 矣。」義又 知 侯胡 郯 其 不 氏 可  $\Box$ 見 गां :

衞人來媵。

《隱二年》「鄭伐衞」。

則治 繼 來 諸 此 孫 年,齊人來媵。」康侯胡氏曰:「媵者何? 女,備書三國 嗣 媵 侯有 年 氏 亦 衞 日 以 三或 \_; \_\_ 以 三歸: 人 欲敗禮 姪娣 來 媵 來 媵。 伯 嫡夫人行 媵,非禮 從。 以 則 姬 明踰 亂 九 也。 凡一 年,晉 制,爲後戒 也。 而 唯 娶九女,所 則 諸  $\pm$ 姪娣從,二國 人來 侯 夫以 后 一娶十 三國 媵。 禮 也。」 以 制 媵 + 有 欲 廣

> 公會晉侯、齊侯、宋公、衞侯、鄭伯、 之也。 祖宗 姬既 月 出 未成婦於其祖者,不可以 反於杞, 也。」陸 曰:「禮,婦人未廟見則歸葬於女之黨, 穀 而 梁》 乎? 死 絶矣,生不奉其祭祀,死豈 然則出婦有反歸之禮。 杞、魯之不正,均也。」 猶 氏  $\exists$ 而死反葬,故 日 : 是則魯不 葬於女氏之黨。 : 夫 禮有 無 逆 婦婦 應使之也, 杞不應逆 E 既 出 非禮 練 妻 袝其 之 而 今叔 也。」〇李氏 但女嫁未 反,未 喪 (姑也。 可 曹伯、 成 而 姬 爲 練 生 婦 未 之 莒 於 叔 而

子、杞伯,同盟于蒲。公會晉侯、齊侯、宋公、德侯、鄭作、曹伯、莒

『德則不競,尋盟何爲?』范文子曰:『勤以尋馬陵之盟。季文子謂范文子曰:之田,故諸侯貳於晉。晉人懼,會于蒲,蒲,見《桓三年》。《左氏》曰:「爲歸汶陽

《莊十六年》。 要之。 矣,何必馬陵? 鄭、魯皆有叛晉之心。 之相要不足信久矣,五年之中凡三爲 德不足以 晉之無策也。 同,不即人心甚 血之信以 以撫之,寬以 柔服 懷,威 爲 而 固人心,其可 待之,堅强 ○貫道王氏曰: 伐貳,德之 盟 不足 矣!」張氏 馬 而 陵足矣,何必 可 以震,惟恃 保諸侯、蟲 執 以御 鄭 次 厚誣邪 曰:「自此, 也。 之,明 盟魯,紛紛 甚 品 于 牢 哉 義 品 蒲 神 足 盟 歃 見 以

伯

姬

有杞

叔姬

之服

加

嫁

也

楚,不致危鄭,討鄭

可

也。

今楚潰

莒人

又

見

夏,季孫行父如宋致女。

義也。父母使人操禮致之。」孫氏曰:「古者婦人三月而廟見,祭於禰,成婦之劉氏曰:「致之者,成之也。」何氏曰:

晉人來媵。

使卿,非禮也。」

秋七月丙子,齊侯無野卒。義見「衞人來媵」。

義見《隱三年》「宋公卒」。

晋

人執鄭伯。

晉樂書帥師伐鄭

《左氏》曰:「楚人以重賂求鄭,鄭 貳於楚也,執諸 侯以伐諸侯矣。 義又見《隱二年》「鄭 王. 公子成於鄧。秋,鄭伯如晉。 氏 曰:「既 執其君,又伐其 銅 ○許氏曰:「使 鞮。 伐 樂書 衞 國 伐 此 晉人討其 甚 鄭。」貫道 晉 則 伯 |矣 ! 能 執 會 制 楚

楚公子嬰齊帥

師伐莒。

庚申, 苕潰。

楚人入

義

見《隱三年》「葬宋穆公」。

有一月,葬

齊

頃

公。

頃,音傾

劉

氏

 $\exists$ 

鄆

,

莒之

附

庸

也

任

氏

H

者亦 之, 其後 之,蓋以不 會 之難,而 心 是時 盟 後鄭伯 高 鄆 司 秋》之義 於 盟 撓 氏 也 明 五年。 晉 曾 中 楚 日 楚適 年又 不 或 者, 而 受盟 侯 無 輕 自 能 晉 自 數 虚 信 備 辱 使 蓋追怒晉之不德, 及楚一求成於鄭 救, 凡二十年間,諸 伐鄭 人 反 歲。 邲 蒲 吴,未 其 衞 乃 及蒲之會,所以 以 之盟 之戦 而 君 侵,又 執 ,更蟲牢、馬 盡 是禍 禁鄭之貳 故 暇争鄭,故 辱鄭伯 其 故 鄭之從 道 會諸 與 爾 也,實 楚 而 伐 侯 侯 又 後責人矣。」 於楚。 楚者 陵之會,然 晉 弗 尋前 之 使 許、侵宋 鄭 伐 而 (樂書 有 之在 師 恤 鄭 鄭 十年 侵伐 以 伯 小 H 《 春 伐 之 或 甘 晋 方

惡。 鄆。」《· 吴、魯 九 唯 稷 已惡 假 惡,衆潰,奔莒。 爲虞?』對 氏曰:「莒,今密州,在吴、魯之東。 而 人 東 俘。」 者 囚 年十一月,楚伐莒,圍 或 道於莒,與渠丘公立於池上,曰:『 鄆 即 楚公子平,楚 思或 庚申, 莒潰, 楚遂入 左氏 而伐 何 鄆 也 苩 國 也 縱 人殺之,楚 曰:『夫狡焉思啓封 》曰:「晉侯使 。」張氏 杜 之,國小 蔑 也。 氏 有 日 ? 戊 勇 : 日 人曰:"勿殺 申 唯 夫 而 城 -, 楚人 陋 師 然,故 潰。 重 鄆 陽 在 鄆。 申 韋 閉, 渠 州 姑 夷,其 公 苔。 八於渠 丘。 楚又 須 幕 多 況 巫 莒 疆 城 縣 ! 或 大 臣 無 苔 孰 乘 渠 E. 以 縣 南 乎? 或 如 丘 備 城 楚越 吾 以 勝 利 有 矣 吴。 城 故 亦 歸 莒 城 我 黄 社 員

未至 義 爲 治其國家,使民效死弗去, 莒, 莒既潰, 又入鄆 也 一。」未 或 又見《莊十年》「荆 於 亦 詳信 潰 可 也。 知 矣。 否。 楚一加 愚案: 若 ,其辠大矣。 鄆 敗 之小 兵而 蔡 夷 師 狄 則莒 即 其 大 潰 能 夫 雖 支乎 然 專 則莒之 小,猶 莒 兵 能 伐

人、白狄伐 事 殺 又 可 民 焉,豈亦不 矣。武王伐商,庸 狄 曰 : 左氏》 與 伐 其 也 以 於水火之中,雖 世 非 觀 秦,秦亦 經 臣 中 我 所 曰:「諸 晉 미 或 族 謹 謹乎 而 謂 友 者, 類 諸 與 深 邦, 者 ? 侯 華 切 白 侯 共 自 皆貳,秦、狄交伐。 著 蠻 夷 除 狄伐晉,族 蜀、微 貮 焉,不亦甚 相 夷 之 明 天下之殘 故 侵 戎 辨 矣。」義又見《隱 也。 伐、已 狄, 盧、 也。 彭 以 康 類 晉 賊,而 乎? 爲 義 濮 侯 不 嘗 不 驅 皆 復 胡 與 義 之, 晉 比 É 出 分 氏 肍

人圍許。七年》「伐凡伯

鄭

《左氏》曰: 伐 詳 將 是則公孫 怨,大臣之辠也。」義又見《隱 信否。 . 衞。 改立 君 者 張 申謀之曰:『我 而 「鄭人屋 氏 티 : 舒晉, 使 君在 [許,示] 晉 出 外 晉 必 師 而 不急 歸 以 二年 興 君 韋 師 で』、未 君 以 也 復 鄭

城中城。

秦

城  $\pm$ 所 不 康 邑 以 中 貴,而 七里之郭 公設險以 倚 侯 城,葉 爲 也 國,辨尊 城 胡 在 郭 氏 書 氏 東 溝 曰:「内 守其 海 城 池 卑,分 設 廩丘 中 經 以 國, 城 險 爲 世 縣 城 貴 古 之 非 安 其 西 也。 民 賤 大 歟 也 爲 南 ? 端 明 視 杜 儆 城 也。 等 曰 : 前 守 道之得 氏 非 威, 益 説 日 謹 百 春 微 近 於禮 異 雉之 是。 矣。 秋 失, 物 魯

後學成德校訂

## 春秋本義卷第十九

成

公

+ 车 春,衞侯之弟黑背帥 《左氏》曰:「衞子叔黑背侵鄭 師侵鄭。 晉命 也。

叔黑背生公孫剽,孫林父、甯 未詳信否。 康侯胡氏 其 日弟者,子 殖出 衞 侯 Ŧi. 伐

鄭。

戒, 衎 立 耳。 而 可 ij. 謂深 此 剽,亦以其父有寵愛之私,故得 與齊之夷仲 切著明矣。」義又見《莊十 年 無 異。 其 爲 年》 後

夏四 月,五卜郊不從,乃不郊

公侵宋」。

公羊》曰:「其言『乃不郊』何?

不免

十一年與襄之十一年是也。 者 郊, 牲。 此是也。 失,此加五 邪?」義見僖三十一年。 瀆甚矣。皇天饗道,果可 異。」前説 則 故言『乃不 襄之七年是也。 是 近是。 免 ト之瀆耳。 牲 也。 郊 師 氏曰: 其 也。 文 四卜 陳 案: 雖 但 以僭而徼其 「卜至於五,其 岳 彼 殊, 者二,僖 五卜者一, 氏 郊言三ト 加三望之 其 日 当 吉 無

月, 公 一會晉 侯、 齊侯、

宋公、

衞

侯、

曹

伯

齊人來媵 心,而 伐 背侵鄭,今復會 案:二年之中,執 而 衞 觀,義 以 自 力 見矣。 焉 宜 Ŧi. 鄭伯, 其 或 義 徒 伐 又 木 鄭。 見《 樂書伐鄭, 生 隱二年》「 民 不 能 也 服 比 衞 鄭 鄭 事 之 黑

之。 高 氏 普、 F 衞 伯 己 備 姬 其 嫁 數,豈 已久, 可 而 復 諸 加 侯 乎?! 猶 來 媵

又見「衞人來媵」。

丙午,晉侯獳卒。獳,乃侯切。

此爲「公如晉」起文也。

秋七月,公如晉。

侯。 晉,晉人止公。 孫 辱之。」劉氏曰:「天子之喪,動天下屬 冬,葬晉景公,公送葬,諸侯莫 氏曰:「奔喪 諸侯之喪,動通 使送葬,於是 也。」《左氏》曰:「公如 國屬大夫。大夫之 糴 在 夜 魯 未反 諸 人

切。

《公羊》作州

喪,動 行 朋 也, 友。 非 庶人之喪,動 或 禮 屬 也。 修士。 以 謂 州 士之喪, 里 唯 屬 天 黨族。 子之事 動 公之 鄉 焉 屬

十有一年春,王三月,公至自晉。冬十月。《公羊》無此,蓋闕文也。

可

也。」

公。 鑒。 免追 晉九月始得 享,民事 左氏》曰 公請受盟,而 義又見《桓二年》「公至自唐 悔 於其 不親 「晉人 終。 歸 蓋 魯。 不能  $\wedge$ 後 以公爲 春 IE. 使 秋 謹 朔 歸。」愚謂: 禮於其 書 不視,宗 貳 此,爲 於楚, 始, 社 後 故 故 # ıĿ

晉侯使郤犫來聘。己丑,及郤犫盟。犫,尺由

之而 《三年》「荀 以吉禮來聘,見當 文、宣以前 本受命來 己,而稱晉侯使郤 從父兄弟。」愚謂 晉侯,厲公也。 晉、魯受疑,屢 與之盟,皆禮之壞 聘,而 大夫來聘 庚 來 杜 聘 遂 盟 犫, 斬 時 氏曰:「郤犫,郤克之 晉厲 專 不 禮壞 未有 盟,魯 르, 在喪,不使卿 然衰經之中 者也。 邦 至 誠 盟 不能 此。 衡 者 不 胡 足 ,至此大 義又見 況大 氏 以 故 禮 日 也。 却 夫 總 而

三七六

夫 專 權 來聘,既 雖 專盟 奉 命來聘 於 前 郤 而 犫 與 我 來 盟。 聘, 復 故 專 荀 盟 庚

亦

可

知也。

晉厲爲諸侯,且居

喪次,首

不待言矣。

然三公至於出

奔,周之無

政

受逋逃之臣,晉之辠著矣。

〇宋氏曰:

「王臣出奔、諸侯當執以歸

京

師。

晉 納

夏,季孫行父如晉

於後。」

報郤 犫之聘也。 義見《隱七年》「齊 來

亡命,而

主

逋逃,無

所畏

避

天子。

夷諸

聘」。

秋,叔孫僑如如齊。

《左氏》曰:「宣伯聘于齊,以修前好。」〇 高氏曰:「自鞌之役,而齊、魯絶交,至是

乃復通。」義見《隱七年》「齊來聘」。

冬十月。

十有二年春,周公出奔晉。

《公羊》曰:「周公者,天子之三公也。」

《左氏》曰:「周公惡惠、襄之偪也,且 伯與争政,不勝,怒而出。 及陽樊,王 使 與

晉。」愚謂:周公爲天子三公而出奔,辠 劉子復之,盟 于 鄄 厛 人。 三日 復 出 奔

> 夏、公會晉侯、衞侯于瑣澤。瑣、《公羊》作沙。 侯、京師 同 列國 也。

陸氏曰:「瑣澤,鄭地。」朴鄉吕氏

「此會爲伐秦爾。」義見《隱 九年》「會于

防」。 略諸國而致魯、衞,則以見厲公之德不 ○高氏曰:「晉厲之會,實始乎此

秋,晉人敗狄于交剛

能謹始、諸侯多解體矣。」

齊伐戎」。

陸氏曰:「交剛,鄭地。」義見《莊二十年》

十有三年春,晉侯使郤錡來乞師。 冬十月。

錡,魚倚

乞之。 討 張 手 以 出 伯體也。」○康侯胡 不 ·足以 以 於王 賊 令諸 氏 聽 子 日 \_; \_\_ 聖人 令諸 命? 請 侯 命 也。 自 然攘夷討 於天王 直 侯矣,故懼 齊桓 何至於乞哉 書 今晉以 以 以 以 氏曰:「晉若誅亂 見 來, 皋 其 私 大義驅之, 一,爲中 其不從 舉 怨報 召兵侵伐 事 或 不公,自 秦 而 舉 誰 卑 則 不拱 詞 其 猶 雖 義 足 貶 以 不

伐秦。侯、齊侯、宋公、衞侯、鄭伯、曹伯、邾人、滕人侯、齊侯、宋公、衞侯、鄭伯、曹伯、邾人、滕人三月,公如京師。夏五月,公自京師,遂會晉

書『公 氏 未 秦 孫 五. 一。過 有 服 氏曰 曰 : 因 如京 京 : 諸 朝 諸 師 「公朝京 侯 侯 師 而 王 伐 擅 自 朝 乃 或 興 時巡,諸侯 兵 過 非 師 京 禮 禮 報 師 京 · 遂 也。 怨, 師 也 朝 而 會 ^ 王 因 朝 周 兵 伐 之 會諸 秦』。 于方 官》六 過 事 一京 侯 師 高 故 年 伐

> 懼作 其義 『夷 補 天 大倫,至於此 師」,不成 朝 侯 可謂 『公如京 會諸 爾 朝 此 王,爲 之哉 理 其辠之大者。」○朴鄉 即 狄 巡 非 必 微 侯, 得 ^ 位 之有 春 狩 其 存 行 而 會晉 盟 師,公自京 于 尊 秋 服 則 顯矣。」 朝禮,不 于踐 方 周 君  $\forall$ 喪 欲 極。 臣 以 爾。 不 之本 岳 畢 明 士。 必 心 則 康 則 如 消,大倫 敬 君 故仲尼嘗喟 敬 成 朝 心 朝 侯 師,遂會 公朝 諸 於君,子必 臣 莫 也 公如 胡氏 夏之亡也。」 小 大 之義者,至矣 此 吕 于王 聘、 焉 年 僖 京 必 氏 曰:「古者諸 諸 書『公 公書 師,爲 1 Œ. 日: 大 侯伐 然歎 贵 敬於父, 聘 君 「僖 曰 爲 臣 如 終 秦』, 伐 此 日 此 之 京 書 則

曹伯 劉 廬 氏 卒 日 于 一个子師 師 廬,陸德明云:《左氏》本 日 師,卒于 會 亦作 E 盧

愚

三七七

義也。義見《隱三年》「宋公卒」。 謂:此記實事,以起葬曹宣公之文,無他

秋七月,公至自伐秦。

年》「公至自唐」。 等。」此《春秋》之意也。」義又見《桓二享。」此《春秋》之意也。」義又見《桓二其有不享。惟不役志于享,凡民惟曰不以《書》曰:『爾其敬,識百辟享,亦識也。《書》曰:『以伐秦至,著公此行實非朝

冬,葬曹宣公。

義見《隱三年》「葬宋穆公」。

有四年春,王正月,莒子朱卒。

張氏曰:「莒子,季佗也。」大意見《隱七

年》「滕侯卒」。

夏,衞孫林父自晉歸于衞。

犫送孫林父而見之。衞侯欲辭,定姜焉,定公不可。夏,衞侯既歸,晉侯使郤《左氏》曰:「衞侯如晉,晉侯强見孫林父

矣 ! 於亡 又以 亦自此矣。」 見《僖二十八年》「元 大義而受之,其不能君 於出奔,禍兆此矣。」愚謂:林父之辠著 之惡者也。 安,而介恃大國,使之反己,此能 臣其臣矣。」許氏曰:「人臣 也。今林父復自 主,不去其惡,而封 曰:「非特衞之不早辨,晉之政在大夫 晉奉之也。 曰:「衞定惡林父,知所惡矣。 不亦可乎?』衞侯見而復之。」貫道王氏  $\vdash$ : 『不可 乎? 爲請,不 晉厲之惡 ! 君其 唯其辨之不早,是以 衞元咺 許,將亡。 是先君宗 顈 晉歸,衞不得君其君 矣! 殖之。 以臣抗君,皆晉爲之 咺 安民 亦 歸 卿 雖 衞 可 衞 之 惡之,不 書曰『自晉』, 定 不唯義之即 知 愐 嗣 不能 矣。 宥宗卿 也 晉爲 爲 衞 張 逐君 獻 義 辭 猶 大 氏 盟 V 至 愈 以 或

秋,叔孫僑如如齊逆女。

以爲戒。」義又見《宣元年》「公子遂逆事,迄今方娶,又使同姓之卿逆之,故書高氏曰:「公即位十有四年矣,國家無

鄭公子喜帥師伐許。

女。

但彼則弑逆之賊與喪娶耳。

理盡矣。」

《左氏》曰:「公子喜,子罕也。」鄭至此四《左氏》曰:「公子喜,子罕也。」鄭至此四,以國大也。」許氏曰:「鄭逼許,楚困鄭,以國大也。」許氏曰:「鄭子,楚困鄭,以國大小、力强弱更相吞噬。 義又見《隱二年》「鄭至此四、左氏》曰:「公子喜,子罕也。」鄭至此四

年》「遂以婦姜至自齊」。此稱氏者,或存故也。」見《僖二十五年》。義見《宣元名也。」石氏曰:「稱婦,宣公夫人穆姜尚劉氏曰:「僑如不氏,一事而再見者,卒九月,僑如以夫人婦姜氏至自齊。

傳寫之誤,無他義也。

衛侯居喪出盟起文也。 義見《隱三年》「宋公卒」。

此又爲次年

秦伯卒。

秦伯,桓公也。不名,闕之。義見《文十

八年》「秦伯罃卒」。

十有五年春,王二月,葬衞定公。

義見《隱三年》「葬宋穆公」。

三月乙巳,仲嬰齊卒。

子系,以王父字爲氏。公之子曰公子,「益師卒」。○孫氏曰:「仲嬰齊,歸父之

公子之子曰公孫,公孫之子以王父字爲子孫,以王父字爲氏。公之子曰公子,

氏也。」未詳是否。

歸于京師。 成、齊國佐、邾人,同盟于戚。晉侯執曹伯,癸丑,公會晉侯、衞侯、鄭伯、曹伯、宋世子

高氏曰:「欲討曹伯,勿與之盟,可也。

假

他

事

相

會,而與之盟,既盟

而執之,非

盟,義見《莊十六年》。執曹伯,義見《僖也。而衞侯居喪出盟,則覩文可見。」同

伯歸自京師起文。而曹伯之有辠無辠,其大夫山二十八年》「晉執衞侯」。又爲十六年曹 宋華元出

公至自會。

則

不

可

知

也。

事見《辨疑》、《或問》。

夏六月,宋公固卒。 義見《桓二年》「公至自唐」。

義見《隱三年》「宋公卒」。

楚子伐鄭。

之與 楚能 亦在 氏曰:「前年鄭公子喜無故伐 義見《莊十年》「荆敗蔡 也。 楚耳。 不惡鄭乎? 鄭昔嘗伐許,而 今鄭 從晉,而 故 楚子伐鄭,爲許 師。 伐 楚 楚 不問,以 許。 之 木訥 許,楚 與 也 國, 鄭 趙

鄭有以招之也。」

秋八月庚辰,葬宋共公。

高氏曰:「三月遽葬,亂也。」義又見《隱

三年》「葬宋穆公」。

其大夫山。宋魚石出奔楚。

奔晉。宋華元自晉歸于宋。

宋殺

『華元自晉歸于宋』,而繼書《左氏》曰:「蕩子山也。」高

與經不合。今據經求義,一時之事而四其爲華元殺之矣。」愚案:《左氏》所載,

書殺

Щ

, 則

知

氏

日

先

書

矣。 奔 故 故 論 大 能 稱 魚 而 矣。 之,卿 者 華元 石 百 論 出 宋 者, 也 之,華 Ш 復 奔 寅 奔 然共公之爲國,從可知 倚 倚 楚, 爲 協 大 各 是皆政 晉 晉 强 大 恭 夫不 元 爲 復 者 以 而 夫 以 擅 倚 殺 殺 勝 而 濟 以 事 楚 在 Ш 山,再 至 而 或 公室,君 道 各 而 大 於見 弱 之權 事 據 夫之弊,其 而 者 爲 君 持 邑以 魚 殺, 死 或 石者 死 用 君 義 H. 亦 叛, 辠之尤 柄,其惡著 事 死 而 奔 也 不足論 既 Ш 而 至 耳 所 一之黨 久,不 争 於 統 由 分 出 來 而

冬十 鍾 宋 華 離 元 于 F. 有 他 燮,息協切。 一月, 義 鍾 書 衞 離 也 會 孫 者, 」者,諸 叔 林 杜 孫 魯會外大夫 父、鄭公子鰌、邾人,會吴于 鮩 氏 僑 音秋 日 侯 : 如會晉 之大 鍾 夫 離 也。 士 往 淮 變、 與 南縣。」張 下 齊高 旲 書「會 會 也 無 咎 旲 氏 無

漸

也

于向。 《隱二年》「公會戎于 比。 也 侯 會 無 夷 于 于 夷狄甚矣。 書 時 子 爲 日 而 。」葉氏 及 鍾離 伯 狄 戚 卿 中 楚 從之。書之以見夷 曰:「吴益 邊 吴子 雖 國病楚,故與吴親 至哀十二年,黄 也 始 且吴之 濠 邑。」《 五書會吳者、《春秋》皋諸 + 此。 州 齊、晉 蓋 日 年,會吴于 襄 城 又非 |: 「春 暴 0 天 Ŧi. 君 下縣 强大,求會 左 常 大國 子 横 年 道 氏 會 Ш 失 微 故 》 曰 秋 憑 會 鍾 劉 政 而 亦皆 夷 吴 陵 潛」。 鍾 池 柤 狄 : 離 氏 心許 而 臣 狄 于 之 1 離 諸 盛 H 行 諸 始 之强, 俛 會 或 善 柤 或 + 侯,諸 : 此 而 彰。」 氏 侯 通 首 四 道 中 向 日 書 尤 則 此 以 亂 吴 嬴 年, 或 莫大 之 公 非 侯 又 大 義 年 與 大夫往 也 姓 變 可 會 昔 爲 夫 會 夷 會 會 又 中 而 也 於 擬 晉 賤 吴 會 吴 會 見 列 程 後 日 狄 或

、楚。小白一起而正之,重耳繼敗城

復從。 會 公不恥 師 也 伐 或 七 不 盟 也。 殺 一,我 于 郯、 能 者 或 楚不 破 柤 故申之會,晉 晉 少 伐 再 楚 皆與 . 已 同 成公之末,吴驟强 振 而 - 得肆。 或 柏 陳、 會 姓 己。 间 舉 之俱,無 君,我遂 反 而 入州 而 身爲 而 率諸 合 與之昏,哀公始 厲公之暴,悼公之賢, 入楚, 蓋 十三國,三會 來,無 鄫 齊 與 侯 舍 不聽於吴 與 與 魯 敗 而 中 橐 不 晋 從之,一會 雖 頓 或 猶 泉 如 , 夫所恃 不 之 志。 而 沈、陳、蔡 有 能 活。 而 從之。 好 以 與 拒 合 叔 及 之 還 其 其 + 而 以 亦 敵 而 不 之 離 昭 其 È 久 合 皆 不 者

許遷于葉。舒涉切

安。 盟 王 鄭 許 微 見矣。 去 自 于葉。」杜 于鄭,請遷于楚。 杜 即 È 緇 疾 弱 遷 而 氏 汝 一爲 伐 不能安 之國 之壞,與 南 日 春秋》深 州 四 ○張 許, 依 文。」皆未 年 葉縣。』《左氏 楚, 氏 葉 公子 四 鄰 氏 小 日 許之不能治 而 年 於 日 以 或 : 南 鄭 喜 鄭 鄭 :「許遷之以 詳信 著 陽 辛丑 而 許畏鄭 人之皋著矣。」 伐 伯 小 葉 使之昵 國之失 許,今遂遷 伐 鄭 否。 縣 一, 楚公子申 許 亟 : 也。 九年 其 高 加 南依 近 許 所 兵,自 氏 國家,亦 近楚,中 艫 靈 張 也。 日 楚,故 夷 焉 鄭 公畏 愚 氏 -遷許 以 人 謂 日 车 圍 求 或 口 偪

+ 有 六 氏 雨 木 年 曰: 「雨 春,王 冰 者、《 Œ 著 (穀梁 方, 雨 木 而 ₩ E 木 成 冰 雨 冰 而 也。」朴 雨 木 如字 冰 也 鄉 吕

范

氏

所

以

傷

中國之衰也。」

進之也

夷

狄

益

强

而

中

或

益

衰,《春

秋

春

秋

》於楚、吴、越,書之有

漸

焉。

非

被

髮

而

左衽

者幾希矣

幸

老

孫

氏

 $\Box$ 

F: 東 而 日 風 成冰,則寒極矣。在季冬猶爲極備之 騰,天地 二上温 解 凍, 下冷也。」 愚案: 和 螯 蟲 同,草木萌動。 始 振。 天 氣 《月令》正 下 今雨 降, 著 地 月, 木 氣

陽 ,臣强君弱之象著矣。

X

, 況 正

月乎?

害物多矣!

陰

盛伉

夏 四 月辛未,滕子卒。

大意見《隱七年》「滕侯卒」。 稱子,見《桓二年》。不名,闕文也。

鄭公子喜帥師侵宋。

否。 盟 《左氏》曰:「楚子自武城使公子成以 之,敗諸汋陵,獲將 敗諸汋陂。 陰之田求成于鄭。 于武 貫道王氏曰:「宋於鄭無惡 與楚爲成,首興侵宋之師,是自 城。 退 鄭子罕伐宋,宋將 舍於夫渠,不做,鄭 鄭叛晉,子駟從楚子 鉏 、樂懼。」未詳 鉏 也 人 樂 信 攻 覆 懼 汝

> 晉附 國,諸侯之兵無復寧歲矣。」 其 高 類 楚,加兵中 氏 也。 日 「鄭 義 又 見《 服 或。 中 莊十年》「公侵 或 自是 Ŧī. 年矣,至是始 與 楚 同 害 宋」。 中 叛

六月丙寅朔,日有食之。

義見《隱三年》。

晉侯使樂黶來乞師。黶於斬切 《左氏》曰:「晉侯將伐鄭,范文子曰 『若逞吾願,諸侯皆叛,晉可以 逞。 。若唯

興師。 師。 主之義,不足令諸侯故也。 樂黡來乞師。」義見《十三年》「郤錡乞 『不可以當吾世而失諸侯,必伐鄭。』乃 鄭叛,晉國之憂,可立俟 鄭之叛晉,實晉有以致之。 此比伐秦,爲有名耳。 郤犨如 衞,遂如齊,皆乞師 也。』樂武子曰 〇高氏 特使 以其 卿來 失 日:

伯

乞師。」

甲 鄭 午 師 敗 晦 ·, 晉 績 侯 鄢 及楚子、鄭 謁 晚切, 义 於 建 伯 切 戰 于 鄢 陵。

鄭 敗 晉 楊 鄭 則 師 師 老 地 也 我 午 穀梁》 後 ら、上杜 故故 孫 之 不暇 鄭告於楚。 晦 氏 人 師 敗 漢 '**,** 是二 聞 敗 氏 張 敗 績 日 直 氏 我 : 有 也 日 日 俟 氏 郡 書 君 而 )° | « : 曰 : 既 晉 日 諸 或 十九 上 楚 戰 獲 師 : 未 侯 楚不言 韓之戰,實獲 志 六 左 則 子 鄢 而 致伐 ,使告於楚,姚 之兵,先與之合 楚子 即 **\***: 日 月 氏 릲 傷 師 陵,鄭 也 東 丙 焉 敗 於彼,彼志 日 師 潁 \_\_ 京 遽引 寅 矣。 稱 君 JII 高 朔 開 不 晉之及, 地 鄢 氏 戊 師 封 重 鄢 一屬潁 日 晉 陵,晉 日 日 寅 府 於 而 楚 陵 侯 句 食 鄢 非 來 師 不言 之戦 戦 耳 晋 師 晉 晉 來 則 陵 敗 JII 也 與往 師 10 君 楚 而 於 爲 伐 縣 郡 將 此 起 楚 晉 幸 之 主 是 伐 傷 於 大 甲

整。 信,進 物。 子辛 楚子 歸 子 話言 民 莫 以 命 信,戰之器 今楚内 具,各知 而 師 致 子 其 生 匪 物 事 其 好 奸 爾 神, 敦 成 將 救 速 民 勉 何 駠 退 死 則 棄 極。」 生 右 鄭 之, 龐 問 其 皋. 如 時 義 以 其 厚 失志,不整喪列。 上 ? 焉 極。 也 司 也 以 補 和 以 吾 民 是 過 下 丽 馬 不 動 其 同 對 建 對 申 而 以 和 德 德 故《詩》 將 人 闕 以 利, 日 復 日 神降 外 īĒ. 睦 而 子 以 中 恤 聽,莫不 見 絶 疲 反 軍 禮 施 『德、 周 用 所 此 其 其 子 民 之福,時 人 , 惠 曰 以 戰 利 旋 底 好 令尹 矣 行 見 以 刑 刑、 順 之 不 而 速 \_ 申 盡 其 逞。 瀆 所 時, 逆, 志 事 一,過 立 以 將 詳、義、 姚 叔 力 誰 齊 失 由 無 我 節 IE 左 信 時 求 句 民 盟 以 致 險 列 災 邪,詳 克 烝 從 以 耳 無 時 死 不 右 而 而 曰 害 民 禮 也 先 食 E 不 順 守 知 尹 不

無患。 遇 君 所 將 所 夷 楚 也。』文子曰:『吾先君之亟戰也,有故 子亦見先君之事矣。 之戰,惠公不振旅 而 今三强 秦、狄、齊、楚皆强,不盡力,子 命,邲之師,荀 師 一我僞 于鄢陵。范文子不欲戰,郤至曰:『 以 ,多矣。』武子曰:『不 能 授 竈 陳 濟 何 爲 也。 以 河 逃 何 陳 自 軍 外 服 戰 楚,可 患焉?』文子執戈逐之,曰: 於 懼 矣,敵 以遺 聞 非 ? 吏患之。 軍 楚 聖人,外寧必有 乎?』甲午 中 楚 師 以 能 ·, 而 伯不 楚 懼 將 者 紓 范匄 而 " 第之役, 先 軫 不 反 不 至 我 疏 憂。夫合諸侯,非吾 復從,皆晉之恥 己。 미 今我辟楚,又益恥 ,范文子欲返, 行 若羣臣輯 可。」六月,晉、 晦 用 趨 首 唯聖 , 也。」 進 楚晨 内 晉、 日 憂。 人能 孫將 Ŧi. 壓 楚 睦 月, 塞 晉 唯 盍 内 以 e 弱 也 韓 楚 晉 # 天 軍 釋 外 事

心。 首 鍼 敗 或 筮 左 良,在其中軍王族而已。請分良 不 側 伯 陳 鄭 間,不可 而擊之,必 之存亡,天 『楚師 何 之,史曰:『吉。 右 州 陳 御 爲 踙 可當也。』苗賁皇言於晉侯曰:『楚之 而 亦 而三 鄭 右 舊 嚻 待?』公從之。 犂以公卒告王。 而 ,射其元王,中厥 輕 以王卒告,皆曰:『國 一, 合 不必良,以 不 成公,唐苟爲右。 失也: 窕 整,蠻 彭名御 也,童 固 獲勝 軍萃於 而 加 壘 其二 軍 嚻 焉。』郤至曰:『楚有六 楚共 子 m 犯 其 而 0 王 待之,三日 何 步毅: 卿 卒,必 不陳,陳 挂 天忌 各 王 目。」國 苗賁 知 相惡, 遇《復》,曰:「南 顧 焉?! 潘 樂、范 御 ,我必克之。 其後,莫有 大 皇 士: 黨 晉 踧 王 不 敗 在 必退 在 爲 灓 卒以 厲公,藥 違晦,在 王傷,不 以其 之。』公 右。石 以擊其 且厚, 晉侯之 書 退 族

三八六

乃 利 險, 二臣 甲兵,展車馬 未 人 Ш 或 錡 中 或 夾 而 兵,修 患之。 Ė 故,子 逸 楚公子 Ħ 射 公行 冉 中 叔 楚囚 之,徹 搏 詰 如 Ш 項 子反命 朝 王 此, 人以 必射 伏 陳 冉 苗 夜。 召 癸巳, 占 謂 爾 七 何 弢  $\pm$ 賁 養 投, 列, .!. 養 死 憂於戰?』王怒 札 聞 皇 雞 子 軍 由 由 以 潘 藝。」及戰, 吕 焉 中 之、召子反謀。 蓐 徇 重 鳴 吏 基, 基 尫 車 射 食 -復 而 察 矢 以 之 曰:『雖 : 食,唯 折 與之兩 # 鼓。 夷傷,補 \_ 復 黨 示 軾 禱 蒐 再發,盡殪。 命。 與  $\pm$ 日 乘 明 命是聽。 養 台 矢, 君 而 補 錡  $\exists$ 日 楚 H 由 卒 師 卒,秣 戰 有 : 使 穀 復 師 射 基 乘,繕 見 大 乃 命 陽 戰 薄 射 共 君 蹲 咔 台 爲 豎 星 馬 叔 於 吕 Ŧ. 辱 有 甲

> 然厲 濮。 執 以 甚 責 德之謂」。」」 愚謂 君 前 晋 矣。 其戒 '', 曰 居 也 ,厲公之志 楚 之。 公所以異於文公者,一勝之後, ○戴 之! 義 鄭伯 軍 君 觀 又 氏 見《僖 背  $\Rightarrow$ 幼 沙 騎 日 日 周 華 矣。 隨之不見公,行父之見 : 諸 穀 書》 : 即 「鄢陵之戰 楚子 臣 <u>=</u> + 夷, 口「惟 范 不 文子 佞 以 黷 八 致 武 命 年 何 立 與城 取敗 喪 不于  $\forall$ 以 於 師 戰 及 戎 常, 濮 于 恥 不 此 馬 司 足 城 無 辱 有 之

楚殺其大夫公子側。

之卒  $\vdash$ 再拜 不  $\mp$ 側 使謂 在 ,子反也。《左氏》 一初 稽 實 子反 首 子 奔,臣 隕 無 師 以  $\vdash$ 徒者, 之皋 : 『先大夫之覆 爲 君 過,不穀之皋 賜 也。 而 F 日 死,死 亦 : 子重 聞 楚 之矣。 H. 師 師 使 也。」子反 不 還及 徒 朽。 謂 子 瑕 臣 反 鄙

獻飲

於子反,子反醉

IIII

不能

見。

 $\pm$ 

 $\vdash$ 

天

敗

楚也夫!

余不

可

以待。』乃宵遁

死?』王使止之,弗及而卒。」義見《莊二側,側敢不義? 側亡君師,敢忘其之?』對曰:『雖微先大夫有之,大夫命

隨。不見公。 秋,公會晉侯、齊侯、衞侯、宋華元、邾人于沙

十六年》「曹殺大夫」。

不見公。 宣伯 咎至 行。是以後,使孟獻子守於公宫。 也。』公待於壞隤,申宫儆備,設守而 公子鉏趨過,指之曰:『女不可,是皆君 告,曰:『請反而聽命。』姜怒。公子偃、 將行,穆姜送公而使逐二子。公以晉難 拱州。」《左氏》曰:「戰之日,齊國佐 杜氏曰:「沙隨,宋地,梁國寧陵縣北 沙隨亭。」張氏曰:「寧陵,宋熙寧間 一於師。 沙 通於穆姜,欲去季、孟 隨 謀伐 衛侯出 鄭 也。 於衛,公出 宣伯使告郤 而 取 於 其 壞 撥 秋, 高 室。 隤 犫 後 屬 有 無

> 之?」不見公,雖諸侯之辠,而成公之爲 日 然孔子 晉不見,爲非矣。彼曲我直,不足爲恥 公。」《穀梁》曰:「不見公者,可以見也。 貨於宣伯,而訴公於晉侯。晉侯不見 新 也。」愚謂:晉厲勝楚而 己而無恤乎人。魯之後期,國難故也 可以見而不見,譏在諸 晉侯怒公之後期,故不見公。君子正 軍,且 :『魯侯待於壞隤,以 有曰:「能 爲公族 大夫,以主 治 其 驕,於此可見矣。 侯也。」程子曰: 待勝者。』 或 東諸 家,誰 侯。取 郤犫將 敢 侮

公至自會。

君,又可知矣。

曰:「尹武公。」君舉陳氏曰:「會伐未有公會尹子、晉侯、齊國佐、邾人伐鄭。 《左氏》公會是子、晉侯、齊國佐、邾人伐鄭。

之堅 常 鄭 鄭 是 伐之,所謂彼善於此,則有之矣。」 IE. 附 猶 属 乎 與 王 Ш ? 劉 於背華而 不 公恣 伐 人 於楚,晉假天子之命,致王 服 者 氏 也 日 ,見晉政之斁人矣。」愚謂 日: 矣。」高氏 不 ^ 此其書 春 Œ 一尹子、 即夷,皋亦不可掩也。 秋 也  $\Rightarrow$ 尹子 不  $\Box$ 然 單 以 是 子 一楚、 諸 何 時 與 ? 侯 諸 夷 鄭 用 初 狄 既 侯  $\pm$ 卿 以 肆 伐 敗 師 1: 王 强 鄭 以 鄭 於 卿 而

於此

也。 曹 則 定三年,不待書名 也 愚 立 伯 是其執、其歸,因晉侯之喜怒而 謂 ,故出入 不名 如 今執之二年,是非不辨, 使曹伯 其 無鼻, 必 闕 書 文 有 也。 名以爲 正 辠,天王治之,易其 晉 爲別耳。」未詳是否 黄氏 侯之非,即 别。 曹成之位已 : 無 一突、 歸 使 姑假 之可 忽 位 口 争

苕丘

公還,待

於鄆

使

子

叔

聲

伯

請

季

孫於晉,郤犫

曰:『荷

去仲

孫

蔑

11-

行父,吾與子國親於公室。』對曰:『僑

如

手於 見晉 不 由 於己。 天王。 侯 得 使天 不 天 王 惟 Ŧ. 亦 禮 也 樂 唯 晉 征  $\pm$ 1命是 伐 綱 自 倒 諸 聽 置 侯 而 莫 刑 甚 又 賞

去聲,今當作上聲。 九月,晉人執季孫行父,舍之于苕丘。 然,歸 其謀 猶晉 葉氏 齊、楚,有亡 晉,蔑有貳 於魯,請止 曰:「宣伯使告郤犫曰:『魯之有季、孟 曰 : 之有樂、范 曰:「舍之,猶言釋之也。」《左 必 叛矣。』 苕、《公羊》作 晉 矣。 行父 而 政 已,蔑從晉矣。」 九 也,政 多門,不 魯 而 月 不 殺之,我斃 招 。 晉 貳, 令於 可 人 小 是乎 執 或 從 若 季 蔑 必 也 成。 文 也 欲 睦。 子 得 寧 而 氏 于 事 志 事 不

會

,晉侯既

不

見公,今又執

再

辱魯,其

悪

可

知

也。」愚謂

乃

許

魯

平,

赦

季

孫

?。」孫

氏

若

虚

其

請

是

棄

善人

也。

無

私

謀

或

家

不

貮

圖

其

氏

同。

然

附

見葉

獨舍之

諸

箕,

此

遽

奔

? 知

愚案

棄忠

良,若

諸

侯

何?

子

帛,馬不食粟,可

不謂

治之何及?』郤犫曰:『吾爲子請邑。』對 曰: 『季孫於魯,相二君矣。 多矣,又何求?』范文子 邇仇讎,亡 忠乎? 去蔑 若猶 叔嬰齊 若得 身不忘其君 敢介大國 若 子其圖之!! 晉 季  $\vdash$ : ]: |沙 朝 君 沙隨之會, 孫 與行父, 不 信 而 亡之,魯 棄,而 行 所 妾不 謂 奉 讒 則 爲 父,晉 請 隨 夫 君 欒 慝 以 讎, 之 命 衣 武 求 吾 是 而 惠 若晉 氏 葉氏 乃傳 晉悟 爾。 後世 哉 ? 晉 三月之間 侯伐鄭, 莊十七年》「齊執鄭 左氏》載 傳見行父以 之説云。 義,少誤 侯不見公,既辱其君矣。 輕 之説 不 所謂 人 僑 人君舉 然成 躁 知 執 如 又無 縱 之譖 舍者 僑 猶未得釋,故以舍之爲 執行父事,首尾頗 是 叔 耳。 公不 如 恣 也 動 孫 九 故 在 一,與 可可 而 如 婼 故録《左氏傳》而 能辨之於早 而 月執,十二月方盟 而 魯 釋行父,則何由 此 經 傳言『乃館 劉 以 執 十月已奔齊,若 自 魯卿, 氏、 詹」。 鑒此矣! 何 不 以 陳 書 服 岳 , 且 今成 悉 矣。」 ○葉氏 至

子之賜

厚焉

!

承寡君之命以

請

:『嬰齊,魯之常隸

也。

徼

周

公之福

使

寡

君

得

事

諸

侯

之心

再

辱國

義又見

日

無

故

而

舍

公會晉

必夕亡。

以魯之密

者。魯國

社

稷

之臣

也。

之情

子必

聞之矣。

若

大棄魯國

而

皋寡君

也。

子

冬十月乙亥,叔孫僑 如 出 一奔齊。

非

處

之云

, 意

此

謂 : 鑒 口 再 僑 敢容 魯 君 貫 並此矣。 7,又辱 知 請 辱 如 道王氏 也。 僑如造釁,成公不明之所致也。 或, 之惡,魯 而 而 奔 赦 ĪĒ. 又不能 義又見《僖二十八年》「元 世 티 : 行父, 齊。 卿 卿 不 之禍 魯有 僑 受亂人,齊 即 僑 誅 如 誅 而 如 政 挾 知 於不見公之時 至於此,後 縱之奔,魯國 ,皆僇餘 君母 其謀不遂,故 之寵 亦辠也。」 也。 既 世 呵 無 可 晉 辱 至 以 愚 奔 以 不 政 從 其

犫,《公羊》作州 有二月 Z 丑,季孫行 父及晉郤 犫 盟 于 扈

公至自會 矣。 晉執 執之、舍之、 季孫, 大夫自爲盟,晉、魯之政又可 既舍之而 盟之, 懼 晉 其 貮 之 也 舉 動 盟 知 口 以 矣 知 結

踰 時 也。 葉氏曰:「此伐鄭 也。 何以言

> 伐。 公至自 因 伐 伐 在 而 會』? 會後 會,伐 , 則 在 會 致 會 侕 會 前 後 以 伐, 則 所 告者 致 以 伐 會 書 會 告 也 而 也 謀

凡

乙酉 ,刺公子偃

義見《桓二年》「公至自唐

謂: 及郤犫 之庶 豹 信 以 刺 殺大夫」。 夫之辠矣。 刺,見《僖二十八年》。 嫌 耳 偃 于 齊而 魯殺偃又傷 而 刑 弟也,皆穆姜 盟 殺 之頗 偃,毋 立之。」義見《莊二十六年》「 于 ○貫道王氏 扈。 但《左氏》所 也。 亦 骨肉之恩,不特專殺 歸, 僑 所 吐 指 如 刺 剛 <u></u> 亂 以代公者也。 曰:「偃與鉏,公 左氏 公子 而 國,容其 茹 載,未 ₩ El 偃, 柔 乎? 召 奔 口 叔 季 乃 大 愚 獨 曹 孫 孫

結,誤 + 有七年春,衛 北宫括 帥 師 侵鄭。

高氏曰:「衞侵鄭,晉命也。」義又見《莊

十年》「公侵宋」。

夏,公會尹子、單子、晉侯、齊侯、宋公、衞侯、

曹伯、邾人伐鄭。

葉氏曰:「單子,王之中大夫。」《左氏》

子成、公子寅戍鄭。公會尹武公、單襄曰:「鄭太子髡頑、侯獳爲質於楚,楚公

公及諸侯伐鄭,自戲童至於曲洧。楚子

葉氏曰:「王大夫前未有二人臨諸侯者,重救鄭師於首止,諸侯還。」未詳信否。

晉·夏青公三方益之ā。三方方式,起此何以言尹子、單子? 鄭恃楚而不服

方伯可矣,雖益何補? 晉爲伯主,不能晉,復請於王而益之也。王命而行,使

而益大夫,交失也。」義又見《十六年》。

服

鄭,而假

 $\pm$ 

一人以

臨諸侯,不能使鄭

服

六月乙酉,同盟于柯陵。

杜氏曰:「柯陵,鄭西地。」《左氏》曰:

侯。 諸侯之盟。 曰 : 憤 又見《莊十六年》。○張氏 猶尊周也。 不重言諸侯,見尹子、單子與盟。」蘇氏 司 鄭之不服 盟於柯 「齊、晉之盛,天子之大夫會」 然不知其 陵,尋戚之盟也。」陸 自是習以爲常,非禮 而 柯陵之會,尹子、單子始 無益於鄭 假 同 盟 之叛,而 之禮 曰:「晉厲公 以 而 自 約 也。」義 氏 不盟 取 束 曰 : 諸 盟 與

王官之辠。」

秋,公至自會。

伐而致會,與十六年同。義見《桓二年》

齊高無咎出奔莒。

公至自唐」。

蒙衣乘輦而入於閎。鮑牽見之,以告國《左氏》曰:「齊慶克通於聲孟子,與婦人

武子。武子召慶克而謂之。慶克久不蒙衣乘輦而入於閎。鮑牽見之,以告國

出,而告夫人曰:"國子謫我!』夫人怒。

三九一

或

子

相

靈

公以

會

高、

鮑

處

守。

及還,

將

晋 侯使荀罃來乞師 0 罄、《公羊》作

鮑 將 至 牽 不 閉 納 而 門 君 逐 而 高 而 索 無 立 客。 咎 一公子 孟 無咎 角 子 訴 奔 或 之日 莒, 子 高 知 · 『高、 之。 弱 以 刖 鮑 盧

叛。」未詳 信 否。 義 見《僖二十八年》「元

阳 奔 晉

九 月 辛 Η. 一,用郊

碎玉》曰:「猶 公》、《穀》曰: 用 用者,不 幣 于社,因 宜 用 史之文也。」 也。」《指 掌

愚

謂

魯郊

已非

禮

況

不

時

乎

?

是

非

禮

自

之中 大 僭 無 非 今 郊 時 無 1 天 又 之後,《 之 他 不 也 變, 非 郊 從,或 禮 而 其 故 也 春 不 不之卜,不宜 而 因 秋 宜 書之者,以 牛傷 不書。 用,未 高 死,有 氏 日 有 其 用 其. 甚 變 書之者, 魯 而 自 於 則 用 出 此 之, 書 己 每 者, 意 耳 或 歲

故

書。」

威 夫乞師於魯邪 命,奉  $\pm$ 辱,況以王之卿 義 請 室以 見《十六年》「 以 Ξ. 討 辭 命 誤 叛 以 以 寵 伐 往 討 諸 貮 · 無 有 侯 皋, 樂黶 士主兵,乃言乞 以 乃 也甚 敢 先爲 盟 宜 或 乞師 矣 主 後 糾 此 合諸 而乞師,已 可 卑辱 夫欲 也。 侯 欲 師 師 仗 13 以 氏 使大 鄭 爲 其 天 尊 畏 子 卑 卑  $\pm$ 

威,得乎?」

邾 冬,公會單子、晉侯、宋公、 人伐鄭。 衞侯、 曹伯 齊

焉 孫氏 IF.  $\pm$ 也。」義 三合諸侯伐之,不 者,晉 命 事 日 順 伐 : 背 又見《十 厲假之也。 常 剪鄭 華 事 之鄭,其 與 也 六 楚比周, 年 能 春 天 服 秋 名 理人 営宜 晉侯 IE. 中 愚 欲 其 不 或 案 再 書 不 同 事 假 振 行 而 順 諸  $\pm$ 侯 而 亦 口 書 名 知 異 以

厲 公之舉,挾天子以令諸 侯 者 也

既 伯討之。又不 古者諸侯 非 方伯,又非 有辠,大國討之。 服 真爲天子討有辠者, 則天子親討之。 不服 晉 則 不 厲 方

過 假 伐鄭以行 吾伯。 及其 不 服,然後 摟

天子之 卿以伐之。 其名似正,其 事 似

順 前 其 情 則不然也。 桓、文之事皆然

而

晉

厲

獨

無

功

者,

何

也?

信義不

. 行

於

諸 侯 諸 侯 解體,民 心 不 附 故 桓、文 得

以 之功,而 濟 其欲,而 有 桓、文之辠,爲人君者 晉 厲卒勞 百 姓 無 桓、文 可 以

此 矣。

有 一月,公至自伐鄭

伐 前 而 以 會,出 會致,此 以 伐 以 告,歸 伐 鄭致者, 亦以 葉氏 伐 告 以 也 爲 義 大

見《 桓 二年》「公至自 唐

王: 申 ·, 公 孫嬰齊卒于 貍 脈。 貍,力之切。 脈,市 軫

切、《公羊》作軫、《穀梁》作

李氏 曰:「下有『十二月丁巳朔』, 則

知

此

書

 $\pm$ 申 在 十月十六也。 經誤。」愚謂 或

夫卒不 丁 巳 氏 日 者,誤也。 : 地,其 嬰齊從於伐鄭 地 杜氏 在外也。」竊謂 曰 : 還 貍 而 脈 此 道 亦 卒。 地 譏 闕 世 大

蘇

卿 耳

+ 有 二月 T Ė 到,日 有 食之。

義 見《隱三年

邾子 貜 且 卒。 且,子 餘 切

此 爲 + 八 年 邾 子 司 盟 于 虚 朾 起 文

也。

大 意 又 人見《隱 七 年》「滕侯 卒。

晉 殺 其大夫 郤 品 鎬、 郤 犫、郤至。 犫、公羊 》作

欲 《左氏》曰:「晉厲公多外嬖,反自鄢 盡 去羣大夫,而 立其左右。 胥童 以 胥

克之 廢 也 怨 郤 氏, 而 嬖 於厲 公。 郤 錡 奪

夷陽 Ŧi.  $\mathbb{H}$ 五. 亦 一、安於一 厲 公。 郤 犫 與 長 魚

三九三

九

四

危 E 大族 難 殺 厲 使孫 嘗使 也, 君。 然,豈其死之不恤 君。」」公告樂書, 以 轅 繑 而 公子茷 。一部 , 胥 童 公 其 聞 殺 争 不偏 之, 之。 諸 周 郤至奉豕,寺人孟 Ш 以 不 既  $\mathbf{H}$ 從己 至 告公 見。 周 ,與婦人先 東 ⊟ : 郤 矯 執 日 ,敵多怨有庸。』公曰: 『然。』 公 此 而 師 錡 亦 而 티 公使覘之,信。 而 『必先三郤,族 察之!』郤 日 必 之 欲 嬖 『人所以 梏 二、 敗 未 敗 攻 季 之, 於 楚 書曰: ! 至 殺 厲 而受敵 師 子欺 與 也 戰 吾 而 公。 也,欲廢之。 其 立,信、 張 飲 至 也 大 「其 與 余。」 父 欒 奪 酒 聘 使 奉 軍 大多 郤 13: 書怨 後使 雖 之,郤至 遂 于 乎 有 孫 厲 帥 至 知、 妻子 死,君 怨 周 ? 焉 周 怨。 之 實 公將 勇 郤 郤 大 樂 以 不 召 使 君 同 也。 至 至 郤 必 射 夫 盍 去 作 書 不 事 具. 寡 楚

殺,不 公曰 之,皆尸 午,胥童 辠,吾死後 逃 戈我 於朝 〈結 :『人將 軌 魚 聚 安得乎 實有臣 不 威 黨。 衽 矯請 叛 可謂 也 誰 駒 御 君 諸朝。 一、 夷 !」遂趨。 而 與 ? 矯 伯、苦成 兹 忍 有 無 朝 而殺之,其謂 德 矣! 僞 我 知 羊 君 黨 以 用 而 訟 待 ? 不 德 尸 衆,公使清沸 五. 而 臣 『不殺 害民, 胥童 者 命 若殺 死 臣 帥 争 偪 而 叔 矯 御 而 聞 卿 三郤 命, 甲 已 ! 而 於其 以 及 軌 多 亂 ,余不忍益 二子 勇 不 八百,將 不 皋 甲 諸 君 怨 不 在 辜, 以 討 將 位 劫 ,憂必 其 孰 受君 何 ? 將 外爲 作 刑 不 謀 樂書、 將 車 魋 大 亂 安用 於 温 失其 姦,在 ·, 以 可 助 攻 焉 之 不 我之有 也。 及 榭 失 季 之,抽 郤 禄, 謂 中 施 戈 君 之? E 刑 内 對 殺 矯 壬: 是 IIII

以

戈

長

以

欲

君

信

爲

曰

偃

(1) B (1) E (1) E (2) E (3) E (3) E (4) E

職位。』皆再拜稽首曰:『君討有辠,而免氏,郤氏既伏其辜矣。 大夫無辱,其復

**感。乃皆帰。公吏胥童爲即。《殁梁》臣於死,君之惠也。二臣雖死,敢忘君** 

曰:「自禍於是起矣。」孫氏曰:「君之卿德。」乃皆歸。公使胥童爲卿。」《穀梁》

之,以著其惡。明年弑州蒲。〕義又見卿,此自禍之道也,誰與處矣? 故列數佐,是謂股肱。厲公不道,一日而殺三

已。」張氏曰:「或曰晉至此時,六卿之勢「又見晉之用人不求賢德,唯取世族而《莊二十六年》「曹殺大夫」。○高氏曰:

而不治,則臣强君弱,將若之何? 不知已成矣。 厲公之討,將以强公室也。 縱

臣 有 不治,則臣强君弱,將若之何? 不 初不 機 括,政有 在多殺也。 要領。 宋太祖舉五 正君 道 以 代總兵 御 知 其

> 卿 立威而求安乎?《春秋》辠厲公之殺三 之心悦誠服,自不容已也。 夕,指麾之間,蓋得其機,據 專國之强 而 卒以 臣,使之辭 É 及,其示後 兵柄、解 世 何乃以 御 其要, 重 臣之法, 權 多殺 Mi 於 彼

楚人滅舒庸。 至矣。」

譜》: 任 氏 廬 曰:「舒庸, 州 城下 舒城。」《 東夷 偃 左 姓 氏 之國。」《 》曰:「舒 地

師襲舒庸,滅之。」未詳信否。義見《僖圍釐、虺,遂恃吴而不設備。楚公子囊

三年》「徐取舒」。

高氏曰:「胥童,胥甲之孫,胥克之子。」十有八年春,王正月,晉殺其大夫胥童。

義見《莊二十六年》「曹殺大夫」。

庚申,晉弑其君州蒲。高氏曰:「漢應劭作《舊君諱

三九六

然則 議 州 周 蒲 穆 乃滿字之誤也。」未詳是否  $\pm$ 名 滿 一晉厲 名 州 滿 又有 子 孫 滿 是 同 名 不 諱

不言弑君之賊,見《文十八

年》。

存耕

捎

氏

「晉厲

本

無大惡,徒

以

志

驕

意

盈

不得其 甚 遽 不 有 子 弑 衞 天下 秦,鄢陵得 合諸 遂至 弑 殺 晉厲 州 也 口 弑  $\Box$ 猶 川 信 吁 者 君 君 侯 書 大夫 公事,若許樂書之弑,何也?」朱 死。 賊 事。 臣 陳 也 攘 可 舊亦嘗疑之。」 趙 名 靈 疑 夷 以 盾 志,驕侈既 耳 間 見 夫不矜不 而 厲 鑒 狄,未爲 弑 闕 張氏問:「《胡 公之過,特 此矣。 号 以 之耳。 猶 非若 有 及 樂 書 此 伐, 陳靈、晉靈 無 生,殺戮 義 書、 夏 禍 愚謂:「晉」字下 不 功 徴 剛 又見《隱 中 在 然,則《 也。 愚謂 舒 之則也。 戰 氏 行 近臣 勝 傳 偃弑 敗 台 不仁之 左氏 加 几 樂書 狄 厲 靈 遂 驕 君 年 見 伐 公 有

> 而《春 臣 父 而 不 雖 與之,不可以 可以 不 秋》 慈,子不 不忠。 反 若 其 訓 可 若 名 「樂書、· 以 而 不 爲 孝。 中 衆 弑 行 君 偃 之 雖 弑 辭 不 其君 哉 ?

齊殺其大夫國佐。

事,則 氏 如 或 八 義 後之君臣欲 佐 此, 年,  $\Box$ 見 **莊** : 殺胥 則 時 兩 仁義 屬 <u>一</u> 十 미 月之間 童, 而 辭 知 思患預 不施 0 比 六 + 事 年 諸 晉 `, ≪ 七年,晉  $\approx$ 而 防 弑其 或 春 禮 曹 者, 覩此 君 樂絶 君 秋 殺 臣 大 殺 教 齊 E 夫」。 滅之效 下 殺  $\equiv$ 也 亦可以 相 郤 0 其 殘 大 比 也 殺 夫 其 H 少 +

公如晉。

戒矣。」

君也 禮也。」義又見《僖十年》「公如 左氏》 0 一貫道 日 晉悼  $\pm$ 氏日 公即 : 朝 位 嗣 公如 君 事,天子 朝 之 嗣

夏,楚子、鄭伯伐宋。 患之。 使贊其 大國 襄元年諸侯之大夫圍宋彭城起文。 欲以絶吳、晉往來之道也。」愚謂:又爲 城,宋之要邑也。 於有奉也。 之。伐宋,納魚石也。不言自楚伐,重 之。」貫道王氏 非 베 崇諸侯之姦而披其地,以塞夷庚。 同惡,以德於我,吾固事之,不敢貳矣。 曰:「即徐州彭城縣。」《左氏》曰:「宋人 攜 吾 曰:「公孫寧、儀行父言納而 無厭,鄙我猶憾。 日 服,毒諸侯而懼吳、晉。 憂 西鉏吾曰:『何也? 若楚人與吾 政,以間吾釁,亦吾患也。 "「彭城、宋邑、即彭城縣。」張 也 鄭 月. 亦同 曰:「魚石奔楚,故楚納 事 宋魚石復入于彭 伐彭 晉 伐,鄭惡甚矣。 何爲?晉 不然,而收吾憎 城 而納魚 。吾庸多矣, 魚石不 城 石,楚 必 逞姦 今將 恤 彭 氏

> 言納, 入則魚石也。 石復入于彭城」,則納之者雖楚子,而 公孫 國,非直叛君而已。故魚石、樂、盈之辠 伐,已著其 孫寧、儀行父於陳,則納之者楚子爾,非 重於趙鞅、宋辰也。」朴鄉吕氏曰:「納公 書『復入』。 寧、儀行父之能爲 魚石 納亂 之書『復入』,而 然不言叛者復入,而將以 其諸晉樂、盈之儔乎!」 臣 也,故不言『自 也。 先言楚鄭之 今日『宋 「楚」而 魚 亂 復

公至自晉。

晉侯使士匄來聘。

義見《桓二年》「公至自唐」。

之幼而狃於習俗之陋歟? 原其心,急失禮甚矣。以悼公之賢而爲此,其亦年先討賊,又居喪次,未朝天子而先聘魯,則悼公之於厲公,子也。悼公之人,不則悼公之於厲公,子也。悼公之人,不

於求諸 侯以圖伯 也。 五伯爲三王之辠

人,急功利 故 也

秋,杞伯來朝 八月,邾子 來 朝

杞伯, 杞 桓 公。 ^ 左氏 日 : 邾 宣公來

滕、薛來 **小朝」**。 朝,即

位

而

來見

也。」義

見《隱十一年》

築 鹿 有 音又。

有 鹿 有 有 名。 《公羊》曰 \_: \_ 何以 書? 譏

民 囿 也。」〇許氏曰:「大夫擅國,威福 矣,又爲 也。」葉氏曰:「又以 八月 日 役

豫 去,而公務自虞於鳥 在 上 一,何 可長 也」。」高氏 木。 曰:「前 是謂『 此 冥 未

有 ,定十三年築蛇淵囿。人君之示子

有

書

築

有

者。

自

此

之後,昭

九

年

築

郎

孫 ,可不戒哉!」

己丑、公薨于路寢。 義 見「莊公薨」。

冬,楚人、鄭人侵宋。

其志將以取宋也 義見《莊十年》「荆敗

楚、鄭既使魚石據彭城,於此又侵宋焉

蔡師

晉侯使士魴來乞師。 魴音房,《公羊》作彭。

士 筋,晉大夫。《左氏》曰:「晉士魴來乞

師。 季文子問 師 數於臧武仲,對曰:『伐

鄭之役,知伯實 季亦佐 下軍,如 伐 來,下軍之 鄭 可 也。 佐也。 事大國,無 今彘

《十六年》「欒黡乞師」。

失班爵

而

加

敬焉,禮也。』從之。」義

見

十二月,仲孫蔑 崔杼,同 盟于虚 村。 會晉侯、宋公、 虚,起居切。 打,他丁切 衞 侯、 邾 子、 齊

高氏曰:「襄公不會,當喪故 也。」杜 氏

會于 曰:「虚 虚 村, **朾**,地闕。」《左氏》曰:「孟 謀救 宋 也。 宋 人辭 諸 侯,而 獻 子

請

師

以

韋

彭

城

孟

獻

子請

於諸侯,而

先

歸會葬。」愚謂:晉侯當喪而會盟諸侯, 蓋當時之伯習。若王者,則行一不義, 雖得天下不爲。義又見《莊十六年》。 丁未,葬我君成公。 義見「葬桓公」。

後學成德校訂

## 春 秋本義卷第二十

此

舉

工,其

功

過

與

召

陵、

城

濮

之

師

同

此

宜

列

或

和

會

願

奉

其職

也

\_\_

愚

謂

悼

襄 公名午,成公子,定姒所出。 貫道 王氏曰:「成公

, 四 歲即 位。

元 年 春,王正月,公即 位

義

見文公即

位

仲孫蔑會晉樂黶、宋華元、衞甯殖、曹人、莒 邾人、滕人、薛人、圉 宗彭城

賊 孔 大 日 亦宋之彭 伯 宋 夫,爲宋圍彭 子加宋字 彭 主 城 事 **城耳**。 者 也 也。 「, 魯 城、討魚石、得其職矣。 悼公之興,首合諸 史之筆 夫彭 木訥趙 城 而 雖 氏 孔 爲 曰:「伐叛討 子 魚 因 石 之, 所 侯之 據 非

亦

與

召

陵、

城

濮

同。

義

又見《隱二年》

人、邾人、杞人,次于 夏,晉韓 厥帥 師 伐 鄭。 鄫。 仲 厥、《公羊》作 孫 蔑 會 齊 屈。 崔 下 同 曹

夫爲之,則大夫張矣。

又足以正君臣之義。

然諸

侯

不

. 親

耐

大

鄫、《公羊》、《穀梁》作合。

杜氏 勞,不敢勤諸 焉,亦見悼 此 於是乎降彭城,遂伐鄭,而諸侯次于鄫 曰:「楚人釋君 諸侯之師 從楚者 南。」戴氏 皆 放 曰 : 於義 也。 次 曰 : 公圖伯之初,使大夫身 而 晉 于鄫,爲之援 侯之師 「韓厥身伐 行 既 鄭 而臣,是助 者也。」愚謂 地。 救宋矣,故 也。」黄氏 在 鄭,而 陳 也。 事已悖矣。 留 以 諸 襄 此伐 康 曰:「鄭 次 邑 侯胡 侯 伐 親 縣 不 功 鄭 调 E 其 與 東

鄭伐衞」。○木訥趙氏曰:「中國伐鄭 喪

下了胃耳某些。人靠灰骨女生前,人立屢矣,必連諸侯之師。今悼公之圖鄭,

亦可謂有謀矣。以韓厥獨攻其前,以五

以文邓市百余。 查兵 古, 可正國 二甲已國之兵援其後。 楚兵不出, 則一韓厥足

以敵鄭而有餘。楚兵出,則五國之師足

以鬭楚而不懾。此皆所以慎用諸侯,而

不忍輕鬭其民也。」

秋,楚公子壬夫帥師侵宋。

義見《莊十年》「荆敗蔡師」。○貫道王

有名也。楚失彭城,欲救鄭而不敢。師氏曰:「晉既降彭城矣,遂問辠於鄭,師

以侵宋,勢窮也。」

九月辛酉,天王崩。

侵伐盟會等事起文也。此爲速葬及邾子來朝、衞晉來聘及諸侯

邾子來朝。

杜氏曰:「邾子,宣公也。」愚案: 襄公在

遂朝魯,其辠著矣。魯亦不顧君父之喪喪,已不可朝,況天子方崩,乃不奔喪而

而偃然受之,其辠等也。

杜氏曰:「剽,子叔黑背子。」高氏口冬,衞侯使公孫剽來聘,晉侯使荀罃來聘。

「二國來聘,以公新即位故也。凡聘,必杜氏曰:「剽,子叔黑背子。」高氏曰:

以禮樂相見。公在喪中,又遭天王、

喪,晉、衞二國不廢聘好,則諸侯之辠大以禮樂相見。 公在喪中,又遭天王之

矣。魯亦豈可晏然受之乎?」愚謂:二

也。義又見《隱七年》「齊來聘」。○康臣不能諫止而爲之使,是亦從君於昏者

侯胡氏曰:「滕定公薨,世子定爲三年之也。義又見《隱七年》「齊來聘」。○康

喪,父兄百官皆不欲,曰:『吾宗國魯先君

莫之行也。』喪紀益廢,民習於耳目而不畏 多好正年皆之名 臣 "吾吴国春分末

《春秋》之義,無君臣之禮,豈不惜哉!」察,後世以日易月,人子安而行之,不知

二年春,王正月,葬簡王

高 見 同 氏 軌 日 : <u>一</u> 五 至矣。」 月而 葬,諸 侯之禮 也, 可 以

鄭 師 伐宋

《左氏 宋』者,積鄭之疚。」義又見《隱二年》「 曰:「楚令也。」許 氏  $\Box$ : 書 伐 鄭

知機。 伐衞」。 脅之,姑從 彼鄭文、鄭襄不幸,無伯主, 〇木訥趙氏曰:「鄭成公固 楚 以 紓 或 患 而 己。 成 公 楚 而 之 兵 不

歸矣,反受役於楚,以叛中國。」黄氏 晉厲 敗楚師, 三以 諸 侯 伐鄭 鄭  $\Box$ 口

初,堅

附

中華。

折

而

從

楚,則

至

死

不

臣 一,悼公伐而 取之,義聲震 夷 夏,逆順 曉

晉厲

猶

以

力服之也。

今楚

納

宋之

叛

然矣! 尚爲 楚伐 宋邪 ?

夏五 月庚寅,夫人姜氏薨

愚謂 高 氏 日 此爲速葬與葬齊姜起文也。 此 成公夫人 也,於 襄 公爲 義 母 又

見《文十六年》「姜氏薨」。

六月庚辰,鄭伯 腀 卒。 **晌**,古困 切

高氏 曰:「不書 葬者,以 成公背中

·華,故

侯卒」。

諸

侯不

會其葬也。」大意見《隱七年》「

晉 師、宋師、衛甯殖侵鄭。 杜氏 曰:「宋雖 非卿,師 重,故序衞

吕氏 愚謂  $\Box$ 當時亦以國之大小 : 衞 不 稱師,將尊 師 强 少也。」蘇氏 弱爲 次 也

曰:「鄭雖 以 叛 中國 爲皋,而 伐 其喪,非

機 禮也。」愚謂: 以 求 志 不 此 知 其爲 伐 喪之 伯者師 非 禮 也,但知 若三王 乘

十年》「公侵宋」。

則

行

不

義

而

得

天

下

弗

爲

義

又見《莊

父、曹人、邾 人于 戚

秋七月, 仲孫蔑

會晉

荀

答、宋華元、衞孫

林

戚,見《文元年》。  $\sim$ 左氏》 曰 :

鄭

成

公

儻

所

IIII

君

賴之。」」木訥

趙

氏曰:「合六國之大夫

當國,子駟 若背之,是棄力與言 人,唯二三子! 親親 ,諸大夫欲 駠 集 矢 請 爲 息 於 肩 從晉。 政 其 於 了, 子 目,非 鄭 晉 伯 或 子 其誰暱 異 公曰:『楚君 爲 睔 駟 司 人 卒 曰:『官命 (任, 寡 馬 我? 於 是 晉 免寡 子 師 以 未 侵 罕 鄭

故

疾

薛、小邾之不至,皆 會 城 改。」會于戚,謀鄭故也。 孟獻子曰: 『請 了, 吾 子 虎牢以 聞崔子之言,今不 偪 鄭。』知武子曰:『善。 齊故 也。 來矣。 寡 君之憂 鄫之 滕、

鄭

請 在 不 唯 而 鄭。 告,吾子之功也。 吾子之請,諸侯之福 罃將復於寡君,而 。 若 不 也,豈 請 得 請 於齊,得 事 唯 寡 將

以 不 爲 皇 加侵伐,求所以服之之術而已。 皇 楚 所 然 羈 速於得 則未可 鄭者、蓋 以 文告致,是機 鄭 僖 初 立

> 車 文起也。 夫而謀諸侯之事,專恣可知矣。]又爲下 會之不容失者。 隱九年》「會于防」。 ,何諸侯之不憚煩哉 愚謂: 伯者 不 然 功過 此 !」高氏 則 歲之間 如 大夫 此。 白爲會 三合兵 曰:「大 義又見

己丑,葬我小君齊姜。

甚矣!

杜氏曰:「三月而 年》「葬聲姜」。 葬 速。」義 又見《文十

叔 孫豹如 宋。

七

及季 爲 氏 子。 僑 也。」義見《隱 豹,得臣之次子 卿 日 如 《左氏》曰: 至叔 "「叔孫氏自公孫兹、叔孫 得 孫行父於晉,事敗奔齊。 皋於魯,而復 孫 僑 七年 如 「穆 也, 其 》「齊 世 僑 叔 横滋甚 卿 如之弟, 聘 來 也。 聘」。 于 宋 反 叔 得 通 亦 孫 臣 木 此 譖 氏 訥 又 嗣 稱 成 再 之 世 見 君 穆 趙

會、征 復 黨 而 出 季 沮 矣 孫行父爲 伐 而任聘問之事 專 今襄 於 仲 正 公即位 卿,則耄 孫 蔑。 蔑 矣。 幼 者 未 故 能 孟 叔 獻 君 孫 盟 氏

遂城虎牢。 林父、曹人、邾人、滕人、薛人、小邾人于戚,冬,仲孫蔑會晉荀罃、齊崔杼、宋華元、衞孫

牢,則 自遠。 故 今孟 滅 牢 國之虎 文耳。《左氏》曰:「冬,復會于戚,齊崔 遂城 城虎牢 也。 號 不繫之 州 爲 虎牢 虎牢」者,先會謀于戚,而後城 牢,故 荀 罃 張氏 汜 制 ·, 所 鄭 水 邑, 非  $\Box$ 城 以 縣 鄭 不繫之鄭。 秦 :「虎牢,故東號之邑。 之, 服 愚 有 封 漢 鄭 謂 故 内 非 爲 而 虎虎 之邑。 取 拒 鄭 成 牢 其 楚。 然 泉 • 既 城。」吕 地 此 滅 諸 東 鄭服 而 虢 亦魯 侯 有 有之也 本 而 氏 汜 史之 城 據 則 曰 水。 楚 鄭 虎 虎

> 之功 天下 天下 鄭 策 兵車 反。 唯强 趙氏 之言 武子 城 以 中 取 倚 而 濮 或 逼 而 是從。 之以 之會, 以一 故 及 也。 鄭 也。」愚謂 無兵者六年。 哉 城 城 日 之功過 之,虎 : 也。 滕 之 虎 「晉、楚争鄭五十年,乍叛乍服 然非 抗 喪, 鄭不服,天下諸侯爲之不寧 牢。 故雞 薛、 無 鄭成一叛入楚,而終身不復 遂城 矣 中國。 日 牢 則 城 天子 小 虎牢 澤 而 既 過 邾 虎 之盟, 置. 非 也。 虎牢 則 牢 命 巖 之大夫皆會 今晉帥 鄭 鄭 城 今晉: 險 有,鄭 此 又 而 鄭 虎 聞 人 使 亦 牢,誠 中 不 + 於 悼謀制鄭之 乃成。」木訥 同 大 國安,晉悼 伐 或 何 天 於 夫城之, 而 之大夫 恃 有 下,楚、 知 召 自 功於 武 至 抗 子

楚殺其大夫公子申。

《左氏》曰:「楚公子申爲右司馬,多受小

公如晉。

以政、殺之。」皆未詳信否。義見《莊二氏曰:「嬰齊、壬夫躬執楚政,惡申之偪國之賂,以偪子重、子辛,楚人殺之。」許

三年春,楚公子嬰齊帥師伐吴。

十六年》「曹殺大夫」。

廖。 政不綱,而 於吴、楚。 心 亡。』楚人以是咎子重。 君子謂:"子重於是役也,所獲 取駕 己。 被 鳩兹,至於衡 僖三年》「徐取舒」。 左氏》曰: 練三千以侵吴。 其能 而 子重 駕,良 卒。」愚謂 三歸,既 免者,組甲八十、被練三百而 此 夷 「楚子重伐吴,爲 邑也。 其 狄 Щ 飲至。 相 自 : 爲 吴人要而擊之,獲鄧 使鄧廖 夷 相 鄧廖,亦楚之良也 盛衰之由,亦見 狄 三日,吴人伐楚, 攻 子重病之,遂 爲 伐 帥 中 也。 或 組 簡 之 害, 甲 不如 義 三百 師 莫大 又 克 克 見 遇 王 所

> 反朝 《左氏》曰:「始 不朝王,蓋 司 列 乎?」義又 不 可 朝 接 也。」高 以 見《僖十年》「公如 成 人之禮 氏  $\exists$ 也, 「童子侯 贵 口

齊」。

夏四

月壬戌,公及晉侯盟

于長

樗

蔑」。 神 事 以以 張氏 朝晉之爲禮? 是望,敢不稽首。』」義見《隱元年》「盟 孟 國都以與公盟。」《左氏》曰:「盟于長樗。 在 「凡盟者,必爲壇於國 河面 晉 獻子相、公稽首。 敝 果由衷乎?」 耳。 曰 : 〇貫 邑介在東 君辱稽首,寡君懼矣。』孟 「長樗, 兩君 道 王 會 表,密邇 氏 其 盟,少 近晉 臣 曰:「襄公在 挾 知武 外。 之地。」 長不 之以 仇 儲,寡 子曰:『天子 故 件, 歃 如 晉侯 高 獻子曰 幼, 君 氏 欲 安 將君 出 血  $\Box$ 媚 知 于 其 詛

自

盟于 長 티 : 樗至。」義見《桓二年》「公至自 「本謀如 長樗之盟 長 樗 而 至 晉 乃 自 晉 而 朝 者 以 後 之事 」, 蓋 如晉爲重,故 公如 故故 東 晉 唐 萊 則 不 吕 朝 以 氏 晉

子、邾子、齊 月、公會單子、晉侯、宋公、衞 世 子光。己未,同盟 于雞 侯、鄭伯、 澤 莒

單

子

下同

列

或

盟,

蓋

襲

柯陵之舊弊

也

:

氏 杜 即 氏  $\Box$ 洺 H 州 永 地 雞 平縣。」《 譜 澤 **\***: 在 廣 左 名 Ψ. 氏》三 曲 雞 梁 丘 縣 : 西 張 晉 南 氏 爲  $\Box$ 任 鄭

告 服 ·於齊 故 月. 日 欲修吴好, : 『寡 君 使 匄 將合諸侯。 以歲之不 易, 使 與 + 不 匌

虞之不 許 不 · 而 協 戒 難 請 寡 爲 君臨之,使匄 不 君 協,乃盟於耏 願 與 一二兄弟 乞盟。」齊 外。 相 六月, 見 侯 欲 以

公

單頃

公及

諸

侯。

己未,同

盟

于

雞

言,斯 至。 澤。 年 臣 義 必尊主奉法, 河面 下 ·與諸 康 晉 後可 大 侯 侯 亂 侯 胡 使 以 約 之 氏 荀 耐 表 道 誓  $\Box$ 會 後 諸 正 逆 也。 可 乎天下。 吴子 王 侯 以 臣 義 保 亦 於 將 又 敢 其 淮 命,必惇信 見 諸 上 社 E 與王 稷。 ^ 侯守邦 莊 吴 今 王 臣 子 要 明

夫 陳 及 侯 陳 使袁僑 袁 僑 如會。 盟 戊寅, 叔 孫豹及諸侯之大

也。 豹 不 成,晉侯 尹 與之爲盟 書 曰:「諸 及諸 欲 叔 袁 君 孫 舉 侯 僑 侯 豹 於 使 陳氏 之大 也。」《左氏》曰:「楚子辛 詘 既 及 小 和 諸 盟,而 之者, 或 組 ⊟ : 夫 侯 父 也 及 以 陳 告於 袁 自 陳 成 僑 ...魯 大夫盟 雖 公使袁 袁 諸 乃 言 然,有 僑 至,故 侯 之 盟 袁 也 僑 諸 秋, 僑 陳 大 如 侯在 爲 夫 請 叔 會 啖 孫 **令** 别 氏 服 求

諸侯 矣。」 義 見《桓二年》「公至

É

唐」。

冬,晉荀罃帥 師 伐許

: 『諸侯之盟事畢矣,而吾子始 曰:「悼公盍亦增修德政,而 血,要質鬼神,是瀆之 《左氏》曰:「許靈公事楚,不會于雞 冬,知武子帥師伐許。」貫道王氏曰

陳芘鄭,則許必慕德 困於鄭 自新城以 而安於楚也。 來,不 與 中 國 荀罃輔 盟 會 四 晉,苟能存 十餘 年,

狃於陳之如 會,而 遽求多於許邪?」義

加

歸之矣,何爲

欲也。

雖微盟誓,天地鬼神,實照臨之。

楚之政,背夷即華,此諸侯之願

, 寡君之

來。

若

再

刑

性歃

謂

袁

僑日

康侯胡

氏

在

而

大夫自

爲

盟,而

後

大

夫專盟

而

大夫盟於是,始晉悼公爲之也。

也。

且吾

子以

帝

王之胄,習於禮義,害

又見《隱二年》「鄭伐 衞。

四 年 春,王三月己酉,陳侯午卒。 義見《隱三年》「宋公卒」。 此又爲陳人

韋 頓起文也。

夏,叔孫豹如晉。

《左氏》曰:「 也。」義見《隱七年》「齊來聘」。 穆叔 如晉,報 知 武 子 之聘

秋七月戊子,夫人弋氏薨。弋、《左氏》、《穀梁》作

所

也。」吕

氏

曰 :

「言君臣上下之失其

子曰

"『禄之去公室五世矣,政逮於大夫

四

世

矣。』非獨

魯

也,滔滔

者天下皆

是

會。

戊寅,大夫自

盟

政在大夫也。

孔

而

諸

侯始失政也。

故十六年, 湨梁之

孫氏

曰:「諸侯盟,大夫又盟,是大夫强

報焉

足矣!

奚必汲汲

使大夫盟哉

其惟

可

心糾逖王慝!』厚禮遣之,使往

四〇七

621

公時復稱定姒、當以《公羊》爲正。之事言之,遂誤以弋氏爲姒氏。」愚案:此既稱定姒、不應哀姒、下同。葉氏曰:「《左氏》、《穀梁》不能辨二定,乃以定姒姒、下同。

義又見《文四年》「風氏薨」。此又爲公矣。魯之宗廟不肅,失禮不經甚矣!」曰:「自成風以來,魯以廟祔二母爲常華氏曰:「定弋,襄公之妾母。」貫道王氏

葬陳成公。

如

晉起文也。

葬,以 葬 而 氏曰:「鄭睔書卒不書葬,以其從於夷, 義 中國 也 見《隱三年》「葬宋穆公」。 其 諸 從於 侯 不會其 中 國,而 葬 諸 也。 侯遣 陳 午卒 大夫會其 ○貫道 间 書  $\pm$ 

葬之,又别爲之謚,時公方七歲耳。」愚高氏曰:「死才三十二日,遽以夫人之禮八月辛亥,葬我小君定弋。《公羊》作弋,今從之。

見《文五年》「葬成風」。謂:童子侯何知,當國大臣之罪也!

義

冬,公如晉。

年》「公如齊」。《左氏》曰:「公如晉聽政。」義見《僖-

陳人圍頓。

討,頓 愚謂: 《左氏》曰:「楚人使頓間 韋 以致寇。 民,外禦强楚,而 國,而頓爲楚間,故圍之。」皆未詳信否。 陳人圍頓。」高氏 隱二年》「鄭伐衛 陳 子 納 陳侯居喪,且 恃 頓 比 . 楚 子 事 而 于 而 티: 頓。 不 觀、皋自 越 事 喪 方歸 僖二 陳侯 興 陳。 師 中 陳 見 十 五 而 國,不修德 畏 今 也。 韋 侵伐之,故 陳 楚 楚之與 年,楚人 復 而 義 從 又見 不 或 中 敢 教

也。」義又見《桓二年》「公至自唐」。存耕趙氏曰:「居衰絰之中,廢朝正之禮

夏,鄭伯使公子發來聘。

《左氏》曰:「鄭子國來聘,通嗣君也。」義

見《桓三年》「齊來聘」。

叔孫豹、鄫世子巫如晉。鄭、《穀梁》作繒。

託 乎,晉也!」愚謂: 與之俱 公羊》曰: 魯以依晉。其秋,鄫人遂會于戚。 也。 莒 此 將 何 以 滅之, 莒有 書 ? 滅 故 爲 鄫之勢,故 相 叔 與 孫 往 豹 率 此 鄫 殆 而

爲莒滅鄫起文也。

仲孫蔑、衞孫林父會吴于善道。《公羊》、《穀梁》

作

稻

許 氏 往 如 會之也。」又見《成 氏 曰:「吴地。」《左氏 曰:「凡序吴者,會 辭不 會于雞澤之故,且請聽 + 五. 我 年 「吴子 也。 **%** 善 殊 ·使壽 吴者, 道 諸侯 ~,范 越

之好。 之方强 也。 伯 之,則襲矣。 景公始通吴,然教之叛楚,而 孔子曰:『人無遠慮,必有近憂。』悼公之 抗 趨 徧告於諸 也,乃命魯、衞之大夫先會吴于善道,又 中國之諸 吴于善道。」貫道 會吴,且告 會吴,無 會吴于 大盜 也。 世用夷、文、襄則然矣、齊桓不爲 卿先告會期,不 厲 晉人將謂之合諸侯,使魯、衞 公鍾 ,急於攘之,故不暇 夫 丽 鍾 遠 楚 侯 侯 内 離 會期。 慮 而會之,是使中國胥爲夷之 延 則 離之會,以六 以 今悼公將欲 矣。」義 攘 小 制  $\pm$ 竊 之,吴則會之,是 楚,不 故孟 氏 知 貫 也。 夷 日 道 又 : 獻子、孫文子 德 見 王 患其 會昊, 意者悼公 「晉悼復伯 國之 無 氏  $\sim$ 爲吴 成 厭 딩 : 力之不 未與之接 + 使 乎. 卿 慮 Ŧi. ? 魯、 也。」 患 禮 晉自 歟 猶 年》 ·· ; 挾 足 會 衞 賓 ? 楚 外 先

秋,大雩。

《左氏》曰:「旱也。」義見《桓五年》。

楚殺其大夫公子壬夫。

尹子辛實侵欲焉。』乃殺之。」未詳信否。《左氏》曰:「楚人討陳叛故,曰:『由令

義見《莊二十六年》「曹殺

(大夫」。

子、邾子、滕子、薛伯、齊世子光、吴人、鄫人|冬,戍陳。公會晉侯、宋公、陳侯、衞侯、鄭伯、曹伯、莒| 義見

成。 館、《穀梁》作繒

吴稱 善道 元年》。 高 主尊吴而 氏 、柤、向,皆  $\Box$ 鄫序吴下者, 鄫 人,微者也。 《左氏》曰:「會吴且命戍陳 此 忘 其夷夏之别也。戚,見《文 吴 中 人 來 或 或 往 會 與吴皆子爵,意伯 日 中 會吴也。 夷 或 狄 · 非 大夫 若 夫吴 鍾 多 也。 離 亦 稱

病

楚也。

殊不知彼能病楚,則亦能

病中

夷

秋,今中國諸

侯

屑與之會者,爲

其

能

争 盟 國矣。 九年》「會于防」及《隱二年》「會戎 之後、伐齊、 則 此 其 中 病 伐魯、伐 或 中 之誤 或 可 計 衞 知 也。 矣。」義又見《隱 伐 陳,以 觀 吴 自 至 與 敗 于 晉 楚

公至自會。

潛

義見《桓二年》「公至自唐」。

書諸 啖氏 事 氏曰:「自桓、文以來,所以服陳者,未聞 楚,民朝夕急,能 貳而立子囊,必改 令尹。范宣子曰:『我喪 侯之戍,不疑也。」《左氏》曰:「楚子囊 曰:「戍陳,内辭 也,無之而 侯會于戚,下又書諸侯救陳,知 曰:「戍者, 後可。』冬,諸侯戍陳。」 也。」貫道 以 無 行 兵守之也。」《 往乎? 而 疾 陳矣! 討 王 陳。 有 氏 陳,  $\exists$ 楚 陳 穀 非 人 近 梁》 吾 討 於 爲 先 張

以救陳出,故以救陳至。 義見《桓二年》

「公至自唐」。

六中

辛未,季孫行父卒。 譏世卿也。大意又見《隱元年》「益師

卒。

六年春,王三月壬午,杞伯姑容卒。

《左氏》曰:「杞桓公卒。」義見《隱三年

「宋公卒」。

夏、宋華弱來奔。弱、《公羊》作溺 義見《僖二十八年》「元咺奔晉」。

秋,葬杞桓公。

義見《隱三年》「葬宋穆公」。

滕子來朝。

《左氏》曰:「滕成公。」義見《隱十一年》 滕、薛來朝

莒人滅鄫

義見《莊十年》「齊滅譚」。〇案: 鄫懼莒

楚公子貞帥師伐陳。

强

而晉誠下策也。」

柤,皆東境也。

圃

又戍陳以守之,楚誠

自悼公通吴以制楚矣,會于戚、于向、于

也。桓公不戰而屈楚,文公戰而屈楚。

·君子以悼公之伯業,桓、文之所不屑爲

國之勞而不能支也。

君舉陳氏

 $\exists$ 

能保陳乎?」愚謂:於此見夷狄之强

以兵守之也。晉爲安陳之計如此,何以

《左氏》曰:「子囊伐陳。」義見《莊十年》 荆敗蔡師」。

光,救陳。《穀梁》曹伯下有「莒子、邾子、滕子、薛伯 公會晉侯、宋公、衞侯、鄭伯、曹伯、齊世子

一十八年》「救鄭」。

左氏》曰:

「會于城棣以救之。」義見《莊

十有二月,公至自救陳。

四一

四一

莫能 其 之熟,不爲甚 而 滅 求 正也。 一是時 庇 加 不 於 問 晉, 禮 異,故 義 此伯 晉 衰絶,滅 與之爲 業之所 雖 晉悼號 戚之會 或 以 弑 卑也。 君、皆 爲 賢君 矣, 目 吕 坐 亦 見 氏 視

冬,叔孫豹如邾。

《僖七年》「齊來聘」。《左氏》曰:「穆叔如邾,聘且修平。」義見

季孫宿如晉。

己。 父喪 義又見《隱七年》「齊來聘」。 宿,行父之子 未期 襄公幼弱,蓋 Mi 執 武 子 使 也。 命 非 公意,宿 知 木 世 訥 卿 趙 氏 以 自 曰 爲 古 之。 位 宿 m

十有二月,齊侯滅萊。

師 正 左氏》曰: 乃還。 輿 子 賂 齊姜薨。 夙 沙 二年 衞 春,齊侯 以 齊侯使諸姜婦來 索 牛馬,皆 伐 萊。 百 萊 匹,齊 人使 送

> 萊。 逼之。 葬,召 遂圍 萊 年》「齊滅譚 心積慮, 豈不可 之,及是,凡四十年 自宣七年公會 信 莒,莒人殺之。 子、棠人軍 鄭子國之來聘也 於襄宫。 杞桓公卒之月乙未,王 否。 君 萊共公浮柔 萊。 ? 萊子,萊子 邦 六年,齊侯 出 晏弱 衡 甲寅,堙之,環城 奔 齊師,齊 胡 國 圍棠,丙 氏 齊 四月,陳無宇獻萊宗 甚辠歟?」義 ○《公羊 滅 奔棠。 ,四月,晏弱 不 曰 : 一 侯 滅 君死之,正也。」 一會,故 師 乃滅萊。 伐 萊,萊 大 萊,至 辰 齊 \* E 敗 正 湫 之謀 而 晏 之。 輿子、王湫 帥 傅於 恃 弱 滅之。」未詳 又見《 城東陽, 一
> 曷
> 爲 九 則 師 謀 城 萊 丁未, 年 、煤。 齊 及 也 東 久矣 莊 又伐 IE. 不言 侯 陽 處 器 奔 輿 及 而 於 以

七年春,郯子來朝。

義

見《隱十一年》「滕、薛來朝」。

夏四月,三卜郊,不從,乃免牲。

義見《僖三十一年》。此但三卜,少

殊耳。

小邾子來朝。

年》「滕、薛來朝」。《左氏》曰:「小邾穆公。」義見《隱十

城費。

費,張 心,而 與 氏 衡 上 大夫食禄於其邑,未有城而守者也。 曰『家不藏甲,邑 天子有分土 南 胡 下相保,莫敢 而 而 遺爲 求媚 氏 役。」故 城 氏 曰:「春秋邑而城者多矣,費爲 費 費宰,叔  $\Box$ 於南 : 則 季 無分民 遺 魯 沂 氏 覬 無 謂 仲昭伯爲 襄 州 城 覦 百 之 費 諸 費。」貫 遺 雉之城』。夫是 失 、縣。」《 季 : 侯則 政 『請 孫 隧 可 道 古 左 城 無分土矣。 正 知 有 王 欲 費,吾多 氏》 矣。」 無 氏 君 善 日 日 故 之 以 邦 季

> 於此。」 城 及費。 之意也。 勞 知 其 氏 氏 不 氏 年,未嘗欲 「先是季友立僖公,於是 隱 後 惟 民 邑 邑, 曰 曰:「書城費,乃 於夏四月,非時 七 : 其賢,惟 不 南 而 則 年》「城 季氏 口 蒯 已, 見 經 禄去公室, 以 以 季氏之强,而 城 至 蓋 有 設 費 其 也。 中 定 費 爲 險 叛 世,豈不殆哉?」 Ė. 以 恃 十二年墮費,蓋 矣。 河,而 非 履霜堅冰之戒 行 \_ 0 險 來,更三世 自城費始 父死 制 季 者 書 始有: 孫 設 賜 戒 者 存 未畢 帥 險 也。」 以 非 耕 師 以 汶 心康 以 傳 捎 但 喪, 自 墮 張 陽 義 君 譏 七 氏 費 古 始 舉 之 而 用 侯 公 + 又 不  $\vdash$ 也 見 見 陳 室 費 Ш 胡 Ŧi. 時 則

秋,季孫宿如衞。

存耕 不俟免喪而 趙 氏 曰 : 如 衛、如 宿 代父爲 晉,殆 政 無 甫 虚 歲 兹 何 用 汲

四 二 二

四 一 四

柄。」 汲 如 義又見《隱 此 蓋 以 七年》 締 私 齊 交 而 來 聘 古 其 執 政 之

帥

師

亦見貞

之專楚

也。」

義

又見《莊

+

以

見

楚之憑

陵

中

或

極

矣。

屢

書

公

子

貞

八月、螽。《公羊》、《穀梁》作蠓。

義見《桓五年》。

父盟。 冬十月,衞侯使孫林父來聘。壬戌,及孫林

容。 過。 穆子 言,而尋孫 後 Ш 左氏》曰:「衞孫文子來聘,且 衞 不 君。 相 悛,亡之本也。』」義見《成三年》「 穆叔曰:『孫子必亡。 吾子其少安!』孫子 趨 今吾子不後寡 進 桓子之盟。公登亦 曰:『諸侯之會,寡 君 爲臣 寡君 無辭,亦 拜武 登 而君,過 君 未 叔 子之 無 知 未 荀 所 嘗 孫 悛

楚公子貞帥師圍陳。

庚

來

聘

邦 也 衡 胡 此 書 氏 韋 日 一一前 陳 則 以兵合而守之。 書 伐陳,未 足以 書 克 此 陳

> 伯、莒子、邾子于鄢。 十有二月,公會晉侯、宋公、 之救 之。」杜氏 《左氏》曰 逃歸,故不書救也。」愚謂 年》「荆敗蔡 陳,而 曰:「爲,鄭 :「楚子 爲 師 陳 侯 于軌切。 逃 囊 歸 韋 地 起文也 《穀梁》或 陳,會 陳 書此以 謀 侯、 救 于 作 衞 陳 鄔 陽 侯、 見 陳 以 台 侯 救 曹

鄭 報切,又采南切。 伯髡頑如 卒。 不可 伯如 《公羊》曰:「鄵者何? 義見《隱三年》「宋公卒」。 曰:「諸侯死,書名。 會」,下不 上言『鄭 所 (會、未) 以 頑、《公羊》、《穀梁》作原。 於 見諸 如 山 伯 會 又言『鄭 如 侯。 時,書名 會」, 此 丙戌,卒于 鄭之邑也。」趙 則 下但 伯 爲 以 髡頑卒』,又 鄵作操 上文言『 便文也。」 言『髡 鄵。 頑 鄭 氏 七

陳 侯逃歸

黄矣! 之。二慶告陳侯於會,曰:『楚人執 懼有二圖。』陳侯逃歸。」康侯胡氏 人曰: 『吾使公子黄往 左氏》曰:「陳人患楚。 君若不來,羣臣不忍社 而執之。』楚人從 慶虎、慶寅 稷宗廟, 公子 謂 日 楚 :

「上二年諸侯戍陳,今楚來伐,諸侯又救

之,亦既

勤

矣。

爲

陳侯計者,下令國

中,

侯,謀禦敵之策。 大申儆備,立太子以 當是時,晉 固守,親聽 君 方明,八 命於諸

耳。 此 和睦、諸侯聽 之顧 夫義 路路 棄 也 儀 禮 衞 命,必能 而 逃 門 歸 也。 致力 此 輕 兀 棄中 於陳矣。 夫之事 或

卿

不

惟 鑾 『逃歸』,可謂 夷之懼,是不能 深切著明矣。」義又見 由 是路路 出 入是門。

八年春,王 正月,公如晉。

Ŧi.

年》「鄭伯

逃歸

義見《僖十年》「公如 左氏》曰 : 「公如晉朝 齊」。 且聽朝 〇 孫 聘之數。」 氏 曰

「公前年會諸 侯于鄢。 不至者,公自鄢

朝晉也。」未詳 信否

夏,葬鄭僖公。

鄭人侵蔡,獲蔡公子燮。 義見《隱三年》「葬宋穆公」。 息協切。 《穀梁 作

《左氏》曰:「鄭子國、子 人來討,能 『小國無文德 公子燮。 鄭 無從乎? 人皆喜, 而有武 唯 功,禍莫大焉。 從之,晉師必至。 子 耳 産 侵 蔡, 不 順,曰 獲 司 楚 馬

命,而 矣。』子國怒之,曰:『 有正卿。童子言焉,將爲戮矣。』」 爾何 知? 或 有 大

晉、楚伐鄭,自今鄭國

不

四

Ŧī.

年

弗

得

寧

愚謂:鄭 夫,皋自著矣。 伯居 喪 義 而遣兵侵蔡,又獲其大 又見《僖 元 年》 獲 莒

○黄氏曰:「僖公方葬,鄭乃侵楚

四 Ŧi.

防。

敗

大夫,有以見民不親上,而 日 : 師 未 嘗 委 義見《桓二年》「公至自唐

于邢 季 孫 Fr. 宿 會晉侯、鄭伯、齊人、宋人、衞 人、邾

Ĺ

之於敵

而

遽

獲

其

旋

踵

致

楚之師。」高

氏

與

或

以

挑釁,此子産所

以

獨

憂。

而

不

邢 任 之大夫聽命 自 氏 會 邢 曰:「邢 丘 于 邢 遷 。」劉氏曰:「公在也,曷爲 丘,故邢國,河 丘 襄 或, 以 命 又 朝 遷 聘之數 夷 内平泉 儀 \_ < ~,使諸 左 縣 氏 也

如 夫會晉侯? 反反 未至國,令季孫宿 公反矣,未至也。 復 往 公正 會 耳 月 大 侯

公至自晉

人伐我 東 鄙

莒

《左氏》曰 不討,所以 未詳信否。 ○張氏曰: 興伐 「莒人滅鄫,而魯 「莒人伐我 義見《隱 魯之師 東鄙 也。 年》 鄭 以以 不問,伯 人伐 彊 鄫 衞 田 主

秋 九月,大雩。

冬,楚公子貞帥 《左氏》曰:「旱也。」義見《桓五 師 伐鄭

《左氏》曰: 子駟、子國、 「楚子 子耳 欲從楚,子孔 囊伐 鄭 討 其 子 侵 蟜 蔡 子 也

展欲待晉。 俟河之清,人壽 子 駟 幾 曰:『《周詩》有之曰: 何? 兆云 詢 多, 職

成 競作羅。」謀之多 民 急矣,姑從 族,民 楚以 之多 舒 吾 違, 民。 事 晉 滋 師 無

其臣

, 何

以宗諸

侯?

晉

侯之惡

亦

口

見

政

在

季氏

故

也。

晉爲盟主,棄其

君

而

與

不

與

公會,而

與

季孫宿會者,襄公幼

孫

氏

 $\Box$ 

「邢丘之會,公在

晉

也

晉

侯

矣。」

一前説

近是。

義又見《隱

九年

- 》「會

于

74 二六 騑

也

受

而

師

徒

於

如

匪

行

是

用

不

口

乎

如

信

必

將

速

和

睦

不

如

待

·? 子 一,必不 。」完守 之信,今將 親 又從 歸, 晉 或 其 邁 平. 庇 也 集 我 以 日 謀, 咎。』乃及 民 無 : 駟 棄 討 何 無 之。 晉 犧 了君 以老楚,杖信以待晉,不亦 焉。 信 發 日 子 是 患 鄭 成 亂 君 牲 言 : 焉? 背之,雖 展 用 敬 略 命 兵 寇 鄙 『《詩》云:「謀 方 玉 盈 楚  $\Box$ 恭 敝 不 亂 楚平。 我 帛 明 不 師 庭 邑 得 幣 蔡人不從,敝 舍之聞 日 是 爲害,民 遼遠 待 帛 于 几 小 楚救 誰 欲 至 道 軍 所 於 以 修 使王 敢 Ľ 不 糧 無 待 之 我 以 而 執 請 竟,以 闕 口 無 事 不 來 夫孔 車 食 ,將安用 字伯 其 「杖 從 大,信 罷 賦 從 將 日 者 咎? 邑之 矣。 楚 盡 也 病 做 駢 莫 卿 待 小 晉。 文 焉 比 見 所 使行 其 所 非 也 敝 故 馬 人 鄭 德 欲 ? 庇 四 其 稱 邑 不 父 剪 而

之 ?

Ŧi.

會

也

小

不

亦

口

强

者

而

或

之

道

至

吾

於城 變,獻 介行 介大國 若能 也 人 鄰 之衆,夫 兵於蔡?」焚我 敢 而 下 雏 李 子 焉 有 臣 民 兄 寧 加 必 於 ·告於· 信 員 處, 不 知 傾 武 一之間 兵 唯 即 邢 能 敢 對 任 能 窮 覆 功 於蔡, 君 保 違 其 婦 丘 悉 之日 寡 禁 者 人賢 木 、, 困 其 圖 索 君 ? 男 子 無 君 止 也。 之!』康 今 封 而 弟 所 女 敝 無 强 一,不敢 郊保,憑 而 楚 『君有楚命 受 境。 以 控 不 賦 故 楚之令,欲 寡 楚人來討 即 禮 來 盟 夫 告。 皇 以 怒 君 安於楚。 不 討 楚 於 人 法 啓 楚 討 將 告。 侯 楚, 雖 自 愁 民 處 於 陵 日 帥諸 所 胡 守 痛 蔡 死 我 : ,不從 謂 孤 息 知 亦 氏 不 汝 城郭 何 侯 相 不 而 肩 君 不 武 也 獲  $\vdash$ 修 畏 以 知 救 使 與 親 於 何 可 子 :

四一八

鄭 則力不敵; 自兹 弗 得 從之,則晉師 寧矣。」義 必至。 又見《莊十年 晉、楚争

晉 侯使士匄 來聘。

荆敗蔡師」。

左氏》曰:「晉范宣子來聘,且 拜公之

來聘」。 辱,告將用 師 於鄭。」義見《隱 七年》「齊

九年春,宋災。《公羊》作火,非 也

屋。 使伯氏 左氏》曰:「宋災。 陳畚挶,具綆缶,備水器。 司里,火所未至,徹小屋,塗大 樂喜爲司 城以爲政。 量輕重,

道。 蓄 水 潦 使華臣 3,積土 具 塗。 IE. 徒,令隧 巡丈城,繕守 Œ 納 備、表 郊保,奔 火

左,亦. 火所。 如之。 使華閲討 使樂遄庀 右官, 庀其司。 刑器, 亦如之。 向戌討

**庀**武 使皇鄖 守。 命 使西组 校 正 出 吾 馬 庀府守。 了, 工. IE. 出 車 令司宫、巷 備甲 · 兵

> 知 三書『宋災』,見人事之不修。 ○高氏曰:「宋自昭、文以來,亂敗 遠,言小可 以 知大也。」 舉近可以 相屬

伯儆宫。」未詳信否。

義見《莊二十年》。

夏,季孫宿如晉。

也。」義見《僖七年》「齊來聘」。

《左氏》曰:「季武

子如晉,報宣子之聘

五月辛 酉,夫人姜氏 薨。

杜 氏 曰 : 「姜氏,成公母。」義見《文十六

秋 八月癸未,葬我小君穆姜。 年》「姜氏薨」。

杜. 氏 E 四四 月 而 葬,速。」義又見《

文十

七年》「葬聲姜」。

冬、公會晉侯、宋公、衞侯、曹伯、莒子、邾子、 滕子、薛伯、杞伯、小邾子、齊世子光 伐鄭。

十二月己亥,同 盟 于 戲。

杜

氏

日:

戲,鄭

地。」《左氏》曰:

一諸侯

將

盟

鄭

六

卿

孫

輒

公孫

成

+

月

先

 $\pm$ 

之

制

來,

終

必

獲

鄭

何

必

今

民

將

棄

我

**岩** 

唯

鄭

?

: 至

何

恃

於

鄭

?

乃

盟

「襄公有

祖

日:

之喪

不

德

而

要

人

以

盟

贵

何

以

主

盟

?

姑

盟

而

國

亦

口

叛

也。」

知

武

子

:『昭大神

要言

以

争。

楚

不

能

矣,

猶

四

軍

與諸

侯

 $\Box$ 

許之盟

大勞未艾, 與之戰。 也。」諸 己 而還師 之鋭 絳 於 季 蠆、公孫 公子 愈 韓 士 子 肆 修 亥, 郭門 武 斬 於 魴 起 日 器 告 侯皆 子、 君子勞心,小 以 行 騑 戰 : 門 門 司 不然,無成。』知 備 栗。 逆 以 韋 於 於 齊崔 盟 舍之及其大夫、門 公子 遂 來 敝 衞 不 盛 暴 鄭 北 師 于 圍之,以 者,於 楚人。 甲 北 欲 餱 骨 門。 杼、 之 發、 戲 戌 宫 糧 戰,乃許 鄭 以 梁。 宋皇 括 公子 逞,不 鄭 人 杞 人勞力, 我 歸 師 吾三分 待 恐, 未病 曹 服 老 於汜 人、 滕 武 楚人 鄖 嘉 幼 也 子 鄭 口 乃 郳 從 若 禮 焉。 從, 退, 謂 後, 今日 日 辛 歆 或 或 子 而 改 還 ? 皆從 能 獻 苦 其 : 也 不 有 載 鄭 修 而 一天 。」存耕趙 休和 若 哉 ? 子 禋 加 既 墊 異 書。』公孫 我 德 敢 或 鄭伯。 德音 日 可 盟 祀 隘 志 禍 之 有 息 不 遠 : 改也,大 之後 鄭 者 不 其 師 非 異 唯 無 而 或 我 人將 志 氏日 禮 德 有 民 晋日 IIII 所 亂 有 實 舍之 者,亦

禮

與

强

可

以

庇

民

者

是

如

之。」荀

偃

 $\Box$ 

底

告

自

今

日

既

盟

之

0

人不獲

享其土利,

夫

婦

之救

也

而

行

成

中

行

獻

居

疾

於

虎

牢

0

令於諸

侯

日

從

趙

武

魏

薛

人

從

欒

屋

邾

人

從

荀

偃

荀

祭、

士:

匄

門

鄭

或

不

唯

晉

命

是

聽

而

加

此

盟

公子

騑

趨

進

+

莊

子爲

載

書,

日

自

:

使

介居二大國

之間

大

以

要之,使其

鬼神

不

獲

伐

鄭

庚午,

四 九

四三〇

者功過之事 ൬ 同 於會伐,罪 也。 自見矣。」愚 義又見《莊十六年》。 謂: 此 亦 伯

期

楚子伐鄭

苟有 强矣。 《左氏》 賓以 魏 未能 戎人 蠲要盟,背之可也。]乃及楚平。 之瑞也,善之主也。 背之,可乎?』子駟、子展曰:『吾盟 子孔、子蟜 無質,神弗 「唯强是從」,今楚師至,晉不我 絳 特 盟 公無 積 定 請 者,盡 Ĕ 牲 。 同 盟誓之言,豈敢背之? 鄭 施 禁利 舍,輸 而 盟 臨 曰:『與大國盟 器 歸。 楚子伐鄭,子駟將 出 於 也。 用 中分。 之。 亦 積聚 不 晉侯 無 所 作 是故臨之。 或 臨 以 貪 歸,謀 車服 楚莊 貸。 民 無滯 唯 信。 從 П 積 夫 祈 自公以下, 所 給。 血 信者 亦 人卒,王 救,則 以 以 及楚 神明 公子罷 Н. 未 息 幣 無困 行之 要 乾 古 了, 言 更, 民。 平。 不 盟 楚 云 而

> 矣。 伐,兩面受師,實自取 既壞,夷 大國,曾無 也,吾宗也,楚,夷狄 存耕趙氏 年,國 義又見《莊十年》「荆敗蔡師 乃有 夏混 曰:「鄭從楚則晉伐,從晉 夷夏之辨。」 節 淆, 0 三駕 小 役 也。不曰晉,中 也,異類 大,弱 愚 而 楚不 謂 : 役 叮 也。 能 强 見 與 而 則 争。  $\pm$ 但 E 道 或 楚 日

春 秋 本義卷第二十

後學成德校 訂

## 春秋本義卷第二十

## 襄公

柤。莊加切。 滕子、薜伯、杞伯、小邾子、齊世子光會吴于十年春,公會晉侯、宋公、曹伯、莒子、邾子、

傳》昭 道 伯 彭 于柤,會吴子壽夢也。」〇高氏 會吴,見會 一勞諸 城國 也 然吴人者,名謀 公六年,楚公子棄 傳陽 吴在柤 柤 于 則 縣 鍾 諸侯因 柤 有 離 者鄭 柤 水。」《左氏》 柤,張 楚 地 往 而 疾 與吴 而 如 氏曰 實 楚 晉 窺 會 人 曰 : 《 過 : 中 以 所 鄭 或 後 謀 由 左 漢 者 鄭 會 楚 之

> 夏五月甲午,遂滅 復親 之會 然鍾 也 君賓吴,吴始横矣,争長之漸兆矣。 柤會吴,道其 吴于鍾離」。 而 往從吳矣。」義又見《成十五 離之會,諸 通 吴來從諸 晉合諸侯從之, 吴,而吴道多 偪 來路 陽。 貫道 侯之大夫往 侯。 也。 偪,《 穀梁 今 柤 王氏 悼公以 阻 與 之 鍾 曰:「晉 今於彭 一從吴。 離 會, + 之 年 則 會 或 城 方 諸 至 同 患 會 侯 戚

陽,妘 請。 杜 陽,荀偃、 匄請伐 即 城 氏 徐 丙 日 州 姓 而 偏陽, : 寅 沛縣。」《左氏》 或 大 古, 量 士匄請 彭 柤 勝 之弗克。 而 之不 城 會 封 於荀 傅 而 宋向 滅之,故 陽 武 一绺日 諸 1戌焉。 티 : 縣 弗 侯 也。 「晉荀 勝 之師 『水潦 日 『遂』。 爲 荀罃 張 笑。」 久 氏 偃 將 於偪 日 日 士: 古 偪

四三

懼

不能歸

請班

師。」

知伯怒,投之以

出

於其

間

曰 : 『女成 事 而 後 告 余。 余 古之人行一

又欲 恐 侯,❶牽帥老夫以至於此。 亂 易余皋,曰:「是實 命 以以不 女違。 女既 班 既 勤 師,不然克 無 君 武武守、 而 與 而 諸

矣。」余羸老也,可重任 乎 ? 七日不克

卒 攻 偪 陽,親受矢石。 甲午,滅之。 書

必

爾

乎取之。』五月庚寅,荀偃、士匄

遂

滅偪陽」,言自會也。

以與向戌,

陽 向 光 戌 啓 辭 寡 日 :『君若猶辱鎮 君、羣臣 安矣,其 撫宋 何 或 貺 如 而 之? 以 偪

若 皋大焉 專 賜 ? 臣,是 敢 以 臣 死請。』乃予宋公。」未詳 興諸侯以 自封 也,其 何

率諸 信 否。 侯 許氏曰 會 吴 前 :「晉之威德未能 大 道 用 師 滅 人之國,恃 服 流遠,躬

耕 衆 矣。」義 趙 剽 氏 利 曰:「會吴非矣,滅偪 又見《莊 無 復 伯  $\pm$ 討 年 ¥ 則 齊 中 滅 或 譚 之 陽 禮 何 義 哉? 存 盡

> 諸侯 易亂 不爲。 而 也。」莘老孫 悼公欲 爲 利,名 不義 通 恤 氏 殺 吴之道 门 三 三 災救 不辜 若晉 患 而 滅 丽 實 者 偪 雖 所 陽 得 自 天下 封 謂 以 殖 亂 大

者 也。

公至自會。

帥

義見《桓二年》「公至

白唐

楚公子貞、鄭公孫 輒 帥 師 伐

二大夫皆帥師,省文耳。《左氏》曰

子囊、鄭子耳 伐宋,師 于訾毋。」高氏 日

鄭背中 或 即 夷 狄, 又 與夷 狄 同 伐 +或

師

皋不容誅

也。」義又見《莊

十年

》「荆敗蔡

晉 師 伐秦。

左氏  $\forall$ 日 : 「九年,秦景公使士雅乞師 於

0 與」,據《左傳》當作「興」。

一楚

所

以

伯

曰:『不 秋, 莒人伐我東鄙

楚,將以伐晉。

楚子許之。

子囊

可。 使之,舉不失選,官不易 今吾不 能 與 晉 争。 方, 晉 其 君 卿 類 庶 讓 能 人 於 而 ^ 高 我 東

力於農穡,商工皂隸不知遷業。 善,其大夫不失守,其士競於教,其 韓厥 老

而 矣,知罃稟焉 上之, 使佐 以 中 爲 軍 政。 韓 范 起 匄 少 少於 於樂壓, 中 行 ± 偃

爲賢而爲之佐。 魴 上之,使佐 Ŀ 軍。 君 明臣忠,上讓 魏 絳 多 功,以趙武 下競,

當是 其圖之!』王曰:『吾既許 時 也,晉 不可 敵, 事之而後 之矣。 可。 雖 不 及 君

秦援。 將出師。』秋,楚子師於武 秦人侵晉,晉饑,弗 能 報 也 城 以 爲

勢也 年,晉 木訥 趙氏 荀罃伐 楚、鄭伐宋,晉不救宋而 曰 一 秦,報其侵 楚既 得鄭 也。」未詳 則 兵 伐 及 秦,非 於宋, 信 否。

> 左氏》曰 鄙。」義 :「莒人間 見《隱 二年 諸 侯之有 · 》「鄭 伐 事 也

一,故

伐

氏 曰:「魯國 卿大夫,唯 私 室 一之務 衞 列則

今年 公室之不 又會 于柤,又方 競,宜矣。 且. 同 去 會 伐 年 鄭 百 ,退受莒 盟 于 戲,

兵而 不能 禦。 魯必 有 以 取 之也

世子光、滕子、薛伯、杞伯、小邾子伐鄭。 公會晉侯、宋公、衞 侯、曹伯、莒子、邾子、 齊

之也。 衞 謂:薛、杞二伯 吕氏 之無禮 亦功過之舉。 曰:「齊世子光序諸侯上,主會者爲 《春秋 文,專以 》不改,所以 義 序 强 於諸 又 弱 見《隱二年》「鄭 事 子之下亦 勢爲 示 先後 譏,言 然。 也 上下 伐 愚

冬,盜 羊》、《穀梁》作斐。 殺 鄭 公子 陸氏 騑、公子 日 「據字子駟 發、 公 宜爲騑 孫 輒。 騑,《公

四三

守 盜 耳 馬 之 駟 車 子 騑 授 不 死 攻 臣、侯晉 喪  $\Box$ 日 ·; 子 : 駟 子 甲 儆 執 徒 田 爲 劫 以 焉 尉 與 而 書 政 田 盗 爾 耳爲 成 門 鄭 駟 日 作 尉 臣 出 洫 止 於 車 者 列 伯 堵 盜 亂 故 IŁ. 妾 獲 西 一, 庀 微 P 司 而後 發 司 以 非 · 言 Ŧi. 有 女父、子 宫 多 空,子孔 "; 子 而 氏、 如 賤 又 禮 羣 於是 族 争 之朝 逃 出,兵 追 無 與之 北 之 聚 將禦諸 或 司 也。」遂 堵 盜 稱 大 宫 器 子 羣 0 氏、 閉 夫 師 輒,子 争。 爲 駟 不 車十七乘,尸而 盗 殺 用 府 子孔 焉。 僕 侯 當國, 弗 逞之 司 人 子 左 多 侯 庫 氏 帥 使 於 徒 子 喪。 氏 駟 之 耳 北 子 知 人, 賊 獻 慎 • 駟 · 子 子 師 也 之,故  $\Box$ 子 西 以 尉 閉 宫 子 抑 或 大 師 而 聞 或、 初, 藏 止 産 尉 乃 爲 公 氏 朏 孫 盜 初 聞 不 子 子 皆 子 其. 氏 攻 歸 可 止 司

門 之, 盜 貮 見 成 或 順 書 子 偃 也 孫 所 子 曰 口 之外, : 孔 將 以 息談笑而 氏 殺 欲 臣 師 於 是衆 政 犯 危之道 不可 於 僕 北  $\Box$ 衆怒 之本 衆 誅 位 尉 衆 盜 康 宫。 衆 序 盜 興 之。 翩 亦 爲 ', 曰 侯 則 盜 難 也。 而 衆 禍 也 得 政 却 胡 聽 司 子 ·; 子、 犯, : 後定。」高 盡 其. 安,不 子 也 敵國之兵,勝 氏 \_ 政 齊 不 蟜 H 本 所 死 專 産 爲 必從、 辟 奔 如 帥 而 强 以 或 欲 書 止 宋 殺 焚 或 侯 在 則 亦 不 難 之,請 以 大夫諸  $\equiv$ 卿 之。 氏曰 書 人 晉 精 人上 口 亦 定 成 子 卿 大 以 助 神 奔 乎 難 -: 或 孔 夫 乃 之, 安衆。 千里之難 合二 岩 者 折 鄭 ? 爲 乎 司、門子 當 焚 爲 衆 衝 伯 口 之焚 ? 殺 或 堵 專 怒 書 難 君 大 失 知 爲 女 尉 欲 夫 子 子 聞 之 刑 也 於 以 而 書 父 止 者 弗 載 陪 得 産 倉 安 焚 有 政 而 無

朝,安 矣。 戈,何異 犯哉? 盜 乘 乃至 釁 在 負 其 三子者不能 而 於身不 販 至 爲 小人 者 陪 也 貮 能 乎? 耐 保, 佐 苟 乘君子之器 時 無 而 邦 憂 釁 盜 衡 或 隙 得殺之於 胡 盜 日 氏 乎. 尋 贵 H ? 干 敢

戍鄭虎牢。

如

此,

則盜之招也、殺之何悔哉?」

眷 伯 也。 踵 曰:「前年戍陳,不能制 氏》之説又 然 案《左氏》言 不言 Ŧi. 鄭 前 下 主 年 城 .諸 如 服 轍 書楚救 \* 此,而 虎 人 侯戍之者,蒙 而 戍 、之道 勞 牢 陳」。 可疑,姑闕 鄭及晉平 諸 不 鄭 鄭之反 乎? 言 侯 次 ○案: 以 鄭, 年 戍 覆 愚 上諸 ·, 豈 鄭 而 守, 以 如 謂 楚以 成 戍 復 俟 爲 彼 : 罷 言 侯 湯 侵 知 亦 鄭 也 保陳矣。 敝 宋, 伐鄭之文 東 鄭、未詳 以 者。 戍 中 征 之歟 義 見 則《 或 西 晉 張 又 贵 ? 見 氏 左 夷 之 又

> 此。 鄭 夷 怨,南征 雖 王 足 伯 以 北 之 少存左衽 今晉之伯 狄怨。 道 厥 武 效 之 王 品 較 變, 然。 克商, 品 而 與 功 有 楚争 通 烈之卑如 天下者 道 鄭, 於九 戍

楚公子貞帥師救鄭。

可

以

知

所

擇矣。

之將 子蟜 進。」 之師 與 退 恥 驕 知 (左氏) 則 楚 武 也 也 師 子 還 人 退,不從 曰:『諸侯既有 口 盟 合 與 不 遂 欲  $\Box$ 鄭 如 進 諸 戰 退 而 從 侯 矣 欒 ,曰:『今我逃 楚子 南, 亦 以 楚,亦 己 !』樂壓日 屋 退。 至於陽陵 亥, 益 ·囊救 欲 一恥,不 伐 成行,必不戰矣。 退,楚必 以 與 鄭 鄭 楚 退之。」 師 如 :『逃楚,晉之 師 楚,楚 + 死。 量 荀 夾 楚 宵 我,猶 潁 月,諸 罃 師 我 必 涉 而 不 不 將 退 潁 驕 可 軍 從 將 罹 侯

日

我實不能

禦楚,又不能

庇

鄭

鄭

何

首 也 許 救,皆彼 鄙 必 罪 命 莊 之也, 顧 救 ? 而 十年》 之, 居下,王 夷 歸 如 不 楚 狄 見夷 善 還 如 戰 而 荆 於 人 致 也。 而 與 敗 亦還。」愚 綱 狄 此 不 怨 中 蔡師 墜, 1 之 者 克 焉 或 未,諸侯 强 也 而 人道 爲 争 , 還。 衡 諸 而 謂 此 亂矣。 敢 : 侯 則 今伐 書楚救鄭 之師 《春秋》凡 與 笑。 足 中 反居 其 義又見 或 侵 克 師 争 鄭 不 衡 非 書 北 楚 口

公至自伐鄭。

有 軍 杜. 義 于。《左左 見《桓 氏 年春,王 日 氏 萬二千五百人爲 IE. 年》「公至自  $\dot{\Box}$ 月,作三軍 :「季武子將作三軍 唐 軍 增 告 V. 叔 中

子

日

政將

及子,子必不

能。」武

子

古

之,穆子日

:『然則盟諸。』乃盟諸僖閎

孫

穆

子,

 $\Box$ 

言請

爲三軍、各征

其

軍

穆

:

無 己耳 者 役謂 使其 公家倍征 税 自 者即是己有,不須更立私乘。故三家各 以 伐,不屬三子。 室 詛 三分有一之人,以其役與邑皆來入季 叔孫氏使盡爲臣,不然不舍。」孔氏 往前民皆屬 川則 爲己之私乘。 ,若唐之租調 壞 一人公也 諸 而 乘之· 舊 各 供 Ŧi. 無 征 民 父之 時 有 官 公征。 畏倍 之。 人以 車 力, 其 孟氏 衢 乘 公, 役 征 設 叔 其 0 0 部 也。 若 今既三分公室,所分得 故三子自 孫 則 利 即 國家自 使半爲 役 伍 三子 正 不 氏臣其子弟,不臣 害 盡 邑 唐之丁 ,分以 月,作三軍,三分公 季氏 以 入者 歸 以 各毁 人 季 懼 有二軍, 臣, 若子 使所 季氏 足成三 以 氏 民 也。 無 其 所 殿 其 分 乘。 征 者 邑之民 邑 之使 分 得 若非征 軍也 若弟。 謂 得 則 不入 或 季 日 其 氏 Æ 使 内 賦

父兄 半,又 謂 如 取 叔 孫 分, 所取,其 而 歸 中 公 止取 也 其半,又 孟 氏 取

其

《昭五 以 半 歸公,取 年》傳云:『季氏 一分而 三分 盡征之,叔 歸 公也。 孫臣 故 其

子弟,孟 氏 取 其 半焉。」 劉 氏 티 : 至 襄

而 作 三軍 也, 明 襄之前,未有三軍 也

也 及其舍之也,又曰舍中軍,明二軍猶 。」孫氏 曰:「古者天子六軍,大國 在  $\equiv$ 

三桓 軍,次 三軍,亂聖王之制也。」 莘老孫氏 欲弱公室,强私家,不量其 國 軍 一,小國 軍。 魯 次 力之 曰:「蓋 或 而 口 作

民 否 而 力,書曰 頓 作 軍。 『作三軍』也。」〇高 《春秋》以 爲 亂 氏 王制 日 一: 「所 竭

過三日 數之大率如此。其實皆藏於農,歲役 謂 大國三軍,次 此 先王 一之法 國二軍,小 也。 魯次 或 一軍,乃 或 也, 不 兵 雖

軍,必天子以牙璋起之,然後

取

之

미

向

於農 故不書 取 軍亦不可作,所 其 耳 二作 亦 而 何 中軍」,而云『作 作 俟 爲 於 三軍,王 以辠三桓 作 哉 ? 法 三分公室 也。 三軍』者,雖 所不容

夏四 月,四 義見《成十年》。 卜郊,不從,乃不郊 此 但 四 下,少 殊

耳。

鄭公孫舍之帥師侵宋。

《左氏》曰:「鄭人患晉、 楚之故。 諸 大夫

從之盟。 也?』子展曰:『與宋爲惡,諸 師 吾疾也。 曰: 『不從晉,國幾亡。 致 死於我,楚不敢敵, 晉疾,楚將辟之。 楚 師 至,吾又從之, 楚弱於晉, 而 何爲 後 侯必至,吾 則 可 台 mi 古 怒 使 晉 甚 與 晉

矣。 晉。』大夫説之,使疆場之司惡於宋。 戌侵鄭,大獲。 晉能 若我伐宋,則 驟 來, 楚將 子 諸 展 不能,吾 티 : 侯之伐我 一師 而 乃 必 伐 古 與

ĮЦ

展侵 哉 吾 侵宋,以起諸侯之伐。」義又見《莊十年》 尊中國爲心,以致二 與之盟,而 乃 宋。」未 聽 鄭之不 命 焉,且告於楚。 重點 詳 道 信否。 也。 晋 師 乃 國交伐 介於晉、楚,不 獻 免矣。』夏, 可 楚師 杜 不已。 氏 至,吾 日 : 今復 能 鄭 以 甚 子 乃 孰是。 作京。 秋

七

公侵宋」。

子、邾子、滕子、薛伯、杞伯、小邾子伐 公會晉侯、宋公、 《左氏》曰:「諸侯伐 西 侵 晉 子、薛伯 向,右還 光、宋向 其 荀罃至於西 濟於濟 北 鄙。 上,已 戌 次於鎖, 隧。 先至 六月,諸 衞 爲 高 郊, 於 侯、 僭 氏 東 鄭 韋 曹 矣。  $\Box$ 門 侵舊 鄭。 侯會於北 鄭 伯、 : 於東 此 齊 許。 齊 己亥,齊大子 會 觀 光 世子 兵 門。 又在 衞 + 於 林, 鄭 年 孫 光、 其莫, 芦苔子、 南 在 師 林 門, 父 莒 滕 於

> 月己未,同 道 過之舉。 安於禮,卒之見弒,宜也。」愚謂 葉氏曰: 王氏曰:「悼公進光不以禮 「當從二傳。 義又見《隱二年》「鄭 盟 于亳城 京,鄭邑,太叔 北。 亳、《公羊》、《穀 所封 一光亦 伐 衞 也。 此 不自 亦 未 功 詳

成,同 諸 或 Ш 好 利 乃 也 杜 悪, 侯。 故故 ·; 毋 盟 之祖,明 名 氏 JIJ, 日 載書 奬 保 盟 湯 諸侯道 : 于亳。 姦,毋 都。」《  $\pm$ 羣神羣祀,先王 亳 神 室。 日 : 城, 娅 左氏 留 凡 范宣 敝 或 之。 慝 鄭 間 而 我 ₩ E , 救 地。」 無 弦 子 俾失其民,隊 百 · 曰: □ 成, 命 災 : 盟 先公,七 任 患 能 司 鄭 <del>||</del> 氏 不慎, 慎 恤 藴 無 人  $\Box$ 懼 禍 貮 : 급 年 姓 乎? 盟 蜀 命亡 十二 必 乃 偃 失 名 口 维 師

0

邾

子上,於是爲甚,見世子之益驕。」貫

鎖」,通 行本《左傳》作「瑣」。

氏 也 初 師 民 争』者,此 駕 氏 》謂『晉 伐 日 其 鄭 今 國 也。 侯 而 伐 案 「家。」 謀 會 鄭 去 所 干 年 ПП 義 以 秋諸侯伐鄭者 蕭 盟 急民,三駕 見《莊 魚 于 者,三駕 亳 城 十六年 北 ൬ 者, 1,晉悼 也 楚 不 再 能 左 駕 之

公至自伐鄭

鄭

東

門,

鄭人使王

子

伯

駢

行

成。

晉

趙

武

鄭

鄭

台

會

蕭

復 鄭 義 一前 見《桓 以 而 出 已。 伐 而 鄭 伐鄭者,未 二年 致 今雖盟 也 ·》「公至自 而 知 非 鄭 唐 其 服 0 出 而 告之事,故 盟 葉氏 也 一告伐 日

楚子、鄭伯 伐宋

見《莊十年》「荆 鄭至是同夷狄三伐宋, 敗蔡師 皋自 見 也。 義 又

子、邾 于蕭 公會晉侯、宋公、衞 魚 子、滕子、薛伯、杞伯、 侯、曹伯 小 邾 齊 世 子 伐 子 鄭 光、 會 莒

之願 以 《左氏》 杜 使良霄、大宰石 日 玉 氏 日 帛 也。』楚人執之。 孤 綏晉,不然則  $\Box$ 以社稷之故,不能 :「諸侯悉 蕭 魚,鄭 矣 地 如 師 0 武 諸侯之師 楚, 告 以 鄭 震 復 懷 服 以 伐 君 而 將 攝 鄭 諸 威之,孤 服 觀 君若能 侯 於 兵 鄭人 會。 晉 於

掠。 魚 盟 赦 晉侯使 鄭 伯。 囚,皆禮 叔 肸 子 而歸之。 告於諸 展 出 盟 侯。」蘇氏 納 侯, 斥 候,禁侵 于  $\exists$ 

鄭 與會也 自 八年後、晉、楚争鄭

年之間 晉 楚不能 用 知罃之謀,未 應,遂全師 ,晉人四 以 以 諸 嘗 服 侯伐鄭 與 鄭。 楚 人戰。 於是鄭 楚 輒 至是, 救之。 固 與

至哉 可信 晉二十餘 而 誠 晉 年,楚不 之能 悼 公推 感 能 人 誠 争。」程 也 以 \_ \_ 待 邦 人,信之不 子 衡 Ħ 胡 : 氏 鄭 티:

ĮΨ 九

背 爲 晉 楚,故鄭歲受晉、楚迭至之兵。 以 行 于 楚 諸 自公子 而 以 幾 而 鄭之侵 鄭伐衞 所 未 盜 人 召陵 師 矣 制 蕭 鄭 侯 同 致 謂 之,而 所 良霄者,鄭 諸 再 魚 姑 知 使 盟 彼 殺 者 伐 然 騑、公子 從 侯 宋 鄭 城 册: 于 善於此者 鄭 子 之也。 之 者, 己 不 之 濮 貮 亳 姑 師 〇黄氏 之風 即 城 陰 也 展當國 執 於是始 而後 鄭子 而 安於晉 己 北 已從 發、 其 者,時 楚子、 焉。」 晉 附 行 也。 藉 後 展 曰 公子 晋 又會諸 決 ,改謀從晉 晉 與 人 以 謀 :「案《左 義 必必 以 ,使告於楚 於從晉也。 之也。 其 尚 鄭 絶 鄭 欲從 輒 又見《隱二年 却 泄 伯 楚, 伐 方 率  $\equiv$ 侯 楚之功 憤 行 晉, 鄭 又 宋 恐 人 伐 諸 也 伐 成,故 一氏 》 所 致 知 以 決 非 Ξ 鄭 侯 故 宋者 師 伐 謀 子 所 於 楚 伐 夫 楚 而 伐 亦 宋, 既 從 或 待 向 鄭 無 執 鄭 載 會 盟 宋 庶

> 會,則伯功之盛也。」 之要策。若晉悼極力求鄭,卒成蕭魚

之

公至自會。

以 疑 程 子曰: 會 魯 告 大 蕭 爾 「兵不. 魚 然 之 功 加 不 鄭 敢 出 質 故 雖 也。 書 以 至至 伐 義 鄭 É 見 告 會 桓 而 歸 竊

楚人執鄭行人良霄。音消、《穀梁年》「公至自會」。

祚

宵

從晉 争。 所以 勢分 憤 能 人 杜 左氏 怒 懣 得 氏 斯 得 也。 鄭 不 於吴,無 而 日 傳》見上文。 見 平. 鄭 也。 執 之氣 之。 楚 也。 良霄,公孫 力 不 如 鄭 盡 能 雖 之何, 自是 伯 得 執 於 使良霄告 高 此 鄭 之, 氏 矣。 不 故 者, 輒 亦 復 日 執 之子 勢 不 : 鄭 出 良 山此 分 伐 絶於楚,楚 於 霄 伯 師 於 鄭,是不 著晉 是 以 以 有 吴也 乎 與 舒 也 堅 其 之

報復之,皆憤兵也。 報去年伐秦之役也。 義見《隱七年》「戎 晉無故伐秦,秦又

伐凡伯」。

十有二年春,王三月,莒人伐我東鄙,圍台。

季孫宿 帥 師救台,遂入鄆。 台、《穀梁》作邰

東鄆也,見《成九年》。孫氏曰:「莒背蕭 ,杜氏曰:「琅邪費縣南有台亭。」鄆,

魚之會,伐我東鄙,圍台。」《公羊》曰:

爲政爾。』《穀梁》曰:「受命而救台,不受 「大夫無遂事,此其言遂事何? 公不得

「台在邦域之中而專行之,非有無君之 命而入鄆,惡季孫宿也。」康侯胡氏曰:

心者不敢爲也。 昭公逐,定無正,夫豈

義又見《隱二年》「鄭伐衞、莒,人向」。 朝一夕之故哉? 其所由來者漸矣。」

貫道王氏曰:「魯自鄫亡而莒實爲鄰

時取鄆疆、鄆 魯台、費之境也。 伐魯東鄙 屢矣。 Ш ,而季氏之費 小國 故 宿 既 出 滅鄫 救 而 廣袤踰 又求 人 鄆

多於

他

封

君,則實自宿始强 也。

夏,晉侯使士魴來 聘。

《左氏》曰:「晉士魴來聘,且拜師。」義見

《隱七年》「齊來聘」。

秋九月,吴子乘卒。 存耕趙氏曰:「吴前 此 不 書 卒。 自

會,列於諸侯,故乘

以

死

赴於

中國。」義

冬,楚公子貞帥師侵宋。 見《文十八年》「秦伯卒」。

義見《莊十年》「荆敗蔡師」。

公如晉。

義見《僖十年》「公如齊」。

十有三年春,公至自晉。 高氏曰:「見公在外,不朝正於廟

成之

又 桓二年》「公至自唐

夏 取 邿。 音詩。《公羊》作詩

滅 而 言 取 ,見《宣九 年 杜 氏 티 : 邿

年 小 × 或 齊滅 任 城亢 譚 父縣 有 邿 亭。」義見《莊

九月庚辰,楚子審卒。

秋 高 秦伯卒」。 氏 曰:「楚共王也。」義見《文十八年》

蠆, 勅邁切。

《公羊》作蠆。

下同

冬,城防 十年》『伐宋 木訥 趙氏

厚伐 義 齊卒有圍 外 年》『公會齊 見 齊,懼有齊師, 我北 自 隱 季 七 鄙 成之役。」高 曰:「魯有 氏 年 侯 取 韋 城  $\approx$ 防』是 于 防, 費 城 防是 故 中 而 則 城 也 二防:一近宋,《 後, 丘 氏 城 防 ; 也 防  $\Box$ 以 各 者 備之。 :「厥後 近 魯既 城 貫 齊,《隱 畏 其 道 齊 事 私 明 齊 晋 王 也 邑。 年 氏 高 隱 九 IIII

> 乎?」未詳是否 也 防,臧氏之邑,所 武 仲據 邑以 謂 請 以 非 防 以 求 其 爲 城 後 池 於 魯 之 古 者

+ 邾人、滕人、薛人、杞人、小邾人,會吴于向 匄、齊人、宋人、衞人、鄭公孫蠆、曹人、莒人、 有 四 年春,王正月,季孫 宿、 叔 老 會 晉 士

行者。 成公始。二卿 日 微者也。 口 及 氏曰: 一 人之用 叔老,公孫嬰齊子 「會吴于鍾離 "「《春秋》書内大夫出會,未有 盟 使至衆,衆必 諸 侯 事者衆矣。」義 此言季孫、叔老、見襄 兩 杜氏 卿 又 出 0 見 列 曰:「向, 亂 會 於 會,自 高氏曰: 邦矣。」 大夫,既 哀。 叔老齊 又 以 襄公始。」 鄭 見 戒 見 地。 子 四 後 於 成 公失 也。 卿 世 邦 襄。 + 帥 小 邦 兩 衡胡 書 政 Ŧi. 師 衡 卿 网 年 胡 口 氏 卿 自

三月乙未朔,日有食之。

義見《隱三年》。

人、杞人、小邾人伐秦。括、《公羊》作結。宫括、鄭公孫蠆、曹人、莒人、邾人、滕人、薛夏四月,叔孫豹會晉荀偃、齊人、宋人、衞北

侯之師 《左氏》曰:「諸侯之大夫從晉侯伐秦,以 若 皆從之。 師 而 報櫟之役也。 瞻。』樂黶曰:『晉國之命,未是有 懿子曰:❶『與人而不 舟,魯人、莒人先 穆子,穆子賦《匏有苦葉》。 人 勸之濟,濟涇而次。 社稷何?』懿子説。 『雞鳴 多死 以進。 至於棫 而 鄭 駕,塞井夷竈,唯 及涇、不濟。 晉侯待於竟,使六 可 馬 林,不獲 濟。 子蟜 一固,取 鄭子 二子見諸侯之師 秦人毒涇上 帥 成 鄭 驕見 焉。 惡莫 叔 叔 師 向 余馬首 向 以 甚 衞 也。 荀 卿 退 見 進 叔 帥 偃 焉 北 而 師師 流 余 是 宫 貝. 孫 諸 1

> 侵晉。」 魏莊 然自 趙 征 懷來者,晉遽合諸侯之師以伐之,而 氏 高氏 馬 十一年,又伐晉,是猾夏也。 大還。晉人謂之遷延之役。」未詳是否。 令實過,悔之何及? 多遺秦禽。』乃命 『夫子命 首欲 氏 日 伐 從帥 是一 曰 : 之權委諸大夫,失刑政矣。」○木訥 : 子曰 曰:「春夏興師,煩擾 東。』乃 秦, 戎狄 從帥。 :『不待中 伐秦,終春秋之世,秦不敢復 ,所以待夫子也。』伯游 用諸侯之兵以報己怨,辠也。 歸。下軍從之。 欒 也,其 伯, 行 伯乎?』莊子 吾 (與晉 帥 中國。」邦 交伐 也,吾將 然非 日 左史謂 人人矣。 不可 一衡胡 Ė 從 以

「驕」,據《左傳》當作「蟜」。

0

四 三 三

曰:「闕文也。」

之琴, 四月己未,子展 伯、子皮與 大懼 故師 歌之,遂誦之。 師 酒,使大師歌《巧言》之卒章。 怒。孫文子如 愈乎?』遂行,從近 人見蘧伯 食、皆服 左氏》曰: 君 君忌我矣。 一子從之,不釋皮冠 曹請 制 曹欲歌之,以怒孫子以報公。 社 其 師 稷之 爲之。 或 而 曹 玉,曰 臣 孫 朝 鞭 衞 傾 弗先,必死。」并帑 子盟 之。 敢 初,公有嬖妾,使師 戚,孫 蒯懼,告文子。 覆,將若之何 :『君之暴虐,子 奔 H 獻 奸之? 於丘 旰 公戒 齊。 關 公怒, 不 # 蒯 而 宫,孫 召 公 孫 入使。 與之言。 如郵 鞭 雖奸之,庸 文子、甯惠 公使子 而 師 ? 射 子 文子曰: 大師 ,使子行 於威二 曹 皆殺之。 所知 公飲之 鴻 對 ,轎、子 於 公使 二子 曹 日 百 也 有 тi 誨 子 知

大臣 乎 侯。 以 於孫 事先君 若有,不可誣也。 貫 遠矣。』乃反之。 射 日: 甯殖相之,以 已,無告無辠。』衞人立公孫 孫 尹公佗學射於庾公差,庾公差學射於公 追之,敗公徒 八臂。 ? 了。 爲 兩 Ħ. 子,孫 晉 『射爲背師,不射爲戮,射爲禮 師 而與小臣謀,一辠也。 軥而還。尹公佗曰:『子爲 告無 對曰:『或者其君實 保, 子 侯 二子追公,公孫丁 而 鮮 日 罪。 暴 而 子又殺 從公。 . 聽 妾使余,三辠 蔑之,二辠也。 於 命於諸 公孫丁授公轡而射之, 定姜日 阳 衞 有辜,若何告無? 澤。 之。 及竟,公 出 侯。 : 公出 鄄 其 甚 御 先君 無 剽,孫林父、 也。 君 師 入執之。 奔齊, 使 公。 神 余 曠 良君將賞 師、我 不 祝 告亡 侍 以 有冢 何 乎? 宗告 亦 於晉 . 告 ? 子 巾 孫 其 而 櫛 則 魚 卿 舍 氏

相

規

執

藝

事

以

諫。」正

月

孟春,於

是

乎? 爲 以 過 月, 幸 宗,士有朋 民 地 (夏書 子有公,諸 爲之貳 立之君 主,將安用之? 下 則 皆 之主, 匱 而 敬 各有 瞽 王 有 民 刑 ₩ El 庶 夫君 之如 之, 奉 親 淫,養民 人 爲 使 使 : 其君,愛之如 暱 謗, 商 父兄 神 詩 侯 患 友, 師 司 一神乏 神 遒 т, Т. 有 保 則 以 牧 明, 之主 庶人、工、商、皂、隸、牧 人 卿, 如子,蓋之如 之, 之, 子弟,以 救 相 祀,百 旅 弗去何爲? 誦 以 畏之 之, 輔 也, 於 卿 箴 勿 勿 木 佐 市 置. 諫 使 使 鐸 失 民 姓 如 父母,仰 也。 側室、大夫有 大 則 過 徇 補 失 之望 百 絶 雷 度。 于 察 革 性 I / 夫規 望 霆, 善 天,容之 之。 其 天生 路 獻 也 則賞之, 是 社 其 之 政。 藝。 有 誨, 官 自 故 君 稷 若 如 民 口 師  $\pm$ 故 貢 史 天 Щ 而 無 木 出 H 如

鑒,不 奔, 林 年》書「孫林父 書 天 爲 寵 之性 其 乎 Ŧi. 而 父自 年 見 神 有之,諫 君者,爲後 所 地 逐 使一人肆於民上,以從 則 又 》 逐 之主,而 ? 之 逐, 君 特衞 權 來 晉 之之臣 性 臣 必不然矣。』 聘, 其皋已 無 突 歸 乎 逆命 侯之不 失常也。 乃 奔 於 1 而 民 世 肆 而 出 衞 遂 ]明矣。 ,晉厲黨惡  $\Rightarrow$ 之望也,何 鑒 於民上,縱其 以 奔」、《晉十四 」,又見 春 君 盟 自 也 秋 也 天之愛民 0 奔 康 而 シ端端 愚 爲 君 於 終 侯 其 謂 名 皆 本 擅 義又見《桓 鍕 可 之 胡 淫 清 : 離 出 氏 以 年》 所以 淫 可爲 而 甚 自 善道 源 或 也? 日 衞 虐 棄天 | 成 書 之 後 侯 警 故 以 一臣 棄 地 世 出 孫 平 不 贵. 所

莒人侵我東鄙。

高氏曰:「莒自滅鄫之後,凡四伐我矣。」

四三五

義見《隱二年》「鄭伐衞」。

秋,楚公子貞帥師伐吴。

義見《僖三年》「徐取舒」。

冬,季孫

宿

會

晉士.

台、

宋

華

閱、

衞

孫

林

父、

鄭

公孫蠆、莒人、邾人于戚。

侯。 謀 衞 故 戚 定 於中行獻 有 ,見《文元 衞 君 君 其定 也。 矣。 張 年》。 衞 子,對曰:『 伐之,未 氏 以 日 : 待 《左氏》曰:「晉侯問 時 前 乎 可 ? 不 書衞 以 如 得 冬, 大 侯之奔,此 志 會 愐 而 定之, 于 勤 戚 諸 衞

助 列 孫 具 林 父於衞 書 於 策 ,足見晉伯主抑君 則 晉大夫之黨 孫 而臣 林父, 是

皋惡 也。 合 自 列 見 或 貫 於 道 孫 氏  $\pm$ 氏 私 曰 : 邑, 抑 戚,林 君 而 父 臣 是 邑

逐 會 助 非正· 其 政 君 在 而 名之義矣。 大 篡 夫,不可 其 位 Ξ. 反矣。」高 是役 法所 **列國** 不 容 氏 之大夫爲  $\vdash$ 间 台 合 剽

義

見《成三年》「晉荀庚來聘

亂 明 以 賊 本 + 諸 而 會 年 悼 而 晉 于 於 亦 年 侯 公之賢而 悼 向 弑 遂 衎 孫 以 一薨。」 》「會于 定之, 歸,有二君者十年,晉實爲之也 坐 者,大半不至,亦 林 賊,故爲 荀偃之誤不少 父之私 無 承 有 逆賊 筐」。 王 此,惜哉! 邑。 之 甚 孫林父謀,而 凡今年 〇黄氏 也 미 矣。 \_\_\_\_ 見 義 蓋公怠矣 人心之公, 自 <del>.</del>春 又 列 是至剽 見 或 成 荀 ^ 之 文 其 偃

乎? 及向 + 父盟 荀 如 「夏逆婦姜于齊」同 丑,及郤犫 庚盟。 成三年 有 是 蓋下文有「劉夏」,傳者因 戌 Ŧi. 也。 丁未,及孫良夫盟。 盟 年 ,晉侯 盟。 劉 于 春,宋公使向 襄 使 劉。 蓋 荀 七 文。  $\pm$ 年, 庚 畿 高氏 來 故誤。 采地 衞 聘, 侯  $\vdash$ 贵 衞 使 : + 增了于 凡 以 孫 侯 戌 有 爲春夏之夏,與 林 使 年,晉侯使郤 來 大 來 父 劉二字耳。 孫 聘 聘魯 聘。 來 良 愐 聘。 夫 盟 來 愐 者,必 聘。 £ 遠 犫 月 戌 《文 盟 來 己亥, 丙 在 聘。 於 及 四四 國内 午, 孫 劉 年 及

之,娶后亦使同姓主之。 也 卿 杜 一。」愚謂: 天子嫁女於諸侯,使同 故 氏  $\exists$ 書名也。」任氏 「劉、采地。 曰 : 夏,名也。 「劉夏,書名, 故魯史得 劉夏 書 姓 非 於 主 +

曰:「昏姻者,人倫之本。王后者,天下策,而《春秋》因以見義耳。常山劉氏

之本,不尊天下之母。禮何以興? 風之母。劉夏非三公而逆后,是不重人倫

親逆之禮,逆后則使三公。《春秋》書逆化何以成乎?」〇莘老孫氏曰:「天子無

也。劉夏之逆,則以非三公,譏之。(者二,祭公得行禮而又書之者,譏遂

事

后

《春秋》周王十二,而逆后者惟二,足知

非禮則書也。」

成,見《桓六年》。杜氏曰:「遇,魯地。」夏,齊侯伐我北鄙,圍成。公救成,至遇。

季孫宿 也。 高氏 敢 韋 季 八年,齊五伐 能君,三家分魯,舉形 書「救」又書「至遇」,則王 父定衞剽, 齊侯伐魯,固 故書公『救 三分其民,而 古 公羊》曰: 左氏》曰:「齊侯圍成,貳於晉故 齊起文也。 進矣,無惑乎三家之專魯也。」 年,内不言 有憾於諸國矣,而猶懷夫袁婁之恥者 伐我 曰:「齊於是貳晉。 爲 北 戚之會以定衞 而 成至遇」,以 「其言至遇何? 鄙,以此之故。 齊始背盟。 無王矣。 君 公室卑弱,已不足以當敵 魯、故又爲 〇君 將,於是 舉陳氏 然自晉士匄會林 可 見意焉。」愚謂 而 是時 十八 書 成,魯邑也,而 見。 綱 曰:「自宣之 **型**救 魯於是時已 不敢進也。」 齊不與。 不振,襄 年諸 衞 自 成」而 侯 此 在 至 侯 也。 同 不 齊

季孫宿、叔孫豹帥師城成郛。成、《公羊》作郕。

大夫帥 公屋 張 丘 齊 孫 守,卒爲 杜 面 矣。 叔 0 爲名,而 以 氏 成 非 日 孫 故 師 是 邦衡 時 魯 帥 帥 而 也。 郛 城 師 患 興 師 城 之 胡 城之者,見三家相 而 役之衆。 郭 者三、見文、襄之際、大夫 而 義 也。 氏 城者、皆三家也。」 不 也 又見《隱 曰:「城築二十 可 此 高 墮 孟 氏 也 故 孫 日 七 其 : 之 定十二年, 年》 城 邑, 黨 成 堅 有九, 城 以以 郛 古 而 壞 中 口 備 季

我兄《隱三年》。 秋八月丁巳,日有食之。

邾人伐我南鄙。

屬 晉將 晉悼公卒,遂不克 尤。」義 左氏》 於 齊 爲 見《隱二年》「 而 會 Ē 黨於莒。 以 討 邾 邾 人 伐我 會。」貫道 古。 齊、莒來 鄭伐 南 晉 鄙。 侯 衞 代伐,故  $\pm$ 有 使 氏 疾 告 日 邾 乃 於 : 許 亦 止 邾 氏 效

> 冬十 有一月癸亥,晉侯周 德過之。 營楚、鄭,時方二十四五 義見《隱三年》「宋公卒」。 國,不競甚矣。 政 臣 曰 悼公生十四年 ()大夫益 : 則 民 政 在 鳴 君 竊 民 呼 則 或 ! 無他、民分於桓故也。」 民 靈。 則 而立,三十 盛哉 或 卒。 民 齊 弱 ! 與 一木訥 則 邾、莒交伐 功 魯 前 視桓、 或 自 卒。 黄 趙 强 文 氏 氏 文 其 襄 政 而 經 其 失 在

於百 之役 以 不 虎 族自外入繼。 晉室中價,三 傳 戰 牢 m 觀之,所以成伯業者,抑亦内外 載 不是過 不盟 得 之上,襄、 爲宋圍 陳、 , 楚 也。 鄭 不 即 郤 外 敢 彭城而得諸 位 誅,厲公弑 成、靈、 其 争 之初, 抗 鄭 功業直 强 楚。 不 慨 厲 ·忍叛 然思 將俎 侯。 有 蕭 悼 慚 雖 魚之會, 再 復文 公 豆文公 德矣。 奪 以 召 鄭 网 陵 公

言。 公直 不 賦 寡 治 者歟 振 踰 斂,宥罪戾。 所以 出 德,師不陵正,旅不偪官,民無 廢 桓、文之上。」餘見《僖三十二年 滯 復伯業。 康 其爲 乏困 舉不失職,官不易方, 或 若傳果 也, 救 災患,禁淫 施 舍已責,逮 無溢 美,則悼 慝, 謗 爵 薄 熈

+ 有六年春,王正月,葬晉悼公。 三年》 高氏曰:「三月而葬,簡也。」義又見《 葬宋穆公」。 〇存耕趙 氏 日 ·: 平

隱

晉侯重耳卒」。

大夫盟。溴,古閩切。 子、邾子、薛伯、杞伯、小邾子于湨梁。 三月,公會晉侯、宋公、衞侯、鄭伯、 曹伯、莒 戊寅,

使下從大夫之禮,無人心矣。」

公彪欲合諸侯以爲榮,不待期

而葬父,

蘇氏 、於夷 曰:「衞侯,剽也。二十五 儀, 衎也。 二君皆稱 衛侯,猶 年,衞 鄭 侯

卿分晉,三家柄魯,禄去公室,浸以衰 之禮矣。 也。 《公羊》曰:「諸侯在,是其言大夫盟 虞丘 信在大夫也。君若贅旒然。』《穀梁》曰 位,遂成父志。 公將爲會以討之,遇 年》「盟于蔑」。〇高氏曰:「爲討邾、莒 沃。警守而下,會于 馬,祈奚、韓襄、樂盈、士 即 事 温 地 突及儀皆稱 「溴梁之會,諸侯失正矣。」義又見《隱元 心。」杜 位。 ,即諸侯大夫可知。」《左氏》曰:「平公 入河。 邾、莒連伐 書爲乘 氏 羊舌肸 是時 雞澤會重序諸侯,今此間 日 鄭 馬 齊有崔 伯也。」孫氏曰:「湨梁,晉 爲 夫居 御。 魯,魯使告於晉。晉悼 水 傅,張君 H , 漠梁。 改服 喪 后,衞 疾 河 而 鞅 乃 内 修宫,烝於曲 出 爲 臣 命歸 軹 止。 有 會,失盟 公族大夫, 爲 縣 孫甯,六 中 東 平. 侵 南,至 ·公即 軍司 無 何 主 ? 異

之大 既 弗 胡 微 侯 夫 三會皆 也 氏 旒 没 親 不 聖人 與焉 夫 日 禮樂 而 晉 也。 : 上 二 國之大事也,使大 冬,會于戚,七國之大 平. 大 因 · 是 征 夫 初 夏,會伐秦,十有 此 伐 張 列國之君 V. 盟 年春,會于向 已自大夫出矣。 亦 無 以 宜 著 先公之 矣,夫豈 喪 不 亂 Ė 夫專之,而 之 明 , 十 爲 . 三 國 夫 階。 也 政, 朝 況 也 有 悼 弗 之 康 君 川 大 夕 若 躬 公 諸 此 或 侯

情忽 之故 斯 不 爲 敢 哉 ? 忽,此《春秋 於 諸 未 侯 之勢 兆 善惡 而 見 弗 積 談以 矣。 預 於至微 待後 謀。 有 世 或 趙 而 之意也。」 者 籍 不 謹 韓 口 於 掩, 虔、 禮 魏 常 而

公,且 邾、莒交伐,魯將討 左氏》曰 日 二以 通 齊、 我 故, 楚 焉。 之 執 使。二 邾 宣 而 公、 悼公卒 劉 苔 氏 犂  $\Box$ 平. 比

> 公即 謂 子 治 師 知己之不可以討 ,不得自治之。 知本矣。」何氏 日 不肖,禍 位,知 惟 天 莒子、 邾 73 吏 始 則 作, 曰 : 也。 録 口 子之可 以 非 以 用 諸 歸 正 伐 亂 侯 惡 之。』夫 本之意 治 以 其 有皋,當 亂 討 專 矣, 也。 用 孟 也 子 不 而 京 口 孟 肖 未

齊 侯 伐我: 北 鄙

義 見《 起文也 隱二 年  $\stackrel{\cdot}{\approx}$ 鄭 伐 衞 0 亦 爲 諸 侯 百

夏,公至自 會。

韋

齊

義見《 氏 日 : 桓二年》「公至自 書至 於齊伐之後,見諸 唐」。 侯之 貫 會會 道  $\pm$ 

 $\overline{H}$ . 月 甲子, 地

散

而

齊

已抗矣。」

晉

人執莒子、邾子以

歸

義 見《文· 九 年

叔 老 會 高 鄭 氏 伯 日 : 晉 晉 荀 卿 偃 主 衞 兵而 甯 先鄭 殖 宋 伯 人 者,臣 伐 不

口

過君 之上,今列衞甯殖 也。 宋稱人,微者也。 下,故 知微 宋當 者 也 在 . 諸國 愚

比

執事之間,恐無及也

!』見中行獻子,

謂:二者皆魯史之文也。 會之伐許,是黨惡也。」義又見《隱二年》 衛甯殖出其君,其惡大矣。鄭伯、荀偃 邦衡胡氏曰

鄭伐衞」。

秋,齊侯伐我北鄙,圍成。《公羊》作郕。

成,見《桓六年》。 義見《隱二年》「鄭伐

大雩。

衞」。

亦爲諸侯同

圍齊起文也。

義見《桓五年》。

冬,叔孫豹如晉。 《左氏》曰:「穆叔如晉聘,且言齊故。

急,朝不及夕,引領西望曰:「庶幾乎!」 釋憾於敝邑之地,是以大請! 不然,不敢忘。』穆叔曰:『以齊人之朝夕 人曰: 『以寡君之未 禘祀,與民之未息。 敝邑之

> 此、敢使魯 宣子,賦《鴻鴈》之卒章。 執事以同恤 賦《圻父》。 齊來聘 無鳩乎!』」義見《隱七年》 獻子曰 社稷,而使 : 『偃 魯及此!』見范 宣子曰:『匄在 知辠矣,敢不從

春秋本義卷第二十一

後學成德校訂

四四四

## 春秋 本義卷第二十二

## 襄 公

切。 + 有七年春,王二月庚午,邾子牼卒。 《公羊》、《穀梁 祚 瞯 牼,苦耕

北

卒。 也。 此 邾子,宣公也。 書 邾 ○孫 此又爲其 子卒者,晉人尋赦之也。」 氏 日 :「前年 大意 冬邾 見《隱 人伐 晉人執 我 七 邾子 南 年  $\stackrel{\cdot}{\approx}$ 鄙 以 起 滕 歸 文 侯

宋人伐陳

義 見《隱 二年》「鄭 伐 衞

夏, 衞石買 帥 師 伐 曹

左氏》曰: 衞 孫蒯  $\coprod$ 于 曹隧,飲馬於重

衞。

亦爲諸侯同圍

齊起文也。

秋,齊侯伐我 鄙 愬於晉。」未詳信否。 以 『親 丘 伐衞」。 韋 田 逐 防。 毁 爲?』夏,衞 而 其 桃、《公羊》作洮。 北鄙, 又爲十八年晉執石買 君, 絣 爾 重 父 韋 丘 爲 石買、孫蒯伐曹。 桃。 人 厲。 《左氏》無齊字。 閉 義見《隱二年 齊 門 是之不憂, 高 而 厚 訽 起文 帥 之, 師 也。 伐 曹人 而 曰 鄭 我 何

昏姻 魯政 復。 交攻 疇 É 伐 杜氏 曰:「齊人以其 我 陽 臧 魯,其 之國 齊師 北 曰:「桃,弁縣 歸 之衰矣。」義 賈 鄙 逆 帥 去之。」高 臧 也。 特衆暴寡 韋 甲三百 孫,至於旅 桃 數 未得 年之間,見伐不 又 高 東南有桃墟。』《左氏 , 宵 氏 見《隱 志 如 厚 此 韋 於 犯 松。 臧 我 齊 況齊、 二年》「鄭 齊爲二 故 紇 師, 郰 ,秋,齊侯 于防。 叔紇、 送之 魯仍 Ė, 師 伐 見 而 臧 世 以 師

九月、大雩。

義見《桓五年》。

宋華臣出奔陳。

義見《僖二十八年》「元咺奔晉」。

冬,邾人伐我南鄙。

著矣。 既 《左氏》曰:「爲齊故也。」愚謂: 邾宣公 叛晉與齊也。 高氏曰:「邾之先君以伐 卒未踰年,悼公居喪,興兵以伐魯,其辠 歸 而 卒。 義又見《隱二年》「鄭 嗣 子在 齊人使之修先君之怨,此 喪 而 復興兵 魯 而 伐衞」。 爲 伐 台 我者 所 執

十有八年春,白狄來。

祝

柯之會,所以復見執也。」

秦也。成九年,秦人、白狄伐晉,是秦强八年,晉師、白狄伐秦,是晉强而附晉伐氏曰:「皋中國不當與之交接也。且宣義見《僖二十九年》「介葛盧來」。○高

也,況列國之君、守藩之臣乎?」 德不及焉。』不享其贄。 平,越裳氏 者,所以 其交際不得而通也。 無 而 事 附 焉,其於天子世 秦伐晉 懲淫慝、一内 九 也。」劉氏 譯 而 獻 É 一見,則諸 是以《春秋》不 딩 : 雉 外 此乃天 也 公曰:『 夷 周公致 狄 侯 子 於 避善, 而 君 中 太 與 子 或

夏,晉人執衞行人石買。

《左氏》曰:「晉人執衞 臣者,則莫如正孫蒯之惡,而 天子之禁,修方伯之義,黜 年》「齊執鄭詹」。〇劉氏曰:「假晉欲 不歸於京 之。」張氏曰:「案石買之執有三失焉: 爲曹故也。」黄氏曰:「爲石買 舍大而治 而執之也。 小,一也,行人非 師,三也。」義又見《莊二十七 然不當因其爲行 行人石買於長子, 所執,二也 叛 諸侯服 夫 無故伐 人而執 而 誅 矣。 亂 明 曹

功 伯 舉 今 7,罰不 ·, 小 置 者之討 所 過 先 必 當 而 察 其 古 收 猶 辠,不祥莫大焉 有 所後, 若 不當其辠也 是 乎 急 ! 所 輕 夫 而 賞 緩 大惡 不 所 當 重 不 其

秋 齊侯伐 許 文 年 動 取 韋 也 天下 之,然諸 邑、又從邾、莒 氏 日 鄭 我 之兵, : 「齊人 伐 北 鄙 侯 衞 相 幾亡 \_ 四 侯、《公羊》作師、《左氏 陵 以 年之間,六伐 亦 未 其 助 爲 有 或 其 若 諸 虐。 是 義 侯 者 又 同 雖 我 也 見《 韋 談 魯 鄙 作 齊 隱 是 有 而 師 起 以 以 四

莒子 韋 冬十月,公會 齊 邾 子、 滕 晉 子、 侯 薛 宋 伯 公、 衞 杞 侯 伯 鄭 小 伯 邾 子 曹 伯 百

者 韋 口 之者,猶曰環之也。」《 因 韋 者, 舊 史之文 共 韋 也 m 不 諸 革 不 也 左氏 言 同 劉  $\Box$ 氏 而 日 此 Ì 齊 侯 同 百

若 之。 諸 夙 朱 伐 至 告公,公恐。 文子曰:『吾知 齊 十月,會於魯濟,尋湨梁之言,同 復 彪 負 而 皆 濟。 人, 將 其 絲 侯 沙 侯 我 師 X 必 之士 聞 請 禦 苟 衆 北 衞 係 率 君 旆 是, 晉 惟 捷 庶, 玉 鄙 以 曰 諸 諸 必 而 門焉, 人 爾 車 : 有 侯 平. 弗 失 棄 疏 瑴 使 晉 千 有 功 陰, 不 以 晏 能 國 好 陳 司 神 侯 而 子 乘 能 討 嬰 齊 久矣。』齊侯 無 背 馬斥 塹 禱 伐 ),敢匿 裁之!』沈 自 戰, 聞 焉 人多死。 盟 子 作神羞,官 日 齊 防 其 之日 一、陵虐 盍 : 莫如 其 使 Ш 門 鄉 『齊環: 情 將 啚 澤 官 乘 而 人, 『君 乎 濟 之?』子家以 之險 守險。」 守之, 車 臣 登巫 神 范宣子告析 玉 河 ? 既 怙 者 偃 臣 主 而 魯人、莒 古 許之矣。 恃 左 實 偃 雖 Ш 濟 獻 弗 廣 伐 其 無 曾 實 先 無 以 子 所 聽 里 險 右 臣 以 望 冬 敢 後 不

伐

雍

門

之萩

范

鞅

門

於

雍

1

軍

韋

盧

弗

克

+ \_\_

魏

絳

欒

盈

以

下

軍

克

邿

以

戈

殺

犬

於

門

中

孟

莊

子

0

之鼓

下。

晉

人

欲

逐

歸

者

舍兵

而縛

郭

最

皆衿甲

面

衷

顧

日

爲

私

誓。」

州

:

E

止,

將爲三

軍

獲

不

: 州

日

一乃弛

弓而

自

後

傾之。

晉

綽及之,

射

殖

綽

中

肩

乎

乃

代之殿。❶

衞

殺

馬

於隘

以

塞

道

沙

衞

連

大

車

以

塞

隧

而

殿

殖

綽

郭

最

 $\mathbf{E}$ 

子

殿

或

師

齊

之

辱

也

子

姑

先

+

月

丁

卯

朔

了, 人

平

陰

遂

從

齊

師

夙

寅,

焚東郭

北北

郭

范

鞅

門

於揚

門

州

綽

與

郭

祭

扣

以

枚

數

矣,

君

何

畏

其

衆

也

乃

脱

歸

内

寅

晦

齊

師

夜

遁

難、士

弱

率諸

侯

之

師

焚

申

池之竹

木

王:

僞

以

斾

先

輿

曳

柴

而

從之。

齊

侯

見

之,

公琴。

亥,

焚

雍

門

及

西

郭

南

郭

劉

己

卯

荷

偃、

士

ص

以

中

軍

闔 門 馬 於東  $\vdash$ 齊侯駕 : 間 靈公以 師 待之。』將 速 晉。 左驂 侯, 其 辰 稷 將 而 魯 歲 + 力, 之主,不可 疾 走 未 也 於 東 迫 再 Ŧī. 郵棠。 則 有 略 量 是 侵 還 年 犯之, 故 是 甚 也。 荀 成 及維,南 於 伐 韋 雖 於 偃 東 我 大子 又圍桃 齊 齊 以 門 大子 以 將 從 北 也, 之 魯 之, 輕 退 中 腦

量

防

至

故

嘗

以

而

諸

侯

0 代」,原作「伐」,據《左傳》改

城

周

其

出

而

所

及

沂

葉

抽

劍

斷

輕

則

失

年》「 睦 几 門 其 宋圍 或 睦 非 也 乃 共 曹」。 悪 四 或 鄰。』夫不 之, 何 以 能 守? 若 能 是 義 乎 睦 ? 又見《僖 其 鄰 周 公 亦 不 封 九 能 蔡

曹伯負芻卒于師。

見《隱三年》「宋公卒」。 此亦紀實事以起葬曹成公之文耳。義

楚公子午帥師伐鄭。

其以 其 夫圖 禮 許。 而 或 左氏》曰 謂 稽首而 起 人謂不穀主 楚師 之,其若之何?』子 不穀即 楚子聞 午懷安乎! 不穀爲 :「鄭子孔 以 對曰:『諸侯方睦於晉,臣 位 之, 自 去 逸,而 ,於今五 使楊 之。 社 吾以 稷,而 欲 使 忘先君之業矣。 豚 去諸大夫,將 利社 年, 告 尹宜 不 庚歎 子 出 師 稷 告子 庚, 徒 師 曰:『君 也。』見 死不 不出, 子 庚 庚 H 叛 請 使  $\mp$ 從 弗 晉

氏曰:「楚於是復争鄭。」

門,信 伐齊。 嘗之。 也 時 功 又 師 楚師 有 膊 侵 涉 孔之謀,完守入保。 兵於汾。 退 可可 。』」義見《莊 \_ 歌 鄭東北 楚 侵費滑、胥靡、獻於、雍梁,右回 潁 及之,楚 必 次於 董 南 師 伐鄭,次 於 以 無 若 叔 風 子孔、子展、子西守。 師 城 無 功 至. 日 於是子 可 害,君 曠 師 下 旃 : 南 於 然。 曰:『不害。 多 而 於 君 十年 天 風 叔 蟲牢 還 魚 凍,役徒 而 **、 蟜**、伯 不競,多死聲。 向 亦 道 爲子 · 》「荆 陵。 繼 無 H 而 子孔 多 涉 之。 辱。』子 反。 i有、子 在 馮、公子格率 於 右 敗 幾 吾驟 魚 西 師 不 蔡 在 不 子庚門於 盡。 北 齒之下,甚 城 敢 口 師 二子知 其 張 庚 會楚 歌北 上 晉人 君 南 楚必 從 帥 收 梅 棘, 之 師 鄭 師 師 風 山 聞 德 不 無 純 鋭 遂 子 伯 治 而

有 九 年 春,王 正月 諸 侯 盟 于祝 柯。 公羊

作

平. 屬 杜 原 濟 氏 郡 南 日 一: 「前: 郡 祝 即 柯,《地 督揚 年圍 譜》齊 "。」張 齊之諸侯也。 氏 州 曰:「《後漢志 禹 城縣 齊邑。」 祝 柯 縣

《左氏》曰:「諸侯還自 沂 上,盟于督揚

於後,吴人 平公修伯也。 之,盟奚益哉?」 曰:『大毋侵小。』。高氏曰:「盟者何? 且. 張,一 雖 義 盟焉,楚闚 又見《隱元年》「 邾之微, 面 於 從 南 而 盟 齊 背 于 易 睽

蔑」。

晉 人執邾子。

人宜 《左氏》曰 氏曰:「前 有所懲 : 年 戒,而伐 執 執 邾 邾子,以 悼 公, 魯無 其 以 伐 其 忌。」劉 魯 伐 故 我 氏 也 故 日 邾 張 :

地。 邾人伐魯,晉 不言以歸,釋之也。 人疾之,執其 未 · 得 君 其 以劫 地, 故 其

> 政 高氏曰: 不 則 之,非伯討 劫 之。 也。 以 知脅人之君 £ 命 已 既 得 也 何 其 來 以 地, 下 而 同 服 奪 書 會、又與 故 人 其 釋 心 取 地 之。 而 邾 同 E 此  $\mathbf{H}$ 盟 執 其 平公之伯 自 辠 君 漷 间 平乎? 取 水一, 乃執

地

公至自伐 齊。

貫道王氏曰:「此圍 而 年》「圍許」、「致圍」不同者,蓋彼以會出 年》「公至自唐」。 蓋 韋 遂圍許,故 以 而以伐致者,以伐告也。」義見《 伐齊 伐 齊告。 出 以圍 而 終之以 乃伐之一事耳,皆魯 ○案: 許告; 齊 也。 韋 此 此 也 以 與《僖二十九 何以 伐 劉 齊出 致 氏 桓二 伐?  $\Box$ 前

之舊,無他義 也

歸

以

韋

史

取 邾 田 杜 氏 自 티 : | 漷水。 取 漷,好 邾 田 號切 以 漷 水爲

四四四 七

界也

其皋 盟 以 之疆 以 取 矣。」高氏 縣 何 晉劫邾,使與魯,豈伯 君,亦可已矣! 濟 田 出 魯以諸侯之力,既執其先君,又執 日 邾 爲界,言其取之多也,又辠其 : 執 西、汶 以 東 繼之以 「言取 取邾 泗 其 田 北 爲魯者,上告天王,下 理也。」〇愚案: 服 以 合鄉縣 君,取 ,足矣! 。」《左氏》曰: 伐 人心 陽 之,可 曰 : 「 田 邾 執邾子,又終之以 之 哉 ? 自  $\coprod$ 其田,則是挾詐 取, 西 則 漷 也。 邾之病 又云自漷水者,隨 又 南 水,歸之於我。」  $\wedge$ 非 而 取 春 經 「遂次於泗上,疆 因 魯之舊可 邾 恃 者 其 秋 魯 伐 魯,信 屢 伯 之舉哉 田 **>** 國 · 告 蓋 先 齊之舉,倚 伐 威 至 魯,信 書 方伯 取 以 以 有 已甚 高 知 邾 爲 ? 邾、魯之 强 亂 皋 平. 利也, 田 張 其 先 矣 取 異 IE 漷 但 矣 湖 不 晉 書 嗣 於 氏 則 名 道  $\mp$ 明 水 ! 我 陸 !

晉、魯過惡著矣。後世鑒戒昭矣。

季孫宿如晉。

《左氏》曰:「季武 也。」 曰 : 戸拜 義見《僖 其 爲 七年》「齊來 魯 伐 齊, 子如 且. 晉 聘 取 拜 邾 師 田 以 黄 與 氏 魯

葬曹成公。

夏,衞孫林父帥師伐齊。 義見《隱三年》「葬宋穆公」。

《左氏》以爲晉命也。張氏曰:「討强暴義見《隱二年》「鄭伐衞」。○案:伐齊,

以服齊?」皆未詳信否。

之辠,而使逐君之大夫尸其

事,則

何

義見《隱三年》「宋公卒」。此又爲秋七月辛卯,齊侯環卒。環、《公羊》作暖。

齊

殺

邦衡胡氏曰:「襄、昭之際,大夫專權,凡士匄帥師侵齊,至穀,聞齊侯卒,乃還。

晉

高

厚及二十年齊侯澶淵之盟起文也

戰 善 帥 師  $\pm$ 亦 小。 哉 命 庶 師 彼 ? 而 乎 而 善  $\sim$ 彼善於此 專 侵 春 士: 於 伐 伐 包 秋 此 者 人之國,皆惡 聞 則 紀 齊 多 有之。 之義矣。」愚謂: 其 侯卒 非 實 君 以 而 命 士 戒後 還,其惡大, 也 匄 ^ , 況 世 引 春 非 師 秋 大 諸 **>** 而 夫 獨 侯 無 其 善 帥 非 義

八月丙辰,仲孫蔑卒。

之而

己。

貜、仲 書卒。 盟 年 以 譏 不 》一益 書卒。 莒伐邾起文也 見 世 父 卿 孫何忌皆 蔑之後,仲 也。 師 卒 卒。 其子 而 蓋 子 公孫 慶父 又 繼 執 爲二 也。 魯 孫 爲 敖 政 速、仲孫 亦 了,是以 十年仲孫速 大意 奔 桓 莒 之始, 又 · ; 至 謹 羯、仲 見 志 蔑 以 其 隱 居 奔 m 卒 喪 元 孫 始 芦

齊殺其大夫高厚。

《左氏》曰:「齊侯娶於魯,曰顔懿姬,無

之丘 氏 《莊二十六年》「曹 故 此 齊 齊 齊 高 之。』公曰:『在我 是 之立 子 諸 子 子 齊之權在 崔 0 侯 專 日 必 靈 厚 戎子。戎子 以 曰:『不 公卒, 仲子、戎子 或 齊 杼 朏 也 其 傅 疾 殺 以 省 列 殺 牙, 諸 光 姪 齊之 河面 崔 高 夙 侯 既 鬷 可 莊 於 以 杼 厚 沙 立. 而 聲 而 權 又 公即 爲 諸 於灑 微 衛 之後 請 릲 以 廢 姬 臣 日 大子。 侯 逆光。 易己,衞 而已。』遂東大子光,使 常 戎子嬖。 難 以 崔 「殺 生 殺 矣。 位,執公子牙於句 藍 崔 故 犯 不祥,間 爲大子。 光 與 大夫」。 其 而 不 不 今無 杼 兼 夙 高 大 以 旋 疾 祥 奔高 其 與 沙 仲 也 夫」也。 病 爲 踵 也。 諸 室。」 故 光 衞 許之。 子 大 而 〇木訥 侯 唐 共 而 生牙 高 爲 而 君 子。 有 愚案: 、殺之, 既 以 立 少 廢 義見 崔 必 之。 傅。 趙 瀆 杼 悔 仲 光 屬 諸

之逆。高之殺,崔之幸,齊之不幸也。」

鄭殺其大夫公子嘉。《公羊》作喜。

皋,以其甲 其室。」未詳信 之,乃討西宫之難與純門之師。 辰,子展、子西率國 左氏》曰:「鄭子孔之爲政也專,國 及子革、子良氏之甲 否。 義 人伐之,殺子孔 見《莊二十六年》 子孔 守。 而 人 分 當 患 甲

冬,葬齊靈公。

曹殺大夫」。

義見《隱三年》「葬宋穆公」。

城西郛。

城。 《左氏》曰:「懼齊也。」義見《隱七年》「城 大國 中丘。 書此 夫懼 必畏之,何區 以 齊 邦 而 衡 戒 城 爲 胡 其 品 氏 或 内 勞民而 티 : 家者修 城 ,則魯之弱 西西 城哉 其政 郛, 國之 刑, 滋 雖 内 甚

向。

速、《公羊》作邀

《成五年》書『叔 案: 大夫,列 此書『叔 十五年》書『仲孫蔑 十一年》「會于承筐」。 杜 氏 此 曰 柯 : 孫 國之事如此,故屢書之。」 非《莊 魏 豹會晉 郡 + 内 孫 黄 士 僑 三年》之柯 會齊高固 匄 縣 如 于 會 東 〇 許 北 柯 晉 以以 荀 氏 有 首 于無婁」, 柯 義 見政 于穀」, 城 見《文 在 愚

城武城。

<del>二</del> 使民饑 年 杜氏 乃城武 ○高氏曰:「襄公四書城邑,非本務也 穆叔 春 日: 歸  $\pm$ 而 城。」義見《隱 日 īE. 散 泰 月 『齊 雖城之,孰與守之?」 Ш 辛亥,仲孫速會莒人盟 南 猶 武 未 城 也,不 七年》「城 縣。」《 미 左 以 氏 中 不 · 丘。 懼。  $\Box$ 于

莒邑。」《左氏》曰:「春,及莒平。 孟莊子速仲孫,蔑之子莊子也。杜氏曰:「向,

叔

孫豹會晉士匄于柯

喪。 速代 盟以 伐 曰:「向,本屬莒,宣 魯。 莒人, 父爲 結 此辠 前 好 盟于向,督 惡 年 卿、未練而從政、無復三年之 諸 自 可 見者 是二十年,莒、魯不交兵。 侯 盟 于祝 也!」義又見《隱元 兀 揚之盟 年 柯,故 取之, 莒是以 故也。」高 一國 復 氏 自 數

子,盟于澶淵。 伯、曹伯、莒子、邾子、滕子、薛伯、杞伯、小 夏六月庚申,公會晉侯、齊侯、宋公、衞侯、 澶,市然切 邾 鄭 梁

作

濕

年》「盟

于

蔑

也。 杜氏 居 臨 衞 隱 喪 地。」張氏曰:「唐置澶 河縣。」《左氏》曰:「盟于澶 元 高 日 而 年》「盟于蔑」。 : 氏 出 盟,蓋 曰:「齊 澶淵 在頓 亦越禮 以 台 丘縣 畔道矣。」義又見 不 州、後屬開德 南,今名繁污 伐 喪 淵 而 ,齊成故 感 服 府

秋,公至自會

高 氏曰:「踰 時 而返。」義又見《桓二年

公至自唐

仲

孫 許氏 速帥 淵在彼,何以 報亦足矣,而 師 曰:「祝柯之會執 伐邾。 盟爲?」義又見《隱二年》 復伐之, 譏已 速、《公羊》作邀 邾子,又取 甚 也 其

H.

澶

田

鄭伐 衞

蔡殺其大夫公子燮,蔡公子履出 百奔楚。 變、《穀

殺之。 行而 《左氏》曰:「蔡公子燮欲 年》「元咺奔晉」。 君 之盟,晉不可棄,且兄弟也。』畏楚,不能 初,蔡文侯欲 莊二十六年》「曹殺大夫」、《僖二十八 以 卒。 利蔡,不能 公子 楚人使蔡無常,公子燮求從 ,履,其 事晉,曰:『先君與於踐 而 此奔夷狄,尤辱爾 死。」未詳信 母 弟 也, 以 蔡之晉 故 否。 出 奔楚。 1,蔡人 義 見  $\pm$ 

陳侯之弟黄出奔楚。黄、《公羊》、《穀梁》作光、後同。

矣 ! 道 古 兄 邦 不得於君,有 國,不能容其親 、況兄弟 而 可辠矣,兄亦未爲得也。 衡 失守也。 胡 夫兄兄弟弟而家道 氏 曰 : 「 乎? 可 楚,夷 陳侯之弟而 也。」〇愚案: 異 去之義。 爲 人弟 狄而 同 正,弟 而 即 出 姓 出 之,惡 **一奔,**甚 譏千乘之 無 奔,天 而出· 姓 口 去 大 又 其 之 其 倫 夫 叛

叔老如齊。

絶

矣。

齊與魯平,於是通聘。義見《隱七年》

「齊來聘」。

冬十月丙辰朔,日有食之。

季孫宿如宋。

義

見《隱三年

一十有一年春,王正月,公如晉。

以

來,子以姬氏妻之,而與之邑,其從者

庶其以漆、間丘來奔。 義見《僖十年》「公如齊」。

邾

《左氏》曰:「邾庶其以 平鄉有漆亭, 葉氏 焉 何 故 於是魯多盜 武子以公姑姊妻之,皆有賜 陽縣東北 歸 使紇去之,將 能。』季孫 詰盜?』武 曰: 河何以· 我 不 不能?』武 一兖州 可 ? 曰 : 也。」杜氏曰: 止 以  $\Box$ 有漆鄉,西北 鄒 子爲司寇,將盜 吾 仲 『我 縣 漆、間來 盜 何 仲曰:『子 티 : Щ 季孫謂臧武 即 ? 以 陽 南 : 「二邑在高 有四封,而詰其盜,何 示不 能? 子爲 南 平 奔者 平 陽 漆、 有顯 口 庶 Œ 也,後 召 陽 詰 「,據 間丘 卿 是務去,若之 其 仲 外 有 間亭。」任氏 也, 紇又不 於其從者 其 曰:『子盍 而 盜 竊 間 平南 漢 來 邑,叛 來 而 邑於 丘 Ш 奔,季 外盜 大禮 亭。 陽 邾 南 而

是賞 大 有 邑, 賜 焉。 盜 其 次 也 若大盜 皂 賞 牧 輿 禮馬 而 馬, 去 之,其 其 以 小者衣 君之姑 或 難 裳 姊 焉 劍 與

其

帶 紇 也 軌度其 聞之,在上 信, 可明徵 位者,洒 也, 濯其心,壹 而 後 미 以 以 治 待

夫上之所爲,

民

之歸

也

上

所

不

欒

盈

子

也。

**全**左

氏》

日

欒

栢

其

而

不

秋,晉樂盈出

奔楚。

不懲。 君 爲,而民或爲之,是以 所也,又何禁乎?』」高氏曰:「庶其叛 又盜 若上之所爲,而民 其 ± 地 來 奔於 加 魯,其皋大矣! 刑 亦爲 罰 焉,而 之,乃 莫 其 其 敢

時公在 邾 趙 是之謂 黑 氏 曰:「今一受庶其之叛,其後莒牟夷 肱 晉,而 以 接 利 踵 主 季 而 逋逃,惡自見也。」〇木訥 氏 至。 遂 曲 納 阜之地,匯 其 邑,受其叛臣 爲 賊

淵

。」黄

氏

曰 :

此

所

謂

春

秋》三叛

臣

者

庶

其

以漆、間丘來。

昭公如晉,而牟夷

以

也,然魯受之,皆非

君

命。

襄公

如

而

多

歸

敢

不

蔑

從

之。 言。」范 室矣。 子 之,又與吾同 子 相 之矣。」其 死吾父而 政矣,曰:「吾父逐 也,怨樂氏,故 能。 日 娶於范宣 宣子畏其多士也,信之。 ,晉大夫懷 『盈將 懷子患之,祈 鞅 桓子卒,樂 謀 爲 專 之徵 爲亂 如 於 官而 子 是, 或 與樂盈 生 專之,吾父死 懼 有 以 祈 鞅也,不怒 懷 懷 范氏 與老 害 懼 死 子。 爲公族大夫 子 吾 其 而 好 爲 州賓 主,吾 討 已 范 死 施 也 ! 懷子 鞅 IIII 桓 愬 通, 而 士 不 吾 以 以 主 益富

寵

報

而

專

來。 牟婁、防兹來。 然則實爲賊淵者,惟季氏 昭公在乾侯, 而黑肱 與 以

濫

夏,公至自晉。

義見《桓二年》「公至自

唐

四 ħ.

幾

諸

官

羽 朱、宋華亥、向寧、華定、王 公子 又 恃 志 卿 三年 楚。」高 口 日 僖二十八 一. 皆 故特 即 即 以 宣 履 安 於 樂盈入於晉起文也。 安於 逃 奔楚者 子 於 夷狄 氏 書 難 陳 奔 使 異 日 異 出 年》「元 於 侯 他 城 類 「盈既 類 奔楚者,惡其失守 也。 蓋 之弟 楚 著 也 日 也。 焉。 深 口 而 此 戒 黄、 旧 當是 挾 遂 取 非 後 以 奔晉 以 奔亡,復有 逐 陳 楚强. 特 世 復 之。 時 鍼 傷 有 子 \_ 歸 大,今 宜 或 衞 中 朝、徐子 欒 邦 也。 又爲 咎、 家 國之衰 侯 出 衡 盈 作 **水者**,不 鄭 奔 蔡 義 H 胡 亂 出 章 侯 + 蔡 而 氏 見 之 奔 可

有 九 食之。 月 年 許 庚 之間 氏 戌  $\Box$ 朔 : 而 H 日 比 有 七 年 食之。 食, 食,今 禍 變重矣。」 冬十 又 比 月 月 庚 食 郭 辰 蓋 綱 朔, 此 H : 八

見,耳 驗, 至,益 戒 歲 其 獨 怠。 聖人必以 + 少, 仁,又出災異 來,亦或有之,不 月,變之大者。 七十三日始一 義又見《隱三 此不人食 哉! 四 此 無頻食之理。 後世 年七月、八月 天下 奚 習 以 而 而 爲 爲 民 於 下 爲 任 之民 哉 天 心 延 聞 限 譴 數 以 ? 無 年 離 禍 而 而 異 而 交 申 曆家 至焉 心 **%** 矣。 食 於衆庶, 亦 不 而 會。 不 ·勸之。 可委之天數之常 而 而 焉, 修德, 書之, 數 頻 復 數有 。」爲 此 推 孟 前 食。 高 思 去 政 年 子 步之術 已矣 於是 月. 氏 上帝 度 教 定 以 德 九月、 人君 日 F 日 日 遠 警 之 也 不 ! 至 : 斯 之 失 則 修 人 者, 『前 十月 漢 怒 Ŧ H 君 皆 民 日 連 惟 而 然 晉 無 皆 不 習 之或 叮 禍 食 既 天 食 也 足 之 不 皋 恕 未 故 以 白 於 無 漸 W

來朝。

朝 曹伯,負芻之子。《左氏》曰:「曹武公來 `,始見也。」義見《隱十一年》「滕**、**薛來

朝

公會晉侯、齊侯、宋公、衞侯、鄭伯、曹伯、莒

子、邾子于商任。音壬。

杜氏曰:「商任, 地 闕。」邦 衡 胡氏 曰:

齊,至澶淵之會而齊始平。故商任、沙 會于商任、沙隨,齊平故也。 自諸 侯圍

隨,齊 侯 與焉。」義見《隱九年》「會于

防。

一十有二年春,王正月,公至自會。

高氏曰:「著不朝正於廟。」義又見《桓二

年》「公至自唐」。

夏 四 月。

秋七月辛酉,叔老卒。

譏 世 卿 也。大意又見《隱元年》「益師

| 冬,公會晉侯、齊侯、宋公、衞侯、鄭伯、曹伯、 莒子、邾子、薛伯、杞伯、小邾子於沙隨。《公

羊》、《穀梁》薛伯上有滕子二字。

沙隨、見《成十六年》。 義見《隱九年》

會于防」。

公至自會。

義見《桓二年》「公至自唐」。

楚殺其大夫公子追舒。

追舒,令尹子南也。 義見《莊二十六年》

「曹殺大夫」。

二十有三年春,王二月癸酉朔,日有食之。

義見《隱三年》。

三月己巳,杞伯匄卒。 匄,古害切

義見《隱三年》「宋公卒」。

夏,邾畀我來奔。畀,必利切。《公羊》作鼻。

孫氏曰:「此言邾畀我來奔者,惡内也,

見《僖二十八年》「元咺奔晉」。惡卿受邾叛人邑,今又納叛人也。」義又

葬杞孝公。

陳殺其大夫慶虎及慶寅。

皆不言 晉殺趙 史之文耳,不必執彼以例此也。 慶寅之辠不等,故言及。 義見《莊二十六年》「曹殺大夫」。 及, 同、 趙括,蔡殺公孫姓、公孫 而 此言及。 吕 愚 氏 謂 以 爲 此 ○案: 慶虎 亦 霍 舊

陳侯之弟黄自楚歸于陳。

又倚夷狄而歸陳,其辠著矣。 言自楚,有奉也。夫爲人弟而奔夷

狄

軍,獻子

私焉,

故因

之。

趙

氏

以

原、

屏之

難

怨樂氏,韓、趙

方

睦

中

行

氏

以

伐

秦

少,而聽於中行氏。

程鄭嬖於公。

唯

魏

之役怨樂氏,而

古

與

范

氏

和

親

知

悼

子

晉樂盈復人于晉,入于曲沃。

拜之。 言,皆 悔矣。 張氏 子以晝 得樂孺子,何如?』對曰:『得主而爲之 之,而觴曲沃人。樂作,午言曰: 『今也 不集 胥午而告之,對曰:『不 死,猶不死 雖能興之。子必不免。 藩載樂盈及其士,納諸曲 晉將嫁女於吴,齊侯使 曰 : 也。」盈 曰:『得主,何貳之有?』 我實不天、子無咎焉。」許諾。 人絳。 四月,樂盈 在 也。」皆歎 日: 『 泂 初, 東聞 雖然,因子 帥曲沃之甲,因 欒 ~,有泣 喜縣。」《 盈 公析歸 吾非愛死 可。天之所廢 佐 沃。 者。 魏 而 莊 父媵之,以 左 樂盈夜見 爵行, 死,吾 盈 氏 子 出, 也, 於 魏 日  $\overline{\phantom{a}}$ 徧 又 伏 無 知 獻

欒

氏

宣

賂

請

超

所矣。 樂氏 之以 鞅 喪, 之力 Ė 公, ? 多怨,子爲 日 列 也 多 七 帥 王 右 使鞅 一:『苟 『奉 曲 矣。 或 既 輿 : 賊 樂氏所得 奉 鮒 撫 夫克 臣 沃。初,斐豹 告 大 乘, 『之公。』宣子 公 使 以 劍,左 逆吾子,鞅請 日 既 曰 焚丹書,我殺 君 夫 宣 以 人, 鞅之父與二三子 將 亂 督戎, 以 有 與 政 逆 如 子墨衰冒 在 之。 走固宫,必 利 樂 其 援 ; 樂氏 古 權,子 權 樂氏 氏 帶, 或 宫。 惟 文 又 至 隸 逆諸 人 矣。 魏 命 王 、懼之。 驂 無懈矣。」公有 自外,子在 矣 也,著於丹書。 督戎。』宣子喜 經,二婦人輦 執 范 氏 驅 鮒 乘持帶。」遂 無 階 鞅 民 趨 平 之出 、害也。 侍 宣子 逆 柄 執其手 進 1 斐豹 坐 魏 在 將 於 而 日 懼 舒 位 謂 僕 君 且. 范 口 何 公微 又注, 隱 氏 者 沃 于 敗 之。」孫 肘 免之,死 卒,樂氏 鞅 如  $\vdash$ 大 曰 也 曲 而 而 H : 日 而 : 弱 : 0 沃 奔 死 則 曲 氏 者,樂盈復

沃

也

經言樂盈

復

入于晉、人

入于晉,犯

君當誅,

曲

日

此樂盈

以

曲

沃

之甲人晉

欒

魴

傷

樂盈

奔

曲

沃

晉

人

韋

則

成

以

如

姻

强

取

懼

焉

范氏之徒在臺後,欒氏乘公門。 待之,督戎踰 而 『矢及君屋,死之!』鞅 退 殺 乃 乘 將 之, 出 槐 訟 攝車從之,遇樂樂,日 豹 所 本而覆。 女於天。』樂射之,不 而 不 人, 豹自後擊 閉 請 之,督 於 或以 君 焚丹 戎 戟鉤之,斷 從之。 用 書者, 而殺之。 劍 宣子謂 以 中。 樂 帥 踰 有

其

利

欒

氏

桓

子

官

子

氏

及

夫納之。」劉 夫不 昔 劫衆 或 可 昭 將 以 氏 納 公分國 叛 敵 日 也。 而 君,直 歸 「曷爲不言叛? 入于曲 以 沃 封 亂 沃、沃 而 故 沃 已矣。」〇 詩 明 人 盛 曲 作 强 非 沃 :《揚 昭 高 叛 大

晉樂 案: 則沃 封 春秋》書之,不特爲 君人 邑 踰 盈 宋 者,晉之繁衍 》、《椒聊》、《杕杜》之詩以 魚 制 者,不能 人 假 于晉, 石 入于彭 臣 以 Œ 自 權,卒之亂 身治 强盛 作 城 人臣 亂 將 或 必 也 一, 防 叛之邑也 一之戒 引 或 微 皆 楚 見意。 矣 , 亦 杜 亂 作 漸 賊 蜀 所 也 也 丽 以 愚 然

秋,齊侯伐衞,遂伐晉。

以 大國 君。」 不濟 何 君 左氏》曰 有 爲 何 ?]武 晏平仲 崔 之敗 國 ? 盟 弗 聽 杼 主 子姑止之。』文子退,告其 之 諫 :「秋,齊侯伐衞,自 而 子 丽 福 日 日 陳文子 ě: 毁 利 示不 也。 『君恃 焉,必受其 其 不德 吾言於君 難。 見崔 可。 通力 羣 臣 而 武子曰:『將 臣 有 以 聞之,小 咎。 若 功, 君 伐 衞 急 弗 盟主,若 君 憂 將 人日 聽 君 其 必 遂 或 也 於 間 及 伐 如 鄙

> 故先伐 年 伐 爲 故 之役 侯因 孟 乎? 其死 『崔子 東陽之師 封  $\cong$ 盟 也。 少 門, 盟 鄭 主,而 晉有 水,以執平陰之役。 也 主 登 將 齊 伐 齊 衞 過 大 侯 禍 死 以 衞 晉 之所 樂氏 + 君 行 遂 乎 亂 衞 追之,獲晏氂。」高氏 八 張 以 ! 伐 成 其 不之問,於是遂伐晉。 之 年, 以 義 於 同 晉 難 謂 武 數伐魯者,衛 諸 此 盟 而 軍 君 猶 取 矣。」義 侯 也。 助 於 甚 朝 自 同 、熒庭。 之,以 而又過之,不 乃還。 歌 抑 既 韋 也, 又 伐 齊 爲 報 見 之故 口 者,魯之 戍 況 趙 + ^ 盟 郫邵 隱 以 八 勝 隊 也。 台 又 惡 得 年 帥 齊

梁》作俞。

八

月,叔孫豹帥

師

救晉,次

于雍榆。《公羊》、《穀

雍 杜 氏 城。」莘老孫 雍 榆 氏曰:「不 晉 地 汲 郡 救 朝 則 歌 懼 縣 晉 東 之 有

討

憂,次 愚謂: 救之,義 有 于雍 欒 亦見三家之專,而 也。 盈 之 榆 難 卒 豹 重 怠棄君 ·不能 以 齊 救。 命,不 侯 魯君 之伐 豹辠 恤 威 命 明 同 魯 之不 矣。 姓之 命 豹

己卯,仲孫速卒。速、《公羊》、《穀梁》作邀。

行

也

大意又見《隱元年》「益師卒」。 此譏世卿,與次年叔孫羯侵齊起文也。

「季武子無適子,公彌長,而愛悼子,紇,臧孫許之子臧武仲也。《左氏》曰冬十月乙亥,臧孫紇出奔邾。

立之。 氏 北 **紇**,臧紇日 夫皆起。 飲大夫 面 武 重 子無 訪 席,新 於 酒 : 適子,公彌長,而愛悼子, 及旅,而召公鉏,使與之齒 申 「飲 樽絜之。 臧 豐, 紇 我 爲 酒 申 客。 吾 豐 召 趨 爲子 悼子,降逆之。 既 退。 獻 立之。 臧 訪 於 孫 季 欲 臧

公组 死 孟 羯 惡 夫 何?」臧 子 哭甚哀,多涕。 己 羯 季 子之命也。』遂立羯。 曰:『羯在此矣!』季 孫至,人哭而 公鉏謂季孫曰:『孺子秩, 疾,豐點謂 吾亡無 石猶 卯,孟 也,而 孫 立 也 臧 孫 之惡 -, 曰 曰:『何長之有? 孫 失 則 生我, 疢之美, 其毒 色。 季 孫 孫 季 哀 我,藥 『從余言,必 公组:『苟立 卒。 氏 孫愛之。 曰 : 日矣。」孟氏閉 如 季氏 信 出 是。 出,其 写季 一, 曰 : 公组 石 有 以 也。 力 孫 季 公鉏 孟 於 奉 孫 『秩焉 秩 御曰:『孟孫之惡 之 孫 爲 唯 氏 美疢不 羯 奔邾。 臧 羯 日 愛我, 爲 若 之 孟 其 古 『孺子長。』 立 氏 門告於季孫 滋 請 才也。 馬 死,其若之 其 孫 御 在?』公组 於 矣。」 多。 0 讎 Œ 賜 所 臧 如 疾 户 孟 豐 臧 也 惡 侧, 疢 弗 孟 孫 氏。」 且夫 莊 點 孟 石。 也 應。 孫 若 季 孫 子 好

門,甲 元喧 信。 藉 廢 君 鬍 孫怒,命攻臧 「, 其 以 除 長立少,以取奔亡。」 出 於臧 臧 從己而視之。 臧 奔晉」。 出 孫 氏 奔 乎 氏 聞 邾。 將 之,戒。 爲 氏。 臧孫 〇杜 蘧伯 義 亂 又見《 乙亥, 氏 使正夫助之,除於 不 玉曰 冬十月, 孟氏又告季孫 曰:「阿 使 · 。 示 臧紇 (僖二 我 葬。』 孟 順 斬 以 十八 氏 季 季孫 鹿 道 將 門 孫 事 年 季 爲 之 東 不 其

晉 殺樂盈

同, 之戒矣。 所 其大夫者, 氏之族黨 左氏》曰:「晉人克樂盈 當 亦 討 衞 故 州 樂魴 吁、齊 以 譏 其: 討 出 專 賊 無 奔宋。」 愚謂: 殺 之 知 辭 也 之類 書 于曲 之, 欒 也 盈 沃, 可 與 作 凡言 爲 鄭 盡 亂, 亂 良 殺 臣 殺 霄 欒

之,使 華還 武 者 盟 氏 從 明 還 君 侯襲莒」,蓋侵伐之中,皋之尤大者 而 輕 未中而棄之,何以 『貪貨棄命,亦君 此 似 仲 黎氏曰: 主 日 而伐之,獲杞梁。 日 退 自 行 鼠 晉 於 載 掩 無 先遇 獨 以强 「莒,小 明 鼠 甲, 不人。 其 其 死, 日 日,將 不 伐晉 畫伏 襲,譏  $\overline{ }$ 夜 莒子於蒲 攻 曰 : 備 入且 弱 國; 春 「, 亦 遂 夜 復戰,期 『請 所 惡· 秋》用 ,又掩其不 襲。 諸 動 襲 事君?』莒子親鼓之, 齊,諸 云 于之隊,宿於莒郊。 侯 莒 莒人行 有 聞 也。  $\wedge$ 侯氏。 行 盟 門 左 兵雖多 晉 於壽 侯 盜 氏》 亂 昏 於 之强 賊 備 成。」莘老孫 華周 而 舒。 而 H. 莒子重賂 H 之 書 後作, 受 于 事 無 而 對 命 杞殖 E 也。 書 齊 世  $\exists$ Н 齊 爲 股 臧 侯 抑 襲

\_ <del>|</del> 有四. 年春,叔 孫豹 如晉。

齊 侯

襲莒。

74

六〇

樂氏。」義見《僖七年》「齊來聘 左氏 日 : 穆 叔 如 晉 「。」 杜 氏 E : 賀 克

仲 孫 羯 帥 師侵齊。

損 《莊十年》「公侵宋」。 羯於是乎侵齊。 羯 夫當事而救不致力,既事 如晉,賀克樂氏。 政,無復三年之喪,辠自見矣。」義 伐晉也,魯使叔 於齊? ? ,仲孫速之次子孝伯 孝伯侵齊,晉故也。」高 當齊伐晉 君子是以知其 不能 孫豹救之,無功,故 羯代速爲卿,未練 羯之侵齊,爲晉復怨。 擊齊,既 〇戴氏 也。 爲文具 ௱ 氏 《左氏 聘,何益 退 日 曰:「豹之 也。 而侵,何 齊之 又 仲 而 見 於 從 孫

> 年而 矣。」高氏 自 自 雖 是 吴與 襄公言之,十一年失鄭,十 舍鄭而 一再伐 晉 日 不交者已十年,至 :「於此見楚 吴。 不取,置樂 以 是 而 盈 知 弱 而 楚 是凡三伐吴 而 四 不事,又十 弱 吴 年 而 -伐吴, 强也

秋七月甲子朔,日有食之,既 義見《二十一年》及《隱三年》。

於吴,方急吴而

緩

中國

也

齊崔杼帥師伐莒。

於其 《左氏》曰:「齊侯聞將有晉 胡氏 姦。」義見《隱二年》「鄭伐衞」。○ 故 訥 送之,遂伐莒,侵介根。」未詳 從薳啓彊如楚,辭,且乞師 崔 趙氏曰:「齊 杼 (君,假之以權之重,而 曰:「自古姦臣篡弒之禍 復伐莒,成君之惡,而 以 盜 竊之計 師 襲 任之久也。 一使陳 未有不本 苔 己 崔 信 得 無得, 否。 杼 行 邦 帥 無 木 其 師 宇

取

軍

夏,楚子伐吴。

其 侵 肘腋 來 書 而 不 趙 日之積 至。 其伐莒、伐魯之漸。 侵崇、侵鄭之漸。 者漸矣!』可不鑒哉! 爲篡弑之禍。 盾、崔杼在春秋時姦惡最甚,然 伐,必謹而志之,以 而 其 猶弗悟。 也 君信之深,任 ,皆假威弄 故趙盾之將弑 故聖人詳録 權,盟 崔 《易》曰 之 杼 明兵柄倒持,積 之將 篤, 會 侵伐, 其 : 『其所 弑 則先 (漸,凡 日 則 變 非 無 由 先 書 牛 所

兩月連食,異之大者也。義見《二十一八月癸巳朔,日有食之。 義見《桓元年》。

大水。

子、滕子、薜伯、杞伯、小邾子于夷儀。夷、《公公會晉侯、宋公、衞侯、鄭伯、曹伯、莒子、邾年》及《隱三年》。

羊》作陳

公至自會

盟 邢 勢不競,衆志不一也。」未詳是否。 將以討 爲是爲 年,乃伐衞,遂伐晉,又加兵於莒。 沙隨之會,晉失其令,齊於是不賓。 卒,而光新立,乃受盟於澶淵。 見《隱九年》「會于防」。 氏曰:「杞伯居喪出會,覩文見義。」義 于夷儀,將以 夷儀,見《僖元年》。 晉之再會,皆爲謀 地 柯陵之後,齊 衞 齊。 夷儀之會,帥 滅 邢 然會而不伐,是有畏 伐 而 齊。 爲衞 有 輕晉之心。 衞。」未詳孰是。 水,不克。」葉 邑。」《左氏》曰: 杜氏曰:「夷儀 十二國 ○高氏曰:「自 諸侯 及商任 齊 也。 氏 之 晉侯 侯環 E 「會 師 明 或 又 高 本

冬,楚子、蔡侯、陳侯、許男 三國 莊十 附 年 夷 **>** 狄 荆 敗 以 蔡 伐 師 中 或 伐 鄭 辠 也。 義

又

見

賊,弛射侯 而不燕,置廷道 而

物

而

陳 鍼宜咎出奔楚。鍼,其 義 見《桓二年》「公至自唐」。 廉切

孫豹如京師 義見《僖二十八年》「元咺奔晉」。

叔

賀城。 信否。 《左氏》曰:「齊人城郟。 愚謂:襄公即位,未嘗朝京師,而 王嘉其有禮也,賜之大路。」未詳 穆叔如周聘,且

矣。

大饑。 使大夫往聘,大不敬也。

粥溢 侵。 《穀梁》曰:「五穀不升爲大饑,謂之大 之,或移粟以通 弛侯,廷道不除,百官布而不制,鬼神禱 而不祀。此大侵之禮也。」康侯胡氏 古者救災之政,若國凶荒,或發廩以 大侵之禮,君食不兼味,臺榭不塗 緩刑舍禁,弛力薄征 以救餓莩,或 用,或徙 興 工. 作 民 一,索鬼神,除盜 以就食,或爲 以 聚 失業 Z 賑

春秋本義卷第二十二

後學成德校 訂

災,而冬大饑,蓋 以備之者如此。 故書之以 不備,雖有旱乾水溢,民 爲戒。」義又見《宣十年》 其至是年秋,有陰沴之 所 以 賑 業之者有不備 不修,殺 無菜色,所 禮

## 春秋本義卷第二十三

襄公

一十有五年春,齊崔杼 歸,何 《左氏》曰:「齊崔杼帥 曾弗之戢 綽 兵,伐衞、伐晉、伐莒、伐魯,三年之間 異於他日。』齊師徒歸。」存耕趙 孝伯之師 兵,凶器 曰:『崔 患患 也,弗 也。 而 子將有 ! 公患之,使告於晉。 又授 其來也不寇,使民 戢 帥 必自 大志,不在 兵 師 於好亂之夫,蛟 師伐我北鄙 伐我北鄙。 . 焚。 齊莊 病 我,必 氏 連歲用 不嚴, 以以 孟 E 報 虯 速 公

> 防、城 故 又從 品 齊侯 也。 伐者十有三。 伐,襄而莒復見伐。 者各 氏 而 固志之矣。」 也。」義又見《隱二年》「 也。 區方託晉 韋 之師遂 齊伐 台, 而 一,皆 西郛、城武 自 此其所以訖 侵之, 豈吾所得已哉? 則 其北, 莒伐其 襄 齊 非 爲 至 以前 甚 乎 ! 而 特及其鄙 韋 雍榆之救 成、圍 E<sub>o</sub> 城,曾不足以自守, , 莊、僖、文、成之伐 不能 是終其世,三 至文 桃、 鄭 襄之不能 ,固已兆怨矣 東,邾伐其 丽 振 伐 崖 耐 르 也。 衞」。 防,莒亦 邾 《春秋 我 復 皆晉之 爲 雖 或 見 南 進 或 見 於 葉 而 我 城

也。東郭偃臣崔武子。棠公死,《左氏》曰:「齊棠公之妻,東郭,夏五月乙亥,齊崔杼弑其君光。

偃

之

姊

偃

武

作於陰,虎兕出於柙,宜其終不免於禍

子以弔焉。

見棠姜而美之,使偃取之。

報。」 于石 甲 侍 槧」,所 M 風 偃  $\overline{\mathcal{H}}$ 子因是,又以 可。』公曰:『不爲 崔 先夫當之矣。』遂取之。 M 桓 戌 氏 ,公問崔子,遂從姜氏。 月 人 日 響諸 、賈舉 ,莒爲 欲弑公以 無 據 隕,妻不 可。 木 『男女辨姓,今君出自丁 『吉。』示陳文子,文子曰: 恃 所 以 于蒺藜,人于其宫,不見其妻 傷 歸 于石」, 而 崔子之冠 武子 北 且 也。 又 也。』崔子曰:『嫠也何害? 郭。 其間伐晉 于 近 悦於晉 可娶也。 筮 之役故, 人 之,乃爲 往 崔子稱 崔子,其 之,遇 于 賜 不 其宫,不見其妻 濟 而 也,曰:『晉必 莊公通焉, 且其繇 木 芦子 疾不 崔 不 也。 侍者 姜人於室,與 無 之大 獲 子 冠 視事。 間 間 朝 乎? 日 日 據 调 臣 。公鞭 公。 一夫 于 : 于 出 驟 \_ 崔 蒺 從 Z 夏 將 不 如 É 史

者,豈 弑之。 乎? 之皆 弗許 日: 於崔 將 命。 舉 崔 蒯 唐,至,復命 鐸父、襄伊、 二命。』公踰 而 獨 it 子自 死。』其宰 請 ,侍漁者,退謂 吾 氏之門外,其 死 衆 近於公宫,陪臣干 歸 弗 以陵民? 日 君 皆 賈舉、州 從 側 許 乎? 崔氏 也 曰:『君之臣 者 户 吾吾 Ė 乎 牆, 僂 出 而 請 不 :『免,是反子之義 哉 ? 曰:『君 皋 殺鬷蔑於平陰。晏子立 堙皆 綽、 盟 又 説 社稷是主 其 公拊 也 弗許。 射 人曰:『死乎?』曰 閉 宰曰 弁 邴 死 乎 吾 之, 門。 師、公孫 而 0 楹 『爾 哉 掫 杼 死安 死 死 祝 中 而 ? 疾 也 有 甲 請 於崔 佗 股 歌 病,不 )°] 淫 歸? 興 自 臣君者、豈 吾亡 以 反 反 父祭於 敖、封 者,不 刃 曰 : 帑免,我 公登 氏 侍 也。」 隊, 於廟 能 君 也。 人 行 與 高 遂 賈 民 知 聽 申

死 側 莊 公 于 北 郭。 Ţ 亥,葬諸 士:

爲 則 爲 死 己亡,非 其 之,爲 П 實 ? 其 社 私 稷 社 亡 暱 稷 是 ,誰敢任之? 則亡之。 養。 故 若爲 君 爲 且. 己 社 人有 死 稷 而

將 君 庸 而 弑 何 之, 歸? 吾 焉 門 得 啓 死之,而焉得亡之? 而 人, 枕 尸 股 而 哭,

有

Ŧi.

年

而

後

發。

其始

也

同

盟

于

虚

胡

氏

曰:「崔杼之弒,其處心積慮蓋二

+

几

翣

不

蹕

下車

七乘,不以兵

甲。

邦

衡

孫

之

里

癸 崔 興,三踊 奔 子 Ė. 晉 E 而 『民之望 出 何 奔 人謂崔子:"必 苔。 也! 叔孫 舍之得民。』盧 宣伯之在 殺 之! 齊 蒲

1 也 Η. 叔 孫 杼 還 納 立 其 而 女於靈 相 之,慶封 公。 爲 嬖,生景 左 相。 盟

者是 子 或 仰 人 於 與 天 大宫, 有 歎 日 如 :『嬰所不 曰:『所不與崔、 Ŀ 帝 13 唯忠於君利社 歃 辛 慶者。』晏 Ė 公 駔 稷

背

喪

出

盟

盟

主

君。」 夫及莒子 崔 子殺之。 盟 其弟 大史書 嗣  $\Box$ 書, : 而 崔 死 杼 者 弑 其.

人。

其弟又書,乃舍之。

南

史氏

聞

大

中

君

悖

崔

盡

死,執簡

以往

,聞既書矣,乃還

崔

氏

事

之權 代君 益 恣 也。 矣。 而 盟 帥 其 ,次于鄫,代 師 漸 而 也,會荀 伐莒、伐 君 罃 而 魯 而 會 城 則 則 虎牢, 竊 專 威 盟 其 會

之柄矣。 日 動 於 深悪,而 始 知 其 弑 福

矣。」愚謂 君,不知 其 非 齊 光 日 自爲 之積 世 也。 子,而 《易》之旨 出 與 會 盟 微

位,則 侵伐,或 驕 蹇 序 於諸 違 侯之上。 伐 衞 遂 伐 及 盟 其 即

襲莒伐魯 氏 之世 「**,**莫 卿、崔 非 悖 杼之專 亂 之 舉。 權 又書 春 秋 齊 光 歷 之 書

鑒 亂 而 戒 又案: 昭 終之以 矣。 崔 義 此。 杼 又 見《隱 弑 亂 君 臣 而 几 賊 後 子 年 無 懼 **>** 討 衞 賊 州 之 吁

文,則春秋之時亂可知矣。

子、滕子、薛伯、杞伯、小邾子于夷儀。夷、《公公會晉侯、宋公、衞侯、鄭伯、曹伯、莒子、邾

義見《隱九年》「會于防」。

羊》作陳,下同

六月壬子,鄭公孫舍之帥師入陳。

隧者 《左氏》曰:「初,陳侯會楚子伐鄭,當陳 子展、子 遂人之。 一, 井 産帥 堙 陳侯 木刊 車 扶其大子偃 七百 鄭人怨之。 乘伐陳,霄突陳 師 六月, 奔墓。」愚 城 鄭

向」。 亦無其君也。義又見《隱元年》「莒入

謂:

鄭伯出會,而

舍之入陳,不特無

王

秋八月己巳,諸侯同盟于重丘。

杜

氏

日:二

夷儀之諸侯也。

重丘,齊地。」

張氏曰:「曹州乘氏縣有故城。」愚謂:

齊桓之盟,壹明天子之禁。晉侯爲夷儀

討,宜 人矣。 之會、 而 不支也。 其六卿 重 義又見《莊十六年》。 fr. 之盟 然則此會此盟,又齊桓 分晉,諸 齊 有 侯 弑 解 君 體, 之 賊 鑾 夷 而 之皋 不 日 熾 能

公至自會。

· 義見《桓二年》「公至自唐 2至自會

衞侯入于夷

儀

者,行 衞 侯, 衎也。 之國 也。 不名,闕文也。 不能治 其國 圃 愚謂 見 逐 : 於 衞 賊 或

世鑒。 臣,則 侯 然 孽篡竊,大夫專恣,冠屨 正,乃旋入夷 方伯以復之。天子不能討,方伯 衎 王政 復歸 既 不綱 此 不 于衞 當與次年「甯喜弑 · 君矣。 而 諸 儀以求 兼考可也 侯 猶當 失位,諸 復位,無足道 Ŀ 倒置 告天子 侯 其君 皆皆 不 君 可 剽,衞 不能 下 而 也。 後 告 庶

楚屈建帥師滅舒鳩。

告無 13 禽 居 吴人救之。 鳩 叛 待 盟 之,薳子曰:『不 與 舒 年,吴人爲楚 舒 桓 師 子 也,不 加 其 鳩 可 其 人卒叛。 我 師 鳩 陳 間 卒。 之, 人叛 以 以 捷、子 無辭, 祈 又伐之,伐 見《宣八 免。 七日 待 如 H. 犂 楚。 卒 我 速 請 讓 · 駢、子 不 子 楚 有 而 戰 受盟。 之。 年》。 子疆 舟 楚 然,必爲 木 令尹子 庸。』乃還。 不 我 可。 子 師 無 貮 遽 克 孟 舒 請 日 師 皋. 《左氏》曰: 之役,故 以 則 帥 二子 : 鳩 吾 彼告 以其 也 於 木伐之,及 進 右 『久將 吴禽。』從 左 子 又 荒 師 師 <u>一</u>十 復 敬 何 奔 姑 不 浦 私 先, 以 召 求 命 逆二子, 則 卒誘 叛 整隘 歸 使 退。 舒 三 十 子 ? 五 亦 王欲 之。 且請 沈 息 鳩 之,簡 年,舒 離 視 疆 隘 若 吴 民 尹 之, 城 人 Ŧi. 猶 受 伐 壽 乃 息 以 而 川

冬,鄭公孫 月,子 伐 伐 信 成 楚 俱 舒 八 師 望 也 復伐陳,陳 左氏》曰 之,則 月,楚 一見楚 衞 十七年,滅 雪鱼 張 有 會之,吴 0 消荆 鄭舍之入陳 食, 辠 夏帥 展 矣 ! 木 滅 師 相 至是 又甚焉。 : 舒 訥 師 師 不 及鄭平。」愚謂 舒 鄭 鄭子 是懲』是 繼,復 伐 舒 趙 大 鳩 伯 然 盡矣。 庸 陳。 氏 敗。 如 報 猶 産 義  $\Box$ 晉,拜 義 迫 逐之,傅諸 獻 夏、《公羊》作 及是 遂圍 之過 見《 又 也 宣 於 捷於晉,受之。 羣 見 八年, 强 陳 : 滅 僖 矣。 舒 舒 大 隱 陳從楚伐 楚 舒 之功。 =鳩 其 其 鳩 年 而 至 其 先本與 滅 近 舒 <u>\*</u> 年 是 不 軍 舒 楚, 鳩 得 子 徐 而 鄭 潰 鄭 復  $\Box$ 西 楚 取 簡

羊》、《穀梁》作謁。 十有二月,吴子遏伐楚,門于巢,卒。 過、《公

人

以

其私

卒先擊吳師。

吴師

奔,

登山

以

吴子 葉氏 故 爾 也 杜 頑 楚之上 曰 。」莘老孫 如 氏 卒 貫 日 會,卒於  $\mathbf{E}$ 門 : 一,無嫌 一言諸 道 矣, 于巢,卒』也。」義見《僖 王 遏 不 氏 氏 也。 諸 侯 可 티 : 鄵」文義  $\Box$ 不 樊 再 : 趙氏 「吴子攻巢之門而 「巢門,楚外 生名,吴子 也。 見 舉 Ē 曰:「此 門 卒之名 同,皆以 于 巢, 何 城 與『鄭 攻 加 以 門 三年 便 巢 之 名 也。 卒 文 伐 髡 門

剽。匹妙切。 二十有六年春,王二月辛卯,衞甯喜弑其君

取

舒

也。 殖 疾,召悼子曰:『吾得辠於君 人立剽。 剽,公孫 子 出 名藏 其 也 君。」 剽 《左氏》曰:「二 在 若 也。 君 不 諸 人則 能 侯 + 之策,曰:「 四 猶 掩 年,衞 有鬼 之。 <u>+</u> 神,吾 若 侯 年 悔 孫 能 衞 衎 林 掩 奔 有 而 甯 父、 之, 齊, 餒 無 惠 甯 則 及 子 衞 而

> 弗定 今甯 公 舉 呼 言, 甯喜許之。 寡 命 故公使子 喜言,甯喜曰 然,以吾故 日 奕者舉 二十五年冬,衞 已,不來食矣。』 與甯喜言 使 而 人。』甯喜告蘧伯 乎? 子視 滅之, 子 君 《詩》曰: 棋 鮮 無 鮮。 必不 君 不定,不 信,臣 爲 可 也 日 不 哀 『必子 復,辭。 ·」 許諾。 子鮮不 夙 也哉 免矣。 如 大 悼 『荷 懼 獻 奕 ·勝其 叔 玉 夜 公 子 不 反, !』二十六年,衞 棋, 一,伯 免。 文 獲 鮮 自 敬 匪 許 初,獻 子 九世之卿 偶 政 命 在 懈 姒 其 夷 諾, 玉 不不 聞 敬 由 於 强 儀 日 而 何 以 惠 甯 敬 之 :『瑗不得 姒 命 使 然必 公 況 以 事 子 氏 姒 一使 曰 : 之,  $\exists$ 與 置 免 · 遂卒。 2,祭則 族 甯 喜 人。 敗。」 與 君 以 乎 對 公 甯 雖 獻 ? 而

「姒」,原作「似」,今據四庫本改。下「敬姒曰」同。

0

氏,不 君 角 攻 或 襄 可 鮮 人 外十二年矣,而 之。』遂見公於夷儀。反,曰:『君 先 君 告右宰穀,右宰 而 聞 "「君臣之分,一正不可復易,此聖人 天 者 也。 居 以 能 人,不可 孫 死,孫氏夜哭。 在 君之出 黄 E<sub>°</sub> 亡,於我何 。」右宰 守 氏, 克。 一下誰 氏 若不已,死 克之。 日 孫 以 伯 敢 事 畜之?』悼子 : 穀 月 文子 貳。」穀 「剽本 或 聞 ·之爲 庚 日 爲?』悼子 傷 穀 其 無憂 ·: 子 辛 寅,甯 在 曰 : 人。』遂 無 或 君 篡 卯 戚 曰 : 甯 H 色,亦 人召 + 示不 孫 V. 矣。』悼 子出 鮮 喜、 殺 『我 三年  $\Box$ 在 行,從近 而 可 甯子, 嘉 日 子 無 右 : 舍於 書 請 聘 叔 何 寬言, 也。」 子 宰 吾受 甯 使 獲皋 於齊 雖 益 及 日 甯 穀 郊 焉 喜 淹 然,弗 關 ? : 大 子 許 伐 弑 猶 命 於 恤 而 子 出 孫 氏 子 復 伯 孫 多 其 夫 於 在 觀 兩

> 之立, 説,非 辨 矣。 君 剽 殺 乎 也 以 逐 衞 所 兩 之,非 ? 实熟 殺 衎 日 商 而 州 以 立 北 愚案: 定 已矣。 剽 吁 人 何 爲 喜與 有 則 殖 面 同 以 事 天下之經也。」義又 以 北 衎 弑 殖 以 此 而 名 衎 意。 面 君 之君 爲 剽之説 此 則 喜 事之,皆君 别 喜 之 事之十三年而 而 不 與《 葉 可 頣 嫌 歸  $\exists$ 然, 也。 何 氏 以 衎 文十八年》「齊人 明 弑 爲 也。 ? 日 殺 之 則 微 哉 IE. 喜者 : 剽。 非 以 説 去 也 ? 夫 剽 則 衎言 也 而 「, 受 所謂 爲 之與 此 剽 見《 不以 違 春 方 喜 剽 不 之則 喜 命 之。 孫 秋 君 隱 衎 得 與 受 爲 於 林父之 則 四年 臣 弑 君者 不 公 命 殖 既 衎 爲 不 蓋 者, 能 者 其. 孫 口 與 之 而 不

衛孫林父人于戚以叛。

戚

·見《文元年》。趙氏曰:「據土背君曰

夏,

杜

氏

曰 :

荀吴,偃子。」義見《僖七年

之。今甯喜弑剽,將納獻公,故林父懼叛。」高氏曰:「獻公之奔也,林父實逐

之。 辠 季 而 惡自 人于 有 見 戚 藏 矣。 喜 以 甲, 叛。」 邑 君 愚 有 舉 謂 百 陳 : 雉之城 人 氏 臣  $\Box$ : 而 矣,故 叛 春 其 秋 君 書 之

甲午,衛侯衎復歸于衞。

叛

,始於此。」

晉侯使 得 夫 儀 衞 有 雖 年入于夷儀,今喜弑剽,四 黄 之,如  $\pm$ 使需 此 其 二君,名以别之也。」孫氏 氏 法 國,然其 日 荀 待 : 不行,邪正莫辨,勢力詐謀,强者 変棋 吴來 弑 喜 衞 而 弑 侯歸 聘。 然。 歸 歸 其 也,非 也。 君 書名者, 此《春秋》所 , 而 愚謂 正義 復 歸 : 剽弑,衎 明道之舉也 曰:「衞 于 衞 H 以 衞 侯 而 作 先 復 也。 歸 夫 人 歸 侯 或 夷 于 前 衞

「齊來聘」。

公會晉人、鄭良霄、宋人、曹人于澶淵。澶,市

延切

鄭 晉、宋、曹稱 以 卿 也。 人,微 澶 淵,見《二十 者 也。 鄭 年 加 宋 上者, 義見

《隱九年》「會于防」。

秋,宋公殺

其世

子

痤。

才

何

切。

《公羊

作

座

之。 食。 《左氏》曰 人之事君子也,惡之不敢遠,好之不敢 子 師 師 嬖,生佐,惡  $\vdash$ 毛,棄諸堤下。 知 畏 『棄』。長而 而 公 曰: 公見 之,請 而惡之。 無 寵 棄 "「初,宋 『夫不惡女乎?』 野享之。 而 也 秋,楚客聘於晉, 寺人惠牆 婉。 美。 而 共 視之,尤。 姬 平公人夕 大子 芮 公使 之妾取 司 ,痤美 徒 伊 往 生 戾 ノ,共姫 以入,名之 姬 對 而 女子,赤 伊 過 爲 納 很 曰 : 大子 戾 宋。 , 合左 諸 請 與之 小 御 大 從 内 而

視之, 皆日 『爲我 『大子 至 其 近 一,則 外 『固聞之。』公囚 敬 子,又 將 歃,用 則 莫 以 信 爲 共 待 亂 有 何 牲 其 命 焉。 求 既 内 加 ? 敢 與 書 問 有 對 徵 臣 楚 諸 貮 之, 日 客 大子。 請 夫 心 盟 往 而 人 平. 『欲速。』公使 矣。』公曰 騁告公 與 也 ? 大子 左 縱 遣 師 有  $\vdash$ i 日 之。 則 共

聞 語 不 來,吾 而 過期 無 皋也, 知 乃 死 矣。」 縊 乃 享伊 而 死。 左 戾。」康 師 佐 聞 爲 之, 大 侯 聒 子 胡 而 氏 公徐 與  $\Box$ 之

惟佐也,能免我。』召

而

使請,

日。『日

中

心,又有 譖言之得 賊 世子者寺人矣, 小人欲 行 也,必 結 内 有 而 援 嬖 獨皋宋公,何哉 者 妾 以 西己 爲 適 之助 以 惑 然 ? 其

> 痤。 之讒 呼 唐 侯 三復其言。 不 之不明,惑於讒 能 ! 明 殺 春 皇 相 而 世 自 保、況 猶 殺 子 秋》以 古讒 申 蹈之,蓋 生,宋 臣 人 晉侯、宋公殺之,直辠 思,爲 高 下 爲 平 氏 乎 一晉、宋 或 ? 公 患 後世戒。 : 聽 不 雖 春 伊 晉獻 其 足 秋 戾 之詐 》書此,當 君之父子 道 漢武 也 惑 驪 而 帝 嗚 君 殺 姬

晉人執衞甯喜。

7-

甯喜. 使還 知 執之、則既 公羊》 其 衞 舍之矣,故 弑君之賊,晉不 日 次 : 失 年 示不 刑 書  $\Box$ 以 矣。 示不 衞 其 殺 況 皋 以 之討,乃因 其 執 既 其皋執之」也 大 之也。 執 夫甯喜」, 而 0 不 其 愚 殺 來 謂 則 V 而

《左氏》曰:「許靈公如楚八月壬午,許男甯卒于楚。

衆

矣。

尸此者,其

誰

乎

?

直.

稱

君。

**奉** 

後

愛惡

移,父子夫

婦之間

不

能相保

者

秋

Ě

其本之意。」義又見《僖

五年》「晉

師

不

興、孤

不歸矣。』八月,卒於楚。」

高

請

伐

鄭

-

四七二

許

靈公。」愚謂

:

所 氏 矣。」 E : 以 義 又見《隱三年》「宋公卒」。 中 國諸侯 而 死於夷 狄,死非 其

貫道王氏曰:「君守宗廟,出入必告。不

幸而 於楚,是以 於道 四 路,猶爲棄社 岳伯夷之血 稷 祀而 也。 委之蠻 許男死

冬,楚子、蔡侯、陳侯伐鄭。

《左氏》曰:「楚子曰:

『不伐鄭,何以

求

諸侯?』楚子伐鄭

鄭

人將禦之。

子

産

衞

縣 之?』子展説,不禦寇。十二月 求 小人之性,釁於勇,嗇於禍 於一來。不如使逞而歸,乃易成 南里,墮其 曰:『晉、楚將平,諸侯將和,楚王是故 · 名 焉 . 發,獲 者,非 城。 九 人馬 涉於樂氏,門于師之梁 國家之 夷狄滑夏,其皋大矣。 涉於 利 汜 以以 也 而 足其性 歸 乙酉,入 若 也。 前 何 從 後 夫 昧 而

> 年》「荆 敗蔡師

而

陳、蔡從之,抑

又

甚

義

又見《莊

葬許靈公。

義見《隱三年》「 葬宋穆公」。

二十有七年春,齊侯使慶封 來 聘。

杜氏曰:「景 公即 位 通 嗣 君

也。」義見

《僖七年》「齊來聘」。

夏,叔孫豹會晉趙武、楚屈 石惡、陳孔 奂、鄭良霄、許人、曹人 建、蔡公孫 于宋。 歸

奂,《公羊》作瑗

戍善 雖 財 與 謀於諸大夫,韓宣子曰: 『兵,民之殘 諸侯之兵以爲名,如晉,告趙孟。 不序宋大夫者,在宋 會 用 E 不 之 於趙文子,又善於令尹子木,欲 可 知。 可,必將許之。 蠧,小國之大菑 後盟 同 故也。 《左氏 弗許,楚將許之, 也。 ₩ E 在宋, 將 或 : 「宋 弭之, 趙 則 也, 弭 向 宋

至。 舉 中 年 故 下之政,中國之事,皆大 甚 諸 際,天子失道,諸侯 軍 蔡公孫歸生、曹許之大夫皆至。 戌:『請 戌 午,鄭良霄至。 以 會於宋。 矣 侯錯 ·晉、楚各處其偏。」孫氏 陳 或 會 如 召 氏 之 虢 + 楚公子黑肱 如 陳,從子木 諸 諸 曰:「晉、楚初同主夏盟 事, 命, 楚, 九 侯 晉、楚之從,交相 何哉? <u>Т</u>і. 年 皆 侯 楚 大 則 城 月 大 夫 莫 亦 我 甲 杞, 三十 、專國。 夫 有 許 戊 成 先至,成言於晉 辰 失 宋之會,諸 專 見者 之。 申, 爲 言 · 普 擅 持 於 盟主矣。』晉 權 叔 趙 之,可 至 年 皆告於 楚。 見 武 夫 孫 宋之 此 曰:「隱、桓之 會 也 宣、 豹、 專持 至於宋。 侯 天 澶 0 子 知 下 會 成 淵 H 小 陳 也,以諸 以 衞 木 也。」君 『,則又 之也 微,天 之政 之間 或 孔奂、 昭 藩 謂 人許 宋 石 元 爲 向 惡 向 丙 爲

之盟。 楚。 合諸 乎 ? 兵, 彼 其 害 春秋 之分 而 蠻 夷 中國之大夫,則弭 胡 伯 侯 貴 貊,莫知 甚 氏 分爲 狄 壞之,天下之勢遂大 故,始循 也 是以 將 於宋 知天下之大計哉?」 嗟乎 重 果 侯于申,伐吴滅賴,執 曰:「諸侯之大夫會 愚 自是大啓戎心,干盟 不 天下之大變也, 可 晉、楚之從。 亦甚矣 以 兵爲 以 其 口 而無夷夏之辨。 終於吴、越焉爾 其 久 桓、文 輕 辨 弭兵之名,遂 處 口 ! 舉 邪 而 弭, 也。 ??!高 兵之説,果可 數 自後 諸 於是 而 + 侯 於湨 而 潰 年 夷 亦 氏 諸 始 屈 而 之 俛 中國之君,殺 几 狄 會 日 矣。」〇 侯 昭 梁 則 建、欲 不 偪 功 首 年 口 于宋 大 是 加 好, 定、哀 口 業 兩 信邪 以 夫 楚子大 南 此 無 收 事 華夏 信 而 不 以 邦 事 北 君 晉、 朝 與 利 ? 結 弭 衡 之 臣

與

H

葡殺其大夫甯喜。

夫,皆以其私 夷 也 衞 歸 用之爲大夫,未嘗奪其位。 而 朝。」莘老孫氏 餘 對曰:『臣殺之,君勿與 公曰:『臣 地、公孫 之言矣。事未可知,祇 餘請殺之,公曰 左氏》曰:「 吾 侯 衞 復 『殺其大夫』也。」義又見《莊十六年》 歸 殺之。 晉 攻 侯,乃以 衎 殺之不以其辠,故曰『殺其 里克殺奚齊、弑 甯氏,殺甯喜及右宰穀,尸諸 臣謀,使攻 衞 也無辠 晉 侯 衞 而 其私 衎 曰:「甯喜,弑賊 侯 甯喜專,公患之。 不 :『微甯子不及此。 德 以 夷 ,父子死 殺之。 喜之迎己,反 育氏。 以其皋。 八吾、衞 知。』乃與公孫無 卓子 成 喜雖 余矣。』夏,免 惡名,止 侯 故《春秋》 喜既 弗克,皆死 而 衎 有 也、弑 立 之殺 見執 公孫 大夫』 皋,然 國, 夷 也。」 吾 吾 大 皆 與 而 復 剽 免

> 衞 侯 之弟 曹殺 鱄 大夫」。 出 奔 0 鱄, 市 轉 切 又 音 專,《

穀

作專。

終身 坐。 信 將 廢 者 使止之,不可。 亦 章 子 鱄 -,何以 子鲜 否。 誰 其 難 鮮 而 不 愬 乎 日 木門大夫 事 盟 仕。 乎? 皋 ! : 義見《二十年》「 于 沮 也。《左氏》曰:「免餘 逐 河。 且鱄 勸 也。 公喪之如 吾不可立於人之朝 我 ? 勸之仕,不 者出 託 及河,又使止 實使之。」遂出 從之,昭吾 君失其信 於木門,不 納 陳 税 我 侯弟奔楚」。 服終身。」未詳 可,曰 者 而 所以 死 國 向 之。 奔 殺甯喜 : 無 衞 賞罰 晉。公 仕 矣! 出 刑,不 或 也。 使 mi 而 無

秋

矣,事 也。」固 矣。 死。 我 害 趙 以 信 氏 縳 先 與 召 以 衷甲 害 不 宋 ? 也 無乃 之 來 孟 ·及是。 行,而 若合 事 晉 我,吾 食言者不病,非子之患 患 服 致 利 Ħ. - , 伯州 楚 匹 人曰 不 死 「辛巳,將 不 吾 以 而 釋甲。 諸 衷 夫 得不 若 릲 庸 口 僭濟之,必莫之與 因 雖 甲 侯 不 犂 平 多矣,非 ·, 以 宋 倍 之 爲 晉固 信, 再言宋, 曰:『合諸 ? 弭 苟得志焉 子木曰:『晉、楚無信 以 楚 卿,以 不信, 告 盟 兵 夫諸 守 是 爲 口 於宋 叔 棄 所 以 病, 諸 也。 向。 爲 猶 無 侯 召 其 侯 患 西 則 侯之師以 不 不 他 望信 諸 焉用有信?』 盟 也 信 子 叔 門之外。 也。 信 夫 可 義 也 侯 主,未有 白 以 何 能 前 也。 於 日 服 懼 安 夫以 必 單 楚, 致 諸 能 不 斃 爲 楚 焉 稱  $\wedge$ 死 是 何 先 ? 害 信 捷 其 侯 不 左 争 兵 久

先楚 有尸 之盟 晉者 襄、 謂 趙 盟 則 子 晉 義 百  $\Box$  $\vdash$ 一,趙孟 文子 **山** 務 : 因 悼 齊 「晉之不足以 德、無 『諸侯歸 盟 先, 會 也 也。」楚人日 孔 人。」未詳信 嗣 桓 者。 子 而 始也。』是王 久矣,豈專在晉?』 齊桓公始。 之偷 是楚 伯 攘 盟、又甚 日 争 楚,晉 楚爲 雖 · 先 ! 晉之德只,非 弱 也。 事 微 也。 : 有 晉 主夏盟 否。 文繼 焉 管 孔 大夫之奏《肆夏》,由 『子言晉、 H. 優劣,然皆 伯 細 者 仲 子 且晉、 諸 義 之,有 所 也 不 曰 : 自 侯 以 與 亦 盟 歸 其 前 叔 楚 興 宋 可 楚 城 小小 其 哀 向 被 狎 始 君 會 以 乎? 庭 P 濮 几 È 髮 也。 舉 同 謂 攘 或 燎》 盟 之 也 左 諸 楚 宋 陳 趙 古 師 也 乃 愚 衽 之 之 H 必 孟 侯 此

●「百」,原作「日」,今據四庫本改。

矣。」意蓋如此。 魯襄以來,楚未有勝中

之諸侯以朝楚,而 國之勢。 趙武 使 屈 夷夏於是乎莫辨。 建 同主夏盟,分中 趙 或

武之辠,不可勝誅 也,而説者以爲趙武

之力,豈不悖哉?

冬十有二月乙亥朔,日有食之。

義見《隱三年》。

一十有八年春,無冰。

夏, 衞石惡出奔晉 義見《桓十四年》。

奔晉。」義見《僖七年》「元咺奔晉」。 左氏》曰:「衞人討甯氏之黨,故石惡 出

邾子來朝

邾悼公也。 義見《隱十一年》「滕、薛來

朝

秋八月,大雩。

(左氏》曰:「旱也。」義見《桓五年》。

仲孫羯如晉。 羯,居

義 見《僖· 七年 - 》「齊 來聘」。

冬,齊慶封來奔

《左氏》曰:「齊崔杼生成及彊 郭姜,生明。 與東郭 偃相崔氏。 東郭姜以孤人, 日棠 崔成有疾 而 而寡,娶東 廢 之,而 無咎,

立明。 成請 老於崔,崔子許之,偃與 無

咎弗予。曰:『崔,宗邑也。必在宗主。』

成與彊怒,將殺之。 告慶封曰: 『夫子之

身亦子所知也。 惟 無咎與偃是從,父兄

莫得進矣。 大恐害夫子,敢以告。] 慶封

嫳曰:『彼,君之讎也。天或者將棄彼 曰:『子姑退,吾圖之。』告盧蒲嫳。盧 蒲

之厚也。」他日又告。 矣。彼實家亂,子何病焉? 崔之薄,慶 慶封曰:『苟利夫

子,必去之! 崔成、崔彊殺東郭偃、棠無咎於崔氏之 難,吾助女。』九月庚辰,

四七七

實遷 寢戈 之。 慶 無 縊 滅 堞 討 封 或 朝 不 崔 之。 遷 封 崔 其 得 歸 日 氏 癸言 嫳復 而 故 朝 於 宫 崔 乙亥,嘗於大公之廟,慶舍 好 矣, 氏 明 有 『崔、慶 先 焉 使 子 反 盧 而 使 Ш 來 殺 禍 後之。 乃 命 守之, 幸 怒 王 盧 蒲 盧 而 奔。 成 使 縊 於 何 人 而 蒲 嫳 耆 蒲 止 一也, 諸亡 崔 與 駕 出 癸。 氏 而 > 帥 余 酒 弗 慶 崔 子 + 彊 反 猶 寺 其 易 克。 與 封 , 且 月,慶: 人得 , 而 明 癸臣 之,二子皆嬖,使 是 甲 可 衆 X 慶 當 内 夜 何 以 御 盡 御 皆 使 或 舍 賊 而 子之, 辟 敢 遂 攻 封 而 逃 俘 而 或 者,以 政 飲 然? 諸 <u>一</u> 十 崔 見 田 歸 其 出 酒。 人 求 大墓。 則 之。 慶 氏 於 有 家 助 萊。 告 以 請 封 涖 八 且. 數 寵 使 其 其 而 至 崔 爲 年, 日 事。 + H 駕 執 妻 反 内 辛 則 妻 遂 氏 子 慶

> 晉 還 懼 官。 欲 與 來 陳 封 何 尾 盧 伐 、之爲 讓 於嶽、請戰、弗許、 以 抽 不亡,得乎 歸 蒲 北 樂、高 癸、 戈 陳 桷 遇 奔 比 須 擊 擊 門,克之。 貫 告 Ŧ. 吴。」 無 之,死。 扉三,盧 乃 道 何 亂 陳 以 ? 王 執 乘 者。 義 公歸 鮑 寢 氏 其 魯 見 入伐 之徒 戈 日 T 家 遂 蒲 敢受亂 僖 遂來奔。 税 亂 亥 殺 癸 慶 服 介 内宫 É 慶 而 崔 七 伐 慶 氏 而 後 滅 繩 杼 年 是召 西 氏 以 如 之 刺 学元元 弑 門 麻嬰。 既 弗 之 其 内 子之, 以 君 亂 克。 而 甲 宫。 甲 弗 當 也 慶封 陌 齊 環 國 克。 公 反 慶  $\pm$ 奔 子 公

+ 有一月,公如 楚。

侯、鄭 雖 如 左氏》曰: 晉 强 《春秋》猶 伯 非 許 魯 所 爲 男 當 如 宋之盟 書之, 朝 楚。」存 有 矧 故 周 如 耕 楚 不 捎 公及 事 平 氏 ? 而 宋公、 日 如 以 楚 中 陳

月

乙未,楚子昭卒。

言: 『吾聞用夏變夷,未聞變於夷者也。』 其 悲夫!」○邦衡胡氏曰:「王綱既衰,中 國之諸 不可者,是將淪胥而爲夷矣。 侯奔走於荆蠻之庭,曾無 **デ** 一人言 軻 有

狄也。 肩。 助 或 無 有不可勝言者、《春秋》之戒微矣。」 石晉父事契丹,欲以保國,而卒被 而聖人必書,戒後世不可屈 伯,夷狄 其後唐高祖稱臣於突厥,倚以 日肆,故公遠朝强 身於 夷以 夷 息 爲

有二月甲寅,天王崩

禮者皆辠也。 聘,仲孫羯聘晉,杞子來盟,四 喪,二見明年晉會十一國之大夫城杞及 喪而殺其弟。 會於澶淵,三見晉士鞅、吳子楚薳 天王,靈王也。一見王崩而公在楚不奔 凡三年之内,居喪 義又見《隱二年》。 見 景 而 行  $\pm$ 罷 居 來

> 范氏 體 乙未 八年》「秦伯卒」。 也。《左氏》曰:「楚康王。」義見《文十 以 距 爲閏 甲寅 月之日繋前 四 十二日 ,俱屬十二月者, 月之下,史策常

二十有九年春,王正月,公在楚。 孫氏

崩」、『乙未,楚子昭卒』,不篤君臣之義 八年》『十一月,公如楚』、『十二月,天王 書公在楚,則聖人之旨深矣。 矣,但書公如晉、如齊,則義自見矣。今 公之所在,而其義自見矣。○高氏曰: 廟,退而聽政之始,而在 矣! 故詳録之。」愚謂:公當奉正 晉」,皆不書所在。中國猶可,在夷 年》『冬,公如晉』、《十六年》『夏,公至自 《十一年》『三月,公至自晉』,《昭十五 「公在齊、晉多矣,闕朝正之禮,亦不少 曰:「案《成十年》『七月,公如晉』, 夷狄,故於此 案《二十 可,朝朝 狄 甚

子之 以 所 在 奔 葬,待 天 與 王之喪, 昭 公失 夏 乃 或 歸 而 而 徇 在 故 夷 乾 於 狄之强 侯同。」 朝 正之 以 時 俟 書 楚

夏五月,公至自楚。

朝 義見《桓二年》「公至 荆 鑾 一,踰 時 而 返,不 一自唐 奔  $\pm$ 喪 也 此兼 見 公

庚午,衛侯衎卒。

子不近 使 不 羊》曰:「閻者何? 石 (穀梁》 :「吴人伐 無 稱 氏 曰 : 「 恥 其 刑 日 君 人。近刑 近 書 閽 示不 越, 刑 閽 不 稱 人,不 得 獲 又 名 君 門人也,刑 俘 賤 人 姓 其 狎 則輕 焉 乎 君 閣 敵 盜 以 不 也 不 死之道 也 爲 得 人也。 邇 禮,君 閽 齊 怨。 心。」《公 左 於 也。 氏 不 賤 君

非

所貴也,貴

人非

所

刑

也,刑人非

所

《隱 之也。 遼絶, 「人君 慢 氏 至賤 也。 近 也。」 也  $\exists$ 四 閽 0 : 而 年 如堂,人臣 而賤 其 舉 弑 加之吴子,惡吴子之自 則 **>** 日 至 衞 吴 微之隸得弑之者 知 閽 賤 子 州 爲 門 而 吁 餘 者,至賤 如 加之吴子,吴子 人君者,雖一介 事 祭, 陛,衆隸 仇之 邦 乎賤 也。」 如 衡 禍 君 者 地 胡 義 近 也。 狎 也 氏 不 等 又見 而 刑 Е 孫 口 級 舉 近

儀 仲 小 鄭 邾人城杞。 孫 羯 公孫段 會晉 荀 、曹人、莒人、邾人、滕人、薛人、 儀、《公羊》作齊。《左氏》無邾人。 盈、 齊 高 止、宋 華 定、 衞 世 叔

 $\wedge$ 之。 城杞也。』子大叔曰:『若之何哉? 叔 知悼子合諸 左氏》曰:「晉平公,杞出 文子,與之語。 鄭子大 叔 侯之大夫 與 伯 文子 石 以 往。 , 曰 : 城 杞,孟 也,故 『甚乎 子 大 叔 孝 治杞。 晉 見 伯 其 大 或 會

不 恤宗周之闕, 而 夏肄是屏。 其 棄諸

之 ? 姬 吉也聞之,棄 可 知 也 己。 司 諸 即 姬 異,是謂 是 棄, 其 離 誰 德 歸

《詩》曰:「協比其鄰,昏姻孔云。」晉不鄰

矣,其誰云之?』」未詳信 否。孫氏  $\exists$ 

城杞者,政在大夫故也。」邦衡胡氏 杞微弱,不能自城,故諸侯之大 夫相  $\exists$ 鼠

天子在上,諸侯各守封域。 非其所守,

而 奪農 擅興力役以城之,況大夫乎?」愚謂: 伯者之

事 況 ,而不成乎伯者也。 時 以 役 人乎? 此 亦放

晉侯使士鞅來聘。

詳 左氏》曰:「范獻子來聘,拜 信否。 義見《僖七年》「齊來聘」。 城杞也。」未

杞子來盟

杞子,杞文公。杞稱子,見《桓二年》。 ,見《隱元年》「盟于蔑」。

吴子使札來聘。

哉? 窺 也。」木訥趙 札,不氏,康 中 或 侯 氏 而 胡 티 : 已。」義見《文九年》「椒 氏  $\exists$ 彼 : 「楚椒、秦 其 來聘,豈 術 情 之流 也

來聘」。

秋 九月,葬衞 獻公。

齊高 止出奔北 義 見《隱三年》「葬宋穆公」。 燕。

燕,姬 杜氏曰:「止,高厚之子。」陸氏曰:「北 姓,伯爵。 召公奭之後,武 王封之

九世,始見《春秋》。」張氏曰:「燕,國,薊 於燕、居鹿陽蒯 縣。 自召公至簡公二十

知伯 縣。」《左氏》曰:「齊高子容與宋司徒 女齊 相禮。 賓出。 司 馬 侯言 於 見 知

伯 二子皆將 不 免。 子容專,司

對 侈,皆亡家之主也。』知伯 曰:『專則速及,侈將以其力斃。 曰:『何 . 如 ? 專則

四八一

皆基於高止。」 元 奔 燕 實斃之,將及矣。」 咺 前 奔 燕以 晉 亂 木 燕伯 訥 趙 義 奔齊,齊侯伐 氏 見《僖二十年 曰 : 「自高 燕 止

冬,仲孫羯如晉。

也。」義見《僖七年》「齊來聘」。《左氏》曰:「冬、孟孝伯如晉、報范叔

切。罷,音皮、《公羊》作頗,下同。三十年春,王正月,楚子使薳罷來聘。薳,爲彼

《文九年》「楚椒來聘」。 辨,楚人行伯主之禮於中 行乎列國者。 君 不言氏,但曰『得 殺公子側」。 左氏》曰 經書『楚子』,始末不同。 朝,而楚以 通嗣 大夫聘,此齊桓、晉 大夫盟會,始不言氏,但 故自宋之盟,而 君也。」張 臣」而 己。 邦 如 國。 氏 其 衡 殺 胡 大夫,始 後 義 夷 文 氏 則 夏 又 所 魯 日 書 見 不 以 以

> 大夫帥 夫來 以見外夷漸 至此,則書薳罷,兼舉大夫姓氏,與中國 其後則書『公子嬰齊』、『公子壬夫』。 同。」愚謂:此皆魯史之文,聖人因之, 『楚人』 聘,始不言氏,但曰『使椒』而已。 師 而已。 ,始不言氏 與 中 或 其後 混同之一端也。 但 則書『公子嬰齊』。 口『楚師 而 大

夏四月,蔡世子般弑其君固。

享而 之,如是者,恒有子禍。』三十年,蔡景侯 由 惰傲以爲己心,將得 外,而傲。吾曰: 享之,不敬。子産 孫氏曰:「不日者、脱之。」《左氏 日其過此也。君使子展廷勞於東門之 二十八年,蔡侯歸 其子。其爲 情,乃其 小 君也,淫 也。 猶 曰:『蔡侯其不 自晉,人于 死 君 將更之。」今還,受 乎? 小 而 或 不父。僑 若不 事大 鄭。 免乎 免,必 或  $\forall$ 鄭 日 而 ? 聞 伯

義 爲 見《文元年》楚 大子般娶於楚,通 商 臣 焉。 事 0 大夫 此 則 弑 景 中 或 侯。」 之

人爲之,人道之壞極矣。

五月甲午,宋災。

義見《僖二十年》「西宫災」。此則一國

宋伯姬卒。《公羊》、《穀梁》無宋字,脱之也。 之災甚矣。又爲其冬會於澶淵起文也

如宋葬共姬起文也。 伯姬,成九年歸宋者也。此爲七月叔

天王殺其弟佞夫。佞、《公羊》作年,非也。

於見 無 子,富有四海 詳 失教及不能 九 孫 親 氏 録之,譏其失兄之道。 族」,而 殺,其爲弟可 親 曰:「《書》稱帝堯『克明俊德,以 之恩也。」〇愚案:爲天子弟 景 王 友愛其弟 乎?」吕氏 不 能 知 容 矣! 而 曰:「言殺其弟 母弟 出 況景王尊爲天 奔者, 爲天子而 且 孔 諸 子 而 侯 猶 至 親 至 有

> 於殺 秋 盡 不以舜之所以 書 爲兄之義。 其 日「天王 弟,其爲兄亦 其旨深哉 處象者處其弟,則未足以 殺 其 弟」者、蓋 可 知 矣 ! 爲 人兄 然《 而 春

王子瑕奔晉。

宋字。 秋七月,叔弓如宋葬宋共姬。 主,而 弟,又奔其子,比 本,而大亂若此,王綱之不 子不子,兄不 而 王子者,王之子也,瑕 至於奔,子道 致 其子之奔,父道 兄,弟不弟。 盡 事 矣。 屬 其名 辭,所 然景王 盡 《穀梁》葬字下 振,有以 京 也。 矣。 謂 師 父不父, 爲 爲 既 王化之 \\*\\*\\*\\*\\*! 天下 殺 其. 無

卿 婦 不葬者也。 弓,叔老之子子叔子也。孫氏曰:「内女 會, 人 也。 惡 孰 襄 甚 其  $\pm$ 焉 書葬,皆 景 王 然 一、天子 内 非 女 常也。 也。 葬,當 魯 共姬 皆使 有 恩

之謚 禮 人 孫 來 成 葬 月 使 八 内 來 行 媵 年 媵 父 女 而 而 卿 夏,宋 非 非 葬 别 九 如 則 皆 皆 年 爲 宋 禮 不 非 謚 致 非 公使 也 可 禮 女, 月, 禮 又 也。 也 也 不 始 伯 公孫 晉 請 終之禮 愚 人 姬 於 謂 壽。 來 歸 高 王 於 媵 氏 而 共 。 皆 十月 宋 日 自 姬 + 调 : 謚 不 夏, 年 於 衞 0 使 從 厚。 季 人 卿 夫 齊 又

良 年,鄭 霄 伐 世 方惡 也 存 有 世 之 ? 伯 奉 耕 出 行 有 趙 奔 也 也 伯 討 而 許 氏, 氏 有 賊 使 劉 自 日 之辭 子 使公孫 大 伯 余 : 氏 許 哲 夫 有 往 日 許 日 也。』《左氏 和 將 : 與 于 黑 是 之。 强 鄭 鄭 如 殺 何 使 口 楚,辭 世 爲 余 +· =: 則 之。 仇 鄭 不 也 往 人 i 月己巳, 日 子 言 難 殺 殺 伯 哲 則 自 良 『楚、 其 有 怒, 己 許 霄 大  $\Box$ 鄭 將 鄭 九 夫 許 何 :

> 諸 以 與 夫 以 將 壑 朝 爲 斂 有 晨 有 大 而 自 伐 攻 聞 盟 駟 使 谷 夫 31. 而 死 後 者 窟 。」皆 於 舊 己也,喜,日 鄭 於 知 氏 子 盟 城 殯 日 室 墓門之瀆 大宫, 之, 羊 人 之 晳 : 諸 北 於 而 之盟 甲 自 肆,子 愚 門。 伯 如 伯 公焉 遂 夜 伐 楚, 朝 謂 有 有 盟 奔 飲 已也 布 而 之臣 馴 氏 産 入,因 或 在 許。 爲 歸 酒 : 焚之。 路 帶 ? 襚 『子皮 人 人臣 一、怒。 而 mi 在 率 擊  $\equiv$ 之,枕 於 Z 飲 罷 馬 其 + 或 鐘 市 師 巳 酒 而 伯 師 與 人 年, 側 X 焉 聞 之梁之外。 之股 至 有 既 頡 我 日 鄭 者 以 子 於 庚 朝 伯 奔 介 矣。』癸丑 而 皮之甲 伯 伐 子,子 『吾公· 出 於 雍 朝 至 有 而 既 之。 及 哭之, 襄 未 耆 奔 其 則 IIII 庫 已 酒 不 伯 哲 既 葬 伯 大 醒 又 在

鄭

有

<sup>0</sup> 請 原作 謂 今據四庫本改。

《襄二十二年》「晉人殺樂盈 也 得辠矣,又不自反,而 宜。 許奉叛 臣以 人,亦辠也。 復入作亂 其 此言復 義 又見 見 殺

彼言復入者,史氏 之辭 不 同 耳, 初 無 異

義 也。 〇張氏曰:「良霄之出 、公孫黑蓋

有辠焉。《春秋》舍公孫黑專伐之辠,而

辠 而 良 好 霄 争,伯有之所 何 也?  $\Box$ 耆 爲 有 酒 而 喪家亡 不 恤 政,汰 身之道 侈

災故

焉。 Ľ 而 不自省,又入伐君 雖 微公孫黑,其 能 ,而大亂其國,此 免於死乎? 既

於 喪 秋》 或 失 所 家 以 正名 者 皆 討賊之辭 不 書 所 逐之人, 也。 春 以 秋 明

謹 其 分之 而 求 所 有 以保身也。 皋,使 有 或 有 知保 家者,皆兢 以身,則: 奔亡之 兢 É

冬十月,葬蔡景公。

禍

遠

矣。

《春秋》之義也。」

諸 侯 不討 亂臣 賊子,而但會其葬,高氏

彼

天下之憂者,臣弑

其

君

一,子弑其父

所 其失禮之細者。 謂 「皆無 父無君者」也。 義又見《隱三年》「葬宋 七月方葬,又

晉人、齊人、宋人、衞 傳所謂 「賊不討 不 人、鄭人、曹人、莒 書葬」者,妄也

穆公」。

○案:蔡般不

討

而

景公書葬,則

人、滕人、薛人、杞人、小邾人會于澶淵,宋 人、邾

淵,見《二十年》。 不 十二國 會 也。 稱人,皆微 宋災故,爲宋災之故 劉氏曰:「晉人與諸侯 者 也。 不 稱 魯 也。 會, 澶 魯

何言乎非 之大夫,凡爲宋災故謀 務 ? 蔡侯弑 其 之也,非 君 而 不 謀, 務 也。 宋

所近。 災而 謀之、微矣。 夫災雖諸侯所當救,然而 君子 慮所 遠 而 一時之 小人恤

變、 濟 其 用 國之禍 則已 矣, 也 ,財 非 所 足 以 以 爲 周 天下之憂也。 其乏, 粟足

四八五

如

是

則夷

狄

矣。

故孔子論天下之

審矣! 也。 氏曰:「蔡之亂,猶人有腹心之疾。 曰 之所爲以 之災,譬如 : 則 『請討之。』其察於道之輕重緩急也 可謂 딩 : 贵 深切著明矣!」 垂 桐 以 戒、欲 嬣 姑息 梓 去 雞犬之亡失也。 食。」 愛人哉?」〇 人自 論 别於禽 陳 恒 之變, 康 獸 故 之害 侯 而宋 ì 胡 則 會

秋九月癸巳,子野卒。

夏六月辛巳,公薨于楚宫 三十有一年春,王正月 楚也夫! 適楚,好 死是宫也。」公薨于楚宫。」杜氏 左氏》曰:「公作楚宫。 其宫,歸 故作其宫。 而 作 若 之。 穆叔 不復 不  $\Box$ 居 適楚, : 曰:「公 先 君 君

必

欲

路寢,

而

安

所

樂,失

其

所也。」

許

Æ

E

之

財,務作楚宫。

公之志亦荒矣,其何振

案 :

經書『癸巳,子野卒』,辭同子般。

然

公還自楚,不

能

增修德

政,而反

勤

民

傷

吕氏 爲不 之有 災,樂其 티 : . 祥 ? · 之道· 所以亡者矣。」 又況變夏從 「若襄公者,可 也。」 義 又見「僖 夷,亂 謂 安其 或 公薨 經常, 危 而 利 所 其 以

也。」康 趙 于 位 野 也。 則 歸之子子野, 書卒之義未詳。《左氏》曰:「立 「子野非被 孫 氏 則 子 亦 齊』,上書『公子 氏曰:「子野,襄公大子,未 赤之 不薨,不地,降 曰:「襄公之庶長也。 書卒,何 般之弑 侯 弑 胡 (弑,不 氏 미 以 口 次  $\vdash$ 知 知。 辨 於季氏。 : 書地, 闕 乎? 遂、 「般、赤 與 成君 下書『夫 子 叔 日 野 孫 也。 文也。」 傳 弑 癸巳,卒, 異 関 得 而書卒, 云 公不 矣。」 人姜氏 臣 趙 踰 胡女敬 如 毁 愚 氏 年 書 之君 存 齊 也 案  $\Box$ 耕 歸 即 子 毁

及

陳侯、鄭伯、許男送於西門之外,則天

下諸 於魯,是春秋之季也。」 侯有會葬於楚者矣。 於是 滕 會

葬

是 傳 癸酉,葬我君襄公。

疑之辭。子野卒,而季氏必欲立

裯

氏,卒不於他所,而於季氏。

此 疑

以

子般云弑,以

傳

詳之。

子野

<u>分</u>

次 於

季

義見《隱三年》「葬宋穆公」。

州

十有一月,莒人弑其君密 稱人,見《文十六年》。 密州、《左氏》曰

〇案:此又爲次年去疾入莒,展輿奔莒 犂比公也。」義見《隱 四年》衛州 吁 事。

起文也。

冬十月,滕子來會葬。 譏世卿也。大意見《隱元年》「益師卒」。 己亥,仲孫羯卒。

也。」俱未詳是否。

君舉陳氏曰:「諸侯來會葬,於是始改葬 謂:魯不拒之以禮而受之,皆非也。○ 也。」高氏 之喪,士弔,大夫送葬。」滕子會葬,非禮 許氏曰:「子大叔 曰:「此僭天子之禮也。」愚 曰: 『先王之制,諸 侯

諸 弔焉,亦已卑矣。晉於是止公使送葬, 之初,魯猶秉 惠公也。 侯莫在,魯人辱之。 衞 侯 禮也。 來會葬,隱公不見。 晉景公之喪,成公 楚康王之喪,公 春秋

春秋本義卷第二十三

後學成德校訂

## 春秋本義卷第二十四

昭 公名稠,襄公之子,齊歸所生。

元年春,王正月,公即位。

義見《文元年》。

戌、衞 惡作齊惡, 許人、曹人 叔 孫 豹會晉趙武、楚公子圍、 石惡、陳公子招、蔡公孫 罕虎作軒虎。 于虢。《公羊》弱作酌。《左氏》、《穀梁》石 後及罕達同。 歸 齊 號作漷、穀梁 生、鄭罕虎、 或 弱、 宋 向

而稱之也。」高氏曰:「衞石惡在陳、蔡之「公子者,其本當稱者也。曰弟者,因事公子招者,陳侯之弟也。康侯胡氏曰:

作郭

爲屈,而二王之後微矣。」 先國弱而向戌在三。 始入會,遂居宋公上。 宋人上,則 子光來,猶 宋未嘗不先諸侯。 《襄二十七年》「會于宋」。 會,屈建遂居蔡、衞 今齊又從楚矣,中國微 上者,上卿 「自襄以來,晉主夏盟,齊、楚皆未入會, 齊已亢矣。 在邾下。 也。 宋之盟, 上。 雞澤之會,齊始 至 夷狄 弱 邢丘,而 宋之會,楚始 澶淵之會,齊 至是, 楚公 可 齊 愈 〇葉氏曰: 知 人 湿,雖 也。」義見 不 齊人 預 子 以 齊 焉 韋 侯 居 世 亦

三月,取鄆。《公羊》作運。後同。

《成九年》。義見《莊十年》「齊滅譚」。滅而言取,見《宣九年》。鄆,東鄆也,見

夏,秦伯之弟鍼出奔晉。

六月丁巳,邾子華卒。 義見《襄二十年》「陳侯弟奔楚」。

義見《隱三年》「宋穆公卒」。

作原,《公羊》、《穀梁》經作原,傳作鹵。晉荀吳帥師敗狄于大鹵。音魯。《左氏》經作鹵,傳

縣。 箕 將 狄人皆謂之大鹵,而今經及師 爲大鹵,亦 大 『兑爲剛 齊伐戎」。 原。 尊 與 張 師 交 《説文》:『西 氏 衆 剛 鹵 也。 曰:「《公羊 皆 」,西方之澤也。 西 書晉 方 杜氏 也。」義見《莊二十年》 人,而 曰:「大鹵、大 方 疏》云:『古文及 謂 此書 之鹵。』《易》 卿 春 讀皆謂 秋 帥 原 以》大原 晉 師 之 曰 夷 陽 者

,莒长矣自齊人于莒。莒展輿

羊》、《穀梁》無輿字。 秋,莒去疾自齊入于莒。 秩。 葉氏 疾,展輿奔吴。」未詳信否。 也。」《左氏》曰:「莒展輿立 公之召去疾 □ -自 陸德明注《左傳》云: 齊,有奉 於齊。 莒展輿 也。 秋,公子 ,而奪羣公子 「一本無輿字。 愚謂 出 言入,逆辭 一奔吴。 鉏 展 納 輿 《公

> 輿爲 以 既 歸 + 去 可 去 見。 疾 立. 于 74 疾 容其篡,三綱不立,又益以 之篡 皆 庶 鄭 年 踰 鄭 · 書 耳 然天子、方伯 庶 年 皋不 羈 醛 忽 而 書之以 也。 口 出 奔 奔,其 容 衞 其 展 同。 誅 見展輿 事 輿 不 不 不 與 能 齊 但 能 **須桓** 稱子 君 正 又奉之,惡 鄭 君 顯矣 而 忽 + 弑 口 不討 爲 與 庶 知 嫡,展 年 孽 莊 突 得 亦 若

叔弓帥師疆鄆田。

其 其 别 杜 疆  $\mathbb{H}$ 日 悪 : 之, 豈獨 乎莒也。」愚謂: 氏 田 私家耳。 、 汲汲 日 疆之者,溝 可見矣。 : 春 有 乎 〇任 利 取 虞 蓋 其 於 封 鄆,今正 氏 之也。 土地之甚 叔 取 莒乎? 曰:「春 人之國 弓爲季 其 曷 雖 封 取 也 爲 而 氏 鄆 鄆 疆 以 溝 黨 人 帥 而 兵 封 欲 之 ? 亦 劉 師 力 秋 强 疆 疆 氏 而

四九〇

疆之,尤爲不善也。」 疆 服 所 田又不 以 必 善也。 欲 疆 之 疆 也。 田 爲不 取 鄆 善矣,帥 爲 不善 師 矣, 而

葬邾悼公。

「葬宋穆公」。○高氏曰:「入春秋來,邾邾始書葬,魯會之也。義見《隱三年》

矣。小國如大國,遠國如近國。」愚案:國也。皆至昭公而書葬,是時魯衰甚

始書葬、蓋邾、滕、薛皆小

或

也。

秦,遠

此説與《隱七年》「滕侯卒」相表裏、參考

可也。

《穀梁》作卷。

義見《文十八年》「秦伯卒」。

楚公子比出奔晉。

二十八年》「元咺奔晉」。〇朴鄉吕氏比、《左氏》曰:「右尹子干也。」義見《僖

飾入,布幣而出。

子南戎服人,左右射,

耳。」皆未詳是否。 奔,則比者必麇之孚,有所不容於嗣君 者乎?」木訥趙  $\Box$ : 楚虔立 而 比 氏 出 曰 : 奔, 意者 楚子卒 其 與 而 虔 比 争 出 或

二年春,晉侯使韓起來聘。

起,韓宣子韓厥次子也。義見《隱七年

「齊來聘」。

夏,叔弓如晉。

《左氏》曰:「叔弓聘於晉,報宣子也。」義

秋,鄭殺其大夫公孫黑。

見《隱

七年》「齊來聘」。

於二子,請使女擇焉,皆許之。子晳盛國無政,非子之患也,唯所欲與。』犯請强委禽焉。犯懼,告子産。子産曰:『是强委禽焉。犯懼,告子産。子産曰:『是黑,子晳也。《左氏》曰:「元年,鄭徐吾

月

宥

從

不

用

其

鈞,幼 也。 畏君之威, 數之,曰:『國之大節 志也、故傷。』大夫皆謀之。 戈逐之。 子南 歸,告大夫曰: 也。』適子 尊 親 庚 女 兄 兵 乘 抑 不不 馬,不 т. Ті. 以 貴 辰 子皙,上大夫,女嬖大夫而 ,欲殺之而 而 賤 子 鄭 遠。」 也。 出 養 者 有 南 及衝, 南 畏威 親 放 聽 所 皋,皋在 幼 氏。 女自房觀之,曰:『子 勉 夫 游 也 以 其 而 速 『我好見之,不 也。 政,尊 楚於吴。 也。 爲 取 擊之以戈。子 子 不忌,不事 行 君 其妻。 或 哲怒, 乎,無 楚 夫 日 奸 也。 其 有五,女皆奸之。 也。」乃執 一一子 夫 或 貴 將 子 既 婦 今 之紀,不 重 子産 長 事 而 行子 南 婦 君 而 不 也。 知 橐 其長 知之, 忍 弗下之, 在 哲 日 : 子 其 所 , 皙信 甲 ,南,子 或 女 兵其 聽 南 傷 謂 有 以 直 養 政 女 里 而 執 見 順 美

超

事,而 天,其助凶 X 夕 皋三也。 室,而 女堪。 殺之。 其 鄭 死,大刑 至,使吏數之曰 年 吉若獲戾,子將行之,何 叔 能 産 人不 位 答 秋 或 亢 而 鄭 利 於大叔。 蔡 助 皋二也。 未爾 傷疾 子産 終, 專 蔡 將至。」 公孫 則 天爲虐。』子 有死 伐 叔,夫豈 命 討 作 人乎?』請 行 彼 在 伯 也 深黑將 之, 也 而 或 大叔 鄙 皋三,何以 再 有 薰 不 政 又 『伯有之亂,以大 聞之,懼 拜 作 隧之盟,女矯 果。 爾 作 也 曰:『吉 而 不 何 稽 産 IXI 有 亂 皋 愛? 疑 以 首 非 日 事 亂 駟 有於諸 焉 印爲 辭 欲 爲凶 私 心, 氏 堪之? 弗 ? 也 不能亢身, 去 與諸 難 人 王室 及, 無 褚 游 誰 周 也 君 人,不 厭 游?二二 昆 師 乘 Æ 大 公殺 不 死 位 故 不 弟 死 或 子 或 夫 在 澽 而 也 助 ? 速 TH 争 之 欲 代 管 焉 朝 不 啚 mi

朝 諸 不 産 莊二十六年》「曹殺大夫」。 周 速死,司寇將至。』七月壬寅,縊 夕從女。 日 氏之衢 : 可印 也若才,君 女辠之不恤 ,加木焉。」未詳信否。 將 任之。 ,而又何 不才, 請 義 焉 尸 見 ? 將

冬,公如晉,至河乃復。 子之心不欲其 大 義 劉 晉侯使士文伯來辭 納,至河乃 矣。」〇莘老孫氏曰:「公如晉朝,而晉 河 而 無 左氏》曰:「晉少姜卒,公如晉,及河 氏 ,季氏逐君之漸,晉人下比之跡,皆 乃復,季 辱!』公還,季 也。」康侯胡 行,無故而 日 :「凡人君,動 復。 孫 乃復哉? 蓋進 宿 氏 君見拒於人,而公自復 以公之自復 如 孫 曰:「經書『公如晉, 季孫宿如晉。 曰:『非伉儷也,請 晉 宿 , 止. 遂 有度, 豈 而 致 昭 服 爲文者,臣 公失國 退 焉。」 皆 口 常 非 非 見 之 不 至 禮 禮 Ш 君

彷 之愬 爲少姜卒而往 也。 以禮者,處勝人之地矣。」 實者,所以志公之媿也。」劉氏曰:「爲國 秋》所以屢書不少殺,獨 於外,不得 公知恭之不忘禮,則 行,則晉人不 請矣,以千乘之君弔嬖妾,且爲 晉辭公也。 見納於晉,然有疾而復,猶 五,唯其末 曰:「公自即位三十二年之間,朝於晉者 三年冬,至 何待至於再三而不已乎? 徨 乎乾侯,卒至 昭 而辭公,或以 公四 言疾。 志於齊,猶 河 晉豈得以辱公哉? 蓋公嘗 如 得不易公也。 乃 弔矣,爲季孫意 晉 復,書有 外此,皆非公之自復, 四 於 鮮虞之伐 至 一解 死 有 河 圃 望 以 疾 而 公固 不 於晉,以 有 故 焉。 可 如 復。 而 悟。 疾 爾。」葉氏 是 或 如 可 辭 公雖 一著其 以 臣 執 而 又二十 以此, 此《春 公,使 莒 爲 流 而 而 人 親 不 寄 離 往

三年 春,王正月丁未,滕子原卒。原、《公羊》

作泉。

義見《隱三年》「宋公卒」,又爲叔弓如滕

起文也。

夏,叔弓如滕。 五月,葬滕成公。

高氏曰: 「人春秋 來,滕始書葬。 夫以 卿

共其葬,非禮也。 來會,故魯報之。 然與二十三年葬景王 以 我 襄公之葬,滕子

無辨矣。」義又見《隱三年》「葬宋穆公」。

秋,小邾子來朝。

左氏》曰:「穆公也。」義見《隱十一年》

滕、薛來朝」。

八月,大雩。

義見《桓五年》。

冬,大雨雹

高氏 曰:「爲災故書。 秋旱、冬雹,皆人

> 九年》。〇張子曰:「雹,戾氣也。 或 不 振 而夷狄會諸侯之兆也。」

> > 此

北燕伯款 出 奔齊

北 燕,見襄二十九年《左氏》曰:「燕簡公

燕大夫比以殺公之外嬖。 多嬖寵,欲去諸大夫而立其寵人。 公懼,奔齊。」

未詳信 否。 義見《襄 十四四 年》「衞 侯

奔

齊」。

四年春,王正月,大雨雹。《公羊》、《穀梁》作雪。 范

氏云:「或作雹。」葉氏曰:「當從《左氏》。」

義見《僖二十九年》。 自冬歷春,大雹者二,陽氣不得達,陰 ○存耕趙氏 日

錮之也。 由 魯而 論, 則臣干君,季氏 逼

伯之驗也。」

君之應也。

由

中 或

而論

,則夷狄强

而

争

·所召,且爲四年起也。」義見《僖二十|子、頓子、胡子、沈子、小邾子、宋世子佐、淮 夏,楚子、蔡侯、陳侯、鄭伯、許男、徐子、滕

四九三

夷 會 于 申

方 苟 人 晉、楚之從交相 君 晉 鄭 與 世 或 邳 夷 杜 左氏 求諸 侈,天或者欲逞其心,以厚其 侯 願 使 伯 齊 子 無 或 淮 氏 結 舉 欲 四 世 有 在 杜 夷, 日 復 氏 子 方 騹 Ė 侯,二君待 : 勿 氏 淮 小  $\Box$ 田 之虞? 許。 淮 : 光 於二三君。 邾 日 浦 胡 : 江 許 日 夷 百 子 縣 或 南 淮 可 君 下者, 來 汝 在 男 則 見也。 浦 馬 淮 有 之。 許 與 張 如 南 願 之夷 陰 夷 侯 惠 男 氏 楚,楚子止之,遂止 會 陽 假 世 縣 不 日 賜 椒 使 與 耳。 曰 : 寵 宛 也 以 殊 西 子 : 舉 舉 焉 以 縣 北 -歲 不 盟 會者 申, 致 請 不 請 俱 有 之不易, 敢 於宋,日 後 命 使 愚謂 間 口 於 胡 無 敵 漢  $\vdash$ 姜姓 毒 椒 諸 非 城 他 念影下 諸 而 楚 侯。」 君 舉 諸 侯 Ŧ 若 寡 宋 之 降 寡 如 侯 淮

魯、衞 吾 君 衞 歡 不 君 之罰 乎?]對 求,莫匡其君。 産 侯,君實有之,何 有 許之。」乃許 也 人,不可。 之所 不 所 偪 許君,將 社 E 求 : 晉、 晉君少安,不在 於 稷之事,是 畏 曹、邾 未 者 及 齊 楚 晉其許 日 大 可 也, 而 : 與 無 或 焉 唯 知 楚使 親 人 乎? 用之?』王曰: 誰 不 天 必 也 何 於晉, 在宋之盟,又 同 我 可 敢 0 來。 所 辱 以 敢 欲、盡 諸 乎 不 其 曹畏宋,邾畏魯,魯、 相 命焉?』楚子 不 使 會。 不來? ? 至? 侯乎?』 從宋之盟,承君 · 不 使 唯 諸 獲 叔 是 能 濟。』 對 侯。 向 春 口 終, 不 日  $\pm$ 對 秋 與 夏,諸 不 言諸 來。 曰 對 日 其 티 : 時 争 亦 辭 來者,其 如 : 티 : 大 求 侯 問 見 未 其餘 一,若 夫 然 其 於子 侯 逞 寡 君 可 許 如 > 多 則 來 君 其 知

楚,魯、衞、曹、

邾

不

曹、

邾

以

禮

也

諸

侯

所

志

於

中

或

哉

楚

偃

然

無

所

附

則

亦

不

得

P

不

得

肆

志

而

晉

侯

方

溺

緡

叛之。

曰 :

子

· 産 曰:

小

乎?

則

楚

子

古

自

以

爲

於子

産

曰

晉

其

許

我

:

0

葉氏

日

楚子

始

欲

在

諸侯,楚於

當是時

使晉稍

强

諸

用

之,敢不

薦

左

師

與子産。

選焉。』王

子男會公之禮六。 『夫六王、二公之事 戌、鄭公孫僑 祭, 衞 曰:『吾用齊桓。』王 有鈞 或 聞 津之誓,成有 有 穆 禮 左師 侯 由 ? 共 無 臺之享,商 商 侯 踐 有 矣。 於 用 歸 職、敢 辭 紂 在 楚子示諸侯侈, 士. 塗 獻 日 命 申 諸 以 爲 禮 霸 : 之 Ш 公合諸 也。 小 疾。 ,皆所 盟,君 以 黎之蒐, 之 之 不 侯之良 椒 爲 會 濟 薦守?』獻 ,岐陽之蒐,康 國習之,大國 湯 舉 夏 鄭 歸 否 侯之禮六 一使問 言 有 桀 以 其 齊 伯 也, 東 景 爲 在 今君 於 示 何 桓 先 亳 夷 椒 禮 仍 諸 有 此 楚 待 君 用 於 舉 叛 之 侯 伯 其. ? 召 之 會 子 於 始 求諸 裂横 也。 矣。 之。 專 於 侯 不 乎 是 道 侯 皆 君 所 日 諸 足 ? 嬖 聽 强 也。」〇程子曰:「晉平不 夷 以 雖 以 服諸 侯 之, 寵 侯 爲 狄 潰 汰 示 周 云 桓、文死, 此 諸 中 諸 而 伯者之事 再 制 諸 幽 制 書 侯 或 贵 則 無 侯也。 出 未定,問 侯 王 之。 會 其來 在 自 侯 復 楚 乃 汰 于 含晉 夷狄 宋 尋復叛去, 有 亦 不 中國不振 至

陵

之師

晉

文

有

豐

宫

之朝

命,

周武有

孟

也

夏啓

申

楚

子

大合

諸

侯

於

此

喪

亂

日甚,

幅

之

會,諸

侯

不

見

者

+

年

濟

乎

?

 $\pm$ 

弗

聽

孫

氏

得

諸

侯,

其

慎

日

一三

聞

諸

侯

:

申

楚子合諸

宋

向

爲大室之盟,戎 也 諸 侯 所 由 棄 狄 命 叛 之。 也。 今

公辭

以

時

四 九 事

無

所

救,不

足

於平丘

一、 召

陵

之會,

諸

故

也

自

是

中國之

事

夷,無一 陵。 八年。 能 此 至 年 始 三年 未 申之會 侯 差之强,定公一數之,不敢不聽。 殺 楚、宋嘗争長矣,敗 而 此時, 非 Ŧ 及 之無能 襄 湨 有 行之於申 從 微師, 楚。 以 諸 甚 梁 雞 不 晉志不在諸侯,而 於 ,合十有 莊王之賢,從之者 + 侯 澤 之 在 楚 爲 晉雖 此 之大 七年宋 之會,諸侯同 會 楚。 所 楚 時 也 ·, 所 能 之 引。」君 獨 夫及陳袁 者也。」吕 不 三國 於是 以 爲 得 會, 大 之會,大夫 見 也。 志 舉 于 夫 **楚之得** 中 於 伐 自 陳 盟,諸 城濮,楚 國之無伯 黄 吴、 胡 氏 中 盟矣,而 氏 僑盟。 後楚莊盟 池 或 日 日 陳、 滅 沈 之會 : 自 侯 一自 志 小國 未 陳 師 鄭 會 不 於 齊 滅 有 襄 叔 不出者 焉 與 爾 + 中 公 桓 憫 至 孫 盛 以 襄 于 或 卒 也 爾 六 辰 不 淮 公 夫 於 豹

> 而 楚 子 主之, 淮 夷與焉, 天下之事 可

知矣。」

楚

人執徐

子。

沈子、淮夷 秋七月, 諸侯 歸。 申 贊劫盟。 執諸申。」未詳信 《左氏》! 一之會 邦 楚子、蔡侯、陳侯、許 申, 衡 而 伐 胡 曰:「徐子,吴 楚地 吴。 執 楚人執 氏 夷狄豈 其 日 也。 或 執 : 君, 徐子。 齊 可 「盂之盟,楚人 否。 一愚謂 慶 以信義結哉?」 見夷 出也,以爲 封 劉 平涼 殺之。 男、頓子、 狄之不 氏 楚圍 曰 : 之會 一得志 「不言 遂 執 可縱 貮 一,尚結 宋公。 焉, 滅 胡 賴 也 故 於 以

《公羊》、《穀梁》作 厲。

殺也。 序。」 張 氏 氏 日 愚 티 : 《左氏》曰:「 謂 申 之諸 賴 執 國, 齊慶 侯 蔡 有 州 封 襃信 楚子以諸侯伐吴。 不 殺 之者 與 縣 伐 有 1, 先執 吴 賴 者 亭。」蘇 故 而 後 復

侯

不

在

也。

此歲,會于申,諸

侯始復會,

九 月,取 鄫 。《穀梁》作 繒 以

伐

旲

專

殺

中

或

之

大

夫,

以

諸

侯

之兵

滅

人

之

或

流

毒

如

此

蓋

出

於

宋

向

戌

弭

兵之謀

也

愚

謂

楚殺

慶封

以

其

從

吴

:

,

也。

彼

以

夷

狄

既

會

中

國之諸

侯,又帥

之

假

中

或

義

",以

重

其

會,所

謂

盜

亦

有

道

慶

封

殺

之者

以

慶

封

在

吴故

,爲齊討

之。

國諸

侯皆

1去,惟

楚

屬

從之耳。

伐吴而

執

楚之强

,守宋之盟

而從之。

然猶

不

敢

致

魯、衞、曹、薛、邾、

杞。

至伐吴之役,

中

申之會

楚

靈

不

修

德

而

求

諸

侯。

諸

侯

畏

之。

執

齊

慶

封

而

盡

滅

其

族

高

氏

 $\Box$ 

大

子、

鄭

伯

先

歸。

使

屈

申

韋

朱

方,

克

得 滅 口 莒人 復國,今復 而 鄭滅 言 取, 滅 許 鄫」矣,豈 見《 」,而《哀元年》許 見 宣 滅 九 於魯 年 鄭 嘗 歟 見 案 ? 滅 : 復見於經 《定六年 於 襄 莒 六 而 年 後

招 伯 且 年》「徐 示 至 夷 威 蔡 是 夏 也 般 而 之大 取 楚始 非真 假 舒 變 討 合諸 爲齊討也。 也。 賊 君 侯 之義,以 宋 舉 執執 虢 陳 齊 之 氏 義 慶 號令於天 事 日 又 封、 猶 見《僖 放 曰 申 陳

四九八

此。 譚 説 者 然不 亦 云許依楚而得 可考矣。 義見《莊 復 國。 十年》「齊 鄫 之事 滅 類

冬十有 又見《隱元年》「益師 此 譏 二月乙卯 世 卿。 叔 又爲 孫 舍中軍 豹 卒。 卒。 起文也。 大意

 $\overline{H}$ 

年春,王正月

?,舍中

軍

《左氏 告於殯,曰:『子固欲毁中 之,叔孫臣 也。 故告。」 其舍之也,四分公室,季氏擇二,二子各 中軍,三分公室而各有其 夫子固欲去之。』正月,舍 皆盡征之,而貢於公。以書使杜 毁中軍於施氏,成  $\Rightarrow$ 杜 曰 : 洩 其 季孫 日 子 :『夫子惟 弟 · 孟 謀 去 氏 諸 中 不 取 宜 軍,豎 臧氏。初,作 中 欲毁也,故 其. ,既毁之矣 軍 半. 季氏盡 卑公室 焉。 牛 E 盟 及 洩 征

> 之,帥 更增 今不云舍三軍者,初 各貢於公,公室彌卑矣。初云作三軍 今舍中軍,四分公室,三家自取 公得五。 其半,或取子,或取弟,大率三分歸公, 率半屬公,半入己。 品,以父兄之税入公,子弟之税入己,大 其子弟,以一家之内,有父、子、兄、弟 季氏盡 一分入己。十二分其 一軍,人數不足,故各毁 士而哭之。」孔氏曰:「 征之,並不人公室也。 國民不盡 屬公、公室已卑矣! 孟氏則於子弟中取 作時舊有二 國民,三家得七, 其 初作 叔孫 乘,足成 其 軍,今 中 税 氏 軍 而 加 臣

也。 三軍。 專之極。 獨 上下二軍,其上下軍依舊,故云 取 季氏 其 半,爲 今此則惟舍中軍 因 故傳言擇二以見之。」康侯 叔 專 孫 已甚。 家 禍 ,退之使同 又擇 十,分中 取 軍之衆屬 善者,是 舍 中軍 孟 胡 孫

諸

僖

閎

詛諸

五父之衢。」受其書

间

投

本原。 矣。 侯,定公無政必至之理也。 氏 公室益 三綱淪替,南遺叛,●陽虎專,季斯 三桓之子孫微 曰:「三軍作舍,皆自三家,公不與焉。 兵權,有國之司 書其作舍, 卑,而 魯國之兵權悉歸 矣! 而 命。 亦 公孫于齊 能 =: 免乎? 綱,兵 己 則 ,薨于乾 於季 不臣 囚 政 書 前 Œ 之  $\exists$ 

楚殺其大夫屈申。

舍中軍」,微詞

以

著

其皋

也

之。」未詳信否。義見《莊二十六年》「曹人左氏》曰:「楚子以屈申爲貳於吴,乃殺

殺大夫」。

公如晉。

夏,莒牟夷以牟婁及防兹來奔。義見《僖十年》「公如齊」。

牟婁,即隱四年莒所取杞邑也。防兹,

杜氏曰:「城陽平昌縣西南有防亭,姑幕

氏 及 平昌 東北 我人其利,故兩譏之。」義 專,且見莒益弱 者 티 : ,别二邑,文法當然,無 故城, 莒縣有 有兹亭。」《 「公如晉,未反而 地譜》:「密州安丘 矣。 姑幕故 莒牟 受莒 城。」愚謂 又見《襄二 以 利 邑,惡季 他 接我, 義 也 縣

十一年》「邾庶其來奔」。

而

氏

高

稱

有

縣

秋七月,公至自晉。

義見《桓二年》「公至自唐」。此又見公

未還而季氏自受叛人也。

戊辰,叔弓帥師敗莒師于蚡泉。蚡、《公羊》作潰,

《穀梁》作賁。

義又見《隱二年》「鄭伐衞」。 受莒叛人邑,又敗莒師,其惡可知也。」 杜氏曰:「蚡泉,魯地。」孫氏曰:「魯既

「南遺」,四庫本作「南蒯」,當是。

0

四九九

五〇〇

秦伯卒。

存耕趙氏曰:「卒不名,史失之。」義見

《文十八年》「秦伯卒」。

冬, 楚子、蔡侯、陳侯、許男、頓子、沈子、徐

人、越人伐吴。

人棘、櫟、麻,以報朱方之役。 五年冬,於會稽。」《左氏》曰:「四年冬,吴伐楚,陸氏曰:「越,姒姓,夏后少康之庶子,封

大夫常壽過帥師會楚子於瑣。聞吴師之役。薳射以繁揚之師,會於夏汭。越楚子以諸侯及東夷伐吴,以報棘、櫟、麻

諸鵲岸。楚子以馹至於羅汭,吴子使其出,薳啓彊帥師從之,遽不設備,吴人敗

汭,沈 弟 蹶 由 尹赤 犒 師, 會楚子,次於萊 楚 人 執 之。 楚 Ш 師 遠 濟 射 於 帥 羅

清,吴不可入。楚子遂觀兵於坻箕之

葬杞文公。

繁揚之師,先入

南懷,楚師

從

之。及汝

蹶 Ш 由 是行 歸。 也,吴早 楚子懼 吴, 使 設備,楚 沈 無 尹 功 射 而 待 還,以 命 於

巢,薳啓彊待命於雩婁。」義見《四年

等,EE目,记自益古卒。 「伐吴」及《僖三年》「徐取舒

六年春,王正月,杞伯益姑卒。

也。至是復稱伯者,豈其後復振歟?」高氏曰:「即《襄二十九年》所書杞子是

《隱三年》「宋公卒」。

杞稱伯,見《桓二年》「滕子

來朝」。

義見

葬秦景公。

《隱三年》「葬宋穆公」。此又見以中國至是始書葬,見夷狄遂同中國矣。義見七月而葬,僭天子之禮也。秦入春秋,

夏,季孫宿如晉。

而

會夷狄之葬也

義見《隱七年》「齊來聘」。

714

義見《隱三年》「葬宋穆公」。

宋華合比出奔衛

坎,用牲,埋書,而告公曰:『合比將納亡 《左氏》曰:「宋寺人柳有寵,大子佐 人之族,既盟於北郭矣。』公使視之,有 華合比 曰:『我殺之。』柳聞之, 乃 悪

否。 焉,遂逐華合比。 義見《僖二十八年》「元喧奔晉」。● 合比奔衞。」未詳信

秋 九月,大雩。

《左氏》曰:「九月大雩,旱也。」義見《桓

五年》。

楚遠罷帥師伐吴。 罷、《公羊》作頗

義見《四年》「伐吴」及《僖三年》「徐 ○高氏曰:「三書伐吴者,見楚終 取

不得志於吳也。」

冬,叔弓如楚。

諸侯不朝聘天子而聘伯主,至此則兼聘

專之,此時公已無 宿如晉,則不得不以叔弓如楚。」 黄氏 曰:「叔弓即宿私 夷狄,見中國之益衰,而夷狄之益張 |木訥趙氏曰:「諸侯兩 人,兩事晉、楚,皆季孫 預乎魯政也。」 事晉、楚,季孫

也。

齊侯伐北燕。

《左氏》曰:「伐北燕,將納簡公。」未詳信 否。義見《隱二年》「鄭伐衞

七 年春,王正月,暨齊平。

講 我與之之辭 及景公一使慶封來聘,魯方附楚,而齊 暨,及也。 亦方與楚睦 襄公時,齊靈數侵伐魯,自是盟 信修睦,無 高氏曰:「齊、魯世爲婚姻,至 也。」愚 ,是以與之平。 所 事 平。 謂 王 春 秋之世,諸侯 道 齊欲 大 行 好 平,而 中 絶。 侯

0 喧」,通行本《左傳》作「喧」。

Fi. ()

乍 其乍離乍合之情 人及楚平、鄭人來渝 離 也。 乍合,聖人志其 至定十年,復書「及齊 亦 平、及鄭平同 可見矣。 平者, 所 大意 以 平 志 與 諸 宋 則 侯

三月,公如楚。

王矣。 我先 **遠**啓彊 失隕 《左氏》曰:「楚子成章華之臺,願與諸侯 領 阚 使 落之。大宰薳啓彊 北 民。」嬰齊受命於蜀,奉承以 衡 父照 望, · 而 大夫嬰齊曰:「吾不忘先君之好,將 嘉惠未至,唯 來召、公辭。 H 致諸宗祧 臨 月以 楚國,鎮撫其社稷,以輯 冀。 曰 : 曰:『臣能得 曰:『昔先君 襄 傳 序 公之辱臨我喪。 我 先 相授,於今 君 來,弗 共王 魯 成公命 侯。」 几 引 敢 寧

羊》、《穀梁》作莅。 叔孫婼如齊涖盟。婼、《公羊》作舍,後同。涖

婼,叔孫豹之庶子昭子也。 善齊故,孫 暨齊平,故 又見《隱元年》「盟于蔑」。 于 婼 揚 往 州 涖 卒于齊, 盟 也 昭 高氏曰:「以 爲寄公。」義 公自 是遂 以

夏四月甲辰朔,日有食之。

秋八月戊辰,衞侯惡卒義見《隱三年》。

義見《隱三年》「宋公卒」。

九月,公至自楚。

義見《襄二十八年》「公至自楚

貫道王氏曰:「宿代父爲卿,三十年冬十有一月癸未,季孫宿卒。

而

矣,何蜀之敢望!

君若不來,使臣請

問

信

蜀之役,致君之嘉

惠,是寡

君

既

受

貺

今君若步玉趾

,辱見寡君,寵靈

楚國

以以

鄆瀆 之習,非 謂: 卒, 卒。 三軍,舍中軍,改革公室,唯己 益 而意 則 師 此 盟,敗 至 季氏 卒。 知 譏 宿 昭 如 世 自 而 日 浴諸 公乾侯之禍,此其專欲 卿 繼 友受費 廣 也 侯 許氏 之, 也。 土. 約,幾陷名 取 魯國 曰:「季 大意 而 邑, 始 侔 封, 不 又見《隱 武 得 封 及行 卿,以 子相 寧矣。」愚 君 所利, 矣。 父 元 魯 不忌 爲 而 「<del>,</del>作 年 或 取 宿 始

偃師,而立公子留。」高氏曰:「此陳公子哀公有廢疾。公子招、公子過殺悼大子二妃嬖,留有寵,屬諸司徒招與公子過。偃師,二妃生公子留,下妃生公子勝。

乎? 不能 以 親親之本。 號 師」,交責之也。」 信愛其弟,何以爲 以致大寇,宗社 徒,乃貴戚之卿,親 招 人,以至亡國 其弟,假之以 而陳侯失親親之道 致楚滅陳,招 IF. 此公子招而 以叔父之親 令廢 表儀公族,而 其 其日 援 天倫 其 立嫡冢,安靖國家,而 立,自 曰『陳侯之弟 陳 所 不能擇 之皋 以弟 侯之弟招 不顧宗社之重 權 以 己 敗家,豈 徇其 覆没,皋固大矣。 ,致此禍也。」孫氏 甚招之辠 而 失親 稱者,著招憑寵稔惡, 也。」〇康 親 Щ, 也。 則 私 之賢者厚 介弟,尊則叔 莫 親 殺 愛,施 招 不 招以公子爲司 乎. 敢 世 丁, 且. 殺 失 子 干之 侯胡 ,殞其冢 陳 親 於不令之 見 偃 尊賢者。 加 親 世 陳 師 氏 尊 偃 者 陳侯 子偃 之道 者 侯寵 日 曰 : 寵 父 也 師

夏 四 月辛 丑. 陳 侯 溺 卒。

義見《隱三年》「宋公卒」。

叔

弓如晉。

《左氏》曰:「晉侯方築虒祁之宫,叔 晉,賀虒 年》「齊來聘」。 祁 也。」未詳信否。 義見《 隱 弓 如

人 執 陳行人干徵師殺之,陳公子留

出

楚

奔

鄭 奔,未 吕 氏 티 : 成 乎君 楚既 也,故不曰子。」《 殺干 徵 師 公子 左氏》曰 留 即 出

之於楚,楚人執 干徴師 赴於楚,且告有立君,公子勝愬 而殺之。公子留奔鄭

殺干 其間 子 在 書曰『鄭人執 招 行 而 可 徵師,非其辠也。 人也。」劉 也。 殺其行人。是冬,楚滅陳,而 陳 莘老孫氏曰:「楚不能討 氏 行 曰 : 人干徵 楚人惡公子招 古者兵交,使 師殺之』,辠不 在 公 而 放

> 如此。」 正,位 哉 十年》「 『公子』,别 雖 爲告喪之使,不告於天王,反赴於夷 公子 ! 夷 招, 狄不當執 未定 留 荆 既 足 敗蔡師」。 嫡 也。 爲 明 君 庶 楚之倒 矣,不 也 目. 而 偃 殺之,然其死 〇高氏  $\sim$ 師 施 Ė 春秋》明微,大 也。 曰『世子』, 陳 留者,立 日 義 「干徴師 又見 也,宜 留 非 率 其 莊

秋, 蒐于紅

常地矣,于紅,亦 蒐,見《桓二年》「狩于郎 Ŧi. IE. 反天時矣,易 曰:「蒐、春事也、秋興之、非正 公狩于郎」。 魯地,沛 ,皆曰『大蒐』,未嘗曰『蒐』者。 爾。」〇莘老孫 或 蕭 地理矣。」義 孫氏 縣 非 氏 西 曰 : 正 曰:「惟不稱大之爲 有 也。 紅 「《春秋》書蒐者 紅。 亭。」遠 又見《桓 紅之蒐 也。 杜 疑 氏 四 於是 見其 蒐 劉  $\Box$ 年》 有 氏 :

田之不時,故書以譏之也。」『蒐于紅』,獨不言『大』,《春秋》以其蒐

陳人殺其大夫公子過。

夫」。❶ 奔,則 信 之,此陳之所以滅也。」未詳是否。 衆殺之也。 稱 陳公子招歸辠於公子過而殺之。」未 否。 陳人,見《莊二十二年》。《左氏》曰 陳無君矣。 義 邦 見《莊二十六年》「曹 生殺一人之柄,而衆 衡 胡 氏 其言陳人殺其大夫, 曰:「公子 留 得專 已出 殺 大 詳

大雩。

已滅矣,楚據其國,豈魯使臣往會其葬冬十月壬午,楚師滅陳,執陳公子招,放之于越」者,先執而後越。殺陳孔奂。葬陳哀公。矣,《公羊》作瑗。越。殺陳孔奂。葬陳哀公。矣,《公羊》作瑗。越。殺陳孔兵。葬陳哀公。矣,

楚執 或 公」,皆蒙上文爾。」《左氏》曰:「楚公子 陳,則下云『執公子招,殺 葬之,與齊侯 公,則又盜賊之仁也。此與楚人入陳殺 中國之大夫? 亂之極矣! 若其 天子之權,諸 國,又爲淫 棄疾帥師奉孫吳圍 滅紀之文,故下目齊侯。 而 則殺之。 書? :「楚爲 而 而放之。 已。」孫氏 蓋 吁 ! 偃 楚師入陳,陳君 刑也 師 葬 侯不 曰:「招,殺 陳孔奂,無辠之人也,楚 討,而滅 紀 如 楚靈暴虐無道,滅人之 伯 此! 得專之,況以 [陳。冬,滅陳。] 葉氏 姬 同。 陳非 愚 此 在殯 謂 世子之賊也, 已 彼 孔 : 討 書楚 Ŀ 奂, 流放者, 賊 夷 大 無 也,滅 葬 葬哀 狄放 師 齊 取 哀 滅 侯 而

●「六」,原作「七」,今據上文改。

陳夏徵舒之意同,皆夷狄借討

賊之名爲

五. 〇五.

虐之甚 於 哉 ? 之。 不能 侯者 殺 雖 經 亂 深 陳 衆 盜 春 滅 奂, 執 也。 有 昏 可 背 賊 而 秋 』者,惡之甚 滅 之計 皋 如 而 IE. 爲 中 皋中 實 見 陳 中 V 人之 公子 楚以 後 無 之,遂使 或 書 楚滅 必 由 或 或 張 也。 世之戒。 所 而 殺 或 不 骨 之政 未 夷狄 氏 或 招 Œ 即 他 不 加 人之國 肉 有 救,蓋 夷 於 或 自 死 夷 相 久 書 也。 夷 而 高 狄 招 矣。 大夫者 Œ 有 殘 殺之者,此 狄 孔 狄 然 興 氏 一; , 而 矣。 餘 以 稱 不 乃 岩 師 藉 Щ 曰 奂自宋 辠。 致 能 視君 卒 致 可 陳 私意放殺其臣 П : 師 録 以 四,皆 然 爲 爲  $\overline{\sim}$ 夷 或 以 以 夫楚 楚之放 滅中 耳。 之亂 者 有 之 夷 春 狄之恣耳。 禮 爲 之盟 皆 無 亂 狄 秋 楚 義 討 夷 乘 或 見 嗟 者 **>** 所 從 人 責 招 見 狄 人 而 中 平. 之 其 之 也 滅 殺 諸 之 之 或 君 於 暴 滅 恃 書 而

> 横 亂 卒 賊 永 不 出 肉 初 鑒矣。 之名 以 見 能 於 相 不 中 葬於 楚。 問皋之輕 修 殘 或 低 身 以 不能 滅亡,二以 既 夷 滅 齊家 春 卒 狄之手 其 秋》 Ĥ 耐 重 國 以 存 其 \_\_\_\_ 比 治 一, 而 書 而 或 愚 見王 其 其 謂 大 其 壞 而 或, 身 亂 潰 政 事 其 陳 以諸 至此 私 不 致 使 侯 行,夷 謚 羣 以 楚人假 未 侯之尊 日 公子 見 卒 口 哀, 狄 陳 以 而 暴 作 討 哀 亦 骨

九 年 宋』意 邪 能 許 春,叔弓會楚子于 所 夫中 ? 救 號 氏 召 書『會于 亦 或 楚既 諸 而 宜 魯之大 侯 口 陳一 而 心 滅陳, 爲 疾 陳 夫 夷 與《宣十五 之, 往

狄

所

滅

中

或

既

不

奈

何

反

往

聘

問

年》『會

干

威

振

諸

夏,

是

以

無

會

之。」高

氏

 $\Box$ 

許遷 于夷。

同

遷 趙 此 于 氏 與 一邢 夷,  $\Box$ 遷 再. 許 于 世 逼 夷 再 於 儀 遷,其 鄭 同 ,嘗遷于葉矣。 皆自 生 聚 遷 之計 也 亦 今又 存 末 耕

居,至於再遷,雖許男不能治其國家,然矣。」愚謂: 王綱不振,諸侯吞噬,不安厥

唯 夏 有 書外火者,小事若 宣 74 秋》火 榭 月 可 火,書之耳。 以 不 陳 觀 書,災則 災。《公》、《穀》作 世 一變矣。 一一書之、固不勝紀、諸侯亦不當 當 書 依 耳。」愚案: 《左氏 義 又 火。 (見《成 爲 宣榭火、《公》、《穀 災 趙氏 也。」莘老 + E] Ŧi. 「案前 年 孫 氏 告 後  $\Box$ 》亦 也

災,魯. 滅 則 或 諸 康 之策 陳 侯 侯,言亡國之有 胡氏曰:「 擊 復言 史遂 乎? 其 事 陳災者 書之耳 矣。 當 楚已滅 時 ·。 幸 叔 天災也。 叔 蓋陳滅不 弓 弓 老 陳,必不遣 使 與楚 孫 畢 氏 何 子 而 久,而國 日 以 歸 會于 書 使告 語 楚 於 陳 己 於 復 魯 陳

> 君 狄 興 臣 也 而 一前 獲皋於天者多矣。 天復災之,所 説 近是。 謂 愚 天降 謂 義 : 又見《莊二十 喪 陳 亂 見 者 滅 也,其 於 夷

年》。

秋, 仲孫 貜, 至今二十年, 年》「齊來聘」。 仲孫 貜 如 齊。 速之子 貜,俱 復 孟 修 縛 高 僖 切 舊 氏 子 好, 三二自 也 此 義 暨 叔 見 齊 老 平 隱 聘

冬,築郎囿。

故

也。

作災

也,無 <sup>②</sup>左 也。 築郎 内 哑, 文 制於强臣,不此之念 氏》  $\pm$ 庶民子 叔 有 之囿 有 者,于郎 孫 日 猶 昭 可,無民其 來。」 ,方七十里 子 築  $\Box$ 築囿 焉 郎 有 用 可 速 季 即 詩 而 何 乎?』高氏 成 其 平.  $\forall$ ? 遠 可 曰 地 字 築 築 而名之也。 其 欲 郎 也 其 經 以 有 ? 速成 勦 始 非  $\Box$ 勿 民

之

齊

Ł

特勦民 其權,昭公安之而不悟也。 見季孫意如逢其 已殆矣。」張氏曰:「以《左傳》觀之,有以 已過矣,今又于郎以築焉,其爲民 歸 可不戒哉?」 ○葉氏曰:「古者諸侯一 矣。」義又見《成十八年》「築 也, 芻蕘雉兔皆不得往, 君 以耳目之娱,而日竊 囿,成公築鹿 人君於此, 鹿 怨 則俱 有所 有 有

春秋本義卷第二十四

後學成德校訂

## 春秋本義卷第二十五

昭 公

+ 年春,王正 月。

夏,齊樂施來奔。齊、《公羊》作晉。 多怨、彊於陳、鮑氏 左氏》曰:「齊惠樂、高氏皆耆酒,信内 而惡之。 夏,有告陳

桓子曰:『子旗、子良將攻

陳、鮑。」

亦告

鮑氏。 騁,遂見文子,則亦授甲矣。使視二子, 桓子授甲 而 如鮑氏, 遭子良 醉而

諸 授 ?]陳、鮑 甲, 則 必 逐 方睦,遂伐樂、高氏。 我。 及 其 飲 酒 也, 子 先 良 伐

則皆將飲酒。桓子曰:『彼雖

秋七月,季孫意如、 叔弓、仲孫貜帥師伐莒。

咺

奔晉」。

奔。」未詳信否。

義見《僖二十八年》「元

或

人追之,又敗諸

鹿 門。

欒

施、高

彊

來

而

開之。

戰於稷,樂、高敗,又敗諸

公使王黑以靈姑鉟率,吉。

請斷三尺焉

"『先得公,陳、鮑焉往?』遂伐虎門。

意、《公羊》作隱、誤也。 後同

訥 意如,季孫宿之孫,紇之子平子也。 趙氏曰:「魯乘莒亂取鄆田,納牟夷而 木

叔 取 亨 且 牟婁及防兹,無怪莒有 敗之矣,今又三大夫 蚡 並 泉之師 出 一; 此 也。 古

皆意如之爲也。」義又見《隱二年》「鄭伐

衞

戊子,晉侯彪卒。

不信,聞我

義見《隱三年》「宋公卒」。

又爲叔孫婼

葬平公起文也

五〇九

九月,叔孫婼如晉,葬晉平公。

三月而葬,又魯以卿會葬,皆非禮也。

義又見《隱三年》「葬宋穆公」。

杜氏曰:「無冬,闕文。」義見《隱三年十有二月甲子,宋公成卒。成,《公羊》作戌。

「宋公卒」。

《公羊》作正月。

葬,非禮甚矣。」義又見《隱三年》「葬宋三月而葬,速。 高氏曰:「卿共同列之

穆公」。

楚公子棄疾帥師圍蔡。虔、《穀梁》作乾。 夏四月丁巳,楚子虔誘蔡侯般,殺之於申。

日: 幣 蔡大夫曰 朴 重 鄉吕氏 而 楚子 言甘,誘我也,不如 曰:「楚子名,衍字爾。」《 在  $\pm$ 申,召蔡靈 貪 而 無 信, 侯。 唯 無往。』蔡侯 靈 蔡 於 侯 左氏 感 將 往

> 申,醉 命,而遂縣之。 然肸聞之,不信 民,天將假手 子問於叔向 奉孫吴以討於陳, 「克哉! 士七十人。 不可。三月丙申,楚子伏甲而饗蔡. 其 國,雖幸 而執之。 老 蔡侯獲辠於其君,而不 孫 公子棄疾 曰 : 於楚以斃之,何故 氏 丽 夏四月丁巳,殺之,刑 今又誘蔡 딘 : 以 克,必受其 『楚其克乎?』 曰 幸,不可 將定 「蔡侯般 帥 師 而 而 再 韋 或 殺 咎, 弗能 弑 也。 其君,以 君 陳 不 對 能 父之 克 楚 韓 侯 其 聽 Ŧ ? 其 於

日 : . 矣。』」幸 韋 矣,棄疾不能諫止,又帥師 國,故書『楚子 之志不在於討 殺之,又滅其國而有之、《春秋 賊,楚子 蔡侯之辜,自不容誅 以 義 討 賊 誘 之 ,徒殺人之君而 蔡侯般,殺之』。」 則 無不可, 圍蔡,從君於 楚子 乃 影以 惡 利 詐 人之 楚子 啖 誘 其 氏 而

道 也。 欺 本 暴 無 執 昏 有 曰 見《莊十年》 ),

貪得 毁 般 心欲圖 亂 赦 此 信 者 馬。 楚子若以大義唱天下,奉詞 年矣,是 於蔡,討其弑 蔡世子般 亦 不 詐 不待言 其國,不爲討賊舉也。 殘其 越 時。 誘 此 中國 荆 其君, 身, 矣,又 弑 聖人深惡之也。」 敗 而辠惡自見者也。」義 其 瀦 君父之皋,而 一變爲 蔡 君 執 何惡 其 師 1,諸侯 而殺之,肆 宫室,雖 夷 乎今? 狄 ○康 與 而 通 莫之覺 古 而 在官者 侯 會 致討 行 又挾 楚 之 盟 胡 子 征 無 氏 又

月 謂: 甲 歸 歸 起 氏,杜氏曰:「昭公母,胡女,歸姓。」愚 申,夫人歸氏 妾稱 文 夫人, 僭也。 義 又見《文四年》「風氏 薨 又爲 大蒐 一薨」。 與 葬 齊

Ŧi.

蒐,見《桓二年》「狩于郎」。 大蒐,僭天

大

、蒐于

比蒲。

比,音毗

蒐,意 兵,昭 門 乃 年 事 君 練 感。」」存耕 羊舌肸曰:『 事 年 幼、物六畜、會車 者 春 子之禮 地譜》云 1,大比 有 其 之感,國 其兵也 庭之寇,而宗廟社稷存亡係焉,必從 政之本。 而修之者也。 田 上,政 也。 身 夫人歸氏薨,大蒐于比 公孤 如無 從 也。 也。 Ŧi. 金革 趙 矣。」〇康侯胡氏 之大本於是乎 君 不 君執 民 「魯南 于比 月,不時 君有三年之喪,而 氏曰:「公有母 也 廢 大比之禮 皆三家之民,兵皆 而 此 此何以書? 馬、齊貢賦、治器 蒲 無 鄙 日 無 以 非常所 避者,獨 也。」劉 事 地。」孫 之 蒐, 御其下,臣執此 侕 均均 ! 蒐 氏 蒲 土地 曰:「三綱, 氏 閲 則 何 也 티 : 喪 在 , 非 譏喪不二 無  $\Box$ 無 0 歟 君 强 而 三家之 械,三 本 大 ? 禮 比 有三 家 日之 閲 「蒐 不 也。 蒲 有 以 É 廢 老 蒐

於 權 緩急 東 制 郊 而 輕 出 無 戰 重 避 蓋 之 師 伯禽 與 築 服 喪,徐 城 之役 戎 同 並 日 興。 並 舉 至

仲孫貜會邾子,盟于祲祥。《公羊》作侵羊。 度緩急輕重,蓋有不得已焉者也。」

子盟 也。 父盟 與 祲 盟于 祥 邾 一,然自 今公雖以夫人之喪,使仲孫貜會邾 于 蔑, 子 蔑」。 地 盟 闕 是 盟于趡,是魯侯親 非 〇高 君 仲 禮 有母 孫 矣。 氏 何忌 曰:「始也 喪 義 未葬, 及 又 邾 見 子 ,公及邾 ^ 而 與之盟 隱 盟 貜 元 于 儼 年 拔 會 儀 然

更 好 是吾大夫 叔 然然 八爲 孫 州 强 而 仇 弱 魯 與 仲 人之志 斷 其 孫 口 君 何 知 盟 忌 必欲 矣。 會 及 耳。 滅 邾 雖 邾 子 然 與 盟 而 則 邾 後 魯、 于 盟 句 以 邾 繹 修 之 此

北宫佗、鄭罕虎、曹人、杞人于厥慭。魚覲切。秋、季孫意如會晉韓起、齊國弱、宋華亥、衞

盟

豊

可

信

邪

?

厥慭、《公羊》作屈銀

恤 厥 憖, ,八國之大夫自 地 闕。 晉 既 爲 失 伯, 會,天 楚 下 韋 一之勢 蔡 而 莫 口

知

之

矣。義又見《文十二年》「會于承筐」。

九月己亥,葬我小君齊歸。

禮薨葬,又別爲之謚。」義又見《文五年》齊,私謚也。高氏曰:「妾母而以夫人之

歸,用之。有、《穀梁》作友。 冬十有一月丁酉,楚師滅蔡,執蔡世子有以

葬成風

啖氏 氏 日 也。」杜氏 日  $\forall$ : : 「諸侯 曰 「與《僖 曰 : 楚子 曰:「用之、殺 當稱子,此言世子者,有未 稱 十九 執 滅蔡,用 年 · 影 邾 者, 囚 用 隱 以祭也。」 繫之也。」 鄫 大子 子』同 於 .。』《左 出 趙 孫 Ш 氏 立 氏

諸

申

+

有二

年春,齊

高

偃

帥

師

納

北燕伯于陽。

<sup>《</sup>左

子。 閔 《莊十年》「荆敗蔡師」。 事 當 弑 世 能 歸 誘 子 救 吾 時,而假手於强楚,身殄國滅,及 君父以篡位,人所得討,幸不見 用 人之君 可爲亂臣賊子之大鑒矣! 3、致夷 歸者,有不從楚故也。」愚謂: 之,不 中 夫楚子之惡,不容誅也。 國王綱既墜,伯 而殺之,滅其國,執其 狄之自恣 道之甚。 一至此 聖人詳録 〇存耕趙氏 統 又 也。 絶,諸 然蔡 之,所 嫡 義 不 殺 言 侯 嗣 又 般 其 蔡 E 般 Z 於 見 莫 嗣 以 以 而

月,蔡 服 歸 也。 用之。 虔 滅 城守不 城 陳,誘殺 陷就 經詳其事,窮楚惡,以 下, 執,虔忿其 則以 蔡君 世 而 圍蔡。 子有不 淹楚 師 病 · 肯 爲 頓 也,執 兵八 中 之 或

牲 也 ,豈有人道 。」黄氏 曰:「滅人之國,執其人以 而 미 責 也哉?」 代

> 别 杜 氏 日 : 一高 偃,高 傒 玄孫。 陽, 即 出 唐 奔 燕

齊。 邑。 不言於燕,未得國 中 Щ 有 唐 縣。 三年 都 也。 燕 邦 衡 伯 胡

氏

日: 故納于陽而未得國。」愚謂 「燕已有君,不受燕款,而齊必納之, 燕伯 不能 治

國,至於出 奔。 今倚 大國之力,十 年始

克人其邑,其爲 君 可 知矣。 然諸 侯 出

振 、甚矣。

廢置.

自如,又

八以大

夫

而

納諸侯、王

緇

不

三月壬申,鄭伯 嘉 卒。

義見《隱三年》「宋公卒」。

夏,宋公使華定來 聘。

隱七年》「齊來聘」。

左氏》曰:「華定來聘,通

嗣君也。」義見

公如晉,至河 乃 復。

義見《二年》。

Ŧi.

五.

五月,葬鄭簡公。

杜氏曰:「三月而葬,速。」義見《隱三年》

之

援。」未詳

信否。

高

氏

曰:「徐、吴,

姻

帥

師

韋

徐

以

懼

吴。

楚子

次于乾

谿

以

爲

或

也。

楚人疾吴,故遷怒於徐。

既執

其

「葬宋穆公」。

楚殺其大夫成熊。《公羊》作然、《穀梁》作虎。

杜氏曰:「成虎,令尹子玉之孫,與鬭氏

子,成虎知之而不能行。」未詳信否。義若敖之餘也,遂殺之。或譖成虎於楚同出於若敖。」《左氏》曰:「楚子謂成虎

見《莊二十六年》「曹殺大夫」。

秋七月。

奔晉」。

楚子伐徐。

使蕩侯、潘子、司馬督、嚻尹午、陵尹喜《左氏》曰:「楚子狩于州來,次于潁尾,

晉伐鮮虞。

舒

君,又伐其國也。」義見《僖三年》「徐

取

狄别種,在中山新示縣。」未詳信否。稱國,史有詳略也。杜氏曰:「鮮虞,白

縣。」《漢志 地譜 **∀**: **>** 中 新 山 市 在 縣 戰 也。 或 爲 古鮮 中 Ш 虞國,子 或 新 樂

姓,孫氏

日

姬

姓。

未詳

孰

是。

愚謂:晉

恤 既 義 失伯, 前 又見《莊二十年》「齊伐 有 楚 事 滅 於 鮮 中 或, 虞, 其 淫 無 殺 戏。 能 諸 爲 侯,皆莫之 可 知矣。

十有三年春,叔弓帥師圍費。

畔。」《左氏》曰:「叔弓圍費,弗克敗焉。費,見《襄七年》。杜氏曰:「南蒯以費

法

大夫弱 於上 於下 惡於上 邑 ? 者反乎爾 侯胡氏曰:「費,内邑也。 不親南 叛,爲之聚也。 者食之,爲之令主,而 平子怒,令見費人執之以 但 日 ,舉大衆 叛南氏。」陸氏 歸 一者使 者事其 南 :『非也。 · 書 内 書大夫圍之,則 若憚之以威,懼之以 也。 者 氏,將焉 氏 宜南 其 無 叛,反求諸 圍其城若敵 上,而 下,而 亡矣。 夫所惡於下者無 以 使下。 若諸侯皆然,費人無歸 若見費 蒯 入矣?』平子從之。 曰:「家臣 之及 不 不 民 禮 忠於其君 季孫意 邑叛 己而已矣。」〇存 於 將 共其乏用。 此 國然者 人,寒者衣之, 也。 其 叛 爲囚俘。 以 命正 可 臣。 怒,民 之, 以 邑叛,不書 **奉** 如 知矣。」 家 事 誰 以 以 卿爲主 出 秋》之 上 臣 費 所 所 疾 與 乎. 冶 , 所 强 惡 費 爾 惡 康 居 來 飢 而 品 乾谿。 夏

叛

人

夫

如

將

末,陪 子。 征伐 陵 ? 三世 也。 耕 諸侯出 E 無 封 執國命,則 大夫出,五世希不失矣。 陪臣執國 叛?」愚案:孔子曰: ? 過 君 趙 希 劉氏 春 自天子出。 至意 氏 天之道。 諸 臣 大夫必 日:「 秋之中,大夫 不失矣。」春秋之初,諸 執 侯 自諸侯出,十世希不失矣。 或 或 必 如 費自友受賜以 命。 極矣。 無 「周之王必無廢 非 無 諸 天下 其 脅其君,其 僭 侯 有 或 天 雖 物 矣。 國家者,至於陪 僭 無道 子, 「天下有 大 盈 諸侯。 或, 其 故《春 一,禮樂征 而 來,日闢, 反,天之道 陪 孰 大 文武之法 道 臣 夫 侯 敢 春 秋》 孰 孰 慢 秋 僭 禮 伐 命 至 之 自 敢 其 臣 天 É 樂 敢 侔

月 昭、定、哀終焉

几 《穀梁》作溪 , 楚公子比自晉歸于楚, 弑其君虔于

子 守 寵 位 封 喪 韋 成 韋 尹 城 蔡,曰:『蔡公召二子,將納之,與之盟 城,克息舟,城 比 一,奪 矣。 、蔡洧、蔓成然,皆王 然故 父 奔晉 從在蔡,事 職 龜 而 於王,王之滅蔡 也 中 縣 之族, 啓越大夫常 行。 遠 殺 蔡公 我 事 犫 東 在 居 大 用 蔡公。 及 境 請 申之會,越 元 又奪成 司 田 牲 0 年。 將 郊 試之。』●以蔡公之命 朝吴,曰:『今不 遷許 馬 食, 而 而 加 左 遠 故遠氏之族 居 杜 告之情 然 書, 也 E 見之而 之。 氏 掩 而 邑 大夫戮焉。 ,其父死焉,王 而 티 : 日 質 而 而 所不禮也。 壽 觀 : 速 使爲 許 取 逃。 强 過 起 行 乾谿 楚子 韋 其 與之 作 之 及薳居、 封蔡,蔡 室。 觀 郊 亂 死 之  $\Box$ 從 蔡 在 尹 王 盟 也, 召 大 使 爲 徇 奪 使 韋 洧 及 譙 不 子 許 蔓 其 羣 鬭 與 即 令 而 於 子 古 有 國

> 辭 僕 爲 陳、蔡欲 許、葉之 子棄疾、蔓 陳、蔡人 『與之。』 濟所欲。 之,以待 遣之矣,將 王,公子黑肱  $\vdash$ 棄疾爲司馬,先除王宫 :『欲速。 티: 軍 人殺太子 朝吴曰: 『失賊 蔡公使須 爲 師 以 所 乃奉蔡公,召二子 且違上,何適 名,故 因 國。 濟。 師 成然、蔡朝吴 禄 Ħ. 成 『二三子若能 而 爲 四 役 及公子 若求安定, 楚公子比、公子 軍 從之。』蔡人聚,將 令尹,次 務 請 族 病 · , 而 牟 之徒 爲 矣, 與 武 殺 罷 請 帥 史 軍。 以 而 余 於魚 敵 使 藩 弹 而 則 人 陳、蔡、不 可 何 死 觀 而 楚。 先 盟 ?」衆日 益 蔡公知之, 如 公子 從從 陂。 已。一乃 黑 與之, 于鄧 則 及郊, 執之。 肱 公 比 乃 大 師 如 子 爲 藩 依 違 于

■「試」,原作「弑」,今據元刻本改。

氏

忍

棘

奸

人

取

聽

王

待

也

死

無

亦

者

乾

多矣,能 鄢。 \_ 惠 大 曰 : 於郊 劓 以 囂  $\pm$ 辱 子 如 也 谿 《國之圖君也。』王曰:『大福 其 焉 以 命,  $\Box$ 余乎?』侍 比 不可 知擠 自投 而 。」然 『皆 芋 師 歸 晉奉 無 若 以 遂告之。  $\pm$ 尹 及訾梁 女 聽 及 於 於 棄,吾其從王。』乃求王 叛矣。』曰: 弗 丹 無 王 殉 入於 之以 或 溝壑矣。」王 車 此 誅 宇 乃 縊 而 下 人。」王 者 乎?』右尹子革曰: 之子 歸 於 而 葬 大 惠孰大焉? 且. 日 歸 於楚。 티 : 芋 之。 潰。 都 : 日 单 『若亡於諸 | 基 大 尹 日 而 : 『人之愛其子也 亥日 : 曰:『余殺 或 幸 申 乞師  $\pm$ -焉, 先 『衆怒不 聞 人之不 亥 老 歸 於諸 羣 氏 小人老 孫 夏,將 吾 復所,後 不 君 公子之 Æ 一,遇 侯, 再 悦 不 侯。 人子 申 父 可  $\Box$ 請 其 亥 諸 祇 而 口 再 欲 犯 虔縊 見《隱 其 之 年,楚虔立 罷 或 作 斂 其 侯 伐吴,滅 然 愚 誠 比 君 悪 殺 君 臣 楚 謂 敝 無 自 事 不 用 是其 虔 楚 度 親 晉 無 虔 川

而 歸, 刃 篡之也。 , 脅 但 脅 楚 之使 子 《左氏》、《公羊》皆 而 縊 死, 則 故 書 亦 弑 日 弑 之 阚 比 以

蔡 而 得 人 陳 年 終 # 而 或 ,滅蔡,殺徵 之以 子,非 弑 一,脅盟 衞 君 州 見 皋 · 一 事 人 弑 中 類 大惡 國, 也。 鑒 師、 執 戒 極 孔奂,誘殺 董子曰 ^ 昭 徐子,滅 ,不待言矣。 春 矣。 秋 \_: \_ **>** 義 比 賦 蔡 V 書

靈 以 極 作 以 身弑 乾 奪 谿 民 。」康侯 之臺 力, 百  $\equiv$ 徭 胡 姓 年不 愁苦 役 氏 日 \_; \_\_ 成 叛 昭 百 去 元 其 姓

奪

民

財,多發

以

奪

民

時

於棘 韋 比出 则 则 比 一奔晉。 未 嘗 十三年,比 日 北 面 事 虔 歸 爲 而

」,何也? 古 非 比 日 之 若 . 君 去 矣。 或 雖 而 書 而 比 弑 禄

弑 位 愚 秋 爲 比 分 比 不 有 雖 君 謂 猶 收 比 列 出 其 在 於 非 以 或 虔 先儒 亡,非虔之臣 朝,出 比 田 也。 楚 比 底 雖 里,不 弑 臣 禄 出 不 多信《左 其 比 奔 人 賢, 而 古 君 雖 有韶 而 係 虔 楚之亡公子也,安 虔」,明 奔 然 非 纍 非 晉, 而 氏》,以 君 臣。 於國 其 比 何 楚 宗族,即 而 哉? 之君 君 不不 殊 + 晉 虔爲 臣 不 有 埽 人 之義 乎 知 其 以 虔未 弑 君 年 墳 君 得 伯 臣 也  $\sim$ 矣。 墓 嘗 篡 春 以 待 之

公子不曰其君 楚公子棄疾 不可 殺公子比。 Ì 弑 也 殺、《公羊》作弑。 案,經但 書

疾,雖 卯 也。 忍 (左氏 夜, 也。三子玉 乃行 棄疾 國,猶受禍 使 或 曰:『人將 觀從 周 每 走 夜 謂 而 駭 也。」子干曰:『余 呼 日 子 三王 干 日 忍子,吾不 曰:『不 王至矣! 人矣!!乙 忍 殺 俟 不 棄

> 代比 者,曰 爲之驅除,不可 後 弑 棄疾 矣 ! 哲,曰 疾 如 或 書 其君,比篡立 殺 水 人 棄 而 之, 即位。」貫道 大驚。 火 二 三 王 『衆至矣 君若早自圖 八馬,不 疾 經 非 殺 討 不 至矣 比,則 使 之 以 口 掩矣。」 蔓 非其 討 王氏 ! 也 ! 爲 成 棄 賊 二一子皆 也,可以 謀。」 或 然 君 [日**:** ]: 疾 先 書 人 也。 走 謀 書 又 殺 棄 告 弑 公子 比立矣,不 君 自 有 疾 比 無 於子 殺 司馬,將 弑君 呼 本意 辱。 而 比 假 而 Ŧ 弑 内 比 衆 在 而 走 辰 子 至 怒 以 於 棄 來

曹伯 于 秋 平. ,公會劉子、晉侯、齊侯、宋公、衞 丘 · 苔子、 邾子、滕子、薛伯、杞伯 侯 小 鄭 邾 伯

子

杜 日 垣 一平丘 氏 縣 西  $\Box$ 南。 : 劉 張氏 晉 子 地 日 劉 : 獻 杜 公、王 氏 開 封 日 府 卿 封丘 在 1: 陳 孫 留 在 長 氏

唯 武 向 丘 何 日 在 侯 何 几 辭,乃還。 秋,晉侯會吴子於良。 侯 取 成 東 盟 此 君 師 不 告 帥 千乘,羊舌鮒 不可以不示威。』乃並徵會,告於吴。 郠 虒 漢 貳,何 『諸侯討 雖 之尋?』叔 矣。 晉人將尋盟,齊人不 故 王 祁 劉 對 叔 賦 獻 齊不許,君庸多矣。天子之老 **>** 日 諸 元 向 今君 尚 患焉? 公 七月丙寅,治兵於邾 侯 告於 爲 貮 以諸 戎十乘,以 日 盟 朝 弗 平 則 向 : 攝 而 以 齊, É 利,寡 E: -一抑 侯來討。 司 有 歸 告之以文辭,董之以 低 縣 日 馬,遂合諸侯 者,皆 信。 尋 \_\_\_\_\_ 齊 明王之制 水道不 盟 君 『諸侯求 先啓行。 人不 可。晉侯使 左 君苟 以 叔向 有 氏 若皆用 爲請。」 盟, 可,吴子 有 南 日: 心。 使諸 信,諸 盟 若 遲 甲 于 一, 已 命 『諸 對 谏 之 叔 平. 車 爲 晋

昵 威 外 不施。 是興。 卒,昭公立,而 爲宗主, 以 曰:「當時晉平主盟,内寵嬖妾蠱其心, 不可以不示衆。』八月辛 之,敢不聽從?』叔向曰:『諸侯 矣!』齊人懼,對曰:『小國言之,大國 之,何齊之有?」惟 古以來,未之或失也。 侯 而 好,講禮 以服諸侯,而不知大勢已去,徒治 建宫室誇諸 本末倒 布 示 歲 諸 威 聘 壬申,復斾之。 君,求 晉禮主盟 以 吞滅 於等,示 再 置,内外 會 業 親 終 侯,故楚虔 而 楚虔死,乃 姻, 事 間 盟 威 懼有 也。 朝 離 以 坐 於衆,昭 君 以 顯 諸侯畏之。」張 心,諸侯益貳, 視 圖之,寡 不治,奉承 存亡之道,恒 君 講 盡 未,治兵,建 昭 不 幸楚亂,欲 日 禮 救。 明 召 一「余 明 諸 再 於神, 有間 君 及 志 侯 朝 齊 平. 聞 業 必 而 而 犠 親 公 此 立 氏 .制 肆 ПП 廢 由 命 於 自 會

Ħ.

 $\overline{\bigcirc}$ 

子之即而下會盟者矣,以者矣而上會盟平丘之會所以益墜伯業也。」愚案:以天

至 不 子之卿 葵丘之會。 天子之卿,義同《僖 與 其 伯 盟。 而 業之盛 今則 下 然葵丘之會,宰周 會 盟 劉 衰,人心之離 子 諸 侯,以 與會 八年》洮之盟 諸 而 侯 合,又 復 公與會 而 與 及 上 盟 有 九 會 矣。 而 大 年 盟

止 不 此。 同 者 焉,故 鄟 陵之後 君舉陳 多 氏 盟 曰:「晉之合諸 復作,晉 非 盟 侯

八月甲戌,同盟于平丘。甲、《穀梁》作庚。主矣。」

書

同

盟

于平

丘者,先目後凡,又以

見

劉

復盟于平丘,不得不地,與葵丘同,義見子與盟也。再言平丘者,先會于平丘,

公不與盟。

上

,又見《莊十六年》「同盟

于

出出

朝夕伐我,我幾亡矣。我之不共,魯故《左氏》曰:「邾人、莒人愬於晉,曰:『魯

○孫

氏

曰:「自襄二十七年宋之會,諸侯

機,不 之以 之君 憂, 大 庸 豚 況 車 君。 訴 君 侯 爲盟,其 非 謂:平丘之役,王臣下臨,諸侯大合, 正道, 四 無勤 其率道,其 將 邾、莒、杞、鄫之怒,以討 山 上,其畏不 何求 以 い。」音 寡君 千 棄乎? 而 以 能 絕兄弟之國,棄周公之後,亦唯 。」子服 不 乘 甲 然晉 何 協 而 · 得 聞 侯 在 戌 以 比 弗克?』魯人懼,聽 與 不見公,使叔 命矣。』 盟 若奉晉之衆,用 何敵 · 死 ? 雖 崇 侯 服 盟 惠 以 衆 猶 寡 獎 伯 ,亦其有取 之有? 無 君 心 王 有 南蒯、 叔 對 道 室,乃 哉 ? 知 主 曰 : 向 行之,必 不 中 日 向 夏、 子仲之憂,其 牛 『君信蠻夷之 得 魯 『寡君 來 然 離 辱之道 事 雖 諸 皋 攘 辭 魯 魯 間 君 瘠 可 侯之師 日 以 君 夷 命。」愚 價於 畏 : 其二 狄之 有 歟 千 而 也 雖 諸 乘 自

逆之禍 之會, 體 諸侯 陵 不 者,晉侯不與公盟也。 子 敢 行 不 日 之會 ? 同 抗 抗 出 出者二十四 與 中 盟,非 同 國, 乎? ,劉子合諸侯同盟於此者,其 大 , 楚專盟會者又十年矣。 故自定 則 爾。 」, 晉 盟於此,何所爲哉? 公不 夫專盟會者十年。 戕 又 不能 滅 所 其 自 乘 陳、蔡,以 四 以 矣。 不 楚靈 年。 宗 與 年 出 訖 諸 楚子抗 楚 弑 至如 子 會于召陵,諸 侯 此不足宗諸侯 逆之禍 晉侯與公同 厭 以 也 昭二十六 其欲。 ), 天 也, 鑾 至昭 夷 今晉 下 乘 與 八之衆 孰 能 諸侯 劉 楚 四 年 侯 事 與 子合 靈 與 年 不 昭 鄢 楚 可 復 盟 弑 莫 解 申 而

晉 人執季孫意. 如 以歸。

知

也

《左氏》曰:「晉人 之,使狄人守之。晉人以 執 季孫 平子 意如,以幕 歸,子服 蒙

> 侯,以 伐莒。 其 魯君 又見《莊 莒之言,曰『我之不共,魯故之以』,遂辭 夫臣順,則 之,收私 於其家, 如尤爲 微,三家專, 湫從。」康 無君 而 其 臣 强 中分魯國 執 邑爲 十七年》「齊執鄭 、皋執 其 之分 侯胡 意 偪 不臣 方伯之職修矣。 如 而 公室之民,使政令在 之,請於天子,以 氏曰:「自文公以 元 也,何 季 則 甚 以 年 氏 是意 矣。 自 伐 皋之首 得 封 莒 爲 7殖,而 在 晉人若 疆 伯討 貨 鄆。 也。 而徒 財 使 个; 而 乎? 來,公室 告 大 其 + 宿 君,大 以 於諸 不責 義 及 君 年

廢

意

又

食

公至自會。

蔡侯廬歸 義 見 于蔡。 ~ 桓 二年》「公至自 陳侯吴歸于陳。 唐。

沈、道、房、申於荆焉。平王 左氏》曰:「楚之滅蔡也、靈 即位 王遷許、胡、 一既封

蔡,悼大子之子吴歸 陳、蔡, 而 皆 復 之。 隱 于 陳。」 大 子 愚案 之子 廬 陳 歸 蔡 干

諸侯而爲此自歸之文也。考之《左氏》,歸于蔡,陳侯吴歸于陳」者,非不許楚封國滅身死,世子俱亡,今經直書「蔡侯廬

人以國。」又曰:「陳、蔡欲爲名,故請爲「今不封蔡,蔡不封矣。」又曰:「依陳、蔡十三年四月,楚比弑楚子之時,觀從曰:

無 非 或 或 至 此 義 始 見 立 於此, 也。 而 經 不 不 書 書 其 者, 立. 或 爾。 魯 今 史 此 所

武

軍,乃藩

爲

軍。」於

時

陳、

蔡蓋

已立矣,

者 則 别 蔡 侯 其 廬 爲 何 陳 君 侯 也。 吴各歸 不書 其 自 或 楚 也。 者 不 其 名 謎

復;三 於 其 鑾 惻 有 夷,二 怛之心 奉 見夷 也。 見 也。 狄 其  $\pm$ 制 書 不 中 歸 能 孫 夏 者 理,而諸侯 興 氏 見 滅之大柄 曰:「楚靈 陳、 蔡 乘 皆 復 暴 機 滅 聖 É 或

> 侯不 之振也, 豈不哀哉 道 氏 楚平 民哉? 廟 雖 之 曰:「陳、蔡復國 或 (辱、社 振 復之,善 口 楚平 ,二國之命,制 復, 是其 其 稷 既 與 禍 行 之 立 非 亂 不 恥 故 % 善 相 可 於仇讎之楚,忘其宗 復 世 復, 繼、至於滅 兀 在 ? 惡 夫 或 夷狄故 聖王不作, 八所不 足 之後 以 也。」 君 爲 而 或 然 其 劉 莫 子 則

冬十月,葬蔡靈公。

= 弱 賊,人所不恤, 月,蔡侯 靈公,蔡侯般也。 年》「宋公卒」。 或 無 以 廬 Ĺ 歸 存, 或 然 亦 而  $\pm$ 自 미 政不行, 始 楚 見矣。 得 虔 葬。 殺 般 義 蠻 雖  $\equiv$ 又 夷 弑 + 見 肆 逆之 有 《隱 虐

公如晉,至河乃復。

曰 : 左氏》曰:「公如 言諸 侯相朝,講 舊 晉。 好 也。 荀 吴 執 謂 其 韓 卿 宣 而 子 朝

伯辭 謂: 其君,有不好焉,不如辭之。』乃使士景 又執吾卿,而公復朝之,無恥甚矣。」 愚 晉之辠亦可見矣。 公於河。」高氏曰:「晉不與公盟,今 義又見《二年》。

吴滅 州來

見《僖三年》「徐 蘇氏曰:「州來,楚之附庸。」 趙氏曰 近楚國。 自此見吴之强而 取 舒。 滅 國矣。」 :

有四年春, 意如至自晉

+

陳氏曰:「意如不稱氏,前見也。」《左氏》

於中行穆子,曰:『魯事晉,何以 曰:「十三年,季孫猶在晉,子服 不 惠伯私 如 夷

能具。若爲夷棄之,使事齊、楚,其何瘳 之小國? 魯,兄弟也,土地猶大,所 命

於晉?』穆子告韓宣子,且曰:『楚滅陳、

蔡,不能救,而 乃歸季孫。 惠伯曰:『寡君未知其辠,合 爲 夷執親,將焉用之?』

> 歸。 諸侯 若 王命,且見其執其舍,皆出 辠,今又舍之,亦無所爲。不惟晉之無 將爲子除館於西河。」且泣 患之,使叔魚見季孫 也,何免之爲? 日 惠伯待禮。」愚謂:晉執意如不以其 而執其老。 無辠而惠免之,諸侯不聞,是逃命 請從君惠於會。」宣子 若猶有辠,死命可 EI : 「鮒 於私喜怒,而 平子懼 也 聞諸吏 先 也。

三月,曹伯滕卒。

非有公天下之心也。

義見《隱三年》「宋公卒」。

夏四月。

秋,葬曹武公。

義見《隱三年》「葬宋穆公」。

八月, 莒子去疾卒。

左氏》曰:「著丘公。」大意見《隱七年

滕侯卒」。

五 三 三

冬, 莒殺其公子意恢。

其公子」者,義不在於專殺大夫,而在於 政可 殺君之親也 莒子卒而莒亂。 知矣。 不曰 殺其 君 大夫」,而 之親 則  $\Box$ 一殺 無

十有五年春,王正月,吴子夷末卒。末、《公羊》

義見《文十八年》「秦伯卒」。

二月癸酉,有事于武宫。籥入,叔弓卒,去樂

卒

卒。」孫氏曰:「非禮也。宗廟之祭,羽籥年》。《左氏》曰:「叔弓涖事,籥人而武宫,即成六年所立者也。籥,見《宣八

既 廟 之 佐 魔繹。 之喪, 陳,雖 ,仲遂卒于垂。 當 有 是故《宣八 有 卿 恩禮。 佐之喪,不 壬午猶繹』。 去樂 年》書 可 則 去 有 太 也。 甚,故 孔子 事 于 然 大 譏 爲 卿 籥

> 氏》之説未知其實然否 卒,則不用告而知之矣。 告。」愚謂:若如《左氏》説,叔 雖當 非寡人之臣 待祭畢。 事,是失禮之中又失禮也。 事 其繹 卿卒在外,告 「宗廟大事,大夫卒小 于武宫, 爾。 祭,必告。』據 又《禮記》稱衞 愚謂 則失禮 也,社稷之臣 而 後知者, 矣。 月 此, 事。 有 也 叔弓 侯 則 事 啖 可 也。 曰:『柳莊者 明 以理言之,應 氏之説 卒 常 也。 常 弓 而 禮 啖 如 禮 涖 氏 去 也 然《 其卒, 不 施之 樂卒 事 티: 左 當 有 而

夏,蔡朝吴出奔鄭。朝、《公羊》作昭,無出字。

於蔡。 《左氏》曰:「楚費 信吴,故處諸蔡,二三子莫之如也。 之,吾助子請。]又謂其上之人曰:『王 欲去之。乃謂之曰: 『王 子亦 長矣,而 無 極 在下位,辱。 害 唯 朝吴之在蔡也 信 子,故處子 必求 耐 唯

事

於鮮

虞而

夏,蔡人逐 在 其上,不亦 朝吴。朝 難乎? 吴出 弗圖,必及於難。」 奔鄭。  $\pm$ 怒

豈不欲 吴? 不及此,女何故去之?』無 曰:『余唯信吴,故寘諸蔡。且微吴,吾 然 而前 知其 爲 極 人之異 對曰:『臣 也。

吴在蔡,蔡必速飛。去吴,所 以翦其翼

元 也。」一未詳信 咺 奔晉 否。 朴鄉吕氏曰:「蔡侯復 義見《僖二十八年》

或 而 朝昊 出 奔。 意者蔡侯不能容之而

出 邪。

六月丁巳朔,日有食之。 見《隱三年》。

秋,晉荀吴帥 師伐鮮虞。

命 義見《十二年》。 ○朴鄉吕氏曰:「十二年伐之矣,今又遣 卿 帥 師 以 伐之,晉不能加於楚,則從 此 則兼見大夫帥 師 爾

冬,公如晉。

《左氏》曰:「平丘之會故也。」愚案: 之道也。義又見《僖十年》「公如齊」。 屢見辭於晉而復往,畏晉甚矣,非君國

公

十有六年春,齊侯伐徐

《左氏》曰:「齊師至於蒲隧、徐人行成。 伐戎」。 伯,害哉! 以甲父之鼎。 夫。』」未詳信否。 方,會之有成而還,莫之亢 徐子及郯人、莒人會齊侯,盟於蒲隧,賂 齊君之無道 叔孫 義見《莊二十年》「 昭子曰:『諸 也,興 也。 師 無 侯之無 而 伯 伐 齊 遠 世

楚子誘戎蠻子殺之。 蠻、《公羊》作曼

티 : 子聞 然丹誘 杜 氏 「伊闕縣即新 鑾 曰 : 戎蠻子嘉殺之。」朴鄉 氏 之 「河南新城縣 亂 也,與 城也。」《左氏》曰:「楚 蠻子之無質 有蠻城。」 吕 氏 (也, 使 張氏  $\Box$ 

「誘人而殺之,前此未有也,而楚君再

爲之。」

夏,公至自晉。

義見《桓二年》「公至自唐」。

秋八月己亥,晉侯夷卒。亥、《公羊》作丑。

義見《隱三年》「宋公卒」。

義見《桓五年》。

九月、大雩。

季孫意如如晉。冬十月,葬晉昭公。《公羊》作事,彰見》杜丑在》

· 月。

共喪事,非禮也。」義又見《隱三年》「葬杜氏曰:「三月而葬,速。」高氏曰:「卿

楚也。

陸渾

子奔楚,其衆奔甘鹿。

周

大

宋穆公」。

十有七年春,小邾子來朝。

《左氏》曰:「小邾,穆公。」義見《隱十

年》「滕、薛來朝」。

夏六月甲戌朔,日有食之。

秋,郯子來朝。

義見《隱十一年》「滕、薛來朝

0

八月,晉荀吴帥師滅陸渾之戎。

使屠蒯如周,請有事於雒與三塗。萇弘陸渾戎,見《宣三年》。《左氏》曰:「晉侯

謂

劉

子曰:『客容

猛

非祭

也。

其

伐

戎

東書,克冬里三月生於注。達軍、召其備之。」乃警戎備。晉荀吴帥師涉自乎? 陸渾氏甚睦於楚,必是故也。君

知,師從之。遂滅陸渾,數之以其貳於棘津,使祭史先用牲於雒。陸渾人弗

使穆子帥師獻俘於文宫。」木訥趙氏曰:獲。宣子夢文公攜荀吴而授之陸渾,故

「齊伐戎」。可也,滅之亦酷矣。」義又見《莊二十年》「陸渾之戎逼近成周,然俘而投之海外

冬,有星孛于大辰。

火也。 歟? 有 霜 北 所書,其可不致懼乎?」 其晏然不以爲意 大火没於西矣,伐即 爲大辰,何以 大辰何? 孛,見《文十四年》。《公羊》曰:「其言 人詳書爲世戒。 以 以取之也。 風 辰 改 長見不隱。 吕氏 雨之不時,以爲民害,皆政事之失 行,則災害可息,而 大火爲大辰,伐爲 日 : 在 書? 故君觀其變以 大辰 日 所 ,則禍及之,非不 記異也。」愚案: 冬月 爲人君者,觀《春 月 也。 謂 星 大辰,豈伐與北辰 參也,見於東方。 大辰 辰 大辰 無 謫見乎天,雪 危亡之禍 思戒,察其 者 北辰 何 ? 幸 也 秋 亦 大 于

楚人及吴戰于長岸。

戰也。」康侯胡氏曰:「言戰不言敗,勝負杜氏曰:「長岸,楚地。」《地譜》曰:「水

制 舟。 張矣。」 木 可杜氏曰:「吴、楚争强,交亂中國,無 歸。」愚謂:吴伐楚,楚主乎此戰 之,楚師 潛伏於舟側,曰:『我呼餘皇,則對。』 之,以救死。』 衆許之。 舟,豈惟光之辠? 夜從之。 子魚先死,楚師繼之,大敗吴師,獲其乘 敵也。」《左氏》曰:「吴伐楚,戰于長岸。 也。」義又見《僖三年》「徐 訥 吴公子光請於衆曰:『喪先王之乘 趙 氏 亂。 三呼,皆迭 曰 : 吴 此 人 大 衆 後 對。 敗 使長鬣者三人, 亦 楚 之, 有 日 楚 焉, 取 削 取 人 舒 而 請 餘 從 也。 吴 皇 藉取 而 師 日 能 獻 以 殺

兼見《隱三年》「宋公卒」。 十有八年春,王三月,曹伯須卒。

夏五月壬午,宋、衞、陳、鄭災。

《公羊》曰:「同日而俱災,爲天下記異

也 ]。」義 又見《莊二十年》「齊大災」。

六月,邾人入鄅。 音禹,或音矩

杜 氏 曰:「鄅,妘姓,國在琅邪開 陽縣。」

張氏曰:「屬沂 鄅人藉稻,邾人襲鄅,鄅 州臨 沂 縣。」《左氏》曰 人 將閉 門。 邾

見《隱二年》「莒入向」。 人羊羅攝其首,遂入之,盡俘 () 黄氏 以 日: 二 歸 義 案 夏五月戊辰,許世子止弑

《左氏》稱六月藉稻,則《春秋》用夏 正

也。 可 藉? 若改四月稱六月,則四月安有稻之

秋,葬曹平公。

義見《隱三年》「葬宋穆公」。

冬,許遷于白 羽

内 張氏曰:「白羽  $\equiv$ 鄉 遷 於 縣。」愚案: 白 1羽,迫 ,一名析,楚邑 許一 於强 遷于葉,再遷于 國,靡有寧宇。 也 即即 鄧 夷 王 州

綱

不

振,小國

窮

木 如

此。

義又見《成十

Ŧī. 年》。

十 有九年春,宋公伐 邾

《左氏》曰:「鄅夫人,宋向戌之女也,故 向寧請師。」宋公伐邾,義 見《隱二年》

鄭伐衛

其君買。

其身。 卒。」愚謂:凡弑君父者,不必親 《左氏》曰:「許悼公瘧,飲大子止之藥 年》「蔡般事」。 不得其意,故妄爲之説。 之耳,非弑 據《左氏》飲止藥 君 而 ○朴鄉吕氏曰:「許悼公 何哉? 而卒,則 三傳 義見《襄三十 得 其 是 加 毒 刃於 事 殺 而

聞 加 也 之以 乎故而已。 明矣。」愚謂 弑 名。 加之以 飲止藥 弑 名,則 而 卒,不 非 止 不 嘗藥 乎

與

使世子止之辠

而

止 於

不

嘗藥

也

聖

人不

瘧,飲止之藥

而

卒,

則

是與

聞

乎故

也。

己卯 小地震

義見《文九年》。

秋,齊高發帥師伐莒。

義見《隱二年》「鄭伐 衞」。 存 耕 趙 氏

弱,有代興之志,故侵欲小國也。」未詳 曰:「齊不伐莒久矣。 景公乘 晉、楚之

是否。

冬,葬許悼公。

不討,而悼公書葬,則 義見《隱三年》「葬宋穆公」。 傳所謂 ○案: 許止 財賊 不討

不書葬」者,妄也

一十年春,王正月。

夏,曹公孫會自鄭出奔宋。鄭、《穀梁》作夢。

古老云古鄭城也。」貫道 張氏曰:「鄭,興仁府乘氏縣有大饗城 王 氏 曰:「經書

辰自 自 某 出 蕭,及公孫 奔者,宋華亥自 會自鄭也。 南 里、宋公之弟 華亥、辰先

> 也。 書人、書叛,會無 而奔也。」義見《僖二十八年》「元咺 鄭,會之食邑也。 見焉,則 得辠 非據 而 邑叛 出 · 由 君 奔 邑 者

晉」。

秋、盜殺衞侯之兄縶。《公》、《穀》作輒。 陸

氏

日 :

「案衞侯之孫名輒,故宜爲縶。」

《左氏》曰:「公孟縶也。」孫氏

曰:「盜

得殺

者,微賤之稱。 以 衞 侯之兄 而 盜

之,衛侯之無刑政 也如此。」

作甯。 冬十月,宋華亥、向寧、華定出奔陳。 寧、《公羊 後皆同

奔,以見君之不能待其 朴鄉吕氏曰:「一宋國 事其君也。」義又見《僖二十八年》「元咺 也,而 臣 一, 而 臣 大 之不 大夫同 能 出

奔晉」。

十有一月辛卯,蔡侯 義見《隱三年》「宋公卒」。 廬卒。

五二九

義見《隱三年》「葬宋穆公」。二十有一年春,王三月,葬蔡平公。

夏,晉侯使士鞅來聘。

義見《隱

七

年

 $\stackrel{\sim}{=}$ 

齊

來

聘

宋華 公羊》作 亥、 畔 向 寧、 華 定 自 陳 人 于 宋南 里 以 叛

城 牼禦 貙 死 多 亡人。』公懼,使告 御 貙 城 杜 僚 華 舊 氏 士,與貙 内里名。」《左氏 抑 諸 壬寅 鄘 子皮殺多 也。 日 君有 多僚、華登。 及桑 : 横 吾. 自 華、 命 相 林 華 有 外 惡,乃譖諸 之門 氏 口 僚 向 讒 而 若何?』乃 人。 劫 居 子 可 ₩ E 至, 貙 而 盧 馬 而 司 守之。 門,以 爲 故 : 樂 弗 馬 宋 少 曰 大心、 公曰:『貙 可 能 以 司馬,多 人。 馬 華費 南 與公謀 冬十月,華 叛,而 殺 歎 里叛。 豐 南 吾 遂 愆 里 召 將 又 僚 生 逐 T. 不 宋 宋 華 華 必 納 爲 華

邑,而

此

則

入于都城之内

也。

都

城之

不言宋。

此

再言宋者,彼

但

入于

所

食

私

邑

以

叛

者

几

,戚不言衞

朝

歌

不言晉,

蕭

内

則

逼

君

己

甚

三臣

之

惡,不

容

誅

然宋公不能立國,使叛

臣

得投隙

而

逼

都

忌、衞 之,遂 莫如 陳 逆華氏。」未詳信 赭丘,大敗 以 兵矣,請皆 送亡君 出 鴻 登 廚 晉 以 有 口 奉 吴 齊致死 師 公子 敗 人濮日 焉 清詩待 師 華 至。 華 爾 救 登 華氏,圍 朝 氏 用 華 曹 帥 :『吾小人, 救 之。」齊烏 於 劍。』從之。 齊致 氏。  $\bigcirc$ 翰 其 宋。 新 否。 邦 胡 餘, 里。十一月,公子 死 齊 衡 諸 《穀 會 丙 莫 師、宋 以 胡 南里。 晉 枝 戌 氏 梁 敗 可 華氏 如 鳴 荀 日 **>** 與 宋 藉 師 吴、 去 : 楚薳 華 死 師 : 備 敗 : 北,復 自 齊 氏 經 而 吴 用 書 帥 戰 苑 彼 不 公 師 陳 城 多 能 欲 於 即 師 於 何

城,則國之削亦甚矣。」義又見《僖二十

六年》孫林父事。○黄氏曰:「王伯兩

微,叛臣横行如此。」

秋七月壬午朔,日有食之。

義見《隱三年》。

輒,叔弓之子伯張也,譏世卿也。大意八月乙亥,叔輒卒。輒,公羊》作痤。

冬,蔡侯朱出奔楚。朱、《穀梁》作東。

又見《隱元年》「益師卒」。

之,惡何 邦衡胡 有、蓋蔡君 氏 可言哉 日 : 「 不共戴天之讎。 楚虔誘 !」義又見《桓十五年》 殺蔡般,執 朱乃 奔 而 用 親 蔡

「鄭伯奔蔡」。

公如晉,至河乃復。

季氏之强,昭公之弱。晉助其臣而不有之。〕義又見《二年》。○戴氏曰:「宜乎許氏曰:「公失其重久矣,故晉得輕進退

其君久矣。」

二十有二年春,齊侯伐莒。

將戰,苑羊牧之諫曰:『齊帥賤,其求不《左氏》曰:「齊北郭啓帥師伐莒。莒子

敗齊師於壽餘。齊侯伐莒, 莒子行成,多, 不如下之。大國不可怒也。」 弗聽。

司馬竈如莒涖盟。莒子如齊涖盟。」未

安能及遠哉?」義又見《隱二年》「鄭伐詳信否。高氏曰:「齊景矜而貪功如此,

衞」。

宋華亥、向寧、華定自宋南里出奔楚。

嘗據此而叛也。」《左氏》曰:「楚薳越使朴鄉吕氏曰:「其言自宋南里何? 以其

憂,無寧以爲宗羞。寡君請受而戮之。』告於宋曰:『寡君聞君有不令之臣爲君

憂,拜命之辱。 抑君臣日戰,君曰余必對曰: 『孤不佞,不能媚於父兄,以爲君

信否。 死,楚 宋人從之。 宋 出 亂人,孤之望也。 華登、皇奄傷、省臧、 無 臣 之,以 過 而 是 諸侯之戍謀曰:『若華氏 。」君若 助 除 恥 愚謂: 亦 其害,又 爲 無 惟 楚 功 宋華亥、向寧、華定、華貙、 惠保 功,其 命 三叛奔 而 0 疾 何求?』乃 敝 人有言曰 唯 戰 邑, 亦 士平出 陳,又自陳 君 非 無 圖 無 能 吾 之!』楚 亢 : 利 奔楚。」未詳 爲 固 不 知困 也 也 唯 請 衷 入宋,據 己。 亂 出之。 人 以 不 門 而 救 如 患 致 羧 之

義 之惡 或 如 以 又見《僖二十八年》「元 ,無能討之者,三叛之辠著矣。 明 叛,復出 矣。 然宋公之爲國,亦可 奔楚。 往來三年,出入自 呵 奔晉」。 陳、楚 知 也。

陸 許氏 氏 日 : 曰:「八年秋蒐,十一年夏蒐,以 昌 間,魯地。」 義 見《十一年》。

大蒐于昌

間。

《公羊》作姦。

後同

 $\pm$ 

季,朝 憂也。 詩 以 兵 則 爲 務,是以屢書之。」 歌 律。 茂是 書,不 凡 庶 昭 廷人倫 務 類 朝 文王之時,人倫 公書蒐 時 蕃 廷 而 也。 禮 既 殖 逆亂 治, 爲 防 而 今 不興 大夫 蒐 而 此 極 後 田 矣, 春 了; 上 下 以 田 既 咸强,公失其 蒐, 而 時 野 īĒ. 唯 時 相 即 矣, 蒐 與 當 而 功 魯 後 以 田 而 之是 樂滔 昭之 軍 是 政 以 旅

夏 四 月乙丑 天王 一崩

也。 此 爲景 義 又見《隱三年 王三 月 而 葬, 與 王 室 亂 等 事 起

六月,叔鞅 一室亂 叔鞅, 故也。 如京 叔弓次 義見《文九年》「得 師,葬景王 子穆 伯

也。

 $\equiv$ 

月

而

葬

亂

臣葬

襄

王。

王與賓孟説之,欲立之。 左氏》曰:「王子朝、賓 起 劉獻公之庶子 有寵於景王

子、劉 癸亥,單 雞其 不殺單旗,不 子。 之族 四月,王 三言自 Ŧi. 又惡 朝 戊 王 適郊,見雄 事 以 子。 憚 月 辰 歸 壬戌,劉 以 子 單 大 子 犧 爲 作 庚 王子朝 於單氏。六月丁巳,葬景 舊 穆公, 憚其犧 出 田 人 劉 實  $\pm$ 亂 官 辰,見王,遂攻賓起,殺之。 王子 用 北 難 有 子 . 捷。 , 帥 百工之喪 王 子 乎 雞 山,使公卿皆從,將 ,己犧何害?』王弗 惡 摰 心 之言,以 還 奔揚。 也。」遽 子還與 `,人異於是。 郊、要、餞之甲 卒, 賓 自斷其 疾, 與之重盟,必來。 夜 孟 乙 丑 取 無 之 告歸 召 單子逆悼 職 爲 王 子, 尾。 爲 莊 秩者,與 亂 崩 以 人 單 王 公謀, 願 如 犧 問之,侍 也 月. 子 於 ·, 以 莊 者 去之。 V. 祭  $\pm$ 殺 願 日  $\Box$ 靈 王 應 背 於 逐 劉 錼 單 宵 殺 或 使 亂 言 子朝· 單. 言 事 師 盟 日 則 也 而

盆。

氏。

夏

用

賓孟

伯

盆

者

盟

羣

景

王

子

莊

宫

劉

言王室之亂 子入於王城。辛未,鞏簡 之,單子殺還、姑、發、 克,其所與者,天所 乙亥,甘平公亦 領,大盟而復,殺繁荒 子亡。 孽子配 :「不言京 乎王室亂? 亂 ,必指其實。 本之不正也。」〇 之耳。」康侯胡 通 奔京。 克 必 乎上下,言王室則其父子兄弟自 者多 乙 丑. 不克。』遂 嫡,以本 丙寅,伐之。 也。 矣。』從 師 , 奔 亂, 前 敗焉。 氏 関 此者,王室衰微 亂者。其言王室,譏 高 曰:「景王寵愛子朝 自 廢 於 而 奉 之。 馬 也。」 言 弱 Ė 氏 父 以 内作者 平. 叔 王 説。 曰 : 日 、鬷、延、定、稠 樊 時。 以 京 公 鞅 室亂者,言京 頃 劉 追  $\overline{\ }$ 子 敗績 人 至自 劉子如劉 羣 子 也。」吕 氏 單 奔 春 7日: 二 王子 曰 : 子。 朝 ()猶未 於京 秋》 Ш 京 必不 師 氏 追 非 何 劉 及

至

於

亂

也。

不

能

Œ

家

諸

子

之

之極 案 : 作 早 天下 争立 後 治 悼 鳴 定 以 E 有 口 而 1,國治 主。 定 世 周 彫 害 呼 干 劉 傳日 哉? 下, 也 之不復興,且辠諸侯之不救 瘁, 子、 於 冢 人 H 戈 此《春秋》所 ! 嗣 君 王室之亂,莫此爲 相 無 王室者,諸夏之本 單子 而 實 是 间 :「身修 家既 向, IIII 然家之不 君,而 禮 先 本又 尹 后 景王 知 撥,詩 迭勝 訓 氏、召 天 欲 不齊,其 此 下 庶 蠧 立 以爲克己復禮之書也。 二子争立,五 而 義, 孽 迭負,五年 平。上 王 壞 人 伯、毛 后 齊,由 偏 必 猛 若 尚 家齊,家 何 躬 此 愛 以 甚。 以 室 伯 二子相 行 乎? 乎 爲戒 不 也。 而 治 欲 以 身之不 亂 之間 萌 致 其 齊 夫天下不 教其 沉 年始定。 立子 窺 枝葉 或 家 書 也 而 逐,遂 伺不 不 0 之 枝 或 以 后 修。 朝 平. 齊 或 愚 深 葉 未 無

> 劉子、單子 劉 以 王猛 ; 居于皇。

子,又 宫, 于皇。 名 乃 以 獲 也 王  $\pm$ 欲告急於晉,以王 高 有皇亭,西 Ŧ 河 加 之 王 鄩  $\pm$ 城 氏 子,名盆 南 猛 敗 者在 其言 肸。 何 師 日 與 焉。 盟 鞏 又 13 ]: 皇 劉 ? 敗 他 不 縣 百  $\pm$ 焚諸 劉子 喪 子 績於前 未成  $\pm$ 미 Ι. 北 西 反伐之, 矣, 之常 如 子 以 於平宫。 有 南 單子,名旗,天子之 者 王. 劉 相 未 單子 湟 有 諸 君 稱 城之市。 城,百工 畿 水。』 皇 踰 亂 侯 如 之 心朴 單 亭。」《 伐 内 故 年, 平. 以 例 辭 子 -畤,遂 東 鄩 邑 何 稱 左氏 鄉 稱 是 且. 使 也。 幸 ? 肸 子. 叛,伐單氏 東 八 日  $\pm$ 以 0  $\pm$ 以 伐 也。 ₩ El 漢 猛 月, 如 氏 不 别 子 劉 皇,大敗 杜 志 制 緊猛 圃 :「單子 處守 日 口 於 冠 司 Æ **\***: 氏 車、次 卿 在 子朝 稱 徒  $\pm$ 一章  $\vdash$ 劉 者 也。 其 於 天 之 醜 於

之母 出自 此 以  $\pm$ V. 非 位 單 古 長 后 庶  $\pm$ 其 居 也 朝 朝 弟,所得立 室亂之事。 奪 所 無 喪 之所 愚謂 矣, 猛 嫡 雖 有 則 E 見 常 夫安知 以 立 所  $\pm$ 此 絶 所 長,是 者也。 不 室之亂 於《春秋》也。 ○葉氏 亦據實 而 得 太子母弟 劉、 <u>Ż</u>. 謂 必無 也 書之爾 單 太 曰:「猛 也 子爲 以 嫡 而 之 自 亦 朝 而 嫡 太太子 居 此 嫡 之言 後 嗣可 以 于 哉 而 可  $\pm$ 後 皇 壽 欲 以 繼 日

秋,劉子、單子以王猛入于王城。

談、荀 謂 師 水 杜 東遷,定 西,惟  $\pm$ 氏 氏 城  $\vdash$ 納 躒 : 彻 洛 帥 王于王 都 Ŧ 「《洛誥》:『我乃卜,澗 9 成 食。」 九 于 城,郟 州 王 王 城。 先 定 一城。 」《· 之戎及 鼎 儒 鄏 庚申,單子、劉盆以 於 以 今河 左氏 郟 焦、瑕、温 爲 今 鄏 ₩ El 南 是 河 縣。 也。 南 水 : 城, 東, 原 晉 平 東 之 籍 王 所 瀍 萊

> 矣。 皇,一事也。 此,故 劉、 居,以王猛 然以 書王室亂,後書二子,以  $\pm$ 城 謂  $\pm$ 一人,是以 其 居于翟 師 再言劉子、單子何? 單至是始得 常 劉 繼書曰尹氏立王子朝,尹氏之辠 天王之尊,依劉、單 敗 書以 事 子 績 也 工單 於郊, 泉起文也。 見 兩 人,劉、單 入于王 義 子 言之。  $\wedge$ 春 焉。 入于王 前 所 秋》 城 輔 又 人 城, 得 之義 劉 者 、敗陸 爲 城 子、 無 īĖ. 劉、單可 朴 Ŧ. 居 所不 皋乎? 單 事 鄉 子 事 而 王室之亂 渾 于皇,又依 子 也。  $\pm$ 也 吕 猛 於 書 以 以 卒 又 社 氏 者也 免皋  $\pm$ 及天 人于 居 出 先 猛 于 如 愚 口

冬十月,王子猛卒。

免乎?」

即位,館於子旅氏。」孫氏曰:「王猛卒,《左氏》曰:「王子猛卒,不成喪也。敬王

也。 也。 王同,猛亦正 不書,敬王正 其爲嫡也,又 書王子猛者,因其卒而書子,皆 崩,降成君也。」愚謂:前兩書王猛 其曰王子猛者,言王所以明當嗣 言子,所以見未踰年之君也。 ○葉氏曰:「朝書尹氏立,而敬 也。 也。 以 别居于翟泉者非 猛之得立,其辭與義 今猛立亦不言, 所 之人 主立 王 以 與 不 而 敬 猛 明 此 日

義見《隱三年》。 十有二月癸酉朔**,**日有食之。

固已具矣。」

後學成德校訂

春秋本義卷第二十五

## 又見《莊十七年》「齊執鄭詹」。

## 春秋本義卷第二十六

昭 公

二十有三年春,王正月,叔孫婼如晉。 婼, 勑略

切、《公羊》作舍。 下同

義見《隱七年》「齊來聘」。 又爲晉執婼

起文也。

癸丑,叔鞅卒。

譏世卿也。 大意又見《隱元年》「益師

卒」。

晉 人執我行人叔孫婼

蘇 氏日 "「執之稱行人,言非其辠也。」義

晉人圍郊。

高氏 天下皆王土也,所以别異於諸侯也。」康 曰:「郊,王畿之邑。不繫之國者,

具,徐遣大夫往焉。 子蒙塵,晉爲方伯,不奔問官守,省視器 勤 王 尊 主義若是

侯胡氏

曰:「郊,子朝邑也。

當是時,天

夏六月,蔡侯東國卒于楚。

乎 ?

書『晉人圍郊』,而皋自見也。」

此書『蔡侯東國卒于楚』。 朴鄉吕氏曰:「前書『蔡侯未出奔楚』,而 《穀梁》以朱

爲東、《穀梁》所書疑是,而又脱一『國』

字爾。 卒於外 楚」,而東國之辠著矣。」 而 東國 而 身 無 書地,東國失守社稷,出奔仇讎, 何者? 死 出奔之事,疑只是一事。 於 外,書 朱無 日『蔡侯 歸 人、卒、葬之文, 東國卒于 諸侯

五三七

秋 七 月,莒子 庚 輿 來 奔

逞、《公羊》作 子 辰 · 髡、 昊 吴 詳 弑 殳 存 劍  $\mathbf{E}$ 左 信 ,必試諸 君 而 帥 敗 沈 氏 否。 楹 或 成名?』遂來 立 君過之,烏 子 頓 人 於 티 : · 逞滅 穀 義 以 胡、沈、蔡、陳、 道 梁 人,國人患之。 「莒子 見《襄 逐之。 左, 作 獲 盈 懼 存 陳 + 奔。 庚 以 庚 將 夏 四 輿 興將 力 齧 年 齊 止 虐 許 聞 死 人 父、《穀 而 口 又 之 出 衞 納 師 矣, 將 好 侯 苑 郊 聞 叛 劍 于 奔 梁》作 公。」未 羊 何 鳥 齊 雞 齊 苟 必 牧 存 父。 甫 以 鳥 之 執 鑄

胡

戊

接 徵 亭 至 救 杜 屬 舒 州 氏 則 故 玄孫。 來, 壽 無 吴 : 緣 州 既 得 雞 書 而 獨 劉 父, 楚 或 令 敗 氏 也。 雖 尹 之。 楚 卒 存 地 : 康 楚 君 侯 楚 疑 安 死 師 胡 師 楚 豐 實 日 氏 留 木 縣 滅 未  $\Box$ 龃 Щ 南 與 諸 諸 有 夏 吴 諸 侯 侯 雞 器 先 侯 相 備 百

奔

請

先

者

去

備

薄

威,

後

者

敦

陳

整旅

先 侯 不 政 疾 君 或 吴公子 州 州 者 吕 或 É 之 以 之 能 楚 幼 : 也。 來。 以 **令** 來 氏 滅 師 作 犯 不 政 整 曷 IIII 或 師  $\exists$ 楚薳 君 吴人 獲,其 事 胡 壹 狂 畏 光 : 爲 13 無 臣 威 楚 楚 日 陳、 略 摇 序 沈 爲 大 陳 八禦諸 越 令尹 克 諸 七 而 而 心 與 序 頓 威 大夫齧 事 許 其 帥 或 不 不 矣。 陳 也。」《左氏 愛, 命 師 不 則 死 胡 百 獲 鍾 序 侯 ,及諸侯之 大 同 必 役 離,子瑕卒 ? 已,是以 雖 從 楚 諸 其 壯 沈於蔡、陳、 也, 夫 先 而 小 於楚者衆 口 師 頓 侯 而 帥 奔。 不 必 故 敗 熸 頑 乖  $\forall$ 司 濟。 師 胡  $\Box$ 總 也。 來。 亂 頓 帥 心 言。 師 沈 楚 言 或 與 胡、 賤 楚 若 許 奔 旲 帥 吾 而 則 敗, 許 敗 多 師 必 沈 朴 聞 之 分 賤 皆 命 人 其 寵 熸 蔡 之 之 伐 師 救 而 鄉 則 君

牆人、直人。 六月, 王子朝入於尹

尹

幸

誘劉佗殺之。單子從阪道

劉子從尹

道

陳大 又生一楚矣。六國從楚以致敗 滅 胡 頓 亂。 掩餘 奔。」朴鄉吕氏 吴爲三軍以繫於後: 吴子從之。 辠人三千,先犯胡 ()曰:『吾君死矣!』師譟而從之,三國 也。」愚謂: 子、沈子,而 夫。 吴師擊之,三國敗,獲胡 帥左。 舍胡、沈之囚,使 吴之辠人或奔或止,三國 戊辰 楚勢稍沮 日 曰:「吴益强也。 晦 胡子、沈子滅者、言 沈與陳。 中軍從王、光帥 戰 於 ,吴復强 雞 父。 奔許與 三國争之。 沈之君及 不曰 盛 滅擒獲 吴子 **中** 右 É 滅 以 或

居于狄 《左氏》曰:「夏四月,單子取訾,劉 皆有自取之道也。 氏曰:「狄泉,即《僖二十九年》翟泉。」 泉。 子 取 尹

> 謂: 子猛 踰 蒯 劉 左巷。秋七月,鄩羅納諸莊宫。尹辛敗 樊齊以王如劉。 奂、南宫極 于王 年即位而稱 師 蒯潰。」許氏 以天王 於唐,又敗 卒,弟匄立,是爲敬 城 故敬王 以 而 成 居于 天王。」朴鄉吕 周 曰:「踰年 諸 王子朝入于王城,次于 狄泉 避子 人 鄩。 戍 朝 尹 ,非其所 尹  $\pm$ 0 居于 辛 書 單子、 子朝自 王,故 取 氏曰:「王 狄 西闈 也 泉。」愚 見見王 劉子、 敬 京  $\pm$ 攻

伐

尹

單

子

先

至

而

敗

劉

子

還

召 伯

氏立王子朝

室之亂猶

未

Ė

也。

天王

張

篡辭。 知 王是也。 尹氏,見《隱三年 曰:「立者,不宜立也。」孫 也。」陸 嗣子有常位,故不言立,王猛、敬 此言『尹 氏 曰:「又足以見世卿之惡 氏立王子朝」,其惡 × ¬ 尹 氏 氏 卒  $\Box$ :「立者, 穀 口

Ŧi. ĮЦ 0

矣。 子 尊無二上 也 朝」,則王 一。」〇吕氏曰:「既 屬辭 比 斷 子 事、《春秋 可 朝 知 之不 矣。 曰『天王居于狄 教 IE. 又 曰 而 也 争 尹 立 辠 氏 泉』, 亦 立 明 王

以

取其

辱。」

康

侯

胡

氏

日

以

周公之胄

不

見

後

能

而

後

或

家

有

疾

而

反

爾。

餘

皆譏

公數

如

晉而

不

納

八 月乙未,地震。

冬,公如晉,至河,有 義見《文九年》。 疾 乃 復。 《公羊》、《穀梁》「

有

上有「公」字,羨文也

疾而 《左氏》曰:「公爲叔 也 而 如晉至 可可 此亦書者,又以見公之不當如 復。」義 以 河 見前 乃 復不 見《二年 四 如 同者,以 晉皆不得 \* \* 孫 故如晉。 愚 其 謂 有 人 疾 此與 而 及河,有 也。 而 復矣。 自 前 義 復 几

<del>二</del> 有 外, 免死 矣。 納,可 無 能 千 方伯,此正 立身,立身而 四 憤 自 乘 自 之時 强,自 之君, 年春,王二月丙 昭公内 悱自强之心,其失國 , 恥矣。 取之哉 也。 一憂患 强 執 則 有 後 受制 而 幣 偂 疢疾,有 後 恥 能 帛 安於屈 能 行 而 於 修 戌,仲 其 後 爲 權 兩 善,爲 政令、 知 德 臣 君 辱 憤, 慧術 孫貜卒。 外外 出 之 ·, 甘 奔 保 好 知 善 則 處 智 死 其 而 憤 見 而 微弱, 於境

縛切 貜,俱

卒

婼 至. 自 晉

孫氏曰:「不言叔孫婼,前見也。」愚謂

年、定三年皆是

也。此書有疾,明公自

河乃復

+

年、十三年、二十一

年、

此

「凡公如

晉

不

得

人者六,二年公

「如晉

至

又

見《僖

十年

》「公如

齊」。

 $\bigcirc$ 

孫

氏

 $\exists$ 

譏

世

卿

也。

大意

又

見《

隱元

年》

益

師

保

牛

陵

於

此記婼見執首尾,以見晉侯執之不以其

辠,而釋之亦無爲 也

夏五月乙未朔,日有食之。

義見《隱三年》。

秋八月,大雩。

義見《桓五年》。

丁酉,杞伯郁釐卒。郁、《公羊》作鬱。

義見《隱三年》「宋公和卒」。

冬,吴滅巢。

康侯胡氏曰:「巢,楚之附庸。」與《十三

「徐取舒」。○木訥趙氏曰:「吴將謀楚, 義又見《僖三年》

年》「吴滅州來」同。

先滅其與 國。 滅州來、滅巢、滅徐,皆楚

之與國也。」

葬杞平公。

義見《隱三年》「葬宋穆公」。

一十有五年春,叔孫婼如宋。

義見《隱七年》「齊來聘」。

游吉、曹人、邾人、滕人、薛人、小邾人于黄 夏、叔詣會晉趙鞅、宋樂大心、衞北宫喜、鄭

年,鄭伯如晉,子大叔相。 父,即黑壤,晉地。」《左氏》曰:「二十四 詣,叔弓之孫,叔輒之子。 張氏曰:「黄 見范獻子。

父。 詣、《公羊》、《穀梁》作倪。大心、《公羊》作世心、後同。

獻子曰:『若王室何?』對 曰:『老夫其

國家不能恤,敢及王室? 曰:「嫠不恤其緯,而憂宗周之隕,爲將 抑人亦有言

及焉。」今王室實蠢蠢焉,吾小國懼矣。

然大國之憂也,吾儕何知焉? 吾子其

早圖之。《詩》曰:「餅之罄矣,惟罍之 恥。」王室之不寧,晉之恥也。』獻子懼,

而 與宣子圖之。乃徵會於諸侯,期以明

年。二十五年夏,會于黄父,謀王室也。

趙簡子令諸侯之大夫,輸王粟,具戍人,

石四

五. 四 二.

之 ? 天 侯 未 乃不 何盟 伯 輸 曰 詳 下 之大夫自 日 粟 信否。 事 可乎 『自踐 之不同 子奉 明 我 勢 年 於 可 將 君 周 愚謂 知 爲 ? 納 土 命 右 爲 矣。 會,其 王 以 客 以  $\vdash$ 師 ,若之何 會 來,宋何 百 Ξ. 不 宋 大 後不 敢 恤 室之亂 樂 事 對  $\pm$ 大 7,受牒 見納 室,子焉 使 役之不 而 心 宋背 如 客 日 ?  $\pm$ 此 : 而 會, 事 盟 得 而 退。 我 跡 諸 辟 無 而 + 不

有鸜鵒來巢。鸜,《公羊》作鸛,誤。

當 踰 退 飛 天下 曰:『天下 左氏》曰:「書所無 類 此 飛 濟 』、『鸛 將亂 之先,楚 而 得 至 氣 魯, 將治,則天地之氣自 鵒 之 則 雖 贵 先 天 來巢』,氣 爲 非 者 地 之氣 中 氣 也 也。」張氏曰:「邵 或 É 使之也  $\sim$ 自 患 南 春 南 而 而 秋》 北之驗 而 齊、 北 北 書 晋 鸜 而 猶 哉 六 鵒 禽 南 足 益鳥 不 鳥 子

> 爲妖 泐 草 公出 馴 其氣,則『鸜鵒 則 越 以 有 隕霜 死 皆 )i] 木 氣 至 抑 橘 奔之兆 大 以 之。 有時 有 地 不殺草,李 故 亂 南 時 氣 踰 天 自 夷 以生,有時 也 以 淮 則 也。」〇 失 迭 此 澤。 爲 知 來巢』。 其 之後 主 天 枳 鸜 梅 時 夏 有 天 葉氏 鵒來 鸜 盟 實」、『 時 晉 則 反 鵒 以 以 巢之 書 時 諸 伯 曰:「天有時, 不 死。 生,有 雪 爲 無 侯 踰 不 災, 冰』。 祥,不特 斂 競 濟 石 霜 衽事之, 時 有 貉踰 吴、 殺 地 以 菽 反 時 地 楚、 失 物 以 汶 地 昭

秋七月上辛,大雩。季辛,又雩。

甚,因 《左氏》曰:「秋 書 又 日 見《桓 : 此 者 季 辛不 月 以 Ŧi. 志 年 再 等,而 言 **%** 禦災之非 書 大,蒙 再零,旱 康 志 侯 其 上 道,而 胡 文 僭 氏 H 也 甚 日 品 數 也 旱 品 世 既 於 聖 高 禱 人 義 太 氏

芒 之來,必 之甚也。若反身 經,旱乾爲 祠之末也。 克 自 省 可禦矣。 一, 而 昭 求 相 公之時,雨 繼 修德、信用忠賢、災異 於 昭公至是,猶 而 禱 起。 祠之末,將 雹地震 季辛 不 又雩,災 四見於 ·知畏, 能 勝

乙亥。陽、《公羊》作楊。 九月己亥、公孫于齊、次于陽州。己亥、《穀梁》作

乎.

?

故書此爲後世

鑒

鉅。 郈 《左氏》曰:「初,平子拘公思 季、郈之雞鬭,季氏介其 勿内。公之使速殺之,故公若怨平子。 姑,將殺之。公若將爲之請。 後「公至自齊,居于鄆」觀之,直齊邑 境上邑,未敢直前,故次於境。」愚謂:以 孫,見《莊元年》。 昭 平子怒,益宫於郈 伯 亦怨平子。 杜氏曰:「陽州,齊、 臧 昭 氏,且 伯之從弟會,爲 雞,邱氏爲之金 展,執 平子使豎 讓 之。 申 爾 故 夜 魯

乃走。 季氏。 言若洩,臣不獲死。]乃館於公。 世 若 子 難 子家懿伯,懿伯 臧 人之所及也。』公果自言,公以告臧孫 戈以懼之,乃走。又使言,公曰: 『非 不出,數月不見,公不怒。 使侍人僚祖告公。公寝,將以戈擊之, 獻 能 讒 ,怒,拘 圖 以 不克,君受其名,不可 孫 ,其衆萬於季氏。 於臧氏,而 庸 弓於公爲,且與之出 求 也 以 先君之廟。』大夫遂怨平子。 公曰:『執之。』亦 公爲告公果、公賁。公果、公賁 。』公退之。 克,事不可 難 臧 0 氏 告郈 老。 逃於季氏,臧氏 曰:『讒 孫,郈 必也。 辭曰 將 臧孫曰:『此之謂 禘 孫 射於外,而 於襄公,萬 人以 爲也。 且. 無 以 又使言,公執 命也。 君 政在焉,其 與 可,勸。 執 徼幸,事 聞 舍民數 叔孫昭 旃。 命矣, 謀 . 者二 公若 懼 告 去 不 平. 而

費, 戈, 臣 之。」 合。 將 弗 請 氏 徒 Æ 馬 多 子 冰 無 又 曰 : 殺 鬷 藴 取 而 以 叔 與 日 口 如 弗 公 闞 踞 戾 君 知 食 往 孫 無 君 許 請 公之於 『我,家 於 言 使 必 藴 也 焉 氏 其 君 公居 待 遂 陷 悔 蓄 於 郈 也 不察臣之辠,使 許 我 沂 請 逐 西 之。 衆怒 其 孫 爲 之 ! 孰 上 之。 門 民 以 於 北 臣 鬷 之徒 衆 逆 利 將 以 Ŧi. 隅 長 也,不 不 戾 弗 遂人 日 孟 ??」皆 生心。 察皋。』弗 府 孟 乘亡,弗許。 以 政 可  $\Box$ : 聽 者 懿 氏 自 人 蓄 : 衆 之。 若 子 敢 使 九  $\vdash$ 之出 也。 郈 矣, 乏 然 知 有 月 登 生 公 : 孫 平 叔 則 或 何 許 计 戊 徒 西 心 日 久 蓄 無 曰 子 ? 孫 救 討 北 戌, 釋 矣, : 人 而 季 凡有 子 登 氏 同 請 臣 莫對 隅 氏 甲 慝 弗 家 求 隱 伐 之 必 臺 人 以 作 治 是 季 帥 司 殺 將 民 子 於 干 季 以 執 丽

擇

任

忠

賢

待時

循

致

不忍一

朝

之忿

求

手 賦 氏 己 望 昭 忠 蒯 鄆 軍 室 日 日 君 家 昭 :『余不忍 政 亥,公孫 殺 咋 子 伯 季 公 於 盡 專 公 嫡 日 殺 氏 不 動 帥 於 以 矣。 在 征 明 容 立 意 而 師 其 君伐 季氏 之於 其 言諸 一庶,魯 見 公子 乎 如 而 取 家 行父片言, 于 叔 之 消 獻 卞 半. 也。 臣 臣 0 齊 南 孫 憖 於此 謀 事 息 也, 矣。 僞 君 舍 門 曷爲 之旌 奔 者 次 盈 與 君 劫 於是乎 中 之 不 君 于 虚 臧 受 也 君 重 所 西 魯 以 不 之 而 陽 也 者 命 孫 以 謂 勝 之 不 聞 理 東 兼 州 如 遂 几 失 告 救 屯 羣 而 敢 門 伐 世 墓 有 政 台 Œ 難 負 臣 軍 氏 不 矣。 康 其 魯 謀,遂行 孟 公 也 、皋以 之 身 政 改。』公 侯 徒 亦 禄 É 逐 氏 率 時 作 在 遂 東 胡 無 去 執 出 也 南 其 門 子 民 E 郈 敢

品

品

稠

父

而

欲

同諸

大夫去之,不亦

妄

在

季

氏

已

几

世

一,魯

君

喪

政

E

四

公,

而

以

其 私 石 欲 氏 丽 日 :『天下有道 以 羣 小謀之, 一,則 其 及 禮 樂 也 征 宜

逞

世 哉 伐 希 自 不 天 子 失 出 矣。 無 自 道 大 夫 則 出 自 · 五. 諸 侯 世 出 希 蓋 不 失 +

大夫 ൬ 諸 四 侯 專 世矣。』 專 白周 É 魯 隱 東遷,天子始失政 始 É 隱 至 昭 凡

矣。』又曰:『禄

之去公室五

世矣,政

逮

於

十世

矣。

自

東

門

襄仲

殺

適立

庶

魯

侯

始

定,凡五 失 國 而 世 大夫專。 也。 自季文子、武子 專自宣公始, 秉魯 由 宣 以 至

至平子 父欲去三桓 又 四 一,張 世 公室 矣。 而 此宣 未 能 公之末 也。 自 年, 是 以 歸

駒 所 來,魯君世 亦 謂 謂 民 不 魯 知君 君 一從其失,季 失民 何 7,季氏 以 得 氏世修其勤 或 得 衆之久也。 而樂祈、子家 史 政 黑

> 乎? 宜 其 所 以 唁,音 見逐也。」

齊 彦。

侯唁公于野 唁, 弔 生 也。 井。 何 氏 日 : 弔 失 或

 $\Box$ 

唁

杜

人將帥 欲 駒 君 失魯,而 禄 憂,寡人之憂也。」公喜。 使 先 井。」《左氏》曰:「齊侯將唁公于平陰,公 來 氏 日 自 有 : 不 至 唁公,公不 殺之,何如?』子家 無 日 芦疆 「唁公者 再,天若 司 于 信,不如早之晉。』弗從。」《公羊》 敝 待 野 濟南 季 以 以 賦 井。 于平陰,爲 氏 千社 西,請 以 爲 何 ? 祝 胙 敢遠勞,故 從 齊 無 柯 爲臣,誰 君 執 侯 致千社 道 縣 不過周公,以魯足矣。 昭 事 東 近故 僭 將 駒 :『寡人之皋也。』 唯 有 殺 以以 於公室久矣,吾 與之立? 子家 日 命 野 也 迎之,往 季 : 待 是 井 諸 氏,告子家 子曰 聽。 亭。 君 齊 侯僭 命 侯 二。『天 Н. 君之 至 齊 於 齊 野 侯 :

ti 四 Ŧi.

之辭 次于 公于野 徒能 孫氏 歷,晉侯 Ш 之而敗焉。 輅,朱干、玉 何 公。三十一年,季孫意如 公于野井。 矣,君無多辱焉。」昭公不從 婁委己者也,而柔焉。 舞《大武》,皆天子之禮也。 天子,大夫僭 劉 僭矣哉?」子家 也。 乾侯,不得入於晉也。 氏 之賊,晉不能 唁公,此 曰:「不能討季氏之辠,而徒能 日 井,齊侯之惡,亦可 使荀 齊,大國 二十九年,齊侯使高 走之齊,齊侯唁公于野 戚以舞《大夏》、《八佾》, 於諸 次于陽州,不得 躒 齊 信公 侯 也,不 侯 之惡 駒 久矣。』昭 日 于 而戮之,既與 乾 也。 季氏 能 一設 會晉: 侯。 討 且夫牛馬 見矣。」〇常 此言齊侯 其言, 季孫 意 入於齊 得 兩 公日 荀 唁 如 觀 張 民 躒 意 於 衆 慰 井。」 終 于 來 唁 乘 也。 如 魯, 唁 昭 殺 安 適 唁 以 久 維 大 吾

> 之也。」 爲哉 會于 款公、故三書唁 亦以甚矣。 書曰 唁公, 昭公徬徨於外,以待二國者 適 歷 晉 侯 又 而齊、晉之君 之惡 亦 使 以表之。」康 荀 明 亦 躒 其 可 唁 無 見 公于 納 臣 矣。」葉 公 方且以空言 侯 乾 Ŧi. 之 胡 年,流 侯 實, 氏 氏 何 日 H 譏 離 所

譏世 卒 卿 也。 大意又 見《隱 元 年》「 益 師

曲

棘

冬十月戊辰,叔孫婼卒。

十有一月己亥,宋公佐卒于 師,則 也。 縣。 氏 有 曲 曲 日:「諸 棘,杜氏 愚 義又見《隱 棘 書之。 謂 里。」《地 侯 曰:「宋地,陳留 不爲 卒于 雖在國,不卒於其都,亦 譜》:「外 三年》「  $\pm$ 他國,及卒于會,卒 事 而 宋公卒」。 卒 黄 Ŧ 外 在 他 黄 開 所 縣 封 非 雍 城 陸 禮 中 丘

逐

君

討

茍

躒

蓋

公自齊至

于魯邑,亦可謂公至自

齊

-有二月,齊侯取鄆。

氏 鄆 西西 也。 鄆,見《成 吕 氏 H :「齊侯取 四 年 齊侯 鄆 以 蓋取 處 公也。 之季

不能討意如,以正君臣大義,而獨取鄆

以處公,其無意於善而忽遠略可知也。」

○高氏曰:「齊侯若以取鄆之力,會諸侯

一十有六年春,王正月,葬宋元公。

取

邑居之,無意於納公也。」

杜氏曰:「三月而葬,速。」義又見《隱三

年》「葬宋穆公」。

三月,公至自齊,居于鄆。

外,不告於廟明矣,而亦書「公至自齊」,凡公行,返而告廟則書。至今昭公在

矣。 也。 晉,三書齊、晉唁公,五 厚季氏之爲利。 晉,至河乃復」,蓋晉以政 矣。○黄氏曰:「《春秋》先五書「公 著而莫之救 由 于鄆」,則公失其 諸侯之所居,故居于國 來 居于 漸 益 矣。 知 書 鄆,不得 也。 故君子 法 不 觀 所 可 其後 入國 常謹 也。 昭 以 公之事 凡 兩 書居 其微 公失其所,其所 都 都 例 書 不 不書。 也。 求 鄆,四 在 公 可爲 惺 也。 如 公,不若 或 其 書「居 齊、如 都 居,處 書在 禍 永 如 之

夏,公圍成。《公羊》作郕。

乾侯,以至於薨。

嗚呼,悲夫!」

叛也。」 其邑, 見公之失政 成,見《桓六年》。 君,其辠咸具矣。」〇孫氏曰:「其國内皆 書公圍成,則季氏之不 甚矣。 成 者 魯 康侯 臣,昭公之不 邑,而 胡 公自 氏 日 韋

五四七

鄟,音專,又市轉切。 秋,公會齊侯、莒子、邾子、杞伯盟于鄟陵。

與 能 盟主 杜 又見《隱元年》「盟于蔑」。 民,外見 宋、衞、陳、鄭皆不與矣,齊、莒、邾、杞 見拒,是伯 于鄟陵,謀 欲納公,猶恐不克,況徒盟 氏 爲 公者寡,不 一、公數 乎? 曰:「鄟 絶 於諸 書 如 納 主已不與矣。 陵,地闕。」《左氏》曰 公也。」邦 四 晉 · 與 而 侯。 或 者 不納,及次乾侯,晉 同 衆 雖 盟 也。 · 衡胡 于 齊、莒、邾、杞 平時 鄟陵,見 而 内 氏 已乎?」義 見 曰 : 司 棄 .盟,如 於 諸 晋 何 又 盟 實 臣 爲 侯 尹

公至自會,居于鄆。

義見前。

九月庚申,楚子居卒。

冬十月,天王入于成周。 義見《文十八年》「秦伯卒」。

及能反正,然後辠人竄跡,皆上之人有

城。 泉 成 王城,見王室之亂粗定,而 ○東萊吕氏曰:「平王 周 而 人也。 王子朝之亂, ,見《宣十六年》。 王至此 其黨多在 僅入 東遷,定都于王 人于 成 猶 周 不得 王城,敬 成 有所畏也 周 Œ 自 位 王 狄

氏、召伯、毛伯以王子朝奔楚。 畏之,徙都成周。」

黨相 楚。 先書『天王入于成周』,而後書『子朝 賊 敗 王氏曰:「子朝,天子之子,謀亂王室,兵 楚』者,由嗣君不正,故 天王居 教導,故 而 而 傾五 存耕趙氏曰:「寵嫡不早別,遂使 奔夷狄,皋不容誅矣。 不殺,其辠大矣。 日尹 于 六年而後定。」愚謂: 楚受四 狄泉』,而 、氏、召伯、毛伯以 後 〇高 書『立 亂 臣 然由 氏 得以乘之。 曰:「先  $\pm$ 王 子 子 三子 朝 朝 所 書 亂 兩 奔

公至自齊,居

**一** 

見《二十六年》。

見

與,可爲永鑒矣。

一十有七年春,公如齊。

著明也哉

爲人之君而見逐於其臣,求救於人而不

書奔楚者,見王室之令不行 夏四月,吴弑其君僚

不書弑君之賊,見《文十八年》。

義 見

《隱四年》衞 州吁 事

不歸

也。」康侯胡

氏曰:「子朝有寵

於景

奔

於天下,故逋逃辠戾之人,楚敢受之而

以

召之也。

楚殺其大夫郤宛。 郤、《穀梁》作郄

義見《莊二十六年》「曹殺大夫」。

秋、晉士鞅、宋樂祁犂、衞北宫喜、曹人、邾

人、滕人會于扈。

三國稱人, 微者 義見《文十一年》「會于承筐」。 也。 扈,見《文七年

是,而

天下不以

爲是。

踈薄子

猛,將

期

公,則止矣。

景王寵愛子

朝,將

期 於

見

口

以私愛是,亦不可以私惡非,卒歸於

楚,何也?

是非

有

出於人之本心者,不

王,爲之黨者衆矣,卒不能立,至於

冬十月,曹伯午卒。

義見《隱三年》「宋公卒」。

邾快來奔。

矣。《春秋》詳書,爲後世戒,可謂

深

切

心,兩棄之也。

王猛、子朝之際,危

亦甚

於見非,而天下卒不

以爲非。

徒設

此

邈氏曰:「自此以前,邾畀我、庶其並來 義見《僖二十八年》「元 咺 奔晉」。

邾、 奔。 魯鄰國,而聚其逋逃,故悉書之。」 今邾快又至。三叛 人俱以魯爲主。

公如齊。

五四四

九

見。」子家子乃以君出。」存耕趙氏 之子日 子曰: 『朝夕立於其朝,又何饗焉? 公至此,悔亦晚矣。] 義又見前 齊勤矣。 飲酒也。」乃飲酒,使宰獻而請 公淹恤于鄆,恃齊求復三年矣,公之求 左氏》曰:「公如齊,齊侯請饗之。子家 重,爲齊侯夫人,曰:『請使 齊無 納公之意,而公不察也。 安。 子仲  $\Box$ 其 重

公至自齊,居于鄆。

義見《二十六年》。

高氏曰:「六月而葬,慢也。」義又見《隱十有八年春,王三月,葬曹悼公。

公如晉,次于乾侯。 三年》「葬宋穆公」。

丘故城。」孫氏曰:「公連年如齊者再,皆邑。」《地譜》:「大名府成安縣東南有斥杜氏曰:「乾侯在魏郡斥丘縣,晉境内

氏,不恤 哉?」任氏曰:「齊、晉,大國也,皆與 之六卿,即魯之三家也,其 入于晉也。 於晉,其窮辱若此。」〇木訥 不見禮,故如晉也。 昭公。 公既不見禮於齊,又不得入 中 或 次于乾侯者,不得 主盟 趙 所 忍 氏 以 傷 曰:「晉 在 其 季 夷 類

狄乎!

夏四

月丙戌,鄭伯寧卒。寧、《公羊》作甯

義見《隱三年》「宋公卒」。

六月,葬鄭定公。

杜氏曰:「三月而葬,速。」義又見《隱三

年》「葬宋穆公」。

義見《隱三年》「宋公卒」。 秋七月癸巳,滕子寧卒。

冬,葬滕悼公。

氏專之也。」愚謂:滕,小國,魯未嘗會其高氏曰:「公不在國,凡喪葬之禮,皆季

葬。 至 此 會葬者,見季氏 之求 悦 於 葬 鄰

或, 無所不至也。 義又見《隱三年

宋穆公」。

十有 九年春,公至自乾侯,居于 鄆

杜氏 義見《二十六年》「公至自齊,居于鄆 曰:「以乾侯至者,不得見晉侯故。

齊 侯使高張來唁公。

君。子家子曰:『齊卑君矣,君祗辱焉。』 左氏》 曰:「齊侯使 高 張來唁公, 稱 主

齊侯 也。 公如乾侯。」高氏曰:「唁于野井,齊地 今在鄆 今復唁 ,乃魯地,故直 公者,以公自 鄆 言 如 來 晉 而 不 르 爲

晉 也。」鄱陽 所 納 張氏曰:「諸 故 使高 張來、 唁,乃所 侯失國,託 以 於諸 嗤 公

鄰 侯 侯,禮也 宜 或 討 修方 其 伯 昭 臣 連 公見 而 帥 納之,可也。 之職,請於 逐於 强臣、孫 天王 乃徒 於齊, 使唁 糾 齊

悉書之,乃深著齊侯之辠耳

之,是助

季氏爲虐也。

兩唁皆淺

Mi

公如晉,次于乾侯。

高氏 未有如公者。《春秋》書之,所以深辠季 復不受,故次于乾侯。諸侯 曰:「公復如晉,冀晉見 恤 出 也 奔, 狼 而 狽 台

氏之惡,與諸侯之不救也。」愚 謂 晉 侯

宜哉

坐視昭公之奔而不少恤,其不

爲伯

主

世

夏四月庚子,叔詣卒。詣、《公羊》、《穀梁 》作

譏 世 卿 也。 大意又見《隱元年》「益 師

卒」。

秋七月。

冬十月, 鄆潰。

任 氏曰:「昭公無 德 可 懷,而 季氏之威 口

畏。 欲託 大國 一; 而 齊 不 容。 欲 適 盟 主

而晉不受。 民 以爲 不足繫屬 也 ,是以適

ħ.  $\pi$ 

然驚 既  $\pm$ 舍 氏 散,所 齊 曰 「齊取 而之晉,故 以甚言公之無託也。」〇貫道 鄆,公居鄆,畏齊不敢 鄆 亦 叛之。 自 此 叛 邑

亦無有,而終于乾侯,悲夫!」

三十年春,王正月,公在乾侯。

侯,猶 其 彼 此 誅 |與《襄二十九年》「公在楚」 在 夷 亂臣、正名 日 狄 以 而 朝 未返, IE. 之 分、傷 日 此 則 世 而 失 變之意 公 或 在 而 同 乾 É 客 意。 侯 見 乎 寄 於 乾 ? 但

言外,可以爲永鑒矣。

夏六月庚辰,晉侯去疾卒。

秋

八月,葬晉頃公。

年》「葬宋穆公」。此又見魯侯在外,而杜氏曰:「三月而葬,速。」義又見《隱三

冬十有二月,吴滅徐。徐子章羽奔楚。羽、公

聽。

吴子怒,冬十二月,吴子

執鍾

吾子,

姓

以待其

(歸,將

焉

用

自

播

揚

焉

?

 $\pm$ 

終不遠矣。

我

盍

姑

億吾.

鬼

神

前

寧吾族

異

姓

平.

?

其抑

亦將卒以祚吴乎?

其

季

氏

使

會其

葬

爾

羊》作禹。

其徙。 《左氏》 養。 人執燭 不 比 也,而棄在 以 疆,使柔服焉,猶懼 如 西 城父與胡 於諸 子,辛 知 諫 重怒之,無 莠尹然、左司 天將以爲 日 : 庸。 Ē. 華。 使 苦同之, 『吴光新 監 田 海 「吴子使徐 光 二公子奔楚,楚子大 馬 以與之。 濱,不 乃不可乎。 虐乎,使翦 又 尹大心逆吴公子,使 甚 將 得 馬沈尹戍城之,取 國,而 文,將 與 其至。 用 人執 之也。 將以害吴也 姬 通, 喪吴國 吴,周之胄裔 親 自 吾又 掩 其 今而 司 餘, 若 民 於 彊 好 封 而 使 先王。 始大, 視民 其 吾 封 而 鍾 大 邊 子 於 居 吾 讎 定

吴子 子 楚沈 子 遂 伐 章 處之。」義見《僖三年》「徐取 唁 尹 徐 羽 防 戍 而送之,使其 斷 帥 其 Ш 師 (髪,攜 以 救 水之。 徐,弗及,遂城夷 其夫人,以 邇臣從之,遂奔楚 己卯, 舒 滅 逆吴子。 徐。 ?,使徐 徐

三十有一年春,王正月,公在乾侯。

《穀梁》作櫟。適,丁歷切。季孫意如會晉荀躒于適歷。躒,力狄切季孫意如會晉荀躒于適歷。躒,力狄切養見《三十年》。

《公羊》、

啚 故 于 侯 杜 必來,我受其無咎。』季孫意如會晉荀 何?』晉人召季孫,獻子 而 將 氏 出 適 不 歷 君 以 來 曰:「適歷 ? 師 季孫 則 荀躒 納 有 信 公。 練冠 君 日 不 ,晉地。」《左氏》曰:「晉 不 : 范 臣 麻衣 『寡君使躁謂吾子, 事 獻子 矣。 跣 周 使私 日 行 有 然 7,伏而 :『若召季 常刑 後 焉 伐之,若 9 三子 對 子 日 其 躒 孫 何 :

猶 意 及 之亂成乎晉也。」康 且. 若以臣爲 齒 能 미 歷」,晉侯之爲盟 反 師 也,敢有異心?』」未詳信否。 而 也,亦唯 事 相爲 不朽。 以 意 也。」朴鄉吕氏 誅 知矣。」○邦衡胡 與 賜之死。 曰:「季孫,逐君之臣也。 君 誅 如 亂 之會,書 ,臣之所不 其 禁姦 也 君。 囊橐久矣! 臣 晉 若 有皋,請 而 若 · 悖 得 若以先臣之故,不絶季 君 納其 日 弗殺 從 亦 君 日 主 · 得 君 意 昭 臣 侯 人 君哉?」 氏 口 也, 弗亡,君之惠 而 「士鞅、意 之義 胡氏 於費,以 公 如 曰:「書之,以 當是時,晉之六 見,荀躒之爲 歸 也,其肯并心 敢 會 不 曰:「齊、 逃 益日 則 晉不辠之 刑 茍 古 待君之察 知 陸 如 命 ? 躒 其 臣 氏 互. 也 于 見 之 爲 從 人 聞 死 氏 願 卿 臣 於 唇 É 魯 滴 而 君

夏四月丁巳,薛伯穀卒。

義見《隱三年》「宋公卒」。

侯使荀躒唁公于乾侯。 子 曰 : 君必 公,不得歸 季 歸祭。』子家子 於寡君。』退而 其皋之恐,敢 者 事 君之好,施及亡人,將使歸 敢 曰:『寡 慚乎?』公曰:『諾。』 衆曰: 『在一言矣 左氏》曰:「季孫從智伯 有 Ż, 孫 逃 死,君 必 逐之。』 如 則 與 君使躒以君 君與之歸,一 河 不 君 其人也!』公曰:『君 能 歸 荀 與 茍 穀梁》曰 謂 見 曰:『君以一乘 躒以 。」公欲 知 躒 夫人。 季孫:『君怒未怠,子姑 魯國 掩 命討於意 晉侯之命唁公,且 慚之不忍,而终身 耳 :「唁公不得 從之,衆從 之難 而 己所 如 走, 糞除 乾 ? 人 能 如 曰:『寡 侯。 意 於魯師 見 宗 臣 惠 夫人 者 桃 顧 如 子 於 叠 君 復 以 先

晉,而 乾侯。 甚 又使 陳洙 言 於其 大國 屑 反 也 君 乃 之禮及魯侯 日 也 掌 者 屑之禮問 ,世爲牧伯,主諸侯之盟,討 專 使 。」《左氏》近是。 無實,陰 『晉侯使荀躒來唁公』,所以見晉侯空 高 了,又世 耳 國,惡 氏 也 其 或 哀天 《春秋》一皆書之, 豈爲 □ -張唁于鄆。 大夫會其 不 不能 得 八下 微 交其臣, 爲 逆之大者也。 之唁之,皆從 入,而 不 昭 盟 即 公出 弱之甚 得入? 主 誅 叛臣, 晉侯 莘老孫氏 意 晉侯 而陽 奔 昭 如 齊 也。 公久 恬 而空言唁公,書 而 書 使 信其 逆 侯 無 納 馬,蓋鼻 荀 季 濟 納 留 昭 唁 티 : 風區 君 孫 躒唁公于 晉, 亂, 於 公,徒以 而平之, 于 公 意 也。」〇 之意 野井, 云台 外, 大國 皋之 弔唁 如 逐 寓 爲

秋,葬薛獻公。

魯也。

日

既爲君言之矣,不可者,意如

義見《隱三年》「葬宋穆公」。○高氏曰:

葬。」愚謂:亦與《二十八年》「葬滕悼公」「季氏恐失鄰國之歡,故使人會其喪

意同。

冬、黑肱以濫來奔。肱、《公羊》作弓。《吴氏詩補音》

云:弓、肱同音。

孫氏曰:「不書國,脱之也。」杜氏曰:

「濫、東海慮昌縣。」義見《襄二十一年》

不在國,而季氏受之。季氏無君,故叛「邾庶其來奔」。〇貫道王氏曰:「魯公

君而來者無不容也。」

十有二月辛亥朔**,**日有食之。

三十有二年春,王正月,公在乾侯。

義見《三十年》。

取闞。口暫切

杜氏曰:「闞,魯邑。」張氏曰:「案,昭公

之難 侯而内取闞,非公意也。」未詳是否。 之利而戕其民,無復國之慮也。]〇石 吕氏曰:「取闞,言公之無遠圖,求 闞,公氏將溝焉。 曰:「取闞, 叔 孫 如 如 闞。 取 小郭、取 此魯地而 定元 邿之類。公在 年, 季孫 公取 之 使 也。 役 目 氏 乾 下 如

夏,吴伐越。

楚子伐吴,故始用師於越,而國自是年》「徐取舒」。○高氏曰:「前此,越與《左氏》曰:「始用師於越也。」義見《僖三

秋,七月。

亡矣。」

冬,仲孫何忌

會晉韓不信、齊高

張、宋

仲

幾、

小邾人,城成周。世、《穀梁》作大。《公》、《穀》莒人下衞世叔申、鄭國參、曹人、莒人、薛人、杞人、

有邾人。

何忌,仲孫貜之次子懿子也。杜氏曰:

六

矣。 子。 遠 崇文德焉。 俾 晉,請城成周。 父 成 以 之望歲,懼以 Ŧi. 六年》。《左氏》曰:「王使富辛與 日 重 世 年。 有 "『與其戍周,不如城之,天子實云。 圖 周 古 文之業,弛 親 我 屏,晉之力 叔 之。 兄 榮施,先王庸之。』范獻子謂 昔成王合諸 昵 Ŧi. 之城,俾 盟 申 弟 或 甥 主 余一人無 俾我 舅,不皇啓處,於今十年 並 稱 世 宣昭 今我欲徼 有 叔 待 也。 戍 周 亂 天子曰: 『天降禍 微 人無 儀 室之憂,徼文、武之福 人無徵怨於 令名,則 時。伯父若肆大惠,復 侯,城成 日忘之, 閔閔焉如農 心,以 者 孫 其 勤 也 委 也 福 諸 爲伯父憂。 諸 假 周,以 余 成 或 伯 靈 侯 一人有大 周 參 父,伯 百 於成 用 見《 姓 爲 寧 子 石張 魏 -,勤戍 而 東都 Ŧ 於周 獻 我 宣 産 父 蝥 一,修 願 實 夫 子 伯 賊 如 + 之

事? 之亂 以 盟 不信 諸 慢,大夫用事,皆可見矣。  $\pm$  $\pm$ 事 謂:京師者,天子之居。 遠邇,量 數、揣高卑、度厚薄 『天子有命,敢不奉承,以奔告於諸侯 雖 效諸劉 遲速衰序,於是焉 一城,僅 爾 令役於諸 侯, 事 ,且令城 有 参春 如 粗定,而 後 魏 晉 丽 子。 京 事 事 獻 入于 或 使 秋》在 師 期, 成周。 晉 大 子 無 一合諸 韓簡子臨之,以爲成 侯,屬役賦 猶 成 勿 憂。 티 : 夫, 計 所 有 周 與 徒 則 所 前 不 侯 『善。』使伯 是之 知 士彌 在?』冬, 庸 王室 書。 仞溝 懼 之大 可 諸侯 也。 慮 丈,書以 也。 牟 不 使以時,城之常 微 今王不 財 洫 夫 務, · 誉 城之,見 況諸 物 物 用 從 弱 成 晉 于 音對 而 王 諸 周 魏 土 狄 授 書 侯 得 又 命。」愚 命 一方,議 ; 計 泉, 舒、韓 帥 餱 侯惰 焉從 不 王 居 以 共 室 尋 於 士 紓 TITI

十有二月己未,公薨于乾侯。

春秋本義卷第二十六

後學成德校訂

## 春秋本義卷第二十七

定 公名宋襄,公子昭公弟。

元年

春,王三月,晉人執宋仲幾于京師

盟 適 宰日 幾不 日: 亦以 以 鄱 之始,雖 楚, 統 陽張 ,曰:「凡我同盟,各復舊職。」若從踐 「孟懿子會城 受功,日 月,此 定公未立 故我 『宋爲 氏 無 曰 : 常從 史法之常也。」愚 事 無 : 當 或 **流道**,絶 『滕、薛、 爾、無他 書王正 宋。 成 未有 周。 晉文 我 君 郎,吾 月。 小 而 庚 義 或 公爲踐 寅,栽。 也。 稱 謂 今不書者 於周,以 元 役 《左氏 年 也。」 凡 土 宋 追 之 薛 仲 我 書

徵 子命 神其 視諸 湯左 夏車 辭 曰 : 得 役諸 侯胡氏曰:「案《周官》司肄掌凡囚 之義,諸侯不得專執,況大夫乎? 侯之戍。」未詳 三月,歸 此之謂矣。 然。』薛宰曰:『薛之皇祖 土,若從宋, 於 而 有 執 相。 『晉之從政者新 Ė 抑 忘乎?』士伯怒,謂韓簡子 故府。』仲幾曰:『縱子忘之,山 舊? 侯 人,宋徵於 我 ? 諸 仲幾於天子之側,甚矣。]〇 一仲 以 若復舊 奚仲遷 爲 京 必以 神, 亦 宋役, 幾 師。 信 唯 鬼,宋 誣 티 : 仲幾爲戮。』乃 職,將 於邳 否。 命 城 我 亦其 『三代各異 ,子姑受功。 三旬 也。 仲 孫 仲 皋大矣。 承王官,何 Æ 奚 幾 職 啓 而 虺 仲 日 也。」 E 寵 畢 居薛,以 : 居 ·, 乃 物, 執 納 且. 士: 薛 踐 歸 春秋》 仲 侮, 己 非天 故 執人 歸 11 彌 薛 以 土 幾。 康 諸 鬼 吾 其 無 薛 牟 焉 以 爲 爲 古

五五九

張

氏

曰:「季氏親

逐其

君、暴露

七

月

而

後

寇之職 篡弑 之側 之事 亂 典,凡卿大夫之獄 熄矣。 之前。 次 故雖 屬於司寇。 也。 以王 不告諸 履 霜之漸,每謹於 事討 凡諸 訟 司 有皋,猶 斷 寇 侯之獄訟 以 而 邦 執 法 不 人於 初 口 定 則 也 大 以 天 而 ), 皆 禍 子 百 邦

之,且 乾侯。 而哭。 日 日 陸 不中吾志也。 「羈 .∘ \_|≪ 不敢見。」叔 氏 未 定公待昭公喪至既 曰:「凡公即位皆於朔日,故 得 聽 左氏》 季孫曰: 叔 見,而 命焉。』子家子不見叔孫,易 孫 請 日 孫使告之曰:『公衍、公爲 從 : 見 吾欲 『子家子亟言於我,未 君 子家子,子家子辭 叔 以 孫 與之從政,子 出 成子逆公之 殯 君不 而 即 命 位 而 必 喪 不 故 曰 薨 11: 幾 干 書 書

> 乾侯。 者,人 秋 得 將 也,則 將 月之戊辰,蓋 癸亥,然後喪至。 龜 告。』對曰:『若立 子 則 實 公之薨已越 者皆自壞 》詳書於策,乃見諸 專 使 逃也。」喪及 在 從 唯 羣 羈 也。 羣 子 臣 政 君 口 戊 是 之 臣 知其 弗 也 此 隤 聽 願 不 辰,公即 昭公之薨、 敢 皆 反。 葬 也 得 遲速 出 寇 知 子 知,猶 季 事 壞隤,公子宋先人,從 0 也 而 家氏 君 凡從 六月癸亥,公之喪至 孫 君 位。」康侯 進 而 若從君者 出 ·; 則 而 之 定 者 定 退 未得返,至 君 行 未 若公子宋 未 願 有 「, 行 爲 公即位 事 有 公 出 知 卿 也 意 ,,爲 之 後 而 胡氏 其 叮 士大 如 可 即 使 則 永 季 人 世 乃 所 7日:「 以 主 於 位 不 貌 夫 鑒 也 孫 制 入者, 社 , 六 爾。 在 若 與 敢 而 願 不不 春 月 是 昭 自 公 守 羈 羈 出 以 與

斁,君 此 返 鍳也。」 或 以 見 黜 子 亂 嫡 罔 臣 而 不 擅 立 衋 或 不 正,至於 傷 定公不 心,此 喪 正 所 歸 謂 君 爲 立 綱 永 淪 本

秋七月癸巳,葬我君昭公。

始得 咋 以自旌 焉。 《左氏》曰: 之,以自信也。 合諸墓。」義見「葬桓公」,此又見八月而 昭公於墓道南。 使子孫知之。』對曰: 榮駕鵝曰:『生不能事,死又離之, 季孫 葬 也 也。 問 季 於榮駕鵝曰:『吾欲爲君謚 縱子忍之,後必或恥之。』乃 孫使役 將焉用之?』乃止。 孔子之爲司寇也,溝 『生弗能 如 匦,公氏將 事,死又惡 溝 葬 而

立煬宫。 義見《桓五年》。

者何? 宫,未 八世 公立 退。 否。 子禱 《公羊》曰: 訓 者也。宗廟有常制,魯之廟已異矣。 十二世矣,神靈 地所不容,何 不安,則諂 章也。」〇木訥趙氏曰:「小人爲惡,内 伯禽子也。」《左氏》曰:「昭公出,故季平 宫、煬宫,皆以非禮創立,亦同淫祀耳。 「違禮背義,言天下之亂,無復有綱紀文 乎?」黄氏曰:「季氏果以 也。 武宫,固已違制,又立煬宫,是魯祀 宫廟即 康侯 於煬公。 必增附羣公昭穆之廟。 煬公之宫也。」杜 胡 天子七廟,而 鬼 「立者何? 遠,有毁 氏 有 神以 九月,立煬宫。」未詳信 曰: 何在? 於煬宫? 要福 耐 喪 無 不宜 事 魯之廟 立之,所謂媚 氏 立。」吕氏 即 季氏逐君,天 自 私 遠,有 曰 : 立 煬 禱 也 至 或者武 而 易公, 昭 其 進 立 F 成 口 竈 煬 無 :

名 雖 煬, 而實則非矣。」未詳孰是。

冬十月,隕霜 殺 菽 隕、《公羊》作實。 菽、《左氏》或

作叔

菽,先 者。 言 無菽、未詳 殺 ≘ Ŧi. 菽 儒以 則 行 爲 志》曰:『菽,草之難殺者 其 知草皆死矣。」未詳是否。 義。 豆也。以 董子曰:「菽,草之强 夏正言之,此 也。」 然 時

義 則在 於陰陽 不和 ,而寒極備 耳。

二年 春,王正 月。

夏五 月壬 范 氏 日 辰,雉門及兩觀 : 雉 門,公宫之南門。 災。 觀,古亂 切。 兩 觀 闕

子皐門。 也。」孔氏 曰:「《明堂位》云:『庫門,天 雉門,天子應門。」是魯之雉

謂 門,公宫南門之中門也。 之闕。』郭璞曰:『宫門雙闕。』《周禮 《釋宫》云:『觀

使萬 大宰》:『正月之吉,縣治象之法于象魏 民觀治象。」鄭衆曰:『象魏,闕也。』

> 警魯也。」 愚謂: 矣。」 然爲 劉 兩 大輅,天子之禮也。 熙《釋名》云:『闕,石門 觀 貫道王氏 道。」兩觀 與雉 門 俱 曰 : 與象魏 災, 亦爲十月新作雉門 「子家羈 則 魯僭周,天災 兩 闕 觀 物物 兩旁,中 在 設 雉 而三名 兩觀、乘 門 之旁 及 所以 ·央闕 兩

秋,楚人伐吴。

觀

起文也。

《左氏》曰:「桐叛楚,吴子使舒鳩氏誘楚 人,曰:『以 師臨我,我伐桐,爲我使之無

舟於豫章,而 忌。』秋,楚囊 楚師於豫章,敗之。」未詳信否。 瓦伐吴師於豫 潛 師 於巢。 冬十月,吴 章。 吴人 義 軍 見

冬十月,新作雉 《僖三年》「徐取舒」。 門 及 兩 觀

此 者,彼但譏其侈肆,此則譏其僭禮,而 書新 作,與僖 二十年 新 作 南 門意 不 百

夏四

而 秋,葬邾莊公。

僭

 $\pm$ 

制

而

不 能

革

也。

劉氏

티 :

「習舊

畏

天

譴

也。

康侯

胡氏

日 : 「

書新作者,

譏

葬宋穆公」。

門

兩

於

杜氏曰:「六月乃葬,緩。」義見《隱三年》

冬,仲孫何忌及邾 子盟於拔。 皮八反、《公羊

作拔

也。

以

爲

非

不

起也。」愚

廩災

事

也

也

喪, 杜氏 知。」義又見《隱 而以吉禮 曰: 坂, 與 地闕。」高氏 魯 元年》「盟 大 夫盟 于 曰:「邾子居 則 蔑 其 微 弱 邦 口

衡胡氏曰:「邾莊公卒未踰年,而邾君出

盟,邾固可辠。 君子不奪人之親,亦不可 何忌與之盟,又甚焉 奪親 也。 何忌

邾子當喪而出盟,奪親 也。

四年春,王二月癸巳,陳侯吴卒。

陳子侵楚起文也。 義見《隱三年》「宋公卒」。 此又爲三月

五六二

776

月。

必 謂: 觀僭矣。 觀乎此,則《春秋》不書常事,亦可見矣。 雉門、兩 無足恤也者,弑父與君所由 不 知以是爲僭也,蓋以爲無足恤 季氏之脅其主矣。」〇吕氏 新作之,皆不書者,義所當作常 知 大室屋壞,新宫、桓宫、僖宫、御 其 非,觀變而不知以爲戒,無怪 觀獨 既災而又復作,魯之君臣 書者, 僭而 不改,非常 曰:「雉

其説,不

李氏曰:

「三傳皆無

知

何故復

不顧

邾

子之喪,而

與之盟,奪

人之親

三年

春,王正月。公如晉,至河乃

復

也。」義見《昭二年》。

一月辛卯,邾子穿卒。二月、《公羊》、《穀梁》作三月。 義見《隱三年》「宋公卒」。

此又爲仲孫

何忌及邾子盟起文也。

子、滕子、薛伯、杞伯、小邾子、齊國夏于召子、鄭伯、許男、曹伯、莒子、邾子、頓子、胡三月,公會劉子、晉侯、宋公、蔡侯、衞侯、陳

陵,侵楚。

侵也。 鼷 能爲 之老,元戎啓行,中 之役,六七十年 之後,晉、楚不復有大戰。一旦有 殯出會, 辠亦可 楚,深以辠其志卑而 以見其勢之足以有爲 年》「會諸 劉子,見《 會,使吴人乘其後而收入楚之功。 有若此其盛者,僅侵而退,自 也。 當是時,楚 張氏曰:「書十八國諸侯之衆,所 而晉自此微矣。」愚謂: 侯于召陵」。 昭 十三年 知。 ·間,無 有 可 或 ○戴氏曰:「自 \* \* 義不勝,終之以 諸 亡之勢。 此 也。 侵楚,先會而 侯大抵皆在,未 召陵,見《僖 大舉 而終之以 相 也。 失 盟 陳 傾 此 天 于 召 鄢 子 天 機 泉 子 背 陵 陵 無 侵 後 几

Ŧi.

矣,悲夫!」下之勢,折而入於吴,中國之伯,於是絕

歸,殺之。《公羊》作公孫歸姓,後同。 夏四月庚辰,蔡公孫姓帥師滅沈,以沈子嘉

臣失道至此者,皆由 能制則爲之矣,此與禽獸奚辨?」 歸,殺之,其辠極矣。 陸氏聞於師 蔡侯也。」義又見《莊 歸、皋沈子不死 〇吕氏曰:「蔡公孫 曰 : 於 書滅, 位 不知 姓滅沈,至 也。 春秋之世,諸 十年》「齊滅 皋蔡 分義。 言殺之, 也。 苟 以 又辠 力 譚」。 侯 沈 書 所 子 以

月,公及諸侯盟于 凡,故不再序。」陸 黄氏曰: 之大夫,僅一侵楚,無 城臯亭。」愚謂:以十八國諸侯,挾 子不與盟也。」杜氏曰:「繁昌 即 會 泉 于 氏 召 鼬 曰:「重言諸 陵之諸侯。 功 由又切、《公羊》作 而 還。 縣 此 東 前 侯 盟 天 南 目 劉 後 有

設,諸侯解體可知也。義又見《隱元年》

「盟于蔑」。

杞伯成卒于會。成、《公羊》作戊。

會卒也,故不得言卒于師。」愚謂:言卒貫道王氏曰:「侵楚無成,既盟將散,在

于會,紀實事耳,非有他義也。義見《隱

六月,葬陳惠公。

三年》「宋公卒」。

高氏曰:「此見陳侯背殯出會也。」義又

見《隱三年》「葬宋穆公」。

許遷于容城。

乎? 之間 氏 高 可 任氏曰:「容城,華容縣亦析之近地 氏 知。」義又見《成十五年》。 日 曰:「自葉遷也。 許之四遷,蓋 日見迫逐,雖欲自保其社稷,不 「安土重遷,人之常情,況 以 至是四 小國 而 [遷,其 介乎 貫 强 道 有 微 也。 미 或 或 Ŧ. 弱

大夫之喪,而

魯有

往

也。

昔者周人有

月、公臣自會。 得矣,終不免於滅也。

公始以會出,故以會致,踰時矣。義秋七月,公至自會。

又

見《桓二年》「公至自唐」。

劉卷卒。卷,音權。

《公羊》曰:「劉卷者,天子之大夫也。」杜 《春秋》卒天子之大夫者三,而書葬者 公之庶子。」趙氏曰:「畿内諸侯不同 自文公以前,王 劉卷卒,又書葬,以 之大夫,外大夫也。外大夫不卒不葬 又爲葬劉文公起也。 之。」愚謂:不特譏來告,亦譏魯卒之。 國,故不言劉子卷卒。 氏曰:「即劉盆也。」貫道王氏曰:「劉 卒尹氏、王子虎,以其來赴也。 室 尚 來赴而 〇石氏 强,至此愈微矣。 亦譏 又我會之也。 來告,故書 曰:「天子 列 獻

不會天子之喪,而 會 爲 大 當 夫之葬 親 之 也 冬十 舉,楚師 有一 敗 月 績。 庚 午,蔡侯 柏 舉,《公羊》作伯莒,今本《穀 以 吴子及 楚 人

戰

於柏

甚 矣! 禮,人臣 無 外 交, 況 畿 内 諸

伯舉

喪

周

人弔,

魯

人不

弔

以

今

列

或

侯乎。」

葬 杞悼公。

義見《隱三年》「葬宋穆公」。

楚人圍蔡。

義 見《莊 + 年  $\stackrel{\cdot}{\approx}$ 荆 敗 蔡 師

1: 一鞅、衞 孔 幸 一士: 帥 師 鞅**,** 伐 鮮 虞。 鞅。 圉、《公羊》作 圉, 吾

晉

杜

氏

日

即

范

孔

孔

羈

吴子伐楚。舍舟於淮

汭,自豫章與楚夾

幾 孫。」貫道 役 矣。 王氏曰:「晉之有事於鮮虞,凡 楚 韋 蔡 而 不 恤 偕 衞 以 伐 中

矣。」義 又見《昭十二年》。

Ш

孰

輕

孰

重

邪

?

晋

業

之卑

不

可

望

葬 劉文公。

貫道 與 交往之禮。今會其葬,記 王 氏 Eİ. 「天子畿 內 諸 侯 非 列 禮 或 也。

> 乾與 位 孫 楚之殺郤宛也,伯氏之族出。 以 地 。」《左氏》曰:「伍員爲吴行 ,見《桓十 ,無歲不 嚭,爲吴大 其大夫之子爲質於吴。 有吴師。 四年》。 宰 以 謀楚。 杜 蔡侯 氏 日 因之,以 楚 人以 冬,蔡侯 自 伯 柏 昭 州 [舉,楚 謀楚。 犂之 其子 王 即

漢。 子 子常曰: 『吴用木也,我用 也,不如 擊之,必大敗之。』既謀 隧、直轅、冥阨。 之上下,我悉 而 好司 左司 速 馬 馬,若司馬毀吴舟於 戰。」史皇謂子常曰 戍謂 方 城 子 子 外 濟 常 以 漢 曰:『子公 而 毁 而 行。 其 革 伐 也,不 舟 之,我 武 : 淮 還 『楚 漢 城 入 塞 黑 自 可 塞 而 城 惡 謂 後 大 與

五六五

不

免。』乃濟

漢

而

陳

自

小

别

至

於

大别

 $\Box$ 

而

人,是獨

克

吴也。

子

必

速

戰,不然

 $\equiv$ 

戰,子常

知

不

可

; 欲

奔。

史

皇

日

安

:

不出, 也。」以 許。 績 吴伐楚 緇 之卒奔 者,其此 其卒必 於柏舉。 之,初辠必 求其 曰:『楚瓦 徐取 普 既 夫概王曰: 『所謂 事 墮,夷裔 合十八國之君,不能伐楚,而 舒」。 故 其屬 · 難 , 楚師亂, 吴師大敗之。」愚謂 奔。 争伯之 蔡 之 蓋 不仁,其臣莫有 盡 侯 而 謂 Ti. 廬之弟夫概 ○孫 而 横 逃之,將 去晉 説。』十一月庚午,二師 千,先擊子常之卒。 由 也。 後 恣 氏 也 大  $\Box$ 求 今 相爲盛 師 : 救 何所入? 義 臣 楚 日 繼之,必克。」弗 王, 晨請 於 義而行,不待命 又 我 死志,先伐之, 人圍 見《 吴。 衰。 死 · 楚 僖 一蔡,晉 書此 子必 楚 於闔 三年 吴子 子 可 師 常 唐 敗 見 陳 死 師 廬

> 敢 口 見矣。 伐之,此吴、晉 故自是,諸侯大小皆宗於吴。 之事 强 弱 之勢, 較 然

楚囊瓦 ^ 其國兵,不能 左氏》曰: 出 奔鄭 「子常奔鄭。」愚 死 耐 出 謂:

庚辰,吴入楚。《左氏》作野,陸 出 不免 象 及 人及之,奔食而 口 夫概王曰:『困 免,後者慕之,蔑有鬭 又見《僖二十八年》「元 左氏》曰:「吴從楚師,及清發,將擊之。 涉 郢。 擊 以 奔 也。」從之,又敗之。 而 睢 吴 己 致 師。 卯 死,必 鍼 尹 楚 庚辰,吴入郢,以 獸猶 從之。 古 子 敗 與 取 我。 鬭  $\pm$ 奔,其辠著矣。 其 氏曰: 心矣。 呵 , 況人乎? 敗諸 可 妹 若 楚 奔 舟,王 晉」。 季 使 「誤也。」 人爲 雍澨,五 先 #: 半. 班 使 畀 濟 囊瓦 濟 楚宫 食,吴 若 執 我 而 者 燧 以 戰 後 知 知 敗

子

Ш

處令尹之宫,夫概王欲攻之,懼而

定

其

取

分

厭

鄰

於

君

國,

幾亡。

然

去

楚

mi

也。」義

又見《

僖

犯

中國二百年,中

或

吴

師

大敗,吴

子

13

稷

越

在

草

以

荐

食

上

申

包

胥

如

子

能

復

之,

我

吴

師

敗

楚

師

於雍

澨

師

子

帥

奔

徒,以從子西,

敗

夫

概

 $\pm$ 

一於沂。

吴人獲

渍

使

楚

人

先

與

吴人

戦

而

百

乘

以

救

楚。

子蒲

 $\Box$ 

胥

以

秦

師

至,秦子

師

居

麇。

又

戰

吴

師

敗。

初

伍

員

與

申

『我必

復

 $\pm$ 

而

己

爲

吴人從之,謂 秦乞 王寢,盗 國。 楚實 · 莽。 王。 陽之田 又竄之,周室何皋? 弑 包胥 楚國。』申包胥曰:『勉之。 焉 必 人在 人 師 王。 疆 虐 使下 隨 之。 能 盡 埸 始 日 友,其亡也, 若楚之遂亡,君之土 ,君實有之。」楚子 攻之。 人 其南 之。 興之。」及 鬭 之 於楚, 隨 臣 辭 楚子 辛 人曰: 患 告急 昊 天誘其 吴, 吴 也。 與其弟巢 子期 爲 王 涉 寡 日 昭 奔 睢 封 『周之子 君 逮 謂 人 衷, 王 似 鄖 豕 濟 失 旲 夷 君 申包胥 乃 王, 長 在 江 守 之 德 若 致 以 鄖 隨 退 蛇 未 社 在 無 挑 劉 顧 孫  $\pm$ 公 不 歸 吴 吾未 蒲、子 乃出。 伏。 又 又 射 自 哭,日夜不絶聲,勺飲 辭 哀公爲之賦《無 而 也 敗 於 繼 能 戰 師 告。」對 稷會之,大敗 之, 戴氏 柏 下臣 若 制 吴 於 於 知吴 虎 日 舉。 軍 五年夏,申包 以 公壻 師 此聖 假 帥 祥。 曰:「楚陵 君 『寡 日 何 道 手 車 ]: 『寡 靈 旲 其 之谿, 敢 於吴 拞 人之所傷

報周

室,漢

於楚,而

君

在

漢

][

者,

奔隨

辛之弟

懷

將

於雲中。

人

聞

命

矣

子

姑

就

館

將

啚

即

安?

立

依

於

庭

牆

而

不人

П

七

日

秦

君

越在草莽,未

獲

所

衣

》,九

頓

首

而

坐,秦

師

撫

之,

世

以

事

君

秦

伯

使

去之,夫

概

 $\Xi$ 

公宫之北,吴

五六七

衆,止 舉 城 僅 以 濮 年 以 郢,慘烈 之戰,吴能 來 耳 身免,此吴之盛 能 肆 徐 禍 二伯既 取 盟 不 中 舒 勝之、囊瓦既奔 道,甚於水 或 屈完于召 0 往,莫有能 齊 高 也。 桓 氏 陵 晉 火。 日 自是諸 與抗 文 之, 吴 舉 蕞 敗 楚 侯 爾 人 者 得 中 自 大 楚 長 臣 或 春 柏 小 昭 騙 于 之 秋

芒 不 . 俛 首,與吴爲會,中 或 愈 不 能 抗

至 黄 池之會,而 春秋終矣。」

作正。 Ŧi. 年 春 王三月辛 亥 朔 日有食之。三、《公羊

義 見《隱  $\equiv$ 年

夏, 歸粟于 蔡

諸 粟。」高 杜 不行矣。 侯之正 氏 日 : 氏 然當是時,諸 日 一 蔡 春 爲 秋之 楚 患 難 所 世, 量, 相 救 侯不供 相 飢 乏,故 攻 有 相 無 職貢 滅 相 魯 鵬 於天 此 歸 道 此 之

> 敗吴勝 之實也。 賊 聖人所以 與吴相授, 子,  $\sim$ 蔡粟,非 春 也。 至 秋 使 》貴 蔡 乃歸蔡粟,徒畏吴 濟 天 追其 爲楚 小惠不足貴矣。」 義 而敗楚人 其 王 難 有 不 意而辠之也。」〇石氏 所辱 貴 求 而 惠。 於 而 賙 郢 下 不 故 其 或 小仁施 能 無 而 魯畏 救。 則 也 己,無 知 者 而賂之。 今 蓋 夫 見楚 救 大仁 以 魯 日 555 蔡 歸

於越人吴。

後,欲 據 或 稱 於定、哀時者, 於越,即 種,有東越、 曰:「越之三見於 改號 名爲越,故 楚 也 自 書 。」《左氏 别 越 旦 於羣 也, 南 經 於 見《昭 越  $\Box$ 越」, 越,始改號 據 於越。 昭 其 閩 公時者, 號 猶 越 Ŧi. 書 越 楚 年 蓋 甌  $\Box$ **%** 入吴,吴在 初 爲 當 越。 曰越; 稱 越」。 於越,故 時 莘 荆 昭 老 越 其 三見 有 孫 定 公 楚 後 時 數 氏 巡

爲 兵黷武之戒昭矣。 方人楚,而 也 ら、」愚 盛衰,又可見矣。 謂 : 於越入吴。 楚伐 滅 中國不振,而夷狄 中 ·國,而 義又見《僖三年 據 事 吴入楚。 直 書,而 旲 相 窮

六月丙申,季孫意如卒。

男斯

歸。速、《公羊》作邀,後同

六年

徐取

舒」。

《隱元年》「益師卒」。國爲德,而忘先君之讎也。」大意又見以大夫卒,魯於是不可爲矣。定公以受談世卿也。貫道王氏曰:「意如逐君,而譏世卿也。貫道王氏曰:「意如逐君,而

不敢,叔孫婼之子成子秋七月壬子,叔孫不敢卒。

也。

譏

世卿

也

大意又見《隱元年》「益師卒」。

冬,晉士鞅帥師圍鮮虞。

鞅圍鮮虞,報觀虎之役也。」未詳信否。中,獲晉觀虎,恃其勇也。五年冬,晉士《左氏》曰:「三年,鮮虞人敗晉師於平

二月,公侵鄭。

不能服 春,王正月癸亥,鄭游 不 許 君子是以惡晉也。」義又見《昭十二年》。 在 氏 鮮 日 : 虞 ,則又圍之,兵益忿,義益不勝, 「晉始以 也。 而晉不自反,縱兵橫加而 土 地之故 速帥 師滅許 與鮮虞睽,咎 1;以許

遷。 年》「齊滅譚」。 不 或 其 非楚人累敗於吴,故鄭因乘許之弱 後,許復見者,楚又存之也。」 杜氏曰:「游速、大叔子。」《左氏》曰: 怨舊矣。 鄭滅許,因楚敗也。」高氏曰:「鄭、許之 死社稷,亦 ,又以諸 暴邪?」任氏曰:「以大夫而 鄭游 許人本恃楚以 速 侯歸,其惡 無足道也。義又 出,滅 ○張氏曰:「自哀元年以 其 甚矣。」愚 或 古 而 其 俘 或 謂 見 其君,豈 至於四 滅 莊 許男 人之 而 肆

又 或 邦 一,以 見《莊十年》「公侵宋」。 衡 胡 事 氏 攻 日 伐, :「内有强臣之讎,而 此 《易》所 謂 危 行 也。 遠 去其 義

公至自侵鄭。

義見《桓二年》「公至自唐」。

夏,季孫斯、仲孫 孟 焉?」獻 曰 不 詳 斯,季孫 曰:『陽虎 《左氏》曰:「孟孫立於房 孫 以 何 知 爲 爲。 寡 其釁,以 中 意如 子 君 若 軍 義 謂 有 何忌如 不能 司 見 簡 子 官 馬 爲 ^ 子 桓子 隱 居魯, □: ¬; 者 必 將 適晉,故 七 也。 使 有 年 魯 其 而 如 **>** 外,謂 息肩於晉,所 人 人。 先 卿 强 患 齊 君。」 爲 陽 如 鞅 來 范 之請 晉, 虎 獻 何 聘 獻 矣, 子 知 子 未

> 信否 故 得 爲 復爲之請於伯主之國。 亡國之禍,必自其禍之所起矣。」俱未 二子之力,專國擅 發。 大 亂 之效 事 《春秋》 以宣其指,原 也。 彰 雖 然,不 往 君,而 察 指 來, 以 介 此 湯陽虎: 見 晋 而 其 其 慎 權 無 能 變。 亂 於 所 制 幾微 忌,必 之, 篡君 亦 詳 不 方

秋,晉人執宋行人樂祁犂。

^ Ļ 今子 楯 必 告其宰 而 H 唯我事晉,今使不往,晉其 左氏》曰: 公謂 往。』陳 六 行 主趙 + 唯 於 趙 君 陳 樂 簡 寅日 氏,又 簡 亦 寅。 祁 「宋樂祁言於景公曰: 子 子 以 曰 : : 逆 陳 我 有 陳 寅曰:『必 而 爲 子立 納 寅 唯 飲 知 焉。 之酒 寡 後 難 : 人説 而 而 一昔 以 於 行,吾室亦 憾矣。』樂 行 使子往 楊 子之言, 吾 緜 也。』見 楯 主 E 賈 范 諸 獻 禍 氏 他 子 祁 涿 侯

秋》本

其

禍之所

搆,

自二子之使。

夫

以

以

取

人焉

。」劉

氏

 $\Box$ 

|: | 陽

虎,陪

臣

也,而

執

或

命

欲

蕩

覆

公

室

以

自

封

久

矣

^

春

弗 於宋。」范獻 可 爲 也 Ē, 子言於晉 然子 死 晉國,子孫 侯 曰:『以 君 必 命 得 越 志

疆 而 使,未致使而 私飲酒,不敬二君,不

見《莊十七年》「齊執鄭詹」。 可不討 也。」乃執 樂祁。」未詳信否。

冬,城中城

家,倚 品 諸侯有 王氏曰:「中城,公宫城也,成九年城矣。 穀梁》曰: 欲固其堂奥也。 道,守在四 城以自守,是 「城中城者,三家張也。」貫道 其 鄰。 能 外 魯定 徹 國乎?」義又見 其藩 不 籬,而 能 制 品

季 孫 斯、仲孫忌帥 師 韋 鄆 0

隱七年》「城中丘」。

見《成四年》。 杜 氏 日 :「何忌不言何,闕文。」鄆,西 邦衡胡 氏 曰:「昭公居 鄆 鄆

鄆 今季氏 潰 而 自以兵攻之,得 歸季氏,則 鄆 爲 季氏 非 叛 季氏 所 據 乎? 久 矣。

> 義 年 ·, 齊 見《 昭 來 + 歸  $\equiv$ 年 鄆 ¥ 讙 龜 崖 陰 費  $\mathbb{H}$ 則 此 愚 蓋 案 : 叛 季

七年春,王正月。

氏

而

歸

齊

也

義

夏 四 月。

秋,齊侯、鄭伯盟 鹹,見《僖十三年》。 于鹹 東萊吕氏曰:「晉自

平丘之役,不能以

德義結諸侯,至於召

于鹹。」義又見《隱 陵之會,諸侯皆貳 而叛 故 齊侯、鄭 于蔑

元

年
| 盟

齊人執衛 行人北宫結以侵衛。

行人, 所 齊侯求衛 以 而 通 衞不從,因 命 也。 齊 執行 人執 人以 之以侵 侵衞。 衞

齊侯、衞侯盟于沙。《公羊》作沙澤

其辠著矣。

義又見《莊十年》「公侵宋」。

氏 杜氏曰:「陽平元城縣東南有沙亭。」張 曰:「元城,後屬大名府。」愚謂: 衞服

fi. 七

伯

盟

齊 而 爲 此 盟 也。 義見《 隱 元 年》「盟 于

大雩。

義見《桓五年》。

齊國夏帥師伐我西鄙

難。 《左氏》曰:「齊國夏伐我。 齊師聞之,墮,伏而待之。處父曰:『虎 子,公斂處父御孟懿子,將宵軍 不圖禍,而必死。』苫夷曰:『虎陷二于於 不待有司,余必殺女。』虎懼,乃還, 陽虎御季 齊師。 桓

九月、大雩。

又見《隱二年》「鄭伐衞」。

知時之或可,而不知己之不可者也。」義

以懷諸侯,而欲力征經營以定伯統,是

齊伐之。景公乘晉之衰,不思惟德之務

也。」許氏曰:「東夏諸侯、惟魯事晉、故

不敗。」貫道王氏曰:「齊景又欲合魯

春秋本義卷第二十七

冬十月。

時

再雩、旱甚也。

義見《桓

五年》。

後學成德校訂

786

## 春 |秋本義卷第二十八

公之舉動,故未踰時而致之,且爲

下復

乃

呼

曰:『猛

也殿。」」高

氏

曰:「魯政

在公矣,而

三家者實使公。

《春秋》因

見

## 定 公

月,公侵齊。三月,公至自侵齊。 八年春,王正月,公侵齊。 公至自侵齊。

曰:「公侵齊,門於陽 杜氏曰:「報前年伐我西鄙。」《左氏》 州。 士皆坐 列

州人出,顔高奪人弱弓,籍丘子鉏擊之,

曰: 顔高之弓六鈞,皆取

而

傳觀之。

陽

顔 與一人俱斃。 息射人中眉,退曰:『我無 偃且 射 子组,中 勇,吾志其 頰,殪。

目 也。」師退,冉猛 爲傷足而先。 其兄會

> 任氏曰:「三月之間而兩侵鄰國,無尺寸 出 之功,而 不得休息,見公之進退,益不自專矣。」 侵齊起也。 恤其民,甚矣。」義又見《莊十年》「公侵 侵 齊。 重丘山之怨。 雖三家之所爲,然乍往乍來, 前此未得志,故踰月之間再 輕用其忿,而不

宋」。

曹伯露卒。

義見《隱三年》「宋公卒」。

夏,齊國夏帥師 伐我西鄙。

謂矣。義又見《隱二年》「鄭伐衞」。 報上二侵也。《易》曰「自我致寇」,魯之

公會晉侯于 瓦

杜氏曰:「瓦, 衞地,東郡燕 縣 東北 有 瓦

五七三

亭。」 張 氏曰: 即 滑 州 白 馬縣。」 愚 謂 :

義 在 公會晉師 故 不 書 晉 卿 名。 以 諸 侯

二見當 時 惟 知 附 勢,而 不 顧 理之不 之尊,越國

|會諸|

侯之師,一

見魯之微弱,

可 也。

公至自 瓦

義見《桓二年》「公至自唐」。

秋七月戊辰,陳侯 柳卒。

義見《隱三年》「宋公卒」。

鞅帥師侵鄭,遂侵衞。士、《公羊》作 趙

晉

石氏

曰 :

三國

叛晉,故

士鞅

帥 師

侵鄭,

遂侵衞。」義見《莊十年》「公侵宋」。

葬曹靖公。

義見《隱三年》「葬宋穆公」。

九 月,葬陳懷公。

年》「葬宋穆公」。 杜 氏曰: 「三月而葬,速。」義又見《隱

桓,尚

厭魯人之心,始置昭公於先公之

季孫 義 斯、仲孫 見《莊十年》「公侵宋」。 何忌 帥 師 侵 衞

杜氏

三二曲

濮,衞

地。」義見《隱元年》

「盟于蔑」。

冬, 衞侯、鄭伯盟于曲

從祀先公。

庚》曰:『兹于大享于先王,爾祖 馮氏曰: 「從祀者,言隨而祭之也。 其 從 <u>~</u> 盤 與

享之。』《曾子問》曰:『祫于太廟,羣主 皆

功臣從祀之址。 從。」歷代宗廟郊社之址,皆有五 詳其 事,始新主人廟之 帝 山 111

域,不使與先 定之初,其喪雖 君 同 歸,季氏 !;既 而 尚 止 葬 欲 於 溝 墓 絶 其 道 南 地

意。始,昭公爲季氏所逐,而卒祀於外。

也。 而已。 五年,意如卒。 以是 而 觀, 則 六年,陽虎欲 昭 公未嘗 得 去三 人 廟

公者 久,未 内 得 諱 從 也 昭 康 穆 戒 都 車 日 : 癸 巳

而 侯 祔 胡 氏 陽貨始 : 昭 公之主 以 昭公之主從祀 雖 太廟

廟

而

祀

焉

爾

不言

昭

事 蓋 雖 欲著季氏之辠,以取 順 , 其 情 則 逆。  $\sim$ 春 媚於國人。 秋》原 情 然其 制 法

故 日 『從祀先公』,其亦 深 切 著明矣。」

而 愚 謂 祭之,蓋不當給而給 "從祀先公者,凡已祧之主,皆得 也。 袷而不言 大 隨

以 者 事 也。 寓 于太 意 焉 故 廟者, 爾。 不 言大事 非 然無所考,不敢質言之。 時 而 而 祫 言「從 將 以 祀 是 先公」 爲 常 焉

盜 竊 寶 玉大弓

也。 史策,故 陸 寶玉者,封圭也。大弓者,武王之戎弓 夏后氏之璜 氏 周 曰:「陽虎,家 公受賜,藏之魯。」未詳 書日 ,封父之繁弱。」《穀梁》曰 『盜 寶玉大弓』。」杜 臣 也。 其名 不合登於 孰是。 氏  $\Box$ 

叔 自 衢 子 乎?』對曰:『不敢愛死,懼 服 之。』對日 期。 孫曰: 日 林 盾 父告孟 必 左 以以 焉。 以 Ē 楚曰 門 及 夾之,陽 而 氏 騁,陽 : 陽虎前 間 於子,先 伐 爲公期築室於門 何後之有? 『往也。』孟 『吾弗聞。』處 違之,徵 :『而先皆季氏之良 孫 日 射 孟 『臣聞 曰:『季氏 陽 越 越殿。 氏 驅 陽 越、殺之。 射之,不中,築者闔 備 林 死 虎 公斂處 諸。 命 氏 將 將 楚 後。 選 死 父日 戒 享 而 如 御 與 幸 外。 無 都 至。 季 父帥 能 蒲 桓 陽 陽虎 孟 人之壯 益 : 『然則亂 車 氏 子, 以 甫 虎 也 孫 不 林 成 于 於主。』 我 成 」,爾以 爲政 何故?』孟 劫 以 免主。」 虞 宰 桓 楚 蒲 人,自 適 公 門。 <u>I</u>: 怒 者 子 公 甫 與 孟 斂 馬 桓 是 咋 以 辰 魯 而 也 武 百 桓 有 及 氏 子 或 総 謂 鈹 爲 處 殺

宫,取 之廟而 寢 又戦 東門 子,孟孫懼 公斂陽請追之,孟孫弗許。 余?』從者曰:『嘻 曰:『魯 耐 爲食。 於 人, 寶玉、大弓以 出 棘 人 與 下, 聞 而歸之。子言辨舍爵於季氏 陽虎入 陽 其 余 陽 氏 徒 出 氏 戰 曰:『追其將 ! 於讙 敗。 於 出,舍於五父之衢 喜於徵死 南 速駕,公斂陽 陽 陽 門 虎 之 關 陽欲 説 内, 以 , 何暇 甲如 至。』虎 叛。 弗 殺 在 勝 公公 追 栢

既

事,藏之。』然則

寶

玉大弓,宜

藏

之祖

大

/寶器

藏焉。

若有

大祭,

則

出

而

陳之。

曰:「寶玉大弓,天子 未 夏 四 月戊申,鄭伯 義 見《隱三年》「宋公卒」。 蠆 卒。 蠆, 勅 邁 切。 《公羊

九

年春,王正月。

莫有抗之者,則國

亂

無

政

可

知矣。」

出,故因從祀先公,竊取寶

玉大弓以行

陽虎以

陪臣

執國

命,將

殺季氏,不勝而

之,遂爲盜所竊。

是時公室卑,三桓弱

廟,有禁令焉。今因從祀先公,出

而

陳

詳信

否。

常山劉氏

得寶玉大弓。

陽關。 《左氏》曰:「陽虎歸寶玉大弓。 晉。」未詳 敬之心耳。 弓,子孫罔敢失墜,以 出 奔 齊。 陽 信否。 虎 齊 古者告終易 使 侯 焚 執 康 南 陽虎, 《侯胡 門。 昭先祖之德,存 氏曰:「寶玉 逃,奔 代,弘璧琬琰, 師 驚,犯 宋,遂 六月,伐 之 肅 奔 而

爲天子之戎器,蓋成王以是賜魯,是先

君之分器

也。

《周官》:『天府之職,掌

祖

廟之守藏

與其禁令。

凡國之玉鎮

與其

曰 :

「《明堂位》以大璜爲天子之器,大弓

政

可知矣。

志其

不恭之大也。」〇

高

氏

保之,不可失墜。

而爲盜所竊,

或

慢

無

所賜先君之分器,藏之於國,子孫

世

世

玉, 兑之戈, 和之弓, 垂之竹矢, 秋,齊侯、衞侯次于五氏

天球

夷

莫不

陳

列,非直

爲美觀也。

先 王

一所寶, 杜氏 曰:「五氏,晉地。」未詳是否。

義見

《莊三年》「公次于滑」。○邦衡胡 氏 日:

「《春秋》有書師次者,有書君次者。

書

民社 師次、惡其勞師 也。 或 君無 徒 王命 也。 而遠民社,危 書君次 ,惡其遠

口

能守。

而

盜

得竊諸公宫,其能

或

乎?

魯失其政,陪臣

擅權,雖先公分器

猶不

傳及其身,能全而歸之,則可以免矣。

知矣。」

秦伯卒。

國家者,各知所守之職,不敢忽矣。] 〇

臣,見不恭之大也。此義行,則有天下

故失之書,得之書,所以譏公與執政之

不名,闕文也。 義見《文十八年》「秦伯

卒。

冬,葬秦哀公。

之爾。

還,而不獲盜者以正

典

刑,則亦幸而

得

高

氏曰:

「書『得寶玉大弓』,以見器之空

謂:

經書「盜竊寶玉大弓」,又書「得寶玉

盜竊之辠,於誰責而可乎?」愚

大弓」。

若爲穿窬所竊,而今復獲之,未

蓋至是與中國 秦,夷狄也,卒之且 無間 矣。 不可 , 況會其 葬 平

十年春,王三月,及齊平。

平前八年,公再侵齊,及齊伐我西鄙之

六月,葬鄭獻公。

見陽虎竊之歸之者,在來者考焉。

杜氏

曰:「三月而葬,速。」義又見《隱三

年》「葬宋穆公」。

怨也。 曰: 「暨齊平」,齊欲之而魯與平也,「及 義見《昭七年》「暨齊平」。○或

五七七

Ti. 七八

龜

Щ,

今

東

齊平」,魯欲之而 齊與 夾,古洽切, 平. 也 又古協切。 未詳 是 否 《公公

羊》、《穀梁》作頰 夏,公會齊 侯 于夾谷。

漢 孫氏曰:「夾谷 東 海 祝 其 縣 有 齊 夾 地 Ш 即 張 海 氏 州 日 懷仁 : 魯 縣。」 地

未 詳 熟是。 義見《隱 九年》「會于防」。

公至自夾谷。

義 見《桓二年》「公至自會」。

晉 趙 鞅 義 見《僖十九年》「宋圍曹」。 帥 師 韋 衞

齊 人來歸 鄆、蘿、龜陰 田。鄆、《公羊》作運。《穀梁

 $\Pi$ 上有之字。

賵 汶 來 陽 ,齊人來歸 歸,來魯 田 也 歸 泰 衞 田 山博品 俘同 也。 縣 與宰 北 杜氏 有 呵 龜 日 來歸 了: 三 Ш 陰 仲子之 田 邑 在 皆

其

北

也

任

氏

:

鄆

即

昭

公

時

齊

取

以

歸

公者。

至

是

并

以還魯二邑,與

龜

陰

俱

子相 謂 夾谷之事,匹夫之勇,智者之所不爲,而 歸。」三田 皆齊之所侵,既 之在邦内者; 龜陰,其山之陰也。 讙,陽虎之邑也,虎挾之以 齊人侵 鄆、讙、龜陰田。」 愚謂: 及齊平。 里。」讙,見《桓三年》。 在 葉氏曰:「鄆,前 孔子爲之乎 汶 夾谷之會,退萊 水 之,齊人歸之, 北。 夏,會于夾谷。 之歸,《 與齊平 左氏 見圍 兵 在 》、《穀梁》皆 孫 蓋蓋 其 土地,天子所封 而會,故 泗 而 氏 無 故齊人 入齊。 叛 謝 水 王 而 過 可 附 北 反 龜,山 非 三田 知 齊 來 謂 七十 而 矣。 也。 孔 來

仇、 作費,誤 叔 孫 仲孫何 州仇、 也 仲孫 忌 帥 師 何 韋 忌 郈 帥 師 郈 韋 音后 郈 、又去聲。 秋, 叔 孫 州

州 仇 叔孫 不敢之子武叔也。 杜 氏 日:

魯之 矣。」 克。 子以 對 孫 懿 我 馬 馬 武 城 平 口 而 吾 郈 子 卒。 氏 殺 Ē Ē 縣 無 日 乎?』遂殺公若。 叔 以 "『臣之業,在《揚之水》卒章之四言 叔 告 也 ,使公若爲郈 ,公若藐 東。』《左 之憂,社 叔 韋 侯犯殺公若。 鹽 叔 劍 公南使賊 孫 必觀之。 孫 。」使如之。 而 縣 孫 郈 過 稽首。 謂 無 東 氏 朝,公若必曰誰 弗 事, 郈 邑。 南 一氏》曰:「初,叔 古 稷 克。 I 有 諫 必不可矣。 之 駟 射之, 師 任 吾僞固, 郈 曰 宰。 患 赤謂侯犯曰:『居齊、 秋,二 公若曰:『爾欲 駟 弗能。 氏 : 鄉 侯犯以 也。 赤 不可。」 E 0 武 不能殺。 티 : 無 子 叔 將若之何?』 而 之 其圉 「邱叛。 子盍求事 鹽 孫 復 既 二郎 劍 授之末, 地 成子 在 成 韋 定,使 也 譜 公南 人日 子 鄆 非 郈 吾 武 吴 立之 唯 欲 州 於 弗 叔 Ŧ. 則 郈 叔 稱 爲 立 東 須

:

:

甲焉。 子以 門 懼 犯 人大 至。 也。 敢 每 赤 偪 矣,子不如 氏 日 齊 齊 『侯 以 死 出 請 將 以以 。』衆兇 使 魯,必倍與子 以 射 駭,介侯 而得 駟赤使周 出 行 至 臨 叔孫氏之甲出, 備不虞?』侯 門, 郈人閉之。 駟 侯 \_ 許之。 之,侯犯 犯將 民 駟 赤 犯 紓焉,何必 懼 犯 ? 易 赤 日 請 謂 於 以 犯之門甲 與 : 走 不 駟 易 駟 『叔孫 地。 止 邱易於齊,齊人將 駟 齊。 郈 然, 呼曰:『齊 於 赤 赤 之, 赤 謂 犯 人爲之宣言 齊, 將 且盍多舍甲於子之 此? 日 與其 有 及郭 先 曰 : 氏 曰 侯 叛。』 齊 司若誅之,羣臣 之甲 如 犯 以 子 『諾。』乃多 死 有 日 門,止之曰: 宿 師至矣!』郈 齊 謀 韋 侯 司 也, : 止 有物,吾未 一侯犯。 人 免我。』侯 侯 觀 犯從之。 而 欲 衆言 於 猶 犯 郈 與之 以 是 遷 郈 駟 將 舍 此 郈 異 郈 中

矣。」 其 三子 矣。 矣。 矣。 數 謂 上 施 叛 世 諸 家 夫 犯 13 不 後 諸 希 臣 强 以 侯 致 亦 三家 凡 義 三, 而 不 駟 知 出 强 天子失道 再 郈 郈 也 以使 其 諸 大夫以 失矣。 又 傾 書 叛 赤 其 理 侯 公室 專 見 未 止 凡 下 不書 世 宜 逆 失 不 魯 詳 而 此 卿 ; 昭 道 希 彌 邑 願 矣 ~<del>,</del>征 陪臣 以 爲 納 所惡 信 皆 帥 於 叛 + 甚 亦 不 自 魯 征 否 據 伐 ^ 師 策 必  $\equiv$ 日 失矣。 勿 執 人。 張 於下 春 則 伐 書。 É 事 韋 年 施 已久,至是 或 書 康 秋 其 自 而 諸 直 郈 諸  $\forall$ ·, 不 命,三世 韋 侯 侯  $\forall$ 失 大 此家臣 侯 不 書 人,故 韋 制 自 犯 郈 胡 則 彌 夫 出 知 以 大 法, 費 奔 氏 深 强 則 速 出 家 事 夫 齊, 希 切 所 本 家 亦 隸 ŀ. 而 叛 以 出 著 故 之 惡 忠 臣 不 後 齊 邑 口 口 面 Ŧi. 叛 愚 明 擬 於 恕 争 失 自 後 大 侯 知 知 人

> 嚴 是 之 書 大 之 僭 而 大 夫 大 僭 天 叛 不 而 夫 夫 而 則 書 也 子 防 之圍 教 者 極 微 在 則 家臣 矣。 大 杜 於 非 大 其 夫 漸之義 大 與 夫 之叛 私 此 僭 夫 其 僭 邑, 所 諸 教 叛 諸 也。 以 侯 此《 家 也 侯, 不 臣 則 春 家 書 是 之 義 家 秋 家 臣 諸 叛 不 臣 W 臣 而 侯 所 在 也 之 叛 至 教 以 於 大夫, 叛 於 大 爲 諸 家 叛 而 夫 謹 侯 臣

宋樂大心出奔曹。

門 晉 氏 向 明 忧 ? ,不肯適 聞 右 巢 H 氏 師 如 己 逆  $\forall$ 台 出 日 怒,言 衰 : 樂 盟 : 一晉,將 日 絰 祁 喪 : 而 H 九 之尸 於 不 『吾猶衰經 逆子 生 年, 公 在 作 子 0 日 此 亂 宋 良之尸 辭, 奈 : 故 公 也 何 右 也 使 僞 故 而 不 樂 師 有 舍 子 既 大 然 將 子 疾 鐘 擊 無 不 而 明 心 鐘 告 疾。』 利 謂 乃 盟 子 使 戴 何 桐 於

乃 逐桐 門右師。」未詳信否。 義見《僖二

八年》一元咺 奔晉」。 又爲次年人蕭 起

宋公子地出 一奔陳。 地,《公羊》作池。 下同

文

也

氏》曰:「宋公子地嬖蘧富獵 杜 氏 曰:「地,宋景公弟辰之兄也。」《左 ,十一分其

室,而 以 五與之。公子地有 白 馬 四。 公

嬖向 之,地怒,使其徒抶魋而奪之。 魋 魋欲之,公取 而 朱 其 尾 魋懼, 鬣 以 將 與

曰:『子分 走。公閉門而泣之,目盡 室 以 與 獵也 前 獨 腫。 卑 ·魋,亦 母弟 有 辰

子。』公子地 頗 焉。 子 爲 出 君 奔 禮 陳,公弗止。 ,不過 出 竟, 君 辰 爲 必 之 止

佗、石 請 或 一十八年》「元咺 人出, 弗聽。 弧 出 君 辰 奔 誰 曰:『是我延吾兄也。 陳。」 與 奔晉」。 處?』冬,母 未詳信 又爲次年入蕭 否。 弟辰 義 見《 吾以 暨 僖 仲

以叛起文也

冬,齊侯、衞侯、鄭游 速會于安甫。 速、《公羊》作

遫。 安甫、《公羊》作鞌父。

張氏 州 平陰縣。」義見《隱九年》「會于防」。 曰:「安甫,齊 地。《地譜》:今屬鄆

如齊

叔 孫州仇

義 見《隱七年》「齊來聘」。

宋公之弟辰暨仲佗、石彄出

奔

陳。

强,苦

《公羊》、《穀梁》暨下有宋字。

《左氏》見上。弟奔,義 見《襄二十

大夫奔,義 見《僖二十八 年 元元 咺 奔

晉 又爲次年入蕭以叛起文也。 高

氏曰:「國 今宋卿大夫數日之間五人逃去,君誰與 君必有左右大臣以 輔其政。

處 乎?

+ 地自陳 有 \_\_\_ 年春,宋公之弟辰及仲佗、石彄、公子 入于蕭以叛。

五八一

年

杜氏曰:「蕭,宋邑。」義見《襄二十六年》

孫林父事。 辰以弟叛其兄,其辠尤著。

夏四月。

秋,宋樂大心自曹入于蕭。

者,結 『入于蕭』,逆辭 曹從之,其叛可知矣,故不書『叛』而 康侯胡氏曰:「四卿在蕭以叛,而大心自 鄰 或 以 入叛 也。 書『自陳』、『自 陳 與 曹 之皋 曹』 亦 曰

冬,及鄭平。

著矣。」

平六年侵鄭之怨也。義見《昭七年》「暨

諸侯

計也。而

不知家臣效尤,卒不可

齊平」。

叔還如鄭莅盟。

叔還,叔弓曾孫成子也。義見《僖三年》

「公子友莅盟」。

義見《隱三年》「宋公卒」。 丁有二年春,●薛伯定卒。

夏,葬薛襄公。

叔孫州仇帥師墮郈。 義見《隱三年》「葬宋穆公」。

壞城阜 叛。 所以禦外患,今内難作,而毁其城,其 郈凡再圍。 有由矣。 之邑皆爲 昭十三年,叔弓圍費。去年夏、秋, Ė 夫三桓踰制以 墮。 城以 於是一墮毀之。」愚謂: 莘老孫氏 自固,故其 城其 ⊟ : 家 邑者,爲僭 臣 一是時 因之以 三桓 城郭 必

國命而陪臣叛,事勢則然矣。不務以所竊。』今諸侯僭天子,而大夫强,大夫執於孔子。子曰:『苟子之不欲,雖賞之不於,犯矣。○劉氏曰:「季康子患盜,問制。然則前日之城,乃自毁之道也,可

哉 ? 故 晉,誤 冬十月癸亥、公會齊侯、盟于黄。齊、《公羊》作 也。

師 行 邦域之中,而書之若異國然。 此 孔

望

乎下者事其上,則治奚

由 順

子所謂『不在顓臾而 在蕭牆之内』之意

韋 也。」愚謂:《春秋》先書城費,次書圍費、 郈,次書墮郈、墮費,所謂屬 辭比 事

不辭費 而 義自見矣。

公孟疆帥 杜氏曰:「彄,孟縶子。」義見《隱二年》 師 伐曹。疆,苦侯切

衞

鄭 伐 衞

季孫斯、仲孫何忌帥師墮費。 義見墮郈。 ○師氏曰:「郈、費二邑數叛

城,以畏三家之張。 不能制,故皆墮之。 蓋前此者,公城中 今此三家墮邑城

極矣。」

以

畏家臣

之叛。

春

秋至此,

亂

可

謂

秋,大雩。

義見《桓五年》。

十有一月丙寅朔,日有食之。

于蔑」。

張氏曰:「黄,齊地。」義見《隱元年》「盟

義見《隱三年》。

公至自黄。

義見《桓二年》「公至自唐」。

十有二月,公圍成。

「天子有天下,諸侯有一國。天下有 義見《昭二十六年》。○莘老孫 氏 日 逆

叛者,則諸 侯 命其臣伐之。 故天子無 伐 命者,則天子命諸侯伐之。

一國之邑有

下無 其諸 侯,諸 王,而諸侯逆命者衆,故有王而伐 侯 無 討 於邑。 春秋之時,天

鄭者。 陪臣擅 命,而 權在 私家,諸侯不

得爲政,故有公而圍成者。 成,魯邑,而

魯 屋之。 書曰『公園 成。 以 見諸侯之失

家

分

軍

私

斂,蒐

閱

軍 實

以

自

固

也

非

道 也。

公至自圍成。

義見《桓二年》「公至自唐」。

十有三年春,齊侯、衞侯次于垂葭。《公羊 》作

瑕、《穀梁》無衞侯二字。

左氏》曰:「垂葭, 實郹氏。」杜氏 曰 :

「高平詎野 濟州。」皆未詳是否。 縣 西 南有 郹 義見《莊 亭。」張 氏 三年》「公 티 : 屬

次于滑

夏,築蛇淵囿。音又。

許氏曰:「魯政 不修, 而 非 時 勤 民, 築 有

此,何振之有?」義又見《成十 八年》

奉己而已,不及國

也。

夫

韋

成

弗

克

而

力

鹿 囿。

大蒐于比 蒲。 比,音

義 見《昭 十一年》。 〇存耕趙氏曰: 「三

> 時 非 制 ,不足言也。」

衞 公孟 殟 帥 師 伐

高 事,不知以 氏曰 一衞比 禮 爲 伐曹, 或 一, 故 靈公志在 呕 戰 如 此 軍 ·旅之 義 又

見《隱二年》「鄭伐 衞

秋,晉趙鞅入于晉陽以 叛。

張氏曰:「晉陽,唐曰 太 原府,宋爲

冬,晉荀寅、士吉射入于朝歌以 州。」義見《襄二十六年》孫林父事。 叛。 射,食 亦

《公羊》寅下有及字。

歌,晉地。 杜氏曰:「士射,士鞅子。」張 衞 州 衞 縣 有 朝 歌 城城 氏 南 有 牧 朝

野。」義見《襄二十六年》孫 林父事

任氏曰:「未閱三時而三大夫以邑叛,晉 失道之甚也。」 曰:「晉

之君

臣

邦

衡

胡

氏

主

夏盟

威

制海

内,反不能禁其臣之叛,

切

并

何 ? 以 城  $\pm$ 天 室有 也。  $\Xi$ 之,又執 不 爲 Œ 在 亂 帥 難,又不能 也。 <u>L</u> 臣 天下 一,晉侯 賊 人於天子 己 而叛,故臣 子之戒,不 帥 不 以 勤王 能 叛 帥 之側 述職,而 則 諸 亦相 下 可 侯 莫不 以 帥 非 朝 H 以 叛 使 叛 叛君 而 王. 大 至 矣。 夫 不 於 而

晉 趙 鞅歸一 于晉。

臣

鞅 氏 謂 氏 者,君受之也; 侯 辛未,趙鞅 于晉』,見君許 左氏》曰 日 據 曰:「趙氏,晉之强宗。 不 地 : 「先書『晉趙鞅入于晉陽 見晉之衰而 能 舉兵以 治而 入於絳,盟於公宫。」常 「韓、魏以趙氏 許之歸, 之還 拒晉 書入者 迫於强 也。 也 或 ,臣自入也。 臣 大夫 次書『晉趙 亂 爲請。 也 鞅叛當誅,晉 無 出 刑 以 奔 矣。」 叛」, 邦衡 + 鞅 今鞅 書 Ш 見 月 歸 歸 胡 愚 劉

> 此矣。」 已矣。 大惡。 趙鞅 甚 君 大惡 也。」踰牆而走。 據城以要其 『君父之命不校。』乃徇 也 也 日。日 歸 0 已著,但 晉獻公使寺人 臧武 存 于 晉 氏 耕 仲 君者皆叛也,而不自知其 以 曰:「春秋之世,大義 趙 以君 以 氏 叛 其亦 防 許之歸,故 曰 而 求 歸 披 後 「三晉之形 · 言 叫 伐 曰:『校者,吾 於魯 以免於戾矣。 蒲 其 自如 書歸,責在 則 重 亦 耳 亂 不明, 成 叛  $\Box$

讎

爲

而

薛 弑其君比

不書 隱 四 弑 年 君 激衛 之 州 賊 吁 見《 事 文十 八年》。 義 見

+ 宋。 有 衞、《公羊》、《穀梁》作晉 四 年 春, 衞 公叔 戍 來奔。 衞 趙 陽 出 奔

公,退,見史鰌而告之。 左氏》曰 「初, 衞 公叔 文子朝 史鰌  $\Box$ 而 『子必 享 靈

於

之

宋,戊 於公叔戍,以其富也。 既許我矣,其若之何?』史鰌 子 禍 八年》「元咺奔晉 年春,衞侯 人之黨,夫人愬之曰:『戍將爲亂。』十 有也, 戍必 者鮮,吾 下同之。 子臣,可以免。 Ė: 矣。 來奔。」未 『然。 子富 唯 戍也驕,其亡 與 逐 子之見。 吾 而 公叔 焉。」及文子卒,衞侯 君 富 不先告子,是吾辠也。 詳 貪, 而 信 戍 能臣,必免於難,上 驕 與 皋其及子 否 公叔戍又將 一乎? 、其黨, 而 義 不 見《僖 亡者,未之 曰:『無害。 富 故 乎?』文 而 趙 始 <u>一</u> 十· 陽 去夫 不 四 惡 驕 奔

作公子,牂作艙。
以頓子牂歸。牂,子郎切。二月,《公羊》作三月,公孫以頓子牂歸。牂,子郎切。二月,《公羊》作三月,公孫二月辛巳,楚公子結、陳公孫佗人帥師滅頓,

兵,歸楚可知。」《左氏》曰:「頓子牂欲事葉氏曰:「不別以歸何國,時楚强且主

詳信不 資之耳。」愚謂: 從 義又見《莊十年》「 晉背楚, 夷狄 否。 以 而 任 滅 絶 氏 國,豈 陳 日 以頓子歸,不死社稷也。 好。 : 荆敗蔡師 以以 特自 中國 月,楚 强 哉 諸 ? 侯 滅 大夫,而 實有以 頓 未

夏,衞北宮結來奔。

國可知矣。

一國而三大夫出奔,其爲帝」。○愚謂:一國而三大夫出奔,其爲未詳信否。義見《僖二十八年》「元咺奔未詳信否。

五月,於越敗吴于檇李。檇,音醉,《公羊》作醉。 五月,於越敗吴于檇李, 長郡。 嘉興縣 南醉李杜氏曰:「不言爵,不言師,不書戰, 夷狄略氏曰:「不言爵,不言師,不書戰, 夷狄略之也。」義見《僖三年》「徐取舒」。

義見《文十八年》「秦伯卒」。

公會齊侯、衞侯于牽。《公羊》作堅。

牽,杜氏曰:「魏郡黎陽縣東北有牽城。」

義見《隱九年》「會于防」。

公至自會。

義見《桓二年》「公至自會」。

秋,齊侯、宋公會于洮。 吐刀切。

洮,見《僖八年》。義見《隱九年》「會于

防。

天王使石尚來歸脈。市軫切。

脹者何? 俎實也。腥曰脤,熟曰燔。」《公羊》曰:「石尚者何? 天子之士也。

劉氏曰:「脈膰以親兄弟之國,受賑禮《説文》:「社肉也。盛以蜃器,故曰脤。」

诸侯也。魯未嘗助祭,天王吏石尚來稷宗廟,有與諸侯共福之禮,此謂助祭也。歸脈,非禮也。」孫氏曰:「天子祭社

諸侯 歸 非 也。 禮 也。」〇東萊吕氏曰: 魯 未 嘗 助 祭,天王 「《春秋》録 使 石 尚 來

> 替矣。 道 會同 則見 甚。諸侯 相 絶 朝 矣。 之制 間 見,則見述職之本廢矣。 今歸 問 不 壞 時 書 助 脈 矣 歸 見之禮缺矣。 祭,以受賑天子,而 Mi H 書來 復書之,則法度之 假 田 賜 命 則 詳盟會, 見 則見告 巡 書交聘, 狩 | 壞已 天子 之法 命 則見

衞世子蒯聵出奔宋。

從遣士以

歸

脈

矣。」

於洮。 日 : : 人歌 《左氏》曰:「衞侯爲夫人南子召宋朝,會 豭?』大子羞之,謂 大子奔宋,盡 三顧,速不進。 朝少君,少君見我,我顧,乃殺之。』速 曰:『諾。』乃朝夫人。夫人見大子,大子 之 曰: 蒯聵 大子蒯聵獻盂 將 殺余。』公執其手以 逐其黨。 既 夫人 定 戲 阚 (見其 陽速 於齊,過宋野。 婁 故公孟 豬 色,嗁 曰:『從我 盍 歸 弧 登 而 吾艾 出 奔 而 野

自

鄭

奔齊。」劉

氏

日

:

蓋

蒯

聵

夫 聞 人 野 惡 人 繼 事 以 見 上。 出 奔, 愚 以 案 見 : 君  $\sim$ 春 假 秋》 臣 以 歷 兵 書 權 彄 帥 禍 師 之所 而

由起也,未必皆以蒯聵之黨而見逐也

義又見《僖二十八年》「元咺奔晉」。

高氏曰:「蒯聵爲南子所譖而出奔,靈公

能無辠者也。人子處頑嚚,則有道矣,

不至於以嫌見誣也,而非蒯聵之事也。

夫。 比 年 況 志公 出 孟 奔 殟 者 帥 Ŧi. 師 人, 此 而 衞 衞 或 侯 用 獨 事 與 之 南 卿 大 子

哉 ?

此

亦

證

也

\_0

與常

Щ

劉

氏、張

氏

名

而

走,

又

人

其家,使

真

有

此

事

者,

敢

乎

奔

宋,南

子

家

也

蒯

聵

負

殺

南

子

之

同。

任氏日

既

E

世子

而

出

· 奔

,父子

不

相

安,而

天倫

滅

矣。」〇石

氏

日

孟

子

稱

(小弁)

爲

親

親,詩

人

傷二子

乘

舟,

争

相

也,不

當如《

左氏》所記

又蒯

聵

出

乃

恥

召

宋

朝

古

亦

不

難

逐蒯聵矣。

此其

真

信

其

一語言

不,

亦

蔽

乎?

雖然

蒯

聵

則

不

則

召

宋

朝

内

則

逐

公孫

戍、

趙陽。

彼

不

誣

靈

公惑

於南子,言必

聽從,

故

外

其斥己淫,則

嗁

而

走,言大子將殺

余

以

其

心

慚

焉

則

以

謂

夫

人。

宋公之弟辰自蕭來奔。 處,此靈公之無道也。」

年 奔, 也。 邦衡 学元元 皋魯 胡 書 呵 氏 自 納 日 蕭, 叛 晉 : 臣 皋 書公弟 也。」義 辰 據 邑 ,見宋公失兄 又見《僖二十八 以 叛 也 書 之道 來

衞公孟强出奔鄭。

其

出

奔

以見

滅

天

性

也

子

蒯

聵

不

得

於父,又

與仮、

壽遠

矣。

書

爲

死

爲

非

義

衞

靈

公失道,

南子

嬖,

大

大蒐于比蒲。

義見《昭十一年》。

邾子來會公。

邾子,《左氏》曰:「邾隱公。」 一石氏 曰 :

以尊天子。 諸侯相見於郤 春秋 地 會禮,非復如古之制 日會,考禮 正 刑 德

也。今公蒐國内,而邾子就會之,非禮

穀,蒐非所會之處,而邾子會公於蒐 甚矣。遇非所朝之地,而 蕭叔朝公於

會者既非,受者亦失,交譏之也。」

城莒父及霄。

張氏曰:「皆魯邑。」義見《隱七年》「城中

丘。 譏之。此年與《桓七年》無冬、《四年》無 〇石氏曰:「一時而城二邑,書以

十有五年春,王正月,邾子來朝

秋冬、《昭十年》無冬,皆闕文也。」

邾去年來會公,而今年來朝,見 郑之衰,

而 屢 求 於魯、皆非禮 也。 義 又見《隱十

一年》「滕、薛來朝」。

鼷 鼠 食郊牛,牛死,改卜牛。鼷,音兮。

范氏曰:「不言所食,食非一處也。」趙氏 曰:「嘗旅於會稽,時 小鼠 暰 牛,纔

而義則同也。

膚輒死。]愚謂:此與成七

年

事

雖

少異

傷皮

二月辛丑,楚子滅胡,以胡子豹歸。

楚滅人國,辠不容誅矣。 然以 胡

又責其不死社稷也。

義

又見《僖三年》

子

歸

徐取舒」。

夏五月辛亥,郊。

石氏曰:「五 月非 郊之時,蓋以 改 卜牛。

郊」。 至此而後 上之不能郊也。」義見《成十七年》「用 『郊用』者,不宜用也。直言『郊』者,以 能 郊 也。 有言『用郊』、有言

壬申,公薨于高寢。

五八九

内卒凡 所。」 成。 杜 秋》所大, 氏 」義又 是 曰:「高 + 以 見僖 君 四 Œ 子 公, 始 寢,宮名。 公薨。 務力於 與終禮。 得 Œ 愐 禮 〇許氏 薨 不於路寢,失 前 卒,以 者, 順 惟 티 : 命之變 正 莊、 終 「《春 宣 也 其

秋

鄭罕達帥師伐宋。罕、《公羊》作軒。

又何

求焉

,侯、衞侯次于蕖蒢。《公羊》作籧篨。 義見《隱二年》「鄭伐衞」。

義見《莊三年》「次于滑」。

邾

子 來奔 强 侯 非 葉 而 非天子父母之喪不 舍,日 皆 大之國,非 禮 氏 喪。 無 也。」〇常 日 奔 行百里謂之奔。 喪 喪 禮 會 何 Ш 葬 明 以 劉 之 言 矣。」吕氏 氏 奔。 事 奔 日: ? 而 見 諸 邾 當周之衰,諸 日 急 日 侯 \_; \_\_ 而 事 滕 而 也。 行 諸 始 奔 侯 行 見星 喪 禮 相 於

> 口 爲 知 奔 矣。」 喪, 專 以 强 弱 利 害 爲 或, 禮 義 消 亡

七 月 起文 孫 梁》曰: 氏 壬 市,姒 也 日 : 妾, 氏 姒 辭 卒。 氏 也。 杞 姒、《穀梁》作弋 姓 愚 謂 哀 公妾母 此 非 爲葬定 也。 下 同 穀 姒

九月,滕子來會葬。八月庚辰朔,日有食之。

力,而· 者 子 其 邦 邾,故但 之禮待魯 葬,供臣 也。 衡胡 來 無王甚矣。」〇任氏 奔 小國因 氏 喪,畏 來 子之職。 也 티 : 會葬。 事以 魯 禮 邾、 甚 : 求悦 此 邾、 天子 滕 也。 專 奔 滕 日 也。」吕氏 以 崩 以 喪會葬,以 滕 强 諸 是行之於魯, 差 以 弱 遠 侯 利 見大國 日: 「 害 而 奔 大 天子 爲 喪 於 恃 邾 會 或

昃,乃克葬。昃、《穀梁》作稷,乃古昃字。 丁巳,葬我君定公,雨,不克葬。 戊午,日下

所以重孝子之情也。」 之時甚矣。君子之於親,不忍一日離 備之甚 昃,甚於日 乃,猶始也。《宣八年》葬敬嬴言「 也,故葬日虞者,所以寧親也。 嬴」同,而 曰:「『雨,不克葬』,譏不能 葬桓公」。 雨止。『戊午,日下昃,乃克葬』,言 此言「乃」者,彼 也。」愚謂: 此 中,故命 則失禮 ○高氏曰:「日下昃,則失虞 以 義與《宣八年》「葬 甚矣。 辭 日 有 中, 輕 其 葬也。 此 重 私謚,又見 耳。 以 乃克葬, 次 葬 而 孫 H 不 敬 無 氏 H

辛巳,葬定姒。

君,故 高氏曰:「春秋自成風後,妾母皆僭 人,譏不 母 Ē 亦 不敢 也。 此 稱 不 夫人,而以夫人之禮 稱 小君 以以 子未 稱夫 成

> 葬爾。 故僅 重而 問》:「『並有喪,則如之何?』子曰 之甚也。 『葬,先 以夫人之禮卒葬之矣。 公之母也,又豈可同謚乎?」義又見《文 五年》「葬成風」。 後輕。」」今定公葬居定姒之前,是 免夫人小君之稱。 此妾 輕 況襄五 而後重。 也,而 年葬我 ○愚案: 哀公未成君 加 其奠也,其虞 以其君之謚,非禮 然原 小君定弋,是襄 又案:《曾子 其情,則亦 也 完先

冬,城漆。

先重

|而後輕也,又失禮矣。

高氏 夫前年城二邑,國再大喪,又勞民 勞民城之以爲備,譏 者,魯受叛人而以 所謂不待言而惡自見者也。」○ 定公之喪、邾子來奔、事魯謹矣。 曰:「漆,非 魯邑、邾庶 其 其非 地,今將伐邾,故又 所城 其以之來奔 張氏曰: 而 如此, 城也。 哀公

都立,不務善鄰,而以土地之故勞民力, 啓鄰怨。二年,取其田。七年,俘其君, 卒使吴人乘間以伐其國,齊人問辠而取 謹闡。利未得而害隨之,謀國如此,其 不終也,宜哉!」

後學成德校訂

師

## 春秋本義卷第二十九

**哀** 公名蔣,定公庶子,定姒所生。

**、 義見文公即位。** 元年春,王正月,公即位。

杜氏曰:「定六年,鄭滅許。此復見者,楚子、陳侯、隨侯、許男圍蔡。

舉 吴。」未詳信否。 於江、汝之間 日 蓋楚封之。」《左氏》曰:「楚子圍蔡,報柏 ,如子西之素。 蔡人男女以辨,使 也。 里而栽,廣丈高倍。 而還。 義見《莊十年》「荆敗 蔡於是乎請遷 夫屯晝夜 於 九 蔡 疆

鼷

鼠

食郊牛,改卜牛。

夏四月辛巳,郊。

《穀

時以 任氏曰: 七年事 從事,亦已妄矣。」愚謂 雖 「不知僭禮之致災, 少異,而義 則 同也。 而 此 改 亦 牛。 高 與 成 氏 違

變,則知魯之郊歲一行之。」曰:「定末年,哀元年,連書鼷鼠食牛之

秋,齊侯、衞侯伐晉。

在夷狄。晉雖不能主盟,猶中國也。石氏曰:「吴、楚争强内侮,中國之政制

結盟固黨以自攻伐,惡自見矣。」義又見齊、衞二君既不同心盟主以禦夷狄,又

冬,仲孫何忌帥師伐邾。

五九三

蒐 道 也 高 臣 人 歲 汽奔 0 王 謀 邾 氏 邾 氏 義 子 日 邾 喪 知 又 日 來 久 魯 定定 凡 見《 : 矣。 奔 必 口 喪,今踰 之 欲 邾 隱 以 末 利 兼 自 年 取 之 庶 年 也  $\stackrel{\cdot}{\gg}$ 其 邾 其 年 田 之 後 鄭 而 盟 事 伐 遽 不 魯 焉 不 魯 衞 伐 知 多 爲 至 之, 朝 有 納 也。 矣 焉 禮 蓋 其 貫 而 會 叛 義 魯 去

此。

義

又

見

^

隱

几

年

**>** 

苔

伐

杞,

取

牟

其

田

時

無

王

伯

强

陵

弱

之

亂,至

於

如

品

品

之

邾

或

而

魯

兩

納

其

叛

人

邑,三

取

則

其

貪

欲

無

厭

必

至

於

盡

取

而

後

己。

以

漷

東

之

 $\mathbb{H}$ 

猶

爲

未

足

故

又

取

沂

西

之

 $\coprod$ 

邾。」 季 魯 小 愚 孫 微 古 謂 求 斯 或 無 免者 : 叔 不 足 邾 支,亦 孫 道 不 無 能 州 然 仇 自 口 王 强 悲 仲 綱 於 也 孫 壞 德 何 句,古 癸巳,叔孫 注 三人 婁」。 杜 切 氏 季孫 伐 日 州 : 而 仇 之汰 二人盟 句 仲 繹 以也,蓋· 孫 , 邾 何 ? 地

魯

終

不

置

此 三大 左 嘗 故 氏 伐 夫 賂 **>** 邾 日 司 以 取 伐 漷 沂 其 伐 可 Ш 邾 之 謂 自 田 暴矣。」 將 漷 加 伐 水矣。 受盟 絞。 師 氏 邾 今又 任 H 人 氏 愛 取  $\Box$ 其. 其 前

又音 忌 帥

郭

師

伐

邾

取

漷

東

 $\coprod$ 

及

沂

内

 $\coprod$ 

漷,大

虢

切

年

春

王.

月

强

陵

弱

大

併

而

品

品

以

求

忌及 邾 子 盟 于 句

室。 見《 以 厭 胡 曷 盟 氏 隱 必 爲 티 : 其 欲 元 列 卿 君 年 滅 書 並 季 邾 而 將 盟 氏 而 己 卿 于 後 所 魯 ? 不 蔑  $\Box$ 以 衆 與 哀 0 自 不 季 悉 0 焉 公 未 謂 盟 行 孫 劉 詳 得 猶 , 豈 康 臨 氏 適 君 孰 或 侯 伐 之, 日 越 非 矣 是 胡 或 之辱 不 貪 叔 氏 取 張 邦 義 得 仲 曷 E 地 兆 又 無 衡 成 爲

定公薨,邾子來奔喪,事魯恭矣,而 | 滕子來朝。

晉趙鞅帥師納衞世子蒯聵于戚。 義見《隱十一年》「滕、薛來朝

《公羊》曰:「戚者何? 衞之邑也。」《左ё鞅帥師納衞世子蒯聵于戚。

辠。」石氏曰:「定、哀之世,吴、楚争强

不知

以

義

睦

鄰之故也。

故詳

書以

著其

諸

卿

相

繼

伐之,既

取其

田、又强

與之盟

之故

4也。

邾在邦域之中,不加矜恤

而

於見伐,徒自辱焉,不知以

一禮爲

或

僞 河 爲大子,君命也。』對曰:『郢異於他子。 圖。 亡人之子輒在。』乃立輒。六月乙酉,晉 謂之。對曰:『郢不足以辱社稷,君其改 氏》曰:「初,衞侯 趙鞅納衞大子于戚。 且君没於吾手,若有之,郢必聞之。且 辱。』夏,衞靈公卒。 曰:『余無子,將立女。』不對。他日, 自 而 莘老孫 南、必至焉。』使大子絻、八人衰経、 君夫人在堂,三揖 衞 逆者。 氏 曰:「聵、輒 告於門,哭而入,遂 遊於郊,子南僕。公 夫人曰: 『命公子郢 宵迷,陽虎曰:『右 在 争立,父子仇 下。 君命 居 祇

君來。 三子,不由公出 齊取我田 田 之立,邾未嘗廢朝,薨未嘗無 年仲孫何忌帥師 於齊,所與厚者,邾、滕、杞 晉、衞、齊又數侵伐。 越又寖起。 ,要之盟。 此邾 也。 人所以弗堪,致吴之伐我 中國諸侯見伐者數四也。 又四 内之惡見矣。 伐邾,今又三大夫取 年,而公又親入,以 魯既 叛晉,又結 而 時政皆在 會。 틴 而 魯公 其 其 前 恕

夏四月丙子,衞侯元卒。

義見《隱三年》「宋公卒」。

敵

,而孔子請先正

名。

孔

子之意

可

知

義,則 争,則 蒯 之禮 之位 於外, 矣。 又 則 屏 而 兵拒之,又圍之焉, 未復,而 逐出奔。 靈公教其 公得父之道,不至於 衞世子 以 而 位 輒 輒 之拒 大夫帥 ,以須父之人。 則聵不 使 不 不能 蒯 能 石 子, 靈公死 蒯 曼 感 即 出奔宋』,見 聵之皋 父没不喪,求反 之爲 子 聵 位 動 姑 是 號慕 師 以 事 至於見逐。 王父,以復聵之位,或權 以 爲 韋 不得 而 ,夫人立之,不辭 道 其 君。 也。 毁 至 謀諸 戚 親 亦 **海**,以 於 其正,顯矣。」愚 孝, 蓋靈公、 則 不 逐 蒯聵 蒯 蒯 輒 書 侯廢立之事,見春 輒之辠 聵 至於逐之。 爲 必 聵 日 聵得皋於父, 感 使輒 納納 其 不 在外且 出 人子,而 動 使聵 國 至於 奔, 蒯 衞 靈 也。 得 以以 聵不父, 趙 以 子 得 世 公 入,以 見逐 使 子, 鞅納 父亡 書 父 與 孫 事 而 謂 子 靈 V. 之 父 逐 見 復  $\Box$ 

鐵

鄭

師

敗績。

鐵、《公羊》或作栗,或

作

秋

八月甲 年,而 以致 然靈 以 掩 是輒拒 君 臣,至此 秋之世,父不父,子不子, 舉陳 不 矣。」康 皮,晉 禍 公與衞國 子。 蒯聵自戚入于衞 亂 父 氏 極 其皋 侯胡 也。 曰:「于戚納,弗受也 輒 矣。 趙 乃 鞅 屬辭 大臣不能早正 氏 事又見《定十 帥 亦可見矣。」 據 日 或 師 : 比 及鄭罕達 以 「父雖不父,子 事 , 衞侯輒來奔, 與之争, ', 則 君 輒 不 四 國家之本, 帥 萬 君 年 後十 可 世不 師 乎 ·不可 臣 戰 ? 口 則 不 干

謂: 專兵 也, 杜 南。」劉氏 二年》「鄭伐衞 氏 猶 並 而 言 日 至 趙 帥 於 曰:「戰 「罕達,子 鞅 師 戰 者 爲 贖 譏 志 武 圃 平. 大夫專 皮 言及之者,主之者 甚矣。 此 孫。鐵, 戰 也云 兵 義又見《隱 也。 在 阚 大 戚 夫 愚 城

冬十月,葬衞靈公。

杜氏曰:「七月而葬,緩。」義又見《隱一

年》「葬宋穆公」。

十有一月,蔡遷于州來。

州來,見《昭十四年》。義見《僖三十一

年》「衞遷帝丘」。

蔡殺其大夫子駟。

義見《莊二十六年》「曹殺大夫」。

三年春,齊國夏、衞石曼姑帥師圍戚。

齊主 齊 無他義 或 兵 夏 序 也。 衞 也。 石 且. 曼姑 齊嘗 黎氏 上者, 衞 爲 曰:「凡 盟 È, 請 自 書邑必 乎 當 齊, 序 衞 繫 推

手引售内世子削貴于或,言内舍,見入當書,則但舉邑而已,蓋避繁文也。前國。若經已見其繫某國,而後邑復有事

衞 年已 故今但書 境 書納 也。 韋 云 世子蒯聵 戚,而 于 戚 者,見戚爲衞 不云衞戚焉。 于戚,言納者,見 邑 如先 也。 書 人

> 伯 討父之道,臣不足以爲三軍 父子争國,而 此、故曰 何怨?』出。曰:『夫子不爲 也。』曰:『怨乎?』曰:『求仁而得仁,又 乎?』子貢曰: 紀季以 義亦宜明言於其國曰:『臣無敵君之禮, 「爲曼姑之義,宜 侯,君子是以 蒯聵之亂,則齊景之不伯可 戚』。」事又見《二年》。○許氏曰:「觀 曰:「國夏助 不復繫之齊 夷、叔齊何人也?』曰:『古之賢人 酅 **『齊** 入于齊,後但書 也 輒 知齊之將亂 齊 或 『諾,吾將問之。』人曰 圍父,逆 助子 夏、 明言於其君曰: 冉 有 衞 韋 日 石 父,以 亂 :『夫子爲 也。 叔姬 曼 人理,莫甚 知矣。 ·將也。」
> 輒之 也。」孫 姑 是 劉 歸于酅 帥 令於諸 氏 『子無 師 衞 衞 E 於 Æ 以 乎 韋 君

「戚」,原作「成」,今據元刻本、四庫本改。

0

五九七

所謂 競,而 君 昔者子路問 與 政,子將奚先?』子曰: 『必也正名乎 我 ·曼姑之事也,不其然歟!」 不君、臣 不 可 正名,君君、臣臣、父父、子子也。 兵偃 以 爲 不臣、父不父、子不子,此 不用 於 千乘主也。』若是,上讓 仲尼 矣,又何必紛紛哉? 曰:『衞 君待子 而 <u>.</u>! 輒 故 爲 下

夏四月甲午,地震。

義

見《文九年》。

五月辛卯,桓宫、僖宫炎。

世之廟猶存、蓋非禮矣。」義又見《成三 者 氏 在 雉 高 曰:「司鐸火,火踰公宫,桓、僖災。 孔子 E : 陳, ,哀公之七世 門、兩 氏 聞火,曰:『其桓、僖乎?』」莘老孫 「桓公者,哀公之十世 :「不言及者,不嫌 觀災,不可 祖 也。 不書及矣。」《左氏 諸 乎 侯 祖 Ŧi. 處 也。 廟, 也。 而 僖公 若

陸德明曰:「避漢景諱也。」季孫斯、叔孫州仇帥師城啓陽。啓、《公羊》作開

異弗 則定、哀之守其國者可知矣。」 如 宣 城 杜氏 矣,又城 矣,又城莒父及宵,城漆,哀公城啓陽 年》「城中丘」。 此魯之季世也。」貫道 畏天命矣。 「所城 書 是 而 數 圖 城  $\Box$ 用 近 : 者各 河 也。 大師 西郛,城毗 敵 「啓陽,琅 取田 故 及定、哀之間 中失而 一,隱、桓 帥 城 ○葉氏 可 師 邑,兵役相繼,可謂 邪 知 城城 外鋌,本亡 焉  $\pm$ 開 矣。」義又 書 曰:「定公城中城 邾, 氏 陽 城 地 縣。」 曰:「夏 而 者 城 震、 書 四, 瑕。 許 見《隱 城者九 而末務 廟 魯未有 氏 蓋 災、 而 日 莊 城 七 變

宋 樂髡 帥 師 伐 曹。

貫道  $\pm$ 氏 E : 「樂髡伐曹,以曹受樂大心

之叛也。」義見《隱二年》「鄭伐衞」。

許氏 日 : 樂始閱 曹,曹不量力 而 奸 强

國,不修 德 而 圖 大 功, 則 適 足 以 取 Ľ

加 E<sub>°</sub>

秋七月丙子,季孫斯卒。

譏 世 卿 也。 大意又見《隱元年》「益 師

卒。

蔡人放其大夫公孫獵于吴。

義見《宣元年》「晉放胥甲父」。

冬十月癸卯,秦伯卒。

不名,闕之也。

義見《文十八年》。

孫 州仇、仲孫 何忌 帥 師 韋 邾。

叔

許氏曰:「句繹之盟踰年而渝之、師

或 雖 云 邾政 不 修,有以致寇,魯之棄

亦已甚矣。」義又見《僖十九年》「宋圍

信

曹」。

此

則

大夫帥

師

欲 取

邾

以

É

肥

則

又甚焉

几 年

作殺。 羊》作三月。殺、《公羊》、《穀梁》作弑。 春,王二月庚戌,盜殺蔡侯申。二月,《公 高氏曰:「宣十七年,蔡侯申卒。 愚謂: 此爲曾孫,豈有 不稱其君,當

曾

孫與曾祖同名者乎? 必有一誤。」王氏曰:「傳之謬也。」 莘老孫 氏 日 : 「《春秋》弑 君未有日 [盜者,

不知其 來,且何 或 人也。 其君見 殺 而不

於盜,則其所以爲君者可知 知殺者之名,是以曰 盜。 爲 人 也。」石 君 而 見 氏 殺

曰:「一國之君,行有軍從,居有衞兵,而

蔡公孫辰 出 奔吴。

爲賊

所殺,蔡之無臣子甚矣。」

義見《僖二十八年》「元咺奔晉」。

葬秦惠公。

圍其

宋人執小邾子。 義見《定九年》「葬秦哀公」。

Ŧi. 九 九

六〇〇

以歸,專辠宋也。以諸侯執諸侯,天下之亂可知矣。不言

夏,蔡殺其大夫公孫姓、公孫霍。《公羊》作公孫

歸姓

晉

人執戎蠻子赤,歸于楚。 晉陰 謂 雒 霍 戎 渊 司 日 義 名者,以 郢,將 :「夏,楚人既 蠻子,見《 陰 ,致方城之外於繒關 馬販、申公壽 見《莊二十六年》「曹殺大夫」。 單浮 地 左 地 師 之 奔命 别 命 餘 軍 司 韋 昭 大 於 馬 於 焉 蠻 夫 + 菟 起 執 \_ 餘、葉公諸 克 豐、析 氏 + 六 和 # 爲 夷虎,乃 蔑 右 年 或 蠻氏 日 蠻、《公羊》作 之 昔之 與 師 : 曰:『吴將 君 潰。 邦 狄 軍 梁 謀 也 衡 召日 戎,以 期, 於 )° | « 致蔡於 鑾 北 胡 倉 楚 襲 子 方 氏 左 有 野 臨 梁 赤 泝  $\mathbf{E}$ Æ 負 左 使 1: 奔 及 江.

好

惡

同

若

將

不

廢,寡

君之願

也。

不

命,而 必 然, 人執 盡俘 户 以 孟 事 今不 戎 執 侯 執 歸 1 諸侯有辠, 速 以 曹伯畀宋人是 夷 與 楚,不足主中 蠻, 苟得其 歸于京 遂 將 趙 畀 衞 狄 以 司馬致 蠻 與之。』士蔑 知 執之歸 執之與其 通 歸。 其皋, 侯,歸 孟 諸 之俘,其不道甚 子 於 而 日 侯,其 師 少 師氏 城之, : 『晉國 邑,立宗焉,以誘其遺民, Œ, 方伯謀 之于 既 皋, 于京 習 國之諸侯矣。 專 皋尤 也。 Ŧi. 乃致 以 也。 曰:「以 則獻之天子, 京 且. 執 大夫,以畀楚 師 愈於天子 聽 未 將爲之ト。 之,反歸 諸 師 皋 重 今晉爲 九州之戎, 命。 寧,安能惡於 是 矣。」〇 侯 尚 中國之伯 也 若 有辠,不 士 口 , 問 台 盟 於楚,舍周 蔑 容。 諸侯 此晉之所 高 猶 主 人入曹, 師 請 皋 將 鑾 氏 П 若 Ŧ 請 諸 主 子 裂 mj 執 然 楚  $\Box$ 也 台 而 趙 執 後 聽  $\mathbb{H}$  $\pm$ 而

虐也。 時,王綱盡矣,晉能爲之,猶足主中 責 其甚者也。 鑾 氏 以 今反執之以歸于楚,則是伯主助夷狄爲 子,而 也。 談載 不足與,而諸侯皆棄之也。」愚案:《左 此 《春秋》安得不書其甚者哉? 然興 但 事 甚 書晉執戎蠻子歸于楚者,書 夫楚以夷狄吞齧小國,不足 滅繼 悉,然《春秋》不 絶,王者之事 書楚伐 當是 - 夏。 戎

氏》

曰:「間

於兩

社,爲

公室

輔。」

杜預

城西郛。

杜氏曰:「魯西郭。」義見《隱七年》「城中

范氏曰:「亳,即殷也,殷都於亳。」高六月辛丑,亳社災。亳、《公羊》作蒲。

丘。

向亦云:亡國之社,所以示戒也。《左人君常思敬慎,懼危亡也。」董仲舒、劉之立亳社。」顏師古曰:「存其社者,欲使曰:「周自克商之後,凡封建諸侯,皆使

謂: 之,故有災。 國之社屋之,不 存之,以爲後戒,故但屋之。 可,作夏社。』國既亡,則社自當遷。 社,北牖使陰明 程子曰:「『湯既勝夏,欲遷其社。 二社者,周社 此制計之必始於湯也。」 受天陽 也。」然則魯 、亳社。 也。」又 災見,不知 記 有毫社,屋 日 日: 「喪 『亳 戒 不 湯

秋八月甲寅,滕子結卒。

冬十有二月,葬蔡昭公。

義見《隱三年》「宋公卒」。

杜氏曰:「亂,故是以緩。」義見《隱三年》

葬滕頃公。

氏

「葬宋穆公」。

義見《隱三年》「葬宋穆公」。

五年春,城毗。頻移切。《公羊》作比。陸氏:「《説文》

六〇二

晉 啓 力 不能 미 孫 城中丘 陽, 以 畏,又無德禮 而 氏 畏 親仁善鄰 興 日 又城 八土功 攝 : 毗, 自 毗,六年又城 故 備之不暇,又安能爲 師 鎮 魯 之可 往 氏 邑 年 撫 日 也 城莒父及 民 懷,乃區 庶,既 魯以千乘之國 邾瑕。 義 見 ^ 無 品 霄 隱 威 屢 七 或 叛 强 又 奪 年 於 城 之 而 民

夏,齊侯伐宋。

無弊邪?」

趙 鞅 義見《隱二年》「鄭 帥 師伐 衞 伐 衞

益日

秋 九 月 助 癸酉,齊侯杵臼 蒯 聵 耳。 義見《隱二年 卒。 杵、《公羊》作 鄭 伐衛 \_

義 見《隱三年》「宋公卒」。

冬,叔還如齊。

閨 月,葬齊景公。 高 氏曰:「使 卿 弔 且會葬,非 :禮也。」

> 六年 春,城 邾 見 高 或 劉 也。」未詳 婁城。」 義 見《隱 魯之迫 氏 日 氏 則 内  $\Box$ 日 邾 知 :「魯未嘗取 張 邑。」杜氏 :「邾瑕者何? 瑕。 三年》「葬宋穆公」。 郑也。 邾 是 氏 否。 益 曰 音遐。 微 : 是年冬伐 濟 義 曰:「任 弱 《公羊》作葭 又見《隱七年》「城 於 州 魯 邾, 任 或曰 以 城 城亢父縣有 不 邾 而 縣 邾之瑕也 明 遽城之者 義 地

是

也。

邾

丘

晉趙 鞅帥 師伐鮮虞。

義見《隱二年》「鄭伐衞

吴伐 陳。

懷公。 《左氏》曰: 土 聞國之興 芥。 懷公朝國人而問焉,逢滑 吴 日 也,視民 「元年,吴之入楚也, 敝 於兵,暴 如 傷,其亡也,以 ·骨 如 莽, 日 : 二 使召 而 未 民 見 爲 臣 陳

中

强

城之

年遂入

見《莊十年》「荆敗蔡師」。從之。及夫差克越,乃修先君之怨。」義德焉。禍之適吴,其何日之有?』陳侯

夏,齊國夏及高張來奔。

日 : 夏六 殺我 及朝 之。 必偪 諸 子,曰: 後君定。既成謀矣,盍及其未作也,先 偃蹇,將棄子之命,皆曰:「高、 必驂乘焉。 左氏》 於 ? 『二子者禍 月戊 無日矣。 ,則曰:『彼虎狼也,見我在子之側 圖之莫如 我,盍 作 日 國之多難,貴寵之由,盡去之而 前 辰 後 去 所從必言諸大夫,曰: 昭子 陳 悔 齊陳乞僞 諸?」固 盡 矣! 請就之位。」又謂諸大夫 乞、 滅之。 亦 聞 無 之,與 鮑 將得君而 及 牧 事 將謀子,子 需,事之下也。 也。』大夫從之。 及諸 高、 惠子乘如 國者,每 大夫 欲 或 謀 『彼皆 得 以以 早 \_ = 公 甲 晑 朝

> 日: 山山 之私 於高 及高 臣 戰於莊,敗。 光,齊國 二十八年 有負於景公矣。 ,齊其爲 也。 或 張來奔。」貫 齊殺其大夫高 如 夏及 一,使其 及 以 崇元 陳氏 奔 爲 高 國人追之。 非 Ľ 是 咺 張 見於此矣。」義又見《 陳乞欲易君而 道 則 義 以 奔晉 來奔,齊 王氏 則當 免禍 厚,齊 主 在 日 IE. 或 則 與 :「景公寄 陳 崔 諫以絶景 託 夏奔苔, 在 乞弑 君 杼 孤 去其大 舉 弑 È 之寄, 其 陳 Ľ 其 (僖 與 公 或 君 君 H. 遂

叔還會吴于柤。莊加切。

茶。

聖人之垂戒深矣

此, 强 柤 務 柤,故往會之,始結吴好也。 與吴 盛服, ,見《襄十年》。 知魯之將有吳患矣。」義又見《成十 親 難 以 以 資 衰 其 弱 許氏 力。 御 君 以 子志 魯 叔 政之不 夷 還 柤之會於 狄 以 可以 吴 在

六〇

Ŧī. 年》「會吴于鍾離

秋 七月庚寅,楚子軫卒。

齊陽 生人 義 見《文十八年》「秦伯 于齊。 齊 陳乞弑 卒」。 其 君 茶。 《公羊

舍,

陸

氏曰:「誤也。」

死。 月,公子嘉、公子駒、公子黔奔衞,公子 未 鉏、公子陽 **寘羣公子於萊。秋,齊景公卒。** 無君?』公疾 於憂虞,則 其爲大子也,言於公曰:『君之齒長矣, 此、請與子乘之。」出萊門而告之故 公子陽生。 左氏》曰:「五 有大子,若之何?』公曰:『二三子間 獻 諸子,鬻姒之子荼,嬖。 馬 於 生來 有 季 陽 使 孫,不 疾 生 年,齊 疢。 奔。 駕 或 而 惠子、高 人 六年, 亦 燕姬 見 於上 姑 南 謀 生 郭 陳 乘,故又 昭 樂,何憂於 子,不 諸 且 僖 子立茶, 于, 大 子 冬十 夫 成 使 H 召 嚴 獻 恐 而 :

則

不及此。

然

君

異

於器,不可

以

二不匱,君二多難。

敢布諸大夫。』僖子

竇之丘。

公使朱

毛

告

於

陳

子曰:

微子

牛而 往。 去鬻姒, 子?』乃受盟 無 義則進,否則 必亡一大夫,若我不可,不必亡一 首曰:『吾子奉義 『子之命也。』鮑子曰: 『女忘君之爲 陳子曰: 之,與饋者皆人。 於齊,國 知 止 反 知之, 以 其臣差車 亂 折其齒 與 則 先待 殺 王: 『受命 人 所 王 知 也 乎? 甲 願 退,敢不唯 諸 之。 處。』戒之,遂行 ·鮑點曰:『此誰之命也?』 ·, 拘 也。』鮑子曰:『誰非君之 於鮑子。」遂誣 使胡 外。 而行者也,若我可,不 立之,將盟,鮑子 而背之也!」悼公稽 僖子 江 姬以安孺 公子曰: 説 使子 子是從? 囚 王子豹 士 鮑 子如 之 事 逮 子 公子。 母 於 廢興 醉 孺 夜 未 日 養 旬 子 至 可 而

茶已受景公之命 殳冒淳。」黄氏 君大訪於陳子, 子於駘,不至,殺諸野幕之下,葬諸 乞爲 事。 衞 , 困 首惡 皋? ,陳乞爲之,加 君,則是陽 弑 陽  $\Box$ 陽 庶 甯喜弑 又 :『君舉不信羣 茶。」君舉陳氏 者 生 生弑 有 毛 亦能 華老 曰: 人于 陽 憂。 復 爲 而 陽 也。」義 其君 容 孫 命,公悔 生之人, 君 圖 生與 齊, 羣 少君不 氏 陽 生雖 矣。 其 臣 剽,則 日 生以 齊 聞 小 又 乎 臣 長 陳 見《 陳 可 「陽生入齊, 之。 乎弑也。 ! 陳 口 乎? 弑 喜 而荼少, 乞 乞乃 也。」使 乞召 隱 以 君之皋, 不 弑 爲 衞 毛 然, 訪, 四 其 衞 召 侯 以 日 之。 年 不 然 毛 夫 是 君 侯 X 陽 齊 冬,仲孫 賊。 愚案: 不可。 荼, 陽 陽 言 弑 所 語 也。」葉 入? 發 君 與 明

遷孺

孺

子

何

以

求

長

君

國之

困

不

對

而

泣

經考之,本陳乞 者,朱毛也,曷以 景公死,陳 乞之所君 生不免篡逆之辜,而 生雖得立,而立之之道 陳乞不 然《左氏》敘前 經 則 《左氏》 不不 是以 氏 不 逆  $\Box$ 陳 也 得 合。 乞復詐國人,立陽生 辭 能 : 陳乞之皋,不 乞之惡著, ), 既 盡 「陽生,景公長子 争, 也。 載僖子不 廢 召陽 孫、葉二 召陽生, 爲 在讀者詳 既 景公欲 事 陳乞主 僞 生 頗 許 而 而 陳 一説 對 則 詳 可 之 弑 陽 廢 乞爲弑 則 ,而孫、 微 茶 而 以 弑 而 其 陽 生 逆。 雖 信 泣 ? 也 不 君 立 而 生 與 以 īE. 欲 茶 茶 弑 茶 君 弑 有 今以 下 也。 而 存 何 耳。 矣。 之 茶 等 立 以 辠. ТÍ 陳

何忌 帥 師 伐 邾

茶

之弑

則

陳

乞之辠不明。

書陽

生之人,而陳乞

以

陽

生

衞

州

吁

而

陳乞弑

茶

則

弑

也

齊

于

夷

儀

生立之而

高氏 日 魯人必欲滅邾 而 後已。

六〇六

即 也 位 義 以 來, 又見《隱二 四 書邾 年》「鄭 役,積 伐 明 衞 年入邾之亂

宋 向 巢 帥 師 伐 曹。

起 高 也。 氏 日 義見《隱二年》「鄭 「樂髡伐之,猶未服。」且 伐 衞 爲 曹

七 年 春,宋皇瑗帥 師 侵 鄭。 瑗,于 眷 切

義

見

 $\sim$ 

:

鄭。 定 師 + 九 莊 Ŧi. 年, 年, + 取 年 鄭 鄭 》「公侵 伐 師 宋, 于 雍丘 宋」。 始 搆 怨。 + 許 三年,取 至 氏 是 侵

晉 魏 曼多 帥 師 侵 衞

宋

于

昰

晉 年》「公侵宋」。 日 左氏》曰 1:「衞 不 以此 侯 : 致討 棄其 晉 前 父,今六年矣,猶 師 侵 侵衞。」義 衛、衛 不 服 又見《莊 也。 未 納 高 也 氏

夏,公會吴于鄫

張 氏 7日:「3 曾, 即 舊鄫國。」《左氏》曰:

棄其

國?

大

伯

端

委

以

治

周

禮

仲

维

嗣

豈

可

量

也

?

寡

君

既

共

命

馬,其

老

贵

敢

也

大

或

不

以

禮

命

於

諸

侯,

苟

不

以

禮

 $\Box$ 

大宰 之。 也。 矣。 對曰 此 天 事。』吴人弗聽。 也, 十一牢之。 范 牢 十,吴王百牢,不亦 公會吴于鄫。 製賣 何 而 我,魯不 制禮, 今棄 若 嚭 大宰 :『先王未 禮 背 日 : 本。 亦 也?」對 而棄禮,以 嚭 上 棄 周 口 君若 物不 召 禮 禮 不 或 以 季 君 與 之有也。』吴人曰 後宋。 吴來徵 景 而 過 則 以 康 , 道 : 大 伯 可 禮 必 有 十二,以 号 子, 日 長,而 或 乎?』景 曰:『吴將亡矣, 命 棄 淫 必 且 懼敝 康 百牢,子 以 於諸侯, 疾 者 百 魯牢 子 爲 大 於 矣。 牢,亦 爲天之大 大夫不 邑,故 禮,畏 使子 我。」 伯 兽 周 則 服 大 出 貢 乃 大國 唯 之 有 宋 景 敝 夫 辭 數 與 棄 執  $\pm$ 數 邑 晉 過 百 伯

謀 之,斷 邇 氏 義 有 前 夷 見 由  $\vdash$ 書 面 狄 然也。」反 叔還 始遺 成 髮文身, 贏 世 比 + 年 患 Ħ. 會吴,惡大臣 此 於後 書 年》「會吴于鍾 自鄫,以吴爲 書公會吴,惡國 會吴,所以著哀 以爲 H 也。」邦 飾 不能 · 贵 無能 衡 離 禮 衞 君 胡 社 公之失 不 也 K 爲 能 哉? 稷 也。 日 而 張 守 :

公伐邾。 背大國 城,城保 所 邾 辭,文體 程子曰:「不曰歸者,以我 乃饗 以 事 一,不信 大,信 八月己酉,人邾,以邾子益來。 大夫以謀之。 然 於德,失二 也。》《左氏 ,伐小國,不仁。 也。 大 德者,危將 所 子服景伯 以 : 「季康 而言,内外 保 小,仁也 焉保?』 日 民保於 子 欲 小 伐 異

秋,

社

稷

而

狎

夷

狄

也。

聲。 爲 以 十 或 侯 宫,衆師 足?』成子 三月 甚矣。」義又見《隱二年》「莒入向」及《莊 言?』『魯德 帛者萬國。 不許,日 不 不 字小, 年》「以蔡侯歸」。 是伐我,齊人爲是取魯二邑,辱國 ,以其君 胡 邾子益 樂 氏 大夫諫 不至,何 而 日 出 書 『魯擊柝聞 小 :「恃强凌弱 來,獻于亳社,囚諸 以茅 掠 來,此天下之大惡 不 今其存者, 不 如 秋, 事大也。 邾 及於 邾衆 叛。 聽。 伐 而 邾 我? 茅 以 保 師 於邾、吴二千里、不 無故 衆 及 無數十焉。 於繹。 成 遂 知 加之, 范 必 子請告於吴, 人 且 伐 邾,處 門, 危,何 或 也。 負瑕。」康 人 師 可乎? 内 猶 而 宵掠 其公 聞 故 吴 唯 其 不 師 鐘 大

宋人圍曹。

孟

孫

二三子以

我爲

何

如

?

惡賢

而

逆之?』對曰:『禹合諸侯於塗

山,執

玉

義見《僖十九年》「宋圍曹」。

冬,鄭駟弘帥師救曹。

《左氏》曰:「宋人圍曹。鄭桓子思曰:

於曹無隻介之好,今據救之、報宋之役

冬,鄭師救曹,侵宋。」木訥趙氏曰:「鄭

也,亦非爲義也。」

春秋本義卷第二十九

後學成德校訂

# 春秋本義卷第三十

### 哀 公

八年春,王正月,宋公入曹,以曹伯陽歸。

義見《隱二年》「莒人向」及《莊十年》「以

吴伐我。

蘇氏曰:「不言四鄙,而直言伐我,兵加

於國 以 而 遠 束 是,馮: 帛 都也。」《左氏》曰:「七年,邾茅夷 乘章,自請救於吴,曰:『魯 恃 其衆,而背君之盟 辟 君 弱 之 晉 鴻

君威之不立。君威之不立,小國之憂執事,以陵我小國。邾非敢自愛也,懼

取。

魯人人之國,俘人之君,皋不容誅

討,見公不能處己絕亂矣。」義又見《莊 之。八年,吴爲邾故,伐我。」高氏 私 不 也 「公人人之國,俘人之君,以 也。 違,四方諸 百乘,君之貳 若夏盟於鄫 以 私 奉貳,唯 侯, 也。 其 衍,秋而背之,成 何 邾 君圖之。』吴子從 以 賦 事 六百 君 致夷 ? 乘,君之 且. 狄之來 求 魯 日 賦 而

十年》「荆敗蔡師」。

謹,見《桓三年》。闡,杜氏曰:「在東平夏,齊人取讙及闡。闡,凡善切。《公羊》作僤,下同。

剛縣北。」《地譜》:「宛丘龔蛇縣也。」孫言。 「 木田田 一不更立

曰:「魯執邾子,既召吴人之伐,又致齊齊甥也,故齊人取讙及闡。」貫道王氏氏曰:「公前年入邾,以邾子益來。益,

人取 夫。」愚謂 灌 及 闡。 :邑,天子所封,非諸 爲國 而 不 義,其害 侯 或 所 如 得 此

六〇九

**;** 

義 也 庶 矣。 齊 侯 乃 苟 因 能 之以 告於 爲利,亦辠也 天子,聲 - 皋致 討 大

歸邾子益于邾。

邦 邑,然後 而 歸 衡 胡 氏 書  $\Box$ 歸 : 「先書吴伐 邾 子 于 邾, 我,又 則 是 畏 書 吴 齊 懼 取 齊

秋七月。

秦見《隱三年》「宋公卒」。 冬十有二月癸亥,杞伯過卒。

齊人歸讙及闡。

之伐 以 者 讙 有 孫 思 氏 邾 國家者, 及 闡。 我,齊之 曰:「公既 子 専 歸 恣 凡 也 口 也 士: 以 取 歸 地, 歸邾子益于邾,故齊 鑒此 愚 讙 邾 諸 謂 及 子 矣。 闡。 侯 益 魯 取 于 〇昌氏 1之媿 之、歸之皆 以魯之人 邾 魯畏 辱 日 可 人歸 邾 知 書

齊

故

也

齊

人

歸

謹

及

闡

以

我

歸

邾

子

取

許

氏

日

春

秋

之季,日尋干戈,

詐

九年春,王二月,葬杞僖公。 征吉之理矣。」

年》「葬宋穆公」。

杜

氏

曰: 三三月

而

葬,速。」義

又見《

隱

宋

皇

瑗

帥

師

取

鄭

師

于

维

丘

背 瑗 屬 杜 屋之。 開 受 氏 封。」  $\Box$ 敵 無 師 雍丘 维 以 氏 丘 日 : 支 應 縣 持 於 屬 鄭 内 陳 而 人屋 留 爲 皇 0 宋 瑗 宋 張 所 韋 维 氏 得 於 Fr. 宋 故 腹 後 H

悔,求 前 卒不 秋之世,諸 卼 出 也 之爲, 0 當  $\Box$ 悟 諸 世 出 動 侯 也。 規 則 悔 乎是,變心 紛 模 或 出 《易》 紛 有悔, 者 君 乎 如 臣 日 木 此 束 矣,故 征 朘 易 苟 古。」 手待斃,其 慮,惟 月 徇 木 削 Ħ 日『征吉』。 能 于 以 前 賢 葛 知 至 是用 無 ·藟,于 於 動 亦不 悔, 人 知 改 有 臲 求 而

力 相傾,奇變滋起。於是始志取人之

師,甚其譎,惡其盡也。鄭以不義深入|公會吴伐齊。

矣。然不書鄭伐宋,而書宋取鄭 敵境,此固喪師之道也。」愚謂: 鄭有辠 師者,

書其甚者也。

夏,楚人伐陳。

義見《莊十年》「荆敗蔡師」。

秋,宋公伐鄭。

存耕趙氏曰:「宋嘗侵鄭,又取鄭師矣。 雖曰雍丘之役始於鄭,獨不曰侵鄭之

也。 役,誰實始禍歟! 佳兵不戢,將自焚 品之禍基於此矣。」 義又見《隱二

年》「鄭伐衞

冬十月。

十年春,●王二月,邾子益來奔。

其不知恥甚矣。」義又見《桓十五年》「鄭 高氏曰:「邾子先爲魯所獲,而又來 奔,

伯奔蔡」。

常山劉氏曰:「公會夷狄伐中國諸侯,具

文可見其辠。」

三月戊戌,齊侯陽生卒。

義見《隱元年》「宋公卒」。

夏,宋人伐鄭。

許氏曰:「春取其師,秋又伐之,明年夏 又伐之、惡其修怨不已也。」義又見《隱

晉趙鞅帥師侵齊。

二年》「鄭伐衞

許氏曰:「助吴亂華,伐齊之喪,具文以

見其辠。」義又見《莊十年》「公侵宋」。

五月,公至自伐齊。

義見《桓二年》「公至自唐」。

0 「年」,原作「月」,今據四庫本改。

葬齊悼公。

十有一

年春,

齊國

書

帥

師

伐

我

義見《隱三年》「葬宋穆公」。

衛公孟鴉自齊歸于衞。

京。 您如此。義又見《僖二十八年》「元咺歸 今十二年,倚大國而歸衞,當時大夫專 自齊,有奉也。疆自定十四年出奔,距

衞」。

薛伯夷卒。夷、《公羊》作寅。

義見《隱三年》「葬宋穆公」。

冬,楚公子結帥師伐陳。

義見《莊十年》「荆敗蔡師」。

吴救陳。

衰,未 《僖十八年》「狄救齊」。 此吴、楚争諸侯 可以 存亡 而爲此救,見 繼 絶 許 之也。 中 國 義 一之益 又 見

問之,對曰:『小人慮材而

言、量

力

而

共

者也。』武叔曰:『是謂我不成丈夫也。』

也。 焉 ? 戰。 故,國 俟於黨氏之溝。 當子之身,齊人伐魯而不能戰,子之恥 於齊之兵車。 諸竟。』季孫曰:『不能。』求曰:『居封疆 若之何?』求曰:『一子守,二子從公禦 謂其宰冉求曰:『齊師在清,必魯故也。 伐我,見《八 之間。』季孫告二子。二子不可。求曰 曰:『君子有遠慮,小 『若不可,則君無出。一子帥 不屬者,非 大不列於諸侯矣。』季孫 二子之不欲戰 書、高. 無不 年 **%** 室敵 魯人也。 帥師伐我,及清。 武 左氏》 叔 人何知?』 也宜,政在季氏。 車,優矣。 呼而 魯之羣室,衆 日 問 一一齊 師,背城 使從於朝 戰 子何患 懿子 焉。 季孫 爲 强 對 鄎 而

乎

·? 二 不

狃

日

惡

賢

(?]徐

獲

甲

八十,齊

人不

能

師。

宵,

諜

日

:

乎

狃

日

『誰

不

日

馬不

進

析

師

相

而

伐

鄭

伐

涉

泗

孟之側

後

入以

也

請三

刻

而

齊

軍

右

師

奔

齊

師

不

· 踰溝。

乎

師

及

齊

師

戰

於

郊,齊

:『事充政重,上不能謀,士 樊遲曰:『非不能也,不信子 也。」林不狃之伍 踰之。』如之,衆從之。 從之。公叔務人 老幼守宫,次 人從之,陳灌 如?』曰:『然則 爲殿,抽 弱。」有子曰 言之矣,敢 步 有 師 父 顔 矢策 于雩 而 以 自稷 御, 羽 見 死 武 陳 御 門 不 不 保 樊 其 城 『就 曲 勉 能 走 師 者 馬 莊 之 師 止 X 遲 邴 身自 謂: 死, 洩。 能 至 衞 不 邾之故,吴、齊交伐,是我之辠。 魯 稷,可無殤 日 孟 齊 其軍。」未詳 : 故 輒 知皋之在 孺 0 不 皆 人遁。」 『行 子 能 子 咎,又會吴伐齊以 入其 ·亦可 驅之。」」公爲 殯。 無 ○貫道王 羽 語 反 有不得者,皆反求諸 復 鋭 身辠 或 孔 預 見。 冉有 也。』冉有用矛於齊師,故 日 我 敏 備 都 子 『我 信否。 也。 之, 而 氏 也 義 · Н 我 請從之三,季 公室卑弱,私 曰:「邦分崩 又見《隱 與 不 愚 不 其 邦 欲 能 如 又 謂 速國書之兵,是 嬖僮 衡 戰 顔 見 執干 : 胡 羽,而賢 齊 伐 mi 己。』魯 氏 汪 年 戈以 有 也 能 孫 離 魯不 錡 邑不 日 Š 喪

外。

Ŧi.

日,右師

百

爲

己

徒卒。

爲

右

季

孫曰:『須

也

默

洩

乘

皆

衞

社

能

弗

許

於那

洩

爲

右

冉

求

帥

左

師

管周

退

而

蒐

乘,

孟孺子

洩

帥

右

師,

用

命

焉

。」季氏

之甲

七千,冉

死

何

以

治

民

?

吾

既

而

泣

日

夏,陳袁頗 出 奔 鄭 袁、《左氏》、《穀梁》作轅

낈

反

孟

子

六一四

之,故 糗、 日 嫁公女。 E 左氏》曰 : : 八 腵 【惺 — 年》二元 器 出 脯 先行 成 焉 : 有 而 道 旧 餘 初 具。] 曰: 渴 奔 喜 未詳 晉 以 袁 日 其 頗 爲 族 \_ 信 爲 己 何 轅 否 何 司 大 其 呾 不 徒 器 進 給 吾 義 賦 見《 諫? 稻 也 或 封 ? 醴 僖 人 田 對 對 梁 逐 以

于 月,公會吴 艾陵,齊 齊。 厲  $\pm$ 也 1 展 孫 劔 也 軍 加 氏 死 宗 Ŧi. 胥 將 日 左氏 : 門 月 桑 我 右 樓 師 伐 掩 巢 克 必 軍 戰 w 敗 將 齊。 胥 得 將 博 不 績 下 御 齊 . 王 志。 上軍 言公者,公與 獲齊國 軍 甲 或 或 爲 戌, 申 書 王. 子。 宗 郊 陳 將 戰 子 至 齊 僖 子 書 H 公孫 故,公會吴 陽 於 或 子 姑 軍 龃 嬴 書 謂 曹 伐, 夏 間 高 帥 其 將 日 中 不 丘 無 師 弟 F 言 明 平 軍 子 及 書 軍 伐 相 將 從 戰 昊

吴伐 艾 三戦 其 鄰 書 邦 劉 卒 殯 無 丘 也 子 三千,以 明、陳 陵,展 告告 或 之 道 或 氏 助 : 徒 必 古 \_ 之, 齊, 日 用 犯 書 日 死 吾 必 陳 聞 而 求 間 : 爲 齊 \_\_ 獻 大敗 不 死 子 書、東郭 鼓 輕與之戰,其不愛百 招 棄 如 -Ŀ 志 也 戰 於此 人 將 行命 復 於公。」木訥 而 夷 疾 败 或 乎 尋約 而 齊 已,不 戰,公孫 内 狄 見子矣。』 於 高 涉 言 此 其 師 以 人, 子 不 書,革 三矣。』 吴髪 戰 及之者,主之者 數 徒 能 攘 聞 與 或 也云 Ŧ 獲 具 安 中 金 之 里之 趙 子 夏 或 含 短 車 其 或 陳 使 矣。」 爾。 氏 俱 敗 命 書、公孫 玉 八 君 書 問 爲  $\Box$ 靡 地 胥 其 東 白 姓 |: | | | | | | 甲 日 弦 夫 外 惡 門 焉 以 公 二。此 郭 徒 也,不 乘,甲 戌 多 以 不 伐 世 大 巢 孫 劔 書 歌 夏、 以 吴之 矣。 能 戰 再. 揮 日 ^ 琴 亦 或 猶 首 行 間 交 會 王 於 命 虞

戰

 $\overline{H}$ .

各欲自專,故始則相猜相忌,終乃相

秋七月辛酉,滕子虞母卒。

甚

乎

義又見《莊十年》「荆敗蔡師」。

義見《隱三年》「宋公卒」。

冬十有一月,葬滕隱公。

衞世叔齊出奔宋。 義見《隱三年》「葬宋穆公」。

肱,治 元 疾出其妻而妻之。侍人誘其初妻之娣 《左氏》曰:「衞大叔疾出奔宋。 末,何其出奔之多也! 外大夫出奔者凡五 故出。」未詳信否。 外州,外州人奪之軒以獻。恥是二者, 欲攻之。 寘於犂,而爲之一宫,如二妻。 於宋子朝,其娣嬖。 咺奔晉」。 1 亂所 仲尼止之,遂奪其妻。 寄,故重以書之。 〇高氏 義見《僖二十八年》 子朝 十有 曰 : 是時政在大夫 出。孔文子使 八,蓋君之股 「《春秋》書内 然春秋之 文子怒, 初,疾娶 或淫於

十有二年春,用田賦。

逐

也

丘 錢以 何氏 行 則 取其厚,事舉其中,斂從其薄,如是則以 私於冉有曰:『君子之行也,度於禮,施 田 法,九夫爲井,四井爲邑,井邑未有賦 又何訪 行,若之何子之不言也?』 仲尼不對,而 識也。』三發,卒曰: 『子爲國老,待子而 有井,嫌悉賦之。」《左氏》曰:「季孫 其財物也。言用田 雖 亦足矣。若不度於禮,而 賦,使冉有訪於仲尼。 而 田爲 法,則 以 曰:「田,謂一井之田。 田 焉?』 弗聽。」 許氏 賦,將又不足。 率矣。 周公之典在。 不言 賦者,若今漢家斂 井者,城 仲尼曰:『丘 且子季孫若欲 若欲苟而行, 曰:「先 貪冒 賦者,斂 郭里 1無厭 王之 巷 欲 亦 民 不 以 取

六

六

應 之 法 出 賦 賦 作 田 賦 兀 吕 E. 賦 賦 賦 也 **;** 牛 者、蓋 此 計 賦 爾 革 有 丘 出 氏 有 則 籍 車 賦 0 税 日 今  $\coprod$ 甲 四 井 是 財 所 以 孔 邑 而 有 丘 於丘 賦 丘 頭 而 則 丘 子 謂 乘 税以 丘 爲 出 軍 取之,非禮也。 出 既 也 益 財 謂 用 是 賦 丘 賦 賦、有 此 賦 賦 出 足食, 爲 兵 賦 計 田 賦 者 之外, 軍 丘 賦 也 賦 丘 賦 之常 口, 即 賦 不 者 初 + 財賦。 者 而 又 而 賦 足 税 也 É. 皆 六 7, 又計 出 法 重 田 畝 以 也。 + 井 賦 軍 矣。 ^ 是計 又出 也 足兵。」〇朴 六 賦 於 周 則 古者 几  $\coprod$ 乃 於 井 民 矣, 禮 fr. 税 而 今 是 有 所 賦 出  $\mathbb{H}$ Ш  $\forall$ 爲 且 出  $\vdash$ 謂 故 更 牛 則 九 加 戎 m 有 甸 重 賦 均 賦 用 以 馬 用 馬 出 X 矣 税 也 不 謂 之 鄉 之 財 然  $\mathbf{H}$  $\mathbb{H}$  $\mathbb{H}$ 甸

夏 Ŧi. 月

甲

辰

孟.

子卒

卒, 禮 也 别 吕 丘 娶於吴,  $\Box$ 也 以 昭 異 姓,厚男女之别 女也。」康 也 公羊 哉 氏 : : 宜 混 公 姓 孰不 也 雖 男 主 其 日 不 欲 吾聞 知 **>** 幸 名,治 女之别 自 故 謹 稱  $\exists$  $\Box$ 爲 禮 迫 知 陳 古 爲 於禮 侯 孟 苟 : 魯之君豈苟爲 君 於强吴之威 同 禮 山 其 君 胡 子 有 際 子不黨 ? 姓 孟 子 7,典禮 敗 隱 國 者 氏 過 欲 會 也 , 子 退。 問 人, 必 謂  $\exists$ 何 巫 而 而 結 者 之吴 ? : 馬 之本 實 名 同 昭昭 不 好 君 何 揖 亦 期 著 姓 而 禮 知 强 諱 ? 知 子 巫 公知 無 孟 喪矣。 不可 以 從宗,合族 之。 吴, 娶 以 男女 亦 禮 馬 欲 娶妻不 昭 告。 子。 禮 同 黨 禮 期 忍 公 自 亂 掩 書写 姓 乎? 自 有 乎 其 而 娶 之 古 矣。」 君 子 男 别 防 娶 蓋 夫 其 女 進 失 同 孟 Е 而 矣。 屬 之 同 之 姓 以 或 子 君 或 吴 人 知 :

秋、公會衞侯、宋皇

瑗于鄖。《公羊》作運。

鄖

目前之急,忘長久之慮,遂至 音 云

流 義 於 爲 上,徇 夷 狄 禽獸 而 不辭 也。

公會吴于橐臯。

槖,章夜切。

一音託

盟。 若猶 橐臯。 師氏 氏 杜氏 之。寡君 之,玉帛以奉之,言以結之,明神 使子貢對曰:『盟所以周信也,故心以 廬 會夷狄 離 之爲 州 曰:「吴地。」《地譜》云:「逡遒故城在 若可尋也,亦可寒也。』乃不尋盟。」 慎 曰:「往年會于鄫,今又會于橐皐 可改,日盟 曰:「橐臯,在淮南逡遒縣東南。」張 甚,其可 縣 也。」義又見《成十五年》「會吴于 吴子使大宰嚭請尋盟。公不欲 以 東南。」《左氏》曰:「公會吴于 爲苟 何益 再乎? 有盟 ? 焉, 弗可 今吾子曰,必尋 詳書者, 譏公之 改 心也已。 以 要 制

宋、衞 也。 趙氏 池 吴患也。然晉之屈,吴之雄,諸侯東 爲黄池之會。晉好於吴,非爭伯也,舒 書公會宋、衞,明年公會晉侯及吴于 事吴者,皆魯爲之也。 宋、衞亦折而從吴,晉其殆 侕 好也。鄖在今泰州吴地。 下。」義見《隱九年》「會于防」。 杜氏曰:「鄖,發陽也。 有發繇亭。」《地譜》: 吴將 ,則魯之辠著矣。」未詳是否。 魯以 曰:「吴夫差躬敗齊師 以 圖伯,故爲之會宋、衞于鄖,合 從 爲惠,故會吴于橐臯,修鄫之 吴 也。 齊 「吴海 古 廣陵 四書公會吴,繼 晉之仇,今魯、 公既 哉 于艾陵,魯故 陵 海 即 陵 睦於吴, 〇木訥 故明年 泰 縣 州 東 黄 向 城 南

宋向巢帥師伐鄭。

左氏》曰:「宋、鄭之間有隙 地馬,

六一七

宋師于 作、頃 師。」 显。 宋向 六年之間,宋四 十有三歲矣。 衞 蕭 爲成,曰:『勿 奔鄭,鄭 未詳信 十二月, 巢伐鄭,取 丘 〇木訥趙氏曰:「宋、鄭之怨,於是 显。 玉 人爲之城嵒、戈、錫。 逞兵不 暢、嵒、戈、錫。 否。 鄭 雖其兵端啓於鄭罕達,然 有是。』及宋平、原之族 伐 罕達 錫,殺元公之孫,遂 義見《隱二年》「鄭 鄭, 戢,亦可 救 明 昰 年鄭 戒哉。」 子 丙 罕達遂 産 申, 與宋 九月 韋 取 韋 伐 É 宋 人

冬十有二月,螽。《公羊》作 《公羊》曰: 而 害穀,災異 爾?不時 悪 氣殄。 也。」愚謂: 蓋甚於常時。 「何以 君 臣 蠹民,逆天陰陽,變常 書? 蟓 十二月,螽 記異 夫 百 也。 蟲 既 雖 何 盩 異 不

十有三年春,鄭罕達帥

師

取宋師

于品。

Ŧi.

咸

趙氏曰:「晉侯婢然在會,諸侯無

一介從

之象

也。

義

又見《桓

五年》。

切。罕、《公羊》作軒。

宋皇 取 以 孫 宋 氏 相 瑗 師 曰:「宋向巢帥師伐鄭,鄭罕達 償 報報 帥 取品品 師 其 取 惡 報 鄭 雍 如 師 丘 此。 于 之師 雍 義 也。」案: 丘 又 見《九 或 九 帥 復 年 年 師

「宋取鄭師」。

義見《隱三年》「宋公卒」。 夏,許男成卒。成,《公羊》作戌。

公會晉侯及吴子于黄池

中國 黎氏 地 封丘縣有黄亭,近濟水。」張氏 兩 于黄池」,是亦中國 會,必書『及』。 伯 《地譜》:東京開 似 曰:「經書『及」,皆内及外,尊及卑, 及夷狄。 非經意。」黄 故凡中國 今書『公會晉侯 及 封 池 夷 縣 杜氏 狄 有黄 與 也 楚戰,或盟 日 池。」木訥 日: : 及 謂 吴子 之會 陳 晉 留

反

也。

曾子

曰:『戒之戒之,出乎爾

者

乎爾。』老子曰:『佳兵,不祥之器,其

爾。」愚謂:晉主中國會盟百有餘年。 之所以會晉者,亦非爲伯也,交中 之,亦纔 遂與吴會,而晉侯從之。 柏舉之戰,晉侯 以會吳者, 得 非 魯 以 而已,何 不 爲 · 見 伯,忌吴之强 者二十 以伯爲? 中國之衰, 四 年,至 也。 晉之所 鑾 自 或 吴 此

楚公子申帥 師 伐陳

夷之强,至此極矣!

此春秋之終也。

義見《莊十年》「荆敗蔡師」。

於越人吴。

憑陵 孫氏曰:「於越入吴者,吴子方會,乘其 無備也。」康侯胡氏曰:「吴自柏舉以來, 中 國。 黄池之會,遂與 晉敵,可 謂

之義 强矣。 謂 大 事 屬 而《春秋》繼書『於越人吴』,❶ 辭,垂戒後世,而見深切著明 所

> 其 事 破 好還。」吴嘗破越,遂有 楚,又有驕齊之志。 輕楚之心。 既 勝 齊師,復 及

與晉人争衡,自謂莫之敵 也,而 越已入

其國。《春秋》初書吴入楚,在柏舉之

事屬 後。 辭,垂戒後 再書於越人吴,在黄 世,見深著明 池之後。 之義 也。 皆因

義又見《僖三年》「徐取舒」。

秋,公至自會。

義見《桓二年》「公至自唐」。

晉 魏 曼多 帥 師 侵衛。《公羊》無曼字。

> 陸 氏

티 :

脱也。」

葬許元公。 義見《莊十年》「公侵宋」。

義見《隱三年》「葬宋穆公」。

九月,螽

0 「入」,原作「又」,今據元刻本改。

六一九

春 秋 本 義

義 見《桓 Ŧi. 年

冬十一 月,有星孛于東方。

爲 高 不加 氏曰:「不言宿名者,董仲舒、 宿 也。 文 十四四 年,有 星 字于 劉 向 北 以

斗 ; 著人事所召也。」義又見《文十四年》。 次,而此獨不言,則不加 昭十七年,有星孛 于 宿可 大辰,皆言 知 也。 蓋 所

盜 殺 陳 夏區 夫。 區,苦侯切。 《公羊》作殟

盜 大夫,則亂已極矣。]〇貫道 世變之甚。 夫,徵舒之裔 見《襄 + 年》。 至於盜 也。 高氏 興 徴 而 曰:「春秋之季 專 王氏曰:「夏 殺 逆,陳 或 君及 卿

無 政矣。」未詳 是

討

而

楚殺之,且

有後

於

陳

面

執

或

政,

陳

聖

而

舒

爲

不

能

品

+ 有二月,螽。

義見《十二年》及《 前年十二月,螽。 桓 此年九月,又螽。 Ŧi. 年》。 氏  $\mathbf{E}$ +

知

力 而 亦 二月,又螽 比  $\exists$ 可 窮,天命已去也。」 年三螽,貪殘無已之應也。 以自省矣。」許氏 陰 陽 錯 亂 曰:「自魯 之甚, 當 用田 見其民 世 君 臣

十有 四 年 春 西狩 獲 麟

有 麟,陸璣曰:『麢身牛尾,黄色玄蹏,角端 蘇 氏 肉,音中鍾吕,行中規矩,王者至仁 曰:「狩而不地,爲獲麟書,略之也 削

仲尼觀之,曰:『麟也。』然後取之。」愚 之車子鉏 出。』』《左氏》曰:「西狩 商獲麟,以爲不祥,以賜虞人。 於大野,叔孫氏

謂: 聖王在上,天下文明,則麟出爲

見  $\pm$ 獲,又異之甚者也。 不 作,天下大亂 則 疄 隱、桓、《春 出 爲 異。 出

乎莊、僖,齊、晉既 之始也,諸侯 有  $\pm$ 禮樂征 會盟侵伐,蕩然無主。 伐自諸侯出矣。文、宣、 伯,天下 知有 伯主,不

楚,楚 張,滅 大亂 成、 莊 公, 襄, 也。 歷 暫 或 荆 昭 政 沮而吴復興,此夷夏之大亂 殺 楚 歸 、定、哀,陪 蠻 又盛。 君 夷 大 ,遂主夏盟。 夫, 滑夏,亦始 禮 桓、文既没,其 樂 臣 征 柄 伐 隱、桓 或 晉悼引吴 又 此 自 君 大 勢益 及 臣 夫 也 敵 乎 之 出

韋 故二百四十二年之間,弑逆戕殺,入滅 取,兵戈相尋,民 無錯躬,先王之紀 緇

作

乎?

古

旱、霜雹、螽、螟、麋、蟚,靡所不見。 陽錯序。 故 日 食、星隕、地震、山 崩、 水 而

法

度,遺風舊俗泯

矣。

人事悖常,則

陰

也。 《春秋》以獲麟終焉,此天下後世之大異 之不慎而 夫《春秋》即始見終,自微見著。 紊於終,微之不戒而 極於著, 始

位。 矣。 遂至無 韓子 若麟之出 可 ·奈何。 曰:「麟之出,必 不待聖人,則其謂之不祥 聖人傷世之心,至此 有聖· 人在 平 極

> 作。 於 則 秋 》感麟 有 ^ 亦 必 河 有 感 宜 孔子之意,蓋有素矣。 啚 發端 而 而 而 作。 作。 況於獲乎?]〇 者然 設 故其書之成, 然麟 無 也。 ^ 河 不 如 出,《 鄙 伏羲  $\approx$ 程 則 大 春 子 畫 八 是 秋 曰 以 卦 八 : 此終, 卦, 嬣 亦必  $\stackrel{\neg}{\approx}$ 事 不 大 春

也

春 秋 本義卷第三十

後 學成 德校訂

# 春秋集傳

〔元〕趙 汸 撰

目録	僖公上 七五	春秋集傳卷第五 七五	閔公 七一	春秋集傳卷第四 七一	莊公 四〇	春秋集傳卷第三 四〇	桓公 一八	春秋集傳卷第二 一八	隱公	春秋集傳卷第一	春秋集傳序 三	趙氏春秋集傳序 一	校點説明		<b>多</b>		
	者利集傳光第十四	昭公下	春秋集傳卷第十三 []]]]	昭公上 二一六	春秋集傳卷第十二 二一六	襄公下 一九九	<b>春秋集傳卷第十一</b> 一九九	襄公上 一八四	春秋集傳卷第十 ·············· 一八四	成公 一六三	春秋集傳卷第九 ············· 一六三	宣公 一四六	春秋集傳卷第八 ············ 一四六	文公   二  0	春秋集傳卷第七  二 ○	僖公下 九八	<b>春秋集傳卷第六</b> 九八

<b>倪尚誼跋</b> 二九一	春秋集傳後序	金居敬跋	哀公	春秋集傳卷第十五	定公
二九一	九〇	二八七	二七二	二七二	二四八

#### 校 點 説 明

春秋集傳》十五 卷,元趙汸

同

九),年五 元延祐六年(一三一九),卒於明洪武二年(一三六 《明史·儒林傳》有 趙 防,字子常,徽州休寧人(今屬安徽省)。 晚年屏居東山著述,學者稱「東山 生於 先

自

段隱居著述 爲界,大致分前 趙 汸 淡泊 名利, 後兩 個 以 階 學 段: 術 終 前 身。 \_ 階段遊學,後 他 一生以 三十 階 歲

隱居,開 正 前 年,盡得黄氏經學精 七),離開 往 六年、至正 江 趙 西 **汸**十 始《春秋集傳》的著述。 臨 家 九 川 鄉 八年,黄澤、虞集相 拜 歲 到 前, 訪 九 致 在家 髓。 江 仕 拜 家 訪 鄉 至 居 研 正 著 的 習。 名學 四 至正十二年,紅巾 繼 虞 年(一三四 集,問 去世後,趙 至元三年(一三三 者黄澤。 學 請 四)趙 前 益。 汸 歸 後 軍 至 鄉 汸 六

間

這

鄉。 年十一月,史事既竣,趙汸力請回鄉,旋卒。 州 入休寧,趙汸 洪武二年,明朝廷修撰《元史》,趙 趙 方躲 避 在 \_ 外,直 度協 助 到 抵禦。 至正 二十二年,才 後 紅 巾 防得入史局。 軍 鄧 愈 旦 到 佔 家 領

進

徽

《左傳》。 三傳之間 故里,從小浸潤於理學環境。 的《春秋》主旨存有内在認 承蜀學傳統,謹守漢 匡、陸淳或「考三家得失,彌縫漏闕」,或「排比 種學術背景下竭 的 發筆削之旨」,或「攻擊三傳,總 漢至 \_ 些 觀點對立。 處在理學 的 唐初《春秋》三傳 解 經張力仍然存在。 占 盡 唐注 統 心力,希望消除《春秋》三傳 治 同感。 疏、在《春秋》三傳中、特 地 並行,唐中葉有啖 位 黄澤、趙汸師徒二人在 的 趙汸更是 舉大意」,但《春秋》 黄澤 時 代,他 祖 籍 對 來自朱 四 理 助、 川 科 學 子 秉 趙 化 重

之學。 秋》如此、《周易》等其他經典也是如此。 初含義,而 黄澤、趙汸二人入手之處,就是建立系統 黄澤 孔子 認爲諸 删 述 經都是 又 有 其 聖 册 人 述 所 述,諸 的 旨 意。 從 經 這 文 不 品品 本 的 僅《 義 有 春 分 例 原

例 集 例 筆 陳 的 出 之學。 削 傅 主 發 削 少 》則 之 要 良 部 之義」的 闡 的 特 分是用字的 是它的 發 色。 觀 春 其 八。 點 秋 中 核心。 更 趙 運 屬 涵 汸 策 用。 辭 發 義 在 》詳 書 展 義 將大部 老 構 例。 之 他 出 細 師 建 例 認 闡 解 出 筆 大部 爲「策書之例 套 述 分書 經 闡 削、變文、特筆、 空 了 思想 釋 分是書 前 這 與 理 精 套 不 的 論 義 密 書,以 基礎上 與不 例, 的《 是 + 黄澤 有 春 而《春 及 書 月 五, 秋》義 日 部 的 吸 經 是 義 取 分 而 秋 學

爲 憑 傅 很 解 藉 難 義例之學,趙 系統不 爐、在《春 證 吴澄 實 但 僅 人許 將 秋》學 吸取《公》、《穀》二傳 程、 多 防又將《春 朱 史上 觀 義 點 理 占 體 很 有 系 秋 好 嚴密 重 地 經 要 融 義例,也綜 的 論 地 X 漢 位 義 説 學 例 精 與 之 詳 合了 宋 學. 學 儘 中。 鑄 陳 管

免了

以

往

義

例

之説中深文周

納

的

弊

病。

趙

氏

的

這

套

和

刊

刻

兩

次

用

字

不

同

歸

於「史例」,而

不是孔

子

筆

削

之旨

這

就

避

年。 階 段 春 重 秋 寫 集 初 傳 階 稿 》的 段,《 階 段 成 春 書 時 秋 艱 턥 屬 難 從 辭 曲 至 撰 折 IE 成 1 大 年 致 趙 到 經 汸 至 歷 以 7 IE 爲 + Ξ 有 不 + 個

> 辭》 誼《春 妥, 終結爲止。 秋 年,「乃疾疢難 汸 集傳》仍未完成。 去世後,門人倪 義 遂從至正二十二年 例,從 秋 集傳 在十 昭 後序》)。 公二十 危, 五 尚 閣 卷的 第三 筆 誼 À 直 開 未 根 篇 年 到 個 續,序文亦不及改」( 始 據《 幅中, 開 洪 階 重 始 春 武二年,趙 段 寫。 約 續 秋 是 占 寫,至《 集 寫 倪 兩 傳》 至 尚 卷半 昭 誼 汸 初 春 公 去 續 左 稿 秋 寫 世 和 十七 倪 獲 麟 屬 趙 尚 春

《春 命 令司 秋集傳》之 明 訓 嘉 夏 靖 鐘 + 初 校 年(一 刻 訂《 本。 春 秋 五三二),休 此 集 後《春 傳  $\forall$ 秋集 並 寧 捐 傳 縣 俸 义 主 FI 重 刻 簿 新 劉 校 時 此 濟 訂 爲

倪 Ш 趙 尚 誼 汸 夏 鏜 輯 跋 編 本 半 後 頁 學 九 永豐夏鐘校正」,前 行 ',行 + 字, 卷 有 端 趙 汸 題 序, 新 後 安 東 有

日 銿 序,書末 金 日 銿 本 半 倪 頁 尚 九 誼 行,行 跋 三 十 字,趙 汸 序 後

有

金

屬 辭 據 金 雖 日 傳 銿 而 所 不 作 廣 序 言 故 將 當 菃 時 兩 ~ 集 部 傳 書 雖 百 存 刊 而 刻 不 傳 他

 $\sim$ 

説: 庶 今欲復校, 的 同 志 休 銿 者 寧 舊 縣 有 嘗手校 無從得善本,姑草模校 取 主 馬。」 簿 劉 有 此 時 劉 濟 處 少 劉 所 # 謂 少 刻《集 尹 劉 當 少 刻, 傳》本,已久失之, 尹 指 同《 刻《集 主 持 屬 解》並 夏 傳》本」, 鏜 校 行, 訂

即

夏

鏜

校

訂

本。

本

玄 卷首 故 根 錫 據 通志堂底本當 跋,最 千 除 康 頃 趙 熙 堂 汸 時 後 藏 序 納 倪 外, 本 蘭 尚 爲 刊 成 還 誼 夏 刻。 有 德 一鐘校 跋。 修《 納 但 蘭 訂 通 汪 卷 成 本。 跋 志堂 末 德序。 爲 首 夏 經 列 鏜 解 金 納 》, 校 居 蘭 敬 訂 序言 本 跋, X 此 而 中 次 作 書, 説 汪

堂本。 乾 隆 時 修《 四 庫 全 書 \* 亦 收 此 書, 底 本 是 通 志

少。 例子 校 人 如 所 通 訂 ·極多; 志堂 詬 金 最 日 精 個 本。 銿本 但 刻 錯 相 本皆 抄 誤 録 對 反,夏鏜 四 最 屬精 夏 時 庫 少。 多 鏜 所 經大家精 收《春 本 校。 本不誤,通 夏 也 鏜 相 有 本 秋 對 部 誤 審 而 類 分 校 志堂本 而 言,通志堂本後 的 書 訂,其 通 籍 刊 志堂本 多 正 誤 經 校勘水平, 但 的 删 改 總 例 削 體 子 IE 出, 爲 不 的 極

> 志堂本爲 過 前 文後金居敬跋、 底 人。 本 校 因 以 此 夏 此次校點,以 鏜 倪 本、 尚 金日 誼 跋 銿 原 康 本 無標 熙十 和 文 E 九 淵 年 今 閣 刻 新 四 拟 庫 通

於後。

全書本。

往

往 超

校 點 者 錢 永 生

Ξ.

知

聖

經

不

可

以

虚

詞

V

異,破

碎

牽

合

以

爲

## 趙氏春秋集傳序

東

Ш

趙子常先

生

元

季

師

事

九

江

黄

楚

望

今書 書,爲 明 成 傳《 病 IE 之例十有五 春秋 集傳》 Ŧī. 壬: 輟 春 卷,則 也 筆 寅 》之旨 三傳之學者尊 秋》之學,著《 集傳 子 大 先 得 門人 先 明 先《屬 生 生 T 方 經 而 再 義 頃 常 倪 完 111 筆 著 例 堂 謂 尚 辭 之 則 削 藏 其 微 屬 誼 志,必二 屬 是 之義有八。」迨後《 而 稱 書 本 有 援 辭 解》特 成 書宜 之。 至 未 先 × 大 者 合, 昭 生 ^ 論 與《 先 補 書 之義 公二十 推 次 自 更 生 註 相 屬 筆 焉 序言: 須 復 × 表 辭 削 續 討 有 七年 竊 裏 之權 成 師 并 論 觀 屬 之, 策 集 説 行 而 辭 傳 也 後 而 即 以 至 書

定 宗 多舉 説 所 杜 我 有 人 以 疏 其 朱 倪 其 元 要 微。 舉之書 預 所 之書 罪 窮 氏 與 閒 氏 者, 書 注 書 經 我 其 先 使 與 見 之要在 故 法 之義 篡 牛 遂 亦 學者 不書 左 雲 新 先 心 莫 聖經 先 法 百 有 輯  $\forall$ 峰 安 生 程 生 時 能 如 其 羣 即 以 見 于 沐 輔 爲 氏 辨,獨 乎 先 人, 言, 雙 策 考正 有 又有 義 史 浴紫陽之澤,老 致思, 翊 生 湖 皆 書 集 筆削之大旨 例 然 羽 者 開 兩 之 傳 環 能 ^ 其 幸 推 未 翼 代, 左傳》 例 **\*** 胡 于是深 谷、蓉 後 著 之 有 往 先 左氏 氏、 本之二家 脩 書 止 頗 以 迥 生. 説 明 詳。 筆 齋 推 定 求 蚤 然 峰 傳 悟 如 禮 宇 削 陳 明 特 筆 見 网 **>** 夫魯 師 魯史亡 環 樂, 削 大 氏 尚 朱 公、穀二 出 陳 楚 汪. 宿 面 之旨 谷之《 義 大 存 子 望 氏 E 爲 史 能 兼 儒 一公、穀 , 最 之學。 遺 有 采 而 即 世 仲 多 得 風 法。 衆 氏 聖 則 告 儒 林 出 知

不見。 者, 豈必賴是書也夫! 學者知三傳之不可廢,不僅抱遺經以究終始 人汪 所可及哉! 而後聖人之經明矣。 曰「前無古人」,其推 元 嘉靖 錫, 而屬 中,東阿劉隅始得其書于先 先生卒後,門人輯成藏弆,故 教諭 服 故朱風 夏鏜傳之。 之如 此、豈同時諸 林 噫 ! 見其書, 後 生 之 儒 輒 鄉 人

康熙丁巳,納蘭成德容若序。

## 春秋集傳序

乎 用 於 復 下 上 治 世 年,王室賴之。 晉文公承 之,蓋 散、大夫 以 也。 斯 昊人 明 尊 時, 到  $\pm$ 春 天 齊桓 嘗 盟 秋 道 于今受 不興,諸 其遺 王,下以安中國 專國,陪 》,聖人 足 諸 歎 變至 公出 曰 以 夏,則天 烈,子 故孔 其 : 於魯 興 糾 侯 「苟 經世之書也。 周 賜。」及乎晉伯 臣 倍 之以 子 孫 魯 擅 有 而 下之亂 畔, 稱 用 繼 命 患夫當 一,而 會盟 蠻 其 楚滅 我者,吾 主 變至 夷 功 天下 夏 極 ,齊之以 侵陵,而 日 盟 昔者周之末 矣。 世 於道。」始 陳、蔡,宋 復歸 不 : 者 其 諸 競, 孔 百 侯 爲 于 征 匡 莫之 諸 有 莫 子 東 伐 IF. 蓋 能 天 餘 周 生 滅 侯 復夢 能宗 夫! 以 成 狩 明 文

絶世,舉 齊、三家之魯、出公之衞 没,文不 有 不行,則又歎 戎狄可 文、武之政 君 法,脩桓、文之業,率天下諸 而合諸侯、匡 王 君、臣 獲麟,則 之至德,吾無閒 意於齊,晚尤拳拳於魯也。 予,雖聖人 」此其心豈 見周公! 斷 膺, 臣、父父、子子,則 自 逸民,謹權 在兹乎!」使 可 隱 夫 荆 子 天 舉 公, 曰:「甚矣吾衰 舒 也。 亦 老矣。 能 鳳 下,猶運之掌也。 可 加 無 鳥 懲 然 之 日 不 足食、足 量,審 以 也。 矣! 筆削 至,河 仲尼 見 而 嘉 口 其 忘天下者。 瑞 當是之 六卿之晉 法 正 志矣。 是 得 列 既 侯 不 也 兵 也。 度, 又 君,復 應,而 夫 伯 以 ! 出 而 曰 脩 子 時 事 者 啚 二、文 民 興 既 乃 之志 廢官 周, 二、 田 之 信 滅 周 矣 以 即 天 於是 吾 而 國 功 公之 氏之 則文 下 吾 道 夫  $\pm$ 已 魯 總繼 過, 也。 莫 矣 子 既 中 西 不 終 則 則

尊天王、内

中

國之義

貶諸

侯,討

大夫

亂 是 臣 歲 賊 之 子 以 IF. 人 心 示 Ŧ. 法 蓋 天 之 所 室  $\mathbf{E}$ H :

誅

其

而 命 朝 也 者 請 :哉? 討 之。 故 夏,  $\vdash$ 適 當 齊 聖 修 陳 人 書 恒 經 之 弑 世 際,夫 其 之 書 君 贵 孔 也 欲 子 書 托 沐 成 諸 浴

傳 白 家 者 歲 而 其 歷 孔 深 戰 子 知 或 卒。 聖 秦、 人 當 制 漢 時 作 以 高 之原 及 第 近 弟 者 代 子 鄒 説 蓋 孟 者 僅 氏 殆 有 數 而 得 已 + 其

伯

矣。」 文,其 詩 此 文 FL 則 門 史。 然後《春 傳《 孔 春 子 秋 秋  $\Box$ 》學者之微 : 作。 「其 其 義 事 則 ì 則 丘 也 齊 竊 桓 周 取 雖 晋 之

矣。

蓋

夫孟

氏

之言

日

:

王

者之

迹

熄

而

詩

 $\forall$ 

于 失 民 政 心 Щ 者 先 未  $\pm$ 泯 詩 故  $\approx$ 善  $\sim$ 書》、 有 美 丽 禮》、《 惡 有 樂》之: 刺 人 教 情 結 猶

康 失 不 治 序 能 忘 教 而 之迹, 於 上下 其 上 始 相 也 湮 忘 滅 迨 怨 無 其 刺 餘 柳 不 矣。 也 作 夫 則 綱 世: 文、  $\pi$ 變 武 常 如 顛 成 此 倒

IIII

春

秋》不

作

則

人

心

將

安

所

底

止

乎

故

原

及

則

?

之 世 , 卑. ^ 中 詩 齊 或 Ľ. 伯 H 肇 然 衰 興 後 晉 春 春 伯 秋 秋 攸 之所 作 廢 由 春 隱 始 秋 也 桓 之 之 所 定、 世 由 終 哀 Ŧ.

也。 桓 方天 文 之 命 在 事 周 不 未 口 改 誣 而 也 上 是 無 以 天 子, 聖 下 無 方

官 故 掌 : 記 其 事 或 則 之 齊 事。 桓 晉 春 文。 秋 古 者 魯 列 史 或 策 皆 書 彻 中

之, 事 之得書不 非 夫 人 之所 得 書, 得 有 議 周 也 公 遺 吾. 魯 法 焉 百 寇 太史 也 Æ  $\Box$ 掌.

歟 取 ? 太 史氏 然 則 所 將 職 如 而 之 修 之, 何 ? 魯 凡 之 君 史 臣 所 其 書 能 有 無 筆 惑 有 志

史 削 史 所 不 書 吾 不 加 益 也 故  $\vdash$ 其 文 則

0 也 筆 也 史, 故 削 學者 日 主 則 : 質 削 即 録 其 是 游 義 而 而 夏 른 則 求 Fr. 不 竊 能 春 思 取 誊 過 秋 之矣。」 \* **>** 爵辛 志 存 非 此 撥 史 制 亂 作 氏 所 筀

然 自 孟 氏 以 來 鮮 有 能 推 是 説 以 論

春

見

也

左

氏

**>** 

書

首

所

載

不

書

之例

皆

史法

0

有

體

夫

子

所

據

以

加

筆

削

者

, <

左

氏

**>** 

亦

未

之

則

遂以《左氏

所

録

爲

魯

史

舊

文,

而

不

知

策

書

其

所

書,以其

所

書

推見其

所

不

書

爲

得

學《春

秋》之要,在三傳後,卓然名家。

然

其

所

蔽

始 明 乖 厭 是 其 筆 其 有 無 秋 於尋 用二家之説, 兼 不 所 所 離 所 削 傳 取 師 知 之 發 莫知 而 澤者 者 有 蓋 穀 承 其 皆 不 0 猶 其 傳 文之 義 史 發, 統 則 者 例 失由三傳 也 故 則 有 紀。 非 則 主《左氏》則 則 也 欲 經 參之《 則 ^ ^ 其 史也。 左氏 盡 之佚 公羊 故常 臆 使 來 舍三傳, 決 聖人經 始。 久 左氏 **ĕ**, 義 》、《穀梁》 È 無 矣。 後 焉 一史以 據, 《左氏》有  $\approx$ 者 世學者舍三 非《公》、《穀》, , 故 世之 直. 至 以 流 莫 釋 永 究 據 其 能 遁 遺 有 經,是不 嘉 道 經 所 失 相 經,分 見 陳 以 見於史, 闇 不 中 於 君 生 0 0 傳 書 而 舉 義 經 實 主 知 不 異 其 其 則

故

也。

之,失 也,非 多 者 不 「, 皆 矣。 書發義, 其本 筆 以 由 削 爲 不 之旨。 夫子 實 矣。 考 與 於 所 ^ 故 《公羊》、 左氏》異 於《 孟 削 氏, 則 左 其 而 氏 《穀 師 不 **>** 昧 所 **《梁》**每 合 夫 録 陳 於 制 氏 聖 而 難 作 人 經 合 疑, 之 者 不 而 原 亦 書 求 以

之。 書。 書, 人禮 削 女歸、娣歸、來媵、致女、卒葬、來歸皆 Ŧi. 卒。 之義 曰 非 三日 蓋 四曰君 適 君 則 六日 有 嘗 子 命 書「卒」。 納幣、逆夫人、夫人至、夫 八。 論 生 不 公女嫁 夫人薨,不成喪 而 則 書。 策 列 書 書之例 之, 之「公子」。 爲諸侯夫人, 君 日 策 見 公 書 + 弑 即 之 有 不 則 位 Ŧi. 例 書。 諱 + 大 不 納 而 有 夫 葬不 人 行 幣 日 書「 Ŧi. 在 歸 其 君 來 位 薨 用 皆 禮 舉 而 逆、 書 夫 書 不 必 筆

「舍」,原脱,今據夏鏜本補。

 $\pi$ 

子之命 之 雖 滅 妻, 内 異 稱 名 書 此 越 日 日 外 某 十 無 此 女 伯 崩 史氏 無 氏 或 禮 諸 將 行 凡 者 帥  $\equiv$ 不 史 Ì 則 不 尊 不 侯 卒 滅 之録 之役,令不 策 書 也 書 師 書, 日 氏 書 之 來 師 不 惟 不 書之大 大 之 大 之。 逆 少 外 君 赴 王 告 書 筆 平 王 夫 録 夫 稱 災 將 后 則 其 敗 而 削 臣 内 E 乎 軍 奔 將 告 不 不 書 體,曰 之義 事 者 有 賦 命 外 勝 及 言 書 則 ; 有 將 而 事 也 者 書 不 一,禍 魯 書 帥 適 ,爲諸 改 有 卑 己 玉 七 告 名 也 天道 之。 諸 亦 師 八 師 0 帛 作 曰 福 八 克, 氏 侯, 不 : 外 衆 之 時 日 不 十· 二 踰 侯 書。 + 此 微 未 使 不 祀 稱 雖 告  $\exists$ 諸 則 制 史 Ŧī. 曰 者 命 則 書 時 師 告 王 亦 侯 氏 以 曰 + 亦 存  $\Box$ 告, 事 書 書 不 于 不 田 有 之 凡 將 内 凡 日 書 策 名。 書。 策 書。 人。 命 凡 苟 書 通 天 尊 辭 天 告 于 日 者,皆 也; 也 非 出 凡 顯 假 體 狩 内 土 恒 君之好, 出 日 諸 ; 體 筆 吾 越 女 公 功 其 疆 有 奔 或 或 へ 卒 葬 夫 削 禮 爲 義 五. É 無 不 不 日 侯 略 略 人 以 : 義 辭 盟 有 與 日 軍 削 彼 常 書者 或 則

則

書

+

諸

侯

九

 $\Box$ 

雖

及

告

則

策。

大

夫

渦

時

書之。

災

物

録

平.

師

衆

+

川

微

者

公即 行 外 日 可 玉 會 易 賦 也 權 如 以 來 位 焉 帛 筆 日 改 寄文,於是有 歸 之 ^ 日 之,不 ^ 出 日 作 以 春 春 使。 薨 日 逆 師 爲 踰 秋 秋 葬, 大夫 夫 猶 制 書  $\sim$ > 日 凡 人、 撥 魯 日 者 或 魯 此 外 公子 亂 一受兵, 孫 削 夫 史 之 諸 書 春 經 之。 人 也 類 侯 卒 日 有 世 秋 至、 ', 曰 夫 **>** 卒 日 不 策 其 其 也 而 葬, 祭 書 人 世 書 書 公大 筆 或 祀、 歸 子 之 日 以 于 削 史 生. 大 策 大 有 兩 蒐 夫 日.  $\vdash$  $\exists$ 

輕 以 明 重 非 罪 有 及 鍋 勤 於  $\pm$ 天下 復 辟 之故 不 書 不 之 類 悉 也 書 是也 或 略

以

見

此,

以

來

歸

爲

義

則

不

書

歸,

以

殺

之

不

書

之

類

也

或

略

是

以

著

;

以

明

變,

釋

不

朝

IF.

内

女

寧

之

類

略

司

以

存

異

公

行

不

書

致

之

類

功

强

伯

責

中

全

横

也

爵

秋 書 之名 ()大夫 名實 同 於 實 或 實 略 有 者  $\vdash$ 大夫 則 Ŧī. 者 諸 皆 然 几 變 有 以 變 者 而 諸 夷 伯 實 從 文 則  $\Box$ 侯 之際,亦 求 事 文 侯不 稱 專 · 僭 主 以 謹 之, 異 自 征 如 之 不 諸 則 名 兵 者 華 人 晉 示 伐 此 法 王 侯 序 楚 氏  $\pm$ 則 而 之辭 義 夷之辨 伯 在 焉 猾 無 而 君 則 諸 變 可 可 川 0 中 諸 伯 夏,故伯 君  $\pm$ 侵 子 文 無 侯 别 ^ 夷 衰 將 侯 大 者 春 伐 奪 辨 散 也 嫌 。, 亦 大者 則 然 使 夫 興 無 秋 不 楚 0 則 平 疑 有 Œ 學 將 此 **>** 變 稱 章 益 ? 大 IE. 者 中 稱 事 雖 不 者 明 略 春 文 君 侵 夫 必 之 子 百 有 而 書 或 於 即 秋 是 也 書王 陵 將 興 其 筆 是 而 無 是  $\pm$ 之 其 此 非 又 中 不 非 文 有 恒 有 伯 矣。 實 文 以 楚 有 春 , 諸 或 稱 稱 不 異 削 之 中 去 至 去 而 攘 彻 秋 著 者 名 名 俄 或 夷 之 侯 異 名 卻 東 則 川 而 氏 名 以 於 有 爲 以 春 狄 稱 口 所 而 周 稱 無 日 爲 爲 矣。 既 名。 甚 人 不 天 以 文 辭 下 H 日 恒 · , 天下 道 解 月 變, 月 致 陳、 恒 爲 正 猶 極 至 所 之法 大大 筆削 爲 其 其 略 七 人 不 伐 其 則 韋 以 嚴 變。 若 名 事 日 吴、 足 分不 知 則 鄭 以 信 以 品 分 者 大 特 不 之 以 有 不 以 大 滅 足 月 以 日 筆 也。 而 平. 反 盡 而 楚 明 不 日 義 陳、 以 爲 别 月 , 不 宋、 常 義 書 而 則 月 爲 之。 於 詳 夫 盡 月 以 六 事 吴、 滅 른 變。 辭 爲 盟 變 而 天 明 義 爲 有 蔡, 則 者 旨 後 于 異 大 類 文 越 下 恒 非 故《 而 以 以 卓 聖 蜀 尚 雖 抵 0 與 假 也 常 不 後 異,非 不 則 其 不 人 徐 春 以 上. 有 討 盟 月 有變文。 H 情 以 以 特 能 日 下 損 秋 六 賊 干 亦 爲 爲 月 月 筆 有 爲 盡 内 益 復 之 宋、 日 略。 書 必 爲 爲 恒 是 特 詳 見 外 特 義 史氏 猶 龃 楚 異 會 變 之 IE. 恒 則 則 然 筆 號 其 中 事 則  $\Box$ 之, 于 無

詳

是

文

辨

則

以

則

以

H

以

H

以

不

又

假

史

氏

所

以

IE.

或

異

無

不

禍

蜀

雖

變

於天

申

恒

辭

别

是 削 無 變 以 也 文、特 微 īE. 見 H 亦 義 不 爲 春 顈 不 異 自 筆 秋 多 矣。 非 既 見 本 將 有 各 使 魯 故 所 以 史 日 屬 是 類 曰 成 辭 辭 Œ 明 辭 書 從 比 皆從 從 而 主 事 夫子 主 日 人。 以 史 月 求 氏 作 又 主 之, 舊 經 相 X 此 文 則 爲 謂 唯 八 經 筆 者 以 魯 而 削 緯 實 所 筆 君

制

作

之

權

衡

也

然

聖

人

議

而

弗

辨

已矣。 之公 者 襃, 議 實 削 法 大 體 書 其 録 以 而 惡 者 弗 者 惟 mi 是 行 而 而 故 辨 不 己 非 權 不 春 治 見 足 日 之 聖 則 足 秋 平 而 録 以 心 以言 凡 治 内 則 言《 乎 知 何 謂 平 者 爲 \_! 我 ^ 春 容 外 恒 貶 皆 春 春 者其 是 秋 心 者 異 有 秋》賞 秋 其 故 哉 乎 恒 矣。 之。 惟《 襃 知《 矣 ? 外 異 貶 春 春 人之功、 乎 也 辭 知 善 以 知 秋 内 秋 足 而 千. 則 学 經 也 春 ~ 以 謂 見 萬 之 秋 明 罰 則 之 世 録 策 體 義 人之 謂 假 夫 則 書 罪 X 要, 之 子 之 筆 我 斯 心 爲

> 之者 之例 Ŀ 則 急 攻 罪 口 則 果 凡 也 亦 得 而 去 哉 不 自 以 ൬ 安 然 亦 人 明 足 破 虚 能 之 後 不 以 矣 辭 足 族 追 筆 論 苟 説 以 削 求 聖 知 朏 雖 經 論 之 聖 人 虚 然 者 聖 義 辭 也 人 之 人矣。 使 其 可 説 爵 之 然 非 求 刻 經 意 後《 孟 襃 之 深 故 於 筆 氏 辩 而 春 無 學者 千 之 字 急 削 秋 益 之、 遺 之説 之 數 經 必 而 言 義 百 貶 刻 111 知 尚 既 年 皆 深 策 而 明 在 道 辩 不 名

爲 法, 各有條 載 氏 日 IIII 之言 要, 善 具 然 有 也。 知 汸 於《春 後 聖 理。 其 自 大 人書法 於是思之者 早 得 經 其 秋》 洊 歲 失 説 經 獲 異 義 以 以 而 離 聞 司 始 考 求 妙 亂, 資 完, 之 書 + 在 故 中 傳 法 深 有 屬 學 黄 及諸 爲 恐 者 辭 餘 反 楚 先 失 載 自 比 覆 望 家 墜 事 思 推 先 卒 謂 陳 而 乃 莫 明 有 生 有 氏 得 輯 得 X 論 不 魯 之 於 録 燦 復 史 Ŧī. 書 爲 然 數 孟 乃 書 經

説,苟得其本真者,皆傳以己意,暢而通之, 蔽,傳諸 所聞,不能 名曰《春秋集傳》,凡十五卷。 以考事爲先。 氏》而已,故取《左氏傳》爲之補注,欲學者必 書,以謂後世學《春秋》稍知本末者,賴有《左 同 志, 無惑, 其文與義,則三傳而後諸家之 以 俟君子或有 别 撰《屬 辭》八篇,發其 取焉。 尚意學者溺於 新安趙 隱

汸序。

九

#### 春 秋 集傳卷第

新 安東 山趙 汸

輯

隱

公

元年春 之命 死。 子不 遷之後,周室微弱,平王莫能 無 治其源,是故始於隱公也。 起,皆在 春 主,自相 秋》曷爲始於隱公? 故《詩》自《黍 了, 王 崇而 Œ 隱 正 絶 而 月 、《春秋》自隱公而始也。」 侵伐, 公之世。 後 能 伯 中國大 離 者興 <u></u> 春 而 焉。 秋 降、《書》自《文侯 亂,夷狄乘之,天 春 孫明復 **>** 秋之 撥亂 中興,迨隱 本 其 初,諸 行: 「 反 禍 IF. 端 東 必 所 侯 而

梁傳》 《左氏傳》曰: 凡 筆 位以 則何 繋日 筆焉,有削 之所記,皆君 惠公薨,桓公幼。 室以聲子,生隱公。 朝廟告朔,與人更始,故史書其正 「正」也。 月,周月 元 不書,策書之大體 諸 策書大體,天事二: 削 年者,公之始年 以 淹 侯。 者,吾 俟桓長,然後授之,是隱之志 曰 : 書 也。 日 ^ 《春秋》,侯國之史,故 正 i 者繫 春秋》編 焉 無 王者受命,必改易正 事 月」? 公雖不 「攝也。」惠公元妃 加 始也。」公曷爲 介, 踰 策書之大體,義 也。 損 立桓爲太子,而己攝 也。 也。 年以 焉 行 再娶仲子,生桓公。 日 月者繫 其禮 夫子作 春,周 紀事, ^ 時序, 曰災祥。 春 · 以禮 秋 則 不 時 事 時 春  $\approx$ 書, 孟子卒,繼 有 加「王」 也。 以 魯 月。 即位 朔 無待 秋 不 即 此 也 日 史 以以 》,有 行 無 決 位 《穀  $\pm$ 一, 猶 也。 於 王 則 君 事 者 於 統 IE. 史 ?

改作 師,日 卒,曰 子生, 具 其 執 + 事 人大歸,曰内女卒葬,曰來歸,曰大夫公子 諸侯來朝 馬、以爲 書于策者,皆存 日 日 踰 公出 用 出 日公夫人外如 公即 日 制 民 奔, 天子 魯《春秋》也 日 温, 日 力 "; 曰 位  $\Box$ 取 之命 ,日逆夫  $\boxminus$ 弑 或 大夫來,日諸侯卒葬,日相 大夫 時 邑,曰 君,曰 而 田 日 一; 曰 不 出 人,曰 時 天 削 或 殺 薨 疆 祀 王 受兵。 大 , 曰 葬, 而 崩 越 夫 夫, 曰 禮 葬 會 日 人 或 外事 盟, 孫, 日 至, 之本 内 滅 軍 日 事  $\Box$ 日 八: 或 賦 末 出 夫 世

三月,公及邾儀父盟于蔑。

魯 君 焉 日 及者,暨 !地也。 未王 爾。 會 凡 也 命, 邾至儀父能自列於諸侯,於是隱 儀 特 父者,邾子克之字也。 恒 相 《穀 盟 稱 梁傳》 ,内之志 名。 稱字者,貴之。  $\Box$ : 「及者, 曰「及」, 外 附 内 之 爲 庸 蔑, 之 志 志

過百

雉,國之害也。

君將

弗堪。」公曰

多

行不義,必自斃。

子姑待之。」公子吕

公弗

許

莊

公立,使居京。

祭仲

日

:

都

城

之閒

者

也。

段,姜氏

愛子

也

一嘗欲

V

之,

武

夏五 以 下 H 年 特 之。 攝 小, 防之類。 日 相 月,鄭伯克段 0 位 爲恒 據二年于 , 盟 異於 春 求 日。 秋》名號 一,則不 及微者,日。 好 離 於 唐。 雖及大夫,日。 盟 邾 于 H 之 此 從主人,不 鄢。 以 非 而 何 見 義 其 以 鄢音 據八年 義 者 君 不 也 故故 來 偃 日 浮 以 盟 據六年艾,莊十二 ? 不 來。 IE. 日 隱 故 不 及夷 以 能 魯 正 别之。 以大 人 狄 貴 内

後有 修《 盡義,而後 晉。 此 鄭 春 其 特筆。 伯之弟 秋》之特筆 日 鄭 有變文。 凡特筆,必 段 伯 出 克 也。 段 奔 變文 共 何 ^ 也 春 有 ? 不 Œ 秋 外 據 足以 於君 伐 筆 秦 叛 伯 削 之弟 邑 臣、父 盡 不 史 義 鍼 足 不 出 子 而 以

段,而 見段 易見,而 先君之子 之爲言勝也。 之處心積 倫 伯之情見 不言出奔,難之也 將自及。」聞 或 盡 不堪二, 君將 之有 矣。 甚 鄭 《左氏 鄭 稱 矣, 慮,成於殺 徒 伯 伯 其 公子,有 衆 君臣之義、 之惡 也 將 以千乘之 也。 傳》曰:「如二君,故曰克。 襲 若之何?」公曰:「無 。」《穀梁傳》曰:「克者, 何 難 鄭,而後討 也。」《 殺 謂 其 知 世 稱 乎 也 母子之恩、兄弟之 子 或 鄭 陳 弟 母: 勝 氏 必 伯 日 焉。 傳》曰: 弟, 其 ? 「克」,則 篡,若争 第云 大 甚 段之罪 君 鄭 「克 爾 庸, 或 伯 賤 鄭

秋七月,天王使宰咺來歸惠公、仲子之賵。咺外也。」 外也。」 写。段不得列於子弟之稱矣。于鄢,言在

也

而

後

但

一名之。

據

齊小白

陽

生,莒去疾,邾

捷

宰,氏也。咺,名也。凡王朝大夫,未爵稱音烜。赗,芳鳳反。

禮,諸 皆月。 書,而 人也。 朝始, 何 ? 賑不月。 焉 助喪之物 字,上士、中士稱氏名,下士稱人。 歸 之? 以不 懲其 侯不再娶。 得失見矣。 有自 其月,著非 天子曷爲 也。 月爲恒,則 不 魯 來 不赴 赴, 矣。 惠公之喪踰 兼赗之? 仲子者,惠公再娶之夫 王人來,不月。 無 禮 也。 王命之見 也。 及 月爲變也 仲 於 據來賵 事 子 年矣,曷 禮之失,自 在 于策者無 則 含、會葬、來求 則 兼 據 其 爲 之也。 來聘、歸 賵者, 兼之 於是 Ŧ 不

九月,及宋人盟于宿。

不 庸 宿、宋之附 于策,則直 宋、魯合也 · 日。 一 之國 而 爲 書 庸 盟 及者何? 其 也 《穀梁傳》曰:「卑者之盟, 事 魯 而 求 른 成 大夫卑,名氏 於 外 宋,故 卑者嘗稱人。 即 其附 不登

冬十有二月,祭伯來。祭,齊去聲。

侯來朝 書月著例 辭 據介葛盧、白狄。 王 故 是祭伯 接 祭 而 但言 臣 也 伯 者,畿 無 不月。 史無文以異之,故書其月也。 私 來 以 王 交魯者矣。 也。 其 臣 諸侯不言來,言來者 内 私 無 諸 祭伯,畿内諸侯 逮莊公而 來,魯人以 外交,祭與 侯也。 其 (月,異 言 祭叔 王臣 來,以 魯 同 也,與介狄 來 其 之禮 出 必 聘。 事 Ŧ 周 介狄 也 臣 據州公來 接之, 公,於 舍是, 0 之 據諸 忧 百 禮

公子益師卒。

之子 蒙上事月也。 東周 世 命則但名之。 孫,公孫之子賜族爲氏,雖公子公孫也,未 下事月者,皆 爲 也。 卿。 禮失,大夫皆自 諸侯之子稱公子,公子之子 策書之大體存,而 《春秋》有蒙上事月者,有 以著 益師 例 稱公子,則既命者也。 決之。 命於諸 侯,其 益 世 師 卿 者, 之失見 賜 稱公 孝公 族 者 爲

> > 小

二年春,公會戎于潛。

之也 特外 連帥 追。」程子曰:「 辭。」何休氏 戎,徐州之戎,魯公伯禽所征者。 會之,非義矣。」凡 王者不治夷狄,録戎者,來者 其君也。 好 不 能 也。古者諸侯 啖叔 斥。 曰:「凡 佐曰: 列 周衰,夷狄 國 離 之君,慎 書會者,惡其 凡 會,雖 非 戎 朝時不 雜 狄 内恒不月,略 古 居 勿 舉 封 拒 號 中 去去者. 得 守 夏,方伯 會者, 虚 君 可 踰 内 也。 竟。 勿 司

夏五月, 莒人入向。向音餉。

國之大夫,微也。 莒人,其大 民,以兵爲暴者也。 曰「侵」、曰「伐」,皆爲暴也。 夫 也。 小 人者,破其國都,俘其人 令春 或 非 秋》之初,曰「入」、 君 將 莒之所 慕者, 恒 稱 人。 小

惡 或 足 向 所 微 人 以 也 者 , 故 兼 慕 杞 也 并 者, 卒 也。 則 爲 許 據 隱 莒 不 魯之所 也 1. 至 滅 车 於 入郕 齊之所 也 慕者, 盡 , 僖二十 據 奪 公伐莒取 之不 慕 杞 八年入曹 者, 也、 止 向。 紀 極 也 書 向 也 不 之爲 H H 力 鄭

無駭帥師入極。

自 文 少 師 言 魯 氏 梁 蒙 有 將尊 將 也 稱 傳 大 帥 未 有 傳 1 夫 **>** 稱 師 命 無  $\forall$ 事  $\Box$  $\Box$ 出 夫 ? 大 駭 君 月 : : 師 君 子 夫 也 少 俠 則 大 無駭 公羊 無 修《 將 也 稱 鄭 大 夫 駭 不言 無 將 未命 夫 春 稱 之名,隱不 傳 大 有 將 駭,公子 將 秋 ₩ E 夫曷 帥 宛 書  $\approx$ ?、詹, 卑 師 大夫 治 : 其 征 書其 師 爲 在 將 大 伐 衆 展 有言 紀有 爵 也 諸 尊 大夫,治 之子 自 稱 大 侯 重 師 諸 裂 夫 師 帥 春 也 者 衆 侯 繻 師 秋 也 也 在 將 稱 之初 0 出 大 征 此 卑. 某 則 有 ^ 夫 伐 陳 則  $\Phi$ 師 帥 不 猶 穀

> 也 亦 0 義 惟 則 内 内 大 從 夫 其 將 恒 悉 稱 從 以 見 其 實 恒 也 稱 外 文

> > 以

秋八月庚辰,公及戎盟于唐。

爲 隱 戎 盟 此 書 然 攝 百 戎 請 爵辛 君 至」, 蓋 盟 位 猶 謙 也 不 日 凡 隱 敢 以 行 何 日 百 中 還 以 「及」者,不 於 或 皆 不「至」? 正 及 不 君 夷 書「至 也 狄 得 云 與諸 耳 不 從 史文 獨 桓 侯 盟 特 公 也 盟 戎 相

九月,紀裂繻來逆女。

書? 禮 稱 裂 大 迎 也 人 0 者 夫 不 無 逆 繻 紀 何 外 文 女 也 書  $\wedge$ 公羊 焉 , 逆女不 以 大 大 使 然 不 則 夫。 夫 大 傳 則 稱 以 稱 夫 ·書, 使 納 君 其 所 則 ? : 幣 據 自 逆 日 書之, 杞伯 何 譏不 逆之 爲 之 逆 以 字。 逆 女 姬、宋 親 稱 爲 略 者 何 使 迎 恒 道 稱 ? 大 伯 也 ? 以 姬 之, 夫 不 或 0 明 爲 納 口 從 君 或 此 變 君 幣 以 史文 親 君 何 也 逆 使 使 親 以 迎

月,以别於大夫之自爲逆也。 無 其文。 ()禮也 禮無其文而 逆女使人,非禮 稱 使,是制禮 也 據莊二十七 非 一禮者 也。 年 其 禮 莒

大夫,非 重乎?』孔子曰:『合二姓之好,以 正 也。」「子貢曰:『冕而 親迎,不 繼 萬 世 E

慶不月。

 $\wedge$ 

穀

梁傳》曰:「逆女,親

者

也

使

必 之後,何爲已重乎?』]何休氏曰:「禮所以 親 迎者,示男先 於女也。 於廟 告本 也。

夏 后 氏 逆 於 庭, 殷 人 逆 於堂, 周 人 逆

冬十月,伯姬歸 于紀。

於

户。

禮 從 婦婦 人者也。 人謂 嫁 ^ 陳 日 氏 歸 傳 w 日 反 :  $\Box$ 内 來 女 歸 爲 夫 婦 人 恒

姬 出 歸。 不 書歸,文十五年 杞 不書歸 叔 姬 不 者,必 書 出 歸 有故 郯伯 成 Ŧi. 也。 年 姬 出 不 是故 ·書歸 以 爲 齊 宣十 嘗 子 失 叔 六

位

也。

紀子帛、莒子 盟 于密

七年咸 外 特 相 沙、八年 盟 也。 曲 濮 外 皆 特 不月 相盟, 著例。 何以

不書。 在焉,異其事 書紀、莒、志諸 也。 ^ 陳 侯之合也。」程子 氏 傳》曰 外 特 Ы 相 盟

以

諸

侯之合散

不月

?

據

定

紀子帛者,闕文。 《春秋》未有 外大夫在

諸侯上者。」

十有二月乙卯,夫人子氏 薨

仲子 也。 日 子 氏 則 何 以 知 爲 仲 子? 由

三年喪畢,考宫告祭知之也。 隱奉桓爲太子,成其 母 喪以 杜 赴諸侯 元 凱 티 : 也。

不及哭,故不書葬。」

鄭 人伐衛 鄭、衞交怨也。 ~ 左

鄭

三年春,王二月己巳,日有食之。 延。 亂,公孫滑 鄭人伐 出 衞 奔 討 衞 公孫滑之亂 氏 衞 傳》 人爲之伐鄭, É : 也 共 取 叔 之 廩

三月 二月 言 前 朔 或 曰 H 日 或 庚戌,天 :「其不言食之者何? 也。 日 食 日,或言朔 不言朔者,食在朔後。 有食之』者,食 失之前或失之後。 也。」《公羊傳》曰: 失之後者,朔在 王 一崩 或不言 IE 朔 朔 後也。」《穀 也。 ? 知其不可 失之前 日 何休氏 日二 食 其 則 或 某 者 日: 知 曷 日 月 梁 朔 也 或 某 爲 傳》 0 在 不 謂 H H

策 不 書 奔 大體存而諸侯之罪見矣。 喪,諸侯 不臣 也。 不書葬,魯不會也

夏 母,不 此 四 聲子 月 辛 可不志 也 卯 君氏 則 也。 其卒之何? 卒 志 則 曷 爲 以 稱

人,而 者,攝 女君。 春秋》之特筆 H 女 卒其 君 子 之稱 嘗 母 也。 繼 如 也 元 他 禮,女君 妃 娣 於是 之室, 姪 河,則 隱 卒, 書 是 成 吾君之喪其 君氏? 桓 日 則妾有 桓 一君 滴 母 爲 而 氏 隱 夫 攝 修

> 母,舉 也。 則隱 禮 庶 也。 也 隱攝 異 其繼室之號卒之,明聲子之攝 《春秋》特筆以正 惠 於 而 他 公再娶,非 桓弑,惠公爲之也。 庶子。 再 ÏE 娶 也 名,因吾君之喪其 非 Œ 聲 子 則 攝 桓 女君 女君 非 滴

秋,武氏子來求賻。 賻音附

何也? 天王 未 王 不 一命也。 名,未 畢 中喪,孤 一崩,魯 命 天子之大夫也。 據 未 也。 膊 求 金同。 爵 不 來 人 未爵使之,非 求, 也 《穀梁 月。 不 其 傳 稱 據 ₩ ⊟ 稱 使 求 車。 武 正 王 也 氏子何 武 不 未 0 ·月,非 葬 氏 也 子 ?

八月庚辰 ,宋公和卒

卒,正 皆 雖 不月,志其 卒者曷爲或日,或不日 告 存 而 而 也。 魯不 不 弔不 慢 削, 往 也 也 而 備 交 不 禮 胡 書 則 鄰 侍 卒者,或彼 ,或不月? 不日 講 國、待 日 .,赴不 諸 凡 諸 侯 不告,或 以 諸 侯卒, 之義 時 侯 則 日

見 矣。」

冬十有二月

爲下事 月 也

齊侯、鄭伯盟于石門。

後書。 於諸 也。 特盟 以 無 多故矣。天下之無王,鄭爲之也。 侯之散。 志 伯 諸侯之合。 ,齊爲之也。 外特相盟不書, 侯之合散也。 ,其不月何? 莒、紀無足道 是《春秋》之始終也。」 書 是故 據定 ^ 齊、 也。 陳 必 七盟于 鍋 氏 書 鄭 傳》 齊、鄭合、天下 齊、 於天下之故 盟 鹹著例。 日 : 于 鄭 鹹 盟 于石 齊、 天下之 以志 以 也 鄭 有 門, 諸 始 弱 而 合

癸未,葬宋穆公。

不  $\pm$ H 葬者曷爲或日,或不日,或 禮  $\exists$ ,諸侯月,尊尊之殺也。 諸 也。 侯不及禮不月。 此以與夷葬穆公,感其立己而舍 諸 不 故天子 侯葬 月 ? 日者, 不及 天 子 僭 禮 葬

是故凡弑君,皆有筆而

無

削

,以弑逆之罪

馮,其 或 葬 或 侈 僭 不 也宜 葬, 矣 而 ! 交 鄰 胡 侍 或 講 待  $\vdash$ 諸 外 侯 之義 諸 侯

見 矣。

几 之 ? 桓十 自隱 年春,王二月,莒人伐杞,取牟婁。 陳氏傳》曰:「外取邑不書。 四年宋以諸侯伐鄭,取牛首 以 春秋之初, 猶以 前 則 書之。 曷 取 爲 邑 而 自 爲 後皆不書 重 隱 從《公》、《 也 以 前 據 穀》例 則 傳

書

戊 申, 衞 州 吁 ·弑 其 (君完。

亂 懼 也。 侍讀 州 臣 也。」孟子曰:「世 弑 臣 作《春 吁,公子也。 公子而不稱公子,公子未爲大夫者 其君者有之,子弑 曰:「諸弑君稱公子,公子而爲 賊 子 秋》。」又 懼。」此《春 不稱公子,從 衰道 曰:「孔子成《春秋》,而 秋》書弑 微,邪説暴行有作, 其父者有之。 史 君之義 文 也。 大夫者 劉

百 無 分 儔 輕 而 重 義 之 非 所 筆 削 該 所 則 加 不 專主 雖 與 於 存 存 策 大 書 體 大 體 而

齊

無

知

陳

佗。

此

何

以

7月?

子

衞

人

以

討

賊

之

夏,公及宋公遇于清。

已也

諸侯以禮相見曰「會」,不以禮相見曰

「遇」,惟内悉書之。

宋公、陳侯、蔡人、衞人伐鄭。

公子 諸侯 宋公伐鄭去馮,因以定其位 馮 初 出 會 奔 伐,從州 鄭 州 吁 吁 未 之 能 請 和 也 也 其 民故 宋穆公卒, 請從

秋,暈帥 諸 侯之師 師 會宋公、陳侯、蔡人、衞 再 舉 也 **電不稱** 公子 人伐 隱 不 鄭 爵 大

師 吁,内以 夫 會伐。 也 於是宋公再 除其所惡。 合諸 侯以爲 舉伐 魯,宋與國 不義,莫甚於斯矣。 鄭 之師 , 外 也,故暈 以 定 帥 州

稱人以殺,討賊之辭也。討篡立者不月,據

九

月,衞

人殺

州

旰

于

濮

濮

音人。

吁,而 義 有 也 吁 以 與 於天下者。 、之會 于 也。 臣子也 未會諸 濮, 衞 ^ 陳 殺 則 春 氏 于 侯,不稱 濮 或 秋 傳》曰:「合五國之衆,不能 人之義信于諸侯矣。 若 人 齊 聽焉。 于濮,言未得國也 無 君三十二,篡 君 知 焉 未 爾 陳佗,殺 有能 而 衞 信 立 以 討 者 濮, 人卒殺 了, 見 其 賊之義 諸 私 陳 定 衞 侯 徒 之 州 州 地

冬十有二月, 衞人立晉。

公弟 不君 繼 則 君 立 立 晋 故 Ŧ. 而 何 ? 也 也,卒討之,逆公子晉而 立 不 乘之國 書 而 子 諸 不 **立**, 討 侯 衞 皆  $\Box$ 賊 人 據宋馮、禦説、晉 又爲之會伐以定 擅 立 公子,嗣 以 置 君 立 其 之 君之義 (君,可 義 位 信 也。 黑 於天下 也 臀、 乎? 立之。 書日 馬, 周 州 爲諸 而 吁 此 晉, 衞 其 衞 殺 然 桓 人 其 書

或 受之天子,正 天子,下無方伯,諸侯又爲之會伐以定之, 人 討 賊 立 君, 也。 而 州吁弑 ^ 春 1秋》與 其君而立,上無 (之者, 權 也

 $\overline{H}$ 年春,公矢魚于棠。

權

非聖人莫能與

也

夏 四 君 月,葬衞 舉必書,策書之大體 桓 公。 也

諸 侯 月葬,正 也。

秋,衞師 郕音 成

秦入滑、昭十八年邾入鄅。 報其侵也。 城。 惡人 者不日,據隱一 衞之亂 也, 郕 此 何 一年莒入向、僖三十三年 人侵焉, 以 不月? 故 衞 有 以 師

或 物 來之也。 一年鄭人滑,文五 一有以 也失其 來之則 己之施人也不 平,《春 秦 不 人都與 月。 秋》 此 獨 據十年 同。 以 有察焉。 道,而後 求 宋、衛人鄭、僖二十 民 情 故 人之 以 外 麗 人 , 報 邦

法,譏禍始

而塞亂源,王者之事

也。

0

九月,考仲子之宫,初獻六羽

以 畢 考者,宫成安主而祭之名也。 其先 以 祔 君 廟,則無二適。 再娶之夫人,而子爲 袝於. 女君 仲子三 太子,故 則 非 年 妾。 别 喪

侯不再娶。 立宫以祭之。 先君之失,非臣子所得 然則禮乎? 曰 非禮 也。 議,故

以義起爲之者 也。 范甯氏  $\Box$ : 羽, 翟

舞者 所 執。 不 言 六 佾 者, 言佾 則 干 在 其

中。 仲子别宫,故 魯以天子禮樂祀周公,後世遂用於羣 婦 人無武 不 事、獨 敢 同 羣 奏文樂也。」程子 廟 而 用 六羽也。 曰 **:** 廟  $\Box$ 

邾人、鄭人伐 初獻」,見用 八 之僭

也

\_°

邾 人先鄭,大夫自以其班 也。

螟。 「見」下、《程氏經説》有「前此」二字。

之合散繫焉,故不月以異之。

以月爲恒,

其爲災也, 螟輕 高 螟,蟲 抑崇曰:「《春 災 也。 螟不 而 秋》書螟 螽重。 書,自 三,書 莊 及其久也,輕者 以 前 [螽十有 則 書之。

不勝書,書其重者耳。」

宋人伐鄭,圍長葛。鄭邑。 冬十有二月辛巳,公子彄卒。

初,猶以 邑,從《穀梁》例。 陳氏傳》曰:「宋、鄭交怨也。 衛莬圃不書,至二十六年書椘人伐宋圍緡■不書 韋 國 爲 自僖以前則書之。春秋之 重 也。」據《傳》,自僖十八年邢 伐國不言圍 狄

六年春,鄭人來渝平。 復曰:「平暈會諸侯伐鄭之怨 魯、鄭合也。 渝平,言變而爲 平也。 也。」胡 侍 孫 講 明

渝,羊朱反。

不月者,據定十一年 人及椘人平,昭七年暨齊平,定十年及齊平,皆月。 其 曰:「離宋、魯之黨也。」平國月,據宣十五年宋 及鄭 平,與 此同。 魯與諸 侯

> 合。 下之故而 傳明年宋及鄭平,宣七年鄭及晉平之類。 則 不月爲 書及鄭平,以志諸侯之散。 變也。 後書。 《陳氏 書鄭 傳》曰 渝平,以 平不 志諸侯之 必 是《春秋 舅 書,據 於天

之所終始 也。」

夏五月辛酉,公會齊侯,盟于艾。

《左氏傳》曰:「始平于齊也。」《陳氏 曰:「春秋之初,宋、魯、衞、陳、蔡一 黨也 傳

於王,而亟平齊、魯,將以合諸侯焉 齊、鄭一黨也。 於是鄭始平魯,鄭 爾。 方交惡

秋七月。

《公羊傳》曰:「此 雖無事,首時 過 則 無事,何以書? 書。 春 秋》 編 年, <u>~</u> 春秋 四時

冬,宋人取長葛

具,然後爲年。」

長葛不言鄭,因上文也。

七年春,王三月,叔姬歸于紀。

叔 不書,重 姬 者,伯 適 也。 姬之娣 待年於國,不 也。 娣 姪 與 與 適 適 俱行, 俱 行 史 則

滕侯卒。

書之。

不然則 故薨 書名,未同盟也。 卒者曷爲或名或不名? 則 赴 否 以名,禮 避 不 ·敏也。」 凡諸侯同盟、於是稱名, 也。 赴 《左氏傳》曰: 以名則 亦書之, 示

夏,城中丘。魯邑。

晉、畏邾、畏莒,不然,則大夫 矣。」葉夢得 三 十· 土工 政,事致 築必書,慎封守,❶重民 邑,未有 应, 曰築,築邑日 無 而 聖 故 爲之備,以奪農時、《春 人皆 曰:「魯之城邑多出 而 爲之者也。 存 城。 而 不 力 吴先生曰:「凡城 削, 也。 不能 得 **春** 强 於 失 而 以 秋》 秋》城 畏 大 自 時 齊、 口 城 所 舉 畏 以 其 其 見 日

齊侯使其弟年來聘。

矣。 者,皆必以 左氏傳》曰:「結艾之盟也。」諸侯之聘魯 故 凡 列 事焉,故施 或 來 聘,皆 而 一不月, 不報 據 非 楚子 邦交之舊 使 遠 罷

秋,公伐邾。

聘,月。

略之也

爲宋討而 「公伐 則外從 也。 内 師 惟 加 郑,爲 外 其 小國皆言伐, 渝蔑之盟。 師 恒 宋討 悉 稱 從 以 也。」公與 其 見 恒 實 加大 則 稱 也 其 國 儀 曰伐者,以衆陵 内 ^ 父盟 變 但言侵,變文 左 文 氏 以 于蔑矣 傳 示  $\forall$ 日

866

冬,天王使凡伯來聘。

寡而

己。

凡伯 以 配 或  $\pm$ 邑。 卿 士 東遷,諸侯不王,天 也 凡 干 朝 公 卿 不 子不能討 名, 稱

書

也。

紡,鄭

祀太

Ш

邑。

三月,鄭伯使宛

來歸

祊。

祊、《穀梁》作邴。

紡音崩

宋。

宋人、衞

人入鄭

則垂之遇爲之也

猶 凡 王 加 臣 聘 問 來 聘 以 皆 懷撫之。 不月,據 非 宰 時 ·咺、毛 聘之舊矣。 伯 皆月。 故 略

戎伐凡伯于楚丘以歸。

之也

中 文 執 諸 此 或 以 侯 執 異之。《公羊 《春秋》謹 止 也。」楚丘 也 諸 侯 其 言 日 衞 華夷之辨,故不曰 執 伐 雖 -傳》曰 地 何?《公羊》例。 也 止天子之大夫亦 :「不與夷狄 執 變文也 之 而 執 日 變

八年春,宋公、衞侯遇于垂。衞邑。

外 年 屋 而 特 宋 之 而 公請 齊、 盟 相遇不 也。 魯 先 會 見 瓦 書。 防,又 于 屋 衞 之 書宋、衞,以其不 宋 盟 明 · 齊 年 猶 未 而 將 釋于鄭 齊、 以 平. 魯 與鄭 誠 也 或 乎 也 伐 明 瓦

> 魯,許 鄭 異 月 捷,成八年宋使公孫壽 事 來歸祊,不 而 邑焉。』《左氏 Ш Щ 穀梁傳》曰 之。 來,言: 祀周 0 之邑也。」《公羊傳》曰 ,諸侯從。 莊 據宣 以 近鄭,各以 公,以 1. 祊 其 ·齊歸 事 祀 易 :「邴者,鄭所受於天子 ', 不 泰 泰山 傳 泰 許, 濟 ₩ □ □ 西 山之祊易許 Ш 月。 納幣之類。 近 Ш 之下,諸 且. 也。」胡 2者相 定十 結 據僖二十一 鄭伯 許 歸 :「天子 易 侍講 鄆、 雖 爲 也。 侯 請  $\mathbb{H}$ 灌、龜 來 辭 皆 釋 年楚 歸 ⊟ : ... 凡 有 有 鄭 泰 陰 故 田 受宜 外 伯 湯 事 而 Ш 田 邑,不 月 之祀 之類。 臣 祊 使 沐之 祭泰 申 泰 以 以 近 宛 獻

庚寅,我入祊。

人懼 也。」祊 羊 歸 傳》曰: 邑不言人,據鄆、灌、 其不服,故 遠 於 難 鄭 也。」《 鄭不 以兵入也。 龜陰。 穀梁 能有 傳》 此其入何?《公 其 而 日 日 後 來 據 取邑入國 内 弗受 魯

我者。言我,交之之辭也。」 不日。異其事也。《陳氏傳》曰:「人未有言

夏六月己亥,蔡侯考父卒。

周<sup>地。</sup> 秋七月庚午,宋公、齊侯、辛亥,宿男卒。

衞

侯

盟于瓦

屋。

《陳氏傳》曰:「諸侯初參盟也。」《穀梁傳》出地。

盟主矣。春秋之初,宋、魯、衞、陳、蔡一黨曰:「諸侯之參盟於是始。」有參盟,然後有

侯,於是 也,齊、鄭一黨也。 盟主矣。 渝 春秋之初,宋、魯、衞、陳、蔡 平 於 魯。 鄭有志 齊 亦 爲 於叛 艾之 王 盟 而 合諸 一黨 以 平

去聲。

也。 爲瓦 東諸 屋之 侯之交盛矣。 盟 以 平. 宋、 程子 衞, 曰:「自 所 謂 成 是 傾 或

八月,葬蔡宣公。

危之俗成,民不立矣。」

九月辛卯,公及莒人盟于浮來。

公及大夫盟不言公,據及齊高溪、晉處父盟。

曷

以

出

則雪不當復降,皆失節

也。

雷電

人,微者,不嫌敵公侯也。」及人,不可言公及大夫。」杜元凱曰:「莒爲言公及莒人盟?《穀梁傳》曰:「可言公

螟。

冬十有二月,無駭卒。

九年春,天王使南季來聘。

《穀梁傳》曰:「南,氏姓

也。

季,字也。」

范

甯氏曰:「季之字者,明命爲大夫也。」

三月癸酉,大雨震電。庚辰,大雨雪。雨、雪,

雨雪。  $\wedge$ 穀 梁 傳》曰: 志 疏 數 「癸酉、大 也。 日 酮 之 震 閒 電。 再 有 庚 大 辰,大

癸酉始 陰陽錯 行 [ij 日 故 謹 也。 而 日之也。」杜 夏之正月,微陽始 元 凱  $\Box$ 出,未 : 書

政 可 日 震 :「雷未 電 既 震電,又不當大雨 可 以 出、電未 미 以 雪 見。 也。 雷 劉 電 子 既

四

也; 雨雪,陰也。 陽不能閉,陰氣縱逸,將

爲害也

挾 卒。 挾音叶

也。 穀梁傳》曰 隱之不爵大夫何也? : 「挾、弗大夫者、隱不爵大夫 日 不成君也。」

夏,城郎。

秋七月。

冬,公會齊侯于防。

士,以 内特 左氏傳》曰:「宋公不王。 相會也。 王 命 來告伐宋。 特相會不書,惟 會于 鄭伯 内悉書之。 防, 爲王左 謀 卿 伐

十年春,王二月,公會齊侯、鄭伯于中丘。 丘 離 盟 會雖内不月,必參會而 則 于 月爲 鄧 爲 詳 也。 師 期  $\wedge$ 也 左氏 傳》曰:「會 後月。 以 不月爲 于 中

宋也。」

夏,翬 帥 師 會齊人、鄭人伐宋。

> 《左氏傳》曰:「羽父先會齊侯、鄭伯伐 也。 君,伐稱 而 《陳氏 再 《公羊傳》例 有 人傳》曰 事 人? 不 - 悉書。 「此中丘諸侯也。 略之也。 役 苟 而 再 令春 再 見,必前 見,但人之,略 秋》舉重 曷爲 目而後 宋。」 會 凡 役 稱

六月壬戌,公敗宋師于菅。 之也。」 菅音. 奸

凡師 但言戰。 元年于偃。 文也。公敗外師,不日。 戰 而 其日,甚之也。 必大崩也而後言戰言敗績 勝敵,皆月。 敗某 據莊十年長勺、乘丘,僖 臣 既 師、 會伐 勝 敗 而 ()從史 相 君 又

辛未,取郜。 親將,以 自爲功,故甚之也 辛巳,取 防。 郜音告

來歸。 乘敗人而爲利,取 年伐邾,取訾婁,不日。 受之於師 《穀梁傳》 曰取。 日 據郜大鼎、 : 二邑,故謹 此 其 取 邑 H 濟 不 何 西 H 而日 也 日 ? 汶陽 也。」 據 不正 僖 田 三十二 非 有 其 人

Ŧi.

## 秋,宋人、衞人入鄭。

鄭 墮 能 外 則 故 天子之令以 正 人 國 其 鄭 略之也 罪 何 有以來之, 以 取 不 報 月 邑,不 ? 私 不月。 讎 鄭 , 而 歸 伯 宋 天 以 伐 不 子 王. 宋, 服,於是入 命 而 伐  $\pm$ 歸 于 宋 命 魯, 也

宋人、蔡人、衞 伐 宋、大敗宋 伯入宋,不書。 取之,謂 師。 俘 人伐 其 不書,有王 明年 衆 戴 也  $\dot{+}$ 鄭 月,鄭伯 於 伯 命 是 伐 九月 取之。 也 以 戊 虢 寅 師 伐 鄭

冬十月壬午,齊人、鄭人入郕。

焉

耳

討 外 秋 來之,不月, 沃,立哀侯 也。」外 之 於諸 國 初 入國 侯,據僖二十 何  $\pm$ 以 于 命 必 日 有 翼 猶 ?  $\equiv$ 以 行 則  $\pm$ 八年 ^ 於 以 左氏 天子 命 天 普 悪 據此 下 侯 【傳》曰 入者,不 猶 入曹。 也 有 0 : 廢 命 Шi 置 虢 若伯 日 討 後 也。 公 ; 違 H 伐 主 有 王 鄭 有 命 曲 春 以

> 王,鄭 有 諸 秋 不 於 月,譏鄭 伯 亦 而 侯。 書, 魯也。 伯 蔡、 之初,王 不 以 者 爲 齊 衞 伯 罪 無 人 伯也。 郕 以 然而 加 罪。 朝 在 郕 命 書 後 諸侯, 王 不 王,則諸侯 猶 責 日  $\pm$ 命討之。 會,蔡、 春 敗宋師, 行 以 歸 命 雖 秋 於 謹 於 不 》於 小國 天下 之,各 齊、晉 可 衞 (猶享) 以 取 伐 伐 固 不 二邑 宋 二君 宋 宋, 故 當 覲 口 書 之 蓋 不 其 以 也。 鄭 廢,故 書 人,人 黨 有 王 罪 無 日,蔽 有 也 不 之 討 宋公不 也 辭 得 罪 鄭 人 而 宋 E 在 罪 郕 自 春

+ 數皆 或 來 有 穀 也 朝 梁 至 年 不 而 傳 也 春, 月 後  $\forall$ 日 朝 滕 據 : 大 侯、 鄫 子 或 諸 薛侯 來 侯 朝。 來 來 來朝 朝, 略 朝 之也。 # 犆 邦 言 同 交之舊 春 時 秋 也 必

累

小

夏,公會鄭伯

于時

來。

鄭

地

六

曰「吾不反也」。」

桓

딩 :

\_

然

則

奈

秋七月壬午,公及齊侯、鄭伯入許。《左氏傳》曰:「謀伐許也。」

何?』曰: 『請作難。』 弑隱公於鍾

巫之祭

居之,故不言滅也 莫甚於被兵者也。」杜 其 將 内入國不日。 陳 、罪也。 而 氏傳》曰:「於是許莊公奔衞。不書,非 後 H 凡奔,非其 據 此入許, 據隱二年 罪不書。 哀 元凱 入極,桓二年入杞。 七年 入邾。 「還,使許叔 奔非其罪, 甚 之也 必公

冬十有一月壬辰,公薨。

此弑也,而曰「薨」,從史文也。

曰:「公子翬諂乎隱公,謂隱公曰:『百姓乎故,則桓爲逆首,故諱之也。《公羊傳》内大惡,諱。於是公子翬弑君,而桓與聞

其言聞乎桓,於是謂桓曰:『吾爲子口隱否。吾使修塗裘,吾將老焉。』公子翬恐若安子,諸侯説子,盍終爲君矣?』隱曰:『吾

之獄具 是故書薨而不地。 辭。 焉。」《穀梁 之,不忍地 成喪也。」《 地,隱、 遇 矣。」 閔所 弑 君父之大哀,則吾何 陳 也。」《左氏傳》曰:「不書葬,不 傳》曰 獨 氏 也。 傳》曰 :「公薨不地,故 薨,十二公所 然則雖諱,而 :  $\sim$ 春秋》内 同 忍言之? 亂 外 臣賊 也。 也。不 恒 子 . 異 隱

春秋集傳卷第一

魯史之法,

後學 成德 校訂

一七

## 春秋集傳卷第一

安東山趙汸輯

三月,公會鄭伯于垂。

衞邑。

位,是無恩於先君也。」

桓以篡立,而修好于鄭

也。

也。

先君不

以其道終,己正即

位

一之道

而

即

忍即

位

也。

繼

故

圃

言

即

位

是

與

聞

乎

弑

新

鄭伯以璧假 許 田

左 氏 傳》 티 : 卒 易 祊  $\mathbb{H}$ 也 ]° |≪

日

非假

而

日

假,諱

易

地

也。

禮,天子

在

穀梁

傳

桓

公

元年春,王正月。

穀梁傳》曰:

桓 無 Ŧ

一,其曰

王,何

也

謹

?

泰山 之邑也。 宿之邑也。 上,諸侯不得以 也。」《公羊傳》曰: 用見魯之不朝於周,而 邴者,鄭伯之所受命而祭泰 地相 與 也。 「易之則其言假 許 田 鄭之 者,魯 不 之 祭 Ш 朝

公即位。

還之朝,

Œ

君臣之位

也。

事

畢

而

反

[X]

服

何休氏曰:「即,就也。

先謁

廟,

明

繼

祖

也

何 ?

爲恭也。

此

魯朝宿之邑也,其

稱

 $\mathbb{H}$ 

始也。

何 ? 田多邑少稱田, 0邑多田 少稱邑。」

<u>寸</u>, 夏四月丁未,公及鄭伯盟于 越。

焉。」「桓本貴,當立,所以 隱也。」《穀梁 先君不以其道終,即子弟不 傳》曰: 爲篡者,隱權 繼 故 不言 0 「邑」,原作「名」,今據夏鏜本、金曰銿本、四庫本改。

即

位,正也。

桓

北

面

事

曰:「桓公欲結鄭好以自安,故既與許田,《穀梁傳》曰:「及者,内爲志焉爾。」程子

又爲盟也。」

秋,大水。

《公羊傳》曰:「記災也。」

冬十月。

二年春,王正月。

《穀梁傳》曰:「桓無王,其曰王,何也? 正

與夷之卒也。」

戊申、宋督弑其君與夷、及其大夫孔父。

相殺 别言殺 之辭也。 者,天子之命大夫也。及,猶并也,蒙上文 及其大夫,則異乎兩下相殺之獄矣,故不 督,宋大夫,其名,未賜族也。孔父嘉不名 左氏傳》曰:「宋殤公十年十一戰,民不堪 不志乎《 而曰及,蒙弑君之文以見其罪也 大夫殺大夫, 曰兩下相殺。 春秋》。 於是督將殺君 而 兩 下 并

> 父閑 司司 命。 殤公不可得而弑 荀息皆累也。 弑君多矣,舍此無累者乎? 曰有。  $\Box$ 督欲弑 曰及,何也? 于鄭而立之。」《穀梁傳》曰:「孔父先死,其 有。 馬 也。」《公羊傳》曰:「及者何? 孔父嘉爲司馬,督爲大宰,先宣言曰 則然。』已殺 有 君,而恐不立,於是先弒孔父。 則此 書尊及卑、《春秋》之義 舍仇牧、荀息無累者乎? 何以書? 也。 孔父而弑殤公,召莊公 孔父生而存,則 仇牧、 累也。 也。 孔

滕子來朝。

焉,庶乎不致絶物以 接之,因貶其 帛之將不足以備數,而魯人靳以 秋 諸 是滕侯也,曷爲稱子? 小國 侯 朝聘之禮,以 於大國 爵,損其儀,以 可,朝 命數 而 興戎也。 不 聘。 爲 自貶以朝大國 節 滕 周 成兩君之好 杞,侯也,而 或 侯伯之禮 制 貧 也。 懼 也 春 玉

稱 子 滕 也 薛 侯 也 而 稱 伯 自 貶 以 事 大 或

不

惟

三月,公會齊侯、陳侯、鄭伯于稷,以成宋亂 成,平也。 會未 有言其所爲 者。 其言 成

宋亂」何? 上必言故。 爲會稷言 據十一 年會 衰伐鄭,襄三十 故 也。 諸侯之會 年 會 自 澶

參

以

淵,宋災。 不言故,必 事 而 再見 者 也。 隱 +

見 年 會中丘,下書伐宋。桓十六年會曹,下書伐鄭。 也 而 不言故,皆伯者之事 也。 《左氏 非 傳 再

故遂 日 「督以 相宋公。」「會于 郜 大 鼎 賂 公,齊、 被,以 陳、鄭 成 宋 亂。 皆 有 爲 賂 賂

迹於天下,於是 故,立華氏也。』《陳 焉 始 氏 傳》曰 向 也合 一、「弑 Ŧi. 國之君 君之禍 大 接

夏 四 於天 之君 月,取郜大鼎 下,四君 以立 督 爲 督 于宋。 之也 遂 相 宋 戊申,納于太廟。 莊 弑 君 之禍 接 迹

夫

以

定州

吁

而

州

吁

訖

於

討

今

也

合

几

或

也 此 穀梁傳》曰: 宋 張 之賂 主 也。 日 桓 不 内 郜 日 弑 宋 大 其 人 鼎 歸 君,外成人之亂 郜 之, 所 受之 造 器 于 也 會

秋 七月

爲

下

事

月

也

0

據

來朝

著例

不月

受賂

而

退

一,以

事

· 其祖

,周公弗受也。」

杞侯 來 朝

蔡侯、鄭伯會于 鄧。

《左氏傳》曰 特 國之害於是 相 會,非 有 始,故 :「始懼 關 於天 書之。 楚 下, 也 \_0 故 其 一鄧,蔡 不 (月,據 書 地 離會不 楚 也 爲 月 中 外

異其事也。

九月,入杞。

^ 不 恥 或 左氏傳》 敬 自 貧 也。 貶 ,玉帛之將 損 優  $\Box$ : 然 討 不 以 能 不 侯 備 敬 伯 數 也 成 禮 又 杞 而 以 還,以是爲 先 侯 代之後 爵 也

而

公及戎盟于唐。

亦不使與隱公同也。據隱二盟戎書日。 之盟會既别治之,與諸侯異,故盟戎不日,日? 異桓事也。《春秋》日月之法,於桓桓之盟皆日,其會皆月,及戎盟何以不

冬,公至自唐。

見矣。 戎 盟戎何?《春秋》華夷之辨莫嚴於吴、楚, 夷狄,恒不致,據僖會楚、哀會吳不書至。則其致 以見義; 以致 公行,何以致或不致? 非 所當先也。 爲恒,則不 致盟戎,而 以 ·致以 不致爲恒 見義。 筆 削之情 一,則致 公會

三年春正月,公會齊侯于嬴。 齊地。

《左氏傳》曰:「成昬于齊也。」杜

元凱

 $\Box$ 

「以國君娶夫人不由媒介,自與齊侯會而

成昬,非禮也。」

夏,齊侯、衞侯胥命于蒲。

不書。據莊二十一年鄭號胥命于珥。此何以書?歃血要誓爲盟,不盟而相諭爲胥命,胥命

志齊、衞之合也。

六月,公會杞侯于郕。

《左氏傳》曰:「杞求成也。」

秋七月壬辰朔,日有食之,既。

者,盡也,有繼之辭也。」

言日言朔,食正

朔也。

《穀梁傳》

티 :

既

公子暈如齊逆女。

翬稱公子,始命爲卿也。

九月,齊侯送姜氏于讙。魯地。

入员,推入邓园夫人,黄王兵是1901度人國矣,何以不稱夫人? 自我言齊,父母《公羊傳》曰:「諸侯越竟送女,非禮也。此

梁傳》曰:「禮,送女,父不下堂,母不出祭之於子,雖爲鄰國夫人,猶曰吾姜氏。」《穀

也。」《左氏傳》曰:「凡公女嫁于敵國,姊妹門,諸母兄弟不出闕門。 送女踰竟,非禮

則上卿送之,公子則下卿送之。於大國,

行,公不自送。於小國,則上大夫送之。」雖公子亦上卿送之。於天子,則諸卿皆

公會齊侯于讙。

之行,其重在齊侯而不在姜氏,非禮也。」胡侍講曰:「爲齊侯來,乃逆而會之。是公

夫人姜氏至自齊。

《穀梁傳》曰:「其不言翬以之來,何也?

公親受之于齊侯也。」《公羊傳》曰:「暈

何

以不致? 得見乎公矣。」

冬,齊侯使其弟年來聘。

宗 《左氏傳》曰: 氏 則曰致女,在 者女出嫁,又使大夫隨 廟 曰:「是行 ,則欲以 之歸 聘 他 致夫人也。」杜元 禮 或 也。」吴先生 而 而 致 來 之。 則 加 總 聘 其意言不 問 Ы 曰 : 聘。」孔 凱 在 「齊侯親 曰 : 魯 堪 穎 而 事 達 古 出

送女至魯竟,歸未幾,又使貴介弟致之,見

其愛女之至。情之私,非禮之正也。」

有年。

僅 書也。大有年,亦以喜 足,然後書之。」《公羊傳》曰:「有年, 氏 《穀梁傳》曰: 日 : 有 年也。 「有年書於冬者,五穀畢 大有年何? 五 穀皆熟 書 大豐年 爲 也。 有 年。」楊 入,計 也。 有年何? 以 用 士: 喜 豐 勛

四年春正月,公狩于郎。

《公羊傳》曰: 《穀梁傳》曰:「四時之田,皆爲宗廟 書 得天。」《周禮 遠也。」杜元凱 也。春日 以狩田。」是田 地 以譏之、皆策書之大體 田 ,夏曰苗,秋曰蒐,冬曰 ·大司馬》:「仲冬教大閱,遂 「常事不書,此 狩從夏時 曰:「三王異 也。 Œ 也 何 違其常處,故 朔,而 以 書 ? 夏數 一狩。」 之事 譏 爲

夏,天王使宰渠伯糾來聘。

《左氏傳》曰:「父在,故名。」吴先生曰:

=

爵邑,故特書名,以見其有父也。」杜元凱子之卿當書邑,爵而不名。父在,子襲其「宰,冢宰。渠,邑。伯,爵。糾,名也。天

曰:「不書秋冬,史闕文。」

再赴。」
再赴。、公疾病而亂作,國人分散,故免而代之。公疾病而亂作,國人分散,故曰:「再赴也。於是陳亂,文公子佗殺太子於》之義,信以傳信,疑以傳疑。」《左氏傳》不明之義,信以傳信,疑以傳疑。」《左氏傳》

夏,齊侯、鄭伯如紀。

之。 也。 者,惟鄭莊公。莊嘗挾齊、魯以入許,今又 《左氏傳》曰:「齊侯、鄭伯朝于紀,欲 輔 外相如何以書? 齊以 紀人知之。」春秋之初,能以詐取 胡侍講曰:「紀人主魯,故來告其事 圖 紀。 紀季之酅,猶許叔之東偏 以紀之卒滅於齊也。 人國 以 襲

> 由也。」 削 魯史承告,故 ,以著齊 侯 滅 備 紀 書于策。 之罪, 春 明紀侯 秋》 去 存 國之 而 不

《公羊傳》曰:「仍叔之子,天子之大夫也天王使仍叔之子來聘。

《穀梁傳》曰:「不正父在,子代仕之辭。」程其稱仍叔之子何? 父老,子代從政也。」

子曰:「古者士無世官。周衰,官人以世

聘,而使其子代行也。」

卿大夫之子得代

父任事。

葬陳桓公。

城祝丘。不書月,禮不備也

高抑崇曰:「祝丘,近齊邑也。」

秋,蔡人、衞人、陳人從王伐鄭。

《穀梁傳》曰:「舉從者之辭也。」魯方黨鄭,三國稱人,皆微者也。其言從王伐鄭何?

故仍叔受命來

傳

葛, 之後 當 虢, 公、莊 侯 其 故 弗 甫 然 不 自 左 也 林父、周 釋 不 中 是 朝 Ŧ 忌 之徒爲之臣 封 以 皇 而 所 Ĕ, 庭, 之 興 位 王 也 命 公 鄭 相 輿 焉, 鄭 師 時 以 不 公黑 仗 室 相 而 輒 王 罪 敗 敗 然 閒 及 以 室。 則 無 取 叛 繼 南 故 績 績 而 肩  $\pm$ 於 伐 宋 爲 人焉 以 征 也。 焉,《 宜 室。  $\pm$ 魯 文 宰 鄭 不 於 桓 平 方 北 討 卒 者, 是  $\pm$ 書, 邑 王 叔、 伐, 今王 爾。 渠 而 也 宣 春 <u>V</u>, 自 鄭 卿 以 伯 果 爲 召 王. 無 秋 將 昔者厲 伯 士; 歸 王 虢 糾 何 承 或 虎、 有  $\pm$ 不 **>** 以 魯 以 公爲 出 者 人 平. 自 室 志 是 如 伐 尹 奪其 王 邪 挾 王 以 厲 諱 以 古 意 吉 鄭 而 命 右,鄭 王之禍 齊 欲 其 忧 鄭 傾 爲 甫、 伐 政, 後 戰 分 事 若 周 人 伯 覆 桓、 来, 效 許 政 于 仲 室 而 伯 鄭 來 之 虢 漸 官。 諸 討 文 遂 於 武 告 繻 所 公 赫 以 爲 靡 Ш

大雩

IJЦ

孔

之學。 改。 公, 天子之祭也。 月令》 ? 者 穎 有 讀 大雩,别 往 天 而 賜 魯 子 成王 天 雩, 達 ,惠公止之。  $\Box$ 據《吕 使成 惠 子 禮 :  $\Box$ 氏 魯 禮 諸 公請 樂,殆周 者,周之盛 :「大雩,帝 曰 重 説 Ш 氏 也。 : 王之 侯之别,自 春 祭, 川之雩也。 者 諸侯 秋》。 郊 其 皆 大雩於 祀 廟 世 大何 其 之末王 日 黄 之禮 吉 零 而  $\pm$ 後 成 先 用 公 ? Ш 也, 魯 伏 在  $\pm$ 上帝 生 於天子 盛樂。」是大雩者 於 孫明 一賜之, 川,魯雩上帝,故 已郊, 非諸 魯,實 羲 賜 其 日 其 \_; \_\_ 以 魯 惑 復 廟 非 侯之雩也。 天 來,未之有 天 非 歟 則 日 成 始 禮 謂 子 ? 成 惠  $\pm$ 爲 子 也 禮 諸 褅 王矣 魯之 勞 公 墨 使 也 史 奚 劉 侯 洁 翟

禮

侍

早

稱

昔

有

角

請

0 勞 原空格,今據四 庫 本

作

也。

郊 與 大雩,天子之所 以 有 事 於上 帝 者 也

成 周公,故他國不得與也。 則謂惠公請之者近是,以其徼福於成王、  $\pm$ 何 爲 賜之? 其東 遷之始 夫子曰 王 :『魯之郊 乎 ? 然

褅 非 禮 也,周公其衰矣。』」《穀梁傳》 回 :

得 া 曰雩,不得 া 日 早。」《左氏 傳》

雩,始殺而嘗,閉蟄而 曰:「書不時也。 凡祀,啓蟄而郊,龍見而 烝。 過則書。」以其

**雩則曷爲或月或不月?** 以 歲 見失禮之中又失禮 事之常,書之則不勝 焉。 書。 雩以巳月爲 魯史之舊文 大 見過 正,據 而 也 書

繫時者皆七月 經無七月雩者,而八月、九月雩皆書月,則以别於凡。 可知。 過 時之甚者,必 — 月 再 雩 雲

冬雩也。 而 後 日,著其瀆也。 苟甚遠,則又不月,異

音終。

公羊傳》曰:「記災也。

冬,州 公如 曹

書也。 氏 也。」杜元凱 外 相 傳 如  $\forall$ 曰:「淳于公如 胡侍 何以 講曰:「將有其末、故先録 曰:「不書奔,以朝 書? 以其失國所如,不 曹, 度 其 出也。」《左 或 危, 其 可 遂 不 本

不復。」

六年春正月, 寔來。 寔音植

接也。 州公自曹來,則曰「寔來」何? 州公者,天子之三公也。 於是 不 以 爲 朝 寓 禮

之,故但曰來也。 公於曹,而來見於魯。 其月,異其 魯人以 事 王. 也。 臣 之禮 杜 元 接

如曹。 閒 無異 事,省文從可知 也。 凱曰:「寔,實也。

不言州公,承上五

年冬

夏四月,公會紀侯于成。魯地

《左氏傳》曰:「會于郕,紀來諮謀齊難

也。」

秋八月壬午,大閲

《左氏傳》曰:「大閱,簡車馬 也。」劉侍 讀

蔡人殺陳佗。

君之辭 苟 篡公子 佗立嘗 史曷爲 不列於會,❶ ,有成 但 踰 也。 年 稱 矣,曷 據 之爲 名 ? 齊 雖 無 踰 君者,必 知 未 爲 年 莒 有 殺 但稱名。 展 成 陳 輿皆 佗? 之爲 列於 名。 君者· 會 稱名,不成 從史文  $\wedge$ 穀 而 也。 梁傳》 後 爵 也。 諸

《左氏傳》曰:「陳厲公,蔡出也,故蔡人殺也? 兩下相殺不道。其不地,於蔡也。」

日

陳

佗

者

陳

君

也。

何

以

知

其是

陳

君

•

以 五父而立之。」程子曰:「蔡桓 之公也。』《陳 私 也 而 書 人,同 氏 傳》曰:「蔡人殺陳佗,是 於 討 賊,見 侯 殺陳佗, 討 賊 者 衆 實

> 何 ? 兩下 卒,公子與太子 相殺不道。 庶孽亂 正統, 争立,猶 兩下 如之何勿討 相 殺 兩 不 下 道 相 則 殺 也。 而 其 分討之 矣。

九月丁卯,子同生。

無生 本。」胡侍講曰:「其不曰世子何也? 子 日 : 同 「適子生,大 而貴者,誓於天子然後爲世子。」 生何 以 書? 事 存策 也 ~, ~ 書之大體 春秋》書之以 也 天下 正 程 或 子

冬,紀侯來朝。

七年春二月己亥,焚咸

丘

魯

地

侍讀 澤 不 焚,火田也。 逐 奔, 也。 以火田。」是已蟄得 E 追不 禮,天子不合圍 焚 越 成丘 孔穎達氏 防 淫 流獵之過 火田,然非 日 '; 諸 :「禮,昆 侯 也 不 謂 掩 古 蟲 | 者 誅 羣。 焚 未 其 不 劉

● 「列」,原作「别」,今據四庫本改

然則

佗之

罪曷

不著於《春

陳

侯

鮑

討

賊之辭也。

佗之罪不著於《春秋》,曷

爲

以

討

辭

書

之?

佗,殺太子

免

而

<u>)</u>

者

也

夏,穀伯 綏 來 朝 鄧 侯吾 離 來 朝

載 於書。 何 以名? 告終,則名於簡策。 從史文 也 諸 侯 未有 同 盟 來朝 則 名 而

春秋 小 或 朝大國,非 姻 鄰 則 口 姓 也 穀、 侯伯

也,則

其

名之何?

古者

鄰

或

世

相

朝

來

朝

而名者,附

庸

也。

據

倪

黎來。

此

鄧者 ,南方近楚小國,遠絕於魯 ,非有往來

之舊 無 也。 其 本 終春秋,一 後無 其 末, 來 故 朝 皆名 則 亡 以 滅 詳 不復 之也 見

前

判, 桓 六年而楚人伐隨,謂隨 之二年,蔡侯、鄭 相侵或相 殺 我 伯 有敝 會于鄧,始 人曰:「今諸侯皆爲 甲,欲以觀 懼 楚也 中 或

不聽。 之政 清請 上 王室尊吾 無天子,下 號。」隨 無 方伯,楚 人 爲之請 患迫 王 王 小 室

楚 或 事 其 來 獲 焉 存 · 非 乎? 鄰 於是二君 或 世 朝 之比矣。 遠 朝 上國 明 年 而 而 以 熊

通 王,合諸侯 于沈鹿,天下之大變也。 據

> 六年八 月 傳 與 (史記 楚 世 家 不 書 秋、冬, 史

闕 文。

八 年春正月己卯、烝。

礿,秋 公羊傳》曰:「烝,冬祭也。 日 嘗,冬日 烝。 常 事 不 春 書

曰

祠,

夏

此

何

以

子

書? 之祭也,敬 譏 呕 而 也。 不黷。」杜元 亟 則 贖 凱 黷 曰:「此 則 不 敬 夏之仲 君

月,非爲過 而書、爲夏五月復烝、見瀆

趙伯 時 本月。」《 循  $\Box$ 周 周 書》 雖 以 日 建子爲正 夏數得 一,祭祀 天, 百 則  $\pm$ 用 所 夏

:

同,亦 於敬授民時,廵狩嘗享,猶自夏焉。」 越我周。 改 械,以

正

易

垂三統

至

天王使家父來聘。

高

抑

崇

曰:「謀納后

也。

夏五 月 1  $\mathbb{H}$ 烝

0 判 諸 本 同

也。

以前烝爲不備也,其黷甚矣。」 也 穀梁傳》曰: ,志不敬也。」程子曰: 「烝,冬事 也。 非 時 夏 復 興之,黷 烝者,必 祀

秋,伐邾。

冬十月,雨雪。 雨 去聲

《公羊傳》曰 當雨雪,此陰氣大盛。」 也。」何休氏曰:「周之十月,夏之八月,未 : 記 異 也。 何異 爾? 不 時

祭公來,遂逆王后于紀。

取於諸侯,使同姓諸侯主之。《春秋》存策 書之大體。 逆定后。 逆后不書,據莊十八年原莊公逆惠后,宣六年 此何以書? 天子 取后于紀,命魯主之,不 自我爲之主也。 天子 · 石桓 公

何? 自 也。」《公羊傳》曰:「大夫無遂事,此其言遂 口 不 爲昬主也。 書 成使乎我也。 也。 何 《穀梁傳》曰:「遂,繼事之辭 以 不 稱 在其國稱女,此其稱 使? 王者 至尊,不

> 曰 : 王后 不書,舉重略輕 「天子」 何 ? 不親逆,使 王者無 也。 外, 1 其 卿 辭 逆 成 而 矣。」 公監之。」卿 杜 元 凱

九年春,紀季姜歸于京師

姜。 言紀,父母之於子,雖爲 之大體,魯爲天子主昬,后 何以書? 后歸不書,據莊十八年陳嬀,宣 曰:「其辭成矣,則其 不月,據內女歸,月。略於王史也。《公羊傳》 京者,大也。 自 我爲 師者, 之主 稱紀季姜 也。 衆也。 天子后 歸不 六 ^ 年 春 齊 秋》存策書 猶曰 何? 天子之居 口 不書也。 不書 吾季 自我 此

夏四月。

必以衆大之辭言之。」

秋七月。

冬,曹伯使其世子射姑來朝。 射音亦,又音夜

使世子抗諸侯之禮而來朝,曹伯失正矣。 《穀梁傳》曰:「朝不言使、言使、非 ΙĖ 也

諸 也。 以 命,則以皮帛繼子男,謂會同急趨王命者 子誓於天子而攝 内 侯 曹 爲 相 失 伯 見 IE. 日 有疾,而 矣。」 朝 以 楊 其 待 君 士 使 助氏 人父之道 ,則下其君一等。 世 子 日 攝 :「禮,諸侯世 位 待人之子 來 朝, 未 非

十年春,王正月庚申,曹伯終生卒。

IF.

也

《穀梁傳》曰:「桓無王,其曰王,何也? 正

惡曹。

夏五月,葬曹桓公。 終生之卒也。」

秋,公會衞侯于桃丘,弗遇。

不月,異常事,從史文也。凡内出盟會,雖衞侯何以不遇? 中背公而更與齊、鄭也。

無成事、悉書之、存策書之大體也。

戰者,以主及客,《公羊傳》例。 其言來戰何?冬十有二月丙午,齊侯、衞侯、鄭伯來戰于郎。

譏不在内也。魯自中丘以來,於齊、鄭未

主客恒辭, 彼善於此,謂 子曰:「春秋無義戰,彼善於此,則有之。」 侯,弗遇,見伐而及之戰焉,非得 謀 有 齊難 異 也。 而 於 書日 魯 是齊、鄭 不得 爲 來戰,惡 紀 E 歸 Mi 謀 女于 後戰者也。 紀, 在外也 京 會 師 于 已也。 郕 公 故 變其 會 紀 衞 來 孟

十有一年春正月,齊人、衞人、鄭人盟于

同。 戰 之,略之也。」 其恒稱,同 九曹南。 外參盟 稱君,盟 <u>~</u> 陳氏傳》曰:「此郎之諸侯也。 日,據隱八年 此 非 稱 大夫,則不日也。 大夫也,則 人? -瓦屋。 凡一役而再見者,但人 何 有大夫不日 以 據僖二十九年翟泉 不 H ? 曷爲 據僖 君 奪 +

九月,宋人執鄭祭仲。 秋七月,葬鄭莊公。 夏五月癸未,鄭伯寤生卒。

二九

何? 莊 莊 氏 也。 稱 足 執 死 曼,生昭公,故祭仲立之。 此 公,故 行 也 傳》曰:「祭仲足有寵於莊公,爲公取 宋 亦 一, 何 人,據襄十年良霄,十八年石買之類 又執大夫不月,凡八,著例六。 公 稱 日 執 執 也 维 而 以 人。 誘 厲 使之廢置其 姞,生厲 不名? 祭 公而 諸 其 仲 侯 日 求賂焉。」 而 無 人 執之,曰 公。 天子之命大夫 專 何 君 執 ? 雍 , 故 之道 宋 略 氏 : 異 言 宗有 雍氏 也 不 之也。 此其 之 立突, 非使 女 寵 也。 是祭 也。 於 於 書  $\wedge$ 將 宋 月 人 不 仲 鄭 鄧 左 凡

突歸 于鄭

歸 歸 繫鄭,蒙上文 白 突,公子也。 之故 則 陽生, 莒去疾言入。 必言 也。 故  $\vdash$ 也。 者 不言公子,篡也。 戎侵曹, 也。 以篡 此 其言 日 入者不 宋 則赤歸之故也。 人執祭仲, 歸 何 ? 言歸 例 在 隱 篡 元。 據 則 而 齊 言 突 突 不 小

> 事,權 爲者,春秋之亂臣 二皆 還 義 惡 也。 以 宜 宋 至 而  $\wedge$ 不 朏 歸 其 效 穀 在祭仲 能 正,惡. 死 或 梁 赤 勿 而 傳 而 以 聽,又 背 祭仲也。」劉侍 ₩ E 黜 也。 戎 之, 歸 其 : 也 死 君 「歸,易到 執 不 此 君 能 突 以 忽 難, 是,則若 而 與 立 辭 殺之, 不 讀 臣 羈 也 Ē 曰:「祭仲之 之 道 也。 所 祭 强許 亦 若仲之 仲 由 可 今立 易 出 也 其 奔

鄭 忽出 奔衞

據僖二 九年毛伯 君 名之何 穀梁傳》曰: 在 喪,恒 + 也? 來求金,不 Ŧi. 年 衞 稱 子。 子。 「其名,失 以其見 稱王 踰 既 年 葬矣, 出 鄭 矣,未 國也。」 忽未 不得 未 葬, 踰 踰 後 年 稱 年 先 者 子 君 也 稱 也 據 子 其 文

柔 會宋公、陳侯、蔡叔、盟于折。❶

0

折」,原作「拆」,今據《春秋》經文改。

亦不日,内外一治也。禮,卿不會公侯。字。外參盟,有大夫不日。雖吾大夫會之侯之弟攝居者。凡諸侯之弟攝居,則稱柔,魯大夫。不稱氏,未賜族也。蔡叔,蔡

「以大夫會諸侯盟,於是始。」

盟,甚矣。是故惡其伉也。

公會宋公于夫鍾。

冬十有二月,公會宋公于闞。闞,口暫反。●

十有二年春正月。

《左氏傳》曰:「平杞、莒也。」夏六月壬寅,公會杞侯、莒子,盟于曲池。

秋七月丁亥,公會宋公、燕人,盟于穀丘。

燕人,南燕大夫。

八月壬辰,陳侯躍卒。

公會宋公于虚。

冬十有一月,公會宋公于龜。

丙戌,公會鄭伯,盟于武父。

盟于武父,遂帥師而伐宋。」虚。冬,又會于龜。宋公辭平,故與鄭伯盟于句瀆之丘。宋成未可知也,故又會于盟于句瀆之丘。宋成未可知也,故又會于

丙戌,衞侯晉卒。

《陳氏傳》曰:

以見《春秋》之有日例也。」曰:「明二事皆當日也。」《陳氏傳》曰:「于

《穀梁傳》曰:「再稱日,決日義也。」范甯氏

十有二月,及鄭師伐宋。

不言公及,蒙上文也。《陳氏傳》曰:「此公

也。一役而再見者,但人之。用衆焉,及鄭伯也。曷爲前稱君後稱師? 略之

稱師。」

丁未,戰于宋。

不言宋及鄭戰,據哀十一年,書齊及吴戰。內辭

●「暫」,原作「輔」,今據《經典釋文》改

Ξ

者 得 者 也 從 爲 巾 外 主 春 據 辭 秋 由 哀 》内 外 + 從 言 外 外 年 之 恒 辭 會 也 異 吴 者 伐 辭 齊 必 苟 會 吾 伐 不 變, 君 者 言 在 爲 夷 師 焉 客 伐 敗 受 中 則 績 或 伐 不

師、 齊 + 侯、 有 燕 師 宋 年 公、 敗 春 績 衞 月, 侯、 公會紀 燕 人 戰。 侯、 鄭 齊 伯 師 宋 己 師 E 衞 及

敵

也

與 鄭 鄭 文 未 又 也 大 紀 會 刻 Ė 朞 以 而 先 ,於是魯、 期 于 戰 伐 易 鄭 譏 歲之間 虚、 宋。 何 周 之 序 戰 以 班 于 爵 也 以 戰 不 龜 也。 也 鄭 決 會 焉 地 然 連 焉 而 于 ? 會 勝 則 則 宋 紀、宋援 夫 何 略 敗 齊 公 鍕 故 安 以 之 曷 相 略 辭 于 戰 也 當 不 爲 之不言 平 ? 齊、衞 闞 地 先 遂 而 · 盟 戰 公 ? 宋 主 舍 于 欲 及 于 ? 地 客 以 宋 宋 平. 蒙蒙 燕 穀 之 戰 以 而 宋 也 丘 E 相 憤 會 會 强

而

也

其 之閒 疑 氏, 齊, 録 未 年。 史 爲 若 書 將 衞 燕 濟 桓 悖 矣。 踰 文 斯 戰 以 侯 役 又 弑 取 東 陳 禮 事 於宋、紀 年 者 甚 助 朔 隱 也 相 非 宋賂 方 溺 + =; 宋者 焉 故凡《春 者 搆 亦 也 修 仇 宋 大 不 ^ 殺 爾 襄 也 莊 而 國 陳 「, 亦 春 知 Ŧi. 如 凡 其 鄭 附 定 以 年。 氏 秋 是 也 鄭 兩 故 君 兄 伯 於魯 秋》之變文,皆 將 莊 則 亂 》之辭 傳 戰 厲 而 凡 在 以 以 嘗 齊、 猶 公矣,今又 甚 濟 **>** 皆 爲 從 喪, 得 -, 二, 小 合諸 日 定 踰 春 矣。 亂 其 以 衞 或 : 其 年 秋 以 而 事 篡 恒 位 燕、 侯 父 也 從 衞 師 呕 或 立 辭 辭 則 焉 于 喪 朔 行 殘 挾 而 者 於 紀 從 有 民 則 耳。 鄭 志之, 稷 者 其 在 無 衞 主人 宋 辨 隱 何 是 不 費 稱 民 殯 足 以  $\sim$ 以 古 於 爲 知 而 百 成 爵 春 議 助 皆 徒 未 立 嫌 而 焉 JU 用 惡 兩 成三 秋 宋。 也 年. 實 從 有 華 見 疑 法 戰 自 相

三月,葬衞宣公。

怨不棄義,怒不廢禮,是知古人以葬爲胡侍講曰:「既與衞人戰,曷爲葬宣公?

夏,大水。

重也。」

秋七月。

冬十月。

十有四年春正月,公會鄭伯于曹。

無冰。

之冬也。例在成元年。《穀梁傳》曰:「無冰,無冰不月,終時無冰則志之。周之春,夏

時燠也。」

夏五。

「《春秋》之作,因舊史有可損不能益也。」《穀梁傳》曰:「夏五,傳疑也。」胡侍講曰:

鄭伯使其弟語來盟。

來盟不月,雖内蒞盟不月,略之也。《穀梁

大夫蒞盟;於他國,皆盟其君。」者也。」蘇子由曰:「凡外大夫來盟於魯,内得以屬通。其弟云者,以其來我,舉其貴傳》曰:「來盟,前定也。諸侯之尊,兄弟不

秋八月壬申,御廩災。

《公羊傳》曰:「御廩者、粢盛委之所藏也。」《穀梁傳》曰:「天子親耕、以共粢盛、也。」《穀梁傳》曰:「天子親耕、以共粢盛、也。」《穀梁傳》曰:「天子親耕、以奉粢盛之倉村元凱曰:「藏公所親耕、以奉粢盛之倉

乙亥,當。

杜元凱 享,越三日而嘗,則粢盛已出廩。 易災餘而嘗。」鄭漁仲曰:「廟 齊之初,乙亥嘗,非災之餘也。」 曰:「先其時 亦過 也。 祀 或 必十日 謂 壬申, 譏 其不 戒 致

冬十有二月丁巳,齊侯禄父卒。

宋 子,下 之戦 人 無 伯 也。』《左氏傳》曰 以 之所 書 以 以 也。 齊 以 何 無 或 由 人、 ? 者 方 而 焚 興 矣。 伯 乞 蔡 用 渠門,入,及大逵。 也。 人、 師 諸 有 書 而 :「宋人以 衞 伯 以 侯 以 自 人、陳 之 者之令 者, 將 或 師 也 必 而 於 人 諸 中 行 用 是 伐  $\sim$ 於 諸 侯 或 陳 始。 鄭 伐 伐 天 侯 氏 用 東 ٢, 鄭 之 上 傳》 夷 報 郊 師 狄 無 自 日 宋 天 取 者 是 此

有 罪 而  $\pm$ 大 者 天 Ŧī. 矣。  $\pm$ 年 無 崩, 春二月,天王使家父 求 其 ·, 曷爲 七 月, 年 著 言 而 非 後 求 禮 克 車? 也 葬 則 來 有 求 闕 諸 車 侯 文 不王 也 之 俄

牛

首

三月 Z 未,天王 崩

夏 四 月己巳,葬齊僖公。

Ŧī. 月 鄭 伯 突 出 奔 蔡

何

以

名

辨

君

也

凡

或

而

君者,

其臣 殺 專, 也, 也, 武 其 忽 春秋 燕 出 也, 也 雍 芦子 鄭 惟 有 者 糾 入史皆名之, 伯 衞 **>** 君 衞 北 無 也 而 使 矣 庚 侯 侯 燕 費 其 鄭 輿 衎 朔 伯 爲 辭。 壻 則 辨 伯 辨 辨 款 臣 雍 亦 於 出 於 於 爲 不 而 糾 不 示 剽 黔 郊 奔 奔 君 知 殺 미 有 也, 公 牟 而 所 未有 之, 無 辨 也, 也 則 奔 蔡 爲 辨 也 其 雍 辨 侯 衞 邾 未 不 也 姬 但 子 朱 侯 見 有 鄭 以 言 齊 益 辨 鄭 出 不 於 伯 告, 晏 見 奔 是 辨 於 辨 於 突 子 其 出 祭 祭 於 東 於 辨 何 仲 ? 仲 革 君 於  $\vdash$ 或 叔 於

者 也。 但言 奔,存大 體 也

鄭 世 子忽 復 歸 于 鄭

突, 歸 稱 何 ? 忽 嗣 也。 于 鄭 則 特 君 忽君  $\Box$ 筆 也 於 鄭 以 史 鄭 伯二 其 正 文 Ŧi. 出 名 不 月 也, 也 則 得 而 名之, 日 出 復 世子 鄭 奔, 稱 伯 世 四 則 者 子 年 則 其 未 于 魯 歸 魯 史 外 嗣 稱 人 必 而 位 世 於 復 之

曰 : 與之繼世,深惡亂臣賊子之意 是非,以謂 之可以君國者無幾矣。《春秋》别嫌 稱 而 子忽」,修《春 忽之出,無 忽爲 奪之,則 「復歸 世 子。 者,已失國之辭也。」據見執不言 忽嘗爲君之世子矣。 天下 鄭 秋》之特 探其 者也,而 之適庶 本 筆 Œ 又不 亂矣。 其名 也 得 也。」 劉 故正 稱子 書 若庶孽 侍 日 胡邦衡 讀 其名, 疑 則 鄭  $\Box$ 得 明 忽 世

許叔入于許。

復歸。

鄭 其 生,莒去疾類。 出 罪 鄭 劉 非 亂 侍 也 魯三師 許 其罪, 讀 而 則 後 叔 曰:「稱 書 人 何? 入許,許 人罪 之。 凡人皆譏 也。」《 以是爲宜 據 人何? 也 陳氏 鄭 則 莊 良 公奔 也。」凡入皆譏 霄、 但 傳》曰:「出罪也,入 宋魚 書 難 衞 人 人。 也。 也。 鄭 石 晉 據齊小白、 何 人以許 昔者 樂 難 盈 也 焉 ? 之 類 東 則 陽

秋

九月,鄭伯突入于櫟。

其 人未 許。 偏 君 者 奉 日 許 許 有書字者,雖公子也,弗謂公子。 若許叔,可謂能復莊公之宇矣。 + 叔 叔 有 前 所 Ŧi. 年。 使 以 其 别 忽、 大 有 夫 罪 突之亂 獲 也。 處 許 於 叔不書字, 西 是叔 偏 是 始 許 此 則 故 得 無

公會齊侯于艾。

擬

於

齊

小白

0

陽生、莒去疾。

許所以撓忽也。」《左氏傳》曰"「謀定許也。」王貫道曰"「定

邾人、牟人、葛人來朝。

庸之世子,其君應稱名,故其子降稱人。」也? 以子代父也。杜元凱曰:「三人皆附非國君不言朝,此皆微者也,則其曰朝何

冬十有一月,公會宋公、衞侯、陳侯于袤,伐

❶ 「擬」,原作「疑」,今據夏鏜本、金曰銿本、四庫本改。

鄭。 衰 昌氏

於是 書伐 鄭 謀 何? 伐 鄭 將 爲 會衰言故也。 納 厲公,弗克 據 而 襄二十四 還。 則 年 其

二十五年 再會夷儀伐齊,不克不書。 例 在二年。 惟 其

之盟 爲 會言 會 恒 故 不 而 致 未嘗 也。 伐鄭,是以 宋興,魯、鄭 不 之憾 書至,以 未釋 桓

則曷 利也,故又相 爲謀 納 厲公? 與 釋怨而 昭 公復國,非宋、魯之 爲會以謀之。 反覆

皆 以 私 也

《左氏傳》曰:「謀伐 有六年春正 月,公會宋公、蔡侯、衞侯于 鄭 也。 曹

夏四月,公會宋公、衞侯、陳侯、蔡侯伐鄭

納 立子亹。 厲公,再弗克 又 明 年,齊 也。 明 人殺子 年,高 亹,以 渠 彌 弑 魯 昭 人 公, 納

突,故絶不 與 通 皆 不告也。

秋七月,公至 公會伐,恒書至也。 一自伐 鄭 會盟不至,會伐何以

> 首月 致 ? 則 民 爲 書 其 重 月 也 致 伐 時 無 不 月 他 事 苟 不 致 敢 以 廢 几 時 時

首也

冬,城向。

十有一月,衞 衞 人立 黔 牟 侯 而 朔 出 朔 出 奔 齊。 奔 也。  $\wedge$ 公羊

朔得 罪 :於天子 也。」《 穀梁傳 ₩ E 天 子 召

日

而 不往也。」程子曰:「朔搆 其 三兄 而 致 於

也。 其死,罪大矣。然父立之,諸侯莫得 天子治其 舊惡 而廢之,宜 也。」據王人子 而 治

突救 衛,朔 入于 衞 放 黔 牟 于 周。 黔牟之立, 蓋 天子之

命也。

+

有七年

春正

月

丙辰,公會齊侯、

紀

侯,

盟

黄。 齊 地

魯地 二月 左氏傳》曰 丙 午,公會 : 邾 平. 儀父, 齊、紀, 盟 Д. 于 謀 趡。 衞 故 趡 也 翠軌

三六

夏 Ŧi. 月丙午,及齊師 戰 于奚。 魯 地

不 言 其 人,疆 吏 也。 《左氏 傳》 疆

事 也。」

六月丁丑,蔡侯 封 人卒。

秋八月,蔡季自陳 歸 于蔡。

陳 氏傳》曰:「出罪也、歸亦罪也、則悉書 據陳黄、楚比之類。 出非其罪,歸罪 也, 則

歸皆譏 但書歸。 也,則 據鄭突、曹赤之類。 其 日蔡季何? 凡歸 以是 皆譏 爲 也。 宜 凡 歸

之。是故歸未有稱字者,雖公子也,弗謂 也。 蔡桓 侯卒,無子,蔡人召季于陳 而 立

公子。 稱字,則疑於鄭突、曹赤 此其 日蔡季,所以 别有罪也。 季不

癸巳,葬蔡桓侯。

不稱公,文誤也。

及宋人、衞人伐邾。

不言其人,微者也。 《左氏傳》 曰:「伐邾,

> 宋志 也。

冬十月朔,日 有食之。

言朔不言日,夜食也。 周人 以

夜半爲朔。

鄭 康成 曰:「朔日日始出,其食虧傷之處未

復,故知以 夜 食 也。

十有八年春,王正 月。

桓無王,其 日 王何也? 既謹其始,必正其

終也。

公會齊侯于樂。濼,朴洛三音。 曷爲不言公及夫人? 據公及夫人會齊侯于陽穀

公與夫人姜氏遂如齊。

如齊,夫人之志也。濼,非夫人之志也。

日 人,則如齊曷爲以 與、日遂、繼 事之辭 繼事之辭言之? 也。 會不言公及夫 會,公

之志也,如齊,非公之志也。見公制在夫 人,而不能自克以及其身也。

夏四月丙子,公薨于齊。

三八

子,享公。 杜元凱曰:「彭生多力,拉公幹而殺之。」 曰 左氏 公羊傳》曰:「夫人與弒公也。」《穀梁傳》 :「其地,於外 齊 傳》曰:「公會齊侯 侯 通 使公子彭 焉,公謫之,以 也。」據隱弑不地 生乘公,公薨 于濼,遂 告。 夏 及 于 四 文 車。 月 姜 如 丙

秋七月。 丁酉,公之喪至自

冬十有二月己丑 諸 未至 皆 所 歲 宋、鄭之亂 弑宋公,陳佗殺 不 侯 由 首 一於無 事 矣,而諸侯不爲變,則天下遂至於無 無 興 必 天子。 王 也 書  $\pm$ 王 諸 莫甚於桓之世也。 也。 伯者之興,則 月, 桓曷 ,葬我君桓 不王 侯 太子 鄭 不 莊 之罪,莫 能 · 而 立 爲 不 討 無王 臣, 繻葛之戰, 三 鄭 何以 又 斯 ? 從 突 於桓 爲 篡 桓 而 見 其 甚 弑 利 見之? 伯者之 隱,督 矣, 之, 君 兄 而 而

絀

絶

皆日

?

其會何以

皆月?

異

桓

事

也

桓,

之諸 者興 王矣。 戌,正月二十一日; 二月二十一 甲 年,陳侯卒,不與正 曹伯之卒,不使是 殺,不以無 以 諸侯之無王,故於桓公之策 H 年者,是君之始;十八年者,是君之終。 也。《春秋》辨實之際,明伯者之興,實 齊桓、晉文有 師 不可 戌、己丑非必皆正月之日 無王之罪蔽於一國也。二年,當宋公之 而 侯也。 焉。 納 知,故不 於是 衞 H 朔。 夫伯者之事 王之罪 齊滅 然則 己 丑. 事諸侯悉書之,以 人心 己丑,二月六日。 與 ,此年正月 王 桓之不終無 IE 蔽 君 無 后之家,合 者, 也。 於一人也。 不 所 , 自 陳侯之卒日 底 據《長 得 + 六 古 止 Œ 日。 , 則 略不書王 前 曆》,甲  $\pm$ 以 其 桓 几 何 《大衍 來未 終也。 陳 之 深絶不 後 或 十年, 也 戌,前 侯實 盟 天 以 疑 ? 曆》, 之 何以 下 抗 年 也 卒 Ŧi. 元 臣 由 有 伯 而 王 甲 1

譏,蓋 無辨 此 崔子方氏 臣 以 諱 弑 秋》不徒 月皆從 秋》也,將何以 施之者,天下之公也。 而 其大者不治 國之私 賊子作也, 法 私 之,而無以 君者也。《春秋》存策書之大體,内大惡 焉,是内之弑 無 夫 其恒 魯 不 桓弟 諱 也。 而 行。 曰 : 内 已也。 辭 正其罪, 而法之一 弑兄、臣 恶,  $\stackrel{\textstyle \frown}{\sim}$ 法無不行,則日月之例一以 以異之,而 示 辭 則其 春秋》 有 天下? 故 而 其君者, 是故《春秋》辭有内 内外,故内大惡諱者, 餘無足譏焉耳。」 亂 則是《春秋》之作,徒 弑 賤 臣 施 雖然、《春秋》爲 君 賊 桓 桓 乎 獨 而立乎其位 ,於桓之事 子 罪 桓 内 一之盟 著 無 見釋於《 者,於弑 留 矣。 獄 會, 《 春 矣。 春 無 亂 H 立

後學 成德 校訂

春秋

集傳卷第二

## 春秋集傳卷第三

新 安 東 山 趙 汸 輯

## 公

莊

元 年春,王 穀梁傳》曰 Œ 月。 : 繼 弑 君 不言 即位

君

不以其道終,則子不

·忍即

位

也

正 正

也

先

三月,夫人孫于齊。孫音 夫人何 史不 史記 事 著其 》亦言夫人因 而 以 再 罪。 不稱姜氏? 見者,蒙上文。 留齊不敢 於是始還 遜 歸 蒙 于魯,據傳言文姜 上文也。 夫人 而父兄百官衆怒 與 弑 令春 公, 秋 而

羣 消

罪不可 也。 于宗 兀 廟 姜書至。 之喪至自齊」、「夫人孫于齊」,夫人與弑之 母。』姜氏 「《檀弓》曰: 『不爲 天下,而 孫復還不致, 间 絕夫人者,所以 曰「公與夫人姜氏 夫 孫于 異。 廟,則 然則子 左氏 掩矣。 齊, 絶之也。 夫人不 有明天子,則齊 有 傳》曰 其子將不得 故變其 可 與 終其 以 夫人還,則何以 弑 得入 全莊 :「絶不 之嫌 夫人與弑公,不可入于宗 絶 恒 如 身 伋也妻者,是不爲白 母 一辭,蒙 于宗 齊」,「公薨于齊」,「公 有踰 乎? 公也。 ,子不得以 爲 爲 侯 社 廟 Ŀ 竟 親 一稷宗 或 與 文以 禮 之事皆不 趙 夫 魯不並立 不 君之行,與 伯 · 致 ? 人 也 廟 爲母 見 不得 。」是故 主。 循 義 日 據 ·, 臣 也 於 致 也 故 出

之孫,猶遯 社 母  $\mathbf{H}$ 稷 子 IIII 至 文姜之罪 重本 親 脯 也。」公大夫奔, 也。」《公羊傳》 不 上,上通 得 不絕者, 於天。 Ĭ -義 日 絶之,所 也 内 例 張 諱 此, 主 奔 以 謂 月 尊

夏,單伯逆王姬。單音善。

者,有

罪

也

侯,必 之中 齊桓 夫,必 内辭 夫 ? 羊傳》曰:「使我主之也。」天子嫁女于 如 宋,文十四自齊,文三年王子虎卒,定 單伯者,天子之大夫也。 吾大夫,内之也。」其言逆王 共姫不書送。 書之。 内辭 使大 使諸 圃 使爲 穀梁傳》曰: 夫同 侯同 也。《陳氏傳》曰:「惟 書會、書至、書卒,十四 讎人昬主,故書之,略 此何以書? 姓 姓者主之。 者主之。 「君躬弑於齊,使之主 曷爲 送王 諸 以吾斬 四年劉卷卒。 侯 姬 書之如吾大 姬 嫁 何 王人則 年單伯 不書 恒 焉 女于大 ? 衰 以 <u></u> 會 據 諸 公 明 以 經 伐

> 凱 智 姻  $\Box$ : 與  $\pm$ 齊 姬 爲 不稱字 禮 其 尊 義 古  $\pm$ 不 且. 可 别 受 於 也 内 女 杜元 也

秋,築王姬之館于外。

弑 禮 踰 姬 魯 其 以 築王姬之館于外,非禮也。 日 侯,必舍於其祖 也。 以 爲  $\equiv$ 在 廟,雖鳥獸,其中豈 人君父,又將親迎於人國都,以 成禮焉。 築館 時 夏至魯,而秋方築館,改築非禮明矣。 喪改築,爲禮之變者,爲之辭 乃 齊、魯方讎 于外, 歸 館 于齊,以齊侯有忌于中  $\pm$ 而後親 廟。 姬 ,天子使魯主齊昬,齊 于 主王 無 廟 迎焉,是齊 所忌 禮 姬者, 古者天子適 哉? 也 亦 侯意 于 禮接 於是 也。 將 外, 而親 即 也。 Ŧ 非 要 於 侯 諸 廟

迎之不時也。

冬十月乙

亥,陳侯林卒。

王使榮叔來錫桓公命。

錫命者,策命之也。來錫命,非禮也。其

ĮЦ

使魯爲 事 言 也。 桓公,追命也。 王 桓公弑 姬 主 君 唇,乃追 而 王曷爲 <u>立</u>, 天子 命 其 不 不能 先 稱天? 君 以 討 ?,於是 寵 異 之, 其

不 稱 天。 稱天 則 疑於錫命文公。

是無

人

紀

也

於

失禮之中

又甚

焉

故

王

王. 姬 歸 于 齊

女也。 恩録 歸。 何 王 以 姬 ^ 書? 不 而 公羊 歸 書之。 書 何休氏 于 來 · 傳 齊, 存策書之大體也。 逆 ? 何 日 不月者,探人情以 曰:「魯主女、爲父母道、故 : 以 親 書? 我主之也。」 迎 也 據宋 成 穀梁 夫 不月,别 我 人、 制 傳》 主 王 恩 姬 之 也。 日 不 内 則 : 書

親迎,恒 紀邦、鄑、 事也,不

何

以

齊

師

遷

部

日 不 徙 書 其 其 民 遷之者何? 地 取 分背 其 地 日 之非 遷。 取之也。 以 處 其 也 外 師 遷 取邑不書, ^ 公羊 脅 之 傳 也

> 二年春,王二月,葬陳莊: 此 何 以書? 自是始滅也。」

夏,公子慶父帥 師 伐於餘丘

秋七月,齊王 姬 卒。

之有 祖母 或曰 《記》曰 傳》曰:「以吾嘗爲之服 王 姬卒何以 也。 也,故爲之服。」或之者,疑之,則禮 猶魯嫁,故爲 : 禮未之有而以意起之,施諸 『齊告姬之喪,魯莊公爲 書? 之服姊妹之服。 據齊 桓 也。 £ 姬 然則《禮》 不 書卒。 之大 或 陳氏 不 日 與 功 共 未 外 ?

冬十有二 月。

戴

天之

讎,莊公不可爲人子矣。」

夫人姜氏會齊侯 爲下事 Ď 也。 于禚。 據夫人會防不月著 禚 音 灼 齊 例 地

《左氏傳》曰:「書,姦也。」高抑崇曰:「莊 非正 穀梁傳 也。 日 婦 : 不言 婦 人 既 會 嫁,不 言 會 踰 竟 非 IE. 踰 也。 竟,

公幼,故夫人得托國事而出會也。」

乙酉,宋公馮卒。馮音憑。

三年春,王正月,溺會齊師伐衞。

《公羊傳》曰:「溺者何? 吾大夫之未命者

納朔也。」内大夫會伐不月,此月者,何休也。」孫明復曰:「朔在齊,故溺會伐衞,謀

氏曰:「天子新立衞公子,齊、魯無憚天子納朔也。」内大夫會伐不月,此月者,何休

傳》曰:「會仇讎而伐同姓也。」 之心而伐之,明惡重於伐,故月也。」《穀梁

夏四月,葬宋莊公。

五月,葬桓王。

求諸侯。舉天下而葬一人,危不得葬也。」七年乃葬也。《穀梁傳》曰:「或曰郤尸以

魯地。

秋,紀季以酅入于齊。

傳》曰: 紀季者,紀侯之弟也。 曰:「魯子 「人于齊者,以 曰:「請 酅,紀邑也。 酅 後 事 Ŧi. 齊 廟 也。」《公羊 以 存 《穀梁 姑 姊

> 妹。 也 土 判,是分國 之不絶也如綫。季以 魯爲之求 一地也。 齊自 陳 分國 氏 成,不得 桓 以與之也。 之始 傳 **>** 以 日 年 與之, 苟 : 免焉。 挾 酅 季 鄭 齊 X 以 以 미 人之所欲者,吾 遷 齊,紀於是乎始 酅 啚 以 斯、**鄑、**郚,紀 紀。 人 齊, 免紀者, 黄之會 紀 侯意 無

冬,公次于滑。鄭地。

不爲也。

是紀侯意也。」

傳》曰:「將會鄭伯,紀故也,鄭伯辭以難。」次者,止舍之名。無成事則書之。《左氏

四年春,王二月,夫人姜氏享齊侯于祝丘。

享,食 爲 兩 姊妹已嫁而反,兄弟 見,則設享禮于 君 紀故,而實乃行其私 相見之禮乎? 也,享大牢 廟 以 中。 飲 然亦爲之名 不 賓 也。」張主一曰:「文 高 與 也。 抑 同 崇 席 古者 日 而 一而已。 坐,況 兩 禮,姑 君 用 相

DЦ

DЦ

三月,紀伯姬卒。

休氏 不日 惟 適 外 諸 者,恩得申,故卒之。」内女卒日,此 女之適二王後者,諸 夫人何以卒?《穀梁傳》曰: ? 曰 侯 : 則 國將亡,禮不備也。 「天子諸 尊 同,以吾爲之變,卒之也。」 侯絶朞,大夫絶 侯惟女之爲 「吾女· 總。 諸 侯 天子 何 也 何 夫 以

夏,齊侯、陳侯、鄭伯遇于垂。

鄭 舊 也 紀 于滑,公將謀紀于鄭,而 相遇 矣。」 伯 侯 得 特 陳 脱 要 何 氏 陳 身 以 傳 侯 書? 而 遇 去之。  $\exists$ 齊侯,請 爲紀侯 「自参以 故 垂 鄭 去 之遇 存紀之社稷,使 國言 伯 上,非 不 鄭 至。 故 邦交之 伯 也。 於 爲 是 之 次

紀

侯大去其國

季,不 子 也。 庶 之會,魯爲 故書曰「去其國 侯 此 不得免焉, 部,紀之不 不 侯之托於諸侯,以 死,近義 後書,以不死 而 也 陳氏 曰:「大名也。」吴先生曰:「紀侯去其 幾 在 知 出 奔 其不以 也。 有 復 必不得免,委 則 諸 傳》 殘 辭焉。 不 侯 歸 其 書 失 曷 티 : , 之求 如 絶 則 力不 民, 談 奔 爲 或 是 社 如 有 罪 不 故 不言 恒 近仁。 一**,** 而 而 不 稷 去 足以 綫 成,不得免 加 書 不 · 書者, 其 與 在 也。 ௱ 也。 而 奔, 奔 紀侯何? 以 奔 奔 或 所 已矣。 去之,近智。 ? 爲 奔罪 托 Ŧi. 君 也。 位 口 紀 齊之圖 不 援 之 修《 鄙 同 未 廟 季 以 加 焉 或 必 興 辭 絶 則 有 失 以 春 奔 紀 罪 或 復 不 也 奉, 或 酅 不 紀久矣,紀 則 秋 侯 罪 遷 書。 齊 也。 滅 書 学之 如 人 溢 以 口 郱、 加 也。」程 也 而 苟 齊,猶 紀 一罰矣。 口 凡諸 紀 苟志 以 或 被 特 奔 也。 黄 侯 然 册: 委 兵 筆

或 而 紀 遂亡,故名之。

六月乙丑 一齊侯 葬紀伯姬

其 外 日 爲 事 夫人葬不日 恒 也 則 國亡 H 爲 ,據葬宋共姬。 而 變 葬 也 於仇 《陳氏 人,故異之。 此何 傳》曰:「内 以 日 ? 以 女 不 異

不葬,必 有 故 也,而後書葬。 伯姬 在 一殯,齊

人取其

或

而

葬伯姬,於是特

書葬,不以往

會 也。 是 故 苟 宜 書 葬, 雖 不 往 會,書之。

陳哀公在殯,楚師

滅

陳,

日 『葬陳哀公』。 苟不宜 書,雖往 會不書。

於西門之外,不書,皆魯史之變例也。」 楚葬康王,襄公及陳侯、鄭伯、許男送葬至

冬,公及齊人狩于禚。

秋七月。

羊 何也? 、穀梁傳》曰:「齊人者,齊侯也。 傳》 曰 : 不復 「公曷爲 儲 而 怨 與 不 微 · 釋 者 刺 狩? 釋 怨 其曰人, 齊侯 也 回。」《公 也

也。

《公羊傳》曰

:「此伐

衞

何 ?

納

朔

也。

者 時 知 齊 其爲 侯 則 則 君 可 齊君? 稱 與通 曷 人 爲 2? | 薛 何 與之 狩, ? 諱 士: 遊 會? 隆 與 田 之事 日 讎 君 狩 會 也。 齊 也 之, 人 遊 讎 削 非 者 何  $\coprod$ 微 微 無 以

者 也

Ŧi. 年春,王正 戸。 一

夏,夫人姜氏如齊師 高抑崇曰: : 「不言 地者, 次

止

無

常

也

輿嬖袁克葬之,書 秋, 郑犂來來朝

《穀梁傳》曰:「郳,國 也。 犂來,微國之君,

未爵命者也。」

冬,公會齊人、宋人、陳人、蔡

人

伐

衞

也? 宋公何也? 是齊侯、宋公也。 公與仇人接、《春秋》終諱之。 以其人齊侯,不可不人宋公 本《穀 梁傳》。 其 曰 其人 何

《穀梁傳》曰:「逆天王之命也。」《 陳 氏 傳

JЦ ti.

 $\mathbf{E}$ : 其 不言納 何 ? 據 頓 子 北 燕 伯 以 朔 人

爲 重 也。 人不 書納 是 故 伐 鄭 納 突 伐 衞

納 朔 書 人 而 已矣。」

六 年 此 春 微 二, 王 者 也 正 月,王人子突救 曷 爲 稱 人 又 稱 衞 字 ? 修《 春 秋

有 拒 特 王 朔 命 筆 也 矣。 0 也 衞 王 而 侯 人 <u>Ŧ</u>i. 朔 曷 或 有 爲 伐 罪 救 衞 衞 衞 以 人 納 出 朔。 欲 朔 古 立 **奉** 黔 黔 牟 秋 牟 而

?

於王 辨 焉 ? 人 救 故 衞  $\pm$ 苟 X 不 從 得 其 稱 恒 字 稱 則 而 特 IF. 稱 不 字 正 以 何 尊 以

之,明 以 正 也 凡 救 不 月, 雖 吾 君 會 伯 È

月,謹其 救 與國不 事 也 ^ 穀 梁 傳 >  $\Box$ : 善 於是 救 衞 特 也

月。

成

t

救

鄭

襄

Ŧi.

救

陳。

救

治善,

則

伐

者

不

Œ

矣。」孔

穎

達

 $\Box$ 

稱

命, 從 故 尊 其  $\pm$ 班 人 而 稱 稱字,以責諸 字, 有 爲 也 侯 惡 也。」《 諸 侯 陳 逆 氏 Ŧ.

> 也 F 0 \_ 衞 隱 州 桓 吁 之諸 之 亂 侯 會 會 盟 者 侵 Ŧi. 伐 或 徒 宋 以 督 定 之亂 篡

會者 以 立 朔 四 或 也 袤 以 之 王 會伐 人 將 鄭 而 以 救 立 衞 突,於是伐 , 救 衞 而 克

置 則 諸 是 侯,《 天 子 春 猶 秋 得 廢 口 置 以 諸 無 侯 作 矣。 而 朔 天子 終 以 猶 自 得 V 廢

故  $\vdash$ 救 衞 無 功 而 後 王 命 益 不 行 於天

下。

夏六月, 衞 侯 朔 于 衞

穀梁傳 ₩ E : 人 者,内 弗 受 也 何 用

弗

受

秋,公至自 伐 衞

也?

爲

以

王

命

絶

之也

書

公 則 此 致 何 會 公 以 外 以 致 大 見 夫 實 伐, 非 也 大 不 夫 致 也 據 人 莊 <u>-</u>: 諸 侯 六 以 年 會 示 伐 義

螟

冬,齊. 人來 歸 衞 俘。

傳

 $\stackrel{>}{=}$ 

救

衞

無

功,

而

後

王命

益

不

行

於天

:

主 孫 日 : 兵 明 《商 伐 復 日 衞 : 書》:『俘 此 故 衞 衞 寶 寶 先 也 厥 人于 寶 言 玉。』《左氏 齊 齊 人歸 也。」 之者, 胡 侍 傳 講 齊

七 年春,夫人姜氏會齊侯于 防。 魯 地

曰:「文姜請之也。」

夏四月辛卯,夜,恒星不見。 曰:「恒星不 穀梁傳》曰:「恒星者,經星也。」《左氏 見, 夜明也。」《公羊傳》曰: 夜中,星隕如 雨 傳

列星不

見

則

何

以

知

夜

之中?

星

反

也

《穀梁傳》曰:「

無麥苗

麥苗!

同

時

也

0

齊地

?

修之曰『星隕如雨』。 如 不修《春秋》曰『雨 雨 者,非 雨 也 星 非 不及地尺而復」,君子 雨 記異 則 曷 也。」吴先生日 爲 謂 之如 雨

天 恒星不見者,夜明 恒星爲有名之 之光 而 不見,則小星之無名者亦無 隕 魄 ,没於半 也 如 空 經 雨 如 而 星, ,言衆多,不 書 不至 故 星 也。 謂 地 無 也。 大星之恒 其 名之衆星。 可 爲 所 隕 隕 數 謂 也 見 自

何 !

若莊公者,哀痛

以

思父,誠

敬

以

事

母,威

刑以督下,車馬僕從,莫不俟

命

夫

人徒往乎?

夫人之往也,則莊

公

威

命

辰麗 也。」 文、武、周公之紀綱法度掃 小 曰:「蓋王運將終。 星之 焉。 戴溪氏 無 星隕之多,氣 名 □ -者 隕 天者 則 自 大 「**,** 積 此,堯、舜、禹、湯、 消 星 滅盡 散 氣所爲 之 恒 也。」張主一 矣。 見 H 者 月 自 星 若

秋,大水。

《穀梁傳》曰:「高下有水災,曰大水。」

無麥苗。

冬,夫人姜氏會齊侯于穀。 趙伯循 子,通 病莊 之主,風 公也。 乎其下,況 曰:「姜氏、齊侯之惡著矣,亦所 化之本 日子 也。 或 可以 君 不 乎 制 能 ? 母 IE. 乎? 君 家, 人 者, 夫 如 死 IE 從 或 神 以

四 七

臣 時 行 民, 誠 雖 公以童 敬 之不 欲 防 稚之年,挾 閑 至 其 耳 八母,其 \_0 家 强 鉉 道 翁 齊 無 之援 氏 繇矣。」 日 : 臨 張 制 當 主 其 是

曰 :

「《敝笱》、《載驅》録

於《齊風》,尚

論

其世 其世, 慶父弑 放逸 皆 秋》之旨,蓋相 之政,兄弟也。』蓋不特周 衰俗. ,同播其惡於萬民。 時之事 與 君 衞之《鶉之奔 末,政 亂 也。 或, 爲 之 表 與 魯、衞,先王之後,而 陵 裹 衞 夷, 也。 奔》、《牆 滅 口 亦 公、康叔之盛,而 夫子曰:『魯、 時。 相 似 有  $\sim$ 茨》諸 也 詩 其 婦 ^ 春 後 衞 行

八年春,王正月,師次于郎以俟陳人、蔡人。 師 此 ? 吾 君 諱 將 之也 也, 據 莊之會齊、《 傳 公子 慶 父請 春 伐 齊 秋 師 終諱 何 以 之。 稱

人不

至

也。

俟者,有

會

期

也

以

Ŧ

乘

之

於

是

將

會

齊

韋

郕

故

出

人皆

稱

師

變文以

示

義

也

次

不言俟,其言

俟

何

?

俟

人

mi

君 陳 師 出 次 以 期 乎 而 不 至 是 亦 口 以

反

其本矣。

甲午,治兵。

陳、蔡, 獮 治兵,書不時 治兵以 而 陳、蔡 教 戰。」常事 也。 不 **周** 至,歸 官 也 • 偂 史不 大司 治兵以示武, 書。 馬 於是 因 俟 故 秋

夏,師及齊師 書之。 韋 郕

降于

齊師

秋, 師 還

也。 日 師 還 不致曷爲 何 ? 據師 猶 書 救齊 師 不 還? 書 還。 民爲 諱 言 重 公則 也 不 致

冬十有一月癸未,齊無知弑其君諸兒 矣。 弑 知 無 傳》曰: 齊 何 ? 知,公孫也。 **奉** 襄, 私 秋 無 君 談誅 弑 知 君 與 而 者 利 不 無 聞 連 心,是故 日公孫 稱 知 故 受之,則賊 、管至父,則其 者 也。 未 連 而 稱、管至父實 命 無 也。 不 知受之 在 專 ~ 二子 罪 陳 無 Æ

聞 則 所 千 以 乘 利 故 無 深探其 者也 知 之國 則 爲 萬 逆首。 弑 而比受之,①則比爲逆首。 乘之國 本 其 而 君 公子 遏 者 弑 亂 必 其 原 棄疾實 百乘之家。 君者必千乘之家, 也。 弑楚靈 此 比 苟 孟 子 以 與

九 年春,齊人殺 無知

詩 臣 於 墜,人心 今也 州 殺 陳氏 子 遇 人屢致意焉 吁 無 是國 也」。 社。 無知之弑 知 之弑, 衞 傳》曰: 一 何 ? 猶 有臣 然 止 不 於禮 「無知 子也。 忘 冀 、,齊人亦爲之變,踰 人爲之變,不踰 是不 討 幸 義 賊之義,故 成 嘗 也。 春秋之 悟,而 君 踰 之 年, 以 辭 長 齊 初,王道 則 也。 年 日 惡 襄 其 之不 卒討之。 旦 不已,至 年卒討 何 一齊人 猶 猶 也 道 有 未 ?

既

無

高

文。

以

公及齊 大夫盟 于蔇。 蔇 音器。 魯 地

大 大夫曷 爲 不 名 ? 稱 大 夫 則不 名 也。 凡 稱

> 詳,不 無常。 稱之。 奔。 大夫皆不名,名則不曰大夫,必 齊無君也。』《穀梁 **|**奔莒。 也 能 已使人逆小白于莒 爲内主,有莒、 但言 而 盟于蔇者,子糾 爲,故 伐 二公子在 ·日爲 公曷爲 不日 鮑 齊,我 盟 納 亂作,管夷吾、召忽奉公子糾 叔牙曰:「亂將作矣。」奉公子 ,今正之。 略 不 子 月 師 則 與 或 糾 以 敗 不 大 衞 皆 也。二 其 異 績 月爲異 夫 之黨來 以 傳》曰:「大夫不 有 之。 弯 盟 2盟? 爲 黨, 不月、《公》、《穀》無不 而 渝 外 人殺子 盟 立之,本《齊 也 而 也。 逆子 主。 《 左 者 小 有 白 昭 初, 糾 氏 殺 糾 十三年 有 也。 傳 襄 而 名, 或 世 公立 是盟 日 後  $\Box$ 家》。 或 爲 高 來 無 兼 月

白

例,

君

0 比」,原作「此」,今據金 日 銿本、 四庫本改

夏,伐齊,納子糾

曷 宜 内 爲 納 師 以 也 加 在 大 嗣 或 喪 之 君 但 言 在 號 侵 喪 稱 之 ? 此 日 其 子 言 修《 糾 伐 春 亡 何 秋》之 公 ? 子 納 也 辭 所

也。禮,立適以長,立子以貴,子以母貴

魯出宜貴矣。糾,兄也。小白,弟也。本《有也。糾,魯出也,小白,衞出也。本《史記》。

時文帝於淮 子》、《史記》,惟 出 宜 貴 南爲 矣。 薄 兄。 昭與 糾 糾 兄 淮 南 貴 也。 王 而 書 又 言 小 爲 桓 白 公殺弟,蓋 兄 弟 則 也 糾 有 宜 所 避 立

者也。魯納之,正也。《春秋》之法,納所

體 宜 存 納 則 不 正 書 不 於 īF. 是 何 伐 以 齊 辨 納 焉 糾, ? 是 徒 故 以 正 策 其 書 在 大

書 喪之稱 者 此 特 明 筆 其 一之義 宜 立 也 以 《公羊傳 别 於 外 納 **>** 日 不 : 正 其 而 稱 後 Ŧ:

乾時

齊

地

也 子 何 ° C 陳 氏 貴 傳 也 日 : 其 成 貴 糾之爲 奈 何 ? 子 也 宜 爲 則 君 糾 者 宜

齊

小白

入于

齊。

立

者

也

或 小 不 白 繫 繋 齊 或 録 者 外 之 事 辭 而 也 蒙 0 上 春 文 秋 也 外 據 辭 納 必 糾 繫 繫

若公伐

齊、納

子

糾

事

也

齊

小

É

;

于 事,故更端 殺 齊,又一 無 知 而 事 而 迎公子糾於 也。 繫之齊也 二事 則 魯 不 穀 ,公子小 得 梁 以 傳 後 **>** 日  $\dot{\Box}$ 事 不 蒙 讓 齊 前

入于齊」,惡之也。」

公子

糾,先入,又殺之于

·魯,

故

日

齊

小

白

**ド**、互い日前後春込 七月丁酉,葬齊襄公。

秋

八 月 齊 庚 人 申 <u>V</u>. 小白 及 齊 而 師 後 戰 葬 于 也 乾 時 我 師 敗 績

乾

音

非 無 此 上 此 其 文 公 所 君 公奉 諱 言 戰 也 也 敗 也 ), 曷 績 内 IE. 師 何 爲 以 ? 不 不 伐 i 言 内 不 敗 公? 正,戰 不 績 i 敗 據 焉 僖二十二 績 事 我 베 諱 師 再 也 年 敗 見, 升 蒙

Ŧi.

九月,齊人取子糾殺之。

言取 得國 齊而 乘之國殺其兄焉耳。《穀梁傳》曰:「外不 魯入,小白自莒入,未知其 殺之,亦不書。 乘之魯而不能存子糾,以公爲病矣。」 法,兩下相殺不書。雖世子也,苟未嗣 也。』《陳氏 魯殺糾 公羊傳》 而 殺子糾,則其罪 言取 也,則 使鮑叔帥 傳》曰 日 病病 一: 「内 其 日 襄公弑,國人討 内 師 「齊人取子糾殺之」何 也。 臨 辭 罪 小白 魯以 也。 . 小白 取,易辭 何?《春秋》之 殺糾,則是以 脅 誰 也。」魯受命 我 立 無 使我 也。 也。 知,糾 以 小 殺 千 É 位 ? Ŧ 於 之 自

冬, 浚洙。 浚音峻。

之? 畏齊也。」《公羊傳》曰:「浚之者,深之也。曷爲深

於是齊師伐我,公及齊師戰,齊師敗績。十年春,王正月,公敗齊師于長勺。魯地。

時,即 之也。 也。 故略其主客 釋于魯,又乘其再克 彭衙之類。 戰不言伐,義不繫於伐也。 則其但言敗之何? 略言之也。《春秋》言 内 遣其大夫帥 文七年令狐,十二年 敗 苟 外 亟戰,則不言 恒 師,日。 辭, 但 師 據隱 臨 以 書 河曲。 敗 伐之,不已亟 魯脅殺子糾,猶 + 及,通 齊 僖十五年韓,文二年 年 一 一 後 師 齊 譏 既 前 + 敗 不 役 在 乎 魯 年 譏 ! 不 魯 乾

略之,則不日也。

二月,公侵宋。

宋合於齊,侵宋,所 戎搆亂,故變其文以譏之也。 國恒言侵,何也? 惡 以 其 撓 不 齊 度 也。 徳量 内 力 師 而 加 大 興

三月,宋人遷宿。

《公羊傳》曰:「遷者,其意也;遷之者,非復見也。遷者,猶未失其國家以往者也。」《穀梁傳》曰:「遷,亡辭也。其不地,宿不

集 傳

其 意 也

夏六月,齊師、宋 師 次于郎

伐 伯 鍋 則 有 於天下之故 次 鍋 宋既從,次 春秋》没其 於天下之故矣。 據襄 而 元年晉侯、衞侯次于戚之類。 當 後 伐 服 書。 我, 魯。 而 桓 郎 魯 公 未 之次特書之, 既 服 得 於 於 或 是 必 即 有 見 圖

公敗宋 乘,去聲, 魯 地

也。 公及 不 略 能 言 宋戦 師 釋 而 也 魯以 于乘 魯 矣,據 以 桓 爲 Ę. 子 公 後 糾 宿 《檀 故,不 譏 圖, 師 弓》。 于 而 容 迫之已甚,故 郎 則 遽絀 其 將 但 以 言 於 求 齊。 敗 成 之 略之。 桓 於 何 魯 ? 公

秋 九 以 荆 荆 淫名聞 本 者 月 荆 周 楚也,其 子 敗 男之 于天子,不 蔡 以 師 或 號 于 ,幸,以 舉 則 何 可 曷 ? 通 爲 蔡 於諸 侯 無 無 獻 君 君 侯,故 舞 臣 臣 歸 之辭 ? 惡 不 也。 與 其

但

宋

師

而

不

日

不

在

魯

也

**陳** 之變文 生死皆日 所 故 師 或 虢公敗戎于 也。 獲同 主客 此 以 夷狄之獲 S 書 荆 甚 ,以蔡侯獻 也 戰 君 氏 懼 而後書。 滕子嬰齊、戎蠻子赤,皆不復 文 恒 臣 也,不言戰 傳》 也。 也。 之稱 也 自 日 辭 桑田 中國 獲。 日 此 : 變獲言 《公羊傳》曰: 始 信, 或 也 舞 《春秋》爲夷夏而 《春秋》謹華夷之辨,故 也。」蔡侯何 君 八年晉敗狄于采桑之類。 夷 而 歸 獲 生得 狄 穀 以以 春 ,是夷夏之大變 也。 交 梁 秋以吴終焉, 歸 日 相 傳 不言 獲,死 不不 敗 「不言其 以名? 曰 不 獲,修《春秋 : · 使 書。 日 作, 與 狄 滅,大 獲,不 國者也。 不 聖 據僖二年 諸 之 也 荆 必 復 侯 略 敗 敗 也 是 蔡 中 或 與 戰 其 夫

冬十 -月,齊 師 滅 譚譚 子 奔莒

屬 齊 諸 方 侯 啚 也。 伯, 則 桓公欲合諸侯,而 其 滅 譚 何 桓 公 再 不得 不 能 志 以 於 義

廣 魯 其 不 土 思 以 德之不修,而 衆 其民,於是 患 滅 力之 譚 又 不足,姑 滅 遂 也 務

之首,罪之魁也。 邵子曰:「《春秋》功過不相 先定伯者之功罪 掩。 <del>Т</del>і. 伯 ¨, 而 者 功 學

《春秋》則大意立矣。」

十有一 年春,王正 月。

夏 五月戊寅,公敗宋師 于鄑。

其日,甚之也。 再敗之,爲已甚矣。

秋,宋大水。

冬,王姬 歸于齊。

不書來逆,親迎也。《左氏傳》曰:「齊侯來

逆共 姬。

十有二 其言 叔 姬 年春,王三月,紀叔 歸 寧, 曷爲不言來? 何? 婦人謂 姬 歸 以 于 酅 歸 0 來 見 酅 義 音 攜 也

歸

于

酅

嫁

 $\Box$ 

歸

寧

而

也 反 或 紀  $\vdash$ 侯 歸 去 據 或 隱十 卒 Ŧi. 于 年鄫 外, 季姬 而 叔 婦 姬 歸 人 于酅 從 之義 以 待

> 其祖,故叔 日 : 得從 紀侯 姬 雖死於他 之義,故 歸 于酅 國,亦當附 書 也 其 歸 也。 于 酅 家 鉉 廟 以 翁 從 氏

夏 四 月

秋八 宋之卑者 萬,宋大夫未 月甲午,宋萬 仇牧,閑 也。 賜 及其大夫仇牧,以尊及卑 弑 族 其君 者 捷及 《穀梁傳》曰 其 大 夫仇 「萬, 牧。

冬十月,宋萬 出 奔 陳

也。

也。

罪 或 者 罪 是宋 大 後 於 矣。 夫 于 口 也 楚 也。 其 人請 陳 出 是故 也 也 奔不月,此 誰 而 萬 可受之? 天下 陳 弑 于陳,以賂,卒殺之。 王人卒殺子朝于楚,不書,蔽 人受之以爲利,陳 君之賊,無所 其月 何? 有 逃於天 無 佚 爲 君 賊 不書,蔽 之 地之閒 也。 無君之 或 於 而

十有三年春,齊侯、宋人、陳人、蔡人、邾人會

Ŧi. 四

于北 杏。 杏,户 猛 反

齊 初 主 會 也 大 夫 不 名 尊齊 侯 也 據 襄八

年邢 丘傳 例。  $\sim$ 陳 氏 傳 **>** 日 : 將 子 齊 以

伯

也

宋

也

閔公弑

Y; 桓

爲

北

杏

之

會

以

平

宋,

而

以

啚

諸

侯

夏六月,齊人滅遂

自

是

無特相會者矣。」

秋七月。

冬,公會齊侯盟 于柯。 柯音

始及齊平也。 不月,據桓盟不月。 我 無信 也

也。 桓公所以 而 公曷 汲 爲 汲於魯者,非徒以釋怨求 與之盟? 公與之盟 一, 則 將 成

從桓公於 盟 會 矣。 鄄 之會、宋、陳、 衞 鄭

之君皆在 於是有 西鄙之伐,故不月 ,而公不 與。 出到 以異之也。公何 之盟,以微 者行,

+ 有 而 四 喜 年 其 春 反 ,齊人、陳 者 也 桓 會 人、曹人伐宋。 不致 ,安之也。」

以

不

致

?

^

穀梁

傳》曰

:「致君者,殆其往

宋

人背北杏之會也

夏,單: 伯會伐宋。

單 伯 周 大夫 也 0 桓 公 所 仗

未安其令者乎? 宋首背之,豈以 桓 於是齊請 非 受命之伯,故諸 師于天子以伐 侯 有

宋,而單伯會之,假王命 以 合諸 侯 也。 ^ 陳

氏 傳》 曰:「春秋之初, 王. 室 猶 甚 威 重 也

衞之定州 吁也,紀之求成 於齊 也,皆 欲 假

伐。 寵 於王。 自伯 者之令行,天下諸 齊桓之興,亦 必 請 侯  $\pm$ 不 師 復 而 知 後 有 專

 $\pm$ 矣。」

秋 七月,荆入蔡。

蔡侯 遂 人 、蔡也。 服 從 在楚,而蔡人會齊侯 於 楚强 楚。 甚 自 矣, 是 終 而 桓  $\oplus$ 之世,不 于北 或 之 杏,荆 勢未合, 與 中 所

或

蔡

以

會 盟

冬,單伯會齊侯、宋公、衞侯、鄭伯于 鄄。 鄄

音絹。

于鄄 有 侯。 公請 其 Ŧi. 日 年春 故單  $\pm$ 單 師 伯 伯 以 ,齊侯、宋公、陳侯、衞 會之何? 會諸 伐宋,宋既服,遂 侯于鄄 王人 初 以 命 假 内 齊 辭 王 以 侯、 命以長 書 伯 鄭 也。 也 伯 會 諸 桓

楚, 矣。 之禮 公莫能任其事者。 下 口 能 然 齊 其 反之正,莫先 始 復 之危亡,諸 無 堅 是 鄭厲 伯 漢 決 時 會 伯 會 矣。 諸 者 陽 魯 何 巾 公 ? 未 \_ 0 侯 也 諸 失 諸 也。 則 至, 蓋 於攘 姬 侯 或 單 侯 ^ 之 鄭 伯 亦 其  $\sim$ 楚 春 知 左氏 夷狄、 私 既還,桓公始自 故 自 復 秋 予之何? 有 實 也。 叛,諸侯之從 通 單 伯之厲 盡 **>** (傳》)曰 子 安中 于楚,中 伯會伐宋,會諸 之。  $\wedge$ 齊 春 :「春復會焉 以 Ξ, 或 蔡 秋 諸 伯 一,以 既 或 侯 而 撥 於 折 以 無 齊 爲 不 亂 是 方伯 非 啚 日 而  $\pm$ 未 世 始 侯 天 不 人 久 有 桓

之常。 之賴 惟一 崩,會于北杏之前年也; 之變,則《春秋》徒 也 率 無 體 之次年也。 而 伯,令諸侯十二歲一 之予齊,不徒以 書 于 所以責其 人焉 弔喪,以 恒恒 諸 方伯,桓公假 則 之, 朝,此何禮 鄄 人焉弔喪,一 侯 於伯者 公 莊 天 既 東遷諸 以 王、僖 何 下 以 實 事 爲 策 之公 是王伯始終之際 天子。 如 也 書 也 用 侯,斯 王 斯 ? 大 之? 天子之命 其 一人焉 也。 崩 朝 而 人焉送 體 E 名也。 而 葬 覲 同盟 已乎! 朝 以 存 桓、文  $\wedge$ 其 何 如 不 覲 爲 春 送葬 以不 僖王崩, 所 桓 歸, 是 三歲 葬以爲常。 無 秋》 會 予之以 以 以 公 而《 而 上  $\pm$ 同 以以 獄 統 · 書 ? 事 有 存 也。 已矣。 也。 春 諸侯, 無 訟 天子 而 天子 事 策 爲 同 秋》 天子,下 聘,五 其名者 不 諸 <u></u> ^ 書之大 盟 事 桓 春 至,以 春秋》 者, 侯,悉 之 于幽 而 莊 不  $\pm$ 公既 天 秋 事 子 Ŧ. 爲 不 室 亦 歲

Ti.

于

周之大變也。 此《春秋 》所 由 作 也

存

策

書之大體,

而

王.

崩

葬

不

書,

以

爲

東

夏,夫人姜氏如

以 國事行也。或曰求婦 也

秋,宋人、齊人、邾人伐郳 郳 音霓

其班 宋故 也。 也。 齊伯矣, 曷爲 先宋? 大 夫 自 以

鄭 人侵宋。

背 鄄之會 也。 鄭 厲 公嘗 自 通 于 楚矣, 其 人

或 也,不告於楚, 而 又不 誠 服 於 齊,中 立 以

觀 釁 也。

冬十月

十有六年春,王 IE. 月

夏、宋人、齊人、衞 人伐 鄭

秋,荆伐 鄭。

楚與中國 争 鄭 於是始

冬十有二月,會齊侯、宋公、

陳侯、

衞

侯、

鄭

命 ;

王不巡守,則合諸侯受命

於王國,此之

伯

連

帥

而

諸

侯從

馬,此

之謂

一時

會」。

 $\pm$ 

歲

一巡守,諸侯

會于

方

岳

之下

而

受

伯、 天下 伯者 言 殷 百 盟 鄭 諸 進 以創伯、故假會盟方岳之義 傳》曰:「其序則 宋,主會也。 許 見 也。 則 諸侯之心也。《左氏傳》曰 侯 會,魯 成 退 男、滑 之政。 日 會 所 也。」自 而 稱同; 同。 葉 以 于方岳之下,則 易 會之。 伯、 少 一諸侯之心 周 若 時 藴 其不 出 班 滕 則 有 會 曰:「《周 不 而 許 子 不 主會爲之。」蓋伯 征 以 · 爲諸 後, 同 男何以先 書 伐 嚴 惟 盟 其 也。 凡爲 以 几 侯 此 有 人,微 討 方之禁, 官》:『時 叛 也。 出出 盟。 古 不 服 諸 滑 庭 而 者天子巡守 而 侯  $\vdash$ 桓公合諸侯 者 伯 則 稱 同 盟 之 同 殷 以 ? 也。 見曰 者 盟 同盟,以 叛 盟 王 可 其愛惡 《公羊 二, 不 于 命 服 齊 以 何 出出 先 方 施 Щi

謂 是無特相盟者矣。」《公羊傳》曰:「桓之盟 假 二年。』《陳氏傳》曰:「諸侯 殷同之禮 『殷同』。 齊侯 Mj 行 之,故 圖 伯,諸 再盟 侯從之者衆, 初至 于 组 盟 歷 也。 + 有 故 自

不日,其會不致,信之也。」

邾子克卒。

邾儀父也。 杜元凱曰:「稱子者,蓋齊桓請

王命以爲諸侯也。」

十有七年春,齊人執鄭詹。

詹,鄭大夫未賜 桓公合諸 侯同 盟于幽,將班政 族者。 不 稱行 也。 人, 使 而 鄭於 也。

朝聘數有難焉者,故齊人以伯令召其大夫

而執之。

夏,齊人殲于遂。 殲音尖。

遂人盡齊人也? 《穀梁傳》曰:「殲者,盡也。 曰:「齊師 滅譚,譚子奔莒,其君不詘也。 無遂之辭也。」許韓氏 然則何爲不言

> 子 齊人滅遂, 謂「伯者 齊人殲于遂,其民不歸 以 力 服 人,非 心 服 也, 也。 不 孟

也。

秋,鄭詹自齊逃來。

矣。 外逃不書,據宣十七年高固、襄十六年高 人者,力有時而 終不服,則伯國新令必有不即乎 夫見執,苟宜受命,專之可 何以書? 齊知不能詘,而緩之使逃,蓋 據來奔有不書。 窮 也。 以病 也。 齊 也 而 以 人 踰 力 心 逃來  $\equiv$ 以 服 者 時 大

冬,多麋。麋音眉

何休氏曰:「以多爲異也。」

十有八年春,王三月,日有食之。

不言日,不言朔,日

與月差也。

《公羊傳》

曰"「朔在後也。」何休氏曰"「謂晦日食。」

夏,公追戎于濟西。

戎不言來追,不言弗及,略夷狄也。 據僖二

五八

六年齊人侵我,公追齊師弗及,悉書。

秋,有盛。盛音或、《廣韻》音域。

也。」《公羊傳》曰:「記異也。」《穀梁傳》曰:「一有一亡曰有。 盛,射人者

冬十月。

十有九年春,王正月。

夏四月。

秋,公子結媵陳人之婦于鄄,遂及齊侯、宋公

媵者,送女使從適也。禮,諸侯卿大夫取盟。 媵音盈,又剩。

傳》曰:「媵不書,爲其有遂事書。大夫無則同姓媵之。鄄,其從適之地也。《公羊

竟有可以安社稷利國家者,則專之可也。」遂事,此其言遂何? 大夫受命不受辭,出

盟,除國家之難也。先書地後書盟者,明結出竟,遭齊、宋欲伐魯,故矯君命而與之何休氏曰:「鄄、幽之會,公比不至。公子

月。 《公》、《穀》無不月例。 傳》曰:「其曰 出竟乃得專之也。 國家後背結之約,非 陳人之婦,略之也。 説在九年。 不 月者,據 結 數渝,惡之也。」 不 信 内 也。」《穀梁 大夫參盟 其不月, 諸 侯

夫人姜氏如莒。

此在鄄之師也。公子結之盟齊侯爲緩師冬,齊人、宋人、陳人伐我西鄙。

而公不從,故卒見伐也。

時

Ŧ

室

一亂, 衞

侯

能勤 衞 朔叛 也。 王 王 齊侯見義不爲,而諸 而 ,與燕人納子 汲 汲 於服 魯, 頹。 以 不 齊 得 侯是急。 侯 魯 方伯 則 不 也,不 以 敢 是 失

二十年春,王二月,夫人姜氏如莒。 圖伯,無惑乎糾合之難也。

秋七月。

夏,齊大災。

冬,齊人伐戎。

先書地後書盟者,明 二十有一年春,王正月。

夏五月辛酉,鄭伯突卒。

秋七月戊戌,夫人姜氏薨。

冬十有二月,葬鄭厲公。

二十有二年春,王正月,肆大告。

或 肆,放也,謂赦 日 :「肆大告,譏失刑 典 縱 有 罪 虐無 宥 也。 辜,惡人幸以免矣。」 也。 告**,**過 大
告
皆 也 0 肆,則 胡 侍 講 虧

陳人殺其公子御寇。 癸丑,葬我小君文姜。

苟公子也 殺 夫,楚殺宜申之類。 非大夫公子,史不書,據傳,晉殺平鄭及七興 以以 討 亂 以 殺 微者名氏不登 之,則不書。 本 于 陳氏,據 策 也 大

龜。甚者殺世子母弟亦不書。據僖十六鄭殺子莊十二宋殺子游,文十四楚殺子燮、子儀,成十宋殺圉

罪 M 雖 後 文十八宋 專殺 御 殺 無 母: 寇 以 弟 則 議 須。 何 爲 以君父討 以 也。 書? 必 殺之非 觀 子 其 弟 書人 其 而 罪 當 以 也 其

> 人,猶 其日 國人 亂 箕鄭父,陳殺公子過之類。 殺 氏傳》曰:「稱 雖當其罪 左 「言公子而 而 氏 不 ,與討亂同文。又公子完 無政,衆人擅殺,而不出於其君也。」 得 公子何也? 謂 書 曰『衆人殺之』云爾。」 其 以 御 非罪 ,猶以專殺書之。 奔, 寇 不言大夫,公子未命 爲 則是 人,討 加之爾。 陳 太 公子之重 以 子 辭也。 非殺 亂 , 至若 討 蓋 見 而 《穀 胡 有 據晉殺 爲 視大夫。」《陳 大夫,則殺之 絀 非 侍 罪 御 梁 其 爲 於 講 也 先都、士 寇 大夫 其 罪 傳》曰: 曰 : 而 之黨, 君, 者 亦 也 也 穀 mi 或 稱

夏五月。

Ŧi. 然不改 春秋》不 月非 爲 時首, 四 書 月者 其 何 事 以 猶 明 書? 史爲 存 其 其 文 則 月者 史也 備 繫 事 書 時 也 也

秋七月丙申,及齊高傒盟于防。

《公羊傳》曰:「高傒,貴大夫。曷爲就吾微

范 者盟 育氏 也。」《穀梁傳》曰 ? 日 : 公也。 書 日 曷爲 則 「不言公,高傒 公盟也。」 不言公? 諱 伉 與大夫 也。

冬,公如齊納幣。

之事 亦以 盛、入先君之廟乎 朝 莊公志不在於從伯,而欲繼其世昬。 曰:「納幣者,齊 曰:「母喪未再朞 齊,而假 其私 也。 而 公之親 他事以往,非有公天下之心也 己。 《穀梁 襄之女也 ! 納 而 幣,非 啚 傳 冒 **>** 티 : 也。 禮 其 也 「納幣,大夫 J° L 杜 家 何 以 鉉 恥於 奉 翁 元 · 粢 氏 凱

二十有三年春,❶公至自齊。

終莊公之世,僅三如齊,皆致,此誤明矣。

祭叔來聘。

言 何 也。 以 叔 不 者, 《陳氏 稱 祭公之弟。 使? 傳》曰:「聘未有不稱使者, 王 臣 無 來聘,爲 外 交,禮之所不得 祭 公 使 也

0

「二十有三年」,原作「二十有二年」,今據夏鏜本改。

其 不 年, 王 稱 室 使 無 何 ? 聘 魯 私 者, 相 爲 於 好 是祭 也。 叔 自 私 桓 相 之 爲 中

好也。」

夏,公如齊觀

社

後嗣 業 示 往 法 曰:「以是爲尸女也。」 范甯氏 外傳》曰:「莊公如 公羊傳》曰:「諸 一、以觀 也, 而 可。 觀 何觀?』公不聽,遂 何 民於社,君 以 社 夫禮 爲 訓 解。 民? 所 以 爲 侯越竟觀社,非 君 IE 齊 是 舉 民 觀 舉 如 必 也。 社 而 齊。」《 書, 往  $\Box$ 齊 曹劌 書 觀 棄 穀梁傳 之, 「主爲女 而 太 禮 諫 不 非故 公之 也。  $\Box$ 法

荆人來聘。

荆稱人以來聘也,不稱使,荆未有君大夫

六〇

遇

于穀而後許之請

期

"; 盟

于扈

而

後

許

未有君大夫,故卒復其恒稱。據二十八書荆伐也。以其來接於我,故稱人以成文。以其

公及齊侯遇于穀。

蕭叔朝公。

言來,穀,齊 之君,大者稱字。 蕭 伯主,因得朝公也 者,宋之附 地 庸。 也, 時 言 叔,其君之字 齊侯 朝 公,公在 在 穀,蕭 也。 穀 君來 也。 附 不 朝 庸

秋,丹桓宫楹。

冬十有一月,曹伯射姑卒。 何休氏曰:「爲將取齊女,欲以誇大示之。」

十有二月甲寅,公會齊侯,盟于扈。 扈音户。 得 盟 用 妻 見 于 防 而 齊 不在 侯 ,遇于穀矣。 之汲汲 於從伯,故盟 於魯也。 其復 于 盟于扈, 齊侯 防 而 恐 後 公 許 何 之 志 也 納 在

> 世 恒 何 庶 曲 乘 之逆女。齊侯於魯勤 矣,復爲離盟,則非諸侯之政 一,則 ? 幾 調 Ė. 爲昬,齊不得魯, 有 處 以 離盟 日 + 伯 來,齊侯知 爲 有餘 者之度矣! 變也。 非 伯之事,故異之。 年 耐 葉 公不 卒致公於 則諸侯 少藴 矣。 桓 可 盟 以 曰:「桓 不 魯 也,以 不 盟 力 親 與 日,此 服 以 會 齊 \_ • 自 也 公 不 鄰 冒 長勺、 已伯 其 故 或 日 而 桓公 爲 委 而 古 H

其好耳。」

二十有四 之。 崇宗 《穀梁傳》曰:「禮,天子之桷,斲之礱之,加 密石焉。❷ 爾也。 士斲本。 年春,王三月,刻 諸侯之桷, 斲之礱之。 取 非禮, 刻桷, 與 非 非 正 桓宫桷。 Ë, 也。 而加之於宗 夫人,所以 桷音 大夫 斲

●「處」,原作「虞」,今據四庫本改。

「密」,原作「蜜」,今據《春秋穀梁傳注疏》改。

廟 ,以飾夫人,非正 也。」

葬曹莊公。

夏,公如齊逆女。

内 來逆女不書,略 逆女,雖 得 禮 外 必 書, 也。 存 ^ 春 策 秋 書之大體 **※** 内 以 也 見

秋,公至自齊。

實,則略外以

明義也

諸,舍見諸。先至,非正 公以夫人至 不與公俱入也。 自齊,則其 《穀梁 傳》曰: 也。 日 公 至 何 ? 迎 者,行 夫 見 人

八月丁丑,夫人姜氏

何 ? 凱 《公羊傳》曰:「其言入何? 從公而入,失婦道也。 於齊,不 然後人。」何休氏曰:「約 曰:「蓋以 夫人不僂,不可 與 夫 孟任故。」 人 俱 至 使人。 孫 婦 失 夫 明 遠勝妾也。」杜元 人,從夫者也。」 復 道 難 與公有所約 也。 曰:「公親 也。 夫 其難. 人不 迎 奈

> 戊寅、大夫、宗婦覿、用幣。 者,見 宗子者也。」張主一曰:「夫人 《公羊傳》 廟,宗婦見於内,禮 婦皆見,故著其 者,禮,夫人至,大夫皆郊迎, **棗栗云** 也。 乎 ? 曰:「宗婦者,大夫之妻 見 腶 用 脩 明 幣 云 日 也。 非 乎? 也。 禮 並 覿,徒曆反 一何 也。 宗婦者,大夫爲 覿 同 明 至,大夫見於 休 然 贄,失男女 H 氏

大夫、宗

則

曷

用

也。

覿

 $\Box$ 

Н

:

大水。

之别

也。」

冬, 戎侵曹

矣,故 中國有伯 侵鄭,桓六年 春秋之初,諸 由 是 而 北 而 戎狄 戎 後、凡 侯 伐齊。 有戎 爲 戎狄 中國 自 難 中 爲 不 患, 中國 或 書 則 有 據 其 患悉書之。 伯 傳隱 責 而 九 有 後 年 所歸 書 北 戎

曹羈 出 奔 陳

此踰年矣,則其名之何?

嗣

君

失國,恒

稱

名 也。

赤 歸 于曹。

崇 也。 日 杜 :「宋人執鄭 也。 日 元 : 戎侵曹而 凱 戎 曰:「爲 制諸 羈 祭仲而 戎所納,故 夏,廢 出 赤 歸 置 忽出 制 人君, 日 在 突歸,權 歸。」胡 戎 亦 也。」 以 病 高 在 侍 講 齊 宋 抑

郭公。

桓

文闕 也。

一十有 Ŧi. 年 春,陳侯使 女叔 來聘。

《穀梁傳》曰: 是故吾大夫如 之後,諸 乎此,非王室若姻 夫也。」《陳氏傳》曰:「諸侯初交聘也。 侯 之會 「其不名何也? 齊,自僖 數, 鄰, 而 無 之初 朝 聘魯者。 聘 年 皆之乎盟主。 天子之命 始。 始。 自女叔 春秋之 前 大

> 遂如京師,遂如晉,吾未知其所終矣。《春 陽,公朝于王所 諸 由 僖 侯 私 而 下 相 爲 朝 好 聘 而 ,天王使宰周 皆之乎盟 非 定 制 是, 主。 謂 公來聘,公子 天王 亂 初 一狩 生 于河 也

秋》所以作 也

夏五月癸丑 衞 侯 的 
朔卒。

六月辛未朔,日 舉,伐鼓 左氏傳》曰:「非禮也。 于社。 有食之,鼓,用牲于社 諸 日有食之,天子不 幣于 社,伐鼓

朝。」吕大 全氏 曰 \_: \_\_ 侯 日 食,陰 用 勝陽。 社, 陰 干

不得終禮 已。」胡侍講曰:「禮、諸侯旅見天子、入門 之神也。 者 天子尊,故責神,諸 四 · ; 而 H 食與焉,古者固 侯卑,自責 以是 Mi

則 非禮矣。」

爲大變。

然不

鼓于朝

而鼓于社,又用牲

伯 姬歸于杞。

初,吾君大夫適

他

邦,必有故

也。

有故

而

,猶私相爲好,而非定制也。

王室衰,

秋,大水,鼓,用牲于社、于門。

六四

國門也。」孔穎達氏曰:「鼓與牲二事皆失,牲。非日月之眚,不鼓。」杜元凱曰:「門,《左氏傳》曰:「亦非禮也。凡天災,有幣無

故書之。」

冬,公子友如陳。

則書之,未成禮之辭也。報女叔之聘也。凡內出朝聘皆曰如,始行

夏,公至自伐戎。

一十有六年春,公伐戎。

是乃伐之,異乎脩怨之師矣。 戎之義也。 戎嘗渝盟侵我,至于濟西,公追之弗及,至 内特侵伐不致。 内侵伐, 其 致 非 伐 脩 戎 怨 何? 則 爲 予公以伐 暴 而 른

曹殺其大夫。

義

不巡守,諸

侯

非

民

事不

舉

卿

非

君

命

不

殺之,則不名,所以别於大夫之見殺於其凡殺大夫恒名之,君臣之辭也。苟非其君殺大夫何以不名。 殺之者,非其君也。

君者 羈 出 也。 奔 陳  $\Rightarrow$ 陳 赤 於 氏 傳》 是篡  $\Box$ 曹 : 一莊 而 殺 公卒, 其大夫,則 有 戎 難 必

秋,公會宋人、齊人伐徐。

不義其君者也。」

齊令也。魯之從伯於是始。

二十有七年春,公會杞伯姬于洮。 洮音冬十有二月癸亥朔,日有食之。

伯 是始。《左氏傳》曰:「非 公甚愛其女,爲出會于洮,蓋 魯,將來朝 會于洮? 爲杞伯之將來朝 桓矣,魯人以 姬,莊公女也。洮,魯地 而 爲 以 不敬 伯 姬 而 先之,虞 入杞。 事 也。 也。 也。 貶 不敬 杞 爵 天子 伯 杞侯 伯 之義 也。 既 姬 非 唇 嘗 何 展 於 莊 以 干 朝

來朝,其子由是來求婦,伯姬之爲,皆未之於經,未有書公會者,而會自姬始。由是越竟。』《陳氏傳》曰:「內女爲夫人凡八見

前聞也。」陸淳氏曰:「公及杞侯、伯姬皆失

正也,參議之。」

于幽。 夏六月,公會齊侯、宋公、陳侯、鄭伯,同盟

《左氏 信 歃 服 有 陳 大戦 血 其信,仁其仁,衣裳之會十有一,未嘗有 也。』《穀梁 亂 之 而 傳 也,愛民也。」 盟也,信 鄭 **>** 獲 曰:「陳、 成 傳》曰:「桓盟不日,信之也。 於楚,皆有二心於齊,今始 厚 也。 鄭 服 兵車之會四,未嘗 也。」杜 元 凱 日

秋,公子友如陳,葬原仲。

得 葬,此 之私行也。」《左氏傳》曰:「非禮 仲 季友之舊也。] 大夫以事行者言其事,事不 原仲,陳大夫。 ·何 ? 書,但言如,此 何 以 陳、魯之好 葬? 禮,臣 《公羊傳》曰 非 由二 或 既卒不名,外大夫不 事 一臣始。 也。 ]: 「通 則其 也 故諸 言 乎 原仲 侯 葬 季 於 原

> ,可且更及。 公而往葬之,蓋衰世之志也

冬,杞伯姬來。

使婦 外 歸 自 十八年。 鄫子遇于防,使鄫 冬, 杞伯 此 來朝,公子遂入杞。 來矣。 寧也。 事,故内不言 何 人往來其閒,非歸 以書? 大不字小,而薄其舅甥之恩,蓋有 姬 歸寧不書, 來。 譏 杞伯 出 以 婦 子來 杞伯 春,公會杞 來 人 據杞叔 朝,爲國 與 寧之義矣。 朝。 姬 或 姬 來,僖二十七年、二 僖十四 事 鄫 也 季 伯 不 姬 姬 以禮,而 季姬 來寧不 婦 于 杞子 人無 洮 書 及

莒慶來逆叔姬。

來者 卿 諸侯,何 不 日 敵 : 自 1,接 不不 逆也,公自主之, 諸侯之嫁女於大夫,主大 内 以 書 書? 也。」劉 于策 介,所 以公之自主之。 侍 以 讀 尊 非  $\Box$ 一一内 君 禮 也。 也。 夫 女 ^ 叔 穀 以 雖 公自主 姬 與之。 親 梁 非 滴

之,則敵。敵,則書矣。」

杞伯姬來朝。

公會齊侯于城濮。

二十有八年春,王三月甲寅,齊人伐衞。衞

人及齊人戰,衛人敗績。

見之。 之命 衞 命 戰 以以 不言 也 命 其立子 於是王 故 方 伐 伯 取 而 討 戰 言伐,伐不言 頹 使 有罪,自 之 也 召伯 日 齊 加 廖賜 於戰 侯 東 遷 日 方 齊 之上, 以 伯 而 侯 來, 言 也 命 H 以 於 以 且. 謹 是 謹 請 天 之 始 子 伐 王 夏

雖 命 也 討 死 罪 此 齊 也 而 侯 天討 衞 也 侯 不 其 朔 可 稱 叛 以 人 天子, 終廢 何 ? 也。 納 桓 子 公不 本程子。 頹 其 以 身 而  $\pm$ 

稱 命 齊 桓 公爲 侯 以 方 伯 罪 戰 桓 不 伐 敗 也 職 衞 衞 不 矣。 師  $\sim$ 陳氏 能 故 取 正 雖 傳 路 其 齊 罪 而 曰:「東遷之後、諸 侯 還 自 ൬ 將 苟 以 焉 天子之命 而 以 奪 自 其 私 怕

> 杏之後 侯始 以 齊,不可 師 王 地 侯 罪 衞 一命,不 其 齊侯 不 衛之不 與。 放,春 何 不 廢 得 盟主 不 以 地 此 命 服 與 秋之治在諸 稱 何 君 而 干 人? 諸 衞 ? 始 將 釋 命 侯 專 也 交戦 略 稱 故 衞 · -《穀 之 人 春 之 E 異 之 也 秋 罪 者 梁 侯 不 其 之 義 傳》曰 同 而 也 辭 口 治 以 也 大 文 世 不 衞 在 也 夫 趙 : 戰 人 盟 不 伯 衞 以 敢 必 主 與。 敗 循 者 其 言 者 於 而  $\vdash$ 「, 不 稱 敵 其 諸 北

秋,荆伐鄭。

四月丁未,邾子

,瑣卒。

公會齊人、宋人救鄭。

鄭 鄭 嘗 齊 萬 令也。 皆請公自 敗 齊 則救鄭之役,曷 齊師 侯 以 于 於是楚令尹 爲 將 長 吾 以 勺、 君 爲 于 能 功 爲 乘 師 一 而 子元 獨 丘 者 使 齊人、宋人屬 也 于 吾 以 晉 君 車 獲 故 親之? 伐 百 南 徐 宫 乘 救 伐 長

桓公可謂善用諸侯者矣。

冬,築郿。《公》、《梁》作「微」。郿,魯下邑。

大無麥禾。

胡侍講曰:「大無者,倉廩皆竭之辭也。」

《穀梁傳》曰:「國無九年之畜曰不足;無臧孫辰告糴于齊。

也。 下皆足也,雖 六年之畜 古者税什一,豐年 日 · 急 ; 凶年民弗病 無三年之畜 補敗,不外求 也。 一年不艾而 日 或 非 其 而 Ŀ 或

雖遇凶災,民不饑乏。莊公享國二十八耕必有一年之儲,九年耕必有三年之積,百姓饑,君子非之。」何休氏曰:「古者三年

年,而無一年之畜也。」

一十九年春,新延廐。廐音究。

《公羊傳》曰:「新延廐,修

舊也。

[X]

年

不

新,有故也。有故則曷爲書之? 古之君修。』《穀梁傳》曰:「延廐者,法廐也。其言

悉矣。」 秦新延廐,以其用民廢矣。冬築郿,春新延廐,以其用民

罕,民勤於財

則

貢

賦

少、民勤於

食

則

百

事

力爲已

民者,必時視民之所勤。

民勤

於

力

則

功

築

夏,鄭人侵許。

齊令也。

秋,有蜚。音扶味反。

《公羊傳》曰:「記異也。」

冬十有二月,紀叔姬卒。

之大體存 姑姊妹之恩,見人道始終之爲 虧婦行。推親親之義,魯人不以 葬,禮也。 叔姬待盡 非夫人何以 内女卒日,此何以不日? 而得失著矣。 于酅,正 明臣妾之道,叔姬不以 書? 以恩 也。 録 魯人弔 也。 降於夫人也。 重 國亡 其 也。 紀 喪,會之 滅 或 君死, Ľ 策書 而 薄 而

城諸及防。魯邑。

三十年春,王 正 月

夏,次于成。

齊令也。

秋 七月,齊人降鄣

也 穀 ]。」趙: 梁傳》 伯 循 曰:「降, 曰 : 降 服 下 而 也。 爲 附 鄣, 庸 也。」 紀之遺 邑

月癸亥,葬紀叔 姬

羊傳》曰: 非夫人也,則 九月而後克葬也。内女爲夫人葬不日 「其國亡 其 日 葬何? 矣,徒葬 乎 異 其 叔 爾 事 也。 ^ 公 此

九月庚午朔,日有食之,鼓,用牲于 社

冬,公及齊侯遇于魯濟

《左氏傳》曰: 謀山 戎 也,以其病燕故 也。

齊人伐 Ш 戎

三十有 年春,築 臺 于 郎

據諸

侯來

奔

喪會葬

不月。

<u></u>

左

氏

傳》

日

非

禮

劉侍讀 而 曰:「譏 厲 民 也。 去國 而築臺,是樂

> 夏 四 月 薛 伯

築臺 于 薛

六月,齊侯來獻戎捷

也。 陳、鄭,而 齊侯已伯矣, 曷爲親 齊侯圖諸侯,首得宋, 陳、鄭貳。 會于鄄,而宋 來獻 捷 ? 而 宋背 與公爲 成 盟 司 次 盟 好

城濮 矣。 足恃也。莊公之事 桓公所賴 于幽,而 是故 而 伐 陳、鄭 伐 以 衞 服諸侯 遇魯 徐、 以服。 救 濟 鄭、既 而 齊 丽 諸侯之從齊者,猶 成 也後,而從伯 伐 伯 皆 Ш 功者,莫親 請 戎,又皆 公 主 兵。 也專 即 於

君之好 故不 於我。 難 於是 焉。 於 以 桓 又假獻 身 公 下 知 諸 以 捷,躬至魯庭,以 侯 力服 也 人者 其 月, 有 異 時 事 而 堅 也 窮 兩

也。 警于夷。 凡諸 中 侯有 或 則否。 四 夷之功,則 諸侯不相遺俘。」 獻 于王,王 以

魯

會

未

謀

秋,築臺于秦。魯地。

一年罷民三時,惡内也。或曰倚諸桓也。」《穀梁傳》曰:「魯外無諸侯之變,内無國事

冬,不雨。

三十有二年春,城小穀。

夏、宋公、齊侯遇于梁丘。

梁丘 外相 以 邾之閒,去齊八百里。」張主一曰:「齊侯不 丘 者,草次之期,莫適爲主,故序爵也。」 會于諸侯。宋公請先見于齊侯。 伐楚也。《左氏傳》曰:「齊爲楚伐鄭故,請 之遇爲之也。 伯主自居,以 。」於是又七年,而始合諸侯伐楚,梁 遇不書,書梁丘 盟會 征伐,先 梁丘近宋而先之也。」汪 《穀梁傳》曰:「梁丘在曹、 何? 齊侯,尊伯 以齊侯之緩於 主 夏,遇 也 仲 遇 于

秋七月癸巳,公子牙卒。

此殺也,何以書卒? 從史文也。《春秋》

兄,隱 子殺母 也。 然。 也。 也。 義 傳》曰:「公子牙殺,則曷爲不言刺? 名實矣。 叔孫氏,使若死於位然,是喪以 季子之心 子諱殺也。」季之曷惡也,不以爲國獄,緣 書日何? 氏,有司、國人不與也,而 立慶父,季友使鍼季以 名實、《春秋》奚 之變文,必有 也。 牙將與慶父、夫人爲亂,雖 《陳氏傳》曰:「牙書卒,喪以 殺世 緣君臣之義,不得私 而逃之,使若以 兄何 然則曷爲不直誅而酖之? 行誅 牙卒時,公有疾,未 子 一而爲 勢不得臨 母 善爾? 辨 弟,直 之諱。 辨 於名 焉? 非恤 誅不得辟兄,君臣之 實 稱君者,甚之也。 然則善之與? 疾 君命酖之。 者 於是公疾 其 死 以討辭書之,亂 也。 典 親 然,親 薄 嘗 苟 臨 也。 酖 大夫之禮 緣親 大 無,亂 喪, 叔 立叔 親 之 大夫之禮 《公羊 牙、欲 爲季 之道 而 親 則 日 立 乎 孫 季 其 於

若死 恩,不與國 春秋》察其 於位 人慮兄弟也。 則 心,後世 淫 人何 有考焉矣。」 與 焉? 立叔 史著 孫 氏,使之 其 迹,

八月癸亥,公薨于路寢。

事 也。 寢,正也。 穀梁傳》曰:「路寢,正寢也。」寢疾居 重 啖 凶變 叔 佐 也。 男子不絶于 티 : 「凡公薨 婦人之手, 必書其所 以 詳 齊 終 内 正

冬十月己未,子般卒。

公。 傳 也。 子 存 則 般即 稱 其 子般 何 書 世子,君薨稱子某,既葬 休 卒 「子卒云子卒,其稱子 位,慶父使圉 ·何? 氏 卒 日 何 : 以 内 緣 不 大惡,恒 民臣之心,不 書葬? 人拳 賊子 諱 之也。 未踰 稱子,踰 般 般 卒 可 于 ·何 ? 年 《公羊 黨 之 年 H 氏, 君 稱 君 無

> 踰年 也。 稱公, 緣始終之義,一年不二君, 不可 曠 年 無 君 也。 故 稱卒不 稱 子 也 地

七〇

公子慶父如齊。

者,降成君也。」

娣叔姜之子也,故齊 以説于齊也。 於是季友出奔陳,故慶父如齊,請立閔公, 歸,以遺 慶父、弑君之賊 魯禍,失方伯之職 《左氏傳》曰 也。 人立之。」張主一 齊 桓 : 也。 聽其 「閔公,哀姜之 來, 復 티 : 使之

狄,伐邢。

楚交侵 之。 或 許翰氏 哉 而 中 荆 -夏,使 暴 於戎 春 無 秋》戏 狄 齊 又 桓 暴 先 攘定之, 豈復有 見,荆 於 荆。 次之, 戎、 狄 中 荆 次

春秋集傳卷第三

君

故

稱

子

某,

明

繼

父

也。

名者

尸

柩

尚

存,猶以君前臣名

也。

既葬不名,無

所

屈

後學 成德 校訂

## 春 秋 集傳卷第四

避外

辭 也。

據特相

盟外

爲

志 日 會。

落

姑

齊地

恒

稱及,

公始受盟于伯主也。凡受盟伯主

也。

《左氏

傳》曰

:

清請

復季

友也。」慶父殺

安東山趙 方輯

元年春,王正月。

閔

公

季子來歸

地受盟,而後使召諸陳,以慶父在

也。

乃使魯人以其意請復季友。

閔公親

至

齊

子般,季友避之於

陳。

齊人既立其所出

般? 《公羊傳》曰:「公何 尊非君也,繼之如君父也者,受國焉爾。」 不言即位。 慶父也。」《穀梁傳》曰: 孰 繼? 以 繼 不言 子 即位 般 也。 「親 ? 非父也 孰 繼 弑 弑 子 君

齊人救邢。 書救邢,據外救不悉書。 予伯者以救中

秋八月,公及齊侯盟于落姑。 夏六月辛酉,葬我君莊 齊地 或 也

已亂

也。

而季子雖

歸,慶父、夫人亂未已,

俄而殺閔公。於是以僖公適邾

,則國人何

也。 《春秋》皆變文以 友,未知孰爲之也。 存亡也。《公羊傳》曰:「其稱季子何? 夫公子反國,非 季子,所以别 大夫出入,非罪不書,則其曰季子何? 曰:「閔公立,尚幼,盟齊侯于落姑,請復季 其言來歸何? 喜之也。」《陳氏 有 罪也,以是爲宜歸 有 書之,以其 罪 或 書者三,據 人之欲歸季子,以 有關於宗社 許 叔、蔡季。 也。 傳》 賢 之 大

公之統絶。 賢乎季子 者,季子在 全季子也。 1 也。 慶父之篡不成,莊公之統 微季子, 是故奔陳不 則 慶父之篡成, 書,如邾不書, 不 而 絶 莊

冬,齊仲孫來。

先 幼 難 君 未 齊人既立閔 來,言其事 來未有無 可知 不 也。 生 日 以 大 也。 : 賓 體 辭 蓋 禮 也 事 一公,復季友,而慶父夫人之志 於是仲孫 者 魯 接 不 仲 人以 也 得 此 孫 其 書, 网 何 言 不 以省 但言來 名, 臣 以 來 相 不 何 無 難 見,而 稱 ? 所 來。不言 ,從史文也 使? 大 屈 夫以 不 也 以 閔 省 見 旲 公 事

二年春,王正月,齊人遷陽。

夏五

月乙酉,

吉禘于

莊公。

諸侯三年喪畢,致新死者於祖廟,合羣廟禘者,三年大祭之名也。禮,不王不禘。

雖

合食而禮

秩異於周公可見矣。

其締於

之主  $\dot{\boxminus}$ 遷諸 禘爲 宫縣 何 ? 樂,魯人以 成 祭,周公定爲不王不禘 就其主而祭之也。 公,於是 子禮樂使祀周公過矣。 而 以寡君之未禘祀。」當 白牡 王蓋 牡. 舞《大武》,諸侯之僭禮也。」晉 褅 而 侯 喪畢大祭,不 也。 而祭之謂之袷。 莊公喪未闋,用禘祭之,備 騂剛」推之,則記 之僭禮 白 命魯以殷諸侯 以禘 祭以 牡 吉者,未三年 褅 一,殷 白牡 代 禮 也。」黄先 牲 袷,故三 祀 也, 擊 周 唯 《郊特 公, 魯 魯 盛 東 玉 禮者言 之法,故 時 禘者,殷諸侯之盛 也 公以 生日 也。 祭祀周 年 遷 其 磬,朱干 牲》云: 諸 大 後 諸 故 侯 其言 下牲 : 祭 遂 侯 成 日 僭天子, 公、故 以  $\pm$ 以《 : 不 僭 僭 人亦 諸 設錫,冕 物盛樂 用 袷代之。 于 賜  $\vdash$ 用 天 禘, 魯 莊 子 牲 魯天 侯之 於 袷 曰 頌 用 東 以 禮 Ш 羣

以 抑崇曰:「魯人之喪莊公也,既 羣 勝書,唯於非禮之中記 未終喪皆吉服矣。 「言吉者,未可以 不悉書? 庫門,士大夫既卒哭,而麻不入,則當 則 又 後 既 來 以 吉 之 締代給 然則 也,譏始 僭 也。」《公羊 其 凡三 爲 又非禮 不三年 常 年 葬,而 祀 必 一者,以 · 則 傳 以 也。 禘 **>** 史不 經  $\exists$ 何 詳 高 時 不 :

秋八月辛丑,公薨。

事

變,而僭竊之罪

因

可見矣。」

何隱耳? 弑也。孰弑之? 慶父也。」《公羊傳》曰:「公薨何以不地? 隱之也。

九月,夫人姜氏孫于邾。

不日,與弑

也

同

文姜。

於是季友以僖公適

邾,懼其見討,故與慶父俱出奔也。

公子慶父出奔莒。

外。苟其罪有關於一國之大故,則不可以不日,與弒也。大夫奔,非罪不書,通乎内

故 無 喪也。」 慶父亦殺,則其不書卒何? 族、故略其罪 季友推 不 爲輕,則月爲 大故則月。 ·書刺 則 辩 不 也 親 何 日 故 ? 親之恩,欲 凡 外 内 杜 也。 重 日 大 大 元 也。 . 爲恒 夫 夫 凱 公子牙實殺而書其卒, 奔 奔 同 曰:「慶父之罪 慶父罪 不 H 之 則不日爲 户, 有 叔 有 鍋 重於叔 牙,存孟 不 舅 於 以卿禮 變。 於 或 牙,其 雖 氏之 不月 國之 之大 成

冬,齊高子來盟。

十有二月,狄入衞 羊傳》曰: 無 不稱使? 於齊,故齊侯使高 出,季友乃以僖公入主之。 穀梁傳》曰:「盟立僖公也。」夫人、慶父既 一君,季友接之,以二臣相見也。」 「高子者何? 我無君也。」吴先生曰:「其時魯 子來盟,以定公位。 齊大夫也。 其出入皆 何 有 《公公 以

七三

七四

大焉。 勸 自 之 是 救 故 之義 不 戴 有 曰 不 不 此 功,而 己, 書。 言 書 邢,不書邢潰; : 公以 其 而 滅 或 責 功 狄入衞,不言君 皆及伯者,是諸 君 滅 而 爲 而置 舍 之故 也 歸 自 滅 也 廬 桓 日 略 桓 於 有 于 公諱 其 法 何 公, 焉, 伯 然 伯 曹 所 以 也 何 者 則 有天下 而 也。」春秋之初,諸侯 無 不 民 ? 齊侯使公子 也? 也。 敗 後 書城緣 及,以爲 復 績 書, 略言之也。 執其咎者。 侯 滅, 略人之不及者, 不言敗 則 衞 之故 無 以 其 陵,不 未 與 事 攘 天下之故, 略 桓 絶 焉。 守 夷 無 績 之 公以 也。 書 也。 狄、安 何 《公羊 , 虧 君子 淮 苟 衞 ? 戍之,故 存 衞 夷 是 有 侯 Ļ 所 議 或 中 人 故 又 春 戎 死 . 傳 以 道 有 於 之 之 立 或 書 秋 或 難 春

道

鄭

鄭

棄

其

師

此

高

克

出

奔

陳,

衆

潰

而

歸,

則

書

棄

其

師

《公羊 義,苟 伯 ? 也。」 特 悪 國之故 舉 · 傳 》 民爲 無 高 其 關 曰 : 克, 重 重也。 於 而 者 使之將 後 鄭 言 國之故,《春 書。 棄 大夫出 之, 其 逐 古者人臣 莫 師 重 奔 而 何 不 ? 不 於 秋 書。 納, 棄 惡 有 奚 其 其 棄 治 去 必 師 將 師 或 焉 有 也。 也 之 之 ? 弱

故

於

何

秋 集 傳 卷第 四

後 學 成 德 挍 訂

## 春秋集傳卷第五

新安東山趙汸輯

公 上

僖

元年春,王正月。

《穀梁傳》曰:「繼弑君不言即位,正也。」

齊師、宋師、曹師次于聶北,救邢。 曹師,從二傳。

聶北,邢地。

夏六月,邢遷于夷儀。邢地。 先言次而後言救何? 爲次言故也。

自遷不書。據文十三年邾遷于繹,成六年晉遷于

新

部  $\mathbf{H}$ 之類。 年 宋遷 有遷之者 宿,閔二年 而 齊遷 後 書 陽。 莊 非 元 有 年 齊遷 遷之者 紀鄉 鄑 而

齊 師 邢、 邢潰,斯一 曹 聶 邢 不 無 也。 邢,邢潰 避 違 邢 書 功,諸侯誰 而 薄德,則不待《春秋》 難也。 楚仇 師 以功掩過,亦不以過 以 北,救邢」,「 天子,下無方伯,桓公存亡國 邢遷 衞 宋師、曹 則 「齊人 齊桓公存三亡國以 衞 城邢」,所以 皆月 必 滅 也,皆有關 而後遷,則其不言邢潰 于夷儀 有 許遷者四, 偪於鄭也; 而 以以 救 復 國之事守,不以累桓公, 歸 後存衞 師 以排 邢 於 城 别於許之請遷于楚者 邢遷于夷儀」, ; • 邢 全伯者之功也。 狄 於存亡者 患爲 或 ,邢潰而後存邢。 齊 韋 而有議其非者矣。 之存 師 衞 己任 掩 屬諸侯,義士猶 衛遷 宋 功。 亡 也。 師 者? 齊 者 于帝 書曰「狄伐 蔡遷者 以屬諸 何? 曹 於是狄伐 也。 師、 狄伐 師 春秋》 宋師 É 可 没其 狄 次 略 侯, 于 之 伐 上 H

七五

則 役 蒙 凡城 其 再 上 **一再序三國** 有 事 皆 月 事 不 月。 也 者 以 前 何 以 伯 目 ? 楚 者 而 fr. 唯 存 後 著 師 亡國 凡。 例 以 決之, 國序 也 此 向 也。  $\sim$ 其 春 之 月 師 本孔 秋 何 也  $\ll$ ? 氏

秋七月戊辰,夫人姜氏薨于夷,齊 諸 亡國 之。」劉侍讀 公羊傳》曰:「夷,齊地也。 穀梁傳》曰:「夫人薨不地。 侯之義 齊桓公討 也 0 日 :「哀姜與 魯 以 而誅之,此 臣子 不得 乎 亂,殺 伯者所 桓公召 討, 人以 地, 而 二子 齊以 以 而縊 故 歸 也。 行 , 伯 乎 幾 殺

楚人伐鄭。

主

得舉法。

或 伯 其 荆 能 君將 稱 始 改 人 聲其 稱 號 何 君者同文,所 日 ? 罪 楚。 '', 則 以 楚 其 自 侵伐皆人之,不使與 僭 是 有  $\pm$ 以 事 猾 謹華夷之辯也。 於諸 夏。 侯皆 方 # 稱 或 中 有

> 其辭旨精微 也,與待中國諸侯伯 雖 必 中 著 其 或 疆 無 ,然《春秋 伯 學者有弗 而 後 稱 主 書 君 察 君 楚 大 爾 將 事 夫, 稱 無 君 著 不 不 其 同 致 疆 其 也 嚴 但

八月,公會齊侯、宋公、鄭伯、曹伯、邾人于

檉。

檉音

頳

故

文,不可言諸

侯

^ 以異之。 會之不月。 月,此其書月何? 左氏傳》曰: 凡盟主之會 必 京謀 有 功 救 謀 而 鄭 後 救 不 也。」公會伯主 月 月,雖公若王 鄭 而不成 救,故 卿 恒 + 月 不

不日,略其事也。 九月,公敗邾師于偃。

冬十月壬午,公子友帥師敗莒師于酈,獲莒

拏。

酈音

離

治内難 大夫 《公羊 敗 傳》曰: 以 日,殊之於公也。 正,禦外難 「莒拏者、莒大 以正。 獲 其禦外難 者, 夫 也。 生 得 季子 以正 也。

死。 之上 以 奚斯之聲也,吾 父,自南涘北 逐之,將 不可以入,入則殺矣。』 奚斯不忍反命于慶 何? 求 賂 莒人聞之,曰:『吾已得子之賊 ,使公子 于魯。 公子慶父弑閔公,走而之莒,莒人 由乎齊,齊人不納,卻反舍于汶 面 奚 魯人不 不得入矣。」於是抗 而哭。慶父聞之,曰:『此 斯 人 請。 與,爲是興 季子曰:『 師 輈 公子 而 矣。」 經 伐 水 而

人以 有二月丁巳,夫人氏之喪至自 欲 故蒙上文不 文。魯人諱殺哀姜、《春秋》無文以 不稱姜,蒙上文也。 古 |齊以 歸者 取 而 也 居厚,内存母子之義,故請 殺之,則 稱 姜。 孔 穎 見此致夫人之喪,即 達 位 氏 絶於魯矣。 事 曰:「齊人治 而 再見者,蒙 齊。 僖 見義 公外 而 哀 葬 姜 齊 F

+

曰

凡

(小國,大夫不名,接我則名之。)

魯。」 莒

無大夫, 莒拏何以

書?

高

抑

崇

年春,王正月,城楚丘

請。 君子 之,諱其殺也。」劉侍讀 以尊宗廟,伯主亦可緣天子之法以絶魯私 行乎下也,義已矣。 桓 『夫人姜氏 公正其罪 以 今齊以公義討之,而 爲 非 而 義,不可 薨于夷,齊 討之, 故 通 則 於《春秋》。 臣 安可 日 子 人 : 「夫人與於亂 魯 可緣 以 復 以 歸。 配 私意請 伯主 宗 則 廟 之命 上 之 ?

未遷 者 其 也。」《穀梁 故緣陵亦不繫杞。 於天子,則 主之令,以 衞邑也,不 也。 (月何?據城不月。以伯者存亡 也。」 不言諸 傳》 中 内辭 繫之衞,有 或 曰:「其不城 侯 書之。 爲 城之, 一,所以正伯者之事 然則孰城之? 李堯俞 伯主之令也。 離 至 衞 不可 日 何 :「號令主 或 也? 得 也。 内之微 凡伯 而序 也。 此 衞

夏五月辛巳,葬我小君哀姜。

七八

虞師、晉師 滅下陽。

也。 虞曷爲 此號邑也,何以不繫之號? 序大國之上? 三公封國,先庶拜 古者 王

畿千里,天子親制之,寰内諸侯不與列 或

所得取,故云滅,使若國然。」 變其文也。 林少穎曰:「天子之地,非諸侯

同也。

非國

而言滅者,重取天子之地,故

秋九月,齊侯、宋公、江人、黄人盟于貫。

江、黄,近楚之國也。 左氏傳》曰:「服江、黄也。」張主一 惟宋與盟,不煩諸 티:

侯也。」

冬十月,不雨

月。每時一書者,告廟 時不雨書時,據莊公十一年。 也。 《穀梁傳》曰: 踰時不雨書首

不雨者,勤 雨 也。

楚人侵鄭。

三年春,王正月,不雨。

夏四月,不雨

《穀梁傳》曰:「一時言不雨者,閔雨也。 雨者,有志乎民者也。」

閔

徐人取舒。

《公羊傳》曰:「其言取之何? 易也。」孫

莘

曰:「舒,楚與國。 老曰"「取國不言滅,不絕其祀也。」許翰氏 徐人取之,倚諸齊也。」

六月,雨。

《穀梁傳》曰:「 有志乎民者也。」《左氏傳》曰:「自十月不 雨 云者,喜雨 也。 喜 雨 者

雨至于五月,不曰旱,不爲災也。」

秋,齊侯、宋公、江人、黄人會于陽穀。 陽穀

齊地。

《左氏傳》曰:「謀伐楚也。」

冬,公子友如齊涖 盟

不月,略 之也。 往盟乎彼也。」 例 在 桓 + 四。  $\sim$ 公羊傳》 曰 :

楚 人 伐 鄭

川 侯、鄭伯、許男、曹伯侵蔡,蔡潰。 年 春, 王. IE. 月**,** 公會 齊 侯、 宋 公、 遂伐楚。 陳 侯、 衞

也。 以 舉 以 以 治 據定四年侵楚同不月 而 餘 兵,非以定篡弑 公會伐,恒不月, 侵蔡召諸 春 中國 世 蔡 遂言之。 重 Œ 年乃克有事于楚, 侯 一、凡師 秋,楚浸强矣, ,故月以謹之。 桓公始 獻 不 舞歸, 再有 能 兵 侯。 有志 討 事言遂,必天下之大故。 ); 則 事 聖 也。 書 夷 此 楚僭 不悉書。 人 而 脩怨而已矣,問不及 曰『遂伐楚』,言志不 《陳氏傳》曰:「《春 夏 中國 何以月? 桓 懼 不見於經。 之分,於是伐楚, 公糾 王猾夏,天子不能 焉。 夷狄之大分由 苟悉書也, 合諸侯,二 而 以伐楚也。 諸侯之交 敗蔡師 秋 自 + 在 丽 楚 則 是

次 于 涇。 陘 音 刑 , 楚地

> 陳 氏 傳》 日 : 書次何 ? 用見桓 之不 戰

而

詘 楚 也

夏,許男新臣 諸侯卒于外地,在 卒于師者,其不言卒于 卒。 · 會 曰 會 「, 在

楚屈完來盟于師 春 秋》無費辭,詳於下則略 ,盟于召陵。 召音邵 於 上 也

師

何

?

併

下

文

師

日

師

此

月 ? 邢二 也。 楚無 或 夷狄 羊 也。 者同文也。 楚,楚雖服 不 傳 + ₩ E 《春秋》謹 絶 也, 不言使,據 大夫,其曰 中 午 如 或 而 綫 鹿上、三十二年 猶 與 亟 曷 來盟 夷狄盟, 病 爲 桓 不得 華 袁婁書,齊 公救 中 再 屈完何? 于 夷 國。 言盟 師 與 之辯, 中 中 日 恒 狄、宣 ? 據 或 南 或 侯 不 使國 夷 而 月。 袁婁。 兵交,使 喜 + 桓 以 與 攘 服 公 佐 其 年 北 據僖二十二年 夷狄,卒帖 楚 來 方 來 此 辰 盟 夷交,中 也 陵。 盟 有 其 何 以 在 討 外 録 《公 閒 於 不

爲 下 葬 月 也

此者 公至自伐楚

也。

雖

楚强,足以

戰矣。

൬

臨楚不戰

桓公不

公合九國

之衆以討

楚,兵未

有盛

於

荆

以

此

爲

王者之事

也。』《陳氏

傳》

曰 :

桓

圍許,成公會楚皆至救鄭、伐鄭,襄公會伐鄭,定 後事至。 楚皆至自會。 致者曷爲或致伐或致會? 後事小,則以 《穀梁傳》曰:「有二 據僖公會温 事偶 公會侵 書至 則

以

自

君 諸侯之師 致,會伐何以 致,大伐楚也。」此從主人之辭也。 桓會 子之所慎 以 也,故雖桓公致之。 伐 致? 叛討貳, 桓會不致,安之也。 先事致。 乃中國安危之機, 其以 伐 示 楚

葬許穆公。

小 國葬不月。 於是許男卒于師,葬 之以

冬十有二月,公孫兹 帥 師 會 齊 人、宋人、 衞

人、鄭人、許人、曹人侵陳 伯。 大夫會伐不月,雖王臣會之不 此何以月? 甚之也。 據文三年會晉 月 莊 伐

沈同

四

單

齊人執陳轅濤塗

善得,桓公不但以力服人矣。」

不以君違臣,不

以

軍

· 容

亂

國容,

動

而

欲臨

楚盟

屈

完

退

而

盟

召

陵。

不

以

阻

隘

楚人爲之詘,使其大夫即盟于師。

也。 稱侯 假 周公東征則 公羊傳》曰:「執者曷爲或稱侯 塗于 此執 而執者,伯 陳 有罪,何 而 西國怨 伐 楚, 討 也; 以不得爲伯討? 則 西征則 陳 稱 人不 人而 東國 執者,非 欲其反 怨。 或 稱 古 由 桓公 伯 人 ? 者 討 己

八 月。

秋,及江人、黄人伐陳。

人之討則不然

也

者

師師

不

Ė

故

也。

不

修其

師

而

執濤

塗,古

侯

,故月也

八〇

不月。 又以 以 以 異之,以桓公失方伯之道也。 桓公召諸侯 侵蔡、伐楚、楚既成、事當在蔡。 辟 七國之衆侵之,桓爲已甚矣。 軍 桓公帥諸侯 見討 既 執 以 其 伐楚,楚既 大夫,以二國伐之, 成 间 故月以 桓公委 陳人

五年春,晉侯殺其世子申生。

下

諸侯有以量之矣。

蔡

以

餌

楚,

耐

後責於陳。

其伯

圖

所及,天

乎 稱 其 侯。殺世子母弟 其君自殺之,則孰 者,甚之也。」●高抑崇曰: 不與國人,慮兄弟也,而況於世子母弟 也。」禮,公侯之罪不以犯有司 君。 以 ! E 晉侯殺之何? 書? 《公羊傳》曰:「殺世子 直稱君者,非有 殺 無 罪 木 也。 敢殺者? 是故斥言晉 書,例在莊公二十二年。 傳曰:「殺世子母弟 司、國 諸侯之義不得專 「世子至親 母弟直 人之所 刑于隱者 得 稱 非 此 君 與 直

> 有甚 殺,而 舍晉獻公、宋平公,無殺世子者矣。」 弟 而 當其 焉 殺 ,莫甚於以 世子 罪,無以議 母 弟 有 讒 爲 不 殺其世子,故書之。 也。 書 者 於專 以 君 殺之中又 父討 子

杞伯姬來朝其子。

其子如之何而勝 可以成人之禮 未冠而即位 子,參譏也。」高抑崇曰:「先王之制,諸 之道待人子,非正也。 伯失夫之道矣。 乎朝其子也。 穀梁傳》曰:「諸侯 謂之童子 伯姬 接 諸侯相見曰朝,以 朝之乎?」 也。 爲 相 侯。 伯 志乎朝其 故曰杞伯姬來 見曰 | 姬歸 童 朝。 杞 子 侯 子, 方十三年, 伯 不朝,不 待 則 姬 朝 人 是 爲 侯 其 杞

夏,公孫兹如牟。

年,小國。公孫兹曷如牟? 爲娶也。娶

● 「甚」,原作「是」,今據四庫本改。

行則 重國 仲,公子結勝 大 則 夫 曷 更也 以 書之,重君 爲 事行 不 言 大夫 者言其 娶? 陳 人之婦 命 非 也。 君 大 事 事 命 夫 于 公子 不越竟,請 自 不 鄄, 逆, . 得 友 大 書,但 不 大夫皆 如 得 陳 於君 言 書 葬 得 如 也 以 越 原

伯會王世子于首止。衞地。公及齊侯、宋公、陳侯、衞侯、鄭伯、許男、曹

竟以

行其私

而

君

命

一、褻矣。

事

也。

日: 會者 世 諸 使若諸 吴,先書會 定世子也。 子 侯 及以會 示 尊歸于 以 曰:「王世子,王之二也,不與 出 侯爲 會 而 可 晉 何 侯。  $\pm$ 諸 以 ? 世 世 諸 侯 於是子 桓 子而 子所 也。 侯 會 桓 曷爲不主是 會王 之,故 不 尊歸 主會 不自爲 會也。」《 帶有寵於惠后,世子 世子 其 于一,禮之常 也 辭 會也。 爲 陳 會? 異。」 據 文, 氏 襄 + 諸 故殊之, 傳 何 不 桓 年 侯 諸 休 自 公 曰: 也 侯 列 氏 爲 帥 會

> 子,世 世子爲 由 危 危 不 不 曰:「首 得 得 子不以父 義 立 立 也。 而 止之會,非王志 爲 桓 會以 公率 然而 命 天 定之,禮之變也。」 諸 而 下 侯 諸 會 不 也,率諸 侯 諸 以 以 侯 王 會之, 命 衰 侯 而 世 會 以 蘇 世 之 定 子 世

《公羊專》曰:「者奏可以不予?秋八月,諸侯盟于首止。

何也? 則 于某,非閒 傳》曰: 信之,不敢 不 侯。 事 見者,前目 公羊傳》曰: 敢 有不盟者也。 而 馬 而 復 陵、 盟 舉 尊王 柯陵、 會 諸 而 有異 以 何 而 侯, 于戲、亳城北、平丘 後凡 諸 所 也 世子,不敢 後 ? 據 不 事 此其言諸侯,則王世子不 盟 侯何以不序? 祝 也。」《穀梁傳》 信 也。 盟 柯、 閒 而 者,不 重 有 加 亦書諸 丘. 與 異事。 之尊 閒 盟 無中 相 有 也。 異 信 侯盟 者。」《 事, 事 日 書諸 彻 不 尊 則 事 于某, 舉 復 侯 陳 故 則 諸 無 而 舉 盟 氏 謹 其 中 再

周 于 與 某、某 盟 人,盟有周 也。 日 是故會有周人,盟 諸 侯 人,書會 盟 , 則 于某 齊 桓 一, 但 之孫 無周  $\exists$ 也 某 日 書 會 盟 有 會

鄭伯逃歸不盟。

則晉厲之伉也。」事在成十七年柯陵

也。 分。 故逃 武之於君臣、周公之於兄弟,皆處其變者 天下之大,倫有常有變。舜之於父子、湯 而 秋》與之者,是變之中 撫女以 之會非王志也。 也。其書逃歸不盟,深貶之也。或曰 背夏盟 陳氏 制命非義、《春秋》逃之者,亦變之中 諸侯會王世子,雖 夫義者,權名分之中 歸 傳》 不盟, 從 也。」胡侍 曰 : 楚,可 則 或 何 以 王使周公召鄭伯,曰:『吾 講 君 罪乎? 少安。』鄭伯喜於王 曰:「逃者,匹夫之事 而 也。 曰逃,賤之也,以其 衰 鄭 而當其可之謂 世之事,云 曰《春秋》道名 伯 雖承 而《春 王 首止 也。 命, 命

> 踰 高 也。 競,非獨諸侯之罪,王室亦有以啓之也。」 逃 年,惠王已導鄭伯叛之,●故中國之不 ,鄭伯處父子君臣 抑崇曰:「齊之服楚,圖之非 賢者守其常, 聖人 之變而 盡 其 不 變。 失 日 其 會 中 也 首 也。 止 纔

楚人滅弦,弦子奔黄。

《陳氏傳》曰:「楚常有大夫,屈完。 不設備,故亡。 莬 於齊,皆弦 也。」《左氏傳》曰:「於是江、黄、道、柏方 也,則 其稱 姻也。 人何? 弦子恃之而不事楚,又 楚大夫將 恒 此 稱 穀 睦 人 於

九月戊申朔,日有食之。

冬,晉人執虞公。

滅? 諱滅也。曷爲於此焉諱之? 春秋《春秋》凡滅無不書。虞已滅矣,曷爲不言

● 「叛」,原作「判」,今據金日銿本、四庫本改。

執季 之,據 諸侯以 者。 滅 諸 (\*)則言: 侯 孫 於是 有 襄十六年晉 意 偪 如 相滅 執 晉 天子,故爲王室諱之也。 以 不言 歸。 人滅虢,又滅 者矣, 人執 以 其 歸 但 莒子、邾子以歸,昭 未有 也。 言 執  $\sim$ 滅 虞,惡 之 春 天 何 秋 子 ? 筆削 寰 其 + 三年 諱 此 滅 内 不 不 以 寰 之 晉 足 言 歸 内 或 人

下 以 陽 盡義,而後 不言 取 有變文。 滅 虞不書,書 故 滅號 執虞公不 不 書, 言 書 以 滅

也。 歸 虞 以 公何 不 書 以 爲 王 不 室 名 ? 諱, 上公,故不名 則 變 文以明 普 也。 罪

林 地,故不斥言 少穎 曰:「聖 滅 人 而 不 但 忍 云 周 晉 人執 衰,諸侯再 虞公,見 取 晉 其

六年春,王正 月。

人

執天子三公不道之甚

也

夏,公會 齊侯、宋公、陳侯、衞侯、 曹伯伐鄭,

韋 新 城 鄭邑。

伐

或

不

書

韋

邑,

此

其

書

韋

邑

何?

以

桓

公

伐鄭 楚人 故 盟 伐 諸 鄭 韋 得以 邑 侯 討 僅 于首 不 其 韋 書 窺 叛 其 中國矣。 止 於桓 邑, 夏 **,** 而 盟 志 公特 鄭 , 在 而 伯 於是 僅 詘 書之, 逃 鄭 韋 歸 滅弦,不 其 而 不 以 邑 憚 盟 桓 也 遇 以 之 楚 能 從 帖 桓 問 師 公 荆

秋,楚人圍 爲 僅 耳 許

^ 君 陳 將 氏 恒 傳》 稱 人 曰:「此 也。 楚子 也 其

稱

人

何

?

楚

諸 侯 遂 救 許

諸 楚 侯救 人 圍 許 許, 而 攻 楚還 其 所必 楚固畏 救 以 齊之强 解 新 城 也 之圍 也

冬,公至自 伐 鄭

夏,小邾 子 來 朝

七年春,齊

人

伐

鄭

邾。 杜 元 始 凱 得 曰 :  $\pm$ 命 郳 而 犂 來 來 朝 也 也 \_\_ 邾 何 之 休 别 氏 封  $\Box$ 故 日 齊 小

桓公請天子進之,於是以爵通也。」

鄭 殺其大夫申侯。

左氏傳》曰:「鄭 殺申侯以説于齊也。」

華,盟于甯母。 秋七月,公會齊侯、宋公、陳世子款、鄭世子

曹伯班卒。

公子友如齊。

冬,葬曹昭公。 八年春,王正月,公會王人、齊侯、宋公、衞

侯、許男、曹伯、陳世子款盟于洮

《公羊傳》曰:「王人,微者也,曷爲序 難 元凱曰:「王人法不與諸 上。」《左氏傳》曰:「盟于洮,謀王室也 王命會諸侯,諸侯當北面受之,故尊序於 侯之上? 先王命也。]何休氏曰:「王 ,使之出盟 也。」《穀梁傳》曰:「兵車之 侯 盟。 此 王 室有 ]。 L 杜 乎諸 人 衘

鄭伯乞盟

盟何? 鄭 伯 不 i 以 如 桓公辭之會,而後乞之也 會,據陳袁僑 先言如

會。

則其

日

乞

夏,●狄伐晉。

秋七月,禘于大廟,用致夫人。

以列 於是始致之何也? 致者,致其主於廟也。 此 達氏曰:「僖二年除閔喪爲禘,五年復禘 廟,不赴于同,不祔于姑,則弗致也。」孔穎 姜焉,非禮也。凡夫人不薨于 歷三禘卒致之。《左氏傳》曰: 殯于廟,不祔于姑也。 至,書葬哀姜,閒 哀姜也。 昭穆,秩烝嘗。 曷爲不言姜氏? 無他夫人,得略言之也。 哀姜淫 故雖 僖 哀姜之喪 備禮 公謹 而 寢,不殯于 禘 以葬,而 於 與殺,不可 以 事 八年矣, 前 而 齊,故 書 致 哀 不 喪

0 「夏」,原作「秋」,今據金曰鋪本改。

譏 之夫人,故不日 之廟者矣,但 致夫人, 異於 今八年又禘 曰:「魯禘,非 十五年。必禘于大廟,致哀姜也,而後 在用禘也。 據傳禘 于襄公、 日有 凡禘恒日,用禘以致不當祔 常 禮 三年一禘,常事不 以異之。」 禘于 也。 禮 事,譏 僖公之類。 故 雖用之羣公之廟,不 書之。」《陳氏 不在 用禘 有用之羣公 書。 也。 褅 書 事 傳 在 而

男、曹伯于葵丘。 夏,公會宰周公、齊侯、宋子、衞侯、鄭伯、許九年春,王三月丁丑,宋公御説卒。 冬十有二月丁未,天王崩。

矣,而 節 字。」胡侍講曰:「以 兼 宰,官也。 ,出入均勞之義,非世子貴有常尊之可 爲三公者。」杜元 殊 周,采地。 會之,何 也? 冢宰兼三公,其職任 凱曰:「天子三公不 范氏曰:「天官冢宰, 人臣 則 有 進 退 之 重

> 率諸侯 宋子爲無哀矣。」 三:於洮,王人同盟焉,於是葵丘,宰周公 柩在堂上,孤無 曰 不敢同盟焉,盟于首止,不但不同盟也,而 比矣。』《陳氏傳》曰:「桓之會,有天子之事 : 「宋其稱子, 以 會世 子。 外事。 何也? 桓 知節 今背殯而出會,以 未葬之辭 矣。」《 穀梁 也 傳》

秋七月乙酉,伯姬卒。

《公羊傳》曰:「未適 爲之齊衰期。 功; 嫁,字而笄之,死則以成人之喪治之。」孔 侯絶旁期。 穎達氏曰:「禮,姊妹 未嫁,其夫不 此將 故書其卒也。」 嫁 爲 於諸 服 人,何以卒? 在室,期,出嫁,大 ,則兄弟 侯,當服 不 其 爲 婦人許 降,諸 本 服

於葵丘也。桓公有事諸侯二十餘年矣,其桓盟不日,此何以日? 以桓公之事莫盛

九月戊辰,諸侯盟于葵丘。

齊地

之,其規 盟 至葵丘 會之故, , 而 模 方 中 非 略 夏 以 於是甫定,則莫盛 小 求 康。 諸 侯, 王 則 室 安之, 以 謀 王 於斯矣。 諸侯信 室 也

葵丘之盟 H 恒 故 明天子之禁。」孟子曰:「五 一,則 ? 桓 美之也。 日以 不日,而 陳 見 義 牲 爲 也。 而 特 不殺,讀書加 見天子之禁,故備 日 《穀梁傳》曰: 以 别之。 伯,桓公爲 於牲 以 此 不 Ė 之 日 何以 一,壹 也 爲

命日 曰 : 葵丘之會,諸侯束牲載書 敬老慈幼 『誅不孝,無 :『尊賢 ()無忘 育材,以 易 賓旅。」四 樹 子 彰 無 有 而 命曰:『士無 德。」 三命 以 不 妾 歃 爲 ſП. 妻。」 初 Ы 再 命 世

陸 淳 日 氏 事 無 日 無 : 曲 攝 防 盟 取 無遏 士 稱 必 諸 糴,無 ?得,無 侯 明 有 專 宰 封 殺大夫。』五 周公之不 而 不告。」

甲子,晉侯佹諸卒。佈音詭。

與

也。

後 甲 ·子前 也 戊 雖 辰 後 五.日, 之 猶 日 則 , 曷 見 爲 <u></u> 繫 春 於後 秋 ? H 法 赴在 之

冬,晉里克殺其君之子奚齊。

嚴

也

亂 殺 之子。」 年 之子云者,國 不月 生而立之也。」《陳氏傳》曰:「遇弒,雖  $\exists$ ,獻公爲 申 稱 其君之子何? 生, 君。 ,以庶孽見 絀 據齊舍。 之也。 重 人 耳、夷吾 不 弑 此其 修《春秋》之特 也。 子 故 也。 奚 稱君之子何? 《穀梁傳 而 齊不 立 不正其殺 其 稱 、嬖子。 **\*** 君 日 筆 而 世 也 稱 晉 獻 其 子 未 Z 君 踰 申 其 君

十年春,王正月,公如齊。

數,春秋必小 公始朝 桓 晉常書至。 安之, 桓 與 朝 也。 他 與 或 或 會 朝 而 異 桓 後朝 也。 體 何 也。 以 於大國 周 不 之制 致 孫 ? 明 復 朝 據 以莊 魯 日 聘 君 公如 也 如 有 朝

夫。 齊 公幾 既 蓋 盟 母 則 恒 諸 ), 必 則 桓 于葵丘 不 桓 公始 會于 公制 可 致 假觀 不 侯官受方物, 無 鄭 致以 以 愧 ,壹明天子之禁,明 伯 首 朝 伯 社 與 舍 止 聘之數 男 ハ納 見 是 桓 也, 義 故 小 猶 矣。 幣 也 或 亦 懼 齊 而 於是始。 不 明 未 以 其 人 後 致 年 有 諸 不 嘗 行,則諸 以 朝 而 朝 侯 以 别 齊 公子 于 朝  $\sim$ 年 不 之。 者 春 齊 伯 前 朝 侯 秋 友 公如 主 而 執 致 不 盟 如 逃 於 其 以 若 相 于 盟 齊 齊 爲 會 甯 大 朝 桓 台

狄滅温,温子奔衞。

虞、滅 則 室 者 温 書之, 諱 不畜 虢 也 温 子 者,天子之近 皆《春 不 此 寰 是 何 内 可 故 之 以 以 秋  $\pm$ 或 書 君 》所 師 ? 也 臣 敗 以 之禮治 或 績 外 外 滅 夷 不 寰 而 夷 書, 狄 狄 狄 内 也。 則 滅 敗 或 也 之。 績 不 不 夷 必 書 杜 于 狄 茅 爲 諸 諤 據 侯 氏 戎  $\pm$  $\pm$ 滅

里克弑其君卓,及其大夫荀息。不能救,所以病齊桓者也。」

君 ? 《春秋》之義者,必陷 里 是 兩 也。 其 昭 單 易見,而首惡之名難 君 奚 日 之義者,必蒙首惡之名。 也。 之 故 君 獻 出 克之惡,以其國家與 下 齊、卓子皆獻公之嬖子也, 普 命矣。 公首惡之名 重 然於奚齊曰「弑 相 里克 於 正里克之罪 董子曰:「爲人君父 耳 殺 正 申 拒 之獄 君 殺其 生 或 奚齊 臣 日 人之逆 之名, 矣。 「晉侯殺 君之子」,嚴 也。 不書 也。 明 其 知 篡 於卓 而 以 人爲 弑 非 君之子」, 也 弑 奚 謝 討 其世 爲 \_0 之 里 齊、 子 秦 則 里 ~春 人臣 而 罪 市 克 適庶之分, 伯 日 克 卓 卓 子」,於奚 不 而 也 之 「晉里克 秋 以 子 弑 子 則 子 知 奚 篡 所 辭 之爲 曷 ^ 逆 微 弑 而 齊 故 亦 春 讎 之 懼 異 顯 之 不 爲 有  $\Box$ 也 平. 奚 罪 弑 以 齊 丽 罪 知 君 稱 先

其本,澄其源,則篡弑之罪將一誅而已。齊、卓子之爲君一也。《春秋》譏首惡以正

夏,齊侯、許男伐北戎。不月,與奚齊同。

晉殺其大夫里克

弑二君與一大夫,其以累上之辭言之,何《穀梁傳》曰:「稱國以殺,罪累上也。 里克

里克所爲弑者爲重耳也。夷吾曰:『是又曰:『吾寧自殺以安吾君,以重耳爲寄矣。』也? 其殺之不以其罪也。世子謂里克

傳》曰:「里克弑二君,則曷爲不以討賊之將弑我乎?」故殺之不以其罪也。」《公羊里克所爲弑者爲重耳也。 夷吾曰:『是又

公? 里克也。里克弑奚齊、卓子,逆惠而辭言之? 惠公之大夫也。然則孰立惠

寡人。爲爾君者,不亦病乎?』於是殺人。惠公曰:『爾既殺夫二孺子矣,又將圖

之。」《陳氏傳》曰:「討賊不言大夫,其言晉

克殺 相宋莊 位 殺 克、衞甯喜殺以 無討者。 一,則 其大夫里 以他故 是殺 公,暈 凡賊 大夫 而 克何? 相魯桓,前乎此矣。 再見 後見焉耳。 他 耳。 故,而後見書 ,猶夫人也。 克猶在位也。 在 位 獨 自宋而 里克 日 雖若晉 下、弑 大夫,則 於是 乎? 克猶在 里 君 里

秋七月。

猶夫人而已矣。」

冬,大雨雪。

十有一年春,晉殺其大夫丕鄭父。

平鄭父,里克之黨也。

夏,公及夫人姜氏會齊侯于陽穀。

爲會,而婦女厠於其閒,非 龍曰:「夫人,齊侯女也。 姜氏者,公爲公子日所取 而從夫于外,非禮也。」高抑 齊侯 禮也。」 歸 崇日 寧 女也。 可 : 以 也 一,爲 薛士 兩 會 君

秋八月,大雩。

八九

其月 何? 過時、 之甚者 也。 例 在 桓 Ŧī. 年。

冬,楚人伐黄

十有二年春,王三月庚午,日有食之。

夏,楚人滅黄

伐江 侯矣。』桓公不聽,遂與之盟。 言滅不言其君,死 爲利之國 陳 貫之盟,管仲 氏 滅黄,桓公不能 傳》曰: 也,若伐 「滅不言伐、據滅弦、 日 : 於位 而 『江、黄 不 救,故君子閔之也。 也。 能 救,則 遠 <u></u> 齊 穀梁 管仲 、滅温 而 無 近 傳》 以宗諸 死,楚 一楚,楚 此 曰 書

秋 七月。

亡其國

耳

伐,病

桓

一公也。

以

陽穀之會、

貫之盟,徒以

冬十有二 月 T Ĥ. 一,陳侯 杵 臼 卒。

有三年春,狄侵衞

夏四 月,葬 陳 宣公。

公會 齊侯、宋公、陳侯、 衞 侯、 鄭伯、許男、

曹

略之。

然則

戍

周

曷

爲不書?

不足書

也。

或

而

後

月,據元年邢、二年楚丘。

於是

亦不

·月以

者,總衆國之辭

也。

凡

城

築,必

伯者

存

伯 于 鹹

穀梁傳》曰 : 兵 車之會 也

秋九月,大雩。

冬,公子友如齊。

十有四年春,諸 侯 城 緣 陵。 杞

邑

周。 緣 桓 功 則 諸侯 桓公爲合七國之君以謀之,然後致戍于 師,齊與二國。 諸侯也,則其 而已。 無 德之衰 陵,是齊桓公所以存三亡國 明 以 不序,必 年 見其爲一事 於是 也。 乃城 日 故 緣 王室有戎難,淮 城楚 諸 事 君 陵 侯 而 目 而 也。 城 再 丘. 臣 遷 之何 見 者,魯 凡 杞焉。諸侯之懈 城 者 以 邢、城 ? 也 見之, 人以 也。 夷 不言 此 楚丘、城 且病杞 城邢之 日 伯 非 諸 諸侯 令赴 向之 侯

致戍于周。 泉、皋、伊、雒之戎犯京師不能斥, 狄、安中 春 秋》凡戍 國 者 方伯之所以蕃王室者如 皆 也。 不 書。 狄 滅 夫齊,帥 温 不 能 諸 救, 侯 而 楊 以 斯 相 攘 拒 與 夷 而

已乎? 故雖戍周,不書,不足書也。

夏六月,季姬及鄫子遇于防,使鄫子來朝 不月。 恒 鄫 使者,則其曰 自内言之也。曷爲不言其來? 不書,略常以明變也。 季 姬 異 也。 其 事 其但言季姬 也。 季姬使鄫子何?  $\wedge$ 陳氏傳》曰: 其月, 何? 以其來寧, 朝 據凡魯君會猶 内女來 急魯 未 有 而 言 寧 賤

汰,鄫爲已卑矣。於婦人乎何譏? 惡魯也,怒止之,遂遇于防,使朝焉。魯爲已鄫子也。於是季姬來寧,公以鄫子之不朝

秋八月辛卯,沙鹿崩。

而

賤鄫子也。」

《公羊傳》曰:「沙鹿者,河上之邑也。其言

崩。 「其日,重其變者也。」 崩 異 何? 也。」何休 記天下異,故不繫國。」《穀梁傳》曰: 襲 邑也。 氏 日 此 襲,陷 何 以 書 入于 ? 地 爲 中, 天 故言 下

狄侵鄭。

十有五年春,王正月,公如齊。冬,蔡侯肸卒。

學 | 楚人伐徐。

男、曹伯盟于牡丘,遂次于匡。 三月,公會齊侯、宋公、陳侯、衞侯、鄭伯、

公孫敖帥師及諸侯之大夫救徐。

則桓志荒矣。故言次,譏之也。」 諸侯在而使大夫將於是始。桓公爲之也, 桓公合七國之衆以救之,而使大夫將。有 桓公合七國之衆以救之,而使大夫將。有

夏五月,日有食之。

許

秋 七月 齊 師 曹 師 伐 厲

以 厲 月? 者 屬 以 楚 齊之不競於楚。 之微 或 也。 伐 國 徐,近齊者也 不 月,微 或 何

伐徐 則 亦已迫 矣。 桓公合七國之君 盟 于

楚

滅

弦,桓

公不能問;滅黄,不能救。

於是

侯 以 牡 伐 丘 攘 其與國之微者,齊爲不競矣。齊率 夷 而 狄 不自將,使大夫救徐 以 安 中 或 也,而 卒不競 不力,而 於楚, 分兵 故 諸

也。 晉文公十九年於外,其臣若舅犯、先軫、 夫以 力假 仁者,固 有 能 致 其 力者矣。 欒

不月

以

異

之。

以

力

假

仁

者,則

有

時

而

窮

其 枝,又皆明於 (君者。 是以 中國之大義、不 城濮 之烈,數 # 避 賴 危 之。 難 齊 以 桓 成

公宴安内 嬖, 而 國、高 以 私 勞在 位。 自 召

之,則固 陵 心 有勤 而後,常有 怠哉 有 時 畏 而 以 窮 難 力 苟 也 假 安之志 明 仁 年 面 夏,伐厲不克, 焉。 力 又不 夫豈 · 足 惟 以 勝 其

> 救 徐 而 還 不 ·書,不 足 也

八月,螽

九月

爲下 女歸 月 也 據凡 會 耐 至著例 不 月 ൬

女歸

皆月。

公至自 會。

范甯 衰,故危 氏 曰 -而 致之。」高 桓 會 不 抑 致 崇日 安之也。 : 以 會致, 齊 桓 見 德

救 徐之無 功 也

季 姬歸 于 鄫

有 陳 故 氏傳》曰: 也 季 姬 内 來 寧,公怒 女嫁 恒 書, 而 止之,故 歸 不 書, 不 歸 書 必

歸 至是 而 後 言歸 也

己卯 《公羊傳》曰:「記異 晦、震 夷伯之廟 也。

冬,宋人伐 曹

宋始貳於齊 也。 ^ 陳 氏 傳  $\Rightarrow$ 日 諸 夏之相

羊

-傳》曰

何

以

不言

師

敗

績

?

君

獲

不言

師

敗

績

也。」劉侍講曰:「君將

不

一言帥

師

見,宋襄公爲之也。」 加兵,自莊之十九年未之有也。於是再

楚人敗徐于婁林。齊地。

師十 何 ? 國之衆盟于牡丘 以 戎  $\Box$ 敗 :「夷狄 攘夷狄、存中 也 必 四年吴敗楚之類。 言師。 何 以其始 以 交 書? 不言 相 叛 國也。 敗 周,●僭大號 病 ,次于匡 師 不 必 齊 者,狄 書。 敗 也。 楚伐徐,桓公合七 中 據傳襄十三楚人敗吴 以 或 也。 齊 也。 救 而 帥 徐,爲之伐 後 天下 《陳氏 此其狄 書。 諸 傳 徐 徐 侯

十有一月壬戌,晉侯及秦伯戰 于彭衙。 不言伐。 於是秦伯伐晉,則其但言戰何? 必 據僖十二宋公及楚人戰于泓,又晉侯及秦戰 義 繫 於伐也,而 後 于韓,獲晉侯。 兼 言之。 外言戰 <u></u> 公

厲

,而徐卒敗

於楚,以是爲

盟主病

矣。」

敗 日 重於師也。 績 以 亦君 歸 何 ? 重於師 君傷不言師 言獲,則 也。」《 以 歸 陳 敗績,君敗 不 氏 足言 傳》曰: 也。 :「其不 不言師

是月,六鷁退飛,過宋都。 十有六年春,王正月戊申朔,隕石于宋五

三月壬申,公子季友卒。

也。」《穀梁傳》曰:「是月,決不日

而

月

也。

公羊傳》曰:

「五石六鷁

何

以

書

?

記異

數異也。季友,僖之叔父也,而有 者皆世爲 母弟之親,宣公喪之視季 有 仲遂,宣之叔父也,而有 大夫卒,名。 加禮焉,故卒皆字之。 卿也 則其兼字之何也? 功 友、襄仲,故 叔 於宣。 肸 非 有 功於僖 褒恤 其 功 、喪之 三臣 而 以 Z

夏四月丙申, 鄫季姬卒。

■ 「叛」,原作「判」,今據金曰銿本、四庫本改。

九四

秋七月甲子,公孫兹卒。

冬十有二月,公會齊侯、宋公、陳侯、衞侯、鄭

伯、許男、邢侯、曹伯于淮。

月,此 于 東 穀梁 /檉下。 略弗 何 傳》曰:「兵車之會也。」公會伯主不 果,城 以 月 鄫 ? 而 會 還 而 故 無 月 功 以異 也 之。 於是謀 例 在 元 鄫 年

十有七年春,齊人、徐人伐英氏。

英氏者,屬楚微國也。不月,據伐厲月。有徐

人也。

夏,滅項。

微 項 繼 師 孰滅之? 公率天下 以 絶 ? 者 閒 之 在 據傳 之,故 功 或 例 諸 於魯。 爲 我 侯 用 之然,爲僖 略 滅 大師 攘 不言 之 於 夷  $\exists$ 也 滅。 狄 是會 師 以 爲 我 安中 公諱 淮 使若 僖 滅 無 公諱 之 國, 也 不 功 則 出 而 且 何 忧 爲 公 魯 有 以 之 命 又 存 齊 不 諱 滅 Ľ 言 而 桓

之,以 焉。 則 自 覲 不 爲 我 之誠 以 於齊 諸 之,據襄六年 事 者 能救,於是楚 而 侯,莫 了; 乃 私 天子 而 朝 攘 也。 雖 歸 而 른 也,亦 于 其 以 出 覲 則曰 也。 夷 桓 所以 其 或 中 天 歸 復 出 狄 一公無 先於宋, 楚人滅弦 國 以 子,獄訟 以 于 桓 安 文、武、周公之竟土可 責之也。 而 所以 莫 莒人滅 之,獄 有伯 譏 自 公以尊 中 尊 復 先 躬 爲, 齊 或 從諸 周 張 率 於宋、魯。 鄫 何 其 而 而 救 方 歸 而 訟 而 同。 諸 7;桓 ·王爲· 也? 桓公無 次 不 尊天子,諸 患之誠 伯 合諸 宋 于 侯 歸 侯 月, 莫 譏 之 · 天子 貮 公 於 于 相 名, 親 在 職 侯 不 盟 己 據 滅 魯 夫 於 齊 也 滅 · 禮 禮樂征伐 以 能 會 以 以 亦 桓 或 魯 也 故 問, 討 事 者 帖 不 也。 滅 樂 尊 侯 公 使 不 ·; 皆 其 天子 荆 H 滅 實 率 征 周 其 項 月 桓 桓 不庭 爲 黄 諸 公 以 以 伐 救 有 卒 公 以 異 績 必 朝 É 侯 貮 得 誠 閒 不 É 患 賴 異 其

之 臣 而 敢 有二心 也 ? 冬十 有 二月 乙亥,齊侯

諸

侯

其

孰

天子

孰 然 不欲 而 桓 公計 閒 桓 非 一公之怠以 不 出 於 此 求 則 利 雖 其 微 國哉? 宋、魯、諸 <u>~</u> 春 侯

伐

齊。

爲略 興,大抵 諸 秋》是以 侯 于 據齊滅 相、 譏 率桓之爲 滅 偪 在 譚 陽。 齊 滅 遂。 也。 則 而莫能尚焉,卒皆 不 日 凡諸侯 月 爲 爲 詳,據 異 相 也。 衞 滅, 侯 燬 晉 以 邢 無 不日 文 晉 之 以 會

善其後。 求利其國 故夫有可以 而 遂失之者,桓、文是也。 興 周之勢而不爲

秋 , 夫人姜氏會齊侯于卞。

九月,公至自 會

以 致 月 爲 致 其 7月? 皆譏 其致以異之也。 致 討 爲異也。 **何**? 而 止公,聲姜會齊侯于下,乃釋公, 以公之見止于 也 會而 致公者不月 無 異之者,譏之也。凡月 功 也。 齊 據公至 也。 以 不 齊 恒不月 致 人 爲 以 恒, 滅 此 故 項 何 則

> + 有 八 年 春 ,王正月,宋公、曹伯、衞人、邾人 小 白 卒

後命 公不能定。 宋,而又許 虧,長 外宜 納之 曷 齊 侯 立 不 納、晉納 書,據秦納晉夷吾、重耳不書。 太子,昭 伐 在 無 爲 桓公卒,宋公以諸侯伐齊,納公子昭, 所納, 也。 齊,齊人殺 納, 而立之,則齊有君 虧 不 衞 邾捷 也。 書 雖 姬 之人則 桓公嘗屬公子 菑、齊納北燕伯、晉納衞世子蒯 納? 立無虧,既 則書伐 伐 之子 桓公卒,國 桓公内嬖如 不 書,據 無 也。 譏 有 齊,何 虧。 不 辭 而 桓 在 矣,故 秦納重耳,伐晉不書。 矣。 故 人 公 五. 也? 所 夫人者六人。 昭於宋襄公以 必 、以無 書伐 公子皆求立,桓 既 不 納 於是宋公以 不 屬 克 也 或 齊,譏在 虧爲長,緣 書 公子 納 人以後 其 聵。 外 而 納 書,據 昭 譏 納 也 伐 於 無 譏 命 在 則

九六

者, 譏之也。 也。 虧不得比齊舍,歸惡於桓公也 外 伐 或 不 是故 ·月,於 孝 公出 是 月 人皆不書,而 以 異之。 異 之 無

夏,師 救 齊。

救 四公子之徒 也

五月戊寅,宋師 此 宋公也,其 及 稱 齊 師 師 何 戰 于 一役 甗。 而 齊 再 師 有 敗 事 績 者,

客。 伐衞 ,衛及齊戰之類。 此其以宋及齊何? 伐 者爲客,受伐者爲主 伐一事 也,戰 ,皆以 È 事 及

略言之也。

戦者以

主及客,據莊二十八年

也。 既殺 宋公伐齊,納公子昭,殺無 長 立 少, 則 四 公子皆 君 也。 故 事 四

公子之徒

復

與

宋

戰,

然

後

宋

敗

齊

師

于

甗

秋

八月丁亥,葬齊桓

也。

齊 殺 卒立孝公,又是 其 人 又 子 弑 Щ 商 立。潘卒,公子 人 而 事 立子元。 也。 商 孝公卒,公子潘 元、潘、商 人弑 舍而 人、皆 N

與

宋

公戰

于

甗

者

也。

潘

不

. 順

昭,商人不

順

乎 ? 篡奪 乎潘 則 宋公若受伐者。 桓公失之矣。 不 而 順孝公者,不 之禍,未 故變其主客 元 又 不 而襄 有 若 順 然 惟 恒 乎 公徒欲 斯 一辭,反 名 甚 商 無 雖 者 虧 以 以 也 自 役 丽 宋 力定之,其 古兄 而 及 蓋 齊 其 實 齊 桓 弟 戦,使 本, 宋 兩 争 事 襄 口 自 國

狄 救 齊

之失,皆可見矣。

齊

師

之喪 救 不 以 悉書,狄救 納 不 IE. <del>前</del> 齊 後 何 夷 以 狄 書 ? 得 竊 以 救 患之名 宋 公 伐 以

干 中 或 也

虧,是一

冬,邢人、狄人伐 衞

十三年 八年 狄言 夷狄會、君殊之、據宣十 晉 人何? 晉 師 人及姜戎敗 白 狄伐秦, 杜 諤 秦 成 氏 于 九 日 殽 秦人、白 : 年 師 晉侯會狄 便文 與 狄 伐 大 也。 晉 夫 于 序。 横函 必 中 微 或 僖 據 者 與 宣

春
秋
集
傳
卷
第
Fi

後學 成

成德

校訂

而後得稱人。稱人以便文者,非其君也。」

又見二十年、襄五年。

## 春秋集傳卷第六

新 安東 山 趙 汸 輯

## 公 下

僖

+有 月, 戎也。 者 或 故名以 執 也 也。」名者,諸侯之終事也。 君 九 不名,此 年春,王三月,宋人執滕子嬰齊。 詳之。 其 據哀四年晉人執戎蠻子。 月,異其 其名何? 滕子嬰齊、戎蠻 事 也。 孫明復曰:「遂失 執 而 遂 閔 子赤皆失 失 其失國 國。 或 不

夏六月,宋公、曹人、邾人盟 于曹 南

據隱八瓦屋不日 襄公欲求伯也。 以 有微者與盟,故 H<sub>o</sub>

他命也。』《左氏傳》曰:「宋公使邾文公用

宋公使者,南面

之君,善惡自專,不

得

托於

鄫子會盟于邾

公羊傳》曰:「其言會盟

一 何 ?

後會也。」

己酉,邾人執鄫子用之。 諸侯卒則名,雖 誘 而殺之名。 蔡侯 般。 此 殺

道。言用之,重矣。』《穀梁傳》曰:「人因 國之君不卒,則亦不名也。 赴則名之。其以名卒者,必 矣,其不名何 稟命於宋,則邾爲戎首。」杜元凱曰:「不書 書邾,以爲皆 日之。」據宣十八年 以求與之盟,己迎而 也。」何休氏曰:「不言社者,本無 不名。《公羊傳》曰: 曰:「宋公使邾子用鄫 也? 或 君 邾 也,可以 人 諸侯不相名,卒, 、戕鄫 「惡乎用之? 執之。惡之,故謹 子。 子不 故邾人戕鄫子 《春秋》舍宋而 不受命矣。 以名赴也 H ^ 陳氏 用之社 用 人之 以 傳》 小 而 名 而

九八

或 主 鄫 國之君,又 以 也 子 屬諸 于 次 用 侯,義 人,其 睢之社 用 諸 1: 誰 0 猶 淫 饗之? 司 昬之鬼,將以求伯,不 曰薄德。今一會而 馬 子 魚 齊 曰 : 桓 公存三亡 『民,神之 虐

秋,宋人圍曹。

亦

難

乎?

得

死

爲幸矣。」」

曹。諸夏之圍國自此始。」《陳氏傳》曰:「宋公欲合諸侯而亟脩怨於

冬,會陳人、蔡人、楚人、鄭人盟于齊。衞人伐邢。

於諸 其 或 惡其不量己 實先楚, 也。 楚 之 初與諸夏盟 事 误,以 患, 也 稱人,外微者也。 故 則 中 無 奪 非 彼 或 忘 其 微 與 而 也。 齊 恒 者 進 夷 也、曷爲 桓 稱 狄盟,不月,據僖二十年于 夷狄以 不言會之者,内微 一之德。 以示 於是陳穆公請 義 瀆 稱 而 也 齊盟,卒爲中 之同 陳 人、蔡 不月,略 微 者? 脩 人 者 好

> 内 不 邢、二十 户。 也。 一年鹿 據 據僖二十一年盟于薄、二十七年盟于宋、襄二 此 上、宣十一年辰陵之類。 必 吾 君大夫在 焉 而 雖 後 吾 日,重 會之,

梁亡。

七年盟

于宋

赴告 告,則不言其亡之者,避不 無爲以滅亡告諸侯者。 **曷爲不言秦亡之**? 是乎書。 大夫于齊,聞梁之亡也,歸 亂 告,則何以書? 其言梁亡何? 不由赴告之辭也。不由 也。 而書者矣。 王室亂,於是乎 尊王室 一而録 然則孰亡之? 秦亡之。 叔鞅歸自京師,言 梁近秦而 小國 書。 於是書之,不由赴 敏 ,則亂亡有不由 而言之,梁亡於 魯人會 也 遠 心於中 盟 Ŧ. 室之 几 . 國 或 赴

一十年春,新作南門。

^ 新 穀梁傳》曰:「作,爲 有故 也。」杜元 凱 曰 : 也,有 「魯城 加 其 南 度 門也 也。 傳

00

僭制 也。 公更 劉 焉。 高 侍 大之。 二百 讀曰:「新其 四 今猶 十二年興 不 與 (舊而 諸 作多矣,不必 門 書 同 新 作, 改 是 名 必 高 書 有 門

也。 僖公修泮宫,詩人頌之,而《春秋》不

門及兩 書。 秋》不書。 書,其書者,皆非禮之制也。 新宫災, 觀災,記 修之得其 大室 新 屋 作焉。 時 壞 制,故 不 能 然 則 不修,而 南 不 門之僭自 修 書 舊 也。 不 令春 足 雉

夏,郜子來 朝

僖公始,故曰

新作。」

五月乙巳,西宫災。

鄭 人入滑。

不月,有以來之也。《左氏傳》曰:「滑 而 服 於 氏 傳》曰 衞 鄭 公子士 「此鄭公子 洩 <u>i</u>: 堵 洩 寇 也,不 帥 人叛 師 書 人

鄭 滑。』《陳 大夫將,恒 稱 人也。」

秋,齊人、狄人盟于邢。

伯 外 華夷 特 相 相 亂 也 與 ^ 左氏 狄 盟 傳 何  $\Rightarrow$ 日 盟 于

盟

不

書。

以

書

?

中

或

無

冬,楚人伐隨 爲邢謀 衞 難 也

也。 此 鬬穀於 隨自是絀於楚,不 菟 也。 不 書 復通於諸侯 楚 大 夫 將 恒

稱

二十有一年春,狄侵衞

宋人、齊人、楚人盟于鹿上。 齊 地

而卒見詐 二國大夫曷爲稱人? 焉,以及於難,故奪其 以 宋 人 求 恒 諸 稱 侯於 也 楚

夏,大旱。

秋,宋公、楚子、陳侯、蔡侯、鄭伯、許男、曹伯

盟 于盂。 宋 地

守 接 楚 Ш 燎而 稱 ,盟于岐陽 也 爵 不與 昔 而 者 序 盟,是周 成 于 也。  $\pm$ 陳、蔡之上,初 舉 置 室之不成子也。 茆 熊 蕝,設望表,與 繹 以子 以諸 · 男, 田 侯 於是 鮮 于 之 卑 荆 禮

長 通 侵伐既 據吴太伯本非子男、外外 子,周 於諸 於 陳、蔡之君, 侯, 人之以 之 則 制 假 也 示 周 義, 則曷爲 爵 傳 史惡 》命 則 以 盟 圭 稱之,故 其 稱子? 日吴公。 會從其 蠻 夷 僭 吴  $\wedge$ 恒 几 春 亦 竊 稱 夷 不 秋  $\vdash$ 大者 以 ジ於 子。 見 口

執宋公以伐宋。

實

也

人,執 子 伐 狄 雖 不言楚子執之? 公羊傳》曰 陳氏傳》曰:「凡執恒 執 大 稱 執 諸 宋 君 夫 齊封 執執 公,則 夏之辭 也 亦不申言楚人。」 稱 則 :「孰執之? 人; 曷 亦 也。 爲 會 於會 不與 不 稱 是 再言楚人? 大 一稱人。 故執宋公不再言楚 夷 則會 夫,執 狄之執 楚子 稱 執之於伐,則 稱 君 執 執 之。 人。 中國 不 稱 以 此 也。 曷 楚 夷 爲

楚人使宜申來獻捷。

冬,公伐邾

魯也。」 梁傳》 楚也。 從 也? 魯, 也。 未 君 宋之争長。 楚 書 使 何 ^ 君 大 伐 不 陳 以 曰 : 自是至椒之聘 將 夫何以 宋, ·與楚捷 稱 氏 人? 傳》 則 捷,君 獻捷 魯 雖 日 稱 於宋 獨 來 : 于魯 人? 盂 不 盂 得 獻捷,人之,以 會 也。」胡 與, 而後 也 不 會 不人之,則是遂予 獻 稱子, 故 稱 捷,君 有 其 侍 子矣。 來 君大夫。」《穀 不 講 獻 無  $\Box$ 日 禮 捷 以 宋 其 獻 也。 見 以 諸 捷 伐 捷 楚、 威 宋 侯 何 干 楚

+ 八戎。 諸侯 盟 也。 梁 有二月癸丑 辰陵 《傳》曰 故 凡夷狄之盟 不 此 H 序, 惟吾君大夫特與之盟 其 以 「外釋不志、此其志 日之何 殊之。 前 、公會諸侯盟 目 後 不月,據僖二十、三十二狄,宣 後見二十七宋,成二年蜀 ? 凡 以 也。 兵加 于 其 薄 中 日 則 何 ,釋宋公。 或 以以 日。 也? 而 公 公會之 隱二、 與 穀 盟 义 +

春秋集傳

釋 之 與 也 之 盟 目 之 也。 不 言 楚, 不 與 楚 專

二十有二年春,公伐邾,取須句。

書 滅 此 取之者也。 之者,則不書滅, 悪 也。 滅 矣,曷爲 其 是 爲 經之變例 滅 故 國 不言滅 須 者 以 句 受惡 也。 存 不 ? 亡 書 於 繼 而 凡 邾 是 始 絶之義 滅 滅 取 滅 或 須 之 向 有 句, 者 不 責 取 反 不 書 歸 而 其 復 莒 於 有

傳》曰 君 「,則 :「《春秋》嚴 書取 何 ? 屬 義 之以 利 之辨 爲 附 荷 庸 以 也。 爲 利 Æ

奔,伐 以 取 書 郑,取 之。 是故 須 旬 雖 反 邾 其 人 君 滅 須 書 句 取 須 須 句 句 子 雖 來

夏、宋公、衞侯、許男、滕子伐鄭。

取

鄫

苔

著丘

公

立

而

不

撫

鄫

鄫

叛

而

來,

書

秋八月丁未,及邾人戰于升陘。以鄭伯如楚故也。

公諱 於 言公,見公以 邾 此 升 升 巠 人 公及之 也。 以 陘 我 始。」是 須 《記》 師 戰 句 敗 也, 曷爲不言公? 故 績 須 兩  $\Box$ 出 句 :「邾婁復之以 敗 故 師 戰 也 S 蒙 伐 ,公禦之, 也。 邾取 不言 須 及 蒙 師 矢,蓋自 句 邾 敗 上 之 績 文 文 戰 爲 也 不 戰 于

師敗績。 冬十有一月己巳朔,宋公及楚人戰于

泓

宋

戰 事 楚 敗 也。」汪 此 績 人  $\Box$ 楚 遇 不言 伐 據 子 朔 仲裕曰:「宋公身傷而 宋以 日 伐 也 鄢 惡 陵言 朔 也 以 其 救鄭, 夷 楚 例 稱 子 陳氏 狄 在 敗 人 敗 + 績。 則 何 Ŧi. 中 傳 年。 何 ? 或 爲 以 日  $\wedge$ 也。 中 楚 穀 不 或 君 梁 楚嘗 言 不言,言宋公 諱 將 傳》 伐? 也。 有 Ħ 猶 君 外言 張 稱 矣, 人 主 H

伐

國不言圍

邑,此

其言圍

邑何

也?

以

罪

侯

Œ

寢,納管鑰

而

館

於 廟

天子無客

襄之力 以 得 或 當宋、 禮,莫敢于主焉,故 不言 奔 而 言

所謂 楚有 事 「以怨報德 不能 報 施 ,刑戮之民」也。 救患,反乘其 敗 故 而 伐國 伐之,

齊

也

齊

孝公賴宋

夏五月庚寅,宋公兹父卒。 韋 邑悉書之,以見其罪 也。

秋,楚人伐陳。

陳氏傳》曰:「此成得臣也。 不書楚大夫

,猶人也。」

冬十有一月,杞子卒。

一十有四年春,王正月。

夏,狄伐鄭

秋七月。

冬,天王出居于 鄭

普天之下,莫非王土。 二十六敬王書入于成周。曷爲言居而不言奔? 王者無外,此其言出何? 禮,天子適諸侯,諸 内王都也。 據 昭

> 諱 襄王 也。 仲父,殺子頹,踰 其言出居于 哉!」《陳氏傳》曰:「王出不書,❶爲尊者 不能,反召之,使得終其惡,及其以 國。諸侯不以其道去其封 少 頹之難,惠王 周,則罪在可殺。古之人有行之者,周 而 亂,方其奔齊 子不以其道去其畿 也。 藴 勿殺可矣。古人有行之者,舜 者,可 而王不 曰:「天子以畿 據莊二十三年惠王處櫟、 謂 ·能,反 鄭何? 未有過也 失 也,或放焉,或封焉,親 人其度 年而 避 内爲國,諸 内,曰 以 矣,則 之,使得 復辟,故諱之也。 爲 無 鄭、號圖之,執燕 定六年敬王處 内,曰 出 亦 足諱 奪其 居。 何 侯 以 也。 焉 出 居 以 子 位 耳。  $\pm$ 奔 封 也 帶之 天 愛之 狄 而 内 姑 ; 天 襄 子 下 若 伐  $\pm$ 葉

0 「王」,原作「玉」,今據夏鏜本、金曰錦本、 四庫本改

士: 女 王 爲 將 以 禦 狄 之, 伐 諫 鄭 又 弗 弗 富 聽 聽 辰 諫 子 於是 弗 以 聽 適 狄 鄭 師 又 攻 德 書 王 狄 日 天  $\pm$ 以 禦 王. 狄

復 出 矣, 正 居 于 言 而 鄭, 書 雖 未  $\pm$ 然 足 必 以 猶 如 言 未 復 書 是 正 人 而 也 也 後 口 襄 春 以 王 秋 言 書 復 出 善

晉侯夷吾卒。

正

也。

公定 重 不 月 喪 來 紀 位 而 雖 赴 後 後 後 來 ,猶書之也 也 告 故 晉 即 侯 告 卒 時 以 書 前 年 九 ^ 春 月 秋 文

宗。 燬 吾 出 IE. 百 文 其 之 Ŧi. 太 於 E 以 年 名 是 爲 祖 春 同 何 之 衞 姓 也 同  $\pm$ 或 人 ? 而 姓: 正 以 滅 滅 ; 月 絶 顧 吾宗 邢 而 丙 之也 懷 午,衞 魯 而 周 與 之 魯 公, 邢 或 侯 曷 不 同 也 故 燬 能 爲 出 絶之也 滅 救 絶 周 邢 邢 之? 公, 疾 與 其. 爲 衞 其 滅 不 口 百

> 邢 之後 於 衞 也 又 以 日 封 衞 滅 唐 甚 矣。 其 公有 至 魯 之 雖 以 文子 春 也 罪 不 復 邢 秋 大 能 衞 存 與 六 時 勳 據 侯 爲之請 其 魯 人,凡、蔣、 勞 滅 ൬ 多 社 或 可 於天 繋於 爲 不 稷, 出 於 H 大 周 下 魯 天 故 或 公, 黄 也 子 書 邢 所 既 先 衞  $\Box$ 茅、 併, 封 請 生. 既 伯 於 衞  $\Box$ 今邢 忍 胙、 大國 禽 : 侯 滅 於 燬 祭 周 又 成 請 是 爲 滅 公 王

夏四月癸酉,衞侯燬卒。

宋

蕩

伯

姬

來

逆

婦

智 尊 經 其  $\vdash$ 穀 蓋 : 君  $\Box$ 是 梁 婦 也。 書 傳 姑 卑. 内 何 來 **>** 自 女 朝 今僖 也  $\vdash$ 逆,公自主 雖 逆 廷 ? 婦 親 而 公以 緣 宋 慢宗 體 公 姑 蕩 愛 不 不敵,不 之也 言之之 伯 廟 使 易 姬 非 大 典, 來 禮 逆 夫 辭 伯 書 F 主 也 婦 也 姬 于 È 嫁 之, 策 非 大 張 劉 不 Œ 皆 夫 主 所 見 侍 之 非 以 干 讀

魯地

宋殺其大夫。

秋,楚人圍陳,納頓子于頓

之也。 還。 也; 也。 名 子, 侈然欲 始與諸夏盟 罪,納之者罪也,則 不字小,而後夷狄得假存亡之義以 外納不書。 也。」王彦光 也,則其書 也。 則書之。 至是 楚成 《陳氏傳》曰:「出罪也,納之者亦 故 而納 得 北 韋 廢 日 燕伯亦不名。」 于齊、盟 臣 苟宜 據北燕伯款、●衞世子蒯 陳以 "「頓子不名,以諸侯不得相 置諸侯矣、《 頓子, 之伐 納, 納之何? 但 陳 于鹿上,執宋公、納 則 書納。 雖 也,取 頓子之失國 伐 不 春秋》之所懼 焦 齊 書。 以諸 夷, 聵。 桓 公卒, 此 出非 城 閒 侯 大夫 奔君 陳 中 頓 頓 楚 其 罪 爲 或 而

葬衞文公。

冬十有二月癸亥,公會衞子、莒慶盟于洮。

中 無 大 或 無伯 夫 其 · , 參盟: 日 莒 復 慶 見 何 也。 也? 《穀梁 以 傳》曰 公之 會 一古

之也。」

速盟于向。齊人侵我西鄙。公追齊師至酅,二十有六年春,王正月己未,公會莒子、衞甯

弗及。

之,非正也。至酅,急辭也。」杜元凱曰:傳》曰:「人,微者也,侵,淺事也。公之追孫明復曰:「不可言公追齊人也。」《穀梁其侵曰人,其追曰師,侵言將,追言衆也。

「酅,齊地也。」

夏,齊人伐我北鄙

春秋》君將稱君有二:伯主將而稱君者,

^

❶「款」,原作「疑」,今據《春秋左傳正義》昭公三年經文

— П.

辭乎? 稱人 外 楚 其 與 略言之 侵 自 之 而 伐 何 以 内 將 也。 與 ? 我,皆從 專 以 齊 衞 征 見 侯 以魯人乞師 魯人常會 實 而 方 莒 討 以 爲 其 罪 參 展 恒稱 一者文 ; 盟 喜之言 盟 諸 夷 以 于 侯 同 此 擯 狄 齊矣,於是 將 而 退 齊, 以 齊 而 義 師, 伐中 侯 稱 則 異。 也,則 君 齊 而 或 者 公 贵. 外 故 子 無 附 故 其 詳 雖

衞人伐齊。

師

伐

齊,言故

而

己。

遂已乞師于楚,

故

齊侯

略稱人,爲公以楚

《左氏傳》曰:「洮之盟故也。」

公子遂如楚乞師。

晉乞師 陳 氏 傳》 乞諸 曰:「乞師 夷 狄 然後書。 不 書。 外 據 乞 成二 師 年 不書 臧 宣 叔 必 如

後書,志中國之詘於夷狄也。」

盟主

也

而

後書。

乞,卑辭

也。

乞諸

夷狄然

秋,楚人滅夔,以夔子歸

之。 何也? 秋》 或 中國,以 必于中國 滅 以 或 奚治 於是夔子不名,略之也 何 其 以 馬? 以 君 其君 也, 不 其 歸 月 自 而 歸 日 是 ? 後 相 故 則 不可 滅 此 略 H 滅 也。 以 夷 或 以 其 狄 苟 以 不  $\pm$ 君 自 也 其 者 治、故夷 歸 相 君 不治 矣, 滅 夷 歸 也 則 狄 夷狄, 狄 恒 略之 滅 春 滅 中

冬,楚人伐宋,圍緡。

宋即 其國、圍其邑悉書之,以 庶幾能徙義者矣。 仇,與楚平而 晉也。 吴先 往 一朝之。 生日 故 韋 : 見夷狄之横也。 邑不書,而楚人伐 宋成 四 年。 公忘其 今而 即 父之

公至自伐齊。

公以

楚

師

伐齊,

取穀

公伐 攘 師 夷 以 狄, 伐 或 中 不 國, 致,此 王 天下。 故 致 何 之也。 以 桓 致? 公卒,楚執宋公以 齊 爲 桓 其 公 一合諸 用 夷 狄之 侯 以

伯,而 叔侯戍之以逼齊,則東諸 陳 伐 以伐齊,取穀,寘桓公子雍于穀。 量 宋, 召陵之威烈未泯 敗 陳 宋于 納 頓子,而 泓 及宋平, 陳不 也。 侯鮮不折而入於 從 魯 而宋 人乃乞楚師 中 不 或 楚 附 申公 雖 伐 無

十有七年春,杞子來朝。

楚者。

是夷夏之大變也。

見矣。 人卑之則又曰子。《春秋》從史文,而魯惡 杞不共也。」 襄公之世,杞子 杞伯何以 賤之也。」杞侯自貶以 稱子?《左氏傳》曰:「公卑杞, 朝 大國 來 則 盟,傳曰: 曰 伯 魯

秋八 夏六月庚寅,齊侯 月乙未,葬齊孝公。 昭 卒。

乙巳,公子遂帥 師

内入國不日,據無駭帥 日。 此大夫 也, 則 師 其 人極、人杞。 日 何 ? 必公將而 甚之也。

> 薄姑姊妹之恩,故日以甚之也。 帥 杞 師 桓公來朝,公卑之,以子 人杞,責無禮焉。 僖 公重 男 禮見。 小 國之幣 使公子 遂 而

冬,楚人、陳侯、蔡侯、鄭伯、許男圍宋。 罪也。 之,信中國之大義以正 魯 諸侯之上,則曷爲但人之? 正其猾 此楚子也,其稱人何? 夏,不可得 於楚者,以有晉 未泯,而晉文之義已信於諸侯。宋之不 志於諸夏未有甚於此時者。 也。楚從陳、蔡、鄭、許之君 一日而忘諸夏。桓公卒,楚得衞、得曹、 加 從陳、蔡、鄭、許之君以 楚强甚矣,雖桓公盛時,楚猶未 也。 也。 故 雖 楚雖 序 其罪也。 於諸侯之上,猶 欲一日得志於諸 魯 君將,猶 圍宋,楚之得 以 然召 韋 宋, 陵之 夏 而 稱 烈 · 嘗 之 詘 得 序 人

十有二月甲戌,公會諸侯盟于宋。 其日,以公在也。 例在二十一年。 葉少

藴

非 也。 解 侯不 韋 楚子居 也。 序,前 申, 宋猶 目 丽 在 後 後 韋 使使 凡 子 也 則 \_ 玉去宋, 何 僖 以 公, 宋 附 地 則 盟? 是會 楚 者

于宋國之外,是于宋矣。

十有八年春,晉侯侵曹。 曹遠衞近,不得以爲繼事而言遂也。」 衞 衞 舉晉侯,曹、衞 不言遂者,非 侵曹、伐衞 也。」李堯俞 , 楚與國 也。 ,討其附楚也。 繼 日 兩來告也。」孫明復曰:「曹、 晉侯將救宋,故侵曹伐 事 :「遂者,因 也。 侵曹 晉侯伐 杜 既反,而 近 元 適遠之辭 凱 衞 曰 : 後 再 衞 伐

公子買戍 衞。不卒戍,刺之。

晉伐 公子偃書日 殺 人救衞,不克。公懼於晉,殺 也。 楚人曰: 『不卒戍 衞 内 而 殺大夫日 魯戍 以僖公背華即 之,欲拒晉 刺。 也。』」其不月何 左氏 以 夷而賊殺其親, 與 子叢以説 傳》 楚 也  $\Box$ 焉。 據 一楚 刺 刺

夏四月己巳,晉侯、齊師、宋師、秦師及楚人

以 兩 説于晉、楚,故異之也

楚人救衞

《陳氏傳》 六年、二十二年。 曰:「楚嘗救鄭,不書。 於是始書,以爲晉文之伯,楚

見《

傳

》僖公

欲 救 而 不能 也。

三月丙午,晉侯入曹,執曹伯,畀宋人。 執得其 日。 以 討 《公羊傳》曰 後 其日,謹 不 於是入曹,執曹伯,故蒙上文晉侯,予之以 而執者,非伯討也。」晉侯侵曹 討 歸 罪 日 據哀八年宋入曹。 達 于 也。 叛 或 罪也。」孫莘老曰:「晉侯能扶 京 之也。 其事也。 孫 師 而尊王室,故《春秋》予之也 :「稱侯 明 Щ 復日 畀宋人,甚矣! 不言執之者,蒙 外入國 :「晉侯人 而執 必伯者有討於諸 者,伯討 不日,雖君 曹,執 而 稱 也; 上 曹不服 台 文 侯者 曹伯 大義 稱人 侯 將 也。 不 而

戰于城濮,楚師敗績。衛地。

若 文公 攘 召 敢 救 高 稱 是 日 : 衞 宋公、 陵 不 抑崇 夷 復 師 狄 之 盟,然 之 ? 窺 戰 戰 師 之 盟 日 中 不若不戰 宋 齊 功 戰 勝 ,皆《春秋》之所予 或 公 或 而 也 也。 楚,終文以 城 有所 不 歸 則 濮,衞 父、 與 楚之强 功 然 謂 戰 莫 秦 ,大夫將 善 而 盛 地。 小 有 及 盟 甚於齊 子 於 襄 所 及楚 憖 此 謂 者, 故 之世 也 矣。」 善戦 城濮之戰 桓 恒 人 以其俱有 則 一,楚人 之時,晉 戰 稱 董 何 者 盟 仲 以 彻 舒 不 與 不 旧

楚殺其大夫得臣。

則死之; 此 不去公子。 曹 成得 也, 無從晉師。」子玉不從,請 臣 楚子 討當 謀 也。 人 之 使 其 其不 罪 邦 申 也 叔 稱 去穀,使子玉 氏 危 禮 何? 則 謀 亡之。 人之軍 據楚殺公子 戦。 晉侯之 一去宋, 戰焉 師 例, 敗

> 又有 申、宋 興衰 焉 夫,而 狄 以 罪 以 禁 死 ? 之,楚是以 而 殺 殺 師 則 懼焉。 也。 能 大崩 大 大 故 譏 Ш 與 用 夫 夫 得 皆 殺 不 故中 法 而 臣 止 則 討 非 有 法 興。 不 ,令尹也,但名之 其 專 其 則 當 非 或 以 當 罪 罪 殺 其 夷 其 輔 而 宜討 邲 其 者 也。 狄 罪 治 或 罪 之戰,荀林父免焉, 罪 者 彊 有天 同文, 廢法, 者矣。 於是 者也。 者。 也 0 城 則 下 則 楚 舍是 雖 濮 苟 是  $\wedge$ 國家者所 以 以 中 之 然 春 殺 辨 非 罪 或 敗,子 ,《春 秋》 則 之 於 何 討 削 楚 非 稱 以 其 稱 秋 以 晉 玉 宜 辨 夷 其 或 大 或

衞侯出奔楚。

於是爲不競

伯 Ŧi. 月 、衞子、莒子盟 癸丑,公會 晉 于 踐 侯 土 齊 鄭 侯、 地 宋 蔡侯、 鄭

之也。 於是王 據洮之盟書王人。 一子虎 實 盟諸 侯, 周 之制 則 曷 ,諸侯有疑 爲不 書? 則 諱

伯 方伯 盟 信 盟 盟然,爲天王與晉侯諱之, 與 不 全伯者之功 於諸 不 斯 信 桓 於 武受盟,稱子,立 而 盟 襄王下 施 公 會 俟 也。 侯, 於尊者。 盟 司 以 再舉,同 王 大臣 作王  $\pm$ 故王 ·勞晉 也。 人, 官 盟諸 晉文公一 子虎 不 之 宫,致天子, 其日 侯,策命 之葵 敢 伯 以 侯 盟 臨 何? 不書,使若 爲 fr. 之,伯 於 宰 君 也 戰 專 周 王 所以 也 以 公, 征 所 勝 而 文 不 胡 楚, 尊 屈 公 不 是 不 侍 諸 盟  $\pm$ 能 不 敢 尊  $\pm$ 侯 以 講 也 子 王定 室 天 委 能 自 以 H 子 任 於 而 相 自 所 故

陳侯如會。

劉 日 侍 讀 來,不 日 : 及盟 如 也 會, 聞 會 自 至 也 孫 明 復

公朝于王所。

序 践 也。 土之諸侯 曷爲先言會後言 也 其 但言 公何 · 朝 ? 得 見 非 期 乎 · 天子 會 不

> 六月,衛侯鄭自楚復歸 所, 所。 天子, 爲不言天子在是? 如 不 而 京 日 後 必 非 據 師 ? ? 志 奔君 其 非 《覲 之 所 盟之 禮》。 會 也 天子 也。」《公羊傳》曰:「曷爲不言 而 盟 《穀梁傳》曰: 日 則 後言復,執 朝 也, 在 王 不 是 日 見 見 不與致天子也 于 也。 諸 也。 據 衞 也 侯 下 猶 天子在是, İ 己 天 朝 凡 申 未 子 盟 著 執 絶 不言所, 例 所 而 君 于 在 後 歸 此 衞 則 日 見 何 也 曷 Ŧ. 公 平. 以

矣,不 得 自 衞 故 復,  $\Box$ 而 君歸言復,已失國之辭 免於誅,故言 何? 執 侯 歸 刺歸 出 不月,必奔而後 而 口 後 奔 惡 以 月。 不 有罪 自 無 名, 楚 辨 執未失 也。 所自 也 也 則 復 以 天子所以陵遲 月 ; 以 歸 歸 其 或 見 君 何 執 叛 也,奔已 其 不 以 而 中 罪 言 名 歸 或 世 ? 自 不 即 失 月,必· 者,爲 夷 此 叔 何 或 其 武 休 狄 也。 V. 奔 氏 THI

不 賞,爲惡不 廢 叔 武 而 反 . 誅。 衞 侯,令殺 衞 侯 出 叔武 奔 楚, 也。 當 絶 不

衞元咺出奔晉。

國之故,與公子之未命者異,故悉書之。 也 愬 有罪則彊家相 書奔者。 重,衞 殺 由僖公而上,政不在大夫,故外 叔 公武也。 侯之罪莫重於叛中國,故一見之 自 元 咺而後,大夫益專,其 殺叔武曷爲不書?《春秋 傾。 苟爲不然,則 亦關 大 出 乎 夫 奔 非 無

陳侯款卒。

秋,杞伯姬來。

來謝過而求平也。

公子遂如齊。

莒子、邾子、秦人于温。冬,公會晉侯、齊侯、宋公、蔡侯、鄭伯、陳子、

討衛、許也。

天王狩于河陽。晉地。

於是 天王 矣。 詘 之行也。 書,嫌以天子與斯盟也。 然則 臣 下陵,中國之所以傾 則 狩 不與再致天子也。」《 則是以天子與斯盟矣。《春秋》有二事 不 譏者,於河陽書狩,則踐土之失不待言 口 Ŀ 也,《 彊 兩 神 《公羊傳 言狩 僭 侯 襄 失之,將無 踐土曷爲不 也。」 而 以 春秋》之特 王會諸 尊天子 爲若將 也。 諸 孫 侯 **>** 明 踐 侯于 日 而 也。 復曰:「 守而 \_; \_ 以示天下, 土之盟 日 致 筆  $\pm$ 温 狩 穀梁傳》曰:「全天子 也。 天子則 也 遇諸侯之朝 **狩**? 不 則 以王狩爲文,所以 王 以晉文之伯 以 書, 荷書 其 子 下 故以 天 會  $\Box$ 此 · 陵。 子 虎 狩 可 狩 何 而 狩 言 而 在 也, 何 以 上 會 馬,不 後 書 狩 ? 書 僭 諸 而 ··, 此 盟, 也 爲 ? 君 而 侯 非 而

●「守」,四庫本作「狩」。

<u>I</u>: 申,公朝 于王 所

之行 王所 明 事 諸 其 日 · 月者 以 侯 H ",其不 謹 會 不 事爲已慎矣。」❶ 日 ·月,雖 此 而 繋於月 其 後朝, 户, 獨不爲 事 伯者 也 失 /,月 非 0 其 會 下事 亦 不 繫 所 則 不 月 於 繫 月。 不 月 時 也 朝 由 何 **奉** 會 也。 ? 王: 以 録 中,公 1秋》有 繫之會也 爲 《穀梁傳》 也。 晉文公 朝 爲 公 會 于 下

晉 人執衛侯,歸之于京師

勝。 曷 何? 之于 衞 也 叔 殺之權, 武 侯,歸之于京師,請以 爲 歸之于,不 辭立 晉侯殺其坐獄之臣 有 殺 言歸于,有言 名 叔 辭 ൬ 在 武 也 他人立,則恐衛 也。 天 子 Ė  $\wedge$ 公羊傳》 而實 也。 文公逐 歸 在 衞 ൬ 之于? 王. 晉侯 侯 衞 刑 命殺之。 侯 與 其輔 侯之不得反 也。 元 而 衞 ij 歸 然後 阳 侯 故 訟 于 叔 之罪 是 曰 武 歸 生 不 īΕ. 執

> 反, 殺母弟者,文公爲之也。」 公逐衞侯 也 也,其稱 曰: 故 於是己立,然後治 『叔武 人何? 而立叔武,使人兄弟 篡 衞之禍,文公爲之也 我。』終 殺 反 叔 衞 武 相 侯。 疑。 此 衞 放 晉 侯 平. 侯 文 得

衞 元 呾 自晉復歸于衞

罪, 必諸 譏 歸 也。 咺言 宋復蕩意諸 奔大夫歸 絶於君 在 故 則其言復歸何? 侯也 晉 呾 出 書 也。 以 言歸,出 歸 無 不書。 臣愬君, 圃 不書,據惠王復周公忌父、鄭復公父定 《陳氏 而言 反 後言 或 必 復,以 之 人皆 復。 挾 傳 是 義 外  $\forall$ 自絶 罪 曰:「歸大夫不言復 凡歸言復者,位 君 有 援 而 之也。 有 罪 陌 以 於君 歸,道也; 也。 將 歸 易置 矣。 然 其 出 後 日 人 其 大 書。 自 皆 大夫 君 夫 E 自 以 絶 有 元 叔

<sup>0</sup> 慎 原作 慎」,據《穀梁傳》及金曰 一鍋本、 四庫 本改。

言 復 者,伉 也。 是 故 衞 元 咺 復歸 宋魚 石、

普 欒 盈復人,皆伉辭 也。

諸 侯遂圍 許

遂,繼事也。 諸 侯 既 會于 温 朝天子 執衛

侯,歸元咺 一,而後 韋 許 也

曹伯 襄復歸于曹,遂會諸侯圍

伯襄、莒子、邾子。

名之,罪之也。 夷狄 書? 復,於是言復。 絶 也 執 而 君 以拒中國 此未 歸之,晉侯失刑矣。故執 歸 釋有 不 失國 書,據鄭 罪 也。 之師 「則曷 失 罪曹伯 或 或 ,則其罪宜絶。 ,非二君不名,於是 君 爲 所以譏晉也 言歸,必嘗 不 宜 歸 ? 君 此 歸不 失 其 曹 國 何 罪 伯 特 言 以 宜 者 附

一十九年春,介葛盧來。

在 來 介,東方國名。葛盧,其君也。昔者衞 會,則介人 會惠公葬,隱公不 何以 書? 見,史不書。 成公意也。 今公猶 僖公 侯

> 之,以 始作頌 其能 了; 而 以 來 也。 來淮 夷 爲 誇,故 雖 不 見公,書

公至自圍許。

桓、文之會不致,此以圍許致,同於桓之致

伐 也。

人、秦人盟于翟泉。 夏六月,會王人、晉人、宋人、齊人、陳人、蔡 洛陽城内地

人,若使微者相 也。故内不書公,而王 之。以大夫盟 於尋盟。於是 夫? 大夫不得會公侯,而況於盟? 晉侯 盟王子也。 父、陳轅濤 此公會王子虎、晉狐偃、宋公孫 功勳已著,不能 塗 諸侯不得盟王子,而 也。 王子 以 與 以 大夫盟 (盟然。 道事天子、撫諸 曷 而 爲不 諸 子與諸大夫皆稱 侯會之,是無上下 王子,而 諱之者,譏之也。 · 序 ? 固、 諱 使吾 侯,而 況 以 齊 君親 於 大 國 大 夫 歸 叹

《陳氏傳》曰:「大夫之交政於是始,文公爲

之也 王子虎,不可不徧 人諸侯之大夫,不可不没公也。 不斥言王子 人諸 虎 侯 爲 之大夫, 尊 諱 也。 以 以 其 其 徧 人

秋,大雨雹

冬,介葛盧來。

三十年春,王 朝,不能乎朝 以未見公,故 正 月 復來也。 也。」啖叔 《公羊傳》曰: 佐  $\Box$ :「不廟受也。」 「不言

夏,狄侵齊

秋, 衞殺其大夫 元 咺 及公子瑕

之,何 同 由 爲訟君也。 瑕見立於元咺, 穀梁 殺,故言及。 於 咺 也 傳》曰: 也。」王公氏 ? 待其 衞 侯 稱 而稱公子者,不 以 殺 在外,其 國 曰:「咺嘗 而 阳 以 後 及之者,言瑕之 殺,罪累上也, 入也。」孫莘老曰 以 累 君瑕,今與 與 上之辭 咺 君 見 以 之 È 殺 是 呵 :

> 累 及 者 及 某 其 也。 罪 同 據 ± 其 縠 殺之志 及 箕 鄭 父、 均 慶 也 虎 0 及 據 慶 趙 寅。 同、 不 趙 書

74

郤錡、 郤 **簟、**郤 至

衞

侯

鄭

歸于

衞

叛 復何 言 中 歸 國。 ? 釋 不以其罪 有 晉侯立叔武 罪 也 討 向 也。 也 而 言 歸 衞 復 衞侯,不正 侯之罪 歸, 今 莫 歸 其 大 不 罪 於

衞 不以衞 罪 臣 人 可 子曰:「不可。 而 乃歸 矣。 受元 ,使立公子瑕, 聽也。 叔 武 此 咺之愬,爲臣執君,則討 侯之獄 衞 與 記歸自· 又爲 侯。 瑕 之死 京 臣 累 君 則 師 京 而 而 衞 臣 ,皆晉人爲之,故不以累 也, 曷爲不言 師 殺君,其安用刑?」晉 請 無 侯之不君,元 也。 獄 王 元 命 晉 以 咺 侯 殺 雖 復 之不 自 衞 直. 咺 京 侯 元 , 而 以 呾 師 其 天 于

0 徧」,原作「偏」,今據四庫本改。 下句同。

也。」高抑崇曰:「殺而書及者,以某之故而

京 師 也。

晉人、秦人 圍 鄭

此 晉侯、秦伯 也, 曷爲 稱 人? 秦遂

叛

晉

知 也。城濮之未集,鄭伯如楚致其師。 鄭 非

罪 也,而 晉與之成矣。 踐土之盟 温 之

會 于鄭也。 鄭無 不 晉侯執 在焉,而翟泉不至,以 曹伯 ,曹人虞其亡; 晉猶 執 未 衞 釋

秦 侯,將寘諸死,而皆不能正其罪。苟不 于鄭,豈可 伯 與 之 屋 量 鄭,晉爲已甚矣! 也 鄭是以不至,而 此 鄭 晉 之 侯 釋 所 召

以 不下晉 而 私 於秦也。 夫晉率諸 侯 以 攘

是懼 夷安中國也,而使諸侯皆不知其罪 ,雖秦人,豈能 無中變哉? 於是 而 秦伯 滅亡

是始 私 與 鄭 是 盟,戍鄭而 故 皆 奪其 去之。 恒 稱 以 蓋秦之叛夏 秦則有罪 (盟於 矣,

介 人侵蕭 而 晋 亦 有 以致之也。

> 冬,天王 使 室周 公來 聘。

公子遂如 京師 遂 如

並 稱 如 。 皆 以 聘禮 行 也。 諸侯於天子有

也。 貢 mi 東遷,王 無 聘問。 室日 聘問者、上之所 微 職 貢不 歸 以 久 矣。 交 乎

下

職

襄

王 既 朝 諸 侯,使宰周 公來 聘, 而 後 魯 人 亦

以 而兼事以行,示其禮均也。孫明復曰:「天 聘禮上問 如邦交,諸侯之伉 也。 不 專 使

子至尊,非諸 交聘, 伉 孰甚 焉 ! 侯可 得 故 而 日『天子 伉 也。 使 僖公與 宰 周 公來 Ŧ

聘、公子 ,遂如 晋 以 譏之。」《陳氏 傳》 曰 :

而宰周公實 「自桓王以下,王室無聘魯者。於是再聘, 來,則 己尊矣。公子遂 如京

夷 周 於晉也。」

師,遂如

晉。

以

其

如京師,不敢不如晉,是

三十有 一年春,取濟 西  $\mathbf{H}$ 

此 曹 田 也。 不 曰 曹,受之晉 也。 諸 侯有

Ŧi.

六

分,魯之取,皆 地 罪 公子戍衞,不 而 削 分 地 侯 曹 當 執 地 歸 曹 · 卒戍, 是 天 非 伯 子。 非 也。 解 賞 刺 其 非 罰 之。 以 地 天 楚 也 以 子 0 魯 師 分 不 見 之 伐 諸 得 伯 罪 齊,取穀 侯。 削 者 不 之以 薄 晉 人 於 之 士.

公子

利

結諸

侯

也

夏 四 月 春 郊 猶 遂. 也 之月元 者 月 郊 · 四 不 如 元 敢 1 祀 直 H 日 郊,不 上 祈 用 上辛 帝 穀 上辛 以 從 于 H 祈 乃 Ė 而 也。 穀 1 帝 免 之。 也 牲 謂 魯 夏正 ト三月 僭 猶 禮 天 天 斗 望 子 子 建 之禮 F. 寅 以 辛, 之 孟

郊,則 望,亦 於天子 天子 吉之道三。 禮 不 無 非 羊傳》曰:「三卜,禮 時 口 · 祭。 禮 者。 所 所 知 望祭 不 祭天,諸 也 也 史不 非 ,故闕 三望者 通。 0 於是 也 四 1 猶 勝 諸 郊 褅 四 方 者 其 書, 侯 魯 何? 侯 何 嘗 Ш 1 口 祭 郊 Ш 以 不 故 Ш 也。 猶 以 士。 川有 1, 非 也 於 =望 非 止 禮? 魯 據《周 望, 失 祭 禮 郊 天 之 不 郊 四 禮 也 何 也 子 在 故 辭 ١, 雖 禮 之中 魯 以 有 其 書之也。 僭 四 然 然 郊, 1 非 方 望 方 既 書 禮 則 猶 望 望 内 非 歲 曷 其 也。 不 者, 之事 禮 1 又 郊 謂 1 敢 郊 也 ? 則 求 失 而 Щ 口 郊

梁傳 書? 也 望,郊之細 免牲者,爲之緇 譏 曰 : 不 郊 夏 也。 而 四 望 月,不 不 祭 郊 衣 也。 纁裳, 時 亦 也 無 ^ 左 望 有 氏 JL 口 司 玄端, 1 也 傳 **>** 非 奉 禮 穀

若三

1

皆

不從,

則

不

郊,示

不

敢

專

也

今

不

吉

則

1

中

辛。

中

辛

不吉,

則

1

下

辛。

祭

泰

Ш

河

海

猶

者,

通

可

以

已

也

何

以

免

牲

, |-

木

古

則

繫

而

待

明

年

具.

牲

時

用

· 而 吉,

故放

其

牲

也

不

言

不

郊

者

從

13

川

1

非

也。

免,

猶

放

也。

不

郊

於是

1

不敢專也。《陳氏傳》曰:「諸侯之有郊、之,何也? 當置之上帝矣,故卜而免之,送至于南郊。免牛亦然。」已牛矣,而又免

禘,東遷之僭禮也。故曰秦襄公始列於諸

而臚於郊祀,君子懼焉,則平王以前未有人侯,作西時,祠白帝,僭端見矣。位在藩臣人

也。魯之郊、禘,惠公請之也。據邵氏《經世》,

公? 向者莊公之觀齊社也,曹劌諫曰:『天鯀,皆僭禮也。然則《春秋》何以始見於僖惠公立於秦襄祠白帝之年。齊桓公欲封禪而亦郊

之,而魯郊猶未率爲常也。僖公始作頌,以先公,卿大夫佐之,受事焉。』用見惠公雖請子祀上帝,諸侯會之,受命焉。諸侯祀先王

秋七月。

郊爲誇焉,於是四卜不從,猶三望也。」

冬,杞伯姬來求婦。

狄圍衞。●

夏四月己丑,鄭伯捷卒。三十有二月,衞遷于帝丘。

衞人侵狄。

冬十有二月己卯,晉侯重耳卒。秋,衞人及狄盟。

杜元凱曰:「滅而書入,不能有其地也。」三十有三年春,王二月,秦人入滑。

齊侯使國歸父來聘。

夏四月辛巳,晉人及姜戎敗秦師于殽。

戎。 不哀 在喪以 於是秦將襲鄭,滅滑而還。 晉人者,晉子也。 子墨衰經,敗秦 吾 師 喪 行者稱爵,謂得已而不已者也。 而 伐 吾 司 稱人,略言之也。 姓。 師 于 殺。 遂發命,遽興姜 晉先軫曰:「秦 晉,伯國也, 嗣君

❶ 「狄」,原作「秋」,據《春秋左傳正義》改。

鄭。 以 故 是故伯國之所宜討者,故特書之也。 使秦人得志於中國,其禍豈減於荆楚哉? 書,以秦人背晉 殊之,不 謹之, 略 其 反 稱 人,不使 · 使 與之 覆乎晉、鄭之閒,戎 夷 以 狄 與 而 繼 與 得 戍 伯 諸 已不 鄭,又 而 侯 討 序 已者同 罪 將因 也。 也 狄之道 外 戍 文。  $\Box$ 人以 相 及 敗 而 也。 者 襲 不 H

癸巳,葬晉文公。

狄侵齊。

公伐邾,取訾婁。

閒晉之有事

秋,公子遂帥師 伐 邾

晉人敗狄于箕。 之喪卒哭,金 此晉侯也,其稱 革 太原陽邑 之事 人何? 無辟也者, 縣 南 子夏問 禮 日: 三三年 與?

有司與?」孔子曰:「吾聞

諸老

聃

日 :

一昔

初

已者同 面 年 下諸 據隱九年鄭人大敗戎師、閔二年號公敗犬戎之類。 皆不月。 敗 從 者魯 晉特書之。 (狄于) 其 狄 後 侵 侯 公伯 勝之也。 利 《陳氏 )箕,以 者,吾 以攘 稱 衞 也。 禽有 而 夷 特書晉者 傳》曰 其 弗 晉 不 以 存 爲 有爲 不 月,略 知 是 中 爲之也。』今以 能 爲 也。」狄伐晉及箕,晉 一: 中 或 爲 盟 救 ·; 皆 也。 其 之,故不與得 主 或 病晉 事 ,病矣。」 於是伐,晉 前 敗 也。 年 也。 夷 狄 三年 據晉敗狄三 (狄,不 侵齊,去 晉帥 蓋 已不 之 僅 天 唯 侯 喪

冬十月,公如齊。

不

如

晉而.

如齊,謂晉

無能爲

也

有二月,公至自

乙巳,公薨于小寢

官以明授受,所以正 小 寢 内内 寢 也。 君 薨 必 其 於 終 路 也 寢 僖 就 公秋伐 羣 臣 白

可 也; 伐沈,微矣。

邾, 《穀梁傳》 冬 如 齊,反 曰:「小寢,非正 而 薨 於 小寢, 也。」《左氏 其 志荒 傳》 矣。

也, 危病, 邪之伺也。 「即安也。」趙伯循曰:「大位,姦之窺 若敝於隱,是女子小

人得行其志也。」

隕霜不殺草,李、梅實。

晉人、陳人、鄭人伐許。 死,則重者可知 冬燠也。《穀梁傳》曰:「未可殺,舉重 植生殺,陰陽之應,皆繫人君之身也。」 細,所以謹人君之戒也。 也。」杜諤氏曰: 可殺而不殺,舉輕也。」范甯氏曰:「輕者不 也。」《公羊傳》 「《春秋》記災異,不遺微 明天地之大,動 曰:「記 也 異

春秋集傳卷第六

成德

後 學 校訂

交,而有事于許,非其序也。 雖然,伐許猶 也。

晉,晉陽處父報之,晉、楚始通,文公爲之

襄公始有志於諸侯,不先定東諸侯之

討其貳於楚也。

前年春,楚鬬章請平于

## 春秋集傳卷第七

安 東 山 趙 汸 輯

新

## 文 公

元年 春 丁, 王. IE. 月,公即 位

羊傳》曰:「緣始終之義,一 踰 年 雖未 葬,稱公,不 口 曠 年 年 無 不二君; 君 也。  $\wedge$ 緣 公

臣 民之心,不可一日無君也。」

二月癸亥,日有食之。

天王使叔 服 來會葬。

據四 天子 月乃 使大夫葬諸侯,禮 喪,中 有閏月,王 臣 必 無前一 也。 二月 得 禮、故 至之理。 不月, 略常

事

也

據

歸

赗

會皆月

夏 四 月 1 E ,葬我君僖公。

天 王 使 毛 伯 來 錫 公命。

請 命 而 來 錫 也 。《詩序》: 「季孫行父請

命

禮 臨 服 傳》曰: 時考之,爲文公請 喪 主、壁,然後 也 其 畢 見於王。 ,諸侯在喪 而 臣 劉 不受命于天子,亦非禮 民 侍 禮有受命 焉。 讀 服之。  $\pm$ 曰 : 稱 命 喪未 乃於廟 子 也。 」, 踰 錫 畢 歸,設奠于祖 無 作頌,爲 命 年 而 來 命之,錫之黻、冕 即 者 命之,非禮 錫 將 位。 。, 命 命 躋 也。 僖 爲 喪畢 錫 公。 廟, 諸 命 也 于周。」以 以出 侯 非 穀 然後 也 Ï 梁 既

晉侯伐 衞

師。」 Ħ. 君將 則 四年不書晉侯。 其 居 (書晉) 一晉侯 非 曰:「效尤,禍 親 侯 朝 帥 何? 王于 於是,晉告於諸 不 志。 温 與晉侯以紹伯也。 據僖二十城 一, 先 也。 且居、 諸 君 侯 濮不書 胥 朝 而 王,臣 臣 伐 宋公,襄十 伐 衞 晉文 衞 從 先

秦師 敗 衞 狄 ,伐許,然後伐衞 侵鄭,伐縣、 訾 及 以 王 討 貮 襄 公既 纘 文 敗

叔孫得臣如京師。 之功,繼主夏盟,故與之也

拜錫命也。

衞

人伐

《陳氏傳》曰:「此衞孔達也。其稱人何?

大夫將,猶稱人也。」

内大夫始特會諸侯也。秋,公孫敖會晉侯于戚。

冬十月丁未,楚世子商臣弑其君頵。頵,丘

倫反。

公孫敖如齊。

二年春,王正月甲子,晉侯及秦師戰于彭衙

秦師敗績。

見義也。晉厲公嘗及秦師戰于麻隧,秦師此秦人伐晉也。其不言伐何? 以戰敗績

敗,故 忿,無 晉師 之道也。 敗績、惡其不知自反以 孟 悔過 師 績 敗 (績,不 不足 明 敗 以替殺之役,故伐晉不書,而書戰、 自誓,志乎報怨攄忿而 績,不書。 敗績,爲中國諱之,可也。秦穆公之 書 以 書也。 敗 爲 程子曰:「 績。 辭也。 書晉伐 晉悼公嘗及秦 書秦伐晉,責秦之黨楚,則 故 秦,譏 秦人 其 來不 喪師,非國 越 在 른 稱伐,以忿 國以襲人, 師 晉 。於是不替 一,則 戰 于櫟,晉 君子 師 取 民 雖 書 敗

丁丑,作僖公主。

975

《公羊傳》 譏其後也。」何休氏曰:「禮,作練主當以十 主用栗。 主爲練主也。 三月。」高抑崇曰:「周人卒哭而祔,祔而 立主,喪主於虞,吉主於練。 用栗者,藏主 曰:「主者曷 作主不 用? 也。」《穀梁傳 · 書, 過 虞主 時 作僖公主, 則 用 書之。 桑,練

 $\equiv$ 

也,是以 主 練 主 猶 · 是 主 未 謂 僖 謹 祔 虞 公 而 主 廟 薨 日之。」 ; 也 + 既 有 朞 猶 <u>Ti.</u> 而 未 月**,** 練 祔 廟 練 非 者, 練 而 易 欲 之 主 躋 時 者 而 是 故 作 謂

三月乙巳,及晉處父盟。

盟, 禮 也。」 公之 《左氏傳》曰 恥 梁 晉 去 何 氏 傳 人使 盟 甚 以 者,既 矣,故 張主一  $\mathbb{R}$ 公也 知 以 如 厭 陽 其 晉 ? : 之也。 處父盟 與 「不言 諱之。」王 刺  $\exists$ 公盟 公 晉 1: 「盟 所 以 公, 公以 ? 恥 適晉 人以 不 也。 于晉之國 沿 處 以 朝 恥之。 不 氏 不書,諱 父 其 致 朝 日 出 伉 H 辱, 來 : 不 也,爲 也 書 討 都 又卑 書,反 内 之也。」《穀 日 而 没 何 公諱 『及處父 君 公如晉 岩台 公 以 不 不 以 而 不 出 也 致 非 外

盟 夏 六 于 垂 月,公孫敖 隴 鄭 地 會 宋公、 陳侯、 鄭伯、 晉 士: 穀

侯敵 卑 故 也。 日 : 皆 盟 吾君 土 敵 臣 月,自参以上不日。 不 于 之法,莫嚴 日 晉 向。 吾 日 縠 H 夷狄之盟 也 之分也。 諸侯,不 ? 主 「晉遂 大夫, 文十六齊侯, 於是: 者, 必 非 及諸侯盟 夏 雖 以 隱二年 卿 非 盟 也; 會 吾 始 敵 恒 以 所 大夫、 日,據此及文十 大夫 於 有 故 盟 不 必 而 日 大 見晉之卑諸 以 君 故 戎,文八年公子遂盟戎 月 吾 恒 哀二邾子。 日 夫 書。 謹 會諸 臣 雖 也。 日 大 盟 者, 盟 華 大 苟吾君 夫 諸 莫 桓 雖 諸 夷 大 侯 異 與 夫 + 吾 侯 有 辨 夫 侯 之 盟 之 八年 舍 外 盟 大 侯 大夫 於 專 也。 辨 盟 也 也,不 日 是 大 大 夫 也。 虚 中 折 盟 也 日 夫 則 折。 夫 特 ^ 自 或 大 新 Ħ 春 與之盟, 夷之盟也, 盟 雖 盟 夫 疑 城 所以 夷 不 此 ; 會  $\pm$ 陳 秋 於伉 而 趙 諸 而 以 僖公盟 狄 何 縠 盾 氏 後 與諸 嚴 侯 夷 大 日 以 傳 也 H 者 狄 則 夫 不 其 故 月 不 洮

自十有二月不雨,至于秋七月。

雨也。不憂雨者,無志乎民也。」 也。」《穀梁傳》曰:「歷時而言不雨,文不憂故以災書。此不雨之日長而無災,故以異故以災書。此不雨之日長而無災,故以異

八月丁卯,大事于太廟,躋僖公。

以 親 《公羊傳》曰:「躋者,升也,譏逆祀也。 君子不以親親害尊尊,此《春秋》之義也。」 無 劉侍讀 曰:「先親 逆祀奈何? 大事者,禘也。譏不在用禘,故略言之。 後者,則爲之子矣。」高抑崇曰:「人君 臣 父子無以異者,受國焉耳。 昭穆也,則是無祖 事之,父之,則我以子奉之。是故爲 曰:「僖公於閔非父子也,然而 而 後祖 先禰 也,逆祀 而 也。無祖則無天也 後祖 也。 也。」《穀梁 君之,則我 逆祀則是 傳 其 與

> 也。」胡侍講曰:「有天下者事七世,諸侯 事之,死則以兄弟治之,非所以受國之意 則是所受國者竟莫之嗣也。 嗣 以 五世。父死子繼,兄亡弟及,名號雖 臣子 兄弟爲後者,必非有子者也。 體矣。 不繼所受國 生則以 而 繼 引而爲 先君, 不同 臣子

冬,晉人、宋人、陳人、鄭人伐秦。

其爲世一也。」

敗秦師,在恒情亦可以已矣。而報復無之後略之,始稱人矣。」胡侍講曰:「晉人再是故《春秋》之始,大夫將,恒稱人,由救鄭是故《春秋》之始,大夫將,恒稱人,由救鄭。 大將,猶稱人也。自陽處父專將,書大夫。大將,猶稱人也。自陽處父專將,書大夫。

公子遂如齊納幣。

已,殘民結怨之道也。」

納幣不書,據桓、宣、成皆取于齊,不書納幣,知納幣

譏? 也。 不使 有之。以人心爲皆有之,則曷爲獨於 之外,則何譏乎喪取? 三年之内不圖昬。 三年之恩疾矣,非虚加之也,以人心爲皆 大夫乃禮之常。 《公羊傳》曰: 娶者,大吉也,非 使大夫則書之,志禮之變 一幾 喪娶也。 常吉 也。 取 其 在 爲 三年 取 吉 焉

人、衞人、鄭人伐沈,沈潰。 三年春,王正月,叔孫得臣會晉人、宋人、陳

變矣。」

者,主於己。

以爲有人心焉,則宜於此焉

以其服於楚也。

夏五月,王子虎卒。

此 王大夫不卒,據成 其 卒之何? 以 + = 嘗 主 成 諸 肅 公、 侯之盟 昭 + 年單 也 成 ^ 左 公。

之赴,故不言爵也。陳莊子死,赴於魯。曷爲不稱爵? 王臣無外交,於是天子爲氏傳》曰:「來赴,弔如同盟。」故卒之也。

諸 ? 是故 得而 者大夫束脩之問不出竟,雖 魯人欲勿哭,繆公召 翟泉之盟卒 勿哭?」然則非禮也,蓋衰世之志也。 今之大夫交政 王 子 於中國,雖欲勿哭,焉 縣 虎,皋 子 而問 欲哭,焉 鼬 焉 之會卒 日 得 古 哭

秦人伐晉。

卷。

舍是,王臣無書卒者矣。

《終南》、《蒹葭》之作,秦非無人也,而秦不 之誓,孔子有取焉 《陳氏傳》曰:「此秦伯也。 用,誠未離乎戎狄也。」 原,秦不以爵見於經,至康公而遂狄之。 君子以爲秦人未離 ,而秦穆之連 乎戎 狄 曷爲 也。 稱人? 兵 是故自 無 虚 韓 殽

秋,楚人圍江。

雨螽于宋。

《左氏傳》曰:「墜而死也。」《公羊傳》曰:

「記異也。

冬,公如晉。

晉人請改盟也。

十有二月己巳,公及晉侯盟。

晉陽處父帥師伐楚以救江。

處 於是,晉以 父伐 楚以 江 救江 故告于王。 則其 不 書  $\pm$ 叔  $\pm$ 叔 桓 公、晉 何 ? 不 陽

以

伐楚救

江累王室也。

襄公敗秦

師

于 殺,

四

年春,公至自晉。

專之;而 而 歸 縱淫 或 一、伐秦 楚人圍 , 自將以 四 江 敵秦怨而忘楚患。 國,伐沈五 以以 微者往救。 國,皆以 襄公之 伐許 大夫

而屈王臣與其大夫俱以伐楚,無益於救江志荒矣。於是不能親率諸侯以救江絀楚,

以救,於是言以救江,與之以救中國之名,而王叔桓公不書,不以累王室也。伐不言之實,而使天子受其名,是故特書陽處父,

帥 名以 所 者也,故始之也。』《陳氏傳》曰 蒐于董,易中軍。 在 有 以 師 諸 帥 罪 侯 責其實 於 師 之也。 是始,大夫 ,則大夫皆稱 而 稱 名氏 也。 始於處父者, 王公氏  $\exists$ 今救江 强 某 人, 也。 政 日 曰:「諸侯大夫未 而伐楚,專之甚 自 處 在 是 以 父何 :「晉大夫書 大夫,故稱氏 其 恒書大夫 盟 也? 魯侯 政

略之則稱人。」

夏,逆婦姜于齊。

也。 之辭。 風 也 婦禮至也。 知出姜之不允於魯也。 不言逆之者,逆之者微也。 以妾祖姑爲昬主而當婦,禮也。 ,則不書氏,故穆姜亦不氏,所 《左氏傳》 無姑,則以夫人之禮至; 姜不言氏者,異之,不正 曰 卿 不行 曰:『貴聘 也 有姑 婦 君 以 者, 而 子 若妾姑 别 有 賤 是 適 則 姑 逆 以 成 以 姑

之,君而卑之,不允宜哉。」」

狄侵齊。

晉侯伐秦。 秋,楚人滅江。

衞侯使甯俞來聘。

冬十有一月壬寅,夫人風氏薨。

故 夫人之禮也。 公之妾也,則曷爲以適稱稱之? 喪之以 (陳氏傳》曰:「夫人某氏薨,適 别 廟 也。 祔 隱公之喪桓 姑 稱 謚 伉 然 母 猶有 如 稱 夫 也。 人, 疑焉,是 則 此莊 自

小君。 之妻,邦人稱之曰君夫人,稱諸 爲君,爲其母 文公之喪成 以妾 敵 媵爲夫人,徒欲尊其所愛而 體 風 之稱 無服,不敢二尊者也。 始也。」胡侍 也。 若 夫妾 講 媵 異 「禮,庶子 則 邦,曰 不 非 邦 君 虞 寡 敵

本。失位無本,不亦悖乎!」不虞賤其父。卑其身則失位,賤其父則無卑其身,以妾母爲夫人,徒欲貴其所生而

五年春,王正月,王使榮叔歸含且賵本。 失位無本,不亦悖乎!」

夫人,天子不能正於是,赴于京師,而 其事也。是故來會葬亦不稱天,稱天則疑 仲子。不言來者,略之。 於會葬僖 人紀也。 使其大夫賵之、含之,以 之,小君亦如之,禮也。文公尊其妾母 王不稱天,異之也。 故 公。 王不稱天,稱天則疑於 天子於諸侯賵之、 成其爲夫人, 略之, 亦 所 賵 惠公 天子 以 是亂 爲 異

三月辛亥,葬我小君成風

廟 啖 妾母皆葬,蓋祔 之立宫,而 非禮 叔 佐 曰:「葬 也。」蘇 不 祔 也。 不 子 成 葬 由 風 魯禮之變自此始矣。 袝 曰:「仲子 禮 也。 廟也。 É 非 成 適,故爲 風 夫 以來, 人袝

王 使召伯來會葬。

陳 氏 傳》曰:「王 不 稱 天,於 追 錫 桓 公見

之,至是再 見。 其 再 見 何 ? 以 夫 人 之禮

葬成風 也。 莊、僖之際,天下 知 有 盟 主 而

會葬,毛 伯錫 命、尤汲 汲 於魯 也。 尤 汲 汲

而襄之季年,更有事於諸侯,於是叔服

르;

於魯 則 何爲 乎成風 ? 一人賵含之,二人

會葬之,以

是懷諸侯。

吾見周之益陵

夷

君夫人也。 也。文、武之教,著於《南》、《雅》,莫急於 桓以 少篡長,成 風 以 庶亂 適,

之,是以 王 道熄矣,而莊、 天命 施 之天 襄 不 能 討 Œ, 也。 又從 是 故王不 而 褒賞

稱天。」

夏,公孫敖 如晉。

秦人入鄀。 即 不月,有以來之也。《左氏傳》曰:「鄀叛楚 秦、又貳於楚。夏、秦人入鄀。」 都音若。

> 冬十月甲申,許男業卒。 秋,楚人滅六。

六年春,葬許僖 公。

夏,季孫行父如陳。

秋,季孫行父如晉

八月乙亥,晉侯驩 卒。

冬十月,公子遂如晉 ,葬晉襄公。

「先王之制,諸侯之喪,士弔,大夫送 盟主薨,卿 共 、葬事 非禮 也。 鄭游

吉

曰 :

文、襄之伯也,君薨,大夫弔,卿 唯嘉好、聘享、三軍之事,於是乎使 共葬 事 卿。 ; 夫

出 也。 人,士弔,大夫送葬。

此禮

樂之自諸

侯

晉殺 其大夫陽處父。

晉 狐 射 姑 出 奔 狄

何 ? 晉 襄 公卒,狐 兩下相殺 射 不道。 姑 殺 陽 處 兩下相殺 父, 則 稱 不道,則 或 以

葬。

處父何以書? 譏君也。襄公蒐于夷,使

襄 狐 君 公卒 失 射 政 姑 則 將 狐 大 射 夫 陽 姑 專, 處 使 父請 人殺陽處 專 則 改 争 蒐 于 父,君 争 董, 則 相 失政 易 殺 中 軍 也 是

閏月不告月,猶朝于廟。

故

以

或

殺

書之,譏

不

在

相

殺

也

之,志 朝 何 月 大 太 于 不 IE. 休 以 廟 諸 告 告 廟 時 閒 特羊 大 侯, 月 氏 朔 私 時 禮 不 也 者,不告 日 之所 夫 諸 以 告 0 廟者 : 薦, 南 侯 作 廟 高 先受 受 由 面 謂 事 二, 抑 猶 失 奉天子之命, 而 朔 崇 之告月。 朔 也 以 藏 廟 也。 不 政 朔 之 告 也  $\wedge$ 太 H 告月 閨 左 乃 知 天子 廟 朝 文公以 氏 朔 朝 朝 于 傳 必 君 廟 廟 棄 頒 月 **>** 太 以 北 之不  $\Box$ 時 +· =: 朔 廟 朔  $\pm$ 面 : 里 政 則 受之, 教 口 非 月 閨 故 故 朝 也 己 尊 常 以 書 干 朔 亦

七年春,公伐邾。

爲 須 句 故 也 0 僖 公 取 須 句, 反 其 君 邾 人

再滅之。

 $\equiv$ 邾, 月 城 此 取 取 其 或 甲 郚 而 須 戌,取 H 不 避 無 句, 何 月 邾 存 ? 真 Ť 難 須 據 文 僖 句 肋 遂 繼 公子 公 絶 絶 取 之義 其 遂 須 焉 城 祀 旬 部 也 宣 非 故 公 句 禮 取 H ^ 音 左 根 也 以 俱。 0 牟 氏 異 傳 襄 部 志 之。 公 音 在 取 吾  $\vdash$ 邿 遂 逼 :

夏四月,宋公王臣卒。

宋人殺其大夫。

亂 稱 不 立 則 禮 曷 昭 人 焉 公。 其弟 爲 以 殺 不 · 樂 殺 衆 公子 襄夫 名 ? 辭 鮑 人者 其 也 死 者 世 君 子 君 昭 大 難 而 夫 庶 祖 也 自 者 母 兄 0 V 也 也 宋 大 有 或 成 有 口 人 佞 淫 公 馬 殺 卒. 才, 行 古 禦 也 夫 或 昭 Щ

則

告

月

之禮

曷

爲

口

已也

人

私

之,

於是

夫

人

欲

殺

昭

而

V.

鮑

穆、

襄

殺而不名。名之,則疑於陳公子過。夫者,昭公之所與存亡者也。是故稱人以之族攻公,殺公孫固、公孫鄭于公宫,則大

戊子,晉人及秦人戰于令狐。

乎? 也。 晉之交兵,於是再世。 其罪均也 也 卒,晉人欲立長君,使先蔑逆公子雍于秦。 此 不正,皆罪也,故稱 悔之,故秦興兵以 敵 秦伯皆稱人,兩有罪也。 是乎立 舍適嗣不立,而外求君。 不言 晉趙盾及秦伯 而 而 於是晉禦秦師,敗諸令狐 康公猶 師 適 日 敗 戰,何 嗣夷皋,嘗踰年矣,且 程子曰 績,此敗之矣,而 自 也? 將 也,而皆稱 納之。 :「晉始逆公子 人。」《陳氏傳》曰:「秦、 以 交譏之也。 納 自令狐之後,連兵 雍, 晉不謝 晉既知罪矣,於 詐戰日敗之,戰 以 人,晉敗 則 敵 晉 而 夷皋秦出 秦,秦納 雍 辭 贵 晋 既 趙 書, 襄公 無 秦 盾 則 辭 師 गां

書,於十年,晉伐秦,取少梁,不書,而書秦不悉書矣。於八年,秦伐晉,取武城,不

晉先蔑奔秦。

《穀梁傳》曰:「不言出,在外也。」

狄侵我西鄙。

秋八月,公會諸侯、晉大夫盟于扈。

辭,則 也。 非 以 夏之大變也。《春秋》辨實之際,以楚之所 辭 略不序諸 使晉不競於楚,於是 曹伯、晉趙盾 此公會諸侯宋公、衞侯、陳侯、鄭伯、許男 殺 興,實由 也。 而 凡大夫不稱大夫,必殺 或 晉君 稱 無君 侯,而 大夫者,衆辭。 中 如,趙 也。 或 也。 楚 之無伯,故於靈公之盟會 君 莊九年 盾 則 將悉從其 晉弗 以 曷 大夫主 爲 齊 襄十六溴梁。 伯 大夫。 不 而 而 序 恒稱 後 楚 諸 ? 此非 ,興,此 侯 稱 無 以罪晉 大夫。 而 非衆 伯之 無 君 夷 卒

也 一,而 亦以 無君之辭稱之,不正其以大夫

而 主諸侯,故著之,是經之變文也。 不日,

書至。 略之也。 弗爲 以日爲恒,則不日爲略也,於新城 功 也 以致爲恒,則 不致以 爲 變

也。 侯,必前 陳 氏 目 傳》曰:「晉始失伯也。 而 後凡 也。 前有王人,後 凡 無 稱 諸  $\pm$ 

止王世子、葵丘宰周 人,書曰諸侯盟于某,則王人不與也。 公。 前 無 吾君,後有吾 據首 君,

書日 也,而但曰諸侯,一役而 據僖二十年盟薄、二十七年盟宋。 公會諸侯盟 于某,則吾君嘗不 再有事 未始有不與者 也。 僖二十八 ·與也。

再 也 。』《穀梁傳》 有 事 則 非 Ě: 凡 辭 其曰諸侯,略之也。」 也。 非 凡 辭 者 散 辭 年圍許、

襄十

九

年盟祝柯、二十

Ŧi.

年 盟重

丘。

非一

役

冬,徐伐莒。❶

夏也。

徐嘗稱人矣,則 易 爲 復 其 恒 稱? 叛 諸

公孫敖如莒涖盟

八 年 春,王正 月。

夏四 月。

秋八 月戊申,天王崩

冬十 月壬午,公子遂 會 晉 趙 盾 盟 于 衡

鄭地。

大夫與外大夫盟,日,敵

也。

乙酉,公子遂會雒戎,盟 于暴。 雒音洛 鄭 地

其日 乙酉, 距壬 午四 日 爾。 傳言「 盟 于 衡

雍」,「遂會伊雒之戎」,則曷爲 再書公子?

胡侍講曰:「《春秋》謹華夷之辨。 雒邑,天 地之中而戎居之。 再稱公子,各日其會,

洽 以深别之、示中國、夷 氏 曰:「此 遂事 也。 不以遂事言之,所以 狄 終不 叫 雜 也

)。」張

别 夷狄 於中 或 也。

0 徐伐莒」,原作「伐徐莒」,今據四庫本改

公孫敖如京師,不至而復。丙戌,奔莒。

言出,受命而 未復而曰復,不專君命 穀梁傳 未 如 ₩ E 也。 : 出 示不 未 ,自外行也。」 如 言 而 所 也。」杜  $\Box$ 至 如 ,據公子遂書「至 不, 元 廢 凱 君  $\Box$ 命 一黄乃 也

**S**軸。 音終。

宋人殺其大夫司馬。

辭 也 是故特書其官舉者。 兵矣。兵非其兵,則公子鮑之弒械成矣。 所與存亡者也。 其 殺 此 公子印 司 也 而代之者也。宋人將  $\sim$ 馬 穀 而以 梁 也。不名, 傳》 華 耦代之,則 曰 : 司馬既 丁其 則曷爲稱其官? 有 書其官者,以 弑 死,則兵非 以 其君 司 官 馬 稱,無 者,昭公之 ,於是先殺 異其 昭公之 君 之 事

宋司城來奔。

此蕩意諸也。不名,則曷爲稱其官? 宋

之國 傳》曰:「凡奔,非其罪不書。 卿 有 可 口 之在 書官者 以不書,則不以稱名之例 城 矣。 者, 位者皆公子鮑 司 於是 既 空也。 殺 其 官從 司 可 馬, 其官。 空 之黨 又 既 出 出 書之。 未有書字者 苟接我也,不 而 其 則 己。 司 或 城 是故未 非  $\wedge$ 陳 則 昭 氏 公

九年春,毛伯來求金。

於是字從其字。」子哀。

也。 然後 《左氏傳》 稱 何以不稱使? 也。」《公羊傳》曰:「毛伯、天子之大夫也。 位,亦知天子之踰 以謂之未君? 求金以供葬也。 王 一,何 踰年稱公矣,則曷爲於其封 稱王,亦知諸 以 曰 知 非非 其 當喪未君也。 即 即 周 年即 位矣,而未 禮 位 侯於其封 室微 ? 也。 位 諸 以 也。 不 諸 書 侯 内三年 侯 稱 以 踰 王 不 之 天子 王 内三年 命 年矣, 助 也。 踰 未 喪 稱 三年 年 也 即 未 何 葬

之心 之義 子 則 緣 年不二 三年 臣 民之心 不 君,不 忍 -, 不 當 也。 可 可 矌 \_\_  $\pm$ 日 年 者 無 無 無 君 君 求,求金 ; ; 緣孝子 緣 始 終

晉

人

殺

其

大

夫先

夫人姜氏 如 齊。

非

禮

也。」

二月, 公,而 守 是故 矣。 侯 可 使 不 成 王. 子 往 不 喪, 或 卿 風 叔孫 而 叔弓 於是 者 奔 也 後 後 且. 卿 展 矣。 ; 喪 子 會之葬; 共 得 叔 得 如 日 襄 展 而 葬 臣 鞅 臣 宋 靈 則 王 以 使 事 如 葬 葬 葬平公,季孫 微 以 使 王 印 與 於 京 景 襄 其 者 之 大夫來 段 其 魯  $\dot{\pm}$ 師 王 行 是 喪, 如 莫往 往 亦 始 晉,不 舍是, 以 辛 鄭簡 自 見 一,弱不 會僖 公子 H. 伯 則 東 也。 有 意 公 可 以 葬 葬 遷 公葬,赗、含 遂 日 如 在 不 其 襄 猶 天 以 天 如 如 王 楚,上 子 來,失 如 來 愈乎?  $\pm$ 晉 晋 不 弱 周 崩 魯 葬 葬 也 不 之 卿 無 昭 口 襄 諸

> 此《春秋 以》之情 實 也

之,有 日: -: 月,夫人姜氏 也。 書。 討 命 以 稱 也。 書 亂 人 ? 春秋之世, 古者諸 以 非 罪、無 雖 大 殺 諸 天 殺 夫 子 討 世 侯 罪皆專殺之,其無王 侯、 有 至自 不 子 亂 不 罪 大 母 之 或 得 得 齊。 弟 辭 夫 專 則 無 專 不 也。 大 請 皆 殺 殺 書 小,其 命 于 大 故 一, 此  $\Box$ 天子,不 于 夫 天 大 天 大夫 大 £ 也 夫, 子 也 夫 殺 甚矣。 也 在 。皆 不 孫 得 大 位 專 專 得 夫 明 則 也 命 殺 復 專 不 何

歸 禮 或 月 人 其 之,以 無 致 致 寧 則 外 也 或 不 以 事 致 不 明 得禮 致 得 故 此 ? 常 行 也 其 也 必 出 爲 以 其 有 劉 禮 以 禮奈 月 侍 而 禮 讀 從 後 則 何 曰 : 其 致 致 ? 恒 父 出 夫 法 以 母: 人 人 禮 也 在 不 曷 致 以 爲 而 則 婦

稱。

雖

不競

而

楚罪固宜討

也

楚

罪宜

討

,則其君將

稱

君,非予之也

晉 人殺 其大夫士縠及箕鄭父。

某及某者,以某之故而累及某也。」 劉 而 一般之之志均也。晉二趙、三部、蔡二公孫 侍 讀 曰:「殺二大夫以上不言及,其事同

楚人伐鄭

夫。 雖治 父從其恒稱,伐鄭,書楚子,則郤 救陳,從其恒 將,不稱君; 謹之如 當大夫與楚君遇,則《春秋》必致謹焉。其 楚君將,猶稱人也。 人救鄭之大夫,不可以不人楚子也。 是故侵陳,遂稱宋,書楚子,則 在 於是楚子伐鄭,則猶人之何? 何? 大夫,而 苟楚君將稱君 .稱;邲之戰,書楚子,則 苟人中國之大夫,則楚 蠿 夷 扈之盟,曾不序諸侯 猾夏終不可以 ,則不可 缺 晉趙 從 人 無討。 荷 春 以其 諸 雖 其 林 盾 大 君 秋 恒

> 公子遂會晉人、宋人、衞人、許人救鄭 不競 盾、宋華耦、衞孔達也、曷爲稱人? 陳氏傳》曰:「兵將,恒書大夫矣。 而 楚興 也。」《左氏傳》曰:「卿不書,緩 此

台

遂

台

趙

夏,狄侵齊。

也,以懲不恪。」

秋八月,曹伯 襄卒。

冬,楚子使椒 九月癸酉,地 來聘。

氏? 獻 吴子使札來聘,亦不稱公子。 其以諸侯之禮來接於我也。 秋》於吴、楚,唯嘉好之事悉從其 捷嘗稱人,來聘曷爲書君大夫?《春 吴、楚之有大夫,未 盡 同 鬭 中 椒 或 恒稱,爲 何以 也 故故 不

秦人來歸僖公、成風之襚。襚音遂

公、成風何? 日 秦人來者,微也。 兼之也。 《公羊傳》曰 兼之,非 :「其言僖 禮 也。 曷

三四四

得 曰: 矣。 襚 事 也 既 日 爲不言 )° | 一节, :「是時秦、楚交病 葬 於魯,猶 侯 先王待 而 有 左 無二適, 及 致 死三日 禮 氏 含 成 傳》曰 楚 焉, 書也 人以 風 於 欲 ? 故 浦 而 圖 情,而 斂 北方 妾 席 成 以以 諸 母 者, 風 中 則含襚 侯 繫 而 國。 無忘 尊 不 稱 相 子 來 也 責 其 弔 聘也。」 秦欲伐 爲 舊 有不 賀 情 好。 重 劉 以 也 丽 及其 也 侍 事 爲 晉 張 雖 讀 ), 故 之 洽 尸 葉 而 不  $\Box$ 者 節 有 歸 氏 夢

葬曹共公。

十年春,王三月辛卯,臧孫辰卒。

夏,秦伐晉。

謂 彼 日 何休氏曰:「謂之秦者,夷狄之。」 之秦,狄之也。 唯 此者凡十焉。 「秦、晉 以 報 復 用 兵,自殺之役、令狐 爲 事 不狄晉者,晉爲 夷 故不書秦伯 狄之道也。」王 伐晉,而 程 之戦 盟主,有 子 彸  $\Box$ 直 Æ

> 矣,未 虞,則 是戰 成。 Ŧi. 成 以 歸 救 於夷,秦 子所以 唐之後; 無 其狄之何? 春秋》 + 後 丽 加 成 中 秦爲 年 楚子曰:『釋齊、秦,他 不 兵 風 國之義 國之萌 聞 亦狄之矣。」《 結。 而 之襚,使 深致意於秦 由 於晉者 變於夷者也。」於 人爲之 狄 於 韓 楚役。 台 序,《 也 原 也。 又明年,盟 楚之興,秦之力也。 之後,秦師 也 也。 術 狄 書》系 至 於次、《國 自晉主諸夏之盟,舍 來 鄭 陳 其 會于 也。 又三 聘,秦習 猶 氏 不 于宋, 秦 口 能 夷儀 傳 + 也 是 無 於 吾 救 **>** 風 或 , 狄晉甚 年 狄 君 周 聞 陳 而 之歲、秦、晉 請 於禮矣。 而 秦,夏之變 大 末 退 用 南 相 蔡 夫,皆 秦於 狄 ; 狄 憂 北 自滅 見 而 鄭,又 於 變 之勢 也。 伐 作 魏 也 夷 夫 秦 庸 則 鮮

此鬭宜申也。但名之,謀弑其君也。討亂

楚殺

其

大夫

宜

申

恒 書 人, 此 謀 弑 其 君 則 曷 爲 稱 或 以 殺 ?

楚 人 不雨,至于秋七月 諱之,以 他 罪告 也

及 蘇 子 盟于女栗

自

īĒ

月

子何? 足 以 台 不言公者也。 翟 曷 蘇 諱 盟 侯 爲 泉之盟,諱公則王子虎稱 子 諱之。 也。其不日,所 諸 不言公? 者,天子 侯,若諸 翟泉之盟,伯者之事 於是中 大 諱 侯 夫 與天子大 特 或 也。 以 相盟之爲者,其 無伯、天子大夫 别於及外大夫盟 孰 夫盟 人。 及之? 中也,爲 此其 也 王 公也 事 自 室 書 向 與 蘇 而 無 出 也

冬, 狄侵宋

楚子、蔡侯次于 厥貉

會諸 書 ? 外次必有關於天下之故 侯于息 晉靈公 而 少 次 /, 不 于 在 厥 貉 諸 侯, 楚 ,故特書之,以是 而 後書。 欲 啚 此 北 何 方 以

未嘗 得志 嘗已 序,《 至 而 每 城之盟 乎晉、楚之閒者、《春秋》 中國、夷狄之勢未分,則三國恒被其禍 鄭 厥 是 侯次厥貉,用見楚之未得志於諸侯也。 侯 未 爲 辰 與 也。 貉 陳 重於叛晉,則會于息非 而 有 夷 侯、鄭 蔡侯 陵 無先後緩急之差也。 從 未集 於 春 言 夏 則 蔡遷於楚, 而 ,陳侯、鄭伯皆在,而 楚 1秋》重 陳 次 盛 其但 後 列 鄭 矣, 也。 者 衰之機 伯會 書,則 數之,則 書蔡  $\Box$ 絶 也 晉 此 楚子于息 丽 其言 台 雖 也 中 陳 侯 於是 爲 也。 不 國、夷狄之勢決矣。」 溢 何 次之,鄭介 新 競 次  $\wedge$ 罰 ? 會 陳 城 會于息,宋、陳、 何 , 君大夫數 必 其 ,遂會蔡侯,次于 矣,故息會不書, 息不 氏 之 ? 楚未足 故諸侯之反 (意也。 有 傳 盟 靈 察馬。 以  $\sim$ 書,書 城之際,鄭  $\Box$ 兩 則 楚 以 非其意 閒。 會 楚 之 得 以 及 啚 猶 外 IIII 於 蔡 覆 當 新 而 未 鄭 不 諸 會

+ 有 年 春 楚子 伐 麇。 **摩音** 

君

義 ; 伯 楚 也 初 及中 書 當 君 或 中 將 無 或 也 伯 有 伯 其 則 則 書君將何 著 其 正其名 寅以 ? 明 以信 夷狄之彊 以 中 攘 卻 或 之 無

夏,叔仲彭 此《春秋》之旨 生會晉郤缺 也 于 承筐

謀 諸侯之從楚者也

秋,曹伯來朝

公子遂如宋。

狄侵齊

冬十月甲 午,叔 孫得 臣 敗狄于

國,故 諸 有 儒 此 左氏傳》曰: 侯 成邓 以 年 之 太 以 春,王 禮 邑來 子 諸侯之禮逆之。 朱 也 奔。 儒 īE. 「不書地,尊諸侯也。」《 也 郕 月 伯 魯 郕 則 卒 人喜於得 伯 其 城 來 日 不名,異 奔 人 郕 Ì. 伯 地 君, 何 III 成君 ? 太 矜 其 陳 子 逆 也 E 朱 失 以

> 魯謂 也。 人 辨 也。 可以 吾 傳 而 志 而 從 則  $\Box$ 《春秋 之,徒 郕伯 弗辨。 自 廢 而 非 : 見,《 <u>7</u> 志 修作春 之,無 此 ; 之際,足以 以》之作 見其 码 苟無 春 郕 秋 太 太 秋 改 以》之辭 子州: '', 别 悖 亂於名實,則《春秋》不 子 馬, 何 禮 也 治 嫌 亂名實, 蒲,魯 焉 何 也。 明 焉 也 魯 耳。 微 ? 逆 ? 謂之晉侯。 而 郕 以 故 則《 己。 唯 太子朱 諸 凡辭從 其 春 侯 有不 如 秋》 之 儒 禮 從 辨 君 主

杞伯 來 朝

一月庚子 , 子 叔 **逆卒**。

傳》曰 此 無 異 其 稱子 何 絶 也 以 寧 昬,公許之。」内 : 何? 不言來歸? 此 絶 杞 内女歸 也。 叔 周 姬 人字積叔 杞 也 寧恒 桓 以 何 女爲 公 不 歸 以 來 書 不言 寧 大夫出 朝 故 也 來 或 請 也 杞 加 絶 ? 言 曷 子 女來歸 叔 來 左 以 姬 氏 自 而

言

歸

?

内

其卒之何 卒,據 齊 ? 叔 姬 嘗 郯 爲 伯 君 姬 不卒,蓋 夫人矣,雖 不 以 禮 見 成 出 其 吧。 猶 以 此

姑姊妹之禮 成 其 喪 也。 不書葬,同 於 在

室也

夏,楚人圍巢。

秋,滕子來朝。

秦伯使術來聘。

冬十有二月戊午,晉人、秦人戰 于 河 曲

陳氏

.傳》曰:「此秦伯、晉趙

盾

也。

曷

爲

稱

人? 戰,秦晉 君 少,不在諸侯,北方可圖也。」而 亟戰也。 叹 戰 前 於是范山言於楚子 楚 君 將 稱君 矣。 秦、晉 i i 是 故 戰 呕 益日

必言及,而 曲、略之辭也。』《穀梁 不 言 及,曰 傳》 岩 曰:「不言及,秦 人、秦人戰 于 河

晉之戰已亟,故略之。

孫 穀梁傳》 行父帥 師 -城諸 稱 帥 師,言有 難也。」 孫明復

及

鄆

言 始於 帥 此。」胡邦 師 畏 者三,非惟勞民以 莒故 也。」張 衡  $\vdash$ 洽 「《春秋 氏 一苔、 城城 城,又毒衆以 築 二十九, 魯之争

争也。」

夏五 十有 月壬 三年春, 午, 陳侯 Ξ. ΙĒ. 朔 月

邾子蘧蒢 卒。 音 渠 除

自 Œ 月 不 雨 至 于秋

七月。

大室屋壞

《穀梁傳》曰:「大室屋壞,有壞道 月朝之,有 先君之廟壞,極稱之,志不敬 割,夫人親春,敬之至也。 修也。大室猶 曰:「世室者,人君之所常有事 日大室, 羣公日 知者? 則其不知省也久矣。」 司 以 世室也。 時 宫。 黟堊之, 豈有 禮,宗廟之事, 周公曰 爲社稷之主 者也 也。」高 大廟,伯 將 也,譏 壞 公每 抑 君 而 崇 不 而 親 禽 不

和我

冬,公如晉。

衞侯會公于沓。

狄侵衛。

十有二月己丑,公及晉侯盟。

公還自晉。

鄭伯會公于棐。二音:匪、吠,鄭地。

十有四年春,王正月,公至自晉。

凡公如而至不月。此至以四時首月,故

書之。

邾人伐我南鄙。

叔彭生帥師伐邾。

夏五月乙亥,齊侯潘卒。

伯、晉趙盾。癸酉,同盟于新城。六月,公會宋公、陳侯、衞侯、鄭伯、許男、曹

其 功,救鄭無 陳 復 氏 序 傳 何  $\Rightarrow$ ⊟ : ? 功,與秦亟戰,而楚浸彊,交聘 諸 向 夏之志也。 也扈之盟,不 晋 ·序諸 侯 救 侯, 江 無 此

> 會,諸 而徒以趙盾 如之何 是公朝 乎中國 夏之懼 一,得 晉, 勿序 蔡,次厥貉矣,而晉遂不競 衞 主是盟 也? 甚 侯 矣。 來 以 會 諸 汲 ; 書 公還 夏之汲 汲 日 於 同 自 晉 盟 汲 晉 自 而 於 爲 出出 鄭 晉 此 以來 伯 也 盟 於 來

未之有也。」

秋

七月,有星孛入于

北

斗

于北斗,斗有環域也。」孫明復曰:「孛,《穀梁傳》曰:「孛之爲言猶茀也。 其曰

之屬。偏指曰彗、光芒四出曰字。」

公至自會。

晉人納捷菑于邾,弗克納。菑,側其反。

《穀梁 之 ? 也 知 千乘之國,欲 之,何 ? 長轂 弗克其義也。 傳》曰:「其曰人、微之也。 知 之晚 Ŧi. 變 伯 乘,過宋、鄭、 人之主。 也 ! 捷菑,晉 未 伐 至 而 其 出 滕、 日 城 也。 弗 薛 下, 何 克,何 貜且 然後 复 爲 微

彗

人

競也。 河 傳 車 辭於邾人。 而 齊 进趙 晉區 出也。 之會自參以上皆人之,趙盾爲之也。」十 區納亡公子於邾,又以 楚方交聘于上國,得蔡,次厥 盾皆不書。 「此趙」 貜且 自敗于令狐,盟于扈,救鄭,戰 盾 正也,捷菑 也,曷爲 由是訖 稱 不正 人? 靈公之篇,兵 也。」《 少陵長,見 以晉 貉 陳 爲 矣。 不 氏

九月甲申,公孫敖卒于齊。

七年伐宋、宣二年侵鄭

敖已絶卿位,惠叔毁請于朝,感于赦父,恩也。」卒于外,則公未嘗臨其喪,其日何?●也? 爲受其喪,不可不卒也。其地,於外也? 爲受其喪,不可不卒也。其地,於外《穀梁傳》曰:「奔大夫不言卒,而言卒何

齊公子商人弑其君舍。

實過

隆

故

書

其

H

定篡弑之罪也。《記》曰:「君薨,大子號稱舍未踰年,其曰君何也? 正君臣之名以

君,嫌與成君異也。」 以未踰年也。 成君者, 豈臣子之所得言哉? 君主後,社稷宗廟之所繫而 臣民之義以 子之心而 子,待猶君也。」是故 爲 之號 IE. 孫明復曰:「弑未踰年君 其 也。 名也。 未 弑 踰 未 嗣 年不日君,緣 踰 子 存 年 繼 也。 其不日 君 世 稱 其 以 爲 不 先 稱 則 緣

宋子哀來奔。

奔大夫恒名之,此其不名何? 以别於有

冬,單伯如齊。單音善。

罪而見出於其君者

也

昭姬于齊。冬,單伯如齊,請子叔姬。」❷《左氏傳》曰:「襄仲使告于王,請以王寵求

齊人執單伯。

●「子」、原作「于」、今據夏鏜本、金曰銿本、四庫本改。
●「日」、原作「曰」、今據金曰銿本、四庫本改。

爲 伯  $\pm$ 蓋  $\pm$ 而 方,救江之役、黑壤 於是魯之請 陳 以 季 室。 内 見 汲 之變焉,則 氏 於晉。 執 子 之也。 天子之使 傳 , , 來聘, 而文、宣之際,王 **>** 春  $\Box$ 秋 葬僖 昭 伯 王 尤  $\sim$ 姬,晉 所 者 室 而 汲 春 公、錫文公命、 甚 益 作 見執 於 秋 之盟 懼 不 之命 天下,不 魯 也。 競 書 於齊 也。 卿士 矣。 周 Ŧ 隨 大 會, 商 叔 知 而 數 夫 以天子 人, 賵 桓 有 齊 有 猶 如 公 含 王. 諸 人 事 假 吾 成 在 久 之使 侯 執 于 寵 大 矣 風 焉 莫 單 川 於 夫

齊 人 執 子 叔 姬

爲 有 單 Ŧi. 年 伯 與子 春,季孫行父如 叔 姬 故

三月,宋 司 馬 華 孫 來 盟

其不 稱 來 ? 盟 稱 未 不 使, 稱 有 稱 官 П. 官 不名 則 者, 無 何 此 以 華 見 非 其 耦 君 伐 也, 命 公子 曷 也。 爲 印 向 以 也 也 官

於其 晉 矣。 其 是 盡 交其 司 人 則 右 爲 襄 饋 非 君 書 君 一、衞 使 夫 城 殺 以 飴 其 齊 昭 師 右 也 華 其 公 人 大 宋昭 高 杵臼」,則獄有 來 師 鮑 材 其 君 而 夫 之弑 以 陳、 孫 之 1: 老 命 子 奔」、「宋司 大夫」、「宋 鮑 不 黨 殺 以 公立 來盟 者 而 來 華 與夫 或 鄭 稱 皆 元, 及 其 來 盟 而 爲 使, 人謂 伐 君 賑 盟於我,必 於魯。 卿,是 ,不勝羣 大夫、公子之忠於君者 華氏 人 猶 司 宋 其飢 祖 且. 所 F 寇 馬 人 君 討 母。 所 不 之族 進 我 華 華 殺 故 無 弑 明 名 歸 以 日 無 禦 其 公子之偪 孫 華 道 公子 君 年,宋 矣。 遊 成 有異志 爲之也 君 謂 大夫 事 則 來 耦 者, 於六 其 也。 盟、 之子 鮑 非 爲 亂 事 鮑 而 禮 司 人 口 其 臣 者也 爲 卿 於 使 以又不 馬 弑 馬, 魯 也 書 於國 君 宋 賢。 賊 之門 其 非 其 日 不 命 子 華 而 君 我 一, 而 與。 也 弑 宋 宋 寍 者 於 無 爲 元 大 而 無

所 遯其情矣,故來盟恒不月。 據來盟 九 四 皆

不 户。 於是特書月以異之。

夏,曹伯 來盟

齊 人歸公孫敖之喪。

言 也,則 寘諸堂阜,惠 大夫喪還不致,據仲 來? 何 無 以 專 志 ? 叔 使 取 也 有 而殯之,則無 君 遂、 齊 命 公孫嬰齊。 人爲 也。 孟 歸 氏 專使 此 則 謀, 奔大 何 口 飾 以 夫 知 棺 不

策書之大體存,而 敖雖 廢 命 奔莒, 世卿之失見矣。 而 其子猶繼立於朝, 吕居仁 矣。

其曰

齊人歸之何?

見其

所以歸

也

則大夫之汰甚矣。 以其子之汰,請其父之

喪,雖欲勿許,得乎? 於是以見大夫之

專 也

六月 辛 1 一朔,日. 有食之。 鼓,用牲于社。

單 伯 自

陳 氏傳》曰:「吾大夫不致,必見報而後

致。《春秋》書周大夫如吾大夫然,故

至單

伯 也。」

晉 部缺 帥 師 伐蔡。 戊申、入蔡。

人不言伐,而言伐,晉

也。

之役,蔡無不在焉;厥貉之次,會楚 有辭 踐土、翟泉 者三

國,而經獨 書蔡; 於是新城之盟 不致, 則 蔡

之罪 H 將不日。 據此及襄二十五年鄭公孫舍之人陳皆日 宜討。 苟伯者有討於諸侯,雖大夫 其 日,謹之也。 外 入國, 晉雖 雖 將 君

秋,齊人侵我 西 鄙

不競,而諸侯

叛夏盟者,終不可以

無討

也

季孫行父如晉。

冬十有一月,諸侯盟于扈。

新城嘗序諸侯矣,於是蔡始 服 而 晉侯、宋

公、衞 以謀伐齊,則曷爲 侯、蔡侯、陳侯、鄭伯、 不序? 晉終不足與有 許男、曹伯

也。 齊商人弑其君,執天子之使,三 緇

爲

下

之大

故

也。

此其言

遂

何

?

齊

始

敗

夏

盟

葬 侯 也。 不書。 是并 絶 公之篇,凡合諸 春 不爲 矣。 秋学 以 失 不弔 之變。 又將 齊 齊、 自 ·晉 以 商 有 葬 魯 人 伯 閒 也 中 伯 雖 弑 以 晉 侯 者 或 來,中 其 得 以 皆 無 蔡 君 絀 以 不 伯 魯, 其 無 或 序 執 則 能率諸侯尊王 能 天子之使, 之勢 而  $\pm$ 而 爲 晉 室愈卑 頃 也 又 不  $\pm$ 能討 崩 故 變 葬 終 雖 而 也 室 弔 諸 復 靈 由

十有二月**,**齊人來歸子叔姬。

故 始 非 以 其 歸 罪 叔 日 略 之。 齊 于 出 姬 嘗 人 也 齊 來 略 見 何 據宣 之, 止 歸 以 何 不 所 + 故 六郯 ? 書 ? 以 著 異 伯 其 既 之也 姬不 有 見 以 釋 其 其 月。 也 本 卒 然 見 必 則 其 絶 録 子 月 於 其 叔 何 齊 末 姬

《東泛專》曰:「一支「可再「可事,齊侯侵我西鄙,遂伐曹,人其郛。

苟 悉書也, H 傳 則 以遂言之。 役 而 再 有 兵事言遂,必天 事,不 悉 書 也

> 有 故 魯,於是伐曹, 之也。」《左氏 也 也 而 入郛 新 六 城 晉文公卒,襄公能 年 而 之 皆不書,於齊特 春,季 齊 盟 獨 諸 爲 傳》曰 孫 晉遂 夏 亂 行 汲 階 父會 不 汲 : 執 競 焉 書之。 謂 合諸 天子之使, 齊侯于陽穀 古 而 諸 [結之, 諸 侯 侯, 侯 不 武,故 靈 能 則 雖 加 猶 也 不 齊 悉 兵 有 書 是 於 屬 侯

弗及盟。

+

夏五月,公四不視朔。 及齊平也。

公之 齊侯 政 疾 不 几 不 也。 視 不 不 絀 視 朔 視 諸侯非 與季孫盟, 曰「請俟君 於 朔 朔 無 者 者,自二月 齊 以 ? 也 議 有 經 爲 疾, 陽 皆 也 穀 不 無 至五 之會 書 不 計 視朔者 月, 十二公, 此 公稱 何 閒」,故公比 此 以 不 疾不行 書 岢. 視 有 無 疾 其 以 以 而 朔

不 視 朔 以 實 其 ì 得 請 而 後 復 初 則 公

非 有 疾 也 絀 於 齊 也

六月 戊 辰,公子遂及齊侯盟于郪丘。二音: 西

妻,齊 地

特 書大夫盟諸 相 盟 一, 雖 大夫稱及,内爲志也。《春 侯,皆惡其伉。 吾君及外大夫 秋》

盟 ,則不言公而日。 不言公以示義, 則 H

月。 以 見實 不月 也。 以 吾大夫及諸 示 義 则 稱 君 侯盟,則 以 見 實 稱 也 君 吾 而 大 不

夫盟諸 拔。 不然,則夷狄之君也。 侯 而 日 者,異之也。 此齊侯 哀二年及邾 也 一, 而 子盟 與 Ŧ

夷 狄之君 同 日, 惡其瀆 貨 以 要 盟 故 異

之也

秋八月辛未,夫人姜氏薨。

毀泉臺

不 臺 事 曰 毁,壞 貮 事 Щ 除 緩 之也。 喪也 穀 以 梁 文爲 傳 多 日 失 道 喪

> 矣。」 也。 勞,既築之而又毀之,可謂勞矣。」劉 曰:「以爲祥而毀之,非明民之道也。」 孫 自 明 古 復日: 爲之,今毀之, 「惡勞民也。 不 築之勞, 如 勿 處 侍讀 毁之 而  $\exists$

楚人、秦人、巴人滅庸。

夷狄滅國,恒不月也

冬十有一月,宋人弑其君杵臼

人,閻 閽 弑 或或 君者曷或稱 日 稱 閣, 盜 卒? 名氏,或 曰 盜 以 賊 赴者 不 稱 以 國,或 稱 賊 名 赴者 氏, 稱 稱國 微 者 或 稱 稱

君,天下之大惡 卒赴曰卒。 以 賊 世 **,** 而 赴者,獄 獄 所 有 歸 所 歸 是 或 也。 猶 有 弑

臣 子也。 不以 賊 赴, 有 有 獄 無 所 歸 也

惡者矣。 吾 魯· 史 也,他 或 之 獄 何 知 焉 ? 君,天下之大惡

也

而

獄

無

所

歸

則

有

受其

弑

從而書之,辟 不 敏 也。 春 秋 亂 臣 賊 子

而 作,於是宋人殺 其 大夫 而 弑 其 君 魯 與

74

ĮΨ ĮЦ

懼 來奔」、「宋司馬華孫來盟」、「宋人弑其君 殺其大夫司馬」、「宋司 聞 其不日 焉 乎故 據 則獄 者 故正之日 也 十八年齊 有所 而 以 人弑其君日。 歸矣。 「宋人 微 者 八殺其 書, 城 稱 來 則 人,非微者矣。 所以别其非微 奔」、「宋子 大夫」、「宋人 亂 臣 賊 子 哀 何

十有七年春,晉人、衞人、陳人、鄭人伐宋。 宋,討曰:『何故 大夫稱人,失討賊之義也。 晉荀林父、衞 孔達、陳公孫 弑 君?』猶立文公而 《左氏傳》曰: 寧、鄭 石 楚伐 還。

者矣。

夏 四 月癸亥,葬我 小君聲姜。

卿不書,失其所也

齊侯伐我 西 鄙.

六月癸未,公及齊侯盟于穀。

諸 侯會于扈。

宋及晉平,宋文公受盟于晉,晉侯遂會諸

也。 侯于扈,以定 遂 受 盟 其位。 于 楚。 鄭穆公曰 書 日 諸 侯, 晉不 無 伯 足 之 與

辭 也

秋,公至自穀。 後,魯知有齊 此何以致? 公會諸侯不致,據僖以 始 M 會晉 己。

而

事

齊

也。

盟

于

穀

而

前

公與

諸

侯

盟

會皆

不

書

不

致

以

爲

恒,

則

致之

十有八年春,王二月丁 冬,公子遂如 齊。 丑,公薨于臺下。

以見義也。

秦伯罃卒。營音鶯

《穀梁傳》曰:「臺下,非正

也。

六月癸酉,葬我君文公。

夏五月戊戌,齊人弑其君

商

秋,公子遂、叔孫 得臣如

二事行也。 使舉上客 脯 惡與視皆齊出也,仲遂將殺惡 不稱介,此 其 列 數之何? 以

齊人不從,故 托二事, 偕 季孫 行

與

視

而

立

宣

公,恐

適立 叔 孫 庶者,仲 以 請 于 齊也。 也。」故告立于齊,請會于齊, 季孫行父曰:「使我 殺

皆季孫專之。葉少藴曰:「自僖以來,三桓

子孫浸强,遂視三家爲最親。 如齊、如 盡 晋、

矣。 如 未能與之抗 楚、伐杞、伐邾皆遂爲之,魯之政 文公立而遂益專,叔孫、季孫 也。 於是,得臣、行父皆 雖 與 進 在 遂 聞 而

之弑

君而

稱國者也。

據晉弑其

君州蒲

書

日

乎,故其所由 來者漸矣。」

冬十月,子卒。

明 既 《復曰:「未踰年,故不日以别之。」 葬未踰年日 子,弑而 日卒,諱之也。 孫

夫人姜氏 歸

子弑 弑 鉉 轍 翁 赤 故 氏曰:「齊人弑舍而歸 而 無天子,下無方伯,莫能討 母 歸 于齊。 出。 出 姜 《左氏 于 齊。 傳》 弑 曰:「大歸 君 叔 出 姬于魯,魯人 母,内 也。 也。」家 外

> 父如 齊

齊,齊 許 翰 氏 與聞乎故也。」 一前 乎子 卒

如

齊,後

乎子

卒

如

莒弑 其君庶其。

弑 、君者, 太子 僕

其

也

曷

爲

不

書

僕

弑

僕見 故 不 以 黜 賊 而 赴 大 也。 或 以 其不日, 弑 其 君 以 以 别於富國大臣 其 寶 玉 來 奔,

春秋集傳卷第 七

後學 成德 校 訂

四 Ŧī.

## 春秋集傳卷第八

新 安東山 趙 汸 輯

何

?

諸

侯無

專放,放與殺

體

也。

放

稱

公

宣

元年春,王正月,公即 位。

《穀梁傳》曰:「繼故言即位,與聞乎故也。

公子遂如齊逆女。

三月,遂以夫人婦姜至自齊。

《穀梁傳》曰:「大夫不以夫人,以夫人,非

不稱公子? 一事 而 再見者,卒名也。 其

正也,刺不親

迎

也。」《公羊傳》曰:「遂何

見 稱婦,有姑之辭 敬 嬴,妾也 而姑之也。」 也。」高抑崇曰:「稱婦姜、

> 夏,季孫行 父如、 齊。

請會也

晉放其大夫胥甲父于衞。

大夫非殺不言其大夫,此放 也, 則其大夫

其大夫者,譏其 專也。 或 稱 或 以放,或

以放,義與殺 其大夫同 也。 《穀梁傳》

遠方也。 曰:「放,猶屏 晉與 也。」高抑崇曰:「放者,投之 衞 同 爲 列 國,而 放其有罪之

辭,迫於勢也。」

臣

於衛、是鄙

衞

也。

衞人受晉之逐臣

而

不

公會齊侯于平州

宣公篡立而請 會 于 齊,求列 於諸侯,免於

討 也。

以

公子遂如齊。

六月,齊人取濟 《左氏傳》曰:「拜成 西  $\mathbf{H}$ 也

四六

傳襄二十六年 氏 左 (傳))日 氏 傳 「外取  $\Box$ -齊取我 : 「爲立公故 高魚。 邑不書,雖 必 有 以以 歸 取 賂 之者 諸 齊 我 也 不 也 書,據 然 後 陳

秋,邾 子來 朝

是故濟

西

Ш

書取

謹闡書取。」

齊故也。

楚子、鄭人侵陳 遂侵宋。

侯伐衞遂伐晉,事在 事 始,故謹 夏之君分爲晉、楚之從矣。 後 北之勢於 陳氏傳》曰:「書遂侵宋,言不在陳 Ŧī. 無言遂者矣。言遂者,非 + 年 而書之也。自是訖《春秋》師 是 而 晋 始 趙武、楚屈 也。 襄二十二年。 後十五年 建 南 則 與 同 國 · 而 宋、 盟 北之勢於 盟 伐 主 于 盟 伐 宋,諸 楚平, 也,南 主,齊 與 再 有 是 或

晉趙 盾 帥 師 救 陳

八年。

也

0

晉土

鞅侵鄭,遂侵衞

傳曰

衞叛晉也。」事在定

宋公、陳侯、衞 靈 公之會諸 侯、 侯 不序 曹 伯 大 會 夫, 晉 師 自参以上人之。 于棐林 伐 鄭。

此 趙 盾 之師 也, 則其 列 數 諸 侯 會 之何?

侯 嫌 不 以 序, 中 或 而 絀 楚 於夷 君將 狄 稱 也。 君 是《春 自 中 或 秋 無 所 伯 以 而 諸

辨

名實 也。 然晉 雖弗伯,而 中國之大義 不 以

無伯

而

亡。以

楚得鄭、侵

陳

遂侵宋,稱

君

將 矣, 而 救 陳人、晉大夫會 伐 鄭,不 序

利,明其道不計其功 侯,是遂 無 中 或 也。 **奉** 故當楚書 秋 **>** 正其義 君 將, 謀 則 其. 中

或 競,而楚終不可 君大夫禦楚,雖無功,從其恒 無 一稱,明 大義 普 於 雖

冬,晉趙穿帥 爲不言趙盾之師 不 天下也。 《公羊傳》曰 師侵崇。 ? 以 君不會大夫之辭 : 討,所 此趙 盾之師 以 信 也,曷 也。

趙穿者,盾之族也。

晉人、宋人伐鄭

秋 集 傳

74

八

歸 之也。 年 敗 鄭 牛 君 也; 績 伐 帥 春 m ,王二月壬子,宋 宋,受命于 師 大夫 身 戰 大夫生 又見獲 于 獲言 大 棘 死 楚 師 也 皆 敗 也。 宋師 日 績 君 獲,言 華元 師師 獲 不 敗 言 績 不 重 帥 獲言 獲 伐 言 與 師 大夫等 師 宋 以 及 敗 敗 華 鄭 及 績 績 元 戰 公子 也 重 見 師

秦 師 報崇 伐 番目 彻

以

夏,晉人、宋人、衞人、陳人 是兵 也。 益 盾 晉 此 興諸 晋 以 也 車 楚 卑 趙 之會 方 矣。 侯 鄭 盾 圖 之 爲 以 陳 中 楚伐宋,獲 師 諸 自 或 以 侯 氏 參 之師 伐 傳》曰: 以 而 鄭, 晋 Ŀ 。 曷 其 以 皆人之, 侵鄭 间 大夫用 大夫,晉之 以晉 畏 爲 楚 稱 輙 人? Mj 諸 爲 還 楚 甚 侯 中中 恥 皆 以 不 也 稱 曲 競 或 罪

秋 九月乙丑、晉趙盾弑其君夷臯。

子

矣

書 弑 也。 講 同。 弑 後 盾 靈 曰:「穿,盾之族 不 日: 何 一番 穀 者 聽 其 反 公朝  $\Box$ 人 也 梁傳》 趙盾 : 『天乎 諫,不 志同 出 「趙 盾 薛 君者乎?』史 趙 ? 一趙 士龍 諸大 盾。 也,穿受命 盾 弑 以 Ľ 則 딘 : **.**! 穿 弑 其 聽。 罪 不遠。 日 : 一 夫 書 弑 史 其君』,誅首惡也。」 君 天乎 盾 穿 重,非 ൬ 君 狐 夷 出 也 子 暴 君 而 書 弑 泉』者,過 狐 ! 亡,至 君 9 字之弑 彈之,觀 而 將 盾 也。 딩 : 曰:『趙 子 其 弑 行 子 殺 首 而 以 事 盾 惡 無罪 郊。 子 反不 盾 誰 罪 是 者 丽 在 不 其 爲盾 ? 爲 盾 孰 穿弑 盾 也。」吴先生 趙 弑 下 盾 辟 討 IE. 何 故 弑 穿 也 與 爲 丸 圃 之弑 賊 卿 君 也 書 公。』盾 弑 聞 盾 也  $\Box$ 之 則 則 君 盾 乎. 胡 而 也 故 侍 志 諫 主 忍 趙 而 弑 日

冬十 月 乙亥,天王 崩

三年 春,王正月,郊牛之口 傷, 改 1 牛。 牛

死,乃不郊,猶三望。

未牲曰牛,牛傷改卜,禮也。改卜牛又死,

牲不言不郊,從可知也。言牛死,則言不異也。乃不郊,重其變,不敢瀆也。言免

郊。牛死得再卜,須言不郊,義乃盡也。

此何以書? 記異,且言猶三望也。

葬匡王。

楚子伐陸渾之戎。

虎、蠻氏之類、皆不書。此何以書? 近王都也。夷狄相伐不書,據文十六年戎伐楚,哀四年楚克夷

夏,楚人侵鄭。

陳氏傳》曰:「窺周室也。」

得已 將 知 何 鄭 以 即 亦 不書? 不書 也。 晉 侕 凡 也。 ,以見《春秋》雖責備於 以侵伐取成者不悉書,雖 故書晉、楚之侵伐,則鄭 晉侯伐鄭及郔,鄭 以鄭之反覆乎晉、楚之閒,非 及晉平。 鄭 向 而 晉 背 察其 君 自 口 即

秋,赤狄侵齊。

楚也。

情

也

然

猶

書

侵

伐

者,

所

以

譏

益日

而

罪

宋師圍曹。

冬十月丙戌,鄭伯蘭卒。

葬鄭穆公。

几

年春,王正月,公及齊侯平莒及郯。

莒人

不肯,公伐莒,取向。

《穀梁傳》曰:「及者,内爲志焉爾。平者,

也。伐莒,義兵也。取向,非也,乘義而爲成也。不肯者,可以肯也,莒人辭不受治

不肯,吾有不義焉。伐莒,强也。取向,利利也。」劉侍讀曰:「平莒及郯,義也。莒人

使大夫盟之,辭曰:『使子路要我,無所用也,非君子之道也。小邾射以邑歸魯,魯

言,子路可謂能以言信矣。推子路之心,盟。』千乘之國,不信其盟而信子路之一任力是表

四九

集 傳

居郯、莒之閒,安有不聽者哉?」

秦伯 稻卒。

六月乙酉,鄭公子歸 生弑 其君 夷。

也。 弑 而 生,正卿也,而 宋獲免、是《春秋》爲法書之論 君者公子宋也,則曷 然則公子宋無 與聞 乎故,則歸 罪 與? 爲蔽罪歸 以歸生受誅 生固爲逆首 也。 生 ? 法者 歸

之分明, 教,誅首惡以 而禍 . 亂息 正人心。 矣。 人心正則君臣父子 故謂 台 1趙穿、 鄭 宋

具

獄

以

定

刑,故

有

出

入之患。

 $\wedge$ 

春

秋》

立

爲佚罪 累於《春秋 必 欲 是法書之謂 成 盾 與 歸 生 也 爲 首 弑 然 後 無

赤狄侵齊。

秋,公如齊。

公至自齊。

冬,楚子伐鄭

五年春,公如齊。

夏,公至自

秋九月,齊高固 來 逆子 叔 姬

以與之。 穀梁傳》曰: 來者,内也。」《陳氏 諸侯之嫁子 於大夫,主 傳》曰 :「公自 大夫

主之也。 於是公如齊、高固 使 | 齊侯 止. 公請

叔姬焉,則高 固伉也。」吴先生曰 :「宣公負

篡國之罪,倚 齊 以 自 安, 數 朝 數聘, 猶 以 爲

未 敢違,又且自爲之主,蓋其身爲不義,故能 也,甚 至 齊臣 强委 禽焉,亦與之女 而 不

何人 其志,不辱其身,而常信於人上。 忍恥辱而 (哉? 屈於人下。 强 與之國 一,義 彼曹子臧、吴季札 不 肯受,故 能 不降 果

叔 孫得臣卒。

不日,公弗臨 也

冬,齊高 古 及 子 叔 姬 來

馬不躬至,歸寧無並 左氏傳》曰: 反 馬 也。 行。 家 高 鉉 古 翁 卿 氏 也,而 日 「反 與

婦 俱 來 非 也

楚人伐 鄭

將 稱 君 矣,此曷爲 稱人? 役 而

故 略 之也。 楚比伐鄭,不能服,於是楚子再見, 略之,則荀 林父救鄭伐 陳 何 以

事

也。

不 書? 陳、 鄭 體 也。 力不足以 保 陳 而

伐 陳 以 救鄭 非伯 者救 中國 之道 也,故 書

侵陳舉重

六年 春 , 晉趙盾 衞 孫 免侵陳。

討 貮 也。

夏四 月。

秋八月,螽

冬十月。

七年春,衞侯 使孫 良 夫來 盟

謀會晉也。

夏,公會齊侯伐萊。

秋,公至自伐萊。

冬,公會晉 侯、 宋 公、 衞 侯、 鄭 伯

曹

伯

于

有 黑壤。

再

而 下 何以

侯? 晉靈之會盟皆不序,黑壤 成公初 有 志於諸

于扈,既 侯 靈

也

台

公

再

失鄭

復序諸

晉是 諸 侯 無能爲。 失 齊,又失魯,且 成公立而 將以伐 失陳

以

自

鄭

鄭

既 服 则 则 有 事 於陳。 於是請王命以合諸侯

于黑 餘 烈矣。 、壌、而 故 王 晉 叔 之 桓 盟 公 以 會 復 涖之,庶乎文、襄之 序諸侯於是始。

雖 然,猶 未書君將 也

八年春,公至自會

夏六月,公子遂如 齊,至黄 乃復。

此 有疾 而復 也。 曷爲不言 有疾 ? 據 昭 公 如

晉,有疾乃復。 復,君禮 也。 義 不 人臣不以 可言也。 死 或 生 君 貮 外 君 如 命, 有 無 疾

而

以 疾還之道 也。 禮,賓入竟,有 疾 而 死,遂

Ŧi.

黄,齊竟 介將 若賓 也 命 死 朝 未 以 聘 得 疾 將 還 而 終。 命 非禮 則 以 也。 既 尸 斂 將 于 命 棺 造 造 禮 也 干 死 知

朝

也

辛巳,有事 于 大 廟 仲遂卒于垂

故言之,譏 君 此 有 事言 大廟 事 謂  $\Box$ 也 褅 則 大事 不 也 其 在 爲 用禘,故不言禘 言 大 廟 有 臣 事言 事  $\Box$ 大事,羣 何 ? 日 有 雖 公公 事, 也。 大 日 廟 各以 遂、公 也 有 事 其 爲

也。 内 子季友卒、公子叔肸卒。 子也,其 不地,竟外地。 ^ 陳 日 氏 仲 傳  $\forall$ 何 日 也 諸侯雖不出竟,地之。」 ? 蒙上文 其不言 録異恩 也。 公子仲遂,據 也。 大夫卒竟 垂,齊 地 公

壬午,猶繹。 萬人,去籥

何 ? 祭之旦 萬 穀梁傳》 入去籥 于 日之享賓也。」《公羊傳》曰: 舞 何?  $\Box$ 也。 猶者,可 去其有聲者,廢其無 籥者 何 ? 以 已之 籥 舞 辭。 也。 聲者, 「萬者 繹者 其言

> 八爲廢 其 不 可 而爲之也 時 之祭,有事 一。一何 休 于 氏 廟 日 而 聞 之者,去 禮 大 夫

戊子,夫人嬴氏 薨。

樂

卒事,卒事

而聞之者,廢

以夫人之禮喪妾母 也。

楚人 師 滅舒蓼。

晉

、白狄伐秦。

羣 舒 皆 東 夷 之國 也。 據成十 七舒 庸 襄二十

Ŧi.

舒 鴻。

秋七月 甲子,日 有食之,既

庚寅,日 中 而 克葬。

冬十月

己

Н.

葬

我

小

君

敬

嬴

雨,不克葬。

君

事 己 JU 一嚴,不  $\mathbb{H}$ 紼 執 , 葬之 紼 可  $\Box$ Ŧi. 以 也。 百 冒 雨 闹 遣 而 不克葬者,禮, 葬 車 也。 七乘, 庶 人縣室,不 其 物 備 葬 其 用

0 「遺」,原作「遺」,今據四庫本改

封 不樹,不爲 雨 止 則大夫以 E 一葬,爲 雨 止.

《左氏傳》曰 雨 ,不克葬,禮 也。 死, 禮,

葬之以禮,故不得行禮則不葬也。」 卜葬先遠日,辟不 懷也。」何休 氏曰:

城平陽。

楚師伐陳。

九 年春,王正月,公如齊。

公如不月。 荷如以 兀 時 首 戸, 則書其月,

非 Ē 事不敢 廢時首也 改故 如京師 月。

公至自齊。

夏,仲孫蔑如京師。

齊侯伐萊。

秋,取根牟。

根牟,微國 也。 或 而 日 取,不絶其祀也。

八月,滕子卒。

九月,晉侯、宋公、衞侯、鄭伯、曹伯會于扈。

晉 荀 林父帥師伐陳。

> 師 胡 邦 ,大夫猶專伐 成 也。 合諸

衡

日

:

公 再

侯,

圃

以

林 父 帥

辛酉,晉侯黑臀卒于扈。

冬十月癸酉 高抑崇曰:「不言卒于會者,諸侯已散也。 ,衞侯鄭卒。

宋人圍 隊。

楚子伐鄭。

晉郤

缺

帥

師

救

鄭。

陳殺 其 冶

大夫洩

殺

諫

臣也

十年春,公如齊。

公至自齊。

齊人歸 我濟 西 田

事 胡 齊也,故不言來歸,見公如 歸 己而後歸之也。」 侍講曰:「魯宣自卑以事 田 邑不言我,其言歸 我 何 ? 齊 齊,齊侯以其能 而 後反之也。 公親受于

Εi. Ξ:

夏 四 月 丙 辰 日 有 食之。

己巳,齊 侯元卒。

齊崔氏出 奔

穀梁 傳》 日 : 「氏者,舉族而出之之辭也。

公如齊。

五月,公至 自 齊

之者也,而公不行;於大國 晉,月。 其月,以 奔喪,臣子之事 奔諸侯之喪,異之也。 也。 諸侯於天子, 使使 據成十年 人者也 公如 而 親

喪,是故異之。 公親之。 宣公之事齊恭矣, 異之者, 譏之也。 而莫甚於 其 後 奔 則 其

送其喪; 成公如晉,奔晉侯之喪,甚則襄公如楚,且 又甚 則 昭公弔 少姜,晉 人不 納

癸巳 陳 夏徵 舒 弑 其 君 平. 或

所

以

自

屈

於齊者,由

其

本之不正也。

魯道

日

以

卑

矣,

而

其

失

自宣公始。

然宣公

六月,宋 師伐 滕

> 然宋 之私 而 而 介於大國之閒,上 悉書之何 春秋》 或 宋 襄 而 人 亦 븐 舉 執 韋 見 滕子 重 其 ? 韋 或 前 齊桓卒而宋人執 閒 於楚,諸夏之無 丽 · 中 晉 年 身亦見執於楚,宋文 國之無伯 無天子,下無方 之不競 宋 人 韋 滕 也 一; 小 其君 今又 道,夷 滕 國之憂也。 ,晉伯衰 伯 伐 小 滕 或 狄 圍 則 ", 其 之 滕 爲

資 也

公孫 晉人、宋人、衞 歸 父如 齊 葬 人、曹一 齊 人伐鄭 惠公。

則 時 救 鄭 必 鄭及楚平,而諸 非微者矣,其 鄭 伯 敗 楚 師 侯之師伐 而 稱 子良憂之; 人何? 鄭, 當 取 至 九 成 年 是 而 郤 而 還, 及 缺

侯, 陵。 是伐 楚平, 豈得 又不能威楚,徒紛争耳,故人之也 鄭 以晉大夫專伯 取 成  $\exists$ 矣,俄 也 哉? 而 討 楚子遂盟 罪,不能 懼晉不足 信 陳、 恃 義 鄭 以 彻 屬 于 辰 於

Ŧi. DЦ

秋,天王使 王季子來 聘。

之大夫也。 王季子,先王之子也。 其稱王季子何? 《公羊傳》曰:「天子 據 叔服不繫王不

稱子,王札子不稱季。 貴也。 其 貴 何 ? 母 弟

子弟,據卒稱王子,殺乃稱弟。 也。」何休氏 曰:「子者,王子也。 故上季繫先 天子 £ 不 以

明之。]陳岳氏曰:「天王使卿大夫來聘多

者。 矣,或爵之,或字之,未有使母 斯母弟矣,名之不可 也。 弟下聘諸侯 爵之字之,

則 頃 者,是貴王母弟之義也。」《陳氏傳》曰:「自 何 王而下,王室無聘魯者。 以 别 於卿大夫? 斯不名、不爵、不字 於是再聘,而

王貴 子實來,則已尊已。」

閒 齊 也

公孫

歸

父帥

師

伐邾,取繹。

大水

季 孫行 父 如

> 聘 嗣 君 也

冬,公孫歸父如

伐邾故 也。

齊侯使國佐 來 聘。

未踰 年 ·稱君 以以 嘉 好之事來,録其從

吉

也

饑

劉侍讀曰:「凶年,補敗不足曰饑,死傷流

楚子伐鄭。

亡日大饑。」

於是晉士會救鄭,逐楚師 于 潁 北。 以諸侯

之師戍鄭不書,晉終不競於楚,不足書

也。

十有一年春,王正月。

夏,楚子、陳侯、鄭伯盟 于辰 陵

厥貉不 書陳、鄭,以 非其意也。 盟 于 辰

陵

楚猶 也。 未 得 其不月何? 志 焉,則曷爲書之? 夷狄之盟 恒不月也。 晉終 失 陳

據僖二十年、二十二年狄盟同不月。

鄭

ti. Ti.

一五六

公孫歸父會齊人伐莒。

秋,晉侯會狄于欑函。

晉 故 諸 序,故 倡 外相會 ·何? 義 侯 卑甚矣。 申之會不 於天下, 序,不殊者,必 除殊之。 日 會于某,内 夷 殊 而晉 殊之者,外之也。 狄 淮夷。 也 汲 汲 夷  $\Rightarrow$  $\Box$ 夷 [會之。 於 陳 狄 狄 羣 氏 而 不 狄 傳 自 口 ?,至往 此 相 使 以 其 會 與 夷 以 「楚方 者 會焉 狄 諸 内 也 血 侯 辭

冬十月,楚人殺陳夏徵舒。

據晉侯書入曹 其月,爲 夷 狄 陳 殺 殺諸侯之大夫,不 夏 中 執曹伯。 徵 或 舒, 討 賊 則 修《春秋》之辭 也。 其 先書殺 户 。 於是 凡三 楚 後 子: 皆 書 也。 爲 伐 人 E. 陳 入人 事 何 月。 遂

也。 之國 討 賊 者,夷 不 也 以 《穀梁傳》曰:「此 夷狄 狄 之 之强 强 也;討 廢 天 下之公,故 賊者,天下之公 人而後殺,其 先 正 不 其

> 何 ? 之,則討之可也。」 爲 專 是討 恒 且. 自 日 言入何也 討 百 宋 無 稱 示 年 人也。」《公羊傳》曰 萬 賊 道  $\wedge$ 上無 春秋》之法,惟討 者, 於 事 而 書 ? 此 下 人 臣弑 天 無 也,人一 而 明楚之討有罪 則楚之討 子, 討 後殺 其 賊 下 君,子 者,雖 ,與之以 事 無 方 夏 也。 : 賊 弑 伯 諸 徵 討 不 也 其 天下 舒 之 楚 討 以 )° \_ @ 侯之義 父, 其 不 呕 賊 内外貴賤 以 稱 之 陳 力 諸 其 子 義 氏 楚子 能 侯 不 矣, 罪 也 傳 得 有

丁亥,楚子入陳。

猾 此 夷 夏 其 狄 同 H 人 文,故 中 何 ? 或 不 日 既 以 日 īE 别之。 其 據 討 荆 賊 蔡、 則 狄 人 人 衞 陳 楚 不 人 可 人 與

納公孫寧、儀行父于陳。

則 陳 但 氏 書 傳 納  $\forall$ 曰 : 公孫 寧、 凡 奔 儀 非 行 其 父, 罪 與 納 之者 君 淫 者 罪 也

不 書 奔 何 ? 微二子 則 楚 師 不 出 徵

則

其

舒 書納何? 二子足以 不 討 ,靈公不 葬。 免於奔而已。 然則宜納 者 也 圃 納之 則 其

者,楚子之過也。」

十有二年春,葬陳靈公。

楚子圍鄭。

夏六月乙卯,晉荀林父帥師及楚子戰于邲,

晉師 敗績。

此 不絶晉之禦楚也。 救 鄭 而 敗 績 于 楚, 晉,率諸侯 則 曷 爲從 以 其 攘 恒 夷 狄 稱 者 ?

奪其恒稱,楚終不可以無討也 也,當晉大夫自將 以禦楚子,雖 無 功 猶 不

秋七月

冬十有二月戊寅,楚子滅 蕭

夷狄 滅 小 國不月,大國 則 日。 此 附 庸 也,

啚 其 宋。 日 ·何 ? 蕭、宋之附庸也、滅蕭 危及宋 也。 楚既 所 得 以 陳 偪 與 宋也 鄭,即

> 晉人、宋人、衞人、曹人同 盟于清丘

此晉先縠、宋華椒 衞 孔達也,曷 爲 稱

人?

楚子圍鄭 滅蕭矣,而晉大夫區 品 强

師 同盟,由是衞背晉救陳,楚圍宋三時 不 出,晉盟 不 足賴 矣。 故晉主 夏 盟

而

台日

或

以

H 略 不 序諸 侯,不 日 ·; 此 又不 月以異之。 恒

《左氏傳》曰 : 「於是卿 不書,不實其言也。」

陳氏 傳》曰:「中國 無 伯 也。 由救鄭之後、

書矣。」 上皆不書,大

會伐

自

參

以

宋師 伐陳。

衞 人救陳。

十有三年春,齊師伐莒

夏,楚子伐宋。

秋,螽。

0 自「微二子」至「靈公不葬」原重文,今删

夫會

盟

一亦不

五八

冬,晉殺其大夫先穀

有 四年 春、衞 殺 其大夫孔達。

夏五 月 <u>I</u>: 申 曹伯 説 壽

爲救

陳故

以

于晉也

晉侯伐鄭

鄭、告於諸 鄭,且將圍 於諸侯、未有甚於 晉 君將嘗不書矣。 宋也。 侯, 蒐 焉 此 而晉 時 楚人陳得陳, 而 還, 也。 師 不出,楚之得 則其 景公爲邲 書 1之何? 韋 鄭 故 伐 志 得

未 楚之從, 楚之從 有 甚 矣。 於斯 而 無 上 時者,而晉 伯 無 者以斥之,是 天子 下 師不出,則諸侯皆 **無** 方 伯 無 諸 中 或 侯 也 皆

中

或

不

可

以

終無伯也。

楚之得志於諸侯,

伐鄭始書之,予之以復伯也。 齊、魯從 合諸侯伐鄭 而 鄭 服 几 · 楚 同 盟,皆其君親之,於是 亦 無 能 爲。 是故 晉 侯

景公始有志於文、襄之業,自伐

齊

而

後,一

楚平矣,僖二十四年宋及楚平。

至莊

王始書之,

秋九月。

爲下葬月 也 0 凡 圍國著例不月

楚子圍宋。

葬曹文公。

冬,公孫歸父會齊侯 于穀。

十有五年春,公孫歸 楚以兵加宋,魯常迎而會之,僖二十 父會楚子于宋 年

及 魯 也

諸侯盟于薄、二十七年公會諸侯盟于宋。

以

宋

絀

則

-公會

夏五月,宋人及楚人平。

《陳氏傳》曰:「凡平不書,必關 也而後書。 有爲楚平者矣,於陳 於天下之故 不書,文九

年。 於鄭不 書,宣十年。 至宋始書之。 宋及

勢、《春秋》特 致 意 焉

必宋從楚,必莊

 $\pm$ 

一得宋。

天下將有南北之

六月癸卯,晉

師滅赤狄潞

氏,以潞子嬰兒歸

氏 逞 爲 距 或 此 Щ 其 之威 其 天 不 楚 甘 荀 書, 人。 志 方授楚,不 踰 林 心 頓 於 父 是故 凡 時 而 而 羣 也 滅 庶 荀 狄 伯 , 夷 晉 曷 林 業 也 可 幾 大 爲 狄 父 墮 與 晉 夫 稱 滅 荀 雖 之能 争。 非 將 師 潞 舍 君 經 以 ? 氏 其 將 顧 遠 恤 禦 不 大 以 不 閒 之 病 楚 書 而 晉 書 赤 略 也 啚 雖 狄 人 日 隨 也 細 之 之 晉 會 無 人 衰 釋 此 滅 功 宋 則 以 以 甲 悉 而 X 楚 中

據

秦 Ĺ 伐

其

君

歸,

故

H

札子 狄。 伐 此 而 之, 晉 秦 有 敗 秦人不懲 几 桓 以 年矣。 召伯 秦 公 啓 師 也, 毛 釁 于 曷 輔 于 再 晉 伯 爲 氏 晉 世 既 稱 求 連 焉, 敗 人 績 兵之禍 書,略晉 故 ? 于 秦 楚, 晉 君 秦 乃 又 而 自 之 乘 方 罪 將 不 其 有 秦 稱 交 隙 事 也 兵 于 Щ

陳 氏 傳 日 兩 下 相 殺 雖  $\pm$ 卿 士不 書  $\pm$ 

殺

也; 也。 者, 《穀梁傳》曰 之弟 臣 殺 矯 纔 殺 毛 蘇 類 兩 召 傳 伯、 不 命 伯 也 下 與 天也; 昭 此 爲 臣 爲 再. 卿 衞 召 以 招 相 + 毛伯, 何 人君 人 殺 氏、 以 書 殺 殺 則 此天下所以 以 年. 之,非 臣  $\pm$ 之。 王 不 陳 繼 譏 毛氏 劉 -: 書 圃 孫家 而 不言 獻公 命 志 世 天 不 失其 ? 侵 王  $\pm$ 者 子 殺 乎 忿 旧 争政, 殺 人也 其 札 斥 札子者,當 其 ^ 偃 則 怒 其 Ħ 命, 君 君 春 悼 子  $\pm$ 傾 何 何 相 師 人 之 公十 是 也 而 使 秋 殺 之 也。 也 也 殺 志 命 争 ; ×, 不 皆 王 召 ? 辭 也。 焉? 八 君 政, 君 斥 而 此 伯、 子 也 是 年 上之辭 兩 之所存者, 用 君之辭 也 其 殺 £ 故 故  $\pm$ 下 毛伯 之,是不臣 得 爲 志 終《 召 於 子  $\vdash$ 殺 相 君不君 天 戴 是 以 何 也 E 春 殺 下 伯 也。 陳 H 公 王 王 也 也。 秋 過 È 命 命 殺 侯 而 及 孫 之

秋,螽

仲 初 税 孫 蔑 畝 會 齊 高 固 于無 婁。

又履其私田之畝,復十取其一,故哀公曰: 初 ·税畝者何? 井田之法,十取其一。今

《穀梁傳》曰:「初者,始也。古者十一,籍 而不税。初税畝,非正也。古者三百步爲 二,吾猶 不足。」蓋十取其二始於宣公也。

一。私田稼不善,則非吏,公田稼不善,則

里,名曰井田。井田者,九百畝,公田

非民。 爲居,井竈葱韭盡取焉。」《公羊傳》曰:「始 取一也,以公之取民爲已悉矣。古者公田 初税畝,非公之去公田 而履畝,十

履畝 下之中正也。 而税 也。 什一行而頌聲作矣。」 古者什一而籍。 什一者,天

冬,蝝生。

以書? 蝝,螽子也。 爲一 歲再生,記異也。 不月,不成螽也。 不 成 冬蚰 何

0

鄉」,原闕,今據《考古圖》補

饑。

十有六年春,王正月,晉人滅 赤狄 甲氏 及

留吁。

夏,成周宣榭災。 《公羊傳》曰:「成周者,東周 也。 據 成 周 乃

災,從《公》、《穀》經文

城下都之總名。 宣榭 者何? 宣宫之榭 也。

胡

 $\mp$ 

侍講曰:「以宗廟之重書之也。」據《考古圖

**郑敦稱**「王格于宣榭 •

居

秋,郯伯姬 來 歸

伯 姬 始歸 于郯,何以不 書? 以 其 見 出

冬,大有年。

書「來歸」,重其變故

,略其常也

丁未,蔡侯申卒。

十有七年春,王正月庚子,許男錫我卒。

夏,葬許昭公。

六〇

葬蔡文公。

六月癸卯,日有食之。

斷道。 己未,公會晉侯、衞侯、曹伯、邾子同盟于

魯復 而 再見,斷道 事 晉 也。 而 《陳氏 後 不 日 傳 同 盟者寡矣。」 同 盟 至 新 城

秋,公至自會。

冬十有一月壬午,公弟叔肸卒。

先君之子稱公子,有

謂

稱

弟。

肸,公子

也

喪以大夫之禮也。公以大夫之禮喪其弟,其重者卒之也。非大夫不卒,此何以卒?則其稱弟以卒何? 以公之喪其母弟,舉

字 ? 其 姬,皆禮之變也。 卒,卒紀叔姬,外夫人非 則卒之,記禮之變 母弟,恩視季友、仲遂而得爲 録 異 恩 也。 記禮之變則 宣公以庶篡 也。 蓋 内女不卒,卒 内 女 適,於 世 曷 非 卿,以 爲 夫 人不 是 兼 齊 比 Ŧ 喪 稱

桓、莊之族也。

有八年春,晉侯、衞世子臧伐齊。

以閒晉也。晉是以不競于楚,而歷三君問晉文公卒,齊不復從晉盟。魯侯伐莒,皆

侯不附。景公爲斷道之會,始徵會于齊,不及齊。齊,東方大國也,晉不得齊,則諸

伐矣。

而

齊侯不至,於是自將以伐齊,庶

※ 乎知

所

公伐杞。

《陳氏傳》曰:「自是內不言君將,征伐在大

夫矣。」

夏四月。

秋七月,

邾

人戕鄫

子

于

鄫

弑,自外曰戕。」其不名鄫子卒,不志於魯戕,弑也。《左氏傳》曰:「凡自虐其君曰

者也 也。 例 在僖 據邾人執鄫 十九年。 子用之書日 不日, 以 别於在 何休氏 外 日 而 : 罹 刺 難

鄫 無 守備 也 \_0 范 甯 氏 日 : 惡 其 臣 子 不 能

桓

距 難 也

甲 戌,楚子旅卒。

葬 ? 楚 人 始 卒舉 告 喪 而 往 弔 也。 楚 何 以 卒 而 侯 不

周

爵

而

名

則

來

赴

以

諸

之禮. 也。 喪者以 號 正 配益,楚 其 僭 王 號, 雖 我

君 有往,不可言也。 不書葬,辟其號 《公羊傳》曰:「吴、楚之 也

公孫 歸 父如 晉。

冬十月壬戌,公薨于路寢。

歸 父還自晉,至笙,遂奔齊。 大夫還不 至,其曰還自 台 何 ?

爲

奔言

故

罪 也 有 關 奔不言出 乎 國之故,與他 道亡也。 不日 大夫之出奔者 例見閔二。 其

之,謀於公,而 歸 也 父知三 魯自 桓 東 之 門遂弑 遂 强 如 而 晉。 公室之弱 適立 其 庶,而大夫益 濟 也,欲 則 仲 以晉 氏 專。 去

> 者也 公子 憖 國之力以鉏其 也 ; 夫爲 不 奔 濟, 齊 國者不能 則君受其名。 亦 强宗,未 不 H 以禮 有 憖 不亂且 欲 馭 此 援 臣 亂 台 亡者。 而 臣 以 之 欲 出 援 濟 故 季 大 惡

氏 也

春秋 集傳卷第八

後 學 成 德 挍 訂

## 春秋集傳卷第 九

新 安東 山 趙 汸 輯

而後

作州兵,魯初

税

畝

而

後

作丘

甲。

《公公

侯不給於征伐而後

加

賦

於民,故晉有

爰田

侯大夫,皆以

甸

賦

之。

甸,四

Æ.

也。

自諸

制

軍賦

起

於 井

而

成

於

甸

自

天

子

至

於諸

州

兵,鄭之言丘

賦

也。

見

僖

+

Ŧi.

年、

昭

四

年。

周

羊傳》曰:「始丘使之也。」其車徒卒伍之數 不可知矣。

夏,臧孫許及晉侯盟于赤棘。

不月,略之也。 凡内大夫特盟 諸 侯 恒 略

之,惡其伉也。

秋,王師 敗績于茅戎。

者無敵,莫敢當也。」《穀梁傳》曰:「不言 茅戎何以 也。」《公羊傳》曰:「曷爲不言敗之者? 王 之於諸侯也。 夷狄敗中國不日。 不月? 劉康 王師 公曰:「伐戎不書,諱之 據外相敗 天下莫得較,故 日。 王師敗績 異 于

成

公

無冰 元年春 二月辛 終時 二, 王 酉,葬我君宣公。 無冰則志之。周之二月,夏之季冬 Œ 月,公即 位。

三月,作丘甲。

此月無冰,則終無冰矣。」

也。

孔穎

達

氏

티 :

「以盛寒之月書之也。

也。 志 重賦也。丘,四 古者謂甲兵,魯之言丘甲,猶晉之言 邑十六井也。 甲,猶兵

戰,莫之敢敵也。」《陳氏傳》曰:「戰然後言

劉 敗 質 績 夫 此  $\Box$ 不 : 戰 書 何  $\mathbf{E}$ 以  $\pm$ 書 師 敗 敗 績 績 ? 于 言 茅 戎 自 敗 而 也 尊

冬十月。

尊

之義

與

 $\pm$ 

師

自

取

敗

之道

咸

見

矣。」

二年春,齊侯伐我北鄙。

貳於晉也。

夏 四 月 丙 戌, 衞 孫 良 夫 帥 師 及 齊 師 戰 于 新

築,衛師敗績。

及 六 孫 齊 嬰 月 使孫 齊 之,用衆 侯 癸酉 齊 師 戰 良 帥 者 夫侵齊,遇 于 師 ,季孫行父、臧 齊 焉 牽 會 稱 侯 晉 齊 師 也。 郤 師 克 敗 齊 齊 績 師 衞 侯 役 孫 戰 伐 孫 而 焉, 許、 魯 良 再 故 叔 夫 反 有 二曹 但 孫 调 事 言 僑 衞 公子 者 師 如 略 衞 也 公 首 侯 Ì

衞 月 内 燕 會 會 師 而 不 此 日 月 其 戰 雖 取 據 戰 君 桓 將 之 十三年 不 H 月 加 公會紀、 之會 苟 會 鄭, 之上 戰 及 鄭、 也 何 宋、 則

伐 不 1/ 君 書公子首; 是,衛未有 卿 也 棘 據 衞 非 夫 據經 也 不 介,至是 傳 伐 ,甚矣鞌戰之忿 0 並 書 卿 在 IE. 恤 在大夫, рц 襄 曹 不書大夫。 出,各 宋 會伐 也 不 焉,舉其貴者 其 元年 不 穀 卿 華 書。 書 儿 元 興 而 梁 宋 然後 孫 不 卿 不 肁 師 大 自 傳 蒯 無 不 而 據傳 Ħ 書 其 帥 彭 之類。 並 爲 >夫將,書孫良夫; 將 賞鞌之功,晉 獨 城,書 政自 樂  $\vdash$ 文三年 師 帥 日 出 帥 佐 魯 會 之 公子 師 也。」《 也。」胡 也。 雖 晉樂壓 季 雖 也。 戰 魯 類 H 卿 晉 此 氏 無 以 何 其 三家之勢成 自 救 忧 書 陳 其 出矣。」 人 以 不 自 悉 侍 江 也 文之季 言 兀 書 氏 乎 於 非 不 ? 爲 四 講 也 荀 書 傳 卿 成 帥 是 元 功 或 H 偃 先 以 **>** 曹 公之側 有 師 帥 之 僕,襄 曰 是 年. 故 吾之四大 宣三 無大 六卿 何 無 亦 各 臣 成 而 異 年 大夫 不 + 戰 É 凡 公初 無 其 戦 書 七 於 齊 征 使 帥 帥 事 几 年. 大

一六四

秋 七 戸, 齊 侯 使 或 佐 如 師 0 己 酉 及 或 佐 盟

于袁婁

不欲 者,盟 於楚子。 桓 之,何也? 門之茨,侵車東至 楚 如 郤獻子,齊有以 甚甚之辭焉。 公羊傳》曰 穀梁傳》曰:「鞌去國五百里,袁婁去國 屈完言來盟 以 合九國之師 師者,講盟 今臨淄 偪 以 非 據《傳》,國佐言背城 齊君。 臨 前 縣西 齊侯 楚 定 于 敗衞 盟 有袁婁。 師。 也。 也 齊有 「逮乎袁婁 使 以 桓公之所不敢,而 屈 取 0 或 完 來盟于師,前定 臨楚,屈完來盟 師于新築,侵我北鄙,敖 之也。』《陳氏 曷如不言求盟于師 海。 可不 佐 也,退 以 壹戰綿 如 取之也。』齊有以 借一,則袁婁近齊國都 君子聞之,曰:『夫 可,未可 師 而 而盟 地五百 後與之盟 川 進 傳》曰: 召陵,以 知之辭 盟 于 也 四國之臣 里,焚雍 之於袁 師。 ? 也。 如 也 禮 齊 取 Ŧi. 師 桓 據 明

> 月壬午,宋公鮑卒。 敢 爲之,甚 矣鞌戰之忿 也。

八

取  $\mathbf{H}$ 

庚寅,衞侯速卒。

其曰 汶陽 汶 陽 取 Ш 何 ? 本 魯 受之于師,其歸  $\mathbb{H}$ 也,齊 人 歸 我 非 汶 齊人意 陽 之  $\coprod$ 

一,則

也

冬,楚師、鄭師 侵衞

魯實乘勝以取之耳。

將也。 此公子嬰齊 侵衞,遂侵我,以 也。 其稱 師 救齊也 何 ? 楚未書大

十有一月,公會楚公子嬰齊于蜀。

亦假周 變文而後爲譏也。 則諱,公會之何以不諱 名之也。 也,而以諸侯大夫之禮與之接,不 楚無大夫,其曰公子何也? 制以 不名之而曰公子,據楚稱王子。 録其君臣焉耳。公及大夫 凡《春秋》辭從 ? 盟 甚矣,會不待 嬰齊,楚令尹 主 口 人 以 ПÍ 盟 則 旧

公以示義 皆 不待 則 變 會從其 文 而 恒 後 爲 辭 以 譏 見 者 實。 也 然 故 北諸 何 ? 侯之大夫十 楚師 侵 衞

我 何以不書? 以公之會之,諱之也。

則

公何

以

會嬰齊?

侵我

而

與之成

也。

侵

以公在也。

例在僖十一

年。

盟

諱

惡

自

見

人、齊人、曹人、邾人、薛人、鄫人盟于蜀 丙申,公及楚人、秦人、宋人、陳人、衞人、 鄭

盟于宋。 夫盟。 與 盟 而後盟,閒無事 事 閒有 異 此 也。 非 事 則 有 公 事 地會 與 則 也, 據翟泉。 盟 地 地會不地盟;據溴梁大 則 , 自 盟。 其 參以 再 據葵丘及諸侯 言 上 地 不言 何 ? 大夫 及, 會

從 文 **曷爲言公及之**? 其 也 恒 稱 會稱 以 見實, 公子 嬰齊,盟 則明變文以 曷 有 爲 示義 事者,因 稱 人? 故 宋 會

一役

而

再

上

雖

會大夫不言及。

會

與

盟

事

異,

則

不 華元 王人則不言公,楚大夫會盟 書 ,楚大夫初會 、陳公孫 寧、衞 盟 孫良夫、鄭公子去 中 或 也。 中 國 晉大 則其言公 夫 會 疾 皆 盟

> 不出 ,於魯何譏焉? 有 遂 侵 故 或 我。 以 不 諱 爲 宿 公也。 是 師 盟 魯 地 而 其日, 晉師 合 南

三年春,王正月,公會晉侯、宋公、衞 侯、 曹伯

伐鄭

二月,公至自伐鄭 辛亥,葬衞穆公。

甲子,新宫災,三日哭。

也。 《穀梁傳》曰:「新宫災者,禰宫 敢稱謚,恭也。」《公羊傳 廟災,三日哭,禮 宣公則曷爲謂之新宫? 也。 何以書? ₩ ⊟ 也。 「宣公之宫 不忍言也。 記災也。」 迫近不

夏公如晉。

乙亥,葬宋文公。

鄭公子去疾帥 師 伐 許

 $\wedge$ 

陳氏傳》曰:「鄭初書,大夫將也。」

六六

公背 華即夷,一 歲 而 再伐許,故狄之。」

秋,叔孫僑如 帥 師 韋 棘。

公至自晉。

公羊傳》曰:「棘者何? 汶陽之不服邑

也。其言圍之何? 不聽也。」趙伯循曰:

内言圍,皆叛也。」

大雩。

晉郤克、衞良夫伐廧咎如

衞 冬十有一月,晉侯使荀庚來聘。 侯使孫良夫來聘。

丙午,及荀庚盟。

丁未,及孫良夫盟。

公與大夫盟,雖來涖盟,猶諱之。 大夫終

不可以盟諸侯也。 《陳氏傳》曰: 「聘而 遂

盟之於是始。」

鄭伐許。

侵伐諸夏,故夷狄之也。」孫明復曰: 何休氏曰:「謂之鄭者,惡鄭與楚比周,數 「鄭襄

杞伯來朝。

三月壬申,鄭伯

堅卒。

四

年春,宋公使華元

來

聘。

夏四月甲寅,臧孫許卒。

公如晉。

秋,公至自晉。 葬鄭襄公。

冬,城鄆。

戴少望曰:「鄆有二:東鄆,莒邑,魯所

也, 西鄆, 魯邑, 今新城者也。

鄆、讙、龜

陰

争

城鄆 三邑,皆汶陽之田,本杜氏。 以爲固也。」 魯既得汶陽,故

鄭伯伐許

也。其未踰年而自將以 狄之則曰鄭伯何? 易世矣,故著其恒 濟惡,因可見矣。 稱

五年春,王正月,杞伯姬 來 歸

秋 集 傳

何 ? 此 非 罪 婦 出 人之義,從 也, 據 卒 書 杞 叔 者 姬。 也。 其 苟 以 乖 出 從 辭 書之 一之

義,一 姬不月。 以出 以别於罪出者。 辭書之。 於是特書其月,據郯伯 然則叔 姬 始歸 于

杞何不書? 以書 來歸, 故略 其 恒 辭 以

異之。

仲孫蔑如宋。

夏,叔孫僑如會晉荀首于穀。

《左氏傳》曰:「晉荀首如齊逆女,宣伯餫諸 穀。」然則 非 或 事也, 書之如國事 然,政 在

梁 Ш 崩

大夫也

大川 梁 山,晉 不以封諸 望 也。 侯,故不繫之國。 曷爲不言晉? 《公羊傳 古者名山

 $\Box$ :「爲天下記異也。」

秋,大水。

冬十有一月己酉,天王崩。

六年春,王正月,公至自會 鄭伯、曹伯、邾子、杞伯同盟 于蟲牢。 十有二月己丑,公會晉侯、齊侯、宋公、衞

侯

二月辛巳,立武宫。

《公羊傳》曰:「武宫,武公之宫也。 不宜立也。 "武公佐宣王南征北伐有功,故謚 立武宫,非禮也。」高 抑 , 崇 曰: 立者, 日 武

季孫行父以鞌之功再立武宫,與魯公爲二

侍讀曰:「魯,諸侯也,而僭天子之禮,雖欲 祧,蓋僭天子之禮,若文、武二世室也。」劉

1022

尊其祖,鬼神 不享也。 而學者習於魯之

故,更大之曰『魯公之廟,文世室也,武公 典 之廟、武世室也」。 也。」 久矣夫! 其以僭僞爲

取 鄟

衞 孫良夫帥師侵宋。

《左氏傳》曰:「以其辭會也。」晉伯宗、鄭人

不書,非卿,略之也。

夏六月,邾子來朝。

爲下日卒月也。 據來朝著例 不月。

公孫嬰齊如晉。

《左氏傳》曰:「命伐宋也。」

壬申,鄭伯費卒。

秋,仲孫蔑、叔孫僑如帥師侵宋。

楚公子嬰齊帥師伐鄭。

《左氏傳》曰:「晉命

也。

(陳氏傳》曰:「楚初書大夫將也。」

冬,季孫行父如晉。

晉樂書帥師救鄭。

七年春,王正月,鼷鼠食郊牛角,改卜牛。 鼷

鼠又食其角,乃免牛。

爲不郊言故,且記異也。

吴伐郯

陳氏傳》曰:「吴初入伐中國也。」《左氏

傳》曰 不振旅,蠻夷入伐,而莫之或恤,無弔者也 ::「吴伐郯,郯成。季文子曰:『中國

夏五月,曹伯來朝

夫 !

吾亡無日矣。」

爲下事月也

不郊,猶三望。

言免牛,不言不郊。言不郊,閒有

事也。

秋,楚公子嬰齊帥 師 伐 鄭

子、杞伯救鄭。

公會晉侯、齊侯、宋公、衞侯、曹伯、莒子、

公至自會 八月戊辰,同盟于馬陵。

吴入州來。

杜元凱曰:「州來、楚邑。」《陳氏傳》 「吴、楚之交兵不書,據傳,伐楚、伐巢、伐徐,子 딩 :

七奔命。 至是始書之。」《左氏 傳》 티 : 「是以

始大,通吴於上國。」晉人爲之也。 盟 於

六九

邾

蒲,景公將始會吴,吴不至,於鍾離而後

於戚而後至。吴之爲蠻久矣,其不敢自列至。盟於雞澤,悼公又逆吴子,吴子不至,

晉亦不復伯矣。人州來,不可以不録其於諸夏,而晉求之急,將以罷楚也。楚罷,

始也。

冬,大雩。

不月,異之也。例在桓五年。

衞孫林父出奔晉。

見惡於其君也。

八年春,晉侯使韓穿來言汶陽之田,歸

之

于齊。

晉樂書帥師侵蔡。

公孫嬰齊如莒。

宋公使華元來聘。

夏,宋公使公孫壽來納幣。

來納幣不書,據紀伯姬、齊子叔姬不書來納幣。

使

秋,

無

來錫

命,而王人

亦鮮

至於魯,

則

 $\pm$ 

命

蓋

弔

而

不

葬

然

且.

來

錫

公

命

自

是

終

春

卿則書之,從史文也。

晉殺其大夫趙同、趙括。

秋七月,天子使召伯來賜公命。

者文公即位,天王使毛伯來錫之命,其曰天子賜之何? 不請命而來錫也來七月 另方修召作來則么名

公即立八年矣,而召泊以逷命來。 以逷命序》,季孫行父請命于周,即此事作頌,爲將躋僖公。 成

孫得臣如

周拜,則

以

魯人嘗請

之也。

據《詩

而

叔

昔

來而 公即 位 不往 八 拜,則 年 矣, 魯人未嘗 而 召 伯 以 有 錫 請 命 也。 來。 天子之 以 錫 命

爲天王也,賜之爲錫也,一也。向也追命

曰天子何也? 隱、桓之際,王命數及于桓公,則王不稱天,此未嘗有請而來錫,其

侯而追 魯,則 猶足 命 桓公,則 以 龍諸 非禮 侯 也。 莫大乎是,故爲 王命 猶足 以 寵  $\pm$ 

惜之。伯者不作,王室愈卑。定王崩,魯

一七〇

而 不 ПП 足 不  $\vdash$ 天 請 以 子 寵 來 ', 不 諸 錫 侯 日 於 焉 錫 王 耳 而 何 日 譏 王 賜,異 焉 命 不 足 其文以 故 以 不 寵 諸 異 天 侯 其  $\pm$ 

事 而 己。

冬十月 癸 卯,杞 叔 姬 卒。

非 歸 叔 内 女爲 不 罪 姬 卒, 出 來歸,則曷爲以杞卒之? 而 夫 此 繫之以 人 卒而繫之杞,則 來 歸,卒不繫其 杞者,無 絶道 以 國。 夫人之禮成 非 也 據子叔 罪 内 出 女 也。 來

其 喪 也

晉侯使士燮來 聘。

叔 孫 《左氏傳》曰:「言伐 僑 如 會晉 士燮、齊人、邾人伐郯 郯 也 以 其 事吴故。」

衞 人 來 媵

見 來 非 媵 常 常 事 彻 也,不志。 志晉、衞與 齊人來媵

九 年 春 -, 王 正 月, 杞伯 來逆 叔 姬 之喪以 歸

> 公會晉侯、齊侯、宋公、衞侯、鄭伯、曹伯、莒 會也。」 魯 是 不 喪 異 之不 則 復 其 而 魯 奉 爲 事 其 之也。」李堯俞 也 不 IE. 得 祭祀,死豈 均 使逆之, 杞 穀 矣。 梁 傳 其 不 叮  $\Box$  $\vdash$ 不 成 : 書 得 叔 婦 夫 葬 歸 姬 於 無 何 ? 葬之。 既 祖 逆 絶矣,生 宗乎? 出 妻之

子、杞伯同 盟于蒲

之。 何 盟 益 及 未 類 自  $\mathbf{H}$ 也。 吴 非 幾 ? 而 馬陵以來,諸 以 王 而 攜 誠 ,而受孫 可 晉懼 貫 服 故晉主夏 伐 魯,志 保 也。 郯,以 蟲 道 失 曰:「甚哉晉景公之不 牢 諸 林 不 晉人亦知 足矣,何 父之奔 侯 是 得 侯 盟恒日 未有 道 也。 於 宗諸 楚 三也。 諸 必 以 而 ,於是特不 自反 馬 侯 侵 隙 侯 之從於 陵? 蔡, 衞 矣 雖 則 反 乎? 威 日 其 汶 馬 智 H 百 不 日 晉者 馬陵 陽之 陵 以 盟 足 司 彻 足 以 1 異 無 盟

矣,何必于蒲? 五年之閒凡三同盟,不即

乎人心甚矣!」

公至自會。

二月,伯姬歸于宋。

不言逆者,親迎也。

夏,季孫行父如宋致女。

致女常事也,不志。 使卿

則志之。

孫

明

復

晉樂書帥

師伐鄭。

者婦人三月而後廟見,成婦。父母使大夫曰:「致女使卿,非禮也。」何休氏曰:「古

操禮 信 也。 而 致之。 貞信著,然後婦禮 必三月者,取 成。 故 時 婦 足 人 以 未 别 廟 貞

晉人來媵。

見

而

死,則歸葬女氏之黨。」

秋七月丙子,齊侯無野卒。

晉人執鄭伯。

銅 於 鞮 是 鄭 則 伯 其 如 稱 晉 人以 晉 執 人 討 何 ? 其 貮 非 於 伯 楚 討 也 也。 執 中 諸

> 矣。 或 無 楚人以 伯, 鄭 之反 重賂 求 覆 乎晉、 鄭 鄭 伯 楚之 竊 會公子 閒 有 成 自 來 于

鄧,即往朝于晉,鄭非果於叛晉也。晉-

執 何 以 鄭 伯 罪 鄭 以 伐 爲 哉 鄭 前 ? 故 歸 雖 鍾 討 儀 貮 使 但 求 成於 稱 楚,則 而 鄭

伯歸于鄭不書。

冬十有一月,葬齊頃公。

楚公子嬰齊帥師伐莒。 庚申, 莒潰。

譏晉 潰者 也。 元 石 日。 可 據蔡潰、沈潰、鄆潰皆 盟 潰 于 夷 狄 而 不能救,譏之, 一不日。 其 日,以

故日以詳之也

楚人人

鄆

秦人、白狄伐晉。

役而再見者

恒

稱人。

鄭人圍許。

示晉不急君也

城 中 城

備 中 而 城者,郭内之城 潰,楚人入鄆,故 也。 懼而城之也。」 高抑崇曰:「莒以 無

+ 年春, 衞 侯之弟黑臀帥 師 侵鄭

晉 命 也。

夏四月,五卜郊,不從,乃不郊。

也。」吴先生曰:「二月下旬初 二卜,三月中 穀梁傳》曰:「夏四月,不時也。 旬三卜,不從 則 ト,三月上 不郊矣。 五卜,强 乃 旬

後不郊,瀆神甚矣。」《公羊傳》曰:「其言乃 於三月下旬四 不郊何? 不免牲,故言乃不郊也。」 四月上 旬 五卜,不從 而

١,

Ŧī. 月,公會晉侯、齊侯、宋公、 衞侯、 曹伯

伐鄭。

於是 或 也 鄭 伯 執 君 歸 歸 于鄭,曷爲不書? 不書,據襄十六年莒子、邾子,十九 罪不 ·及失

年 邾子,哀 四年小 ,邾子。 必 伯 主 釋有罪 而後書。

> 不致 立太子 曹伯襄、衞 宜 何? 歸者也。 州 侯鄭、曹伯 蒲 晉景公疾,晉人急於得諸侯,乃 爲 公會伯 君 故 而 負 芻。 會伐鄭,悖其父子之 不致以異之。 或 苟 侵伐 罪 恒 不 書 及 至,此 失 或 其 則

古

據

齊人來媵

教,異於他

君討

貮

《公羊傳》曰:「三國來媵,非禮也。」《左 傳》曰: 凡諸侯嫁 女, 同 姓 媵 之,異 姓 氏

則 否。

秋七月,公如晉 丙午,晉侯獳卒。

奔 喪 也。不言葬,公在晉 也 <u></u> 左 氏 傳》

公送葬,諸侯莫在。 曰:「晉人止 一公,使 送葬。 魯人辱之,故不書,諱 冬, 葬晉 景

之也。」

冬十月。

十有一年春,王三月,公至自晉。

七四

以公爲貳於楚,故 也 凡 九 據公如、至至皆不 月 乃 得 歸 也。 月。 止公。 其 **定** 月 公請 以 氏 傳 奔 諸 受盟,而後 日 侯 喪 晉 異 人 之

晉侯使郤犫 來 聘

使歸

己丑 一及郤 犫 盟

夏,季孫 行父 如 晉

冬十月。 秋,叔孫僑 如 如

十有二年春,周公出奔晉。

出何? 王人内京師 不名,天子之三公也。 也 王者 無 外,此其言

夏,公會晉侯、衞侯于瑣 澤

傳》曰:「晉、楚嘗同盟矣,不書。 至襄二十 成 諸 晉、楚成 侯以 盟 于宋西門之外,何以不書?《 申成 也。 好。」然則宋華元克 杜元 凱 曰 : 晉 既 與 合晉、楚之 楚成,合 陳 E

> 七年特書之。」語 出 《章

秋 ,晉人敗狄于交剛

憂也。 晉區 晋 狄,以是 大夫于蜀,討 書之,病晉也。 不月,以 陳氏傳》曰:「中國 有 事 品 争地 於 爲晉 中國 秦、 於羣狄,是故宣、成之《春 楚,或 陳夏徵 敗夷狄,略之也。 衰 楚方聘魯,平宋,合諸 也。 敗夷狄皆不書, 略不 舒,觀兵于雒矣。 晉之衰 書,而 也 據外 甚 諸 詳 惟 相 夏 於 秋 侯 晉 敗 之 滅 之 特 H 而

冬十月。

十有三年春,晉侯使郤 錡 來乞 師

書。 陳氏傳》曰 乞,卑 辭 :「外乞師 也,見晉之無以令與 不書,必 盟 主 或 也 也 而 後

三月,公如 京 師

不月,必公 其 月,尊京 如 師 京 也。 師 諸 而 侯 後 月 相 如 諸 不 户, 侯 朝 雖 天子 來 朝

廬

大 正 其 也 過 范 而 甯氏 朝 ,故正其文,使若本自往然。」 日 : 「實會晉伐秦過京師 也

《公羊傳》曰:「不敢過天子也。」

侯、鄭伯、曹伯、邾人、滕人伐秦。 夏五月,公自京師,遂會晉侯、齊侯、宋公、衞

曹伯 以 敗 麻 敗 室 序諸侯,而劉子、成子不書,不以伐秦累王 無 朝王,而後會伐,乃若受王 秦、晉之交兵,以復怨也。 其但言自京師 於是公從劉康 隧 績 績 也 益於中國之故,而 來,秦、晉人相加 一。《陳氏傳》曰:「於是戰于麻隧,秦師 卒于師 秦師敗 ,但書伐晉。 則 其 旧 續,但書伐秦;戰于櫟,晉 書伐 何? 不以伐秦累王室也。 公、成肅公會晉侯伐秦,則 以爲不足詳也。」 何? 兵皆略之。 使天子受其名,故但 略 之也。 而晉侯以諸侯 命 以 是故 伐 自 秦然。 戰 狄 師 秦 于

> 冬,葬曹宣公。 秋 七月,公至自 [伐秦。

十有四年春,王正月,莒子朱卒。

莒初志卒,以同盟也。

徐邈氏曰:

夷

禮,君終無謚 ,故不書葬。

夏, 衞孫林父自晉 歸于衞

晉侯强歸之也。 衞侯如 晉,晉侯强 見孫林

秋,叔孫僑如如齊逆女。

父,不可。

既歸,使郤犫送

而復之。

鄭公子喜帥師伐許。

九月,僑如以夫人婦姜氏 至自 齊。

陳氏 傳》 三 : 「夫人婦姜 氏,有 姑 之 恒

出姜不氏,有敬 稱,❷若妾姑也,則不 嬴 則 · 書氏 穆姜不氏,所 是故 有 以 成 别 風 適 則

2 0 「婦」,原脱,今據夏鏜本、金曰銿本、四庫本補

恒稱」下,原行「之」字,今據四庫本删

姑 也。

冬十月庚 寅, 衞 侯臧卒。

秦伯卒

十有 Ŧi. 年 春,王二月 葬 衞

三月乙巳,仲嬰齊卒。

也。 公羊傳》曰: 公孫嬰齊 則曷 「仲嬰齊者何? 爲謂之仲嬰 (齊? 公孫 嬰 爲 兄 齊

後 也。 爲兄 後 則 曷 爲 謂 之仲 嬰 齊 ? 爲 X

稱 後者,爲之子 仲何? 孫 以王父字爲氏也。 也。 爲 人後 者爲 其子, 然則嬰 則 齊 其

至檉, 孰後? 聞 後歸 君薨家遣, 父也。 墠 歸父使乎晉,還自晉 帷哭君 成 踊,反 命 于

介,自 也,於是使嬰齊後之也。」 是 走之齊。 魯 人徐 傷 歸 父 之 無後

癸丑,公會 晉侯、 衞 侯、鄭 伯、 曹伯、 宋 世子

晉侯執曹伯 成、齊國 佐 邾 歸 于 人 京 百 師 盟 于 戚

> 禮也。」 之何? 下, 秋 >>, 者,以執當 是有二尊也。 子争立 秋 自 何 ? 陳氏 **≫**? 立 是 曷 者 故 傳 討 曹 以爲 猶 不討 也 特 有 伯 日 其 書 兩 罪 : 討辭 廬 然 之, 罪,又歸 台 下 猶 也。 卒, 執 則 侯。」 相 兩 則 未 書之? 負 未 殺 曹伯 F 滴 有 芻之罪曷 陸 有 ·相殺 京 而 稱 庶 已矣。 即 淳 師,得侯伯討 爵者,此其 之 之罪不 曹伯,殺太子 位者,公子 氏 而已矣,則其 亂 티 : 將 不著 書殺太子, 接 著 稱 迹 爵晉 於《 於 與太 於 罪 台 Ż 侯 天 討 春 春 而 侯

公至自 會

楚子 伐鄭 夏六

月,宋公固

背晉成 也

宋華元 秋 八 月 出 庚 奔 辰 葬 召 宋 共公。

七六

華 元 自 晉 歸 于 宋

宋

而 再 書宋 歸非其罪者,有歸以罪 事 華元,從史文 前 再見者 也。 也。 而 《春秋》有 奔大夫有 出 非 其 罪者,其 出 因 以 Ŀ 文 罪

師

也,其族同,其志同,則書重而

己。

石

何?

魚

位,僅足以免於罪而已。 華元以宋公卒,公室卑,不 事 殊,其義異,則 雖 無 中 事 既有許之討者,然 不 能 得 討 大 有 上文也 罪 而 去

自晉何? 所自者,必嘗有力者也。 後歸,卒討之,庶幾能立法者也。大夫歸言 見其 所 以 得 歸 此未至晉,則 也。 華元 非 其言 挾 台

此 以 非 自 有 重,則爲 罪 也,曷爲出書之、歸書之。 爲其 魚 石矣。 大夫出 入非罪 不書,

少 宰 Ŧi. 大夫,不可不詳其故也。

殺

司馬,出

左師、大司寇、少師寇、大宰、

宋殺 其 大夫山

殺 此 蕩 公子肥,則討當其罪 Ш 也。 不 氏,例見僖二十八年。 也 弱公室,

> 宋 魚 石 出 奔 楚

楚。 於是 皆卿· 魚 石 也,則其但 向 爲 人、鱗 書 朱、 魚

向

帶、

魚

府

出

奔

冬十 宋華元、 有一月,叔 衞孫 林父、鄭公子鮪、邾人、會吴于 孫僑 如 會 台 士燮、齊高 無咎、

鍾 離

爲殊會吴? 外吴也。』《陳氏傳》曰:「晉 又 吴者,其君也。 矣。』《左氏傳》曰:「始通 以諸侯之大夫會吴也。 國,故自相爲 大夫又 曰:「會又會,外之也。」《公羊傳》曰:「曷 會 ·何? 相 與會吴,一 是兩 會,然後會之也。 會也: 曰吴,以 也。 大夫會大夫,一 吴也。」 於是大夫自 號 不以 舉 也。其言會 《穀梁傳》 夷 狄 [爲會 會 也 初 中

許遷于葉。

遷國 月,據邢遷于 夷儀、 衞 遷 于 帝 丘 皆月 此 何

狄也。 許 偪 于鄭,請 遷 于

以

不月?

從

夷

楚,故遷于葉、于夷、于白 羽、于容城、皆 不

月,以别於中國之避夷狄而遷者也。

十有六年春,王正月,雨木冰 穀梁傳》曰 -雨 而 木冰 也、志異也。」

鄭公子喜帥 師 侵宋。 夏四月辛未,滕子卒。

求之。 鄭叛晉 也。 楚不得 楚人力不足以争鄭,於是以賂 鄭,則不能圖 中國 也。

六月丙寅 朔 日有食之。

晉侯使樂黶來乞師

甲午晦 鄭 師 敗 績 , 晉侯及楚子、鄭 伯 戰于鄢陵,楚子、

師 君重於 穀梁傳》 敗 績 則 師 三二日 也。」然泓 爲 中國 事 諱 之戰宋公身傷而但言 遇 也。 晦  $\Box$ 此不爲楚子 晦。 楚不言師 諱

外

夷狄

也。

楚殺其大夫公子 側

秋,公會晉侯、齊侯、衞侯、宋華元、邾 人于 沙

隨,不見公。

不見公,非矣。 止不書。 謀伐鄭也。 而 陵戰期,且 無恤 乎人。 譏不在内也。 用 不見公者, 僑 魯之後期,國 彼曲我直,故不恥也。 如之譖 程子 也。 晉 侯 Ė. 難 何 也, 故 以 君子 以 也。 書 公後 ? 晉侯 Œ 據見 己 鄢

公至自會

公會尹子、晉侯、齊國佐、邾人伐鄭。 康公、 也 王人會伐,自單伯 0 成 鄢 肅公。 陵之役,自 此 其 書 城 而 尹子 後 濮 不 以 何 ? 書。 於 據王 是 不 再見, 叔桓 能 服 公、 而 鄭 劉

來

外懼 鄭不 臣會師,於是三合諸侯伐鄭,而 厲公不能自 則雖 服 厲 反修其所 公無道,其大夫方欲釋楚以 戰 勝楚,鄭 以 復伯 人 固 者 有以量之也。 鄭 而 請 人從楚 以 王 爲

益 堅,則 中國之威 頓矣。 故尹子、單伯 相

曹伯 歸 而 自京師 出,悉書之。

釋 有罪也。天子嘗釋衞侯矣,不言自京

天子不能正,則 師,此何以言自京 以累乎京師也。 師 ? 負芻之罪宜廢,而 但 曰曹伯

何 ? 《公羊傳》曰:「執而歸者名,曹伯何以不 以天子釋之,故不名,以别異之也。

名? 而不言復歸 易也。 其言 自 于曹. 京 師 ·何? 何 ? 據曹伯 言甚 易 襄復歸于 也。

孫 明復 티: 「曹伯 歸自京師,天子釋之之

辭 也。

九月,晉人執季孫行父,舍之于苕丘

稱 用 未至,而著『舍之于苕丘』,故不言 行人,從公也。 僑如之譖也,舍,寘也。 執之者,以 劉侍讀 歸 也。 曰:「不 以 伐 歸 耐

也。」《穀梁傳》曰:「執者致,據婼至。

而 不

> 箕,不言舍。 至,公在也。 耐 舍公所也。」據公在 執者 不舍 據 晉 執 叔 孫 婼 囚

冬十月乙亥,叔孫僑 於是出叔孫 僑如 而盟之,則其但書奔何? 如出 奔齊

以奔告諸侯 也。 齊出高無咎、放高止,但

書奔,皆從告也。

十有二月乙丑,季孫行父及晉郤犫盟于扈。

公至自會。

鄭康成曰:「伐而致會,於伐事不成。」

乙酉,刺公子偃。

言刺之何? 其故不可言也。公將有行, 内殺公子,言其故。據公子買不卒戍。此其但

與鉏之所知也。 穆姜以僑如之意欲去夫二家者,指偃 曰:「汝不可,是皆 既 君 魯人出僑 也。」僑如 如,季孫歸 之情, 與組 非 偃 而

刺 偃 一遷怒也

十有七年春, 衞北宫括帥師侵鄭。

七九

鄭子駟侵晉虚、滑。 衞北宫括侵鄭,

救

晉也

曹伯、邾人伐鄭。夏,公會尹子、單子、晉侯、齊侯、宋公、衞侯、

鄭 伐 王 一人未 鄭 而 過 而 楚 鄭 有書二 輒 不 服 還 也。 卿 能 者, 驟 厲 合諸 其以二子會 公親 侯 以 ൬ 六 不 或 敢 之 伐 復 師 何 當 伐 ?

六月乙酉,同盟于柯陵。

楚,則二卿之行失威

廢

命

而

른

也。 子虎,此其不 不重言諸侯,二子 以二卿 奉王命 諱 何 ? 與 以 盟 # 伐 也。 或 鄭, 無 狄泉之 而 伯,王室之憂 鄭 不服,於 盟 諱  $\pm$ 

秋,公至自會。

事,王人與盟皆不諱矣。

據雞

澤、平丘

是下盟諸侯,不足諱

矣。

自

是晉有諸

侯之

九月辛丑,用郊。

類 古者天子有大事 以 用 己,故竊類造之義, 其 也,其禮類乎郊 郊 者,用 非 爲 農 其 事 禮 而 也。 ', 則 以 也。 郊 用 類造 郊之祭,以 成公以 禮爲之, 郊 禮 于上 以 頻年 帝。 祈焉 故 祈 農 日 出 類之言 用 事 僭且 師未 郊。 也

晉侯使荀罃來乞師。異矣。

冬,公會單子、晉侯、宋公、衞侯、曹伯、齊人、

邾人伐鄭。

十有一月,公至自伐鄭。

壬申,公孫嬰齊卒于貍脈。

不得臨,非恤典薄也。

嬰齊卒于外,公實

未嘗

臨

喪,其

日

何

?

邾子貜且卒。

十有二月丁

Ė

朔

日

有

食之。

八〇

詳 中 兵 見 故 其 能 與 何 楚 公子 人爲 其 於吴,橐師 ,則雖伐吴,從 爲 中 國患者 ? 書 名氏 中 或 大夫 ,嬰齊 患 或 異 師 也。 志 志 患者也。 不 將 以 未 帥 及 矣,此 夷 嘗 滅 楚 以 師 中 狄之相 舒 爲 大 其未嘗 其 凡 或 庸 中 夫 春 四 公子 恒 但 或 將 稱。 見,公子貞帥 攻 春秋》奚治 秋 患 而 爲 人之,則皆 橐 滅 也 稱 中 而 師 而 名 或 陽 中 已 也 一、囊 患 或 氏 春 了, 必 焉 秋 而 未 其 則 師 ? 作 嘗 其 不 瓦 凡 書 稱 復 爲 交 苟 七 人 楚 人

有 其 此 則 其 欒 八 日 年 書、 殺 或 春 胥 殺 中行 」, 王 童 何 古 ? IE. 偃 月,晉 不 書、 將 以 弑 偃之罪 兩 其 殺 下 君 其大夫胥童 相 不 而 殺 著於《春秋 殺 告 其大夫也。 也

庚 申 弑 - , 晉 弑 君 者, 其君 欒 書、 州 中 蒲 行 偃 也, 則

何? 不以賊赴也。例在文十六年。晉厲公欲弑君者,樂書、中行偃也,則其稱國以弑

齊殺其大夫國佐

君,而 苟 也 也。 後 稷之 矣。 易位 逆孫 亂 書、 人 之卿而易置 卿,何也? 盡 何 岢 有受其惡者,斯已矣 者。 口 去諸 也 知 偃 也 與 臣 其 周 焉 來 弗 爲  $\Box$ 0 中 日, ? 告 于 既 大 欒 社 聽 政 或 春 京 則 行 書 者 夫 稷 謹 書 Ľ. 非 秋 則 人 懼 師 弑 搆 而 也。 偃 之云 日 之 君,非 與 天子不 世 有 將 以 公 立 殺 郤 晉弑 Ľ, 也 卿 易 及 吾 立 其 而 乎. 胥 氏 之柄國者,皆其 位之權 之,踰 也 魯史也 葬 所 ? 童 或 而 臣 其 得廢置 然 嬖, 以 陷 禮 出出 存 而 君, ^ 則 庶 之死 春 也。 厲 弑 與 月 謂 古 於於 而 人,不 秋 公 其 存 即 朝 諸侯,以 者 有 若 蓋 · , 而 書、 君 位,是蓋 辭 而 將 有 受 古 伊 殺 入于 從主 以 貴 以 君 足 者 其 偃 尹 其  $\equiv$ 之罪 紓 擅 者 以 貴 戚 惡 之 有 與爲 兆 卿 死 晉 然 社 戚 之 者 事 以 王

一八

公如晉。

朝嗣君也。

夏,楚子、鄭伯伐宋。

宋魚石復入于彭城。

人、鱗朱、向帶、魚府,以三百乘戍之,則其於是楚子、鄭伯伐宋彭城,納宋魚石、向爲

者,位已絶者也。杜諤氏曰:「復入重於位之辭也。大夫歸則言復歸,入言復入曰復入何? 譏不在於納也。納者,復其

也。此叛也,則曷爲不言叛? 罪不止於人,入重於復歸,復歸重於歸,志惡之淺深

叛也。楚既得鄭,即圖宋。魚石援仇讎以

南寅、土吉射。 苟言復入則不言叛, 入必言所耳。是故大夫入邑必言叛。據宋公之弟辰、晉賊其宗國, 其事同, 其罪異, 則各書其重焉

自。

據宋華亥、向寧、宋公之弟辰及公子地皆言自

陳

苟言故則不言所自。

舍宋魚石,言復

人者,惟晉樂盈,皆言故者也。」

公至自晉。

晉侯使士匄來聘。

《左氏傳》曰:「拜朝也。

八月,邾子來朝秋,杞伯來朝。

爲下曰薨月也。據來朝著例不月

( ) 築鹿囿。

《公羊傳》曰:「譏有囿矣,又爲也。」孫莘老

之急,無遺焉,重民力也。況耳目之玩、一曰:「《春秋》興作皆書,雖城池之固、門廐

身之娱哉?」

冬,楚人、鄭人侵宋。己丑,公薨于路寢。

城,嬰齊侵宋救彭 稱人? 公子嬰齊帥師,見於經者詳矣。 不足 以 病 城 宋 也。 也。 既 於 是 而 諸 宋 侵宋曷爲 侯 師 韋 韋 彭 彭

將以救宋,亦不書,略之也。 楚將失鄭,何宋之及圖? 城,楚師不復出,故略言之。當悼公之興, 是故雖晉侯自

晉侯使士魴來乞師。

齊崔杼同盟于虚朾。 十有二月,仲孫蔑會晉侯、宋公、衞侯、邾子、

禍,靈公爲之也。」 伐莒、伐魯、皆杼帥 爲之也。 《陳氏傳》曰:「崔杼嘗奔衞,不言歸,其再 謀 杼當國,已而殺高厚,齊無世臣矣。 見何? 救宋也。 齊納以爲大夫也。 前年逐高無咎,今年殺國 其不日,以吾大夫會之也。 師焉, 而後弑。 齊之禍,靈公 佐, 於是 齊之 而

丁未,葬我君成公。

後 學 成德

校訂

春秋集傳卷第九

## 春 秋集傳卷第十

安東 山 趙 汸

新

輯

九月辛

酉,天王崩。

襄

公

上

冬,衞侯使公孫剽來

晉侯使荀罃來聘

鄭 師伐宋。

楚令也。

夏五 月庚寅,夫人姜氏薨

晉 師、宋師、衞 鄭

故繫彭城於宋,見諸侯之爲宋討也。諸侯

父、曹人、邾人于 秋七 孫 蔑 會晉 戚 荀 祭、 宋 華 元、 衞 孫 林

彭

城

降

晉

而歸之宋,宜也。

事見襄二十六年傳。

分

地

有

制

非

惟

楚不當

取,雖晉亦不

可受。

夏,晉韓 厥 帥 師 伐 鄭

仲孫 蔑會齊崔 杼、 曹人、邾人、杞人次于鄫。

秋,楚公子壬夫帥 師 侵宋。

日會以次何?

以備楚也。

鄫,鄭地。

救鄭也。

邾子來朝

二年春,王 IE. 月,葬

簡

 $\pm$ 

仲孫蔑會晉樂黶、宋華元、衞甯殖、曹人、莒

元年春,王正

月,公即

位

人、邾人、滕人、薛人圍宋彭

圍有宋人,曷爲言宋彭城

? 城

據衞

石曼姑圍

戚 不

言衞。

嫌非宋地

也。

於是晉悼公合諸侯爲

宋討,魚石不與。

楚之取彭

城 以

置叛

六月

庚辰,鄭

伯

腀

卒。

月,仲 甯 殖侵

伐 吴悉 書 之, 吴 伐 楚 必 若 遏 于巢 卒

而

叔 孫豹如 宋。

己

Η.

一,葬我.

小君齊姜。

冬,仲孫蔑會晉荀罃、齊崔 杼、宋華元、衞 孫

林父、曹人、邾人、滕人、薛人、小邾人于戚,

遂城虎牢。

虎 牢,鄭 邑也。 其不繫之鄭 何 ? 以 伯 **\$** 

鄭棄於夷久矣,於是悼公有討

於

城之也。

鄭 八以諸 侯城其巖邑,將以絀鄭 焉耳。 孫

明

復

曰:「鄭叛

中國

與楚比

晉荀罃

再

會

若 于 戚 中國自城邑然。」劉賓之曰:「不言伐取, 一, 城 虎牢以 逼 之。 故虎 牢不繫鄭,使

且. 不繫之鄭,皆予晉也。」

楚殺其. 大夫公子申。

三年春,楚公子嬰齊伐吴。

陳氏傳》曰:「於是楚伐吴。吴人伐楚,取 ,則其但書伐吴何?《春秋》於晉、楚之

際 嚴矣,於吴、楚未嘗 無差等也。 是故 楚

公如晉。

後

書。」

高抑崇曰: 「禮,童子侯不朝,不可以成

之禮

接 也。

其可

以

朝

伯

國乎?

夏四月壬 蘇 子由 曰:「晉侯修禮於諸 戌,公及晉侯 盟 于長樗。 侯,故 去其

或

公至自晉。

而與公盟也。」

子、邾子、齊世子光。 六月,公會單子、晉侯、宋公、 己未,●同盟于 衞 侯、 雞澤。 鄭伯、 莒

陳侯使袁僑 如會

《公羊傳》曰:「其言如會何? 元凱 三 三 : 陳 疾 楚政 而 來,本非召會,故言 後會也。」杜

如會也。」

0 「已未」二字原脱,今據夏錐本、 金曰銿 本、 四

戊寅, 叔 孫豹及諸侯之大夫,及陳袁 僑 盟

四

年春,王

三月己

西

陳

侯

午卒。

袁僑盟也。」杜元凱 公羊傳》曰:「曷爲殊及陳袁僑 曰:「諸侯既盟,袁僑 ? 爲 其 乃 與

至,故使大夫别與 之盟。 殊袁 僑者 明明 諸

侯 曰:「以大夫盟袁僑,晉侯不欲以袁僑絀諸 之大夫所 以 盟,盟 袁 僑 也。」《 陳 氏 傳

侯也。 晉悼公爲之也。 雖然,有諸侯 諸侯 在 在焉,而 而大夫盟於是始, 大夫自爲

盟,而 後 大夫 專 盟 矣。 大夫專盟 自 宋 始。

矣。」 無 是大夫張 穀梁傳》曰: 盟 孫明復 可 也 也。 據 曰:「諸 踐 一諸 故雞 土 陳 侯 穆 侯 澤之會,諸 盟、又大夫相 公 既 如 盟 會,文公不 脯 陳 侯始失正 再 袁 與 盟。 私 僑 盟 至

强 也。」

未,諸

侯

盟

戊

寅、大夫

又

盟

是

大夫

己

冬,晉荀罃帥 秋,公至自 會 師 伐

許

夏, 秋七月戊子,夫人姒氏薨。 叔孫豹如 晉

葬陳成公。

月辛亥,葬我 小君 定姒

冬,公如晉

陳人圍頓

五年春,公至自

叔 夏,鄭伯使公子發來 孫豹、鄫 世子 巫 如 聘。 晉

杜元 同 氏 夫也。」陸淳 H 傳》 『叔孫豹、鄫 於我大夫,魯與晉俱 凱曰:「俱受命於魯,故不書及。」《左 Ď: 覿鄫大子于晉,以 氏 大子 巫 鄫 失正 列 如晉』,言 或 矣。」 也,使 成 比 屬 其世子 諸 鄫 魯 大 書

仲孫 蔑 衞 孫 林父會吴于善道

杜 元凱曰: 「魯、衞俱受命于晉,故不言及。」

會諸侯,使魯、衞先會吴,且告會期。」雞澤之故,且請聽諸侯之好。晉人將爲之《左氏傳》曰:「吴子使壽越如晉,辭不會於

秋,大雩。

楚殺其大夫公子壬夫。

《春秋》,楚有諸侯之事,亦不悉書。據《傳》襄諸侯,納宋魚石,殺公子側、公子申、公子諸侯,納宋魚石,殺公子側、公子申、公子諸人,知宗,是不刑」。」莊王卒以大夫盟楚八年而殺三卿也。《左氏傳》曰:「君子

邾子、滕子、薛伯、齊世子光、吴人、鄫人于戚。 公會晉侯、宋公、陳侯、衞侯、鄭伯、曹伯、莒子、 也。 禮接,故得序 吴何以 利,故使鄫大夫聽命於會。 三年公子何忌侵陳不書,四年彭名侵陳不書 鄫 稱人? 其大夫也。以諸侯大夫之 人者, 鄫 於齊世子之下,稱人而 大 夫 也。 魯 陳氏傳》曰 以 屬 鄫 爲 不殊 不

> 滅州 既伐楚,則 能 入郢矣。」高抑崇曰:「晉之亟於進吴,以其 古 成 襄十三年。 爲晉諱也。 於是盟于戚,吴初與諸 九年。 病 不敢自列於諸夏也。 楚 來,敗頓、胡、沈、蔡、陳、許之師,滅巢 也。 雞澤之役,又逆吴子,吴不至。 蒲之役,將始會吴,吴不至;事 伐 吴、晉之盟 吴能 齊、伐魯、伐衞、伐 病 楚,則 、《春秋》終諱之。見 而晉求之急,於是 侯盟 亦 能 也。 陳 病 中國 以 不 書盟 至與 旲 在

公至自會。

晉争盟,則

其病

中國也甚矣。」

冬,戍陳。

書。 可 諸侯戍之。曷爲不言諸侯戍之? 離至不 曰:「内辭也。」《公羊傳》曰:「孰戍之? 晉命也。 得 桓六年戍齊、宣六年戍鄭之類。 而序,故言我也。』《陳 不言其 人,微者 氏 也。 傳》曰:「戍不 晉悼公之戍 《穀 梁傳》

秋,葬杞桓公。

之所不屑 爲 也。 桓公不 戰 而屈楚,文公戰

也、特書之。君子以悼公之伯業、桓、文

陳

戚、于向、于柤 而 屈 楚, 自悼公而 ,皆東境 通 吴 也。 以 制 而 楚矣。 又戍 陳、 會 鄭

以守之。楚誠强,而晉亦誠下策也

楚公子貞帥 師 伐 陳

公會晉侯、宋公、 衞 侯、 鄭伯、 曹伯、 齊世子 光

救陳。

十有二月。

爲下卒月 也。

公至自救陳

《穀梁傳》曰: 善救 陳也。」 范甯氏曰: 善

之,故以救陳致。」

辛未,季孫行父卒。

六年春,王三月壬午,杞伯 姑 容 卒。

左氏傳》曰: 始 赴 以 名,同盟故 也。

夏,宋華弱來奔

莒人滅 鄫

滕

子

來朝

于

滅 或 我嘗取鄫矣,事見昭四年。 有取 而有之者,則 不言滅。 則其

鄫,以 爲 悼公病矣。

譏

晉也。

鄫

人與莒子

同

列

於會

,而莒卒

滅

言

滅

何

例

在

僖二十

冬,叔孫豹如 邾

季孫宿如晉

十有二月,齊 滅 萊

《公羊傳》曰 不 言萊君 出 奔, 或 滅, 君 死

之,正 也。

七年春,郯子來朝。

夏四月,三卜郊,不從,乃 免 牲

也。」孟 穀梁傳》曰: 獻子曰:「吾乃今而 「三ト、禮 也。 知 夏 有 四 1 月,不 筮。 夫 時

郊祀后稷,以

祈農事也,是故啓蟄而郊,

郊

八八八

而後耕。今既耕而卜郊,宜其不從也。」

小邾子來朝。

城費。

秋,季孫宿如衞。

八月,螽。

冬十月,衞侯使孫林父來聘。

壬戌,及孫林父盟。

楚公子貞帥師圍陳。

十有二月,公會晉侯、宋公、陳侯、衞侯、曹

伯、莒子、邾子于鄢。

也。不致,無成事也。是故盟主之會恒不救陳也。不言救陳者,陳侯逃歸,不成救

鄭伯髠頑如會,未見諸侯。丙戌,卒于鄵月,於是無成事,特月以别之。

鄭 不正之? 伯髡 辟不敏 頑 弑 也。 正之則 也 史承 ,則其書 無 赴 以 見國之無 而 卒何? 書,《 春 史承 秋》曷 臣子也。 赴 而

不討, 國, 傳》 書之, 杼殺之, 其弟嗣書之, 又殺之, 南史 臣 秋》之所甚懼 也! 何? 不勝其臣,弑 卒,何也? 會之上? 也? 其志也。 傳》曰: 「未見諸 不能討 卒者,皆從 春秋》於鄭 子聽賊之所爲 **E** 但 卒之名也。 以君薨 自 而鄭之臣子 如 賊,而 「此公子騑 不 禮,諸侯不生名。 恒 見 而 討 喪, 鄭 **髠頑、齊陽** 而 赴 也。 以 志 矣。 姑 伯 死 之 自 也 如 爲 侯,其 也。 將 0 聽焉。 卒之名, 是 隱 無 鄭 至 會卒也。 會 弑 其 君 諱 故書卒,所 崔 改 於 騑 中國,其臣欲從楚, 地 日 其 弑 者 焉, 生、 杼弑 始。 赴 ,於外也。』《陳氏 如 矣,晏 君 自有討賊,至 治 告 是 則 楚子 會, 此其名之,何 也 之也 其君,齊 甚 如 其 何 併 何 矣 見 恒 然 則 以 爲 其 麇 也? 喪,《 無 以 赴 加 其 誅 臣 實 之如 鄭之 人 於 如 穀 子之 大 書 弑 於 他 史 春 紀 會 卒 致 梁 書

春 秋 集 傳

事。 也。 執 告於哀公曰:『請討之。』弑君,天下之大變 簡 春秋》著其心,後世有考焉矣。」 名在諸侯之策,誰能没之? 史見 以 往 陳 恒 弑 其君,孔子沐浴 而 朝 其

陳 侯 逃 歸

陳 大夫貳於楚而脅其君, 使逃諸侯 以

歸 也。

年春,王正月,公如晉

夏,葬鄭僖公。

鄭 人侵蔡,獲蔡公子燮。

國,而侵蔡以欺盟主也。 此鄭公子發也。 何以稱人? 惡其將 氏 日: [7 鄭 叛 中 人

至 弑 ,然後告絕於晉 其君,志欲 從楚,故侵 而 與 楚平 蔡 以 也。」《公羊傳》 致 楚。 楚 師

日 "「侵而言獲者,適得之也 

于 季 邢 孫 丘 宿會晉侯、鄭伯、齊人、宋人、衞人、邾人

> 聽命。 《左氏傳》曰 予晉以伯 盟主,桓、文之盛也。 與諸侯序矣。於是再見。 人何? 曰:「此齊高 使諸侯之大夫聽命。 大夫不書,尊晉 不以大夫敵盟 也。 :「會于邢丘 厚、宋 向 鄭 戍、 自 主 侯 同 伯 也。 衞 其再見何? 盟 以 獻 也。」《陳氏傳》 甯 命 于戚 捷 不 殖 于 朝 以 也。 會 聘 ௱ 大 1,故親 之數 其 大夫 夫 敵 稱 復

公至自晉

秋九月,大雩。 莒人伐我東鄙。

晉侯使士匄來聘 冬,楚公子貞帥 師 伐 鄭

《左氏傳》曰:「拜公之辱。

九年春,宋災

Ŧi. 夏,季孫宿如晉 月辛酉,夫人姜氏薨。

九〇

秋八月癸未,葬我小君穆姜。

滕子、薛伯、杞伯、小邾子、齊世子光伐鄭。冬,公會晉侯、宋公、衞侯、曹伯、莒子、邾子、

十有二月己亥,同盟于戲。

伐鄭而書同盟,鄭與盟也。其不致何?

盟後復伐鄭。伐與盟皆非功也。

楚子伐鄭。

邾子、滕子、薛伯、杞伯、小邾子、齊世子光會十年春,公會晉侯、宋公、衞侯、曹伯、莒子、

吴于柤。

《左氏傳》曰:「會吴子壽夢也。」

夏五月甲午,遂滅偪陽。

以譏之。以偪陽子歸,不書,略之也。以裳之會以會吴,而滅小國。異其事,故日其日,以譏晉也。晉悼公合十有二國爲衣

公至自會。

其會而遂滅,則以歸不足言也

晉 市 兑 奏 。 楚 公 子 貞 、鄭 公 孫 輒 帥 師 伐 宋 。

此荀罃也。曷爲書師? 以其釋楚晉師伐秦。

而敵秦

白羊乙耳氏。 絀楚者而急於伐秦,曰以報其侵也,則怨也。楚方得鄭而伐宋,晉人不圖其所

非

以

秋,莒人伐我東鄙。 伯者之事矣。

世子光、滕子、薛伯、杞伯、小邾子伐鄭。公會晉侯、宋公、衞侯、曹伯、莒子、邾子、齊

也。 薛、杞三君之後於邾、莒則宜。 悼公不能 正也。《陳氏傳》曰:「隱、桓之諸侯皆序爵 也。此禮樂之自 伯、莒子之閒,則誓於天子 躋之滕、薛、杞三君之上。 世子未誓於天子之制也。於是又以先至, 齊世子光始與盟 伯者作,而後小國或序大國之上,有 會,序小邾子之下,諸侯 諸侯出 者也。 明年,乃次之曹 ,而攝 其君之制 若夫滕、

以子、男長於伯者矣。於是以世子長於小

國之君,則悼公爲之也。」

冬,盜殺鄭公子騑、公子發、公孫 列 盗殺 道也。《公羊傳》曰:「大夫相 窮諸盜。」 孫明復曰: 「盜一日 、數之、惡鄭伯之失政也。」 不言其 大夫。 盗,賤者,不可 殺 而 輒。 殺三卿,故 稱 人,賤者 以 上 下

戍鄭虎牢。

鄭,故追書繫之以見晉志。」曰:「言將歸焉。」杜元凱曰:「鄭服則以還諸侯莫之主有,故反繫之鄭。」《左氏傳》

楚公子貞帥師救鄭。

與祭而

此非公命也,其

書之若公命

公子申之類。於是始書,以爲晉悼復伯,楚欲萬賈,二年鬭椒,成九年子重,十六年楚子,十七年子重、《陳氏傳》曰:「楚救鄭矣,不書。《傳》宣元年

救

而

不能

也。

公至自伐鄭。

十有一年春,王正月,作三軍

五年。 作三軍 知此 ·何 ? 爲 作中 作 中 軍 軍 也。 也。 以 作 其言 中 軍 舍 則 中 何 軍 以 昭

内擅於三家。軍賦之出於三郊三遂者,非作三軍? 始改作也。魯人外弊於征伐,

則曷爲言改作於是始? 三家始分魯也。其舊矣,車乘卒伍之成於甸者,非周制矣。

前乎此,三家之擅魯者專其政爾,未嘗有

之民皆三家之民矣。魯君之所存者,亦口征之。而叔、孟之僅不取者以歸公,則魯其民也。於是乃三分其民,家爲一軍而盡

●「與」上、底本爲闕空、夏鐘本、金曰鋪本有「號
●「孫」、原涉上誤作「子」、今據《春秋》三傳改。

74

本有「朝

何? 政在三家也。

夏四月,四卜郊,不從,乃不郊。

鄭公孫舍之帥師侵宋。

故侵宋以致諸侯之師。 諸 敝 ,此晉之所 侯盡 楚之策。 人 へ欲 力於我,楚弗敢 服 鄭 鄭 以 而諸侯皆 人欲從晉 得鄭 也。 敵 憚 而 二國之謀若 ,而後可 畏 戰,於是 蓋晉之師武 楚,以 古 爲 爲 [與也 出 分兵 必 得 於 臣

力,非復文、襄之舊矣。

子、邾子、滕子、薛伯、杞伯、小邾子伐鄭。公會晉侯、宋公、衞侯、曹伯、齊世子光、莒

秋七月己未,同盟于亳城北。

公至自伐鄭。

楚子、鄭伯伐宋。

于蕭魚。子、邾子、滕子、薛伯、杞伯、小邾子伐鄭,會公會晉侯、宋公、衞侯、曹伯、齊世子光、莒

年。 何 ? 之辭 有伐 會而 者,得鄭之辭 斥强楚以 歲大合諸 公羊傳》曰:「此伐鄭 也; 後伐者矣,據會于襄伐鄭、會于召陵侵楚。 而 此悼公之績也。」《陳氏傳》曰:「有 蓋 後 鄭與 伐 地 紹二伯之烈,然亦能 侯 而 會 以 會 也。 後 者也。 伐 爾。」孫明復曰:「言伐 地會 鄭,今始得 晉、楚争鄭久矣,悼公比 集事 地 也。 會 之辭也。 而 其言會于 之, 後 有 伐, 雖 鄭 者 未集 不 伐鄭 蕭 <del>-</del> 能 地 埭 魚

會于蕭魚,序績也。」

公至自會。

穀梁傳》

Ě

一:「伐

而

後

會,不

以伐

鄭致,得

鄭之辭也。」

冬,秦人伐晉。

楚人執鄭行人良霄

以 不足書也。 救鄭也。 於是 秦 人自絕于中國 戰 于 櫟 師 而 敗 爲 績 楚救鄭 不書,

九三

雖 戰 勝 晉 師 而 不 足以 病晉, 故 略 之也

有二 年 春,王二 月 ,莒人伐 我 東 鄙 崖 台

韋 外 台,以 伐 我,不書 病晉 量 也。 也 莒 據 人 成二年齊伐北鄙 滅 部,晉不 韋 問 龍 伐 書

季 孫 我 宿 東鄙者再,不能討,於是圍台 帥 師 救台,遂 人 鄆 也

夏,晉侯使士 魴 來 聘

秋 九月,吴子 乘 卒

則曷

爲

並

列

於會?

晉人嘉之也。

諸侯之

吴 日 來 ? 告喪 吴始 而 通 往 於 弔 E 也。 或 弔 楚 卒 贈 Η, 之 往 吴 來 何 者 以 若 不

楚也

冬,楚公子貞 帥 師侵宋。

公如晉。

十有三年春,公至自

夏,取 邿

秋 冬,城防 九月庚辰,楚子審卒。

> 邾 + 匄 、齊 有 人、滕人、薛人、杞人、小邾人會吴于向 四 人、宋人、衞 年春, 王 IE. 人、鄭公孫 月,季 孫 宿、 蠆 叔 曹人、莒人、 老 會 云台 ±

介。 於會 吴謀楚故也。」其言二大夫會之何? 會吴子諸樊也。《左氏傳》曰:「會于向,爲 也。 同 倫 禮 不 卿 相 介。 使 則大夫介,大夫 同 倫 相 介,是 爲 使 恭 並 則 也 列

大夫 惰矣,進吾二 卿 以勵之,見悼公之令

抑 不行 中 國 於 之不競,諸 諸 侯 也。 蓋 侯 蕭 亦 魚 有 而 罪 後,悼 焉 故晉 德衰矣。 鄭大

人之。 夫 書名氏,而 役之中而 齊崔 杼 有予奪 宋 華閲、 於 是 衞 始 北 宫 譏 括 不 旧

之事 徒在 晉也。 也。 苟 《春秋》之辨名實,所 非 伯者之事 春 秋》 奚 以 治 IF. 伯 焉 者

後,大夫之會皆從其恒 伐 秦 而 後,凡大夫將 皆 從 稱 其 苟晉之 恒

稱

澶

淵

而

是

故

自

几 四

君卿無志於中國,則其名實不足辨矣。

二月乙未朔,日有食之。

宫括、鄭公孫蠆、曹人、莒人、邾人、滕人、薛夏四月,叔孫豹會晉荀偃、齊人、宋人、衞北

人、杞人、小邾人伐秦。 壓二 《左氏傳》曰:「於是齊崔 氏 衞 會伐 則 不自將。 君令不行於大夫矣。」 傳》曰:「諸侯之大夫從晉侯伐 北宫括 師 秦。 争 不 諸 而 不書於向、書於伐秦、攝 侯之 書,惰 大還,晉人謂 師 也。 及涇,不濟。 向 杼、宋華閲、仲 之『遷延之役』, 之會 荀 秦,而 亦 也。」《陳 如之。 偃、 悼 欒 江.

己未,衛侯出奔齊。

於孫 諸 臣 春 出 秋諸 侯 林 君 出 如 侯 父、甯殖。 奔 衞 奔 不 走 孫 日 林父、甯殖者。 失 國 此 孫子曰:「君忌我矣! 者蓋. 何 以 有之矣,而 日 ? 衞獻 異 其 公不 未有 事 也 禮 以

> 也。 必 徒于阿澤。故雖鄭祭仲殺雍糾 弗 名,其不名也 之,惡有甚焉,故絕其 以公孫爲貴卿交於諸侯矣,逐其君 之辭也。 者,異之也。 燕大夫比以殺公之外 孫子又殺之。公出 盟,孫子皆殺之。 若孫 先 叔武 必死。」公使子矯、子 林 剽已立矣,而 攝 父、甯 位 劉侍讀 同,而 而 殖 公如 鄭 出 奔齊,孫氏 所 不 日 兩 其 嬖 以 衎 鄄 名, : 君之稱 不 君 「奔 而 一,使子 不名,何也? 伯、子 剽 簡 名 而 而 篡 也 後 公出 追之,敗公 ¨; 以 名者, 兩 而 行於孫子, 異。 或 H 皮 厲公出 0 與 而 耐 不日。 見 孫子 自 日 所 叔 衎 之 武 惡 取 票 君 不

莒人侵我東鄙。

讓

而

剽篡也。」

秋,楚公子貞帥師伐吴。

■「惰」,原作「隋」,今據四庫本改。

冬,季孫 宿 會晉 士匄、 宋 華 閲、 衞 孫 林 父、 鄭

公孫蠆、莒人、邾

人于

戚

《左氏 之以定衞焉。 如 悼公爲之也。 悼公不能察 晉侯問 孫剽,孫林父、甯殖 人,求衞侯去國之故,一大正 大 而 傳》曰:「謀定衞 衛故於 定之。」 晉,盟 也。 此晉大夫私 荷偃 是 故 蓋晉 大夫皆從 相 對 人釋君 三 三 二 之以 主 也。」於是衞人立公 也,不 於孫氏 聽 衞 其 助 其 命於諸侯。 恒 臣 君 有君矣,不 能 之過,而 稱 於 臣 詢 譏不 是始 乃 諸 大 或

十有 五年春,宋公使向 戌來聘。

在

大夫也

一月己亥,及向 戌盟 于 劉

終諱 此 來聘 之, 而 則曷 涖 盟 爲 也 及 向 吾 戌 君 盟 及 于 大 劉 夫 盟 **→** 向 春 戌 秋 伉

禮

也。

據公及晉侯盟于長樗。

以

伯主

爲

吾君禮

也

去其

(國以

盟

諸侯

了, 是

伯主所

以

爲

吾.

君

盟 ,大夫自相 外 大 夫, 結 則 以 向 卑其 戌 伉 君 也 而 魯道衰矣。  $\equiv$ 家 專, 襄 公

九六

劉夏逆王后于齊。

弱

者

之,禮也。 倫之本,王后,天下之母。 劉夏獨過魯告昬也。」胡侍 我,故志之也。」杜元凱 逆后 從單靖公逆王后于齊 劉夏者,天子之士也。《左氏傳》曰:「官 后也,是不 非 我主之,不書。 重 官師 人 倫之本矣。」 從單靖公逆后 日 : 《穀 卿 講曰:「昬姻,人 不行 卿 梁 單靖公不 往逆 傳 也 非 日 士: 而 禮 : 公監 而 也。 调 逆 師

夏,齊侯伐我 北 鄙 韋 成。

公救成,至遇 成,貳於晉故也。 書圍成以病 晉 也。 《左氏傳》曰:「齊侯圍

0

言至遇何? 不成救也。

季孫宿、叔孫豹帥師城成郛。

公至遇而齊侯還,故二子以師進而城之。

邾人伐我南鄙。

秋八月

丁巳,日有食之。

冬十有一月癸亥,晉侯周卒。

十有六年春,王正月,葬晉悼公。

子、邾子、薜伯、杞伯、小邾子于溴梁。戊寅,三月,公會晉侯、宋公、衞侯、鄭伯、曹伯、莒

大夫盟。

此諸侯會而使大夫盟,則曷爲不言諸侯之

傳》曰:「溴梁之會,諸侯失正也。諸侯會

大夫?

據三年

雞

澤。

閒

無

異

事

也。

《穀梁

侯皆在是,其曰大夫盟何? 信在大夫也。

,政在大夫也。」《公羊傳》曰

]: | 諸

夏,衞石買

帥

師

伐

而

大夫盟

曷爲遍刺天下之大夫? 君若贅旒然。」何言乎信在大夫? 遍刺天下之大夫也。

晉人執莒子、邾子以歸

爲我故也。

夏、公主自會。齊侯伐我北鄙。

夏,公至自會。

五月甲子,地震。

叔老會鄭伯、晉荀偃、衞甯殖

衞大夫,將卑師少也。

不能服齊而伐許,非

務

也。

宋稱

人而後於

宋人伐許

秋,齊侯伐我北鄙,圍郕。

大雩。

冬,叔孫豹如晉。

十有七年春,王二月庚午,邾子牼卒。

宋人伐陳。

秋,齊侯伐我北鄙,圍桃。

高厚帥師伐我北鄙,圍防

不曰齊高厚,甚之也。見齊侯一舉而分兵

一九七

圍吾之二邑,故繫之於齊侯也

九月、大雩。

宋華臣出奔陳。

冬,邾人伐我南鄙

十有八年春,白狄來。 《左氏傳》曰:「爲齊故也。

《公羊傳》曰:「白狄者,夷狄之君 事焉,其於天子世一 朝,不能朝也。」劉侍讀曰:「夷 見。 則 諸 狄 侯 於中 也。 雖 善 其 或 不言 交 無

際,不得 公致太平,越裳氏 而 通 ,所以懲淫 重九譯 悪、一 而 獻 内 其 白 外 雉 也 公 周

而讓也,況列國之君、守藩之臣乎?」

曰:『君子德不及焉,不享其贄。』此乃天子

夏,晉人執衞行人石買。

《左氏傳》曰:「爲曹故也。」

秋,齊師伐我北鄙。

此齊侯也,曷爲稱師? 齊侯伐我、《春秋

從其恒稱,其惡著矣。於是略言之,以

悉

同圍齊,見義而已。

莒子、邾子、滕子、薜伯、杞伯、小邾子同冬十月,公會晉侯、宋公、衞侯、鄭伯、曹伯、

圍齊。

也,猶 自 韋 出,無與於諸夏之義矣。」 未有言 韋 日諸 齊之後,晉 同者,其言 侯同 圍之焉 師 無 百 君 耳。 韋 將。 齊 ^ 何 陳 雖 氏 大 傳》 夫之師 台 弗伯 日

曹伯負芻卒于師。

楚公子午帥師伐鄭。

春秋集傳卷第十

後學 成德 校訂

公至自伐齊。

得其地,故釋

之。

執

君、

取

地,皆

不

以

 $\pm$ 

命,何以正其罪而服人心乎?」

不言以歸,既

服

而

釋之也。

劉侍

讀

日

晉人執邾子。

王卿

士,其亦申言諸侯何?

閒有事也。」

于會

故

不 日 以

異之。

《陳氏

傳》

 $\dot{\Box}$ 

會

無

# 春 秋集傳卷第十

取邾田

,自漷水。

《公羊傳》曰:「自漷

冰,以

漷

爲

竟也。」黄震

氏曰:「晉救魯,

可

也;

動

天下之兵以

執

邾

安東山趙 汸 輯

新

季孫宿如晉。

齊也。」

子,而

取 邾  $\coprod$ 以

歸

魯,不

可

也,未足以

服

拜師 也

襄

公

下

有

九年春,王正月,諸侯盟于祝柯。

凡

晉

主夏盟

恒

日。

此

以 既

盟

而

即

執

邾

子

葬曹成公。

夏,衞孫林父帥師伐齊。 齊未服也

秋七月辛卯,齊侯環卒。

晉 士匄帥師侵齊,至穀,聞齊侯卒, 乃還

大乎其不伐喪? 大其不伐喪也。此受命于君而伐齊,則 公羊傳》曰: 「還者,善辭 大夫以君命 也。 出,進退在 何善 爾? 何

0 釋」,原作「失」,今據金曰錦本、四 庫本改。

九九九

大 夫也。」《 穀 梁傳》 Ĕ 「受命 而 誅,生 死 無

所 加 其怒,不伐喪,善之也。」

月 丙 辰,仲孫蔑卒。

齊殺其大夫高厚。

鄭

殺其大夫公子嘉。

冬,葬齊 靈公。

城 西郭

叔孫豹會晉 士匄于柯。

城 武城

十年 春,  $\pm$ īE. 月辛 亥, 仲孫 速 會 昌 人 盟

于向

夏六月庚申,公會晉侯、齊侯、宋公、衞侯、 伯、曹伯、莒子、 邾 子、滕子、薛伯、杞伯、小 邾 鄭

子盟于澶 淵

秋,公至自會。

仲孫速帥 師伐 邾

蔡殺其大夫公子燮。

蔡公子 履 出奔楚。

陳 之弟 黄 出

侯 奔 非 其 罪不書。於是蔡人患公子燮欲 奔楚。

楚,則 矣。 楚。 蔡之晉,殺之。公子履,其弟也,故 Ĥ 百 制 不 君,有國不能自爲政,而惟大夫之爲,有臣 何 司 知, 日: 能馭,而 以 馬 其君,殺 者,而 故曰:「家有既亡,國有既 書 ? 陳人患公子黄之偪, 譖於楚曰 可 有 由 謀。」亦出之於楚。 É 别 來矣。 其君 之而 惟楚之令。 其 惡 公子之爲大夫者, 陳、蔡之不 聽焉,則二國之命 不 别也。」陳、蔡之卒 故國人皆得 或 皆非 也。 滅。 其 出 陳、 罪 : 懸 其 挾 滅 出之於 與 也, 蔡之 楚以 滅 於 弟 而 楚 於 之 則 以 不

叔老 如 齊

季孫 冬十 宿 月丙辰 如宋。 朔, Н 有食之。

二十有一年春,王正月,公如晉。

邾庶其以漆、誾丘來奔。

《公羊傳》曰:「庶其者,邾婁大夫也。邾婁

無大夫,此何以書? 重地也。」《穀梁傳》

曰:「來奔者不言出,舉其接我者也。漆、

小大敵也。」劉侍讀曰:「漆一邑,間丘一間丘不言及,據昭五年莒牟夷以牟婁及防兹來奔。

出爲叛,適魯言來奔,内外之辭。」何休氏不言及,公邑言及。」杜元凱曰:「大夫以邑邑,不言及,所受於君而食之者也。私邑

矣。」吕大圭氏曰:「非公命不書。此公在 晉,何以書? 政在大夫也。政在大夫,則 曰:「舉地言奔,則魯坐受與庶其叛 兩明 子、邾子于商任。

之,策書之變也。」黄震氏曰:「邾庶其、莒公雖在内不得爲政矣。蓋自宣、成以來志

而邾庶其以漆、閭丘來;昭公在晉,而莒牟牟夷、邾黑肱,所謂三叛人也。襄公在晉,

濫來。魯之受之,皆非君命,則爲逋逃淵夷以牟婁、防兹來,昭公在乾侯,而黑肱以

藪者,季孫氏也。」

夏,公至自晉。

秋,晉樂盈出奔楚。

大月庚戌朔,日有食之。 九月庚戌朔,日有食之。

是八年之閒而日七食,爲變大矣。」 許翰氏曰:「比年日食,又比月而食,蓋自冬十月庚辰朔,日有食之。

公會晉侯、齊侯、宋公、衞侯、鄭伯、曹伯、莒曹伯來朝。

二十有二年春,王正月,公至自會。《左氏傳》曰:「錮樂盈也。」

<u>|</u> 夏四月。

秋七月辛酉,叔老卒。

冬,公會晉侯、齊侯、宋公、衞侯、鄭伯、曹伯、

莒子、邾子、薛伯、杞伯、小邾子于沙隨。

得 不掃 諸 氏 間,再合諸侯,見晉失伯者之義,不足以 也。 又先之於其所往,厚 遂伐晉也。」胡侍講曰:「古者大夫去國,君 於是樂盈 侯矣。 納 世 焉,則 高抑崇曰:「晉以一 .其社稷,不收其田邑,使人導之出 勳 而 齊侯 逐 自楚適 亦過 盈 又將 於是終保樂盈,明年伐 矣。」 齊,會 人倫 搏 執 樂盈之故,期年之 于沙隨,復 也。 之,而 晉人不念樂 命諸侯 錮 樂氏 疆 衞 無 **\$** 

公至自會。

楚殺其大夫公子追舒。

二十有三年春,王二月癸酉朔,日有食之。

夏,邾畀我來朝。

三月己巳,杞伯匄卒。

陳殺其大夫慶虎及慶寅葬杞孝公。

陳侯之弟黄自楚歸于陳

其 討 之 ? 之由可見矣。 寅,陳侯之弟黄 書,非爲寇也。 於是以陳叛不書,非叛其君 而陳 召之, 慶氏以 於是陳侯 也。 人殺 以楚 二慶,導陳 如 慶 人不釋 楚,公子黄愬二慶於楚。 虎、 陳叛楚。 自  $\Box$ 慶 楚歸 君 寅, 陳殺其大夫 侯 而 于陳 以 助 則 屈 逃 建從 臣 曷 」, 則 也。 晉 故 爲 陳侯 即 以 慶 楚圍 陳 楚者也。 虎 或 慶 侯 韋 原不 見 及 得 殺 陳 慶 殺 致 書

晉樂盈復入于晉,入于曲沃。

盟 沃 先言復入後言 沃,樂盈率曲沃之甲 重 È, 也。 也 而 不言叛,罪不 欒 盈 大 入何? 之以賊其 止 以 於叛 齊 人 侯 晋, 國, 潛納 也 敗 故各書 齊 而 灓 侯 後 盈 將 奔 於 其 伐 曲 曲

秋,齊侯伐衞,遂伐晉。

也。 陳 氏 自袁婁以 傳》 曰:「此其書遂何? 來,齊世從晉,於是始叛,則 齊始伐盟 主

晉伯之衰 而諸侯貳矣。晉之衰,諸夏之

憂也。」

八月,叔孫豹帥 師救晉,次于 雍 榆

先言救後言次,次以 成救 也。 齊侯伐晉,

取朝歌。 爲二隊,入孟門,登大行。 而晉

即 人不出。 ,勝擊齊之左,獲晏氂焉,齊師 叔孫豹帥 師從晉人次于雍 退 榆 而 後 與

還。 伯云。 則次以 《陳氏傳》曰:「晉遂失伯也。 成救者,晉命也。 據《外傳》子服 是故, 自 惠

救盟主,他救皆不書。」據《傳》昭二十 一年晉以 諸

己卯,仲孫速卒。

侯之師救宋,三十年楚沈尹戌救徐

之類

冬十月己亥,臧孫紇出奔邾。

晉人殺樂盈

左氏傳》曰 : 「書曰『晉人殺樂盈』,不言大

> 夫,非其大夫也。」何休氏 夫,言自外 也。』《公羊傳 ₩ ⊟ ⊟ : 「不言殺 「稱人,從討

其大

賊辭。」

齊侯襲莒。

杜

元凱曰:「

掩其不備

日

襲。

二十有四 年 春 叔叔 孫豹 如 台

仲孫羯帥師侵齊。

晉故也。

秋七月甲子朔,日有食之,既 夏,楚子伐吴。

齊崔杼帥師伐莒。

大水。

八月癸巳朔,日有 食之。

公會晉侯、宋公、衞侯、鄭伯、曹伯、莒子、邾

子、滕子、薛伯、杞伯、小邾子于夷儀 《左氏傳》曰:「會于夷儀,將以伐齊。

水,

不克。」

冬,楚子、蔡侯、陳 侯、許 男 伐 鄭。

伐鄭 以 救 齊 也。 諸 侯 還 救 鄭。

公至自 會

陳 鍼 宜 咎 出 奔 楚。

叔 孫 豹 如 京 師

大夫 侯。 王宫,齊人叛晉,故 不 上聘 如 魯嘗有惡于 周 聘 京 且賀 師 再世 齊 城 爲王 而 矣。 將 懼 以 晉之不競 城郟,以示義于 假 於是穀、洛鬭 寵 焉。 也,故 自 是 終 使 諸 毁

春 秋,魯大夫無 如京 師 者矣。

大 饑

何 休 氏 ☐ : 有 死 傷 日 大饑, 無 妃 傷 饑

夏五 月 乙亥,齊崔 杼 弑 其 君 光

有

Ŧī.

年春

齊

崔

杼

帥

師

伐

我

北

鄙

者 ? 立 弑 景 君 公而 稱 或 名氏 猶 相 有 之, 2者,以 人 則 也 孰 賊 爲 杼 赴也。 以 盟 崔 或 崔 杼 人于太宫, 弑 杼 君告諸 弑 其 君 而 侯

> 有 不 不 馬 能 能 + 止 要晏子 乘,棄而 其弟之又書與南 以 非 違之。 義 之 盟 猶爲國 史之繼 ; 殺 大史三人,而 有人 往;陳文子 也

子、滕子、薛伯、杞伯、小邾子 公會晉侯、宋公、衞 侯、 鄭 伯 于 曹伯、 夷 儀 莒子、

邾

弑 齊人以弑 此伐齊 君之賊,則 也。 君説于晉,晉人重於得齊 不書伐 功利之弊,有自來矣。 齊,齊. 人逆服 也。 而 於是 輕

舍

六 月 1: 子,鄭 公孫舍之帥 師 入陳

則 井 伐 其 異 堙 陳 H 乎 於 木 何 陵 晉 刊 ? 弱 鄭 暴 於是 而 有 寡之師 陳 辭 鄭 侯 也。 會 子 矣。 展、子 楚伐 鄭 伯 鄭當 産 以 帥 陳 怨,故 師 陳 隧 陳, 者,

秋 八月己 已,諸 侯同 盟 于重 丘

齊, 何 ? 晉平公之盟不言同, 猶 以 不 齊之即 Ħ 百 也。 楚 也。 此 據 溴梁、 齊 向 成 也 祝 也 齊 柯 雖背 則 雖 日 澶 司 淵 猶 盟 服

之,則

異於

他人者矣。

是故衞有二君,俄

于 而甯喜之弒械成,則晉人爲之也。

楚,且 公不見弑 乞師 則 焉 不 待盟于宋而 丽 楚 爲伐 鄭 諸 以 侯皆楚之從 救 之, 使 莊

未

叛中

國

也。

莊公既伐晉而

懼

遂

自

通

侯,閒有事也。 矣。其曰同盟,晉懼失諸侯也。重言諸

公至自會。

衞侯入于夷儀

伯突。 舒、宛 剽無 既 名? 譏焉? 以 也 會 無 而 不 于 晉 名,以 夷儀 會 辨 據鄭 没 人爲 不在。 矣,故 陳 逆衞 是故 伯 者,剽 大 氏傳》曰 突入于櫟名。 戚之會以定 侯, 人 夫 復 衞 夷儀不名,名之,則 無 使衞 有 也。 歸 出 一、「衞侯人國矣,而 名之。 二君者十年,則固不可 其君 與之夷 則衎入夷儀何以 晉逆之也。 衞 而 於是 0 儀 伐之之道 自溴梁以 晉 則 侯 衎之出 疑 於 晉納 於 使 衎 來 也 魏 鄭 不 何

建未 有甚 斥其名氏。 以不詳其 罷爲之相 楚大夫將 故遠罷 屈建爲 嘗 於 爲 1 寇 未嘗寇中 宋之盟,使 人也。 其罪 寇者,則 稱大夫,必嘗爲中國 中 令春 或 門則 秋》之用法嚴矣。 有甚於爲寇者,則 故二子者雖有事蠻夷,皆 國 不可 南北之從交相見,其 也,以 滅 舒 以 鳩 楚靈 不詳 何 以 患者 吞 其 稱 滅 人 亦不 名氏 諸 也。 也 夏 口 是 罪 侕 ? 屈

冬,鄭公孫夏帥師伐陳。

十有二月,吴子遏伐楚,門于巢,卒。

《穀梁傳》曰:「諸侯不生名。 楚,至巢,入其門,門人射吴子,有. 之伐楚之上者,見 舍而卒。 自入州來至是而書伐楚,略之也。 非吴子之自輕也。《 以 伐 楚卒也 陳氏傳》曰 取卒之名加 吴子遏伐 矢創 於是 反 :

吴子 則 始 其 通 但 親 於 書 門 上 門 于 或 于 巢 巢 争長 巢 何 牛 ? 於 臣 楚, 不 隱 以 於 而 咎 短 喪 巢 牆 身於匹 以 也。 射 夫 之。 諸

是 自 取之 也

君 剽

+

有

六

年

春,

王 二

月辛

卯,

衞

甯

喜

弑

其

聞 弑 爲 侍 宜 立 餘 氏 不 日 [[ 甯喜 後 年,非 剽 於 與 難 讀 立 喜 之,諸 剽之立, 何 不 也 雖 : 啚 加 喜之所得貳矣。 弑 悔 稱 夫 出 其 侯 之,不 宜 偷 據 弑 衞 定 君 得 則 其 焉 君 剽」,言罪 之, 自 效 其 ? 可 位 而 全之計  $\Box$ 及矣。 V. 衞 ൬ 嫌 甯 勿聽 剽者, 享其 人 以喜之受命 喜 《左氏 戴 之在 弑 以 然 禄, 使 甯 其 爲 則 篡 甯 殖 傳》 臨 君 君 爲 弑 也 氏 陳 禍 何  $\Box$ 者 甯 于 大 也 ]:「書 不 ? 喜 + 殖 己 則 傳 死 有 曷 III 劉 甯 Ш

> 存焉。」 故《春 又將 之 ? 侯 之 焉名之? 會 剽 秋 + 列 ※不 有 於 諸 没 削 侯 而 其 之 後 實 而 會 出 而 存 七 IE. 其 而 後 人 是有 不 弑 也 · 正, 不 子 其 將 奪矣。 弑 焉 也 與 名

衞 孫 林父 人 于 戚 以 叛

家 + 陳 九年 有 氏 季札 藏 傳 甲 過 日 衞 邑 將 有 宿 書 於戚 百 叛 雉 必 聞 之 不 鍾 聲 城 能 焉。 矣。 討 春 者 秋 書 彻 之季, 叛 據二 始

甲 午 衞 侯衎 復 歸 于 衞

於

此

諸 昔 經 鄭 之 歸 皆 歸 侯 者鄭厲 必 則突之歸 不告,史必 之 何 不書。 會 以 公自 書? 魯 據莊 罪不加 櫟侵鄭 不書。 始 春 十四四 終 秋 年 君 之 於奪適,不足詳矣。 傳 子儀 傅 突。 世 文。 瑕 篡 之弑 弑 則 則 Ÿ. 子 子儀 剽之弑、 苟 既 儀 未 不見於 而 之弑 列 厲 於 衎

日

或

無二尊、《春秋》之法也

衎列於諸

奈

乎

死

阚

H

也。

鄭

良

霄

稱

名氏者,鄭

伯

爲

衞

侯

故

如

也。

胡

侍

講

日 

趙武

不書,諸

侯

助

孫

氏

季孫

矣。

是故内不諱公,見公之爲

大夫

役

衎之復 侯之會 歸 不 可 數 秋,宋公殺其世 晉,知鄭 獨 不釋君 而 助 臣 也。

朔、僖二十八年衞侯 辛卯,衛甯喜弑 「喜弑 穀梁 剽四 傳》曰: 鄭 其 皆 君 不 H 剽。 書 ௱ H 日 衎 甲午, 衞 見 歸 復歸 知 據莊 弑 于 侯衎 六年 衞 也 0 衞 復 言 孫 侯 台

不詳

矣。

於是見弑

而

著

于經

則

明

復日:

衎見

出

於大臣,而剽立

列於諸

夏,晉侯使荀吴來 聘。

歸于衞」,以見衎待弒

而歸

也。

公會晉人、鄭良霄、宋人、曹人于澶淵 與? 君命來聘且召公,而公無辭焉,公進 六十以益 於是會于澶淵以討 宋向戌者,武之所 季孫之專魯,甚於孫氏。 孫 氏 ,晉大夫爲之也,故 衞。 善也。 疆戚 Ш 然則 一, 取 當 荀 趙 公 衞 吴 退 無 武 西 在 以 譏 稱 鄙

> 人執衛甯 喜 字 痤

爲政,叔向爲之謀主。二子者,亦何益 也。 今爲 伯討 《公羊傳》曰:「此執有罪,何 人之國乎?」 君 弑 人執之曰『爾曷爲納君而伐孫氏』云爾, 召諸侯殺林父,以戚 日 不以其罪 \_; 也,林父出之,其反也,林父叛之。晉侯 君 故不書。」家鉉 臣 也,討其 也。」高抑崇曰:「晉人執甯喜,非討 執 而 衛侯不書者,爲盟主諱 執 執也。」劉侍讀曰:「甯喜如晉,晉 其 伐 君 戚 斯 翁氏 而 楚。 中 歸 殺晉戍 衞 . 或 曰:「是時 爲義之士 ,則方伯之事 以不 也。」 也。 爲  $\pm$ 晉 伯討 所 衞 沿 趙 侯之 恥 也。 於 武 罪 氏 其 非 ?

八月壬午,許男甯卒于

《左氏傳》曰: 「許靈公如楚,請伐鄭 也。

二0七

冬,楚子、蔡侯、 陳侯伐鄭

葬許靈公。

一十有七年春 ,齊侯使慶 封 來 聘。

衞

夏,叔孫 楚之成 見也。 於兵 文數 崇曰:「自 哀之《春秋》將以終於吴、越焉爾矣。」高 無君 之大變也,以 楚嘗 石惡、陳孔 不書,猶曰 陳氏 臣之分,於宋 盟 革 豹會晉趙武、楚 傳》曰:「晉、楚 矣,會 於是始,天下 年 而 之業 是 特 燮會公子罷,盟于宋西門之外。 奂、鄭良霄、許人、曹人于宋。 天 中 相盟 于瑣 諸 下 國諸 侯 朝 之 前 也。 分爲晉、楚之從 澤之歲,宋華 侯兩事晉、楚,齊桓 勢 而 無夷 之大變也。 初同主夏盟 壞 屈 遂 兩君之好 之。 建、蔡公孫歸 大 夏之辨。 潰 生 而 ·元克 民 於溴 而非天下 也。 不 雖 而 昭、定、 合晉 口 暫 梁 交 晋、 生 晉 相 收 免 抑 而

> 衞 殺其大夫甯喜。

以 夫,與之涉公事 弑 里克、衞甯喜皆曰 圃 曰:「喜弑 穀梁傳》曰 弑 以 君,其以 其 (君之罪罪之者,惡獻公也。」孫 私殺之, 剽 累 : 而 上之辭言之, 稱 納 矣。 則 行, 衎 或 『殺其大夫』。」 殺 以 甯喜立君、弑君, 之不以 殺,罪 反 或 何也? 其 累 而 罪 F. 復用 也。 也 嘗 之, 幸 而 故 爲 甯 既 老 不 大

衞侯之弟鱄出 一奔晉。

之。 將 殖與 《公羊傳》曰:「衞 弟曷爲 日 : 諾諾 死,謂喜曰: 何如?』獻公曰:『子苟欲納我,吾請 我 孫林父逐衞 朏 甯 即 出 公者非 殖死 奔晉 死, 。 喜 汝 ? 甯氏 『黜公者非 侯而 能 殺其大夫甯喜, 立 爲 也,孫氏 古 爲 殺 立公孫剽。 育喜. 大 納 夫, 公 吾意 為之。 出 乎? 使 奔 也、孫氏 人 也 則衞 甯 謂 喜 吾 殖 獻 欲 衞 侯 日 爲 之 納 甯 與 公

拾

伯 如 之所 以 夫 以 人 胴 至 良 É 也。 齊, 豹云者,蒙 婼 至 自 晋, 上 文 皆 也 蒙 僑

與孫氏,凡在 爾!」公 文 也

子鱄 黑朏 不得 我 已而 者 非 與 甯 八之約。 氏 已約,歸至,殺甯

之。』獻

公

謂

公

子

鱄

公公

子

鹪

辭

獻

公怒

:

子

盟

られる

日

:

無

所

用

盟

請

使

公子

鱄

約

喜。 其 妻子而去之。」家鉉 翁氏

公子轉挈 鱄自 以 失信 於死者,逃其兄而 去之。

書日 反 或, 『衞侯之弟』,譏 既 反 或 圃 不 不友也。 能 安鱄 公非鱄不得 之身,不友

甚矣。」

秋七月辛巳,豹及諸侯之大夫盟 于宋。

夷狄之盟不月。

此其

日

何 ?

兩主

之也。

陳氏傳》曰:「自宋以來,晉不專主盟矣。

則齊主諸 虢之盟,讀舊 侯。 書 至 加 泉 于 鼬 牲上而已。 則魯及諸 侯。 至 鄟 晉之 陵,

也。 也; 不足以主 孔子 大夫之奏肆夏,由趙文子始也。』是王 夏盟  $\Box$ 『庭燎之百,●由 自宋始。 宋之盟,趙孟 齊桓 公始 之偷

冬十有二月乙亥朔,日有食之。

二十有八年春,無冰

夏,衛石惡出奔晉

《左氏傳》曰 衞 人討甯氏之黨,故 石 惡 出

奔晉。」

邾 子來朝。

秋八月,大雩。

仲孫羯如晉。

 $\wedge$ 左氏 傳 **>** 日 : 告 將 爲 宋 之 盟 故 如

楚也。」❷

冬,齊慶封 來奔

燎」原作「僚」,今據四庫 本改。

0 如」,原作「爲」,今據金曰 銿本改

0

十有一月,公如楚。

侯也 欲反。 公朝 之,而後鄭伯 爲楚也。』宋公遂反。 公至不月,必至 公如大國不月。 也?』公遂行。 自楚書月著例。 ! 夷 魯人曰:『我楚國之爲,豈爲一人行 狄也。 於是鄭 何休 始 於是公及漢,聞楚子卒,公 使游 宋人曰: 行; 自 如 氏 楚 楚月 吉如 曰 : 衞侯違三歲 而 甚矣魯之不競於諸 後 『我一人之爲, 楚,及漢,楚人還 如如 異 月 其 楚皆 據 事 昭 而 也。 月者, 公 後 如 楚、至 是故 行; 非 危 庚午,衛侯衎卒。

召 而 也。 魯人獨 汲 汲 於楚,此 所以 來薳 啓 疆之

有二月甲寅,天王崩。

乙未,楚子昭卒。

一十有九年春,王三月,公在 楚

不書葬,魯不會 何言于公在楚? 也 《左氏傳》曰:「釋不朝正

> 復日: 或 氏 者、《春秋》之法、譏公之失其 之文,雖在齊、在晉 所 四 公二十二年 于 年春至自晉之類。 也。 以 廟 曰:「公在外不 爲筆削也。 也。」吾君嘗以 一在中 在楚,則書之。 如 齊、❶二十三年春至自齊、文公三年 或 猶 以 不 미 朝 書。 不 正月在齊、在晉矣, ·, 在 Œ 而 朝 必書; 楚,夷 多矣,不書者, 夷狄甚矣。」 正 在 楚 而 釋之者,史氏 何以書? 必在楚 所 狄也。」 也 孫 在 乃 陳 如 據莊 書 此 明 中 岳

夏五月,公至自 楚。

閽 弑吴子 餘

姓,閽 君 穀梁傳》 也。 不得 禮, 曰 : 君不 齊於人; ·使無 閽 門 不稱 者, 恥,不近 其君、閻 寺 門 也。 刑 不得 人,不 不 稱 君 狎 其 名

0

侯

般,

假討

賊

之義

以

盟

諸

夏,如

楚

靈

 $\pm$ 

敵 不 邇 怨。 賤 人非 所 貴 也,貴 人非 所 刑

也,刑 吴子近刑 人非 人 所 也。 近 也。 閻弑吴子餘祭,仇之也。」 舉 至 賤 而 加之吴子

程 允夫曰:「謂 之弑,蓋其君也。 不 日 其

君,賤 也? 以閽 閽 也。 食庶人在官者之禄也。」 盜 殺蔡侯申 書殺, 閻 書 弑 何

仲孫 儀、鄭公孫段、曹人、莒人、滕人、薛人、小邾 羯會晉荀盈、齊高止、宋華定、衞 世 叔

陳氏傳》曰:「會盟必有 故也。《春秋》書

會盟而不言故,屬辭

比

事

而

功

過

分矣。

於

人城杞。

君,孫林父以 是,書城杞,於澶淵,書宋災。 邑叛,蔡世子般 弑 衞甯喜弑 其父,吴、 其

爲 楚之大夫交聘於中國,天下亦多故矣。 盟 主 而 品 品 於宋、杞,是晉之已 細 也。 晉

晉之已 細 **而** 後 有執 齊 慶 對、放 陳招 殺 蔡

> 者 矣。」

晉侯使士鞅 來聘。

《左氏傳》曰:「拜城杞也。」

杞子來盟

來盟 杞介大國 不 月 以 者,大夫之 治,魯 歸 事 H 而 也。 杞 據 伯 大夫 親 來 來

盟

不月。

涖

盟

於是魯人卑之,以子男之禮 不月, 譏杞伯之自同於大夫與 接。 魯人之卑 故 雖 或 君

之也。

吴子使札來聘。

者,吴子既弑 吴子,餘祭也。 而 孫明復曰:「先書殺後書聘 札 始至魯也。

秋 九 月,葬衞 獻 公。

齊 高 止 出 奔 北 燕。

^

穀梁傳》曰:

「其曰北燕,從史文也。」

冬,仲孫羯 如 晉

三十年春,王 正月,楚子使薳罷來聘。

改 襚 報 自 來 歲 朝 聘 與 而 悼 雖 疑 陳 遠子 吴、 公始。 侯、鄭 於 楚 中 來,非 不 或 伯、許 於 月 伯 是公 椒 者 此 與吴札之比矣。 男 也 何 如 送葬 以 楚,楚 伯 月 于西門之外。 主 ? 以 人 爲 聘 使 其 報 故 公親 以 朝 特 聘

夏 几 月 蔡世 子 般 弑 其 君 古

月

以

異

之。

蔡 11: 異 也 世 侯 子 其 非 事 故 淫 弑君 先王之 弑 而 非 而 不 日 弑 書 -父,播 法, 此 此 君 H 者 内 何 則《春秋》之旨 法 其. 外 以 有 惡 亂 不 輕 於諸 鳥 H 重 ? 獸 也。 侯, 所 行 明矣。 故 由 以 則 許 不 來 滅 者 日 111: 之。 異 子 以

諸

君

先

司

火

在

宋

逮

Ŧi. 月 甲 午 宋災。 宋 伯 姬 卒。

之君 其 子  $\Box$ 日 H E. :「災莫大 外外 取 不能 卒之日 災例時。 救 於君 其 加 爲 之災上,見以災卒 君 伯 母,而使之逮乎 母: 姬 之焚死。」其 之卒 也。 (日,罪 穀 也。」君 火也。 梁 傳 宋

> 公孫 之婦 曰「女而 月. 宫 君 |別《左 實 乎 母: 也,子産使子上巡羣屏攝 侯 人 登徙 乎? 所 ,豈有合乎《 道 火 ; 使府 也, 加 出 盡 也。 以 老,而 不 氏 而 舊宫人, 寘諸火所 自 矣」。 大龜 婦 傳 爲 宋公無臣子矣。 人、庫人各做 文 也 學 之 ; 可待之 也  $\Box$ 者 徒 辭 春 祝史徙 伯 秋 以 不 以 以 伯 姬 空言 能 自 爲 以 姬 待 察, 文 賢 主 下 已 其 姆 爲 伯 日 不 袥 老 堂乎? 以 於是 ,至于大宫; 者 事 訓 ·及,而 矣 姬 於 爲 伯 ; 周 · 使 則 非 而 伯 姬 懼 商 廟 與 不 姬 待 其 況 成 鄭 其 ? 知 伯 公做 告 病 姆 惡 於 或 傅 使 其. 姬 則 於 其. 于 姆 此 IIII

天  $\pm$ 殺 其 弟 佞 夫

非

^ 書  $\pm$ 陳 殺 據惠 周 氏 公 傳》  $\pm$ 黑 殺子 Ĭ 肩 -類 敬  $\pm$ 凡 甚 殺  $\pm$ 者 召 殺 伯 母 不 盈 弟 # 書, 亦 古 類 本 不 何 書 休 雖  $\pm$ 據 襄 傳 子 E 不 殺 莊

母: 弟 Ŧ 帶 V. 必 儋 殺 括 無 欲 罪 V. 而 王子 後 書。 佞 於是,靈 夫, 佞 夫  $\pm$ 弗 一崩 知

也。 傳 也 孫明 尹 氏 復 書 劉 日 日 天王 氏 :「天子得專殺,故 殺 佞夫,括 殺 其 弟 佞 奔 夫』, 晉。」《 天 Ŧ 罪 左 殺 在 Æ 大 Ŧ

杜

元

凱

 $\Box$ 

卿

共

葬

事

禮

调

度

也

夫不 義 侯 天子,不能容一母弟也。」《穀梁傳》曰:「諸 且 書。 天子、諸 不首惡, 此言 況於天子乎? 侯 殺其弟佞夫者,譏景 所 親 者, 唯 長 君 子 無 母 忍 Ī 弟 親之 尊 爾 爲

王子瑕奔晉。

天

 $\pm$ 

殺其弟佞

夫,甚之也。」

周 則 而 在 殺 Ŀ. 公黑 事 何 括 王 周 子 公黑肩 月 以 與 也 不 瑕 也。 肩 月 嘗 奔 ^ 0 ? 欲 子瑕 晉 春 一,則 立 而 秋 據 莊 王.  $\pm$ 以》有蒙: 儋 十二年 佚 子 子 括 賊 克矣, 克 之黨 矣,故書之。 上 宋 奔 事 燕。 萬 桓 奔 月者 也。 十八 書 不 月 年。 佞 書,罪 著例 以 夫殺 佚 著 莊 賊 蒙 例 不 王.

決之。奔不言出,自外也。儋據不書,

賤也

秋七月,叔弓如宋,葬宋共姬。

鄭良霄出奔許,自許入于鄭。

良兄 入者 其 罪 氏 駟、良之争 華 奔 政,使公孫黑如楚,辭,將强使之。 則曷爲 元自晉歸 之甲伐之,則出 出 何 ? 也 悪悪 弟 人 故 爲 不申言鄭 也,而 爲自 于宋」。 閒 也。 聞 事 無 許 於諸 争。 異事, 書 不 蒙上文 人 良 也 言 非其 鄭 ? ? 於 侯久矣。 復者 言 得蒙上文以見之,明 是良 是故 罪 也。 故 據 也。 宋華元 也 霄 位 書 出 未 未 於是 人 其書良 非 自 絶 出 絶 而 奔晉,書「宋 其 許 也。 伯 于 黑 不言復 罪, 人 位 (霄出 有 以 鄭 而 駟 爲

「王」,原作「土」,今據夏鏜本、金曰銿本、四庫本改。

0

出 , 出 而 以惡 人。 甚矣鄭伯之失政 也。

鄭 人 殺 良 霄

大 良 辭書之? 良 稱 夫 則 霄 霄之出人皆爲 人 (盟于: 自 以 鄭 殺 墓 人 大宫,盟 門 良霄 固 討 之 以 賊 賊 瀆 出 駟 之 討 入,介 而 或 氏 辭 也 駟 人於師 也 也, 氏 ,則 於 得 故 襄 君。 曷 不 之梁之外, 庫 爲 言 以 鄭伯及其 以 其 伐 討 大夫。 舊 賊 北 之 而

冬十月,葬蔡景公。

人、滕 晉人、齊人、宋人、衞人、 人、薛人、杞人、小邾人會于 鄭 人、 曹 人、 澶 莒人、 淵, 宋 邾

災故。

故 爲 也, 曷爲 武、齊公孫 大 路略之。 宋災故 夫會,從 復 一合諸 凡伯者之會不言故,於是特言 不 蠆、 其 序 恒 宋 侯之大夫,疑於伯者之會 ? 向 稱 矣。 分災,侯伯 戌、 衞 此 北 叔 宫 孫 之事 佗、 豹 會 鄭 也 台 罕 台 虎 趙

> 狄矣。 之變, 譏不 之也 微 讀 焉 無 災 故 之憂者,臣弑其君,子弑其父。 盟于扈。 吾大夫。 矣 日 歸 故 則 而 一。』《陳氏 書吾 諸 ! 在 於宋,故 非 雖有 一蔡人 魯矣,則 九年公子遂 或 夫災 伯者之辭 侯 君。 與 之 之大 栗,吾 有 弑 傳》曰:「凡 雖 禍 不 大夫不序,吾大夫在 議 其君 諸 也, 不 夫 書 也。 會晉 得而 也。 侯 書吾君、吾大夫。」劉侍 會 其 非 而 之所 人、宋 據文七年公會諸 天下 《左氏傳》 以 不謀,宋災 諸侯不序,吾 謀 不書 當 人、衞人、許 之憂。 歸 救 宋 魯 如 然 日 財 大 是, 而謀之, 侯,晉 焉 彼 而 人 夫, 天 既 則 救 君 爲 而 大夫 時 F 鄭 宋 夷 書 在 而

三十 有 年 春 王 王 Œ 月

夏六月辛

巳,公薨

于楚宫

之。 楚宫 薛 者 士龍 别 宫 日 : 也。 「小寢猶 公朝 楚,好 非正 其宫 也, 歸 況 而 别 作

宫乎?」

秋九月癸巳,子野卒。

子名者,襄公未葬也。 不 -薨 不 地,且不 書

己亥,仲孫羯卒。 葬,降成君也。

冬十月,滕子來會葬。

之喪,士弔,大夫送葬。」《陳氏傳》曰:「諸 諸侯相會葬,非禮也。《左氏傳》曰:「諸侯

焉,亦已卑矣。晉於是止公,使送葬。 侯來會葬於是始。 晉景公之喪,成公弔 諸

也。葬楚康王也,公及陳侯、鄭伯、許男送 侯莫在,魯人辱之。雖伯主未有君會葬 者

矣。 於西門之外,則天下諸侯有會葬於楚者 於是滕子會葬於魯,是春秋之季也

會葬猶可,奔喪甚矣。」

癸酉,葬我君襄公。

十有一月, 莒人弑其君密州

春 秋 集傳 卷第十

後學 成德 校訂

及展 大 以 君 國人以弑之,立而以微者告也。 杵 殺 Ħ 君 輿,既立展輿又廢之。 莒子虐, 日<sub>。</sub> 此 稱 人,其 苟 非微者, 不 H 何? 則 不  $\Box$ 莒子生 據

人弑其

稱

人

宋

去疾

展

輿

二 五

春秋集傳卷第十二

襄十二年救台遂

人鄆。

莒嘗取之,不

書。

外

取

鄆

者,莒、魯

所

争

邑

也。

文十二年

季

孫

帥

師

城

鄆

### 安 東 山 趙 汸 輯

新

### 昭 公 上

戌、衞 叔 元 孫 年春,王 豹 齊惡、陳公子招、蔡公孫歸生、鄭罕虎、 會晉趙 正 月,公即 武、楚公子 位 圍、 齊 或 弱、宋

向

許人、曹人于虢

尹 左氏傳》曰: 許之。」杜 崖 請 用 牲 演讀 元 「會于號,尋宋 凱 舊書, 曰 : 加 楚恐晉 于 牲 之 1: 盟 先歃,故不 而 也。 ᆜ 楚令 台

三月

取

鄆

六月丁巳, 邾子

華卒。

歃

、此所

以

不

書盟。」

免。 何 ? 會,叔孫幾爲戮,賴 叔 楚公子圍于號,以 書。 以異之,據内取邑不月。 邑,雖取之我,猶 孫,違盟 此季孫 故不言伐,使若 爲内 諱 伐 宿伐 也。 占 占 以 莒 不書 弭 叔 取 晉趙武 取 兵 孫 譏 不 鄆。 尋 鄆, 也。 豹 在 以 及諸 宋之盟 内 師 則 於是莒 據成二年 古 也 得 其不言 . 請 侯 之大 於 齊 人 楚 而 而 取 伐 愬 夫 特 而 宿 龍 會 莒 後 于 背 月 不

夏,秦伯之弟鍼 出奔晉。

其 《左氏傳》曰:「書曰『秦伯之弟鍼』,罪 屬 也。」《公羊傳》曰:「有千乘之國 也。』《穀梁傳》曰:「諸侯之尊,兄弟不 母弟也。 通 其弟云者,親之也。 親 而 而 奔之, 不能 秦伯 得 惡 容 以

六

晉荀吴帥師敗狄于大鹵。

伐 敗 卒,復有事於夷狄,至伐鮮虞、《春秋》遂狄 悼公之伯 陳 (狄至是 陳 獣 氏 必弗 也。 傳》 能 也 而 日 獲 ],魏絳 救 再見,其 戎失華,毋 ··, 是 晉自悼公以來,狄 棄 諫 陳 再 日 也,諸 : 見 乃 『勞師 何 ? 不 可 菙 乎! 晉 於 必 彌 師 戎 叛 前 衰 不 |悼公 戎, 也 出 楚

秋, 莒去疾自齊入于莒。

晉矣。」

之以 之與 人召 與 展 犂比公生去疾及展興,展 公子恒稱公子,必篡若争國而後名之。 争國 輿 争 去疾 惡 己 者 人 立 或 者無 同 矣,而去疾自外 于 同 齊,則. 也 也? 辨 矣。 苟曰公子去疾,則與大夫 去疾 《春秋》美惡 宜入者也。 火輿弑 而 君 不 則 嫌 而立,莒 曷爲 古 百 書之 辭 莒 稱

莒展輿出奔吴。

音见。 展興嘗踰年矣,不稱爵,未有成之爲

君

者也。

叔弓帥師疆鄆田。

傳》曰 ^ 季孫 懼 亂 穀梁 不服 而 嘗帥 取之,又帥 : 傳》曰: 也。」高 與 師 苔 城鄆,後復爲莒 抑 「疆之爲 爲 師以疆之者,懼 崇日: 竟 也。 「疆者 言 曷 猶 爲 所取。今乘莒 竟 帥 ,封溝之也。 不服 也。」《 師 也。」 而 公羊 往 ?

葬邾悼公。

冬十有一月己酉,楚子麇卒。 焉,相 從而 《陳氏傳》曰:「此公子圍弑其君,則 也。 何? 國之君 圍之未 書卒,所以誅楚之臣子 會于甲,以 與設 以 如 君 恒 薨 應爲 弑 辭, 赴 也,魯、蔡、鄭之大夫固 齊慶封 也。 後 猶 之辭,甚矣 鄭 君 騑 徇於諸 弑 也 矣,晏 聽賊之所爲 而 侯 無人紀 其 然 臣 赴 其書卒 知之 子 於 也。 無 聽 他

或 如 慶封 齊 慶 日 封 : 弑 無 其 或 君 如 共 弱 王之庶 其 孤 子 以 韋 盟 其 弑 大 其

君兄之子 史 見 麇 其 而 事, 代之,以 吞 秋》著其 盟 諸侯。』軍 心,則 X 後 粲 世 然

有考矣。」

楚公子比出奔晉。

之 ? 出 比 與圍 則 以 非 兄 韋 其 弟 殺 罪 也 立之罪 矣。 而 爲右 出 不著 非 尹 0 其 於《春 罪 於 是不 則 秋》,故 曷 義 爲 韋 書 書 而

二年春,晉侯使韓起來聘。

比

之出

以

明

變

也

夏,叔弓如晉。

秋,殺其大夫公孫黑。

此 申、宋山 殺 有 皆 罪 去 族。 也,曷 不 能 爲 以 從 時 其 討 恒 也 稱 ? 劉 據 侍 楚 讀 得 臣 日 : 官

以

累

上言

之何?

惡

鄭

伯

也

何

.思

乎

鄭

稱

或

以

殺

大

夫

者

罪

累

E

也

黑

有

罪

其.

禮,扶 不誣 矣。 乎亂 也 而 亂 楚 以 伯 而 ? 勝之爾。 爲 疾 無 豊 幸 然 盟諸 大夫。 奈何? 上而 作而 言不得討 罪。 而 前 ^ 大 抑 卧。 春 或 勝之哉 及其惡成 夫,黑於是自 又與公孫楚争娶徐 黑 下 秋 君 伐 也。 有罪,以 子 **>** 專 或 良霄 産 殺 先王之法,不誅 與 使 而 大夫,非王 而 之,所以 史數諸 罪 放乎 逐之, 以 見,誅之無留 爲 亂 卿。 其家, 吾 君 見 法 也。 弗 氏 君 所 又 不教 誅 則 臣 得 其 將 君 也 獄 之 爲 幸 爲 放 放

冬,公如晉,至河乃復。

季: 孫宿. 曰:「非 甚 敢 復 公如晉,弔 矣。 以 如 諸 嬖 晉 趙 侯 寵 伉 自 武 之 儷 少姜 卑 也,請 之 喪 以 卒. 辱 也。 事晉者,不惟 也 或 君無辱。」乃還。 君 及 鄭 也。 河, 伯 如 晉侯使 以 台 魯 公自 弔, 也 及 卑 台 來 爲 维 猶 E 乃 不

三年春,王正 月丁未,滕子原卒。

夏,叔弓如滕。 Ŧi. 月,葬滕成公。

杜元凱曰:「卿共小國之葬,禮過厚 襄公,滕子來 會 ,故魯厚報之。 也。 葬

秋,小邾子來朝

冬,大雨雹 八月,大雩。

北燕伯款出 奔 齊。

几 年春,王正月,大 八雨雹。

夷會于申 子、頓子、胡子、沈子、小邾子、宋世子佐、淮 夏,楚子、蔡侯、陳侯、鄭伯、許男、徐子、滕

合南 楚始專合諸侯也。 北諸 侯十 有二國于方城之内,宋世子 申,楚地,在方城之内。

所未 與淮 晉侯安於宴樂,不在諸侯,公室以卑,政在 夷俱繼 有 而 晉 小 人 國之君,蓋自楚入中國以 聽 焉,則 宋之盟 爲 之也

> 不争, 大夫 志以專諸侯,諸侯亦不得已而從之爾。」 滕、小邾雖 魯、齊、衞、 高抑崇曰: 而 則雖 軍政 會,而 曹、薛、邾、杞 「申之會、非與 欲不以諸侯與楚,不可 八日弛。 終不 於是 與 中實畏難 也。 不 國則小 會 則 也 雖 或 偃 宋、 而文以 得矣。 IIII 然肆 鄭、

楚人執徐子。

大盟會。 子,危會申之諸侯也。 相執不志,爲中國危之,故志之也。」 楚,於是執徐子 十二年楚執舒子平、昭三十年吴執鍾 陳氏 傳》曰:「以 越九年而十二國之君皆受 將 夷狄 以 威 中國 自宋之盟,中 執 夷狄,不 也。 離 子。 是故 書。 書 命 或 夷狄 執 據 于 無 徐 文

秋七月。

來

爲 滅國 月 也。

夷伐吴。 楚子、蔡侯、陳侯、許男、頓子、胡子、沈子、淮

再 序 諸 侯, 有 不 與 伐者 也 宋 華 遂、 鄭 大

夫 從, 不 書。 凡 諸 侯 以 兵 屬 夷 狄 皆 不

執 齊 慶封 殺之。

書

也

也 不以弑 穀梁傳》 ],不與 君之罪 (楚討 曰 : 也。 罪 爲 齊討 《春秋》之義,用貴治 之者,慶 也 封 慶 封 不 弑 爲 其 靈 君  $\mp$ 賤 服 而

傳》 惡 用 而 賢治不肖,不以  $\Box$ 討 雖 執 死 齊慶封 不 服 亂治 其 何? 斯 亂 之謂 也。 以 伐吴。 與? 孔子 日 慶 陳 封 再 懷 氏

子 再言楚子? 楚以討 齊 慶封 據會于戚,晉 之辭 也, 侯執 猶 曹 曰 伯 諸 再言晉侯。 侯 執 之 不 焉

奔吴,吴予之朱方。

此執有

罪

也, 曷爲

不

號 執 也 耳 于 齊 訖 天 慶 申 下 封 于 之 ·, 由 會 厥愁,諸 放 · 楚 是 陳 而 招 始 滅賴 專 夏 殺 合諸 無 蔡 、滅陳、滅蔡矣。」 會同 般 侯,夷 假 者 討 十年 夏之大 賊之義 而 以 楚 變

> 遂 滅 賴

日 遂 滅 異其 國 何 事 以 於中 不 日 或 ? 也。 據 襄 十年 諸 侯 諸侯會于 滅 或 不 柤 遂 日 滅偏

必

有 有 謂 謂 而 而 後 後 H 月 甚 甚 則 則 不月 日 0 ; 夷狄 滅 或 滅 也 或 不 而 月, 所 以 必

九 月 取 鄫

詳

略

不

同,

春

秋

》治

夷

狄

古

與

中

或

異

也

我也。 於 其言 于天子,告于 是 鄫 取 故特月以異之。 叛 之 何 ? 而 來。 方伯, 兼 不 之也。 而 能 遂 以 據内取 兼 興 莒 之,是 滅 國 滅 繼 不 鄫 鄫 絶 不 卒 之 能 滅 義 救 於 請

冬十有二月乙卯,叔 孫豹 卒。

Ŧi.

年春,王正月,舍中軍

《左氏 傳》曰: 「卑公室也。」 舍中 軍 則 何 以

於是 爲 卑公室? 含 中 軍, 季孫 四 分 宿 公室。 以三分公室 季氏 擇二,二子 爲 未足,

各

取

其

皆盡

征

之而

貢

于公,

則魯公寄

中軍、從祀先公、皆善辭也。微國史無以食於三家、不復有民矣。《陳氏傳》曰:「舍

知舍中軍爲季氏專魯,從祀先公爲陽虎專

季氏也。然則《春秋》固不可以無史與?

之史筆削之焉爾。史行於天下,六經修於豈惟《春秋》,孔氏之述六經也,則以歷世

之所去取者矣。《春秋》固東遷之史也,舍聖人。萬世之後,史與經並傳,有以考吾

苟其文不可以不是正,則有筆削。苟不必史云然,我何加損焉? 不没其實焉爾矣。中軍,從祀先公,是季孫宿、陽虎之事,魯

是正、雖無筆削可也。」

公如晉。

楚殺其大夫屈申。

夏, 莒牟夷以牟婁及防兹來奔。

人。其曰牟夷,以地來,重地也。及防兹,《穀梁傳》曰:「莒無大夫,據莒大夫盟會皆書

私邑累公邑也。」以大及小也。《公羊傳》曰:「其言及,不以

秋七月。

爲下事月也。

公至自晉。

秦伯卒。戊辰,叔弓帥師敗莒師于蚡泉。

□ 人、越人伐吴。 □ 冬,楚子、蔡侯、陳侯、許男、頓子、沈子、徐

其曰徐人、越人,便文也。 後 人、越人,復其恒 王,吴、越因亦稱 與中國 祝融之後也,徐,伯益之後 夷狄,而其實不同。吴,太伯之後也,楚, 史文也。劉侍讀曰:「吴、楚、徐、越雖比於 也。 其 上 冠帶之君 世皆 王。王非諸 無異。 有 一稱 元 則曰 德 徐始稱 一徐、曰 顈 也,越,大禹之 故便 功, 侯 可當稱也, 王,楚後稱 通乎周室 於越,皆從 文則 日 徐

均。 也。 故《 春秋》比諸 是以 推之可遠,引之可 上 不 使與中國等,下 夷狄, 雖然, 來,此聖人慎 猶 不欲 不 · 使 與與 絶 絶 夷 其 狄 類

六年春,王正月。杞伯益姑卒。

亦《春秋》之意也。

葬秦景公。

始會秦葬也。

《左氏傳》曰:「拜莒田夏,季孫宿如晉。

葬杞文公。 《左氏傳》曰:「拜莒田也。」

宋華合比出奔衞。

楚薳罷帥師伐吴。 秋九月,大雩。

冬,叔弓如楚。

齊侯伐北燕。

七年春,王正月,暨齊平。

燕及齊平也。《左氏傳》曰:「暨齊平,齊求

三月,公如楚。

故 盈 也。 伐 稱 遂伐晉』、『 大義,而 姬 燕大夫比 月, 寔來」; 言燕,蒙上文也。 之也。」《穀梁傳》曰:「暨者,不得已也 月,暨齊平」,皆蒙上文也。 盟 平不書,必關於天下之故 叛 焉 昭 與其 燕納 于鹹」、『次 靈公以來,齊首敗伯主之約, 。」蓋不予齊也。 齊景公有 人也。 定 寶賂 簡 而 卒 以殺公之外嬖,公懼 公,庶幾天下之大義 下, 崖 與 「齊侯 而還。 之 納北 衞』、『齊 于伍氏』,皆罪 馬 平, 春 「州公如曹」,「六年春 伐北 千駟,死之日 燕伯 秋》多罪 不書平,是與 是黨亂 襲占」、『 燕」,「七年春 猶庶 齊。 臣 而後書。 **陳** 幾乎 齊 逆 奔 也 氏傳》曰 暨 子 齊。 民 也 書 齊 ぱ 無 天下之 納 齊平二、 也。 以 而 於是 晉 得 夫子 定 王 取 齊 衞 是 侯 Œ 而 欒 燕 正 燕

叔 孫 姥如 齊粒盟

夏 四 月 甲 辰 朔,日有食之。

秋八月戊辰,衞侯惡卒。

九月,公至自楚。

冬十有一月癸未,季孫宿卒。

十有二月癸亥,葬衞襄公。

八年春,陳侯之弟招殺陳世子偃師

穀梁傳》曰:「鄉曰陳公子招,今曰

弟招,何也?

盡其親,所以惡招

也。

兩

下

也。」《言 子,君之貳也,云可以重之,①存焉,志之 相殺,不志乎《春秋》,此其志何也? 據陳佗、曹負芻。 陳氏 傳》曰:「兩下相殺,雖世子不 此 何以 書? 斥君之辭 世

也。 卒,負芻殺太子 陳侯鮑卒, 佗殺太子而自立, 曹伯盧 而自立,猶兩下相 殺 也

於公子招、公子過。 初,哀公元 妃 生 偃 師 哀有廢疾,招殺其 而 嬖二 妃,屬 其 子 世 留

> 譏不但其人也。書曰『陳侯之弟招殺陳世 子 子偃師」,『陳侯溺卒』,斥君之辭也。」 矣,又屬其嬖子於二公子,爲是殺世子,則 偃 師 而 立 留,哀公經 而 死。 哀 有世子

夏四 月辛丑 ,陳侯溺卒。

叔弓 如 晋

楚人執陳行人干徵師殺之。

陳侯之 陳公子留出 百奔鄭

鄭。不曰陳留,蔽罪於立之者也。是故衞 干徵師告于楚,楚人執而殺之。公子留 則首惡不在其人,故其殺皆曰公子。 公子瑕、楚公子比嘗篡立矣,苟有立之者, 公子。不以留首惡也。公子招立公子留,使 留已立矣,其曰公子何也? 據莒展興出 奔不言

秋, 蒐于紅

0 可」,原作「何」,今據金曰鍋本、 四 庫本改

殺之也。

冬十月壬午,楚師滅陳,執陳公子招,放之于

越。殺陳孔奂。葬陳哀公。

是夷 國。 也。 在 日 師。 滅 狄 陳 楚子奉孫吴以 則 日 人 以 曷 執、 聽 詐 爲 日 命 滅 但 殺、 一, 而 中 一稱 曰葬,皆楚子 或 師 ? 遂 討於陳, 而 縣 른 之。 異 其文以 十一年 是 曰:「將定 也,據傳, 故 滅 傳 異 文。 陳 其 楚子 滅 則 事 而

蕭、入陳皆稱楚子。 夷狄滅國不月,於是乎日,蔡,皆不稱楚子。 稱楚子則疑於楚莊。 據滅

陳、 而 中 蔡 或 非 不 近 能 楚之小 救, 大其 或 、變,故 比 也 皆 以 日 楚 以 滅 陳、 謹 之。 蔡

陳

孔

奂

者,公子

招

之黨

也

放

招

而

殺

奂

放與殺 陳哀公, 見 夷狄之暴,而 皆 書 非我 大夫。 往會 略 非 外 能 而 討 用 書 也 刑 也 也。 黎 楚 不言 錞 既 氏 滅 日 大夫,據 陳 葬

陳人殺其大夫公子過。

狩

必言公、昭、定之蒐不言公矣。」

蒐,皆三家所

以

耀

武

焉

爾。

是故

莊

桓

之

衞

革

車

千乘,皆三家之師

也。

自

是

而

屢

陳

氏

傳

**>** 

曰 :

蒐

于

紅

也,

自

根

牟至

于

商

悉書之,詳著

其

世

一變,以

譏

大夫之不臣

也。

不侔矣。

故大蒐于比蒲、

于昌閒,終春

秋

蓋

魯

君

無

民

於是始,

則

其

事

與

師

田

違

禮

者

家

分

魯

而

自

爲

師

乃蒐

于

紅

以

大閲

焉

則

閱

治

田

狩

之事

不足譏

也

於是

舍

中

軍

臣

八凡師

皆大夫師之。

荷軍

政

不

出於公,

于

紅

何

以

書?

自僖公救

齊

而

後將

帥

無

公

大雩。

師

 $\mathbb{H}$ 

違

禮

, 自僖、文而

後不

書者五公矣,

蒐

討 君 於 者 是 故不曰 公子 五月 公子 矣, 招 過 招 歸罪於公子過 殺 易爲 與 殺 而 稱 稱 偃 人以殺? 人 師 以 者 殺, 也 而 以爲 殺 以 與 之。 其 討 猶 罪 或 亂 陳 人 官 百 無

其 姬 君 同 在 層,因 經 已 而 取 書 而 楚 葬之,事 滅 陳 則 與 執 齊侯 陳 公子招、 葬紀伯

殺 陳孔奂、葬陳哀公皆蒙上文云爾。」

九年春,叔弓會楚子于陳。

許遷 于夷。

夏 四 月,陳災。

外災不月。 其月,異 È 或 也。 《公羊傳

高 日 :「陳已滅 抑 崇 티 -矣,其 陳 雖  $\exists$ 言 滅 陳 ", 而 火 何 ? 土 地 人 存 民 陳 猶 也 在

焉,不與楚滅之,故還繫之陳。]

秋,仲孫 冬,築郎 貜 有 如

十年春 Ξ, 正 月。

夏,齊樂施 來 奔

秋七月,季孫意如

、叔弓、仲孫貜帥

師伐莒。

陳氏 傳 曰:「舍中 軍 矣, 曷 爲 書 卿 帥

師 ? 几 分 公室,叔弓爲意 如 貮 也 於 是

> 孫 伐 婼居守。 TE,叔弓佐 自是訖 意 如 , 序於仲 春 秋,魯 孫 有 貜 四 之上 卿 而 丽

權

叔

歸三家。」

戊子,晉侯彪卒。

十有二月甲子,宋公成卒。 九月,叔孫婼如晉。 葬晉平公。

十有一年春,王二月,叔弓 不書冬,史闕文。 如宋。

夏 四 十六年楚子誘殺戎蠻子。 名之所以 名者,諸侯之終事也,故蔡侯般稱名。 楚子虔何? 以夷狄之君殺 月 丁巳,楚子虔誘蔡侯般,殺之于申。 正其 罪 也。 其 故其自 日,謹之也。 相 中國之君, 葬 殺 宋 不名。據 據宣 平公。 7 其

子。 邾戕鄫子不日。 《穀梁傳》曰:「何爲名之? 故 其 自 相殺 不月。 夷狄 亦 據 殺 之君 戏 蠻

中 或 之 君 而 殺之,謹之而名 之也。 稱

誘

日

稱

地

,謹之也。」《公羊傳》曰:「楚子虔

三六

故 容 此 何 不 義 討 生而 誅 以 矣。 ,君子不與 賊 名 名之,不得 也,雖 ? 楚子貪蔡 絶。 誘 (也。)孫 曷 則 爲 以 曷爲絶之? 土 絶之? 討 地 明 賊 復日: 殺之不以 論 當 爲 「般之罪 其 懷惡 坐誘 誘 其罪 討 殺 而 也 蔡 不 討

楚公子棄疾帥師圍蔡。

侯般

也。

大蒐于比蒲。

Ŧi.

月

甲

申

夫

人

歸

氏

薨

歸,

用之。

喪, 也 左氏傳》曰:「齊 晉叔 或 不 廢 向 蒐 日 『魯公室其卑乎 有 歸 三年之喪, 薨,大蒐於 比 1 而 浦, 無 君 有 非 大 H 禮

仲孫貜會邾子、盟于祲祥。

不月

,略之也

例

在

成

元

年。

之感

北 秋,季孫 宮佗、鄭罕虎、曹人、杞人于 意 如 會 晋 韓 起、 齊 或 厥 弱 憖。 宋 華 亥、 衞

> 謀救 憖 國,將焉 不能救 而 不 蔡 能 而 陳,又不 用之?」於是合九國 弗克 師, 使狐 也。 能救蔡,爲 父請 楚 師 蔡 在 于 蔡, 盟 楚, 之大 主 晉 弗 而 荀 夫 不 吴 于 恤 H 厥 亡 則

九月己亥,葬我小君齊歸。

韓

起之懦

也

冬十有一月丁酉,楚師滅蔡,執蔡世子有以

是乎 也。 父殺 也。 寢 世 諸 何 ? 苫 子 侯 滅、 或 虐用 劉侍 之日 有 孫明 枕 以其懷 日 守 戈 韋 執、 之。 讀 復 或 不 終 一, 拒 H 曰:「楚子虔誘 可 身, 日 詐 楚 守 古 : 用 「言世 以 故 師 危困 則 者 之,皆 崖 滅 異 父母 有之爲者,盡 之八 中 其 以 子有 或 之仇 事 至于死,未立可 楚 月 也 而 子 者, 蔡侯般,殺之。 而 絶 不 也。 其 其 有 與 不 日, 世, 能 未 共 於 其 服,於 天下, 立 世子 謹 與 稱 也。 知 争 師

或 之」;未嘗臣之也,書曰 矣。』《陳氏傳》曰: 也, 嘗臣之矣, 書 言執 ,弗臣之之辭也。 滅 日 『執蔡世子有以 而 以以 以 是故 沈 歸、未有言 子 均之爲 嘉 歸 歸 殺 滅 執

十有二年春,齊高偃帥 以不名? 穀梁傳》曰 :「納者,内不 師納北燕伯 名北燕伯也。」諸 ·受也 于陽 北 燕 侯 伯 不 何

用之」。」

三月壬申,鄭伯嘉 卒。

相名,而況於大夫,其

可

以名諸侯乎

不以高

偃

夏,宋公使華定來聘。

公如晉,至河乃復。

楚殺其大夫成熊 五月,葬鄭簡公。

秋 七月

冬十月,公子慭出奔齊。 於 是叔仲小、南 蒯、公子慭謀出季氏而慭

> 之。 齊。 復、季孫宿 不克,以費 也,故辭公。 役, 莒人愬于晉, 晉 更其位 例見関 以其罪有關於一國之故,故不日 如 憖告公, 晉 二年。 書。 叛 公子憖 如 如晉 不以謀季氏累吾君 齊。 丽 不書,據二年公如 遂 遂從公如晉。 有 子仲還,及 如 平公之喪, 晉。 既 郊, 而 也 未之治 台 南 取 至 遂 以 蒯 郠 河 之 異 奔 懼 乃

楚子伐徐

晉伐鮮虞。

此時。 能。 也。 晉何? 秦,以晉故 陳氏 《穀梁傳》 棄中 楚滅 傳》曰:「晉主諸夏之盟、《春秋》之狄 而 晉之君 H 或 陳,晉不 曰:「其曰晉,狄之也。」晉, 也; 心於羣狄,則亦 諸 侯於楚, 狄鄭,亦以晉故 卿 能救 無 中 聽其 或 ; 滅蔡,欲 之志 夷 吞 也。 狄 也。 滅,莫甚於 而已矣。 救 則其狄 楚 虔, 盟 而 主 不

弑君之賊也,而執齊慶封,放陳招,殺蔡侯

虞 於 般 也 狄 假 鮮 討 詳 虞。 賊 於 之名 狄 吴 事 人 以 脯 郢 盟 不 詳 於 諸 越 夏, 於 **於,則** 人 耐 吴, 台 晉 晉 連 猶 年 無 中 韋 有 或 鮮 事

於交 秋 >>, 之志 剛 晉 也。 雖 于 於 或 大 競 是 鹵 於楚,略之不書 狄 滅 晉,是 赤狄潞 故 氏, É 成、 滅 也 赤 襄 狄 而 之《 甲 敗 春 E 狄

乾

谿

夏

及留吁,則詳志之。」

之法 有 志 鄆 家 時 内 後  $\equiv$ 也 臣 邑言 韋 有 諸 年 得 家 成 郈 春, 劉 假 分 叛 韋 侯 皆 侍 魯、尺 張公室之美以亢其大夫。 家 雖 皆 叔 不 讀 弓 大 i 臣 叛 日 帥 或 叛。 地 叛 也 : 師 其 誰 使 韋 大 費 苟 民 敢 唐 費 夫 叛 皆 非 慢 之 而 曷 叛 非 ? Ŧ 非 爲 其 魯君之有 必 諸 叛 不 君 無 侯 君 書 廢 則 必 也 ? 文、 故 不 無 據 武 足 韋 故 僭 是 獲

陪

臣

孰叛?

故

南

蒯

雖

以費

叛入齊,而《春

臣之義

IE.

不

罪

比之篡

公國,則

棄疾之惡

萬

天子

,其大夫

孰

陵

大

夫

必

無

脅其

君

其 其

> 之術 川 得 原 秋 影不 月 以 告 叛 其 書 楚公子 名 不 非 蒯 正 釋 比 相 Œ. 蒯 自 乘 己 不 台 治 非 而 歸 也 物 于 日 Œ 楚, 事 之積 此之謂 有 弑 本 其 末, 季 君  $\pm$ 氏 虔 法 者 不 有

之,則 年,則 虔未 弑 非 縊 以 公 也 君 其 公子 则, 则 比 子 意 嘗一 首 比 虔,兄 比 比 而 比 惡 何 ? 也 É 不 首惡矣。 一亡公子 不 也。 日 台 得 罪 也; 棄 相 爲 據篡立 歸 比 楚子虔弑 疾 君 于 篡 之 比, 比歸 爾 脅 楚, 或 臣 篡 者 弟 見 比 矣 也 國。 則 殺 於是 自 也 而 不 V. 何 故《春 V. 則 V. 稱 加 而 以 虔 公子。 比 之, 以 以 則 比 言 歸 君 比 弑 秋 其 出 又 弑 楚 É 君, 首 比 見殺,猶 奔 殺 其 加 + V. 之 惡 則 而 有 比 比 而 君 代 君 以 虔 何 與 ?

言之,以比之歸弑,比 世不 穀梁傳》曰: 可 掩 歸 弑 君 事 者 不 也 日 弑 **弑** 不 也。』《公羊傳 日 事 加 也 前 弑 也 遂

楚公子棄疾殺公子比。

曰:「比之義宜乎效死不立。」

熊居。」《东氏傳》曰:「棄疾即位,名曰未定也。」《左氏傳》曰:「棄疾即位,名曰不之弒,棄疾爲之也,則是以公子殺公子王之弒,棄疾爲之也,則是以公子殺公子王之弑,棄疾爲之也,則是以公子殺公子縣居。」

公不與盟

講曰:「其曰

同盟,劉子與盟也。」

于平丘。 一曹伯、莒子、邾子、滕子、薛伯、杞伯、小邾子、秋、公會劉子、晉侯、齊侯、宋公、衞侯、鄭伯、

八月甲戌,同盟于平丘。

復合諸侯也。晉之合諸侯由是止。鄟陵《左氏傳》曰:「齊服也。」《陳氏傳》曰:「晉

己。 盟,果何所爲哉? 楚子專盟會者又十年。 之後,參盟復作 不出者二十四年,而爲 子合諸侯同盟于此,乘 「自宋之會,大夫專盟 晉乘楚靈弑 普 逆之禍 故自是訖召陵、諸 非 會者 盟主矣。」孫 鄟陵之盟矣。」胡 與與 楚 晉昭公一旦 十年。 靈弑逆之 劉子合諸 明 申之會 復 侯復 與劉 禍 侯 侍 同 而

魯執 不諱 《陳氏傳》曰:「會于沙隨,不 於是邾、莒愬於晉,晉爲有辭 向 不見公,書曰『公不與盟』,譏魯之辭也。 遂不與盟。 在魯也。 也黑壤,公不與盟 ,譏魯之辭也。 邾、莒矣,而魯亟出 於是邾子、莒子愬魯于晉,晉侯 晉之不自彊於主盟 於溴 一, 則 師,又納其叛人。 諱 梁、於祝 不 見公,則譏 於 書盟 曲 魯 也 柯,當爲 重丘 一而公 今也 不 而

復 也。 其 日 「蔡侯、 陳 侯, 既 即 位 後 而 不言 來 告 自 也 楚

鄭 叔 人 向 争承,魯人不 謀之,謀 夏 猶 皆稱 名 繼 絶 也 此 自 楚 也,其

與 盟 ,晉之合諸 侯 由 是 止 鄟 陵之後,

有

屬

焉。

而

齊人不

可,

合諸侯,於是劉

子

流之,

後

()皆大

夫爾

0

以晉

之不自

彊

於主

盟

而

晉人 盟 執 復 季 作,則魯誠 孫意 如 以 與譏 歸。 焉 爾。

甚 苔 胡 矣。 取 侍 鄆 講 晉 以  $\Box$ 自 :「稱人以執,非伯討 人 若 封 殖,而 按邾、莒 使其君民食於家,不臣 所愬之狀,究 也。 季氏 南 蒯、 伐

子仲 於天子,以大義廢之,則方伯之職修矣。今 奔 叛之因,告於諸 侯,以 其罪 執之,請

無 乃 君 辭 魯 臣 之義 君 而 也,安得爲伯討 執 意如, 則 是貨 乎? 財而已,非責其

公至 É 會

蔡侯 廬 歸 于

昊 陳

廬

者

蔡

靈

侯

也

吴者,陳哀

侯之孫

陳 侯 歸 于 之孫

> 失國 何 ? 或 滅 在 有 或 或 也。」《穀梁傳》曰:「此未嘗 夷 狄。 自 辭然者,不與楚滅 也,其言 楚滅 歸 者 以 而 自 也 歸 後 \_0 歸 何 楚 孫 爲 ? 復 明 文,所以 之,不爲 復 何休氏 也。 曰 : 三國 抑 有國  $\vdash$ 功 彊 一、故 也。 夷 也 之命,制 而 ],使如 使 此 存 若 皆 中

冬十月, 葬 蔡靈 公。

趙 伯 循  $\Box$ : 既 復 或, 以 禮 改 葬, 魯 往

會 也

吴滅 州 來

公如晉,至

河

乃

復

有四 年 -春, 意. 如 至自晉

致,亦 危之也。

陳

氏

傳》曰:「大夫不

至,必

見

執

也

而

後

三月,曹伯滕卒。

夏四月。

秋,葬曹武公。

冬, 莒殺其公子意恢八月, 莒子去疾卒。

幾、三月及见。三三三月、八二八六月殺意恢者,蒲餘侯也。曷爲以國殺書?

立莒子之弟庚輿。蒲餘侯殺公子意恢,郊譏不在相殺也。莒子卒,國人欲出郊公而

入何以不書?《春秋》公子争國,非有辨故書其殺,以明變也。然則郊公出而庚輿公奔齊,則意恢者,郊公之所與存亡者也。以

於疑 議 庚 焉 輿 ? 以 似之際,則不書也。既郊公見出 公弟立,苟無 是故 書鄭 忽、曹羈 嫌 於 亂 ,不書莒郊公; 適,《 春秋》奚 一; 而

T有五年春,王正月,吴子夷末卒。 書鄭突、曹赤,不書莒庚輿。

二月癸酉,有事于武宫。籥人,叔弓卒,去樂

卒

事

事,籥入而卒,於其所 告。』是知禮不告也。 太史柳莊,疾,君曰:『若疾革,雖當 而 左氏 卒,去樂卒事 傳》曰 : 褅 禮也。」胡 于武 去樂卒事,可 有事於宗 宫, 侍 叔 講 弓 廟、大臣涖 涖 日 也。」 : 事 , 綸 祭 衞 必 有 人

夏,蔡朝吴出奔鄭。

六月丁巳朔,日有食之。

秋,晉荀吴帥師伐鮮虞。

於戎狄,則 之以示義;當 鮮虞也,當 伐鮮虞,嘗狄晉矣,曷爲 楚 復 人 其 中國無楚患而晉大夫亟從 滅 恒 中 稱 或 以 而 復書 見實。 台 不 荀 能 吴? 《春秋》於 救 則 一伐 事 狄

冬,公如晉。

晉、楚之際,無

不

盡

其

、辭矣。

春秋集傳卷第十二

後學 成德 校訂

Ī

## 春秋集傳卷第十三

安東山趙污輯

夏公至自晉。

見殺一也。

或名或不名,謹華夷之辨也。」

殺,略之也。」胡侍講曰:「蔡侯與戎蠻子之

新

九月、大雩。

秋八月己亥,晉侯夷卒。

季孫意如如晉。 冬十月,葬晉昭公。

十有七年春,小邾子來朝。

齊

師

至于

會

齊

夏六月甲戌朔,日有食之。

秋,郯子來朝

伐遠 八月,晉荀吴帥師滅陸渾之戎。

而

盟

不

口

書, 冬,●有星孛于大辰 胡侍講曰:「大辰,心也。 心爲明堂天子之

0 「冬」下諸本均衍「月」字,今據《春秋》删。

## 昭 公 下

十有六年春,齊侯伐徐。 蒲隧。 齊復貳於晉也。 徐人行成。 《左氏傳》曰:「 徐子及莒人、郯人

侯,盟 于蒲隧。 叔孫昭子曰:『諸侯之無

伯,害哉! 方,會之有成而還,無 齊君之無道 伯 也,興 也夫。」 師

不足書也。 書 伐 徐, 則 齊之貳於晉

楚子誘戎蠻子殺之。 知矣。

《公羊傳》曰:「楚子何以不名?

夷

狄

相

誘,君子不疾也。」蘇

子 由

日 -

夷

狄

相 誘

天子嫡 其前 星 分争也。 太子,後 星 天之示人顯矣。」 庶 子。 孛加 辰, 象

楚人及吴戰于長 岸。

庶將

或。 年。 於是始書戰,則以吴、楚敵言之也。 辨於吴、楚也。 者十八年,而吴入郢矣。 不月,夷狄 此 楚令尹陽 敗楚于房鍾 略之也。 相 **丐也**, 楚之君大夫不見於《春 戰,略之也。 吴嘗敗楚于鵲岸,不書 不書。 書人;吴公子光 六年。 昭公之《春秋 書伐吴 陳 氏 傳 而 也 **>** 一; 五 日 》莫 秋》 書 :

夏五月壬午,宋、衞、陳、鄭 十有八年春,王三月,曹伯須卒 災

《公羊傳》曰: 外異不書,此爲天下記 也。」據外災不月 曰:「其志,以 記 同 H 異 也。 也,異其 異也 其 日, )° \_ « 同 日 亦以同 穀 而 梁 災 傳 也 日

六月, 邾 人人 鄅

秋,葬曹平公。

冬,許遷于白羽

夏五 有九年春,宋公伐邾 月戊辰,許世子止弑 其 君買

文,明 逃 過 《春秋》之法 所以 矣。 止自 爲 者,止進藥而 許 也。」止進藥而 其君? 其罪 也。 藥 悼公瘧,飲世子 異 君子曰:「藥劑所以致人死者,非 也。 爲 止之非 :焉 然則止奔晉曷爲不書? 於 藥 <u>1</u>E. 楚 爾 以 君 進 一施 商 進諸 父,至 藥殺,則曷爲加弑焉? 藥 故 猶 臣 藥 而 也。 不 之者,以 、蔡般 殺, 君 止之藥卒,則 尊 使 藥 而 可不謂之殺哉? 殺 與 也 春 君 者, 君 也。 臣 秋 卒, 殺 過 藥 子 止 則 劑 於 而 於君 與 ?, 至 非 臣子之獄 止 是 佚 曷爲 故 賊 心 誠 父 止 爾 危 止自 者 殺 乎 無 不 書 也。 司 所 미 君 弑 弑

己卯 地 震

秋,齊高 發 帥 師 伐

冬,葬許悼公。 二十年春,王正月。

夏,曹公孫會自鄭出 奔宋。

奔未有書自者,此其言自 鄭,會之邑也。 言自鄸 出 ·何 ? 奔, 以 孫 别 明 從 復 或 日 都 :

而 去也。」

秋, 盗殺衞侯之兄絷

陳氏 奪之司 傳》曰:「此 寇, 齊 則 豹 非 也, 大 夫 則 曷爲 也 以賤 盜 賤 辭 者 書

也。 鳥,則衞之失政甚矣!」范凱 以賤者而殺其君 兄,於是 氏 曰:「斥言 衞 侯 如 死

殺至貴。」《公羊傳》曰 衞侯之兄者,惡 其 不 能 保 母兄稱兄,兄 其 兄,故 稱 何以 至 賤

冬十月,宋華亥、向寧、華定出奔陳。

氏居廬門,以南里叛。

宋城舊墉及桑林之

不立?

有惡疾也。

爲有 質而攻之。 亥、向寧、華定之子以爲質。 公殺華、向 樂與母弟辰、公子地以爲質。 楚不月。 三大夫並 疾,以誘羣公子殺之,遂劫公,取 以 出,則 犯 然後出 君 出 何以 也。 奔。 月? 宋元 故 據 公惡 月以異之,同 後 再 公亦 華 自 宋 向 南 里 取 太 華 # 之 子 於 亥 華 奔

佚賊 也

十有

二十有一年春,王三月,葬蔡平公。 一月辛卯,蔡侯廬卒。

夏,晉侯使士 鞅 來聘

宋華亥、向寧、華定自陳入于宋南里以 也。 也。 衞,有入于朝歌者 胡侍講曰:「凡書叛,有入于戚 者,宋國城内之里名也。」《左氏傳》曰:「 此自外 有入于蕭 入,獨 者 稱 而 而 不言 宋 不言晉,猶 南 里, 宋, 何 則 也 自 者  $\Box$ 外 非 而 叛 自 不言 南 人 外 華 里

其 絀 古 於 請 遠 出 之。 越,譏不 以 晉 在宋矣。 大夫會諸侯之師 是故救宋不 救 宋而

其出皆以 南里繫之宋。 門而

守之。」是

華

氏

與宋分國

而

居矣,故

秋七月壬午朔,日有食之。

冬,蔡侯朱出奔楚。 八月乙亥,叔輒卒。

奔君不月,必未成君 也。 此成君何以不

月? 遂失國也。

公如晉,至河乃復。

也。 亟 晉人知有三家而不知有公矣。 如晉,而晉 亟辭焉,以公不能 爲 有 無

二十有二年春,齊侯伐莒。

宋華亥、向寧、華定自宋南里出奔楚。

是公子城以晉 此 佚 賊也,何以不月? 師至。 曹翰胡會晉荀吴、齊 譏不 在宋 也。 於

苑何忌、衞公子朝救宋,大敗華氏,圍諸南

里。 諸 ·侯之戍謀曰:「不如出之,以爲楚功。」乃 華登如楚乞師,楚薳越帥 師 逆華氏

大蒐于昌閒

不足書也。

夏四月乙丑 天王 崩

六月,叔鞅如京師,葬景王

王室亂

崩,王子與太子之母弟争立。 **曷爲不言其人?** 何言乎王室亂? 告命未及於魯 亂自内作也。 叔鞅 然則 也。 歸 亂作 自 景 京

已。《穀梁傳》曰:「亂之爲言,事未有 師,言之而未知其所定也。 王室之故何敢知焉? 故志曰「王室亂」而 吾魯史也,於 所

成也

劉子、單子以王猛居于皇。

以之何? 以者, 挈乎人之謂也。 以其未成尊,則言以。 此嗣 天子也,其言 苟成尊,

之特 劉 不正 單不可。 母弟 之誼,苟宜立 成 則 疑 城」、「王子猛卒」、屬辭疑於羣王子,則 子居于皇」,「劉子、單子以王子 子猛卒。 之子,則尊之曰 則 春秋》書曰「王室亂」,則「劉子、單子以 軍 猛之爲王 其 不言 而 定猶 ,以别於羣王子之争立者,所以 何以辨焉? 也。 筆 遂 -奉猛 稱子,未葬名之,以其爲天王 此未踰 也。 以。 稱 豫 王崩,子朝作亂,尹、召  $\pm$  $\pm$ , 尹、召奉朝, 未知其誰宜 則 據敬 也。 愛 景王太子壽早卒,猛 何 也,則糾 年 庶子朝,欲立之。 王子某者,史文也。 ?  $\pm$ 猛宜立者也。 則曷爲 故正其尊稱而 居于狄泉不言以。 陳氏傳》曰:「此争 成 雖未得國,成之爲子 猛之爲 稱王? 是故《 Ŧ 也。 奉之。 修《春 繋以 猛 嗣 與匄皆其 大臣劉、 未 人 據後稱 君 春秋 立 立 於是 于 決 在 踰 未 也 也 秋 魯 嫌 喪 IE.  $\mp$ 年  $\pm$ 踰  $\pm$ 

朝事在定五年。

秋,劉 子朝于楚,儋翩率子朝之徒 前言 《陳氏傳》曰:「居于皇,言失京師也。 糾; 天王不 嘗處于 于王城 王城,言始得京師也。 子、單子 猛 王室亂,後言二子 書出, 雖 姑蕕,踰年卒克之。子 ,則二子有 未 以 踰 是予劉、單 年,成之爲王猛 王 猛 不得已焉 入于王 凡『以』, 以 以復辟之誼 王 城 以 者 猛 爾。 作亂。 朝不 非順 居 于 是故 也。」殺 ·皇,人

辭

冬十月,王子猛 葬,猶 侍 子。 既 不崩不葬。 猛 葬矣,何 讀 益 未及葬節 日: 「 稱 日 悼 名,嫌欲 王,則: 以 《左氏 以 卒。 子禮治之也。」《 也。 名? 其日 速 傳》曰:「不成 禮,天子七月 據諸 也。 王子 侯 嗣 日 猛 子 卒,未 未葬 何 ? 陳 氏 而 稱 喪也。」 成 傳》 葬 名 未踰 尊 既 雖 日 也。 葬 年 劉 渴

書

敬

殺

其

討

亂

也。

韋

郊

以伐子朝之黨

也,

也 故 未 衞 侯 踰年之君,雖嘗 申 雖 益 日 戴 公、猛 有謚 猶 雖 益 不 列 日 悼 於 廟  $\pm$ 

均之爲不成君也。王猛矣,則其曰王子猛長古儒作用虽討日冀之 犹虽討日中日

何? 於其卒,從其恒稱爾。」

十有二月癸酉朔,日有食之。

二十有三年春,王正月,叔孫婼如晉。

取邾師,故晉人來討也。

癸丑,叔鞅卒。

晉人執我行人叔孫婼。

《左氏傳》曰:「書曰『晉人執我行人叔孫

晉人圍郊。

婼」,言使人也。」

曷 晉 無 也 爲 以 大夫將 見 向 復 罪 稱 者子帶之亂,晉文公嘗圍 也 人? 從其 《陳氏傳》曰:「郊,天子之邑 恒 以 稱 其怠於勤 矣。 此籍談、荀躒 王,不人之則 温 矣。 也, 不 戊辰,吴敗頓

年子 之師 于郊,王猛卒, 則 是故晉自 何 朝立 以書? 軍于陰、于侯氏、于谿泉,次于社 焉,而 交剛之役,凡 討亂非晉志 敬王即 復圍 郊, 位 師 則 矣,而籍談 也。 書 討 君大夫,於是 亂 於是王 非晉 "、 荀 志 師 也。 踰 躒 敗

夏六月,蔡侯東國卒于楚。

復人之。」

不日,卒于外也。

秋七月, 莒子庚

輿

來奔

郊公之歸固其所也。故庚輿以接我書來於是郊公歸何以不書? 庚輿復見出,則

奔,而郊公之歸不復詳矣。

、胡、沈、蔡、陳、許之師

于

雞父。

此皆從楚之諸侯也,則曷爲不序? 凡諸胡子髡、沈子逞滅。獲陳夏齧。

侯 人》篇,無費辭矣。 以 師 從 夷狄,皆 以六 略 國之師 之也。 敗焉 例 在 《屬 二君 辭 辭 滅, 從 +

吴伐 戰 胡 滅 君,社稷之主,故 獲則書之,筆削 夷 敗 狄 大 其言滅、獲,别 、沈、蔡、陳、許, 于 以 狄 也。 夫 則書名,以 不 雞 州 取 獲 是故 書 來 滅 焉 父,則其不言 以以 Ľ 楚遠 故 夷狄 而 其 其死 書之, 莫之救,故舉 之義 從夷 君臣 越 自 稱 以 也。 帥 相 滅。」啖 哀 君大夫爲序也。」 狄 明 敗 也。」杜元凱 師 敗 中 一胡侍 矣。 而 及 楚 不 或 師 諸 書、諸 何 叔 《公羊 諸 敗 其 講 ? 侯之師 佐 侯 티 : 重 君  $\Box$ 夷 侯 從 也 EI: · 傳 》 滅 : 書 狄 役 以 救之, 諸 自 大夫 師 於 於 日 頓 侯 或 是 從 相 夷 :

天子未三年不稱王,非所以明尊尊也。 必三年 稱王,《公羊傳》文。 稱 春秋》,侯國之史也,諸侯皆踰 天王者,既 然 後 稱 卒 Ė 王, 此 踰 謂 踰 年 宅憂 年 也。 爾 天子 而 則 其 未 年. 未三 稱 出 稱公,  $\pm$ 命 何 年 也 孫 丽 ? 不

氏?

亦

非

見

大

夫

南

宫

極

以

成

周

人

子

朝

人

于

尹

尹

幸

之。』

陳

氏

傳

 $\forall$ 

日

立

朝

則

嫌

朝

是

尹

天王居于狄泉

明 『天王居于狄 復 日 : 敬 泉 王 也 明 IF. 辟 也。 子 朝 居 于 狄 泉

 $\exists$ 

尹

氏立王子朝

年而 克復 篡位 言 嫌 傳 也。 立. 立,不書可 何 ? 乎尹氏之朝 曰:「不宜立 不書,據 則 而 甫定,尹、 討 子朝之立,不 以 子 佚 也。 頹, 莊十 賊 也。」范甯氏 召 今子 則 也 也。 九 猶 年 臣 蘇子立 以子朝 昔者子 朝 子之責 可 朝之不名,何也? 之亂,敬王 立不志矣。 子 曰:「示不 頹不書。 已盡 頹 奔楚,是佚 之 亂 宜 蒙 子 此 鄭 穀 名 塵 頹 其 梁 賊 之 書 Шi 别 JЦ

則 也,將以 曷 爲 但言 王天下。 尹 氏? 獨 猶 尹 日 氏 獨 立之,則莫之 尹 氏 所 欲 立

與矣。」

八月乙未,地震。

冬,公如晉。至河,有疾,乃復。

二十有四年春,王二月丙戌,仲孫貜卒。

婼至自晉。

夏五月乙未朔,日有食之。

丁酉,杞伯郁釐卒。秋八月,大雩。

葬杞平公。

冬,吴滅巢。

二十有五年春,叔孫婼如宋。

游吉、曹人、邾人、滕人、薛人、小邾人于夏,叔詣會晉趙鞅、宋樂大心、衞北宫喜、鄭

黄父。

《陳氏傳》曰:「《左氏傳》曰:『謀王室也。』

出入,而晉師克鞏不書。書克鞏,是討子又明年而荀躒、趙鞅之師出。是故天王書使涖問周故,期以明年,而後爲黄父之會,於是天王謂之東王,子朝謂之西王。晉侯

朝也。」

有鸜鵒來巢。

《左氏傳》曰:「書所無也。」《公羊傳》曰

「記異也。何異爾? 非中國之禽也,宜穴

又巢也。」

秋七月,上辛,大雩。季辛,又雩。

也,則何以日? 以一月而再雩,故日之,凡雩,過祀節不遠者不月。此過祀節不遠

雩,旱甚也。」啖叔佐曰:「季辛不言大,承著其瀆也。例在桓五年。《左氏傳》曰:「書再

上可知。」

九月己亥,公孫于齊,次于陽州。

《陳氏傳》曰:「公行書次,自莊以來未之有

從。 或 也 之忿,而以羣 伐臣, 曷爲 孟氏殺郈昭伯,遂伐公徒。公遂行。 罪。』不許。 子曰:『季氏 于陽州,待齊命 公矣,民 亡,不許。 不可 於 意如登臺 是 賦 不 再 詳其 人於其家半矣。 不 叔孫 見。 請 .得民久矣,君無多辱焉。』公不 勝 小謀之,其及也宜 而 囚 ? 所如 氏之司 也。 其 請 于 再 禄去公室,政 曰:『請 費, 往 昭公欲伐季氏,子家 見 也。」胡 馬陷西 何 弗 許。 昭公不 待于沂 侍 以 北 請 講 昭 在 隅 以 日 上 公之失 忍 季 以 以 以 氏 Ŧi. 乘 察 朝 四 君 次

+

有二

月,齊侯取

鄆

齊侯唁公于野井。

之實也。」 子 胡 侍講 弔。  $\Box$ : 「其 E 齊侯唁公于 :「唁者, 禮 與 其 辭 弔 野 足 井, 也。 觀 矣。』言 以 生 遇 事 禮  $\Box$ 其無納 相 唁 見 死 公 孔 事

> 志,故 婼 謀 在 外, 納 丽 因 公而 皆 禱 書 以 從 自 日 公子 者 裁 「, 勢 也 齊。 不 婼 既 得 與 歸 臨 叔 而 喪, 詣 意 卒 非 如 恤 時 有 典 異

爲公故如晉也。曲棘,宋地。十有一月己亥,宋公佐卒于曲棘。

薄

也。

郭陵 是故 三年 齊,齊侯將 特書月,以 外取邑嘗稱人,此曷 公也,則 外取 之盟 外 而 邑不 取邑恒 無 何 將 成, 納 其 書, 以 公、以 則 書? 以 爲公取 不 雖 合諸 是 户, 取 取 梁丘 病齊 我 Ż 雖 爲 鄆 侯 不 取 稱君? 而 云 也 據一 侯 書。 已矣。 爾 諸 也。 我 言 面 陳 取 不月。 爲公取 徒 而 氏 昭 鄆 是 日 遂 傳 公孫 以 將 不果。 納 於是 取 以  $\Box$ 公 也 干 鄆 歸

則

書

齊

量

成

則

書公。」

冬十月戊辰,叔孫婼卒。

三月,公至自齊,居于鄆。

之。」杜 者,公在外也。 居,乾侯,晉地,故書在。」劉侍 外,故書地。」家鉉翁氏曰:「鄆,魯竟,故書 范甯氏 居于鄭」,諸侯有曰『居于鄆』。」 守,諸侯失其國而不保,是以天子有曰『出 上失民,下莫敢有 天下者固家天下,有一國者固 行,不復爲之變也。《穀梁傳》曰:「居 居于鄆,故月以 公至不月,必 元凱 曰:「居雖 曰:「人 有故 至自 異之。 而月。 在 也。 外,猶 魯竟,故書 齊,道義 後不 天子棄天 以公不得 以 月者,自 家 在 不 讀 至。 或 外 下 曰:「有 一之禮 國。 公也。」 反 愐 猶 于 鄆 或 不 雖 在 録 鄆 而 mi

夏,公圍成。

成 不書齊師者、景公爲義 胡侍講曰:「齊侯自公子鉏帥 ,則季氏之不臣,齊侯 不 不能脩方 終 師 也 從公圍 伯 書 公 連 成, 韋 師

> 之職 得 韋 其 成 (師,不 其 月. 罪 書 ·足用 公屋 咸具矣。」王沿 |成者 也。 .., 惡 戰于炊鼻不 齊 氏 人受季氏 日 :「公以齊師 書者,諱 路,雖

國惡。」

秋,公會齊侯、莒子、邾子、杞伯盟于 爲。 也。 《左氏傳》曰:「謀納公也。」此參盟 不可不書也,故不月以異之。 盟,嘗盟徐、郯、莒于蒲隧,不書,不 月 何? 於是矯 《春秋》存策 納公非 納公以盟 齊 書 「志也。 之大體,以吾 莒、邾、 杞而 齊侯 貳於晉 鄟 君 也,其不 卒無能 陵 在 足 而 書 專

公至自會,居于鄆。

而繫魯國臣民之望也。」焉。及鄆潰,乃書公在乾侯,皆所以存公家鉉翁氏曰:「自是每歲書至、書居凡五見

冬十月,天王入于成周。九月庚申,楚子居卒。

四四

<u>一</u> 四

劉子、單 晉 曰 入,難 師 克鞏 子盟 辭 召伯 也。 盈 王 王 人 逐王子朝,逆王于尸 起 于 師 成周 于滑,遂次于尸。 晉 晉 師 使 成 ,, 及 公

足 曷 書入也。 昔者惠王出 諱 爲 皆書 焉 爾。 於是悼王自皇, 入? 于 入皆不書,襄王 成 幸之也。 周 猶 未 得 王 敬  $\pm$ 都 室 王 雖 也。 自 亂 書出 矣,人 狄泉, 猶 無 不 則

尹氏、召伯、毛伯以王子朝奔楚。

皆 曷 首 後 傳》曰: 佚 王 惡 人,則二子爲之也。 爲 子奔,非其 卿 賊 兼言 ? 士 則 也 何 一尹 以二 單 召伯、毛伯? 以 氏 不 子 罪 獨 劉 · 月 ? 首 不 欲 奉 恶, 書 <u>7</u> 猛 蒙 子 毛、 然則 則 此以 上 朝 敬 有 事 召 爾  $\pm$ 曷 奉 佚 奉 月 在 爲不以二子 子 賊 朝 則 也 外 將 朝 故 其 几 者 書之。 奔 年 陳 又 矣。 楚, 氏 而

尹氏之下,則從之者而已。」

公至自齊,居于鄆。

二十有七年春,公如齊

夏四月,吴弑其君僚。

般

戍

周

而還,

則

書

人

而

릲

陳

氏

傳》曰

:

子也。 祭也,夷昧也,不以國 於大臣之弑 焉 弑吴子者,公子光也。 也,天理滅 父子兄弟苟 而 於是壽夢有四子,而 代札,是自 或 人? 季子不受,則國宜之光者。 矣。 不得 君而 焉 禍 以 也 以 稱 其 賊 或 光,諸樊之子。 位 赴 與子 者 季 曷爲 爲 也。 也。 子 利,至 賢。 而 不書光弑 其 與弟,凡爲 陳 不日 僚, 諸 於 氏 樊 夷昧 傳 相 僚 也  $\leq$ 戕 越光 以 之子。 而 分餘 别 季 代 賊

楚殺其大夫郤宛。

〈莫|人、滕人會于扈。 矣。| 秋,晉士鞅、宋樂祈犂、衞北宫喜、曹人、邾

知

其

誰

立

也。

是故始終于尹氏,以二卿

序

外大夫自爲會何?

謀納公也。

宋元公爲

公故 祈犂、北宫喜固請之,則宋、衞猶知 及大夫之子質於諸侯以 如晉,卒于曲 棘 衞 求 靈 納 公欲以 公。 有 於是 其 公子 君 臣 樂

者 滕之大夫 也。 以 宋、衞 士: 而 一鞅取 以 難 君 貨於季孫,辭二子與 復。 大夫拳拳於納 鞅與季孫 同惡 公,而 相 濟 公

之義

也。

冬十月,曹伯午卒。

卒不獲反國,則晉人爲之也。

邾快 來 奔。

公如

齊。

公至自齊,居于鄆。

二十有八年春,王三月, 葬曹悼公。

公如 晋 、次于乾侯。

復 以 五. 公 次 如 如 初 晉? 于乾侯? 晉 去國,何以不如 而 不得人, 恥 以三如 晉人 齊 以公非見卑於齊 於奔晉 而 晉而 不 見 如 也。 恤 齊? 也 至是 以 然 則 向 則 何 不 何 以 者

> 甥舅之國 氏 來,故不 故也。 使入其 夫晉 也。 與 其 或 、卑公 魯 都, 同 由 出 如 於 召日 此, 之諸 文王 尚 望其 而 臣 陰 能 黨 納 魯 季

公乎?

曹、

夏四月丙 戌,鄭伯 寧卒。

六月,葬鄭定公。

秋七月癸巳,滕子寧卒。

冬,葬滕悼公。

二十有九年春,公至自乾侯,居

杜 元 凱 「以乾侯至,不得見晉侯也。」

齊侯使高張來唁公。 何休氏 曰:「言來者,居鄆 從國

高 張來唁公,稱主君。 子家子曰: 『齊卑君 侯及荀躒唁公不言來。

 $\wedge$ 

左氏

傳》

日

齊

侯

使

内

辭

據

齊

矣,君秖辱焉。』杜元凱 曰:「唁公至晉 而

書。 不見受也。」遣使 此何以書? 唁 胡 侍 不 講 書, E 據 : 臧 一幾 紇 如 齊 齊 侯 唁 衞 不 侯 能 不

于

鄆

臣,不能平魯亂 徒 伯 乎?]朱定 或 侯 脩 上,討意如 ()主諸 以屑 禮 也。 方 伯 也。 屑之禮問之、唁之,所 昭 連 侯之盟 公朝夕立於 率 氏曰:「齊、晉皆大國 逐君之罪,而遣使唁公,豈 諸 之 侯 也。 不能 納 職 之, 也。 即 其 IF. 諸 誅 朝 也。 侯 ?,曾不 意 失 齊、 如 以 或 也,世 而 見 能 魯 納 其從 托 陳 甥 昭 爲 爲 師 舅 於 公, 逆 牧 禮 竟 之 諸

繫

國之

事

也。

此史氏

之

法

也。

昔

者

吾

以

公如晉,次于乾侯

公有感於子家子 齊 卑 君之言, 復如 乾 侯

夏四 月庚子,叔 詣

冀晉之終見恤

也

秋七月

冬十月,鄆 潰

齊 其君,不足志 内 取 邑叛不書, 鄆以居公有年矣。 鄆 也。 潰 何 於是 以 書? 公如晉 昭 公 見 内 出 而 邑 叛,非 於 鄆潰,民 季 孫 叛

> 迫 於 季 孫,不 敢復寧公也,故志之。

三十 公也。 今鄆潰,公無所入,羈 何言乎公在乾侯? 年 春,王 向者公雖去國,然居鄆 IE. 月,公在乾侯 劉侍讀 旅 他國, 三二正 故書公在 ,猶在竟内 月以存

彊 史所 君嘗 朝  $\vdash$ : 伯 臣 主 必 以 而 鄆 志 而 IE. 在 魯 在 而 月 乾 地 經 他國,猶 在 侯, · 曰 不書,略常 齊、在晉矣,說 人道之大變也。」 居者,公之所有。  $\Box$ 可 也 以 明 變也。 見襄二十 昭公見出 高 乾 抑 魯 九 年。 崇 於 君

夏六月庚辰,晉侯去疾卒。

晉

地

· 曰

在者,非公得而

專也。」

秋八月 ,葬晉 頃 公。

冬十

有二月,吴滅徐

徐子

章

羽

奔

楚

皆不名 或 滅 君 奔 徐子何以名? 恒 不名,據齊 滅 以 譚 其 楚 奔 滅弦、 楚也。 狄 滅 温 向者 君 奔

吴 子 徐 或  $\Box$ 韜 弦 徐 譚 事  $\vdash$ 齊 見 H 温 滅 也 而 於 或 執 終 齊 滅 之。 服 其 於 於 夷 狩 楚。 君 狄 于 亦 州 申 未 而 之會 來,又 嘗 其 奔 君 蠻 楚 韋 皆 夷 人 奔 徐 也 以 中 以

懼吴。 亡公子之命, 徐 蓋 兼 見 事 滅 吴、楚,而 於吴。 楚 卒 以 爲 違 出 吴 師 以 救 執

夷,雖 之,無及 取 也。 滅 Ľ 圃 而 徐 不 子 悟 猶奔楚。 不得 與 以 或 其 滅 君 # 奔 服 中 蠻

或 者 比 故 特 書 名 以 異之。

三十

有

年

春

上, 王

Œ

月,公在乾侯。

季孫 意 如 會 晉荀 躒于 適 歷

隴 歷 也 二君 黑肱、卒、大夫 陳 氏 則 襄公 昭 矣。 非 傳 公 諸 在 在 Ě 是 侯之事 乾 :「季氏 晉,季孫 故 侯,季孫 會葬。 文公在 矣,以 出 宿 晉、宋、滕、薛 其 意 晉,公孫 會 晉 君 如 于 一之釋 而 會 邢丘, 納 晉 邾 敖 君 荀 快 皆 會 而 星 躒 伯 于 助 然 干 又 適 納 臣 如 垂:

> 躒 召 儀 無 也 會,昭公所 于 次 ,衞侯人于夷 君 取 適 岩台 于乾侯,公在 之禍,晉 貨 歷,公薨于乾侯, 1: 於 鞅 以 季 會諸 死于外也。 人爲 孫 儀, 而 侯 乾侯,季 衛甯 之也。 遂 之大 不 喜 屬 果。 襄、 夫 公 弑 孫 爵辛 于扈, 其 會 昭 荀 比 意 之際、大 君 晉 躒 事 如 剽,公. 侯 復 將 而 會 台 于 爲 以 如 夫 荀 夷 此 納

夏 之罪 儿 月 1 著矣。 户,薛 伯 穀卒。

台 侯 使荀 樂唁 公于乾侯。

侯。 公使 也。 以 欺 不 於是晉 能 免季 其君 慮公 爲公討 册 荀 氏 歸 躒 侯將 使荀 於討。 則 以 而 也 歸矣,而己將不得反國,故 台 以 躒 請 師 侯 召 逐 晉侯 納公。 從公于外者,皆季氏之仇 之命 季孫 季 Ė 明不足 唁公, 于晉。 會 士: 于 鞅 適 欲 以 外 不知 歷 、燭姦 公爲之歸 黨 而 季 晉 偕至 氏 使魯 侯 乾 脅 終 内

臣 之教 木 辱 忧 于 我 土 地 而 不 爲 置 是自 蔑 其 君

秋,葬薛獻公。

冬,黑肱以濫 來 奔

闕 左氏 文。 重 傳 地 也。」 日 : 邾 杜 元 黑 凱 肱 日 以 濫 來 不 奔 書 賤 邾 而 中 書

十有二月辛亥朔,日有食之。

三十有二年春,王 公何 士龍 티 : 以 久 「公在乾侯,而大夫出 在 乾侯? Œ 月,公在乾侯。 齊、晉不納 會 公也。 城城 成 周 薛

晉侯之令固行於魯也。」

取 闞

吴 先 廟、有 地 也 生 令于 猶取 書 曰:「昭公爲魯君,四 取 之於外云爾。 或 嚴 而 者,見公爲 後 書。 於是公失國于外, 君 季氏 出 封之内皆 入必有告于 所 逐, 雖 其 得 土

> 孫之志 史安能 之職 至、日 君 追 適 乎 思其 子 欲溝公墓爲惡謚,榮成伯止之。 之報詳 令不 口 日 齊。 補 ? 鄆潰、 也 猶 與? 及 日 憂 有 《史記》言昭 居、 春 當時之事, 命史氏於阻兵之日哉? 與? 得 间 魯 者 人 日 焉。 公出 渝 秋 日 詳 矣, 則 取邑、曷爲 在 考 則君 或 亦 則 季 處 當定、哀之閒, 昭 無君,臣 日 特 公之 孫 歲 公奔 見 公 臣 書 會 雖 月 聞 之, 出 盟、 方讎,季孫 出 如 不 悉書之? 以爲史氏 所及, 齊,魯亂 臣 處 是之詳? 以爲 非有文告之及,魯 處 以 日 以 唁公、 明 曰 或 補 使魯 史 次、 君 不 策 贵 臣 臣 傳言 蓋魯之臣 口 日 曰 書 史未 孔 贵 以 韋 如 義 子 之 季 諜 H 無 嘗 孫 不 亦 闕 伺 季 無 職  $\Box$

夏,吴伐越。

秋七月。

之,此變之正

也。」

十有二月己未,公薨于乾侯

衞 世 叔 申 鄭 或 參、 曹 人、莒人、薛 人、杞人、

冬,仲孫

何

忌

會

晉

韓

不

信、

齊

高

張

宋

仲

幾、

小

邾

人

城

成

周

凡 此 王者所都皆曰 京 師 也。 其 日 京 城 師,周 成 周 何? 自 東 遷定都 以 地 舉 王 也。 城

師 命 久矣,於是王室亂 ,則疑于王城。 諸侯城焉,故 以 是役也、晉魏舒、韓 地 ,天王復 舉而 不言京 辟 入于成 師 周 言京 不 遂, · 信

書? 魏舒 合諸 南 侯之大夫尋 魏舒 面,韓 何 不信 以 不 盟 專執于京 序 ? 于 狄泉,則 大夫自 師 宋 盟 爲 仲 何 盟 幾 以 也。 不 不

此,此 受功,齊高 狄 泉 次之 盟 張 後。 所 大夫 以 不 自 書 爲 也。 盟 其 而 城 無 成 王 如 唐

也 魏 舒屬 役於韓簡 子,既 削 狄 泉之盟 則

魏舒 在 者,惟祭與號。 固宜不序矣。《 故諸侯之大夫相 穀梁 傳》曰:「天子之 帥 以 城

> 之罪 於是公七年於外矣,而卒以 也 當 時 以 齊、晉納 公,猶 客死 反 則 手 齊、晉

也。

臣 而 也。 齊之田 晉之六卿,猶 氏,猶 魯之季氏,齊君 魯之三家,晉 固 君 不 古 勝 君 不 其

勝其 顛 臣 沛 失 也 所 二君 恬 不 爲 者,皆蔽於其 動。 此其所 於是季氏 臣, 之黨 視 魯 益

之

古

一; 而

公

無

反

或

之期,

以

客

死

于

外 也。

春 秋 集傳卷第十 Ξ

後 學 成 德 校 訂

pц t

## 春 秋 集傳 卷第 + 74

安 東 山 趙 汸 輯

新

定

公

元 年

春

己, 薨 明 年 大 矌 元 IIII 體 授 年 于 王 年 將 雖 受。 F 無 何 無待 廢 以 屬 君 之,而 以 季 故 故 於 也 於筆 不 孫 不 史 繫 書 行 以 嗣 書 事 無 削 IF. 即 太 君 君 其 之 Mi 月 位 子 之位 月 IE. 義 ? 故 禮 衍 月 如 E 史不 不 及 無 猶 以 他 明 以 務 者 謹 君 年。 必 得 時 人 朝 也 始 也 書 定, 爲 此 也 廟 其 不 嗣 蘇 策 魯 告 IF. 書 利 子 昭 君 於 朔 月 由 是 之 於 公 以 踰

> 統 未 未 日 絶 嘗 嘗 者 有 魯 日 踰 之先 自 年 而 IF. 無 而 月 君 君 後 至 雖 至者 也 宇六 或 在 而 月 則 外 定公之元年,魯之 而 是二 不 後 以 百 續 其 11 四 道 <u>+</u>· 終, 年 而

 $\pm$ 三月 特 不 功 師 夫 狄 不 舒 周 師 Œ 春 以 請 一; 可 泉 月 口 干 月 秋》 以 之 晉 ,晉人執宋 則 歸 于 位 掩 而 Ŀ 謂 、異之。 矣。 之特 宋 盟 天 其 以 之文,特 以 有功 人 大 子 日 尊 沧 朏 執 夫 故 台 而 筆 政  $\pm$ 於王 魏 宋 胡 凡 以 人 不 室,下 也 仲幾于 是 書 舒 仲 侍 外 歸 執 受 室矣。  $\vdash$ 不 僭 幾 講 大 宋 功 台 是京 序, 晉  $\pm$ 以 夫 以 仲 普 京 官 歸 見 全 幾 合十國 人 師 而 師 然尋 人 也 此 執 諸 于 執 没 晉 專 三月 歸 旧 京 侯 宋 台 也 執 執 盟 于 不 師 城 大 仲 人 宋 狄 京師矣 月 何 夫城 其. 成 幾 執 故 歸 泉, 仲 # 周 于 宋 既 于 幾 魏 皆 之 京 大 削 成 修 京

其 (不言) 歸 之何? 執 之以 歸 知 其 非 而 後

歸 于京師,不足言 也。

夏六月癸亥,公之喪至自乾侯。

季孫疑於所立,將求利己者而與之國。 公薨于外七月矣,至是始以喪至,何也?

而後定,始遣叔孫,不敢逆公喪以 歸也。

戊辰,公即位。

范甯氏曰:「諸侯五月而 始即位? 癸亥,公之喪至自乾侯,何爲戊辰而定公 《穀梁傳》曰:「殯然後 殯。 今以 即 君始 位 也。 死

朔,猶言 在正月者恒不日,夫子削之也。 之禮治之,故六月而後即位也。 H 則 即位、史無不書日 者。 此其 凡公即位 日之何? 據日食必 在

定公得國 異之也。 一於季 季氏 孫,而 出 其君,薨,又絶其冢 不知爲之變,故日以 嗣

異之。 穀梁傳》曰:「此其日何? 蓋 不日 以 爲 恒,則日 屬也。」劉侍讀 以爲變 也。」

> 之先君也。 喪至壞隤,公子宋先  $\Box$ 季 孫 廢太子衍 人,蓋受之季氏,非受 及 務 人而 V. 公子宋。

秋七月癸巳,葬我君昭公。

九月,大雩。

蓋

立煬宫。 《左氏傳》曰:「昭公出,季平子禱于煬

其意若 之私意 嫡嗣 始乎此。 裕曰:「煬公至昭公已二十世。」萬孝恭 進而 侍講曰:「煬公,伯禽之子。 九月,立煬宫。」《公羊傳》曰: 曰:「煬公,考公之弟也。魯以弟繼兄,蓋 無退。 间 也。」  $\exists$ 立定公,恐人議己,於是立 定公乃昭公之弟,季孫舍昭公之 魯一生一及,乃國之舊制,非吾 宫廟即遠,有毀 而 喪事即 「非禮 無立。」汪 也。 一場宫。 遠 有有 胡 氏 仲

冬十月,隕霜 殺菽

Fi.

舉 杜 也。」李 非常之災。」《穀梁傳》曰 重 元 凱 可殺 堯  $\Box$ : 俞 圃 曰 : 周 不 + 殺,舉輕。 「菽之爲 月,今八 未 月。 物, 其 口 易  $\Box$ 隕 以 菽 霜 殺 長 殺 而 而 舉 菽 殺 重 難

一年春,王正 月

殺

也。」

夏五月壬辰,雉門及兩觀 災。

雉、應、路。 魯僭其三: 庫、雉 路 也。 何休 雉門、兩觀,僭天子也。天子五門:臯、庫、

氏曰: 侯外闕 「天子諸侯臺門,天子 觀。」杜 元凱曰:「雉門,公宫之南 外 闕 兩 觀 諸

門。 兩觀,闕 也。

秋,楚人伐吴。

中 楚書大夫將 或 寇患,故 久矣,此 其 事 蠻 夷但書人。 囊 瓦 也,以 其未嘗

冬十月,新作 雉 門及 兩 觀

凡

新

及新作皆不月。

據新

延

廄、

新作

南門。

此

當減 僭 以 其  $\pm$ 損 制 僭 如  $\pm$ 而 諸 制 不 特 特 能 侯 制,而 革 月 也。 以 異 復 何休 之。 僭天子之禮,故言 氏 胡 H 侍 講 天  $\Box$ 災之 譏

新作。」

年春,王正月,公如晉,至 於是定公即 位 =年 而 朝晉。 河 乃 晉人亦卻 復

二月辛卯,邾子穿卒。

以公爲季氏所立,不能

爲有

無

也

夏 四 月。

秋,葬邾 莊 公。

冬,仲孫何忌及邾子盟 于拔。

大夫而 不月,略之也。 盟諸侯, 例 邾 在 成元年。 喪 未 期 薛 而 土龍 爲 盟  $\vdash$ 會, 魯 交

失之。」

爲

几 年春,王二月癸巳,陳侯吴卒。

子、鄭伯、許男、曹伯、莒子、邾子、 三月,公會劉子、晉侯、宋公、蔡侯、 頓 衞 子、胡 侯、 陳

子、滕 陵,侵楚。 子、 薛 伯 杞 伯、 小 邾 子、 齊 或 夏 于 召

于周 侍 歸 蓋 伯 止 召陵、●謀伐楚也。 矣。』《陳氏 楚,是不 召 几 矣!」吕大圭氏曰:「召陵之會,晉可以 貨,失諸侯,無 夷狄,故月以謹之。 凡公會、侵、伐恒不月。 年矣。 晉 服 講 陵,齊 而 則 ,大合諸 也。 役 失 是役劉子爲之也。 於 其 ·足與· 桓之 「蔡侯患楚,請 今上 楚者 晉自平丘 機 傳》曰 也。 (有爲 侯,天子之老在焉。 師 致劉 也,而皆與於會 功 :「傳言劉文公合諸 不 夫蔡、陳、鄭、許、 也。 晉之合諸侯,至平丘 如 子,下合十七國之君 以 而 據僖四 來,不能 還。 是之盛也。 晉自是不復宗 師 此以會王 年 于 劉氏定内難, 遂伐 書日 晉。 會諸 楚 「, 則 可 侵 晉 書 臣 侯 頓 乃 病 而 人請 楚, 月 以 侯 諸 ᅦ 楚 曰 胡  $\bar{+}$ 陃 復 侵 于 而 復 求 攘 而 于 侯 胡 命

> 之不競,而 辟 子卒,君子蓋深悲之也。」 伐 于 周 楚 雖 而 能 楚 桓 納子 、文未有 合諸侯盛於桓、文。 朝,於 盛 是 於 此 合 者 + 有 也 俄 八 或 以 而 周 之 劉

師

四 月庚辰,蔡公孫姓帥 師 滅 沈, 以 沈 子 嘉

歸

殺之。

夏

者 晉 後楚卒滅頓、滅胡 使蔡 晉 小 楚 從蔡歸 許、頓、胡、沈、皆從楚之小國也。 亦不 或 吾 毋 人 既 乃 滅 人 而 能全之也。 滅之,是召 不能 甘 江、黄,宜沈之不 晉,而 ],諸侯 心 馬。 絀 沈獨不會召陵,畏楚故 楚 何 夫 以 賴 ,則小國之從於侵楚者, 陵之會,諸 從我者 以 信 焉? 齊 蔡,乃遷怒于 敢 桓 凡滅 不能全之,不從 會 之伯 侯 中 國不月,此 或 徒以亡三 而 三國 也。 不 小 能 也。 或 其 使

0 傳」,原作「傅」,今據夏鑓本、 金日 鋪本、 四 庫 本改。

以 其君歸,故 日以甚之。

Ŧi. 月,公及諸侯盟 于皐 鼬

葵丘但言諸侯盟 稱公及? 是會劉 平丘 子之志,晉不復 但 言 同 盟,此 主盟, 何 以 而

亦有 劉子又不 别於有 與盟故也。 伯之盟 也。 凡盟皆日,其不 ^ 陳氏 傳》 曰 : 有 H

晉侯 公在,何 以 書公及諸 侯 盟 ? 非 晉 主 盟

皆後至之文也。 也。 公會諸侯盟于薄、 非後至也,而 公會諸 日公及諸侯 侯盟于宋,

盟 侯 ,則以魯主之也,是故書及。 無會同,於是諸侯有 特相盟者矣。」 劉卷卒,諸

杞伯成卒于會。

六月,葬陳惠公。

殯 高 行則 抑崇曰: 辭 會 口 見陳 也 侯背 雖 不 殯 得 出 已於晉 會 也。 **令** 蓋 Mij 君 齊 在

許遷于容城。 亦 使國 夏來 爾

> 秋 七月,公至自會

劉 卷卒。

王大夫不卒,此其卒之何? 召陵之會,爲

諸侯主,於是天子爲之來赴,故卒之而不

稱爵也。

崖 一蔡。

葬杞悼公。

楚人

晉士鞅、衞

孔圍

帥

師伐鮮虞。

救,唯中 許翰氏曰: Ш 是伐 謀楚 而 書 卿 不 能 帥 討 師 著 盟 威 蔡 勝 Щ 不 不 能 行

於彊暴而 行 於小弱

也。

葬劉文公。

則 王大夫不葬,此何以 何 以 舉謚 稱公?  $\pm$ 葬? 卿 士有 魯會之也。 封 或, 得 置 葬

舉,楚師敗績。 冬十有 臣 屬, 一月庚 如諸 侯 午,蔡侯 也 0 不 月,禮 以吴子及楚人戰 不 備 也

于柏

能 于 ? 師 晉。 絀 能 志中 楚 左右之曰以。 而 晉 國之無 反 人大合諸 爲 蔡致寇。 伯 也。 此其曰蔡侯以吴子 侯 之師, 涖 蔡爲 於是蔡人告急 楚 所 以 虐,請 王 官 或

何

師

不

凡

或 於吴,吴人因之收 無 伯 也。 其 不言救 攘楚救蔡之功,則 何 ? 言以, 則 以 不 得 中

實盡 矣。 此 言 其 救 之。」而蔡始終受其荼毒已 城濮之役,樂貞子曰:「漢陽諸 也 稱 爵 吴以號 何 ? 進之也。 舉,君臣 司 楚爲 .辭,有 中 甚。 自 或 姬,楚 來矣。 然 患 齊 久

公合諸侯于召 桓、晉文之盛 而 陵 不 而 能 莫能救蔡。 加 兵 、於其 國都, 卒之能 劉 爲 文

中國 故 復 特 讎 稱 其 討 爵 罪 塘 所 神人之積憤者,●吴也 謂 夷 而 進 於 中 國,則 中

或

也

凡

狄

自

相

戦

不

月

據

昭十

七年楚及吴

特 于長 書日 岸。 以詳之,蓋許蔡侯以 略 夷 之,不使與中 或 同 復世讎, 文也。 於是 而 旲

> 《公羊傳》曰:「吴何 吴進矣。」胡侍講 之敗楚,亦不可與凌弱暴寡之師 也。」《穀梁傳》曰: 曰 : 以 吴信 囊瓦 稱 子 ? 以 中 貪敗 或 夷 而 狄 例 國 攘 而 一、故特 論 夷 憂中 狄 也。

稱 人。」

楚囊 瓦 出 奔 鄭

其罪不可 也。 氏 外 由 書 厭,殺人不忌,以至 是有 曰 : 囊 大 夫 楚昭繼世,舉 瓦 書 入郢 出 何 勝誅矣。」 ? 奔, 瓦 之禍。 出 危 非 有 國亡 奔,誅 ·國事 關 内 瓦 師 於 大臣 不 外 而 付之囊 能 離 國之 後 敗 死 叛 奔 グ,莫 或 世 故 瓦 而 而 不 贖 有 呗 以 書 家 出 鬭 貨 身 鉉 0 心, 無 免 翁 其

庚辰,吴入郢

戰 稱吴子矣, 入郢 曷爲 稱吴? 役 加 再

0 「人」,原重,今據四庫本删。

粟 于 蔡

日 夏,歸 栗,正 内大 楚,故諸 我 不言諸 此 公羊傳》 也。」《穀梁傳》 使 夫 人 也。」 侯 非 歸 侯 i i 歸 卿, 粟 畏 高 之? 于 但 抑 而 「孰歸之? 蔡 崇 歸之粟, 志 Ē 也, 離 曰 : 其 · 至不 諸 事 則 \*, 蔡 侯 何 非 諸 可 無 濟 與 以

侯歸之。

曷爲

得

而

序

故

粟

諸

侯

相

歸

吴

爲

援

而

敗

其

難

而

賙

其

書之恒

辭

也

不

一言其

男田

邑。

有

事

從

其

恒

稱

也

凡

人

或

或

人

邑

於 越 入吴。

無

也

冢 言 故 禹 章於吴,則 勾吴而 於 竹書 之苗 也 以 越、勾吴, 其 》有東越、 春 自 裔  $\Box$ 秋 號 於越何 而 吴 以則其 舉之也 皆蠻 於越 始 其 封 或 也? 夷之號 所 於 名 會稽 以 范甯 也, 武 自 故 也。  $\pm$ 稱 氏 則 得 封 者書之。」按 日 越 稱 太 春 非 吴。 伯之後 秋 於 其 (越,夷 封 越 不 或 吉 雖 曰

之特筆 卷既 書人 據成 封諸 楚。 夏,不得與三代建 此 、《春秋》徒 故 於是特書入郢,而 復 H 惜 凡 卒,晉之志不 ^ 也 人 春 文、武之境 以詳之。 夷 乎吴無 蓋 荆 楚矣,其 七吴入州 使吴之君 秋》 狄 荆 楚之熊繹 Ш 人 其 從 致意 中國 本號 人 君 來,定五、哀十三於越 其 據宣十一 春 曰 臣 士, 自 在諸 臣 人 不不 事 秋 不 或 楚乃 號,始 而 而 不 郢 月 猶 周 無辜 足 興 侯, 楚子入陳討弑 有 言人楚,以 其 至 何 稱 以 僭 滅 人 ? 荆,僖公之時 終 無 見人 居 自 成 或 王 馬, 稱 修 能 後 王 其 相 繼 入吴。 冷春 者 則 楚 始 起 功 自 絶 君 其 乘 而 則 百 無 改 以 秋 者 # 子 收 之 文 僭 而 此 而 又 異 與

年春,王三月辛亥朔,日 有 食之。

Ŧi.

之者

馬

劉

口

也

機

雖

此

特

此

同,

書

不月

也。

王

猾

辭。

號

也

始

稱

侵

鄭。

其後侵齊、會晉、圍成,皆以師行。」

之。

書曰行人,使人也。

胡

侍

講

稱

六 月 丙 申 ·, 季 孫 意 如 卒

冬,晉士鞅帥 秋七月壬子, 師 叔 韋 孫 鮮 不 敢卒。 虞。

六年春,王正 月癸亥,鄭游速 帥 師 滅許 以 許

亂于]

周

鄭

於是乎伐周六邑,而晉使

魯

討

因

鄭人,將

以

作

之。

其

興

師

非

一國

之私

矣。

蓋

不

致

以

爲

男 斯 歸

其 曰:「許畏鄭,至 日 .. 何 ? 滅 或 以 君 西邊以 歸,故異之也。 依楚。於是楚困 張 主

於吴,鄭遂滅之。 哀公之世,許復見者,楚

又存之也。」

月,公侵鄭。

魯無君將者八十年矣。至是而書侵鄭 陳氏傳》曰:「自宣之季年,凡伐不言公, 則

逮 以 於大 公山 夫 不 狃 四 世矣,故夫 、侯犯、陽虎之專也 三桓之子 孫微 故 矣。」  $\Box$ 政

公無 捎 鵬 飛 旅之衆。今意如死,定公復自將而 日 "「魯自舍軍之後,軍皆隸三家,

公至 自 侵 鄭

也。 内 侵 周 伐 儋 不至,此 翩 率王 何 子朝之徒 以 致?

予公之爲

晉

討

恒, 則 致 以 明 義 也

夏,季孫斯、仲孫何忌如晉。

《左氏傳》曰:「季桓子如晉,獻 鄭 俘 世

虎彊 使 孟 懿 子往 報 夫人之 幣 晋 晋 兼 享

每 事 卿, 故 累 數之,見二 卿 陽 虎 所

之。」高

抑崇

一卿

將

命,

可

兼

他

事

今

制 也。

秋,晉人執宋 行人樂祈

其主於趙 晉曷 而飲之酒,獻 爲執 氏 樂祈 、又有 楊楯 犂? 納焉, 六十於簡子。 祈 犂 乃譖 如 晉,趙 諸 日 晉 范 侯 簡 獻 子 而 子 執 怨 逆

二. 石.

陽

六

宋 私 焉 以 不 则 則 來 事 意 執 前 威 晉 弗 非 大夫 福 懼 執 伯 之柄移矣。」 之矣。 討 討 演貨 而 也。 遣 争權 使。 執 使 異 范、 一張主一 卒使 善逆 或 趙 行 方 人,出 以 曰 來 睦, 懷 者 : 見 之, 諸 皆 於 執 猶 侯 列 有 叛 懼 唯 卿 獻

冬,城中城

者得-

志。

晉之亂

政

亟

行

伯

統

所

由

絶

也

0

齊

人

執

衞

行

人

北

宫

結

以

侵

衞

石

再

季 孫 杜 斯 元 仲 凱 딩 : 孫 忌 公爲 帥 師 晉 韋 侵 鄆 鄭 0 故 懼 而 城

杜 元 凱 曰:「何 忌 不言 何, 闕 文。 鄆 貢 於

齊,故圍之。

七年 春,王 Œ 月 0

夏 四 月

秋 ,齊侯、鄭 伯 盟 于 鹹

齊、鄭 於諸 侯 何 之 以 合 盟 散 也 結 叛 是 晉 年 也 于 沙 不 八 月 年 曲 以 濮 其 義 百 弱

左氏

傳

**>** 

 $\Box$ 

盟

鹹

徵

會

于

衞

杜

元

凱

也。 門志 見 : 特 鹹 諸 其 相 再 衞 侯 盟 之合也 地 見何? 自 )° \_ ≪ 齊 陳 桓 鹹 諸 氏 以 志諸 侯 傳 來 無 **\*** 未 日 侯之判也 È 之有 : 一盟矣。 此 也, 特 是故 是 相 其 盟

齊 侯、衞 侯盟 于 沙

晉, 而: 嘗敢 公即 我。」 《左氏傳》曰:「衞 耄 使北宫 瑣 以 年 即 侵 争 位 齊 妄 摟 衞 結 沙 諸 幾 侯 鄭 作 假 如 也 侯。 從 Ŧi. 與 齊, + 之, 凡 盟 求 黄震 今見 年, 平. ; 再 而 乃 又 侯欲 ·之迹 私 盟 歷 晉 氏 盟 乘 於 台 而 曰 衞 齊侯 定 于 叛晉,諸 而 平、 得 欲 庸 瑣 竊 叛 台 日 弱 齊 與 晉, 或 杜 昭 景 衞 ¬ 執 大夫不可 盟 僞 乘 元 岩 卿 適 執 鄭 凱 結 擅 頃 開 時 以侵 其 之  $\Box$ 政 禍 未 景 行 恕

國之私 故

皆書至以别之。

端

耳

0

齊國夏帥 師伐我西鄙

許翰氏 曰:「東諸侯唯魯事晉,故齊伐之。

以 景公乘晉之衰,不思務 力經營,是知時之或 可,而 德 以 懷諸侯,而欲 不知己之不

可者也。」

九月,大雩。

時再雩,旱甚也。

八年春,王正月,公侵齊。

冬十月。

公至自侵齊。

一月,公侵齊。

三月,公至自侵齊。

内侵伐恒不致,再侵齊 何 以致? 齊景公

公再侵齊以報之。 以其重於叛盟主,非一

結諸侯以叛晉,而魯未從,故國夏

伐我,而

曹伯露卒。 夏,齊國夏帥師伐我西鄙。

公會晉師于瓦。

何 ? 此 晉 士鞅、趙鞅、荀 杜元凱 日 : 「齊師已去,公逆會之,未 寅 救 我, 則 其 不 書救

禽鄭 晉師 諱之也。 以師于重也。」《陳氏傳》曰: 而言晉師;瓦之會,言晉師而不言士鞅,皆 人竟也。」胡侍講曰:「棐林之會,不言趙盾 自 于上鄍,不書,諱之也。 師 於是齊師伐我,晉師救我,公會 逆公。 三家之張,成於此矣,故 「鞌之戰,公會 四 卿並將,而

公至自瓦。

晉師,勿諱可

也。

不書至,惡其伉也。 公會外大夫恒不致。 會師 禮,卿 則致,重師也。 不會公侯。 故

秋七月戊辰,陳侯柳卒。

二五七

晉 士 鞅 帥 師 侵 鄭 遂 侵 衞

焉 於晉 平。 齊于 必 知 Ŧī. 也 而 裕 去年,鄭始叛晉,盟 陳 武 若鄭、衞叛晉,晉 年, 晉  $\Box$ ,以著諸侯之不復從 氏 始 子以諸 則 雖 於襄之二十三年,齊始 沙。 楚子 傳 「於齊始 侵,見晉 討 魯 與 日 亦 於是,侵鄭、 侵鄭 侯之師侵陳,遂侵蔡,亦不 (國,書 叛 晋 此 伯 伐盟主,書伐衞,遂伐 遂 矣。 其言遂何? 既 侵 齊于鹹。 以 侵 衰之甚 鄭、遂侵衞 晉 師 故 衞,不書。 衞。 也 悉書之 兩侵之而 也 叛 又 衞始 晉,取 0 明 晉始伐 是故 也 年 叛 後 0 齊 晉, 朝 書遂 則 及 與 成 晉 汪 書 年 歌 伐 仲 齊 盟 或 + ;

葬 曹 靖公。

季 九 孫 月 ,葬陳 斯、仲 凱曰:「爲晉討 孫 懷公。 何忌 帥

師

侵

衞

杜

元

衞

也。

公

以

子而先父。

故先正

逆祀,

以

微

見

其

衞 侯 鄭 伯 盟 于 ЩH 濮

爲 趙 曲 鵬 濮 飛 之盟 日 : 示 鄭 復 衞 事 雖受兵, 晉 也 而 叛 晉

益

堅,故

從 祀先公。

從祀先 僖公。」 更季 以 得 冬十一月,順 公。』《左氏傳》曰 正二公之位 祀。」杜元凱曰: 祀 先公,則 此 遂 民 者 禘 氏,以 其 也。 心 何 ? 故 公, 劉侍 大不義。 其 義 則 爲 爲 叔 順 讀 不 次, 禘 非 小 祀 孫  $\Box$ 祀 在 口 正 正 謂季 先 輒 「先公,閔公、僖公也 也。 所 用 知 矣。 「從祀先公, 公而 以 更 褅 陽 順 矣。 售 氏 文公逆祀, 叔 虎 非 陽 故 其 祈焉。 以 《公羊 孫 欲 虎將 不 大不 臣 氏, 去三 親 稱 而 作 正 · 傳 褅 IE. 辛卯 桓 凌 故 亂 也 · 立 更 以以 定 通  $\Box$ 而  $\mathbf{E}$ 孟 禘 言 公 猶 所 季 小 恐 從 氏。 僖 義 以 于 寤 先 將 順 從 不 祀

秋》 祈 弗 亂 與 臣 而 弗 也, 勝, 欲 取 廢 周 置 公之分器  $\equiv$ 卿 而 追 以 IE. 出 宗廟 , 魯莫之禁者。 之禮

 $\exists$ 

故又不月以異之。」 也 凡 禘 H , 甚 則 不 日 0 此 以 家 臣

意。

其

事

則

順

矣,

其

情則

逆,《

春

盜 竊實玉大弓

《公羊傳》曰:「盜者孰 虎者,季氏之宰,則微 者也,惡乎 謂 ? 謂陽 得 虎 也 或 寶 陽 而

竊之? 陽虎專季氏,季氏專魯國。」《穀 梁

傳》曰:「寶玉者,封圭也。 大弓者,武王之 戎弓也。 周公受賜,藏之魯。」杜元 凱 曰 :

陽虎將殺季孫斯,不勝 家臣賤,名氏不見,故曰盜。」蘇 而 出,取實玉大弓 子 由  $\Box$ 

蒯 於公宮以行。 以 費 叛,昭十二。 寶玉大弓,魯之分器也。 陽虎 以 鄆,灌、龜 陰 叛, 南

侯犯以 玉 大弓何 郈 也 叛,十年。 ? 分器 皆以 重 一於地· 賤不 也。 書。 分器 其書竊 重 於 寶

欲 地者,賤貨而貴命也。』《陳氏 去三桓,是以 陪 臣 廢置 大夫也。 傳》曰:「陽虎 虎,陪

> 臣 是治陪臣 一斯極 矣 也。 夫子之作《春秋》,治至於陪

人之辭也。

是故陪臣

叛

皆不書,書陽虎,

書

日『從

祀先公』、『盜

竊

寶玉大弓』,魯無

九年 夏四月戊申, 春,王正月。 鄭伯蠆卒。

得實玉大弓。

之? 《左氏傳》曰: 也,喪之書 弓,以分器 盗竊可也, 曰 爲不書歸? 陽虎 以解衆 爲 ,得之書。」《穀梁傳》曰: 重 盜 陪 陽 而 歸 臣 己。 虎歸 也。 可乎? 賤,名氏 《公羊傳》曰:「國 寶 玉 故書得 大弓。」 不 登 于 然 寶玉大 策 惡得 則 寶 曷

六月,葬鄭獻公。

秋,齊侯、衞侯次于五氏。

外 次 次 何 ? 必 有 齊 景 鬍 公 於 不 天 度 下 德 之故 量 力 而 後 結 書。 鄭 衞 此 以 其 叛 書

Ŧī. 公欲 氏、垂葭、渠 伐之 而 代 蒢之次屢書之, 興。 經 既 不 忍書伐 乃伯業之所 晉 故

衞 由 侯 衰 如 也 Ŧi. 1。《左氏 氏 心杜 傳》曰: 元 凱 曰 : 「齊侯伐晉 「五氏,晉 地 夷 儀 齊

主 侯 在 也。』《陳 Ŧi. 氏 氏 衞 傳》 侯 往  $\check{\boxminus}$ :「外書 助 之。 不 次 書伐 自 厥 諱 貉 以 伐 來 盟

未之有 無 伯 也 也,於是 齊、 衞 伐 再 盟 見。 È, 其再見 則其 不書伐 何 ? 何 中 ? 或

《春秋 齊伐晉 至是 重 絶 岩 而 也 不 書 於 何? 襄之二十三年,嘗 齊始 叛晉,諸 侯 書

台 猶 衞 有 叛 晉 則 盟 諸 主 盟 侯 也 齊 無 于 盟 前 沙 年, 主 矣。 明年 鄭 叛 有 晉, 及 盟 齊 Ì, 盟 平. ·, 魯 齊 非 于鹹。 美 亦 事 叛

冬,葬 秦伯 卒。 秦哀

年春 ,王三月,及齊平。

夏,公會齊 侯 于 夾

魯始 叛 晉 而 從 齊 也 0 齊 侯

將

伐

既

得

鄭、 衞 而 後 伐 魯。 公再 侵 齊, 齊 亦 再 伐

衞 而公會晉 東諸 侯于魯重於叛晉。 師 于 瓦 季 孫 斯、 齊 仲 不 孫 得 何 魯 則 侵

晉 不 可伐,故 齊之所欲得者, 莫急 於魯也

氏 晋 而 會 一國益 士鞅侵鄭,遂 于夾谷 堅於 則 魯 侵 從 亦叛 衞 齊。 而 於是 盟 于 魯 曲 亦 濮 及 次于五 齊

公至自夾谷

公會 主 而 諸 會 齊 侯 侯 嘗 不 故 特 致 書 此 至 其 以異 致 之何 之。 ? 以 叛

晉 趙 鞅 帥 師 韋 衞

左氏 傳》 日 「晉人討衞之叛 故, 由

浩

晉

也。

也

無

盟

主

非

細

故

也。

是

故《春

秋

少》重

絶

也 沱、 無 ! 用 不 成 許 兵 許翰 何 而 晉 服 氏 人 也 於 曰 : 遂 是 今圍 殺 執 使 涉 浩 晉 衞 沱 沱 有 而 以 以 不 甚 求 能 報 矣 成 服 齊 晋 於 之 則 川 衞 衞 不 徒 足 競 衞 口

齊人來歸鄆、讙、龜陰田。

以

堅

齊之

從

而

已

矣

齊者 伐 決 非 成 晉 乎 叔 也 齊 也 於 季 孫 惟 晉 人曷爲 孫 叛 州 乃 不 文、襄 庶 孟 輒 而 晉 以 仇 可 乎 子曰 出 魯 而 好 如 得 魯 來 月 不 師 人 從齊矣。 與 齊,公會 以 志 歸 人 救 魯平, 事 於晉 孔子 來 -違,齊 以 田 之。 晉 未 事 ? 益 之有 晋 而 晉 齊 於 然 人 而 堅。 結 者 呕 與 侯 則《 季 爲 亦 叛 改 來 而 盟 魯 桓 是 不 齊 晉 傳》 也 歸 事 于 子 相 來 侯 可 也。 齊 魯 黄 日 表 歸 得 伐 見行 於 也  $\coprod$ 之 裹 孔 志 則 魯 之 是 魯 之 可 者 子 魯 既 人 於 則 以 齊 之 何 行 亦 干 魯 齊 求 將 事 IIII

從之。 矣。 之用 是 方 中 已 自 相 也。」 孔 鄆 於 謂 仕 會夾谷、歸 而 灌 以 有 是會、親受事 魯 或 也 來 子 南 也 也 矣。 孔 陪 非 夫子 0 叛晉,惡名 嘗 非 蒯、侯犯、公山 則 惜乎 使 子 臣 行 龜 有 齊 行 E 岢 齊侯 魯之從 之難 相 可 人奚畏 [:「苟 陰 口 非 侵 唯 之謂 是 年 之 云 爲 魯從 田 會, 能 **,** 而 淹 者  $\mathbb{H}$ 齊 也,人 興 焉 實 脩 齊 者,故 馬 也 有 不 聖人何容 夾 景 魯 行 之? 其 何 ? 桓 用 不 猶 谷 無 爲 也 有 言, 也? 學者 公之業 以 狃 我 足 當 之 在 孔 歸 滴 利 之難 將 則 者 鄭、 會 望 彼 是 子 女 口 結之, 乃 晉之失諸 天下 其 心 也 樂 齊 時 不 而 IIII 以 期 衞之後,非 欲 焉 ? 知 陽 口 未 以 人 不 來 尊天子、安 以 月 諸 則 聖 是 息 E 古 保 沮 歸 虎 相 而 侯 時 孔 人 之。 知孔 也 其 定 鄆 明 既 莫 季 侯 也 魯 子 往 微 孫 卿 不 得 有 之 口 之 於 子 則

春 1秋》據 事 直 書 深 切 著 明 矣。」

者 地之見侵 所 也 取 以 龜 歸 陰 於齊者,於是齊人以之來歸, 昭 , 則 公者也 我 龜 Ш 讙 之陰。 陽 虎 是三者 所 挾 以 皆 奔 我 魯 齊

;

何愧 焉 ? 斯受之而 已矣。 ^ 陳 氏 傳 **>** 日

未 有 言 歸 田 言 來歸,必 自外 至 者 也 據 鄭

來歸 祊 齊 來 歸 衞 寶之類。 鄆、 讙 龜 陰 田 言 來

叔 孫 州 仇 仲 孫 何忌 帥 師 韋 郈

歸,

以是

爲

齊

人之願

也。」

秋 叔叔 叛 胡 侍 孫 知 講 州 矣。 日 仇 : 「侯 仲 再書二 孫 犯 何 以 忌 卿 郈 帥 韋 叛 師 郈 不 韋 書, 郈 則 書 彊 韋 亦 郈

則

矣。 諸 家 後 擬 大 其 可 臣 侯 夫 彊 後 出 家 彊 也 十世 知 其 諸 傾 逆 天 希 侯失道,征伐 公室 彌甚, 子 不 失道 失 以 矣 其 自 一<del>,</del>征 失 張 彌 伐 大 自 而 遠。 自 夫 大 不 諸 大夫出 出 知 故 т<u>;</u> 侯 家  $\Box$ 而 出 可 世 隸 三自 希 後 之 知 而

宋樂大心 出 奔 曹

《左氏傳》曰:「宋公使樂大心 盟 于

將作 亂 世 乃 逐 桐 門右 師

僞

有

疾。

子

明言於公曰:『右

師

不

肯

適晉

晉

宋公子地 出 奔 陳

冬,齊侯、衛 侯、鄭 游 速會于安甫。●

叔 孫州 仇 如 齊

宋公之弟 辰 暨 仲 佗、 石 弧 出 奔 陳

怒,抶 言宋公子地 與 子 弟 暨 辰 大 猶 大夫不 地 曰 : 及 魋 出 也 奪之。 子 奔 可累數 陳 有 仲 爲 公弗 佗 白 魋 君 故 馬 石 懼 禮 日 止 四、公以 强、 將 暨 不 走。 宋 辰 调 胡 大 爲 出 與 侍 公涖 之請 夫 竟 講 向 也 勿聽 君  $\vdash$ 之。 魋 必 公弟 「傳 止 13: 地

不

失

矣

陪

臣

執

或

命

Ξ

世

希

不

失矣』。 0 衞 侯」,原脱, 今據 金日 銿 本、 四 庫 本 補

之恩。 與 奔陳』,見宋公以嬖魋故 辰 處?』書曰『宋公之弟 曰:『是我廷吾兄也。 辰以兄故帥 其大夫出 辰 吾以 而 失二弟,無 暨 仲 奔,無尊君 或 佗、 人出 石 親 彄 君 之 親 誰 出

義。又以見仲佗、石彄見脅於辰,不能自

」 可一手≽, だいこら立, 無大臣之節也。」

地自陳入于蕭以叛。 十有一年春、宋公之弟辰及仲佗、石彄、公子

秋,宋樂大心自曹入于蕭

夏四月

殺,而一 況據邑以伐其君者乎? 矣。」劉 曹者, 其叛可知矣。 胡侍講 不可 結鄰 侍讀 使爲 或 日 四 故但 以 ・「事君 卿 亂。 入叛, 人 日 蕭以叛,而大心從之, 君 人于蕭。 親 者 陳 其 無 與 罪 可 將 曹 一施之。」 貧 將 書自陳、自 之罪 口 而 賤、可 誅焉 亦 著

冬,及鄭平。

月。以魯與諸侯之合散繫焉,故異之也。《左氏傳》曰:「始叛晉也。」其不月,據凡平

叔還如鄭涖盟。

與晉絶,去年及齊平,今又及鄭平。● 既背盟,而我卿往涖盟也。」家鉉翁氏曰:「魯既吴先生曰:「及鄭平者我欲之,故鄭卿不來

十有二年春,薛伯定卒。

晉,不得不樹

黨

以

自固

|馬耳。|

夏,葬薛襄公。

叔孫州仇帥師墮郈。

墮,壞 與仲 爲政,三家幾不免焉。 日久矣。 自墮其邑? 孫 也。 帥 陽虎作難,囚 師 郈,叔 韋 除家臣之患也。 郈 不克。 孫 氏之邑也。 侯 季孫,居鄆 犯 再 圍之,侯 以 家 郈 臣 州 叛, 陽 仇 爲 犯 叔 第 曷 患 之 以 孫 以 爲

●「鄭」,原作「齊」,今據四庫本改。

既敗費人於姑蔑,二子奔齊,遂墮費,而

時邑宰數叛,魯卿患之。孔子方仕於朝,

復陪

臣

之禍

矣。

故二

卿帥

師

墮

費,費未

易

無

郈

奔

齊

齊

人

乃

致

郈

圃

侯

犯

猶

在

齊

也

而仲由爲季氏宰,建墮三都之議,以絶陪

衞公孟彄帥師伐曹。

臣

之

禍

故

叔

孫

首

帥

師

墮

郈

郝

易

墮

也。

季孫斯、仲孫何忌帥師墮費。

費,季孫

氏

之邑

也

斯

曷

爲

自

墮

其

邑

?

除家臣之患也。南蒯者、費宰也、不見禮

爲公臣 於季氏,欲出 懼不克 季 氏 以 費 而 歸 叛 其 如 齊。 室 於公, 昭十二年。 己以 費 齊

大身忘念(1976) 以系瓜舍,又系忘之东宫人致費。十四年。公山不狃者,亦費宰也,

也, 不得 無 志 寵 於 於 季 叔 氏 孫 氏 叔 孫 皆 輒 者, 欲 大 叔 陽 孫 虎 氏 之 以 去 庶 子

墮 而 桓 郈 公 陽 Ш 季 虎 不 氏 狙 既 亦 敗 叔 墮 孫 入于 費 輒 猶 讙、 費 在 人 陽 費 習 歸 也 於 以 南 於是 叛 蒯 **奔** 不 叔 齊 狃 孫

處父發

其

兹

以

免。

陽

虎

伐

孟

氏,

處

父

帥

成

之

亂

從

子

襲

魯,

公與

季氏

幾

不

免

焉

秋,大雩。

墮

也。

十有一月丙寅朔,日有食之。冬十月癸亥,公會齊侯盟于黄

公至自黄。

公會盟諸侯嘗不致,以卒叛晉而爲是盟,

故致之。

成,孟孫氏之邑也。公曷十有二月,公圍成。

爲

É

韋

成

孟

之宵軍 成宰公斂處父者,孟 孫 氏 不 齊 肯 師、戒 墮 成 都 也。 車,皆將爲三子不 氏  $\equiv$ 家 家 隸之良 者 患 司 也。 间 利, 情 陽 異 賴 虎

爲 人 與 其 主 陽 氏 機 戰 穽 而 而 敗 處 之。 父 獨 以 家 其 之臣 邑 爲 方 孟 竊 氏 邑 保 以

二六四

親伐 無 故 日  $\pm$ 天子未嘗有親伐諸侯者,諸 「天子命行乎天下,諸侯命行乎 其 而 諸 國之 侯 擅 邑者,以其令之則 命 故 有 王伐 鄭 之事 從 侯亦未 也 ·嘗有 陪 天下 或 臣

有三年,齊侯、衞侯次于垂葭。圍成至者,著公之弱,不能墮成也。

《左氏傳》曰:「齊侯、衞侯次于垂葭,使師

夏,築蛇淵囿。

昭築郎囿,定築蛇淵囿。何囿之多也!」高抑崇曰:「魯國之囿一而已。成築鹿囿,

己,故數蒐焉。」 高抑崇曰:「魯既叛晉,而三家日懼人之圍

● 「除」,原脱,今據夏鏜本、四庫本補。

公至自圍成。

墮矣。」

及齊

人饋

女樂

而

孔子遂行矣。

使聖人

得

志

行

乎

魯

或

以

及

期

月,

則不待兵

革

而

自

大萬于比

蒲

四年。

則

圍

成之時,仲尼未得魯

國之政

也。

之明年,孔子

由

大

司寇攝

相

事,

據《史記》在

+

孔子爲魯司

寇

而

不能墮成,何也?

韋

成

孫

不肯墮成。

公親圍之而

不克,蓋三

家

專

魯之日久,非一朝之可

Ē

也。

胡

侍講

 $\exists$ 

:

師

以

墮

費。

張公室,非三家之願

也

故

孟

司

帥

擅國

而

權

在

私家,故有公圍成之事。

公以

臣

之患,●三家之願也,故孟孫與季孫

私

家

張

公室

而

不

但

除

陪

臣之患

也

除

陪

公

朝

而

不

但

私

建於

季

氏

也

用

建將

以

弱

墮

成

,而公自

量

成

用

建

墮

三都

之議

定

於

障

此

孟

孫所

以不肯墮

一成也。

孟

孫

不

肯

公圍其邑不致。據昭公圍成。此何以致?

彊臣據邑叛君如敵國,故致之。高抑崇

二六五

衞 公孟 殟 帥 師 伐 曹。

戰 公志 高 如 抑 崇 此 在 軍 日 旅 「衞比伐 之 事 而 曹 不 曹 知 不 以 叛 禮 晉 爲 故 或 也 故 靈 亟

秋,晉趙 鞅 入于晉陽 以 叛

冬,晉荀寅、士吉射 入于朝歌 以 叛

范、中

行

氏

伐

趙

氏

鞅

奔

晉

陽。

荀

躒

韓

是以 於晉 鄲 皆以 或 鈞 范 魏 也 矣。 伐 人 午不歸衛 中 荀 侯 范、 叛書? 助 行 以 躒 又 請 於 公 而 請  $\Box$ 公伐 氏 中 叛 皆 起 告 行 貢 五 逐 之, 晉人皆以 而 氏 諸 之。 臣 伐 寅、 侯。 百家 則 始 之。 皆 然 禍 吉射 胡 討 殺午, 以 鞅 叛告 則 侍 三氏。 mi 叛 奔 討 奔 講 獨 討 晉 也。 而 鞅 朝 逐  $\vdash$ 矣。 陽 邯 有 鞅 歌 二氏伐公, 趙 鄲 君 台 故 刑 鞅 則 荀 叛 命 Ì 其. 已不 樂言 曷 以 矣。 奔 夏 故 邯 爲

> 納,范 楊 也 侯 國家之敗 叛 楯 晉 於 也 鞅 卿 外, 賂 始 蔡 由 也 大 禍 侯 夫 官 從 而 緣 邪 叛 吴, 晉 衞 也。 於 室不 貢 内 荀 也。 官之失德 吴 復 故 貨 能 樂 臧 也 主 祈 哀 盟 寵 見 伯 昭 矣。 執  $\Box$ 公 賂 : 弗 獻 章 故 0

晉 趙 鞅 歸 于

爲

或

以

義

不以

利

猶言 自 刑 秋 援 胡 荀 鞅 矣,其 書 故 鞅 侍 叛 范 人, 得 講 而 鞅 無 而 日 言 人,寅、 至 歸 所 能 善 歸 于晉 鞅 自 或 鞅, 「三子之叛, 韓、 而 乎 也 吉 故 後 0 ? 以 魏 射 言 復 歸 ^ 明 請 歸 以 鞅 陳 晉 而 氏 無 其 則 辭 侯 使 復 傳 罪 助 縱 召日 之 也 口 **>** 故 無 釋 也。 日 敵 也 終 欒 有 人之辭 : 荀 歸 叛 盈 罪 韓 鞅 范 魚 以 魏 不 無 ^ 也 也 春 惡 政 有

1120

盟

威

服

天下。

及大夫專政,賄

賂

公行,諸

<sup>0</sup> 揻 原 作 滅」,今據 29

韓、趙、魏分晉之本也。」

薛 弑其君比

此

奔宋。 有 川 年 春, 衞 公叔 戍 來 奔。 衞 趙 陽 出

言 衞 爲 衞 南子有淫行。 八之黨。 层嬖南子,縱其淫泆而不之禁,於是一 逐戍與其黨趙陽、北宫結,南子之故 而出三大夫,此衞亂之所從始也。 逐其大夫,用南子之譖也。 夫人愬於公曰:「戍將 公叔戍, 衞世臣 也,●謀去夫 衛靈公夫人 爲 亂。」公 也。

以 月辛巳,楚公子結、陳公孫佗人帥師滅 頓子牂歸。 頓

頓嘗 歸 欲 歸 不月。 事晉背楚而 日,雖夷 會諸侯于召陵故也。 重其 狄 變 滅 絶陳 也。 中 或 好 <u>《</u>左 猶 氏 H 二月,楚滅頓。」 傳》 凡滅國 據  $\Box$ 夷 狄 Ĥ 以 頓 相 其君 滅以 子 牂 君

夏,衞北宫結來奔

五月,於越敗吴于檇李。 吴子光卒。

光卒,見其傷於檇李之敗也。 見其傷於門巢也。 陳者,亦必詳其所以。 國君戰而亡日 滅,必死 於越敗吳 於陳者也。 吴子 過門 (于橋) 凡夷狄交相 李,吴子 于巢卒, 非死於

人敗之之類。 此爲吴子光以 敗卒 ·而書。 吴、

敗不書。據襄十三年楚人敗吳師。

十四年楚伐吴,吴

也。 越深 謀報 外相 敗 復 恒 而越卒亡吴於是始,故詳之 日,據僖三十三晉及姜戎敗秦。 此

其 不 日 何 ? 略夷 狄 也。

公會齊侯、衞侯于牽。

《左氏傳》曰:「晉人圍朝歌。公會齊侯、衞 侯,謀救范、2中行氏。」杜元 叛晉,故助范、中行也。 凱曰:「齊、魯

0 0 衞」原作「齊」,今據四庫本改。

救」,原作「殺」,今據四庫本改

公至自會。

秋,齊侯、宋公會于洮。

《左氏傳》曰:「范氏故也。」

天王 禮 者 親 脈 杜 一何 ? 一使石 ,祭社之肉。 元 · 大宗伯》:「以 兄弟之國,與之共福 凱 日 尚 祭 :「石,氏。 來 肉 歸 也。 脈 盛以 脈 生 膰 尚,名。 脈 曰 三《穀 之禮 器以 脈 親 熟 梁 賜 天子之士 兄 傳》曰 日 同 弟之國。」 膰 姓諸 : ^ 侯, 也。 唐 脈

《大行人》:「歸 月 來 何 錫 ? 命、 歸 歸 脈 賵、 乃 歸 周 脤 含、 官舊典,故不月 以 交諸侯之福。」凡 來救,皆 月 以 此 别 其 王 之。 不 使

衞

世

子

蒯

聵

出

奔宋。

子 於 之,反愬 衞 而 侯 盡 或 出 其 逐其黨。 於公曰 世 世子,夫人之故 子羞之,蓋 夫人嬖故 前 聵 以 將 謂 也。 殺 也。 夫人。 余。」公爲 夫人行 靈 公以 夫 人 惡 出 惡 夫 世 聞

> 安其 保 講 也。 言 定。 而 其母,爲 讀 迎合夫人之意 弗 然則傳言大子 太子 前 世 慙 曰 爲 故 日 身而 5,既 子 : 蒯 「蒯聵 終《 以以 則 聵 世 聵 而 將 惡 致事 春 出 以 獨 出 欲 使之去 子 殺予以誣 其大夫,又出 愈 謂 得 秋 奔。 殺 所羞者,以夫人名惡也。 夫人。 甚,反不 覺 》,衞 全 或 與 南 而 乎? 《春秋》書之,兩著其罪。」 出 或 本 子 戲 爲 奔 也 而 亂 陽 是言以 之耳。又宋,南子 夫人惡其斥己淫 以 者 敗 知 速 未 蓋 得 以 走 可 非 謀 其世子,致國 已,靈公爲之也。 蒯 寵 其 歟 罪 羞乎? 殺少 聵 免禍 ? 南 南 家乎?」胡 聞 子 君,速許 子 野 戲 耳 故 故 陽 Ħ. 之歌 不 殺 劉 速 本不 如 能 侍 家 則 夫 殺 侍 而

衞公孟彄出奔鄭。

子 强 之黨 比 歲 見 帥 逐。 師 則 則 衞 夫人 之正 與 卿 人其黨 也 益 至 得 是 以 亦 自 以 恣 #

而無忌矣。

宋公之弟辰自蕭來奔。

大蒐于比蒲。

政也。」 公出 行,皆 必書公。 矣。」孫莘老曰:「《春秋》田狩之事,公行者 張主 也。 — 曰 曰 公矢魚于棠,公狩于郎,政 大蒐,而 自 蒐 「蒐而邾子來會公,則公親蒐 于紅,政在三桓。 不曰 公, 見公不得 雖 公 猶 爲 自 自

報。

去年滅頓,今年滅胡,所以

報

怨

也。

邾子來會公。

禮,故曰會。據莊二十三年蕭叔朝公。杜元凱曰:「會公于比蒲也。」來而不用朝

城莒父及霄。

邑。此年不書冬,史闕文。」杜元凱曰:「公叛晉助范氏,故懼而城二

十有五年春,王正月,邾子來朝。

鼷鼠食郊牛,牛死,改卜牛。

曰:「食非一處也。」 包:「食非一處也。」 一處也。」 一處也。」 一處也。」 一樣也。」 一樣也。」 一樣也。」 一樣也。」 一樣也。

二月辛丑,楚子滅胡,以胡子曰:「食非一處也。」

皆在,曰以侵楚也。是後楚有吴患,不能日。家鉉翁氏曰:「召陵之會,頓、胡之君胡嘗會諸侯于召陵故也。以其君歸,故一月辛丑,楚子滅胡,以胡子豹歸。

命矣。」 又貪 也。 《左氏傳》曰:「吴之人楚也,胡子 俘其邑之近胡者,所謂國必自滅 命』。」胡侍講曰:「胡子豹乘楚之約,● 之近胡者。 國君造命不可委命者,既 生忍 楚既定,又不事楚,曰『存亡 辱,不死 于 社 稷, 以 則 盡 爲 而 是不 有 俘 滅之 楚邑 命 知 有 而

夏五月辛亥,郊。

❶ 「約」,四庫本作「患」。

二六

口:「正月改卜牛,若在滌三月,則當以四穀梁傳》曰:「五月郊,不時也。」汪仲裕

月郊。 其瀆 吉,又卜五月,凶,必龜從 ト牛,不書ト 於今郊於五月,蓋卜以 1 而 從 郊者,卜郊不從 則 但 書 郊之過 而 郊 則 几 也 時 書 月 以 之 但 郊 譏 以 書 而 其 譏 改 不

慢耳。」

壬申,公薨于高寢。

所。」《穀梁傳》曰:「高寢非正也。」杜元凱曰:「高寢,宮名。 不於路寢,失其

鄭罕達帥師伐宋。

宋、欲 嵒、戈、錫」是也 杜 元 宋平、元之族 凱 取 曰:「宋公子 地 以 處 之。」の哀 自 蕭 地 奔鄭,❷鄭人爲之城 奔 十二年《左氏傳》 鄭 鄭 人爲之伐

齊侯、衞侯次于蕖蒢。

《左氏傳》曰:「謀救宋也。」

邾子來奔喪。

示

服

也。

邾

始

强,世有

惡於魯,

而

常

恃

晋

何 ?

諸侯無奔諸侯之喪者。邾子來奔喪

禮以 以 爲重。 示 服 至是衰微 從, 庶 免 侵 而晉亦不競,故 伐 之禍 也 何 躬 休 爲 氏 非

曰:「天子崩,諸侯奔喪會葬。」

秋七月壬申,姒氏卒。

爲適夫人? 定姒從夫謚,而終定、哀之世姒氏者何? 定公之適夫人也。何以知其

他無定夫人喪,則其爲定公適夫人明矣。

然則 君 宣、襄、昭 而 何以 魯臣 不 四 不以 稱夫人? 妾母, 羣 夫人之禮 臣 吴先生日 皆 喪 逢 其 君 之意 母: :「哀未成 也。 而 尊

之。定、哀之際,君弱臣强,嗣君之母,先

●「繭」、原作「繭」、今據四庫本改。●「取」上原衍「地」字、今據四庫本删、

二七〇

君之適夫人也,乃敢蔑其君 而卑其母 焉。

甚矣魯道之衰也!

八月庚辰朔,日有食之。

九月,滕子來會葬。

罪

而

取讙、闡。

三家謀國不忠之罪

也。

以

土地之故勞民啓怨。

二年取其田,七年

事魯謹矣。

哀公初立,魯人不務善鄰,

而

俘其君,卒使吴人乘間

以

伐 其 國

齊

人 問

家鉉翁氏曰:「周衰,小國以事王朝之禮事

魯君嘗奔齊、晉之喪矣,故邾、滕二

君來奔喪會葬。 書之,著其失也。」 大國。

昃,乃克葬。 丁巳,葬我君定公。 雨,不克葬。戊午,日 下

《左氏傳》曰:「雨,不克襄事,禮也。」

辛巳,葬定姒。

禮,而不稱夫人薨,故 小君者,夫人之别號。 杜元凱曰: 「反哭於寢、故書葬。」 葬亦不稱 既不 喪以夫人之 小君 也。

冬,城漆

杜元凱 城漆,謀伐邾也。定公之喪,邾子來奔 曰:「漆,邾 庶其邑。」 張主一曰:

> 後 學

春秋集傳卷第十四

成德 校訂

## 春秋 集傳卷第十五

新 安東山 趙汸 輯

### 哀 公

楚子、陳侯、隨侯、許男圍 元年春,王正月,公即 位

六年,鄭滅許。 左氏傳》曰: 「報柏 此復見 舉 也。」杜 者,蓋楚存之。」 蔡 元 凱  $\Box$ : 定

夏 鼷 四四 鼠 月辛巳,郊。 食郊牛,改卜牛。

高 抑 崇日 「魯不當郊。 天既 示 變以 警之,

況公斬然在衰絰之中,乃行天子之禮以見

而

改

1

牛,是違

天 也。

雖

4

猶

非

郊

時

上帝, 可乎?

秋,齊侯、衞侯伐晉

不書 傳言欲救 師? 范氏。 爲 内 諱 師 伐 及 盟 齊、 主 衞 也。 伐 晉, 陳 則 氏 何 傳

主而 是而 伯 興,圖回數年乃助其叛臣 衞爲之也。」黄震氏 之不以正,可羞也已。」許 春秋之季,諸侯 初,諸侯無王者,齊、鄭、宋、魯、衞 於是而後書,春秋蓋將終焉。 書,書次垂葭。《春秋》誠有不忍書也。 曰:「伐 也 窮矣。」 諸侯伐之、《  $\pm$ 夷 道 儀不書,書 既 盡 無 春秋》特 伯 伯者,亦 曰:「齊景 統 次 復亡,春 五氏。 翰氏 書以 范氏 齊、鄭、宋、魯、 欲 曰:「晉爲伯 著 而 是故春秋之 伐 秋之變至 伐之。 抑 中 爲之也。 河 或 晉以代 之 内 行 必 無 不 以

0 牛」前, 四 庫本有「改卜」。

冬,仲孫何忌帥師伐邾。

忌帥 年 師 伐 王二月,季 邾 取 漷 東 孫  $\mathbb{H}$ 斯 及 沂 叔 西 孫  $\mathbb{H}$ 州 仇、 仲孫 何

癸巳,叔 于鄖 是内 名氏 郭沂 伐 吾 曰 其 大 之田 伐 ,外盟皆不書,不足書也。 者,季孫 夫 或 孫 雖 七年。 及 而 邾 州 而 要之盟,故異之也。 諸 仇 或 將伐 受盟。」何休 仲 不與 侯 萊門盟吴不書,八年 盟 盟 絞。 孫 亦 盟 恒 不 何忌及邾子 也。』《陳氏 不月,此 邾 書。」十二年。 人愛其 氏  $\Box$ : 其 是故 盟 傳》曰: (土,故 《左氏 日之何 再 于句 杜二説 鄫 出 甚 者 衍 大 賂 繹 白 傳 會 盟 夫 以 皆

夏四月丙子,衞侯元卒。

非

是

滕

子

來

朝

**曾趙鞅帥師納衞世子蒯聵于戚。** 

自蒯聵出奔,傳言靈公嘗再欲命立公子郢

絶。 辭,且 君 聵 聵 輒 言 矣, 而 氏 遂 不 曰:『怨乎?』曰:『求仁 而 蒯聵子,豈不知之? 蒯 『伯夷、叔 納 出 過 乎?』子貢曰 拒 出 貪 遽 以 日 聵 而 國 : 其 故稱世子者 立 爲 以 奔,靈公未嘗有命廢 人 于 而 郢 「稱 父也。 皆正其世子之名。」胡 罪人。 叛父,逆人理 疑 戚者,爲輒 于其位, 立 固 齊何人也?』曰:『古之賢人也。』 似之迹出奔以待父之察尔, 輒 「亡人之子輒 世子,明正 解。 未嘗有 冉有謂 及靈公薨,國人援己以 : 則輒 靈公卒,夫人欲立之,郢 ,所以深罪輒之見 「諾。 所 靈 之無 以滅 子貢 見其父奔逃于 拒,不得入于衞 也。」孫 公之命也 在。」乃立 吾將問 ※父可 之,則 性,故孔子 日 而 侍 明 得 『夫子 知 之。 復 講 蒯 矣。 輒。 日 日 聵 蒯 立 人 二、「其 又 於蒯 外 爲 不 爲 江 輒 聵 E 則 也。 何 衞 辭 未 蒯 巸 而 廢 終 初

爲 帥 師 禦之。

七

74

冬十 月,葬衞 靈 公。

尊,

叔

齊

以

天

倫

爲

重

一, 仲

尼

爲

求

得

者

也

然

則

爲

輒

者宜

奈

何

? 以

宜

辭

於

或

H

『若以

父

爲

有

罪

將

從

 $\pm$ 

父之命

則

有

怨?

出

日

:『夫子不爲也。』伯

夷以

父命

何 許 有 ? 請 月, 遷 蔡既 于 蔡遷 楚 以 不 旲 于 人 月 州 郢 來 蔡 復 請 其世 遷

于

吴

則

其

書

月

仇

, **0** 其

依

吴

以

口

書月。

避楚,非得已也,故得 與邢 衞

罪

', 則

或

乃世子

之國

也,天下豈

有

無

父

之

社稷之鎮公子在,我

焉

得

爲

君

以

爲

無

或

哉

而

使

我子

V.

乎

其位

?

如

此

則

言

順

子

舍

爵

禄

而

去之可

也。

焉

有

父子

争

或

而

而

事

成

矣。

若

輒

利

其

位

以

拒

父,

則

衞

之

臣

聵

自

戚

人

于

衞

衞

侯

輒

來

奔,

則

是

輒

拒

父

口

爲

者

乎?!

陳

氏

(傳)) 日

:

「後十二

年

而

蒯

也

屬

辭

比

事

則

輒

萬

世

不

口

掩

矣

蔡 殺 師 左 其大夫公子駟 氏 師 傳》 畢 入,衆 曰 : 吴 知 之。 洩 庸

蔡人 也。 之。 子駟 悔 「元年,蔡請遷于吴。 其 聽 胡 以 蔡 謀之不臧甚 説。 侍 命 殺 講 而 駟 還 冬,蔡遷 以 師 説吴,言 矣,於是請 楚既 矣 于 中悔、故 降 州來。」 蔡 如 及吴將襲,蔡 蔡 不 侯 蔡 遷 時 使 告 納 吴 于 遷 杜 疆 大 聘, 吴 人 于 元 夫, 駟 因 而 而 江. 凱 爲 乃追 聘 復 殺 稍 汝 Á 之 襲 公 納

范 孫 鄭 氏 明 師 以抗 復 鄭 敗 日 既 績 晉 叛 也。 皆言 晉 從 趙 帥 齊 鞅 師 故 者,范 其 轉 衆 粟 敵 氏 以 也 之仇 餉 范 黄 也, 氏 震 故 助 氏

鐵

秋

八月

甲

戌,

晉趙

鞅

帥

師

及

鄭

罕

達

帥

師

戰

于

0 「吴入」,原作「入吴」,今據四 庫 本乙

罪於執政,其誰之咎也?」

人,猶 者, 鄭 也。 之衞 則 世 稱 韋 牢 爲 世 年 而 宋合諸侯之師 戚 -于鄭。 子忽、宋彭城、鄭 世子 子 衞 於 出 春 以 而 1,齊國 削之情見矣。 韋 昔者楚取宋彭城 蒯 師 蒯 鄭 必繫彭 何也? 邑 戚 聵 助 也 不當黨逆故 不服,諸 聵 此 特 雖 在 衞 夏、衞 在 以 魯 不 戚 人 齊大夫主兵以 城 戚 齊卿 史 輒 繫 修《春 韋 以圍之。 於宋。 石曼姑 侯 舊 衞 而 之, 據 主兵,乃獨 高 以 虎牢三特筆 以異 文,夫子實 也 輒 秋》之特筆 或 伯 以 抑崇曰:「齊與 則 不 帥 以 令戍之, 晉取 居宋之叛臣,晉 八之也。 是 其圍 是故 當 拒父, 師 齊 韋 有 韋 鄭 人 蒯 不 衞 也,雖 國,父 戚 因之正 比 學者 虎 助 繫 而 聵 猶 世 邑 而 牢 子 戚 齊 出入皆 心 而 三觀之, 、晉爲 以 不 以 於 有 韋 時 繫 卿 不 名, 鄭 可 衞 虎 偪 宋 爲 又 繫 父 衞

> 以 臣 仇 輒 是命 伐 也 若 君 於諸 許 蒯 翰 聵 衞 侯,君子是 人; 以 氏 日 父子争 則 : 衞 晋 從 或 以 公晉矣。 以 一,而 君 知齊之不足以伯 臣. 齊 稱 此 助 兵 齊 子 所 而 韋 齊 以 爲 助

夏四月甲午,地震。

而

將

有

蜀

也

五月辛卯,桓宫、僖宫災。

家者, 諸侯 矣。」劉侍 公之十世 由 也。』《穀梁 《公羊傳》曰:「不言及,據 我言之,則  $\overline{\mathcal{H}}$ 出 廟 於 讀 祖 而 桓 傳》 曰 : 也。 + ,立於僖,以是爲悦者也。」 曰:「言及 也。 世、七世之廟 「桓、僖宫曷爲不毁? 僖公,哀公之七 孫 幸 老 則 雉 日 門 祖 兩 存 有 觀 焉,非 世 尊 桓 言 及。 公,哀 卑. 祖 也。 禮 敵

季 孫斯 杜 元 凱 叔 日 孫 「魯懼 州 仇 帥 晉 師 故 城 啓陽 比 年四城。」趙

 $\Box$ 晉 越 齊、 衞 而 後 至 魯, 魯 何 虞 而 鵬 備 形

二七六

命 啚 城 取 矣。 ; 近 田 ? 而 敵 疑 啓 取 中 陽 邾 故 田 失 伐 在 城城 帥 而 我 今 師 外 邑,兵役 沂 鍵,本 也 故 州 備 地 之。 地 · 亡 而 相 震、 近 繼 許 邾 末務 廟 可 可 翰 0 災, 氏 謂 元 日 此 變 年 不 魯之 畏 異 伐 天 弗 所 邾

宋樂髡帥師伐曹。

季

世

也

薛士龍曰:「討樂大心之亂也。」

蔡人放其大夫公孫獵于吴。秋七月丙子,季孫斯卒。

杜元凱曰:「公子駟之黨也。」

叔孫州仇、仲孫何忌帥師圍邾。冬十月癸卯,秦伯卒。

几

年

春

, 王二月

庚

戌

盗

殺

蔡

侯

申

公孫 何 此 爲 公孫 不 弑 書? 君 翩 而 弑 赴 其 不 以 君 以討 盜 也 也 賊 曷 告 爲 於是 也。 書 或 盜 夫盜 ? 人 殺 蔡 有 翩 人 諱 司 則

> 之所 大 以 君 初 者 而 詰 見 爲 而 蔡之無臣 弑 不 而 君 以 不 諱 討 以 而 賊 君 子 告, 己, 臣 也。 其 之禮 則 不 既 誠 治 赴 莫 以 也 大 盜 焉 故 蔡 人 彻 殺

> > 是

弑

蔡公孫辰出奔吴。

出 聞 邾」,『公子 陳 奔吴』, 乎殺矣。 氏 傳 **\*** 則 曰 : 慶父出 辰 書『 與 盜 書 聞 殺 奔 乎殺矣。」 公薨, 古 。 蔡侯 申 則夫 夫 Ė, 人 『蔡公孫 姜 氏 慶 父 孫 與 辰 于

葬秦惠公。

宋人執小邾子。

程元凱曰:「皆弑君黨。」 夏·蔡殺其大夫公孫姓、公孫霍。

晉人執戎蠻子赤歸于楚。

者 也 此 之命 陰 黄 地 震氏曰: 也 大 夫 趙 也 孟 則 「晉人執 之謀 其 日 或 晉 如 夷狄之君 此 人 , 宜 何 ? 晉 而 之 有 歸 不 當 之 競 或

戎 蠻 雖 曹 執執 小邾 子,欲争 伯 也。 故 齊侯伐

邇于楚,亦嘗服屬諸夏。 楚乘 其 亂誘其君

楚,是晉爲

楚役

也。」家鉉

翁

氏

티 :

而殺之, 戎於是 自拔 歸晉。 晉人苟畏楚,

拒 弗納 也 其去 適 他 或 亦可 也,

而

可

聽

而

乃 詐 而 執之以歸于楚,是以事 京 師 者 而 事

城 西郛

夷狄矣。」

六月辛丑,亳社災。

范甯 氏 曰:「亳即 殷。 武王克殷,班 其社 於

社屋之,不受天陽。」唯 諸侯以爲亡國之戒。」●《記》曰: 其有屋,所以災也。 喪 國之

秋 八月甲寅,滕子結卒。

冬十有二月,葬蔡昭公。

葬滕頃公。

五年春,城毗

夏,齊侯伐宋。

王貫道曰:「 齊方挾諸侯以伐晉,而宋人伐

> 晉趙鞅帥 師 伐衞

《左氏傳》曰:「范氏之故也。」

秋九月癸酉,齊侯杵臼卒。

冬,叔還如齊。 閏月,葬齊景公。

瑕

六年春,城邾

高 迫邾也。」汪仲裕曰**:**「 .抑崇日 : 「瑕,邾邑,而魯遽城之,見魯之 魯有負瑕,故稱

别之。」

晉趙鞅帥 師 伐鮮 虞。

 $\Rightarrow$ 日 (左氏 \_; \_\_ 四 傳》曰: 年, 鮮 「治范氏 虞 納 荀 之亂 寅 于 柏 也。」杜 故治 元 凱

其亂。

吴伐陳。

左氏傳》 日 「吴之入楚也,使 召陳懷公。

0 一戒」,原作「戎」,今據夏鑓本、四庫本改。

二七七

邾以

道 侵 陳 逢  $\Box$ : 也 陳 侯 滑 從之。 日 夫差 春,吴伐 黷 及夫差克 兵脩 盟主也。 陳, 怨 復 於 脩 越,乃脩先君之怨 中 以晉辭吴,若何?」 舊 或 怨 自 也。 取 張 滅 Ľ. 主 之

夏,齊國夏及高 張來奔。

矣。」《 高、 許 奔 齊 翰氏 或 崔 齊陳乞弑 陳 杼 曰 : 高、 氏 弑 傳》 其君 或 陳乞將 奔 日 其君茶』,聖人 光, 而 後 立 齊 陳 齊 陽 殺 乞 生 或 其 弑 (垂誠) 夏 大 君 乃 及 夫 之 以 深矣。 高 謀 高 詐 張 厚 得 謀 來 肆 逐

叔還 趙 鵬 往 形 會之。 日 \_; \_\_ 吴既 伐 陳 魯懼 兵之及我, 故 叔

還會吴

于

柤

秋 七 月 庚 寅 ( , 楚子

齊 齊 陳 陽 乞弑 生 人 其 干 君茶 齊

衞 故曰 始謀 陽 長,景公出 者,亡公子 者罪陽生? 荼,則乞爲陽 聞 H 生爲僇矣。」家鉉 弑君之罪,則乞廢立之迹不明 陳乞召之。  $\vdash$ 不能篡立, 曰:「乞爲首惡,故 衞侯人于夷儀,衞甯喜 乎故 侯弑 : 生使朱 陽生 「陽生正、茶不 人于齊。 廢 也。 也。 立 者,陳乞也。 毛弑荼, 入齊,而 而已。 而 長 荼之弑,陳乞爲之。 齊陽 不以 於是 茶 生 立 兩舉 弑 亦不至於 幼 生 翁 陽 乞不有 也。 齊 Ė 陳 其罪 人 書 則 氏 以 生首惡者,陽生之人, 政 乞弑 于齊,齊 弑 曰: 曷爲書陳乞首 是 曷爲 苟 由 也。」《言 不 弑 其 召 見 非 Ē, 無 陳 君 君 其君剽, 蜀 陽生於諸 弑矣。 不 陳乞, 君 氏 陳 則 陳 則 以 也 矣,彼 之心,則 陽 氏 一何 其 乞 是 罪 加陽生 穀 生 得》曰 弑 則  $\vdash$ 齊 則 陽 孫 梁 實 君 子 陽 喜 休 陽 惡 無 其 生 幸 傳 篡 爲 爲 氏 以 與 何 陽 生 君 老 生 知

歸,於魯言來,内外之辭也。」

也? 茶雖一 不正,已受命矣。

冬,仲孫 何忌帥 師 伐邾。

宋向巢帥師伐曹。

七年春,宋皇瑗帥 師 伐 鄭

《左氏傳》曰:「鄭叛晉故

也。

晉魏曼多帥師 侵衞

《左氏傳》曰:「衞不服也。」高抑崇曰:「衞

輒

自

討,而以范、中行氏故加兵於衞,何哉?」 拒父至今六年矣,猶未納也。 晉人不以此致

夏,公會吴于鄫

秋,公伐邾。八月己酉,入邾,以邾子益來。 薛士龍曰:「伐邾本三家之謀,而公親之,

伐魯,復邾子故 茅夷鴻保於茅,請救於吴。 也。」蘇子由曰: 不得已也。 公内迫於三家,三家歸過於公 也。」杜 「其不書滅何也? 元凱 明年, 曰:「他國言 吴爲之 邾大夫

宋人圍 曹

冬,鄭 陳 氏 駟 弘 傳》曰:「書救 帥 師救曹。

年矣。 也。 相救 自魯救晉,凡晉、楚之救皆不書六十 其 也。 再 諸侯 見 何? 自 相 以 曹何? 救猶 中國 口 無伯, 曹卒滅於 也, 吴救 ൬ 諸 陳 侯 宋

八年春,王正月,宋公入曹,以曹伯陽歸 有其 滅國 諸夏亦幾於亡矣。」 益 此 不言滅,吴入郢,不言滅,公入邾,以邾子 來,不言滅。 滅矣,何以不言滅? 地,必有能興復之者也。 而弗有其地者不以 於是宋公入曹,以 滅告。 不 以 滅 故狄入衞,

滅

或

而

弗

曹

伯

陽

不救,則以中國 而 鴻之臣故也。 歸,而鄭方救曹侵宋,宋人猶未敢 有 其地 也,故不 無伯,而曹無申包胥、茅夷 以 滅告。 然 加 曹遂亡 滅 而 曹

告

也

凡

二八〇

吴伐我

蘇子由曰:「不言四鄙而直言伐我,兵加 于

國都也。於是爲城下之盟 而還。 不書,諱

我。反己自咎可 也。」

之也。」汪

一仲

裕

曰:「我入邾,故吴爲邾伐

夏,齊人取讙及闡

羊傳》曰:「爲 外取邑不書,此何以書? 以 邾子益來也。」孫明復 取諸我也。《公 日

歸 邾子益于邾

邾子益,齊甥

也。」

《左氏傳》曰:「齊侯使如吴請師,將以伐

我。 乃歸邾子。」

秋七月。

冬十有二月癸亥,杞伯過卒。

齊人歸讙及闡

左氏傳》曰: 齊間 丘明 秋 來涖盟 7,及齊 平。 十二月,齊人歸 臧 賓 如 如 齊涖 讙

> 也。 及闡。」然 非卿,名氏不登于策,魯史舊章也 則交涖 盟 何以 不 書? 皆 非 卿

九年春,王三月,葬杞僖公。

宋皇瑗帥 師 取 鄭 師 于雍丘

《穀梁傳》 取 易 辭 也。 以 師 而 易取

氏曰:「鄭以不義深入敵境而圍其邑,此固 鄭病矣。」趙伯循曰:「取,悉俘之也。」許翰

喪師之道也。」

夏,楚人伐陳。

《左氏傳》曰:「 陳即吴故也。」

秋,宋公伐鄭。

冬十月。

十年春,王二月,邾子益來奔

吴人討邾,奉太子革爲政,故邾子來奔。

公會吴伐齊。

《左氏傳》曰:「九年,齊侯使辭師于吴。 曰:『昔歲寡人聞命,今又革之,不知所從,將

春,公會吴子、邾子、郯子伐齊南鄙,師于進受命於君。』冬,吴子使來儆師伐齊。十年

息。」●杜元凱曰:「書會,不與謀也。」

三月戊戌,齊陽生卒。

弑而書卒,從赴也。義同鄭伯髠頑、楚

子麋。

夏,宋人伐鄭。

鄭人復取宋師,亦其取之也。」之,亦云憯矣。而比歲凡三伐鄭,十三年汪仲裕曰:「鄭雖不義,宋覆其師而盡取

晉趙鞅帥師侵齊。

然趙鞅乘其有喪而加兵焉,異乎士匄矣。」高抑崇曰:「齊帥諸侯以貳晉,可以討矣。

五月,公至自伐齊。

月以異之。高抑崇曰:「齊接魯境,既聞其伐來。此其月之何? 以會蠻夷伐中國,故凡會伐而書至恒不月。據桓十六至伐鄭、宣七至

葬齊悼公。

衛公孟鴉自齊歸于衛。

杜元凱曰:「書歸、齊納之也。」

薛伯夷卒。

秋,葬薛惠公。

冬,楚公子結帥師伐陳。

吴救陳。

矣。 른 楚比 中國 非能 歲 鄭救曹,則中國無伯,諸侯自相救也。 無 以 陳氏 伐 伯、諸侯自 存 陳, 中 (傳》曰:「自魯救晉,凡救皆不 或 争 爲 陳 義者,利 相 於吴也,故 救,《 春秋》憫焉而特 陳 之私 旲 救 於 陳 我 旲 而

1 「息」,四庫本作「鄎」。

書之。

吴救陳,諸

夏幾於亡矣。

《春秋》之

所 甚 懼 巾

有 杜 元 凱 年 春 齊 不 國 書 書 敗 帥 勝 師 伐 我 不 殊 也。」

夏,陳 轅 頗 出 奔 鄭

 $\Box$ 

負

五. 月,公會吴 伐 齊

會 戰 而 但 言 伐, 何 也 ? 公 不 與 戰 也。 會

伐

一義

也

戦

義

也。

薛

士龍

 $\Box$ 

吴

自

人

:

還 郢 會之于柤,公又會之于 之後,久不能見公也。 曾。 六年伐陳,吾 吴以 邾 故 伐 叔

我,而 書之報。 一邑,我 齊取 不之真,因 於是卒會吴 讙 闡 由 與 是 吴合 而 齊、魯 勝 圃 齊。 伐 始 濟,故 吴之威 睽 有 齊 加 或 歸

於 中 夏,魯有力 焉。 ^ 春 秋 再 書公會伐

甲 戌 有 以 齊 見之也 國 書 帥 師

及吴

戰

于

艾

陵,

齊

師

敗

績

獲 於是 齊 或 將戰,吴子 書 呼叔孫,賜之甲、 劍、 鈹

則

諸 伐 魯 齊 侯 與 ), 而 以 戰 矣。 兵 戰 屬 則 其 夷 從 不 狄 其 以 皆 恒 與 不 辭 戰 序 之 魯 也 辭 人 言 既 屈 書 之 於 公 何 强 會 夷 也 吴 而

冬十 秋 七月 有 辛 月 西 葬 滕 滕 子 隱 虞 母

求

伸

於

中

或

丁,其

罪

不

可

掩

衞 世 叔 齊 出 奔宋

末, + 欲 高 |抑崇日 自 何其 蓋 專,始 君之 出 :「《春秋》書内 則 股 奔 相 之 肱, 猜 多 故 相忌,終乃相 也 重 ! 而 外大夫出奔者凡 是 書 時 之。 政 攻 在 然 相 大夫,各 春秋 逐 也。

+ 有二年春,用  $\mathbb{H}$ 賦

也。  $\coprod$ 以 加 Ш 丘 賦,言以 賦 謂 也 其 賦 者 制 井 據傳 則 田 之 周 不 爲 制  $\mathbb{H}$ 得 仲 率 也 賦 也。 而 尼 者 詳 日 今 \_; \_\_ 斂 知 不言 改 取 矣。 以 用 其 丘 井者  $\mathbf{H}$ 財 何 亦 뒜 物 休 足 城 矣。」 是 也 E 郭 加  $\vdash$ 賦 里 用 則

吴,空 巷 亦有井,嫌悉賦之。 軍 盡 賦 + 或 儲 六 0 井不 故 過 復 一乘。 用 禮,稅  $\coprod$ 賦 哀 民 也。」杜 公 田 外 不過 元 慕 凱 强 什

也。」 别 通出 曰:「一丘十六井。 其 鄭康 馬一疋,牛三頭,是常賦之法。今欲 田 及家 成曰: 財,各爲 見古者不以田 丘賦之法,因其土財, 賦,故 爲賦,而 言 用 田 今 賦

夏五月甲辰,孟子卒。

用

Ш

爲

賦

也。

《左氏傳》曰:「昭公取於吴,故不書 結 婚 以 本喪矣。」吴先生 不知其 君。」胡侍講曰:「禮,娶妻不取同姓,買 不赴,故不稱夫人。 好 姻 姓 强 不 而 姓 吴, 乃 通 弗 别,合之以食而 則卜之。厚男女之别 周 取 道 司 然 姓 也。 "「不書薨、葬,亦以見 不及哭,故 以 混 昭 公 男女之别,禮 弗殊,雖 不 謹 也。 不言葬 於禮、欲 白 姓 綴之 世 之 妾 小 死 而

> 魯人不以夫人之禮喪之也。 出之而 葬不備,況夫人乎!」 昭

公,

君

也

Н.

公會吴于橐息

宋向巢帥師伐鄭。 秋,公會衞侯、宋皇瑗于鄖。

冬十 有二月,螽。

麵 初。 발 杜 爲來歲之災矣。」 地,冬雪乃深入。今冬燠而 螽 螽十有八,皆在 螽,實亦十一月也。」趙鵬飛曰:「《春秋》書 生,災 ,皆在閉蟄之後。 元凱 而 尚温,故得有螽。 失  $\Box$ 不 異 一一周 置. 兩 興也。」黄震 十二月,今十月。 雖 夏、秋。 書十二月,實 此恒燠之證 至明年,復 獨哀公之世 氏 有螽 曰:「蝗 今 也 是 將蔓 十二 九 歲 月 蝻 燠 再 應置 月 之 延 書

在

而

0 盡」,原作「畫」,今據《春秋公羊 傳注

單平公不書,不忍書也。

夏,許男成卒。

十有三年春,鄭罕達帥

師

取

宋

師

于嵒

公會晉侯及吴子于黄池。

伯對 然其 吴至 侯之 以 台 單 亦 後 往 夷 假 往 狄舉 同 切 殊 爲 平公與 會之。 「吴、晉之盟、《春秋》終諱之,不以吴、 禮 壽 子爵 是 吴人之辭 盟 以 禮文不典,是以中國之君皆自爲會而 主 -號,君 盟 始 夢 而 號 也。 也。 也。 以 竊 争 舉 會矣。 吴僭 先 侯 故雖吾君之大夫與之特會,亦 而 稱之也。 臣同 公會晉 伯 有 歃 릲 此 之禮 其稱 也,卒先晉人。 王猾 曰「執事以伯召諸侯」,蓋 一辭,故 何以不志?《 黄池,晉、吴兩主之會, 吴子 侯及吴子,雖 此 以 夏,其與諸侯交接 盟 柤 與諸侯 何 ? 矣, 之會 何以 接, 書會吴,傳 又子服景 始接以諸 陳 不書? 而 兩 氏 主之 魯 傳 史

楚公子申帥師伐陳。

於越入吴。

其國 心。 薛 憂矣。」胡侍講曰: 諸 而 復與晉人争長。 而 漢滅之。 楚滅之,楚又不 侯 1: 龍田 都 於外,而越卒入吴。 既破楚,又有驕齊之志。 矣。 : 曾子曰:『戒之戒之! 「吴子忘不共 吴侵 中 自謂莫之敵 「吴嘗破越,遂有輕楚之 監 . 或 而 而 秦滅之,秦 越 戴 所 滅 天之讎, 謂 Ž, 也, 無 既 越 而 遠 勝 又不 越已入 又不監 出 慮 争 齊師 乎尔 中 有 監 或 近

秋,公至自會。

者,反乎尔者也。』

晉魏曼多帥師侵衞。 公會吴、楚恒不致,此以會晉侯,•故致之。

之辭

而《

春

秋》

終不

以吴、晉同

主盟

也。

葬許元公。

九

月

冬十有一月,有星孛于東方。

書星 杜. 元凱 所 變者四 在之次。」 皆爲 平旦衆星皆没而 凡星變無不書,而《春秋 天下紀異 也。 孛乃見,故 莊 公七 》所 年 不

 $\pm$ 雨 四 以 月 示 是時 辛 義 卯 諸 丽 夜, 天下大 侯 恒 無 星不 王 權 而 由 伯者興,雖 見,夜中, 此 實 歸 齊、晉 星 日 假 隕 人 尊 如 盜

天 齊 情 下 絶 桓 伯 望 一大變 功,而 於 周 矣。 也。 莊王、僖王崩葬特 故夫子 文公十四 於莊 年,「 公之篇 削 不書, 孛人 初 北 此 序

於是始 方,中 半。 夫子於晉 之使,諸 國罷 是時 侯不爲之變,王 是年 靈 於 晋 會 戰 君 盟 頃 伐,齊 少,不在諸  $\pm$ 不 崩 序諸 商 葬 侯,而 復 一室益 人弑其君 削 侯, 不書,又一 楚 以 而 君 微 執天 楚 將稱 矣。 啚 大 君 故 子 北

> 國,而 侯 之時,東方諸 丘. 變 無勤 也 而 後 春 。 普 王之師 昭 秋終焉 公十 不復能 侯制 Ė 而 年,「 於吴、越、天下將變爲 春 以 主 秋治在 其時考之,皆非常 夏 有 盟 星 孛 夷狄矣。 子 于 朝 大 之 辰 亂 哀 公 戰 平

異也。

殺

陳

夏區夫。

十有二月,螽。

十有四年春,西狩獲麟。

諸 作 犧 以 出 麟 《春秋》 衰,天下大亂, 也。 氏 應之,麟、 也 侯未有能用之者,固嘗 而 鳳 王 昔者 鳴于岐 曷 獲 而 麟 爲 河 有聖人受命,則天必 鳳、 則 止 出 何 孔子生有聖德 Ш 於 啚 龜 以 ,皆天之所 獲 大禹 作《春 麻米 龍 ? 皆 興 是 ^ 秋 而 歎 春 命也。 物 洛 秋 日 而 也 出 : 不 w 爲 产 古 「鳳 得其位 書, 當周 是 出 爲 作 文 故 嘉 聖 於 王 庖 瑞 X 獲

哉 外此 聖,以君子之爲,亦有樂乎此也。」 者 正,莫近諸《春秋》。 圃 終也。」《公羊傳》曰:「麟者,仁獸也。 聖人先天後天而 感之始 也。 至, 於所感,明不 史作《春秋》,以 《春秋》其以天道終乎!」程子曰:「終麟 角 !』君子曷爲爲《春秋》? 則至,無王者則不至。 河 也。 於是西 者。』孔子 不出 也。」 杜元 圖, 狩 觀 敢 凱 獲麟, 曰 : 吾 西 廢天命也。 當瑞 曰:「所感而起,固 天且弗違、《春秋》之終不 狩之獲 已矣夫!」猶 『孰爲來 制《春秋》之義以俟後 應。 而 夫子老矣, 有以告曰 而 絶 知 故王仲淹曰 哉 筆 撥亂世,反之 天瑞之應。 獲 ! 有 疄 待 孰 乃 所 之 有王 文止 爲 有 以 即 爲 來 鷹 辭 魯

後 學 成 德

挍

訂

春 秋

集傳卷第十五

#### 金 居 敬

唯 鮮 識 教 卷、《左氏傳補注》十卷、《師説》三卷、皆居 傅 語 然後孔門之教 筆,聖人精神心術所存,必盡得其不傳之旨, 之教大行。 所校定。 九江 受四 所及 能 臨 亦皆引而不發,姑使自思。 信 川 春 書,即 求 ,嘗謂近 吴 從 秋趙氏 始,資中黄先生以六 之,苟非其 文 領會者,而當世君子亦莫克知之, 然《周易》、《春秋》二經實夫子手 Œ 3 乃備。 公獨敬 疑問,師答以 代 集傳》十五 大 へ儒 人,雖問 每 異 繼出 患二 焉。 卷、《屬辭》十五 初學毋過求意 , 弗答。 趙先 經學者各以 是以及門之士 而 經 後 復古之説 朱 生始就 子 其所告 几 才 書 敬 外 設 後,夏公教授洪都,先生再往見焉。

焉,盡 高 歲,請受《易》,得口授六 先生爲學本末甚悉。 久之, 先生復念黄先 夏公,夏公殊不謂然,乃爲言 等書讀之。 殊 如 有負笈四方之意,乃往九江見黄 春 九 年,平生精力所 不 秋 釋,夜歸别室,取《朱子大全集》、《 江,黄公乃授以學《春 師 得 其所舉六經疑 説 **※**蓋 如是者 始於此。 到,一旦不 數年,覺所 義 嘗往 + 千餘 四 秋》之要。 傳,可 淳 其先君子 條 疑漸 桂 安質諸 以 卦 先生稟 惜 歸 辭 解 也 大義 語 居二 安 教 所 慨 類》 牛 學 復 TE. 授 輯 然

《易》書,曰 《易》象、《春 先人遺書,當悉付子矣。」先生敬起謝之,然 夏公猶 以 枉 : 此 用 秋》書法如何,先生以 心 義易一 力爲 戒,特 大象 也。 出 其 又 夏氏 所 日 聞 一吾 先天

0 此 題爲校點者 所拟

夏公問

異,求 學及 合 辨 守 論 藏 即 請 書 子 短 見 111 於 書 集 具. 首 見 杜 師 得 也 大 題 求 É 朱 失。 氏 説 資 長 對 意 問 學 經 其 是 虞公即 先 陸 不 集 其 之 考 與 黄 1: 舊 絶 論 生 變。 袁公 二氏 其 説。 卒言 玩 之, 夏 公 雍 説 不 筆 校 師 索 郡 起 公所 訪 擬 與 悉 削 IE. 多 先 説 劉 虞公 立 虞 居 求 策 人 悟 有 其 生. 所 爲 袁 侍 公。 教 談 以 考 問 傳 據 書。 更定。 公誠 亦 讀 所 大 不 先 索 几 注 依 公 以 善之、授館 有 以 然 生 嘗 書 江. 未 先 得 夫, 所 與 功 異 閒 者 嘗 無 以 右 日 生 失 聖 得 至 黄 口 出 H 爲 先 少 録 吴文正 悉 之 論 經 未 先 爲 賢 時 後 陳  $\leq$ 完 由 春 擿 先 生 Ì 春 江 氏 義 名 及舉朱 也 於家 其 秋 生 有 西 黄 非 公高 節 面 右 秋 多 新 識 世 × 先 後 與 憲 文 遂 者 名 意 其 契 筆 以 子 章 生 家 舌 則 朱 第 私 如 意 數 弟 所 試 著 削 遂 確 極 子 去 經 臨 口

> 思 見 雖 憾 本 爵辛 經 舊 説 氏 乃 力 可 卓 旨 排 然 詳 **%**0 聞 默 更 析 有 傳 矣。 惜 義,分 衆 焕 著 通 合 補 識 習 蓋 大 説 然 筆 平 0 於 注 陃 實 書 復 削 自 使 集 黄 經 創 就 生 爲 所 非 成 明 之 先 傳 者 任 簡 爲 常 八 由 權 而 先 **>** 爲 不 生 於 復 然 以 類 作 0 黄 雖 ^ 生 有 П 古 後 辨 明 春 交 也 先 蚤 賢 志 之 知 聖 秋 書 互. 生 則 有 者 而 論 六 而 一之義 既 人 傳 與 相 釋 V. 不 亦 未 經 諸 經 歸 使 爲 志, 能 之, 失 岢. 就 公皆 世 故 表 人 未 自 又 傳之旨 者 能 公 之志 名 裹 思 能 Ш 恐 免 卒. 聽  $\Box$ 而 謝 遽 庶 學 始 而 ^ 並 悉 得 世 就 黄 口 春 未 者 集 觀 春 屬 久 其 先 以 嘗 乃 梏 諸 秋 矣 秋 爵辛 其 生 無 不 屬 離 於 家

絶 誼 實 從 故 當 先 雖 疾 生 Ш 病 在 避 隱 地 星 約 古 谿 而 朗 1 覃 Ш 游 思之 時 高 居 功 寒 敬 深 日 與 阳 益 妻 超 姪 詣 跡 倪 有 幾 尚

義

例

觸

類

貫

通

縦

横

錯

綜

各

有

條

理

此

^

左

也

哉

此。 掌。 分體論 既 易知 之後,庶幾 易》、《春秋》經旨廢失之由 聖彖象之辭,則猶 是遂契先天内外之旨,而後天上下經卦序 以質諸虞公。虞公復以 是 先 不 居敬謹識 史作《春秋》無異。 采夏商之《易》以成一代之經,蓋與孔子因 明,乃悟文王 經者毋忽焉。 難 自 也。 故以《思古吟》等篇及行 然上無徵於義皇成卦之序,下無考於三 後 知 上下 獲 其 嘗得廬陵 之 所 方來學者有 ·經所 由 以 然者。 乃備 據義皇之圖以爲 其夏 由 有未然者。 蕭漢中氏《易》説,以 然後知黄先生所謂 分與 氏先天《易》説,先生 述其説于末簡,庶 大 所感發 得於前輩者授之,於 得 序卦之意,如示 竊 有 及《春秋》本旨 狀 聞纂 云 相 爾。 附 似 後天卦序 述 于 者 之意 學生金 師 蓋 八 有  $\sim$ 説 魯 諸 卦 嘗 周 未 如 志 與

# 春秋集傳後序

東

Ш

趙

先

生著《

春

秋

集

傳

 $\approx$ 

屬

辭

 $\approx$ 

^

左

之, 宫 斯 提 書 墩 氏 魚 有 派 刻 學 篁 註 亥 文之顯 司 藏 俾 先 豕 休 之 干 解 御 就 與 之訛 类 邑 程 生 東 史 文 晦 嘗 劉 屬 文 東 Ш 若 富 判 古 遍 富 書 呵 辭 干 屬 氏 簿 有 求 院, 劉 氏 卷。 索之, 夏 並 時 時 不 君 屢借 惟《 司 獲。 行 濟 邪 按 ^ ? 訓 于 屬 恐 而 徽 集 正德 鈔 世 鏜 其 辭 下 後 傳 劉 重 不 **×**, ≪ 抄 是 君 令求 嗚 獲 加 無 録 戊 書 以 左 辰 呼 校 聞 日 原 始 氏 是 嘉靖 子 訂 本 出 解 書 弘 偶 藏 捐 不  $\forall$ 子 戊子 治 知 俸 免 之學 然 汪 秋 間 魯 語 是 刻 則 左

者

聖人之刑

書

也。

夫子

生

丁

季

世,有

無

診,遂 晚,不 生其 書之作 學東峯汪玄錫 與 世。 以 忝 不 此 憤 其 生之文者, 位 子 先 知 吾 左 胡 惟 於 爲 先 善  $\wedge$ 故 夫 丞起兵保捍 元 生 不 得 是假 春 之亂 妄 日 生 學夫子 子 郡 供 辭 古 秋 也 : 平生慷 相 人, 灑 而 知 吾  $\forall$ 魯 甚於 魯 知 乎 掃 爲 其 夫子修經之意 兩 史 者乎 書 嘉 會 我 .! 之役 之序。 問 登 靖 鄉 春 以 慨 齊 者 學不 + 東 井 秋 修 ! 東 大 夾 其 **築** Ш Ш 惟《 經 節 谷 世 判 + 先 在 年 先 亦 卻 簿 有 居 人 春 徘 襃 生 宋 Ť 生, 自 讀 萊 東 君 餘 秋 徊 也。 善 九 潛 辰 卓 兵 先 年 以 Ш 竟 聖 貶 溪 原 秋  $\check{\Psi}$ 卓 生之書 刻 之 日 諸 惡 人 有 七 中 ! ^ 書 如 時 之 公下 嘗 月 知 郡 集 是。 之 恨 垂 也 罪 朔 徒 晏 傳 故 當 與 我 生 法 後 也 相 也 子 先 先 萬 不 而

生

不

以

其

愚

妄

或

俯

從是

正者有之。

竊惟

先

倪尚誼跋❶

之勤 旨 至。 既 尚 亦 昭 明 藁 始 公二 方完。 誼 不 經 更 於 而 及 受 世 須 復 H. 至 春 十七 一謂《屬 (著《屬 教 改。 之志 嘗 討 正 秋 俾 門 歲 論 戊 集 年 在 牆 洪 其 子, 解》時 辭 傳 而 壬寅, 必 頗 武 校 序文中 對 己 有 疾 義 書 推 再 編 酉 序 獲 疢 重著《集 精 相 筆 删 抄, 0 仲 所 窺 難 例 表 削 削 東 冬, 先 列 危 間 密,乃 裏, 而 之權 Ш 史法 生 閣 迄丁 有 先 傳 先 著 千 生 筆 **%** 述精 知 後《 生 而 經 慮 西 遽 未 所 ^ 方草 義 春 謝 集 歲 續 集 著 思 猶 得, (),序文 傳 世 秋 傳 成 妙 創 初 有 矣 **> >** 編 Ž 大 先 契 未 至 藁 初 略 者 陳 踰

乃 以 極 全 生 一,其義 於 暗 功 破 虧 是 聚 然執 訟 經 例之精有《 簣,《 未 經 所 決 館 謂 之 集 下 疑 傳》 屬 厥 生. 而 未 辭》 有 精 發 及成 自 力 可 千 來。 盡 據。 載 書 於 不 此 是 所 尚 傳 以 誼 幸 之 者 不 袐 雖 初 避 至 藁 誠 僭 愚 具 顧 足

焉。 卷。 以 文 億 辭 學 既 見 悉 生倪尚 脱 傅 據 藁 先 會 其 生 藏 誼 間 成 之 謹 也 説 東 識 Ш 特 謹 精 施 遵 舍 櫽 治 括 以 命 而 俟 分  $\Box$ 君 爲 子 初 + 脩 未 飭 五. 敢

1 題爲校點者所加。

二九

就就

用

考正

庶

幾

與《

屬

辭

歸

而

前

後

詳

義

例

節

輒

加

挍

定。

其全書

有

訛

誤

疏

遺

相

大

古

知

畫

虎

不

成

難

逃

譏

誚

然

義

例

始自

昭

公二

+

八

年,

訖

于獲

麟

并

序

中

條

## 鳴謝

《儒藏》精華編惠蒙善助,共襄斯文,謹列如左,用伸謝忱

本焕法師

智海企業集團董事長 馮建新先生

NE·TIGER 時裝有限公司董事長 張志峰先生

張貞書女士

付剛先生

林景觀工程有限公司董事長 陳子舟先

生

京華房美泰建築裝飾工程有限公司董事長 葉騰飛先生

宋軍生先生

北

北

京

星

河

園

壹佰萬元

壹

佰

萬

元

壹佰萬元

壹佰萬元

拾萬元

伍

拾

萬

元

伍萬元

伍

萬

元

本册責任編委本册審稿人

王豐先

陳

殿

